



Ent 10
No 54

~~89~~ 199

C. 22
C. 3







177

O R B I S T E R R Æ

T Y P V S.



CVM ex naturæ necessitate ordo semper requirat generalia particularibus antepondere, totumque parti, ad maiorem oblatæ rei intelligentiam: hac eâdem & ego devinctus lege huic primo nostræ Geographiæ ac Septentrionalium terrarum tomo, universalem Orbis terræ typum, ejusque quatuor partes, Europam, Africam, Asiam, & Americam, quo felicius rem prosequar, præponere debui: & singulis quoque deinceps tomis consequentibus, ut is etiam perfectû semper habeat opus, ac totius universi descriptionem, nec hac utili speculatione privetur, qui vel suæ tantum patriæ delineationem sibi comparaverit. Jucunda etenim est & maximopere necessaria generalium contemplatio, ei qui vel minimam Mundi & naturalium rerum cognitionem habere cupit. Si enim libeat considerare, quis Solis ortus vel occasus, quæ causâ æstatis vel hyemis, unde inæqualitas dierum & noctium existat: quid denique & quo in loco natum, propagatum, actum, gestum, mutatum & conversum jam inde à rerum conditarum primordio fuerit, id omne certè non aliunde melius, quam ex harum quinque tabularum adjunctione sine omni periculo & honesta cum animi voluptate didiceris. Et quemadmodum nulli, quantumvis amplam habitationem nactus, sufficit perspectas habere suarum ædium partes, ut sunt atrium, cella vinaria & penaria, culina,

triclinium, cænaculum, cubiculum, conclave, museum, quò iis commodè uti possit; sed etiam in qua orbis parte & platea, domus ejus sita sit, compertum ipsi esse necessarium & commodum est, ut hinc cognoscat statim, si in civitate tumultus vel incendium oriat, quàm propè vel procul à periculo absit: sic non minùs jucundum vel necessarium, nosse, qua in Orbis parte habites, quos populos vicinos, aut remotiores habeas, ut grassantibus belli calamitatibus, quo metu, quâve animi tranquillitate uti liceat, scire queas. Denique cum Cosmographia sit lumen totius tam ecclesiasticæ quàm politicæ historiæ, & plus ex ea discat otiosus spectator, quam ex longo, molesto & sumptuoso labore peregrinator, qui crebrò cælum tantum, non autem animum mutât: parum utilitatis ex ea capias, si tabulis particularibus generales non adjunxeris. Sunt autem hæ generales Tabulæ collectæ ex magna Orbis terræ descriptione (cujus etiam initium longitudinis, vel primi meridiani positionem in singulis sequuti sumus) & ex magna Europa mea quas *Drysburgi* edidi. Tu interim Lector vale & frue, ac hujus tuæ habitationis ac tibi ad tempus tantum concessæ gloriæ cum Poëta *Buchanano* diligenter considera, qui sic eam cœlestibus comparat, ut animos terrestribus ac rebus hisce caducis immerfos extrahat, & ad altiora ac æterna viam ostendat:

Percipias rerum sit quantula portio, verbis
 Quam nos magnificis in regna superba secamus,
 Partimur ferro, mercamur sanguine fuso,
 Ducimus exigua gleba de parte triumphos.
 Illa etenim moles per se spectata seorsim,
 Magna quidem: si cum stellati tegmine cœli
 Componas, puncti instar erit, vel seminis, unde
 Condidit innumeros senior Gargetius urbes.

Hæc illa est hominum sedes, hæc illa ferarum
 Et volucrum domus: hoc augusto è carcere quantum
 Surripit Oceani terræ circumfluit humor,
 Quique per Herculeæ irrumpens divertia metæ,
 Europam Libycis latè sejungit ab oris:
 Adde huc claustra Arabum, quaque arctant æquora campos
 Hyrcanos: huc adde lacus laxasque paludes,

Et quæ præcipiti labefactant flumina montes
 Vertice, vel pigris stagnant immota lacunis.
 Dùmque hæc vi rapiunt, hæc orbem gurgite mergunt,
 Conditur exigua sub aquis pars maxima terræ.
 Quod superest, magno velut Insula parva profundo
 Innatat: hæc etiam quantum vel squalet arenis:
 Vel tumet in vastos sine fruge, sine arbore montes:
 Vel nimis ardet flammis: vel frigore torpet:
 Vel jacet humano indocilis mansuescere cultu,
 Vel secunda malis animantium in funera succis:
 O pudor, ô stolidi præceps vesania voti!
 Quantula pars rerum est, in quâ se gloria tollit,
 Ira fremit, metus exanimat, dolor urit, egestas
 Cogit opes ferro, insidiis, flamma atque veneno:
 Scilicet & trepido servant humana tumultu.

DE MUNDO.

Nomen
 a quo &
 cur indi-
 1477.



MUNIVERSITAS hæc, quæ ob mentis
 humanæ sacraria magis, quàm oculo-
 rum aciem obversatur, ab elegantiâ per-
 fecta & absoluta puritate, Latinis *Mun-*
dus dicitur. Is Plinio Naturalis historiæ
 lib. II. cap. I. *cujus circumflexu teguntur*
cuncta. Apuleio, admirandam omnibus
 machinam depingenti, qui societate Cæli & Terræ constat, &
 eorum naturis quæ utriusque sunt. Idem operosius mundum
 ita describit: *Mundus est* (inquit) *ornata ordinatio Dei munere,*
Deorum recta custodia, cujus cardinem, sic enim dixerim centrum,
robustum & immobilem genitrix atque alitrix animantium omnium
habet Tellus, Supernis omnibus, ut videri potest, Aëris liquiditate ad
modum tegminis, septis & operis. Ultra Deorum domus est quod voca-
mus Cælum, quod quidem divinis corporibus onustum videmus, igni-

bus pulcherrimis & perlucidis Solis & Luna & reliquorum Siderum,
cum quibus fertur per orbem dierum noctiumque curricula, agens stel-
larum choros interminio lapsu, finem nulla avi defectione factura.
 Ejus formam in speciem Orbis absolutissimi globatam
 esse, nomen in primis, & consensus in eo mortalium Or-
 bem appellantium pingentiumque, sed & argumenta re-
 rum docent: non solum quia talis figura est capacissi-
 ma & simplicissima, omnibusque sui partibus vergit in
 sese, ac sibi ipsi tolerandæ est, seque includit & continet,
 nullarum egens compaginum, nec finem aut initium ul-
 lis sui partibus sentiens: sed oculorum quoque proba-
 tione, quod convexus undique sit, quacumque cernatur,
 quodque partes habeat ejusdem formæ, cum id accidere in
 alia non possit figura. Ut ridiculi merito existimandi sint,
 qui non figuræ sphericæ, vel rotundæ, sed vel angularem, vel
 ovalem,

The image displays two historical world maps, likely from the 17th century, showing the Americas, Europe, and Asia. The maps are oriented with the North Pole (Polus) at the top and the South Pole (Antarcticus) at the bottom. The left map is a polar projection centered on the North Pole, showing the Americas, Europe, and Asia. The right map is a polar projection centered on the South Pole, showing Africa, Europe, and Asia. Both maps include latitude and longitude lines, and are surrounded by decorative cartouches and a compass rose.

*Te potius mirare ipsum, simulacra videbis
In te Orbis duplicis, parvus et Orbis eris.*

ovalem, vel alius etiam figuræ eum esse sunt arbitrati. Partes mundi duæ sunt. Ætherea sive cœlestis, & Elementaris sive sublunaris. Ætherea est lucida illa regio sphaeras cœlestes omnes complexa, immunis ab omni variatione. Elementaris est ea quæ infra illos Orbes constituta, generationem corruptionemque admittit. estque non tantum corporum simplicium, ut sunt Ignis, Aër, Aqua, Terra: verum etiam eorum quæ ex hisce componuntur: quorum quinque genera Sapientes prodiderunt. Sunt enim quædam imperfectè mixta, quæ *Meteora* appellamus, Grædines, inquam, Pluviae, Nives, Tonitrua, Fulgura, Ventia: alia perfectè mixta, sed inanimata, ut Saxa, Marmora, Metalla. Alia quæ animam habent vegetativam, ut Plantæ. Sunt quæ insuper sensitivam, ut Bruta: sunt denique in supremo & ultimo rerum compositarum gradu, quæ præter hæc omnia animam habent rationalem, ut Homines. Nos sua Astronomis, Physicisque relinquentes, Orbem terrarum potissimum considerabimus. Terra universa Mari, Fluminibus, Paludibusque variè interfecta, Orbem absolutum cum illis omnibus constituit. *Homerus* sanè non alià ob causam eam vocat *orbicularem*. Et *Numa Pompilius*, idem spectans, ædem *Vesta* rotundam consecravit. Neque verò aliam ejus figuram esse posse cum ex gravium ad unum aliquod punctum tendentium ratione demonstravit *Aristoteles*, tum ex Eclipsibus & horologiorum umbris à Mathematicis probatur. Præterea longis certisque peregrinantium observationibus deprehensum est, longitudines & latitudines locorum pro intervallis variari, adeo ut & Peræcos, & Antæcos & Antipodas esse certius sit, quam ut ulla prolixiore demonstratione ostendendum sit. Hunc Orbem continere, in circuitu, quo maxime patet, gradus 360, antiquitas docuit, idemque recentior asserit etas: unde si singulis gradibus tribuas millia

Germanica xv, vel Italica lx, non erit difficile inire rationem ambitus totius Terræ. Atque hæc tot portiones terræ (ut *Plin. lib. ii. Natural. histor. capit. lxxviii.* inquit) imò verò (ut plures tradidere) mundi punctus: neque enim est aliud terra universa. Hæc est materia gloriæ nostræ, hæc sedes, hic honores gerimus; hic exercemus imperia; hic opes cupimus; hic tumultuatur humanum genus; hic instauramus bella, etiam civilia, mutuisque cadibus laxiorem facimus Terram. Et (ut publicos gentium furores transeam) hæc in qua conterminas pellimus, furtoque vicini cespitem nostro solo effodimus, ut qui latissimè rura metatus fuerit, ultraque fines exegerit accolæ, quot à terrarum parte gaudeat, vel cum ad mensuram avaritiæ suæ propagaverit, quam tandem portionem defunctus ejus obtineat? Hæc ille. Ac de Terra quidem quatenus ea cum mari Orbem constituit pauca ista sufficiant. Eadè prout ab aquis distinguitur, & in Sacris *Arida* appellatur, proprium est hominum domicilium. Huic uni propter eximia merita cognomentum indidimus maternæ venerationis. Hæc nos nascentes excipit, natos alit, semelque editos sustinet semper: novissimè complexa gremio jamque à reliqua natura abdicatos, desertosque, tum maxime ut mater operit. Hoc etiam adjiciendum videtur, Promontorium vocari terræ tractum prominentem, & opponi Sinui. Talia esse in extrema Italia *Lacinium* & *Sephyrium*, in Sicilia *Lilybaeum*, in Asia *Sigeum*. Insulam dici quæ undique mari alluitur, quales sunt *Creta*, *Cyprus*, *Sicilia*. Peninsulam quæ jugo adnectitur continenti. jugum illud vocari Græcis *Isthmum*, ipsam vero Peninsulam *Chersonesum*: quales sunt *Chersonesus aurea*, *Cimbrica*, vel *Dacica*, *Taurica*, aliaque.

De Mari hoc loco aliquid etiam adjiciendum. Mare *Mare*. aliud vocamus Mediterraneum, aliud Oceanum. Oceanus quem Sacra litteræ appellant abyssum aquarum, reliqua omnia sua vastitate & magnitudine superat, diffunditur.

diturque per totam Terram, ac per diversas Mundi oras variarum gentium Littora, Insulas, Promōtoria, flexuoso meatu oberrans, nomen cum locis mutat. Alibi vocatur *Occiduus*, alibi *Eoūs*, *Aethiopicus*, *Hispanicus*, *Atlanticus*, *Scythicus*, *Gallicus*, *Britannicus*, *Germanicus*, *Hyperboreus* & *Glacialis*: alibi ex recentiorum observationibus, *Mare del Sur* sive australe, *Archipelagus Lazari*, *Mare Indicum*, *Lantschidol*. Ejus sinus plures sunt, *Arabicus*, *Persicus*, *Gangeticus*, *Magnus*, *Sarmaticus*, *Mexicanus*, *Vermilius*. Freta Oceani nobiliora sunt duo, *Gaditanum* & *Magellanicum*, quibus addi potest *Aniam*, quod inter Americæ oras ultimas occidentales & Tartariæ orientales interjectum est. Mare Mediterraneum Africam ab Europa disternit, & pro regionum situ diversa habet nomina. Primò quidem occurrit *Ibericum*, postea *Balearicum*, *Gallicum*, *Ligusticum*, inde *Siculum*, *Adriaticum*, *Ionium*, *Creticum*, *Ægyptium*, *Pamphilium*, *Syrium*, *Ægæum*, *Myrtoum*, *Icarium*, *Propontis*, *Pontus*. Sed de motu Maris quem æstus dicunt, cum sit res admiratione dignissima ac plañe divina, aliquid hoc loco dicendum est. Æstus dicitur motus Maris, quò exundans fluit, & exacta periodo refluxit. Hujus causa est una, ita eventus effectusque non unus. Alibi enim vel nullus vel perexiguus æstus apparer. In Oceani Sur littore boreali nullus est. In Ligustico, Tyrrheno, Narbonensi, & apud Barchinonem in Celtiberia, & in Mexico ad Cubam vicinasque Insulas nulum vestigium. Alibi magnus est, ut ad Bengalam in plaga Indica secundum Gangem, in Oceano Gothico, Germanico, Britannico & Portugallico; in Erythræo tantus, ut oīes Sacrarum litterarum mentiti sint Moīen in sicco transivisse usum reflexionis opportunitate. Quod

tamen fieri non potuit, propterea quod ad Sues usque, quod in intimo recessu jaceret, Mare operit litus illud, neque unquam regrediens ita nudat, ut inferiores partes quâ transiverunt Hebræi, sua discessione aperiat. Semper autem Oceani majores sunt æstus, quam sinuū. Præterea circa littora magis quàm in alto deprehenditur hic motus. Sed de æstu alibi plura. Neque verò sterile omnino est Mare: fert pisces, fert plantas, fert gemmas. In primis notandum est, quàm dædaleo artificio natura pleraque omnia quæ aut in terris aut in aëre visuntur, voluerit in mari repræsentare. Mitto Elephantes, Porcos, Testudines, Canes, Vitulos, Equos. Mitto Falcones, Hirundines: ipsum hominem expressit in Equite marino, Sirenibus, Nerëidibus, atque etiam in Monacho. Jam Corallus, Magarita, Ambra, Succinum, Spongiæ, aliaque infinita, quem non meritò in admirationem trahant & adorationem supremi Numinis? Sed de his hoc loco satis copiosè, ad distributionem Orbis Terrarum accedamus. Terrarum Orbem veteres nunc in duas partes, nunc in tres sunt partiti. In tres partes distributio, Europam, Asiam, Africam, vel Libyam, maximè celebris apud veteres, quibus novus Orbis nondum innotuerat. Sed inventâ Americâ, eam pro quarta parte atas nostra adjecit. Mercator noster, hunc Orbem Terrarum, in tres continentes distinguit. Primam vocat quam veteres in tres partiti sunt: secundam quam nunc Americam vocamus: tertiam Terram australem, sive Magellanicam. Nos verò Orbem universum in quinque partes dividimus, Europam, Africam, Asiam, Americam & Terram australem, [maximâ ex parte adhuc incognitam.]

Commo-
di a es
Maris.

Regio.

Europa
unde di-
cta,

EVROPAM licet omnium minimam, primo loco cum potissimis Terrestris Globi Delineatoribus, describemus: vel ob soli nobilitatem, vel ob frequentiam incolarum, vel ob præclara eorum facinora qui eam hæcenus tenuere. *Plinius* eam altricé vocat victoris omnium gentium populi, longéq; terrarum pulcherrimam. Aliæ sanè partes etsi majores sint, vastioresque, minùs tamen habitatae sunt. Principium igitur det has aliasque ob causas plurimas Europa: nobilissima hæreditatis *Iapheti* (qui primogenitus *Noæ* liberorum sua pomeria produxit etiam in fratrum *Semi Chamique* terras) portio. Hæc paucis de ordinis ratione: jam nunc Etymon succedit explicandum. *Herodotus* nominis hujus originem ignorari notat: aliis tamen ab *Europa* *Tyria* dici, *Agenoris Phœnicum* (*Lybiæ*, inquit *Isidorus*) regis filia: quam *Iovem* in bovem conversum rapuisse tergôque impositam *Sydone* in *Cretam*, vel *Cyprum* avexisse, fabulantur veteres. Alii fabulis rejectis, raptam volunt *Navi tauriformi*: alii *Navem* hîc agnoscunt quæ *Iovis* tutelam, effigiemque *Tauri* habuerit. *Palæphatus* virum quendam *Cretensem Taurum* nominatum fuisse scribit, qui ex *Tyrrhena* regione cum cæteris puellis *Europam* regis filiam abduxit captivam. Sunt qui *Legionem* militarem fuisse arbitrantur, cui inter signa insigne erat *Tauri*. Quidam, ob pulchritudinem regionis, per similitudinem raptæ filia, sic appellatam ferunt. Ab *Europa* sic vocatam non malè quis dixerit, quem in hac Orbis Terrarum parte aliquando regnum tenuisse memoriæ proditum. *Beccanus* persuaderi nolens *Europam* Græcam habere nomenclaturâ, quum priùs ab *Cimmeriis* sit habitata, quàm ab Græcis, iisque alia quàm his fuerit lingua, sic vocatam

putat à gentis præstantia: *VER* enim monosyllabum per diphthongum elatum nihil aliud esse, quàm magnû quid & excellens, quodque in quaque re præstantissimum: *HOR* autem hominum multitudinem designare. *Europæos*, hodie *Franços* universim appellant *Asiatici*. *Turcis Franki* vocantur religionis *Romanæ* cultores, ut *Romæi* qui Græcæ addicti. *Abyssini*, quod testantur variorum *Ephemerides*, in *Africa*, nos etiam *Alfrangues*, *Christianorum* autem regionem *Frankiam* nūcupant. Hæc de nomine. Sequitur *Situs* sive *Quantitas*. Quod illam attinet, tenendum cum primis, *Ptolemæum*, aliosq; veteres *Europam* collocare inter *Climata* 4 & 9: inter *Parallos* 11 & 21: inter *gradus* latitudinis 36 & 54; *lōgitudinis* 17 & 61. *Nostrâ* etate, quum & *Solis* declinatio, quemadmodum observatum est, mutata sit; & plurima loca, *Europæ nostræ* ad censenda, ad 72 usque latitudinis gradum versus *Septentrionem* in notitiam venerint: eamq; ob causam *ulterior Climatū* *Parallelorumque* notatio fuerit exco- gitata; sita conspicitur *Europa* inter *Climata* 14 & 21: *Parallos* 11 & 33, gradus denique latitudinis quidem 36 & 54, *lōgitudinis* autem, si, quâ longissimè se expandit, cōsideretur à *Promontorio Hispaniæ*, quod *Cabo S. Vincentii* hodie vocant, usque ad lineam rectâ à *Tanais* fonte ad *Oceanum Borealem* ductam, inter *Grados* ferè 17 & 54: quæ verò brevissima, ab eodem *Hispaniæ* *Promontorio* usque ad *Maleâ Peloponnesi* caput, exclusis *Ægæi* maris, quæ *Europæ* adnumerari possunt, *Insulis*, inter *gradus* 17 & 54. Ad eod ut *meridionalis- sima Europæ* sint *gradu* latitudinis 36, *Hispaniæ* mōs *Calpe* una *Herculis Columnarum*, *Promontorium* *Siciliæ austrinum* *Odyssia* olim, & *Peloponnesi*, hodie



die Moreæ, Caput, *Tanaria* Veteribus, nunc *Cabo Maini*: quibus locis maximus dies horarum *xiiii. minut. xxx.* Septemtrionalissimus autem limes sit, gradu *Lxxi.* & dimidio, *Scandiæ* promontorium, versus Boream ultimum, hodie *Vvardhuys*, ubi maximus dies *ii* est mensium, *xxii* dierum, horarum *vii.* Lineam porro, à *Tanais* fonte versus Septemtrionem rectà in Oceanum ductam, orientalem Europæ litem statuimus, communes, à quibus dissentire religio nobis est, sequuti calculos. Queis enim Europa limitibus sit Orientem versus definienda, inter veteres Scriptores non satis convenit. *Aristoteles*, *Plato*, *Herodotus*, & alii, qui his suffragantur, Europam ab Asia separant *Phasi* flumine sive *Isthmo*, qui est inter Pontum Euxinum & Mare Caspium. *Dionysius*, *Arrianus*, *Diodorus*, *Polybius*, *Jornandus*, *Tanai* flumine simpliciter. *Abrahamus Ortelius* fines Europæ versus ortum statuit, mare *Ægæum*, Pontum Euxinum, *Mæotidem* Paludem, *Tanaim* fluvium, & *Isthmum* qui est ab ejus fontibus rectà ad Septemtrionem; aliique alios. *Ptolemaeus* eodem *Tanai* flumine finit ab Asia Europam, ductaque ab ejus fonte versus Boream ad mare usque linea. Huic cum peritissimis Geographis subscribentes, descensu à linea *Tanaique* flumine versus Meridiem facto, metas porro cum aliis orientales signamus in *Palude Mæotide*, *Bosphoro Cimmerio*, *Ponto Euxino*, *Bosphoro Thracio*, *Propontide*, marique *Ægæo*, usque in Mare Mediterraneum, quo meridiem versus ab Africa dirimitur: ad occidentem vastissimus eam pulsatur & apertissimus Oceanus: ad septemtrionem denique Mari clauditur Boreali. *Strabo* formam *Draconis* ei tribuit, cujus caput Hispania, collum Gallia, corpus Germania, alas dextra lavaque referunt Italia & *Cimbrica Chersonesus*. Aëre Cœloque ut plurimum fru-

itur temperatissimo ac clementissimo. Vnde etiam Europa quanta quanta est habitatur, quâvis quicquid locorum supra *lx.* latitudinis gradum, propter frigora incōmodè, tum laboriosè. Nec solum stupendâ Cœli clementiâ, temperie, amœnitate, maximâ incolarum frequentiâ: verum etiam fertilitate, frugum, arborum, plantarum, omnis item generis animantium, metallorum, & aliarum, quæ sustentandæ hominum vitæ sunt necessaria, rerum copiâ reliquas Orbis partes summo merito longè superat. Vites tamen ubique non habet: sed ubi vinum deest, ibi ejus usum factitio è frugibus potu supplet. Hæc Orbis Domitorum (nam nec hic ejus temperare possum laudibus) genitrix. Quidni? Produxit quidem hæc olim *Alexandrum Macedoniam*, Italia Romanos: qui successione quadam, quam Deus æterna suâ providentiâ decreverat, Terrarum Orbem quousque notum habebant, domuerunt: producit autem hodieque Germania Principes, qui quartæ Romanorum Monarchiæ jura, quantum per immanissimorum hostium potentiam & impressiones licet, facta recta tuentur. Nunquid & magni, quos avorum adorarunt tempora, Europæ Heroës incognitam, ut plerique opinantur, veteribus Americam, potioresque & validiores Africæ Asiæque partes suo adjecerunt imperio? Nunquid mater tot Regum, tot Principum, Christo, quod alibi rariùs, militantium? Habet enim hæc nostra Europa, præter Romanum Imperium toto Terrarum Orbe venerandum, supra viginti octo (si quatuordecim, quæ *Damianus à Goës* in sola Hispania numerat, adjunxeris) in univsum Regna, Christianâ Religione imbuta: unde hujus regionis dignitatem vel imprimis æstimare liceat. Quid de Urbium frequentia, nobilitate ac celebritate dicam? Superbivit olim Africa unicâ ferè suâ Carthagine: tumuit

Cali tē-
peries.Soli ferē
tili as.Imperium
Majorum
& Minora-
rum.

Urbes.

mult vix tribus Asia urbibus, Babylone, Ninive & Hierosolymis. Gloriantur hodie America Cusco: Mexicoque nova Hispania: at verò quis hoc tempore non videt pares majoresque in singulis penè Europæ regionibus? Perambulet quis cogitatione solum suâ in Italia (exemplum enim subministret hic unus ille Mundi ocellus) sumptuosam Romæ magnificentiam, regalesque Venetiarum opes, suspiciendam Neapolis nobilitatem, ferventia Genuæ commercia & negociationes, felicem illam & beatam Mediolani amantissimam, aliarum denique aliarum cum miracula, tum commoda: sileant sua, clamare cogetur, sileant partes Orbis ceteræ; par nihil Europæ, nihil est secundum. Regiones ejus (ut hodie eas appellamus) sunt Hispania, Gallia, Germania, Italia, Hungaria, Transylvania, Dalmatia, Græcia, Polonia, Lithuania, Moscovia, Roxolania, Dania, Suecia, Norvegia. Sunt & Insulæ in Oceano Boreali, Anglia, Scotia, Hibernia, Islandia, Frislandia. Alibi aliæ. In Mari Mediterraneo sunt Baleares Majorica & Minorica, Corsica, Sardinia, Sicilia, Melita, Corcyra, Creta pluresque aliæ. Lacuum verò nomina, stagnorum, fluminum aquarumque queis variæ vires, in hac parte quis enumeret? Quæ præter pisces, quorum incredibilem copiam subministrant, regionibus pro muro plerumque sunt. Quid Maria? quorum commoditates, utilitates, & delicias omnes, si velim recensere, tempus me deficiat. Atque hæc suis locis explicabuntur. Non defunt Europæ montes, inter quos Pyrenæi, Alpesque, perpetuis nivibus albicantes: neque etiam silvæ & nemora, in quibus quum ferarum utilium alat copiam, nocivarum tamen raritatem meritò potest jactare. Quid de Operibus publicis, tam sacris quam prophanis, quid de privatis dicam? Innumera hîc magnifica Tempia, innumera Abbatiæ, infinita Cœnobîa, Mo-

Lacui & Flumina.

Maria.

Opera publica & privata.

nasteria, Xenodochia, ac Nosocomia: plurima Regum conspicua Palatia, innumera Magnatum & Principum magnificæ ac pulcherrimæ ædes: innumera denique & publica & privata ædificia. Habemus hîc Jura & Leges, ^{Leges & instituta.} habemus Religionis Christianæ dignitatem, habemus humanitatis delicias, habemus armorum vim; habemus Senatores innumeros, viros prudentiâ atque eruditione venerabiles. Denique si viros celebres conferre libeat; nulla unquam tanta fuit in aliis Orbis partibus Herorum, virorumque nobilium frequentia: ^{Senatores & eorum frequentia.} quanta in uno aliquo Europæ tractu. Artes verò Scientiasque hæc pars Orbis ita tractat, ut ob multarum rerum inventionem, Mater; ob conservationem plurimarum Nutrix Sapientiæ meritò dicenda sit. In hac sunt præstantissima florentissimaque bonarum literarum Athenæ, in aliis regnat mera Barbaries. Horum omnium virtutes recensere nimium foret. Vitia (quis autem iis caret?) brevibus aliquot dictis circumferuntur: quæ at- ^{Schola.} texere libuit: Franci, simplices, rustici, vehementes. Bavari, sumptuosi, commessatores, procaces. Suevi, leves, loquaces, gloriosi. Thuringi, diffidentes, sordidi, contentiosi. Saxones, dissimulatores, versuti, contumaces. Belgæ, equestres, delicati, teneri. Itali, superbi, vindictæ cupidi, ingeniosi. Hispani, fastuosi, consulti, rapaces. Galli, elegantes, intemperantes, temerarii. Cimbri, magni, seditionosi, horribiles. Sarmatæ, edaces, superbi, furaces. Boëmi, inhumani, novatores, prædatores. Illyrici, mobiles, maligni, tumultuatores. Pannoni, asperi, superstitiosi. Græci, miseri. Est & aliud haud minus lepidum: Pons Polonicus, Monachus Boëmicus, Miles Australis, Suevica Monialis, Italica devotio, Prutenorum religio, Teutonum juvenia, Gallorum constantia, nihil valent omnia. ^{Mores.}

B

AFRICA

Nomina à
quibus &
eunt indi-
ta.

AFRICA sequitur. Ea sic dicta est, si *Nicia* credimus, ab *Afro* quodam socio *Herculis*, qui eum ad *Gades* usque comitatus est: sin *Iosepho* & *Isidoro*, ab uno ex posteris *Abraha*, cui nomen *Afer*: vel ut *Festus* autumat, à Græco *Φρίκη*, quod horrorem denotat; est enim horroris expertus, quum sita sit inter Tropicos. Arabes *Fricchiam* vocant, à verbo *Faruca* quod ipsis est dividere: est enim Africa à cæteris terræ partibus ferè divisa: vel ab *Ifrico* Arabiae felicis Rege, quem primum omnium has terras ferunt coluisse. Græci *Libyam* vocant vel à *Libya* *Epaphi* filia, vel quia *λειφύνη*; vel quod inde *Lips* ventus spirat. In Sacris litteris *Chamēsia*, ab Arabibus & *Æthiopibus* *Alkebulam*, & ab Indis *Besecath* nominatur. *Æquinoctialis* circulus mediam ferè Africam secat. Tropici eam nondum excedunt: sed ipsa utrimque Tropicos gradibus decem atque amplius. Terminatur ad septentrionem Mari mediterraneo & freto *Herculeo*, ad ortum sinu Arabico sive Mari *Erythraeo*, & *Isthmo*, qui est inter Mare Mediterraneum & Sinum Arabicum: ad meridiem alluitur Oceano *Æthiopico*: ad occasum *Atlantico*. Formam habet peninsulæ quæ *Isthmo*, quam retuli, *Asiæ* conjungitur. Et si verò ejus longitudo quæ ab Occasu ad Ortum patet, brevior sit *Europæ* longitudine, tamen reliqua pars ad Austrum tantum sese extendit, ut ei *Europa* vix conferri possit: habet enim spatium graduum pænè 70; *Europa* verò vix graduum 35. Præterea *Europa* tota sinuosa est, *Africa* uniformis & continua. Sed *Europa*, ut in ejus descriptione diximus, cultissima: hæc multis locis deserta. Illa jam olim nota, hæc non. Quantum incolitur *Africa*, fertilitate præstat. Verum magnâ parte inculta est, & vel arenis sterilibus obducta, vel ad situm Cœli deserta, vel multo ac malefico animalium genere infesta. Eximia

Situa.

Soli ferti-
litas.

& propemodum portentosa agrorum narratur feracitas, utpote qui locis quibusdam centesimo fœnore reddant cultoribus messēm. Mirum est quod de *Mauritaniae* ubertate dicitur: reperiri in ea vites, quas duorum hominum complexus capere non possit, uvarumque racemos cubitales. Arbores circa *Atlantem* proceritate insigni, enodi nitore, folio cupressi. Alit & *Africa* elephantes & dracones, qui ipsis belluis insidiantur, suoque complexu enecant; leones, bubalos, pardales, capreas & simias quibusdam locis supra modum frequentes. *Herodotus* asinos cornutos sibi nasci author est. Dracones insuper, hyænas, histrices, agrestes arietes, thores, hoc est ex hyæna & lupo genitos, pantheras, struthiocamelos, & præter multa serpentum genera, cerastas & aspidem, cui pesti ichneumonem minimum animal natura opposuit. Cervus autem & aper, eodem teste, prorsus in *Africa* nullus est. Basiliscum etiam alit *Africa*. Quæ de eodem narrantur, fabulosa quidam suspicari sunt. Atqui *Leone* Pontifice constat ad ædem *Luciæ* sub fornice stabulum basiliscum, cujus adflatu magna lue *Roma* adfecta fuit. Sunt & varia monstrorum genera, quorum diversitatem multitudinemque inopiæ aquarum adscribunt, ad paucos sive amnes sive puteos congregantibus se feris. *Africam* *Romani* divisere in provincias sex. *Proconsularem*, in qua *Carthago*: *Numidiam Consularem*, *Bizacchium*, *Tripolitanam*, *Mauritaniam Casariensem*, & *Mauritaniam Sitiphensem*. *Ptolemaus* initio lib. 4. duodecim ejus Provincias seu Satrapias numerat, *Mauritaniam Tingitanam*, *Mauritaniam Casariensem*, *Numidiam*, *Africam* propriè dictam, *Cyrenaicam*, *Marmaricam*, *Libyam propriam*, *Ægyptum Superiorem*, *Inferiorem*, *Libyam interiorem*, *Æthiopiam sub Ægypto*, & *Æthiopiam interiorem*. *Leo Africanus* totam *Africam* dirimit in quatuor partes, *Barbariā*, *Numidiā*, *Libyam*, & *Nigritarum Regionem*.

Animalium va-
rietates.



Regionem. Sed in hoc deceptus est *Leo*, quod terminum Africae non posuerit Mare rubrum, sed Nilum: quo factum est, ut Aegyptum & reliquam partem orientalem Asiae adjudicaret. Nos igitur præter quatuor illas partes à Leone enumeratas ponimus in Africa *Aegyptum*, *Aethiopiam* superiorem sive interiorem in qua Abyssini: *Aethiopia* inferiorem sive exteriorem in qua Manicongi, & *Insulas*. *Aegyptus* ab austro in boream longo tractu porrigitur. Terminum sunt ab occidente ultra Nilum deserta Barca, Libyæ & Numidiæ, cum regno Nubiæ. Ab austro agro Bugiensi & Nilo concluditur, quo loco Nilus ab occasu in ortum non nihil fertur. Ab ortu sunt deserta Arabia, quæ inter Aegyptum & Mare rubrum sita sunt. Ab aquilone clauditur Mari mediterraneo. Cætera de Aegypto in singulari ejus descriptione explicabimus. *Barbariam* hodie vocant totum Africae tractum ab Aegypto ad fretum Gaditanum, qui Mari mediterraneo & Atlantico monte concluditur, continetque regna Marrocci, Fessæ, Teleusinum, Tunetanum & Barcæ, de quibus fusiùs in Barbariæ descriptione. Nunc satis fuerit Lectori limites monstrasse. Regnum itaque Marrocci dividitur in has provincias, *Heam*, *Susam*, *Guzulam*, *Marrocci terram*, *Ducalam*, *Hoscoram* & *Tedletem*: Terminatur Oceano atlantico, Atlantico ipso, & regno Fessæ. Regnum Fessanum ab occasu habet Mare atlanticum, à septentrione fretum Herculeum, ab ortu Mulviam flumen, ab austro regnum Marocchi: ejus regiones sunt *Temesna*, *Territorium Fessæ*, *Asgara*, *Elhabata*, *Errisa*, *Garetum*, & *Elchausum*. *Teleusinum* Regnum quod & *Tremisen* vocant, terminatur à meridie deserto Numidiæ: ab ortu fluvio Majore, à septentrione Mari mediterraneo. Regnum *Tunetanum* complectitur totum terræ tractum à fluvio Majori ad Mesratæ regionis amnem. Ejus

regiones sunt quinque, *Bugia*, *Constantina*, *Tunetanum territorium*, *Tripolis*, & *Ezzaba*. Barca seu Barcha à finibus Mesratæ protenditur ad Aegypti confinia. *Numidia* hodie *Biledulgerid* dicitur. Ejus fines ab occidente Mare atlanticum, à septentrione mons Atlas, ad ortum Aegypti confinia, ab austro deserta Libyæ. Regiones *Tesset*, *Segelmessa*, *Seb*, *Biledulgerid*, *Dara* & *Fezzan*. Libyæ veteribus *Sarra* dicta, quod deserta sit. Initium ejus à Gaogæ regno prope Nilum, exporrigiturque occidentem versus, ad regnum usque Gualatæ quod atlantico Mari adjacet, à septentrione Numidiæ regno contermina est, à meridie Nigritarum. *Nigrita* dicuntur vel ab incolarum colore nigro, vel potius à flumine Nigro quod hanc regionem lambit. Habent ad ortum Nili confinia: ab occasu Oceanum occiduum: à meridie partim Mare æthiopicum, partim regnum Manicongi: à septentrione verò Libyæ deserta. Regna eorum sunt quinque & viginti, *Galata*, *Guinea*, *Melli*, *Tombutum*, *Gago*, *Guber*, *Agadex*, *Cano*, *Casava*, *Zegzeg*, *Zanfara*, *Gunnagara*, *Bornum*, *Goago*, *Nubia*, *Biro*, *Temiamo*, *Dauma*, *Medra*, *Goram*, *Territorium Anterotenſe*, *Territorium Gialofa*, *Ora Guinea*, *Territorium Melegenſe*, & Regnum *Benin*. *Abyssini* incolunt superiorem sive interiorem Aethiopiam, quorum Princeps *Prete gianni* dicitur. Ejus regio perampla, utrumque penè Tropicum contingit, extenditurque inter Oceanum æthiopicum & Mare rubrum. A septentrione habet Nubiæ & Bugiæ populos Aegypti confines. Ab ortu Mare rubrum, à meridie Lunæ montes, ab occasu regnum Manicongi, Nigrum amnem, Nubiæ regnum & fluvium Nilum. Regna ei subiecta hæc, *Barnagnes* sive *Barnagassum*, *Tigremaum*, *Tigrai* in qua urbs *Caxumo*, *Angote*, *Amara*, *Xoa*, *Goyami*, *Bagamedrum*, *Gueguere*, *Fatiggar*, *Damur*, *Dancali*

Dancali & Dobas. *Aethiopia inferior* sive exterior est australis Africae pars, *Ptolemæo* incognita. Ejus initium est ad occasum supra *Zaire* fluvium, non longè ab *Æquatore*, totamque complectitur littoralis Africae partem, ultra ipsum *Æquatorem* usque ad fretum Arabicum. Regiones ejus quinque: *Ajana* terra, in qua regna *Del & Adea*: *Magaduzum*: terra *Zanguibara*, cujus Regna *Melinda*, *Mombaza*, *Quiloa*, *Mozambique*, *Manumuci*, *Cefala*, *Manopotapa*, *Torra & Butua*: *Casrorum* regio & *Manicong*, cujus provinciae sex, *Sunde*, *Pango*, *Songo*, *Bamba*, *Barra*, & *Pemba*, quibus adduntur regna *Angola*, *Loangi*, & *Anzichi*. Lacus aliquot immensi sunt in Africa, qui maria potius esse videantur, quorum præcipuus est *Zambre*, cujus ambitus ad quinquaginta mill. patet, ex quo profluunt *Nilus*, *Zaire*, &

Lacus. *Cuama* amnes. Habet etiam hæc Orbis Terrarum pars immensos fluvios, *Nilum*, *Nigrum*, *Senagam*, *Cambram*, *Zaire*, *Cuamam*, & *Spiritus Sancti flumen*, qui omnes inundatione suâ, terram mirificè rigant, ac fertilem reddunt. Habet præterea montes plurimos, & maximos, inter quos principem locum tenet *Atlas*, qui immanibus altisque jugis, è mediâ arenarum vastitate confurgens extollitur, utpote supra nubes: adeò ut ejus cacumen prospici nequeat. *Columnnam Cæli* indigenæ nuncupant. Incipit ab occasu, ubi & atlantico Mari nomen imponit; inde perpetuo dorso variè flexus extendit sese orientem versus: ad confinia *Ægypti* est rotundus, arduus, incisus rupibus præceps ac inivius, frigidissimus, nemorosus, scatebris fontium riguus. Montis hujus vertex altis etiam æstate nivibus operitur: quinetiam & ejus dorsum incrucescente Boreâ nonnunquam altâ nive arbores superante tegitur, quâ tam pecudes quàm homines interimuntur. Præterea mons altissimus *Sierra Lione* dictus, cujus vertex semper nubibus obumbratur, ex quo terribilis tu-

multus & fragor ob continua fulmina ac tonitrua, ad multa milliaria in Mari auditur, unde & *leonum* rupes dicitur. Montes item *Lunæ* veteribus etiam cogniti sub Tropico Capricorni locantur, asperrimi sanè ac incredibili altitudine, à gētibus feris inhabitati, prope quos sunt valles immensæ profunditatis, adeo ut illic centrum terræ penè esse videatur. Sunt denique, *Cantaberes* Montes in *Angolæ* regno argenti fodinis ditissimi, & alii quos in particularibus descriptionibus recenserebimus. *Insulæ* autem circa Africam nobiliores hæ sunt. In Oceano atlantico est *Insula portus sancti*, est *Madera*, sunt *Canaria* & *Capitis viridis*. *Insula portus sancti* sic dicta à detectoribus qui periculosâ ac dubiâ ejus navigatione emensâ & superatâ hunc locum sic vocari in rei memoriam voluere. Ambitus ejus circiter quindecim milliarium. *Madera* à magnâ quæ hîc crescebat arborum copiâ nomen accepit. Peridromus ejus circiter centum & 40 milliarium. *Canariæ* sic dictæ à canum, quæ ibidem erat, multitudine: *Fortunata* à veteribus olim nominabantur. *Plinius* sex commemorat: *Ombrio*, *Iunoniam majorem*, *Minorem*, *Caprariam*, *Nivariam*, & *Canariam*. *Ptolemæus* nominat *Aprosum*, *Heram*, vel *Autolalam*, *Pluitariam*, *Casperias*, *Canariam* & *Centuriam*, omnesque rectâ fere in Septemtrionem lineâ disponit. *Cadamus* decem, septem cultas, tres desertas: nomina cultarum sunt, *Fractæ lanceæ*; *Magnæ sortis*, *Grancanariæ*, *Teneriffæ*, *Gomere*, *Palma*, *Ferro*. Caput viride arboribus virentibus consitum est, atque ex eo nomen habet. *Insulæ* ejus occidentem versus in medio Oceano jacent. Sunt autem *S. Antonii*, *S. Vincentii*, *S. Lucie*, *S. Nicolai*, *Salis*, *Bona vista*, *Maggio* vel *May*, *S. Iacobi*, & *Ignis*. In Oceano æthiopico sunt *Insula Principis*, & *S. Thome*. Post promontorium bonæ spei sunt alia insulæ, incultæ omnes præter unam *S. Laurentii*.

Nomen, à
quibus &
cur indi-
catur.

AFRICÆ in mea partitione succedit *Asia*. Ea nomen sortita ab *Asia* nympha (teste *Varrone*) ex qua & *Iapeto* trahitur *Prometheus*. Alii dicunt appellatam vel ab *Asio Atys* filio, vel ab *Asio* Philosopho, qui *Troï* Palladium ad urbis custodiam dedit: hunc, ut gratiam referret, ditionem suam omnem quæ antea *Epirus* dicebatur, *Asiam* vocasse. Ab hac autem postea tanquam nobiliori parte reliquus omnis tractus, *Asia* dici cœpit. Porro ut *Libya* & tertiam Orbis portionem significat, & ejus portionis partem: ita & *Asiam* observatum est significare & totam continentem; & partem illam quæ intra *Taurum* montem est: in qua *Lydi*, *Cares*, *Lycaones*, *Paphlagones*, *Iones*, *Æoles*, alique; quæ pars distinctionis gratia vulgò *Asia* minor: *Turcis* *Natolia* dicitur. *Varro* lib. 4. de L. Nam & *Asia*, quæ non *Europa*, in qua est *Syria*: & *Asia* dicitur prioris pars *Asia*, in qua est *Ionia* & provincia nostra. *Asia* autem universa *Semina* sacris scriptoribus nuncupatur. Sita est propemodum tota in septentrionali Orbis plaga ab *Æquatore* usque ad grad. 80. latitudinis boreæ, exceptis tamen insulis ad *Asiam* pertinentibus, quarum aliquot ultra *Æquatore* porriguntur. Vnde maxima diversitas per totam *Asiam* in magnitudine dierum artificialium conspicitur. Nam in ultimo ejus *Parallelo*, qui nō longè ab *Æquinoctiali* per extremam *Malacæ* regni oram ducitur, longissimus dies est horarum penè 12. Circa medium *Asiæ* *Parallelum* est horarum 15. & in ejus borealissimo *Parallelo* perpetua lux æstatis quatuor ferè integris mensibus perdurat. At secundum latitudinem protenditur à *Meridiano* grad. 52. usque ad *Meridianum* ductum per grad. 196. secundum nonnullos: sed si *Mercatoris* nostri descriptionem sequamur, occidentalissimus ejus *Meridianus* per grad. 57. transit, juxta extremam *Asiæ* minoris occidentalem

oram: & orientalissimus per grad. 178. Ad septentrionem habet *Mare scythicum*, à meridie indicum, ab ortu eoum, ab occidente sinum arabicum siue *Mare rubrum*, & *mediterraneum*, & *euxinum*. Et ut superiore parte continua est *Europæ*, ita in parte australi isthmo *Africæ* conjungitur. *Plinius* tamen & *Strabo*, alique nonnulli, *Asiam* ad *Nilum* usque protendunt, totamque *Ægyptum* *Asiæ* adnumerant. In *Asia* *Cœli* admodum jucunda salubrisque temperies, aër elementissimus ac mirè temperatus. Non tamen omnis *Asia* hanc *Cœli* moderationem sentit: nam ejus dextera atque sinistra, teste *Mario*, calore ac frigore iniqua ac intolerabilia sunt. *Deliciæ* hujus regionis tantæ sunt, ut etiam in proverbium cesserint. Terra omnis & ubertate agrorum, & varietate fructuum, & magnitudine pastionis, & multitudine earum rerum quæ exportantur, ita nobilis, ut facile omnibus terris antecellat. Spectanda hinc fructuum, aromatum, metallorum, gemmarum copia. Hinc balsamum, calamum, thus, myrrham, cassiam, cinnamomum, caryophyllum, piper, crocum, ligna odorifera, resinam, muschum, margaritasque omnis generis accipimus. Spectanda hinc animalium diverforum varietas. Alit enim innumeros elephantes, camelos, & alia complura animalia tum domestica, tum sylvestria. Spectanda ingenia, divitiæ, potentia incolarum. Hinc primum homo à Deo conditus: hinc prima Ecclesiæ Dei sedes: hinc primum Artes inventæ: hinc lex lata; hinc Evangelii doctrina miseris mortalibus cum spe beatitudinis concessa per Dei filium *Iesum Christum*. Hinc linguarum varietas à Deo mortalium generi immissa, in extructione turris Babel. Hinc primum in inferiores potentiorum Imperium ortum est. Hinc *Nimrod* regnare cœpit: de quo in *Genesi* legimus.

Cœli tem-
peries.

Soli fer-
tilitas.

Animalium va-
rietas.

Totius



Imperium
Majorem.

Totius autem tractus Asiatici monarchæ primi fuere *Astyrii*, quorum postremus *Sardanapalus*, unicæ luxuriæ, profligatissimeque mollitiei homo, inter scortorum greges deprehensus ab *Arbacto*, nec multò post ab eodem prælio victus, instructâ incensâque pyrà, se & divitias suas in incendium misit. Postea ad *Persas* devolutum imperium. Inter quos *Xerxes Darii* filius bellum à patre ceptum adversus Græciam, quinquennium instruxit, copiasque decies centum millium, strato super Helle-spontum ponte, ex Asia in Europam deduxit: quas naves quoque decies centum mille numero comitatæ sunt: frustraneo conatu: quum is qui Deo minitari, Mari insulkare, Neptuno compedes injicere, Cælo tenebras inducere, montes solo æquare, totum Orbem concutere ausus fuerat, vix, profligatis copiis, piscatoris scaphâ fretum trajecit, fracto hibernis tempestatibus ponte. Postremus Persici imperii *Darius* fuit, qui victus superatusque ab *Alexandro*, Macedonum Monarchiæ viam fecit, qui primus eam ex Asia in Europam transtulit. Nunc autem Asia universa secundum ejus imperia quibus administratur, nobis non ineptè dividi posse videtur. Cujus prima pars parer imperio Turcico, cujus origo à *Mahumeto*, ditio per ampla. Sed & Moscoviæ Dux magnam Asiæ partem occupat, inclusam Mari glaciali, *Oby* fluvio, *Kitaja* lacu, & lineâ inde ductâ ad Mare Caspium, Isthmumque qui inter hoc Mare, & Pontum est. Tertiam partem magnus *Cham* Tartarorum imperator possidet, cujus fines à meridie sunt, Mare Caspium, *Iaxartes* fluvius, *Imaus* Mons: ab ortu & septentrione Oceanus: ab occidente Moscoviæ regnum. Quartam habet rex Persarum *Sophi*. Huic ab occidente est Turca, à septentrione Tartarus, à meridie rubro Mari aluitur, ad ortum verò *Indo* flumine. Quinta pars conti-

net Indiam tam intra quàm ultra Gangem, quæ non ab uno solo ut reliquæ, sed pluribus regulis (nam quælibet illius regio proprium ferè habet principem quorum nonnulli etiam magno *Chamo* vestigiales sunt) regitur. Sexta habet regnum Chinæ amplissimum. Septima, insulas omnes in Oceano indico & orientali, variè dispersas complectitur. Inter quas *Tabrobana* & *Zeilan*, duæ *Javæ* patrum memoria à Lusitanis detectæ, *Borneo*, *Celebes*, *Palohan*, *Mindanao*, *Gilolo*, cum *Moluccis* aromatiferis, tum *Iaponia*, & nuperrimè inventa nova *Guinea*; de qua an insula sit, an terræ australi connexa, nondum constat. Veteres verò, ut *Strabo* 11, & *Arrianus* 5, multifariam eam divisere. *Ptolemaus* in 47. regiones ac provincias distribuit, cujus descriptionem tradit, quinto, sexto, ac septimo Geographiæ libris, duodecim videlicet tabulis absolutam. Habuit hæc tres urbes toto terrarum Orbe celeberrimas, *Babylonem*, *Niniven*, & *Hierosolyma*. Habet lacus piscosos & immensos, atque unum Mare Caspium in modum vastissimi lacus, quod ad Oceanum usque non pertingit. Fluvios item plurimos, inter quos clariores sunt *Tigris*, *Euphrates*, quorum *Moses* in Genesi meminit, *Iordanus*, *Indus*, *Ganges*. Montes hinc etiam insignes atque admirandi, inter quos *Mons Taurus* qui totam Asiam dirimit, ab eòs veniens littoribus, immensus ipse & innumerarum penè gentium arbiter, dextero latere septentrionalis ubi primum ab indico Mari exurgit: lævo meridians, & ad occasum tendens, donec prementi terras occurrant maria, velut de industria rerum naturâ subinde æquora opponente, hinc Phœnicium, hinc Ponticum: illinc Caspium & Hyrcanum, contraque Mæoticum lacum. Torquetur igitur collisus inter hæc claustra: & tamen victor, flexuosus evadit usque ad cognata Riphæorum montium juga, nume-

Urbes:
Lacus.

Flumina.

Montes.

Opera
Publica.

numerofis nominibus & novis quacumque incedit in-
signis. *Imaus* primâ parte dictus, mox *Emodus*, *Paro-*
pamifius, *Circius*, *Chambades*, *Pharphariades*, *Chroater*, *Oreges*,
Oroandes, *Niphates*, *Taurus*: atque ubi se quoque exupe-
rat, *Caucasus*: ubi brachia emittit, subinde tentanti maria
similis *Sarpedon*, *Coracesius*, *Cragus*, iterumque *Taurus*.
Vbi verò sese aperit, *Pylarum portarumque* nomine unita-
tem sibi vendicat, quæ alibi *Armenia*, alibi *Cassia*, alibi
Cilicia vocantur. Ejus latitudo plerisque in locis est sta-
diorum trium millium: longitudo tanta, quanta ipsi-
us Asiæ, utpote stadiorum 45 millium: hoc est millia-
rium Italicorum 5625. ab orâ scilicet Rhodiensi ad ex-
tremos usque Chinæ & Tartariæ fines. Sed de his satis.
Ad Opera publica transeo, quæ sanè inprimis superba
& magnifica habuit, atque inter septem Orbis miracula
numerata, vel meritò numeranda. Inter quæ primùm
occurrunt *Babylonis muri*, quos *Semiramis* condidit, aut
saltem ruinosos instauravit, coctili latere & bitumine
ferruminatos, ducenos quidem pedes altos, quinquage-
nos latos, adeò ut quadrigas inter se occurrentes reci-
perent, turresque haberent trecentas, plures multò ha-
bituri, nisi aliquâ ex parte paludes pro mœnibus fuif-
sent. Cui tanto tamque portentoso operi adhibita fe-
runtur trecenta hominum millia. *Herodotus* author est,
muros Babylonis habuisse crassitudinem quinquaginta
cubitum regionum, celsitudinem ducentorum. Per
ambitum centrum portæ stabant æræ. *Templum Diane*
Epheſie factum à totâ Asiâ ducentis & viginti annis, ut
testantur historiæ. Hoc autem in solo palustri fecere,
ne terræ motum sentiret aut hiatus timeret. Et ne in lu-
brico & instabili tantæ molis fundamenta locarentur,
ante calcatis ea substravere carbonibus, deinde velleri-
bus lanæ. Templi longitudo erat 425 pedum, latitudo

220. Columnæ in eo centum viginti septem à singulis re-
gibus factæ, ex quibus 36 erant cælatae. Operi præfuit
Ctesiphon. Fuit & *Sepulchrum* quod *Artemesia* regina *Ca-*
riæ Mausolo marito defuncto erexit, inter Orbis mira-
cula adnumeratum: cujus altitudo attollebatur 25 cubi-
tis: cingebatur columnis triginta. Patebat & austro &
septemtrioni pedes 36. Atque hæc inter Orbis miracula
recensentur. Fuit denique magnificum illud *Templum*,
quod anno regni sui quarto ædificare cœpit *Salomon*, non
immeritò septem Orbis miraculis adnumerandum. Tri-
ginta inprimis hominum millia cædendis arboribus, ut
cedris & cupressis, fuere in Libanum destinata. Lapidida-
rum verò extiterunt octoginta millia. Latitudo templi
fuit vicienûm cubitorum; sexagenûm longitudo, altitu-
do fornice distinctâ centenûm & vicienûm. Inferioris
structuræ materia erat ex candenti lapide. Amplitudo
vestibuli denûm cubitorum. Cellæ erant vicienæ pervio
inter se usu, aliæque his suppositæ. Trabes erant cedrinæ,
cedrina concameratio, auro illita, ut parietes omnes.
Sanctior locus à reliquo templi corpore distinguebatur
muro, in quo erant januæ sculptæ, vela ductilia, variis
mæandris & floribus intexta. Duo cherubini ex puro
auro. Pavimentum pedalibus aureis instructum. Januæ
vicienûm cubitorum altitudine, ambitûque duodecim.
Erat & vas æneum tantæ magnitudinis, ut ab re nomi-
natum sit mare, quod vituli duodecim diversas mundi
plagas, terni singulas, prospectantes circumstabant. Fuit
vas illud trium millium batorum capax. Erant & aliæ
figuræ, quas longum esset recensere. Altare fuit æreum
denûm pedû altitudine, longitudine duplo majore. Item
mensa una aurea. Phialarum & aurearum paterarum de-
cem millia. Sed hæc de hac Orbis portione dicta suffici-
ant: ad Americam quartam Orbis partem transeo.

C

Q V A R T A M

*America
nomina
unde de-
ducta.*

QUARTAM hanc Orbis Terrarum partem Veteribus incognitam *Christophorus Columbus* cum reperisset, *Indiam*; alii ob vastitatem novum Orbem dixere: est enim ingens & nostro Orbi, hoc est Europæ, Africæ, Asiæ, simul conjunctis ferè par: uti ex ipso tabulæ nostræ universalis conspectu liquet. Dicitur & *America* ab *Americo Vesputio* Florentino qui primus post *Columbum* continentis partem ultra Æquatorem ab ortu detexit, in quâ sunt *Paria* & *Brasilis* regiones. Quando autem *America* primum coli cœpta sit, incertum est: certè multis seculis ignota latuit: nam quod de Romanis quidam suspicantur, facilius dicitur quàm demonstratur, & commentum illud accuratè refutatum est à *Gasparo Varrerio*. *Senecam* enthyasmo poëtico raptum aliquid de hac in *Medeâ* cecinisse nonnulli opinantur: sed furor est opinari vel illi, vel ulli eo seculo has partes fuisse cognitâs. Primus post multa & adhuc ignota nobis annorum sæcula *Christophorus Columbus Genuensis*, auspiciis Regis Castellæ rem tantam feliciter invenit, edoctus (ut creditur à nonnullis tam clari facinoris gloriam arroudentibus) ab Hispano quodam nautâ, diu Mari atlantico jactato: factum id anno *MDCCCXCII*. Post eum tentavit idem *Americus Vesputius* auspiciis Regis Portugalliæ; factique præmium reulit, quod totus ille tractus ab ipsius nomine Americæ, ut diximus, appellationem habeat. Porro universus hic Orbis à septemtrione ad meridiem exporrectus est duarum magnarum peninsularum formâ quæ tenui isthmo connectuntur: earum altera dicitur *America septemtrionalis*, altera meridionalis. Lōgitudo ejus extēsa est inter Meridianum gr. 190. & Meri. gr. 67. Latitudinis terminus austrum versus,

Sinus.

est fretum *Magellanicum*, id est, gr. *LII*. septemtrionem autem versus, gr. *LXVII*. sursum pleraque adhuc sunt ignota. Habet igitur ab ortu Solis Mare atlanticum, quod vulgo vocant *Del Nert*; à meridie, Terram australem *Magellanicam*, freto interfluente disjunctam. Ab occasu, mare pacificum, *Del Zur*: à septemtrione, incertum terras an maria. Tota circumnavigatio est circiter *xxxii* millium milliarium, ut tradunt probatiores. Est enim tota circumnavigata, præter eum tractum qui septemtrionem respicit, cujus littora nondum perlustrata sunt. Regio in universum multiplex est ac varia: Frumento initio & vino caruit: ejus loco tulit *Mayz*, leguminis genus, sic enim vocant, ut vinum *Chichia*: lintres *Canoas*: regulos *Cacicos* nominant. Ad sementes faciendas terram non arant; sed modicæ altitudinis scrobibus effossis, tria quatuorve grana in unam demittunt, terræque operiunt. Singuli culmi tribus quatuorve paniculis onusti adolescunt, quarum singulæ grana centum & amplius fundunt. *Maizii* scapus hominis altitudinem exsuperat, ac quibusdam in provinciis bis in anno colligitur. Aliud etiam genus panis habent vulgò *Cazabi* dictum. Id ex jucca conficitur: radix est napi crassitudine, quæ nullum ex se semen fundit, sed cannas tantum quasdam nodosas & solidas, viridibus foliis, ut cannabis. Eas cannas, ubi maturitas adest, in tales duos palmos longas exsecant, quas in tumulos quosdam (*Comuchos* appellant) digestas, terrâ obruunt: quoties verò id genus panis conficere volunt, earum radicum quantum visum est eruunt, paucas tamen unaquâq; vulsione, quia brevi corrumpuntur. Duo præterea radicum genera sunt, alteras *Battatas*, alteras *Haias* vocant, specie propè similes, nisi quod *haiæ* minores & sapidiore sunt. Plantantur

*Soli fer-
tilitas.*



Plantantur autem, & sextum intra mensem fructum comedunt: cæterum sapore aliquantulum dulci, sed satietatem mox & fastidium inducente; exigui etiam admodum succi sunt, ventosque, ac supervacuos flatus gignunt. Magnam etiam arborum vim habent ex terræ quæ uvas quasdam agrestes ferunt. Earum acini, prunorum silvestrium specie quæ è spinis & arbutis nascuntur, nigro folliculo vestiuntur: sed quia multum illis ligni, parum pulpæ, inest, ex iis indigenæ vinum non conficiunt. Sunt & arbores olivarum feraces, sed quæ insuavi odore, tum sapore etiam pejore sunt. Varias fructuum species, easque abundè habent; quales sunt *Hovi*, *Platani*, *Pineæ*, *Guaiava*, *Mamei*, *Guanavana*. Fert præterea ipsa regio saccharum, gossypium, linum, aliaque ut apud nos, multasque alias arbores, atque herbas. Habet quoque aromata, margaritas ac gemmas: & auri & argenti incredibili copîa affluit; aliisque metallis ac mineralibus. Sed neque boves ante habuit, neque equos, neque mulos, neque asinos, neque oves, capras, canes. Proinde mirandum non est si indigenæ ad primum equi conspectum perculsi fuerint. Mures gliresque ex Antverpianâ nave quæ per fretum Magellanicum ulterius navigabat, primam illic originem habuere: ex eo in tantum sive soli, sive animantium ipsorum fecunditate creverunt, ut sæpe spem messis, autumnique, in herbis & arboribus arroferint. Animalia varia alit partim nota nobis, partim ignota. Inter alia prodigiosum reperitur animal, cujus ventri natura alterum ventrem marsupii instar affixit. Quoties demigrat, catulos in eum loculum recondit & gestat. Id animal corpus & rostrum vulpis: manus ac pedes cercopitheci: aures vespertilionis habet. Aliud quoque est animal (quod *Cascu* indigenis dicitur) nigri porci specie, pilosum, durissimo corio,

exiguis oculis, auribus patulis, ungulis fissis, brevi promuscide munitum, ut Elephas: barritu adeò terribili ut homines obsurdefaciat: cæterum carne ad esum suavi. Apriorum præterea montanorum, & ferocissimarum tigrum ingens copîa reperitur: leones etiam, sed timidi, qui viso homine fugiunt, & alia. Sunt & pavones, phasiani, perdices & alia avium genera varia, sed longe nostris discrepantia. At de his fusiùs in particularibus descriptionibus dicemus. Dividitur universa America in duas peninsulas maximas, ut supra diximus: quarum altera America septentrionalis, quæ tota circa Equatorem jacet, dicitur: altera meridionalis, quia majori ex parte ultra Equatorem protenditur, licet nonnullæ ejus regiones etiam circa Equatorem sint. Septentrionalis in varias regiones dividitur, quæ sunt, *Quivira*, *nova Hispania*, *Nicaragua*, *Iucatan*, *Florida*, *Apalchen*, *Norumbega*, *Nova Francia*, *Terra Laboratoris*, & *Virginia*. Meridionalis partes sunt multæ: sed præcipuæ & hætenus quidem superatæ barbarisque creptæ hæ sunt: *Castella aurea*, *Papajana*, *Peruvia*, *Chili* & *Brasilia*. Gloriatur in primis duabus urbibus *Cusco* & *Mexico*. *Cusco* Americæ meridionalis metropolis & primaria civitas, eâ amplitudine, fortitudine ac magnificentia, ut cum pulcherri-
mis etiam Galliæ vel Hispaniæ urbibus, invictâ arcis munitione, & hominum potissimum nobilium frequentia, ædificiorum serie ac dispositione, & situs æmœnitate meritò contendere queat. Nulla in eam multitudo plebeia admittitur, sed nobilium, procerum, maximorumque principum sedes est; qui partim intra urbis mœnia, partim in villulis suburbanis, ruri magno numero degunt. Inter quæ quidem præcipua sunt palatia Procerum quatuor, qui hujus reipublicæ clavum moderantur, quæ superbissimè, sumptu propè immenso mar-
moreis

moreis quadratisque lapidibus structa atque depicta videntur. Plateæ cum omnes sint rectæ, crucis formam plerisque in locis efficiunt, nulla autem est per quam non amœnus delabatur rivulus canali ductus, utrimque lapidibus vestito. Forma civitatis quadrangularis, in latere collis, exiliter atque venustè deprimitur. In clivoso & difficili montis ascensu, admirandæ pulchritudinis arx spectabilem atque amœnam hanc urbem reddit: cujus sive pulchritudinem, sive ingentem ædificii molem consideres, per pauca similes in universa Europa illis sunt visæ, qui terras quamplurimas perlustrarunt. *Mexico* sive *Temistitan* in Hispania nova, Mexicana provincia, opulenta & celeberrima civitas, de qua infra in descriptione novæ Hispaniæ acturi sumus. Ad alia pergitur. Multis inclitis amnibus hæc Orbis pars irrigua, quorum plerique auriferi; lacubus ac fontibus copiosa. In lacubus ac fluviis piscium magna copia, unum eorum genus qui ab Hispaniolæ indigenis vulgo *Manati* appellantur. Hic piscis trutæ propè formam referens, xxv pedes longus, xii crassus est, capite & cauda bovem referens, exiguis oculis, pelle dura & pilosa, coloris veneti, pedes duos elephantinis similes habet. Fœminæ ejus generis, ut vaccæ carulos pariunt, eosque gemino ubere alunt. Montes hinc etiam passim plurimi, inter quos est, ut testatur Benso, Mons flammivomus, qui per ingentem craterem tantos sæpe flammarum globos eructat, ut noctu latissimè ultra centum millia passuum incendia reluceant. Nonnulli opinati sunt intus liquefactum aurum esse, perpetuam ignibus materiam. Itaque Dominicanus quidam monachus, quum ejus rei periculum facere vellet, ahenum & catenam ferream fabricari curat: moxque in montis cacumen cum aliis quatuor Hispanis ascendens, catenam cum aheno in caminum demittit: ibi ignis fervore ahe-

num cum parte catenæ liquefactum est. Idque cum iterum multo crassiore catenâ expertus esset, res denuò priori incepto similem exitum habuit. Ad alia transeo. Superba hic urbium & viarum structura, ædificiorum splendor. Hortus fertur fuisse regius in quo herbæ arboresque cum suis truncis, ramis, fructibus ex solido auro, ea mole stabant, quæ vivæ in pomariis. Fertur & conclave regium, in quo omne animantium genus ex gemmis erat, opere partim musivo & segmentato, partim celato, partim etiam ex plumis varie conferto. Memorabile est, & in primis quod de duabus viis referunt, quarum altera per montium ardua, altera per planiciem camposque strata est, à *Quito* urbe Peruana, ad civitatem *Cusco*, spatio quingentorum milliarum: cujus operis decus augent stupendæ lapidum & saxorum moles, non Equis aut Bubus, (nam illis caruerunt) sed humanis manibus adgestæ. Via campestris utrimque munita est muris, patetque in latitudinem pedes quinque & xx: intra quos rivuli fluunt, consiti ad marginem arbusculis, quos ipsi *Molli* vocant. Altera verò è saxis & rupibus excisa per medios montes discurrit, pari latitudine: salebrosis insuper depressisque vallium locis, prout regionis natura postulat, adgestis munitisque. Has vias *Gninaçava* Rex (qui avorum nostrorum memoria vixit) perpurgari, parietes ruinosos restaurari atque exornari fecit: opus ipsum alias multo est vetustius, neque unius hominis ætatis. Fuerunt etiam per itinera disposita diversoria ampla, splendida, amœna, (ipsi *Tambos* nominant) quibus regius omnis comitatus recipiebatur. Hæc de quatuor Orbis partibus generatim pro Methodi ratione sufficiant: postulat eadem methodus, speciatim & per Partes Europam quæ primo loco posita est, deinceps perambulemus.

Ortophica.

Lacus & Flumina.

Montes.


GENERALI descriptione (candide Lector) totius Orbis terræ & quatuor partium ejus juxta naturæ ordinem methodicè repetitâ & præmissâ, statui ad imitationem *Ptolemæi* Cosmographorum principis ab ipso Polo & regionibus sub ipso circumjacentibus, singularum deinceps particularum Geographiam inchoare, ut nimirum ab alto ad inferiora descendens, & à sinistris ad dexteriora progrediens, septemtrionem cum austro, & occidentem cum oriente paullatim jungam: quod ut mihi Reiq; publicæ Christianæ felix faustumque sit, Deum Optimum Maximum precor & obtestor. *Polus* est extremitas axis, id est lineæ per centrum globi tractæ, Latinis, *vertex*. Hi duo sunt, *septemtrionalis* & *austrinus*. *Septemtrionalis* est, qui versus boream semper conspicitur, ideòque etiam borealis & arcticus dicitur. *Austrinus*, qui solis meridionalibus apparet, ideòque meridionalis, notius & antarcticus cognominatur. Ac de *Polis* quidem hoc loco paucula ista sufficiant. Ad regiones sub Polo arctico circumjacentes venio. Quæ sunt *Groenlandia*, *Frislandia*, *Nova Zembla* cum aliis nonnullis, de quibus breviter quantum quidem cognitæ sunt, agemus. *Groenlandia* à viriditate nomen habet, insula ignota adhuc maximâ ex parte, sita est inter circulum Arcticum, & Polum; ejusque Paralleli extremi sunt austrum versus grad. LXV. boream verò versus grad. LXXVII. In hac insula, si *Nicolaus Zeno* (qui anno M. CCCC LXXX, variis jactationibus in vicino mari agitatus est) credimus, continua hyems est novem mensium, quo toto tempore ibi non pluit: neque ineuntis hyemis nives unquam ante ejus finem dissolvuntur: gramine tamen innoxia

Groenlandia unde dicta.

Carli quæ litas & soli.

sunt. Insignes enim hîc graminis & pabuli proventus. Mira item pecorum & lactariorum copia, ob illam pabuli insignem ubertatem: adeo ut strues quasdam ingentes butyri & casei componant, quas eo navigantibus vanales exponant. Duæ autem tantum habitaciones in *Groenlandia* nobis notæ sunt, *Alba* & *S. Thomæ cœnobium*, de quo mox dicemus. *Groenlandiam* lambit mare pigrum quod & glaciale & concretum dicitur. Est in *Groenlandia* monasterium ordinis Prædicatorii: & non procul ab eo mons *Ætnæ* instar ignivomus, ad cujus radices aquarum perennium fons, cujus candentibus aquis non solum omnia illius monasterii habitacula hypocausti instar calefiunt: sed etiam panis & cibi nullo alio adhibito igni excoquantur. Tota hujus monasterii fabrica ex tophis constat, quos idem mons medias inter flammæ evibrat. Idem fontes hortos vicinos tepefaciunt, ita, ut vario florum herbarumque genere perpetuo rideant. Proximus etiam maris tractus harum aquarum benignitate nunquam congelatur, sed piscibus hominibusque perpetuo patet. Inde hîc tantus aquatiliū pisciumque, ex frigidioribus locis concursus, ut non solum hi Monachi, sed circumvicini etiam accolæ suaviter unde vivant, habeant. *Frislandia* Insula Veteribus prorsus ignota: major quàm *Hibernia*. Magna in hac cœli inclementia. Incolæ fruges ullas non habent, sed piscibus vescuntur ut plurimum. Ejus primum oppidum ejusdem cum insula nominis, *Regi Norvegiæ* paret. Incolæ ut plurimum piscationibus rem faciunt. Capitur enim in ejus portu tanta omnis generis piscium copia, ut iis multæ onerentur naves, quibus in circumjacentes insulas avehuntur: quemadmodum

Frislandia.



*Nova
Zembla.*

dum scribit dictus *Zenetus*. Idem Mare insulæ ab occidente proximum, brevibus & scopulis plenum, icarium: & insulam in eo icariam, ab incolis nominari scribit. Insula hæc hoc nostro tempore denuò innotescere incipit, idque Anglorum auspiciis. *Nova Zembla* insula est sita sub gradu 76. Summa hîc inclemētia aëris atque intolerabile & intensissimum frigus. Regio deserta, sterilis, rigida, molesta. In hac nec frondes nec gramen crescit; in hac etiam nulla animalia præter carnivora reperiuntur, qualia vulpes & ursi, quorum non tantum in hac insula, sed in plerisque regionibus septemtrionalibus magna copia est. Sunt & belluæ marinæ: quæ vasto corpore bovisque magnitudinem excedentes, *VValrusschen* vulgò dicuntur: os habent leoninæ specie, pellem villosiorem, quatuor pedes, duos dentes ex oris parte superna prominentes, planos, duros, candentes, ut elephantinis precio non cedant. Freta hîc *Fretum VVeygats*, *Forbisseri* & *Davis*. *Fretum VVeygats* protenditur ad ortum usque ad crucis dictum angulum, deinde ad arctapelioten usque ad dissidii angulum, paulò ad orientem vergentem. In australis lateris *Weygats* continente *Guilielmus Barensonius* aliquos agrestiores homines reperit *Samiutas* appellatos. Vestium horum quibus utuntur forma, similis est illi quam nostri pictores silvestribus hominibus tribuunt: minime tamen silvestres sunt, sed bono intellectu præditi. Amiciuntur pellibus rangiferorum à capite usque ad pedes. Ut plurimum brevi sunt corpore, latâ planâque facie, parvis oculis, brevibus cruribus & divaricatis, agilesque sunt in cursu & saltu. Rhedas habent in quibus unum aut duos rangiferos jungunt, qui unum aut alterum hominem insidentem tam celeri cursu trahunt, ut nullus nostrorum equorum æquari illis possit. *Fretum Forbisseri* à *Martino Forbissero* Anglo nomen accepit, qui

anno MDLXXVII transitum ad Cathajam per septemtrionem quærens, peruenit ad fretum quoddam, in quo reperit & insulas & homines plurimos, de quibus pauca subjiciemus. Homines ejus loci ab omni cultu alieni, crudis ferarum ac piscium carnibus vescuntur. Vestitiuntur pellibus ferarum venatione captarum, herbas etiam crudas bestiarum in morem devorant. Tentoria eorum pellibus balænarum teguntur: perpetuæ ibi nubes & frigus asperissimum. Canibus qui lupos nostros specie referunt, sub jugum missis, utuntur ad res necessarias superglaciem advehendas. Arma illis sunt arcus, sagittæ & funda. Nulla ibi ligna, cervi multi: homines terram non colunt, contenti rebus quas sponte producit: venatione vivunt: potus illis sanguis ferarum est calidus, aut aqua glaciæ: nulli istic fluvii, nullæ scaturigines, quòd violentia frigoris terram ita concludat, ut aquarum scaturigo erumpere nequeat. Homines sunt magni laboris, venatores strenui & præsertim in aucupiiis astutissimi: utuntur certo navigii genere ex coriis confecto in quo solummodò homini locus: cui unico tantum rem opus est: dextra instrumentum tenet quo aves telo jaculatur. Hujus exemplum in Anglia visum. *Fretum Davis* itidem à *Iohanne Davis* Anglo appellationem accepit, qui anno 1585 & duobus proximis littora Americæ, vel potius Groenlandiæ circum spectantia à 53 gradu ad 57 transitum illac in Chinam scrutando perlegit. Quæ de euripis illis quatuor in Tabulis vides, desumpta sunt ex Itinerario *Iacobi Cnoxen* Buscoducensis, qui refert Minoritam quandam Anglum Oxoniensem Mathematicum terras Polo circumvicinas descripsisse & astrolabio dimensum esse in hanc sequentem formam ferè, uti ex *Iacobo* collegit *Mercator*. Euripos illos quatuor dicit tanto impetu ad interiorem voraginem rapi, ut naves semel ingres-

ingressæ nullo vento retroagi possint; neque verò unquam tantum ibi ventum esse, ut molæ frumentariæ circumagendæ sufficiat. Sed hæc *Luciani* veris narrationibus non absona videntur, quando qui loca in quibus euripi illi esse dicuntur lustrarunt, euripos nullos invenerunt: scilicet *Hollandi*, qui usque ad 81 Lat. gr. apertum mare invenerunt. Cæterum de hyperboreorum habitatione expedit audire *Iulium Scaligerum* exercitatione xxxvii, de navigatione ex mari hyperboreo *Sinam* versus ita scribentem: *An verò per id mare possit ad Sinas institui navigatio; alia aliis adducta sunt in utramque partem argumenta, varièque ad sensum est. Nostra tamen hæc sunt. A Divina fluvii ostiis unde cursum auspicantur, legendum esse volunt totum illum tractum, qui universam ambit Scythiam ad ejus orientalem usque angulum: in cujus flexu, septentrionem aut aquilonem cum favoniis commutandum. Quæ de re qui verba faciunt, illius & maris & ventorum & ora naturam minus exploratam habere, certum est. Adeo namque rari sunt zephyri & subsolani, ut penè sint ignoti. Aquilonum frequentia tanta, ut illis imperium cæli quasi legitimum à naturâ commissum esse videatur. Vada infinita, cæca, limosa. Hyeme quæ decem sævitur menses, quasi pavimento solidata maris superficies. Æstate perpetua caligo, quæ pomeridianis horis unâ & alterâ vix discussa, mox redintegratur. Tum verò majus à glaciæ periculum, cujus immensa crusta fluitantes, mobilium insularum inter se concursantium speciem præbent. Certè nuperis Batavorum navigationibus Anno m d x c i v & sequentibus duobus in hæc loca institutis, spes facta est, posse ex mari hyperboreo ad orientales Orbis oras navibus perveniri, sed difficulter admodum propter glaciem, & hybernâ noctem. *Guilielmus Barendsonius* negabat per fretum nassovicum ad Sinas institui navigationem posse, non solum ob gla-*

ciem, sed præcipuè quòd ex variis observationibus cõperit, non mare illud sed sinum duntaxat esse; inprimis ex eo quòd nullum fluxum & refluxum invenerit. Verùm spes illi magna fuit per borealissimam novæ Zemblæ partem dictam navigationem perfici posse. Cæterum cùm indies novæ navigationes illac ad Sinas instituantur, tandem experientiâ discetur, utrùm id perfici possit, nec ne. Constat autem naves nostras ad gradum usque 81. proVectas, & etiamnum mare apertum invenisse: post verò ad grad. 67. glaciæ crustis ingentibus ac nocte ingruente impeditas fuisse, ne ulteriùs progredi possent. Destituit vectores Sol 4. Novemb. Anno m d x c v i: visus iterum 24. Januarii anno sequenti: quo toto tempore in nova Zembla tuguriolo à se instructo latitarunt, usq; ad 14. Junii, fortissimi argonautæ. Sic enim jure eos appellare liceat. Nam quamvis valde celebrata sit à veteribus Argonautarum navigatio: si tamen cum istâ conferatur, ludus censetur. Quis enim, ante hos *Hollandos*, per 13 mensium spatium, ab omni hominum consortio segregatus, rerum omnium inopia pressus, rigidissimo cælo, intensissimū gelu pertulit, sub Poli arctici 76. graduū altitudine, in vasta solitudine ædes fabricavit in quas se reciperet, ut ab aëris inclementia se tueretur, in illis ipsis identidem altissima nive sepultus, ac totis ferè decem mensibus inclusus? Taceo quæ in reditu, navem deferere coacti ac scaphis non tectis vecti, acerba pertulerunt. Taceo feroces, truculentos & ingentis magnitudinis ursos, atque belluas marinas, cum quibus sæpenumero fuit dimicandum. Quas tamen ærumnas omnes, labores & admirandas difficultates, forti magnoque animo, non sine benigna Divini Numinis protectione & favore superarunt.



Nomina à
quibus &
cur indi-
ta.

ISLANDIA inter varias Oceani occidentalis Insulas quæ Norvegiæ Regno subiectæ sunt, maxima, nomen habet à glacie, qua ex parte riget. Dicitur & Snelandia, à nive: item Gardartsholm, i. Gardarti insula. Plerique hanc voluerunt esse antiquorum Thulen. Quam & *Ptolemæus* Thulen vocat: cuiusque medium ponit gradu long. 30.20, lat. 63.0. Hæc quinque dierum & noctium navigatione ab Orcadibus *Solino* statuitur. Insula si qua alia Poëtis celebratissima, cum disjunctissimum aliquid innuerent, quasi totius Orbis remotissima. Hinc *Virgilius*, *Tibi serviat ultima Thule*. Verum enim verò an Thule aliqua fuerit, dubitat *Sinenfius*, & nusquam comparere scribit *Giraldus*, anticipique de ea sententia diftrahuntur doctiores. Plerique *Islandiam* Thulen (uti diximus) olim vocatam asseruerunt: his tamen *Saxo Grammaticus*, *Crantzius*, *Milius*, *Iovius*, *Peucerus*, refragantur. Sed de his satis, redeo ad *Islandiam*. Sita est non sub Meridiano primo, ut notavit quidam, sed octavo inde gradu. Longitudo ejus est c. milliarius germanicorum, ut vulgus scriptorum habet. his addit quadraginta quatuor, islandus *Ionas*. Latitudo milliarius germ. 56. Cælum habet inclemens, ac pro majori parte inculta est, præsertim versus plagâ septemtrionale, ob austerâ spiracula venti circii: qui nec frutices, ut scribit *Olaus*, elevari permittit. Tellus autem sementi faciendæ minime idonea: nullum quoque fert frumentum, at graminis adeò fœcundum solum ferunt in hac insulâ omnes qui de eâ scripsere, ut nisi pecus à pabulo interdum arceatur, ab arvinâ ne suffocetur, periculum sit. Præter equos & boves nullum jumentum apud hos esse, fatetur ipse *Ionas*: bovesque & vaccæ hîc omnes cornibus carent: oves non item. Ca-

Situs.

Cæli &
Soli qualitas.

Animæ
suum va-
rietas.

tellos habent albos, quos impensius diligunt. Falcones candidos magnâ copîa: sunt & cõrvi candidi, agnellis & porcellis infestissimi. Vrsi item & lepores albi. Etiam teste nostro sæpius dicto islando, aquilæ albicantibus caudis: quos *Plinius* (ut addit) pygargos appellavit. Præter betulam & juniperum nullam hanc insulam ferre arborem *Velleius* testatur: Quare lignorum maxima per universam insulam inopia est, nisi fortè (quod interdum accidit) ex septemtrionali Norvegiæ plagâ arbores grâdiores ventorum turbine funditus extirpatæ naufragii instar ad hæc littora deferantur: quibus incolæ ad usum focorum, ædificiorum, naviumq; utuntur. Subest Regno Norvegiæ, ab anno nempe 1260, quo primum hos homagium huic præstitisse tradit idem *Ionas*. Quâ ratione Rex Daniæ, qui & Norvegiæ, eò quotannis præfectum mittit, qui in arce *Besfede* sedem suam tenet, eique nunc obediunt, ut quondam suis Episcopis: à quibus ad Christianâ fidem sub *Adelberto* conversi fuere. Tempore *Haraldi Pulchricomis* primi Norvegiæ monarchæ, sunt qui putant habitari cœptam: cum hîc nempe Regulorû multitudinem expulisset ex Norvegiâ, qui novas quærentes sedes, huc cum familiis commigrarunt, atque patriæ desiderium exuentes, mansere. Circa annum *Christi* millesimum hæc accidisse verisimile: circa annum 874. scribit nominatus islandus *Ionas*, apud quæ habes horum Episcoporum omnium seriem & nomina. Primum eorum Episcopum nominat *Crantzius* *Isephum*. Sub eorundem Norvegiarum imperio videtur fuisse ante annos ducentos, ex excerptis *Nicolai Zenii* Eclogis, ubi legimus hanc insulam à *Zichmi* Frislandiæ Rege bello petitam, sed frustra, & à Regis Norvegiæ militibus præditiariis in hac insula positus repulsum.

Imperium
majorum.

Dividitur

Dividitur verò insula univerſa in totidem partes, quot ſunt Mundi cardines. Orientalem vocant *Auſtlandinga-fiordung*, occidentalem *VVeſtlandinga-fiordung*, ſeptemtrionalem *Nortlandinga-fiordung*, meridionalem *Suydlandinga-fiordung*. Urbibus carent, montes pro urbibus habentes.

Fontes.

Fons hic qui fumigantis aquæ vitio nativam rei cuiuslibet originem demolitur: & quicquid fumi huius exhalatione reſpergitur, in lapideæ naturæ duritiæ tranſmutatur formâ dumtaxat ſuperſtite. Eſt & fons peſtilentis undæ, quem qui guſtaverit, perinde ac veneno proſternitur. Sunt latices cerealis poculi proprietatem imitantes.

Maris.

Oceanus autem ſeptemtrionalis in quo hæc insula ſita eſt, tantam piſcium copiam ſubminiſtrat, tantamque Reipublicæ Iſlandicæ utilitatem præſtat, ut non multorum hominum, ſed totius inſulæ ſalus & fortunæ inde pendere videantur. Inde enim omnes aut vivunt, aut victum quærunt, familiasque ſuſtentant. Hic ſi velim huius Maris piſciû genera omnia recensere, tempus me deficiat. Aliquot verò rariora non abs re fuerit commemorare. Inter quæ piſcis *Nahual*. Huius carnem ſi quis comedat, ſtatim moritur: habetque dentem in interiori capitis parte prominentē ad ſeptem cubitos. Hunc quidam pro monocerotis cornu vendiderunt. Creditur venenis adverſari. Quadraginta ulnarum longitudinem habet bellua. *Roider*, centū triginta ulnarum eſt, caret dentibus. Ejus caro eſui accommodatiſſima gratiſſimaque; pinguedo multis morbis medetur. *Cetus Britannicus*, longitudine triginta ulnarū: dentibus caret, linguamque ſeptem ulnarum habet. Eſt & maximum *Cetorum* genus quod rarò apparet, inſulæ magis quàm piſci ſimile. Inſequi minores piſces præ corporis illâ immani mole nequit, capit tamen illos ſuâ quadam arte & aſtutiâ. Alius item piſcis *Stantus valur* dictus, totus

cartilagine⁹, rajæ aliquo modo ſimilis: ſed infinitis modis major, inſulæ ſpeciem, cum apparet, præ ſe fert, aliſ naves evertit. Sunt & *Seenaut*, boves marini, colore grifeo: & alii. Ad montes tranſeo. Iſlandiæ (inquit *Georgius Agricola*) tres ſunt montes elati in Cælum, quorum vertices perpetuâ nive candēt, radices ſempiterno æſtuant igne. Primus vocatur *Heela*, alter *Crucis*, tertius *Helga*, id eſt ſanctus. Ab *Heclâ* non longè abſunt fodinæ ſulphuris, penè unicum incolarum mercimonium, & vetigal inſulæ: mercatores enim naves eo onuſtas evehant. Mons ipſe cum furit, ut horribilia tonitrua, inſonat, projicit ingentia ſaxa, ſulphur evomit, cineribus egeſtis omnia longè latèque complet, ut ad vicesimum lapidē terra coli non poſſit. Qui naturam cauſasque ejus incendiî curioſius contemplari propiùs ad montē accedunt, facilè aliquâ latente voragine vivi abſorbentur: nam & multæ ſunt, & cineribus ita reſectæ, ut nemo ſibi cavere poſſit. Locū propterea vocant carcerem ſordidarum animarū. Accedit huc, quod quum glacies ſoluta totos octo meſes magnis molibus littori undique allidatur, horrendum ſonum edat, quem incolæ dicunt animarum eſſe ejulatum & quiritationē. Ejusdem naturæ alius mons nomine *Helga*. Hic mons anno 1581, teſte *Iona*, tanto fragore & tonitru ignes & ſaxa eructavit, ut inde ad octoginta millia grandiores machinæ bellicæ explodi putarentur. Apud hunc vorago quædam, ubi ſpectra ſe offerunt, congreſſibus hominū tam manifeſta, ut tanquam viventes accipiantur ab ignaris moris illorum: nec deprehenditur error, priùs quàm diſparuerint umbræ. Sed hæc aut fabuloſa ſunt, aut certè Dæmonum ludibria: Ipſe *Ionas* fabuloſa putat. *Crantzius* Iſlandos ſpecus plerumque habitare ſcribit, ad montiū latera excavatis manſiunculis. Quod idē quoque

Montes.

Opera &
publica &
privata.

Morei.

Vitæ.

que *Olavus* asserit, inprimis tempore brumali. Ex ossibus piscium domos exstruunt, penuriâ lignorum. Contra *Joânes* dicit hîc templa & domicilia exstare satis multa ex ligno, cespite, & faxis satis magnifica & sumptuosa. Duos habet insula Episcopatus cathedralēs. *Holam*, sub quo sunt monasteria *Pingora*, *Remestad*, *Modur*, *Munkeniere*. *Scalholt*, cui monasteria subsūt *Videy*, *Pyrnebar*, *Kirkkebar*, & *Shieda*. Ex *Vellei* hujus tabulæ auctoris tamen scriptis intelligitur novem in ea esse monasteria: & templa præterea trecenta viginti novem. Episcopi autem ex academiâ *Haffniensi* eò mittuntur, quorum alter boreali insulæ parti præest, alter meridionali. Ac uterque gymnasium publicum ædibus adjunctum habet, in quo viginti quatuor pueros suo sumptu alere & erudire tenetur. Incolæ communi tecto, victu & strato gaudent cum jumentis. In simplicitate sancta vitam agunt, cum nihil amplius quærant quàm quæ natura concedit. Nam & montes habent pro oppidis, ut diximus, & fontes pro deliciis. Beata gens, cujus paupertati nemo invidet, & inde beator quod Christianissimum acceperit. Sed mercatores Angli & Dani quiescere gentem & suo contentam esse non sinunt. Nam ob piscaturam evehendam, insulam hanc frequentantes, cum mercibus omnigenis vitia quoque nostra invexerunt. Res majorum memorabiles carminibus celebrant, vel scopulis insculptas vindicant ab oblivione. Piscibus ut plurimum vitant, quibus quoque exsiccatis & contusis, tanquā in farinam redactis, loco panis in mensa utuntur: lautiores autem pane bis cocto. Potus olim aqua, ditioribus lac: nunc autem fruges aliunde allatas huic miscere didicerunt; & simplicis undæ, postquam exteri cum iis negotiari cœperunt, oderunt haustum. Lubecenses enim, *Hamburgenses*, & *Rostochiensis* quotannis

hanc insulam navibus suis frequentantes eò deferunt *Morei mona.* farinam, panem, cerevisiam, mulsum, vinum, pannos anglicos, lintea, ferrum, chalybem, aurum, argētum, mulierum vittas, & ligna in usum ædificiorum & navigiorum: exportant pro his pannum islandicum, (vulgò *rratman*) magnas sulphuris effossi moles, pisces induratos, butyrum, sebum, vellera, ferarum pelles, vulpes, falcones albos, equos, & alia istiusmodi. Piscium hîc tanta copia, ut eorum strues altissimas sub dio concinnent, atque ita vānum exponant, altitudine interdum ipsa ædium tecta superante. Tanta etiam butyri falsi copia, ut cistis odoratis recondant longitudine pedum quadraginta, altitudine 5, præter usitata dolia.

Sed lubet *Erasmi* *Michaëlis* versus, quos habet lib. 3. rei nauticæ de Islandiâ, adjicere:

*Ultima Parrhasias Islandia spectat in Arctos,
Sub Caurum porrecta gradus: non divite tantum
Lata solo; cum vel cæcis occlusa cavernis,
Sulphura flava coquit mixtisque extrudit arenis:
Pabula vel latis pecori gratissima pratis
Fundit, & oppletas investit gramine vales:
At vicina etiam solidos cum littora pisces
Nec numeris, nec mensura, certisve ferendos
Nomimbus stipat, ratibusque immittere certat.
Proventu siquidem vario cum exceßerit, uno
Hoc vincit tamen, & cumulatopisce redundat,
Aucta opibus sortesque animis complexa colonos.
Cujus & in notios que pars jacet obvia ventos,
Aestuat aternis per aperta foramina flammis,
Eruatque globos cinerum, trepidoque boatu
Hecla tonans intersparsâ pice sidera lambit.*

Regio.
Nomen à
quilus &
curtus
ita.

BRITANNIA omnes insulas, quæ inter Hispanias & Germaniam magno terrarum spacio Galliæ prætenduntur, suo nomine complectitur. Eam nuper *Lhyddus Prydaniæ*, *Th. Eliotus* eques britannus *Prydaniæ* dici voluerunt, sed studio magis contentionis, quàm veritatis incitati, contra *Aristotelis*, *Lucretii*, *Iulii Caesaris*, & aliorum veterum scriptorum auctoritatem ac fidem. Quia autem olim Britannii omnes se glasto inficerent, quod coeruleum efficiebat colorem, ut hoc horribiliore in pugna aspectu essent: iidemque quicquid depictum & coloratum *Brith* patriâ & antiquâ linguâ appellarent, rectè quidam statuunt Græcos (qui primùm hoc nomen ita conceperunt) ab incolis, quos *Brith* & *Briton* appellari accepissent, ad *Brith Tania*, quod regionem significat, addidisse: & ideo Britanniam regionem Britonum, id est, pictorum & coloratorum dici, non aliter atque Mauritania mauri, Lusitania lusi, & Aquitania aquarum regio nominatur. Britanniam autem omnibus cæli ac soli bonis natura donavit, in quâ nec rigor est nimius hyemis (ut habet *Panegyricus Constantino dictus*) nec ardor æstatis: in qua soli ferti-segetum tanta fecunditas, ut muneribus utriusque sufficiat, & Cereris & Liberi; in qua nemora sine immanibus bestiis, terra sine serpentibus noxiis. Contra, pecorum mitium innumerabilis multitudo, lacte distenta & onusta velleribus; certe quod propter vitam diligitur, longissimi dies, & nulla sine aliqua luce noctes, dum illa littorum extrema planities non attollit umbras, noctisque metam cæli & siderum transit aspectus, ut Sol ipse qui nobis videtur occidere, ibi appareat praterire. Inter omnes Britannicæ insulas duæ reliquas magnitu-

Cæli temperies.

Soli fertilitas.

Animalium varietas.

dine longè præcellunt: *Albion*, sub qua Anglia & Scotia continentur, & *Hibernia*. Prima magnitudine est *Albion*, quæ nunc sola nomen Britannicæ retinet, quod antea omnibus erat commune. Atque hoc nomen magis è libris eruitur quàm in communi sermone usurpatur, nisi quod Scoti se *Albinich* & suam regionem *Albin* adhuc vocent. De nomine autem *Albion* non multum laborandum, quod huic insulæ imposuerunt Græci ad differentiam, cum circumvicinæ insulæ omnes Britannicæ vocarentur. A Græcorum enim vanitate, fabulositate & desultoriâ illâ in fingendis nominibus levitate enatum videtur. Cum enim illi Italiam ab *Hespero Atlantidis* filio *Hesperiam*, Galliam à *Polyphemi* Gallatiam &c. fabulose dixerint: hanc insulam ab *Albione Neptuni* filio *Albionem* etiam fabulose denominasse, vero non absurdum videtur: quod *Perottus* & *Lilius Giraldu* prodiderunt. Alii ab *Ἀλφειον* malunt deducere, quod teste *Festo*, album Græcis sonat, unde & *Alpes* appellatæ. Figura ejus triquetra est, Siciliæ maximè similis: nam in tres diversos angulos sese cuneat. Promontorium primum *Bolerium* occidentem versus Angli vocant *The cap of Cornwall*. Secundum *Cantium*, quod orientem prospicit, Anglis *Northforland*. Tertium *Orcas* sive *Tarvisium*, quod longè in septentrionem extenditur, Scotis *Dungisbehead* dictum. *Livius* & *Fabius Rusticus* eam oblongæ scutulæ sive bipenni assimilavere. Ab occasu, quæ *Hibernia* sita est, *Vergivius* Oceanus irrumpit: à septentrione, vastissimo & apertissimo hyperboreo Mari pulsatur: ab ortu quæ Germaniæ prætenditur, Germanico: à meridie quæ Galliæ opponitur, Britannico urgetur.

Albion
Insula.

Figura
scutæ.



getur. *Diodorus* libro sexto ambitum ejus scribit esse duorum & quadraginta millium stadiorum. *Martianus*, *Britannia*, inquit, longa millibus octingētis, lata trecentis, circuitu tricies octies viginti quinque millia tenet. Nugæ. Doctissimus & accuratissimus scriptor *Camdenus* hanc rationem inivit: à Tarvisio promontorio ad Bolerium, itinere ob sinuosos littorum tractus curvato, millia passuum sunt DCCCXII: inde ad Cantium CCCXX millia: denique à Cantio ad Tarysium DCCIII millia. Quæ summa est MDCCCXXXVI millium passuum. Hæc insula olim in duas partes divisa fuit, teste *Ptolemæo* Magnæ Constructionis lib. II. c. 6. ubi insulam universam in *Britanniam* magnam & parvam dispecit. Magnam vocat citeriorem ejus partem ad meridiem: parvam verò ulteriorem ad septemtrionem. Romani verò ulteriore parte neglecta, quia, ut inquit *Appianus*, illis utilis esse non poterat, citeriorem in provinciam jam redactam primùm duplicem fecerunt, inferiorem & superiorem, ut ex *Dione* colligitur. Angliæ enim partem citeriorem cum Wallia superiorem, ulteriorem & septemtrionalem inferiorem vocat. Postea in tres partes diviserunt, ut ex *Sexto Ruso* liquet, in *Maximam casariensem*, *Britanniam primam*, & *Britanniam secundam*. Postremo cum Imperii Romani formula indies immutaretur, Britanniam in quinque partes distribueret: Britanniam nimirum primam, secundam, Maximam casariensem, Valentiam, & Flaviam casariensem. Atque hæc quidem fuerunt sub Romanis ipsius Britannix divisiones. Nonnulli universam insulam olim fuisse in tres partes divisam scripsere, nempe in *Loegriam*, *Cambriam* & *Albaniam*. Sed hanc recentiore esse divisionem credit *Camdenus*, ut quæ à tribus populis, Anglis, Cambris & Scotis, qui postremo insulam inter se diviserunt, videatur enata. Postea in duo Regna, nempe Angliam & Sco-

tiam, divisa est insula: jam verò sælicissime sub *Iacobo VI.* unita hæc duo sunt Regna, & tota insula *Magna Britannia* appellatur. Vastissimo autem & apertissimo Oceano, ut supra docuimus, Britannia undique circumfunditur, quem *B. Basilus* Mare magnum, & navigantibus horrendum dixit. Latè certè modò campos vicinos inundat, modò refugit & nudat, & ut cum *Plinio* loquar, in magnitudine hac aperta, Lunæ vim laxè grassantis efficacius sentit, tantaque vi semper immititur, ut non solum flumina retroagat, sed aut terrestria deprehendat animalia, aut marina destituat. Tantumque erat vel hoc mare hyeme navigare, ut *Iul. Firmicus* in libello de errore prophandarum religionum ad *Constantem* & *Constantium* Imp. exclamarit: Hyeme (quod nec factum est aliquando, nec fiet) tumentes, & savientes undas calcastis Oceani Britannici, sub remis vestris incogniti jam nobis ponnè maris unda contremuit, & insperatam Imperatoris faciem Britannus expavit. Quid amplius vultis? virtutibus vestris victa Elementa cesserunt. De commoditatibus quas hoc Mare præstat, de tempore quo terras fovet, de vaporibus quibus aërem nutrit, & agros irrorat, de piscibus varii generis, salmonibus, passeribus, paguris, afellis, halecibus &c. quorum infinita examina alit, nihil attinet dicere: margaritæ tamen non sunt silentio prætereundæ, quas rotunda specie mari Britannico gregatim natare, ducem sectantes more apum, *Iubas* memorat. Meminit & *Marcellinus*. Harum spe Casarem Britanniam petiisse author est *Suetonius*. Atque hæc de Albione, nunc reliquas præcipuas percurramus. Inter omnes longe præcellit Hibernia, de qua nihil hîc, sed in propriis quas occupat tabulis, dicturi. Eam sequuntur *Orcades*, nunc *Orckney* xxx, plus minus, insulæ, modicis inter se discretæ spatiis, quas ita appellat quædam antiqua membrana, quasi *Argath*, id est, supra *Getas*, ut ibi

Mare.

Commoditates.

Orcades.

Scliferti-
liam.Anima-
lum va-
rietas.Imperium
Majorum

ut ibi exponitur. *Camdenus* mavult *supra Cath*; obijacet enim *Cath* regioni *Scotie*, quam ob promontorium *Cath- nesse* nunc vocant, cuius incolæ *Carini* pro *Cathini* perpetram *Ptolemao* nominari videntur. *Solini* ætate homine vacarunt, & junceis herbis inhorruerunt, nunc vero cultæ sunt, sed si ne silvis, hordei satis feraces, tritici & arborum omnino indigæ. Serpens in eis nullus aut venenosus animal. Animalium greges numerosissimos nutriunt: lepores, cuniculi, grues & cygni hic multi. Copiosa item in his piscatio est, ex qua incolæ non parum emolumenti capiunt. *Iulius Agricola* classe primus Britanniam circumvectus *Orcadas* ad id tempus incognitas invenit domuitque, (tantum abest ut *Claudius* devicerit, quod *Hieronymi* Chronicis asseritur.) Deinde verò cum Romanorum concideret in Britannia imperium, Pictorum sedes fuerunt. Postea in Norvegorum potestatem & Danorum devenerunt: unde gothice loquuntur incolæ: & demum *Christiernus* Rex Danicæ pactâ pecuniâ, Anno MCCCLXXIII omne jus suum in Regem *Scotie* transtulit. Harum autem præstantissima *Pomonæ* episcopali cathedrâ celebris, à *Solino* P. O. MONA diutina ob dici prolixitatem vocata: hodie *Mainland* incolis, quasi continens esset, Stanni & plumbi ferax, ac sede episcopali in *Kirkcubright* oppidulo, & duobus castris ornata. *Ocellis* etiam inter has à *Ptolemao* recensetur, quam *Heth* nunc dici conjectat *Camdenus*. An verò *Hey*, quæ inter has numeratur, *Plinii* *Dumnæ* dicam, inquit idem *Camdenus*, nondum statui. Certè si non sit, malim *Faire Isle*, i. Insulam pulchrâ cuius oppidum quod habet unicum *Dame* dicitur, *Dumnæ* existimare quam cum *Becano* & *Wardhuys* in *Lappelandia* censere. Hactenus ille. *Zelandiam* quoque unam earum nomi-

nat *Ioannes Major*, quinquaginta mille passibus in longum expositam. Incolæ porro harum insularum cum abundantia hordei potentissimum conficiant potum, & omnium mortalium sint bibacissimi, nullum tamē in eis unquā ebrium, aut mente alienatum, nullum amentem aut stolidum visum esse testatur *Boetius*. His proximæ *Hebrides* insulæ numero XLIII, quas *Beda* *Hebrides* *Mayanias*, *Ethicus* *Betoricas*, *Giraldus* alibi *Inchades* & *Leu-* *cadæ*, *Scoti* *Vesterne* *Iles*, i. occiduas insulas: *Ptolemaus* cum *Plinio* & *Solino* *Ebudæ* vocat. Harum triginta esse *Plinius* scripsit, sed quinque recenset *Ptolemaus*. Prima *Ricina* est, *Plinio* *Rinea*, *Antonino* *Ridunæ*, nunc *Rac-* *cline*. Insula hæc exigua est objecta *Hiberniæ*: Proxima *Epidium* est, nunc *Ila*, (teste *Camdeno*) insula satis ampla, & campestri planicie ferax. Inter hanc & *Scotiam* *Iona* interjacet, *Beda* *Hy* & *Hu*, situ plano gaudens, in qua episcopalis est sedes, in *Sodore* oppidulo; unde insulæ omnes *Sodorenses* etiam dictæ fuerunt, quod in ejus dicecesi censeantur. celebris autem est Regum *Scotie* sepulturâ. Inde *Maleos* est *Ptolemaei*, nunc *Mula*, cuius *Plinius* meminit, cum inquit: *Reliquarum Mella* xxv. mill. pass. amplior proditur. *Hebuda* orientalis, nunc *Skie*, deinde *Scotie* littori longè obtenditur, & *Hebuda* occidentalis magis in occasum divergens, nunc *Lerres*, cui præest *Maccloyd*, & in antiquo *Mannicæ* libro *Lodhuys* dicitur, monticulis prærupta, saxosa & raro cultore, sed omnium amplissima; à qua exiguo euripo *Eust* disjungitur. Cæteræ præter *Hyrrham* ignobiles sunt aut saxi asperæ, aut cautibus inviæ, & vix virenti cespite vestitæ. Sequuntur *Mona* & *Veitis* insulæ, de quibus vide ea quæ in septima Angliæ Tabula dicuntur.

Regio.
Nomina
prisca &
recentia,
& quibus
& cur in-
di: a.

HIBERNIA Insula sequitur, Orpheo, Aristoteli & Claudiano Ierna, Iuvenali & Mela Iuvernica, Diodoro Siculo Iris, Eustathio Vernia & Bernia, incolis Erin, Britannis Iverdnon, Anglis Ireland.

Vnde hæc profluxerint nomina, variæ ut in re obscura subinde enatæ sunt opiniones. Hiberniam alii ab *Hibero* duce Hispano, qui primus magnâ hominum coactâ multitudine, eam occupavit, dictam volunt. Ab *Ibero* fluvio alii, quod illius accolæ primi insulam habitaverint; alii ab *hiberno* tempore, quia ad occidentem vergit. *Eulogii* author ab *Irnalpho* duce. *Hibernia* & *Iuvernica*, proculdubio ab *Orpheo* & *Aristotelis* Ierna dimanarunt: Ierna autem illa, *Iris*, *Iverdnon*, & *Ireland*, ab incolarum *Erin*. Ab *Erin* ergo gentis vocabulo etymon petendum. Hic *Camdenus* quid opinione augurari possit se habere negat: nisi forsan, inquit, sit ab *Hiere* hibernica voce illis occasum, sive plagam occidentalem sonante, unde *Erin* quasi occidentalis regio deducta videatur. Protenditur hæc insula ab austro in aquilonem, forma lenticulari, sive ovali, non viginti dierum navigatione, ut *Philemon* apud *Ptolemaum* tradidit, sed cccc tantum mill. pass. latitudine vix cc implet. Ab ortu habet Britanniam, à quâ Mari hibernico & unius tantum diei navigatione discluditur. Ab occidente vastum Oceanum. A septemtrione, quâ Oceanus Deucaledonius quem *Ptolemaus* vocat *Hyperboreum*, irrumpit, habet Islandiam: ab austro respicit Hispaniam. Aër hujus Insulæ est saluberrimus, cœlum mite, clemēs, blandum: nam neque æstivo calore incolæ ad umbras & loca opaca impelluntur: neque frigore ad focos; semina tamen ob Autumni humiditatem rarius maturescunt. Hinc *Mela* scribit, cœlum ad maturanda semina iniquum

Situs.

Calitē-
peries.

habere. Salubritate tamen & serenitate aëris multum Britannia præstat. Terræ motus hic numquā, vix semel in anno tonitru audies. Regio glebâ præpingui, uberi- que frugum proventu felix est: pascuis tamē quàm frugibus, gramine quàm grano fecundior. Triticum namque grana sunt hic contracta & minuta, & vix alicujus vanni beneficio purganda. Quod ver gignit, æstas nutrit, vix in messe pluvialis aquositas colligi permittit. Æolicis namque flatibus, & pluvialibus inundationibus præ aliis terris hæc exuberat: *Verum* (ut inquit *Mela*) adeo luxuriosa herbis non letis modo, sed etiam dulcibus, ut sexigua diei parte pecora se impleant, & nisi pabulo prohibeantur, diutius pasta disiliant. Quod etiam *Solinus* de hac insula testatur.

Hinc pecorum infinita multitudo, primæ & præcipuæ incolarum opes; ovium etiam greges plurimi, quas quotannis bis tondent. Equi item optimi (*Hobies* vocantur) quibus non idem qui cæteris in cursu gradus, sed mollis alterno crurum explicatu glomeratio. Nullum ibi reptile degit, nullus serpens, privilegio cum Creta communi: sæpe etiam illuc de Britannia allati serpentes mox ut proximantes terris odorem aëris illius attraxerunt, intereunt. *Beda* testis est, vidisse se quibusdam a serpente percussis rasa folia codicum ex Hibernia apportatorum propinata esse, & continuo totâ vim grassantis veneni, tumoremque inflati corporis recessisse. Falcones præterea, accipitres & nisos, præ aliis regionibus copiosè producit. Aquilarum quoque non minor hic copia, quam alibi milvorum. Tantâ verò multitudine se grues ingerunt, ut uno in grege centum frequenter reperias. In boreali plaga cygni etiam abundant. Ciconiæ vero per universam insulam rarissimæ sunt, & illæ nigræ. Perdices, phasiani, picæ & philomelæ deesse dicuntur.

Animalium
varietas.

Apum



Apum tanta multitudo, ut non solum in alveariis, sed etiam in arborum truncis & terræ cavernis reperiantur. Scribit etiam *Giraldus* de avibus præ cæteris hoc memorabile, ex lignis quibusdam in mari temerè natantibus, gummi primum effluere: hoc gummi postea in crustam indurescere, intus nasci animalcula, quæ primum vitæ, postea rostra, pennas, alas concipiant, denique vel in aëre volitent, vel aquis innatent, neque aliter generari hoc animal. *Sylvester Giraldus* quem dixi, testatur se istiusmodi aves permultas vidisse semiformatas, rostro ex testulis pendentes, quæ si perfectæ fuissent, reliquarum more volitassent. Sunt & aves, eodem teste, bisformis naturæ, quas aurifrisios vocant, plurimæ; aquilæ quidem minores, accipitre majores; quibus alterum pedem unguibus armatum, apertum & rapacem: alterum vero clausum & pacificum, folique natatui idoneum, naturæ ludentis opera contulit admiranda. Sunt & aliæ quas martinetas vocant, merulæ minores, in modum coturnicum curtæ; sed albo ventre nigroque dorso degenerant. Mirum de his aviculis, quia si mortuæ in loco sicco servantur, putrescere nesciunt: & inter vestes aliasve res locatæ, eas indemnes à tineâ conservant. Et quod longè stupore dignius est: mortuæ quoque in sicco suspensæ, rediiva plumarum renovatione singulis annis immutantur. Ferarum quoque omnia fere genera continet. Habet enim cervos, qui præ nimia pinguedine parum ad cursum apti sunt: & quanto minores sunt corporum quantitate, tantò præcellentius efferuntur cornuum dignitate. Aprorum magna copia est. Sunt & lepores multi. Sed omnium animalium ferarum & avium corpora, hic quàm alibi minora. Est & taxus, & mustela. Sed caret capris, damis, & ericiis. Talpæ nulli vel rarissimi: sed mures infiniti. Lupum item & vulpem

habet. Sed de his satis, ad alia transeo. Hibernia quondam multos Regulos habuit, nunc autem sub Anglorum regimine & per Proregem quem Dominum deputatum vocant, administratur. Hibernia verò sub dominio Regis Anglorum incidit circiter annum 1175, quo *Rodericus Connaciæ Rex*, se Regem universæ Hiberniæ nominavit, qui cum totam insulam subjugare contenderet, bellum continuum cum cæteris Regulis gerebat, ex cujus quidem seditione factum est, ut alii Reguli se sponte, ac sine ulla sanguinis effusione Anglorum Regi *Henrico secundo* dederint: & inde omnes Hiberniæ Domini dicti sunt usque ad *Henricum octavum*, qui Rex Hiberniæ ab insulæ Ordinibus & Proceribus declaratus fuit, quia quibusdam seditionis Domini nomen erat invisum. Quatuor in hac civitates præcipuæ, *Dublinia Urbs*: totius Hiberniæ metropolis, sedes Regia & archiepiscopalis, comitatusque titulo exornata. Secundas partes tenet *Waterfordia*; tertias *Limericum*, quartas *Corkagia*. Sunt & alia ibi oppida ac municipia satis magna, de quibus in particularibus descriptionibus fusius. *Lacus* quoque plurimos hæc terra habet, inter quos lacus est in *Hultoniam* ab *Erno* lacu xx. mill. distans, de quo suo loco fusius. Super *Armacum* urbem stagnum est haud amplum, in quod si hastam defixam aliquot menses relinquant, pars ea quæ luto inhæsit ferrea, quæ aquæ immerfa saxea, extans lignea futura sit. Est & *Erno* lacus, qui xxx. mill. pass. in longitudine, xv in latitudine diffunditur; silvis opacis coronatus, & adeò piscosus, ut piscatores nimiam frequentius piscium copiam, retiumque rupturas, potiùs quàm defectus conquerantur. Fluminibus item egregiis scinditur & rigatur insula: quorum nomina hæc sunt: *Avenlisius*, *Dubel* perfluens, *Boandus*, per *Mediam*, *Banna* per *Ultoniam*: per Con-

Imperium
Majorana

Urbs

Lacus

Flumina

Connaciam *Linus*, & *Moadus* per *Kenel-cunilliam*, *Slicheiam*, & *Samairam*: *Modarnus* verò & *Furnus* per *Ke-neleoniam*, & alia plurima. Inter omnia verò flumina *Hiberniæ* non immerito principatum *Symenus* obtinet, tam quantitatis suæ majestate longisq; terrarum excursibus, quàm fœcundissimâ piscositate. Cæterum flumina & lacus suis sibi innatis fœcunda sunt piscibus. Terra inæqualis est & montosa, mollis & aquosa. In summis montium verticibus stagna reperies & paludes. Pecore montes, nemora feris abundant. De mari quod *Hiberniam* & *Britanniam* interluit sic scribit *Solinus*:
Mare quod inter Hiberniam & Britanniam interluit, undosum & inquietum toto in anno, non nisi æstivis pauculis diebus est navigabile. Sed errat. Satis enim tranquillum est, nisi ventorum vi agitetur. Et non solum æstate, sed etiam summa hyeme vectores ultro citroque navigant. Marinis autem piscibus per omnia latera maritima, satis abundat. Habet *Hibernia* in universum comites triginta tres. Archiepiscopos quatuor: *Armachensem* totius *Hiberniæ* primatem: *Dublinensem* *Hiberniæ* primatem: *Casiliensem* & *Toamensem*. Et hi quatuor viginti novem suffraganeos habent. *Hibernia* ex incolarum moribus in duas partes distribuitur. Qui enim legibus teneri recusant & incultius vivunt *Irishrie*, & vulgo *Wild Irish*, id est, sylvestres *Hibernici* vocantur. Qui verò legum potestatem sanctam habet, & judicii se sistunt, *Anglo-Hibernici* dicuntur, & eorum regio *The English Pale*: anglice, naturaliter & incorruptè loquuntur; *hibernice* tamen norunt, propter quotidianam commercia. *Hibernici* primarios quosdam tyrannos habent, quorum imperio plures tenentur: sub anglico jure & imperio, nisi simulatè & quamdiu angli milites eorum territoria de-

populantur, non vivunt. *Judicia* tamen propter depredationes frequentes, & furta nocturna, certis temporibus & locis constituunt. Illic reorum qui accusantur, proprium est: nego. Si convincantur, ad litem æstimandam quosdam arbitros, quos illi *Brehonios* appellant, adhibent. Isti sunt ex una familia profeminati, qui quamvis intelligentiam juris non habeant, vulgò tamè propter arcanam quandam scientiam ac moribus acceptam, quasi divini habentur. Militia eorum partim equestris, partim pedestris est. Equites habent equos valde tractabiles, quos sine ullis adminiculis, etiam loricati insiliunt. Hastas benè ponderosas circa medium manibus prehasas supra capita in hostem vibrant. Inter pedites quidam sunt sagati milites valde robusti, quos *Galeglacios* vocant, & tela pedalia securibus similia, eaque gemina, cultris tonsoriis acutiora, longiusculis hastilibus affixa gerunt, & totius *Hibernici* belli fundamentum ac robur sunt. Secundum locum obtinent pedites levis armaturæ macherophori, qui *Karni* dicuntur, & neminem occisum putant nisi capite truncatum. Tertio loco sunt cursores, quos *Daltinos* vocant, qui inermes incedunt & ministros se præbent equitibus. Totus autem tam equitatus quam peditatus quoties ad manus venit magna voce *Pharro Pharro* inclamat: & tibia utriculari loco tubæ utitur. Cænant *Hibernici* magnificè & opipare. Nam licet delicatis artolaganis minimè abundant, nec etiam ulla urbana in epulis lautitia adhibeatur, mensas tamen habet, bove, porco, & aliis cibariis, prout temporum observatio exigit cumulatissimè instructas. In epulis accumbunt lectulis positis: primus in mensa locus tribuitur matri familias, talari tunica, & sæpe crocata bene manicata amictæ.

HIBERNIA in genere descriptâ, antequam ad specialiore[m] singularum partium delineationem me accingam, operæ pretium putavi, primum distributionem ejus proponere. Hibernia in quinque partes seu provincias dividitur: in *Lageniam* quæ ad orientem est Angliæ proxima: *Connaciam* vel *Connachtiam* quæ ad occidentem vergit: *Ultoniam* in septentrionali parte: & *Momoniam* in australi plaga sitam. Quinta pars *Media* appellatur, quæ medio loco sita à cæteris clauditur. In hisce quinque provinciis alia quædâ notabilia territoria ponuntur, ut in *Lagenia* includuntur *Fingalia*, *Offalia*, *Leisia*, *Osiria*, & *Ormundia*. In *Media* reponitur *Slania*, *Fouria* & *Delvinia*. In *Connacia* cōprehenditur *Claria*. In *Ultonia* continetur *Vrilia*, *Antrimenia*, *Lacalia*, ac *Treconcha*. In *Momoniam* concluduntur *Trippetatia*, *Keria*, *Cosmaja*, *Desmondia*, *Tomondia*, nonnullaq; alia. Est & alia Hiberniæ partitio quam in Tabula generali etiam attigimus: hæc magna cum cura & diligentia est consideranda, si quis hujus regionis statum cognitum ac perspectū habere aveat. Quare observare diligēter oportebit, Hiberniam in duas partes distributam esse, in *Anglicam* & *Hibernicam*. Hanc germani & genuini Hiberni, illam Anglorum progenies incolit; eaq; portio, plebeio sermone, *Anglica provincia* nominatur, quod sit Anglorū territorii, quasi palis & septis, circumfessa. Etenim postea quam Angli *Dermicum*, exactū Regem, Hibernicis hostibus, armis castrisq; oppressis, in patriam atq; adeo in Regnum restituerunt, Angli victores sedem stabilem & domicilia certa, in lectis Hiberniæ locis habuerūt: deinde cum inter se & domitos Hibernos, quædam quasi insulæ divortia fecissent, illam partem, in qua coloniæ collocarant, *Anglicam Provinciam* appellaverunt. Hac major *Lagenia* & *Mediæ* pars, ac *Ultoniæ* portio quæ *Vrilia* dici-

tur, continetur, sed præcipua *Lageniæ* particula, quæ *Fingalia* vocatur, Dublinio ad aquilonarem plagam finitima, primas tenet; *Media* secundas. Mercator autē partes priore distributione à nobis positas, quatuor tabulis luculenter exhibet, ab *Ultonia*, *Connacia*, *Media* & parte *Lageniæ* factio initio. Harum omnium partiū, quo ordine ab Authore nostro ponuntur, delineationē, quam potero fidelissimè proponam. Offert se primo loco *Ultonia*. Pars hæc Hiberniæ prima *Cambro-Britannis* nostris *Uluu*, Hibernicis *Cui-Guilli*, Latinis *Ultonia*, & Anglis *Ulster* appellata; ad septentrionem angusto freto à *Scotia* dirimitur: ab austro ad *Connaciam* & *Lageniam* se extendit: orientalis plaga Hibernico mari incumbit: & occidentalis æstuoso & turbulento vastoq; occidentali Oceano continēter pulsatur. Hæc provincia cum sit *Scotiæ* ad *Boream* ultima, *Scoticis* insulis, quæ dicuntur *Hebrides*, & sparsim in mari inter utrumq; Regnum posite sunt, præten-ditur: quarum quidem insularum *Hiberno-Scotus* antiqui *Scythæ* successor, incolæ est. Forma orbiculari est, & in longitudine à portu *Cladoagh* boreali cardine, ad *Kilmore* australem terminum, centum fere millia passuum colligit: latitudine autem à *Black-Abbey* ortivo limite, ad *Calebegh* promontorium occiduū, centum triginta & insuper aliquot auctarii vice milliaria numerantur. Totius circumferentia quadringentis plus minus & viginti millibus passuum circumscribitur. Raro hæc Regio immodicam ullam Cæli intemperiem sentit, dum & mobiles celeresq; venti intensos æstatis ardores refrigerat; mollesque ac mites pluvie rigidos hyemalē algore mitigant. In summâ, nec gelida nec torrida zona hic dominatur. Nubes aëriæ spectabiles & peramœnæ: cumque vel impurissimæ sunt, nec insalubres nec diuturnæ, vêtis com-motiōribus eas perpetuo impulsu agitantibus, repe-
riuntur.

Limites.

Forma.

Cælum.



Solum.

Fluvii.

Sæmni
copiæ.

I.æus.

riuntur. Æqualis hæc cœli temperies in causa est quod solum etiam varii generis arbores copiosè producat, tã fructiferas quam ædificiis opportunas. Regio admodum herbida & rei pecuariæ commoda: equorum, ovium & boum apprime dives. Fluvii itidem duplum (ut ita dicam) vectigal & tributum pensitant, profunditate navigiis tam ad voluptatem quam ad utilitatem ferendis pares; iidemque piscosi, & propriis accolarum usibus & aliorum commodis inservientes. Inter quos primum occurrit *Vinderius*, qui nunc *The Bay of Knockferges* ab imposito oppido munito & portu tuto, quæ Angli *Knockferges*, Hibernici *Caregferges* vocant, id est *Fergefui* scopulus, quod nomen à *Fergefio* ibi submerso invenit. Deinde *Banna* eximiæ, ut inquit *Giraldus*, pulchritudinis fluvius, quod nomen testatur: ex lacu *Eaugh* se in Oceanum duplici ostio transfundit: salmonibus totius Europæ longè sæcundissimus; eo quod, ut nonnulli existimant, sit omnium fluviorum limpidissimus, cujusmodi aquis salmones unice delectantur. Est & *Logia* fluvius, cujus meminit *Ptolemæus*, qui nunc *Lough Foile* paulo superius spatioso ostio in mare prorumpit: & alii. Multis præterea & immensis lacubus interfunditur, inter quos lacus *Eaugh*, qui statim ab *Armach* latè dispergitur. Ad orientem Solem *Kilulto*, *Kilyvarney*, & *Dyffrin* sylvæ impeditiores usque ad sinum illum pertingunt; qui angusto meatu admissus ita se insinuat, & variis recessibus terram excavat, ut duas faciat chersonesos, *Lecale* ad meridiem, & *Arde* ad aquilonem. *Lecale* totius Hiberniæ longissimè in ortum prominet, extremumque ejus promontorium quod nunc nautis *S. Johns Foreland*, *Ptolemæo* *Isanium* vocatur, forsitan à Britannico *Isa* quod infimum sonat. In ipsius isthmo *Dunum* floruit, cujus meminit etiam, sed non suo loco *Ptolemæus*; nunc *Dovven*, vetustè

sane memoriæ oppidum, sedes episcopalis. *Arde* è regione jacet tenui alveo divisa. Sunt & alii lacus de quibus in generali descriptione mentio à nobis facta est. Terra insuper immanibus silvis umbrosa. Ut summam dicam, licet alicubi sterilior sit, lacubus, stagnis condensisque silvis impeditior; ubique tamen pecore pabuloque felix est, ac omni tempore improbis & operosis agricolæ laboribus abunde grata. Natura hinc adeo nihil aut parum vel arti vel indutriæ debet, ut florulenta & variegata riparum species, umbrosa nemora, virentia prata, colles molliter declives, agrique ferendis frugibus subactione & cultura adhibita non inepti, indignari quodammodo & succensere incolis videantur, quod in curia sua & negligentia omnia inhorrescere & silvescere patiantur. Hanc regionem *Ptolemæi* ætate universam tenuere *Voluntii*, *Darni*, *Robogdii*, & *Erdini*, qui in varias etiam hujus insule partes sese diffuderunt. Precipue in hoc tractu locus est prope *Kalin fluvium*, *Armacha*, quæ licet nullam fere speciem præ se ferat, sedes tamen archiepiscopalis & totius insulæ metropolis est. Ab *Armacha* Regina sic dictam fabulantur Hibernici; sed *Camdeno* eadem esse videtur quam *Dearmach* vocat *Beda*, & *Ruborum Campum* ex lingua Scotica sive Hibernica interpretatur. Unus hic in *Vltonia* Archiepiscopus *Armachiæ* sedem habens, hos habet Episcopos suffraganeos, *Maeth* & *Deren*, *Ardach* forte *Apde*, *Kilmare*, *Clogher*, *Downe*, *Coner*, *Klancknos*, *Raboo*, fortè *Ropo*, *Droomore*. Ut hujus regionis & provinciæ incolæ in ordinem redacti in officio suo continerentur, quinquaginta sex castellis & propugnaculis munita & tuta fuit: ac mercimoniis faciendis novem oppida quæ vocant mercatoria instituta: ipsaque dividitur in citeriorem & ulteriorem: citior tres habet Comitatus, *Louth*, *Down* & *Antrim*: ulterior

Veteres
incola.

ulterior septem, *Monahan, Tiroen, Armack, Colrane, Donergall, Fermanagh, & Cavan.* CONNACIA secunda Hiberniæ pars, aliis *Connachtia*, Anglis *Connagh*, & Hibernis *Connaghti*, ad ortum parte quadam Lageniæ, ad septemtrionem parte itidem Vltioniæ terminatur. Ab occasu, occidentali Oceano pulsatur, & ab austro, parte etiam *Momonii Sineo* flumine inclusâ, & Hispaniæ regno obversa est. Figura est oblonga & ad utrumque extremum tam boreale quam australe exilis & angusta: sed medium versus ab utroque latere in amplitudine magis magisque increfcit. In longitudine à Sineo fluvio australi cardine ad *Enii Kelling* borealem, centum viginti sex numerantur milliaria: quâ verò latissimè patet, à *Tromer* orientali limite, ad *Barragh-Bay* occidentalem, plus minus octoginta. Totus autem circuitus & ambitus supra quadringenta passuum millia occupat. Aër hujus regionis non usque adeo purus ac lucidus ut in reliquis *Hiberniæ Provinciis*, ob subvida quædam loca, herbida tamen, quæ à mollitie *Boghes* appellitant, & periculosa, & vaporibus crassisque nebulis oppleta. Primaria hujus provinciæ urbs, & quæ tertiis in Hibernia vix acquiescit, *Galyvaja* est, Hibernicè *Gallive*. Turriformis (ut ita dicam) constructa, sede Episcopali insignis, & mercatorum frequenti comœatu celebris, stationis portusque subiecti beneficio, opum terræ marisque facili exambio & commercio, incolis quæstuosa est. Nec ita longè ab ea, prope littus occiduum, æstuariolis, sinubusq; exi-

guis lancinatum & quasi laciniatum, insulisque serie quadam dispositis prætextum, insulæ positæ sunt *Arran* dictæ, quæ multis fabellis, quasi insulæ viventium essent, famigerantur: in quibus scilicet nemo unquam vel moreretur, vel mortalitati obnoxius esset. *Connaghtia* Provincia hoc tempore quatuordecim castellis munita, novem oppida mercatoria ostendit; & sequentem in modum dividitur in sex Comitatus, *Claria, Galyvaja, Majo, Slego, Letrimme, Roscomen.* MEDIA tertia Hiberniæ portio, quam patrio vocabulo *Miib* dicunt, Angli *Methe, Giraldu* *Midiam* & *Mediam*, forsitan quod sit in ipso insulæ medio. Umbilicum enim Hiberniæ *Killair* in hac parte castrum, quod videtur esse *Ptolemæi Laberus*, perhibent, ipsumque nomen nō aliud innuit: *Lair* enim lingua Hibernicâ medium significat. Hæc ab Hibernico mari ad *Sineum* usque flumen protensa jacet; quod flumen ipsam à *Connacia* determinat. Aërem habet salubre, adspectumque delectabile. Fertilis est frumento, pascuis & armētis, affluens carnibus, butyro, caseo, lacte & similibus: ac propter populi multitudinem, castrorum & oppidorum fortitudinem & pacem inde natam, vulgo *Camera Hiberniæ* audit. In *Media* autem, oppida numerantur, *Pontana*, quæ vulgariter *Droghedaja* nominatur, oppidum lautissimum, portum habens navium stationi perappositum, (sunt tamen qui mediam hujus oppidi partē, nimirū trans flumen, in Vltonia ponant) *Molingaria, Fouria, Delvina, Trimmia, Kellefia, Nayama, Aboja, Dulekia & Scrimia.*

*Regionum
Nomina.
Vnde
ducta no-
mina.*

Sineus.

*Soli fer-
tilitas.*

*Oppidorum
nomina.*

Limites.

MOMONIA, Hibernicè *Movyn*, & in usitatione orationis contextu *VVovyn*, Latine *Momoniam*, Anglicè *Mounster*. Ea Vergivio mari ad austrum exposita jacet, ad Septentrionem Connaciæ parti prætenditur: ab Ortu finitimam sibi habet Lageniam: ab occasu, tota Oceano occidentali alluitur. In longitudine, à sinu *Ballatimore* australi limite ad *Galvray* sinum borealem nonaginta quasi milliaria colligit. Quà verò latissimè ab ortu ad occasum se expandit, scilicet à *VVaterfordia* portu ad *Feriteri* portum, centum millia passuum continet. Totius circumferentia, secundum promontoria sinusque & recessus ducta, quingenta plus minus & quadraginta passuum millia occupat. Forma ipsius quadrata sive quadrangularis est. Cælum mite & temperatum, nec nimis frigore gelidum, nec retorrido ardore plus justo calidum. Solum alicubi in montes assurgit, silvestribus collibus aviis & solitariis caput exereps: subjectæ verò valles campis arvisque frugiferis distinguuntur; & ut verbo dicam, regio univèrsa & ad spectu amœna, & solo fertilis. Provincia hæc omnis in duas hodie partes dividitur: Momoniam occidentalem & Momoniam australem. Occidentalem antiquitus *Luceni*, *Velabri*, & *Vterini*: australem *Oudia* sive *Vodia*, & *Coriondi*; *Velabri* & *Luceni*, auctore *Orosio*, eam regionis partem quæ maximè in occasum projecta & ad Cantabricum Oceanum vergens *Gallitiam Hispania* procul spectat, incoluere. At *Luceni* quidem Hiberniæ qui à *Lucensi Gallitiæ* & nomen & originem traxisse videntur, & quorum reliquiæ quædam etiamnum supersunt in Baronia de *Lixnavv*, sedes suas, ut creditur, in locis

Commodi.

Sineo flumini vicinis habuerunt. Commoditates hujus Provinciæ in genere sunt frumentum, ligna, lana & pif-

ces. Horum verò cujusque generis ingens ubique copia est. Nullus autem locus hæc cum abundantia & captura adeo celebris est, ac *Eraugh* Promontorium, quod inter *Bantre* & *Ballatimore* sinum projectum jacet: quo numerosa quotannis Anglorum & Gallorum classis, ipso brumali solstitio ad piscandos etiam asellos confluit. Primaria hujus Provinciæ urbs *Limiricum*, Hibernicè *Loumeagh*, diviso nobilis fluvii *Sinei* alveo circumfusa est. Sedes hæc Episcopalis est, totiusque Momoniæ emporium. A *Raimundo Crasso* Anglo primum expugnata, ac postea à *Duvenaldo* Hibernico *Thuetmonia* Regulo incensa. Deinde interjecto temporis intervallo, *Philippo Berofo* Anglo in feudum (ut dicitur) data, & à *Ioanne* Rege castello munita, quod ipse ibidem exstrui jusserrat. Situs hujus oppidi, secundum *Mercatorem*, in latitudinis 53 grad. & 20 min. longitudinis autem grad. 9 & min. 34 ponitur. Iuxta fluvium illum qui *Ptolemao* *Daurona* & *Giraldo Cambrensi* (pauculis literis immutatis) *Sauranus* & *Savarenius* dicitur, qui è *Muskereje* montibus profunditur, *Cortagia* urbs Episcopali dignitate insignis, cui & *Clonensis* altera cathedra adjuncta est, sedet; quæ *Giraldo* *Corcagia*, Anglis *Corke*, & indigenis *Corcach* appellatur. Hoc oppidum seditiosis vicinis ita circumfessum est, ut cives sive oppidani quasi perpetuam obsidione cincti continenter excubias agere cogantur. Idem quod filias in agrum elocare nuptiam non audeant, contractis inter se nuptiis omnes aliquo affinitatis gradu se invicem contingunt. Gubernatur hæc Provincia à Domino *Præside*, cum uno Adfessore, duobus Jurisconsultis legum peritis, & Scriba, qui esset vindex temeritatis, & moderator officii, ne forte à fide & obsequio discederet. Quinque firmis castris munitur

*Limiricum Momonia caput.**Corcagia urbs.*



Lagenia. munitur *Momoniam*, sex etiam oppidis mercaturam facit, ac sequenti modo dividitur: *Limiricum*, *Kerry*, *Corcagia*, *VVaterfordia*, *Desmonia*, *S. Crucis in Tipperaria*. *LAGENIA*, indigenis *Leighnigh*, Britannis *Lein*, Latine *Lagenia*, in antiquis sanctorum vitis *Lagen*, & Anglice *Leinster* dicta; ad *Limites.* ortum tota maritima est, & secundum Hibernicum mare præjacet: ad *Connaciam* occasum versus Sineo flumine continetur: boreale latus *Luthensi* territorio, & australe *Momoniam* definitur. Regio hæc objacet Angliæ, *Forma.* uti *Momoniam* & *Connacia* Hispaniam prospectant. Forma triangulari est, lateribus non multum inæqualibus. Ab ortu hiberno ad occidentalem apicem interfunt octoginta quasi milliaria; inde autem ad occasum solstitialem sive æstivum, plus minus septuaginta. Maritima autem, ad ortum & secundum mare Hibernicum, ad octoginta etiam protenditur. Totius ambitus quasi ducenta septuaginta millia passuum colligit. *Cælum.* Cælum purum, mite, & temperato habitu placet, neque calore nimio, uti nec frigore excedens, temporibus anni, & insito continentis ingenio respondet. *Solem.* Fertilis & frugifera ut plurimum terra est, carnibus, piscibus, aliisque cibariis, butyro, caseo, & lacte dives. Frumento omnis generis, pecore & pascuis satis scelix: multoque fertilior esset, si ad regionis ipsius invitamentum agricolæ accederet industria. Fluvii commodè irrigatur, & maximâ ex parte silvis probè vestitur, unum si excipias *Dublinensis Comitatus Scythia indigus.* *Dublinensis Comitatus Scythia indigus.* *Ar. cres. nicole.* hos tractus *Ptolemai* ætate tenuerunt fuere *Brigantes* sive *mavis Brigantes*, *Menapii*, *Cauci*, & *Blani*. Atque ab his *Blani*

fortassis deducta & contracta sunt recentiora illa & moderna (ut ajunt) nomina, *Lein*, *Leighnigh*, & *Leinster*. *Menapii*, ut nomen ipsum quodammodo innuit, arguitque, à *Menapiis Gente Belgica* sive Germaniæ inferioris quæ maritimas oras incoluit, oriundi sunt. *Brigantes* autem qui & *Brigantes* nominantur, *Floriamus del Campo Hispanus* nulum non movet lapidem ut à *Brigantibus* suæ Hispaniæ deducat, à quibus urbs antiqua in Hispania, *Brigantia* dicta, nomen cepit. Sed à *Birgo* flumine potius quod circumcoluere, denominationem suam desumpsisse verisimilius est; nam ipsum nomen ferè hoc persuadere valeat. Hujus Provinciæ commoditates in pecore, marinis avibus, & piscibus consistunt. Equos item optimos & generat, & alit (*Hibernicos Hobbies* vocamus) quibus non idem qui cæteris in cursu & gressu gradus, sed mollis alterno crurum explicatu glomeratio. In hac Provincia multa & opulenta oppida reperiuntur. Primum occurrat *Kilkenny* Neoro apposita, id est *Cella* sive *Fanum Canici*, qui antiquitus ob vitæ solitariæ sanctitatem hoc tractu maximè inclaruit. Municipium est nitidum, elegans, copiosum, & inter mediterranea hujus insulæ facile primum. Inferius ad eundem Neorum sedet oppidulum munitum, Anglice *Thomas tovrne*, Hibernicè *Bala mac Andan*, id est oppidum filii Antonii. utrumque nomen ab extructore *Thoma Fitz-Antonio* Anglo inditum est, cujus hæredes etiamnum hujus domini agnoscuntur. Est etiam hoc tractu antiqua illa urbs *Rheba*, à *Ptolemaeo* memorata, quæ nomine etiamnum facto tecto *Rheban* dicitur, sed pro urbe sunt paucula casula cum propugnaculo. Nobilem tamen virum *N. de S. Michaële* Baroneti titulo exornat, qui vulgò *The Baronet of Rheban* appellatur. Est & *Lechlinia*, Hibernicè *Leighlyn*, regium oppi-

Commoditates.

Vrbium nomina.

VVeisford.

Kildaria.

oppidum à *Bellinghamo* illo nobilissimo Prorege, patrum memoriâ castro munitum. Hic etiam *Menapiam* urbem statuit *Ptolemæus*, ad ostium *Modonæ* fluvii. Verum enim verò cum unum solummodo flumen hoc loco se effundat quod nunc *Slane* dicitur, & ad ejus ostium ubi stagnat, urbs sit germanico nomine *VVeisford* totius Comitatus caput: & *Slane Modonam*, quæ *Flemingos* olim Barones habuit, & *VVeisford Menapiam* fuisse confidentius, inquit *Camdenus*, conjectarim, eoque magis quod hoc nomen sit recentius, & ab illis germanis impositum qui *Oustmanni* Hibernis appellantur. Cæterum etsi non primæ magnitudinis urbs sit, est tamen cum primis memoranda, quod prima totius Hiberniæ in Anglorum fideri, *Stephanide* duce fortissimo oppugnante se contulerit, Anglorumque facta fuerit colonia; unde totus hic ager Anglis est refertissimus, qui Anglorum antiquo vestitu & idiomate etiamnum utuntur, ita tamen ut Anglo-Hibernicè planè loquantur. Est præterea in Comitatu *Kildariensi*, *Kildaria*, Episcopali sede ornata, cui etiam honor erat in primis Ecclesiæ Hiberniæ incunabulis *Brigida* Virgo, sanctitate & virginitate suâ venerabilis; ut quæ Sancti *Patricii* illius antiquitate & nomine famigerati discipula fuerit. Urbs autem quam præcunctis aliis vel urbibus vel oppidis non *Lagenia* modò, sed & totius Hiberniæ, jure suo fama celebrare possit, illa est quam Angli *Develin* vocant, Latini *Dublinium* & *Dubliniam*, Cambrobritannii *DinasDulin*, & Hibernici *Balacleigh*, id est oppidum super crates; subjectis enim, ut in palustri loco, cratibus, cum primum condi cœptum est, fundamenta jacta ferunt, uti Hispalis Hispaniæ, quam sic nominatam tradit *Isidorus*, quod in palustri solo sus-

fixis profundo palis locaretur. Regia hæc Hiberniæ urbs & sedes est, mœnibus & munimentis valida, ædificiis splendida, magnitudine multis aliis urbibus par, civibus frequens, & emporiū mercaturis faciendis, cōmeatibus & commerciis admodum celebre. In suburbii ad ortum, *Henricus* II. Anglorum Rex, ut refert *Hovedenus*, palatium sibi regium curavit erigendum. Et *Henricus Loundres* archiepiscopus Dubliniensis circa annū *Christi* 1220 armamentarium extruxit. Nec longè ab eo collegium pulcherrimum sanctæ & individuæ Trinitatis nomini consecratum spectatur, quod sælicissimæ memoriæ *Elizabethæ* Anglorum Regina privilegiis academiæ dignata est. Templum sancto *Patricio* sacrum à *Ioanne* Angliæ Rege plurimum amplificatum, *Iohannes Comynus* archiepiscopus Dubliniensis, *Eveshami* in Anglia natus, instituit primus præbendariorum esse Ecclesiam, anno Domini 1191, ac nostris temporibus decanum, præcentorem, cancellarium, thesaurarium, archidiaconos duos, & præbendarios viginti duos sustentat. Hæc civitas olim ad politicam Reipublicæ administrationem, pro summo magistratu Prepositum habuit. Sed anno humanæ redemptionis 1409, ut Major & duo Ballivi quotannis eligerentur, concessit Rex *Henricus* IV; utque gladius deauratus Majori in perpetuum præferretur. Ballivos etiam, ut auctior honoris sive dignitatis cumulus urbi accederet, postea in Vicecomites Rex *Edouardus* VI. commutavit: nihil ut jam quod in florentissima urbe desideres, deesse videatur, nisi quod portui plurimum officit arenosus cumulus reciproco maris meatu in *Aven-lisui* ostium aggestus, sic enim præfluentem fluvium vocant, id est *amnis Liffuius*.

Regia.
Nomen.

BRITANNIÆ insulæ borealior pars *Scotia* dicitur, olim *Albania*. Atque etiamnum ab incolis qui avitam servant linguam *Albain*: & ab Hibernicis *Allabany*, quasi altera Hibernia (quæ à *Bardis Banno* dicta est) vocatur. Hiberniam enim *Scotiam Majorem*, & Scotorum in Britannia regnum *Scotiam minorem* historici appellant: *Ptolemaus* Britanniam *Parvam*, *Rufus Secundam*, *Tacitus* à silva *Caledoniam* vocat. Videntur autem Scoti sic dicti à vicinis quasi *Scythæ*. Quæadmodum enim Germani inferiores *Scythas* & *Scotos*, uno nomine *Scutten*, id est sagittarios appellat, sic etiam Britannos utrosque *Y-scot* dixisse è Britannicis scriptoribus observatum est. Id sane constat eos à *Scythis* oriundos ex Hispania in Hiberniam & inde in hanc partem *Albionis*, quam nunc tenent, pervenisse, & cum *Pictis* in unam gentem coaluisse. Hæc de nomine, sequitur situs. Terminus ejus australes Angliam versus, sunt *Tueda* & *Solvejus* fluvii: ad septentrionem est *Oceanus Deucalionius*, ad occasum *Hibernicus*, ad ortum *Germanicus*, ab aliis partibus undique eam ambiunt *Oceanus* & mare *Germanicum*. Longa est *LXVII* milliaria *Germanica*, hoc est *Anglica 257*, lata *LII* *Germanica*, sive *190* *Anglica*. Regio temperatior quam *Gallia*, remissioribus frigoribus, caloribusque, sicuti & *Anglia*: cui tamen in fertilitate æquari non potest. Terra magnâ ex parte *fulphurea* est & viscosa, atque ob id pabulum ignis, præsertim cum ibi defectus sit lignorum. Tantum tamen hic crescit frumentum quantum incolæ absument. Profert etiam terra varia metalla. Habet aurum, argentum, argentum vivum, ferrum, plumbum & cuprum magnâ copiâ. Habet in *Drisdalia* aurifodinam, in qua etiam *lazurum* invenitur. Habet & gemmas, præsertim

Situs.

Calitem-
peries.Soli ferti-
litas.

gagatem qui in aquis ardet & oleo extinguitur. Pascua item optima quæ omnis generis nutriunt armata: unde carnis, lactis, butyri, casei, lanæ abundat copia. Ceterum Scoti cum ad *Pictos* in Britanniam accessissent, quamvis Anglos præliis, & prædationibus continenter laceferent, non tamen res eorum statim adolevit, sed in eo quo appulerunt angulo, diu delituerunt; nec, ut *Beda* innuit, per annos plus ceterum viginti septem, contra *Nordanhumbro*rum regulos signa efferre ausi, donec uno eodemque tempore *Pictos* fere ad internecionem delevissent, & *Northumbriæ* regnum intestinis malis, *Danorum*que incursionibus confectum, corruisset. Tunc enim omnis septentrionalis Britanniae plaga in Scotorum nomen concessit, una cum citeriori illa regione citra *Cluidam*, & *Edinburgh frith*. Scoti in bello fortes ac strenui milites; inedia, vigilia, algoris, patientissimi. Primaria Scotiæ urbs est *Edinburgum*, vulgo *Edenborrov*, *Ptolemaeo* *Castrum alatum*. Sedes hæc Regia, & metropolis non tantum *Laudoniæ*, sed etiam totius Scotiæ, situ editiore inter montes, eo ipso *Prage Bohemorum* haud absimilis: longitudine ab oriente in occidentem mille pass. porrecta, latitudine dimidio minore. Tota urbs ex monte dependet. Hic ad occasum altissimus, versus septentrionem præcipitio munit urbem, cetera ad orientem & meridiem sunt muro circumdata: distat à sinu maris & ostiis *Forthæ* passibus mille. Ad orientalem urbis partem est Regis Palatium, quod Cathedram *Arthur*i vocant. Ad occidentalem, rupes est prærupta, & in rupe arx maxima; quæ Scotis vulgo Castellum puellarum dicitur: quod verè est *Alatum* illud *Castrum Ptolemai*. Sunt & aliæ hujus regni urbes & oppida insignia quæ suis locis in particulari descriptione adponemus.

Imperium
majorum.Minoræ
virtutes.

Urbes:

Lacus & Flumina. mus. In vallibus plurimi sunt lacus, paludes, fonteq; & fluvii piscosissimi, quorū pars maxima è monte Grampio oritur, de quibus in descriptione proxima mentionem faciemus. Mare ipsum, ostreis, halece, corallis, mytilis, conchisque diverſi generis pleniffimum. Multos etiam Scotia paſſim portus habet & aditus marinis aquis pervios; inter quos *Letha* portus commodiffimus. Regio ipſa aſpera & montofa admodum eſt, & in ipſis montibus habet æquatam agri planitiem pecori pabulum ubertim ſuppeditantem. Inter montes maximus *Grampius*, qui mediam Scotiam interſecat. Hic vulgo *Grasbain* ſeu *Gratzhaine*, id eſt mons incurvus dicitur: is enim à Germanici maris littore ad oſtia *Deæ* fluvii per mediam hanc regionem in Hibernicum mare tendens ad lacum *Lomundum* ſiſtitur, qui etiam *Pictorum* olim, Scotorumque regni limes erat. Ad Aberdoniam montes ſunt ſilvoſi. Hic creditur fuiſſe *Silva Caledonia*, *Lucio Floro Saltus Caledonius* in immenſum ſpatium diſfuſa, proceriſq; arboribus invia, & *Grampio* monte diviſa. Scotos autem non poſtremos inter Europæos fuiſſe qui Chriſtianam Religionem amplexi ſunt, eamque præ reliquis ſervaverint & coluerint, non ſolum ſcripta & monumenta: verum etiam templa, cænobia, monaſteria, xenodochia, & alia religioni devota loca teſtantur. Eſt & Edimburgi Palatium regiū de quo ſupra, valdè ſuperbum & magnificum, & in medio urbis Capitolium. Habentque Duces, Comites, Barones & Proceres Regni in ipſa urbe ſua Palatia, quando ad Comitia vocantur. Vrbs ipſa non eſt conſtructa ex coctis, ſed naturalibus & quadratis lapidibus, ut etiam ſingulæ ædes magnis Palatiis poſſint comparari. Sed de hiſ ſatis, ad reliquas partes tranſeamus. Populus Scoticus in tres ordines

Opera publica.

Ratio gubernandi.

diſpencitur, in *Eccleſiaſticum*, *Nobilitatem*, & *Plebem*. *Eccleſiaſticus* ordo duos habet Archiepiſcopos, *S. Andree* totius Scotiæ primatem, & *Glasgoenſem*. Archiepiſcopo *S. Andree* oſto ſubſunt Episcopatus, *Dunkeldeniſis*, *Aberdonienſis*, *Moravienſis*, *Dumblanenſis*, *Brechinienſis*, *Roffenſis*, *Cathanenſis*, & *Orchadenſis*. *Glasgoenſi* tres, *Candida caſa*, *Liſnoriienſis* ſive *Argadienſis*, *Sodorenſis*, ſeu inſularum, videlicet *Sura*, *Mula*, *Yla*, &c. *Nobilitatis* ratio hæc eſt: ut primum locum obtineant Rex filiiſque Regis, partu legitimo editi, quorum ſi plures ſunt, natu maximus *Princeps* Scotiæ, reliqui abſolutè *Principes* dicuntur. Rex autem cum publice in-auguratur, populo univerſo ſanctè promittit, ſe leges & majorum ritus veteraque inſtituta ſervaturum, eo-que jure quod à majoribus accepit uſurum. Secundum locum obtinent *Duces*: tertium *Comites*: quartum illi *Nobiles* qui apud alias nationes extra inſulam non vigent & à Scotis *My Lords* appellantur. Quod nomen tantam dignitatem in ſe continet, ut etiam illud Episcopis, Comitibus & ſummis Magiſtratibus honoris ergo tribuant. Hoſce, magnates poſſes dicere. Quintum locum *Equites Aurati* aut *Barones* ſibi vendicant, qui *Lords* dici ſolent. In ſextum & ultimum locū rejiciuntur illi, qui nullo certo honoris titulo inſigniti, ſed nobili familia prognati vulgo *Gentlemen* appellantur, ut ſunt fratres & filii Comitum, Dominorum, Equitum auratorum natu minores: qui in nullam hæreditatis partem ſuccedunt; ſiquidem ea tota in filium natu maximum conſervandarum familiarum cauſa jure Scotico devolvitur. Plebs autem omnes qui divitiis affluunt, quique hoſpitalitatis & clientelarum nomine benè audiunt, hoc fere titulo (*Gentlemen*) ſemper decorat. Ab hiſ autem Nobilibus infimi gradus, totum fere belli pondus pendet. *Plebei* verò ci-

ves partim sunt primarii opibus insignes qui magistratu in suis urbibus funguntur: partim *mercatores*: partim *opifices*, qui omnes eo quod à vectigalibus aliisque oneribus sunt immunes, facile apud eos ditescunt. Ne quid autem gravius in aliquam civitatem in publicis comitiis statuatur, permittitur à Rege tribus aut quatuor ab unaquaq; civitate evocatis civibus, ut cum reliquis duobus ordinibus suam sententiam de rebus propositis liberè interponant. Ecclesiastici olim decretorum & conciliorum autoritate continebantur, nunc autem ut ceteri legibus, quas Reges descripserunt, aut Regum vocè confirmatas, tres ordines fixerunt, reguntur. Liber qui leges municipales latine scriptas continet, titulum (*Regiam Majestatem*) habet, quod ab illis vocibus libri exordium ducatur: reliquis legum libris Scotica lingua Comitiorum (quæ Parlamenta dicuntur) *Acta* inscribuntur. Magistratus sunt in Scotia, ut apud alias nationes, complures & diversi. Inter hos proximè & secundum Regem, regni Procurator (quem Gubernatorem appellant) facile princeps est. Huic provincia Regni gubernandi incumbit, si respublica Rege fortè orbètur, aut si Rex per ætatem regni negotia non possit obire. Est & ibi Senatus perpetuus Edenburgi ex *Clero* & *Nobilitate* ita constitutus, ut laicorum semper numerum æquet pars altera ecclesiasticorum. Quibus adjicitur ex ecclesiasticorum numero *Præses*, qui in dicenda ferendaque sententia principem locum obtinet, nisi iudicio regni Cancellarius interfit; ei enim in omni Reipublicæ negotio Scoti primas deferunt. Qui capitis iudicio, magnum Iusticiarium: qui rei nauticæ, Admiralium: qui castris figendis, Marefcallum: qui delictis inter aula

septa vindicandis præficitur, Connestabilem appellant. Sunt quoque in singulis provinciis, quas Vicecomitatus appellant, qui præfunt singuli, quos Vicecomites antiquo vocabulo vocant. Horum autoritas in his rebus, quæ ad civiles causas & capitis summam pertinent, decidendis non aliundè pendet, quam à jure quodam hereditario, quo etiam illos sibi Vicecomitatus vendicant. Ut ii Vicecomites non à Rege creati, sed à parentibus nati jure quodam dici possint. Habent quoque civitates atque oppida suos Præfectos, Ballivos ac id genus alios Magistratus, qui cives in officio contineant & ipsarum civitatum privilegia tueantur. Ita fit ut Scotorum Respublica ordinum aptâ dispositione, Legum sanctâ maiestate, & Magistratuum firmâ autoritate, floreat & summam laudem mereatur. Nomina autem Ducatum, Comitatum & Vice-comitatum Scotiæ hæc sunt: Ducatus, *Rosay, Albania*. Comitatus, *Carnes, Sutherland, Rosse, Moravie, Buchquhan, Garniach, Garmoran, Mar, Mernis, Angus, Govvy, Eriffe, Marche, Athole, Stratherne, Menteith, Levenox, VVagion, Douglass, Carrike, Cravvford, Ammandale, Ourmonth, & Huntley*. Vicecomitatus, *Bervvyk, alias North Bervvyk, Roxburgh, Selkirk, Tyredale, Dunfrise, Niddisdale, VVigton, Are, Lanarke, Dunbretten, Sterveling, Louthean, Laudonia, Clacmanan, Kiuros, Fisse, Perth, Angus, Mernis, Aberdone, Bamph, Fores, & Invernes*. Univerfitas, *S. Andree, & Aberdonia*: quarum hæc ab *Alexandro* Rege & sorore *Isabella* multis ornata est Privilegiis circa annum M C C X L: illa sub *Iacobo* Rege inaugurata, Anno M C C C C X I. Quibus additur *Glasgoensis*. Ingenia Scotorum vivida sunt, excitata, ignea; sapientiæ capessendæ maximè idonea.

Ducatus
& Comi-
tatus
ROMANA.

GENERATIM quæ de Scotia dicenda habui, absolvi: postulat methodus, ut speciatim & per partes eam perambulem. Dividitur autem Scotia (monte Grampio mediam secante) in australem sive superiorem, & in borealem sive inferiorem. Dirimitur verò ab Anglia primùm Tueda fluvio, Teviota monte altissimo, & qua mons deficit, vallo non adeò pridem facto, ac deinde *Esca* & *Solveo* fluminibus. Citrà hos limites à Mari Scotico ad Hibernicum regiones hoc ordine jacent. Prima est *Marcia* vel *Merchia*, sic dicta quod limitanea. hæc sinistrum Tuedæ latus attingit: ad orientem Forthæ æstuario, ad meridiem Angliâ clauditur. In Marcia *Bervicum* oppidum, quod Angli tenent. Est & hic *Hume* castrum, antiqua possessio Dominorum de *Hume*, qui à Comitum Merchæ familia oriundi, in amplam & insignem familiam sunt propagati. Cui vicinum subsidet *Kelfo*, monasterio quondam celebre, & antiquâ habitatione Hepburnorum qui Bothvelliæ Comites, & hæreditario jure Admiralii Scotiæ diu fuerunt, qui honores per sororem *Iacobi* Comitis, *Ioanni* filio naturali Regis *Iacobi* V enuptam, ad *Franciscum* ejus filium nunc Bothvelliæ Comitem descenderunt. Inde *Coldingham* cernitur, *Beda* Vrbs *Colodana* & *Coludi* urbs, *Ptolemæo* fortasse *Colania*. Ad occidentem Marciaæ ad utrumque Tuedæ latus est *Teviotia*, à *Teviot* amne nomen adepta. *Teviot* monte dirimitur ab Anglia. Post hunc regiones non magnæ *Lidalia*, *Evia*, & *Esca* à tribus fluminibus cognati nominis *Lidalia*, *Evo* & *Esca* nominatæ. Ultima *Ammandia*, & ipsa ab *Annando* amne propè mediam dividente appellata, qui secundum *Solveum* in Mare Hibernicum decurrit. Jam ut rursus ad Fortham redeamus, ea ab ortu Lothianam clau-

dit: *Cocburni* saltus, & *Lamirii* montes eam à Marcia separant. Contingit deinde paullum ad occasum inflexa *Lauderiam* & *Tuediam*: alteram à *Laudera* oppido; alteram ab amne *Tueda* mediam secante. *Tuediam* ad meridiem, & occidentem contingunt *Lidalia*, *Nithia*, *Glottiana*. *Nithia* *Nithus* amnis nomē dedit per eam in mare Hibernicum labens. *Lothiana* à *Lotho* Pictorum rege nominata. Ab oriente æstivo finitur *Fortha* sive mari Scotico. Vallem *Glottianam* spectat ab occidente hiberno. Hæc regio humanitatis cultu, & rerum necessariarū ad usum vitæ copiâ cæteras longè præcellit. Quinque amnibus irrigatur, *Tina*, utroque *Esca*, (qui antequā in mare cadant in unum alveum coeunt) *Letha* & *Almone*. Hi partim è *Lamiriis*, partim *Pictlandicis* montibus in *Fortham* defluunt. Oppida habet *Dumbarum*, *Hadinam* vulgo *Hadintonam*, *Dalnethum*, *Edinburgum*, *Letham*, *Lemnuchum*. Magis ad occidentem jacet *Glottiana*, utramque *Glotta* fluminis ripam complexa, quæ ob longitudinem in duas præfecturas dividitur. In superiore præfectura collis est non admodum editus, à quo intra diversa maria flumina effunduntur: *Tueda* in mare Scotiç, *An-* *Flumina.* *nandus* in Hibernicum, in *Deucaledonium* *Glotta*. In ea urbes insigniores sunt *Lanarum*, & *Glasca*. Hanc ab occidente hiberno *Coila* contingit. Ultra *Coilam* est *Gallovidia*. Ea separatur à *Nithia* *Cludano* amne, tota ferè in meridiè vergens, ac ab littore ejus reliquum illud Scotiæ latus tegitur. Vniversa pecoris, quàm frumenti fertilior. Amnes habet plures in Hibernicū mare decurrētes *Vrum*, *Devam*, *Kennum*, *Cream* & *Lussum*. Nusquā ferè in montes attollitur, sed collibus tantū frequentibus intumescit. In convallibus inter eos aqua restagnans innumeros propè lacus efficit, è quibus primis ante æquinoc-

rium

Marcia,
Scots.Vrbium
nomina.

Teviotia.

Nithia.
Lothiana.
Scots.Soli fer-
tilitas.

Flumina.

Vrbium
nomina.Glottia-
na.

Flumina.

Vrbium
nomina.Gallovi-
dia.

Scots.

Flumina.

Lacus.



Baena

tium autumnale imbribus rivi augentur, unde multitudo incredibilis anguillarum descendit, quas accolæ nassiss vimineis exceptas sale condiunt, ac non modicum inde quantum faciunt. In hac provincia lacus est *Myrtoun* dictus, cujus una pars aliarum aquarum more gelu hyeme concrefcit; altera nullis frigoribus congelari potest. Extremum lateris est *Novantum* promontorium, sub quo in ostio *Lussi* fluminis sinus est qui *Ptolemao* Regrionius vocatur. Ei ex adverso influit ex æstuario Glottæ sinus vulgo *Lacus Rianus*, *Ptolemao* *Vidogara*. Quod inter hos sinus terræ procurrit, incolæ *Rinum*, id est Gallovidiæ aciem appellant. Ab eisdem *Novantum*, *mula*, id est, *restrum* sive *riktus* nominatur. Tota autem regio Gallovidiæ (nam Gallovid præcorum Scotorum linguâ *Gallum* significat) nominatur. Infra *Vidogaram* à tergo Gallovidiæ leviter declinat ad Glottæ æstuarium *Caricta*. Eam duo amnes interfecant, *Stinsarus* & *Grevanus*: uterque multis amœnis villis cingitur. Inter amnes quâ in modicos colles tumet pascuis fœcunda, nec infelix frumento est. Tota terrestribus maritimisque copiis non modo sibi sufficiens, sed vicinismulta suppeditans. *Dunus* amnis eam à *Coila* separat, ortus ex ejusdem nominis lacu, qui insulam complectitur modicæ arcis capacem. Sunt in *Caricta* regione ingentis magnitudinis boves, quorum caro tenera suavisque esu est; pinguedo liquefacta semel nunquam concrefcit, sed olei instar semper fluitat. Sequitur *Coila*, quam à meridie Gallovidiæ claudit, ab ortu æstivo Glottiana attingit: ab occasu *Irvinus* fluvius à *Cunigamia* distinguit: mediam *Aera* amnis dividit. Ad eum sita est *Aera* emporium non ignobile. In universum regio est feracior virorum fortium, quam frugum aut pecorum, tota quidem tenui & arenoso solo:

Coila.
Situs.

quæ res hominum industriam acuit, & parsimoniâ vires animi & corporis confirmat. In hac Provincia haud plus decem millibus passuum ab *Aera* oppido saxū est duodecim vix pedes altum, xxx cubitorum non amplius spissitudine; haut immeritò surdum appellatum. Nam si ingentem sonitū vel voce edas, vel scloppo, vel quovis crepitaculo; is qui ex adversa parte erit saxo proximus, nihil audiet, qui remotior melius, qui remotissimus optimè. *Cunigamia* post hanc ad septemtriones procurrit, & Glottam submovet, ac propè ad justis annis modum coercet. Nomen huic Regioni Danicum esse constat, quod eorum lingua *Regis domicilium* significat: quæ res indicio est, eam Danos aliquando tenuisse. Proxima ad orientalem ejus plagam sita est *Rensfroana*, ab oppidulo in quo conventus ejus celebrari solent, appellata. vulgò *Baronia* dicitur. Mediam eam secant duo amnes quibus utrisque *Carthus* est nomen. Post Baroniam est *Glottia* ad utramque Glottæ ripam protensa, & ipsa in plures jurisdictiones ob magnitudinem divisa. Amnes nobiliores fundit: à læva *Avennum*, & *Duglassum*, qui in Glottam decurrunt: item à dextra alterum *Avennum*, qui *Lothianam* ab agro *Sterlinensi* dividit. Hi duo fluvii communem omnium appellationem loco proprii nominis acceperunt: quemadmodum in Vallia diversa dialecto is, quem *Avonam* vocant. *Sterlinensem agrum* à meridie separat à *Lothiona* *Avennus*, ab ortu æstuarium *Fortha*, donec is paulatim seipso minor ad justam fluminis magnitudinem redactus prope *Sterlinum* pontem patitur. Secat regionem fluvius unus, qui memoratu sit dignus, *Carron*: juxta quem aliquot vetusta sunt monumenta. Ad lævam *Carrontis* duo terreni sunt tumuli hominum operâ (ut res indicat) ædificati: vulgò *Dun*

Rensfro-
ana.

Glottia.

Situs.

Flumina.

Ager
Sterlinen-
sis.

pa-

pacis appellantur. A dextro Carrontis latere ager ferè cetera planus in collem paullum prominet, medio fere spatio inter Dunos *pacis*, & ædiculam: in eo ad ipsum anguli flexum modicæ urbis vestigium adhuc apparet. Sed murorum fundamenta, & vicorum descriptio partim cultu rustico, partim eruendis ad propinquas ditiorum villas construendas lapidibus quadratis confusa est. Hunc locum disertè *Beda* Anglus *Guidi* vocat; atque in ipso valli *Severi* angulo collocat. Multi præclari scriptores Romani ejus valli meminerunt: multa vestigia existant, multi lapides inscripti eruuntur, quibus aut testimonium salutis per Tribunos & Centuriones acceptæ, aut sepulchrorum inscriptiones continentur. Ultra Sterlinensem agrum est *Levinia*, à Renfroana præfectura *Glotta*, Glascuensis *Kelvino* amne divisa; ab agro Sterlinensi montibus, à *Taichia* *Fortha* dirimitur: tandem in montem *Grampium* definit, ad cujus radices per vallem cavam *Lomundus* lacus se explicat 24 millia pass. longus, 8 latus, qui supra 24 insulas complectitur. Præter multitudinem aliorum piscium habet & sui generis esu non infuaves quos *Pollacæ* vocant. Tria autem de hoc lacu memoratu digna referuntur. Pisces pinnis carent, gratissimæ alias saporis. Aquæ nullo interdum flante vento ita concitantur, ut vel audacissimos nautas deterreant, quo minus solvant. Deniq; insula quædam gregibus armentisque pascendis apta, natat, ferturque quo ventis impellitur. Sed redeo ad lacum. Tandem erumpens Meridiem versus, *Levinum* amnem, qui regioni nomen dedit, effundit: qui prope Britannodunum arcem, & eodem nomine oppidum in *Glottâ* ingreditur. *Levinie* partem extremam *Grampii* montis ultimi colles attollunt, sinu maris exiguo, quem *Gerlochum* à brevitate appel-

lant, intercisi. Ultra hunc est sinus multo amplior, quem *Longum* vocant, à *Longo* qui in eum cadit fluvio. Is limes est inter *Leviniam* & *Covaliam*. Ipsa *Covalia*, *Argathelia*, seu potius *Ergathelia*, & *Cnapdalia* multis sinibus angustis ex æstuario *Glottæ* infusis, in multas partes dirimuntur. Vnus inter cætera insignis lactis, *Finis* vocatur à *Fino* fluvio, quem recipit. Is ultra sexaginta millia passuum in longitudinem porrigitur. Est & in *Cnapdalia* lacus *Avus*, in quo est exigua insula & arx munita. Ex eo fluvius *Avus* effunditur, qui unus in illis regionibus in mare *Deuceledonium* exit. Ultra *Cnapdaliâ* ad occidentem hibernum excurrit *Cantia*, hoc est regionis caput, Hiberniæ occurrens, à quo modico freto dirimitur. Ipsa longior quàm latior, adeo arctis faucibus *Cnapdaliæ* conjungitur, ut vix mille passus expleat, idque spacium nihil aliud quam arena sit: adeo humilis ut per eam naviculis tractis nautæ plerumque navigandi compendium quærant. Hanc attingit *Lorna* *Argatheliæ* adjacentis & usque ad *Abriam* pertinens: regio plana nec infœcunda. Quà *Grampius* mons humilior est, & magis pervius *Braid Albin* regio vocatur, hoc est, quasi altissimam *Scotiæ* partem dicas, ac ubi maxima pars illa attollitur *Drum Albin*, hoc est, *Scotiæ* dorsum vocatur: nec omnino sine causa. Ex eo enim dorso flumina in utrumque mare decurrunt, alia in septentrionem, alia in meridiem. Ex *Ierno* enim lacu *Iernam* fluvium in orientem hibernum fundit: qui in *Taum* illabitur ad tria millia passuum infra *Perthum*. Ab hoc flumine cognomen accepit ad utramque ripam affusa vetere *Scotorum* lingua *Strathierna* dicta; *Strat* enim regionem ad fluminem decursum jacentem appellare solent.



TACHIAM excipiunt Ocelli montes; ipsi quidem magna ex parte, atque ager ad eorum radices in Iernenſi præfectura cenſentur. Verum reliquum agri ad Fortham uſque ambitio in varias præfecturas diſſecuit, *Clacmananam*, *Colroſianam*, & *Kinroſianam*. Ab his & Ocellis montibus quicquid agri à lateribus *Fortha* & *Taus* claudunt, in orientem anguſtè cuneatur ad mare, & uno nomine appellatur *Fifa*, omnibus rebus ad uſum vitæ neceſſariis ſibi ſufficiens: quæ lacus *Levinus* eam ſcindit, latiſſima: inde utrimque ſe colligens in anguſtum uſq; ad *Careliam* oppidum. Amnem unum qui memoratū ſit dignus Levinum fundit. Totum littus frequentibus oppidulis præcingitur: è quibus maximè eſt memorabile propter bonarum artium ſtudia *Fanum Andrea*, quod præſci Scoti *Fanum Reguli* appellant. Interius in media ferè regione eſt *Cuprum*, quo reliqui *Frifani* ad jus accipiendum conveniunt. Quæ Ierniam contingit, eſt *Abrenethium* vetus *Pictorum* regia. Hic in *Taum* influit *Ierna*. Ipſe autem *Taus* è lacu *Tao*, qui eſt in *Braid Albin* viginti quatuor millia longo erumpit, fluviorum *Scotiæ* facilè maximus. Is ſe ad *Grampium* montem inſectens, *Atholiam* attingit regionem fertilem in ipsis *Grampii* ſaltibus collocatam. Infra *Atholiam* ad dexteram *Tairipam* ſita eſt *Caledonia*, oppidum vetus tantum nomen retinens, vulgo *Duncaldem*, id eſt, tumulus corylis conſitus: corylus enim cum per incultra ſe altiffimè funderet, & ſylvarum opacitate agros tegetet, & oppido & genti nomen dabat. *Caledones* enim, aut *Caledoni* gens olim inter Britannorum clariſſimas alteram partem regni *Pictorum* faciebant: quos *Ammianus Marcellinus* in *Caledones* & *Vecturiones* dividit, quorum

nunc vix nominis veſtigium aliquod ſupereſt. Infra *Caledoniam* ad duodecim millia paſſuum in eadè dextra ripa eſt *Prethum*. Ad ſiniſtram ripam ſub *Atholia* ad orientem ſpectans eſt *Gourea*, frumentariis campis nobilis. Et ſub hanc iterum inter *Taum*, & *Eſcam* porrecta *Anguſia*, ſive ut præſci Scoti loquuntur *Aeneia*. Sunt qui *Horreſtiam*, aut juxta dialeſtum Anglorum *Foreſtiam* dictam putant. In ea ſunt urbes: *Cuprum*, quod & *Boethius* patriæ ſuæ gratulans ambitioſè *Dei donum* vocat. Vetus enim nomen *Taodunum* fuiſſe reor, à *Duno* id eſt colle ad *Taum* ſito, ſub cujus radicibus oppidum eſt exſtructum. Extra *Taum* ad XIII millia paſſuum recto littore occurrit *Abrenethea*, alio nomine *Obrinea*. Deinde *Rubrum* promontorium ſatis longè conſpicuum. *Eſco* fluvius cognomento australis mediam ſecat: alter *Eſca* ſeptentrionalis eam à *Marnia* dividit. Ea ex magna parte ſolo eſt campeſtri, & plano, donec ultra *Fordunum* & *Dunotrum* Comitum Martialis arcem occurrat *Grampius* paullatim ſe demittens, & in mare ſubſidens. Ultra eam ad ſeptentriones eſt *Deva* vulgo *Dea* fluminis oſtium: & plus minus mille paſſus ulterius *Dona*. Ad alterum *Abredonia* eſt ſalmonum piſcatu nobilis, ad alterum *Epilcopi* ſedes, & ſcholæ publicæ omnium ingenuarum artium ſtudiis florescentes. Hanc citeriorem invenio vetuſtis monumentis *Abredeam* appellatam. Nunc utrumque oppidum *Abredonia* veteris & novæ cognominibus diſtinctum vocatur. Ab hac tam anguſta fronte inter hæc flumina incipit *Marria*, ac ſeſe paullatim dilatans ad lx in longitudinem millia ſe protendit *Badenacham* uſque. Ea regio perpetuo dorſo continetur, & in utrumque mare diverſa magnaſque flumina emittit, *Badenacha* confinis

Fifa.

Oppida.

Flumina.

Gourea.
Soli ferti-
litas.

Anguſia.

Urbium
nomina.

Abrenethea.

Situs.

Urbium
nomina.
Marria.
Situs.



Ecina.
Amm.

Moravia.

Soli ferti-
litas.

Oppida.

- Russia

Sims.

attollitur, aspera, & inculta: qua se in campos explicat, frugum fertilitate nulli propè Scotiæ agro inferior. Vales habet amœnas piscosis amnis irriguas: lacus piscosos complures, sed maximū omnium *Lubrum*. A mari Deucalondonio littus paullatim se castigat, & in orientem æstivum reflectit. Ab altero littore mare Germanicum inter rupium excelsarum scopulos iter sibi pandens interius in sinum se spatiosum explicat, adversus omnes tempestates portum salutariferum, ac certum perflugium. Proxima *Rossia* extremæ septentrionem versus est *Navernia*, à *Naverno* amne appellata: quam vulgò proprietatem sermonis patrii secuti *Strathnaverniam* appellant. Eam à meridie *Rossia* claudit; ab occasu & septentrione mare Deucalondonium eam alluit; ab oriente Cathanesiam contingit. *Sutherlandia* his omnibus ita interjecta est, ut omnibus sit finitima, atq; ab aliqua regione cœli eas contingat. Nam ab occidente *Strathnaverniam*, à meridie & oriente *Rossiam*, à septentrione *Cathanesiam* habet objectam: Cultores magis ex natura regionis pascuo quam arvo dediti. Nihil in ea quod sciam singulare, nisi quod montes candidi marmoris habet, rarum in regionibus frigidis miraculū, & prope in nullo usus comparatum, quod nondum ejus affectatrix luxuria eo immigravit. *Cathanesia* ultima ad septentrionem Scotiæ regio est: qua in plaga ei *Navernia* occurrit: hæque duæ regiones Scotiæ latitudinem in frontem angustam contrahunt. In ea fronte tria attolluntur promontoria. Altissimum in *Navernia*, quod *Ptolemæo* est *Orcas*, sive *Tarvedrum* & *Tarvisum*: reliquæ duo nequaquam æquè sublimia in *Cathanesia* sunt, *Vervedrum*, nunc *Hoia*; & *Etubium*, falso *Hectori Boëthio* *Dame* appellatum, nunc *Dunus Bei* vulgò dictū, alii *Duncans Bei* vocant.

Navernia.
Situs.

Sutherlandia.
Situs.

Montes.

Cathanesia.
Situs.

Ex hoc nomine aliquot literis exemptis vox *Dunus Bei* facta videtur. In hoc tractu *Ptolemæus* collocat *Cornavios*, cujus nominis adhuc vestigia quædam restant. Arcem enim Comitum Cathanesiæ vulgo *Gernico* vocant. Nam qui *Ptolemæo*, & exteris *Cornavi* sunt, Britannis *Kernici* fuisse videntur: cum non in hoc tractu modo, sed in diversissima insulæ parte, nempe in Cornovalia, *Cornavios* ii qui vetustum sermonem Britannicum retinent, adhuc *Kernicos* vocent. Restat nunc ut de insulis aliquid dicamus. Recentiores insularum omnium, quæ Scotiam velut coronant, tres fecerunt vel classes vel ordines, *Occidentales*, *Orcadas*, & *Zelandicas*. Occidentales appellantur quæ ab Hibernia pene ad Orcades in mari Deucalondonio lateri occidentali prætenduntur. Has alii *Hebrides*, alii *Ebudas*, alii *Mevanias*, alii *Beteoricas* appellarunt. *Orcades* in mari partim Deucalondonio, partim Germanico, ad septentrionale in Scotiæ partem sparsæ sunt. Harum de nomine inter Scriptores veteres & recentiores satis convenit; sed qui eas primi tenuerint, non satis constat. Omnes Germanicæ originis eos fuisse tradunt: at è qua natione Germanorum advenerint, non produnt. Si è sermone conjecturam faciemus, & olim & nunc quoque veterè Gothica lingua utuntur. Sunt qui Pictos eos fuisse arbitrantur, hoc maxime argumèto, quod fretum eos à *Cathanesia* dividens, Picticum cognominatur: Pictosque ipsos generis Saxonici fuisse existimant, Claudiani carmine maxime freti: *Maduerunt Saxone fuso Orcades, incaluit Pictorum sanguine Thule: Scoterum tumulos flevit glacialis Ierne.*

Scotia
Insula.

Sed quum de his supra in Britannicarum insularum descriptione egerimus; hæc pauca sufficiant, ut Scotiæ finem imponamus.

Regia.
Nomen,
à quibus
inducitur.

ALBIONIS insulæ pars meridionalior ac maxima *Anglia* Latinis dicitur: ab *Angria* regione *Westphaliæ*, vulgo *Engern*, ut nonnulli volunt. Alii ab angulo nomen inditum arbitrantur, quod Orbis sit angulus: alii ab *Angloen* oppido *Pomeraniæ*. *Goropius* Anglos ab *Angle*, i. hamo piscatorio deducit, quod, ut inquit ille, omnia sibi adhamarent, & fuerint, ut Angli loquuntur, *Good Anglers*, i. boni hamatores. Quæ sanè conjectura risum potius quam fidem meretur. Sunt qui ab *Anglia* Cimbricæ *Chersonesi* regiuncula, quæ *Engeland*, i. Anglorum Terra, ab *Egberto* occiduorum Saxonum Rege indigitata fuit, appellatam autumant: vel quasi *Engistland*, i. *Engisti* terra: qui seducem his Saxonibus præbuit. Sed qui *Engelberti*, *Engelhardi*, & ejusmodi Germanicorum nominum etymologiam videt, faciliè etiam Anglorum notationem viderit. Hi sunt Germaniæ populi qui Britanniam occuparunt, quos unam gentem fuisse, communique nomine nunc Anglos nunc Saxones vocatos docet *Camdenus*. Hæc ab indigenis non uno nomine appellatur, idque etiam diversimodè: in duas enim regiones eam dividunt. Pars ejus quæ orientem & mare Germanicum spectat ab indigenis *Anglis* Saxonum populis, qui eam occuparunt, sua lingua *Anglia* vel *England* nuncupatur. Occidentalior vero pars quæ ab hac, *Sabrinâ* & *Deâ* fluminibus discernitur, & *Britannicâ* avitâque lingua utitur, *Vvallia* vel *VValles*, à prædictis *Anglis* nominatur. Terminus ejus septentrionales *Scotiam* versus, sunt *Tueda* & *Solveius* fluvii: ad meridiem est *Gallia*, & propriè dictus *Oceanus Britannicus*: ad occasum *Hibernia* & *Oceanus Hibernicus*, ad ortum *Germanicus*.

Sinus.

Longa est 302 milliaria anglica, lata 300, à *Belerio* nempe ad *Cantium Promontorium*. Aër hic quocunque anni tempore temperatus ac clemens: cælum crassum, in quo faciliè nubes, imbres, ventique coguntur, atque eo minus frigoris æstusque, propter ipsius cæli densitatem. Habet solum fœcundum frugiferumque, & ab omni frugum genere ita beatum, ut *Cereris* sedem fuisse dixerit *Orpheus*. Cui adstipulatur *Mamertinus* aut *Belga* orator qui *Panegyricum Constantino* dixit: ubi inter alia dicit, in hac segerum tantam esse fœcunditatem, ut muneribus utriusque sufficiat, & *Cereris* & *Liberi*. Neque solum agros luxurioso ac opimo frumento, ac leguminibus supra modum scatentes habet: sed etiam cujusque generis materiam producit, præter abietem, & ut *Cæsar* ait, fagum; nunc tamen est passim fagus quoque. Lauri non æquè fœcunda est ac *Thessalia*. *Rosmarinus* vero tam copiosus, ut eo etiam ad sepes utantur. Fert item aurum, argentum, cuprum, ferrum, sed ejus exigua copia: plumbum nigrum, & plumbum album, id est stannum in suo genere optimum in magna abundantia hic effoditur, & ad exterarum gentes effertur. Colles hic plurimi, per quos ovium greges errant, non tantum carniū deliciis, sed etiam vellerum tenuitate nobiles. frequentiam ovium juvat cæli quædam benignitas, terræque bonitas singularis; nam & in collibus vix arbores apparent, totaque regio à lupis est suo privilegio immunis. Omni etiam pecudum animaliumque genere abundat, præterquam asinis, mulis, camelis & elephantis. Molossi nullibi gentium præstantiores, ferociioresque. Nusquam gentium major cornicum multitudo. Magna etiam milviorum qui pullis insidi-

Animalia var-
tictas.



Leges &
iustit. a.

multas irrogatas vel pignoribus ablatis, colligere, & erario inferre, iudicibus præsto adesse, & eorum mandata exequi: duodecim viros cogere, qui in causis de facto cognoscunt, & ad iudices referunt, (iudices enim apud Anglos juris solum & non facti sunt iudices) condemnatos ad supplicium ducere & in minoribus litibus cognoscere. In maioribus autem jus dicunt Iustitiiarii, quos *Itinerantes* & *Iustitiiarios ad Assisas* vocant, qui quotannis hos Comitatus bis obeunt, ut de causis cognoscant, & de incarcerationis sententiam ferant. Quod ad Ecclesiasticam jurisdictionem attinet, duas nunc habet Anglia provincias. Archiepiscopos item duos: *Cantuariensem* totius Angliæ primatem & *Eboracensem*. Quibus subsunt xxv Episcopi: *Cantuariensis* xxi, *Eboracensis* tres reliqui. Angliæ tribunalia sive juris fora, quas etiam curias dicimus, in triplici sunt differentia. Alia enim sunt Ecclesiastica, alia temporalia, & unum mixtum, quod Parlamentum vocant, & ex tribus Angliæ Ordinibus constat & totius Angliæ corpus representat. Hoc à Rege pro arbitrio indicitur, summamq; & sanctam auctoritatem habet in legibus ferendis, confirmandis, antiquandis, interpretandis, & in omnibus quæ ad Reipublicæ salutem spectant. Fora temporalia sunt duplicia, juris scilicet, aut æqui. Juris sunt, *Bancus Regius*, *Curia camera stellata*, *Bancus communis*, *Scaccarium*, *Curia Wardorum* & *Liberationum*, *Admiralii*, *Assise*. alia quæ obscura sunt, omittimus. *Bancus regius* ita dictus quod Rex ipse in eo præsidere soleat. coronæ placita tractat. *Camera stellata*, sive potius Curia cōsiliū regii, in qua tractatur criminalia, perjury, impoturiæ, dolus malus, &c. *Bancus communis*, quia communia placita inter subditos ex jure Anglico, quod commune vocant, in hoc disce-

plantur, nomen habet. *Scaccarium* à tabula quadrangula, ad quam assidebant, nomen traxit. in eo omnes causæ audiuntur quæ ad fiscum pertinent. *Curia Wardorum*, à pupillis, quorum causas tractat, nomen habet. *Admiralii Curia* res maritimas tractat. *Assise*, quas dicimus, in quolibet Comitatu bis anno habentur, in quibus duo Assisarum Iustitiiarii ad hoc deputati cum eirenarchis, sive pacis Iustitiiariis, & de civilibus & criminalibus cognoscunt. Fora æquitatis sunt *Cancellaria*, *Curia Requestarum*, Concilia in limitibus Walliæ, ex parte boreali. *Cancellaria* à *Cancellario*, qui ibi præsidet, nomen traxit. In hac ex æquo & bono judicatur, & summum jus quod summa crux videri solet, temperatur. *Requestarum Curia* pauperum & regionum famulorum causas audit. Ecclesiastica fora præcipua sunt: *Synodus*, quæ *Convocatio Cleri* dicitur, semperque simul cum Parlamento habetur: & *Synodi Provinciales* in utraque provincia. *Academia* in hoc regno duæ sunt nobiles, *Cantabrigiensis* & *Oxonienfis*, quibus additur tertia *Londinensis*. Ingenia producit Anglia non infelicia neque sterilia; virosque doctos & omnium facultatum & scientiarum peritissimos plurimos habet. Gens procera statura, venusta & candida facie est, cæcis ut plurimum oculis, & ut sono linguæ Italici persimiles, ita corporum habitu ac moribus ab illis penè nihil discrepant. Viçtus maxima ex parte in carne consistit. Cerevisiam ex hordeo conficiunt, potum sapidum, gratum, jucundum. Hic in exteras etiam regiones asportatur. Vestimento non multum absimili gallico utuntur. Atque hæc quidem de Anglia in genere dicta sufficient; reliqua in particulis deinceps tabulis exponemus.

Schola.

Mores.

Viçtus.

Vestitus.

Continens Northumbriam, Cumberlandiam Comitatus, Dunelmensem Episcopatum,
Westmorlandiam, & Maniam Insulam.

GENERATIM quæ dicenda habuimus de Anglia absolvimus: postulat methodus, ut speciatim & per partes eam percurramus. Britannia ab se debellatæ citeriorem partem in provinciam redactam, Romani variè diviserunt, ut supra diximus. Saxones verò pro pentarchia Romanorum fecerunt heptarchiâ: in ea sunt Cantium, Suffexia, Eastanglia, Westsexia, Northumbria, Eastsexia, & Mercia. Hodie in Comitatus, quos vel *Conventus* vel *Pagos* propriè & Latine vocces, (Angli peculiari vocabulo *Shyres* appellant) distribuitur. Ac primùm anno à Christo nato 1016 *Ethelredo* regnante tantum xxxii. numerabantur: deinde sub *Guilhelmo I.* xxxvi. Postea tres in numerum additæ xxxix Comitatuû numerum compleverunt, qui hodie in Anglia obtinet. Quibus accedunt xiii. plures in Wallia, quorum sex fuerunt tempore *Eduardi I.* reliquos Parliamentaria autoritate constituit *Henricus VIII.* Hosce autem Comitatus seu Partes Angliæ cum nonnullis insulis *Mercator* noster sex tabulis luculenter expressas exhibet. Harum omnium tabularum, quo ordine ab authore nostro proponuntur, delineationem, quam poterimus fidelissimè proponemus. Offert se primo loco Northumbria, vulgo Northumberland, trianguli sed non æquilateri figura quodammodo inclusa jacens. Meridionale ejus latus *Derrwentus* in *Tinam* influens, & ipse *Tina* claudit, qua Dunelmenses spectat. Orientale latus mari Germanico pulsatur. Occidentale vero quod ab occasu brumali in ortum æstivum protrahitur, primum concatenatis montibus, inde *Tueda* fluvio Scotiæ obvertitur, regionumque limes est. Terra ipsa magna ex parte aspera est, ac cultu dura. Ad mare & *Tinam*

adhibita mediocri culturâ satis est colono grata, alibi verò multo ingrator, & quasi horridior: plurimisque in locis lapides illi *Lithanthraces*, quos *Sea-coales* Angli vocant, magna copia effodiuntur. Est in Northumbria urbs *Nervcastle*, portu nobilis, quem *Tina* efficit suâ profunditate naves valdè magnas admittens, & ita defendens, ut nec tempestatibus facillè jactari, nec vadis afflicti possint. Est & ultimum Angliæ, & munitissimum totius Britannia oppidum *Bervvic*: quod nomen à *Berengario* Duce, quem somniarunt, deducunt aliqui. *Le-landus* ab *Aber*, quod ostium Britannis sonat, ut *Abervvic* vicum ad ostium significaret. Undecumque verò nomen habet, situ longius in mare porrigitur, ita ut mari & *Tueda* ferè circumvalletur. Fluvii hîc sunt *Tina australis & borealis*. (qui sic dictus quod in arcum coëuntibus ripis constringitur; hoc enim *Tin* Britannica lingua significare affirmant nonnulli.) *Australis* ex Cumberlandia editus, prope *Alstemmore*, ubi antiqua est fodina æraria, cum aliquamdiu se in septentriones pro volverit, in ortum conversus, rectâ cum muro *Pictico* procurrit: *Tina borealis* è limitaneis montibus, sociatus *Redo* fluvio infesto; qui ad *Redsqwier* præruptum montem effusus, *Rhedescale*, id est, *vallem Redi*, laudatissimorum velicû altricem rigat. Infra *Collerford*, uterque *Tina* confluit, qui jam auctus, subindeque auctior, uno alveo urget ad Oceanum iter. *Tueda* Angliam à Scotia longo spatiocludit, limesque orientalis dicitur. Hic fluvius copiosa scarurigne è Scotiæ montibus erumpens inter limitaneos equites, diu tortuosus errat. Vbi verò proximè *Carram* vicum accesserit, multis aquis convalescens regnorum collimitia discriminare incipit, ac tandem

Tito

Northumbria.
Scotus.Soli quæ-
litas.



Cumbr. via.
Situs.
Tillo recepto in mare Germanicum se exonerat. Sunt & alii, ut *Coqueda*, *Alaunus*, *Blithus*, & *VVanspeth*, quos omitto, ad secundam partem transitum faciens. Ea est *Cumbria* vulgo *Cumberland*: hæc *Westmorlandiæ* ad occasum præjacet, ultima in hac parte Angliæ provincia, utpote quæ ipsam Scotiam ab arcto attingit, ab austro & occidente Hibernico Oceano pulsata, ab ortu verò super *Westmorlandiam* *Northumbriæ* contigua. Nomen ab incolis traxit, qui veri & germani Britanni fuerunt, & se sua lingua *Kumbri*, & *Kambri* indigitarunt. Terra autem quamvis ob septentrionalem situm frigidior, & ob montes asperior videatur, suâ tamen varietate perlustrantibus arridet. Post verrucosas enim rupes, & cōfertos montes, quibus lacus interjacent, succedunt pabulosi colles gregibus referti, quibus rursus substernuntur porrecte planities frugibus satis sæcundæ. Est in hac Provincia optima & oportunâ positione urbs vetustissima *Carlile*, à septentrione profundo *Irtunæ* alveo, ab ortu *Peterillo*, ab occasu *Caudâ* munita, & præter hæc naturæ defendentis munimento, firmis mœnibus è saxo quadrato, castello & citadellâ, quam vocant, armata. Sunt & alia oppida *Keswike*, *VVirkinton*, *Bulness*, *Perith*, ut vicos & arces silentio præteream. Atque hic ager & parochiales Ecclesias numerat. Habet præterea lacus omni volatilium genere abundantes. Fluvios item, inter quos *Irt*on amniculus, in quo conchæ cum rorem, quem veluti maritum appetunt, oscitatione quadam hausserint, sunt gravidæ, margaritæque pariunt, quas accollæ cum resederit aqua venantur. Est & *Derventio*, *Cokarus*, *Olenus*, sive *Elenus*, *Eiden* atque alii, piscibus abundantes. Ad hæc Oceanus, qui ad litus alliditur, piscium optimorum examina alit, & negligentiam accolis quasi exprobrat, quod minus gnauiter piscaturam exerceant.

Montes hic conferti metallis gravidi, inter quos montes *Dervvntfels* vocati, in quibus ad *Neyvland* æris venæ opulentæ non sine auro & argento nostro tempore sunt repertæ. Hic etiam invenitur terra illa metallica, sive saxum induratum & micans, Anglis *Blacke leade* dictum, quo ad ducendas lineas, & monochromata pictores utuntur. Superiorem hujus regionis partem interfecat, qui nullo modo tacendus est, *Murus* ille celeberrimus, *Murus Falsicus*. Romanæ provinciæ limes sive clausura, cxxii. millium passuum longitudine, *Severi* opus: qui ut ait *Orosius* partem *Insule* à cæteris indomitis gentibus vallo distinguendam curavit. Eum *Beda* octo pedes latum & duodecim altum fuisse scribit, recta ab ortu in occasum linea: cujus non solum vestigia sed etiam fragmenta in longa spatia porrecta & tantum pinnis nudata extant, hodieque conspiciuntur, ut testatur *Camdenus*. Episcopatus *Dunelmensis*, vulgo *the Bishoprick of Durham*, sive *Duresme*, *Eboracensibus* ad septentrionem confinis in trianguli speciem efformatur, cujus apex ad occasum cœuntibus ibi septentrionali limite & *Teiss* fontibus figuratur. Ad australem partem ferè quæ flumen se reducit, cathedralis Ecclesia surgit, pyramidibus & altâ turre conspicua, in medio eminenti tumulo imponitur castrum quodammodo intermedium inter duos pontes è saxo, quibus *Vedra* fluvius hinc ad ortum, illinc ad occasum conjungitur: à castro ad septentriones patet forum, & *S. Nicolai* cernitur templum. Sunt hic præterea oppida, *Standrope*, *Derlington*, *Hartlepole*, *Binchester* & *Chester upon the freete*, cum multis vicis atque arcibus. Numerantur in hoc agro & *Northumbriæ* Ecclesiæ parochiales 118, præter sacella plurima. Flumina hic sunt primùm *Tees*, *Flumina*. Latinis *Teiss* & *Teisa*, *Polydoro Atheis*, *Ptolemao Tuesis* appellari videtur *Camdeno*, apud quem librariorum incuria

Episcopatus Dunelmensis.

Urbes five oppida.

ria exulare existimat. Hic Fluvius è saxeto illo *Stanem ore* erumpens, raptisque secum multis undique torrentibus, per rupes fluens è quibus ad Egleston marmora cæduntur, ac deinde multa loca alluens, tandem amplo ostio in Oceanum se ejicit, unde trianguli basis ad oram maritimam inchoatur. Item *Vedra, Gaunlesse, Deryventum*. *VVestmorlandia* ab occasu & arcto *Cumberlandiâ*, ab ortu Eboracensi agro terminata: sic dicta quod magna ex parte inculta sit. Pars australior, angustiori spatio inter *Lonum* flumen & *Winander* mare conclusa satis ferax in vallibus, licet suas asperas glabrasque cautes ostendat, & *Baronia de Kendal* dicitur. Deinceps supra *Loni* fontes latius se explicat regio, multisque gyris & flexibus montes excurrunt, quibus interjacent alicubi convalles præruptâ altitudine, crebris locis speluncarum in modum subruptis. Oppidum hîc primarium *Aballaba*, nunc *Apolby*. Est etiam frequentissimum oppidum *Kandale*, lanificii gloriâ & industriâ celeberrimum. Atque in hoc Comitatu 26 parœciæ numerosæ habentur. Fluvii sunt *Lonus, Ituna, & Emotus*.

Mannia. *Mannia, Casari Mona, Monæda* Ptolemaeo quasi *Mon eitha*, id est, *Mona* emotior, ad alterius *Monæ* differentiam, dicitur. *Monabia* Plinio, *Menavia Orosio* & *Beda*, apud quos tamen *Mevania* perperam legitur, *Eubonia* Gildæ, *Menauvy* Britannis, incolis *Maning*, Anglis *The yle of Man*. Jacet autem medio libramine inter boreales *Hiberniæ* & *Britanniæ* partes; à septentrione in meridiem xxx. plus minus italica mill. porrecta, latitudinem verò quâ maximè patet vix ultra xv. mill. quâ minimè, viii extendit. Linum & cannabim abundè profert, pascua & arva habet satis lata; hordei, tritici, sed præcipuè

avenæ ferax est, unde avenaceo pane maximè vescuntur incolæ; pecorum ubique multitudo, & numerosi ovium greges, sed cum oves, tum pecora minora sunt quam in Anglia. Cum autem silvis sit indiga, bituminoso cespite ad ignem utuntur, quem dum effodiunt, sæpenumero in suffossas arbores incidunt. Britannos hanc insulam uti Britanniam tenuisse in confessio est, sed cum à septentrione gentes tanquam infusi nimbi, has australes plagas inundarint, in Scotorum potestatem devenit. Inter oppida hujus insulæ præcipuum censetur *Russin* ad australe latus situm, quod à castro ubi præsidium habetur, vulgo *Castletown* appellatur: sed frequentissimum est *Duglas*, quod Portus sit optimus, adituque facillimus, ad quem Galli, & alii exteri cum sale suo marino commeant, coria, lanam rudem, & carnem bubulam salitam ab insulanis emergentes. In occiduo autem insulæ latere sunt *Bala Curi* ubi Episcopus plerumque agit qui Eboracensi archiepiscopo subest, & *The Pyle* munimentum exigua in insula positum, ubi etiam non pauci sunt milites præsidarii. Ipsi verò australi promontorio modica etiam insula *The calse of Man* dicta, prætenditur, marinis avibus quas *Puffins*, & anatibus illis è ligno putrefacto enatis, quas Angli *Bernacles*, Scoti *Clakes*, & *Soland Geesse* vocant, referta. In medio *Mannia* montibus densius artollitur, è quibus editissimus *Scafell*, unde sudo cælo *Scotia*, Anglia & *Hibernia* prospici possit. Controversias judices (*Deemsters* vocant) sine scriptis & impensis dirimunt. Incolæ omnes à furandi & mendicandi ostiatim consuetudine sunt alienissimi, ac mirè religiosi. Superest *Anglesey* insula, de qua suo loco agemus.

Anima-
lium va-
rietat.

Imperium
Majora.

Oppida.

Montes.

Ratio gu-
bernanda.

Vulgi
Mores

*VVest-
morlan-
dia.
Situs.*

*Soli qua-
litas.*

Mannia.

Nomina.

Situs.

*Soli ferri-
lit.*

SEQUENTES CONTINENS COMITATVS, LANCASTRIAM, CESTRIAM,
Carnarvum, Denbigh, Flinth, Merionidh, Montgomery, Salopiam, Cardigan,
Radnor, VVigorniam & Insulam Anglesey.

Lanc-
 stria.

Situs.

Solis fer-
 tilis as.

Oppida.

Lacus.

LANCASTRIA vulgo *Lankashire*, & the County Palatine of *Lancaster*, quod sit Comitatus Palatini titulo insignis. Sub montibus, qui per Angliam mediam procurrunt, jacet ad occasum: inter Eboracenses ab ortu, & Hibernicum Oceanum ab occasu ita includitur, ut ab austro quâ Cestrenses respicit, (à quibus Merseio flumine dirimitur) sit latior, sensimque in boream procedens, quâ Westmoriandiâ confinis, coarctetur. Ibiq; maris sinu abrupitur, suiq; partem non exiguam ultra sinum habet, quâ Cumberlandiâ adjacet. Vbi in campos æquatur, hordei & tritici satis est fertilis, ad montium radices avenæ fertilior, ubique solo tolerabili, nisi uliginosis quibusdam, & minus salubribus locis, qui tamen hæc sua incommoda commodis refarciunt uberioribus. Abarsa enim superficie cespites ad ignis fomité, & nonnunquam arbores, quæ diu defossæ jacuerunt, præbent. Inferius verò margam ad stercorandos agros affatim alicubi suppeditant. Boves proceris cornibus & composito corpore excellunt. Ad urbes transco, inter quas primo loco occurrit pervetus illud oppidum *Manchester*, *Mancunium* & *Manucium* variante lectione *Antonino*. Hoc circumvicinis oppidis præcellit suo ornatu, frequentia, lanificio, foro, templo & collegio. Est & *Ormeskirke* mercatorium oppidum, sepulturâ Stanleyorum Derbien-sium Comitum insigne: & *Lancaster* præcipuum regionis oppidum, ut alia taceam. Atque hic paræciæ 36: sed valde populosa recensentur. Plurimi sunt lacus & pa-

ludes: inter quas *Merton* palus, & lacus totius Angliæ maximus, nunc *VVinandermere*, pisce sibi peculiari, accolis *Chare* dicto, fœcundus. Fluvii *Merseus*, *Irvvellus*, *Du-
 gleffe*, *Ribellus*, *VVyre*, *Loccus*, & *Lonus*. Montes hic plu-
 rimi, iique editissimi, inter quos illi qui *Ingleborrovhill*,
Penigent, *Pendle hill*. *Cestria* sequitur, vulgò *Cheshire*, &
The Countie Palatine of Chester, quod ejus comites jura
 Palatina habuerint. Ab austro agro Salopiensi, ab or-
 tu Staffordiensi & Derbienti, à septentrione Lanca-
 strensi, ab occasu Denbingensi & Flintensi circumscri-
 bitur, ad circium verò chersoneso longiùs in altum abit,
 quæ inter duos sinus conclusa utrinque insinuantem
 Oceanum admittit, in quos etiam sinus omnia hujus
 agri flumina conveniunt. Regio farris & tritici jejuna
 & inops, pecoris & piscium ferax. Vrbs hic clara quam
Ptolemaus Deunam, Angli *Chester* & *VVestchester* vocant.
 Vrbs hæc quadratâ formâ, mœnibus quæ plus duo mill.
 pass. ambitu colligunt, includitur: ad libonotum, ca-
 strum eminet prope flumen à Comitibus constructum,
 ubi fora Palatinatus bis quotannis habentur. Edificia
 sunt nitida, & projectis manianis porticus utrinque per
 primarias plateas ducunt. Sunt præterea oppida *Fin-
 borrov* & *Condate*, nunc *Congleton*. Habetque paræcias
 plus minus 68 hic Comitatus. Fluvii hanc regionem in-
 terfluunt, *Deva*, Anglicè *Dee*, salmonibus admodum fe-
 rax, è duobus in *Walla* fontibus nascitur, unde deno-
 minatum credunt. Præterea *VVever*, *Mersey*, & *Danus*,
Carnarvanshire, historicis Latinis *Snaudema*, & *Arvonis*.

Latus

A N G L I Æ III. T A B V L A.



Situs.

*Soli fer-
acitas.*

*Oppida.
Den-
ighia.
Situs.*

*Soli qua-
litas.*

Oppida.

*Flin-
shire.
Situs.*

*Soli qua-
litas.*

Latus septentrionale & occiduum mari objacet, australe claudit Merionithia, & orientale Denbighensis ager Conovio fluvio interlabente. Quà mare prospicit glebà est satis fertili, & oppidulis redimita. In hac præter alia oppida est *Bangor* sedes Episcopalis. Interiora hujus Comitatus montosa, aspera, clivosa. *Denbighensis* ager, Anglis *Denbighshire*, interius à mari recedit, & in ortum usque ad Devam flumen procurrit. A borea aliquandiu mare, inde *Flintensis* regiuncula, ab occasu *Merionithia* & *Mongomeria*, ab ortu *Cestria* & *Salopia* circumcingunt. Pars occidua sterilis, media quàm in vallem succumbit, fecundissima; orientalis statim à valle naturam sibi iniquiorem, ad Devam verò multo æquiores sentit. In hoc autem agro est vallis *Cluide*, amœnitate, fertilitate, & salubritate verè felix, in qua *Ruthun* maximum est vallis emporium. Deinde territorium, Britannicè *Mailor Gymraig*, Anglis *Bromfield*, lætum admodum & plumbi ferax. Primarium hujus tractus oppidum *Denbigia*, vulgo *Denbigh*, & *Cluida* fluvius. *Flintensis* Provinciola, Anglis *Flintshire*, Denbighiensis agro ad septentrionem longior quàm latior præjacet, Hibernico mari, seu potius Devæ æstuario ab arcto pulsata, ab ortu *Cestrensis* Comitatu, ab aliis plagis Denbighiensis finita. Hæc non quidem montana, sed collium prominentià aliquantulum surgens, quæ leniter in fertilissimos agros resupinatur, qui præsertim quàm Mare prospiciunt, primo quoque anno nonnullis in locis hordeum, aliis triticum, in universum secale vicesimo & supra fœnore, & postea avenam in quatuor aut quinque annos profundit. Est hic oppidum *S. Asaph* Anglis, ubi Episcopalis est sedes, cui parœciæ subsunt multæ: & *Ruthlan* castello egregio nitens. Hic etiam *Alen* fluvius, prope quem fons est qui maris æmulus statis temporibus suas & re-

vomit & resorbet aquas. *Merionithshire*, latinè *Marvinia*, à *Montgomerico* pago ad sinum usque Lunatum & Oceanum pertingit, quo ab occasu ita pulsatur, ut nonnullam ejus partem abrupisse credatur. Ad meridiem Devo flumine à *Ceretica* dirimitur, ad septentriones *Carnarvaniam*, & *Denbighiam* attingit. Ipsa verò inter montium conglomeraciones omnium totius *Walleriæ* terrarum hispida magis & horribilis. Oppida hic rara, *Harlech* autem castrum est munitissimum, atq; hujus regionis primarium: suntque æstuaria duo celeberrima *Traith maur*, & *Traith Bocham*, id est æstuarium majus, & minus. Montes habet altissimos, arctos tamen & in modum arcis acutissimos, nec raros quidem, sed creberrimos, & tanta æqualitate confertos, ut in summis eorum verticibus pastores confabulantes, vel convitiantes, si concurrere fortè statuerint, à mane ad vesperam vix convenirent. *Montgomeryshire* ad meridiem *Cereticâ* & *Radnôriâ*, ad ortum *Salopiâ*, ad boream *Denbighiâ*, & ad occasum *Merionithiâ* circumscripta, licet montibus plurimum emineat, convallibus tamen grata fecunditate, cum arvis, tum pascuis utiq; felix est, laudatissimorumque equorum fecunda olim genitrix. Primarium hujus regionis oppidum *Montgomery*, surgenti saxo, cui amœna planicies subjacet, à *Baldvino* limitis *Wallici* præfecto constructum. Est & *Lan verthlin*, oppidum mercatorium. Hic est *Sabrina* secundum à *Tamesi* Britannicæ flumen; *Severne* Angli indigitant. Hic statim à fonte ita crebris incurvus flexibus agitur, ut sæpe reverti credatur, procurrit tamen, seu potius lentus pervagatur hunc agrum, *Salopiensem*, *Vigorniensem*, & *Glocestrensem*, vitalemque humorem glebæ ubiq; suppeditans in *Sabrinianum* fretu se tandem placide exonerat. Hic etiam *Plinlimon* mons in eximiam exurgens altitudi-

*Merio-
nithia.
Situs.*

*Soli qua-
litas.
Oppida.*

Montes.

*Montgo-
meria.
Situs.*

*Soli ferti-
litas.*

Oppida.

*Plinlim-
on.*

itudinem, qui *Sabrinam* flumen, de quo modo diximus, effundit. *Salopia* sive Comitatus *Salopienfis*, Anglis *Shropshire*, ad ortum *Staffordienfes*, ad occasum *Montgomerienfes*, ad meridiem *Vigornienfes*, & ad septentrionem *Cestrenfes* attingit. Ampla regio, fertilis & amœna, oppidis & castris undique stipata est frequentissimis, utpote quæ limitanea fuerit. Inter quæ hujus agri urbs longe clarissima ex antiqui *Vriconii* casu exorta, quam Angli *Shrëvvsbury* dicunt, latini *Salopiam*. Sunt & *Bishops Castle*, *Ludlovv*, & alia. Numerantur hic parœciæ plus minus 170. Fluvii *Temdus*, *Columus* & *Terna*. *Cardigan*, Latine dicitur *Ceretica*. Hujus omnis circumferentia centum tria millia passuum colligit. Cælum patentius est & aer frigidiusculus & penetrabilis. Solum montibus asperum & reliquæ *Walliæ* inæqualitate conforme. Ad mare tamen æqualius est, & magis campestre quam vel in ortiva vel occidua regionis plaga. Nam præter ingentem illum & excelsum montem *Plinlymon* dictum, perpetua series minorum collium exporrigitur, qui in subjectis convallibus cum pascua lætissima tum lacus amplissimos efficiunt, qui rivulis è rupibus vicinis scaturientibus auctiores facti, diffundunt se tanquam venas, suosque meatus in ipsum mare frugiferos faciunt. Commoda quibus quæstum faciunt hujus regionis incolæ, consistunt præcipuè in pecore, marinis avibus & piscibus. Frugum illis quod satis est suppetit, silvarum verò quædam indigentia est. Ad *Ystvyth* autem fluvii fontes, plumbi habentur venæ, mercimoni-um non parvi momenti aut pretii. Primarium hujus Provinciæ oppidum *Cardigan* mœnibus & castro satis valido firmatur. Dividitur autem hæc Provincia in quinque Centurias, in quibus quatuor oppida mercatoria, & Ecclesiæ parœciales sexaginia quatuor numerantur,

Radnoræ Comitatus aere utitur subtili & frigidus qualis ferè per omnem *VValliam* est, quod nives sub umbrosis illis editioribusque montibus ac rupibus prominentibus diutius insolutæ subsistant. Terra ipsa jejunior est, non tamen omnino sterilis: quæ autem ad orientem & austrum posita est, reliquæ omni præstat. Cæteræ partes asperæ sunt & immites, ægreque ullo cultu ac labore improbo mitescunt, adeo ut opes tam boreales quàm occidentales in rei pecuariæ fatura potissimum positæ sint. Loca potissimum in hoc agro memoranda sunt *Radnoræ*, unde regioni nomen. Situ peramœno sub colle positum est hoc oppidum, cui etiam colli amplum & munitum castrum insidet. Oppidum frequenti foro celebratum, in quam & elegantiam & frequentiam nuper emicuit. His proximè accedit *Knigh-tona* oppidum & ipsa mercatorium, cui subicitur *Clavid Offa* sive *Offa* fossa, mirandum sanè opus, quod limitem esse voluit ad disjungendos à suis Anglis Britannos *Offa* ille Merciorum Rex. Quarto in loco succedit *Raihader Govvy* oppidum, ubi mercatus die dominico habetur, quod hic offendiculi causâ annoto. Pagus iste sex Centuriis distinguitur, in quibus tres saltus sive forestæ, quatuor oppida mercatoria, sex castra, & quinquaginta duæ parœciales Ecclesiæ numerantur. *Vigornienfis* Comitatus Provincia est & opulenta, & incolis frequens, cæli temperies adeo grata & propitia, ut appetentiam labori, diætæ sive victui & quieti præbeat. Solum vero ita fertile, ut nulli totius Angliæ cedere videatur. Urbs *Vigornia* primarium Comitatus qui inde nomen ducit oppidum, amœnissimo loco posita, frequenti comœantium commercio celebris, & opulentis admodum civibus culta est.

In qua hi sunt Comitatus, Cornubia, Devoniam, Somersetus, Dorcestria, Wiltonia, Glocestria, Monametha, Glamorgan, Caermarden, Penbrock, Brecknoke, & Herefordia.

Cornubia.
dicitur.

CORNUBIA, quæ & Cornwallia, Britannicè Kernavv, à meridie Oceano Britannico, à septentrione Hibernico, ab occasu Antivestæo promontorio & Gallico Oceano clauditur, ab ortu Tamarâ flumine à Devoniam se jungitur. Regio glebâ satis fertili, ac metallorum divite venâ abundans. Frugum quoque licet non sine magno agricolæ labore; ferax. Nitet hæc regio & in primis ora maritima creberrimis oppidis. Ea sunt Heilston oppidū signandi stanni privilegio celebre. Peryn celebris mercatu, Arvvenak, Truro, Granpound, Fovvy, Lestuthiell, Leskerd, Bodman, Saltashe, S. Iies, S. Colombs, Padstovv, Stovv, Stratton, Tamerton, Lansuphadon & Saltash. Suntque in hoc Comitatu paræciæ 161. Fluvii sunt Vale, Favvey, Loo, Liverus, Haile, Alan & Tamara. Inter Portus hujus regionis celeberrimus Valemouth, Cemonis ostium Ptolemaeo, æque nobilis ac ipsum Italiæ Brundisium, naviū capacissimus & tutissimus. Devoniam, vulgo Devonshire, sequitur. Terminie ejus ab occasu Tamara flumē: ab austro Oceanus, ab ortu Dorcestria & Somersetus, à septentrione Sabrinianum fretum. Hæc ut majori latitudinis incremento utrinque quam Cornwallia excurrit, ita utring; Portubus accincta commodioribus, nec minus stanni venis dives, pratis distincta lætioribus, silvis vestita frequentioribus, glebâ autē alicubi perinde exili. Vrbs primaria Anglis hodie Excester, Latinis Exonia, Ptolemaeo Isca, Antonino Isca Dunmoniorum. Sunt & oppida plurima, ut Plimmouth quod superiori sæculo

Soli quatuor.

Oppida.

Flumina.

Portus.

Devonia.

Silvis.

Vrbes & Oppida.

ex viculo piscatorio in oppidū amplum, civiumque frequentia urbis æmulum excrevit. Hinc fuit Franciscus ille Dracus eques auratus in gloria navali nostræ memoriæ facile princeps. Item Lidston, Plimpton, Modbery, Dertmouth, Exminster & multa alia. Paræciales ecclesias 394 continet. Fluviique sunt Lid, Teayus, Plimus, Dert, Tornes, Teignus, Isca, Credenus, Columbus, Ottery, Ex, Torrridge, Tavy, Ockus & Lorth Eyre. Somersetensis Comitatus sequitur, vulgo Somersetshire. Termini ab ortu Wiltonia, ab austro Dorcestria, ab occasu Devoniam, à septentrione Sabrinianum fretum & Glocestria. Ditis hæc admodum soli, nusquam non ad fruges aut pabula eximie fertilis, atque alicubi etiam adamatum admodum fecunda, qui splendore indicos provocant, duritie cedunt. Vrbs præcipua Bristolia, pulcherrimis ædificiis, gemino flumine & muro, portu, exterorum commerciis, civium frequentia illustratur. Oppida habet, Theodorudunum, nunc VVelles, Bathoniam, vulgo Bathe. Atque in hoc agro Paræciæ 385 numerantur. Fluvii Ivell, Erme, Pedred, Thonus, Avona, Somer, Brius, VVelvve. Dorcestria, Dorsetshire, ab ortu Southamptonia, ab occasu Devoniam, ab austro Oceano Britannico, à borea Wiltonia & Somersetio terminatur. Gleba vero est fertili. quā septentriones spectat, silvæ & saltus diffunduntur, unde crebris & herbidis collibus, qui numerosos ovium greges pascunt, gratis pascuis ad litus usque descendit. Durnovaria, quod Durnum & Duneum Ptolemaeo pro exemplarium varietate dici videtur, nunc Dorchester,

Flumina.

Somersetensis Comitatus.

Soli fertillima.

Vrbes & Oppida.

Flumina, Dorcestria.

Oppida.



Dorchester, primarium totius conventus censetur oppidum, nec magnum tamen nec speciosum, mœnibus jam olim Danorum furore nudatum. Sunt & alia, *Birt-port*, *Lime*, *VVeymouth*, *Poole*, *VVarham*, *Shiburne*, *Sturminster* & *VVinburne*, atque hic Comitatus parœcias 248 numerat. Fluvii sunt, *Lim*, *Trentus*, *Carr*, *luell*, *VVey*, *Sturus*, *Alenus*, *VVaria* latinis, *Frau*, vel *Frome* saxonibus. *VViltonia* à primario olim oppido *VVilton* denominata, vulgò *VWilshire*, tota est mediterranea. Terminos ab ortu *Oxoniam* & *Southamptoniam*, ab occasu *Sommerferum*, à septentrione *Glocestriam* habet: regio pascuis & frugibus ubique læta. *VVilthor* oppidum olim fuit totius agri caput, cui & appellationem fecit. Sunt & *Mamesbury*, *Credade*, *Calne*, *Chippenham*, *Trubridg*, *Sarisbury* & *Marleborough*. Atq; hic Comitatus Parœcias 304 complectitur. Fluvii sunt *Isis*, *Avona*, *VVilleybourne*, *Adderbourne*, *Ellan* & *Kenmet*. *Glocestra*, vulgò *Glocestershire*, ab occasu *Walliam*, à septentrione *Vigorniam*, ab ortu *Oxoniam*, à meridie *Wiltoniam* spectat. Regio amœna & fertilis, ab ortu æstivo in occasum brumalem exporrecta. Habet & ferri fodinas. Primaria hujus Comitatus urbs *Glocester*, quã *Antoninus* *Clevum* & *Glevum* dixit, vulgus latinorum *Gloverniam*, alii *Claudiocestriam*. Antiqua sanè urbs, ac à Romanis condita, *Sabrina* fluvio exporrecta imminet, qua flumine non alluitur, murus firmissimus opponitur. Sunt etiam alia oppida *Tevkesbury*, *Deorhirst*, *Campden*, *VVincelscombe*, & *Cricester*, ac Parœciæ 280 hoc Comitatu comprehenduntur. Fluvii irrigant *Sabrina*, *Aven*, & *Isis* vulgò *Ouse*, qui postea recepto *Tamo*, *Tamisis*, composito vocabulo dicitur. *Monumethensis* Comitatus, Anglice *Monmouthshire*, includitur à septentrione *Munou flu*. qui *Herefordien*ses, ab ortu *Vagi* qui *Glocester*enses, ab occasu *Remcio* qui *Glamorgenses* sejungit, & ab austro

Sabriniano æstuario, in quod illa flumina una cum *Isca* mediam regionem interfecante, evolvuntur. Rebus ad victum necessariis nō solum sibi sufficit, sed etiam sup-peditat. Primarium regionis oppidum *Monmouth*, ad septentriones, qua fluminibus non defenditur, muro & fossa præinctum est, in medio proximè forum castellū prætendit. Item *Chepslovv*, *Abergevenny*, *Antonino Gobannium*, *Nevvport*, & urbs *Isa* *Antonino* Legio 11 dicta, nunc *Caerleon* & *Caer Leonar* vsq; *Britannis*. Hic *Saxonica* heptarchia *Wallis* montanis paruit, qui tamen ut in legibus antiquis videre est, sub occiduorum Saxonum imperio erant. Normannorum vero primis temporibus limitanei duces gravissimè affligerunt, præcipue *Hamelinus Baluu*, *Hugo Lascy*, *Gualterus* & *Gilbertus Claren*ses *Strigulix* Comites dicti, & *Briennus* *Wallingfordensis*; quibus cum donassent Reges, quicquid hoc tractu, devictis *Wallis*, occupare potuissent, hi superiorem partem, illi inferiorem, quam *Nethervvent* dixerunt, in suam paullatim potestatem redegerunt. *Glamorgania* Anglis *Glamorganshire* dicitur. Regio tota est maritima, minus latitudine, quam recta regione porrecta, *Sabriniano* freto à meridie pulsatur. Qua terram vero spectat ab ortu *Monumethenses*, à borea *Brechnochien*ses, ab occasu *Maridunenses* adjacent. Pars septentrionalis montibus est aspera qui in austrum descendentes paullatim mitescunt, quorum ad radices planities in meridiem extenditur. In hoc agro est tenuis urbecula *Landaff*, id est, *Fanum ad Taff*, cui Parœciæ subsunt 156: *caerdisse*, *Corvbridge*, *Neath*, *Syvein*ser & *Loghor* *Antonino* *Leucarum*. Fluvii interluunt *Ramnius*, *Tassus*, *Nidus*, & *Loghor*. Hujus Provinciæ ab ipsa expugnatione domini fuerunt à *Fitzhaimone* rectâ lineâ descendentes *Glocestrix* Comites, *Clari* & *Spenceri*, inde *Bellocampi*, & *Nevillus*

Soli fertilitas.

Oppida.

Imperium majorum.

Glamorgania.

Situs.

Soli qualitas.

Urbes & Oppida. Flumina.

unus

*Imperium
majorum.* unus & alter, & per Nevilli filiam è Spenceris oriundam *Richardus* III. Angliæ Rex; quo interfecto, *Henricus* VII. hujus agri hæreditatem acquisivit, *Gasperique* Bedfordiæ Duci patruo suo concessit; quo sine prole defuncto, ad se universum jûs Rex revocavit. *Ager* *Maridunensis*, Anglis *Caermardenshire*, continetur ab ortu Glamorgania & Brechiniâ, ab occasu Penbrochiâ, à septentrione Cereticâ, intercurrente Tivio flumine, & à meridie Oceano. Hic frugibus satis fertilis, gregibus abundans, fossiliumque carbonum alicubi ferax, Vrbs primaria totius conventus *Caermaerden*, *Ptolemao* *Maridunum*, *Antonino* *Muridunum*, pratis & silvis amœna, antiquitate suspicienda, coctilibus muris, ut inquit *Giraldus*, partim adhuc extantibus egregiè clausa suprà nobilem *Tovium* fluvium. Est & oppidum *Kidvilly* vetus, quod nunc vetustate quasi desertum fatiscit. Incolæ enim *Vendraeth Vehan* fluviolum transgressi novum *Kidvilly* substruxerunt, portus commoditate eo allecti, quæ jam tamen tæniis objectis, ferè nulla est. Fluvii sunt *Vendraeth*, *Vehan*, *Tovy*, *Ptolemao* *Tobius*, & *Taf*. *Penbrochiensis* Comitatus, Anglis *Penbrocshire*, undique mari urgetur, nisi ab ortu, quâ ager *Maridunensis*, & ab aquilone quâ pars *Cereticæ* obtenditur. Regio ex *Hiberniæ* confinio aëris salubritate temperata, triticea, vinoque venali copiosè referta. Principale provinciæ municipium *Demetriæque* caput, est *Penbro*, Anglis *Penbroke*, in saxosa quadam & oblonga rupis eminentia situm. Nobilia etiam hujus tractus oppida sunt *Tenby*, *Harfordvvest*, & *Menevia* Anglis hodie *S. Davids*. Fluvios hîc non nisi duos reperio. Est hîc Portus quem *Milford-Haren* Angli

vocant, quo non alter in Europa aut nobilior aut tior. Hujus regionis I. Comitem *Gilbertum Strongbovy* fuisse lego, cui *Stephanus* Rex *Penbrochiæ* Comititis titulum primus contulit: ille *Richardo Strongbovy* filio, *Hiberniæ* domitori reliquit. Hujus unica filia *Isabella Guilielmum* Dominum de *Hempsted*, Angliæ *Marescallum*, maritum eodem adauxit, virum belli pacisque artibus florentissimum: filiique ejus v. successivè *Penbrochiæ* Comites fuerunt. De reliquis Comitibus lege *Camdenum*. *Brechinia*, Anglis *Berchnocshire*, à *Brechanio* Principe sic dicta, ut existimant *Walli*. Hæc ab ortu *Herefordiâ*, ab austro *Monumethiâ* & *Glamorgania*, ab occasu *Caermardiniâ* terminatur. Regio in montes densius confurgit, convallibus tamen passim fecundis. *Præmarium* hujus agri oppidum *Brecnoc* in ejus ferè umbilico positum. Sunt præterea *Buelth* & *Hay*. *Vaga* borealem agri partem alluit. *Isca* eximius item fluvius mediam percurrit. *Herefordiensis* Comitatus, sive *Herefordshire*, formâ quasi circulari, ab ortu *Vigorniensibus* & *Glocestrensisibus*, à meridie *Monumethensibus*, ab occasu *Radnorâ* & *Brechiniâ*, à septentrione *Salopiâ* definitur. Regio est amœna, pascendisque pecoribus & alendis frugibus mitissima. *Herefordia* nunc urbs hujus Comitatus prima, pratis gratissimis, arvis uberrimis interstita, fluminibus ferè incincta, ad septentrionem & occasum anonymo, ab austro *Vagâ* qui è *Wallia* huc accelerat. Sunt & *Lemster*, *VVebleia*, *Ledbury*, *Rosse*. Numerantur hic *Parœciæ* 175. Flumina hîc sunt eximia, *Vaga*, *Lugus*, *Munov* & *Dorus*.

Hos continet Comitatus, Eboracum, Lincolniam, Derbiam, Staffordiam, Nottinghamiam, Leicestriam, Rutlandiam, & Norfolciam.

Ager Eboracensis.

Situs.

Soli quas.

Urbes & Oppida.

Flumina.

Lincolnia.

Succedit explicanda quinta tabula Angliæ, in qua primo loco *Ager Eboracensis*, vulgo *Yorshire*, totius Angliæ Provincia longè maxima, occurrit. Ab occasu montibus, *Lancastrensi* agro & *Westmorlandia*, ab arcto *Dunelmensi* Episcopatu terminatur: ab ortu Oceano Germanico, ab austro primum agro *Cestrensi* & *Derbieni*, inde *Nottinghamiensi*, & postea *Lincolniensi*. Temperatæ hæc censetur ubertatis. Si hîc saxosa vel arenosa sit sterilitas, illic lætissima est arborum fecunditas; si hîc silvis sit nuda, illic densissimis nemotibus obumbrata; ita providè temperante natura, ut ipsa regio etiam sua varietate gratior & lætior videatur. Est hîc *Eboracum*, vulgo *Torke*, urbs totius Angliæ secunda, hujus regionis pulcherrima, quæ universæ septentrionali parti, & præsidio & ornamento est singulari. Amœna, ampla, munita, ædificiis tam privatis, quàm publicis exulta, opibus civibusque referta. Hanc *Vrus*, qui nunc *Onsè*, interfecat, & quasi in duas urbes dividit, quæ lapideo ponte vastissimo junguntur. Sunt & *Kingston vpon Hull*, *Danaster*, *Halifax*, *Pontfreit*, *Shirborna*, *VVetherby*, *Kingston*, *Patrington*, aliaque oppida plurima. Oppida enim triginta novem & paræcias 459 in hoc Comitatu numero, quibus subsunt plurima facella magnis paræciis incolarum multitudine comparanda. Poriora flumina sunt *Danus*, *Calderus*, *Arus*, *VVerfus*, *Nidus* & *Onsa*, quæ ex limitaneis montibus exorta, locis potioribus affunduntur. Sunt & alia, *Cokarus*, *Fossus*, *Derventio*, *Foulnessè*, *Hullus*, *Teyse*, *Dorv*, *Rbie*, *Recal* & *VVifcus*. *Lincolnia*,

vulgo *Lincolnshire*, Regio amplissima, per sexaginta ferè milliaria in longitudine jacet, latitudinem alicubi super triginta extendit. Ab ortu Oceano Germanico pulsatur, à septentrione ad *Abum* æstuarium pertinet, ab occasu *Nottinghamiam* spectat, & à meridie *Wellando flu.* à *Northamptonia* discluditur. Regio alendis frugibus, & pascendis pecoribus mitissima, frumentariis campis alibi, & pascuis admodum læta. Prima & præcipua hujus Comitatus civitas *Lincolnia*, Anglis *Lincolne*: *Prolemao* & *Antonino Lindum*. Urbs ipsa ampla & celebris collis dorso insidet, ubi *Withama* in ortum se deflectit. Sût præterea oppida *Stanford*, *Grantham*, *Ancafter*, *Crouvland*, *Spalding*, *Befston* & alia. Suntque in hoc Comitatu Paræciæ plus minùs 630. Crebris hæc regio fluviiis rigatur, qui sunt *VVitham* luciis fœcūdus, *Lud*, *Trenta*, *VVelandus*, *Idle*, *Danus*. Sequitur Provincia *Darbiensis*, vulgo *Darbishire*, quæ à meridie agro *Leicestrensi*, ab occasu *Staffordienfi*, à septentrione *Eboracensi*, ab ortu *Nottingamiensi* clauditur, forma quasi triangulari, sed non æquilatera. In duas partes *Derventione* flumine intercurrente dividitur. Pars orientalis & meridionalis culta, fœcunda & vivariis frequens; occidentalis tora petrosa, montibus & aspretis sterilefcit; plumbi tamen proventu opulenta, & ovibus pascendis satis commoda. Univerfi agri caput *Darby*, oppidum celebre juridicis conventibus pro universo agro, & cervisia quam coquit optima, Anglis *Ale* dicta. Sunt etiam alia: *S. Diacre*, *VVorke*, *svvorth* & *Bakevvul*. Atque hic Comitatus Paræcias



cias 106 includit. Fluvii *Trenta*, *Dovus*, & *Derwentio*. Pars occidentalis hujus Provinciæ quæ tota collibus eminet *Teake* dicitur, plumbi admodum ferax. In his enim montibus lapides plumbarii feraces, ut vocât metallici, quotidie magna copia effodiuntur, quos in collibus favonio obversis, observatis temporibus cum favonius flare cœperit, magna lignorum vi accensa, excoquunt, & effossis canalibus quibus defluat, in massas conflant. Nec plumbū solū, sed etiam stibium (vulgo antimonium vocant) hic in propriis venis reperitur, quo in tingendis ciliis Græcæ mulieres olim usæ leguntur. Lapidēs etiam morales hic excinduntur, cotes etiam ad feramenta exacuenda & nonnunquam fluor quidā candidus in fodinis reperitur, qui per omnia crystallo est simillimus. Sed de his satis, ad *Staffordiam* transeo, *Staffordshire*: quæ ab ortivâ plagâ *Warvicensibus* & *Derbiansibus*, à meridianâ *Vigorniensibus*, ab occidua *Salopiensibus* præcincta quasi rhombi formâ: ab austro in septentriones procurrit, medio latior, & extremis se angustantibus. Pars septentrionalis montana & minus læta, media *Trentâ* flumine perfusa lætior, silvis amicta, arvis & pratis variata: uti & meridionalis, quæ etiam carbonēs fossiles habet, & ferri venas. Totius hujus agri caput olim erat & nunc est *Stafford*, cui maximum tamen decus à *Stafford* castro adjuncto, quod *Barones* de *Stafford* sibi in sedem construxerunt. Sunt hic etiam *Lichfeldia*, *Burton*, *Vtcester*, *Stone*, *Drayton*, *Bassett*, *Tamevorth*, *Vulfrunshampton*, *Theotenhall*, & *VVeadesbirig*. Atque in hoc Comitatu Paræciæ 130 habentur. Flumina hanc regionem irrigant *Dovus*, *Hansus*, *Churnet*, *Tayn*, *Blith*, & *Trenta*; hic è duobus fontibus effluens, suo quasi jure tertium sibi locum inter Britannicæ flumina vendicat. Item *Sous*, *Tarna*, & *Pankus*. Pars septentrionalis mon-

tibus non magnis leviter intumescit; qui hinc exorsus, ut *Montes*, *Apenninus* Italiæ, per Angliam mediam perpetuum dorsum perpetuis jugis elatum ad Scotiam usque, nomine sæpè mutato agūt. In parte hujus agri media *Needvood* silva spatiosa, vivariisque repleta diffunditur, in qua circumvicina nobilitas hilarēs venandi labores gnavigiter assidueque exercet. Comitatus *Nottinghamiensis*, Angliis *Nottinghamshire*, ab ortu *Lincolniensi* confinis est, à septentrione *Eboracensi*, ab occasu *Derbiansi*, à meridie *Leicestrensi* terminatur. Partem meridionalem, & orientalem *Trenta* flumen nobilissimus, influentesque rivuli sæcundant; occiduam autem partem saltus de *Shirevwood* longè se porrigens, totam occupat. Hanc, quod arenosa sit, *The Sand*: illam quod argillacea, *Soli qualia*, *The Clay*, vocant incolæ, & in has duas partes, regionem suam distribuerunt. Urbs præcipua, quæ nomen Comitatus præbuit, *Nottingham*, loci ingenio amœna: hinc enim ad flumina spatiosa procumbunt prata, illinc faciles confurgunt colles: omnibus etiam quæ ad vitam pertinent, copiosa. Hinc *Shirevwood* lignum in ignis alimentum, illinc pisces *Trenta* large suppeditat. Amplitudine denique, structurâ, uno & altero elegante templo, foro longè pulcherrimo, & munitissimo castro est sanè speciosa. Oppida præterea hic sunt *Suthrvvle*, *Nevvarcke*, *Mansfeld*, *Blith*, *Scrobi*, & *VVorkensop*. Atq; in hoc agro 168 Paræciales Ecclesiæ visuntur. Flumina *Trenta*, *Linus*, *Flumina*, *Snite*, *Idle*. *Nottingamiæ* à Meridie confinis est Provincia *Leicestrensis*, vulgò *Leicestershire*, ab ortu *Rutlandiæ* & agro *Lincolniensi*, à septentrione *Nottinghamiensi*, & *Derbiansi*, ab occasu *Warvicensi*, à meridie *Northamptoniensi* præcingitur. Tota campestris, frugibus opima, sed silvis maximam partem indiga. *Soli fertilia*, *Urbes & Oppida*, *Primaria* totius agri urbs *Legecestria*, *Leogara*, *Legecester*, & *Lei-*

Staffordia.
Sims.

Soli qualia.

Oppida.

Flumina.

Silva.

Nottinghamia.
Sims.

Soli qualia.

Urbes & Oppida.

Flumina.

Leicestersia.
Sims.

Soli fertilia.
Urbes & Oppida.

& *Leicester* apud authores dicta. Hæc majorem vetustatem quam dignitatem præ se fert. Est & *Longburrov*, *Luttervorth*, *Hinckly* & *Bosvorth*. Atque intra hunc agrum Parœciales Ecclesiæ 200 numerantur. Medium hunc

Flumina. *Soarus* flumen *Trentam* petens alluit, orientalem vero partem *VVrekus* fluviolus qui *Soaro* demum commisceatur, placide pererrat. *Rutlandia*, vulgo *Rutlanshire*, *Leicestrensi* agro quasi includitur, nisi à meridie qua *VVellando* fluvio incumbit, & ab ortu qua *Lincolnienses* attingit: spatium est multo minori, utpote totius Angliæ provinciola minima. Forma enim ferè circulari circumscripta, tantum circuitu colligit, quantum expeditus

Soli fertilibus. eques uno die conficere possit. Non minori hæc regio est soli ubertate & amœnitate, licet spatium sit minori. Est in hoc agro oppidum *Vppingham*, non ob aliud memorandum, quam quod totius agri primarium habeatur, & scholam elegantem ostendat, quam, uti etiam *Okehamiæ*, ad puerorum ingenia bonis litteris excolenda, laudabili instituto *R. Ihonson* Verbi Divini minister, non ita pridem posuit. Est & *Okehamia* cujus modo mentionem feci. Ecclesiis autem Parœcialibus 47 ornatur hæc Provinciola. *VVash* sive *Gvash* fluviolus, qui hunc agrum ab occasu in ortum quasi medium intermeat, in duas dispecit partes. Restat *Nortfolcia* breviter explicanda. Ea vulgo *Nortfolke*, id est, si Latine interpreteris, borealis populus. Terminus ejus à meridie *Suffolcia*, ab euro & septentrione Oceanus Germanicus, à zephyro *Ouse* flumen. Regio est ampla, ferè omnis campestris, nisi qua faciles assurgunt colles; admodum opulenta, nisi qua faciles assurgunt colles; admodum opulenta, ovium gregibus refertissima, cuniculisque inprimis ferax: aquis irrigua, silvis non omnino indiga: solum

Nortfolcia.

Situs.

Soli fertilibus.

pro locorum diversitate varium, alicubi pingue, luxurians & succulentum; alibi tenue, leve & sabulosum, alibi argillosum & cretaceum. Inter urbes hujus Provincie primùm occurrit vetusta illa quam memorat *Antoninus* urbs *Sitomagus*, nunc *Thedford*. Raris hæc nunc est habitationibus, licet satis ampla; olim vero frequens & celebrata. Est etiam in hac Provincia *Norvvicus* urbs ampla & celeberrima, Anglis *Norvvich*: & *Yarmouth* portus oppidumque elegantissimum, loci ingenio, & solerti operâ permunitum. Quamvis enim aquis pene circumvalletur; ab occasu flumine, quod versatili ponte insternitur, ab aliis partibus Oceano, nisi ad septentriones, qua continens est, mœnibus tamen satis firmis, quæ cum flumine formam quadrilateram oblongiorem efficiunt, pulcherrime includitur. Item *Ashellvvel-Thorp*, *Dis*, *Shelton*, *Skulton*, *Attleburgh*, *VVauburne*, *Lynne*, *Svvasfham*, *North Elmeham*, *Dereham*, *VVindham*, *Ichorovv* & alia. Oppida enim mercatoria 27, villas & pagos sexcentos viginti quinque hæc regio exhibet, & Parœciales Ecclesiæ plus minus 660. Fluvii eam irrigant *Ouse*, *Thet*, *VVa-veney*, *Garienis*, Anglis *Gerne*, *Iere* & *VVentsus*. Et ut de mari aliquid etiam addam, è regione *Yermouth* halecum caput totius Orbis est uberrima & quæstuosissima. Incredible enim videatur, quantæ & quam frequentes nundinæ hic ad festum Michaelis habeantur, & quanta vis halecum, aliorumque piscium distrahatur. Porro soli hujus provinciæ bonitatem de qua supra loquuti sumus, velex eo colligas, unde *Varro* colligere jubet, quod incolæ optime niteant, ut taceam ingenia versutissima, & in jure Anglico municipali acerrima. Sed de his fatis copiose, ad tabulam sextam transeo.

Flumina.
Mariis communitates.

Incolarum mores.

In qua hi Comitatus, *Warwicum, Northamptonia, Huntingdonia, Cantabrigia, Suffolcia, Oxonia, Buckinghamia, Bedfordia, Hertfordia, Effexia, Barcheria, Middelfexia, Southamptonia, Surreja, Cantium & Southfexia.*

IN VI. Angliæ tabula est *Warvicensis* pagus, Anglis *Warvickshire*, ab ortu Leicestria & via militari, ab austro Oxonia & Glocestria, ab occasu Vigornia, & à septentrione Staffordia finitus: qui in duas distinguitur partes, *Feldon* scilicet & *Woodland*, id est, in regionem campestrem & nemorosam. Præcipuum totius agri oppidum *Warvike*. Sunt præterea *Leamington, Vchindon, Harbury, Mancester, Coventry, Stratford* & alia; continenturque in Comitatu Paræciales ecclesiæ 158.

Flumina Aonay, Leamus, Arrov, Alenus. Sequitur ager *Northamptonensis*, vulgo *Northamptonshire*, qui ab occasu brumali qualior est, sensim se contrahendo in ortum æstivalem protenditur. Ab ortu *Bedfordienses*, & *Huntingdonienses*, ab austro *Buckinghamienses* & *Oxonienfes*, ab occasu *Warvicienses*, & à septentrione *Leicestrenses*, *Rotelandenses*, & *Lincolnienses* *Vellando* flumine discriminati sedent. Campestris regio est, soli admodum ditis, sive arva sive pascua respicias. Vrbs hujus agri *Northampton*; oppida *Brakeley, Torcester, Grafton, Davenport, Vedon, Higham, Oundle, Peterborov, Velledon.* Atque ad hunc agrum Paræciæ 326 pertinent. Flumina *Vsa, Apona, Vellandus.* Tertium locum tenet *Huntingdonia*, vulgo *Huntingdonshire* eo situ locata, ut ab austro *Bedfordienses*, ab occasu *Northamptonienses*, ut etiam à septentrione, qua *Avona* flu. dirimitur, & ab ortu *Cantabrigienses* spectet. Regio sementi satis apta, pascendo pecori, ad ortum qua palustris est, uberrima; ubique ferè collium apricitate, & nemorum opacitate amœna. Præcipuum totius Comitatus oppidum *Huntingdonia*,

cui & nomen dedit tam situs fulgore quam sui decore. Sunt & *S. Ives, S. Needes & Cummington*: Paræciæque 78 in hac regiùcula numerantur. Fluvius *Vsa*, quem sæpe dixi, eam alluit, & *Avona*. Quartum in locum venit ager *Cantabrigiensis*, vulgo *Cambridgeshire*, qui in aquilonem productus *Norfolciæ* & *Suffolciæ* objacet, à meridie orientalibus Saxonibus & *Hertfordiensibus*, ab occasu *Huntingdoniensibus*, à septentrione *Lincolniensibus* & *Ousa* flumine, qui ab occasu in ortum transversum intersecat, in duas partes dispertitus. Inferior & australis magis culta, magis consita, ideoque lætior, non perlibrata planitie, sed exigue plana; plurima, imo tota (nisi qua crocū copiose progignit) frumentariis jacet campis, hordeumque laudatissimum assatim effundit. Vltior & septentrionalis pars, pascuis uberrimis perviridis & læta. Vrbs in hoc Comitatu *Cantabrigia* Angliæ Academia, imo sol & oculus, clarissimaque bonarum literarum & pietatis officina ad *Camum* sedens. Sunt præterea *Roiston, Rech, Burvvel, Elye*. Paræciæque 163 in hoc Comitatu continentur. Fluvii *Camus & Sturus*. Sequitur, ab occasu habens *Cantabrigienses*, & austro *Sturum* fluvium qui eam ab *Effexia* dividit, ab ortu Oceanum Germanicum, à septentrione duos fluviolos, *Ouse minimum*, & *Vaveney*, qui ex eodem quasi fonte in diversa fluentes, à *Norfolcia* determinant. Regio satis ampla solo, nisi ad orientem, admodum pingui, utpote ex argilla & marga composito, unde lætissima ubique arva, & uberrima faginando pecori pascua, casique magno numero conficiuntur. Est hic *Sudbury*, id est, au-

strals



Warwicum, North-
hamtonia, Huntingdonia,
Cantabrigia, Suffolcia,
Oxonium, Buckinghamia,
Bedfordia, Hartfordia, Essexia,
Bercceria, Middlesexia, Southham-
tonia, Surria, Cabiun, et Southfaxia

Miliaria Anglica,
5 10 15 20 25

Flumina. *Oxonien.* *Situs.* *Soli ferti-
litas.* *Vrbs &
Oppida.* *Buckin-
ghamien.* *Situs.* *Soli fer-
tilitas.* *Oppida.* *Flumina.* *Bedfor-
dian.*

stralis Burgus. Sunt & hæc oppida *Ixinnig*, *S. Edmundsbury*, *Bretenham*, *Hadley*, *Ipsvvich*, *Debenhamia*, *Oxford*, & alia plurima. Fluvii autem *Stourus*, *Bretonus*, *Gipping*, *Debenus*, *Orus*, *Ouse*, *VVaveney*, *Garienis*. Huic succedit *Oxonienſis* ager vulgo *Oxfordshire*. *Gloceſtrenſis* ad occaſum conjungitur, ab auctro *Iſide* fluvio à *Barkſhire* excluditur, ad ortum *Buckinghamienſis* agro definitur, ad ſeptentriones hinc *Northamptonienſis*, illinc *Warvvicenſis* includitur. Regio fertilis & opima; plana arvis & pratis ſunt exulta, colles crebris ſilvis obſeſſi, nec frugibus tantum, ſed omni genere animantium, ubique reſerta. In hoc Comitatu eminet *Oxonium*, vulgo *Oxford*, altera *Angliæ* Academia, alter ſol, oculus & anima, literarum & ſapientiæ clariffima officina, unde religio, humanitas & doctrina in omnes Regni partes uberrime diſtribuntur. Sūt præterea *Blabac*, *Burford*, *Minſter*, *Lovell*, *VVhitney*, *VVoodſtocke*, *Banbury*, *Burceſter*, *Tama*, *Dorcheſter*, *VVatlingtō*, ac 280 *Paræciæ*. Sunt hic fluvii *Iſis*, *Chervvel*, *VVindrushus* & *Evenlode*. *Buckinghamia* ſeptimo loco eſt. Hujus ager minori latitudine concludus à *Tamiſi* ad ſeptentriones longitudine ſua procurrit. A meridie *Barcheriam* *Tamiſi* ſecluſam, ab occaſu agrum *Oxonienſem*, à ſeptentrione *Northamptonienſem*, ab ortu primum *Bedfordienſem*, inde *Hertfordienſem*, & poſtea *Medioſaxonibus* proſpicit. Solo eſt paſſim uberi, ac pabuloſis pratis innumeros ovium greges paſcit. Caput totius *Conventus* *Bukingam*. Habet & *Marlovv*, *High*, *VVicham*, *Colbroke*, *Amersham*, *Crendon*, *Stony*, *Stratford*, *Oulney*, *Nevvport*, *Pannell*. Atque in hac regione *Paræciæ* 185 numerantur: fluminaque *Tamiſis*, *Colnus*, *Vſa*. *Bedfordienſis* ager ſequitur, vulgo *Bedfordſhire*, ab ortu *Cantabrigienſi*, ab auctro *Hertfordienſi*, ab occaſu *Buchinghamienſi*, à ſeptentrione *Northamptonienſi*, & *Hunſingtonienſi* con-

*Soli ferti-
litas.* *Oppida.* *Hertfor-
dia.* *Situs.* *Soli ferti-
litas.* *Oppida.* *Flumina.* *Effexia.* *Situs.* *Soli ferti-
litas.* *Oppida.* *Flumina.* *Bercher-
ria.* *Situs.*

junctus, Vſaque interfluente in duas partes diviſus. Quæ ſeptentriones ſpectat, fertilior eſt, & nemoroſa: altera ad meridiem quæ multo major, ſolo eſt tenuiori, ſed non omnino ingrato: hordeum enim plenum, album & craſſum affatim profundit. In medio ſilvis non nihil denſa, ſed ad ortum magis ſiticolofa, & arboribus nuda. Primum oppidum *Bedfordia*, unde & Regioni nomen. Habet & alia, *Odill*, *Bletneſho*, *Eaton*, *Dunſtable*: *Paræciæ* ſque 116 hæc *Provinciola* continet. Atque *Vſa* fluvio irrigatur, Agro autem *Bedfordienſi* à meridie adjacet *Hertfordia* ſive *Hertfordſhire*, cujus occidentale latus claudunt *Bukinghamienſes*, auctrale *Medioſaxonibus*, orientale *Saxonibus* orientales, & partim *Cantabrigienſes*. *Frumentariis* agris, paſcuſis, pratis, nemuſculis, fœlix. Caput Comitatus cenſetur *Hertfordia*, quæ agro univerſo nomen ſuum communicavit. Sunt præterea *VVatlingſtreat*, *Fanum Albani*, *Reiſton*, *Aſhyvell*, *Biſhpos*, *Stortfort*, aliaque multa: *Paræciæ* ſque 120 habet hic Comitatus. Fluvios *Leam*, *Stort*, *Mimeram*, & *Beneficiam*. Ad *Effexiam* nunc venimus, vulgo *Effex*. Hanc ad ſeptentriones *Stourus* flumen à *Southfolcia* dividit, ad ortum *Oceanus* ſe inſinuat, ad auctrum *Tamiſis* jam grandis à *Cantio* ſecludit, uti ad occaſum *Ley* fluviolus à *Medioſaxonibus*, & in eum influens *Stourus* minor ſive *Stort* ab *Hertfordienſibus*. Regio eſt lata, frugifera, croci fœcunda, nemoroſa & inprimis opulenta. Eſt hic *Camalodonum*, nunc *Maldon*. Item *Colceſter*, *Leiton*, *Beamſleor*, *Leegh*, *Rochford*, *Angre*, *Ralegh*, *Dunmovv*, *Plaiſſo*, *Chelmerford*, *Ithanceſter*, *Earles Colne*, *Barklovv*, *VValden*: & *Paræciæ* 415. Fluvii *Ley*, *Tamiſis*, *Chelmer*, *Froſhyvell*, *Colne*. *Bercheria* ſequitur, vulgo *Barkſhire*. Hujus ſeptentrionalem partem *Iſis* qui poſtea *Tamiſis*, flexuoſo, ſed amœno admodum blandus alveo perfundit, & primum ab *Oxonienſibus*, poſtea à *Bucking-*

Buckinghamiensibus secludit. Australem partem irrigat *Cunetio* fluv. donec Tamisi se inferat. Ad ortum quā latior est, & parte media, suarum opum satis prodiga, & frumenti ferax, præcipuè, ubi in vallem subsidet. Orientalem autem partem quæ minus fertili gleba, sal-
Oppida. tus & silvæ longè lateque occupant. Oppida hic *Farendon*, *Abbandonia*, vulgo *Abbandune*, *VVantage*, *VVallengford*, *VVidehay*, *Neevvbury*, *Reading*, *Bisham*, *Maidenhead*, & *VVindsore*. Suntque præterea in hujus Comitatus com-
Flumina. plexu Paræciæ 140. Flumina eam irrigant *Isis*, *Tamisis*,
Middel- *Oke*, *Cunetio* & *Lambor*. *Middlesexia*, à Buckinghamiensibus
sexia. *Colno* fluvio ad occasum, ab Hertfordiensibus ad septentrionem noto limite, ab Essexia ad ortum *Lea* fl., à Surreia & Cantio ad austrum Tamisi determinatur. Summa cœli temperie & soli indulgentia, ædibus & vicis magnificis ubique nitida. Oppida hîc sunt *Vxbridge*, *Draiton*, *Stanes*, *Radoliff*, & alia. Verùm inter hæc omnia *Londinum* totius Britanniae epitome: aliis *Londinium*, *Longidinium*, & *Augusta*. Sita ad Tamisin fluvium, agro fertili & cœlo clementi. Distat ab Oceano sexaginta millibus passuum. Pontem habet lapideum ultra flumen, pass. cc. cxxx: utrimque magnificis splendidisque ædificiis exornatum. Arcein præterea munitissimam, Angliæ totius armamentarium, in qua etiam officina est monetaria. Vicinum Londino est *Westmonasterium*, templo, foro judiciario, & Regia longe celeberrimum. Templum Regum Angliæ inauguratione & sepultura insignè est. Atque in hoc agro paræciæ 73 plus minus extra urbem numerantur. Flumina *Lea*, *Colnus*, *Tamisis*. *Southamptonia*, vulgo *Hantshire*, ab occasu *Dorsettiæ* & *Wiltoniæ*, ab austro Oceanum, ab ortu *Suffexiam* & *Surreiam*, & à septentrione *Barcheriam* attingit. Ea frugum proventu ferax, silvarum densitate

amœna, pascuorum fecunditate lata. Vrbes habet duas; quarum altera *South-hampton*, altera *VVintonia*, Anglis *VVintchester*. Sunt & oppida *Ringvvood*, *Christchurch*, *VVhorvvvel*, *Andover*, *Rumsey*, *Port smout*, *Kingscleare*, *Odiam*, *Silcester*, & alia; ac Paræciæ hic 253 habentur. Fluvii *Flumina.* *Avena*, *Sturus*, *Test* & *Hamble*. *Surreia*, Bedæ *Suthriona*, *Surreia*, vulgo *Suthry*, & *Surry*, ab occasu partim *Barcheria* & *Southamptonia*, ab austro *Suffexia*, ab ortu *Cantio* contigua, à septentrione Tamisi perfunditur & à *Middlesexia* dirimitur. Regio est non admodum ampla, satis tamen opulenta. Oppida sunt *Godelminge*, *Ockley*,
Oppida. *Effingham*, *Kingstone*, *Merton*, *Croydon*, *Beddington*, *VVimble-*
don, *VVandlefsvorth*, *the Bourrough of Southvvorke*. Atque hic Comitatus Paræcias 140 habet. Flumina autem *Flumina.* *Vvey*, *Molis*, *Vandalis*, & quem dixi *Tamisis*. *Cantium*,
Cantium. vulgo *Kent*, sequitur, Regio à situ sic dicta. Grandi etenim angulo Galliam prospectat, Tamisis æstuario & Oceano omni ex parte circumfusa, nisi quā ad occasum, *Surreiam* conterminam habet, & *South-sexia* partem ad meridiem. Inæqualis est, ad occasum planior, & silvis umbrosa, ad ortum surgentibus collibus excel-
Soli qua- sior. Vrbs primaria est *Durovernum*, *Ptolemao Darvernum*,
litæ. Anglis *Canterbury*, Latinis *Cantuaria*. Sunt & oppida *Dover*, *Hith*, *Rumney*, *Sandvvrich*, *Gravefend*. Fluvii *Tamisis*,
Flumina. *Darentus*, *Medvvray* & *Stourne*. *Suthsexia*, hodie *Suffex*, Oceano Britannico tota ad meridiem longior quam latior recto littore incumbit. Maritimus tractus colles albicantes sublime elatos habet, qui cum ex creta pingui consistunt, fruges affatim profundunt. Medius tractus *Soli fer-*
tilitas. pratis, pascuis, arvis, lucis, distinctus, admodum est spectabilis. Citerior silvarū opacitate amenissimus. Ferri venis passim fecunda est. Oppida hîc *Chichester*, *Arundel*,
Oppida. & alia. Fluviolos habet plurimos paræciasque 312.

Has quatuor Insulas sub Anglorum Imperio comprehensas habet: Monam seu Anglesey, Vectam, vulgo VVight, Garsey & Garnsey.

SEPTIMA & POSTREMA Angliæ tabula has quatuor insulas sub Anglorum imperio comprehensas habet: quarum priores duæ videlicet *Mona* & *Vectis* ad littus Angliæ, posteriores verò duæ *Garsey* & *Garnsey*, juxta Gallia littus sitæ sunt. Prima est *Mona*, Britannis etiam *Mon*, *Tirmon*, & *Tnis Doryyl*, id est, *Insula opaca*, Saxonibus *Moneze*, tenui freto *Menai* à Britannia continente divisa. Insula nobilissima, antiqua sedes Druidum, cujus longitudo est plus minus 22 mill. Anglicorum, latitudo 17, ambitus vero 60. Insula hæc, quamvis, ut inquit *Giraldus*, *arida, saxosa, aspectu inamœna, & deformis*, suo tempore videretur; nunc tamen amœna, & culta est, triticique proventu adeo fœcunda, ut *Mater Walliæ* vulgo appelletur. Lapides etiam habet molares, & alicubi terram aluminosam, è qua alumē, & calchantem conficere non ita pridem cœperunt. Re etiam pecuariâ satis est opulenta. Ea autem à *Paulino Suetonio*, & *Iulio Agricola* in Romanum imperium redacta, ut ex *Tacito* scriptore gravissimo refert *Camdenus*. Multis post seculis ab Anglis devicta in eorum nomen concessit, *Anglesey* quasi Anglorum insula dicta. Hoc etiam addit *Camdenus*: Romanorum in Britannia jam divergente imperio, Scotos ex Hibernia in hanc etiam irrupisse. Nam præter tumulos fossâ circumdatos, quos Hibernicorum casulas vocant, etiam locus est *In hericy Gvridl* ab Hibernicis denominatus, qui duce *Sirigi*, Britanno eo loco fuderunt, ut *Triadum* libro memoratur. Nec ab Anglis solum, verum etiam à Norvvegis graviter divexata fuit. Anno enim M. *Æthelredi* clavis rotam insulam circumvecta hostilem in modum deva-

stavit. Postea *Hugones* duo Normanni, alter *Cestriæ*, alter *Salopiæ* Comes gravissimè affligerunt, castrumq; *Aber-Lienioc* ad coercendos incolas extruxerunt; verum *Magnus* Norvvegus eo tempore ad hanc appulsus *Hugonem* illum *Cestrensem* sagittâ transfixit, & insulam deprædatus discessit. Deinceps etiam Angli sæpius adorti sunt, donec *Edvvardus* primus in suam potestatem redegerit. Villas numeravit olim 363: hodieque incolis frequens est. Verum primarium oppidū censetur *Bellus* *Oppida*. *Mariscus*, vulgo *Beaumarish*, quod in orientali parte *Edvvardus* primus in loco palustri construxit, & ob situm bello hoc nomine insignivit, cum prius locus *Bonover* diceretur, castroque munivit. Ab hoc secundum habetur *Nevyburge*, id est, *Novus Burgus*, Britannicè *Rosfur*, quod cum ingestis arenis diu conflictatum. Est hic quoque *Aberfravv*, Regia olim Wallorum urbs. Item sacrum promontorium quod Angli *Holyhead*, incolæ *Caer Guby* à *Kibio* viro sancto *Hilarii* *Pictaviensis* discipulo vocant. Incolæ ditissimi ac validissimi sunt, & Britannicâ utuntur linguâ Anglicâ penitus imperiti, licet Angliæ regibus per annos 300. cum reliqua Cambria paruerint. Sequitur *Vectâ* sive *Vectis*, Britannis *Guith*, vulgo *the Ysle of Vectâ*. *Wight*, & *Wight*. Tam modico autem interfluente euripo *Solent* olim dicto, à continente Britannia avulsa est, ut cohæsisse videatur, unde Britannicum illud nomen *Guith*, quod divortium denotat (ut *Nemius* habet) factum videtur: quemadmodum etiam Sicilia, ab Italia abrupta & secta, Latino vocabulo à secando, ut eruditissimo *Iulio Scaligero* placet, nomen invenit. Ex hac situs vicinitate, & nominis affinitate, *Vectam* hanc

Mona.

Soli ferti-
litat.Imperium
majorum.

hanc *Ictam* esse opinari licet, quæ maris fluxu insula videbatur, at cum refluxisset, exsiccatum interjecto littore, Britanni prisca curribus eo stannum devehere solebant, quod in Galliam exportaretur. *Mistim* tamen esse *Plim*, quæ arcetâ item cognatione *Vectam* attingit, non judicari, cum in ea candidum plumbum proveniret, & in hac nulla sit, quod sciam, metalli vena, inquit *Camerdenus*. Hæc inter ortum & occasum lenticulari sive ovali figurâ viginti mill. pass. longitudine exporrigitur, latitudine verò in media quâ maximè patet, xii. mill. pass. expanditur, altero latere ad boream, altero ad austrum converso. Terra est uberiglebâ & colono admodum gratâ, adeo etiam ut fruges exportet; cuniculorum, leporum, perdicum & phasianorum passim ferax, saltum etiam & vivaria duo habet, damis ad venationis voluptatem refertum. Per medium longo tractu procurrunt colles qui ovibus pabula affatim profundunt: quarum lanæ post vellus Lemsterianum & Cotterfoldianum optimæ habentur, & inprimis pannariis expetuntur, unde maximum surgit incolis lucrum & commodum. Pars septentrionalis pratis, pascuis & silvis viret; australis frumentariis quasi tota jacet campis, ubique fossis & sepibus interclusa. In extrema utrinque parte mare à boreali plaga ita se insinuat & penetrat, ut duas ferè efficiat insulas; & insulæ sanè incolis vocantur, scilicet quæ ad occasum prospicit *Freshwater Isle*, quæ ad ortum *Binbrydg Isle*. In Romanorum potestatem primus hanc Insulam redegit *Vespasianus* dum privatus sub *Claudio* meruit, quemadmodum de eo scribit *Suetonius* in *Vespasiano*. Saxonum verò primus *Cerdicus* juris sui fecit, concessitque *Stuffa* & *VVhitgaro*, qui Britannicos incolas ad internecionem sustulerunt; inde *VVolptherus* Merciorum Rex *Vectam* in suam potesta-

tem redegit, & *Edelvvvalcho* australium Saxonum Regi tribuit. Postea *Cadvvalla* occidentalium Saxonum Rex *Edelvvvalcho* illo occiso, & *Arvando* Insulæ *Regulo* sublato, suo imperio adjunxit. Sed de his plura vide apud *Camdenum*. Incolæ natura bellicosissimi & promptæ audaciæ, militesque strenuissimi. *Bede* ætate mille ducentarum familiarum insula censebatur, nunc triginta sex oppida, vicos & castella numerat. Inter oppida celebriora sunt *Nervvport* primarium insule emporium, olim *Medena* & *Novus Burgus de Meden*, unde tota regio in *Eastmeden* & *VVestmeden* dividitur, ut hinc vel ortum vel occasum respicit. *Brading* alterum oppidum mercatorium. *Nervvton* & *Tarmouth*, quæ suos habent *Majores* & *Burgenfes*, quos ad Comitia Parlamentaria mittunt. *Tarmouth* & *Sharpnore* castella habent, quæ cum *VVorleys* propugnaculo littus ad occasum æstivum defendunt. Quibus ex opposito vix duorum milliarium interstitio objacet *Hurst* lingulæ impositum, *Hantonienfis* Comitatus munimentum. *Quarre*, ubi virginibus velatis monasteriolum anno 1132 positum; *Gods Hill*, ubi ad ingenia excolenda scholam instituit *I. Worsley*. *Westcorve* & *Eastcorve* jam ruinosum, quæ in faucibus Neoportus *Henricus VII.* construxit: & ad ortum æstivum *Sandham* castrum tormentis majoribus, ut cætera, instructa. Nec naturæ defendentis munimenta desunt, rupibus enim abruptis continuâ serie præcingitur, subsuntque occulta saxa. Atque hæc duæ insulæ littori Angliæ adjacent. Magis ad occasum nonnullæ insulæ Galliæ prætentæ, Anglici tamen juris, in alto apparent; inter quas *Garzey* & *Garnzey*, primumque *Normannia*, sive *Lexobiorum* littori, quos Britanni nostri *Lettarv*, quasi littorales vocant, *Casarea* ab *Antonino* memorata adjacet, quam Galli nunc ita contraxerunt, ut *Casaris Burgum* in Norman-

Situs.

Soli fertilitas.
Animalium vastitas.

Mare.

Imperium Majorum.

Incolarum virtus.

Oppida.

Garzey.

Normannia, & Hispani Cæsareaugustam in Hispania. *Garzey* enim illi indigitant, ut *Cherburgh* pro *Cæsaris* Burgo, *Saragoßam* pro *Cæsaraugusta* dicunt. In hanc olim damnati relegabantur. *Prætextatus* enim Episcopus Rothomagenſis huc relegatus erat; *Papiriusque Maſſonius* inſulam littoris *Constantini* vocat, quod *Constantiæ* antiquæ urbi objacet, quæ *Ammiano Caſtra Conſtantia* dici videantur, & ſuperioribus ſæculis *Moritonium*. Inſula hæc triginta plus minus mill. paſſ. ambitum colligit, cautibus & brevibus (quæ vadofa ſunt loca navigantibus inſidioſa) deſenſa. Terra ſatis fertilis, variis frugibus & gregibus abundat, oves habet multas, & ex iis plurimas quatuor cornibus conſpicuas. Multiplici hor- torum viriditate, ac pomariis ridet: unde vinum è pomis hic conſciunt, quod *Siſeram* incolæ vocant & Angli *Sidre*. Cum autem exiguum ignis alimentum ferat, pro lignis algæ marinæ, *Vraic* vocant, utuntur: quæ fucus marinus *Plinii* eſſe judicatur, adeoque copioſe his ſcopulis provenit, ut ſilvæ condenſæ eminus videantur. Hæc ſole ſiccata pro igne eſt: cujus etiam cinere agros vervaſtaque lætificant, uberrimoſque faciunt. Villis frequens eſt, parœciis duodecim exornata, & caſtro munitiſſimo *Montorguel* colli impoſito tuta, cui pro Anglis præfectus conſtitutus, qui univerſæ inſulæ præeſt. Viginti hinc milliaribus ad occaſum æſtivum altera abeſt inſula, quæ *Antonino Sarnia*, Angliſ hodie *Garnſey* appellata, cytharæ quaſi forma ab ortu in occaſum projecta, Cæſaræ quam dixi, nec magnitudine, nec fecunditate adæquanda: parœcias enim tantum 10 habet: in hoc tamen præferenda, quod nihil venenofum, ut illa, alat. Naturæ munimentis tutior, ubique prærupta cautium coronâ quoque redimita, inter quas ſmyris lapis durif-

ſimus, & aſperrimus reperitur (Angli *Emerill* vocant) quo gemmarii lapillos expurgant, ſcinduntque, & vitriarii vitrum diſſindunt. Hæc etiam inſula ſicuti prior hortos virides & pomaria variis arboribus conſita habet, unde vinò è pomis factitiò plerumque utuntur. Portus autem commoditate mercatorumque commæ- tu multò eſt celebrior quàm *Garzey*. In extrema enim ferè ad ortum parte, ſed aſtrali latere, lunato ſinu Portus admittitur, cui adſidet oppidum *S. Petri*, longâ plateâ, & anguſtâ productum, bellico apparatu plenum, & mercatoribus, cum bellum ingruit, frequentiſſimum. Portus aditus utrinque caſtris munitur; ad ſiniftrum verus eſt caſtellum; ad dextram alterum (*Cornett* vocat) è regione eminet in rupe ſatis edita, & mari circumſta. Incolæ utriuſque inſulæ ſunt origine vel Normanni vel Britones, Galliceque loquuntur. Vtrobique *Vraic* illa pro ignis eſt fomento, vel foſſiles ex Anglia carbon- es; & piſcium utrobique maxima multitudo. Specta- runt olim hæ inſulæ cum aliis circumvicinis ad Nor- manniam, ſed cum *Henricus I. Robertum* fratrem anno Chriſti 1108 debellaſſet, Normanniam & has inſulas Angliæ regno adjunxit, ex quo tempore Angliæ firma fide adhæſerunt, licet Gallus (proſcripto *Ioanne* Anglo) Normanniam occupaverit, & *Henricus III.* ſuo in Nor- manniam jure, pacta pecuniæ ſumma, & Aquitaniæ poſ- ſeſſione, ceſſerit. *Garnſiam* tamen regnante *Edvardo IV.* Galli occuparunt, ſed opera *Richard* *Harleſton* *valeſti* de *Corona* (ut eo tempore vocarunt) illi exturbati, & Rex ipſi in dignitatis præmium inſulæ & caſtri præfecturam detulit. Atque hæc de hiſce quatuor inſulis, deque Anglia tam generatim quam ſpeciatiim dicta ſufficiant.

So's fer-
tilis at.

Garnzey.

Set. om-
lit. at.

Imperialis
m. oron.

BRITANNIA, quâ potuimus fide perlustrata, sequitur in methodo nostrâ Orbis *Arctoi*, quem *Scandiam & Scandinaviam* veteres, officinam gentium, & vaginam populorum incomptæ magnitudinis Plinius vocat, vicinus extremo ad boream Germaniæ littori, in tria Regna Norvvegiæ, Sueciæ & Daniæ, multis jam sæculis distinctus. Occurrit ergo nobis Norvvegia primo loco lustranda. Norvvegia etymon minime obsecurum est. A Nord enim quod septentrionem, & VVeg quod viam sonat dicitur, quasi septentrionis via vel septentrionalis tractus. Hæc ad austrum habet Daniæ, ad occasum Oceanum: ad ortum Sueciâ, Lappiâque ad septentrionem terminatur, à quibus excelsis & asperimis separatur montibus perpetua nive obductis. Tractus omnis occidentem versus scopulis acutisque petris avius est, atque etiam versus meridiem saxosus, ea præcipue parte quæ Cimbrorum Chersoneso objacet; unde 250 milliarium intervallo dissidet. At tractus ille omnis tam ad occasum quam ad meridiem Cælo mitis est; non enim mare congelatur, neque diu nives durant, sed terra ipsa non adeo fertilis est, & ad suppeditandam alimoniam incolis neutiquam par. At abundat hæc regio pecore & feris, in quibus albi ursi sunt inusitatæ magnitudinis: sunt & castores, & innumera alia. Fuit Norvvegia Regnum aliquandiu admodum florens, imperiumque tenuit per Daniæ, lateque per insulas maris, donec domesticum imperium per hæreditariâ successionem administratum fuit. Postea sub interregno contentu Procerum institutum est, ut Reges per electionem susciperentur. A *Suibdagero* autem secundo ad

Christiernum ultimum, Reges interveniunt 45. Est vero nunc sub potestate Danorum. Quinque in ea in universum hoc tempore sunt Arces Regiæ; totidemque Præfecturæ præcipuæ: quarum prima & extrema versus meridiem est *Bahusia*. Ei subjecta oppida, *Marstrand* in peninsula scopulosa situm, & hæc cum piscatura nobile; & eo obscuriora *Koengeef*, *Congel* forte prope *Bahus*, & *Oddevvold*, nisi sit *Odvvad*. Secunda Arx est *Aggerhusia*, in cuius provincia cellissimi mali navium, & asseres querni & abiegni, lignaque ædificiis idonea ingenti copia in Belgium & alias regiones quotannis evehuntur. Oppida huic subijciuntur *Asloja* Episcopi sedes: quæ in primis collitur ab exteris, ob Curiam ad quæ ex universa Norvvegia causæ deferuntur: item *Tonsberg* seu *Koningsberg*, *Fridrichstad*, *Salzburg* & *Schin* vel *Schon*, ubi fodinæ cupri & ferri sunt, item *Hammaria* major & minor, regiones olim Episcopales, nunc *Aslojen* inspectioni commissæ, & sinu *Mosiano* interlabente divisæ. Tertia Arx est *Bergerhusia*, sub ea sunt *Bergi* vel *Berga* & *Staffanger* civitates. Est autem *Berga* totius Norvvegiæ emporium celeberrimum & horreum, præfecti Regii ac Episcopi sedes. Ibi piscis ille nobilis & delicatus venditur, qui secundum littus Norvvegiæ captus, piscis *Bergensis* dicitur, propterea quod inde in multas regiones à mercatoribus distrahatur. Sunt ibi *Vandalicarum* & *maritimarum* civitatum famuli, qui cum ibi mercandi causa totum annum perdurent, partem unam urbis occuparunt, quam incolæ pontem, exteri verò tabularium suum vocant. Portus hic etiam est optimus atque tutissimus. *Staffanger* civitas, etsi eundem cum *Berga* Præfectum habeat,

Urbis & Oppida.

Norvvegia.

Colli & Soli qualitas.

Alimenta varietas.

Imperium majus.



habeat, suum tamen peculiarem habet Episcopum ibidem agentem. Quarta Arx est *Nidrosia* à Nidero fluvio & rosa, quod templi nomen est, sic dicta, vulgo *Trundheim*, olim *Trondon*, metropolis totius Norvvegiæ, nunc in viciformam redacta. Sedes olim Archiepiscopi & Regni, amplissimè patentem Diœcesim habet, in qua plurimus piscis, Bergam postea ad emporium directus, & pelles preciosæ colliguntur. Extat hodieque templum cathedrale, argumentum pristinæ felicitatis, cui magnitudine & casorum lapidum artificio vix aliud in Orbe Christiano simile est. Crepido circum altare correpta incendio est, anno MDXXX. cujus incendii damnum æstimatum est septem millibus aureorum. Quinta & ultima versus arcum Norvvegiæ & Orbis Christiani Arx est *Vardhusia* parvæ insulæ Wardæ, ipsa quoque parva & obsoleta, hoc tempore insitens. Quæ nulla singulari munitione, ac nec turri quidem vel castello insignis, opidulum tamè adjunctum habet, quod piscatorum casæ stipant. In hac arce seu potius casâ, Præfectus Regius æstate habitat & amplissimum illius littoris Norici tractum in zona frigida usque ad Russiæ fines gubernat. Porro occidentale Norvvegiæ litus (quod imperfectibilis profunditatis passum perhibetur) verno tempore balenis admodum infestum est: adversus harum impetum habent nautæ castoreum aqua diutum, præfens remedium: nam simulatque illud in mare effusum est, confestim immane illud Nerei pecus dissipatum sese in profundum abdit. Copiosa hic in mari vicino captura piscium, & in primis aselli piscis quem frigore induratum & in fustes extensum mittunt in reliquæ Europæ Regna: eum piscem *Stock-visch* vocant. Laudatissima istorum captura est mense Januario:

tunc enim ob frigora facilius exsiccantur, & mare ipsum copiosiores opimioresque illos præbet. Petuntur inde præterea pelles pretiosæ, sebum, butyrum, coria, adeps balænarum, pix liquida, trabes quernæ, robora, mali, asseres magno vendentium quæstu. Incolæ probi sunt, simplices, exterorum amantes, hospirales; prædones, fures, piras non habent.

Suecia Regnum vetus est; meminit ejus *Plinius*: habet ad occasum Norvvegiæ: ad boream Lappiam & Bothniam: ad ortum Finlandiam, Bothnico sinu discretam, & Livoniam mari disjungtam, ad austrum Gothiam. Regio est omnium aquilonarium fertilissima: agrum habet uberem; maria, lacus, flumina, piscium variorum proventu fœcunda: metalla etiam plumbi, ferri, æris & argenti, quod circa Slaburgum eruitur purum. Silvas feris refertas, & mellificio nobiles. Creditur duplo superare Norvvegiam amplitudine, fertilitate, agriq; bonitate. Quibusdam tamen locis aspera est, & salebrosa. Hæc per indigenas & domesticos Reges fortiter & feliciter defensa & amplificata cū aliquot sæculis esset, tandem ad Daniæ Reges devenit: sub quibus, annis amplius centū, jam aliquantisper obtemperans, jam eosdè prætextu non servatarum legū in coronatione juratarū excutens, mirum in modū fluctuavit. Hodie autè ad suos indigenas iterum descivit, & ex illis sibi Regem constituit. Provinciæ hujus Regni variæ. Aliæ *Gothicæ*, ut *Ostgothia*, cujus *Lincofia* metropolis: *Vestgothia* lacu vetere ab orientali sejuncta, cujus *Scara* Episcopi sedes. *Australis Gothia* seu *Smalandia*, *Tuiscia*, *Verendia*, cujus *Vexio* præcipuum oppidum est. *Meringia* & insula *Oelandia*, arce *Borgholm* munita. Aliæ *Norica* seu *Suecia* sunt, ut *Oplandia*, cujus *Vpsalia* ad Salam fira, in centro Sueciæ sedes.

Mores.

Suecia.

Animalium varietas.

Imperium majorem.

Mare.

Meringia.

sedes Archiepiscopi & scholæ publicæ. Multa hîc videre est Regum Sueciæ sepulchra, magnificè splendidèq; exstructa. Et *Stocholmia* emporium nobile & sedes regia, munita tum natura tum arte: sita est in paludibus instar Venetiarum, nomenque ex eo habet quod palis fundata sit. Aditus ad eam ex mari Eoo per angustas fauces *Meleri* profundissimo alveo patet: eâque capacitate mare admittit, ut naves onerariæ passis velis in portum faciliè invehantur. Verum turris *VVaxholmia* & è regione *Digna*, ita ingressum arctant, ut invitis Regiis Præfectis, ibidè excubantibus nullâ ingredi aut egredi naves possint. Meridianæ *Meleri* ripæ *Sudermannia* oppida *Tolgo*, *Strengenes*, Episcopi sedes & arx *Griphisholmia* adjacent. *Nericia Orebo* arx præcipua est. Occasum versus *VVestmannia* regio & urbes *Arosia* (ad quam argenti metalla sunt præstantissima: adeo ut artifices ex quindecim argenti libris unam auri extrahere dicantur) & *Arboga* lacui incumbunt. Inde versus occasum æstivum *Dalia* occidua, *Eoa* & *Solies Dalia*, à lacu *Solion* sic denominata, jacent, quæ tres Provinciæ unâ cum majore parte montanarum Provinciarum, sub Episcopi *Sarosiensis* inspectione continentur. Ibi venæ minerales, quæ ortum versus ad *Balthicum*, & sinus *Helsingia* & *Giossenfes* sese extendunt, occasum versus per *Wermelandiam* ad *Oceanum* occidentalem fere nusquam interruptæ, quin ibi metalli aliquid, argenti, cupri, plumbi, ferri, chalybis sive sulphuris effodiatur, porrectæ sunt. Oplandię versus boream finitima *Gestrícia*, inde *Helsingia*, post *Midelpadia*, ulterius *Angermannia*, borea & notia. Inde *Nort-Botnia* in *VVest-Botniam* & *Ost-Botniam* divisa, longo terrarum tractu diffusæ Provinciæ. Tandem boream versus *Scriesimnia*, *Lapponia*, *Biarmia*. Has proprias Regni Sueco-

rum provincias antiquas, plerasque Sinus *Botnicus*, ex *Balthico* in boream rectâ *Toroniam* & ultra circum arcticum porrectus, à *Finlandia* amplissima peninsula dirimit: cujus apicem *Alandia* insulæ versus meridiem & *Abo* Episcopi sedes; at versus boream *VViburgum* tenent. Dividitur *Finlandia* in notiam & boream, quibus *Natagundia* superior & inferior, *Savolisia*, *Tavastia*, *Finnonica* regiones latè patententes adjunctæ sunt. Inde trans Finnicum sinum *Carelia*: cujus *Hexholm*, *Kexholm* fortè, metropolis est. Et meridiem versus *VVotichonia*, in qua *Lovat* fluminis *Novogardiam* allabentis, quem *Ny accolæ* vocant, ostium: supra *Coporam* *Ingria*, cujus *Iamagrod*; & *Solonseia*, cujus *Ivanogrod* è regione *Nervæ*, arces sunt præcipuæ. His contiguæ versus meridiem sunt *Levonica* *Esthbonum* provinciæ à *Nerva* ad *Revaliam* & *Prenoviam* usque pertinentes. *Allantacia*, cujus *Nerva*; *VViria*, cujus *VVesemberga*; *VVichia*, cujus *Habsai* Episcopi sedes & insula *Dagen*. Quæ regiones trans Finnicum sinum pleræque omnes. *Ioannis* tertii Regis virtute ac fœlicitate regno Suecorum nostrâ memoriâ anno M. D. LXXXI, primum acceverunt, cum *Revalia* sponte *Erico* XIII Suecorum Regi se subjecisset, anno M. D. LXI. Aquis gaudet Suecia piscosis, rivulis plurimis regionem perlagentibus. Inter fluvios autè, *Lusen*, *Dalecarlia*. Terra ipsa aspera, mō-
Flumina:
Montes
& Silva.
 tibus silvisque frequentissima. Subditi sunt partim ecclesiastici, partim laici, eique aut nobiles, aut plebei. Inter nobiles summus est eques auratus, à Rege virtutis
Senato-
res.
 ergò solemniter creatus. Præfecturæ per indigenas administrantur. Incolæ porro si cum Germanis conferantur, civilitatis minus, industriæ certè ingenii que fortasse plus habent. Vtpote quovis eorum rustico, omnia pene officia, artesque mechanicas callente.

DANIA regnum amplum & valde populosum, vulgo *Danemarchia*, quasi tractus sive regio Danorum appellatur. Quæ autem horum Danorum fuerit origo, ne Danis quidem ipsis satis constat: nisi quod quidam à Dano ipsorum Rege primo: & aliqui à Dahis Asiæ populo eam reperant. Dudo autem de *S. Quintino* scriptor antiquus, *Guilielmo Camdeno* referente, eos è Scandia in Cimbrorum veteres sedes devenisse asserit; videntur autem ab aquis dicti: quia **A H A** apud illos fluvium significat, & ipsi se *Daneman*, quasi viros aquaticos & fluviales vocant. Est sanè tota Dania peninsularis, ut descriptio ostendit. Distincta autem est in universum Dania in Præfecturas centum octoginta quatuor, quæ **H A E R E T** vocantur, & à totidem Præfectis legum Danicarum peritis administrantur. Habet Regem magis ex procerum electione, quàm ex nativitatis successione. Ejus eligendi vetus mos erat, ut cum suffragia ferrent, in aperto campo lapidibus insisterent, eo facto nempe subjectorum lapidum firmitate constantiam electionis designantes. Jam verò coronantur Reges Hafniæ in Ecclesia D. Mariæ ante altare, & in Ecclesiam prædictam à Senatoribus Regni ducuntur, insignia Regia illis præferuntur, ut sunt ensis, globus, corona. Neque hæc sunt propriis familiis attributa, ut in reliquis ferè regnis, sed ut quisque virtute, ac dignitate præcellit, ei muneri adhibetur. Postea cogitur Rex jurare, articulos præscriptos qui in usu ante aliquot tempora fuerunt, se strictè servaturum, & Religionem Christianam, jura ac consuetudines Regni defensurum. Deinceps ungitur ab Episcopo Roeschildensi, & ab omnibus Senatoribus primò illi corona imponitur, qui Majestati suæ tunc juramentum præstant, si ante coronationem non fuerit factum. Rex postea ex nobilitate & proceribus milites aut equites auratos leni percussione ensis designat, qui antea in bello aut pace egregiam operam præstiterunt. Et sic majores Danorum optimi politicæ statum & monarchiam constituerunt, nec ulla

unquam natio illos planè subegit, vel patrios ritus & privilegia sustulit. At contra populi septentrionales, ut Dani, Sueci, ac Norvvegieses, totam pene Europam devastarunt, in nonnullisque locis regna constituerunt. Nota est enim omnibus historiographis Cimbrorum in Italiam expeditio, Gothorū Hispaniæ subactio, Longobardorum regni in Italia constitutio, Normannorum in Gallia habitatio, regni Neapolitani & Siciliæ erectio, *Gotfridi* contra *Carolum Magnum* in Frisiā eruptio, Anglorum per aliquot annos subjectio. *Canutus* etiam *Magnus* quinque imperia tenuit: Rex enim Daniæ, Sueciæ, Norvvegiæ, Angliæ, ac Normanniæ fuit, nec non *Henrici III* Imperatoris socer, unde hi versus exstant:

*Desine mirari quos garrula laudibus effert
Gracia, quos jactat Roma superba, Duces.
Danica non ulli veterum virtute secundum
Edidit, hiberno terra propinqua freto.
Facta mihi Magni pepererunt inclyta nomen:
Quinque sub Imperio Regna fuere meo.
Me sibi delegit socerum, qui tertius orbis
Arbiter, Henricus nomine, sceptrā tulit.
Iustitiā præclarus eram, Regesque potentes
Subjectos docui legibus esse suis.*

Ex quibus constat, ut etiam ex sequentibus bellis, quæ varia Reges ex Oldenburgenfi familia, summā cum felicitate gesserunt, gentem esse bellicosissimam, & terrā marique in profligandis hostibus felicissimam. Liberam habuerunt semper Proceres ac Senatores Regni potestatem eligendi Reges, ut adhuc habent, sed plerumque filium primogenitum Regis designarunt, nisi causis sufficientibus impedirentur: nihilominus tamen à familiæ Regum linea non deflexerunt. Regnum dividi nisi coacti aliquo intestino bello non permiserunt. Juniores filios

filios aut fratres in alias Provinciâs ablegarunt, cum participes Regni fieri non possent. Inde tot expeditiones susceptæ, cum etiam nobiles ac plebei omnes in patria honestum locum habere non possent, vel ut loca aptiora & oportuniora adipiscerentur. Septentrionales enim populi sunt multarum prolium, propter sanguinis abundantiam ac caliditatem, pugnaces ac rixosi: plurimum comedunt & bibunt, (aër enim frigidus saporem excitat) optimè concoquunt, propterea etiam diu vivunt; formosi, longæ staturæ, sagaces ac fidei tenaces. Hos vivaces esse argumento est, quod reges ipsorum valde diu regnis præfuerunt, multi 30 annos, nonnulli ultra 40, aliqui adhuc diutius.

P O L I T I A.

Quinq; sunt Status sive Ordines totius Reipublicæ Danicæ. PRIMVS, est Regiæ familiæ. SECUNDVS, Nobilitatis, sed sciendum inter nobiles hos nullos esse Comites aut Barones: sed omnes longa serie majorum nobilitatē demonstrare posse. Clypeos gestant simplices, quos mutare aut augere, de decori esse antiquitati illorum putant. Vivunt adhuc nonnullæ familiæ quæ adfuerunt tractationi inter Carolum Magnum & Hemmingum Danorum regem super Eidoræ fluvium factæ, ut VREN & alii. Hi possident sua bona cum minori ac majori (sive capitis) jurisdictione: liberam etiam habent venandi aucupandique potestatem in suis bonis, quemadmodum Comites in Germania. Bona illorum non sunt feudalia in toto Regno, sed hæreditaria sive allodialia.

Omnia Castra, prædia ac bona, tam mobilia, quam immobilia, à parentibus relicta æquè dividuntur inter fratres: ad ea sorores etiam admittuntur ex singulari privilegio, ita tamen ut frater duas partes, soror verò tantum accipiat unam, filiisque arces ac castra cedant. Sic multa prædia ad primogenitum venire non possunt: sed dividuntur. Et nonnulli ex bona tamen familia prægnati & virtute præditi, possunt per matrimonium, Regibus adiuvantibus, ad amplas possessiones promoveri. Ex

hoc ordine eliguntur Senatores Regni, quorum numerus 28 raro excedit. Senatoribus omnibus decreta honesta alimenta à Rege & regno; singuli enim arces habent; tantisper donec Senatoriam obtinent dignitatem, de quibus nihil Regi contribuant, sed tantum coguntur aliquot equites alere pacis & belli tempore, & quodcumque à Rege vocantur propriis sumptibus Regi in regno præstare esse. Si Legati extra Regnū ablegantur, honestè illis providetur ex fisco, ut tanquam Regii legati Principū more in itinere vivere possint. Reliqui nobiles etiam habent sustentationem honestam à Rege, sive in aula regia vivant, sive ab ea discedant. Nam habet Rex prædia, quæ Danico idiomate VERLEHNINGE sive beneficia vocantur: his providet benè de se Regnoque meritis ad vitam, aut aliquot annos. De his coguntur alere aliquot equites, & fisco certam pecuniæ summam singulis annis dependere, eo tamen modo, ut pro labore & propriis servitiis etiam aliquam partem lucri accipiant. Est etiam salutaris constitutio in Regno Daniæ, quâ Rex bona immobilia prohibetur emere à nobilibus, ob eam causam, ne aliqua dissensio inter Regem & Proceres regni oriatur. Rex enim alioqui posset quædam loca capere, quæ nobiles vendere nollent: proinde per hanc constitutionem huic rei à Proceribus regni optimè provisum est: licet tamen Regi permutare bona cum nobilibus; contra nobiles nulla bona possunt emere à regiis rusticis. Nam aliqui rustici habent bona hæreditaria & ferè libera, ut antea dictum est.

*Sequuntur nomina familiarum præcipuarum nobilium,
quæ in regno Danico inveniuntur.*

D. de Kaas, D. Guldenstern, de Munc, de Rosencrantz, de Grubbe, de Walkendorp, de Brahe, de Schram, de Pasberg, de Hardenberg, de Vlstand, de Bing, de Belovv, de Wepfert, de Goce, de Schefeldt, de Ranzovv, de Schelen, de Frefe, de Iul, de Bilde, de Dreffelberg, de Green, de Brockenhusen, de

Holke, de Trolle, de Knutzen, de Biorn, de Scheftede, de Iensen, de Steuge, de Martieffe, de Lunge, de Banner, de Luc, de Raftorp, de Krusen, de Fassi, de Lindeman, de Suuon, de Stantbeke, de Quitrovv, de Lange, de Gelfchur, de Glambeke, de Krabbe, de Marizer, de Kragge, de Achfel, de Bec, de Ruthede, de Negel, de Wirfelt, de Split, de Ofren, de Appelgard, de Iucnâ, de Poldeffem, de Reuter, de Podebussen, qui fuerunt quondam Barones ex ducatu Pomeraniæ quorum familia adhuc ibi invenitur. De Vren qui vixerunt *Cærolæ Magni* tempore, de Blic, de Galle, de Wogerfen, de Bassi, de Solle, de Daac, de Bax, de Baselich, de Wensterman, de Hoken, de Lindovv, de Bille, de Ruten, de Hundertmarc, de Heiderstorper, de Wolde, de Papenhaimb, de Spar, de Falster, de Narbu, de Worm, de Bilde, de Bochoht, de Budde, de Svabæn, de Santbarch, de Gram, de Lutken, de Vhrup, de Spegel, de Bammelberg, de Rosenspart, de Duve, de Hube, de Schauugard, de Must, de Gris, de Falcke, de Brune, de Laxman, de Duram, de Baggen, de Norman, de Gofs, de Matre, de Rosengard, de Totten, de Ronnouu, de Kaïmpen. Ex hac nobilitate eligitur *Præfectus*, sive *Magister aulae*, officium ferè est tale, cujusmodi major domus in Gallia; is enim plerumque residet Hafniæ, tanquam vicarius regius, & dirigit res à Rege ad se destinatas. Deinde *Marischalcus* tempore belli & pacis ea quæ ad expeditiones pertinent procurat. *Admiralius* naves ædificat, veteres restaurat, & singulis annis ea ordinat, quæ ad tutandum Oceanum & res nauticas pertinent. Habet & is sub se constitutum adhuc alium admiraliū, & in singulis navibus præfectum ex equestri genere prognatum. *Cancellarius regni*, ad hunc ex omnibus provinciis ac insulis appellatur, à quo ad Regem & Senatum regni appellatio vicissim devolvitur.

Singulæ provinciæ divisæ sunt in HÆRET ut vocant, Sive in diœceses, sub quibus multæ sunt parœciæ. Ibi primum de jure disputant, si rixæ fuerint invicem ortæ. Hinc

licet appellare ad judicem terræ istius. Deinde ad Cancellarium, postremo ad Regem ac Senatores, ubi finalis sententia promulgatur. Habent jus scriptum, compilatum à *Woldemaro* primo, Episcopis ac Senatoribus, legi naturæ valde congruum, & non multum à Romanis legibus discrepans, sed quo vigore hujus multò citius lites finem assequi possint, lataque sententia paratam habeat executionem. Primi judices si iniquam rulerint sententiam, in dimidiam partem bonorum condemnantur, quorum Rex capit dimidiam, & læsus sententia injusta alteram partem. Senatoribus adhibuit *Woldemarus* primus (ni fallor) Episcopos, quos rursus *Christianus* tertius propter certas causas ac rebellionem amovit. *Cancellarius Regis*, qui plerumque in aula Regem sequitur, habet sibi adjunctos septem vel octo nobiles secretarios & scribas, & omnia negotia tractantur à Rege ipso. Si autem aliquid magni accidit, ut de pace aut bello, item de fœderibus ineundis, de finibus defendendis sit deliberandum, Concilium Senatorum à Rege indicitur. Nec licet Regi ullum tributum imponere regno ac nobilium rusticis, absque consensu Senatorum & Procerum. *Ærarii* item *Præfectus*, qui omnes totius regni redditus, tam castro- rum, quam prædiorum, nec non telonia tam in mari, quam terra colligit, rationes audit, examinat, inquirat, quitartias pecuniam offerentibus reddit. Hic habet adjunctos duos ex nobilitate, & scribas multos ex plebe, pro quo labore habet annuatim stipendium.

TERTIUS, est status Ecclesiasticus, in quo fierunt Episcopi septem, ut Archiepiscopus *Lundensis*, Episcopus *Roeschildensis*, *Orthoniensis*, *Ripensis*, *VViburgensis*, *Arhusensis* & *Slesvicensis*, ad quem cæteri etiam canonici referuntur. Hi habent decimas in regno: quæ tamen in provinciis diversi, diverso modo dividuntur; dimidiam partem decimarum percipiunt Episcopi, dimidiam Rex, aliquam canonici, pastores pars etiam ad adi-

ad ædificandas ecclesias contribuitur : & quantum ad pontificium jus attinet, semper in hoc Regno quemadmodum etiam in Gallia, nominationes & ordinationes prælaturarum Episcopatumque, à Regibus ad hoc usque tempus collatæ fuerunt, ut etiam ex responso *VVoldemari* primi regis Daniæ, ut arbitror, quod hic annectere libuit, constat. Cum Pontifex romanus à Rege hæc & similia postularët, fertur rescripsisse Rex, regnum habemus à subditis, vitam à parentibus, religionem à romana ecclesia, quam si repetis, remitto per præfentes. Utque *Caroli V.* prudens decretum laudatur, quod in posterum Ecclesiasticæ personæ nullam rem immobilem cõemere possent, absque principum consensu : sic *Christianus III.* æque prudenter constituit, ne Ecclesiastici aliquid vendant, absque Regis expresso mandato. Alioqui religiosi sunt optime provisi in toto regno à *Christiano III.* piæ memoriæ, & scholæ particulares multis in locis erectæ, velut etiam in Islandia duæ, ubi etiam habent propriam typographiam. Duæ sunt in toto Regno Academiæ : una Hafniæ, quæ fundata est à *Christierno* primo permisso *Sixti* Pontificis, anno Christi 1470; quam *Fredericus II.* quanquam bello Suecico septennali erat implicatus, tamen locupletavit, & ejus proventus lxx. millibus thalerorum auxit : altera Soræ in eadem insula. **QVARTVS,** status est *Civium & Mercatorum* in urbibus ac oppidulis habitantium. Hi habent propria privilegia, quibus fruuntur, & his attributi sunt agri proprii ac silvæ limitibus circumductæ. Hi etiam mercaturam exercent in agro & mari in omnibus partibus Europæ. Ex his ut & ex rusticorum liberis, eliguntur episcopi, canonici, pastores & senatores urbium, scribæ in castris & arcibus, magistri ac gubernatores navium, aliqui etiam horum præficiuntur teloniis. Iudicia omnia minora ex his cõstituuntur, præside interdum uno ex nobilitate. **QVINTVS,**

status est *Rusticorum.* horum duo sunt genera. Primum vocant *Freibunden*, id est, liberi coloni. Hi possident agros hæreditarios, paullulum tamen inde singulis pendunt annis. Hi etiam mercaturam & piscaturam exercent. Servitiis præstandis non opprimuntur, nec tributa pendunt, nisi consentientibus regni Senatoribus. Alterum genus est eorum qui non possident bona hæreditaria, sed à Rege, nobilibus aut ecclesiasticis personis ea conducunt, & servitia multa inde dominis præstare coguntur, prout cum domino agri convenerunt. Hæc fere sunt, quæ de Politia Danica exponenda mihi fuerunt, ex quibus patet monarchiam Danicam, plerumque fuisse optime constitutam, nobilitatemque liberam electionem Regis semper habuisse, attamen ex familia regia, ut antea jam dictum est; unde hoc commodi consecutum est, ne Dani intestina habuerint bella ac dissensiones, nisi quæ ortæ fuerunt inter Regiam familiam, quas tamen cito composuerunt, interventu aliquot nobilium, præsertim cum Regum filii nullam capiant Regni partem. Deinde cum omnes sint tantum nobiles in Regno, & baronum & comitum dumque nomina & titulos ignorent, nullus tantis affluit opibus, ut iis sisus se familiæ Regum opponere audeat, eo quod inter filios & filias semper dividitur paterna hæreditas. Ita habent reges Daniæ optime florentem rempublicam : quæ facile ab externis hostibus defendi potest, cum subditi unanimes cum Rege ut naturali suo domino, terrâ marique hostibus resistere queant. Huic Regno florentissimo hoc nostro tempore præest **CHRISTIANVS IV,** quem ut cum omnibus Senatoribus & nobilitate totius regni incolumem Deus Optimus Maximus conserve, eique tranquillam & pacificam concedat gubernationem, ex animo precor.

Regio.

DAnia duobus tantum locis continenti juncta est; eam à plaga Mundi occiduâ Oceanus Germanicus, ab ortu solis Mare Balthicum lambit & littora pulsât, ad septentrionem Norvvegia & Suecia, ad meridiem Holfatia, Megalopolis & Pomerania obtenduntur. Ea in creberrimas insulas disjunctissimas distribuitur. Cæli temperies, una cum salubritate aëris, Danos blandè, ut *Io. Coldingensis* verbis utar, refocillat; terræ ubertas nutrit; volucrum suavissimus concentus recreat; sylvarum nemorumque varia materia oblectat: in quibus porci innumerabiles oberando, nunc glandibus quercinis, nunc fructibus faginis ad voluptatem saginantur. Multiformes simul animalium species & florida prata delectant. Maris affluentia & penu confertissimum Danos cum magna Europæ parte alit; & quo ad vitæ usum carere nequeunt, natura Danis minimè invidit. De imperio autem majorum scribit *Munsterus*: *Danum* quendam multis ante Christum sæculis in sua Dania regnum primum tenuisse, à quo Regum Danicorum stemmata, ceu quodam derivato principio, splendido successione ordine profluxerunt. De hujus autem successoribus ac reliquis Daniæ regibus *Munsterum* vide fusissime differentem. Nunc Danorum omnis regio maris faucibus intercepta constat multis partibus, quarum præcipuæ sunt *Iutia*, *Fionia*, *Zelandia* & *Scania*, præter insulas singulis partibus adjacentes.

Cæli temperies.
Soli feracitas.

Animalium varietas.

Imperium majorum.

Iutia, quam nonnulli *Gothiam* appellari volunt, quondam Cimbrorum sedes, apud historicos & geographos *Cimbrica Chersonesus* dicitur, & in *Iutiam meridionalem* & *septentrionalem* dividitur. Hujus septentrionalis Iutiæ descriptionem vide secundâ tabulâ Daniæ. *Meridionalis Iutia* olim dicta *Nordalbingia* inclytum ducatum Slesvicensem complectitur, cui Holfatiæ ducatus nunc quoque subungi potest; horum ampliorem declarationem suo loco, videlicet tertiâ tabulâ Daniæ invenies.

Fionia particularior quoque descriptio sequitur, quar- *Fionia.*
tâ tabulâ Daniæ comprehensa.

Zelandia, quæ & *Sialandia*, inter reliquas Daniæ insulas est maxima, *Codanomia Mela*, ut censent *Olivarius* & *Ortelius*. Hanc alii *Zelandiam* quasi maris terram, quod undique mari incincta sit: alii vero quasi seminis terram, eo quod sua sponte absque annua stercoreatione segetum omnis generis ferax sit, dictam volunt. Longitudinem habet hæc insula itineris bidui, atque latitudinem ferè æqualem. Quindecim civitatum, duodecim arcium re- *Urbes.*
giarum capax est. Inter civitates autè *Hafnia* sive *Copenhagen* est præcipua totius Daniæ metropolis, magnitudine, opulentiâ & maximâ portus commoditate insignis, quem & incredibilis profunditas & objectus insulæ quâ *Amagger* vocant nautis tutissimum facit. Habet Academiam, ex qua passim Ecclesiis ceu perpetua seges doctorum atque eruditissimorum pastorum tam in regno Daniæ quam Norvvegiæ subministratur atque sufficitur.

Supra



Supra Hafniam est *Helsingora* & prope eam arx regia *Cronenburgum* de qua infra, cui ab altera parte ultra mare similis arx *Helsingborch* cum oppido ejusdem nominis respondet. Ibi *Zelandia* & *Scania* prominentibus utrimque promontoriis ita prope coeunt ut vix parvi milliarii inter se relinquāt maris spacium quod de *Sund* vocatur. Ad hunc locum omnes naves orientem versus cursum instituentes, velut ad centrum coire & Regi vestigal penderē coguntur: cumq; in utroque littore arx posita sit, Rex, quando id necessitas postulat, suis in medio collocatis navibus, ita has fauces occludere potest, ut quantumvis etiā numerosam classē ab ingressu vel egressu prohibere queat. Huc sæpe uno die 200, sæpe etiā 300 naves ex variis Europæ partibus convenire contingit. Est & hic *Roeschildia* sedes olim Episcopi. ibi multorum Regum & Ducum insignia monumenta conspiciuntur: nunc autem ad tenuitatem perducta, quod cives urbiū confisi munitionibus soleant inolescere. Sub *Zelandia* autem sequentes sunt insulæ, *Amigria*, *Huena VVe*, *Moenesland*, in qua civitas *Stegoa* & plures aliæ. Habet *Zelandia* unum episcopatum, cujus præful *Roeschildia* sedem antiquitus, ut diximus, habuit. *Scania* inter regni Daniæ provincias magnitudine & opibus admodum insignis est regio atque cum Suecia continens. Hæc alii *Scandinavia* pro *Scondaniam*, id est, *amœnam Daniam*, alii *Scaniam* atque alii *Sconingiam* dixerē, vulgo *Sconen*. *Plinius* eam tū *Scandiam*, tum *Scandinaviam* vocat, sed in eo fallitur, quod insulam esse putat incomperta magnitudinis. Sed *Ortelius* hæc *Plinii* *Scandiam* & *Scandinaviam* non *Scaniam*, sed eam Peninsulam esse, quæ hodie tria amplissima regna *Norvegiæ*, *Sueciæ*, & *Gothiæ*, aliasq; regiones com-

prehendit, autumat, ut supra quoque diximus. Undique cingitur hæc *Scania* mari, præter unum terræ brachium quod porrigitur in boream, ac inde recurvatur in orientem ubi Sueciæ jungitur: sed intercedunt profundi saltus asperrimæque rupes, per quas è *Scania* in *Gothiam* Sueciæ partem iter agitur tam difficile, ut fere levius sit marino discrimine vitare terrestrem laborem. Regio cæli beneficio, telluris obsequio, portuum & emporiorum commoditate, maritimis opibus, lacuum & fluminum piscatione, venatione nobilium ferarum, auri, argenti, æris & plumbi inexhaustis venis, oppidorum frequentia, civilibus institutis, nulli cedit beatæ regioni: unde & *Schondia* illi nomen mansit, teste *Münstero*. Hæc quondam in duos ducatus, *Hallandiam*, & *Blekingiam* divisa, nunc Præfecturas viginti tres & civitates quindécim complectitur. Ejus metropolis est *Londa* sive *Londia*, ubi Regni Archiepiscopus sedem suam fixit. Est etiam hic *Malmogia*, quæ & *Ellebogen* dicitur, insigne emporium & præcipua totius regionis civitas propter nundinas & frequētes negotiationes, quas ibi provinciales exercent. In *Hallandia* est arx *VVarburgum* altissimis montium jugis superstructa. Eam à Suecis anno MDLXV captam & imposito præsidio munitam cum *Daniel Ranzovius* jussu & auspicio regis *Friderici II.* arcu obsidione premeret, ut tandem se dedere sit coacta, globo ex tormento æneo per caput trajecto peremptus est anno MDLXIX vir virtutibus & laude bellicâ valde illustris. Adjacent huic regioni insulæ *Landoe*, *Hannoe*, *Bornholm* insula famosa in quatuor præfecturas divisa, & tres civitates ac unam arcem continens. *Gotlandia*, in qua antiquum emporium *VVisbi* aliquando valde florens, nunc

Soli feratilitas.
Soli qualitas.

Urbes.

Scania.

autem

Merci-
monia.

autem ad alias civitates mercaturâ translâtâ, viris, opibusque attenuatum jacet. Præter frumentum, caseum, butyrum, variasque pelles, etiam abietes procerissimas, quarum frequentes ibi silvæ sunt, malis navium fabricandis, & præterea lapides ad structuram utiles, nec

Flumina.

non calcem copiose emittit. Flumina Daniæ sunt *Egidora*, vulgo *Eyder*, *Chalusus* *Ptolemao*: hic *Frisios* à *Ditmaris* dirimit ac se in Oceanum Britannicum exonerat: & *Stora* piscosus & navigabilis fluvius, qui in intima *Holsatia* ortus, aliquot oppida, & nobilem illam *Ranzovianam* domum *Bredenbergam* alluit, posteaque se

Mare.

in *Albim* effundit, & alia. Mare *Balthicum* quod ad ortum terminum Daniæ suprâ constituimus, nunc accolæ *Belts*, Germani *Oostzee* indigitât, à *baltheo*, id est, militari cingulo nomen hausit, quod cinguli instar utramque *cherlonesum* ambiat ac complectatur. *Pigrum* à *Tacito* nominari videtur, ab effectu ut putat *Ortelius*, quod non ut cætera maria moveatur. nam æstus ejus vix deprehenditur, ut testantur illi qui illud sæpius navigaverunt: continuoque fluxu ex oriente versus occidentem descendit. *Helsingora* ad fretum *Sundæ*, arcem habet regiam *Croneburgum*, præsidium extremæ insulæ *Zelandicæ* oræ. Hanc arcem *Fredericus* II. Daniæ rex maximis & innumerabilibus demerfis saxis, interque compacta & fistucata roborâ conclusis, ac loco fundamenti stabilitis firmatisque, ex ipso maris fundo immani sumptu eduxit, tantâ operis firmitate, ut immanes pelagi fluctus magnis provolutos procellis, atque ad vallum murosque horrendo boatu illisos, citra ullius periculi metum despiciat. Est in urbe *Lundia* horologium in quo ars mira elucet, *Laurentianum* dictum: situm id in inferiori tem-

Opera
publica.

pli parte. Hic tabula parieti affixa visitur circulis aliquot

variorum colorum distincta. In hac per certos rei indices, & annus, & mensis, ac septimana, dies quoque singuli, ac horæ, in quibus agunt homines, liquidissimè monstrantur, eo etiam indicato si festum celebretur seu fixum seu mobile. Item quis *lunarium* *Solis* ac *Lunæ* motus, quæque horum in *Zodiaco* loca diebus singulis, & inter se habitudines. Atque hæc quidem foris: intus autem, machinis quibusdam ad id fabrefactis res agitur. Quibus illud additum est, velut *Parergon*, sed & id arte factum, ut quoties publicè signum datur horæ elapsæ, suprâ tabulam ipsam duo concurrant simulachra (equites dixeris cataphractos) quæ tot sese ictibus petunt, quot signa dat campana major in turri suspensa, quæ horam indicat. Quod verò magis mirandum, in hujus tabulæ medio velut in throno collocatû est simulachrû virginis *Mariæ* sinu tenentis infantem. Ad latera huic ostia duo, ante pedes velut theatrum semicirculi forma, arcu hujus spectatoribus obverso. Intus machina cum simulachris trium magorum, quorum singulis singuli famuli additi. Machina mota ad ejus cui hoc negotium datum est, arbitrium, prodeunt simulachra. Ante alios veluti caduceator minitabundus, gladio vibrato pulsar ostium sinistrum. eo aperto proceditur, buccinis simul duabus sonantibus quas inflare videntur buccinatorum simulachra. Qui primus est magorum, magnifico prodit per theatrum incessu. Ad Virginis simulachrum ubi ventum est, reverenter ad hanc versus inclinat sese magus, velut adorabundus. Faciunt idem reliqui magi. Famuli horum immoti procedunt, nullâ editâ reverentiæ significatione. Horum postremus ostium dextrum claudit, ita quidem ut & clarius quidam sonus, eo occluso, ad aures spectantium peryeniat. Sed de his fatis.

N

Occidua

Quæ Iutiæ Septentrionalis partem complectitur.

Regio.

Iutia Septentrionalis.

Imperium Majoræ.

OCcidea pars Dania & præcipua est Iutia, vulgo *Iutlandt*, quam Ptolemæus *Cimbricam Chersonesum*, Plinius *Cartrin* vocat. Hæc in septentrionem in modum peninsulæ à Saxonibus inter duo Maria, Britannicum & Germanicum procurrens, ut in austrum Italia, porrigitur. Ejus terminus australis est fluvius *Eydera*, patetque in longitudinem lxxx propè mill. pass. ab Albi flu. boream versus. Latitudo ejus ubi maxima xx. mill. pass. Eam duplicem esse diximus, *septentrionalem*, & *meridionalem*. Iutia *Cimbrica septentrionalis* quæ hac tabulâ describitur, Norvegiæ versus se extendens, juxta *Scagam*, ob fyrtes & vadofum iis in locis mare nautis celebre oppidum, in cuneum coarctata desinit. Habet autem hæc Regio circa Aleburgum emporium maximam latitudinem: ibi enim sinus *Lymford* illapsus, ac totam Iutiam occidentem versus penetrans, exiguo relicto spatio *Vvensuslam* ditionem à reliqua parte divellens, penè insulam reddit, ac vasto tandem alveo dilatata aliquot insignes insulas suo faciens ambitu, multis sinibus seu ramis dimissis, varias provincias suo interlapsu distinguit ac limitat. Iutia septentrionalis frugum, tritici, siliginis, hordei, ac similium ferax. Pascuorum etiam alicubi ubertas summa est, atque abundat tot bouum armentis, tam lata vaccarum parens ac nutrix est, ut ad externas provincias armentorum incredibilem penè copiam emittat, maximèq; in Germaniam, quo quorannis propè 150. millia bouum educuntur, præter caseum, butyrum, sebum, & coria. Equos etiam generosos & præstantes producit, quorum etiam visingens quoquo verum exportatur. Paruit olim Iutia Saxonibus, nò autem

reliquæ aquilonis regiones. Ex hac Cimbrici ante natum Christum annis 150, in maximum terrorem Italiæ velut procella se effuderunt. Hi enim adjunctis sibi Teutonibus, Tigurinibus & Ambronibus, Romanum Imperium extinguere conspiraverant. Et nec primum horum impetum *Syllanus*, nec secundum *Manilius*, nec tertium *Cæpio* sustinere potuerunt. Omnes fugati, exuti castris. Actumque erat nisi *Marius* illi sæculo contigisset, ait *Florus*. Duravit autem hoc bellum Cimbricum à *Syllani* consulatu annos octo, usque ad consulatum *Marii* quintum, à quo tandem ad flumen Athesin deleti sunt reliqui exercitus Cimbrorum, Teutonum & Ambronum. Sed quoniam hoc loco in Cimbrorum mentionem incidimus quorum in historiis nomen celeberrimum, paulò fufius de his libet differere. Cimbrici dicti videntur à *Gomero* filio *Iapeti*. Sed quoniam vir eruditissimus *Iunius* doctissimè de his differit, ejus verba hîc non gravabor apponere. Constat ex *Moyse*, *Iapeto* natam esse masculam prolem, nomine *Gomerum*, sive cognata litera *Comerum*, quâ voce apud Hebræos perficiens & circulum ambiens significatur. Ea verò vocis genuina significatio, scriptoribus Cimbricæ linguæ imperitis hæcenus ignorata, quod nemo eam caliginè discusserit, meridiano sole clariùs elucescet me duce, si cratè dictionis mollior dissolvam. Quid enim aliud in isto idiomate sonat *Go om her* disjuncta, rursusque in compagem clausa eadem voce, *Goimer*, quam in orbem ambio, & cursum perficiendo absolvo? Hinc dicta est & Gomera orbicularis illa disciplinarum series, quam encyclopædiam græci scriptores, orbem doctrinæ *Fabius* nominavit, quod nullo fine, ut annulus, circumscribatur. Jure igitur felix istud

Majorum virtus.



istud nominis auspiciū soboli *Iapeti* obtrigit, quæ in orbem circumiit, & uti præ se fert appellatio, curriculum datum præscriptumque sorte absolvit; ab ortu solis substratis terris ad usque ejus positum, terras omnes emensa. Nemo namque historica cognitionis tam est rudis & ignarus, quem lateat Gothorum & Vandalorum (qui Cimmericorum progenies fuisse) armis Hesperiam utramque occupatam possellamque fuisse. Quare quum consentientibus calculis è *Gomero* propagatos esse Cimmericos, omnes fateantur, qui quum principio interiora Asiæ penetrata tenuissent, à Scythis pulsi, & semper ad occidua tendentes, in Scandiam, inde in Cimbricam Chersonesum trajecerunt; quod convenientius vocabulum gentis Cimbricæ auctori *Gomero*, & vicissim genitoris sui nomen retinenti populo aptari poterit, quam à circumeundi & circumquaque palandi studio, non perspicio. Quæ namque gens una majorem terrarum circuitum confecerit, haud facile legendo didicisse quenquam arbitror: id quod apertè ac diligenter explanat *Iosephus* Antiquitatum Iudaicarum accuratus scriptor, qui *Gomeri* posteros ex Armenia profectos ad Tanaim usque amnem excurrisse, inde per Europam universam extremis Gadibus tenus terras omnes multitudine inundasse scribit. Clarissimè verò propagandi & conficiendi cursus sui studium ea in gente *Plutarchus* in vita *Marii* explicavit, cujus verborum sententiam solum appendam latinis auribus, ne citandis Græcis lectori fastidium pariam, chartasque odiosè prolixus onerem. Cimbro (inquit) prædicant, quoties locos se movent mutatis sedibus, non uno impetu aut assiduè, sed quolibet anno ubi tempestatis fovet commoditas, prorsum semper tendendo, proximas quasque regiones bello aggredi, quumque varia inter illos populorum sint no-

mina, cōmuni appellatione Celsoscythas agmen suum vocare. Alii referunt Cimmericorum, quos ab antiquo græci cognoverunt, non magnam fuisse universitatem, sed exules potius quosdam, aut seditiosos à Scythis exactos, à Mæotide in Asiam transmississe, ductore *Lygdamis*: longè vero maximam & bellicosissimam gentis portionem in extrema maris Oceani ora consedisse, ac regionem opacam, nemorosam, & propter præcellas spissasque silvas ad Hercynium usque saltum pertingentes, Soli inaccessam colere. Hactenus ferè verba illius utcūque reddidi. Vnde verò Cimbro Germanico etymo *Plutarchus*, aut Gallico *Festus Pompeius* latrones ac subfessores dici probare queant, non intelligo, nisi pro latronibus milites conductitios accipiamus, aut nisi videatur *Plutarchus* id retulisse ad peculiarem genti morem belligerandi, ut quæ clandestinis latronum more insultibus finitimos opprimeret: atq; ita memorat impetuoso illorum incursum perculsam Italiam timuisse, quum gentem neque de nomine genitiliq; sede notam, repentinæ nubis instar suis cervicibus ingruere intellexisset. Hactenus *Iunius*. Jutia hæc in quatuor sedes Episcopales latissimè patentes divisa est, in *Ripensem*, quæ Ripæ, *Arhusiensem* quæ Arhusii, *Vandalicam* quæ Aalburgi, *Viburgensem* quæ Viburgi consistit. *Ripensis* diocesis, Præfecturas triginta, civitates septem & regias arces decem habet. Koldingæ, regina *Dorothea Christiani* tertii vidua, scholam suis sumptibus instruxit. *Arhusiensis*, Præfecturas 31, civitates septem, & arces quinque habet. *Arhusium*, sive *Arhusia*, emporium est celebre, ob portum, quem ingens illud Promontorium Hellenis efficit, quod ab arce regia Kalloe, per ditionem Mols, usque ad altissimum montem, *Ellemansbergh*, ad duo miliaria protenditur, & tam suo, quam insularum aliquot

objectu,

*Viles &
oppida.*

objectu, placidum nautis æquor efficit. Sub hac Diœ-
cesi insulæ sunt *Samsøe*, *Hielm*, *Tuen*, *Hiarnoe*, *Gerno* forte,
Hilgenes & aliæ plures. *Vandalica* quæ & *Burglaviensis* diœ-
cesis, Præfecturas tredecim & civitates sex habet. Par-
tes ejus maximè illustres sunt *VVendsyssel*, *Handhæret*, *Thy-*
land, & *Morsøe*. *VVendsyssel*, sive *Vensilia*, id est, *Vandalorum*
terra & *sedes*, Præfecturas sex, oppida tria, & arcem u-
nam habet. Hic est mons *Alberg*, in quo gigantum mo-
numenta conspiciuntur. Adjacent insulæ *Grysholm*,
Hertzholm, *Tydsbholm* & aliæ. In *Handhæret* est rupes vi-
sendæ altitudinis, *Skarringklint* dicta, & in oris ejus syr-
tes, quas *Sandores* & *Braccas* vocant. Et subsunt insulæ *O-*
land & *Oxeholm*. Præfecturas quatuor, oppidum unum
nomine *Thystad*, ubi *Christianus* III. scholam juventuti
primus condidit, & arcem unam *Orumnam* habet. Sub
ea sunt insulæ *Hansholm*, *Ostholm*, *Iegen*, *Cisland*, *Egholm*, *Bod-*
dum. *Morsøe*, Præfecturas tres, unicam civitatem *Nicopim*,
& arcem unicam *Lundslod* habet. Insula ei adjacet una,
Ageroa. *VViburgensis* diœcesis Præfecturas sedecim, civi-
tates tres & totidem arces complectitur. *Viburgi* ge-
nerale concilium triumvirorum nobilissimorum & sa-
pientissimorum, de causis civilibus cognoscendis & di-
judicandis, toto ferè anni spatio continuatur, nisi ubi
inquietæ functionis molestiis defatigati, se in prædiis
suis paullulum recreant & vires recolligunt. Huc uni-
versæ Cimbricæ Chersonesi casus, querelæ de finibus
& hæreditatum controversiæ, omnesque capitalium
causarum animadversiones, cujusmodi sunt cædes, ad-
ulteria, furta & veneficii crimina, deferuntur. Ad *VVens-*
liam peninsulam, ubi in conum desinens, paullatim se ad
Solis ortum æstivum inflectit, est ille Iutiæ angulus, ob
pericula nautis adeo formidabilis. Nam ingens dorsum
syrtribus longissimè se in mare protendit, ut, qui tuto

& citra periculi metum esse volunt, non propius duo-
bus milliariibus ad littus accedant. Tale est omne Iutiæ
littus occidentale, ut qui in Norvvegiam, vel ex Ocea-
no in orientem navigare intendunt, longo circuitu Iu-
tiam evitare cogantur. Sunt tamen quatuor omnino
montes in hoc littore, ex quibus nautæ habent suas ob-
servationes & indicia. Incolæ hujus tractus piscaturam
exercent. Cum autem portum, & fidam navibus statio-
nem non habeant, naves suas ex alto venientes, convo-
catis in subsidium sociis & vicinis, ex mari in littus per-
trahunt, usque eo, quo fluctus maris transcendere, eas-
que levando, tundendoque, lædere minimè possint.
Copiosissima hîc in mari variorum piscium, atque in-
primis alecum captura. His expositis non alienum duxi
coronidis loco adjicere, quod incolæ harum regionum
septentrionalium fuerint & adhuc sint frigidi & sicci,
proceræ staturæ, faciei pulchræ, boni coloris, jucundi,
læti, suspiciosi, callidi, ac in negotiis providi, sani, super-
bi, amantes suorum, multum comedant ac bibant, be-
ne concoquant, ideoque diu vivant, sanguine abun-
dent, mores severos habeant, & propter cordis calo-
rem, sint pugnaces & rixosi, ament pericula, venatio-
nes & peregrinationes, suarum opinionum sint defen-
sores, nihilominus justitiæ memores, in omnibus lin-
guis addiscendis adprimè dociles, musarum amantes,
& pacta & contractus sanctè observent, multos habe-
ant liberos, & quod fœminæ ipsorum difficulter pa-
riant, sintque formosæ & in administratione rei fami-
liaris tenaces & prudentes: ex catharro autem, morbo
regio, angina, pleuritide, fistulis, aqua intercute vel
phthisi plerumque moriantur. *Achilles Gassarus* testatur
hîc inventa fuisse à monacho tormenta bellica.

Commodi
tas.

Mores.

Ducatus
SlesvicensisImperium
Magnum

Oppida.

HÆc de Iutia septentrionali; sequitur *Meridionalis*, quæ veteribus, quod à reliqua Germania per Albim fluvium ad boream divulsâ sit, atque interclusa, *Nordalbingia* est dicta. Ea duos ducatus Slesvicensem & Holsatiam complectitur, de quibus ordine nobis est dicendum. Ducatus Slesvicensis à metropoli & per vetusto emporio Slesvico nomen habet. Olim hæc regio *Ducatus Iutiae* dicebatur, quem *VValdemarus Abelis* regis Daniae pronepos primus in feudum accepit ab *Erico* rege circa annum 1280. Extinctâ autem regum ac ducum stirpe masculâ, & ducatu Slesvicensi cum regno in unum redintegrato ac consolidato, *Margarita* trium regnorum regina Ducatum Slesvicensem permisit *Gerardo* comiti Holsatiae, hac cōditione, ut à rege Daniae collatum beneficium recognoscere. Cæterum civitates Ducatui Slesvicensi subiectæ quia iisdem cum Danis gaudent privilegiis, eodem quoque jure cum iis utuntur. Subditi à sententiis Magistratuum cujuscunque loci ad principes ac eorum Senatores possunt provocare & non ultra, ut privilegiis cautum est. Generalis autem gubernatio horum Ducatum regi Daniae ac duci Holsatiae incumbit, & per vires ab uno ad alium transfertur. Proinde cum ad Regem devolvitur, regiae suae majestatis nomine pervicarium regis administratur. Præcipuum hujus Ducatus oppidum *Slesvicum* vulgo *Schlesvick*, Germanicæ originis nuncupationem habet, ob situm, quem ad Sliam, in maris Balthici sinu obtinet. *VVick* enim & oppidum, & incurvum maris recessum, sive sinum; & vicum etiam prisca Saxonibus sonat. Quemadmodum *Becanus*, in

suis Gotodanicis observavit. *Crantzius* & qui Saxonum conscribere historias, aliam Slesvico appellationem attribuant, quam etiamnum apud Danos & Frisios usus retinere videtur. Hi enim suâ linguâ hoc oppidum *Heidebui* vel *Heideba* nuncupant, eo quod à quadam Daniae regina, cui *Hetha* nomen, dicant primitus esse conditum. Est autem peroportuno ad negotiationem situ, portum habens ad exercenda commercia commodissimum. Non procul ab hoc oppido *Gotorpia* arx sita est. Telonium hic celebre. ubi compertum, fertilibus annis ex Dania 50000 boum in Germaniam abacta vectigal solvisse. Est in hoc ducatu *Flensburgum* oppidum celebre; hoc inter montes excelsos littori maris orientalis adjacet, in quod ejus portus se extendit, tanta commoditate, profunditate & securitate, ut singuli fere cives ex domibus suis naves mercibus implere, & easdem rursus exonerare possint. Sunt & *Husenum*, *Haderslebia*. Habet unum hic Ducatus Episcopatum Slesvicensem: capitula duo, monasteria tria: castra tam principum, quam nobilium varia. Ordo autem Senatorum, cujus jam aliquoties facta mentio, plerumque constat numero XXIII personarum equestris ordinis, quibus adhibetur generalis Cancellarius, nec non nomine uniuscujusque principis duo juris doctores.

Senatores.

Holsatia Ducatus.

Holsatiam à silvarum saltuumque frequentia, quibus *Holsatia*. commune cum lignis nomen in lingua indigena est, (nam & silvam & lignum promiscuè *Holt* Cimbri ac Germani inferiores dicunt) nomē obtinere arbitratur.

Est



Soli quar-
tas.Animarum
varietas.Imperium
majus.

Est enim regio silvis saltibusque frequentissima. Nec desunt, qui à cavo lapide etymon vocis advocent, quod duces Holsatiæ, comites à cavo lapide prius dicti sint. Terminos habet ab ortu Bilenam fluvium; ab occasu Storam, ab austro Albim: à septentrione verò Eideram. Regio ipsa nemorosa ac saltibus occupata, unde lignorum affatim, ut plus illis lignorum pereat, quam Frisus suppetere possit, cum nihilominus focos largissime intruant ipsi. Verum cum silvarum apud eos finis non sit, quercus tamen vix gignit robustas, sed fagus plena omnia, quarum fructu porci saginantur, majori quàm dici queat numero. Ager plerumque singulis trienniis, mutatis vicibus, piscationem uberem, ac frugum divitem præbet messem. Tribus enim annis colitur, seritur, metiturque arvom, tribus deinde annis stagna admittuntur, ut pisces depascantur gramina ac pinguis quædam adducatur materies agrum fertilem reddens. Vineta non fert, nec oliveta hic locus. Ferarum frequens est venatio: equorumque magnum hæc regio producit numerum. *Holsatia* divisa est in partes quatuor, in *Dithmarsiam*, *Holsatiam*, *Stormariam*, & *Vvagriam*. Hæ fuerunt olim Comitatus, & postea à *Frederico* imperatore III, *Christierno* I. id petente, erecti sunt in Ducatum, qui jam sacro Romano Imperio 40 equites ac 80 pedites alere tenetur. *Dithmarsia* autem primò in libertate constituta fuerat per aliquot centum annos, quæ etsi à *Frederico* Imperatore, *Christierno* I in feudum concessa, tamen eo tempore nondum subacta fuit. Filii quidem ipsius rex *Ioannes* & dux *Fredericus* anno Domini 1500, expeditionem in illam susceperunt, sed istorum exercitu fuso libertatem suam *Dithmarsii* defenderunt, donec tantem à nepotibus *Christierni* I, duce *Ioanne* &

Adolpho, ac *Friderico* II rege Daniæ sunt victi ac superati anno Domini 1559. In Holsatia urbes hæ, *Segeberga* in *Wagria* Holsatiæ regione, quarto à Lubeca milliari. *Itzohoa* situ locique natura, navigationeque præstans oppidum, *Stora* cingitur piscoso & navigabili flumine, quod in intima Holsatia ortum aliquot oppida & nobilem illam *Ranzovianam* domum *Bredenbergam* alluit, posteaque se in Albim exonerat. *Chilonium* vulgo *Kile* vetus est oppidum, portumque habet capacem, in quem ex Germania, Livonia, Dania, & Suecia magno Holsatiorum quæstu merces deferuntur. Sunt in eodem Holsatiæ tractu *Crempa* & *Reinholdsburgum*: illi nomen est à fluvio præterlabente, huic à conditore. Sunt & *Meldorpiæ*, *Heimnicksæ* & *Tellincksæ* in *Dithmarsia*, & *Stormariæ* metropolis *Hamburgum* emporiû nobile ad Albim, quod post multas calamitates bellicas à *Carolo* restauratû est, & tempore *Henrici* IV Imperatoris muris cingi, portisque tribus, & turribus duodecim ornari cœpit. In hac urbe vixit sepultusque est *Albertus Crantzius*, historicus neque indifertus, neque mendax. Paludibus frequens regio, inprimis vero *Dithmarsia*, quæ paludum beneficio innixa semper obsequium Daniæ regum respuit, superioribus annis jugum admittere coacta. Fluviorum qui hanc regionem irrigant, nominatissimus est *Egidora* vel *Eidera*; sunt & alii, quorum plerique rivuli potius quam justii fluvii dicendi. Cæterum mare Balthicum, qua parte Holsatiam & Slesvicum Ducatus alluit, certos habet & jucundos sinus: isthmus Græci nuncupant: in quos magno accolarum commodo erumpit, & tutos negotiatoribus navibusque marinis fluctibus defatigatis præbet recessus. Piscatum etiam uberem & maximè salmonum alicubi subministrat. Regio plana est, quæ raris ex-
sollicitur

Urbes.

Lacus.

Flumina.

Maris
commo-
ditates.Soli quar-
tas.

Silva. tollitur montibus, & quem inter duos præcipuum exhibet, is minimè rarus, situ est per jucundo, & belli togæq; ornamentis quibus à nobilissimo viro *Henrico Rantzovio* decoratur, admodum celebris, inter Lubecam & Hamburgum urbes nobiles. Arcem tam antiquitate, quam primo conditore illustrem sibi impositam, & ad radices oppidum adjunctum habet. Silvæ hîc frequentes, quibus penè tota implicita ac referta, in primis Dithmaria. In his *Borchholt*, *Burgholt*, *Alverdorpenholt*, *Resenvalde*, ac complures aliæ. Habuerunt autem Holsati 48 viros totius terræ Præsides, ad hos ex singulis parochiis appellatio devolvebatur. Hi judicium exercebant. Subactis autem illis cum jam divisi sint in duas partes, in singulis præcipui eliguntur ex incolis ejus terræ viri xii unâ cum præfecto, qui plerumque est doctior sive licentiatius juris. Hi omnes honesta habent salaria à Principibus, additurque illis scriba, nec non inspector sive præses ex nobilitate Holsatica. Horum alter ex parte regiâ plerumque est Præfectus Steinburgensis, alter verò ex parte Ducis, est Præfectus Gottorpiensis. Subditis tamen libera conceditur appellatio ad Principes & Senatores utriusque Ducatus, tam Slesvicensis, quam Holsatensis, sed non ulterius. Habuerunt antea jus scriptum, quod paullulum jam mutatum est, & secundum jus commune reformatum, compilatumque ab *Henrico Rantzovio* Vicario Regio, *Sigefrido Rantzovio*, domino quondam in Nienhuis, *D. Adamo Trazigero* & *D. Erasmo Kirsemio*, secundum quod jus omnes causæ deciduntur & pœnæ delictorum irrogantur.

Leges & Instituta.

Holsatia habet quatuor ordines, nobilium, ecclesiasticorum, civium & rusticorum, quorum duo sunt genera. Aliqui enim possident bona propria, hæreditaria ac libera. Alii verò bona conductitia censui aliisque

exactionibus & servitiis obnoxia. Nobiles habent arces ac prædia sua cum pleno dominio majore ac minore, cum venationibus, piscationibus & aucupis, quæ maxima ex parte sunt allodialia & hæreditaria. Nonnulla sunt feudalia tam masculina, quam fœminina. Familias non habet ultra 24, quarum nomina in Holsatica chorographia recensentur, ex qua excerpti possunt, sed in singulis multi ex eadem stirpe progeniti existunt, ut *Rantzoviorum* ferè hoc tempore sunt centum & quinquaginta castra, ac varias possessiones obtinent. Inveniuntur etiam *Alesfeldiorum* & *Povvischiorum* ferè totidem. Habet Holsatia Episcopatum unum, videlicet *Lubecensem*. Hamburgensis enim Episcopatus Bremensi subiectus est. Nobilium lites dijudicantur à Senatu Ducatuum, judicio præsidentibus plerumq; Principibus, ut privilegiis ipsorum cautum est. Ab ordine Senatorio interpositâ idoneâ cautione appellare licet ad Camerâ Imperiâlê. Cives gaudent propriis privilegiis ac utuntur jure Romano sive etiam Lubecensi. Subditi à sententiis quas Senatus civitatum tulit, appellare possunt ad quatuor civitates judicio peculiari exercendo destinatas. Ab his permittitur ipsis appellatio ad Principes & Senatores Holsatiæ, ac ulterius etiam ad judicium Cameræ Imperialis, ita tamen ut cautio idonea præcedat. Rusticorum causæ ventilantur per eorum causidicos sub dio in patentibus campis. Ad suntque ejusdem loci viri nobiles unâ cum Præfectis ac duobus assessoribus, veluti testibus. Ibi in medium prodeunt, qui contra alios litem se habere existimant, auditisque & cognitis partis utriusque actionibus defensionibusque, conventus universus rusticorum è consilio exire jubetur. Expensis ibi diligenter controversis in consensum redeunt, vocatisque litigatoribus de jure pronuntiant.

Familia nobilitas.

Fioniam cum circumjacentibus Insulis continens.

Fionia.

HÆc promethodi ratione de Ducatu Slesvicensi & Holfatia sint fatis: succedit *Fionia* cum insulis circumjacentibus. *Fionia* vulgo *Fuynen*, primum locum inter cæteras in sinu Codano insulas à Zelandia tenet. Nomen habet à pulchritudine. Est enim tam formæ quam situs amœnitate conspicua. Tam modico autem interfluente freto, *Middelfar Sund* dicto, à continente Iutiæ avulsa est, ut cohæsisse videatur. Hæc sicut ab occasu Iutiam, ita ab ortu Zelandiam prospectat, ac medium Daniæ locum obtinere putatur; ab extimæ remotionis limite pari spatiorum intercapedine disparata. Habet in longitudine milliaria duodecim: & in latitudine quatuor. Terra (ut Mare piscosissimum taceam) est uberi glebâ & colono admodum grata. Copioso enim frumentorum proventu ita abundat, ut ad remotissimas regiones, ea quotannis passim emittat, præsertim siliginem & hordeum. Ac cum ager iste multis dotibus, & cerealibus bonis adeò sit fœcundus, nunquam tamen stercoretur. Unde ante civitates multum fœtoris esse ob abjectos pecorum fimos, qui ibi nulli usui sunt, scribit *Münsterus*. Tot etiam regio hæc boum armentis abundat, tam fœcunda vaccarum atque equorum mater ac nutrix est, ut numerosos boum & equorum greges Germanis annuatim suppeditet. Nec desunt, ob multas per totam insulam silvas, cervorum, capreolorum, leporum atque vulpium venationes. In ejus quasi medietullo metropolis est *Ottonia*, vel *Ottonium*, vulgo *Ottensche*, urbs Episcopalis ab *Ottone primo*, multorum testimoniiis ædificata, circa ea tempora, quando *Heraldum* regem ad fidem Christianam suscipiendam impulisset. Urbs hæc emporium

So's fertilitas.

Animalium varietas.

Vites.

est insulæ non vulgare, in quo circa festum Epiphaniæ insulanorum ac præcipuè nobilium frequens conventus, sicut Kilonii in Holfatia, celebrari solet. Discreta est autem *Fionia* in præfecturas viginti quatuor, civitates sexdecim & arces regias sex. Reliquæ autem civitates circum *Ottoniam* veluti centrum æquali propè distantia, in maris littore ita sunt conditæ, ut portuum, situsque oportunitate, negotiationes suas, non solum in mari Balthico, verumetiam per Sueciam, Norrvegiam, Russiam, Belgium atque Germaniam longè latèque exercere soleant. Inter eas sunt *Niburch*, *Stenburch*, *Faborch*, *Affens*, *Bogens*, *Middelfart*, *Kettemynde*. Arces regię præcipuæ *Neuburgum*, *Hagenschovv*, *Hinsgagel*, *Escheburg*, & curia *Rugard*. Pagi hinc complures, & nobilium prædia non pauca. Est enim hæc insula ob cœli amœnitatem, & jugera fructuosa, nobilibus viris gratissima. Mare incredibilem piscium fœturam & copiam subministrat: ac sinus omnis tantâ piscium frequentia repleri consuevit, ut interdum impacta navigia vix remigii conamen eripiat; nec jam præda artis instrumeto, sed simplici manus officio capiatur. Qui littora inhabitant, præter agriculturam, piscationibus etiam incumbunt, unde non contemnenda rei domesticæ compendia sibi comparant. Sunt etiam quædam in hac insula loca, bellicis præliis nostrâ memoriâ nobilitata. Est enim mons quidam *Offenberg* non procul ab arce *Hagenschovv*, in quo regis *Christiani tertii* auspicio *Ioannes Rantzovius* eques auratus dux belli, ingenti prælio devicit *Christophorum* comitem Oldenburgensem, anno Christi M D XXX, die XI Junii: quo in conflictu duo comites, alter *Hagensis*, alter *Teklenburgensis*.

Maris commoditas.

Montes.



quoque nomina, iis locis in usu sunt *Alsen*, *Arr*, *Moen*. Oppidum in *Alsen* sive *Elisia* est *Snyderburgum*, & ejusdem nominis castrum, cum aliis *Norborch*, *Osterholm*, *die Holle*, *Gammelgard*. Parœcias habet populosas decem & tres, unde aliquot armatorum millia subito dare potest. *Silva*. Saluosa est, quare cervorum & varii generis ferarum venationem præbet. Quemadmodum & marinos dulciumque aquarum pisces, atque filiginem. Et quia passim compascua, rei pecuariae fovendæ idonea. *Tosinga* sive *Tosinga*, inter multas alias insulas, prope oppidum *Fionia* sive *Svinburgum*, præcipua, milliare in longitudine habens, in qua præter aliquot parœcias, curia est *Kettrop*, ad *Rosenkransjos* & *Rantzovios* spectans. *Aroe*, in aditu *Slesvicensis* Ducatus sita, ubi in *Fioniam* per *Arsensem* sive *Ortensem* sinum, ad oppidum *Ascens*, trajicitur. Quatuor est distinctis habitata pagis. Sunt & insulæ *Romsø*, *Endelo*, *Ebelo*, *Femmo*, *Boko*, *Brando*, *Toroc*, *Aggermis*, *Hellenis*, *Tordo*, *Birckholm*, &c. Hæc de *Fionia* insulisque circumjacentibus dicta sufficient. Quibus hoc loco potius quam nusquam descriptionem insulæ *Huena* in celebri porthmo Regni *Daniæ* quem vulgò *Oresund* vocant, sitæ, coronidis quasi loco libet adjicere: in qua arx *Vraniburgum* dicta, quamplurimis, variâ exactâque ratione, elaboratis machinis Astronomicis referta, fundatore celeberrimo Astronomo, viro nobili *D. Tychone Braheo*. Hujus insulæ medium ubi arx ipsa consistit, elevatione Poli quinquaginta quinque graduum, & 55 minutorum obtinet, & ab occasu removetur partibus 37 ferè. Habet autem in circuitu 8160 passus majores, quorum quilibet 5 pedum assumitur, unde duo quasi milliaria Germanica mediocria in ambitu adæquat. Quæ, cum in ce-

leberrimo totius Regni freto, per quod quamplurimæ naves ab orientali in occidentale mare, & vice versa jucundo prospectu transeunt, constituatur, quædam etiâ hujus Regni præcipua oppida in propinquo circuitu prospicit. In *Zelandia* *Hafniam* versus libonotum tribus milliariibus distantem, *Helsingoræ*, ubi naves prætereuntes solvunt vectigalia, & arcem *Croneburgum* versus circium duobus milliariibus. Totidem etiâ *Helsingburgum* in septentrionem, idque in *Scaniæ* littore distat, in quo etiam *Landiskronia*, unico saltem milliari distita. Versus eorum patet *Lunda*, quæ licet maritima non sit, tamen hinc spectatur versus mesurum distantia 4 milliarium. *Malmogia* verò hypophœnicè respicit, remota milliariibus quin. Licet vero non admodum magna sit, nulla tamen ejus pars ociosa & sterilis existit, estque ferax frugum, & jumentis abundat; alit damas, lepores, cuniculos & perdices magna copia, ac piscaturæ apprimè oportuna est. Silvulam habet ex corylis, ubi nulla nucum vermiculis unquam infecta visa est, ut neque glires hæc terra patitur. Olim quatuor arcibus insignis erat, quarum nomina adhuc recensentur: *Snyderburga*, quæ versus meridionale littus sita erat, quemadmodum *Norburga* oppositas partes circa boream obtinebat. *Karbecidia* verò ortum hyemalem, veluti *Hamera* æstivum respiciebat. Harum quatuor arcium fundamenta adhuc conspiciuntur, sed rudera nulla sunt residua. Licet verò insula hæc admodum altè inter marinam falsedinem exsurgat, rivulos tamen & fontes aquæ dulcis non paucos habet. Estque inter alios fons, qui nulla unquam hiberni frigoris vehementiâ congelatur, quod alias in his Regionibus est rarissimum.

Soli ferti-
litat.Animalium var-
ietas.

burgensis interempti sunt, quorum cadauera postea loco pugnae effossa, Ottonium delata, & in templo *Canuti* sunt sepulta. Circà idem etiam tempus in monte Fauscheburg, qui 1 milliariis intervallo distat ab oppido Ascens, aliquot rusticorum millia caesa sunt atque profligata. Multis praeterea silvis ornatur haec insula, in quibus ferarum magna copia. In urbe Ottonio duo sunt templa insignia, unum *Canuto*, alterum *Francisco* consecratum. In hoc *Ioannes* rex anno Christi M D XIII & filius ejus *Christiernus*, cum in exilio & captivitate annos XXXVII consumpissent, anno M D LIX sepulti sunt: circa illud, forum est valde amplum & spaciosum, in quo rex Daniae cum ducibus Holsatiae & Slesvici antiquum foedus anno M D LXXX renovavit. Ferunt etiam Ottonii matrem regis *Christiani secundi*, mirabile & artificiosissimum opus, ingeniosam sculpturam in ligno formatum, super altare quoddam apud minoritas collocasse, cujus simile in Europa non invenitur. Ex hac insula, ab oppido Ascens, in Iutiam duo sunt milliaria. Ex Niburgo in Zelandiam quatuor milliarium per mare Balthicum trajectus, alioqui admodum periculosus, praesertim mari procellis exagitato. Nam cum Orientalis pelagi unda, ex tot fluminibus jugiter illabentibus aucta, inter tam multas insulas exitum quaerens, in modum torrentis, velocissimo cursu protrudatur, facile contingit, ut ventis à diversa parte obluantibus, fluctus in imensum attollatur, nautaeque undarum ambiguis vorticibus, periculosè implicantur, unde multi in hoc trajectu absorpti feruntur. Atque haec de *Fionia*, nunc ad alias insulas transeamus. Sub *Fionia* continentur insulae nonaginta ad meridiem sitae, pleraeque habitabiles, quarum illustriores contra Vandalicas civitates objectae haec sunt: *Langelandia*, *Lavrlandia*, *Falstria*,

Aria, *Alsa*, *Tosinga*, *Aroe*. *Langelandia* vulgò *Langeland*, *Langelandia* milliaria septem Germanica in longitudine habet. In hac oppidum est *Rudkopinga* dictum, & *Tranekera* arx regia, suntque in ea complures pagi, parociae & procerum aedes. *Lavrlandia*, freto *Gronesund* à Zelandia, & exiguo *Lavrlandia* maris trajectu à Falstria separata. Haec frumenti & avelanarum nukum est adeò ferax, ut naves eis onustae plures in provincias deferantur. Oppida habet quinque, quae sunt *Nistadt*, *Nasco*, *Togrop*, *Rotbus* & *Maribus*; praeterea arces aliquot regias, procerum aedes, parocias & pagos multos. *Falstria*, longa est quatuor milliaria Germanica, ac civitates habet *Stubecopen* & *Nicopen*, quae Daniae Neapolis ob amoenitatem, ac praestantiam dicitur. Ex hac insula juxta Regis praedium, frequens in Germaniam trajectus, qui septem est milliariu ad Warnemundam. Plurimum frumenti annuo proventu vicinis locis suppeditat. *Aria* sesquimillari ab Elisia distans, silvis con-
Aria vestita, ac proinde gratos venatoribus praebet recessus: tres habet parocias & aliquot nobilium curias, cum oppido & arce *Koping*. Cum Elisia, ad Ducatum Slesvicensem spectat, Ducique paret. *Elisia* sive *Alsa*, vulgò *Elisia*. *Alsen*, mediocris magnitudinis insula: nam quatuor milliaria in longitudinem, duo in latitudinem patens, non magno intervallo à Ducatu Slesvicensi separata, marium recessum, ac sinum Flensburgensem, dicitur *Flensburger VVick*, respiciens, à primis Anglorum sedibus eodem sinu determinatur. Monet nos *Rantzovianum Museum*, Romanos, insulares hosce *Elisios* nuncupasse. Quae admodum & eos, qui proximam colunt insulam, *Arios*. Quam eandem hoc tempore appellationem retinent. *Prolemæus* perhibet, *Anglos* antiquissimos esse terrarum septentrionis ad Oceanum incolae. Quibus Tacitus conjungit *Elisios*, *Arios* & *Monimos*. Quorum jam quoque

Silva.

Opera publica.

Regio.

BORUSSIAM ultimæ Germaniæ oram à Borussis populis nomen obtinere, *Erasmus Stella* author est. Hi, teste *Ptolemæo*, ad Riphæos montes, ubi in septentrionem fusius excurrunt, nec longè quâ Tanais ex eis erumpit, confederunt: & sedium suarum pertasi, validâ manu, se in hæc loca effudere, & à suo nomine Borussiam totam regionem dixere, quæ nunc unâ literâ extrita & altera mollius expressa, *Prussia* dicitur. Borussia à Vistula amne, quem ad occidentem terminum habet, incipiens, sinumque maris Balthici qui septentrionale ejus latus ambit, percurrrens, ad ortum *Alanos* habet, ad meridiem *Hamaxobios*. Aëre fruitur amœno, sed frigidiore. Regio omnis est fecundissima, & finitimis provinciis longe beatior: ager frumenti feracissimus, quod Polonicū & Lithuanicum bonitate excellit. Abundat melle & apibus æque ut ceteræ regiones septentrionales. Est in ea quoque pecorum ingens vis, multa ac copiosa venatio. Ingentes enim vastæque silvæ multa ferarum genera alunt. Quæ præter ursos, apros, cervos, quibus abundant; proferunt uros excellenti vi & velocitate, vulgo *Bubalos* vocant. Gignunt & bizontes jubatos, è boum silvestrium genere. Equos etiam silvestres, quorum carne incolæ vescuntur. Gignūt & alces quos vulgo *Elandes* vocant: ac istides vulgo martes. Usque ad tempora *Friderici II* Imperatoris plerique borussi idololatræ fuerunt, quo imperante anno MCCXV crucigeri ordinis teutonici eos, vicere, religionemque christianam docuere. Postea provinciæ & civitates Borussię anno MCCCCIX crucigerorum moti avaritiâ & ferociâ, ad *Casimirum* Poloniæ regem defecerunt. Post annos triginta octo repetita defectione *Marieburgum* cum aliis castellis & urbibus regi

Culm.


Solva.

Animatum
varietas.Imperium
majorem.

vendiderunt 476000 florenis. Quam autem *Maria* ni obedientiam Regi recusarent, tamdiu utrumque vario Marte dimicatum est, donec universus tractus *Alberto* Brandeburgico ultimo crucigerorum magistro cessit, qui etiam Cracoviæ à *Sigismundo* Poloniæ rege princeps secularis & eques auratus factus est. Divisam autem fuisse Borussiam tradunt in duodecim Ducatus à *Veneduso* principe, quorum nomina hæc: *Sudavia, Sambia, Natangia, Nadrovia, Slavonia, Bartonia, Galinda, VVarmia, Hogerlandia, Culmigeria, Pomesania & Michloviz.* *Sudavia*, prorsus à crucigeris ita vastata est, ut ex nobili Ducatu hodie vix septem pagi, & quidem viles, in Luptaviensi territorio supersint. In *Sambia* sunt civitates plures, *Lebenicht*, exstructa an. MCCLVI: *Kneiback* an. MCCCXXX: *Regius Mons* MCCLX. *Fischusia* anno MCCLXIX: *Lechset* an. MCCLXXXIX. *Mulmelburgia* an. MCCLXXIX. In *Natangia*, civitates sunt *Valdonia, Girania, Centia, Creneburga, Heiligenbeil, Fridlandia, Schippenbeilia, Brandenburga.* In *Nadrovia* vix aliquot casæ & tuguriola supersunt: cetera vastata sunt. In *Slavonia* sūt *Ragneta, Tilsa, Renū, Liccovia, Salavia, Labia, Tapia, Vintburgia, Christaderder, Baytia, Cestia, Norbeitia, Vensdorf, Angenburgia & Dringofordia.* In *Bartonia* sunt *Nordenburga, Iobansburga, Iurgburga, Inseburga, Richtenerder, Bartonia & Rhenum.* In *Galindia* sunt *Orteleburgum, Raftenburgum, Neyburgum, Passenhumia, Dreschloviz, Lucia & Luzenburgia.* In *VVarmia* sunt *Ressel, Streburg, Bischoffstein, VVartenburg, Allensteyn, Melsatia, Helfbergia, VVermeditum & Gustadia.* In *Hogelandia* sunt *Brandenburgum, Tolkiemit, Munhusia, Scorpovia* & omnium maxima *Elbinga*, in littore maris exstructa, splendidis civium opibus & mercatorum frequentia celebris. In *Culmigeria* sunt, *Torunia* nobile emporiū exstructum ad

Urbium
nomina.

Vistu-



Vistulam anno MCCXXXV: patria magni illius N. *Copernici*. Culmina, *VVentslavia*, *Aldusia*, *Gaudentz*, *Gugeloburga*, *Schonsa*, *Stesburga*, *Bartoniz*, *Neumarckt*, *Rogesia*, *Papania*, *Fridech*, *Lipno*, *Lesna*, *Golba*, *Luben*, *Reden*, *Bergelavia*, *Lantergurgia*. In *Pomesania* est *Marienburgum*, civitas ampla, exstructa anno MCCCCII: *Menticha*, *Stum*, *Christburga*, *Prësmarc*, *Salfold*, *Merinec*, *Holand*, *Luhstidia*, *Osterroda*, *Rosenburga*, *Marienvverder*, *Garnesia*, *Eulonia Germanica*, *Lebmulia*, *Hohenstein*, *Schonerberga*, *Culenburga*, *Neunburga*, *Salavia*. In *Milchlovia* omnia destructa & vastata sunt, præter unam *Strasburgam*. Regio omnis importationibus exportationibusq; variarum mercium apta, propter frequentiam fluminum, sinuum, portuum. Fluvii præcipui sunt, *Vistula*, *Nemeni*, *Cronon*, *Nogat*, *Elbinga*, *Vusera*, *Passaria*, *Alla*, *Pregol*, *Ossa*, *Vrebnicz*, *Lica* & *Lavia*. In quibus, ut & in lacubus, dives piscatio. Mare etiam incredibilem piscium fœturam & copiam subministrat. Porro in littoribus *Borussiae* ad *Mare Balticum*, *Succinum* colligitur, quod incolæ vocant *Barnstein* ab urêdo, & *Augstein*, quod oculis proficit: græci electrum vocarunt, quoniam Sol vocitatus sit elector, respicientes nimirum ad fabulam *Phaëthontis*. *Servius* in octavam *Æneida* dicit tria esse electri genera, unum ex arboribus quod succinum dicitur; aliud quod in terra invenitur: tertium quod fit de tribus partibus auri & una argenti. Latini succino dederunt nomen à succo, quod & *Solinus* indicat. *Plinius* scribit à Germanis appellari glessum à vitro, cui non dissimile est, quum utrumque sit pellucidum. Arque inde *Glessaria* ipsa regio à Romanis dicta. Ejus genera plura sunt. Candidi odor est præstantissimus; pretium initio vilius; sequuntur fulva & cerea. Fulvis major auctori-

tas & quidem translucentibus modico fulgore: imaginem enim igneam, nō ignem inesse placet. Sunt in quibus decocti mellis lenitas probetur, quæ etiam ex eo mellea vocantur. Vis succini ususque in multis. Attritu calefactum paleas & folia arida attrahit, ut magnes ferum. Habet & *Borussia* silvas cæduas, unde vis ingens lignorum, & ad navalem usum, & ad domesticum convehitur; teretumq; arborum ad malos navium accommoda, quæ inde in remotissimas oras deferuntur: habent & silvæ præter id suas divitias, unde quasi sponte compendium non mediocriter incolis provenit: apum scilicet, de quibus supra diximus, & ferarum. Dividitur hac nostra ætate in regiam & ducalem. *Polonia* rex, utramq; *Vistula* ripam, usque ad illius ostia hoc tempore immediatè possidet. Insula quoque *Vistula* & *Nogato* conclusa, & omnia ad recentem sinum oppida & arces *Elbinga*, *Tolkenit*, *Fravvenberga* & *Brunsberga*, usq; ad *Passaria* ostium: & tota *VVarmiensis* diocesis ditio, ad meridiem ampla, & oppidis agrisq; cultissima, vesicæ instar media in ducali *Borussia* pendens, in regis solius sunt potestate. Etsi autem hæc *Borussia* regi immediatè subiecta, eodem cum *Polonis* regno continetur: tamen peculiare Consilium publicum, leges, judicia, (à quibus tamen ad Regem provocatio est) ærarii & belli gerendi rationem habet. Consilarii hujus *Borussiae* quatuordecim sunt. Duo Episcopi, *VVarmiensis* qui sedem suam habet in *Braunsburg*, & *Culmensis*. Tres Palatini, *Culmensis*, *Mariaburgensis* & *Pomeranicus*. Tres Castellani, *Culmensis*, *Elbingensis* & *Gedanensis*, *Dantzick* vulgo; totidemq; *Succamerarii*, & tres primariæ civitates, *Torunia*, *Elbinga*, *Dantiscum*. Hi bis quotannis ad deliberationes & judicia conve-

Flumina.

Maris commoditates

Silva.

Ratio gubernandi.

Senatores.

Leges &
instituta.

conveniunt, mense maio Marieburgi *Margenburg*: ad Michælis, Graudeti. Capitanei, seu præfecti arcium & redituum regionum octodecim sunt: *Marieburgicus*, & in Palatinatu, *Stuma*, *Gneve*, *Meye*, *Stargardia*. In Pomeranico *Slochovia* supra *Tucholâ* juxta *Broflu*. *Sueza*, *Tuchola*, *Derniafe*, & *Pufci* in Culmensi, *Brodnica*, *Graudenti*, *Radina*, *Reden* forte, nisi sit & *Raden*, *Colba*, *Rogosna*, *Rogenhausen*, & alii tres. Ducalis autem Borussia olim fratrum crucigerorum teutonici ordinis propria, sub *Alberto* Brandenburgico ordinis magistro in hæreditarium Ducatum conversa, & ab imperio Germanico avulsa, in Poloniae regis fidem & clientelam anno MDXXV concessit. Ejus princeps primum ac proximum regi locum, in Consiliis, Comitibus & aliis Conventibus apud regem Poloniae tenet. Si lites inter regem & ducem exoriantur, à consiliariis regis juramento novo ad justè judicandum obligatis, Marieburgi aut Elbingæ dirimuntur. Nobiles autem seu alii contra ducem actionem habentes, coram ducis a fallis à duce ad judicium deputatis, eam instituunt, à quibus provocatio ad consiliarios regis & ducis Marieburgi constitutos libera permittitur. Cæterum unusquisque in judicium ubi bona sita sunt vel domicilium reus habet, vocari debet; nec ad extranea judicia trahi, aut à recto detineri potest. Judicium aulicum quinque originarii nobiles & tres jurisconsulti administrant. Judices in provinciis ita constituuntur, ut ex tribus à qualibet provincia nominatis, princeps unus eligat: qui secundum jus Culmenfe & constitutiones provinciae judicet. Si contra privilegia, libertates, jura, aut consuetudines princeps faciat, nec ad preces subditorum factum suum emendet; liberum est Ordinibus provinciae absque ulla rebellionis aut se-

ditionis culpâ ad regie majestatis Poloniæ patrociniū confugere, & vi pactorum inter regem & ducem initiorum, defensionem suorum privilegiorum ab eo postulare. Sunt etiam in ducatu Borussiae duo Episcopi. *Sambienfis* qui Regiomonte, vulgo *Koningssperg*, & *Pomesanienfis* qui in Marienvverder sedet, quibus jurisdictio ecclesiastica integra & non impedita. De religione & ritibus veterum Borussorum mira narrat *Meletius* epistolâ 10 ad *Georgium Sabinum*. Coluerunt Dæmonia pro diis, atque etiam nunc multis in locis occultè colunt. Immunda quæque animalia, ut serpentes, colubros perinde ac deorum famulos nuntiosque religiosè venerati sunt, quos intra domos nutriebant, iisque ut diis penatibus litabant. Deos in silvis ac lucis habitare dixerunt; illis, victimis ibidem ut placarentur, immolandum esse: ab his solem pluviasque expetendas. Feras omnes, alcem præcipuè, has silvas incolentes, ut Deorum servos venerandas esse senserunt, ideoque ab eis abstinendum. Solem & Lunam deos omnium primos crediderunt. Tonitrua ac fulmina ex consensu gentium adorabant, tempestates avertendas citandasque precationibus dixerunt. Hirco in sacrificiis usi sunt, ob fecundam animalis istius naturam. Præcellentes arbores, ut robora, quercus, deos inhabitare dixerunt. Quare nec ejusmodi arbores cædebant, sed religiosè ut numinum domos colebant. In eo numero & sambucum & plerasque alias habuere. Barbari & literarum rudes olim fuere, adeo ut nec credibile putarent, si quis diceret homines inter se posse aperire quæ sentiant & velint beneficio literarum. Sed de his satis, plura qui volet petat ex *Erasmi Stellæ* de Borussia antiquitatibus libro secundo.

Montes.

Regio.

BORUSSIAM in nostra methodo sequitur *Livonia*, sive *Levonja*, vulgò *Liefland*, de cujus nominis ortu, nihil certi asleverare ausim; de eo autem sic scribit *Althamerus*. Fieri potuit, inquit, ut à Lemoviis progressi sint Livones, seu Livonii postremi Germanorum ad littus Venedicum, ad parallelum Scandinaviæ insulæ, quæ Gothlandia dicitur, habitantes, quos tamen ab *Eflu*is mallem derivare, vocabulo vulgari nonnihil suffragante, quo *Eyflender* vocantur. *Levonorum* etiam mentio est apud *Ptolemaum* lib. II. cap. XI. Et paullo post ubi de *Æstii*s sermo fit, inquit corruptam *Taciti* lectionem restituisse *Beatum Rhenanum*, qui reposuerit *Æstiorum* gentes. Apparet enim, inquit *Rhenanus*, in archetypo fuisse *Æstuorum* pro *Æstiorum*, ex quo alius fecerat *Estuorum*, nam *u* pro *i* veteres librarii ponebant. Si vero archetypus habuit (inquit *Althamerus*,) *Efluos*, ausim jurare *Eyflandios* ab illis nuncupatos, vocabulo paulum variato. Hi populi etiam *Sudini* dicuntur, & eorum regio *Sudina*, *Prussie* cohærens. *Lectunnos* quoque eodem reponere placet nonnullis, à quibus fieri potest, ut nomen derivatum sit. *Livonia* autem ad mare *Balthicum* sive sinum *Venedicum* porrecta est longitudine *cxxv. mill.* Germanicorū, latitudine *xl.* Eam cingunt *Borussia*, *Lithuania* & *Russia*, cætera *Livonicus* sinus lambit. Regio omnis plana, ac fertilissima est. Frumentum tantā copiā profert, ut in annonæ caritate vicinis quoque regionibus opem ferat. Abundat etiam lino optimo, ac armenta alit plurima. *Vrsos* præterea in silvis habet, *alces*, *vulpes*, *lynxes*, *martes*, *zebellos*, *hermelinos* & *castores*. *Lepores* pro anni tempestate colorem mutant, haud secus atq; apud

Situs.

Solum.

Anima-
lium va-
rietates.

Helvetios in *Alpibus*. Hyeme sunt albi, æstate cinericei. Estque ferarum tam frequens ubique venatio, ut ea ne rusticis quidem, licet crudeliter à nobilitate habitis, unquam sit interdicta. Brevi, *Livoniæ* nihil deest eorum quæ ad vitam humanam sustentandam necessaria sunt, excepto vino, oleo & quibusdam aliis quæ mitiori cælo subjectis terris concessa divinitus: quæ tamen ex aliis regionibus abundè advehuntur. *Livonia* ante annos *cccc* opera mercatorū *Bremensium*, & præcipuè militum *teutonici ordinis* ad fidem *Christi* adducta, cum multa periculosa tam externa quàm intestina bella & bellorum calamitates pertulisset, & vicinis suis regionibus & dynastis quodammodo prædæ esset, tandem an. *MDLIX.* sub *Gothardo Ketlero* ordinis *teutonici* ultimo magistro in fidem & clientelam à *Sigismundo Augusto* rege *Poloniæ* tanquam membrum regni & magni ducatus *Lithaniæ* accepta est. Cum autem die quinto Martii an. *LXII*, magister ordinis *Gothardus* in arce *Rigenfi* coram *Poloniæ* regis Commissario *Nicolao Radzivilio* palatino *Vilnensi* ordinem suum resignasset, & primùm crucem, deinde sigillum, postea literas & diplomata omnia, quæ ordo à Cæsaribus & Pontificibus acceperat: præterea claves arcis *Rigenfis* & portæ civitatis, officium *Commendatoris*, jus cudendæ monetæ, vectigal piscium & omnia alia sua, & ordinis sui jura *Poloniæ* regi cessisset ac tradidisset: statim factâ resignatione *Gothardus* à prædicto Palatino nomine regis majestatis, dux *Curlandiæ* & *Semigalliæ* publicè proclamatus est, eique è vestigio nobilitas *Curlandica* & *Semigallica* velut hæreditario Domino juramentum fidelitatis præstitit. Postridie etiam dux *Curlan-*

Imperium
majorem.



Curlandiæ, summus regiæ majestatis locum-tenens & gubernator Livoniæ in curia Rigenfi publicè renunciatus, & claves arcis & portæ civitatis recepit. Nobilitati vero & civibus omnia sua jura & privilegia restituta & confirmata sunt, prout in literis apud D. Davidem Chytreum videre licet. Dividitur autem Livonia in tres partes locis & linguis distinctas, videlicet in *Estiam*, *Letteam* & *Curlandiam*. *Estorum* provinciæ sunt *Harria*, cujus metropolis est *Revalia* aquilonem versus ad mare Balthicum sita, nihilò Rigâ inferior à *Voldemaro* condita & portu celebris. Cives jus habent Lubecense, monetamque cudunt quadrangularem. *Viria*, in qua *VVeisenburg*, *Tolsberg*, *Borcholm*, episcopi Revaliensis sedes; *Allantakia*, ubi *Nerva* ad fluvium ejusdem nominis, habetque ex adverso arcem Moscorum *Ivanovv Gorod* & *Nyschloz*. Fluvius hic Livoniam à Moschorum ditione dirimit, *Odenpoa*, in qua *Derpt*, sive *Topatum* urbs episcopalis & mediterranea, *VVernebec*, *Helmede*, & *Ringen*. *Iervia*, ubi *VVittenstein*, *Lais*, *Overpolen*, *Vellin*. *VVichia*, ubi *Abseel*, *Leal*, *Lode* & *Parnovia*. Estis adjacent insulæ *Oslia*, *Dageden*, *Mona*, *VVormse*, *VVrangen*, & *Kien*, & aliæ plures, in quibus partim *Esticâ*, partim *Suecicâ* linguâ utuntur. *Lettorum* urbes sunt, *Riga*, *Kokenbusen*, *VVenden*, *VVolmar*, & tota diœcesis Rigenfis. *Riga* primaria totius Livoniæ civitas est ad Duinam, quise in sinum Venedicum exonerat. Colonia hæc Bremensium est, muro fortissimo, propugnaculis, turribus, & bellicis tormentis contra omnem vim instructa, fossis insuper duplicibus & acutis stipitibus munita. Arcem habet instructissimam, in qua olim magistri Livoniæ (ordinis fratrum teutonicorum) sedem habuerunt: eam ante paucos annos *Gothardus Ketlerus* de quo supra, regis Poloniæ feudalisi nomine regio administravit; sed in civitatem ipsam ni-

hil usurpavit juris. Administratorem enim sive capitaneum aliquem cives libertatis assertores strenui non patiuntur, tributa solum regi Poloniæ & obedientiam fideliter præstant, in cæteris jus municipale habentes. Præterea forum hic est omnium ferè mercium septentrionalium, picis, lini, ceræ, cannabis, lignorum, aliarumque rerum istiusmodi. *Curlandiæ* oppida & arces sunt, *Goldingen*, *Canda*, *VVinda*, quæ Polonis dicitur *Kies*, nobis *VVenden*, celebris jam olim ob aulam magistri ordinis teutonici, in qua etiam comitia celebrari solita: nunc Polonicis prædiis obsesta est; *Durbin*, *Srunda*, *Grubin*, *Piltén*, *Amboten* & *Hasenpot*. *Semigallia*, *Mitavia*, sedes aulæ ducum Curlandiæ, *Seleborch*, *Bassenborch*, *Doblin* & *Dalem* urbes sunt. *Semigalliam* verò & *Curlandiam* à *Lettorum* populis & reliqua Livonia, fluvius *Duina* determinat. In Livonia permulti sunt lacus, insignior est *Beibis*, qui in longitudinem ad 45 milliaria italica porrigitur, atque vario piscium genere abundat. Fluvii sunt *Duina*, *VVinda* & *Beca* ac nonnulli alii. *Duna* sive *Duina* *Ptolemæi*, *Rubo* *Peucero*, ex Russia longissimo tractu per Lithuaniam & Livoniam manans duobus infra Rigam milliariibus in sinum Livonicum & Balthicum mare tandem infunditur. *VVinda* in Balthicum iridem mare exoneratur, non longè à cujus ostio maxima est maris profunditas, ac locus periculosissimus. *Beca*, incolis *Einbeck*, uno fertur alveo in oceanum; qui cum de præruptis scopulis præcipiti lapsu ruat, idem vicinioribus accidit, quod usu venire habitantibus ad Nili catartas accepimus (inquit *Leunclavius*) uti nimirum paullatim surdescant. Regio sine montibus, nemorosa, ac silvis in immensum densa. Atque hîc *Hercyniæ* ingentia brachia. Ad ostium *Duina* mari proximum, est *Dunamunda*, arx inexpugnabilis, duobus

Urbes.

Lacus.

Flumina.

Silva.

Opus
publica.

duobus à Riga milliaribus, præsidii Polonicis munita: ad quam omnes naves exteræ tributum pendunt. Est & medio intervallo *Blokaus*, præsidium regium, ad quod naves iterum excutuntur. Est & *Felinum* arx munitissima & civitas in Estlandiæ ducatu; quam stipendiarii milites Germani una cum ultimo Livoniæ magistro *Guilielmo Furstenbergo* memorabili & detestandâ perfidia, Moschorum duci prodiderunt. *Terrestum* etiam, quod alii *Taurum* vocant, arx quondam munitissima fuit: eam ante à Moschis captam, Lithuani duce *Nicolao Radzivilio* palatino Vilnensi cuniculis actis & supposito pulvere nitrato totam dissiparunt, anno MDLXI; & aliæ. Cæterum in Livonia permulti adhuc gentilium ritu vivunt, verâ Dei cognitione destituti, alii Solem adorant, alii lapidem; sunt etiam qui serpentes & dumeta. Mortuum aliquem terræ mandaturi, genialiter circum cadaver epulantur defunctumque invitant ad bibendum, cottabo etiam superinfuso. Postea deponunt in sepulchrum, adduntque ei securim, cibum, potum, & nummos aliquot pro viatico: inclamantque, abi in alium orbem, Teutonibus imperaturus, quemadmodum tibi tuisque imperarunt. Sub *Friderico* imperatore christianam fidem primum admiscere. Labori apud eos operam dare, vitio datur. Mulieres in regione natæ, magnam præ se ferunt pompam, alias aliunde adventantes contemptui habentes. Nolunt mulieres, sed dominæ appellari, ac nullo labore muliebri occupatæ, rhedis hyeme & navibus æstate circumvagantur. Genti potus est medo, cerevisia, & vinum, quo non nisi importato & exotico ditiores utuntur, videlicet rhenensi. Fœminæ pulchritudinem corporis dehonestant larva vestimentorum. Merces quæ ex Livonia in Germaniam aliasque

Ritus &
mores.

Vegetus.

regiones devehuntur, sunt cera, mel, cineres, pix arida & liquida, quam *Teer* vocamus, linum, variæ ferinæ pelles, & coria. Item illud frumenti genus, quod secale Latini, nos *rogge* appellamus, magna copiâ quotannis hinc ad nos adfertur. His autem de Livonia expositis, rem me lectoribus non ingratham facturum puto, si nonnulla de Lycaonibus qui hic frequentes esse feruntur, coronidis vice subjecero. Scriptores qui fide digni videri volunt, inter quos *Olaus Magnus*, homines quosdam in hoc tractu quotannis in lupos converti affirmant. Ejus autem verba non gravabor hic apponere, ut narrationis inauditæ novitate animos legentium nonnihil recreando tedium levem: ita autem scribit libro XVIII. cap. xlv. In Prussia, Livonia, atque Lithuania, quamvis luporum rapacitatem per totum pene annum incolæ haud exiguo cum damno experiantur, quia eorum pecora ingenti multitudine passim in silvis, dummodo exiguo intervallo à grege aberrant, dilanantur, ac consumuntur: tamen hoc dispendium non adeo magnum ab illis reputatur, quàm quod ab hominibus in lupos conversis sustinere coguntur. In festo enim nativitatæ Christi sub noctem, statuto in loco, quem inter se determinatum habent, tanta luporum ex hominibus diversis in locis habitantibus converforum copia congregatur, quæ postea eadem nocte mirâ ferociâ cum in genus humanum, tum in cetera animalia, quæ feram naturam non habent, sevit, ut majus detrimentum ab his, istius regionis inhabitatores, quam unquam à veris & naturalibus lupis accipiant. Nam uti compertum habetur, ædificia hominum in silvis existentium, mira cum atrocitate oppugnant, ipsasque fores efringere conantur, quo tam homines, quam reliqua animalia ibidem manentia consumant. Sed quantum his insit veritatis, ad tribunal Theologorum ac Philosophorum dijudicandum relinquimus, & ad Russiam pergitur.

Merci-
monia.

Regio.

RUSSIA, quæ etiam *Roxolania* dicitur, gemina est, nigra & alba. Illa Poloniæ contermina est, hæc Moscoviæ pars. Porro *Moscovia* à Moscho amne haud dubiè sic dicta, qui & regiæ urbi, quam interfluit, suum quoque nomen indidit. Ejus imperium longè latèrque extenditur, ac mari glaciali à septentrione terminatur; ab oriente Tartaros, à meridie Turcas & Polonos, ab occidente verò Livones & Sueciæ regem vicinos habet. Quo omni tractu amplæ ditiones continentur; itaque Moschoviæ Dux hoc titulo fere utitur: *Magnus Dominus Basilus, Dei gratiâ Imperator ac Dominator totius Russiæ, nec non magnus Dux VVologodimiriæ, Moschoviæ, Novogrodia magna, Pskovia, Smolenskia, Thvveria, Iugaria, Permiæ, Viathkia, Bulgariæ, &c. Dominator & magnus princeps Novogrodia inferioris terræ, Czernigovia, Rezania, VVolochdia, Rsovia, Bielloia, Rostovia, Iaroslavia, Poloczkie, Biellozieria, Vdoria, Obdoria, Condimiaque, &c.* Immoderata in Moscovia & aspera aëris temperies, adeo tamen salubris, ut ibi ultra Tanais fontes septentrionem & orientem versus nulla unquam pestis sæviat, etsi morbum haud dissimilem habeant quem *Calorem* vocant, qui intestina & caput adeo infestat, ut paucis diebus pereant. Regio in universum neque vitem neque oleam, neque paullo suavioris pomi frugiferam arborem præter melopepones & cerasa producit: quum teneriora quæque gelidissimis boreæ flatibus exurantur: campi tamen tritici, siliginis, milii, paniceque, & omnis generis leguminum segètes ferunt, sed certa messis in cera & melle consistit. Silva hîc Hercynia immanibus feris plena. Ea in parte quæ vergit ad Prussiam, uti ingentes & ferocissimi, taurorum specie, reperiuntur, quos *bisons* vocant. Itemque alces cervinâ effigie, &

Cæli temperies.

Soli fertilitas.

Antimalia taurorum.

cum carnea proboscide altisque cruribus, & nullo suffraginum flexu, *Iozzi* à Moschovitibus, à Germanis vero *Helenes* appellati. Præterea urfi inusitatæ magnitudinis & prægrandes lupi atro colore formidabiles. Venatio atque etiam avium captura nusquam gentium felicior. Nam venaticis canibus & plagis omnis generis feras capiunt, & asturibus atque falconibus, quos mirificos regio Pecerra præbet, non modo phasianos & anates, sed cygnos & grues confectantur. Cæterum *Russia* seu *Moscovia* regiones amplissimæ sunt. Ejus omnia, civitates, oppida, arces, pagi, silvæ, agri, lacus, flumina, unius principis, quem incolæ magnum *Czar*, id est regem, seu imperatorem vocant, imperio & nutui sub sunt, & quidquid singula commodi ferunt, in unius Principis fiscum congerunt. Duces ac comites, qui dominium utile in bonis feudalibus liberum possideant, & ad hæredes eadem transmittant, nulli sunt. Addicit quidem pagos & agros nonnullis, sed rusticorum operis nihilominus utitur, & rursus cum libet adimit: adeo ut absolutum in subditos omnium rerum imperiû habeat, & vicissim tanquam Deus à subditis colatur, ei que obedientia omnibus in rebus, absque ullâ recusatione præstetur. Caput totius regni & metropolis est urbs *Moschovia* vulgo *Moschkyva*, tum situ suo oportuna, qui regionis medius esse existimatur; tum insigni fluminum frequentia celebris, & domorum amplitudine numeroque & munitissimæ arcis robore. Oblongo enim ædificiorum tractu secundum Moschi fluminis ripam ad spatium quinque milliarium extenditur. Domus in universum sunt ligneæ, distinctæ in triclinia, coquinas & cubilia. numerus earum fertur esse supra 41500. Hæ ferè omnes & ad usum olerum, & ad voluptatem priva-

Imperiæ.

Vrbis.



tos habent hortos: singulae regiones singula habent facella. Arces præterea duas habet quarum una *Kitaigorod*, alter *Bolsigorod*, appellatur, quas hinc Moschus, illinc Neglinna alluunt. Porro in universa hac Russia parte sunt plures alii tractus. *Voldimiria* ducatus, cujus titulum magnus dux sibi vendicat, nomen habet ab urbe primaria, sita in ripis Clesmæ amnis, qui in Volgam evolvitur. Provinciæ autem hujus ager adeo fertilis est, ut ex uno tritici modio sæpe viginti modii proveniant. *Novogrodia* inferior illi pastione, agrorum fecunditate nihilo cedit. Urbem habet ligneam, dictam communi cum universo ducatu nomine *Novogrod*, sitam ad Volgæ & Occæ confluentes. Hæc summam semper obtinuit dignitatem propter incredibilem ædificiorum numerum, latissimique & piscosi lacus oportunitatem, & vetustissimi ac venerabilis apud illam gentem templi famam, quod ante quingentos pene annos Byzantinorum Cæsarum æmulatione, S. Sophia dicatum fuit. Arx hoc loco memorabilis, summis impensis à *Basilio* duce ex lapide in scopulo exstructa. Distat omnino urbs à Moschovia 100 miliaribus polonicis, ad Rigam verò proximum littoris portum, paullo minus quingentorum miliarium iter est. *Rhezan* provincia est inter Occam fluvium & Tanaim, tritici, mellis, piscium, avium fertilissima: urbes habet ligneas, *Rhezan* ad ripam Occæ sitam, & *Corfram*, & *Collugam* & *Tullam*, juxta quam Tanais fontes conspiciuntur. *VVorotimensis* ducatus tribus à *Colluga* miliaribus civitatem habet, & castrum ejusdem nominis. *Severia*, ducatus est ingens & rebus omnibus adfluens; vastos habet & desertos campos: oppida coplura, inter quæ præcipua hæc sunt *Starodub*, *Novogrod*, *Sierierski* & *Czernigory*. Silvæ hermellis, aspreolis &

martibus abundant, mellis quoque copiam ingentem ex apibus subministrat. Gens propter assidua cum Tartaris bella armis adsueta est, & manu prompta. *Smolenski* ducatus ad Borystenem situs urbem habet cognominem, quam parte una Brysthenes alluit, parte altera cingunt altæ fossarum indagine acutis stipitibus armatæ. Sunt & ducatus provinciæque *Mosaiskia*, *Bielskia*, *Rschovia*, *Trveria*, *Pskovia*, *Vodzka*, *Corella*, *Bielezieioro*, *VVolochda*, *Vstuga*, *Iaroslavia*, *Rostovv*, *Drrina*, *Susdali*, *VViathka*, *Perinia*, *Sibior*, *Iugra*, *Petzora*, & *Novogrodia magna*, quam illi vocant *Novvograd VVielski*, in qua urbe ejusdem nominis amplissima, ipsam Romam magnitudine superans. *Petzora* nomen habet à fluvio quem utrimque montes & inviæ rupes muniunt. Sunt & aliæ regiones magno duci vectigales ad septentrionem longo tractu terrarum porrectæ, ut *Obdora*, in qua est idolum *Zolota Baba*, hoc est aurea anus, *Condora*, *Lucomoria*, & *Lappia*. Sunt in Moschovia multi & magni lacus, *Ilmen* Ruthenis ^{Lacus.} *Ilmer*, *Ladoga*; lacus albus incolis *Bielejezioro*. ^{Flumina.} Flumina etiam ampla & multa sunt: *Borysthenes* vulgo *Nieper* & *Nester*, vel cum adjectione litteræ *Dnieper* & *Dnester* appellatur. *Turuntus*, is est *Ptolemæo* qui *Herbersteinio* est *Rubo*, incolis *Drrina*. *Rha* *Ptolemæi* nunc *Volga* & *Edel*. *Tanais* Italici *Msczenek*. Montes *Riphaeos* de quibus *Plinius* lib. 4. cap. ^{Montes.} 12. *Mela* etiam lib. 3, baro ab *Herberstein* in sua Moschovia scribit, in sola Moscovia videri; qui, quia perpetuis nivibus & glacie rigeant, transiri facile non possint. *Hercynia* silva magnam Moschoviæ partem occupat, ^{Silva.} ipsaque passim positus ubique ædificiis incolitur; jamque longo labore hominum rarior facta, non eam sicuti plerique existimant, horridam densissimorum nemorum

Senato-
res.

morum impenetrabiliumque saltum faciem ostendit. Habet Moscovia templa innumera & sumptuosa, ac monasteria valde multa. Gubernationis negotia & iustitiæ administrationem dux, per duodecim consiliarios assidue in aula præsentis obit. In hos, præfecturæ arcium & civitatum in toto Moschi imperio distributæ sunt: qui literas & libellos supplices principi inscriptos accipiunt, ejusdemque nomine respondent. Princeps enim ipse nullas epistolas accipit, nec ullis ad subditos suos, vel alios etiam principes ferè, literis manu sua subscribit. Episcopi ex monachis quorum monasteria frequentissima in Moschi imperio, omnia tamen ejusdem vestitus & ordinis, (cujus *D. Basilium* autorem referunt) velut sanctioris vitæ hominibus, deliguntur, & sunt in universo Moschorum imperio undecim, quos *Vladicas* illi, id est, æconomos & dispensatores suâ linguâ nominant. Sacerdotes verò & presbyteros, *Poppo*s seu *Archipoppo*s. Horum metropolita (qui à Constantinopolitano patriarcha olim confirmabatur, nunc à solo magno Duce delectus per duos aut tres episcopos consecratur, ac cum liber Principi, removetur) Moscua sedem habet. Huic metropolitæ subiecti sunt duo archiepiscopi, alter Novogardiæ magnæ ad *Lovvtam* flu. alter Rostovii. Nec Academiæ vel Collegia in toto Moschi imperio ulla existunt. Religio Moscovitis græca: quam anno Domini *MDCLXXXVII* admiserunt. Itaque Sp. Sanctum tertiam sanctæ Trinitatis personam à solo Patre procedere arbitrantur. Sacramentum Eucharistiæ celebrant pane fermentato, calicis usum universo populo concedunt. Nullis sacerdotum suffragiis, nullâque propinquorum aut amicorû pietate juvari mortuorum manes putant, fabulosumque credunt purga-

Ritus &
mosc.

torii locum. Libros sacros suo idiomate legunt, eorumque usum populo non denegant. *Ambrosium*, *Augustinum*, *Hieronymum* atque *Gregorium* in linguam illyricam traductos habent; ex his aut etiam ex *Chrysostomo*, *Basilio*, *Nazianzeno* homilias publicè pro concione sacerdotes legunt; neque enim oratores cucullatos, (verba sunt *Iovii*) qui advocato populo concionari & ambitiosè nimis atque subtiliter de divinis disserere soliti sint, admittere fas putant; quoniam rudes imperitorum animos simplici potius doctrinâ, quàm altissimis arcanorum interpretationibus disputationibusque ad sanctorum morum frugem evadere arbitrantur. Matrimonia contrahunt; bigamiam concedunt, sed vix legitimum matrimonium esse putant. Adulterium non appellant, nisi quis alterius uxorem habuerit. Gens astuta & fallax, magis servitute quàm libertate gaudens. Omnes se Principis servos fatentur. Moscovitæ domi opiparè potiùs quam lautè vivunt; namque omnium ferè cibariorum genere quæ vel à luxuriosissimis desiderari possunt mensæ eorum & parvo pretio instruuntur. Gallinæ siquidem & anates singulis sæpè argenteolis tenuibus nummis veneunt. Venatione & aucupio, uti apud nos, nobiliora obsonia parantur. Vino nativo penitus carent: itaque utuntur advectitio, sed in festis conviviis duntaxat. Habent & cerevisiam, quam ætate injectis glaciei crustis infrigidant. Sunt & qui in deliciis habeant succum ex subausteris cerasis expressum, qui perspicui & purpurissantis vini colorem jucundissimum & saporem non ingratum refert. Nobile linum, & cannabim in restes, multaue boum tergora & massas ceræ ingentes, Moscovitæ in omnem Europæ partem mittunt.

Vi Tur?

Merci-
monia.

Q

Moscho-

Nomen.

Sole fer-
tilitas.

MOSCHOVITARVM nomen recens est, quamquam de *Moschis* Sarmatarum affinis *Lucanus* poëta in *Pharsal.* meminert, & *Plinius Moschos* ad *Phasidis* fontes supra *Euxinum* ad orientem constituat. Horum regio hac tabulâ describitur, quæ cum descriptione proxima à nobis delineata sit, ea duntaxat hic referemus quæ ibi non attigimus. Regio hæc campestris magna ex parte, & pabuli quidem ferax, sed æstate pluribus in locis admodum palustris. Melle adeò abundat, ut in vastis silvis, in specubus & excavatis roboribus aliquando toti mellis montes reperiantur, & homines feræque in illos mellis lacus improvidi delapsi, ibi immergi tanquam mus in pice periclitentur, quodè sequenti narratione, è *Pauli Iovii* *Moscovia* planius patebit. Is refert, *Demetrium* legatum narrare solitum cum multo omnium risu: agricolam quendam quærendi mellis causâ in prægrandem cavam arborem supernè desiliisse, eumque profundo mellis gurgite pectore tenus fuisse haustum, ac biduo vitam solo melle sustinuisse, cum vox opem implorantis in ea silvarum solitudine ad viatorum aures penetrare nequivisset. Ad extremum verò desperatâ salute mirabili casu ingentis ursæ beneficio, inde extractum evasisse, cum forte ejus belluæ ad edenda mella more humano se demittentis, aversos renes manibus comprehendisset, & eam subito timore exterritam ad exsiliendum tractu ipso, tum multo clamore concitasset. Lini & cannabis regio fertilissima est. Nulla auri argenteive vel ignobilioris metalli, ferro excepto, apud eos vena, secturaque reperitur; nullumque est totâ regione vel gemmarum vel pretiosi lapilli vestigium. Omnis gene-

ris feris & avibus abundat. Capitur quoque avis subnigra puniceis superciliis, magnitudine anseris, quæ pulparum sapore phasianorum superat dignitatè, *Moscovitica* lingua *Tetrao* nuncupata, quæ *Plinio Erythraeo* vocatur, *Alpinis* populis, & maxime *Rhetis* cognita. *Moscoviæ* dux in omnes pariter jus vitæ, necisque possidet, ac *Moscovitæ* opiniones sui Principis etiam in religione habent pro lege immutabili. Voluntas namque Principis, voluntas Dei habetur ab omnibus, clavigerque, cubicularius, atque exsecutor voluntatis divinæ esse existimatur. Atque hac de causâ nemo refragatur ullibi voluntati Principis, etiamsi nocitura non modò sibi, sed toti regno ac genti præcipiat; cum ejus nutus dicta atque facta, aliquando nefanda etiam, detestanda & execranda adorent & exosculentur, quod omnes juxta politicos & ecclesiasticos, durissimâ servitute sibi subditos atque subjectos habeat. Uxorem autem ducturus, coactis è toto suo regno præstantissimis formâ & corpore puellis, quam vult uxorem deligit, & ceteras principibus & nobilibus uxores collocat. *Moscoviæ* urbium omnium longè clarissima ea quæ vulgò *Moskva*, vel *Mosco*: sedes patriarchæ, ac Magni Ducis regia. Ad ipsum urbis caput *Neglinna* fluviolus, qui frumentarias agit molas, *Moschum* amnem ingreditur, peninsulamque efficit, in cujus extremitate arx ipsa cum turribus ac propugnaculis admirabili pulchritudine, *Italorum* architectorum ingenio constructa est. In subjectis urbi campis capreolorum & leporum incredibilis multitudo reperitur, quos nemini plagis & canibus sectari licet, nisi princeps id ad voluptatem intimis familiaribus vel peregrinis legatis indulserit. Tres ferme

Animalium va-
rietates.

Imperia.

Urbes.



fermè urbis partes duobus alluuntur fluminibus, reliqua vero latissimâ fossâ, atque eâ multâ aquâ ex ipsis annibus corrivatâ, præcingitur. Urbsetiam ab adversolatero alio flumine, quod *Lausa* dicitur, munita est, id pariter in Moschum paullo infra urbem evolvitur. Distat hæc à Cracovia Poloniæ metropoli milliaribus 320. Eam verò anno CIO IO LXXXI Tartari Præcopenses totam funditus exusserunt, magnâ multitudine in tam populosa urbe fumo extinctâ, in ipsa dominicæ ascensionis die. Domus ejus universim paullo ante illud incendium ad 41500 fuere numeratæ. Sunt porro in Moscovia præter metropolim de qua jam diximus, urbes, duæ quidem archiepiscopatus, octodecim autem episcopatus dignitate nobiles. Archiepiscopales sunt *Rostovia* (*Rostovv*) & *Novogrodia*. Hæc non multis ante annis totius Moscoviæ caput fuit. Perpetuâ quasi hyeme & tenebris longissimarum noctium premitur: nam Polum arcticum ab horizonte sexagintâ quatuor gradibus elevatum videt, sex ferè gradibus ipsâ Moschuâ ab æquatore remotior, quâ cæli ratione solstitii tempore propter exiguas noctes, continuatis ferè Solis ardoribus æstuarè perhibetur. Episcopales sunt *Corsira*, *Rezania*, *Columna*, *Susdalia*, *Casanum* (*Cazan*) in Volgæ ripa à quo Cazaniorum horda nomen ducit; distat à Volgæ ostio Caspioque mari quingentis millibus passuum. *Volochda*, *Trveria*, *Smolensko*, *Pleskovia*, *Staritia*, *Slobodo*, *Iaroslavia*, *VVolodimiria*, quæ urbs quoque regiæ nomen adepta est, eaque ad ortum Solis ducentis amplius milliaribus à Moschuâ distat, eoque sedem imperii ab strenuis Imperatoribus necessariâ ratione translatam ferunt, ut ex

propinquo, quum tum bella continenter cum finitimis gererentur, paratiora præsidia adversus Scytharum irruptiones opponerent, *Mosaysko*, urbs *S. Nicolai* (*S. Nicolas*) *Sugana*, *Vsting* & *Gargapolia*. Emporia totius regni celeberrima sunt, *Astrachan* ad mare Caspium, quo merces Persarum & Armeniorum deferuntur: & urbs *S. Nicolai* ad quam Angli & Hollandi navibus commeant, ac pannos aliasque merces important, quæ hinc Vologdam transferuntur. Est & suprâ Casanum centesimo & quinquagesimo milliari ad ingressum amnis Suræ *Surcicum* oppidum, à *Basilio* conditum, ut in ea solitudine mercatoribus ac viatoribus, qui de rebus Tartaricis ac ejus inquietæ gentis moribus proximos finium præfectos certiores reddunt, certa & tuta mansio cum tabernis hospitalibus statueretur. Sunt & aliæ urbes ac plurima minorum gentium oppida quæ brevitatis studio omittimus. Lætatur Moscovia fluminibus plurimis; *Flumina.* inter ea agmen ducunt *Borysthenes*, cujus fontes, *Herodoto* ignoti, sunt ad pagum Moscoviæ *Dniepersko* in silva *VVolkonski*, unde per Lithuaniam & Russiam defluens, *Smolensko* oppidum & Kioviam præterlabitur: postea circa Chmielnicco recipit fluvium *Bog*, ac tandem in Euxinum Pontum exoneratur: longitudo ejus est plus ccc milliarium Germanicorum. *Turuntus* qui & *Rubo* ac *Drrina*: hic haud procul à fontibus Borysthenis ortus, ad Rigam Livoniæ se in mare Balticum exonerat. *Rhâ* qui & *Volgo* & *Edel*, ortum habet è lacu cognomine, qui xxv milliaribus à Moschovia abest versus Lithuaniam. Hic cornutis errans flexibus, multisque receptis fluminibus, in mare Caspium ostiis lxx influit. *Tanais vulgo*

vulgo *Don*; hic à septentrione ruens magno impetu, Nilo opponitur. Ejus fontes *Herodotus* ponit in paludibus; *Mela* & *Lucanus* in Rhiphæis montibus. Fuere qui per mare Caspium eum labi arbitrati sunt, quos etiam sequutus est in sua periëgesi *Dionysius*. Sed errant: nullus enim fluvius ex mari Caspio in Mæotim paludem, aut in pontum Euxinum decurrit. Oritur autem Tanais non in Rhiphæis jugis, sed in silvæ cujusdam ingenti lacu *Ivanorvo Iezioro* gentili lingua dicto, non longè à Tulla urbe, ex quo etiam lacu *Scad* amnis in occidentem fluens nascitur. *Occa* qui multa præterlapsus oppida, infra Novogrodiam inferiorem Volgam ingreditur. Moscovitæ illyricâ linguâ, illyricisque literis utuntur, sicuti & Sclavi, Dalmatæ, Bohemi, Poloni & Lithuani. Ea lingua omnium longè latissima esse perhibetur: nam Constantinopoli *Ottomanorum* in aula familiaris est. In hanc linguam ingens multitudo sacrorum librorum, industria maximè *D. Hieronymi* & *Cyrilli* translata est. Anni apud eos non à natali Christi, sed ab ipso Mundi

Ritus &
mores.

initio numerantur, qui non à mense Januario, sed à Septembri incipiunt. Leges toto regno habent simplices, summa Principum & justissimorum hominum æquitate conditas, & propterea populis valde salutares, quoniam eas ullis caufidicorum cavillationibus interpretari atque pervertere non licet. De furibus, sicariis & latronibus supplicium sumunt. Quum de maleficiis quæstionem habent, reos multa gelida aqua superne demissa perfundunt, quod intolerandum tormenti genus esse perhibent. Nonnunquam obduratis & contumacibus, ut confessio criminis exprimatur, ligneis cuneolis digitorum ungues convelluntur. Tunicas oblongas Moscovitæ, sine plicis, manicis strictioribus, Hungarorum ferè more gestant: ocreas ferè rubeas easque breviores, ut quæ genua non attingant, soleasque ferreis claviculis munitas habent: ventrem nequaquam sed femora cingunt: atq; adeo puberenus, quo magis promineat venter, cingulum demittunt.

Vestitus.

Regio.

LITHVANIAM à lituo, id est, cornu & tuba venatorum, eo quod regio illa frequentes venationes exerceat, appellari voluerunt. Quam sententiam *Matthias à Michou* rejiciens, aliam de Lithuania etymo sententiam ponit, tradens: quosdam Italicos ob Romanorum dissensiones desertâ Italia Lithuaniam ingressos, regionem Italiam, gentem italos dixisse: eam verò per pastores Litaliam & gentem Litalos, litera præposita cœpisse nuncupari. Ruthenos autem & Polonos eorum vicinos majore immutatione factâ, usque in hodiernum diem regionem Lithuaniam, gentes verò Lithuanos appellare. Regio amplissima est, Moschoviæ proxima, habetque ad ortum illam partem Russiæ quæ magno duci Moschoviæ paret: ab occasu Podlassium, Masoviam, Poloniam; & aliquantum deflebens ad septentrionem Borussia fit contermina: respicit vero à septentrione Livoniam & Samogitiam: à meridie Podoliam & Volhiniam. Cælum hic inclemens, hyems asperior. Multum ceræ ac mellis quod silvestres in silvis apes conficiunt, atque etiam picis; frumentum quoque abunde præbet hæc regio, seges verò raro ad maturitatem pervenit. Vino non nisi importato utitur & exotico: ejus enim proventu caret, ut & sale, quod ex Britannia venale accipit. Animalia omnis generis, sed parva producit: in silvis etiam quibus regio operta est, uri, alces, bisontes, equi silvestres, onagri, cervi, damæ, capræ, apti, ursi, martes & reliqua genera ferarum magno numero stabulantur. Et ut avium & inprimis ficedularum copiam taceâ: est in Lithuania & Moschovia animal voracissimum *Rossomaka* dictum, magnitudine canem, facie felem, corpore & caudâ vul-

Cælum.

Solum.

Animalium varietas.

pem referens, colore nigrum. Fuit gens Lithuanorum *Imperium majorem*. annis superioribus adeo obscura & contempta apud Ruthenos, ut principes Kiovienses ab eâ sola perizomata & subera ob egestatem & soli sterilitatem in signū subjectionis exigent, donec *Vithenes* dux Lithuanorum sumptis virium incrementis, negaret tributum, quin & jugo principibus Russiæ injecto, eos adegerit ad tributa pendenda. Hujus posterī hostilibus & subitis incurfionibus finitimas gentes invadebant & diripiebant: donec cruciferi teutonici ordinis eos debellare & opprimere cœperunt, tam diu donec ad *Olgerdum* & *Keystutum* duces Lithuaniae successe pervenerunt. Post vero *Iagiello* dux magnus Lithuaniae factus est, qui postea & *Vladislaus* appellatus. Hic à cruciferis & Christianorum exercitibus sæpenumero pressus, Deo miserante ad Polonos declinavit, & christianam religionem amplexus baptismatis sacramento initiatus, ductâ in matrimonium *Hedvigi* regina Poloniæ, rex Poloniæ factus est. Terram vero Lithuaniae germano suo *Skirgeloni* tanquam supremo duci Lithuaniae regendam commisit. Lithuaniae magnus Ducatus nunc in decem Palatinatus seu Provincias præcipuas est divisus, quarum metropolis & caput hoc tempore est *Vilna*, indigenis *Vilenski*, Germanis autem vulgo *die VVilde*: quæ ad *Vilia* & *Vilnæ* confluentes anno mcccv à *Gedimino* duce condita, nunc est sedes Palatini inter Lithuanos primi, & Episcopi romanæ obedientiæ, Leopoliensī Archiepiscopo subditi, & metropolitani Russiæ: qui septem sub se Episcopos græciritus habet, *Polocia*, *Volodimiria*, *Lucæ* in Volhinia, *Luczko*, *Pinscæ*, ad Pripetium flu. *Kiovia*, *Præmistia* & *Lepoli*. Est autem Vilna copiosa, ampla & cele-

Vrbes.



& celeberrimi nominis, muro cincta & portis, quæ nunquam clauduntur. Templâ pleraque sunt lapidea, quædam etiam lignea. Elegans est Bernardinorum cœnobium, secto ex lapide, venusta structura clarum. Quem admodum & Ruthenorum aula, in qua ipsi merces suas ex Moschovia allatas distrahunt. Secundus Palatinatus est *Troczensis*, cujus oppida sunt *Grodna* ad Cronium fluvium ubi *Stephanus* rex Poloniæ obiit. *Lavna* ad Croni & *Vilia* confluentes, *Kovvno*, *Lida* & *Vpita*. Tertius Palatinatus est *Minscensis*, ibi *Minsko* civitas & arx *Keidanovv*, *Radoskorvice*, *Borissovv*, *Lohoisiko*, *Svvisloocz*, *Bobroisiko* & *Odruczko*. Quartus Palatinatus est *Novogrodenfis*, in quo *Novogrodeck* civitas amplâ & lignea, *Slonim*, *VVolkovisiko*, *Msczibovv* & alia oppida complura. Quintus Palatinatus est *Brestiensis* à *Brestia* civitate amplâ & lignea sic denominatus, & in hoc civitas *Pinsko*. Sextus Palatinatus est *Volhinia*, in qua *Luczko*, Episcopi sedes, *Volodimiria*, *Krzemenesia*. Septimus Palatinatus est *Kiovie*, quæ urbs quondam amplissima & vetustissima, ut ruinæ quæ ad sex milliaria se extendunt, facile indicant, fuit ad Borysthenem sita. Ibi sunt *Circasi*, *Kaniovv* & *Moseri* oppida. Octavus Palatinatus *Miecislaviensis* ad *Sosam* & Borysthenem in finibus Moschoviæ, ibi *Miecislavia*, *Dambrovvna*, *Copysz*, *Sklovv*, comitatus, *Mohilovv*, *Bychovv*, *Reczyca*, *Strissin* oppida cum arcibus sita sunt. Nonus Palatinatus est *Vitebsiensis*, in quo *Vitebsk* civitas ad Duinam fluvium sita, & *Orsha* ad Borysthenem. Decimus Palatinatus est *Polocensis*, qui à *Poloczko*, ad *Posotæ* & Duinæ confluentes inter *Vitebscam* & *Livoniam* interjectâ nomen sortitus: ibi *Dysna*, *Drissa* & *Druha* oppida cum arcibus visuntur. Hisce expositis demus Lithuanie suos amnes. Lithuaniam à parte orientali terminant

Oscol, *Iugra*, minor *Tanais*. hi & plurimi alii in *Tanaim* defluunt. Est & in dominio Lithuanorum Borysthenes qui ex terra plana & palustri ortus, per Russiam delatus in Pontum Euxinum tandem exit. Sunt & *Vilia*, & *Niemen*: hic valde flexuose decurrit: naveque deferens & merces, tandem in mare Prutenicum suas aquas exonerat. *Dyvina*, & alii, quibus ut & lacubus & stagnis irrigua est. Omnes autem isti fluvii & lacus maximam piscium copiam subministrant, suntque pisces optimi ac gratissimi saporis. Est præterea regio silvis operata, quæ admodum magnæ sunt, decem, aliquando quindecim milliarium. Provinciarum autem Lithuanie Palatinos & Castellanos *Sigismundus Augustus* Poloniæ rex in comitiis Lublinensibus in unum Reipublicæ corpus, cum Polonis univit; & certum singulis Proceribus, Episcopis, Palatinis & Castellanis Lithuanis locum ac ordinem in Senatu regni attribuit; ita ut ex universo regno Poloniæ omnibusque Provinciis illi conjunctis, sint in Senatu Episcopi quindecim, Palatini triginta unus, Castellani majores triginta, minores quinquaginta, & qui officiales regni nominantur, Marschalci regni & curiæ Cancellarii ac vice-Cancellarii ac Thesaurarii 2, de quibus in Polonia latius. Solvuntur apud Lithuanos facile matrimonia mutuo consensu, & iterum atque iterum nubunt, & inter se matronæ palam concubinos habent maritorum permisso, quos connubii vocant adjutores: contra pellicatus viris probro datur. Cum quis forte capite damnatus fuerit, de seipso, jubente domino, supplicium sumere, suisque manibus se suspendere cogitur; quod si recusaverit, tantisper minis & verberibus exagitur, donec mortem sibi inferat. Armenta victum præbent, multo lacte utentibus. Panis vulgi

Flumina.

Silva.

Senatores.

Mores.

Vitus.

vulginigerrimus est, ex siligine aut hordeo unâ cum fursuribus. Divitum autem albilissimus, expuro tritico pinfitur. Vini apud eos rarissimus usus: cereali poculo multi utuntur, plebeium vulgus aquâ. Cerevisiam coquunt diversimodè & ex variis granis, puta, frumento, siligine, hordeo, avena, milio, sed insipidam. Medone & spisso & tenui & vario modo cocto abundant, atque illo reficiuntur & inebriantur. Lithuania difficilis aditu ac quodammodo inaccessa, aquis omnia obtinentibus: hyeme commercia cum Lithuanis habiliora: paludibus & stagnis atq̃ glacie concretis, niveque superinfusa sunt omnia mercatoribus pervia. Opes apud eos præcipuæ, animalium pelles, mustelinæ, vulpinæ & pretiosiores, uti & tidibus (quas martes vocant) & scythicis mustelis detractæ, quibus febellinis nomen est. Ex his magnum quæstum faciunt, ut excera, melle, cinere & pice. Omnis item roborea illa materia quæ *VVagenschot* nostratibus dicitur, & ex qua in Germaniæ inferioris & Belgicæ maritimis regionibus universa ferè lignea opera architectonica, tam publica quam privata, domorumque magna ex parte supellex & utensilia parantur, his partibus cæditur, illincque ad nos per Balthicum & Germanicum mare advehitur. Sed de Lithuania satis: de reliquis nunc pauca subjungamus. Sequitur in titulo nostro *Samogitia* (quod eorum lingua terram inferiorem sonat) Russis *Samotzka senla*: regio septentrionalis & satis ampla, Lithuanæ proxima, silvis & fluminibus circumsepta, quinquaginta milliarium longitudine. A septentrione Livoniam habet, ab occasu mari Balthico sive Germanico, qui sinus Balthicus propriè nuncupatur, non nihil versus septentrionem reflectendo, alluitur: vicina est etiam Borussia. Abundat nobilissimo, candidissimo ac purissimo melle, quod in

omni arbore excavatâ invenitur. Oppidum nullum habet, non arcem: nobiles in tuguriis vivunt, rustici in casis. Gens hujus regionis proceræ & pulchræ staturæ, agrestis tamen & incultis moribus, parco victu vivens, sitim aqua sedare solita, rarè cerevisia aut medone. Auri, argenti, æris, ferri, vini ante nostra tempora expers & ignara. Apud hos licitum erat uni viro plures habere uxores, & patre mortuo novercam, fratreque fratrem in uxorem accipere. Gens præterea ad divinationes & auguria proclivis. Præcipuum Numen Samogiticum erat ignis, quem sacrosanctum & perpetuum putabant, qui in montis altissimi jugo assidua lignorum appositione à sacrorum sacerdote alebatur. Tertium locum tenet *Russia*, quo nomine hoc loco *Russiam* meridionalem sive *Nigram* intelligimus, cujus urbs primaria *Leopolis* emporio & archiepiscopali sede celebris. Districtus præter *Leopolensem* sunt, *Halicensis*, *Belzensis*, & *Premisliensis*. Restat denique *Volhinia* quæ inter Lithuaniam, Podoliam & Russiam sita: frugibus abundat propter agri fertilitatem. Incolæ strenui & bellicosi sunt, Ruthenicoque idiomate utuntur. Regio hæc ad magnum Lithuanæ ducatum pertinebat, sed nunc regno Poloniæ adjuncta est. Districtus habet tres, *Lucensem*, *Volodimirensem* & *Cremenecensem*: suntque tres civitates provinciales *Luczko*, *VVolodimiria*, & *Kremenec*, quæ complura oppida & munitiones subiectas habet. Lacus hic & stagna plurima piscibus referta, ac silvæ feris. Est & in hac tabula *Podolia* sita ad Tyram flu. qui *Nysser* dicitur; regio est fertilissima, semel feritur, ter metitur: pratis ita luxuriat, ut sæpè boum cornua vix è gramine appareant. Urbes præcipuæ sunt *Camienet*, *Bar*, *Miedzibozz*, *Brezania* & *Braslawv*. Sed de hac tabula quæ dicta sunt hæcenus, sufficienter, ad Transsylvaniam pergitur.

R

TRANS SYL-

Merci-
monia.Samegi-
na.Soli ferti-
litas.

Mores.

Russia.

7 Urbs Leopolis.

Volhinia.

Podolia.

Regio.

TRANSYLVANIA Daciae veteris pars est mediterranea, quam Ripensem Romani dixerunt. Nomen nunc habet à silvarum montiumque ambitu; silva est Hercynia; mons Carpathus. Dicitur & Septemcastrensis vulgò, nomine à voce Germanis *Siebenburgen* mutuato, ac *Erdeli* Hungaris. Terminant eam ab occidente Pannonia, à septentrione Polonia, ab austro Valachia, ab oriente Moldavia. Est autem Transylvania rerum omnium feracissima: ac frumenti per universam hanc regionem magna est ubertas. Præter experientiam quotidianam testatur id *Trajan* nummus in quo Ceres erecta, dexterâ tenens cornu Amalthææ, lævâ tabellam, cum hac epigraphe *Abundantia Daciae*. Vinum fert præstantissimum ad Albam Iuliam, Devâm, Egmedinum, Birlhelbinum, Fenuscium. Fructuum item magna copia est, inter quos, ut reliquos omittam, præstantissima pruna damascena vulgò dicta, mala cotonea, cerasa dulcia, quæ cum marosticanis Italicis conferri possunt, melopepones, vulgò melones, præstantissimi; herbarum etiam nobiliores passim crescunt. Rhaponticum, centaurium majus, gentiana maxima flore flavo & purpureo, rhodia radix, absinthium ponticum, libanotis prima *Theophrasti*, crocus aliæque sexcentæ. Metallorum fodinæ nobiles permultæ. Auri etiam ad Sculattin: quæ Zulakna dicitur Hungaris, & ad *Rimili Dominurdz*, quod sonat rivulum dominorum. His locis excinduntur glebæ auri purissimi, cujus effossi statim usus esse possit sine ulla accurata separatione. Auri hanc ubertatem testantur frequentes Romanorum nummi aurei qui his locis sæpè effodiuntur: quorum parte alterâ viri est effigies cum petaso, & hac inscriptione C. CATO; parte alterâ Dacia forma divæ,

Soli fertilitas.

libellum dexterâ tenens cum inscriptione AVR: PVR. Argenti fodinæ sunt ad *Offera* & *Radna*. Cuprum iisdem montibus effoditur quibus aurum & argentum. Chalybs ad *Cyk*; ferrum ad *Thorosko* & *Vaidahuntadæ*: sulphur & antimonium in cupri fodinis. Salis autem fossilis tanta copia est, ut vicinis regionibus abundè subministraret. Boum præterea tanta multitudo, ut etiam prægrandes singuli singulis sæpè florenis vendantur. Quid dicam de equis, quos generosos & præstantes producit, quibus per se mollis alterno crurum explicatu glomeratio? Quid avium varia genera commemorem? Aquilas, falcones, phasiones, perdices, pavones silvestres, gallinagines, scolopaces *Olympio*, *Rusticulas Plinio*, vulgò *Sneppas*, & gallos? Quid aquatiles, cygnos, tardas & onocrotalos? Et ut ab avibus ad feras transeam: habet hæc regio saltus prægrandes ac nemora ingentia, in quibus uri, bubali, alces, cervi immanis magnitudinis, lynces, martes, mures pontici, ursi, damæ & lepores albi. Coluere hanc regionem jam olim variæ gentes *Iazyges*, quorum etiam hodie reliquæ sunt in Hungaria: tum *Metanastæ* etiam *Plinio* nominati, & *Geta*, *Bastarnæ*, *Sarmatæ*, *Graci*, *Romani*, *Scythæ*, *Saxones*, *Hungari*. Romani eam serò debellarunt. Nam *Trajanus* Imperator victo *Decebalo* Dacorum rege, primum eam in provinciæ formam redegit, urbemque *Zarmizegethusam* vocavit de suo nomine *Vlpianam Trajanam*. Eam *Galienus* ducentos post annos amisit, exque eo tempore humanitate sermoneque & elegantiis Romanorum depositis, cœperunt incolæ ferociam barbariemque pristinam repetere, Valachorum etiam nomine adsumpto. Post Romanos *Scythæ Attila* duce hæc loca infederunt, septemque sedes liberas sibi exstruxere. *Scythis* *Saxones* successe-

Animalium varietas.

Imperium majorum.

runt



runt *Caroli Magni* tempore, qui patriâ desertâ hæc loca infedere, exstructis septem ad *Scytharum* exemplum urbibus liberis. Postremò etiam *Hungari* alios subsequuti, partim loci vicinitate allecti se *Dacis* miscuere: partim injuriis provocati; sub *Stephano* Pannoniæ rege quæ sanctum indignant, totam istam regionem expugnaverunt. Ab his structa sunt etiam aliquot oppida. Pars *Transsylvania* montosa, serò devicta est à *Matthia Hunniade* qui *Corvini* cognomen tum habuit, posteaquæ à *Stephano* Hungariæ rege. *Matthias* ille *Draculum* quendam *Transsylvania* montosæ *Vaivodam* hominem inaudite crudelitatis vivum cepit, & post decenniū carcerem pristino loco restituit. *Transsylvania* nunc in tres dividitur nationes suis inter se moribus & legibus dissidentes & distinctis terrarum locis provinciam incolentes, videlicet in *Saxones*, *Ciculos*, & *Hungaros*. *Transylvani* *Saxones* sicut cæteræ nationes omnes Germanicæ, habent peculiarem linguæ dialectū. Vrbes & arces incolunt munitissimas, & cæteris nationibus præstant. Sedes eorum sunt septem, nempe *Zarvvariensis*, *Zabesensis*, *Millenbach*, *Reusmark*, *Segesburgensis*, *Schesburg* fortè, *Olleznà*, *Schenkerstul* & *Rupensis*, sed *Reps* fortè, quæ singulæ pagos aliquot subiectos habent. *Ciculi* *Moldaviæ* finitimi à *Scythis* oriundi, suis legibus & moribus vivunt, suæque officia sorte distribuunt. Hi in septem sunt divisi regiones quas ipsi sedes vocant, quarum nomina sunt: *Sepsi*, *Orbai*, *Kysdi*, *Czyk*, *Gyrgio*, *Marcus Zeek*, *Aranyas Zeek*. *Hungari* & nobiles *Transylvani* passim intermixti *Saxonibus* cum *Ciculis*, propemodum tam sermone, quam vestitu & armis conveniunt. Omnes simul *Transylvani* ad nonaginta & amplius armatorum millia suppeditant. Sunt autem in *Transsylvania* septem urbes celebriores locorum inter-

vallis distantes, inter quas *Cibinium* est metropolis & *Hermanstat* dicitur. Sita in planitie, nullis prope montibus impeditur, quin se in admirabilem latitudinem aperiat. Non multò minor est *Viennâ* *Austriæ*, arte & naturâ multò est munitior: nam propter frequentes piscinas & stagna non patet exercitui ad eam aditus. *Parœciam* etiam cathedralem habet. *Brassovia* sive *Corona* Germanis *Cronstat*, quæ & *Stephanopolis* intra montes amœnissimos sita, mœnibus, fossis & propugnaculis satis munita est. Hic academia & bibliotheca insignis. *Bistricia*, *Noesenstat* in amplissimæ vallis planitie sita, utrinque vitiferos colles habet. *Segosvaria*, *Schesburg*, partim in edito colle, partim infra ad radices habitata. *Megies*, *Mydrvisch* in mediterraneo *Transsylvania* sita, ferax vini ac rebus aliis omnibus ad quæstum & victum pertinentibus satis referta. *Zabesus* sive *Zaaz* in planitie, valle profundissimâ, aquis piscium fecundissimis munita jacet. Hanc primariam *Saxonum* sedem fuisse dicunt. Et *Colosvaria*, *Clausenburg*, itidem in planitie suaviter admodum sita, tam muro rum ambitu foris, quam ædificiorum structuris intus splendida. Est & hic *Alba Iulia* urbs vetustissima, ac sede Episcopali celebris. Hæc in colle declivi sita, circumfusa undique ad duo ferè millia passuum planitie. Ab ortu fluxum *Marusium*, & ex altero latere amnem *Ompay* Hungaricè vocatum, ex Alpibus descendentem habet: olim *Tarmis* dicta, ac regis *Decebali* Regia tempore *Traiani* fuit. Numerantur etiam in *Transsylvania* quoad pensiones taxarum octo parœcialia Capitula præcipua, quæ simul Universitatem appellant. *Bistriciense* Capitulum habet *Bistriciam* cum 23 pagis regiis. *Regnense* Capitulum *Regen* fortè, habet pagos plus quam triginta. *Barcense* Capitulum

Lacus.

Flumina.

Montes.

Silva.

Barczarg habet Coronam civitatem cum tredecim pagis regius. *Kisdense* Capitulum habet Segeburgam, & pagos quadraginta octo. Duarum sedium Capitulum completitur civitatem Megiensē cum pagis triginta sex. *Cibiniensium* Capitula duo, quorum unum habet *Cibinium* & pagos viginti tres; alterum Capitulum *Cibiniense*, quod vocant *Surrogativa*, continet pagos circiter 22. *Zabezienſe* Capitulum habet *Zabesum* cum pagis septemdecim. Non desunt huic regioni stagna atque paludes, quæ piscibus præstantissimis affluunt. Fluvii navigabiles tres sunt, *Aluta*, *Morossus*, *Samus*: quorum duo priores è montibus Scythicis originem suam trahentes, hic in *Tibiscum*, ille vero rectā in *Danubium* tendens, delabuntur; tertius *Samus* (*Thimes*, Germanis & Hungaris) ex Alpibus, *Colota* dictis, oriens, qui itidem in *Tibiscum* delabitur. Sunt præterea & alii amnes, ut *Chicel* major & minor, *Sabesus*, *Chrysus*, *Chrysoloros*, *Strygius*, quorum tres ultimi aurea ramenta ferunt, auriq; fragmenta quandoque sesquibralia trahunt. Pisces in iis & supra dictis optimi ac varii reperiuntur; accipenser nimirum magnus & parvus, cyprinus trium generum, salmo, lampetra fluviatilis & lacustris, silurus, mulus, barbatus dictus, murenæ genus rarum, cruta alba & nigra, gobii squammati, ac sine squammis aliis penitus incogniti. Delupis, percis, tincis, murena vulgo dicta, nihil memoro; qui pisces inaudita ferè magnitudinis inveniuntur. Montes item sunt Valachiæ cisalpinæ & Moldaviæ vicini, qui agaricum, ac terebinthum stillant. Silvæ frequentes, inter quas Hercynia, in quibus præter feras supra memoratas jubati boves, & silvestres equi, quibus juba ad terram usque demissa. Sunt præ-

terea in hac regione arces plurimæ eaq; munitissimæ. Inter quas primum occurrit Rubea turris arx fortissima, sita in alpibus juxta decurrentem amnem, ubi angustus inter montes introitus patet in regionem, estque ceu propugnaculum totius terræ, ut ab illa parte nemo ingredi queat, si arcis præfectus repagula objiciat. Est & alia arx munita infra oppidum *Millenbach* juxta *Bros* oppidum, ubi quoque juxta fluvium inter convalles & nivosas alpes iter est in Transsylvaniam ducens; & alia. Nunc sequitur ut de moribus aliquid subjungamus, qui varii sunt, quia à variis gentibus (ut supra vidimus) & olim occupata fuit, atque etiam hodie tenetur. Valachorum gens est aspera, bonarum artium atque disciplinarum expers, religionis græcæ, moribus paganismum redolentibus, quum & divinaculos in pretio habeant, & per Jovem, Venerem (quam sanctam vocant) jurent, & multis aliis rebus ad Gentilium ritus accedant; quin etiam neque oppida habeant, neque domos lateritias, sed in salibus degentes arundine duntaxat adversus injuriam cœli muniantur. Reliqua pars Transsylvaniæ, multis partibus est, ut solo cultior, ita & hominibus moratior. Scytharum in Transsylvaniâ lingua exiguâ dialecto ab Hungarica hodie differt; quondam tamen maximum idiomatis discrimen fuit, ut & scriptionis, quam illi Hebræorum more à dextera, orsi lavam versus exarabant. Ciculi, genus hominum ferox & bellicosum inter quos nullus neque nobilis neque rusticus, omnes eodē jure censentur, Helvetiorum instar, ut supra quoque diximus. Hungarorum magna præ aliis potentia & autoritas est. Et hæc hætenus de Transsylvania breviter dicta sufficiant.

Opera publica.

Moros.

Regio.

CHERSONESVS à Tauris Scythiæ Europæ populis *Taurica* cognominata *Ptolemao*, Scytharum regio est, quæ & *Scythica* *Straboni* dicitur. Hanc *Taurorum Peninsulam* latinè dixit *Plinius* lib. 2. cap. 69. *Chersonesum Ponticam* *Appianus* in *Mithridaticis*, *Chersenam* *Paulus Diaconus*. Hodie *Perocopska* & *Gesara* *Antonio Pineto*, aliis *Præcop* & *Tartaria Minor* dicitur. Ampla est peninsula, inter Pontum Euxinum & Mæotidem paludem usque ad Bosphorum Cimmerium, qui Europam ab Asia discernit, versus ortum porrecta. Longa est xxiv milliaria, lata xv. Peninsula quæ ab oriente & meridie à *Perecopia* media est, hyemem placidissimam, & aërem temperatissimum habet. Nam in fine Decembris hyemis initium, in medio verò *Februario* hyemis asperitas, quæ magis nivosa, nec tamen integro triduo magis durat, quum frigida & gelu constans est: nec diutius quàm ad initium Martii protrahitur. Univerſa autem ipsa regio frugum feracissima est, ac pascendis gregibus atque armentis valde idonea. Sed quamvis solum fertile incolæ habeant, plurimi tamen agros non colunt, nec serunt. Equis, camelis, bobus, vaccis, pecoribus & ovibus abundant, ac inde victitant. Est præterea avium delicatissimarum ibi copia, quas aliquando Christiani vel Turcæ, rarius tamen peregrini Poloni capere solent. Venationes cervorum, caprarum, aprorum & leporum in ditione Tartarica & Turcica mari vicina, sunt plurimæ. *Chersonesum* autem hanc mediam horridi & ardui montes velut *Apenninus* Italiam in borealem & australem dividunt. Australem, cujus metropolis est *Capha*, *Mahometes* anno MCCCCLXXV occupavit, & sibi tributariam fecit. In boreali verò parte Tartari, *Crimæi* vulgo appellati, latissi-

Cali temp.
peris.Soli ferti-
litas.Anima-
lium varia-
tates.Imperium
majorum.

mos inter *Borysthenem* & *Tanaïm* campos, pascuis subinde mutatis pervagantes, sedem regiam annos jam ferè quadringentos habuerunt oppidum *Crimæum*, unde & *Crimæi* Tartari appellati fuerunt. Hipostea perfosso *Tauricæ* ad insulæ formam *Isthmo*, circa fossam eam quam *Præcop* appellant, civitatem ejusdem nominis & regiam sedem cum condidissent, *Præcopenses* Tartari inde dicti sunt. Horum rex Turcis fœdere & societate conjunctus, cum proprios fratres (instigantibus Turcis, à quibus bello petebatur) submovisset, & *Capham* obsidione premeret, à suis consiliariis ad hoc amplis muneribus corruptis, cum duobus filiis in frustra concisus, *Ottomannicæ* amicitia infœlix exemplum præbuit: eo enim occiso Tartari, qui hæcenus liberi & indomiti, ex sociis & fratribus *Ottomannorum* facti sunt servi, & more aliarum *Turcarum* provinciarum non regem, sed *Beglerbegum*, id est, Vice-regem accipere sunt coacti. Quale autem sit *Turcicum* imperium, ex *Walachiæ*, *Græciæ* & Imperii *Turcici* descriptionibus faciliè potest cognosci, quo lectorem brevitationis causa remittimus. Præter *Cazan* autem & *Astrachan* regna *Tartarorum*, qui agros colunt domosque inhabitant & nunc *Moscho* subjiciuntur, præterque dictos *Præcopenses*, sunt & alii Tartari campestres, qui cateratim in campis nullis finibus observati degunt & in hordas veluti in quasdam provincias, à quibus & cognominantur, divisi sunt: de his suo loco, Asiaticis videlicet tabulis, dicemus. In australi metropolis est *Capha* olim dicta *Theodosia*, emporium celeberrimum, vetus *Genuesium* colonia. Sita est ad mare, portumque copiosum illa semper habuit. *Genuesi* tempore apparere eam divitem & frequentem admodum fuisse. Postquam

Vides.

verò



verò à Turcis ab annis plus centum Genuensibus erepta fuerat, christiani Itali in angustum ita redacti sunt, ut exiguae & obscurae admodum eorum reliquiae in ea supersint: civitas pristinum splendorem magna ex parte amisit. Templà christianorum romana prostrata, aedes dirutae, muri & turres, in quibus Genuensium plurima insignia & inscriptiones latinae videntur, collapsa jacent. Turcis, Armenis, Judaeis, Italis, & Graecis christianis paucissimis habitatoribus referta, negotiationibus, portuque universae ejus Tauricae nuntietiam nobilis est. Vineas, pomaria & hortos ferè infinitos habet. Ac præter hanc sunt *Perecopia* à veteribus Graecis *Eupatoria*, *Pompeiopolis*, *Sacer Lucus*, *Dromon* vel *curfus Achillis* seu *Gracida*, *Heracleum* vel *Heraclea*, appellata: *Coslovica*, emporium non ignobile: est & *Ingermenum*, quod arcem lapideam, templum & specus sub arce, & ex adverso arcis, miro opere expetra excisos habet: nam in monte maximo antiquissimo situm ac inde à specubus Turcis cognomen retinet. Oppidum quondam non ignobile opibus refertum, celeberrimumque extitit. *Chersonesus* seu *Corfunum* urbs Taurica antiquissima. Hanc *Saci Germenum*, quasi *flavam arcem* Turcae vocarunt, nam solum quasi flavum ille tractus habet. Quae, quod superba, dives, delicata, & clara quondam Graecae gentis colonia fuerit; universaeque Peninsulae urbs antiquissima, frequens, magnifica, portuque nobilissima extiterit, admirandae illius ruinae manifestè testantur. *Iamboli* seu *Balachium* arx & civitas: *Moncopia* seu *Mangutum*, (ut Turcae vocant) arx & oppidum: *Cercum* oppidum cum arce. *Cremum*, seu à Tartaris *Crimum* dicitur civitas & arx muro antiquissimo, maximo ac præalto, magnitudine ac celebritate reliquis civitatibus Tauricae Chersonesi

mediterraneae (nam eam *Ptolemeus* ita nominat) admodum dissimilis, *Ptolemeo* fortasse *Taphros*, *Plinio* vero *Taphra*. Ac in extrema hujus regionis parte *Tanas*, civitas, ad ostia Tanais fluvii: Rutheni vocant *Azac*, estque nobile emporium, ad quod mercatores ex diversis Orbis partibus commeant, ubi cuique liber patet accessus, ac liberà emendi & vendendi facultas: & aliae. Fluvii in hac regione plurimi, non parvi admodum ex montibus decurrentes: Inter quos praecipui *Borysphenes* vulgo *Nieper* altissimus & rapidissimus fluvius, qui à seprentione labitur in Careinitum sinum seu fluvium, atque in Pontum Euxinum penes *Oczacoviam* influit. *Don*, *Ariel*, *Samara*, cum multis aliis. *Bosphorus Cimmerius* ad quem usque hanc Chersonesum protendi diximus, fretum est quod Europam ab Asia determinat, duorum millium passuum latitudine, per quod palus Maotica in Pontum defluit. Hic Cimmerius à Cimmeriis, qui partem ejus frigidissimam incolunt, dicitur: vel ab oppido Cimmerio, ut vult *Volaterranus*. *Maotis* palus est propè Phasidis ostium: recipiens Tanaim. Hæc *Ponti mater* dicitur Scythiis, teste *Dionysio*, ob id maximè quod multa inde in eum affluat aqua, distraeta potissimum ex Cimmerio Bosphoro atque ex multis aliunde locis, quæ adeo ex omni parte paludem replet, ut non possit inter sua labra contineri. Hæc quia plurima recipit flumina, piscibus abundat. Pontus *Euxinus* itidem, cujus superior aqua dulcis est, inferior salia. Hic cum prius *Axenus*, imò secundum *Sophoclem* *Apoxenus*, vel quodnavium eo non fieret appullus, vel propter barbaros Scythas accolas, qui advenas trucidabant, diceretur, postea *Euxinum* figura quam vocant *Euphemisimum*, dixerunt. Alii hoc ad *Herculem*, alii ad *Ionas* retulere. Pontum verò dixerunt

Flumina.

Maria.

Montes. dixere tanquam alterum Oceanum; putabant enim eos qui illum navigassent, exitium quid & memorabile præstitisse, & ob id inquit *Strabo* per excellentiam propriè Pontum appellatur, quemadmodum *Homerum* poetam. Montes horridi atque ardui, inprimis illi qui Chersonesum mediam secant. Sunt & alii maximi & celebres. Maximus verò omnium, altissimus est, & in summitate lacum sanè non exiguum habet. Sed hac hæcenus: deinceps reliqua videamus. Jus vel justitia Mahometica lege apud Tartaros administratur in civitatibus vel oppidis Chani, & reliquorum Sultanorum. Presbyteri Cadii vel Iudices in pagis, Begi vel Præfecti, qui injurias particulares audiunt & decidunt, perpetui habentur. Veruntamen capitis, sanguinis, furti, quas civiles causas nos dicimus, Chanus ipse cum Consiliariis suis discernit. In quibus exponendis causidico non egent, subtilitatibus juris, calumniis, excusationibus, nec dilationibus utuntur. Extremæ enim conditionis Tartari vel peregrini coram judicibus & Chano ipso, à quo semper adiuntur, & celeriter expediuntur, injurias suas ipsi per se liberè admodum exponunt; omnibus enim semper ad illum aditus patet. Filios à primis annis Arabicis literis instituendos: filias verò domi non alunt, verum propinquiore sanguine curandas tradunt. Filios adultos Chano vel Sultanis in ministerium, filias nobiles insignioribus ac nobilioribus Tartaris vel Turcis dant in matrimonium. In aula principis insigniores Tartari ac nobiliores non ad fastum vel superbium luxum, verum pro necessitate & honestate satis splendidi & civiles sunt. Cum in publicum exit Chanus, mi-

serimæ fortis homines non excluduntur, à Chano verò conspecti examinantur, videlicet ut si quid opus habeant, referant. Legibus obedientiam magnam Tartari præstant: Principes suos deorum loco ipsi adorant & venerantur. Judices pro lege Mahometana perpetui & spirituales, pro divinis indubitataque omnis æquitatis & integritatis, fidei & opinionis viri inter illos habentur. A controversiis, criminationibus juridicis, jurgiis minus necessariis & particularibus, invidia, odio, tectis excessibus, omni luxu & ambitione, in victu & amictu profusus alieni sunt. In aula Principis, nec inter suos, gladios, arcus, nec alia ulla arma illi gestant, exceptis viatoribus, vel peregrinis iter facientibus, in quos admodum humani & hospitales sunt. Nobiliores panem, carnes, cibum, vinum igni eliquatum & multum potum habent, agrestiores pane carent, verum milio concusso, lacte & aqua diluto, quem *Cassa* vulgò nominant, & caseo pro cibo, pro potu lacte equino utuntur. Camelos, equos & boves oneri inutiles, vel jam moribundos jugulant, ac ovium carnibus non raro vescuntur. Mechanicas artes rarissimi, & in civitatibus vel oppidis pauci admodum mercaturam exercent, & quicunque artifices vel mercatores sibi reperiuntur, vel christianorum mancipia, vel Turcæ, Armeni, Judei, Cerecii, Petigorenses qui christiani sunt, Phylistini vel Cyngani obscuræ & extremæ conditionis homines sunt. Sed de Taurica Chersoneso ac regionibus septentrionalibus quæ dicta sunt hæcenus, sufficiant. Ad Hispaniam, cui in nostra distributione princeps locus deinceps tribuitur, quod felix faustumque sit, eam lustraturi, transcamus.

Regio.

HISPANIA nobilis Europæ regio, primaque continentis terræ pars, ab *Hispano* rege, ut notat *Iustinus*, dicta est. Alii sic nominatam volunt ab *Hispal* urbe nobilissima, quam hodie *Seviliam* appellant. *Abrahamus* verò *Ortelius*, vir in palæstra Geographica valdè operosus, quum Iberiam Asiæ regionem olim *Paniam* à *Pane*, quem *Iberis Dionysius*, victoriâ potius, præfecerat, inde verò *Spaniam* ab junioribus vocatam fuisse, legisset apud auctorem de Fluminibus & Montibus, fidem sequutum *Sosthenis* lib. III. rerum Ibericarum: scriptoresque ferè omnes animadvertisset primos Hispaniæ incolas ex Iberia usque derivare: adductus est, ut ab *Spania* potius illa, quam ab *Hispano* vel *Hispal* nomen regioni inditum, crederet. Sanè *Spaniam* nominat *D. Paulus* epistolâ ad Rom. cap. xv. *Spaniam* etiam vocat alibi *D. Hieronymus*, ac multi alii. Quam autem *Hispaniam* latini scriptores, *Prolemaus*, *Stephanus* & alii *Hispaniam* vocant, rejecta adspiratione, temporibus antiquissimis *Iberiam* & *Hesperiam* nominatam memoriâ prædunt *Strabo*, *Plinius*, aliique. *Iberiam* quidem ab *Iberia* Asiæ regione, unde primos Hispaniæ incolas non pauci deducunt. Alii *Iberiam* ab *Ibero* rege trahunt; alii ab *Ibero* flumine; *Avienus* ab *Ibera* Bæticæ oppido. *Hesperiam* verò, ab *Hespero*, ut quidam memorant, *Atlantis* fratre, vel ut *Horatius* putat, ab *Hesperia* *Hesperii* filia, vel potius ab *Hespero* stella occidentali: quia in Europæ continente nihil est hac regione occidentalius. Quumque & Italiæ nomen idem esset, *Horatius* hanc *Ultimam* canit. *Celtiberiam* quondam fuisse nominatam tradit *Appianus*: quæ tamen pars Hispaniæ (quam *Celticam* olim dixerunt teste *Varrone*) potius

cenſenda. *Sepharad* Hebræis dici notant *Gulielmus Postellus* & *Benedictus Arias Montanus* in Abdiam. Atque hæc de nomine: sequitur quantitas & qualitas. Quantitas consistit in finibus & circuitu, quæque inde quasi nascitur, formâ vel figurâ. Quod igitur ad fines: alluit Hispaniæ duo quidem latera Oceanus; Aquilonare Cantabricus; occidentale Atlanticus; tertium, quod ad meridiem, ubi fretum Herculeum, mare pulsat Ibericum, quod & Balcaricum; versus orientem Pyrenæos habet montes, perpetuis jugis ab Oceano, ubi Flaviobriga, hodie *Fuenterabia*, tendentes ad mare mediterraneum; duobus insignes Promontoriis, uno, quod *Olarso* cognominatum, in Oceanum projecto; altero, quondam à *Veneris* Templo, nunc verò ab *S. Cruce* denominato, in Mediterraneo. Hispaniæ longitudo maxima milliarium Hispanicorum ccc, latitudo quâ maxima cxi, quam minima lx. *Ioannes Vassæus* in Hispaniæ Chronico memorie prodit, Hispaniam ad Pyrenæostam angustam esse, ut cum per eos iter faceret, in monte *D. Hadriani*, *Ferdinando Colone* rerum istarum peritissimo commonstrante, nisi sefellerit adspèctus, utrumque viderit mare: Oceanum scilicet, cui peregrinantes erant proximi, atque eminus, quousque oculorum acies ferre poterat, albicantes maris Mediterranei fluctus. Circuitum autem dc mill. statuunt, & amplius. *Strabo*, *Ptol.* & alii Hispaniam comparant corio bubulo humi protenso: cuius partes ad collum pertinentes in adhaerentem ipsi Galliam porriguntur. Collum inquam, quantum protenditur mons Pyrenæus ab Mediterraneo mari ad Oceanum Britannicum: inde dilatur ad brachia, ab nova Carthagine usq; ad Cantabros: Crura à freto Herculeo usque

*Calitum-
peries.*

*Sol's fev-
tilitas.*

usque in Gallæciam & mare Britannicum: ultimū corii, ad modum caudæ, Promontoriū Sacrum, hodie *S. Kincetii*, quod extenditur in Oceanum Atlanticum, longè ultrà omnem Hispaniam. Subest Hispania medio quarti, totique quinto, parti etiam sexti climatis: ubi optima ad res omnes temperies. Nam neque ut Africa violento sole torretur; neque, ut Gallia, ventis assiduīs fatigatur: sed inter utramque media, hyeme & æstate temperato Sole perfruitur. Hinc magna cœli salubritas per Hispaniam, teste *Iustino*, æqualisque aëris spiritus nullā paludum gravi nebulā inficitur. Huc accedunt marinæ auræ undique assidui flatus, quibus omnem provinciam penetrantibus, eventilato terrestri spiritu, præcipua omnibus sanitas redditur. Nō eadem tamen Hispaniæ passim qualitas. Quā enim arcton spectat, plerisque scribentibus, frigidior est, nonnulliusq; asperitatis; Oceano semper obnoxia, interiorum aquarum indiga, malignæque inde habitationis: quin etiam rupibus, saltibus, locisque silvestribus pleraque obsessa. Quā montibus ferè perpetuum intercurrentibus, in austrum declinat, tota felix, tota beata, ut multis magnisque fluminibus irrigari, sic tempestivis pluviis, quantum sufficit, recreari solita, & hinc omne genus, eā præcipuè parte, frugum: animaliumque non benigna solum mater, sed & nutritrix sollicita. Admirandum eorum, cū quæ ex terra proveniunt, rum quæ in terræ visceribus generantur & latent, fertilitatem; animantium item, quæ terrā marique nascuntur, præstantiam; quis dignè, utq; singula flagitant, commemorabit? Incredibilis per omnē Hispaniam frugum ubertas: & plerique agri tantæ sunt liberalitatis, ut pro accepto uno tritici modio triginta plurimum colonis

reddant: sæpè etiam quadraginta. Herbarum cū sativarum, tum voluntariarum, quæ citra sementem erumpunt, quibusque insignes sunt & peculiare vires, passim, cum primis in montosis locis est feracissima: ubi sui dissimilis, inquit *Pomponius*, linum aut spartum alit, fructus etiam arborum numero plures, formæque grandiores habet. Quid mala referam? Inter ea melioris notæ sunt duo, *Canisum* & *Regium*. Quid piræ? In iis supremæ classis quatuor, quæ odore gustuque suavissima: *Apianum* quod *Muscatum* vocant omnium pyrorum minimum, *Vinosum*, *Pintum*, quartumque, quod Hispanis *Sine Regula* nominatur. Quid olivæ? in harum numero primas obtinent Hispanenses, quæ magnitudine juglandes excedunt. Quid de reliquis dicam fructibus? Plenè decantata sunt non paucis mala Hesperia vel citrea: cydonia, quæ vulgò *Membrillos*, granata, suis etiam coriis medicinam facientia. Quid vīna commemorabo, optimi saporis odorisque? Passim quidem generosa admodum leguntur, aliis tamen & aliis locis præstantiora. Hispania etiam dives quondam universim, ut nunc quoque variis in locis, preciosissimis auri, argenti, æris, ferri, plumbi, aliorumque metallorum thesauris. Quid jam dicam de salinis? Sal in Hispania nō modo coqui, verum etiam plurimum effodi, hoc est & fieri & gigni, tradit *Solinus*. Fit in multis Hispaniæ locis ex aquis puteanis, ut apud *Seguntiam* & alibi; unde regibus magnum exigitur vectigal. Sunt & montes Hispaniæ, si fides *Marinæo Siculo*, nativi salis. Est Hispania præterea pecoris omnis generis dives; gregibus & armentis plena: adeo ut mugitu, balatuque nemora, silvæ, montes, prata, campi, saltus ubique resonent. Equos alit optimos:

*Animam
viam
viam*

Imperium
majus.

cæteris Bætica plures, Asturia fortiores, *Asturcones* inde dictos. Leones autem, camelos & elephantes non novit, nisi cicures & aliunde advectos. Ad venationes extimulant, cum alia, tum in montibus, vallibus, silvisque, damæ, cervi, apri, ursi, lepores, cuniculi. Ad aucupia invitant cum aves alia, tum aquilæ, ardeæ, accipitres, atrogenes, eo nuper ex Sicilia allati. Item græves, anseres, perdices, palumbi, torquati dicti, anates silvestres & cicures. Sed de his satis, ad imperium majorum venio, quod caput in methodo nostra proxime sequitur. Non animus hic mihi, recensendis cum ex aliis, tum *Iustino*, *Diodoro*, *Iosepho*, *Eusebio*, *Hieronymo*, supposititioque *Beroso*, & interprete ejus *Annio Viterbiensi*, antiquis Hispaniæ regibus, rebusque ab iis domi militiaeque gestis, lectorem morari. Nugari hoc esset & ineptire cum multis. *Tubal* non in Hispania neque in Europa, sed in Asia fuit. Huic qui sufficiuntur, *Iberus*, *Iubalda*, *Brygus*, *Tagus*, *Betus* & alii, reges nec tendendi absint: nisi quis fluviiis aliisque rebus inanimatis nasci tunc temporis solitos reges concedat. Qui fictum illud agmen sequuti, non meliores sunt conditionis. Incerta omnia: ut & vix certiora, quæ successione quadam gessisse scribuntur in Hispania, regibus quasi exactis, variâ fortunâ, multisque & populis à se seminatis & oppidis, *Lydi*, *Thracæ*, *Rhodii*, *Phryges*, *Cyprii*, *Phœnices*, *Ægyptii*, *Milesii*, *Cares*, *Lesbii* & *Chaldæi*. Exploratoriâ censeferi solent, quæ ab Carthaginensibus, Romanis, multoties post Gothis, Vandalis, Alanis, Suevis, Hunnis, eorumque regibus patrata, memoriæ produnt scriptores, qui partim rebus gerendis astiterunt, partim ex fidelissima aliorum cognoverunt relatione. Ea, paucis dicam, sic habent. Quum in Hispania longè

latèque dominarentur & pleraque sub ditione sua haberent Pœni, aliique Africæ populi, contra eos primi omnium cum armatis exercitiis ab S. P. Q. R. missi sunt Cn. & P. *Cornelii Scipiones*, belli Punici 11 initio: qui septimo ejus belli anno sunt cæsi, *Q. Fulvio Flacco* & *Ap. Claudio Pulcro* Coss. Submissus anno sequenti patri patruoque P. *Cornelius Scipio Africanus major* multa prosperè gessit, primusque ibidem provinciam fecit; *Q. Cæcilio Metello* & *L. Veturio Philone* Coss. anno V. C. 10 XLII. Hic *Asdrubale* & *Magone* Carthaginensium ducibus, acie ad Bætulam urbem (quæ quo loco hodie in Andalusia visuntur *Baëta* & *Vbeda*, fuisse creditur) fugatis, atque inde ex tota Hispania pulsis, vindicatisque armis Hispaniis, amicitiam cum *Syphace* Massylorum (hodie *Biledulgerid*) rege, iusto fœdere, firmavit. Paulo post rebellantes Hispaniæ populos ad deditiorem compulsi, fœdereque cum *Massanissa* Massylorum (fuerunt ubi nunc Regnum *Tremissimum*) rege & Gaditanis facta, provinciâ *L. Lentulo* & *L. Manlio Acidino* traditâ, Romam reversus est. Post *Scipionem* Hispaniam *L. Cornelius Lentulus* Proconsul obtinuit, qui rebus benè feliciterque gestis ovans urbem ingressus est, an. V. C. 10 LIX. Triennio post *C. Cornelio Cethego*, *Minucio Rufo* Coss. Hispaniæ primùm sunt terminatæ, atque in eas duo novi Prætores missi, *C. Sempronius Tuditanus* in Citeriorem, *M. Helvius Blasio* in Vteriorè. Vix duobus elapsis annis, quum tantum glisceret in Hispania bellum, ut jam consulari & duce & exercitu opus esset, *M. Porcius Cato* Consul citeriorem sortitus, bello ab Emporiis (retinetur hodieque nomen in *Ampuriis*) cæpto, rebellantè ita pacavit, ut Proconsul ex ea triumpharet, anno 10 LX. Hic est ille *Cato*, qui miro stratagemate multarum Hispaniæ urbium

urbium muros uno die diruit, scribente *Livio*, & aliis. Post *Catonis* victoriam Hispaniæ variè possessæ saepeque nunc hîc nunci ibi amissæ, ita ut supra xxx triumpho postea ex his relati memorentur. Stipendium pendere nō prius cœperunt, quàm Augusto principe: qui cum Hispaniam omnem, debellatis Cantabris & Asturibus, qui omnium diutissimè resistenterant, multo varioque Marte perdomisset, universam in tres provincias divisit, *Beticam*, *Lusitanicam*, & *Tarraconensem*. Singulis inde sui sunt attributi conventus: Beticæ *IV*, *Gaditanus*, *Cordubensis*, *Astigitanus* & *Hispalensis*. Lusitania tres habuit, *Emeritensem*, *Pacensem*, & *Scalabitani*. Tarraconensis denique *VII*, *Carthaginensem*, *Tarraconensem*, *Cesar-Augustanum*, *Cluniensem*, *Asturum*, *Lucensem*, & *Bracarensem*. Videndi *Plinius* lib. *III*, *Strabo* lib. *III*, & alii. Sic rebus subinde paullum mutantibus, provinciæ nobilissimæ Romanis paruerūt usque ad Imperatoris *Honorii III* & *Theodosii III* Consulatum, qui incidit in annum salutis ccccxiv. quo tempore Vandali, Suevi & Alani, ab *Stilicone* in Gallias evocati, quum eas, Rheno trajecto, omnes pene occupassent, & in iis jam immanium barbarorum more debaucharentur: ab Gothis, *Adolpho* & *Vallia* regibus, quos ad liberandas Gallias *Honorius* Imperator miserat, exacti, transgressi Pyrenæos montes, Hispaniam Romanis ereptam multos annos obtinuerunt. Post Gothi, Galliam incolentes, ab Francis bello periti in Vandalos vice versa arma movent. Franci Gothos ex Galliis, Gothi Vandalos & Alanos ex Hispaniis eijciunt: Suevis ad internecionem cæsis. Quo tempore Vandali & Alani à *Bonifacio* in Africam, cui pro Imperatore præerat, evocati Hispanias

Gothis possidendas reliquerunt. Gothi Hispaniam, Romanis præsidii omnino expulsi, quum sui juris fecissent, eaque sub suis regibus longo jam tempore fuissent potiri: tandem ingenti bello ab Sarracenis Arabibus profligati, rege *Roderico* occiso, Hispaniam fere omnem amiserunt. Bello superstites quū in Asturum, Cantabrorum, & Gallæcorum montibus sese muniissent, paullatim amissas regiones, urbes & castella recuperare cœperunt: & postremo quum Sarracenorum res in Betica Hispania se contraxissent, omnemque Hispaniam Gothi recuperassent, iis etiam ab *Ferdinando* Aragoniæ rege cognomine *Catholico* (quod hereditarium deinceps esse cœpit successoribus) victis, atq; omni Hispania cum *Mele*, qui se Granatæ regem scribebat, exturbatis, universa regio dominis antiquis est restituta. Quum autem Maurorum temporibus à quinque regibus, Castellæ, Aragoniæ, Portugalliæ, Granatæ, & Navarræ, Hispania fuerit possessa, solus hodie imperium in eam exercet *Philippus III*, *Philippi* magni *F*, *Caroli* imperatoris ter maximi *N*. Divisa olim variè fuit. Romani primò diviserunt in *Citeriorem* & *Vltiorem*. *Citeriorem* dicebant; quæ Principi Urbi, Imperiique terris, proximior erat, inter Iberum sita fluvium & Pyrenæos montes: *Vltiorem* vocabant, quæ remotior, ultra Iberum, ad Oceanum usque extensa. Sequentibus temporibus Hispaniam in sex fuisse distributam provincias legimus, *Tarraconensem*, *Carthaginensem*, *Lusitaniam*, *Galiciam*, *Beticam*, & trans fretum in regione Africæ *Tingitanam*. Maurorum tempore regna fuerunt in Hispania plurima, quæ posteriores in quinque divisere, Castellæ, Aragonum, Portugalliæ

tugallia, Granatæ & Navarra. Partiuntur autem novâ distributione totum imperium in tria regna, Aragonia scilicet, Castilia & Portugallia. Sub Aragonensi regno comprehenditur, præter Aragoniam, Catalonia, Valentia, Majorica, Minorica. Sub regno Castilia comprehenditur Biscaya, Leon, Asturia, Galicia, Estremadura, Andalusia, Granata, Murcia, utraque Castilia, cum accessione Canariarum insularum. Sub regno Portugallia comprehenditur, præter Portugalliam, Algarbia. Urbes in toto regno pene sunt innumerae. Inter eas præcipuæ, Hispalis, Madritum, Tarra-
Urbium nomina.
 co, Lisbona, Granata, Pampilonia, Valentia, Barcino vulgo Barzelona, Legio VII Germanica nunc Leon, S. Lucar, Corduba, Nebrissa, Compostella, Toletum, Salamantica, Complutum, Pintia, Caesar-ugusta nunc Saragossa, Asturica Augusta, aliaque plurimæ. Sunt hic lacus admirabiles. Propè oppidum Bejaram lacusest non utilis minus quam admirabilis; qui & turtures, pisces subnigros & excellentes, gignit, & futuram pluviam turbinemque, teste *Marineo Siculo*, magno aëris sonitu prænunciat; adeo ut ejus murmur quasi tauri mugitus sæpenumero ad duodeviginti millia pass. fuerit auditum. In summo *Montis Stelle* cacumine lacus quidam est, scribente *Vasæo*, in quo fragmenta navium subinde reperiuntur, quum tamen à mari plus xli leucis absit: quin quod exastuet & tempestates ibi adiantur, adfirmare incolas, quoties intumescit mare, idem notat. In Cantabria lacum fulmen decidisse, & repertas duodecim secures, ait in *Galba* vita diligentissimus scriptor *Suetonius*. *Amenum Stagnum* est apud *Plinium* lib. III natur. histor. cap. III, haud procul Valentia: hodie *Albufera*. Sequuntur flumina. Hispania multis passim irrigatur fluviiis. Sunt qui centum & quinquaginta numerant, & in iis pontes ultra septingentos,

inter quos nobilissimi Segovia & Alcantara, Alii alii sunt nobiliores. *Iberus Ptolemao*, Ebro hodie, erumpit apud Cantabros ex Idubeda monte, duobus fontibus, quorum dexter in saltu Aucensi (*Monte d'Oca*), sinister ad oppidum, quod incolis *Fuentibre*. Inde magnis crescens amnibus, primò Calaguritani exceptus arvis (*Calahorra*) Iuliobrigam & Tudellam petit. Navarra oppida, Iuliamque & Celsam; inde Caesar-Augusta in alluit. Illinc digressus in austrum, & mox versus euro notum, labitur per Laletaniae populos, qui nunc Catalani; & Dertusam opulentam urbem præterlabitur. Postremò plurimis fluviiis auctus, peractò quadringentorū sexaginta mill. pass. cursu, in Mediterraneum, cognomine ipsi, pelagus, tam violenter duobus ostiis ingreditur, ut L. passus in mare profusus, dulcis hauriatur. *Durius* maximus (concurrentibus in eum tot amnibus quos enumerare longum esset) Hispania fluvius ex Idubeda, ubi nomen illi *Sierra de Cocolo* scaturiens, Vectones ab Asturibus, Lusitanos ab Gallæcis veteribus determinat. Turrem Sulanam, (*Tordeillas*) Salabrim, Mirandam & alia oppida contemplatus, decimo quinto ferè infra Lamecam milliari, apud oppidum Portugallia, quod *Portus* dicitur, rapidissimo cursu, occidentali se miscet Oceano, *Doris*, *Ptolemao*, *Durias Straboni*, *Duero* hodie. *Tagus*, *Ptolemao*, cæterisque, nascitur in altissimi Orospe dæ jugis, stadiis quinquaginta ab oppido parvo, cui nomen *Tragacer*, haud procul ab urbe Concia nunc *Cuenca*. Per Carpetanos lapsus Solem, Regalem urbem, petit, ponteque accepto, Talaveram, Augustobrigam, Alcantaram aliaque urbes non ignobiles alluens, mediam ferè secans Portugalliam, ultra Olisipponam in occiduum se exonerat Oceanum, ostio bis millium, ut quidam notant, quin-

quingenta pass. latitudine. Accolis hic fluvius hodieque *Tajo*, Lusitanis *Tejo*. *Tagus* auriferis arenis copiosus reliquis Hispaniarum fluminibus, uti testantur *Solinus* in Polyhistor & *Isidorus* lib. xiii Etymolog. cap. xxi, præferebatur. Auriferum hodieque, ut & alios multos Lusitanæ fluvios, esse adfirmat apud *Ortelium* vir fide dignus *Emanuel Eyricus*. Piscium item, ostreorumque feracissimum, gemmasque generantem memoriæ prodit *Pomponius Mela*. *Anas* latinis græcisque scriptoribus satis notus, originem habet ex vastis stagnis, in Laminiano agro, ut scribit *Plinius* lib. iii Naturalis Histor. cap. i, hodie *Campo de Montiel*, circa oppidum, Hispanis *Cagnamanes* dictum: Oretanos præterlapsus ad Metallinā, ubi castra fuisse *Vitelliana* docent antiquæ ejus loci inscriptiones, terræ se penetrabilibus condere putatur: (nam ex vulgi opinione magis quam ex veritate hæc esse testis est apud *Ortelium* oculus *Georgius ab Austria* præpositus *Harlebecensis*;) mox post aliquot leucas, quasi sæpius nasci gaudens, inquit *Plinius*, ad Villartam eruptione facta, Augustam Emeritam, ubi longissimo ponte lapideo transitur, Pacem Juliam, & austrum versus alias urbes prætergressus ad castrum Marinum in Oceanum evolvitur: Hispanis hodie *Rio Guadiana* recepta ab Arabibus voce: iis enim *Guad* fluvius. *Batis* *Ptolemæo*, oritur prope Castaonem ex *Orospe*da mōte, ut scribunt *Strabo* & *Stephanus*, quā parte *Sierra d' Alcaraz* nominatur. Ab fonte in occasum vergens, Cordubam aliaq; oppida præterlapsus, ad Hispanim in austrum declinans, ostio satis amplo (unius enim leucæ est) sed quod vad osius, haud procul Gadibus in Atlanticū mare se exonerat. Hic fluvius nobilis auro veteribus est, & olivetis; *Straboni* etiam &

Pausania Taressus nominatur. *Livius Circen* ab incolis nominari notat: quam appellationē aliquamdiu retinuerunt, scribente *Mario Nigro*, Hispania potiti Afri; quibus tandem *Guadalquivir*, vel ut alii scribunt *Guadalchebir*, tãquam fluvius magnus, fuit dictus. *Minus* Hispaniæ Tarraconensis fluvius, ortum habens sexto supra Aras Sextianas, quibus hodie *Lugo* nomen, milliari, ad oppidū vulgo *Castel Verde*, Portum marinum secans, Pontemque Belsarium & Orensem civitatē perlapsus, factō ad Valentiam cum Avia congressu, sex milliaria procurrens in Oceanum se præcipitat. Sunt & alii, *Lethe*, *Turius*, *Limaæ*, *Sicores*, *Chalybs*, *Austra*, atq; alii minorum gentium fluvii, quos aliis explicandos, ne prolixiores sumus, relinquimus. Mare nos vocat, & quæ cum eo censerī solita, sinus & portus. Oceano undique Hispania & mari Mediterraneo concluditur; præter eam partē quæ montibus Pyrenæis & Aquitanæ cōjungitur. Quorum beneficio parentibus gremiis, universi Orbis tam novi quàm veteris commercio oportuna, tanquam ad juvandos mortales ipsa avida in maria procurrit. Quæ & marinorum piscium genus omne abunde subministrant. Inter quos cete, balenæ, congrī, murænæ, thynni, sàvali, lampetræ, & alii, tum ostrea, conchyliæque. Sinus Hispaniæ celeberrimi sunt tres, omnes ad mare Mediterraneum, *Sucronensis*, *Illicitanus*, *Virgitanus*. Omnium vastissimus est *Sucronensis*, magno satis ore pelagus, inquit *Mela*, accipiens, & quo magis penetratur angustior. Mediæ magnitudinis est *Illicitanus* nunc *Puerto d' Alicante*. Minimus est *Virgitanus*, ab oppido, ut scribit *Mela*, *Virgi*, hodie *Vera* vel *Bera*. Corrupte apud *Prolo*. *Vrce* vel *Virge*: nec emendatius apud *Antoninum Vrci*, ut nec apud *Plinium Vrgi*.

Maris commoditates.

Nomi-

Nominatur & *Gaditanus* sinus *Mela* lib. III ab *Gadibus*. Hodie *Baia de Cadiz*. Inter *Portus*, quos *Hispania* habet, primus est loci qui *Magnus* veteribus, inter *Nerium* & *Scythicum* promontoria, *Corunna* hodie. Sunt & *Anibalus Portus*, apud *Pomponium*; *Albor* hodie in *Algarbiæ* regno: *Amanum*, *Plinio*; nunc *Fuenterabie*, ut *Villanovanus*, vel *Bermeo*, ut *Moralis* censet: *Gaditanus*, *Mela* & *Antonino*, circa *Gades*: *Tarraconensis*, de quo *Silius Italicus* lib. xv. *Veneris* denique *Mela* nominatus ad radices montis *Pyrenæi*. Sed de finibus portubusque, eorumque latitudine & profunditate multis felicissimè scribit *Lucas Aurigarius* in suo *Navigationis Speculo*, chartis, quod ad *Hispaniam*, decimâ, novemque sequentibus. Succedunt montes: inter quos *Pyrenæus* principem obtinet locum, *Hispanos* ab *Gallis* dividens *Pyrenæa* *Ptolemæo* & reliquis; *Stephano Pirena*, *Tibullo Pyrene*; *Livio* & aliis *Saltus Pyrenæus*; *Hispanis* *los Pirenaos* universim: nam pro ratione locorum varia sortitur nomina. Dictum volunt plerique ab igne: vel quod crebris fulminum ictibus feriat; vel quod ejus silvæ (scribente *Diodoro* lib. VI) injecto à pastoribus igne, quondam universæ conflagrarint. *Silius Italicus* denominationis honorem tribuit *Pyrenæ* puellæ, *Bebrycis* filiæ, in eo monte ab *Hercule* compressæ; ibique quum ab feris laniata esset, sepultæ. *Pyrenæus*, ut ab ortu in occasum ad promontorium usque *Celticum* prolatus, *Hispanos* dividit in *cismontanos* & *ultramontanos*, alium ad *Iberi* fontes montem protrudit versus meridiem per *Hispaniæ* latitudinem. Nomen illi *Idubeda* apud *Strabonem* & *Ptolemaum*; *Saltus Aucensis* vulgo, *Monte d'Oca* hodie vocatur, ab *Auca* urbe vetere, cujus ad *Villam-Francam*, vigesimo supra *Burgos* mill. vestigia monstrantur. *Orospeða* *Idubedæ* proles

Montes.

Straboni, *Orospeða* *Ptolemæo*. Toti hodie certum non est nomen: nam qui *Alvaro Gomecio* censetur *Sierra Vermigia*, *Floriano Sierra Mollina*, *Clusio Sierra Morena*: partes ejus sunt. *Orospeða* ad censeretur *Calpe*. Sic *Ptolemæo* aliisque mons vocatur ad frerum *Herculeum*; qui *Gibraltar* vulgo. *Orospeða* item pars rupes præcella, quæ ex *Hispalensi* urbe *Granatam* eunti prope *Archidonam* se conspiciendam offert. Nomen habet famamque meretur ex memorabili, quod in omne ævum est duraturum, amoris exemplo. *Hispanis* dicitur, *la Pena de los Enamorados*, *Amantium Rupes*. *Paullinus Bimarem* nominat. Respicit enim duo maria, internum & externum. *Strabo* *Calpen* montem esse, ait, circuitu quidem non magnum admodum, altitudine autem ingentem & arrectum, ut remotioribus insulæ formam præferat. Vnam *Herculis* Columnarum sunt qui fabulantur, alteramque ex adverso *Abylam* in *Africa*, laborum *Herculis* metas: addunt unum fuisse quondam montem, sed ab *Hercule* perfossum, atque ita mutaram rerum faciem. Ex *Alcaraßum Mariani* montes surgunt. Sic nominat *Plinius*, qui singulariter *Marianus Ptolemæo*, & mons *Mariorum Antonino*: hodie *Sierra Morena*. Radices horum montium alluit ad lævam perpetuo ferè ad Oceanum usque nobilissimus fluvius *Bætis*. Juxta *Barcinonem* mons est quem *Mont Ivi* vocant accolæ: sunt qui interpretantur *Montem Iovis*; alii verò melius *Montem Iudeorum*, qui quondam illic sepeliebantur, quorumque plura adhuc ibi sepulcreta & signa. In vertice turris est, unde speculator die quidem linteo velo, noctu verò facibus, navigiorum adventum *Barcinonæ* civibus ostendit. *Silvis*, nemoribus, arboribusque singulares ferentibus fructus, ubique est plena *Hispania*. Longum esset omnia

Silvæ.

omnia commemorare. Nemo est apud oppidum, cui ab *Monte Majore* nomen, in quo quercus, castaneas, ilices, nuces, corylos, cerasos, prunos, piros, ficus, labruscas, & omne genus arborum fructiferarum sola natura plantavit, altitudinis ingentis & latitudinis. Haud procul oppido Bejerano nemo est amœnissimum, ubi castaneæ arboris ambitum se mensum scribit *Lucius Marimæ Siculus* pedum circiter quadraginta. Silvas etiam cæduas complures habet. Quare & materia abundè præbetur struendis navibus. Quid jam de operibus publicis, quid de privatis dicam? Plurima hæc magnifica templa, plurimæ abbatiæ, cœnobîa, monasteria, xenodochia & nosocomia. Multa regum conspicua palatia, multæ magnatum & equitum magnificæ & pulcherrimæ ædes, innumera denique alia & publica & privata ædificia. Rex verò *Hispaniarum* nascitur, non eligitur: inauguratur tamen, populoque sacramentum dicit & ab eo accipit. Liberi regis *Infantes* Hispaniarum appellantur. Inter eos primogenitus, omnium procerum, civitatum & populorum jurejurando rex vivo patre designatur, & *Hispaniarum Princeps* dicitur. Quamvis autem regi suprema sit in omnes & omnia potestas liberumque arbitrium: nihil tamen ferè decernit, nisi ex *xii-virorum* (qui totius Regni primores *Senatum Regium* constituunt) consilio. Ibi graviora, quæque magni momenti, plenè ventilata terminantur: quæ celanda, in *Secretiore Consequu* discutiuntur, quem faciunt ipse rex, Dictator Legionensis, Præses, tertique Consilii regii portio. Quæ ad Indias earumque gubernationem pertinent, tractantur in Senatu, quem *Judicum* vocant, ab uno Præsede, *xii* vero Consiliariis. Bellica in *Senatu Militari* peraguntur: quem statuunt

xii-viri Senatus regii, dictatores item Legionensis & Castellanus, cum aliis. Præter hos etiam tres in Hispania sunt *Juris Præfectura*, quas *Audientias* vel *Cancellarias* appellant, una quidem in Castilia, altera verò in Granada, tertia in Galætia: unicuique præses est & *xii* senatores: ab his, si litigantes sibi minus satisfactum arbitrentur, controversiæ ad Senatum deferuntur regium. Est denique *Thesaurarius Castellanus* sub se quatuor habens *Questores*, quorum omnium est pecunias regni tractare, earumque habere reddereque rationem. Ducum in Hispania, Marchionum, Comitumque ingens numerus. Præter Principem *Asturiarum* & alios, Duces invenio circiter *xxiii*. Sunt illi *Friensis*, *Medina-Rivisicci*, *Alva*, *Alcala*, *Albuquerque*, *Scalona*, *Osuna*, *Averi*, *Bejari*, *Gandia*, *Sesse*, *Infantassi*, *Medina-Celli*, *Medina-Sidonie*, *Maqueda*, *Najara*, *Feria*, *Segobia*, *Sonne*, *Villa-Formosa*, *Verragua*, *Pastrana*, *France-villa*. Sunt & alii, quorum nomina non occurrunt. Quibus omnibus annuus census est à *xl* ad *c* ducatorum millia: Ducibus *Infantassi* & *Medina-Sidonie* summam superantibus: quorum hic *cxxx*, ille *cxx* habet millia. Marchiones hi ferè, *Villa-Nova*, *Astorga*, *Aquilaris*, *Denia*, *Mondejaris*, *Navareti*, *Pliegi*, *Savia*, *Velleza*, *Comares*, *Aiamontis*, *Altamira*, *Veladra*, *Vearina*, *Carpj*, *Camarassa*, *Cortesii*, *Montis-Majoris*, *Guardia*, *Montis-Clari*, *de las Navas*, *Pozæ*, *Steppæ*, *Tanara*, *Villa-France*, *Drada*, *Cavietis*, *Falcis*, *Fomesse*, *Moline*, *Ceralva*, *Valefis*, *Vallis*, *Zaara*, *Ardalis*, *Tarifa*, *Alcanise*, & alii: potiori parte reditum percipiente ab *x* ad *lx* millia ducatorum. Comites recensentur plus minus *lxxx*, quibus annuus reditus est ab *x* ad *xxv* ducatorum millia: inter quos principem obtinet locum *Benaventi*, *Alva*, *Miranda* & *Oropoza*. Longum esset lectorique tædiosum, querere hic Vice-comitum,

Opera
publica &
privata.

Ratio gu-
bernandi.

Senato-
res.

tum, Baronumque numerum: longum Vice-regum, Gubernatorum, provinciis marique Præfectorum: longum denique magnorum Magistrorum, Equitumque variorum Ordinum, in Castella quidem *S. Iacobi, Alcantare, Calatrave, & Rhodiensium Ordinis S. Ioannis*: in Aragonia Cataloniaque Ordinis *Montes*: in Portugallia Ordinum, *Militum Iesu Christi*, (cujus magister ipse Rex est, amplissimi sanè, ut qui annexas habet provincias omnes in Africa, Asia, Americaque inventas) *S. Iacobi*, ejus qui de *Avis* dicitur, itemque *Rhodiensium D. Ioannis*. Inter familias verò Hispaniæ, ut hoc obiter addam, antiquitate prima est *Pacieca*, quum *Hirius* in Commentariis nominet *L. Iunium Pacicem*, ubi de Corduba agit: ejusque etiam mentio fiat apud *Ciceronem* lib. v. i. Epist. ad Familiares epistolâ ad *Leptam*. Non minus illustres sunt *Meridona, Toletana, Cerdea, Cardonea, Larenfis, Velascea, Pimentella, Stunica, Henritica, Orofia, Cordubensis, Limensis, Gusinanea, Mondragonia*: alias alii addant: & parcant nobis Senatusilli, si ordinem violaverimus. De administratione statumque politico diximus: sequitur ecclesiasticus. Primatus Hispaniæ antiquissimis temporibus in Hispalensi fuit Ecclesia, inde verò Toletana, usque ad excidium illud Hispaniæ funestissimum. Toletum enim in barbarorum potestatem redactum, Bracarenfis Archiepiscopus eâ dignitate est functus, docentibus illud ecclesiæ Bracarenfis archivis. Recuperato christianis Toletum, quum Toletanus amissam dignitatem repeteret, Bracarenfis autem semel acquisitam retineret, contentio orta est, quemadmodum legere est lib. i. Decretal. adeo ut adhuc sub iudice lis esse scribatur. Qui porro à temporibus Romanorum & Gothorum in Hispania fuerint Præsules, docet in Chronico suo *I. Vassus* cap. xx.

Post creptas rursus barbarorum manibus Hispanias, Episcopus cum antiquis suis civitatibus sunt restitutum quidam in nonnullis recens instituti. Septem hodie Archiepiscopos Hispaniam habere legimus, iisque subesse Episcopos circiter xi suffraganeos. Primus est *Toletanus*, Castellæ Cancellarius, cui post reges regiamque prolem nullus vel dignitate vel fortunæ amplitudine secundus. Parent illi Episcopi, *Burgenfis*, (cui sedes olim fuerat Auræ, unde *Auritanus*, & corruptè in quibusdam Conciliis aliisque Actis publicis *Auxitanus* dicebatur, translatus inde *Burgos*, Castellæ veteris metropolim, ab *Alphonso* vi, eo, qui Toletum christianis restituit auctoritate *Vrbani* II. P. M. anno cto xcviij) *Cuena* vel *Cunquensis*, *Cinquenea* vel *Ciguntensis*; *Osmia* vel *Oxomensis* (perperam in Concilio *Oxoviensis*;) *Cordubensis*, (Episcopus hic antiquissimus & propter *Osum* episcopum celebratissimus) *Laenensis*, *Palentinensis* vel *Palentinus*; *Segoviensis*. Secundus est *Hispalensis*. Sub eo quondam xi, hodie xii, sunt Episcopus: *Malacitanus*, *Gaditanus* & *Canariensis*. Tertius *Compostellanus*. Episcopus hujus sedes olim fuerat *Iria Flavia*, unde *Iriensis*, oppidum Galæciæ marinum, *Padron* vulgò. Translatus autem postea *Compostellam*, dici deinceps cæpit *Compostellanus*, vel *S. Iacobi*. Ejus auspicia sequuntur *Corienfis*, *Placentinus*, *Asturicensis*, *Gamorenfis*, *Salmanticensis*, *Orecensis*, (qui & *Auriensis* & *Aurismus*, *Orensis* item) *Tuiensis*, (vel *Tudenfis*, à *Tude* sive *Tyde*, oppido Galæciæ ad Minium amnem sito *Tuy* vulgò) *Badaiocensis*, (hodie quoque *Pacensis*) *Mindoniensis* (cujus sedes olim *Ribadeum*, vulgò *Mondonedo*.) Quartus *Granatensis*. Adejus nuntum sunt Præsules *Almeria* & *Guadicensis* vel *Guaditanus*, olim etiâ *Accitanus*; nam quæ olim *Accitana* colonia, hodie *Guadix* nuncupatur. Quintus *Valen-*



Valentinus: cui suffragantur *Carthaginensis*, *Origuelle*, *Segobienſis* (vel *Segobricenſis* à *Segobrica*, quæ nunc *Segobia*) & *Balearium Majoris*. Sextus *Tarraconenſis*: obtemperant illi *Præſules Ilerdenſis* (vulgò *Leridæ*) *Dertosaſus* vel *Tortosa*, *Hertæ*, *Barcinonenſis*, *Gerundenſis*, *Vrgellenſis* & *Vicquenſis*. Septimus denique *Cæſar-auguſtanus*: eum in ſacris agnoſcunt *Pampilonenſis*, *Calagurritanus*, *Oſcenſis* & *Balbaſtienſis*. Nulli ſubſunt *Leonenſis* & *Ovetenſis*. Habet & tres archiepiſcopos *Portugallia*, *Bracarenſem*, *Oliſiponenſem* & *Funchalenſem*: ſubque iis epicoſ *Eboreſem*, *Viſcenſem*, *Guardenſem*, *Conimbricenſem*, *Portoſenſem*, *Lamecenſem*, *Silvenſem*, *Ceppenſem*, *Lerienſem*. De reliquis Epicoſcatibus conſulendus *Vaſeus*, loco quem indicavi. His omnibus, ut & abbatibus, monaſteriisſque quanti ſint annuatim reditus, notant curioſè *L. Marineus Siculus*, *Damianus à Goes*, & alii. Ad ſtatum Eccleſiaſticum pertinent etiam fidei Inquiſitores, in *Sarracenos*, *Maranos* & *Judæos* primum creati, qui lapſu temporis vires ſuas & auctoritatem extendere cœperunt in omnes quibus alieniores ab Eccleſia Romana mentes. Habeat & locum hic notatio academiæ, quæ in *Hiſpania* circiter viginti duæ numerantur: interque eas primi loci *Salmanticensis*, *Complutenſis*, *Conimbricenſis*, *Pincianenſis*, *Saguntina*, *Oſcenſis* & *Ilerdenſis*. *Hiſpani* felices ingenio, infeliciter diſcunt; ſemidocti doctos ſe cenſent. Sophiſtarum aſtus plus ſatis amant. In Academiis *Hiſpanicè* magis quam *Latinè* loqui gaudent: voces etiam *Maurorum* non paucas admittentes. Suos fœtus ingeniiſque monimenta ad poſteritatem ratò, rariùs ad exteros, ob linguæ defectum producant. Fuerunt tamen, ſuntque hodiè non vulgariſſe docti, qui præclarâ eruditione lectiſſimisſque ſcriptis patriam illuſtrant, variisſque operibus apud remotiſ-

ſimos etiam clariorem fecerunt. Si Theologi poſtulantur: prodibunt *Vigilantius*, præbyter *Barcinonenſis*; *Aquilus Severus*; *Prudentius*, epicoſus *Armentia*: *Oſius Cordubenſis*, *Avitus* præbyter, *Marcianus*, epicoſus item *Barcinonenſis*, *Paulus Oroſius*, *Pacianus*, ejusque filius *Dexter*, *Audentius*, *Iſidorus*, *Apocalypſeos* interpres, *Iuſtinianus*, *Valentina* eccleſiæ antiſtes; *Leander* *Hiſpalenſis* epicoſus: *Martinus*, præful *Mandovenſis*; *Fulgentius*, epicoſus *Carthaginenſis*: *Eladius*, archiepiſcopus *Toletanus*: *Iſidorus*, epicoſus *Hiſpalenſis*: *Ioannes*, *Gerundenſis* præful: *Eutropius*, *Valentinus* antiſtes: *Franciſcus Ximenes* *Cardinalis* & *Archiepiſcopus Toletanus*, academiæ *Complutenſis* pater, qui variis linguis ſacra *Biblia*, *Complutenſium* appellatione notiſſima curavit imprimenda; & alii. Si Canonici juris periti: *Bernardus Compoſtellanus*: *Raymundus de Pennyaforti*: *Hugo Barcinonenſis*. Si *Juriſconſulti*: *Calixtus III Pontifex* *M. Fortunius Garcia*, *Gomezius*, *Didacus Covarruvias*: ſilentioque minimè prætereundus *Antonius Auguſtinus*, domo *Cæſar-auguſtani*, xxi vir *Romæ* *St. lit.* judicandis, indè verò ex *Allifano* & *Ilerdenſi* epicoſo *Tarraconenſis* *Archiepiſcopus*, vir romanarum antiquitatum & melioris literaturæ peritiſſimus. Si *Medici*, licet non patrii, ſed inſititii: aderunt *Avicenna*, *Averroes*, *Raſis*, *Almantor*, *Meſſaballah*. Si *Hiſtorici*: *Trogus Pompeius*, *Iuſtinus*, & alii. Si *Philophi*, *L. Anneus Seneca*, ejusque filii, *Seneca Novatus* & *Mela*, *L. Iunius Moderatus Columella*: *C. Iulius Hyginus Sorion*: *Ioannes Vives Valentinus*. Si *Mathematici*: *Pomponius Mela*, *Abrahamus Zacutus*, *Alphonſus rex Caſtellæ*, *Henricus inſans Portugallia*, *Henricus Marchio Villenenſis*, *Arnoldus Villanovanus*, ejusque diſcipulus *Raimundus Lullius*. Si *Oratores*:

tores: præter *Senecam*, *Portius Latro* & *M. Fabius Quintilianus*. Si denique Poetæ in medium producendi: sistent se *Sextilius Hena*, *LL. Annaei Seneca* & *Lucanus* patruus, *M. Valerius Martialis*, *Rufus Festus Avienus*, *Aurelius Prudentius*, *Damasus* Pontifex *M. Iuvenius*, *Arator*, *Celius Sedulius*. Juniores, ne tædium pariam, omitto. Hispanis natura calida est & sicca: color subobscurus, cui juvando fœminæ collyrio plurimum excerussa minioque utuntur: duriora & bene compacta membra. Magna mortales omnes superstitione superant, ad ceremonias, adulationes, amplostitulos populis aliis duces. Animi concepta dexteritate singulari tacendo, simulando, dissimulandoque celare norunt. Graviter servant cum adfectata quadam severitate: quæ facit ut odium sustineat nationum omnium, gravissimum, quemadmodum ipse *Mariana* prædicat, atque individuum magnorum imperiorum adfectam. Mulieres non admodum fœcundæ paucos pariunt: priscas Romanas æmulantes, vino plurimum abstinent: raro se conspiciendas præbent. Ad venas inhumaniter excipiunt. Apud externos alter alterum colit, veneratur, laudat, extollit: nobilitatem, plebeio etiam, si quo potest modo, concilians. Justitiæ cultores maximi: summis, mediis, imis æquale jus administratur. Facit Magistratum industria, ut pauca, imo nulla ibi sint latrocinia. Plerorumque manus puræ ab cædibus aliisque flagitiis. Nemi impune est, qui vel sacrosanctas leges, vel quemcumque, etiam minime loci, violare fuerit ausus. Inquieti magna semper moliantur. Pulsis intestinis hostibus, profligatisque Saracenis, potentissimas Orbis terrarum partes suis regibus acquirere student. Vbi duo tresve convenerint,

cujuscumque loci & conditionis, de Republica gravissimis rebus differunt, ad enervandas hostium vires vias quærunt, stratagemata excogitant, mille machinas fabricant, suisque ducibus, si quid utiliter inventum, aperiunt. In castris famis, sitis, laborum patientissimi. In acie conflictuque major illis ars quam ferocitas. Levi corpore, levibusque armis induti hostem facile sequuntur, facileque, quum opus, fuga sibi consulunt, nusquam non, nunquam non militaribus operam dantes meditationibus. In conviviis domi quidem frugales, sobrii, paucisque contenti, foris ciborum, præsertim delicatiorum, appetentiores. Scitis & commodis utuntur vestibus nec male formatis. Hispania autem largâ manu confinalibus suis aliisque remotioribus populis infinita cum apud se nata, tum etiam aliunde advecta subministrat, fericum, lanas, pannos omnis generis, sal, saccharum, mel, mala medica, citrea, granata, cydonia, olivas conditas, cappares, uvas, ficus, pruna passa, amygdala, castaneas, glycyrrhizam, anisum, cuminum, coriandrum, oryzam, crocum, oleum, ceram, alumen, smegma, minium, purpuram, thynnos, balenasque salitas, baccas laurinas, fructus diversorum generum saccharo adpersos, alabastrum, corallum, aurum, argentum, ferrum, chalybem, stannum, cuprum, plumbum, rubiam tinctorum, argentum vivum, gossipium, gemmas item pretiosasque lapides & aromata cum ab aliis, tum ab Indis accepta. Pro iis autem omnibus grata quadam commutatione certatim ab Europæis, Africanis, Asiaticis, Americanis accipiunt eas Hispani mercatores, quas natura cœlique & soli genius ipsi negare solet.

Merces.

Mores.

Hispanie
partitio.

HACTENUS in genere Hispaniam descripsimus: nunc postulat methodus, ut speciatim & per partes eam perambulemus. Variè à variis fuisse divisam, in generali descriptione diximus. Nos verò partium Hispaniæ, quo ordine methodoque ab *Hondio* delineantur, descriptionem, quam poterimus fidelissimè, proponemus. Eam sex tabulis absolvit, hoc ordine. In prima describitur *Portugallia*, in secunda *Bisfacia*, *Guipuscoa* & *Legio*. In tertia *Castella* *Vetus* & *Nova*. In quarta *Andalusia*, ubi & *Conventus Hispanensis* & *Gades*. In quinta *Valentia*. In sexta *Aragonia* & *Catalonia*. *Portugalliam*, quæ primo loco se offert, *Lusitaniam* veteres dixerunt. *Lusitania* autem *Ptolemao* & aliis, quæ *Appiano* *Lisitaniam*, nomen impositum tradunt *M. Varro* & *Plinius*, ab *Luso Liberi* filio, *Lysaque* cum eo bacchante: *Lusitaniam* enim dici, tanquam *Lusi* regionem. *Marcianus* putat *Lusitaniam* appellari ab fluvio cognomine, qui nunc forte *Tagus*. *Portugalliam* quidam sic nuncupatam volunt à *Portu Gallorum*. *Andreas Resendius*, cujus sententiam sequuntur alii docti, *Portugallia* appellationem manasse notat à *Portu Cale*. Cæterum *Portugallia* hodie, si terræ latitudinem à meridie septentrionem versus spectemus, major est quam *vetus Lusitania*: sin ab occasu in ortum longitudinem, minor. *Portugallia* vero hoc ævo versus boream excurrit supra confluentes *Minium* *Aviamque*, ad oppidum usque *Ribadaniam*, in *Avia* ripa positum: quâ parte *Galæciam* spectat: ductaque hinc in ortum linea ad *Mirandam* usque, ad *Durium* collocatam: inde verò meridiem versus recto fere progressu factò ad ostia *Anæ fluvii*, quo latere *Castellæ*, *Extremaduræ* & *Andaluziæ* est confinalis: ad notum & occidentem *Atlanticum* respicit *Oceanum*, adeo ut am-

Portugal-
lia.

bitus ejus censeatur esse 1000000 milliarium. Optima in hac regione aëris temperies, ac cœli serenitate atque ubertate præstat. Abundat vino, oleo, malis aureis, citreis, amygdalis, melle, cerâ. Ac fructus quos hæc regio producit bonitate antecellunt ferè omnibus qui in locis finitimis nascuntur. Et quamvis incolæ non tantum frumenti ex agris suis colligant, ut ipsis ad victum sufficiat: tamen ex *Gallia* & *Germania* quantum opus habent, advehitur. Plurima alit hæc regio animalia: equos imprimis magno numero, tantæ velocitatis agilitatiq̃ue, ut vento conceptos fabularetur, imo crederet, antiquitas. *Portugallia* Regnum primum circa annum 1100 ipitium habuit. Ad id enim usque tempus sub *Hispaniæ* nomine censebatur. Primum regem *Lusitanorum* progenitorem fasti commemorant *Henricum* ducem *Lotharingæ*, comitem *Limburgium*, virum animo magnum, manuq̃ue promptum: qui laribus in *Hispaniam* translatis, *Tyresiam* duxit *Alphonso* vi *Castellæ* *Legionis*que regis filiam, acceptâ in dotem eâ *Galæciæ* *Lusitanique* parte, quæ nunc *Portugallia*: quam non ita pridem ipse met sua virtute ex *Saracenorum* & *Mauorum* servitute vindicarat. Defuncto circa annum 1100 xii, patri successit *Alphonso*, qui *Portugallia* se ducem appellans, regis titulum ab exercitu accepit anno 1100 xxxix, victoriam consequutus in agro *Orichienfi* contra *Ismarium*, & alios quatuor *Saracenorum* *Mauro-*rumque reges: quinque scutorum insignia facti monumentum posteris relinquens. Successerunt huic rectâ ferè lineâ *Sanctius*, *Alphonso* ii, *Sanctus* ii, *Alphonso* iii, *Dionysius*, qui primus *Algarbiorum* regis titulum usurpare cœpit, *Alphonso* iv, *Petrus*, *Ferdinandus*, *Ioannes*, *Eduardus*, *Alphonso* v *Africanus* cognomine, *Ioannes* ii, *Emanuel*, *Ioan-*

Calum.

Fructus.

Imperium
majorem.

Ioan-



Urbes.

Ioannes III, Sebastianus in Africa interfectus, *Hemicus* primò Cardinalis, & *Antonius*: quo, quod nothus diceretur, pulso, ut proximus haeres regnum occupavit *Philippus II* Hispaniarum rex, *Emanuelis* per *Isabellam* primogenitam nepos: cuius hodie filius *Philippus III* feliciter Hispaniæ quanta quanta est, imperat. Portugalliæ metropolis est *Olyssippo*, ut ea dicitur in antiquis & probatæ fidei *M. Varro*nis, *Plinii*, *Antonini*, *Mela* exemplaribus. In vulgatis enim nunc *Olyssippo*, nunc *Phlyssippo*, aliisque modis scribitur: hodie *Lisbona*, vel, ut incolæ proferunt, *Lisboa*. Emporium est reliquis Orbis terrarū nobilissimis concensendum: divitiis supra modum adfluens: mercium peregrinarum, quæ ex Asia, Africa, America adferuntur, promtuarium celebre. Situs ad Tagi fere ostium amoenissimum, commodissimique: amplum, quodque sua magnitudine montes quinque totidemque valles (nam olim multo erat minus, unumque tantum, ut quidam tradūt, collem occupabat) complectitur. Ex parte, qua mari alluitur, portis distinguitur *xxii*, qua continentem respicit *xvi*: turribus per murorum girum *lxxvii* munitur. Tempora, quæ græcis *Paræciæ*, *xxv* numerantur: præter hæc plurima sunt, quæ monachis, anachoretis vestalibusque sunt attributa. *Olyssipponem*, ut matrem agnoscunt trans-Taganæ: *Ebora* *Plin.* & aliis, *Ebura* *Ptol.* quæ vulgo hodie *Evora*. Regia vulgo *Bega*, vel *Beja*: olim *Pax Iulia*, *Antonino* & *Ptol.* *Setubal*, olim, ut opinatur *Clusius*, *Salacia*: quæ tamen *Varrerio*, *Moralique*, putatur *Alcasar de sal* in Algarbiæ regione. *Almada*, *Ptol.* *Catobrix*; *Antonino* *Catobriga*. Cis Tagum haud procul *Olyssipponē* aequilonem versus *Cascale* oppidum est situm. Propius ad urbem accedenti *Bethleem* occurrit, oppidulum. Sunt

ibidem *Leiria*, *Tomar*, *Guarda*, non ignobilia, neque obscuri nominis oppida. Haud procul *Tomarē* visitur *Ceice*, *Celium Antonino* eidem. *Alanqueram* ad flu. Tagum, patriam suam, *Damianus Gæsius*, sic dictam putat tanquam *Alankerke*, *Alanorum Fanum*: ingeniose, & verè. Hæc olim *Ierabrica Antonino*. Inter *Mondam* & *Durium Conimbricæ*, hodie *Coimbra*, olim caput regni Portugalliæ. *Viseum* vulgo *Viseo*, *Visensis* civitas in Conciliorum opere; quod oppidum hodie *Ponte Vouga*, *Plinio* putatur *Vacca*. *Lameca* vulgo *Lamego* meminit Concilium *Toletanum III*. Inter *Durium* denique & *Minium Braga* superbit: sic hodie dicitur, quæ *Bracar Augusta Ptol.* *Braccara Augusta Anton.* *Augusta Bracarum Plinio*. Ab *Gallis Braccatis* conditam fama refert, anno ante Christum natum *cxc.* *Augustæ* cognomen addiderunt *Romani* victores. Tam olim celebris, ut conventus hic fuerit ex septem citerioris Hispaniæ unus; unde urbes *xxiv*, auctore *Plinio*, jus petere consueverant. Fluvii sunt *Anas* sive *Guadiana*, *Tagus* *Flumina.* *Mondegus*, *Durius* & *Minius*: horum duo celeberrimi, *Tagus* & *Durius*. Portugallia ab occasu & meridie Atlanticum respicit Oceanum, qui præter pisces quos abunde suppeditat, plurimas easque maximas commoditates præbet. Huic copias suas omnes, ut debet, ita & acceptas fert, agrata memorque beneficia immortalia agnoscit; illum meliore ratione aurissimum, quam Nilum suum verustas, dignatur, quod huius ope & merito merces, undecunque terrarum importatas accipiat, eo pacto nullius indiga, rursusque quibus ipsa copiis abundat, per navigia exportet, lucri causa terras non accessas petens. Præter portus autem quos supra recensuimus est Portus *Setubal* *xx* miliaribus *Olyssipponē* austrum versus

Mariæ commoditates.

Portus.

versus distans. Montes hic pauci, iique nō magni, ut sunt quos incolæ vocant *Sierra de Monchiquo: de Chaldecatao, de Sordedas*, olim dicti *Montes Luna* &c. Sunt & hi perique lucis nemoribusque consiti. Sunt etiam silvæ & densa nemora, in quibus Hispaniæ Principes venari solent. In oppidulo Bethleem, templum est D. Virgini dicatum, sumptuque incredibili exstructum, *Emanuelis* Lusitanie regis monumentum, quod dum viveret sibi ipse designavit. Magna tamen operi accessio facta ab *Ioanne III Emanuelis* filio. Suntque in interamni Portugallia, ut scribit *Vasens*, præter ecclesiam Bracarensem metropolitanam, & Portugallensem cathedralem, atque alias quinque collegiatas, plusquam centum triginta monasteria, quorum pleraque reditus habent amplissimos; præterea plusminus M C C C C LX Parœciales, ut scribit quidam. Certè in parte quæ Bracarensem agnoscit ecclesiam octingentæ recensentur. Ex qua re fertilitatem & religionem antiquam gentis faciliè agnoscas. Taceo xenodochia, nosocomia, orphanotrophia, turres, pulcherrimæ ædes, hortos amœnissimos, & ejusmodi. Academias habent in hoc regno *Ebora* & *Cóimbra*. Prior ab *Henrico* Cardinale Lusitanie, ejusdemque civitatis Præfule, nuper instituta. Altera etiam instituta nuper à *Ioanne II* Portugallie rege. Sunt Lusitani omnium Hispanorum fortissimi, veloces, agiles, mobili corpore, levique, ut faciliè fugiant hostem & insequantur, prompti, laboris patientissimi. Sunt & eo ingenio, ut magnificè de se & rebus suis sentiant; atque ipsi distant se vivere ex opinione, hoc est se sustentari potius eo, quod se esse putant, quam eo quod revera sunt. Rei navalis sunt peritissimi, ac navigationibus ad incom-

partas regiones toto Orbe notissimi: mercatorum commercii ditissimi.

Sub Portugallia hoc tempore *Algarbia* regnum pertinet. Hæc ab Arabibus nomen accepit, significatque campum arvumque felix & uber, in quo omnia ad commutationem necessaria. Linea autem cujus initium ab Ana fluvio inter amnes qui vulgo *Vataon* & *Carei-vas*; finis autem ad oppidulum *Odesfeia*, id est ab oriente versus occidentem protracta, separat *Algarbia* regnum ab ipsa Portugallia, omnium Hispanie regnorum minimum & ignobilissimum. Comportantur eò ex variis Hispanie partibus secundo Ana decursu vina omnis generis, secca, bastarda, romana, & ejus classis alia: quæ porro navibus imposita in Galliam, inferiorem Germaniam, aliòque avehuntur. Oppida habet *Balsam Prolemeo*, *Plinio*, *Antonino* & *Pomponio Mela*, quæ hodie *Tavila*, ut *Coquus* opinatur. *Ossonobam* *Plinio* & *Antonino*; quorum ille *Lusuriam* cognominat; *Ossonaba* est *Prolemeo*, putaturque quæ nunc *Silvia*. Fuit etiam ibidem ad Sacrum Promontorium urbs *Lacobriga Pomponio*, cujus etiamnum ruinæ ruderaque visuntur prope *Lagos* oppidum maritimum in vico, qui Lusitanicâ linguâ *Lagoa* vocatur, uti scribit *Vasens*. *Algarbia*, Comitatus initio in dotem ab *Alphonso X* rege Legionis, ut præci referunt annales, datus fuit *Alphonso III* Portugallie regi, quum filiam ipsius *Beatricem*, quam ex Pellice genuerat, uxorem duceret. Natus ex eo conjugio *Dionysius*, qui primus Algarbiorum regis titulum usurpare cœpit. Sed de Portugallia ac de Algarbia hæc sufficiant, ad reliquas Hispanie partes transeo.

Regio.

GALLICIA (quæ & Galecia vel Gallæcia scribitur, cuique nomen ab antiquis populis *Cal-laicis*) ad septentrionem & occidentem habet Oceanum; ad meridiem Portugalliam interfluente Durio, ad ortum Asturiam. Hæc regio quod ob montes nimis sit aspera, & aquis careat, rarerè habitat; equis adeò abundat ut vento concipi dicantur. *Plinius* hic notat mineras auri ditissimas. *Niger* scribit in Artabris amnes terram auro, argento, stanno mistam ferre, solumque auri, æris ac plumbi uberrimum esse, adeò ut aureæ glebæ sæpe aratro exscindantur. Montes magnam lignorum copiam navibus ædificandis suppeditant. Piscibus Gallicia suprà modum abundat: salmonibus præcipuè, congris, ejusque generis quos vulgò pescadas appellant, aliis item multis lautissimis qui sale conditi varias in Hispaniæ partes distrahuntur. Novembri Decembrique mensibus infinita piscium quos vulgus *resugos* nominat, vis capitur, duarum aut circiter librarum: recentes in totam Castiliam venum exportantur; facit enim adstringens frigus ut faciliè servantur. Saporis sunt gratissimi, gratioris tamen qui in Oceano quam qui in Mediterraneo mari capiuntur. Algor enim Oceani pisces impingat, ideoque quo propiores sunt septentrioni, eò solent esse meliores. Potissima in cælarum pars in montibus degit, in quibus domicilia satis comoda passim visuntur exstructa. De Callaicorum origine & nomine videat lector *Ioannem* episcopum Gerundensem, Paralipomenorum Hispaniæ lib. II. *Rodericum Toletanum* lib. X. de rebus Hispaniæ cap. IV. & alios. Metropolis Galliciæ *Compostella*, ubi corpus Divi *Iacobi* Apostoli religiose colitur, à quo ipsa urbs, nonnullam etiam ab Academia sua celebritatem habens, hodie *Sant-Iago* dicitur, *Brigantium* olim, uti censent

Sic fer-
vili as.

vites.

Franciscus Tarapha, Ambrosius Morales, & Villanovanus. Brigantia dicitur *Orosio*, qui ibi pharum altissimam exstare addit. *Ptolemæus* cognomen addit *Flavium Brigantium*, quod tamen *Beutero, Coquo, & Ioanni Mariana* est Betancos, *Floriano & Gomecio Coruna.* Compostellam autem *Ioannes Gerundensis* lib. I. dictam scribit tanquam *Compostem Stellam*, sic enim appellatum fuisse Hesperum regionibus illis salubrem. Ego hoc in medio relinquo. Exstat Salamanticæ in bibliotheca collegii sancti Salvatoris historia Compostellana, in duos libros digesta iussu *Didaci* primi Archiepiscopi Compostellani; in qua primordia, successus, incrementa ecclesiæ Compostellanae latè describuntur. Consulendus & *Lucius Marinæus Siculus* de rebus Hispaniæ, libro quinto, capite de sacris ædibus & locis in Hispania religiosis, miraculisque celebratis. Minorum gentium oppida sunt, *Orensium* ad Miaium fluvium urbs, *Therma Calide Ptolemæo*, ut putat *Gomecius* in vita *Francisci Ximenii*, addens eam à Suevis Germaniæ populis, qui quondam hanc oram sibi subjugarunt, proprio idiomate *VVarensee* appellatam: *Ortelius* scribendum monet *VVarmsee*, quod nihil aliud quàm *calidus Lacus*. *Lacus* latinis, id in Gallicia oppidum quod *Lugo* hodiè dicitur, *Pomponio Turris Augusti*, Aræ Sextianæ *Plinio*, Aræ Sestii Promontorium *Ptolemæo* ad Oceanum Cantabricum in Artabris. *Pons Vetus, Ponte Vedra.* Ribadeum, vulgo *Ribadeo*. Commemorat reliqua oppida *Marinæus Siculus* initio libri tertii. Gallicia Regni titulum adepta est circà annum à Christo nato millesimum sexagesimum. Eo enim *Ferdinandus Sancti Majoris* regis Navarræ filius, rex Castellæ, quem uxorem duxisset *Sanctiam Alphonfi* quinti filiam, *Veremundi* III regis Legionis sororem & hæredem, sicque regna duo Castellani & Legionense univisset,

tres



tres habens filios, *Sanctium* quidem testamento Castellæ regem, *Alphonsum* Legionis & Asturum, *Garciam* denique Gallicia (quæ ab conjugis maioribus acquisita Comitatus ad illud usque tempus fuerat) & Portugalliæ nominavit. *Sanctius* divisionis paternæ impatiens, fratres *Alphonsum* quidem regno deturbavit, *Garciam* autem occidit. Quum jam *Sanctius* sex circiter annos regnasset, & à *Vellido* per fraudem esset obruncatus, *Alphonsum* qui Toleti apud Maurorum regem exul vixerat, non solum Legionis quod ex patris voluntate obtinebat, recuperavit, sed & Castellæ, Gallicia, & Portugalliæ regna consecutus est. *Alphonso* tres liberi fuerunt legitimi ex totidem conjugibus, ex *Isabella* quidem Franciæ regina *Sanctia* nupta *Roderico* comiti, qui novas colonias duxit in civitatem quæ vulgò *Ciudad-Rodrigo*; ex *Zaida* Maura Siviliæ regis filia *Sanctius*, qui acie adversus Saracenos cecidit: ex *Constantia* denique *Vrraca*, quæ *Sanctio* *Sanctia*que improlibus superstes, post *Raimundum Berengarium* Tolosæ comitem nupsit *Alphonso* Arragoniæ regi, hæredemque ex se reliquit *Alphonsum* VII, regem omnium qui ante ipsum fuerant potentissimum, Hispaniæque imperatorem nuncupari meritum. Ab eo tempore Gallicia unum semper habuit cum Castella & Legione regem & principem.

Legio.

Legioni conregionalis ad boream *Asturia*, ad occidentem Gallicia, ad meridiem & ortum ferè Castella vetus. Nomen illi à legione VII Germanica quæ hîc olim *Nervæ* Imperatoris principatu (ut quidam autumant) stativa habuit. Metropolis, urbs illa clarissima regioni cognominis, quæ Legio VII Germanica *Ptolemaeo*, Legio *Gemina Antonino*, *Leon* hodiè vulgò; quod nomen cur à *Leonigildo* Gothorum rege malit quam ab ipsa Legione *Franciscus Tarapha* derivare, mihi nondum liquet. Mo-

rales tradit etiam *Sublantiam* olim dictam, adscribens, ejus nominis vestigia etiamnum extare in loco qui sesquimillari distans Legione, *Sollanco* dicitur. De templo Legionensi sic scribit *L. Marinus Siculus*, libro tertio de rebus Hispaniæ: *Esti Templum quod etate nostra civitas Hispanensis adificat, aliis omnibus magnitudine præstat; esti Toletanum cunctis aliis, divitiis, ornamentis & specularibus fenestris est illustrius; esti denique Composellanum fortioribus adificiis, Sancti Iacobi miraculis & aliis rebus memorabilibus est: Legionense tamen artificio mirabili, meo quidem judicio, omnibus est anteponendum, in cujus claustro sacellum est, in quo jacent reges septem & triginta, & unus Hispania Imperator. Illud autem memoriâ dignissimum est, quod ab hac urbe cœperit circa annum septingentesimum decimum sextum recuperatio Hispaniæ quam totam ferè Maurorum & Saracenorum gens occupaverat: *Pelagius* enim, ut cum aliis referunt *Rodericus Toletanus* libro de rebus Hispaniæ sexto per multa capita, & *Rodericus Sanctius* parte primâ Histor. Hispan. cap. XI. ex regio Gothorum sanguine *Fasila* Cantabriæ Ducis filius, à christianorum qui in montes Asturiæ confugerant, reliquiis rex consalutatus, magnâ strage Maurorum editâ, vix regnum ortus, hosti Legionem eripuit, ibique sedem sui principatus figens, novum Castellum quasi propugnaculum adversus barbarorum vim & incursiones exstruxit; rejectis autem Gothorum regum insignibus leonem sumit rubrum in albo campo ferocientem, quo hodieque reges Legionenses utuntur. *Pelagium* in regno sequutus est *Fasila* filius, hunc autem improlem *Alphonsum Catholicum*, *Petri Cantabriæ ducis* filius, ex genere *Ricaredi Catholici* Gothorum regis oriundus, qui uxorem duxerat *Ormisendam Fasila* sororem unicam & hæredem. In *Alphonso* familia*

familia posterisque Legionis principatus mansit usque ad *Veremundum* regem Legionis xxiv, quo, anno millesimo vigesimo sine successore defuncto, *Sanctia* soror, *Ferdinando* Navarreo Castellæ regi nupta, Legionense regnum ad Castellatum transtulit. *Asturia* ad septentrionem habet Oceanum, ad ortum Biscaiam, ad meridiem Castellam veterem, ad occasum Galliciam. Auri variorumque colorum est ferax, alioquin parum culta, male-

que habitata, locis quæ ad mare exceptis. Veterum hic sedes Asturum, qui sic dicti (ut scribit *Isidorus* lib. ix *Ety-molog.* cap. ii.) ab Astura fluvio, cujus mentio etiam apud *Florum* lib. iv. *Histor. Romanæ*, & alios. Ab his ipsa regio *Asturia*, *Prolemaeo*; Latinis *Asturia*, ut & antiquis marmoribus: in quibus etiam *Asturiam* lego nominatam. Romæ in pavimento sacelli, quod est ad templum *S. Gregorii* in Caelio monte, tabula contracta:

ACONTII

L. RANIO. OPTATO. V. C. COS.

CVRATORI. REIP. MEDIOLANENSIVM

CVRAT. REIP. NOËANORVM. PROCOS. PROVINCIÆ

NARBONENSIVM. LEGATO. AVG. ET. IVRIDICO

ASTYRIÆ. ET. GALÆCIE. CVRATORI. VIÆ

SALARIÆ. &C.

Quin & *Asturicam* video nuncupatam in tabula marmorea, quæ trans Tiberim Romæ legitur in domo privata civis Romani. Verba ponam ad Italiæ delineationem, ubi de Alpibus maritimis. *Asturias* hodieque. *Astures* *Plinius* lib. iii. cap. iii. dividit in *Augustanos* & *Transmontanos*. Illi cis montes versus meridiem; hi ultra montes versus septentrionem ad Oceanum. De Asturibus *Silius Italicus* lib. i.

— Astur avarus
Visceribus lacera Telluris mergitur imis,
Et redit infelix effosso concolor Auro.

Provinciæ metropolis est Ovietum, de quo multa *Rodericus Toletanus* lib. iv de rebus Hispaniæ cap. xiiii, ubi etiam exponitur quam ob causam civitas *Episcoporum* fuerit nominata. Est ibidem & Astorga, & alia oppidula nonnulla.

Biscaia.

BISCAIA Ioanni Gerundenſi epifcopo à Baſtulis Beticæ antiquis cultoribus nomen trahit. Hi enim cum primum ex Libya in Hiſpaniam Bæticam conceſſiſſent, à Mauris loco pulſi in Galæciæ montes confugerunt, ibique domicilia ſtatuentes nomen gentis retinuerunt, ut Baſtulia ab eo tempore dicta ſit, quæ nunc Biſcaia nominatur. Biſcaia à nonnullis Viſcaia appellatur, quæ vox ad Vaſconum nomen proximè accedit. Hiſpaniæ regio eſt ad Oceanum montibus obſita. Temperatius in ea clementiusque cælum, quam in reliqua Hiſpania. Magnis enim montibus circumdata nec frigore nimio infeſtatur, nec calore nimio torretur. Regio arboribus, quæ navibus fabricandis idoneæ, reſerta. Novit hoc præter alias provincias tota Hiſpania, cui integrè nonnunquam claſſes hinc ſubvehuntur. Caſtanearum, nucum, pomorum, quæ Aurea cognominantur, refinæ, metallorum omnis generis, præcipuè ferri, nigrique plumbi, & aliarum rerum feraciſſima. Vino carenti potum ſubminiſtrant poma ſaporis optimi, preſſa. Animalium hic terreſtrium, marinorum, volatilium: fructuum, omniumque, quæ vitæ hominum commodius agendæ neceſſaria, ingens copia. Quam Biſcaiam hodie dicimus, habitaverunt olim Cantabri: latius tamen quam ipſa Biſcaia patet, occupatis etiam locis iis, ubi nunc Guipuscoa & Navarra. Populi celeberrimi multorumque ſcriptis decantati. Hi vitam nullam ſine armis eſſe exiſtimabant. Omnibus Hiſpaniæ populis ſubactis, & in populi Romani poteſtatem adductis, ſoli cum Aſturiſus aliſque conregionalibus vinci non poterunt. Debellavit tandem ferociſſimam gentem, bello ſerè quinquennali fractam & deſatigatam, C. Cæſar

Cælum.

Solum.

Animalium
varia.Imperii
majorum.

Oſtavianus Auguſtus; ipſe contra eos reliquosque Romanis nondum parentes proſectus. Subjugavit autem Cantabros Viſpanii Agrippæ, cæterorumque legatorum quos ſecum duxerat, induſtriâ & fortitudine. Eſt in Biſcaia, præter alia, oppidum nobile Bilbao, ſic dictum, ut quidam opinantur, quaſi commutatione literarum Hiſpanis familiari, Belvao, id eſt Bellum vadum. Condidit Didacus Lopeſ de Hazo, Cantabrorum princeps, anno à Chriſto nato 110000, aut circiter. Tria cum primis hoc oppidum commendant, ſitus oportunitas, annonæ copia, mirabiliſque negotiorum hominumque varietas & multitudo. Situm eſt in loco plano duobus ab mari milliariſus. Per hoc oppidum in reliquam Hiſpaniam importatur, quidquid Anglia, Gallia, Belgica mittunt: per idem ipſum exportatur quidquid cum iſdem aliſque regionibus communicandum cenſet Hiſpania. Reperire hic eſt ciſes, qui ſoli quotannis ſuâ pecuniâ tres quatuorque naves ædificari curant. Ab altera parte, oppidulum habet in ora maritima Portugallerte vulgo nuncupatum, à quo rivus quidam, maris ingens brachium, non ſolum in hanc urbem uſque, ſed in ipſas etiam domos inſluit. Hoc importari atque exportari parvo negotio, vilique precio, varia mercium, aliarumque rerum genera indies videre eſt. Sunt etiam in Biſcaia portus nobiliſſimi, inter quos S. Andree non Biſcaiæ modo, ſed & totius Hiſpaniæ clavis merito cenſetur. Neceſt cur piſcium ullum genus requiratur, cum & optimos habeat, & quantos ſerè velit, eoſque recentes. Margaritæ item marinæ non negant conchæ, ſed quæ ignobilioreſ. Gens affabilis, hilaris, elegans. Virginibus Biſcainis mos, quamdiu innuptæ ſunt, nec capillos alere, nec velari.

Statim

Statim ubi nuperint, caput velant, & vittâ regunt in modum galeæ compositâ ex linteo coloris aurei, quam eum in modum involvunt, ut in fronte veluti cornu aliquantulum extet. Magna hic Hispanis, cum Gallis, Belgis, Anglis, aliisque populis commercia. Lana præcipue facit, ut omnia ferra locaque ab emptore venditoreque ferveant.

Commer-
cia.

Guipuscoa.

Guipuscoa Cantabrorum etiam olim erat regio. Nonnulli *Lipuscoam* & *Lipuscam* vocant: corruptè, ut notat *Stephanus Garybatus* ejus incolæ. Vnde autem hæc appellationem habeat, non facile dixerim, nisi forte ab *Opusca* antiqua civitate nomen trahat. Concluditur ad ortum amne *Vidosone* (qui & *Vidorso*, *Alduida*, *Huria* & *Beoyria*, medius inter Galliam & Hispaniam) Pyrenæisque montibus; ad meridiem Navarræ regno, ad occasum Bisciaia, de qua modo dixi, ad septentrionem mari Cantabrico. Circuitus ejus triginta sex milliarius. Temperata autem maximè hæc regio est: neque enim sentit frigoris molestias, neque Solis vehementes ardores. cælo autem utitur humido & inconstanti. Cum verò omnis sit montosa & aspera, non est usque adeo culta: quæ tamen in ea loca coluntur, valde sunt fertilia. Vineta non habet nisi pauca in parte maritima. Cæterum regio ubique ferri & chalybis ferax, adeo ut nusquam terrarum ferri major sit abundantia aut præstantia: tantumque ejus materiæ hic effoditur, ut multis regionibus sufficiat. *Vulcani* officina, *Martis*que armamentarium videntur hic ab natura collocata: tantam ibi videre est non solum ferri, & chalybis, sed & factorum armorum copiam; ut non immerito merus sive propugnaculum regnorum *Castella* & *Legionis* in quibusdam regionis archivis cognominetur. Scribit *Navagierus*, hoc tractu tantum

Cali tem-
perica.

Soli qua-
litas.

ferri chalybisque effodi, ut singulis annis xxxc millium ducatorum inde quæstus fiat. Non igitur sine causa montem ibi scribit *Plinius* lib. xxxiv cap. xlv, totum ex ferro. *Cantabria*, inquit, *maritime parte, mons præruptè altus, incredibile dictu, totus ex ea materia est.* Collocantur hic *Ptolemao*, *Pomponio*, *Plinio*, aliisque populi *Orogeviænes*, *Autrigones* & *Varduli*. Metropolis est *Tolosâ* ad confluentes sita *Araxin* & *Ortam*. Sunt & alia oppida: *Placentia*, ubi fabrorum ferrariorum incredibilis copia: *Morrico*, vel ut alii scribendum censent, *Monte de Trico*, ab scopulo cognomine, qui oppido imminet: *Fuentarabia* *Ptolemao* *Phlamobriga*: *Fanum D. Sebastiani*; olim *Hisur*, postea *Don Bastia*, & corruptè hodie *Donastien*, idem sonans quod *Divus Sebastianus*: Don enim Cantabris nihil aliud, quam quod latinis *Sanctus*, Castellanis *Santo*. Loca namque in Cantabrorum agris varia plerumque habent nomina, ob linguarum differentias. Aliter ipsi Cantabri, aliter Hispani reliqui, aliter Galli, qui ipsis confinales, vocant. Situm est hoc oppidum ad ostium fluminis, quod *Menascus* *Pomponio Mela*, *Ptolemao Menosca*, hodie *Rio Gurumea*, vel *Vramea*. Chalybis fluvius in his regionibus oritur, cujus aqua ad ferri temperamentum plurimum valet; adeo ut Hispani non alia arma, nisi quæ hujus liquore temperata, approbent. Ab hoc flumine populos Chalybes *Iustinus* lib. xlii ait appellatos. *Fanum D. Sebastiani* portum habet amplissimum, non arte humanâ, sed sagacis naturæ providentiâ factum, in quo naves ab sævientibus undis ventisque parum faventibus securam & tutissimam inveniunt stationem. Ingressus inter duos castella: quorum quoddam orientem, in edito monte constructum, occidentaliore, quod in rupe est, eminentius. Et alios. Incolæ iisdem cum Biscainis sunt

Fluvius
Chalybis.

Portus.

sunt moribus, eâdemque uruntur linguâ. Naturâ sunt ingeniosi, politici, satis exculti, ad alliciendum faciles, & qui difficulter cogi possunt, honoris cupidi, suorum privilegiorum defensores acerrimi, agiles, animosi, ad tractanda omnis generis arma dexterrimi, & ad militiam proclives. Sunt & mulieres admodum robustæ planæque viragines, corpore bene habito, formâ bonâ, licet laboribus assuetæ: ac idcirco minus arrogantes. Maris accolæ navigatione piscibusque, cum aliis, tum quos *baccalaos* appellant, capiendis, magno lucro, dant operam.

NAVARRÆ regnum in omni suo circuitu est admodum fertile & abundans omnibus rebus ad vitam humanam necessariis, quàm ullum aliud totius Hispaniæ regnum. Et quamquam communiter exiguum esse censetur, habet tamen urbes mœnibus clausas quinquaginta sex. Hujus regionis incolæ fuerunt olim strenui admodum & bellicosi, variisque vicibus jugum Romanorum excusserunt, à quibus tamen victi & debellati tandem & in ordinem redacti sunt. Interfecto enim Romæ *Cajo Iulio Cesare*, cum ei *Octavianus Augustus* successisset, furorem Romanorum acriter senferunt. *Augustus* enim quatuor legiones adversus eos misit quæ provinciam ingressæ, ferro & flammâ omnia vastabant. Cum igitur se victos & impares esse viderent ad resistendum hisce Romanorum viribus, plerique se ad


montes contulerunt, vastissimæ asperitatis & propemodum inaccessibleibus, quibus & hodiè Navaja nomen remanet, latèque inter Mescuam & Eulatem porriguntur. Hic cum longo tempore habitassent, à montibus illis nomen ipsis inditum est Naviniorum, ac postea Mauri occupatâ Hispaniâ corrupto vocabulo eos Navarros appellarunt. Oppressi autem Maurorum tyrannide & habitationem suam deferere coacti, ad montes Pyrenæos se receperunt, ac ibi regem sibi peculiarem elegerunt, ac variorum regum successione suis legibus vixerunt usque ad annum millesimum quingentesimum decimum tertium, quo *Iulius Papa secundus*, *Ioannem Albrechtum* Navarræ regem, tanquam schismaticum *Ludovico XII* Francorum regi adhærentem, excommunicationis latâ sententiâ jure regni privavit, ac *Ferdinando Catholico* in Navarram inhianti, occasionem ac speciosum prætextum invadendi dedit: qui misso Albano duce regem *Ioannem* toto regno expulit, ac occupatam successoribus reliquit. Primaria Regni Civitas *Pampelona* hodiè vulgò, quibusdam *Pompeopolis* dicitur, tanquam condita à *Pompeio Magno*. Sita est sub gradu *xvi* & *xi* minut. longitudinis, & *xliiii* grad. *xliiii* minut. latitudinis. Sunt præterea urbes celebriores *Sanctus Ioannes Pedis Portus*, *Mons Regalis*, *Amaya*, *Estella*, *Oliya*, *Fafalla*, *Tudela*.

Castella
Vetus.

CASTILIA sive *Castella* (cui nomen ab *Castello*, quod *Pelagius* rex, Legione ab Mauris recuperatâ, ut propugnaculum, contra hostes extruxerat) quondam *Bardulia* dicta fuit. Hanc duplicem faciunt Hispaniarum delineatores, *Veterem* & *Novam*. *Veterem* circumdant ad boreâ Asturiâ & Biscaia: ad occasum Portugalliâ: ad meridiem Castella Novâ, montibus qui ferè per longitudinè Hispaniæ incedunt, intercurrentibus: ad ortum Aragoniâ & Navarrâ. Regio fertilis frugum, vini, omnis generis fructuum, croci, & animalium. Castellâ autem regno tale legitur fuisse initium. *Pelagius* erepta rursum Mauris Legione, Castellum quasi propugnaculum adversus barbarorum vim extruxerat, cui qui Præfecti *Comites Castella* nuncupati, regem Legionensem, ut principem diu agnoverunt usque ad *Ordonium II*, decimum quartum Asturum, Legionisque regem. Qui quum comites procuresque Castellâ per speciem colloqui ad se evocatos obtruncasset: Castellani pessimo scelere indignati, projecto regum Legionis jugo, ex suo corpore duos elegerunt iudices *Nanium Rasuram* & *Launum Calyum*: unum, qui juri dicundo, alterum qui rebus bellicis præfesset, quorum liberi horumque posterî *Comites Castella* sunt appellati usque ad *Sanctium Majorem* Navarræ regem: qui quum bello fortis Cordubam & Toletum Saracenis eripuisset, Mauros omnes Navarræ, Aragoniæ, Castella, Legione, Portugallia, aliisque Hispaniæ locis exturbasset, totamque Hispaniam Christiano nomini restituisset, ducta *Elvira* *Sanctii* Castellæ Comitissæ filia, *Garsia*que postremi Comitissæ sorore & ex assè hærede, se dotis nomine non Comitem, sed regem Castellæ, scripsit, regnumque ad *Ferdinandum* filium, Legionis etiam regno per conjugem *Sanctiam* locupletatû trans-

Imperium
majorem.

misit. *Ferdinando* successit filius *Sanctius*: huic frater *Alphonfus*: cujus filia *Vrraca* (nam stirps mascula obierat) quum post *Raimundum Berengarium* Tolosæ Comitem *Alphonso* regi Aragoniæ nupisset, Aragoniæ, Castellæ & Legionis regna fuerunt unita. Metropolis veteris Castellæ civitas *Burgensis*, vulgo *Burgos*: *Bravum*, putatur *Ptolemei*. Urbs antiquissima, multisque rebus insignis, & inter primarias Hispaniæ merito referenda, 150 sub se habens minorum gentium oppida: magnis, pulchris, commodisque ædificiis passim adornata; foris venalibus, plateis, vicis, pontibus, templis, cœnobiis, amnibus exulta: ob incredibilem incolarum cujuscumque ætatis, sexus, conditionis, industriam & diligentiam memoranda. Circumdant suam metropolim jucundissimo commodissimoque situ: *Palentia*, ad Carrionis marginem sita; *Palantia* *Plinio*, *Mela*, *Ptolemeo* & *Appiano*, *Pallantia* *Straboni*: *Peralapia* corruptè apud *Antoninum*. *Valdoledum*, sedes olim regia: locus in amœnissima *Pisuergæ* ripa, non Hispaniæ solum sed Europæ totius pulcherrimus: cui quæ urbs anteponatur, non invenitur: agro beatus fertilis: forum ibi pulcherrimum amplissimumque: cujus ambitus 10 cc passuum: quumque multis aliis de causis hoc oppidum valdè sit nobilitatum, multò tamè magnificentiùs illud reddidit illustrissimus *Philippi* regis Hispaniarum ortus: vulgò *Valladolid*: quod *Vallem Oleti* sunt qui interpretantur. *Pintia* *Ptol.* *Pincia* *Ant.* ut censet *Clusius*, *Simanca*, *Anton.* *Septimanca*. *Camora* *Ptol.* *Sarabris*, ut *Clu.* videtur: quæ vitiosè *Sabaria* apud *Antoninum*. *Sarabrim* tamen esse putant *Florianus* del *Campo* & *Gomerius*, oppidum illud quod vulgo vocatur *Toro*, Latinis *Taurus*, ad *Durium* fluvium. Non autem postremi hîc visitur loci *Salmantica*, *Antonino* & *Ptolemeo*: *Salmatis* *Pyleno*: *Salamanca* vulgo,



vulgo, academiâ nobilis. Haud procul hinc ad fluvium, qui vulgò *Gada*, Civitas *Roderici* comitis, *Ciudad Rodrigo*, quæ ut putant *Vasæus* & *Clusius* *Myrobriga* *Ptol.* Celticorum oppidû in Lusitania. Tendentibus hinc versus meridiem occurrit *Coria*, *Caurita* quondam, ut scribit *Clusius*; *Cauriam* ab latinis junioribus appellari tradit *Andr. Schottus*. Cauriæ versus ortû ad nonam circiter leucam est *Placentia*, urbs pulcherrima: cujus citria, cæterique arborum fructus, nec non panis candidissimus maximè solent commendari & expeti: *Plazensia* vulgo. Habet *Placentia* sub sua ditione oppida amœnissima, in quibz est *Xavahicium* nemotibus superbiens, & in *Pisaro* in convalle jacens, velut altare, ut *Marineus* notat, in testudine templi. Montes *Placentiæ* adjacentes, ab ipsa urbe *Verade Placentia* cognominantur. Quæ *Avila* hodiè, *Ptol.* *Olbula* nuncupatur, ut vult *Clusius*. Haud procul fontibus *Arexæ*, *Segobia* jacet, quæ *Plin.* & *Anton.* *Segovia*, ut hodieque, *Pr. Segubia*. Urbs est lanificio & aquæ ductu videndo Romani operis nobilis: in qua, ut *Vasæus* scribit, illud memorabile, quod illic nemo conspiciatur ociosus, nemo mendicus, nisi qui per ætatem aut morbum opus facere non possit: quum nulli desit, unde victum quærat, aut in quo se exerceat. Quæ nunc *Aranda* ad *Durium* flumen, *Raunda* Vaccæorum urbs est *Ptol.* in Hispania *Tarraconensi*: *Raunda Antonino* ex emendatione *Hieronymi Surita*: nam antea *Raudaclunia* cum altera mansione mista legebatur. Quæ incerto scriptori *Exoma*, *Vxoma* *Plin.* est, qui addit nomen hoc crebrò aliis in locis usurpari. *Vxama* per *S* in antiquo marmore legitur: *Ofma* hodiè dicitur. Reliquas nominatis à nobis adponendas curiosioribus relinquimus. Sed hæc de urbibus & oppidis sufficiant: ad Castiliam Novam transeamus.

Castilia-Nova, ad septentrionem adhærens veteri, *Castella-Nova*. reliquis lateribus clauditur Portugalliâ, Extremadurâ, Andaluziâ, Granadâ, & Valentia. Abundat tritico aliisque segetibus, ad utramq; Tagi ripam sita. Metropolis Castiliæ Novæ *Toletum*, ut latini vocant: *Toleton* *Ptolemaeo*: hodiè *Toledo*. *Toletanos* nominat *Plinius*: *Colonia Toletana* est in nummis *Augusti* apud *H. Goltzium*: *Serezolan* etiam scribit appellatam fuisse *Villanovanus* ad *Ptolemaum*. Centrum est & quasi umbilicus Hispaniæ: Situs clivosi, inæqualis & asperioris, ascensus ambulationisque difficilis. Majorem partem alluit & contra hostes tuetur Tagus: qua arcticum spectat Polum, muris munitum est validissimis turribusque 150. Nobilium ingens in hac urbe numerus: cives admodum sunt industrii. Cum aliis amplissimis ædificiis, tum templo nobilitatur augustissimo, pulcherrimo, ditissimo. Multa *Toleti* Concilia leguntur celebrata: certè ultrà septemdecim numerantur, quot alibi nusquam. *Toletum*, ut matrem reginamque suam veneratur *Madritum*, vulgò *Madrid*, æris, situsque saluberrimi. Rebus omnibus abundans, gratum nunc est Hispaniæ regibus domicilium. Non procul hinc *Villamanta* est: quæ ut volunt *B. A. Montanus*, *Tarapha* & *Villano*, *Mantua* est *Ptol.* Carpetanorum in *Tarraconensi* Hispania oppidum. Quæ vulgo, voce Arabicâ, Hispanis hodie *Alcala de Henares*, tam certò creditur *Complutum* *Ptol.* ut latinè etiam non aliter in publicis actis & monumentis audiat. Situm est in loco plano, ad fluvium, quem *Henarem* vocant; rerum omnium quibus usus humanus indiget, copiâ, suisque proventibus, adeò abundans, ut nullis aliunde bonis opus habeat. *Segontia* *Antonino* inter *Complutum* & *Cæsaraugustam* medio ferè itinere: *Signensa* nunc appellatur

latur *Varrerio & Morali* iudicibus. *Alcantaram* in ripa Tagi scribunt *Varrerius* & alii esse quæ *Norba Casarea Prolemæo*, *Norbenfis Colonia Plinio*. Oppidum est insigni conspicuum ponte, venerandæ & antiquitatis & majestatis. Quæ *Talavera* nunc, *Livio Aeburam* nominari opinantur *Beuterus & Morales*. Sunt hic etiam *Cuenca*, *Caucenses Plin. Lebazuza*, *Antonino Labiosa*; *Cajsona la veja*, *Castulo* eidem *Antonino*. Tagus flu. Castellam novam irrigat cum aliis amnibus ac rivulis in eum concurrentibus: & in ea suos fontes habet *Anas* flu. nunc *Guadiana*. Sed de his satis, ad Opera publica venio. Quintâ Madrito leucâ versus occidentem conspicitur magnificum illud & sumptuosum monasterium *S. Laurentii in Escoriali* vulgo, ordinis *D. Hieronymi*: *Philippi II Hispaniarum* regis opus, quod merito certare potest cum *Ægyptiorum Pyramidibus*, cum veterum *Græcorum Romanorumque* templis, theatris, amphitheatris, ludis, circis: thermis item, balneis, sepulchris; cum aliis denique variorum regum & principum monumentis. Operi tanto vix quid est par, vix quid secundum. Frontispicium ejus, occasum spectans, tribus superbit portis: quarum quæ media primariaque, in templum augustissimum, cœnobium, collegiumque ducit; quæ ad dextram, in officinas monasterio consecratas; quæ ad sinistram, in domos scholæ destinatas. Quatuor angulos totidem exornant mirabiles arte sua turres: quas etiam duæ superant ad ipsius templi pedem hinc inde fastu quodam confurgentes. Supra ostium templi stylobatæ magnifici statuas sustinent ex marmore tophoq; sex *Israhelis regum*, pedes altas *XVII*.

Flum. n.

Operi
publica.

Ad septentrionem Palatium templo aditum visitur, regi regioque comitatu commodissimè excipiendo paratum. Ad meridiem variæ sunt porticus: hortus omnis generis instructus herbis, floribusque & plurimis ornamentis: pomarium gratissimis confitum fructibus: item nosocomium, pharmacopolium, & alia. Quid superest? quidquid ibi occurrit, stuporem injicit spectanti: ideoque de iis, quæ dicenda restant, silere cum modestia præstat, quàm jejune pauca in medium proferre. Est etiam *Toleti* celeberrimum Palatium ab *Carolo V* restauratum, novisque structuris regio apparatu exornatum: in quo, præter alia multa singularia, machina visitur hydraulica, miro *Italorum ingenio* fabricata, quæ ex Tago flumine, opera magnæ versatilis & excavatæ rotæ, aquas in fistulas & tubos per canales in summitatem arcis & montis artificioso impetu cogit & impellit; ubi unum in locum & amplum receptaculum collectæ in varios arcis urbisque totius usus dilapsæ distribuuntur: quæ rivulos deinde & fontes hortis, magnatum ædibus, balneis, fullonibus, civiumque necessitatibus abundè suppeditant. Academia hic duæ sunt, *Complutensis* omnium disciplinarum Academia celeberrima, quâ nobilitatum est Complutum ab *Francisco Ximénio* Cardinali, Archiepiscopo Toletano. Altera *Toletana* Academia florens, literarum & sapientiæ clarissima officina. Disciplinis omnibus artibusque mechanicis in urbe *Tolet*o magnus honos: lanificio fericoque vitam quærunt hominum millia ferè decem.

Scholæ.

Opificia.

Regio.

ANDALVZIA Hispaniæ Bætice pars, nomen ad-
epta dictaque quondam *Vandalia* putatur ab
Vandalis Germaniæ populis, quos olim ad hæc
usque loca devenisse, multi memoriæ pro-
dunt. Sicigitur, ut nonnullis nomen penitus rimatis
placet, *Andaluzia* appellatur quasi *VVendenhuys*, *Vandalor-
um Domus*. *Marius Aretius Andaluziam* vocaram au-
guratur, quasi *Ante Lusitaniam*, mutatis nonnihil litteris.
Ad ortum habet Granatam, ad septentrionem Castel-
lam Novam, ad occasum Pacensi Silvensique diocæsi-
bus & Anâ Flumine terminatur: ad meridiem Atlanti-
cum spectat Mare. Huius præcipua pars *Conventus His-
palensis*. Hic ab ortu Cordubense territorium, ab occa-
su Algarbiorum fines habet: quâ septentrionem spe-
ctat, eam Lusitanæ ditionem attingit, quæ Magistratus
S. Iacobi vocatur. Cætera vero meridiem versus Gadita-
no Conventu, & Oceano clauduntur. Cælum hic in-
dulgens & felici quadam hilaritate & temperie ridens.
Terraque in universo hoc tractu ad miraculum usque,
frumenti, vini, olei & omnis generis frugum feracissi-
ma est, quibus longinquas & transmarinas provincias
replet. Secundum *Plinium*, Hispania, quacunque ambi-
tur mari, Italiæ laudibus proxima: quod de ea Bætice
parte potissimum intelligendum putamus, quæ ad His-
palensem Conventum spectat; est enim Oceano & Ze-
phyri lenibus flabris exposita. Hæcigitur regio insig-
niter omnium fertilitate luxuriat, eo nomine universi
Orbis provincias longè superans: eamque merito *Pli-
nius* ante Italiæ laudes posuisset, nisi homo Italus patriâ
anteferre voluisset. Hic etiam pecorum omnis generis

Temp. vicin-
ma, quum.

magna copia, sed præcipuè cuniculorû. *Andaluziam* no-
men à Vandalis habere supra diximus, quod hi à Gothis
pulsî hoc loco sedes suas fixerint: quibus postea etiam e-
jectis, in Africam concesserûnt. Res ita sese habet: *Roderi-
cus* vicesimus quintus Gothorum rex, in quo etiam regiû
Gothorum nomen defecit, comitem quendam *Julianum*
præfectum constituerat Mauritanæ Tingitanæ: ejulq;
absentis interea filiæ stuprum intulit. Quo pater audi-
to, Saracenos ex Africa evocavit, iustissimum dolorem
suum regis vindicta satiaturus. Hi anno salutis *DC CXV*
duce *Muzamisso* per angustias freti Herculei ingressi,
biennii spatio totam fere Hispaniam occuparunt, præ-
ter Astures naturâ loci munitos. Periere tantillo tempore
utrimque septingenta hominum millia. Saraceni po-
titi imperio, christianorumque (quantum fieri potuit)
religione extirpata, regna inter se variè partiti sunt. Pri-
mum fecere Cordubæ, quod ipsi vocavere *Abenalibeti-
cum*. Alterum apud Hispalim; tertium apud Carthagi-
nem novam: donec à *Ferdinando III* his locis pulsî Gra-
natam concesserunt anno *MCCXVI*: & à *Ferdinando VI*
penitus ejecti sunt anno *MCCCXCIV*. Metropolis est
quæ *Hispalis* *Plin.* *Isipalis* *Ptol.* *Hispal* *Silio*, *Spalis* *Gratiano*,
hodie *Sevilla*. *Arias Montanus* putat *Hispalim* nomen esse
Pœnicum, ex *Spila* vel *Spala* deflexum, quod planiciem
seu virentem regionem significat; alii, inter quos *F. Ta-
rapha*, ad *Hispalim* *Herculis* *Libyci* filium, nomen condi-
tionemque referunt. Ridiculus hic ut in multis *Isidorus*,
qui, quum ab *Julio Cesare* conditam, exque ipsius &
Romæ urbis vocabulo *Juliam Romulam* notasset appel-
latam, à *palis* suffixis in loco palustri sic dictam memorat.

Vrbes.

Urbis

daque Cabecas & Nebrissam *Luciferi* peto *Fanum*. Sic latini videntur nominasse, quod *Strab.* lib. III. sic nominat: quodque appellatum etiam addit *Lucem Dubiam*: hodie *S. Lucar de Barrameda*. Haud procul hinc quartâ ferè leucâ versus vulturum, oppidum est, quod Hispanis *Xeres de la Frontera* dicitur, quasi Hispaniæ ex hac ora vel initium vel terminus. Hoc *Navagierus* in *Itin.* putat esse quod *Asta Liv.* & aliis: *Hasta Anton.* per adpirationem. *Astam* tamen *Mor.* scribit adhuc nomen retinere, vel locum illum esse, circâ Guadaletem amnem, qui vulgo *Masa de Asta*. *Abrahamus Ortelius* haud multum abest, quin submersam putet cum insula Tartesso in Bætis ostio. Centum stadiis à Bætis ostio distat *Chipiona* oppidum, *Strab.* lib. III. *Capionis Turris*. Ad ostium Lethes fluminis, quod hodie *Guadalete*, vel arabicè *Bedalat*, oppidum est, cui nomen *Portus S. Mariae*, vulgo *El puerto de S. Maria*. Lethen transgressis occurrit cum aliis *Medina Sidonia*. Meridionaliora versus fretum petentibus offert se *Conilium*, non ignobile Hispaniæ oppidum, sex leucis distans ab Gadium urbe: illustrissimo *S. Lucae*, qui & *Medina Sidonia*, duci, parens. *Conilium* habetur ab *Georgio Austriaco* apud *Or. Carteya*. *Ptol.* *Tarissam*, quam *Cartejam* quidam opinantur, ex Tartesso corruptam si quis dixerit, non admodum pugnandum videretur. Non procul inde *Vegetum* est, vulgò *Veget*: oppidum exiguum quidem, sed situ opereque clarum: Colli quem latissima undique planities cingit, impositum: adeò ut inde circumquaque prospectus pateat, quousque oculorum acies extendere se potest, tam in lætam laxamque planiciem locaque compascua, versus solis exortum: quam in Africa montes & oram circâ meridiem: nec non in vastum & tumultuosum Oceanum versus septentrio-

nem & occidentem. Hic in caurum iter flectentes obviam habent *Mundam*. Sic nominat oppidum *Plinius*, quod hodie vulgo *Monda*. Putant tamen alii antiquam Mundam esse, quæ hodie *Ronda Veja*: *Mondam* autem, cujus antea memini, duobus inde milliaribus exstructâ fuisse ab Arabibus, prisco retento nomine, uti mos illis. Sunt autem in diœcesi Hispalensi innumera monachorum & virginum vestalium monasteria. Longum sit etiam xenodochia recensere, cum in una Hispali tantum ultra centum viginti numerentur egregie dotata, ut multa octo millibus aureorum, nonnulla quindecim millibus annuis locupletata sint. Est verò Hispalis ædificiis sacris & templis omnium Hispaniæ urbium ornatissima: inter quæ templum *Mariæ* sacrum, quo nullum habet christianus orbis excellentius, si operis amplitudinem & maiestatem sacrâ quadam hilaritate & pulchritudine venerabile, & turrim summæ celsitudinis, è qua ad statas horas signum datur, editissimo & operosissimo fastigio admirabilem spectes, unde in universam urbem & latissimè circumjacentes campos jucundissimus prospectus est. Quid regiæ arcis ornamenta verè regia describam? quā nullam elegantioris structuræ, aut gravioris Hispani reges habent. Quid sumptuosa ducum, comitum & illustrium procerum palatia: quid amœnissimis fontibus & viretis ornatas civium ædes memorem? Prætereo antiquos aquarum rivos longè per arcus in variis urbis regiones derivatos, & recentiores S.P.Q.H. ingenti sumptu & industria ad Herculanæ vulgò dictas columnas deductos & publicæ voluptati dicatos; palustri & uliginosa vastissimæ amplitudinis arcam consitis arboribus in pulchrum viridariū reformatâ, & latis spatiis in Circi speciem ad decursiones & inambulationes relictis:

Reg.

Calit.
peries.Sol. ferti-
litat.Imperium
maiorum.

VALENTIA appellationem à sua metropoli assumpsit, emporio nobilissimo, venerandæque antiquitatis. Ad meridiem Murciam respicit: ad occasum utramque Castellam: ad septentrionem Aragoniam: ad ortum littora ejus pulsant Mare internum. Fruitur aëre temperiore, ac clementiore cælo, atque beatiore quàm ulla alia Hispaniæ pars. imo tanta cæli temperie ac zephyri lenitate regnū Valentia gaudere tradunt, ut quocunque tempore, etiam nativitatē Jesu Christi festo, & Januario florum manipulos incolæ manibus gestent, sicut aliis in locis Aprilis & Majō fieri videmus. Magna hujus regionis præstantia, omniumque rerum, ut sacchari, vini, olei: item tritici, oryzae variorumque fructuum fertilitas, & copia. Habet & argenti fodinas, in loco quem *Buriel* dicunt, inter Valentiam & Dortosam. Reperiuntur & lapides aureis venis lineolisque interstincti, in loco, qui *Aioder* nominatur. Ad Promontorium *Finisfratum* sunt fecti minera: circa Segobiā lapidicinæ vestigia, è quibus Romam de vecta olim marmora. In *Piacento* alabastrum effoditur. Passim alumen, rubia, calx, gypsum. Valentiam urbem diu Mauri tenuere longā ducum serie: oppugnata sæpè ab Aragonum regibus, donec rex *Iames* post longam obsidionem tandem ejus potitus est, ducemque *Zaen Maure* cum quinquaginta Maurorum milibus coëgit urbe cedere & *Deniam* confugere, auro, argento, armis, aliisque supellectile eodem asportatā. Desertam hoc modo Valentiam rex *Iacobus* colonia missa colere iterum cœpit. Coloni fuere Catalani & Aragones, ductoribus *D. Berengario Palatio* Episcopo *Barcelonensi*: *D. Vidal* *Cavelia* Episcopo *Huescano*: *D. Petro* Fer-

dinandes d' *Acagra* & *D. Simone d' Vrræ Equitibus*. Hi totam urbem inter colonos novos distribuerunt habita dignitatis cujusque ratione. Legibus etiam novis rem publicam ornaverunt. Inscripta eo tempore trecenta octoginta quatuor capita familiarum. Cæterum regni titulum hæc regio accepit circa annum salutis septingentesimum & octuagesimum octavum, ut *Ortelius* ex *Petro Metinensi*, & *Petro Antonino Beutero* scribit. Historia sic habet: *Hisen* rege *Cordubæ* mortuo, ei filius *Alca* nomine sub annum Christi *MDCCXXXVIII* successit, cujus patruus *Aodala* Valentia dominus ex Taviar ad se vocavit alium suum fratrem, cui nomen *Culema*, ex hæredatusque fuerat. Hi duo fratres magnis copiis adunatis profecti *Cordubam*, nepotem regno expellere conati sunt, prælio autem victi, *Aodala* fugā sibi consuluit, Valentiamque reversus est. Maurorum autem præcipui sese inter patruos nepotemque interponentes, eò rem deduxerunt ut inter ipsos conveniret, ut *Aodala* se Valentia regem scriberet: *Culema* autem quolibet mense, ex redditibus Valentia, mille moradin (pecuniæ genus erat) instruendæ mensæ & adhuc quinque moradinorum millia ad res necessarias parandas deciderentur. Quibus pactis cum *Aodala* assensisset, primus se Valentia regem compellavit. Valentiam habitasse quondam præter alios deprehenduntur *Heditani* *Ptolemao* fortè non alii ab *Sedentanis*: *Biscargitani*; sic ex membranis legitur apud *Plinium*; metropolis ipsorum *Biscargis*, cujus mentio in nummo *Germanici Caesaris*, teste *Hub. Goltzio*; videntur pars fuisse *Heditanorum*, quum in iis *Biscargin* nominat *Ptolemaus*: *Leonicensis* *Plinio*; quorum metropolis *Leonica* etiam à *Ptolemao* in *Heditanis* collocatur: *Contestani* *Ptol.*



Prolemaeo; à quibus *Contestania* Hisp. *Tarraconensis* regio apud *Plinium*; horum memoria servatur hodieque in oppido *Contayna*, vel ut aliis effertur *Contentaina*; ad fontem ejus annis, cujus ostio adpositum videtur oppidum *Oliva* contra *Pytiusas* insulas: *Lusones*, quos ad Iberum fluvium ponit *Appianus* in Ibericis, Numantinis vicinos; ad Tagi fontes pertingere scribit *Strabo*: *Lobetani*, quorum metropolis *Lobetum Prolemaeo*; quam *Beuterus* scribit antea *Turiam*, postea *Averazin*, tandemque, ut hodieque, *Albarazin* dictam: *Terboleta Appiano* in Ibericis, *Saguntinis* vicini, à quibus *Turbula Prolemaeo*, *Torres* hodie fortean: *Celtiberos*, ut eos appellant *Plinius* lib. III cap. III, *Pomponius Mela* lib. III cap. I, cæterique latini; qui *Celtiberes Prolemaeo*, quidam Castellæ Veteri adscribunt, plerique Valentia. Inter regni hujus urbes Valentia, Valentia vulgò, primaria est ac sedes Episcopalis: regi *Romo* primordia sua fert accepta, ut scribit *Vasæus* atque alii, quam ab eo Romam appellatam, Romani multo posterius amplificatam & hobilitatam Valentiam appellaverunt, vocabulo idem significante. At *Resendio* hæc fabula videntur, qui eam à Lusitanis cæterisque Viriati militibus conditam & nominatam tradit. Sita est in intimo sinus *Sucronensis* recessu ad dextram fluvii Turia ripam. Hæc moribus & institutis clara; disciplinis liberalibus exulta; mechanicis artibus nobilis; magnis ingeniis felix, pacis concordiaque cives inter servandæ studiosissima; multorum equitum splendore illustris: mercatorum commerciis dives. Silentio non prætereundum quod de Valentinis notat *L. Marimæus Siculus*: iis in morepositum esse singulis annis, festo *D. Matthia*, fufis precibus factisque obtestationibus, ad locum supplicii destinatum ire; ibique damnatorum

corpora, sive suspensa sint, sive humi jaceant, suscipere, ossaque sparsa colligere: mox autem omnia feretris imposita ad commune civibus omnibus sepulchretum devecta honorificè, sacrificiis, orationibusque peractis, terræ mandare. Memoriae prodit *Petrus Medimensis* esse in hac urbe supra decem millia puteorum aquæ vivæ. Stetit olim ad ripam Turia sinistram, haud procul Valentia. *Strabo* lib. III, *Pliniusque* III cap. III, mille passibus ab mari separant. *Saguntum* Heditanorum urbs *Prolemaeo*: *Saguntus Straboni*, *Zacynthus Stephano*: *Secundum & Secunthum* vitiosè apud *Antoninum*: hodie putatur à plerisque *Morvedere*, sic dictum, ut quidam censent, ab *Muris veteribus*. *Zacynthorum* Coloniam facit *Appianus*, quidam *Saguntim* *Herculis* filium conditorem opinantur; sunt & qui ab *Sagis Ibericis* nomen accepisse volunt. Solum describit *Silius Italicus* lib. I. *Sagunti* muris cæmenta tribuit *Livius* lib. XXX; quæ calce durata erant, sed interlita luto, structuræ antiquæ genere. Constat ex *Plinio* *Saguntinos* olim coluisse *Dianam*, eodem ab *Zacynthiis* ipsorum progenitoribus advectam: annis ducentis ante excidium *Trojae*. *Saguntus*, fide & ærumnis inclinata, *Pomponio Mela*. De expugnatione urbis nobilissimæ, cladeque, quæ ob admirabilem constantiam, & egregiam in Romanos fidem, incidit in annum ab V. C. 10XXXV, *M. Livio Salmatore*, *L. Emilio Paulo* *COSS.* consulendi *Livius* lib. XXI. *Polybius* lib. III. *Orosius* lib. 4. cap. 14. *Eutropius* lib. 3. *Florus* lib. 2. *Histor. Rom.* cap. 6. *Silius Ital.* lib. I. *Valerius Maximus* lib. 6. cap. 6. *Augustinus* lib. 3 de Civit. Dei, cap. XX. *Auctor de VV. Illustr.* cap. 42. *Emilius Probus* in *Annibale*, *Cicero* in *Philippicis*, & qui non? Non ignobilis in Valentia loci sunt hodièq; *Segobia*, *Segobriga Prolemaeo & Straboni*, uti placet *Vasæo*, *Clusio*,

Clusio, Tarapha, Emanueli Enrico, & aliis: Segobrigam habent nummi *Augusti*. Incolæ *Plinio Segobricenses*; eos in capite Celtiberiæ ponenti. *Segobriga* tamen *Morali* censetur *Ingesta*, vel *Cabeça el Griego*: cujus sententiæ est & *Ioannes Mariana*. *Hieronymus Surita*, ubi fuerit *Segorbia*, dicit se ignorare. *Segobrica* meminit antiquum marmor, quod *Tarracone*. *Denia, Dianium* (ut volunt *Florianus, Moralis, Clusio*) apud *Ciceronem & Plinium*, qui *Stipendiarium* cognominat. *Incibilis Livii*: quæ *Indibilis Frontino*, ubi *Anno-nem* Carthaginensium ducem ab *Scipione* fugatum narrat, *Chelva* censetur *Floriano* subdubitanti tamen. *Illici Plinio, Ilcias Ptolemæo, Illice Pomponio, Ilcæ Colonia* nummis, *Illicitani* etiam *Ptolemæo*, (unde *Illicitanus Sinus*) hodie aliis *Alicanta*, aliis *Elche*, quod propius accedit. *Belgida* Celtiberiæ urbs nomen adhuc retinet. *Levia*, quæ & *Hedera Ptolemæo*, (unde *Heditani populi*.) *Liria* hodie est *Clusio & Morali*. *Oliete Orcelis Ptolemæi Floriano, Horivela, & Oriola Gomecio* est & *Clusio; Zamera Nebrissensi. Bigerra Livii & Ptolemæi*; hodie *Bejar Beutero & Vasco; Clusio Villena* est. Quæ *Setabis Strab.* vel *Setabis* antiquis lapidibus, teste *Clusio*; hodie *Floriano* iudice, *Xativa* cluit. Fluvius habet hæc regio multos, in primis verò *Turiam* quem *Pomponius Duriam, Dorium Ptolemæus* nominat. Incolæ Arabicam vocem *Guetalabiar* servarunt, quæ vox aquam puram significat. Magnas hic fluvius commoditates, locis per quæ fluit adfert. Est & *Sucro* fluvius, *Xucar* novo nomine dictus. E montibus hic oritur *Orospeadan*. Habet *Valentia* duos montes, quibus nomen *Mariola & Perna golosa*, (rupem cupidinariam latine diceret) in quos, quum stirpibus rarioribus herbisque variis abun-

dent, quotidie magnus medicorum & herbariorum numerus ex diversis Hispaniæ partibus confluit. Nunquā non rari quid ibi se offert. *Valentia* urbs antiquitate venerabilis est, ibique ad posteram ætatem multa perdurant antiqua marmora, Romanis inscriptionibus insculpta, quarum quædam videri apud *Beuterum, Ambrosium Moralem, Hotomannum* in *Cæsaris Ephemerides*, & alios, possunt. In urbe *Sagunto* nunc *Morvedre* theatrum & scena, aliaque multa antiquitatis vestigia, ut sepulchra *Sergiorum, L. Galbæ, & Sergii Galbæ*, & aliorum ejus gentis, ex quorum lapidibus constructum est cœnobium fratrum *Trinitatis*. *Academiā* habet *Valentia* celebrem. Præter hanc in regno *Valentiæ* est & *Academia Gandiana*, quam non ita pridem erexit illustrissimus *Gandia* dux, ut ibi præcipuè patres Societatis Iesu, ad quam seipsum quoque contulisse fertur, philosopharetur. *Valentia* quod ad administrationem reipublicæ attinet, facillè omnes antecedit Hispaniæ civitates. Ager hujus urbis maxima ex parte à gente *Mauris* oriunda, & paternum sive avitum sermonem ac ferè vitæ morem adhuc retinente, colitur. Illud autem non omitendum quod *M. Tullius* in *Valentiæ* laudè protulit oratione in *Verrum* ultima: *Valentinorum* (inquit) hominum honestissimorum testimonio. Multum byssi hoc in regno paratur. *Valet & Valentia* commercio (ut scribit *Olivarius Valentinus*) mercatorum maximo. Nam inde exportantur varia & multa merces, in primis holoserice tele ferè omnium colorum & fila serica ex vermibus, panni optimi in insulas *Baleares, & Siciliam & Sardiniam*, & in panni vocantur contracti; exportantur inde *oryza*, saccharum albedine admirabili, *uva passa & ficus*, nec non & fructus saccharo conditi.

Opera
Publica.

Schola.

Opificia.

Merci-
monia.

Flumina.

Montes.

Aragonia.

ARAGONIA vel ab *Autrigonibus*, Hispaniæ populis teste *Laurentio Valla*; vel à *Tarracone* antiqua civitate, ut *Antonino Nebrissensi* & *Vasco* placet, nomen accepit. Alii ab *Aragone* fluvio qui illic ortus Iberum influere perhibetur. Nonnulli ab *Herculis Ara*, *Agonalibusque* ludis derivant: quod si verum, mirum tam altum obstinarumque apud veteres scriptores de *Aragonia* esse silentium. Huic regno adhærent ad caurum Navarra, ad vulturnum Catalonia: quæ Africæ exposta, Castiliam spectat, quæ aquiloni, Pyrenæos habet montes. Regio ut plurimum aspera, & sicca est, maximè versus Pyrenæum; unde ad multū itineris spatium nullæ habitationes reperiuntur: sunt tamen hic valles nonnullæ feracissimæ optimi frumenti, aliorumque fructuum, quæ mirum in modum ab aquis adjuvantur. Hujus regni primum regem omnium scriptorum calculi *Ranimirum* faciunt. Hic factus est rex Aragoniæ anno Christi cxcxvi. Sed de origine regni regumque Aragoniæ, Valentia & Cataloniæ, à quibus & quomodo initium habuerint, deque unione eorum, legendi *Rodericus Sanctius* historiæ Hispanicæ parte i. cap. xlii, *Lucius Marinus Siculus* lib. viii, de regibus Hispan. & alii. Metropolis & regni caput *Cesar-Augusta* *Plinio* aliisque, *Cæsarea Augusta* *Ptolemæo*: nominatur sæpe in nummis veterum: hodie *Sarragosa*, Academia nobilis. Conditorum ejus ferunt *Iubam* Mauritaniam regem, & ab eo *Saldybam* appellatam, quasi *Iube Domum*: postea vero, priore repudiato nomine *Cæsaris Augusti* nomen illi fuisse inditum. Sitæ est in ripa fluminis Iberi, loco plano, ex quo Iberus insigni ponte lapideo longoque (cujus etiam *Strabo* facit mentionem lib. iii) trajicitur. Vis autem situs solæ calcei formam refert: portas habet quatuor ad totidem mundi partes spectantes: validissimis mu-

Urbes.

Imperium
maiorum.

ris cincta, crebrisque turribus probè munita. In hac urbe reges Aragoniæ ab ejus Archiepiscopo, qui primas regni, diadema soliti accipere. Civitates reliquæ: *Oscæ* latinis, *Ptolemæo* & *Plutarcho* in *Sertorio*; hodie *Huesca*: cives ejus *Oscenses Cæsari* nominantur: *Oscensis argenti* meminit *Livius* lib. xxiv: *Eteosca* mendose vocatur *Vellejo Paterculo*, ubi *Sertorium* interemptum scribit. *Tyriassona* civitas apud montem Caci, quæ à Tyriis & Aufoniis conditam fuisse nonnulli opinantur. *Iacca*, jacens in cōvallibus, Laccetanorum quondam sedes. *Calatajut*, in campestri loco, ex ruinis nata Bilbilitanis, quæ cum multis aliis antiquitatum monumentis, medio milliari hispanico ab hoc oppido hodie visuntur, in colle, qui vulgo *Bambola* vel *Baubola*. Cingitur mons ille in orbem fere ab *Salone* flumine, quem situm *Bilbili* tribuit alumnus ejus & civis (vide lib. i. Epigr. lxxii.) *Valerius Martialis* lib. x Epigram. ciii. Sic *Paulinus* ad *Ausonum*, *Bilbilim* acutis scopulis pendentem prodit. *Bilbis* *Ptol.* corruptè. *Augusta Bilbilis* cognominatur *Martiali*, quem admodum & in multis veterum numismatum inscriptionibus. Sunt & alia Aragoniæ oppida: *Barbastrum*, arcubus ferreis nobile: *Burtina* *Ptolemæo*, *Bortina* *Antonino*, ut nonnulli censent. *Monsonium* in regni situm umbilico, ad Cingæ ripam, cui collis imminet, à quo nomen oppido: conventibus regnorum Aragoniæ, Valentiaque & principatus Cataloniæ celebres sedes: vulgo *Moncon*, fertilis agri & aprici situs. *Fraga*, inter Ilerdam & Cæsaraugustam: *Gallica Flavia* *Ptol.* *Gallicum* *Antonino*, ut *Varrerus* censet: alii *Gallicum* locant, ubi nunc *Zuera*, in cuius agro vetustorum pavimentorum vestigia visuntur. *Gurrea* olim *Forum Gallorum*, *Antonino* inter *Cæsaraugustam* & Pyrenæos. *Ajerbium*, in cuius solo quondam stetit creditur *Ebellinum*, *Antonino* cum aliis nomi-

natum



natum. *Vrgella*, *Orgellum Aimonio*, *Origa* fortè *Ptol.* oppidum haud procul *Sicoris* fonte. Fuerunt & alia oppida, sed quæ diruta, quorumque nulla hodie vestigia. Inter illa non ignobilis *Calagurris Nafica*, alia ab ea quæ in Navarra. Cives ejus *Calagurritani* nominantur ab *Casare* I belli civilis Commentario: eosque corporis sui custodes habuisse *Augustum* notat *Suetonius* in ejus vita cap. XLIX. *Plinius Naficos* cognominat. Fluvii hic sunt *Iberus*, *Gallego*, & alii.

Flumina.

Catalonia.

Catalonia vulgo *Catalunna* sequitur. Nomen illi impositum putat *Volaterranus* ab Gothis & Alanis, scribendamque esse *Góthalaniam*. *Beatus Rhenanus* lib. I *Rer. German.* *Cattalaniam* arbitratur appellatam ab *Cattis* & *Alanis*, qui junctim in eam Hispaniæ portionem proruperunt. Alii ab *Castellanis*, antiquis Hispaniæ populis, qui hisce locis sua habuerunt domicilia, denominatam judicant. Sunt etiam qui nuncupatam *Cathaloniam* tradunt ab *Orthogerio Cathalone*: de quo multa præter alios, *Marineus Siculus* lib. IX de *Reb. Hisp.* & *L. Valla* de *Ferdinando Aragon.* reg. lib. I. Hæc *Pyrenæis* montibus, mari Mediterraneo, fluminibusque *Ibero* & *Cingâ* terminatur. Regio ipsa ut plurimum sterilis est, ac magis fructuum, quam frugum abundans, & silvestrium quam domesticorum. Metropolim habet hodie *Barcelonam*, urbem pulcherrimam, quæ in maris Mediterranei littore sita meram redolet antiquitatem, complures servans rei probandæ lapides vetustos. Conditor ejus fertur à plerisque Hispaniarum inlustratoribus *Amilcar Barcha* cognomine, filius *Annibalis* Carthaginensium ducis ejus, qui victâ classe, à militibus in crucem fuit sublatus, pater autem *Annibalis* terroris Romanorum. *Barcinon Ptol.* *Barcinus Paullino*: *Barcellona Iordanè*: *Faventia* etiam quondâ, teste *Plinio*. Laudat hanc urbem multis verbis *Marineus*

Urbes.

Siculus Rer. Hisp. lib. XIII, qui & situm ejus describit lib. XV. Fuit olim multo minor, quàm hodie conspicitur, ab littore maris uno ferè stadio remota. Habebat portas quatuor, quæ totidem mundi plagas spectabant, æquo ferè omnes spacio inter se distantes, quæ adhuc in ipso pene umbilico urbis visuntur: cælata gerentes capita bubula, altæ pacis, ut nonnulli volunt, & quietæ agriculturæ symbola. Lapsu temporis bis prævalidis muris superbisque turribus est cincta, inque tantam paullatim magnificentiam excrevit, ut multo merito caput hodie censeatur *Cataloniæ*. De *Barcinonis* comitibus, eorumque origine consulendi *Rodericus Toletanus* lib. VI de *Reb. Hisp.* cap. III, & *L. Marinus* lib. IX. Sequuntur hanc *Tarraco*: *Tarracon Ptolemao* & *Strab.* *Tarragona* hodie. Urbs olim tam celebris, ut potiori Hispaniæ parti nomen dederit: maritimarum opulentissima *Mele* lib. II. *Vigua Vicque* vulgo, vel *Vich*: *Ausa Ptol.* *Authetanorum* urbs. *Girona*, *Geronda* *Plin.* & *Ant. Tortosa*, quæ *Dertosa Ptol.* *Dertosani* populi apud *Plinium*. *Lerida*, quæ *Ptolemao*, *Stephano* & aliis *Ilerda*, *Ilergetum* urbs. *Emporia Silio* lib. III, *Polybio* lib. III, & *Ptol.* *Emporium Stephano*: *Empurias* vel *Ampurias* vulgo. *Blanda Pomponio* & *Ptolemao*, *Blanes* vulgo, ut volunt *Beuterus*, *Florianus* & *Navagierus*. *Manresa*, quam *Florianus Athanagiam* ab *Livio* vocari censet. *Rose*, *Roses* vulgo: *Rhoda Livio*: *Rhode Stephano*, *Rhodope Strab.* *Rhopolis Ptol.* *Colibra*, *Iliberis Ptolemao*, *Livio* & *Plinio*, vicus magnæ quondam urbis, & tenuæ magnarum opum, addenti, vestigium; *Cliberre* tabulæ *Peutingeria*æ. Alii tamen *Iliberrim* non *Colibræm*, sed aliud oppidum volunt: *Salus Poldus*: *Eunam Olivarius*: *Illam Mercator*. Fuit &, ubi nunc *Catalonia*, quondam *Julia Libyca*: *Cinniana Antonino*: *Deciana Ptolemao*. Atquæ hæc de universa Hispania sufficiant.

DESCRIBIT.

DESCRPTIO GALLIÆ.

Studioſo & Benevolo Lectori.

QUandoquidem nobis ſolis nati non ſumus, ſed quantum quiſque poteſt ad commune bonum, tantum à beneficentiſſimo generis humani cōditore & parente ab illo exigitur, juſtum exiſtimavi opus hoc Geographicum, cuiuſhīc partem damus, ad Reipublicæ utilitatem quam poſſum maximè accommodare. Eſt autem Geographiæ in legendis hiſtoriis iis que retinendis facilior notiorque uſus & utilitas, quàm ut meo documento aut commoneſactione ſit opus; ſed alia eſt ejus & multo præclarior dignitas, ſi rectè quò valet dirigatur; nimirum ad politici regiminis cognitionem plurimum conferet, ſi locorum non ſitus tantum, ſed & natura ſive legitima conditio deſcribatur, quod alioqui etiam Geographi officium poſtulat. Nam ut ſuæ profeſſioni non ſatisfacit pictor, qui hominem aliquem juxtà membrorum proportionem delineat, verum neglectis coloribus & phyſiognomicis ſignis, ejus naturam & affectus non proſequitur; ita veluti mortuum cadaver Geographicum figurabit, qui locis tantum juxta ſuam ſymmetriam poſitis, nullam eorum ad invicem rationem politicam aſſignaverit. Quapropter hoc ſummo opere curandum duxi, ut quæ in ſingulis regionibuſeſt dominiorū locis appendentium natura & ordo, eam convenienti diſtributione iſſis tabulis præſigam, quo politicæ diſtributionis & rerum publicarum ſtudiis aliquid noſtra conferre poſſint. Quod ſi in multis ſit imperfecta & deſiciens, aut etiam alicubi erronea conſcriptio noſtra, non mireris lector: non enim rerump. formæ per ſingulas ditiones ſcriptæ extant, neque mihi eas paſſim perveſtigare eſt integrum, ſed quatenus ex hiſtoriarum inſpectione deprehendere potui, ſaltem formam aliquam & rudimentum

politici ſtatus collegi, unde rei propoſitæ rationem & ordinem intelligas, ac quod in tua regione deerit ſupplere poſſis, & caſtigare: quod ſi facere non gravaberis, ac mihi communicare placuerit, tuo id nomini atque honori in caſtigato tabulæ frontiſpicio acceptum referam. Idem ſi quiſque in ſua patria præſtiterit, nemo credat quantum emolumenti ſtudioſis omnibuſ ex Geographia ſit acceſſurum.

Itaque cum tria præcipue ſint in adminiſtratione regnorum, principatum, & provinciarum conſideranda capita, videlicet, Status eccleſiaſticus, politicus & juſtiitiæ adminiſtratio, primum ſub regionis in tabula deſcriptæ titulo, quot in ea regione ſint ſtatus politici membra recenſebo juxtà earum dignitatis ordinem ibi obſervatum. Deinde in nobilium locorum diſtinctione (quando penes nobilitatem præcipuum eſt regimen) eos locos primum enumerabo qui Principi ſunt feudales, deinde & liberos, idque ordine à ſummo nobilitatis gradu deſcendendo, veluti Ducatus, Comitatus, Baronias, Dominia. Tertiò in quas Præfecturas regio ſit diviſa. Atque hiſ tribus politicum ſtatum ſufficienter declaratum iri exiſtimo. In juſtiitiæ adminiſtratione notandæ erunt diœceſes juridicæ, ſuperioresque ſenatus ad quos ſit appellatio. Denique in eccleſiaſtico ſtatu primum Archiepiſcopi, ſi qui ſunt, tum eorum ſuffraganei Epicoſcopi, & qui præterea aliis ſuffragantur ordine ponendi erunt. Hęc omnia enumerare ſtudium quidem eſt, verum cum deſiciente materia in paucis id detur, præſtabo, quod potero, ut ſaltem patriæ cultores ad meliora perfectioraque provocem. Singula autem loca numeris deſignabuntur, ut in ſubſequenti tabula continuo inveniri poſſint. Prior numerus gradus & minuta longitudinis

gitudinis continebit, qui in latere boreo aut meridiano tabula quarentur; posterior latitudinis numeros habebit, in occiduo aut orientali latere quarendos. Ab horum terminis, hinc meridiani, inde parallelis, latitudinis ductu ad communem eorum sectionem & locum propositū pervenies. Quæ verò in generalium tabularum indicibus sunt, eorum sitū inde petere oportet. Quod si quæ nomina in subiecta tabula nō reperiantur, id chorographi qui eam prior delineavit factū est vitio, propter quod principatum & dominiorum designatio omittenda non erat.

Quoniam autem penes nobilitatem est regionum dominium & regimen, utile & jucundum est ejus gradus ordinem, & proprias cujusque conditiones internoscere. Summus ejus gradus est imperatorius aut regius, quem ordine subsequuntur Dux, Comes, Baro, Tribunus militaris, quem *Banderheer* vocant Belgæ, quasi *bende*, hoc est turmæ, quam sub suo *baniere*, hoc est signo equestri ducatur, dominum. Post hunc est eques auratus, sive equestris ordinis dignitatem adeptus, quem Galli *Chevalier*, Belgæ *Ridder* vocant. Postremo loco est *un Escuyer*, id est nobilis scutatus, qui insignia quidem nobilitatis gestat, verum ordinis dignitatem publicam necdum assecutus. Jam Comitum tres sunt gradus. Qui in primo est, à Gallis *Viconte* dicitur, hoc est, ut opinor, Procomes, aut Princeps comes, qui cæteris apud ducem suum dignitate & privilegiis præstat, quem *Lodovicus Guicciardinus* Burg-graviū hodie dici vult. Et fieri potest hunc Comitum ordinem eo diminutionis dilapsum esse: sed principio excellentior fuit ejus dignitas, ut mox ejus descriptio indicabit. In secundo gradu est Provincialis comes, *Landgrave* Belgicæ. In tertio Marchio, *March-grave*. Hi sunt præcipui nobilitatis gradus atque ordo, juxta quem regionis cujusque dominium distribuitur. Sunt & aliæ quædam in his gradibus subdivisionis differentiæ, sed quæ privilegiis magis quam regiminis formâ distinguuntur. Ejus porro ordinis quem recitavi legitimas differentias & conditiones, quemadmodum in

Gallico quodam libello, inscripto: *La division du monde*: inveni, tradam, ab ima nobilitate aliorum graduum creationem deducens, unde illorum proprietates & regiminis ordo elegantissimè elucescent.

Eques auratus, inquit ille, sive *Chevalier* ex scutato nobili, *Escuyer*, sic creabitur. Si diu hic bella secutus arma exercuerit, pluribus conflictibus interfuerit, atque unde ordinis statum honestè sustinere possit habeat, sitque ex magna, insigni ac divite familia, tum in aliquo conflictu duci exercitus aut strenuo & generoso equiti petitionem suam significabit, & finito conflictu ipse ducem aut equitem dictum accedet, præsensque in nomine *Dei* ac *S. Georgii* orabit, ut sibi ordinis insignia donet. Quo ille audito gladium suum educet, terque supplicantem feriet, dicendo: Ego te facio equitem (*Chevalier*) in nomine *Dei* & *S. Georgii*, ad fideliter conservandam Fidem, Justitiam, Ecclesiam, Viduas & Pupillos. Quod si verò supplex etiam si strenuus, sit tamen pauper, admittendus non erit, nisi tot illi redditus annui assignentur ac donentur, quot ad ordinis honorem & dignitatem conservandam opus est habere. Atque hic primus est ab imo nobilitatis gradus.

Tribunus militaris, *en Banderheer*, ex equite aurato fiet, si diu secutus bella satis terrarum ac reddituum possideat, ad tenendum & stipendiis alendum 50 nobiles, hoc est unam *Bendam*, quæ ipsius signum equestre in militia sequatur. Nemo enim signum sive vexillū erigere potest, nisi qui turmam hoc est *bendam* 50 ut minimum nobiliū stipendiariorū suo sumptu adducere potest.

Baro ex equite aurato, aut etiam scutato nobili creari potest, quando ille in suo dominio quatuor castellanias habentes jurisdictionem altam, mediam, & bassam (ut vocant) possidet; tum enim rex illi conferre potest vexillum Baronatus. Cæterum hoc illi conferri non potest, nisi rebus in bello fortiter gestis. Itaque ex primo conflictu Equestris fit ordinis, ex secundo Tribunus militaris, ex tertio Baro.

Comes

Comes ascendendo sequitur, & quidem primo *limitaneus*, quem *Marchionem* hoc est *Maregrave* vocamus. Is autem talis creari potest, qui duas aut tres Baronias in uno Ducatu conclusas possidet; creari autem potest à suo duce in cuius ditione eas possidet.

Comes Provincialis deinde, id est *Landgrave*, fieri potest, qui quatuor Baronias uni Ducatui inclusas habet, quem dux in comitem creat, aut etiam rex per ducis instantiam aut permissionem.

Viconte, Princeps Comes, fieri potest qui tenet quinque Comitatus aut plures in uno Ducatu comprehensos aut junctim sitos. Et potest à duce in magna solemnitate permisso regis creari. Quod si rex ipse præfens adsit honorabilior fit principatus.

Dux ex comite qui futurus est, in primis in regno in quo coronandus est, possideat quatuor Comitatus principales, & in quolibet horum habeat alios quatuor Comitatus, sive Baronias illis quatuor Comitatibus fide & clientelâ obstrictos; sic ius ducalis dignitatis consequendâ liberum habebit. Coronandus est autem à rege vel imperatore cui subiectus est, galero margaritis & gemmis preciosissimis exornato, in florentissima suarum ditionum urbe, idque in magno conventu Principum virorum, Ducum, Comitum, ac Baronum, solenni etiam festo celebrato, quemadmodum in coronatione regum consuetum est.

Qui *Rex* futurus est, necesse est ut quatuor Ducatus inter se coherentes & continuos sibi subiectos habeat, & in quolibet Ducatu civitates quatuor, in quas ipse solus dominium habeat. In qualibet etiam harum civitatum Archiepiscopum unum, sub unoquoque rursus horum decem provincias episcopales. His dotatus exornatusque dominiis & dignitatibus imperatoriam maiestatem tamquam suum superiorem adibit, aut ad se ut veniat honorificâ legatione invitat, & efficiet quo ab illo coronetur.

Recentior autem hæc eligendi regis cæterorumque princi-

pum lex esse videtur: quamdiu enim vagæ nationes, Gothi, Wandal, Longobardi, aliæque plures suos secum reges adducebant, non ex ampla terrarum possessione regiam dignitatem metiebantur, sed ex viribus populiq; adducti multitudine. Nec ducum etiam qui primùm à *Longino* ex archo Ravennateni anno Domini 569 & mox à Longobardis institui cœperunt, alius fuit delectus, quam pro fortitudine, & rerum gerendarum prudentia: adde quod *Paulus Æmilius* testatur, duces comitesque principio ab regibus eâ lege gentibus civitatibusque præfectos fuisse, ut quoties ex usu esset dimitterentur aut mutarentur. Neque verò dictæ creandorum principum leges, cum hereditarias terrarum possessiones emeriantur & postulent, condi potuerunt, quamdiu temporario tantum beneficio ducatus comitatusque à regibus & imperatoribus conferebatur. Quapropter licet præcise ejus instituti tēpus indicari nequeat, (nullam enim ejus notam adfert gallicus ille libellus) tamen sub *Ottone II* imperatore, aut circa annum Domini millesimum, vel paullo post, eam constituendarum confirmandarumque dignitatum rationem à monarchis ordinatam fuisse omnino est verisimile. Enimverò usque ad *Ottonem* secundum pro suâ quisque Princeps potentia & ambitione, ad majorem dignitatem, regiamque maiestatem aspirabat. Sic ex uno Lotharingiæ regno quod à Rheno ad Scaldim usque extensum, mari Frisco terminabatur, & unius *Lotharii Lodovici Pii* filii erat, post plura sunt nata: videlicet transjuranæ Burgundiæ, quod à Jura monte ad Alpes usque extensum totam Helvetiam, Rauracos, Allobroges & Burgundos transjuranos complectebatur: & Provinciæ regnum, quod simul partem aliquam Burgundiæ ac Sabaudia comprehendebat, & postea appellatum est Arelatense, cuius etiam hodie Trevirensis elector Archicancellarius appellatur: regnum item Lotharingiæ, quod Lotharingiam nunc dictam, & deinceps reliqua inter Rhenum & Scaldim usque ad mare Friscum continebat, & olim Astrasiæ regnum vocabatur.

Rurfus hoc ipsum Lotharingæ regnum *Carolus Calvus*, & ejus frater *Lodovicus* inter se partiti sunt, utrobique regis titulo servato. Omitto alia eodè seculo pro imperandi libidine orta regna. At verò *Otto* 11 imperator Lotharingiam ablato regni nomine in novos Ducatus, Comitatusque distinxit, veluti membris è corpore divulsis & distinctis, ut habet *Cuspinianus*, factâque divisione anno 981 primùm ejus quæ nunc est Lotharingæ ducem constituit *Carolus Lotharii* regis Franciæ fratrem, ut latius tractat *Richardus VVassenburgius*. Ab eo tempore videtur arbitraria illa regnorum & principatuum erectio defecisse, monarchis nunc omnia ad stabile imperium componere cogitantibus, quod in justa partium imperii, quemadmodum in homine membrorum ad caput proportionè & harmonia maximè situm est. Ut ergo in principatibus & rerum administratione ordo aliquis perpetuò servaretur, tandem eo ferè quo dixi tempore has leges dictas excogitatas fuisse arbitror.

Habes Lector totius nobilitatis distinctos gradus, & dignitatum differentias. Jam observa in unoquoque regno quo modo provinciæ pro illorum ratione sint divisæ, quomodo regimen & universitatis gubernatio, & quâ portione in hos gradus sint distributa, quod cuique sit proprium officium, quæ cuiusq; ad alterum & præcipuè ad caput sit habitudo & necessitas, videbis insignem harmoniam ad pacem & tranquillitatem, ad robur & potentiam, ad divitias & fastum, ad virtutem & sapientiam, ad regni majestatem, ad limitum extensionem, ad instabilitatem, ad declinationem & interitum, aut quocunque alio tendentem, ut sunt administrationum rationes variæ. Quæ minus rectè succedere videris, aut judicaveris, unde id procedat contemplare, quæ item bona & successu felicia invenis, causam illorum disquire, sic optimam politiam in regnorum administratione speculaberis, atque utilissimè prosperèque Geographica tractaveris. Quo autem meliøre methodo in hanc speculationem ingrediaris, hic subjungam tanquâ fundamen-

tum universi hujus negotii, de politico statu regni Galliæ compendium, quod meo rogatu vir nobilitate & eruditione clarissimus *D. Dominicus à Burmannia* in ornamentum hujus operis, & studiosorum gratiam scripsit & communicavit, cujus exemplum in aliis quoque regnis, & rebus publicis viros doctos sequi maximè optandum esset, quo omnes administrationum reip. varietates in contemplationem duci possent.

DE POLITICO STATU REGNI GALLIÆ.

GAlli omnium scriptorum judicio populi sagacissimi ac bellicosissimi optimum sibi politiæ statum constituere conantes, monarchiam regalem elegerunt. Natura enim ita comparatum videbant, ut unum aliquem excellenti dignitate plus revereantur & metuant homines, quam coactum aliquem numerum delectorum, qui tempore commutantur. Ratio quoque ipsa præscribit in omnibus rebus ad unum aliquem velut ad caput atque fontem necessariò confugiendum, & rem esse plenam incommodi atque periculi cum plures simul imperium obtinent. Quinetiam exempla testantur, monarchias, etiam si vel interitu principum, vel alio quoquam humano casu fuerint immutata, diuturniores fuisse & tranquilliores, quam vel optimatum vel popularem statum; ut in Assyriis & Ægyptiis & Parthis, imo ut propioribus exemplis utamur, in Britannia, Hispania, Galliaque nostra videmus, in quibus sanè provinciis nullæ aliæ Respublicæ temporis longinquitate conferri possunt. Fit verò plerumque, ut optimatum status, qui aristocratia dicitur, commutetur in oligarchiam, quæ paucorum est dominatus, quando ex optimatibus & primis civitatis pauci quidam, velut conjuratione factâ, honores & emolumenta omnia inter se partiuntur, & suas privatim fortunas amplificare student, neglectâ communi utilitate, quam solam & imprimis curare debebant.

bebant. Alterum genus quod ad promiscuum vulgus pertinet, & popularis status, seu democratia dicitur, semper habitum est multuosum, & periculi plenum, & viris præstantibus inimicum. Prudentissimè ergo Galli populi ab omni tempore uni magis, quem ex virtute & iustitia æstimabant cæteris præcellere, quam vel pluribus ac præcipuis populi, vel multitudini rei summam commendandam esse censuerunt, prout & singularis aliquis, qui solus rerum potitur, facilius aut promptius in commodis & periculis mederi potest, quam multi simul gradu & dignitate pares. Neque verò effrenatam in regem suum transtulerunt potestatem: sed certis legibus & conditionibus optimè limitatam aut constrictam, ne tyrannidi ullus locus datur, ut in progressu ostendimus. Cæterum quemadmodum nihil in humanis actionibus stabile est ac perpetuum, sed cuncta vel temporis lapsu collabascunt, vel seculorum pravitate mutantur, sic in Gallia quoque licet idem semper status, hoc est monarchicus regalis fuerit, non omni tamen tempore eadem gubernandæ reipub. ratio fuit; quam omnem ab initio constituti regni breviter ac dilucidè, quantum ex variorum scriptorum lectione assequi potuimus, ordine exponemus. Status Galliæ priusquam à Romanis in provinciam redigeretur, is fuit, ut neq; universa unius imperio regeretur, neque singulæ civitates vel in populi vel in optimatum potestate essent, sed ita divisa fuit, ut pleræque optimatum consilio regerentur, quæ libera dicebantur, cæteræ reges haberent. Omnes quidem id institutum tenebant, ut certo anni tempore publicum gentis concilium agerent, in quo quæ ad summam reip. pertinere videbantur constituerent. Civitates autem 64 *Tacitus* libro 3 numerat, hoc est ut ex *Cæsare* intelligitur, regiones quæ non modò lingua, moribus & institutis, verùm etiam iisdem magistratibus utebantur, quales ipse multis locis *Æduorum*, & *Rhemorum* civitates præcipuè commemorat.

Reges verò vel regulos potius Galli eos tum appellabant,

qui non ad tempus, ut civitatum magistratus, sed in perpetuum regium imperium quantumvis exiguis finibus obtinebant, quos immutata temporum consuetudo duces, comites, marchiones nominavit.

Erant hi reges non hæreditarii, sed à populo propter iustitiæ opinionem eligebantur, neque habebant infinitum, solum & effrenatum imperium, sed certis legibus ita circumscriptum, ut non minus ipsi in populi, quam populus in ipsorum ditione ac potestate essent, ut ferè illa regna nihil aliud nisi magistratus perpetui viderentur. Nam multos nominat *Cæsar* privatos, quorum tamen parentes ac maiores regnum obtinebant. Optimatum ergo & delectorum autoritate, quibuseam potestatem populus permittit tanquam freno coercerentur, quæ optima reipub. forma, teste *Platone*, *Aristotele*, *Polybio* & *Cicerone* fuit.

Porro Gallia à Romanis in provinciæ formam redacta, eodem modo reges ipsorum ex virtute & nobilitate (instar Germanorum teste *Tacito*) totius populi iudicio ac suffragiis electi ac constituti sunt, quorum tres tantum in hodiernum usque diem annis ferè 1200, quibus illud regnum duravit, familiæ recenserentur.

I Merovingiorum, qui orti à *Meroveo* stirpem ad annos 283 propagarunt.

II Carolovingiorum, qui orti à *Carolo Magno* sobolem in annos 337 produxerunt.

III Capevingiorum, qui ab *Hugone Capeto* prognati annis ferè 590 regnum obtinent. Nam licet deferendi regni iudicium arbitriumque penes Ordinum comitia, publicumque totius gentis concilium semper fuerit, & etiamnum omni jure sit: filii tamen & iis qui ex regis demortui stirpe essent, propter nobilitatem (more Germanorum) & innatam quodammodo virtutem, prærogativam illam ferè reliquerunt, ut eos quasi hæreditariè aliis pari virtute præferrent, ita tamen, ut si

regis defuncti filii annis 24 minores essent, eos creati jus non esset, arque adeo alium ætatis legitimæ creati necesse esset, cuius exemplum extat anno Christi 309 in *Clogio* rege. Sed & subinde hoc ipsum regnum quod Francogalliæ dicitur, inter plures regum demortuorum filios, ex Procerum regni voluntate & arbitrio divisum fuisse, plurima extant exempla. Si vero populus filio repudiato alium eligeret, relinquebantur filio repudiato ad tuendam suam dignitatem res, quæ propriæ regis, & ipsius patrimoniales fuerant. Cæteræ quæ regni & reipub. erant, & reip. dicuntur, ei ad quem regnum deferebatur, attribuebantur, sicut & cæ res quæ fisci dicuntur, quæ scilicet ad tuendam dignitatem suam partim ad usus reipublicæ repentinis attributæ sunt, ut erant Ducatus & Comitatus varii, qui etiam in populi comitiis illis assignabantur. Secundo & illud observatum semper fuit, ut filia æ regni successione removerentur, (non quidem lege *salicâ*, ut quidam malè existimant, nam ea de privato tantum patrimonio, nec ne feudis quidem, sed de allodiis, auctore *Salagasto* uno ex regni proceribus, unde *salica* ab ejus nomine dicta est, constituta fuit,) & iis neglectis, fratribus vel patruiis, aut etiam extraneis, per Proceres regnum semper delatum sit. Atque hæc de regibus primo reipublicæ capite. Antequam autem reliqua de regis electione, ejusque & reipublicæ concilio, rationeque administrationis regni prosequar, operæ precium facturum me esse arbitror, si prius membra illa regni, quæ regem constituendi & abdicandi potestate habere diximus, paucis descripsero, quo magis dulcis illa harmonia quæ regnum hoc à majoribus prudentissimè constitutum est, elucescat.

Illud in primis magni est momenti: regiam potestatem, ac reliquos omnes regni ordines ad eo commodis & æquis rationibus inter se devinctos esse, ac velut coagmentatos, ut vixulum possit inter ipsos magnum dissidium oriri. Sunt autem Ordines in Galliis tres præcipui, penes quos legitimum gentis

concilium, regnumque adimendi ac constituendi facultas omnibus temporibus fuit: Nobilitas scilicet, Populus & Vulgus. Hi singuli pro sua quisque conditione suas habent leges ac instituta, quibus utuntur, & adeo commodè sunt invicem aggregati, ut agrè facultatè habeant alii alios opprimendi, aut etiam adversus regem conjurandi. De Ecclesiasticorum ordine, qui quartus censeri potest, quanquam hodie, cum in tantam excreverit potentiam, primum obtineat, deinde dicturi sumus.

Nobilitas igitur Galliæ, sive *Equestris Ordo* maximis fruitur commoditatibus ac privilegiis, eoque fit ut magno quodam affectu regem complectantur, & vitam quoque pro ipsius ac patriæ salutē profundant. Neque enim ullum pendunt tributum, & armatis licet ipsis esse quocumque loco, & multa habent vitæ præsidia, sic ut non sit opus illiberalem aut questuariam aliquam artem exercere. Hoc enim nostris moribus minimè illis conceditur, nisi forte domi maneant, ac rei familiari studeant. Sed si regem sectari velint, habet quo se honestè alant. Plurima enim sunt domus & aulæ regis ministeria, quæ solis nobilibus attribuuntur, qui singuli partem aliquam anni in iis procurandis consumunt, & reliquum tempus vacuum habent ac liberum rebus privatis atque domesticis administrandis. Hi omnes annum à rege accipiunt stipendium, & ampliora sperandi magnas habent occasiones. Principes autem viri ac majoris dignitatis proceres, quoniam & ipsi regis beneficentiam experiuntur, ac partem reipub. procurant, nobilibus qui re sunt familiari minus lautè victum & alia sæpè communicant. Deinde reges perpetuum alunt & amplissimum equitatum, exercendæ & alendæ causâ nobilitatis, ac in tanto equitatus numero plurimæ sunt Præfecturæ, quæ in illos distribuuntur, eaque ratio non minus pacis quàm belli tempore durat. Majoris quidem loci nobiles pro sua quisque conditione ac virtute præficiuntur equitibus, ex reliquis autem alii sunt legati, alii signiferi, alii sagittarii, & qui per ætatem non possunt ferre arma
reliquis

reliquis famulantur, & cum nullum intercedit bellum, licet ipsis manere domi ejusq; stipendii partem non mediocrem parsimonia conservare. Ad hæc nemo credat quam multæ sint per Galliam præfecturæ, ut sic dicam, urbanæ, quæ soli nobilitati committuntur; nam alii provinciis, alii finibus, alii castellis & arcibus, alii vicis præficiuntur, ut interim nihil dicam de majoribus illis muneribus, quæ Principibus tantum tribui solent, cujusmodi sunt, qui ipsorum lingua dicuntur *Comestabuli*, *Mareschalli*, *Ammiralli*, & id genus alii. Sed & annuam pecuniam, velut honorarium quoddam reges liberalitate quadam elargiri solent in multos nobiles, qui nulli sunt addicti ministerio. Hi appellantur eorum linguâ *Pensionarii*. Satis igitur ex iis quæ diximus apparet, ordinem equestrem valde honestè, & liberaliter in Galliis haberi, & rectè quidem; nam & patriam ab hostibus defendunt, & naturâ ferè cæteris antecellunt, & non solum ipsis, verùm etiam majorum ipsorum meritis atque virtuti illud tribuitur.

Alter Ordo suas etiam habet commoditates non exiguas; ad hunc pertinent mercatores, quieo faciunt majorem quæstum, quod tutò ipsis per Galliam proficisci ac negotiari licet, tum quod nobiles mercaturam nullam exercent, & splendide ferè ac sumptuose vestiuntur. Huic etiam ordini conveniunt, ac ferè tribuuntur quæsturæ & rationes nummarie, item præturæ, & quicquid ad jurisdictionem pertinet, quasane in re plurimum est honoris ac emolumenti. Sunt enim in hoc regno juris administri judices, advocati, causarum procuratores, scribæ, & id genus alii: multo plures mea quidem sententia, quam in reliquis omnibus Orbis Christiani provinciis, quod peropportune illis accidit, qui relicta mercatura his rebus operam navare volunt. Et adeo quidem est fructuosus hic ordo, ut nobiles etiam invident; quamquam certè dignitate atque splendore reliquis præstant. Et qui sunt alterius ordinis ferè student ad hunc pervenire, ut postea dicturi sumus.

In tertio genere est vulgus & promiscua hominum multitudo, qui & agros colunt, & omnis generis artificia tractant. Ut autem hi vel nimiam utantur libertate, vel admodum sint divites, vel in armis etiam exercitati, non est consultum. Nam quia conditionem servitutis oderunt omnes, & naturâ suâ fortunas amplificare student, facile fit ut arma capiant, & potentiores opprimant, quod & in Galliis, & in aliis locis non semel accidisse constat. Ut autem ejusmodi sint ordines, ac veluti gradus, in omni republica necesse est. Quemadmodum in corpore humano videmus infirmiora & ignobiliora membra subministrare dignioribus. Neque tamen est quod hi suum statum deplorent ac indignè ferant, quoniam & jus ipsis communicatur æquabiliter, & quam à majoribus acceperunt, ea utuntur libertate, & multis etiam reip. ministeriis adhibentur, & sola virtute & industria & assiduitate possunt ad secundum ordinem emergere, quod secundo non licet, ut ad primum videlicet evadat, nisi regis beneficio singulari, quod ille solet iis impertiri, qui aut jam fecerunt, aut pro repub. videt posse aliquid facere egregiè. Et prudenter quidem istud institutum est, primum ut ordo conservetur equestris, qui propter belli exercitiū ferè minuitur, & sumptus vix tolerat. Deinde ut homines tantis excitati præmiis virtute contendant, & ad supremum gradum eluctentur. Hac etiam spe confisi qui sunt plebei & infimi ordinis aspirant ad secundum, & cum in eo versati fuerint aliquandiu, ad primum. Itaque fit ut minus sit inter ipsos invidia ac malevolentia, quando vident meritis ac virtuti patefactam esse viam ad amplissimos honores, & propositum esse periculum si malis rationibus eisdem obtinere studeant. Quod si vel conatus nimium difficilis, vel spes esset nulla ampliora consequendi, tum qui sunt mediocris & infimi gradus, magni præferenti animi, causam reperirent & occasionem excitandi motus, & sui ordinis homines contra potentiores armandi: nunc autem minimè difficilis est ratio; & videmus quam multi ex humili

humili sæpè loco ad summum fastigium evadant. Hanc quoque rationem diligenter olim servabant Romani. nam à populari statu gradum faciebant ad ordinem equestrem, & hinc deinde ad patritiam & senatoriam dignitatem patebat aditus.

Est præterea ordo Ecclesiasticus nulli non communis, qui modo animum huc adjiciat. & pro Galliæ consuetudine non raro accidit, ut etiã homines plebei virtute ac eruditione præstantes amplissimos in eo genere consequantur honores, Cardinalatum aliquando, vel Pontificatum etiam, quæ sanè res ad virtutem ac literarum studia homines inflammare potest.

Ex jam dictis liquet quàm aptè & venustè inter se cohæreant omnes regni Ordines, è quibus si quis aliquid delinquat, facilis est medicina; nam si nobiles injuriarum cæteris faciant, coercentur ab iis qui jus reddunt, quorum est tanta auctoritas, ut quantumvis magni principes eorum cogantur parere decretis. Quod si populus etiam atque vulgus aliquid moliat, ut nonnunquam accidit, non est difficile nobilitati propter potentiam & usum armorum illos ad æquitatem & officium adducere: eoque fit ut suarum rerum finibus ac veluti cancellis sese contineant omnes, ac pacem alii cum aliis colant, quando neq; causam habent, neq; facultatem etiam aliquid conandi, & periculum in eo summum esse vident. Itaque regem tanti beneficii auctorem complectuntur & amant omnes, accum tempus incidit libentissimè imperata faciunt, & publicis necessitatibus magno studio subveniunt. Quod si privatim aliqui ab officio discedant, parata sunt remedia, sic ut malum non possit longius progredi. Et hæc quidem de Ordinibus regni statu satis.

Ex quibus equidem constat quam concinnè hæc monarchia juxta justitiam distributivam sit temperata, atque administrata, & aristocraticè, hoc est optimum imperio, & democraticè, hoc est totius populi interventu, quippe cum ad omnes honores pateat aditus. Quæ quidem est illa respublica quam tantopere propter dulcem illam harmoniam, omniumque Reipub.

generum temperationem, omnes philosophi commendaverunt, & ubi vetus illa lex aurea locum habet, *Salus populi suprema lex esto.*

Verum ut redeamus unde digressi sumus. Ex tribus hisce ordinibus seu statibus regni solet quotannis calendis maii publicum ac solenne concilium seu *parlamentum* vulgo haberi, atque adeo quoties major aliqua res inciderit. cui rex in aureo tribunali sedens præerat: & huic primum principes regni que magistratus, tum inferiori loco legati ex singulis civitatibus subsidebant, quos vulgo Deputatos appellant. Carpentio autem rex in atrium vehebatur bubus tracto, quos auriga stimulo agebat. Ubi in atrium ac potius in reipub. sacrarium ventum erat, tum principes regem in aureo folio collocabant, reliquique, ut jam diximus, suo quisque loco atque ordine subsidebant, eoque demum in statu atque sacrario regia majestas dicebatur.

Auctoritas verò hujus concilii omni tempore summa fuit, & hæc potissimum in eo agi solebant. Primum de creandis vel abdicando rege, tum de pace & bello, de legibus publicis, de summis honoribus, præfecturis & procuratoribus reip. de assignanda patrimonii parte liberis defuncti regis, vel dote filiabus constituendâ, quam germanico verbo *Abamagium*, quasi exclusoriam partem appellant. Denique de iis rebus omnibus, quæ vulgus & nunc negotia statuum populari verbo appellant, quoniam de nulla. (ut diximus) reip. parte, nisi in statuum sive ordinum concilio agi jus esset. Item si quis princeps atque illustriore loco natus criminis alicujus insimularetur, in judicium ad illud concilium vocabatur, ibique causam dicere cogeatur. Quinetiam si quando rex majores sumptus facere instituisset, veluti in templis ædificandis, & monasteriis fundandis, rex Ordinum concilium exquirebat. Postremo ne illud quidem prætermittendum est, tantum hujus concilii apud cæteras gentes auctoritatem fuisse, ut etiam principis exteri, siquid

siquid controversiæ haberent, id interdum hujus concii arbitrio ac judicio permitterent.

Atque hoc concilium historici alias curiam, aut conventum, alias parlamentum, alias placitum appellare solent, quod re in multorum concilio quæsitâ & deliberatâ, tandem inter ipsos placuisset & convenisset. Unde & placita philosophorum apud *Ciceronem* & alios dicta sunt. Atque hinc etiam promanasse videtur illud hodiernum in mandatis ac literis regis: *Quoniam ita placitum est: quod malè nunc à scribis gallicis traductum est, Car te est nostrè plaistr.*

Eligetiæ solebant in eodem hoc ordinum conventu seu concilio præfecti reip. qui Merovingiis temporibus, *Majores domus*, hoc est *Magistri Palatii* dicebantur. Horum eadem apud reges potestas fuit, quæ quondam apud imperatorem Romanum erat præfectorum prætorio, qui etiam aulæ præfecti dicebantur. Qui cum regiam potestatem desidia regum aliquandiu obsidissent, eandem facultatem nacti eam pro sua usurparunt ac occuparunt. Nam cum omnia ferè Reipublicæ munerâ obirent, & si quod gerendum esset bellum, exercitibus præessent, hi domi nudo atque inani regum nomine contenti propter desidiam in otio vivebant: unde eò progressa res est, ut *Childerico* rege 18 regnum obtinente *Pipinus* magister palatii, qui regis nomine magna diuturna que bella gesserat, Saxones devicerat suamque in potestatem redègerat, oblatam regii nominis occupandi facultatem non repudiavit, exercitu præsertim eoque victore & glorioso instructus. Tanta autem præfectorum potentia initium (ut diximus) cœpit tempore *Clotharii* secundi, circiter annum Christi 588, id est circiter annum 130 post regnum Francogalliæ constitutum.

Potè hic *Pipinus* in regnum, deposito *Childerico*, sublimatus est. De quo vide lector, in appendice *Hunibaldi* apud *Io. Tritemium*, præter *Marfil. Paravin.* de Translatione Imperii cap. 6. Eodem anno (inquit *Tritemius*) procures totius regni conve-

nientes in unum, super abrogatione regis *Childerici* inutilis, cœperunt habere concilium: placuit autem in commune omnibus, ut regem *Childericum* nullam regnandi vel peritiam vel potestatem habentem deponerent, & *Pipinum* penes quem totius regni summa manebat auctoritas, in regem sublimarent. Sed *Pipinus* in hanc rem consentire noluit, nisi prius consilium Pontificis *Zachariæ* inquiratur, causas allegans se moventes.

In magistri hujus palatii locum successisse videntur *Comites stabuli*, vulgo *Comestabuli*. Comites vulgò dicebantur omnes, qui amplissimos quosq; honores in regia obtinebant, & tempore pro parte administrabant. Erat autem comes stabuli ferè is qui apud Romanos magister equitum dicebatur, id est, qui equitatu præerat, cui custodes equorum suberant, qui vulgò *Scarii* appellatur. *Mareschalci* Germanis vocatus, hodie eandem obtinet dignitatem quam olim præfecti prætorio, seu ut diximus magistri palatii, & sub eo hodie sunt quatuor mareschalci, id est, magistri equitum, ad quos introducuntur lites rei militaris.

Post hæc erecti sunt tempore *Hugonis Capeti* (licet non satis inter scriptores de hac origine conveniat) quos *Pares Franciæ* vocant. Ille enim remoto legitimo hærede cum regnum occupasset, procures aliquot novo aliquo honore ac beneficio sibi devinciendos putavit, nam ejusmodi aliquid ab eo factum esse omnes consentiunt.

Horum Parium constituendò causa duplex fuisse videtur. Primum ut regni inaugurationi, atque ut tum loquebantur, investituræ præessent, hoc est, ut regem imperii sui insignibus, atque in fulis solemniter in principum atque optimatum conventu exornarent. Deinde ut si quis è potentium & principum Franciæ numero fraudis capitalis reus fieret, judicium illud exercerent. nam cum antiquitus judicia illa in publico gentis consilio exercerentur, ut dictum est, atque is mos majorum paulatim

tim *Capevingiorum* instituto ad iudiciale parlamentum traduci cepisset, neque principes regni facile illi parlamento suas fortunas committendas putarent, regibus illis ad suas rationes commodissimum fore visum est, præter illius parlamenti curiam, suum hunc Parium confessum instituere, quæ Parium curia vocitata est. quorum tamen ordo ac numerus aliquandiu varius fuit; neque enim duodecim viri semper fuerunt, ut nonnulli existimant, sed interdum plures, interdum pauciores erant, prout regi, à quo in summi honoris ac beneficii loco magistratus ille deferrebat, commodum videbatur; idque variis exemplis probari posset; sicut & Parium dignitas sæpe variis principibus attributa est, & ad illorum iudicia nonnulli insuper alii è Franciæ proceribus, satrapis & episcopis, adhiberi soliti sunt; postremo in illorum numero etiam reges ac principes exteri fuerunt.

Porrò etsi hac Parium institutione, & quod *Hugo* ille *Capevus* ad conciliandos sibi retinendosque (ut diximus) procerum animos, dignitates quæ temporariæ erant, puta regni ducatus, & comitatus, perpetuas fecit, haud parum publici (de quo diximus) concilii auctoritatem, licet cum ejusdem concilii consensu, astute imminuerit, cetera tamen cuncta adhuc ab eodem pro more pendebant concilio, adeò ut etiam *Budaus*, & *Carolus Molinæus* tradant, rei nummarie jus, hoc est potestatis nummorum vel augendæ, vel minuendæ semper penes populum Francorum fuisse. Memorabile est illud bellum quod propter publicum bonum proceres regni assiduè plebis querimoniis & expostulationibus incitati adversus *Lodovicum* undecimum regem decreverant. Quin nec illud omittendum, sub eodem *Lodovico* concilium publicum apud Turones ad calend. Aprilis Anno 1467 coactum fuisse, in quo placuit ut certi probatique viri, 36 scilicet, curatores reipub. ex singulis ordinibus deligerentur, qui tempub. constituerent & juri ac justitiæ providerent, duodecim scilicet ex clero (qui unum ordi-

nem jam obtinebat) totidem ex equitibus, & totidem juris ac justitiæ periti ex populo, fidemque rex regali dicto promissioque dedit ratum se habiturum quicquid illi 36 viri constituerent.

Atque hæc quidem in genere ad *Capevingiorum* usque tempora totius reip. gubernandæ, regniive administrandi ratio fuit. Eaque recensuimus officiorum regni munera quibus qui præstant vel funguntur, propriè regni seu coronæ administratores, officiales vel sapientes dicuntur, quales sunt cum primis illi quos publicum concilium constituere diximus, item *Pares Franciæ*, deinde *Connestablii*, *Ammiraliai*, *Cancellarii*, *Questor generalis Franciæ*, &c. Alii etiam omni tempore fuerunt consiliarii ac officarii regii, qui privata ipsorum negotia curabant, regique famulabantur aut ministrabant, quales sunt *Camerarii* & alii ministri & officiales aulae regiae.

Præter hæc publica munera instituta sunt, successu temporis alia atque alia *Parlamenta juridica*. qua in re sciendum, ad hæc ferè *Capevingiorum* tempora, & simplicem facilemque jus reddendirationem, rarasque omnino lites fuisse. quod vel hinc licet cognoscere, quod rex *Lodovicus* cognomento *Divus*, qui regnavit circiter annum 1230, (ut ex *Lorvillio*, qui ejus vitam descripsit, constat) ipse vel controversias disceptabat, vel disceptandi negotium nonnullis è suo comitatu mandabat. Quod idem de *Carolo Magno* proditum est, qui vel dum calcearetur, lites dirimebat. Hujus lex talis in capitulari extat: *Hoc misi nostri notum faciant comitibus & populo, quod nos in omni septimana unum diem ad causas audiendas sedere volumus*. Crescente deinde pravitate temporis, litium multitudine, primum basilica magnifica, regis *Lodovici Huttini*, vel ut alii volunt *Philippi Pulchri* imperio, circiter annum 1292 ædificata est; tum ex mediocri iudicum numero tres decuriæ factæ, magnæ cameræ, inquisitionum & postulatorum. Sed anno 1521 rex *Franciscus* quartam deinde cameram 20 novis consiliariis adjecit. Rursus idem

rex anno 1543 alios 20 creavit. Sed hic iudicum conventus non fuit perpetuus & perennis ut hodie, sed indictivus, nec nificerto principis mandato exerceri solitus. Ad diem item D. Martini, id est 2 idus Novemb. à rege dictum proponebatur, quo Parlamentū inchoādi iudicibus à rege autoritas dabatur.

Verūm paulatim in tantum hujus confessus, seu parlamenti autoritas excrevit, ut nulla regia lex, nulla constitutio rata esset, nisi ejus illi consiliarii auctores comprobatoresque fuissent. Deinde ut nullus totā Galliā magistratus, non modò urbanus, verūm & militaris esset, quem non ab illo confessu inaugurari, & apud eundem in leges jurare oporteret, tum ut ab eorum judiciis appellandi jus non esset, sed ut eorum decreta rata & fixa essent, postremò quicquid potestatis, imperii, autoritatis, penes publicum consilium & Statuū parlamentū (cujus scilicet & nomen & autoritatem obtinet) fuisse diximus, id totum in senatum illum translatum fuisset. At hodie quādo solus rex pro suo iudicio cum secreto ac privato suo consilio quidvis decernit, prorsus in ordinarium iudicium consilium conversum est, non amplius circā temp. Regni que negotia occupatur, fixamque suam sedem Parisiis habet.

Quod quidem latissimè patet, & amplissimam præ cæteris ordinariis curiis seu parlamentis (quæ septem omnino per Galliam nunc sunt) jurisdictionem habet. Cognoscunt autem singula de causis & criminalibus omnibus, & quod à singulis definitum fuerit ei standum est. Illud Parisiense præ cæteris habet, quod in id aliquando ipsi reges venire olim solent, quoties aliquid magni decernere vellēt, quod vel bellum vel pacem concerneret. Hodie adhuc pactiones regum, & quicquid omnino ad regni constitutionem pertinet, in eo recitantur, & scriptis publicis, quorum ipsi custodiam habent, inseruntur.

Sic quæ ab omni antiquitate & primordio regni Francogalliæ ad publicos Ordinum conventus referebantur, & post eas abolitis, ad senatum seu parlamentum Parisiense, ea hodie

ad solum regem, & quos ille in consilium adhibere vult, translata sunt. Verum ut pergamus ulterius,

Est aliud in hoc regno constitutum consilium quod magnum vocatur, quod ex variis principibus ac præcipuis aulæ & regni consistit, quod tempore *Caroli Septimi & Octavi*, non nisi circā negotia status regni ac ipsius reip. incolumitatem occupari solebat, sed & hoc ipsum adeo multitudine causarum ac litium successu temporis obrutum fuit, ut *Carolus Octavus* ordinarium ex eo consilium 17 consiliariorū fecerit. Quos deinde *Lodovicus* duodecimus ad viginti adauxit, addito cancellario concilii præside, adeo ut sub *Francisco* & ipsa cancellarii dignitas in præsidatum erecta fuerit, atque deinceps solum vacarint cognitioni causarum extraordinariorum à privato consilio iis commissarum, & ferè ordinariè appellationibus præfecti hospitalis, ut vocant.

Præter ordinaria jam dicta septem juridica parlamenta, ut familiari utamur vocabulo, & magnum consilium, habet rex privatū adhuc consilium, quod perpetuum & ordinarium est, regemque ferè comitatur, & circā negotia regni præcipuè occupari solet, quāquam & id hodie in ordinarium quasi Consilium conversum sit, quando scilicet causis civitatum & parlamentorum ferè vacat, & plerumq; etiam aliorum privatorum non ita magni momenti causis; adeo ut hi viri spectabiles & illustres aliis occupati negotiorum publicorum & statum regni concernentium, cognitionem & curā prodemodum omnem amiserint, totaque regni administratio & cura regis arbitrio & paucorum decretorum electorum iudicio cōmissa esse hodie videatur, quod *Secretum Consilium* nuncupatur, in quo cunctæ sunt deliberationes summam rerū concernentes, & super quibus deliberatum à privato & Firantiarum consilio fuit, si ejusmodi modo negotia fuerint, quæ regis specularem cognitionem requirant. In hoc cuncta beneficia, literæ & mandata regia signantur, aliorum principum, legatorum,

præsulū, & capitaneorum literæ referantur, eorumque responsa concipiuntur, & secretariis Statuum committuntur.

Est & aliud *Consilium*, quod vulgò *Finantiarum* vocant, quod universi regii ac regni thesauri curam agit, cui adjuncti quoque sunt *Intendentes*, ut vocant, *Secretarii Finantiarum*, item *Quæstores æarii*.

IN USUM TABULARUM

A D M O N I T I O.

QUam ad cœlestem rationem universam Geographiam reducere fuerit institutum, ut iusta locorum symmetria, qualis in sphaerica terræ figura existit, etiam in plano quam proximè servaretur, debita graduum longitudinis ad meridiani sive latitudinis gradus proportio constituenda fuit. Cum ergo paucos latitudinis gradus contineret proposita tabula, ad medium ferè parallelum tabulæ eam proportionem redegi, sic ut quæ illius paralleli ratio est ad meridianum, ea etiam esset graduum longitudinis in eodem parallelo ad gradus meridiani sive latitudinis proportio. Actum meridiani omnes inter se paralleli existunt. Cum vero plures erant latitudinis gradus, quia multa ibi in summo imoq; parallelis sit proportionis ad meridianum differentia, ne nimium à vero recederet locorū symmetria, duos delegi parallelos æqualiter ferè à medio & extremis distantes, ad quorum rationes, meridianos graduum longitudinis designatores constitui, qui tum non paralleli sunt, sed pro sumptorum parallelorum inter se distantia majore vel minore, plus minusve ad se mutuo & ad medium tabulæ meridianum inclinantur. Quo autem modo ea meridianorum designatio sit inveniendi, in geographico *Ptolemei* opere ostendi.

Gradus porò latitudinis ac longitudinis in lateribus tabularum designatos invenies, & quidem pro maxima parte latitudinis in utroque tabulæ latere, longitudinis verò in summo atque imo, quando videlicet usitato Geographis more septen-

trionem in superiore parte collocare licet. Quod si regio describenda magis inter meridiem & boream extendatur, quam inter orientem & occidentem, tum ferè occidentem sursum locavimus. Ut sit fiat, orientale occidentaleque latus semper tibi latitudinis, reliqua duo longitudinis gradus repræsentabunt. Suntque singuli gradus in 60 partes, quas minuta vocant, divisi, aliquando in singula, cum magnitudo id paritur, alias in bina, quina, aut etiam dena.

Hoc fundamento posito optimas quasque descriptiones in delineandis regionibus sequutus sum, qua in re non parum subsidii mihi attulit insignis chorometer & solertissimus regis Hispaniæ Geographus *Christianus Sgrothenius*, qui multas regiones perlustravit, & præ cæteris amplius exactiusque descripsit. Tum ejusdem quoque majestatis Geographus diligentissimus *Abrahamus Ortelius*, ipse candor & humanitas, qui quicquid uspiam tabularum nactus fuit, mihi communicavit liberaliter, tametsi in eodem mecum esset instituto. Qui præterea aliquid attulerunt auxilii, eos suis locis commemorabo, quo justum sui beneficii encomium apud studiosos consequantur, nec ego ingratus repëriar. Omnia autem quæ ab aliis oblata simulque quæ ipse conquirere potui, diligentissimè inter se contuli, quo quàm fieri posset, emendatissimas descriptiones exhiberem. Unum tamen interim, quod maximè in votis erat, mihi defuit, nimirum principatuum & nobilium locorum exactior enumeratio ac designatio, quæ in editis tabulis quam maximè desiderantur. Proinde huic defectui nostro veniam dabis (lector,) & ad celebrandum nobilitatis ordinem politicum suppetias ferre dignaberis, locaque hujusmodi, situmque ac nomina, qualitatēque eorum indicare, tuo id nomini decus erit. Orbiculi exigui locorum quorumlibet verum situm indicant, atque hinc eorum distantia sumenda est. Caterum his subinde signa adherent quibus internoscantur loca. Simpliciter pagi solis orbiculis, ubi ornatui locus deest contenti sunt.

sunt, castra quoties nota occurrunt exstante unco notamus hoc modo 3, cœnobîa cruce sic 8: oppida, turres ut minimum duas habent: pagi nobiles unam. Hæc observavimus quatenus nobis fuerunt nota. Facilia porro factu signa ad has distinctiones sumpsimus, quo quilibet omiſſa facile supplere queat.

Si quis longitudinem ac latitudinem loci alicujus explorare velit, ubi meridiani paralleli sunt id efficiet, distantiam ejus à latere tabulæ circino sumendo, circinūque sic expansum ad aliud latus applicando. Si distantiam ab orientali latere sumpſisti, circinus ex eodem latere in septentrionali latere gradum & minutum longitudinis ostendet. Sin à boreo latere distantiam habes, ex eodem in orientali latere latitudinem designabit. Cum verò meridiani non fuerint paralleli, eodem quidem modo loci latitudo reperietur, at in universalibus tabulis ubi paralleli sunt circulares, distantia loci à proximo parallelo sumpta idem in latere orientali ostēdet. Longitudo au-

tem quærenda erit filo aut regula loco superimposita versa-que, donec in boreo australique latere idem utrimque ejusdem gradus minutum designetur, quodcunque tum illud erit, loci assumpti longitudo exister.

Milliaria in diversis regionibus multum subinde differunt, si ergo lubeat ea ad invicem comparare, eadem circino ad gradus meridiani refer, & quot in uno gradu comprehendantur revoluto circino explora, videbis quot unius, quot item alterius regionis milliaria gradum unum emetiantur. Sic Germanica communia milliaria (quæ 15 sunt in uno gradu) quadrupla invenies Italicis communibus, & subdupla ferè quibusdam Suevicis ac Westfalicis.

Nonnunquam occurret simplex linea orbulo annexa, sic 0 6 P: ea nomen ad locum pertinens indicat, ideo addita, ne in locorum pressura quod cuique nomen debeat, ambiguum fiat.

Index Tabularum Galliæ.

Gallia universalis.
Britannia & Normandia.
Aquitania.
Provence.
Francia, Picardia, & Campania.
France.
Bouloigne.
Anjou.
Berry.
Poutou.

Lotharingia pars septentrionalis.
Lotharingia pars meridionalis.
Burgundia Ducatus.
Burgundia Comitatus.
Lyonnois.
Helvetia tabula generalis.
Zurichgavv.
Vvisiburgergavv.
Lacus Genevensis.
Argavv.

Belgia universalis.
Flandria.
Brabantia.
Hollandia.
Zelandia.
Geldria.
Artesia.
Hammonia &
Namurcum.
Lutzenburg. & Trier.

Regio.

HISPANIAM ejusque præcipuas Provincias perlustravi; Pyrenæos transgresso Gallia se offert. Hanc, qua potero fide percurram. Partem Europæ quæ hoc tempore *Francia*, dictam olim multi memorie prodit *Γαλασίαν*, ab *γάλα* lac Latinis sonante, quod lacteos, id est albi coloris homines producat: montibus (hoc enim addunt) nimium solis ardorem inde excludentibus. Diodorus nomen natum scribit ab *Galata* Herculis filia. Alii alia tradunt. *Celtogalatiam* Ptolémæus nominat lib. II cæterique Græci. Ab *Galatia* *Gallia* putatur formata; quam tamen vocem alii aliunde derivant. Hæc talia non tanti, ut Lectorem multis morentur. Certè Gallia appellatio latinis scriptoribus fuit latissima, ut ex sequentibus plenius discemus. Hebræis *Tzarphat* vocari scribunt *Postellus* & *Arias Montanus*. *Francia* nuncupatur hodie ab Francis, Germaniæ ad Rhenum populis; qui vi regionem hanc & armata manu occuparunt, vulgo *le Royaume de France*. Gallos Græci *Celtas* universim & *Galatas* vocarunt. Iidem *Gomerita*, teste *Iosepho*, olim dicti fuerunt. Atque hæc breviter de nomine. Sequitur situs & quantitas. Eam explicabo in finibus, longitudine, latitudine, circuituque. Quod ad fines regni quod *Francia* nunc dicitur, ad septentrionem, qua quidem Germaniam inferiorem respicit, limes statui solet inducta ab *Caleribus* in *Argentoratensium* usque agros linea: quæ ab sinistra relinquit *Artesios*, *Hannonios*, *Luceburgenses*, & alios; ad dextram *Picardos* & *Lotharingos*: quæ verò Angliæ jacet obversa, vastus æstuosusque Oceanus Britannicus. Ad Occidentem idem eam pulsar, ingenti facto in *Aquitaniæ Sinu*, Oceanus. Ad Meridiem, quæ quidem Hispaniæ adhæret,

Situs.

Pyrenæos habet montes: quæ verò apertior, liberiorque & sui quasi juris sit, placidiore, nempe *Mediterraneo*, terminatur mari, quod ab ipsa *Gallia*. Ad Ortum denique *Alpibus* separatur ab *Italis*, *Jurâ* ab *Helvetiis*, *Rheno* à *Germanis*. *Gallia* vel *Francia* (nam voces has *αδια φέρως* usurpabo) longitudo ab Occasu recta in Ortum, milliarium gallicorum est paullo amplius CCC: vel à *Cauro* in *Vulturum* supra trecentorum & triginta. Latitudo milliarium fere CCXCV. Circuitus supra mille viginti milliarium. Ea igitur est quantitas: sequitur jam nunc qualitas, ratione Climatis. Subjacet parti quidem quinti, tota autem sexto septimoque Climatibus, parti quoque octavi inter gradus latitudinis XLII & LII: longitudinis autem XX & XXXVII. Et licet universim ventis obnoxia sit plurimum Septentrionalibus, propter Aëris tamen salubritatem & temperiem optimis Europæ regionibus ad censetur. Constitutione felicissimam facit *Claudianus*: saluberrimam dicit *Cæsar* lib. III. bel. Civ.; fertilissimam, hominum genitricem, lib. II de bell. Gall. *Strabo*, ubi de *Arvernīs*, & alii. Ager magna parte est planus: amenos hic ibi habens colles, interque eos valles jucundissimas: suâ cum has, tum illos fecunditate admirabiles. Arva benè culta triticum aliasque segetes luxuriæ magna producunt. Multum fert *Gallia* frumenti, teste *Strabone*, milii, glandis. Nihil in ea ociosum, nisi qua paludes aut silvæ obstant. Vino abundat, eoque optimo, idque partim suis *Britannis*, *Normannis*, *Picardis*, partim confinalibus *Germanis*, *Belgis*, *Anglis*, aliisque quibus uvarum maturitatem negare solet aëris frigiditas, subvehunt. Auri quoque & argenti apud Gallos fuisse Metalla, testatur præter *Strabonem* etiam *Athenæus*: ea nunc

Aëris temperies.

Soli fertilitas.

Imperium
majorem.

nunc creduntur exhausta. Ager, qui aliunde non occupatus omnis generis nutrit armenta, quæ faciunt, ut carnis, lactis, butyri, casei, lanæ, rerumque aliarum abundet copia. Franci omnes Gallias pacificè obtinuerunt sub rege *Hlodoveo*, qui primus omnium totius Galliæ monarcha est factus, primusque Christi nomen professus, ea, quibus in hodiernum usque diem Francorum reges utuntur, trium liliorum insignia, cœlitus, ut volunt accepta, usurpavit. Regnasse post eum scribuntur successione nunc directâ, nunc collateralî, *Childericus I*, *Hlotarius I*, *Cherebertus*, *Childericus II*, *Hlotarius II*, *Dagobertus Magnus*, *Hlodoveus II*, *Hlotarius III*, *Childericus III*, *Theodoricus I*, *Hlodoveus III*, *Childebertus II*, *Dagobertus II*, *Hlotarius IV*, *Chilpericus I*, *Theodoricus II*, *Chilpericus II*. Hic anno regni xi, Christi verò dcccli, auctoritate & jussu *Zachariæ Pontificis*, cui *Pipinus* vituperabilem & probrosam regis vitam, transmissio libello, depinxerat, Regni jure privatus ad Monachatum est coactus. In locum ejus factus est accusator ipsius *Pipinus Caroli Martelli F. Pipini N. Brevis cognomine*, ex Præfecto & Majore domus. Hunc sequuti commemorantur *Carolus Magnus*, *Ludovicus Pius*, *Carolus Calvus*, *Ludovicus III Balbus*, *Ludovicus IV*, & *Carolomannus*, *Carolus Crassus*, *Odo*, *Carolus Simplex*, *Rudolphus Burgundio*, *Lotharius V*, & *Ludovicus V*, ultimus ex *Caroli Magni* posteritate: quo veneno necato, habenæ Regni translata sunt ad *Hugonem Capetum*, primum Gallum, Comitem Parisiensem, Ducemque Francorum & Burgundiæ titulo-tenus. Capeto successerunt *Robertus Pius*, *Henricus I*, *Philippus I*, *Ludovicus VI Crassus*, *Ludovicus VII Junior*, *Philippus II Adeodatus Augustus*, *Ludovicus VIII*, *Divus Ludovicus IX*, *Philippus III*, *Philippus IV Pulcher*, *Ludovicus X Hutinus*,

Philippus V longus, *Carolus IV pulcher*; cui sine prole masculula defuncto successus est *Philippus VI Valesius Caroli Valesiorum comitis primogenitus filius*. Sequuti hunc *Ioannes Valesius*, *Carolus V Sapiens*, *Carolus VI Bene-natus*, *Carolus VII*, *Ludovicus XI*, *Carolus VIII Gibbosus*, *Ludovicus XII Caroli Aureliani F.*, *Franciscus Valesius I Caroli Comitum Angolimensis F.*, *Henricus II Valesius*, *Franciscus II*, *Carolus IX*; *Henricus III*; cui *Jacobita Monachimannu* obtruncato legitimus pronunciatus est Successor *Henricus IV Borbonius*, *Antonii Borbonii Ducis Vindocinensis filius*, *Rex Navarrae*, *Galliarum Rex Christianissimus*. Sunt autem Galli alacres & ad arma proni, de quorum bellica virtute operæ pretium est audire *Strabonem* virum peritissimum, genere Cappadocem, eruditiorē Græcū, judicio priscum, incolatu Romanum, terrarum multarum peragratorem. *Univerſa*, inquit, *natio eorum qui Galli nunc & Galatæ appellantur, Martis studio flammans, animo est strenuo & celeri ad conferenda pralia: aliqui mente candida & simplici, & ab improbis moribus abhorrente. Itaque injuria laceſciti, conferti cœunt in certamine apertè, nulloque periculi adeundi respectu. Nemo etiam ignorat quanto fuerit olim Romanis, Græcis & Asiaticis terrori Gallorum nomen, quum quondam ab suis sedibus usque ad Apollinem Pythium, atque ad oraculum Orbis terræ vexandum ac spoliandum profecti sunt: quum Romam ceperunt & incenderunt, Capitolium obsederunt, urbes in Italia condiderunt, Mediolanum, Comum, Brixiam, Veronam, Bergomum, Tridentum, Vincentiam: Quum recenti adhuc memoria Borbonius Romam vicerat. Caterum Gallia hodie non æque latè patet atque olim; nam & Italiæ pars ea, quæ inter Alpes & Ancenam sita est Gallia Cisalpina quondam dicta fuit, nunc autem*

Majorum
virum.

Limites,

alii: tribus, ut Artemidorus apud Strabonem, Plinius & Ammianus: duobus, ut Polybius eodem Strabone teste, & Ptolemæus: pluribus, ut prudenter, sibi que, ne mendacii argui posset, cavens Livius: hodie quinque, & plura numerant nominantque adcolæ, *Gras Neuf*, *Gras d'Orgon*, *Gras Paulet*, *Gras Grant*, *Gras d'Enfer*, *Gras de Passon*, quorum postremum, quod versus Massiliam sit, *Massalioticum* appellat Plinius, *Massalioticum* Polybius, qui hoc *Primum* vocat, quod ad *Gradus* Marcellino & Antonino: à quo cæteris etiam ostiis *Gradus* nomen inditum. Excipit Rodanus *Arvam*, *Ararim*, hodie *Saone* vel *Sone*; *Isarim*, hodie *Isere*: *Drunam*, qui hodie *Droma* est vel *Drosne*; *Druentiam*, hodie *Durance*. Sed hæc de Fluminibus in præsentia sufficiant. Oceanus Britannicus à Septentrione, qua Angliæ opponitur, eam pulsat, ut & ab occasu, uti supra diximus. A Meridie Mare Mediterraneum. Cum ad hoc, tum ad illum Sinus Galliis sunt insignes. Ad Oceanum est cum primis, qui *Aquitanicus* Aethico & aliis. *Tarbellicus* *Ancon* elegantissime apud Lucanum vocatur. Sinus etiam ad idem Mare sunt non ignobiles, in quorum intimis recessibus locata videmus oppida, Diepam, Constantiam, & alia. Ad mare Mediterraneum *Gallicus* (*Galaticus*) Sinus est duplex, *Major* & *Minor*. *Major* ea Mediterranei pars appellatur, ubi se in illud effundit Rodanus. *Angulus Gallicus* M. Porcio Catoni: *Gallicus Sinus* per excellentiam Livio, Justino & aliis. *Minor* apud Strabonem scribitur ad Promontorium Montis Pyrenæi, quod *Aphrodisium* dicitur. Hic *Salsus* vocatur Mela. *Gambliacianum* etiam Sinum ponit ad Galliam Narbonensem Antoninus. Portus, ut hodie, de quibus plenè Lucas Aurigarius Charta v & quatuor sequentibus, sic olim habuit Gallia celeberrimos. Principem obtinent

locum *Staliocanus*, *Vindana*, *Brivates* & alii quidam Veneribus nominati. Qui *Staliocanus* Ptolemæo, aliis *S. Paul de Lyon* in Britannia existimatur, *Roscon* aliis, quibus ut subscribam, facit, quod posterior priore multo sit fidior & commodior: quamvis enim oppositam habeat Insulam, cui cognomen vulgo *de Bas*, facili tamen & tutum septemque altum hodie ulnas, utrimque præbet Navibus ingressum. Priori, minax objacet Taurus (Insula est, vulgo *le Taureau*,) qui circumpositas habet rupes innumeras & latentes & eminentes; à quibus magnum Nautis malè providis creati solet periculum. Haud procul inde in eadem Britannia versus Meridiem post flexum Promontorii Gobæi, *Vindana* occurrit Portus. *Fenstiers* hodie, vel *Conquest*, Jovio malè *Brest*. Adscribit hinc *Βερίστην* Portum Ptolemæus; nomen hodie fere retinet, *Brest*. Sequitur apud eundem *Ζητῶν* Portus; *Lusson* vel *Luxo* hodie. Hinc *Santonum* Portus Ptol. scribitur, hodie *la Rochelle*, ut arbitratur Villanovanus. Succedunt Montes & Silvæ. Quod ad Montes, Gallia aliis, quam aliis, locis est montiosior. Eminent hic Delphinatus, Provincia, Sabaudia, & Burgundia. Andegavenfis ager suos etiam habet montes, qui in Britannorum Pictonumque fines latè se insinuant. Montes Galliæ cum primis celebrant veteres Scriptores *Cebennam*, *Vogesum*, *Iuram*. *Cebenna* mons est, qui, ut Cæsar scribit, Arvernos (*ceulx d'Auvergne*) ab Helyiis (*ceulx de Vivaretz*) distinguit. *Cebennam* Plinius, *Cebennas* Lucanus & Aufonius nominant; *Cebennicos* Mela. Vera genuinaque scriptura est, ut Scaliger suis ad Merulam literis monet, *Cebenna* per c: dici enim hodie *Montaignes de Cebenes* & *Ceyenes*: ut rectius *Cenamexi* Ptolemæo & Straboni, *Cebenna* Latinis quibusdam dicantur.

tur. *Cibenna* Veneto, Nozoreo, Villanovano *Montaignes d'Auvergne* nominantur. Horum montium pars hodie *Tarara*, teste Gulielmo Budæo lib. iv. de *Asse*, qui Lugdunum euntibus est superandus. In vertice sedes vultus Petræ incisa, cui Mercatores imponunt eos, qui Mercatum Lugdunensem nunquam frequentarunt. Vulgo la *Chaire de la Verité* vocatur. Jurare namque coguntur veritatem, Lugduni fuerint unquam, nec ne; eoque nomine non nihil, quo genio simul indulgeant, polliceri. *Vogesius* Galliæ mons *Cæsari* lib. de bell. Gall. iv. Lucano lib. i. Plin. & aliis. *Vocetus* vel *Vocetius* corruptè dicitur apud Tacitum lib. i. Histo. & alibi, ut jam ab doctis viris notatum. Alpium nomine à Str. describitur lib. iv. Hodie *Mont de Faucilles*, aliisque nomenclaturis indigetatur. Separat Burgundiam Alsatiamque ab Lotharingia. Provomit Mosam, ut etiam testatur Cæsar, & infinitos alios fluvios, quorum plerique Rhenum petunt. Pars unde Mosella profluit *Kratzer* appellatur: quod habere se tradit Ortelius ex Libello MS. Magni Gruberi, in quo Rhenum describit: addens, Tractum hunc *Estage* Gallicè, & *auff der Stay* nuncupari in Chorographica Lotharingiæ tabula, jussu & impensis Ducis ab Ioanne Scyllio accuratè delineata: nihilque ibi, eodem Scyllio teste, præter asarum herbam provenire. Gignit *Vogesius* in valle Leberia argentum purum, sed ut notat Munsterus, non ita multum. *Iura* Galliæ dicam, Mons, an Germaniæ? Olim ferè totus Galliæ, quum Helvetia Belgicæ ad censeretur: hodie magna etiam parte Germaniæ. Initium ejus statui solet in finibus Basiliensium, juxta Rhenum, è regione Waldzhuti. Altus est, multisque & ingentibus subnixus saxis. Meminerunt ejus Cæsar, Plinius, alii. Ptol. *Iurassus* est: Strab. *Iurasus*, & *Ioras*. Avo nostro accolis, incolisque pro ratione locorum aliis atque aliis

vocatur nominibus. Haud procul arce Hasburgensi prope Burgim (oppidulum est sic dictum idiome Germanico à Ponte, qui hic super Arolam ex uno arcu) *Botzberg* audit: à pago *Botzen*, qui cum multis aliis pedi montis adlocatus. Hanc Iuræ portionem *Vocetum* vel *Vocetium* esse Cornelii Taciti censeant Munsterus, Scudus, Lazius, & alii. Ortelius tamen apud Tacitum *Vogesum*, de quo ante, legendum esse minime dubitat. Est eadem hac montis parte vallis ingens cui nomē *Frickthal*, à pago cognomine. Occurrunt & alia hic ibi valles, ut obiter hoc dicam, *Lauffen-thal*, & *S. Imers-thal*, & similes: quarum tamen nulla montem per transversum penetrat. Vbicumque volueris trajicere, opus est alta scan sione. Inter Ararim porro & Farspurgum hic Mons appellatur *Schaffmat*, quod Latinis *Ovinum* sonat *Pratum*. Inter oppidum *Oltén* & *Humburgensem* præfecturam dicitur *Nider-Hauvvenstein*, inferior *sectus Lapis*: per saxa enim factum est iter. Inter *Walnburgum* & *Balstallium* *Ober-Hauvvenstein* vocatur, superior *sectus Lapis*: ubi currus onusti grandibus funibus per montis declivitatem demittuntur. Occasum versus procedendo *Wasser-ral* nuncupatur, id est *Aquæ ruina*. Ulterius eundo *Iurtem* ab Sabaudis prisco fere nomine appellatur. Brachium quod se extēdit Basiliam versus, uno ab urbe milliaro, juxta Byrsam fluvium *Blouven* dicitur: crescitque non parum in altitudine & asperitate quousque *Delfpergum* veneris, ubi rursus in planiciem diducitur. Ulterius versus *Bellele* monasterium Gallicum procedendo, rursus crescit, ac deinde iterum evanescit spatio unius milliarii: hinc iterum saxosum horrendumque montis jugum ab oriente in occasum extenditur: quod pervium fecisse scribitur Julius Cæsar perforato in portæ formam saxo. Portam hanc nominant alii *Pierreport*, *Petreportam*: alii

Pierre-pertus, Petram pertusam: descriptam verè accurateque ab Sebastiano Munstero, Merula, qui eam aliquando transgressus, testatur. Inscriptionem supra Portam satis claram idem deprehendit, nisi quod primæ vocis litteræ reliquis magis sint extritæ.

N. *Angusti via ducta per ardua montis*

Fecit iter Petram scindens in margine fontis.

Per hunc fontem intelligit Poëta Byrsam amnem, qui ibi ex Petra magna aquarum vi erumpit. Procurrit inde Jura versùs Libonotum inter Helvetios Sabaudosque, quos ad Vulturnum respicit, & Burgundos, quos ad Caurum relinquit (unde & apud Cæsarem lib. I duobus locis Jura Sequanos ab Helvetiis dividit) secus varios lacus, quorum præcipuus Lemanus; ubi longè latèque *Mons S. Claudii* nuncupatus ad Rodanum tandem terminatur. De aliis, qui ad Gallias etiam nonnihil spectant, de *Pyrenæo*, inquam, dixi, in Descriptione Hispaniæ: deque Alpibus differam, ubi Italia percurrenda mihi erit. Silvæ Galliis sunt frequentes, non tamen, ut aliis in regionibus, magnæ, non densæ, non ita dumis horridæ. Apud Cenomannos variæ sunt, *les Forests de Versay, Longoulney, Persy, Sille, Chaynay, Audain, Maine, Concise* apud Britannos Inferiores, *de Bostblanc, de Toriant, de Guierche*, apud Pictones, *les Forests de Mouliore, Dyne, Bresse, Ligne*, & aliæ: apud Bituriges *Silva Robertq* cum aliis visitur: apud Andegavos, *Loursaie & Marson*. Totus Bononiensium Ager una quasi obfusus est Silva, cujus partes, *les Bois de Surene, Celles, Hardelot, Dalles, Bourfin*. Apud Veromandos haud procul Perona nemora sunt *Recoigne & Bouham*. Apud Picardos, *Bois, de Baine, de Beauhieu, de la Fera, de Coussi*. Nec suis caret Silvis Lotharingia: *VVarned-VVald, le Banbois, Bois de Mondon, de Heyde, de*

S. Benoyt, de la Voyge, Mortaigne, Doseyne. In Burgundiis multæ sunt silvulæ, quarum nunc non occurrunt nomina. Alias prætereo, quæ passim per Gallias hic ibi sparsæ. *Arduenna*, hodie potissima parte est in inferiore Germania, ideoque ibi describenda: *Gallicam* vocat Claudianus: & *Silvam Gallia maximam* Cæsar lib. VI de bello Gallico, quod olim esset in Gallia Belgica. Gallos verò admodum deditos Religioni, atque inter primos fuisse qui Christianam Religionem amplexi sint, & semper præ reliquis eam servaverint & coluerint, non solum Veterum scripta & monumenta: sed etiam Tempia, aliaque Religioni loca destinata testantur, quæ in urbibus & pagis, ubiq; magno numero conspiciuntur. Certè in una urbe Parisiensî LXIX universim numerantur: inter ea augustissimum, Cathedrale D. Virginis; quod jactis ab Philippo Augusto anno CIOCCXI. fundamentis, serio ædificari cœptum CIOCC LVII. D. Ludovico regnante: ex Galliæ miraculis præcipuum. Columnis CXX sustinetur. Longitudo passuum CLXXIV: latitudo LX: altitudo C. Chorus lapide cinctus, Historiis ex veteri novoque Testamento insculptis. In ambitu habet Sacella XLV. ferreis clathris munita. Universim portæ XI. In fronte tres biforæ statuis XXVIII Regum insignes. Ad latera Turres visuntur, seu Moles verius Campanariæ, altitudine XXXIV Cubitorum. Campana maxima, cui ab Maria Virgine cognomen, viginti viros flagitarpulsanda: Sonitus sereno cœlo per septem leucas facile auditur. Infinitum esset reliqua Tempia, quæ hic & aliis in locis visuntur, describere. Infinitum, Abbatias, Cœnobias, Monasteria, Xenodochia, Nosocomia, Prochodochia, & Orphanotrophia. Quid vero dicam de Arcibus, quid de conspiciuis Regum Palatiis? Quid de Magnatum

Opera
publica.

Silva.

Ratio
Bernardi.

Magnatum & Equitum ædibus pulcherrimis: Quid de aliis tam publicis quam privatis ædificiis? De his ego tacere malo quam parum dicere. Status Galliarum hodie Monarchicus est; locusque ibi regiae, quæ vetustissima divinisissimaque Aristoteli censetur, gubernationi. Rex nascitur, non suffragiis designatur; sexus masculini, volente id, ut quidam perhibent, lege Salica. Regem ita amant, ita colunt, venerantur subditi, ut nihil supra. Penes eundem rerum omnium est arbitrium. Duodecim-Virorum Collegium Caroli Magni est institutum. Alii ab Ovo Trojano repetunt. *Pares, les Pairs de France* dicti, quod proxima secundum Regem & velut pari essent dignitate. His solis sacrandi Reges jus est, & in regni possessionem mittendi. Horum sex vulgo *Laici*: reliqui dicuntur *Ecclesiastici* vel *Clerici*. *Laici* sunt *Duces* vel *Comites*. *Duces*: *Burgundus, Normannus, Aquitanus*. *Comites*: *Flander, Campanus, Tolosus*. *Ecclesiastici* itidem vel *Duces* sunt vel *Comites*: *Duces*: *Remensis* Archiepiscopus; *Laudunensis, & Lingonensis* Episcopi. *Comites*: *Catalaunensis, Noviomagenis & Belovacensis* Episcopi. Sunt & septem summi Senatus per Galliam, quos vulgo *Parlamenta* vocant, à quibus appellare non licet: *Parisiensis, Tolosanus, Rotomagenis, Burdigalensis, Aqueus, Gratianopolitanus*. Et ad Statum Ecclesiasticum quod attinet: sunt in Gallia *Archiepiscopatus XII*, *Lugdunensis* primas, *Lyon, Aqueus, Aix, Viennensis, Viennensis, Remensis, Reims, Narbonensis, Narbone, Tolosanus, Tolosus, Burdigalensis, Bordeaux, Auxitanus, Aux: Bituricensis, Bourges, Turonensis, Tours, Rotomagenis, Roien, Senensis, Sens*. Academiae in regno Galliae sunt hæc: *Parisiensis, Pictaviensis, Bituricensis, Tolosana, Burdigalensis, Nannetensis, Lugdunensis, Aurelianensis, Montispeffulana, Cadurcensis, Gratianopolitana, Valentina, Valence, Remensis, Andega-*

Academiae.

vensis, Cadomensis, Nemavensis, Romana, Romans, Avenionensis, Dolana, Mafiliensis omnium antiquissima, ab Græcis orta. Ex his omnibus tanquam ex multis Equis Trojanis, innumeri docti Viri, Theologi, Jurisconsulti, Medici, alii exierunt: quos uno ductu enumerare si conarer, maximum mihi quidem conciliarem laborem, leæturus vero tædium. Nobilitas sanè Gallica (quæ frequentissima est) hodie tam pertinaci diligentia, ut hoc universim dicam, tamque assiduo labore meliorum literarum studia persequitur, adeoque in omni Disciplinarum Artiumque genere excellit, ut nusquam terrarum magis. Videre ibi est summo loco natos illustribusque ortos familiis noctes diesque inhærere chartis, & nunquam non Musarum Sacris operari. Sunt qui de quacunque re in medium prolata expeditissimè possunt, methodo admiranda, ex tempore & absque ulla præmeditatione per horas aliquot, non sine audientium stupore disserere. Bibliothecæ in hoc regno variae, cum primis Parisiis *Bibliotheca*. *Regia Majestatis, & S. Victoris*, ut alias publicas & privatas præteream optimis rarissimisque cum editis, tum manuscriptorum refertas libris. Ad Mores venio. Gallos acutos ingenio, & ab doctrina minimè alienos esse, testantur Diodorus & Strabo. Commendat illorum in bonis litteris studia non uno in loco Symmachus. Marcus Portius Cato originum lib. II. apud Charisium Sospitum; *Pleraque Gallia, inquit, duas res industriosissime persequitur, rem militarem & argutè loqui*; ne nesciamus veteres Gallos inter alias gentes eloquentiæ gloriam reportasse. Ingenium simplex, nullaq; devinctum malignitate (egregia hæc veterum Gallorum laus) tribuit illis Strabo. Pronūciat de iis ocularis testis Julianus, quod adulari nesciant; sed liberè ac simpliciter cum omnibus equa-

Bibliotheca.

Mores.

bilique jure vivere. Venerem nuptiarum Deam & Bacchum lætitiæ datorem, conjugii, prolisq; , & vini quantum cuique libeat potandi gratia, tantum novisse. Quæ his aliisque talibus adversantia nonnulli proferunt, ut convicia, & tanquam ab inaligna mente manuque profecta, sunt exaudienda. Nam quis non videt, lectis veterum Scriptorum de Gallorum indole monumentis, factaque cum genio, qui iisdem hodieque est, commissione, falsum esse quod tradit Servius, Gallos pigrioris esse ingenii; quod Julius Firmicus, stolidos; quod Julianus, quasi sui oblitus, stupidos, & rusticitatem amantes; quod Polybius, doctrinæ & artibus operam non dare; quod idem cum Diodoro, Athenæo & Clemente Alexandrino, infidos esse, crapulæque & ebrietati deditos: quod Livius Polybiusque, molles esse & effœminatos: quod Mela, auri avidos, superbos, superstitiosos; quod Solinus, vaniloquos: quod denique pecuniæ insatiabiles esse, Plutarchus in Pyrrho. Fatendum nihilominus multa Gallis instillata aliorum populorum commercio. *Nemo Gallos*, ait Florus lib. i. r. cap. x. *tantum feroces dixerit; fraudibus agunt.* Avidos Iurgiorum docet Ammianus lib. xv. Reprehendit etiam Diodorus in Gallis quandam linguæ intemperantiam, sermone notans eos uti brevi & subobsuro: multa ex animo dubia loqui, plurima ad jactantiam in suam laudem dicere, &

ad cæterorum contemptum: minaces esse ac detractores, opinioneque inflatos. Jactantia illa ab Strabone etiam est animadversa. Atque ea Gallica ostentatio est, quæ ab Cæsare lib. vii nominatur, & multis reliquorum librorum exemplis adprobatur. Talis est lib. i. Helvetii Diviconis elatio, dum Helvetiorum virtutē extollit, Romanæ cladis memoriam objicit, Cæsaremque minitendo admonet, ne committat, ut is locus, ubi Romani constitissent, ex calamitate Pop. Romani & internecione exercitus nomen caperet, aut memoriam proderet. Sic Vercingetorix in concione jactat se unum consiliū totius Galliæ effecturum, cujus consensu in Orbis quidē terrarum possit obfistere. Quod ad veterum Gallorum religionem, cultumque in rebus sacris servari solitum, flocci faciendus est M. Tullius oratione pro M. Fonteio scribens: *Gallos minime ulla Religione moveri.* Audiendus potius Livius: qui, etsi in cæteris satis huic genti iniquus, *negligentem tamen haudquaquam Religionis* adfirmat; & Cæsar l. vii. bell. Gall. cui penitus cognita hæc natio, dicit eam *admodum deditam Religionibus.* Maxime autem Mercurium coluerunt, eodem Cæsare teste. Celtas Jovem coluisse attestatur Max. Tyrius, cujus signum altissima Quercus. Dianam templum habuisse apud Massilienses, Strabo testis est: & apud Gallo-Græcos Dianam cultam, Polyænus lib. viii, & Plut. commemorant.

Esam



Esun sive *Hesun*, *Teutatem* & *Teranem* Deos habuisse Gallos, *Lactantius*, *Lucanus* & *Minutius Felix* referunt: sed *Martem*, *Mercurium*, *Iovem*, hos plerique docti interpretantur. *Belenus* Gallorum Deus est apud *Ausonium*, qui *Belis* apud *Herodianum* in *Maximinis*; idē forsitan cum *Tibilene* *Tertulliani* in *Apologetico*, qui *Græcis* aliisque *Apollo* putatur fuisse. Colebatur & apud Gallos *Abellio*; de quo monumenta extare notat in *Convenis* *Novempopulaniæ* *Vir Nobiliss.* *Josephus Scaliger* ad *Auson.* lib. 1. cap. ix. *Herculem* etiam *Ogmi* nomine coluisse Gallos, auctor est *Lucian.* in *Hercule Gallico*. Galli autem *Veteres* Deos suos in dextrā conversi adorabant, *Athenæo* scribente. *Diis* homicidio aliisque rebus sacrificabant, *Marti* inprimis, teste *Cæsare*. Nullum autem *Gallis* veteribus sacrificium erat sine *Druidis*, inquit *Diodorus*. Fuerunt hi olim apud Gallos clari sacerdotes sicut & *Bardi*, de quibus *Lucanus*:

Vos quoque qui fortes animas, belloque peremptas
Laudibus in longum vates dimittitis ævum,
Plurima securi fudistis carmina Bardi.
Et vos Barbaricos ritus, moremque sinistrum
Sacrorum Druidæ positis repetistis ab armis.
Solis nosse Deos, & celi numina vobis
Aut solis nescire datum. Nemora alta remotis
Insolitis lucis: vobis auctoribus, umbrae
Non tacitas Erebi sedes, Ditisque profundi
Pallida regna petunt: regit idem spiritus artus
Orbe alio: longe (canitis si cognita) vita
Mors media est. — Inde ruendi
In ferrum mens prona viris, animæque capaces
Mortis, & ignavum est reditura parcere vitæ.

Atque hæc de moribus Gallorum in sacris: nunc de

eorundem ritibus in prophanis pauca subiciamus. Gallos ad concilium armatos venire solitos, testatur *Livius*. Scribit *Strabo* id in Gallorum conciliis usitatum fuisse, si quis orantem interpellaret, progrediens minister publicus distracto gladio adiectisque minis, silentium imperabat; quod si non adquiesceret, idem iterum tertioque faciebat: denique de sago interpellatoris tantum amputabat, ut reliquum inutile redderetur. *Gallorum subita & repentina consilia*, (inquit *Cæsar*), *in consiliis capiendis mobiles, & novis plerumque rebus student*. Notat idem *Cæsar*, Gallos, ubi major atque illustrior res incideret, eam clamore per agros regioneque mira celeritate significare solitos; hinc alios deinde excipere, & proximis tradere. *Liberos suos*, ut idem scribit, *nisi quum adoleverint, ut munus Militiæ sustinere possint, palam ad se redire non patiuntur: Filiumque in puerili ætate in publico in conspectu Patris adfistere turpe ducunt. Viri quantas pecunias, eodem memorante, ab uxoribus dotis nomine acceperint, tantas ex suis bonis estimatione facta, cum dotibus communicant: hujus omnis pecunie conjunctim ratio habetur, fructusque servantur. Vter eorum vita superarit, ad eum pars utriusque cum fructibus superiorum temporum pervenit. Viri in uxores, sicuti in Liberos, vita necisque habent potestatem. Gallorum mulieres speciosas, magnitudine & robore viris similes, facit *Diodorus*: fecundas & bonas educatrices, pariendo educandoque felices. Fuit & *Gallis* usitata more reliquarum Gentium servitus. Plerique ait *Cæsar* lib. vi. *quum aut ere alieno, aut magnitudine Tributorum aut injuria Potentiorum premuntur, sese in servitutem dicant Nobilibus in hos eadem omnino sunt jura, quæ Dominis in Servos. Tractabantur tamen humanius liberaliusque, quam apud Romanos. Domini namque Galli suos obæratos, atque, ut Cæsar voce Gallica appellat, Ambactos, honoris quodam**

dam loco circum se habebant, eorumque opera in bellis utebantur. Ficilia porro in usu habebant, Diodoro teste, densa ac floribus distincta. Cœnabant sedendo omnes, non in sedibus, sed in solo, super stratis luporum aut canum pellibus (in toris apud Strabonem:) ministrabant eis pueri juniores, ætate tenera. Juxta eos ignes fiebant, iisque adposita visebantur ollæ & verua carnibus plena, maximè suillis, tam recentibus quàm salitis: sed & omnis generis carnibus: plerumque vero cibus erat cum lacte, ut scribit Strabo. Audiamus hic Athenæum ex Posidonio, sic fere Latine sonantem: *Celæ seno substrato libationes propinant super ligneis mensis parum exstantibus. Panis & is paucus* (Panem hunc fermento leviolem eos facere, adnotat Plinius) *cibus est. Caro multa elixa in aqua, vel super prunis aut in verubus assa: hanc leonum modo ambabus manibus artus integros tollunt, morsuque dilaniant; & si quid ægrius divellatur, exiguo id cultello præcidunt. Adponunt in convivii pisces, qui fluviiis adcolunt, interiorisque & exterioris Maris littoribus: & eos cum sale, acetō & cymino* (quod etiam potioni injiciunt) *assos. Et paullo post: Locupleles vinum bibunt ex Italia petitum vel Mæsiliensium regione, & id merum, interdum aqua paullulum assun-*

dent. Hactenus ille. Sed & ex fruge madida potum ad ebrietatem fecisse, Plinius est auctor lib. xxii, cap. ultimo. Ex hordeo potum, quem *zythum* appellabant, fecisse, & alium ex aqua, in qua favum mellis laverint, Diodorus tradit. Quod ad vestitum, saga ferebant, notante Strabone, eaque densa ex lana texebant, *lanas* vocantes. Hujusmodi saga scribit Plinius lib. viii. cap. xlviii. *scutulæ* dividere Gallos instituisse. Quæ Plinio *scutula*, Diodoro sunt *πλινθία*. Per quæ nihil aliud illi intelligunt, nobilissimo viro Josepho Scaligero notante; quam quas Galli hodie vocant *lausanquias*, quasi *lauranquias*, ab lauri folio, quod habet rhombi figuram. Bracciis porro (quæ quod Gallorum essent, tegmē barbarum Tacito) utebantur Galli circum *extentis* vel *laxis*. Loco tunicarum apud Strabonem vestem habent Galli fissilem manicatam, usque ad pudenda & nates demissam. Manet hodieque forma in isto vestis genere, quod nobis vulgo *pallatrock* vel contra cœtē *palt-rock*. Anulus dicit uti in digitis, nihil distinguens, Diodorus; in medio tantum, Plinius natur. hist. lib. xxxiii, cap. i. Sed de his satis. Ad specialiora Galliarum pergo.

Regio.

BRITANNIA, vulgo *Bretagne*, nomen, jura, leges, incolae à Britannis, quos nunc Anglos dicimus, sortita est, qui sedibus ab Saxonibus pulsi in ea confederunt, *Vortigerno* regnante, à quo evocati ad defensionem adversus Scotos fuerant. Fieri etiam potest ut ante id tempus in hac Galliae parte Britannorum fuerint coloniae, quae tunc auctae exsulis Britannis, quam vim domi passi fuerant, *Aremoricis* (nam hi quondam insederunt haec loca) intulerunt. Scaliger in urbibus:

*Vicit Aremoricis animosa Britannia gentes,
Et dedit imposita nomina prisca iugo.*

Situ.

Unde & olim *Armorica* fuit appellata: praecipue qua ad mare vergit, ubi nunc inferior est Britannia. *Armor* enim veteribus Britannis nihil aliud, quam ad Mare vel *supra Mare*, teste Camdeno. Ad orientem Normannos habet, *Cenomanos* & *Andegavenses* confinales: ad meridiem *Pictones*: reliqua latera claudit mare Britannicum. In altum ultra reliquas Provincias omnes procurrit, peninsulae instar, unde non inconcinne *Cornu Galliae* dicitur; soleaeque ferreae speciem refert, cujus exterior pars subrotunda mare; interior vero concava, respicit mediterranea. Longitudo ejus sex dierum est itineris, trium autem latitudo. Regio est amoenissima & fertilissima. Pratis abundat & ericetis, ex quibus gratum pecori pabulum. Venas habet argenti, ferri, plumbi. Britanni autem in tantam repente potentiam excreverunt, ut Gothis, quo minus Galliam totam occuparent obstaculo fuerint. Certè *Riothimus* istorum Rex, XII millia Britannorum contra Gothos in auxilium Ro-

Soli fertilis.

Imperium
716, 917, 1017.

manorum eduxit, ut auctor est *Iornandes*. Praelio quoque adversus *Attilam* interfuisse testis est *Callimachus*. Est & illud grave argumentum Britannorum potentiae, quod reges Galliae totam hanc oram, de qua superanda desperabant, Normannis, ut pote bello magis adfueris, olim vincendam depopulandamque concesserint. Nec caruit consilium eventus: Norico enim ense Britannica contrita est ferocia. Paruit igitur Normannis quae antea regi Galliae paruerat: postea proprios habuit Duces. Ultimus eorum fuit *Franciscus*; qui anno MCCCXC vita functus, unicam filiam Britanniae haeredem reliquit. Hæc *Maximiliano* Archiduci Austriae Romanorum regi desponsa, quum per Franciam deducenda esset, raptæ est à *Carolo octavo*, qui eam sibi matrimonio conjunxit. Ex eo Britannia Franciae adnexa fuit. Ea hodie duplex est: *Superior* & *Inferior*. Illa *Ligeri* vicinior, hæc *Anglia*, dicitur: que alio nomine *Ripensis*. Superioris metropolis est urbs *Nannetica*, vulgo *Nantes*. *Ptolemæo* *Κονδίσκον*; *Nannetum*, ut censet *Josephus Scaliger*, *Cognatus* & alii. *Sedes* fuit olim Britanniae Ducum: Comitatus habet titulum, Ducisque primogenito adscribi solita: ad *Ligerim* duosque alios fluviolos litat, loco peropportuno, haud procul mari, Episcopalis statio, ut & quatuor quæ sequuntur. *Urbs Redonica*, vernaculè *Rennes*: *Condate Redonum* *Ptolemæo*, *Condate Antonino*. *Dolum*, oppidum nunc, olim arx: vulgo *Dol* vel *Donl*. *Fannum Briocense*, vulgo *S. Brieu*. Oppidum non ignobile. *Rupes* ibi excelsa tutam præbet navibus stationem, in ea arx urbi protegendæ excitata. *Fannum Sancti Machlovii*, vernaculè *S. Malo*. *Dinam* oppidum pulchritudinis eximiae, in deliciis aliquando Britannicis.

Urbes.



cibus. Sunt & Britanniae superioris alia oppida *Rieulx, Chateau-briant, Lambellum, Vitray, Iugon, S. Aubin du Cormier, Mont-contour, Plerel, Iocelin, Malestroit, Pontigni, S. Julian, Encenis*, denique extremum versus Pictones, sub quo comprehendi solent ditiones, quae vulgo *Clissonis, Raiz* & aliae. In inferiore urbes & oppida celebriora: *Venetia* hodie *Vannes*; *S. Pauli Fanum, S. Paul de Leon, Tricorienſe oppidum*, vulgo *Triguier*; *Blabia* nunc *Blavet*, *Morlaix, Quimpelray, Conquerneaux, Quimpercorentin, S. Renaut des bois* & alia. Dominia sunt *Montford Comitatus, Rohan Vicecomitatus*, *Grello* cuius principalis locus *Chateau Andron. Le Pais de Gueel: Baignon; Montfort; Vannetais*. Flumina Britanniae sunt *Ligeris, Rausa, Ella* & alia. Mare. Mare commerciis aptissimum est: unde sal extrahunt adcolae, quod ab Sole induratum conregionalibus vendunt. Praeter autem superiores urbes & oppida, commodissimos etiam portus praestant *Brest, Anctayum, Hanebontum, Pontfretot*, ubi magna ostrearum copia legitur. Archiepiscopus *Dolensis* in *Dol*, hos sub se habet Episcopos: *Nannetensem, Nantes, Venetensem, Vannes: Briocensem, S. Brieu.* in his tribus Gallicae & Britannicae loquuntur. *Curisopitenſem, Cornovaille; Leonensem, S. Paul de Leon; Tricorienſem, Triguier.* in quibus Britannica tantum lingua, quam vocant *Briton Britonant*, in usu est, quam veterum Trojanorum linguam esse putant. *Machlovienſem, Sancti Malo; Redonensem, Renes.* Incolae non omnes eadem animi alacritate, non omnes eadem comitate: plerique tamen cauti lucrique cupidi: gravissima negotia ad popula tractare soliti.

Normannia.

Normannia sic dicta à populis septentrionalibus: Nort enim, idiomate Germanico, Septentrionalis Orbis terrarum plaga: *Mann, vir: Normannia*, Terra Franciae, viris eò ab septentrionali ora vel arctoo orbe ex Dania Norwe-

giaque profectis ad habitandum data. Notae sunt *Normannorum* in Germaniam Galliamque excursions. *Normannia* autem ad Occidentem Crenone fluvio à Britannia fecernitur, à Septentrione Oceano terminatur, à Meridie Cenomannis: ad Orientem verò habet Franciam proprie dictam, (in qua est Lutetia,) à qua flumine *Epta* distinguitur. Itaque tota non pertinet ad Galliam Lugdunensem, sed aliqua ejus pars ad Belgicam spectat. Eam sexto vix die expeditus pertranseat. Regio fertilissima, frumenti admodum ferax, pomis atque piris adeo referta, ut hinc potum gens sibi exprimat, & ad externos copiose fructus exportet. Estque pecoris magna copia. Rollo Normannus atrocissima excursionem in pleraque Galliarum littoralia & inde porro in loca mediterranea & penitissima, ad tantam tandem redegit necessitatem Carolum simplicem Francorum Regem, ut Rolloni, ad Christianam pietatem invitato, filiam *Gillam* dederit uxorem, totamque dotis nomine *VVestricham*, & qui super Ligerim Britannos; primusque hic factus est Dux Normanniae. Urbs primaria est *Rotomagus* vulgo *Roüen*. Fluviiis adſidet, ad Meridiem quidem *Sequana*, maximarum navium (unde ingens mercaturae commoditas) capaci; ad Orientem minoribus *Rubeco & Aubetta*; ad Septentrionem latissimos pratorum habet campos, montesque præcelſos. Sequana ponte stratus est ingenioli artificii, structuraeque, siquid in Galliis aliud, admirabilis; lapide quadrato, validis columnis, pulchris arcubus, qui tredecim numero: altitudinis latitudinisque insignis. Estque urbs hæc Archiepiscopatu & Parlamento celebris. Sunt præterea *Aurenches, Evreux, Bayeux, Sais, Constances, Lisenx, Alencon, Aumale, Longueville, Eu, Harcourt, Tancarville, Malevrier, Mortain, Montgommery, Thorigni, Gisors, Caulx, Caen, &c.* Normannia quibusdam

Situs.

Solis fertilitas.

Imperium majorem.

Statu
Ecclesia
Bis.

busdam statuitur duplex, *Superior & Inferior*. In *Superiore* Ducatus sunt tres *Alencon, Aumale, Longue-ville*. *Comitatus Eu, Harcourt, Evreux, Tancarville, Malevrier, Mortain, Mongommery*. Continet item hæc Normannia illam regionis portionem quæ vulgo *Vulx*, in qua est *Gisors* Metropolis Comitatus & Ballivatus. Et Baroniam *l' Aigle*. *Inferior* in minores distrahitur partes, quæ vernaculè *Caulx, Bessin, Constantin, Hovivet, Royaume de Tvetot, le Vaulx de Vire*. In Normannia Archiepiscopus *Rotomagensis, Rouen*, cui subsunt Episcopi *Saiensis, Sais; Constantiensis, Constances; Lexoviensis, Lisieux; Abrincantensis, Aurenches; Bajocensis, Bajeux; Ebroicensis, Evreux*. Gens omnis suapte natura callida, nullis exteris legibus obnoxia: moribus suis & consuetudine, quam pertinacissimè tuetur, vivit. Doli quidem & litis adprimè gnara; alioqui doctrinæ & religioni dedita.

Belsia.

Superior.

Belsia vulgo *la Beausse*, Regio siccitate aquarumque laborans penuria: fertilis nihilominus, & frumenti valdè ferax. Ea triplex est, *Superior, Media, Inferior*. *Superior, la haulte Beausse*, initium capit ab vico, qui vulgo *Ablys* indigetatur, petens porro *Carnutum* agros & ulteriora. Conconsentur illi *Carnutum Regio, Ducatus Andegavensis, Comitatus Perchenfis. Carnutum Territorium* vulgo *le Pays Chartrain*, adhæret hinc *Perchenfis* Comitatus, inde Ducatus *Aurelianensis*. *Carnuticum* solum nulli reliquæ Galliaë parti fertilitate vel æmènitæ cedit: omni genere frumenti, fructuum, pecoris abundans: vino non destitutum. *Primarium oppidum Carnutum* audit,

Antricum *Ptol.* nunc *Chartres*. *Oppidum* hodie non potest remitti loci. *Carnutum Territorio* solitus est ad censeri *Comitatus Druidensis & Montfortius*. Sunthic oppida *Dreux & Montfortium*. *Ducatus Andegavensis, la Duché d'Anjou*, peculiarem tabulam habet. *Comitatus Perchenfis* dividitur in duas partes, quarum una inferior dicitur, vulgò *le Perche Goyer*, ejus primarium oppidum *Nogent Retron*. Altera superior in qua *Mortaigne* oppidum. Sequitur *Media*, cui tribui solitum quicquid est, inde quidem ad utramque *Ligeris* ripam ab *Rotomago, Vendonium* usque: hinc autem in dextra ejusdem *Ligeris* ripa quicquid *Castelloduno* porrigitur *Blesas* & ad *Turonensium* usque agros. Reliquas fertilitate sua *Belsias* superat. Comprehendit partim Comitatus, *Blesensem, Dumensem & Tonnoiensem*; partim Ducatus *Vindocinensem & Turonensem*. Inferior *Belsia* restat. Ea campestris omnino & plana: Frumenti valdè ferax, totius Galliaë horreum: porrecta inter Episcopatus *Aurelianensem & Carnutensem* ab oppido *Stampensi* procurrit, versus Orientem quidem ad *Senones* usque, versus Meridiem ad pontem *Aurelianensem*. In ea est *Aurelia* vulgo *Orleans* sita ad *Ligerim*. Ducatus titulo est nobilitata, atque ornatur Academia. Sunt & *Ditiones* vel *Territoria* *Lorriatum & Solonium*. Archiepiscopus hic *Turonensis, Tours*: habet sub se *Cenomannensem, le Mans, & Andegavensem, Angiers*. Episcopus *Carnutensis, Chartres*, subest *Senonesi* in *Campania*, & item *Aurelianensis*.

Media.

Inferior.

Regio.

GALLIAM Aquitanicā, cuius pars australior hac tabula delineatur, nonnulli dictam volunt ab Aquis, quibus abundare fertur: alii ab oppido *Aquis*, *Aqs*, derivant. Hæc à Pyrenæis Montibus ad Ligerim usque juxta *Ptolemaum* extenditur. Nunc autem, teste *Ortelio*, à Garumna ad Oceanum & Pyrenæos Montes. A Circio vero Septentrionali vento Occidentem versus Oceanum habet, qui Aquitanicus Sinus dicitur, ab Occasu Hispaniam, à Septentrione Lugdunensem Provinciam, à Meridie Narbonensem. In ea Mercator quinque Ducatus, xx Comitatus & vi Dominia enumerat. Ducatus sunt *Vasconia*, sive *Gujenna*, *Arvernica*, *Inculismensis ager*, *Biturigum regio*, *Turonica*. *Vasconia*, sive *Gujenna*, ad Oceanum sita inter *Bajonam* & *Burdigalam*, agrum habet vini fertilem, quod inde in Europam reliquam devehitur. Vrbs in ea primaria *Burdigala*. Reliquæ enim *Nerac*, *Condom*, *Mirande*, *Nogera*, *Orthes*, *Bazès*, *Dax*, haud magni momenti sunt. *Dax* tamen fontibus calidis, salinis, & metallis ferreis nobilitatur. *Burdigala* *Ptolemæo*, veterum *Biturigum Vibiscorum* urbs est, sita in paludibus quas exundans Garumna efficit: ornata tum Parlamento, tum Academia, in qua omnium artium & scientiarum Professores juventutem instituunt. *Arvernica*, *le Pays & Duché d'Auvergne* sequitur. Situs illi in locis partim planis, partim montosis. Vicinos habent *Arverni* ad Orientem *Forenses* & *Lugdunenses*: ad Meridiem *Languedokios*: ad Occidentem, *Cadurcos*, *Petrocorios* & *Lemovices*: Septentrionem versus, *Bituricenses* & *Borbonios*. *Arvernica* duplex est, *Superior* & *Inferior*. Su-

Vasconia.


Arvernica.

perior, le hault pays d'Auvergne, quæ & *Arvernica* per excellentiam, primariam habet urbem *Fanum S. Flori*, *S. Flour*, in edita rupe sitam. Reliqua oppida vulgo dicuntur *Orillac*, *Carlatum*, *Muratum*, *Buillons*, *le Pay*, &c. Territorium quoque & *Baillivatus Beaucaire*. *Inferior* optima est & fertilissima: Vinis præstantissimis, frugibus, melle, croco, pecudibus, lana, pascuis, nemoribus supra modum referta. Metropolis illi *Claramontium*, *Clermont* vulgo; arce superbit, & episcopalis est sedes. Reliquæ urbes seu oppida sunt *xiii*, ex quibus *Rion*, *Monferrat*, *Isoire* cæteris præstant. *Inculismensis ager*, vulgo *Engoulesme* ad Septentrionem *Pictonibus* est conterminus: ad Occasum *Santonibus*: ad Meridiem *Burdigalensibus* & *Petrocoriis*, ad Orientem denique *Lemovicibus*. Fertilis Vini optimi, Frugum, Cannabis. Metropolis ejus, *Inculisma*, hodie *Engoulesme*: Vrbs antiquitate insignis. Sita est in colle qui flumini *Carantono* imminet, agro devio & ab Regiis viis remotiore. Minorum gentium oppida sunt, quæ vulgo: *Marton*, *Chateau Neuf*, *Blaisac*, *Chabannes*, *Consollant*, *Ruffec*, *Aigres*, *Gourville*, *la Roche-Faucault*, *Merveil*, *Lanzac*, *Villebois*, *Momberon* & *Bouteville*. De *Buturigum* regione in propria quam obtinet Tabula dicemus. *Turonica* vulgo *Touraine* incipit tribus supra *Ambaciensem* urbem miliaribus, versus *Bleas*: terminatur in *Vicis*, qui vulgo *La Chapelle Blanche*, in spiritualibus agnoscens Episcopum *Andegavensem* & *Choufai*. Hi enim limites statuunt inter *Turonenses* & *Andegavenses*. Incredibilem Regionis amœnitatem amœniorem facit placidissima suave-spirantis aëris constitutio: adeo ut totius Galliarum Hortus atque Poma-

Inculismensis ager.

Turonica.

Poma-



Verbes.

Status
Ecclesiasticus.

rium vocetur. Vini frumentique ferax est; Nemora habet venationi commoda. Metropolis Ducatus est *Cæsarodunum Turonum*: vernaculè *Tours*. Urbs opibus & ædificiorum præstantiâ nobilis. Vicinus illi ad orientem *Ligeris*: ad meridiem & occidentem *Idra* fluit. Minorum gentium hujus Ducatus oppida sunt *Ambocia*, *Langerfum*, *Chinonum* & alia. Comitatus *Aquitaniæ* sunt *Tolosa*, *Tolouse*: *Narbona*, *Narbonne*: *Albretum*, *Albret*: Ager *Arminiensis*, *Armignac*: *Bigerromum*, *Bigorre*, feudalisi *Tolosano*: *Bear*; *Estrac*: *Commingeois* feudalisi *Tolosano* ut & *Foix*: *Ventadour*; *Pompadour*: *Montignac*, in *Poictou*: *Perigort*, *Perigoux*: *Esparre*: *Lymosin*, *Lymoges*: *Poictou*; *Marche*: *Fronssac* *Viconté*: *Touraine*, *Tours*: *Aulnay* *Viconté*: *Basque*. Dominia: *Planes*, *Grave*, *Chaloces*, *Saintonge*, *Aulnis*. Archiepiscopi v sunt: *Narbonensis*, sub quo *Suffraganei Cartassonenfis*, *Carassone*: *Agathensis*, *Agde*: *S. Pontii Tomeriarum*, *S. Pont de Tomieres*: *Aletensis*, *Alet*: *Magolonensis*, *Mompelie*: *Elnensis*, *Eln*: *Bitierenfis*, *Besiers*: *Lutevensis*, *Lodet*: *Nemaufensis*, *Nismes*: *Vetienfis*, *Vsetz*. *Bituricensis*, *Bourges*; sub quo decem Episcopi, *Clermont*, *Rhodes*, *Lymoges*, *Mande*, *Alby*, *Cahors*, *Castres*, *Tulles*, *S. Flour*, *le Puy*. Exemptus *Burdigalensis*, *Bordeaux*, sub quo sunt VIII: *Poictiers*, *Lucon*, *Maillezais*, *Saintes*, *Engoulesme*, *Agen*, *Codon*, *Sarlac*. *Tolosanus*, *Tolouse*, sub quo Episcopi *Pamiers*, *Mirepoys*, *Montauban*, *la Vour*, *Rieux*, *Lombes*, *Papons*. *Auxitanus*, *Aux*, sub quo *Aguensis*, *Ags*: *Convenarum*, *Comminge*: *Tarbensis*, *Tarbe*: *Vasatensis*, *Basas*: *Lescuriensis*, *Lescure*: *Lactorensis*, *Lictoure*: *Conseranensis*, *Conserans*: *Oleronensis*, *Oleron*: *Bajonensis*, alias *Bajacensis*, *Bajone*: *Adurenfis*, *Adure*, aliis *Ayre*.

Arelatense Regnum.

Regis.

Regnum *Arelatense* ab urbe *Arelato* nomen habet. Re-

giones complectitur inter *Rhodanum* & *Alpes*, quæ olim Imperii erant. Suntque in hoc tractu *Sabaudia*, *Sabaudia*. *Delphinatus* & *Provincia*. *Sabaudia* unde nomen habeat, variè quæritur. Quidam à *Sabatis vadis* derivant. Alii dicitur, quasi *Sabbatorum*, qui *Sabaudienfes* *Volaterrano*, *Auvre*, id est, ager, pratum. Quibusdam quasi *Saul voye*, via per salices; aut *Sauve Voye*, salva via: quam ex mala latronibusque obfessa fecisse fingitur nescio quis ab iis qui fabulis Lectores distingere solent. Conjacent *Sabaudia* à septentrione, *Burgundiæ* Comitatus, turbatioribus limitibus, & *Helvetia*, *Lemano* lacu interposito; ab ortu, *Valesia* *Pedemontiumque*, finibus non multo certioribus, nisi quod montes intercurrent editissimi; ad meridiem & occasum *Delphinatus* se offert, cum nonnulla *Rhodani* portione, *Sabaudos* separantis ab *Burgundiæ* Ducatus incolis. Aër *Sabaudia* purus est. Regio valde montosa. Quod ad valles & cæpestria loca, solum amœnum satis & fœcundum præcipuè versus septentrionem, secundum *Lemani* lacus tractum; ubi vinum gignit generosum, quod *Ripalium* vocatur ab lacus ripa. Pascua animanibus omne genus enutriendis optima; cû alibi tum qua mōs minor *S. Bernardi* attollitur. Metropolis *Sabaudia* *Chamberiacum*, vulgo *Chamberi*, in qua *Parlamentum*. Urbs in convalli sita montibus undique cingitur. Cum *Sabaudia* tanquam partes ejus explicantur *Comitatus Genevensis*, *Maurianensis*, *Tarantasi*, *Marchionatus Susa*: & aliquot dominia: ditio denique *Bressanensis*. De singulis pauca. Comitatus *Genevensis* nomen ab *Geneva*, quæ *Cenava* dicitur *Antonino*. Urbs est miræ antiquitatis. Sitæ hodie ad lacum *Lemanum*, bipertita in duabus *Rodani* ripis, conjuncta ligneo ponte, cui per interjectam insulam firmiori, utrimque domus impositæ: major Meridiem est versus, minor ad Septen-

Sius.

Soli ferri-
litas.Animarum
lium va-
rietates.

ad Septentrionem. *Maurianensis* vulgò *la Morienne* expansus est ad Archum fluviū, ubi *S. Iean de Morienne*, oppidum non ignobile. *Tarantasis*, *Tarantaise*, conclusus ferè spectatur inter montes Alpinos, fluviosque Archum & Aram. Nomen habet ab urbe *Tarantasia*, quæ hodie *Moustier* incolis: Germanis *Munster in Tartaansen*, *Musterium* Latine scribentibus. *Marchionatus Susa* ab oppido *Susa*, haud procul fonte *Dorie* flu. qui infra *Turinum* in *Padum* se exonerat. Sunt & alia Sabaudia oppida: *Aiguebelle*, *Mont Belial*, *Bellay*, *Nicy*, *Montmelian*, *Incilles*, &c. *Delphinatus* sequitur. Nomen illi volunt ab *Castello Delphini* quod vernaculè *Chateau Dolphin*. Huic ad Meridiem adhæret *Provincia*: ad Septentrionem *Bressia*, interfluente *Rodano*: qua Occidens est *Venissæ* se pandit *Comitatus*: qua *Oriens*, conregionalia jacent *Pedemontium* & *Sabaudia*. Urbes hic Archiepiscopales sunt *Vienna* & *Ebrodunum*. *Vienna*, *Allobrogum* metropolis *Straboni*, eorundem urbs *mediterranea* *Ptolemæo*, *Bienus* *Stephano*; vulgo *Vienne*. *Ebrodunum*, *Eborodunum* *Ptolemæo* *Caturigum* vel *Alpium maritimarum*; *Epebiodunum* vicus *Straboni*; *Ebrodunum* *Antonino*; vernaculè *Ambrun*. Episcopales urbes sunt quinque: *Valentia*, *Dia*, *Gratianopolis*, *Augusta*, *Vapingum*. *Valentia* *Antonino* & *Ptolemæo*, vulgo *Valence*; Ducatus titulo gaudens. *Dia* *Vocontiorum* *Antonino*, *Die* vulgo; metropolis agri qui venaculè *Pays de Diois*. *Gratianopolis*, olim *Cularo* vocabatur, civitas *Gratianopolitana* *Ilidoro*, vulgo *Grenoble*; Sedes amplissimi *Senatus Delphinatensis*, *Isaræ* adlita. *Augusta Tricastinorum* *Plinio*; *Tricastina* urbs *Sido-*

nio: hodie, uti censet *V. N. Iosephus Scaliger*, *S. Antoni* de *Tricastin*. *Vapingum* *Antonino*, vel quemadmodum in quibusdam C. legitur *Vapincum*, ut & in *Itineraria Tabula*; *Gaph* hodie, *Caput Agri*, qui vernaculè *Gapencis*, montibus obsiti. Ipsum oppidum, ut hodie, sic & olim celebre, ad colis le *Col S. Digo*. Minorum gentium oppida prætereo. De *Provincia* descriptione proxima agitur. Ad quam antequam transeo, pauca de *Statu ecclesiastico* ex *Mercatore* subjiciam. Archiepiscopi hic v sunt. I. *Tarentasensis* in *Sabaudia*. Cui subsunt duo; *Sedunensis*, *Sitten*; & *Augustensis* in *Augusta*. II. *Ebrodunensis*, *Ambrun*. Cui subsunt novem, *Dignensis*, *Digne*; *Grassensis*, *Grasse*; *Senectensis*, *Zena*; *Niciensis*, *Niza*; *Glandatenensis*, *S. Gland* fortè: *Vanciensis*; *Vapnicensis*, *Vap*, alii *Gap*; *Brianconensis*, *S. Pol*. III. *Viennensis*, *Vienne*. Cui sunt suffraganei sex: *Valentinensis* & *Dienensis* conjuncti in unum, *Valence* & *Dye*; *Vivariensis*, *Viviers*; *Mauriacensis*, vel *Mericensis*, *S. Iean de Morienne*; *Gebennensis*, *Geneve*; *Gratianopolitana*, *Grenoble*; *Romans*. IV. *Aquensis*, *Aix*. Huic subsunt quinque: *Aptensis*, *Aps*; *Forojuliensis*, *Frejul*; *Sestricensis*, *Sestren*; *Regensis*, *Eres*; *Vapinensis*, *Vapinte*. V. *Arelatensis*. Cui subsunt *Masilienensis*, *Masilia*; *Vasienensis*, *Vasison*; *Tricastinensis*, *Tricastè*; *Cavallicensis*; *Cavallion*; *Avenicensis*, *Avignon*; *Aurasticensis*, *Orange*; *Carpentoracensis*, *Carpentras*; *Tolonenensis*, *Tollen*. In *Lugdunensi* provincia, urbe *Lugduno*, *Lyen*, Archiepiscopus & *Primas Galliæ* residet, habens sub se quatuor suffraganeos, qui sunt, *Hedunensis*, *Autun*; *Maviscenenensis*, *Mascon*; *Cabilonenensis*, *Chalen* ad *Saonam* fluvium; & *Lingonensis*, *Langres*.

S.atus
Ecclesi-
sticus.

Delphi-
natus.

Urbes.

E c

HACTENVS

Regio.

HACTENUS de Aquitania & Regno Arelatenſiſequitur *Provincia*. Huic præſtantiffimo Galliarum tractui, etiam ultra Rodanū ad Garumnā usque *Provincia* nomen inditum, quod ab Romanis in *Provincia* formam multis ante Chriſtum natarum annis redactus, quod hodieque impoſitę quondam conditionis nomen mordicus in exigua ſui portione, in qua *Masilia* & *Aqua Sextia*, retinet per excellentiam, utque offenderet ſe primam, non quidem ordine, ſed dignitate inter omnes Imperii Romani fuiſſe Provincias. Eſt enim totus ille Narbonenſis ager pars totius Franciæ præſtantiffima. Conſacet *Provincia* ad Septentrionem Delphinatus, montium interpoſitu Velęorum, qui vulgo *Velaye*, intercurſuque magnę partis Druentii fluminis : Orientale ejus latus claudunt & Alpes, & Varus fluvius, cujus ſiniſtrę ripę adſidet Nicęa; Italię hic principium: Qua Meridies eſt, ab Gallico pulſatur Mari : Occidentalis illi limes partim Arauſiorum Principatus & Avenionenſis vel Veniſſę Comitatus, hujus quondam partes, Francorumq; Ditionis, nunc autę aliorū principū: partim Rodanus integer, Lugduno Arelatem uſque, ad Languedokii Parlamenti Iuriſdictiōnem ſpectans. Cælum hic mite, clemens & valdè purgatiū. Ac provincia, de qua mihi ſermo, præter ſegetes, fructus profert, non ſolicita cultura, nobiliſſimos: uvarum paſſarum ſicuumque tanta hic copia, ut potiori Europę ſufficiat. Roſ-marinus, juniperi baccę, aliaque id genus larga hic manu ab Natura proveniunt. Caſtanę, mala citria, cydonia, granata, crocus, oryza, ſimiliaque, pleno ibidem cornu funduntur. Vites generoſiſſima dant vina. Solum denique paſſim gratum,

Cali tem-
peries.
Soli ferti-
litas.

ferax, benignum. De antiquiſſimis porro *Provincia Comitibus* pauca inveniuntur. Tempore Ludovici VIII. Francorum regis, legimus in vetuſtiſſimis annalibus, Imperium
fuiſſe Raimundum Berengarium *Provincia Comitē*; ejusque filiam unicam & hæredem *Beatricem*, uxorem fuiſſe ductam ab *Carolo* Andium & Cenomanorum Comite, ejuſdem Ludovici regis filio, qui hoc matrimonio *Provincia Comitatus* eſt adeptus. Succceſſit huic *Carolus Claudus* cognomine, princeps Salernitanus, & rex Neapolis. Hunc ſequutus eſt filius *Robertus*, dux Calabrię, & rex Neapolitanus. Robertum avum excepit *Ioanna* (cujus pater *Carolus*, Calabrię dux, jam vitam cum morte commutarat) teſtamento cum regina Neapolis, tum *Provincia Comes* facta. Hęc *Ludovicum Andegavenſem*, Ioannis Francorum regis filium, quem explendo in adverſarios odio adoptarat, ſucceſſorem & in aliis Principatibus, & in eodem Comitatu reliquit. Poſt *Ludovicum Comes* factus eſt filius ejus *Ludovicus* II; quem ſequutus *Ludovicus* III filius: quum etiam ab *Joanna* II Neapolis regina in regem Sicilię, Calabrięque Ducem eſſet adoptatus, impropolis ſucceſſorem habuit in ſuis Principatibus, ex conſenſu ejuſdem *Joannę* II, *Renatum Andegavenſem*, fratrem. Hic quum regni Neapolitani *Provincięque Comitatus* jura reſignare nollet *Renato* Lotharingię Duci, ex filia *Iolanta* nepoti, ea tranſcripſiſſe memoratur in *Carolum* fratrem, Cenomanorum Comitem : qui filio *Carolo* orbatuſ *Ludovicum* XI, Francorum regem, omnium bonorum hæredem inſtituiſſe ſcribitur. Alii ſuprema id *Renati* voluntate factum volunt : non absque graviſſima juſtiſſimæque *Renati* Lotharingici expoſtulatione.
Habi-



Vrbes.

Habitarunt hic olim *Salyi, Aquenses, Arelatenses, Sextani, Sentii, Ebroduntii, Dinienſes, Veſdiantii, Sanienſes, Nerucii, Vencienſes, Vulgientes, Aptenſes, Rejenſes, Oſtaviani, Commoni, Foro-Julienſes, Segeſtorii, Albici, Oxubii, Deciates, & alii.* Sunt autem in Provincia ſub Parlamento A-
 quenſi, præter multa minorum gentium oppida, urbes, duæ quidem Archiepiſcopales, undecim autem Epiſcopales. Archiepiſcopales ſunt *Aquæ Sextiæ & Arelatæ.* *Aquæ Sextiæ* Colonia Latinis, Paterculo, Solino aliisque dicuntur: quæ *Aquæ Sextiæ* Colonia Ptolemæo, *Sextilia* eſt apud Plutarch. in Vita C. Marii; *Aquæ Seſtiæ* Itinerariæ tabulæ. *Coloniâ Iuliam Aquas* vocat Lapis qui hodie Lugduni ad D. Benediſti: item alius ad ipſas Aquas. *Colonia* item *Iulia Aquæ Sextiæ, Legio xxv* vocatur in antiqua inſcriptione, Nummoq; Veſpaſiani, Huberto Goltzio. *Aquæ* quidem, quod *Aquarum* ibi *Calidarum* Balnea: unde & hodie *Aix: Sextiæ* ab C. Sextio Calvino Cos. anno v. c. 10 cxxx. Hic enim victa Salyorum Gente, *Coloni- am Aquas Sextias* condidit, eo conſilio, ut Romanum illic collocaret præſidium: quo Barbaros ex iis reprimereſſet littoribus, quæ ex Maſſilia ducunt in Italiam, quum Maſſilienſibus illis coercendis non ſuppeterent vires. Legendus Livi. lib. lxi ab x. cap. *Iulia Auguſta* vero ab C. *Iulio Cæſare Auguſto*, qui eam Colonis auxit, deductis eo legionis xxv veteranis. Parlamenti Provincialis ſedes, quod inde *Aquenſe.* Partim ad *Aquas Sextias*, partim in Italia, in Campo Raudino, vicit Cimbroſ Germaniæ populos, qui que ipſiſe junxerant, Tigurinos Abroneſque Gallicas Nationes, C. Marius. Nota Hiſtoria. Alibi etiam hac de re nonnulla. *Arelas* ſimpli-
 citer Oroſio & Auſonio lib. de Urbibus in Epigraphe & ipſo carmine vrr; *Arelatus* eidem Auſonio in eodem carmine, & aliis: *Arelatæ* Cæſari, Plin. Sueto. in Ti. Prin-

cipis vita, Melæ, & aliis: *Arelatæ* denique Strab. quæ *Arelaton* Salyorum *Colonia*, Ptol. & *Arelatæ* *Sextanorum* Plin. Ut *Colonia* meminere lapides de quibus paullo ante, ad *Aquas Sextias, Saliorum* quidem, ab antiquiſſimis Galliæ populis; *Sextanorum*, ab Legione vi, cui hic ſua fuerunt ſtativa. Hodie *Arles*, plurali voce. *Thelinen* olim nuncupatam ab Græciſeam incolentibus, memoriæ prodiſt Feſtus Avienus. *Mamiliaria* cognominatur, quam ob cauſam neſcitur, in inſcriptione pulcherrima, quæ ibidem in columna legitur, teſte V. N. I. Scaligero. *Conſtantina* ut diceretur, ibique ſeptem Provinciarum, Viennenſis, utriusque Narbonenſis, utriusque Aquitaniæ, Novempopulaniæ, & Alpium maritimarum, conventus ageretur, ſanxit Fl. Conſtantine Imperator. *Gallulam Romanam* vocat Auſonius, carmine, cujus memini. Vrbs ad Rodanum ſita. Ad finiſtram ripam hodie. Itineraria Tabula collocat ad dextram, ubi hodie Languedokium. Auſonius *Arelatum* Rodani fluentis interſcindit notat. Vnde & duplex eidẽ lib. de Urbib. in extremo Moſellæ & Epiſtola xxiiii ad Paull. quod videlicet in duas partes ab Rodano ſecaretur. Hodie, mutata ibi rerum facie, ſimplex eſt, tota in ripa Rodani, quæ Italiam reſpicit, poſita, ſep̄ta undique paludibus, in quibus præferoces aluntur Boves. Putatur hinc major fuiſſe, creduntque magni viri partem urbis olim florentiſſimæ alteram ab Gothis exciſã. Emporium autem fuiſſe ſatis conſtat ex Auſonio. Grata olim Regibus Burgundiorum ſedes fuiſſe legitur. Poſtea Comitum Provincialium fuit domicilium. Primus ibi Epiſcopum egiſſe ſcribitur D. *Trophimus*, Pauli Apoſtoli diſcipulus, anno Imperii Neronis ſecundo in Gallias ab eo deſtinatus, ex cujus fontibus, ut Soſimus Põtifex M. ſcribit univerſa Gallia fidei rivulos accepit.

Arce

Arce potens hodie, Honorato Hilarioque, Præfulibus quondam suis, est clara. Et hæc de Archiepiscopalibus Provincia civitatibus: Episcopales sunt undecim, in quibus, quod absque aliarum fiat indignatione, primas dabo Massilia. Massiliam Latini omnes, Græcique nominant nonnulli: quæ, Massilia Strab. Steph. veteribusque nummis: Masalia Ptolem. Marseille vulgo. Phocænsium Græcorum in Asia minore est Colonia, Condita Olympiade XLV, scribente Solino; tempore Tarquini regis, ut notat Justinus lib. XLIII. Plutarchus in Solone conditam scribit à Proto, qui Protis, aliis dicitur. Situm petroso in loco indicat Strabo, prope ostia Rodani amnis, in remoto sinu, velut in angulo maris, ait ex Trogo Justinus. Rempublicam porro Massiliensium tantopere laudat M. Tullius, ut, audiente populo Romano, dicere auderet in defensione Fonteji, civitatis illius Disciplinam atque Gravitationem non solum Græciæ, sed pane cunctis Gentibus anteponendam. Episcopos suos numerant ab D. Lazaro, quem Christus ab morte suscitavit. Hæc de Massilia: reliquæ urbes Episcopales sunt Dine: Dinia Pl. in Ebroduntis: Dinia Pt. in Sentetiis, Grassé, Grassense oppidum. Glandève Glannate viris doctis latinè scribentibus. Glannatena civitas, notitiæ provinciarum Galliæ in Viennensi IV: in aliis libris est Glanatica, in quibusdam Glannatena. Falluntur qui Glanum Plinii, Melæ & Antonini cum Glannate confundunt. Glanum enim Antoninus ponit inter Cabellionem & Arelatum: at quam procul inde Glannate? Quid Glanum hodie ignoratur. Senas, Sanition, Vefdantiorum oppidum in Alpibus maritimis. Ptol. S. Paul de Vinsces: Vintium, Nerusiorum oppidum in Alpibus maritimis, Ptolemæo Ventia, Dionis. Apt: Apta Iulia: Vulgentium Plinio; Avia Iulia & Abte Julia corrupte apud Antoninum: nam in melioribus est Apta

Iulia: ut & in itineraria tabula. Ries: Rejus, notitiæ provinciarum Galliæ, in qua sub Viennensi I sic legitur; Civitas Rejensium, id est Rejus. In tabula itineraria, scriptum est Reis Apollinaris: quod nondum liquet. Ferjuls, Forum Iulii Planco ad Ciceronem, Forum Iulium, Commonorum urbs Ptol. Col. JVL. OCTAV. in Augusti nummo apud Goltzium: Forum Iulium Octavorum Colonia, quæ Pacensis appellatur & Classica, Plin. Hodie portus est marinus. Cisteron, Segustero apud Antoninum & in itineraria tabula: Cestero, inquit suis ad Merulam literis Josephus Scaliger, Plin. apud quem tamen excusum est Cessero. Sed Merulæ semper Pliniana Cessero eadem censeret solet cum ea, quæ Cessero apud Ptol. Tolosæ & Carcassoni connumerata, quæ hodie in Languedoko Castres. Telon Telonium doctis latinè scribentibus; Telo Martius, Antonino, oppidum in interiore maris recessu, novem leucis Massilia portus hodie celeberrimi. Hæc de Episcopalibus: sunt alia non minoris nominis & antiquitatis oppida: Antibe, Antipolis Deciatorum oppidum Ptol. Oppidum Latinum, Antipolis, Plin. Tacitus Antipolim Narbonensis Galliæ municipium appellat: Coloniam nummus Titii Imperatoris. Olbia Ptol. Melæque nota, Yeres vel Hieres hodie censetur, ad mare, tribus ferè leucis Telono. Contra oppidum jacent nobilissimæ Insulæ, quæ Ptol. Stæchades; Liguistides Steph. hodie, oppido cognominæ, les Isles dicuntur de Yeres vel Hieres, corallum ibi colligitur optimum, & quo non aliud præstantius in mari Ligustico. S. Maximin, Tecolata videtur Antonino in Itinerario, sex grandioribus leucis Massilia, versus Boream. Tarascon Strab. Taruscon Ptol. ad sinistriorem Rodani ripam: cui in dexteriore opposita visitur Belloquadra, vulgo Beaucaire fluvio tantum intercurrente. Comitatus dignitate fulgent oppida, Sauli, S. Gilles, & alia.

Regio.

PICARDIÆ nomen quamvis non magnæ antiquitatis, nulla tamen ejus certa potest reddi ratio. Alii aliam augurantur. Robertus Cenalis dicit se ignorare, num *Picardi* à *Begardis* Hæreticis nomen hoc sint mutuati. Sed his illos constat multo antiquiores. Sunt qui appellatos censent *Picardos*; quod ab his ortus primo usus lancearum, quæ vulgo *Piques* nuncupantur. Eam hodie, ut crasse definiam, ad occasum respicit, cum nonnulla Normanniæ portione, Oceanus Britannicus: ad Septentrionem istæ veteris Belgicæ jacent regiones, quæ hodie Artesia & Hannonia: ad Orientem Luceburgum & Lotharingia sunt porrectæ: ad Meridiem denique Campania, iisque nobilissimi Regni tractus, qui specialiore notione Francia vocatur, occurrunt. Regio est fertilissima, horreumque Parisiorum, atque adeo pleræque Franciæ. Vino caret, ignava potius incolarum socordia, quam vel Cœli vel Soli injuria. Picardia autem in tres dividitur partes. Veram, Inferiorem, Superiorem. De Vera hic tantum dicam. Vera, (la vraie Picardie) cœpto Parisiis itinere, superatisque Bellovacorum agris, initium est ad Crepacorium. Comprehendit *Vicedamias Ambianam*, *Corbiensem* & *Peguignyam*, Comitatus *Veromanduorum* & *Retenorum*: Ducatum *Tirachensem*. *Ambiana* (*Vislania d'Amiens*) nomen dedit *Ambianum* vulgo *Amiens*: olim ut multi docti censent, *Samarobrina*, Ptolemæo appellatur *Samarobriga*. Quidam Antonini Codices *Samarbarivam*, alii *Samarabrigam* præferunt. *Briga* antiqua Hispanorum lingua, & *Bria* Thracio sermone, urbs nuncupatur. Nonnulli *Somonobrigam* scribunt à *Ponte* (Belgicè *Brug*) quo *Somona* fluvius trajiciebatur. *Ambia-*

Situs.

Soli fertilitas.

Vera Picardia.

Urbes.

num certè urbs est ad *Somonam*, qui eam hic ibi findit, (unde quidam *Ambianum* putant dictum ab Imperatore Gratiano, quod aquis ambiatur) munitioribus Galliarum & ab natura & ab hominum industria merito connumeranda: fossis pulchris præaltisque vallata: clavis ea parte regni. Templum habet speciosissimum. Probitate sanè incolæ fidelitateque sunt insignes. *Corbiensis* ab *Corbia*, quod oppidum est ad *Somonam*; quo loco fluvius, cui adjacet, *Somonam* ingreditur: clavis itidem, qua parte jacet, Franciæ. *Curmiliaca* fortè Antonini, inter *Samarobrivam*, *Amiens* & *Cesaromagus*. *Roye*, ni fallor. *Peguignia* denique à *Peguigny* vulgo *Peguigny*. Oppidum est sic dictum, si vulgo fides à *Pignone*, Alexandri Magni milite. Historiographis nobilitatum, quod ibi *Guilielmus Normanniæ Dux*, cui cognomen erat *Longua-Spatha*, positis insidiis fuit obtruncatus per factionem *Balduini Comitis Cameracensis*, qui eum pacis ineundæ prætextu eo pellexerat. Testantur Normanniæ Annales. Comitatus *Veromanduorum*, hodie vulgo *Vermandois*, retento, siqui alii *Gallia* populi, prisco nomine. Comprehendere vero sub se Comitatum nunc signant Franciæ Geographi *Suessonum*, *Laudunensium*, *Tartenorum* *Ditiones*, urbes item *Noviomagus* & *Fanum S. Quirini*. *Suessones*, hodie vulgo *Suessons*, vel *Soissonos*. *Suessonum* urbs, quæ hodie *Soisson*, arce prædita: *Suessones* gentis voce apud Antoninum: *Augusta Sueffonum* *Ptol.* *Laudunensium* ager, *Laonnois*, dictus ab *Lauduno*: cujus meminit vita *Caroli Magni*, hodie *Laon*. Situs illi in colle. *Tartenorum*, vernaculè *Tartenois*, metropolis est *Fera*, vulgo *la Fere*: urbs egregiè munita, situque commodissimo, ad *Oysam* *Servamque* confluentes: arcem



arcem habens satis validam. Quæ nunc urbs *Nojon*, Antonino *Noviomagus* nuncupatur, inter Sueffonas & Ambianos eam collocanti, decimamque octavam Legionem illi tribuenti, *Νεῖμαγος* *Vadicasium* est Ptolem. vulgo Ecclesiasticorum *Noviomus*. Urbis est, antiquitatis suæ notas non paucas præferens. Episcopalis sedes, cujus præfules Comites se Noviomagenſes & Franciæ Pares scribunt. *Fano S. Quintini*, quod Comitum Veromanduorum aliquando domicilium & Regiunculæ caput, nomen à Quintino, qui martyrium ibi passus. Olim *Augusta Veromanduorum*. Hæc de Veromanduis. *Retelorum* (vulgo *Retelois*) ditio sita est inter Hannonios, Lotharingos & Barros. Metropolis *Retelium*. *Tirafche* (*la Tirafche*) primaria urbs est *Guisa*, arce superbiens, propugnaculum contra Leuceburgenſes.

Campania.

Regio.

CAMPANIÆ, quæ sequitur (*Comté de Champagne*) nomen, à camporum latitudine longitudineque, ut notat Gregorius Turonensis. Est enim campestris admodum & plana, sementique apta. Circumdant eam undique Brienſium, Burgundiorum, Caroleſiorum & Lotharingiorum Ditiones atque Territoria. Cælum ibi serenum: ær temperatus. Agri passim frumento, vino, omni pecorum genere abundant: nec defunt silvæ, optimas quæ præbent venationes, jucundaque aucupia. *Campania* porro explicari solet hodie cū per se, tum per conjacentes ipsi principatus. Per se, propriæque considerata duplex est, *Inferior* & *Superior*. *Inferiori* ad censetur *Tricasium*, ditioneſque quæ vulgo *Irigny*, *Basigny*, *Vallage*. *Tricasium* nominatur ab ævi posterioris Scri-

Vitis.

ptoribus, quæ hodie *Troyes*, urbs ad Sequanam: *Tracassis* Antonino, legionem ibi xxxi ponenti, *Tricasse* Ammiano: *Trecasse* Bedæ, *Tricasium* Nithardo: *Augustobana Tricasium* veteribus monente V. N. Josepho Scaligero. Episcopalis nunc sedes. Ad Sequanam (qui Chartariis hic magno est usui & commodo) in plano sita est, fertilis mercaturæque dedita: arce potens. *Irigni* Comitatus Campaniam separat à Burgundia: adhærēs Senonibus. Oppidum primarium *Irigny*, jurisdictionem agnoscens Baillivatus Trecentis. *Basigny* sic nominatur, quod potior rem constituat inferioris Campaniæ partem, *Bas Francis Infra*. Cincta fluminibus Matrona & Mosa, exiguaque Mosellæ portione, aquis magis irrigatur, quam hujus ditionis reliqua. Metropolim habet, cui ab *Calvo monte* nomen: *Chaumont en Basigny* vulgo: Baillivatus titulo claram, arce antiqua, quæ in rupe sita beneque munita, superbientem. Tribui solent illi (præter *Andomatum* Lingonum, vulgo *Langres*: de quo postea) *Montigny*, *Goeffy*, *Nogent le Roy*, *Montclair*, *Andelot*, *Bisnay*, *Chosseul*, *Vishory*, *Clesmont*, omnia oppida non invalida, pleraque arcibus firmata. *Vallenſe Territorium*, *Vallage* vulgo, nomen gerere creditur ab Vallibus, quas habet pulchras admodum & fertiles: Parrenſibus hinc contiguum, inde Bartenſibus. Oppida, primi facile loci *Vasseum*, *Vassy*, ad Bloisam, ditionis Guisicæ. *Fanum S. Desiderii*, *S. Desier*, vel *Didier*: arcem habet. *Ianivilla*, *Ianville*, familiæ Guisicæ Apanagium, ut vocant, aliis *Iont-Ville* scribitur. Sunt & in Vallenſi ditione *Montirandelium*, *Montlerant*, *le Chateau aux forges*, *Eslaron*, & alia. *Superior Campania* verè *Territorium Partenſe*, *le Pays de Partois*. Nomen illi à Burgo vulgo *Perte*. Regio est fertilissima, abundans frugibus, lignis, cannabi. Metropolis illi *Vuriacum*, *Vury*, ad saltum Matro-

Matronamque concurrentes. Continguntur sub eo *Argilliers, La Saincotte, Louvemen, & alia oppida*. Sic Campania quodammodo sit inlustrata per se: coniacentia designo Ducatus quidem *Remensem & Lingonensem*; Comitatus autem *Catalaunensem, Ligniensem & Mottensem*, sui juris Campaniæque non subiectos. *Remensi Ducatui (Duché, Pairie & Archevesché de Reims)* nomen ab urbe, quæ veteribus *Durocortorum*, hodie *Reims*. *Durocortorum* Ptol. *Duricortora* Strab. *Dorocorteros* Steph. *Durocortum Remorum* Cæs. Vrbs est inclusa, & ut ita dicam, incorporata Campaniæ, sui tamen juris. Archiepiscopum habet, qui Dux primusque Par Franciæ. Huic subsunt Episcopi in hoc tractu: *Suessionensis Soisson, Catalaunensis Chaalon, Ambianensis Amiens, Noviodunensis Noyon, Sylvanectensis Senlis, Bellouacensis Beauvois, Laudunensis Laon, & in aliis Belgii partibus, Cameracensis, Tornacensis, Morinensis & Atrebatensis*. Hic Galliarum Reges oleo inaugurari solent. *Lingonensis Ducatus (Duché, Pairie & Evêché de Langres)* urbem habet quæ quondam *Andomatunum Lingonum*, vulgo *Langres*. *Andomatunum* Ptol. *Antemantunum* vitiose apud Antoninum, paullo melius *Andematunum* in Peutingeri Itineraria tabula: Tacito *Lingonum* urbs, Gregorio Turonensi, *urbs Lingonica*. Episcopalis est, cuius Antistites Duces sunt & Pares Franciæ. Comitatus *Catalaunensis (Evêché, Conté & Pairie de Chaalon)* nomen impositum ab urbe *Catalauno*; *Cathelaunum* posterioris ævi scriptores vocant, quæ *Chaalon* hodie, cognomine in *Champagne*, Episcopalis civitas; ad Matronam planities, excelis decorata turribus, pyramidum instar ex-

surgentibus. *Lignienfis Comitatus (Conté de Ligny)* oppidum est *Lignium*; insignis vetustatis, ad Saltum fluvium. De *Mottenfi (Conté de la Motte)* præter nomen, nihil adhuc reperimus. Cum Campania solet explicari *Briensum (Brionenfes)* appellantur *Nithardo*) tractus, *Heurepensibus* contiguus, *la Brye*, antiquus Comitatus. Initium illi ad *Cretelum pagum*, haud procul ponte *Charrentonio*, ubi *Matrona Sequanæ* commiscetur: quorū ille *Campanos* fere, hic *Gastinenses* à *Brienfis*ibus separant. Nam quicquid fermè inter duo hæc flumina est, ad *Burgundiæ* usque Ducatum, *Brienfisibus* adscribi solet. Manet nomen in oppido, quod vulgo *Brye* vel *Bray* *Conté Robert*, sic dictum à Comite *Roberto Briensum* quodam principe, cui hic erat domicilium. *Briensum* urbes *Castellum Theodorici*; *Chasteau Thierry*: latinum *Medorum* vel *Meldarum* urbs; ad *Matronam* fluvium Ptol. nota; hodie *Meaulx*: *Provinsum, Provins*, oppidum abrosis suave-olentibus, conditis & dulciariis celebre. Ad censetur etiam huic tractui *Archiepiscopatus Senonensis*, & *Archevesché de Sens* cum oppido *Pontio*. Huic Archiepiscopo subsunt *Parisiensis, Meldensis Meaulx, Trecentis Troye, Carnutensis Chartres, Nivernensis Nivers, Aurelianensis Orleans, Antisiodorensis Aussoire* vel *Auxerre*. *Senonum* urbs, olim *Agendicum*, vulgo *Sens*, ad *Icaunam*, qui vernaculè *Tonne*. Præter Comitatus supra à nobis commemoratos, hi subiecti à Mercatore recensentur: *Bar sur Seine: Auxerre: Viconté de Tonnerre: Poursuivent, Braine, Grandpré, Mailly, Vertus, Rouffy, Retel, Ivigny, & Baronia Lainville*.

FRANCIA SPECIALIVS

strictiusque sumpta, vulgo France.

Regio.

Plcardiam cum Campania, qua potui fide, diligentia, brevitateque percurri: succedit in mea distributione Francia vulgo France. Francia nomen hoc loco limitibus quam alibi, angustioribus circumscribitur: & toti alioquin Regno propriū, pro parte tantum ejus (quam sequentia docebunt) hic accipitur. Francia autem de qua hic agimus, comprehendere sub se scribitur hodie Præfecturam & Comitatum (vel ut alii, Vicecomitatum) *Parisensem*, *Ducatum Valesium*, *ditionesque Hurepensium & Gastinensium*. *Præfectura Parisiensis*, *la Prevosté & Conté de Paris*, in quatuor dividitur ditiones, *Parisium*, *Goellam*, *Insulam Franciæ*, *Vexinum Francicum*. *Parisium* appellamus, quod vulgo *le Paris*. Complectebatur olim quicquid erat hinc à Porta Parisiensi, de qua paullo post, usque ad Pontem Æsiæ (*Pont Oyse*), inde vero Clayam usque, versus Brienses. Nomen ferè perit, nisi quod ejus etiamnum memoria servetur cum in quibusdam pagis, *Louvrès*, *Cormeille*, *Escova*, & aliis, qui *Parisi* (*en Paris*) cognominantur: tum in nummis qui vulgo *Sols & Deniers Paris*, & quibusdam Parlamenti Parisiensis taxationibus. Quin etiam sunt qui *Porte*, quam nunc *Parisensem* vocant, non aliunde nomen esse censent, quam quod ea in *Parisium*, de quo mihi sermo, duceret. *Parisi* hujus Urbs, totiusque nunc Galliæ Metropolis est *Lutetia*. Sic Cæsari nominatur; *Leucotetia* Prol. *Leucetia* Iuliano: *Lutetia*, *Cassellum Parisiorum* Marcellino, *Parisium* Zosimo. Nuperis istis *Lutetia Parisius*; non tam barbarè, ut quidam hodie putant. Hodie *Paris* vulgo, ab ipsis hujus agri po-

Urbes.

pulis. *Lutetia* quibusdam à *Luto*, propter paludes vicinas: aliis ab *Gypsis* fodinis proximis quasi *λευκοίαν*, quod ferè tota crustario constet opere. *Lutetia* multo quondam fuit, quam hodie, minor: in insula tantū quā ambit Sequana. Tenue ergo admodum tantæ Vrbi fuit initium. Sed tantilla insula ad crescentem indies hominum multitudinem paullatim capere nō fuit potis. Ductis in utramque continentem quasi coloniis, additisque locis suburbanis, ita sensim, productis variè pomeriis, excrevit, ut jam totius Galliæ sit maxima. In tres nunc secatur partes, quarum major, eaq; ad ripam fluminis dextram, humilior est, ad Ortum & Septentrionē vergens, *Villa* vulgo dicitur, *la Ville*: minor ad sinistram versus Austrum & Occidentē loco altiore, & qui per colliculos suos non nihil adfurgit, *Vniversitas* vocatur, *l'Vniversité*: media est *Insula*, quā *Civitatem* antiqua appellatione, *la Cité*, nuncupant, fluvio undiq; cincta; pontibus duobus quidē minori, tribus verò majori juncta. Architremus Poëta Anglus hinc illam versibus olim celebravit:

Exoritur tandem locus, altera regia Phœbi
Parthissi, *Cyrrhea* Viris, *Chrysa* Metallā,
Græca Libris, *Inde* studiis, *Romana* Poëtis,
Attica Philosophis: *Mundi* rosa, *balsamus* Orbis,
Sidonis ornatu, sua mensis, & sua potu,
Dives agris, *secunda* mero, mansueta colonis,
Misse ferax, fortis *Domino*, pia *Legibus*, *aura*
Dulcis, amana situ, bona quolibet, omne *venustum*,
Omne bonum si sola bonis fortuna *faveret*.

Haud



Haud procul Parisiis *Pons Charentonus* est, vulgo *le Pont Charenten*, non ignobilis vicus, ubi Matrona Sequanæ miscetur. Auditur hic *Echo*, quæ terdecies humanam reddit vocem; quæque quod admiratione dignum majore, quadrissyllabum integrè & perfectè, quater quinqueque resonat. Hæc de Parisio: sequitur *Goella*, ut quam minimè potest, discedam ab vulgato nomine, *la Goelle*. Huic etiam antiqui perierunt limites. Manet ejus tantum memoria quibusdam in locis ab *Goella* cognominatis. Est ibi *Comitatus Dam-Martinensis*, *la Conté de Dam-Martin*, ab insigni quondam oppido *Dam-Martin*, quod nunc in vici formam est redactum, in colliculo collocatum. *Insula Francia*, *l'Isle de France* ex ipsorum Gallorum definitione comprehendit quidquid terrarum est ab *Fano S. Dionysii* *Posiacum* usque & *Mommorantium*, atque universim quidquid inter finis gyroque jacet Sequanæ, hinc Picardiam, inde Normanniam vortum. Alii alios ipsi fines statuunt. *San-Dionysianum*, vulgo *S. Denys en France*, oppidum amœnum atque elegans, quod à Dionysio Areopagita imperiti rerum antiquarum & somniorum monasticorum creduli nomē sortitum arbitrati sunt. *Posiacum*, *Poissy*, oppidum non ignobile. Arx ibi Regibus quondam in deliciis. Eo Reginæ se conferre solebant, antequam D. Germani arx esset, partū edituræ. Ibidem Regum liberi educabantur, ut postea *Blæsis* & *Ambaxiæ*. Inter *Posiacum* & *Lutetiam* Fanum est D. *Germano* consecratum, vulgo *S. Germain en Laye*. Oppidum nonnullius antiquitatis. *Mommorantium* vernaculè dicitur *Mommorancy*. *Insula* succedit *Vexinum Francicum*, *Vexin*, vel ut alii, *Vulxin le François*. Continet quidquid est *Æsia* fluviio *Claromontem* usque, versus Picardiam. Perit & hujus memoria, nisi quod quoddammodo servetur, in antiquis quibusdam chartis &

monimentis. Hactenus de præfectura Parisiensi, quatuorque ejus ditionibus. Altera pars *Valesium*, vulgo *le País de Valois*; nomen habere putatur ab amœnissimis, quibus hæc ditio superbit, vallibus. Alii aliunde derivant. Comitatus olim, hodie Ducatus. Primus *Valesiorum*, ut & *Alenconii*, Comes dictus fuit *Carolus Philippus III* Franciæ Regis filius, *Philippi pulchri* frater: à quo per *Philippum VI* filium Regium *Valesiorum* stemma in Galliis fuit propagatum. Extendit se Ducatus *Valesius* in Picardiam usque. Primarium oppidum (præter *Crespiacum* *cressy*) *Silvanectum* est *Francis Senlis*. Dictum Latinis quidam augurantur, quod silvæ nectatur. Oppidum est antiquum, præter Episcopatum, præfecturæ & baillivatu nobile. Ditavit *Silvanecten* præfecturæ *Valesium* Ducatum Dynastiis, quæ vulgo audiunt *Pierrefons*, *Bethisi* & *Verberie*, comprehensis oppidis quæ nunc *Ange*, *le Pont S. Maxence*, (paludibus hoc cinctum est, limitemque statuit Franciæ & Picardiæ) *Pongoing*, *Brenonville* &c. Complectitur eadem præfecturæ *Compendium Compiègne*, sedem olim principum; *Carolopolim* aliis appellatum, ab *Carolo Calvo*, qui Pomeria ejus scribitur produxisse & munisse. Transgressis *Compendium* occurrunt statim Picardiæ populi, *Suessones* & *Laudunenses*. Sub *Compendio* sunt *Magny*, *Thorette*, *Creil*. Continet quoque *Silvanectum* *Pontis Æsia* (*Pontoise* vulgo, *Pontesum* nominat *Ivo* epistola cv) *Baillivatum*, Præfecturam & Vicecomitatum: cui parent *Ville-Neuve le Roy* & *l'Isle Adam*. *Ponte-Æsia* superato, se offert Normannia. *Silvanecten* insuper præfecturæ jus agnoscit *Comitatus Belmontius ad Æsiam*, *la Conté de Beaumont sur Oyse*; antiqua præfecturæ, cui subsunt *Persang* & *Meru*. *Comitatus Belmontius* dominos agnoscit, principes Regiæ stirpis *Vendomenis*. Ad hoc oppidum ultra *Æsiam* initium

initium capit Bellovacensis ditio. Sub Silvanectensi denique præfectura, simulque sub Valesio Ducatu est *Comitatus Bellovacensis, Conté de Beauvois, Beauvoisin*. Metropolitim habet *Bellovacum*: sic nominant oppidum, quod vulgo *Beauvais*. Apud Cæsarem, ut Nob. Vir Josephus Scaliger scribit ad Merulam, *Bratuspantium*, addens sub Cæsaribus transnominatum *Cesaromagus*. *Bratuspantium* tamen, ne quid dissimulemus, Carolo Bovillo pagus hodie putatur *Gravillier*, vel *Grattepance*: aliis *Clermont en Beauvoisin*; Vigenereo *Beaumont ad Esiam*. Est autem *Bellovacum* urbs situ amœnissimo, ad sitos habens montes fertiles non adeo excelsos: inde agros excipiente sementi commodos. Nec defunt vina. Incolis, præsertim fœminis, magna sunt privilegia, ab Ludovico XI Francorum Rege ipsis concessa, an. c10ccccclxxii, quod Carolus Burgundiæ Dûcem obsidionem solvere, reque infecta abire coëgerint. Haud procul Bellovaco est *Claramontium, Clermont*: oppidum est arce munitum. Hæc de *Valesio*: sequitur tertia Franciæ pars *Heurepense Territorium, Heurepois*. Initium capit ad Sequanam, sub ponte Parisiensi, qui parvus cognominatur; secusque eundem fluvium procurrit Corbolum, Melodunum & Moretum, ubi Verina amne, qui in Lonium se exonerat, se jungitur ab Gastinensium agro. Adhæret Brienſibus, ubi respicit Fanum, cui cognomen ab S. Columba grandi apud Senones. Continet autem Vicecomitatum & Baillivatam *Melodunensem*. Metropolis est *Melodunum*. Nomen hoc perperam apud Cæsarem bis est insutum; pro quo veteres omnes scripti codices commentariorum de bello Gallico habent *Metiosedum*. Verum quidem est *Melodunum* & *Metiosedum*

unum idemque oppidum esse: sed *Melodunum* posterius est, hodie *Melum*, in insula Sequanæ, instar Lutetiæ Parisiorum. *Melodunum* arce validum est. Quod oppidum bonis piscibus, præcipuè cancris suavissimis, nobilitatû & celebre, nunc *Corbueil*, vulgo *Corbolum* nominatur in vita S. Petri Tarentasii. Habet & hoc cum multis aliis arcem. *Fons Bella-Aqua*, vernaculè *Fontaine-Belle-eau*: cessus Regum amœnissimus quietique aptissimus: verè palatium, domicilium olim S. Ludovici, post Philippum, postremo Francisci Valesii. Multa ibi singularia. Quartum in Francia locum dedi *Gastinensium ditioni*; vulgo *Gastinois*: quæ ab Heurepensi separatur Verinâ fluvio. Comprehendit sub se *Ducatus Stampensem & Nemurcensem, Comitatumque Rupis-Fortis*, & alios. *Stampa, Estampes* vulgo, oppidum medio inter Lutetiam Parisiorum & Genabum Aurelianensium itinere, ad Iunnam fluvium, cammarorum, qui delicatissimi, parentem largum, ad Corbolum in Sequanam se exonerantem. Ducatus (qui olim Comitatus fuit) claret dignitate. *Nemursum, Nemours* oppidum ad Lonium fluvium, qui paullo infra Moretum Sequanæ concurrat. Inter Ducatus Franciæ etiam non postremi loci. *Rupes-Fortis, Roche fort* Gallo-Romanis dicta, Comitatus gaudet titulo. In Gastinensium quoque ditione cum *Millio & Moreto* (quod limes Gastinenses inter & Heurepenses, utroque arce prædito) aliisque oppidis est *Montargium*, quasi *Mons-Argi*, ut quidâ ratiocinantur; quod in circuitu ad spectus ejus procul extendatur. Incendio vastatum circa annû c1010xviii, postea renovatum fuit. Arcem & hoc habet, in qua depicta visitur historia canis venatici, qui heri sui mortem vindicavit, occiso eo, qui necem illi attulerat.

BOVLONGNE

COMITATVS.

Insunt & hi Comitatus; Guines, Ardres, & Fiennes Baronatus.

Item Episcopatus Tarvannensis, sive Morinorum, cui hæ

Diriones in spiritualibus parent.

Regio.



BOLONIA, vel ut alii, Bononia Comitatus, (*Conté de Boulongne*) satis est amplus. Totus hic tractus arenosus est, ejus generis arena, quam Vrentem vocant: unde & nonnulli Boloniam censent à Boullir derivatam, quod ridiculum videtur: nomen Comitatus à Bolonia oppido quod in superius hodie & inferius divisum. Initium Bononia Comitatus ab Montibus S. Ingelberti: procurritque ad fluvium Cancham, quæ ejus longitudo: latitudo ad lucum usq; Tournohensem porrigitur. Comitatus autem titulo nobilis est Bolonia, quam dignitatem adeptus est tempore Caroli Calvi Regis Galliar, quo tēpore S. Paul, Oye, Guines & Artesia eodem honore tituloq; potitæ sunt. Multa habet oppida & pagos. Interalia Boloniam oppi-

dum, quod duplex, superius & inferius. Illud altiore sitū loco, Burgus tantum, antequam ab Anglis obsidione premeretur. Hoc autem planiora occupans mare adluit. Alterum ab altero passibus distat centum aut circiter. Bononiam etiam nominant hac Galliarum parte varii. Bononiense oppidum habet quoque Panegyricus incerti auctoris Imperatori Constantino dictus. Civitas Bononiensium est in notitia provinciarum inter Belgicæ secundæ Civitates. Hodie Francorum vulgo Boulogne; Inferioris Germaniæ populis propius ad veterem appellationem accedentibus *Beumen*. Antiquissimis temporibus, uti censent V. N. Josephus Scaliger suis ad Merulam litteris, (nam ad Ausonium *Gessore* oppidum hoc tractu nomen retinere docet) Papirius, Massonius, Lelandus, Ortelius, & alii, *Gessoriacum*. His contestatur Peutingeriana tabula, in qua legitur *Gessoriacum* quod nunc Bononia. *Gessoriacum* Antonino dicitur, qui ei Legionem

Vrbes.



gionem adscribit xv, & alibi *Gessoriacensis Portus*, item *Gessoriacensis Portus* in mariis: Ptolemæo *Gessoriacum navale Morinorum*. Alii *Gessoriacum* non idem volunt cum *navali Bononiensi*: *Galesum* putat Ioannes Talbotus, *Fanum S. Audomari* alii: *Vicum Soaci* Turnebus; *Slusam* Boëtius, *Brugas* Hermolaus Barbarus, *Gandarum* Bilibaldus. Robertus Cœnalis diversa ponit *Gessoriacum Portum*, & *Gessoriacum Navale*; illum Bononiam censens; hoc autem *Castellum*, quod vulgo *Cassel*. Bononiensis porro fuit Godefridus, Eustathii Bononiensis Comitis filius, Lotharingæ Dux, qui Christianorum primus rex Solymorum. Propè Bononiam erat *Itius Portus*; quem qui *Calesium* oppidum esse arbitrantur, nullo negotio refelluntur à Ptolemæo, qui post Sequanæ fluminis ostia prius ponit *Itium Promontorium*, deinde *Gessoriacum navale Morinorum*, à quo oppidum *Calesium* distat plus quam xx millibus passuum. *Gessoriacum* idem esse cum *Itio* persuasum videtur M. Vellero. *Itius Portus* quibusdam *Fanum S. Audomari* censetur, adductis cum vetusto urbis nomine, quo *Sitieu* vocabatur, quasi, ut volunt, *Sinus Itii*; tum loci situ, qui quum valdè sit humilis, præaltis tamen littoribus urbem quodammodo cingentibus, sinum maris olim capacissimum fuisse indicat. Camdenus in sua Britannia docet *Itium Portum* diu fuisse in loco, quem hodie *VVithsan* voca-

mus: propè *Blanesum*. Verum hæc aliis disceptanda relinquimus. *Bononiensi* Comitatu succedit *Guinensis*, *Guif-* Comita-
tus,
Guinensis.
Oppida.
nes; qui determinatur ab Comitatu *Oyo* per canalem majorem, qui oppidum ipsum præterlabitur, Territorium ferè reddens inexpugnabile. Primarium oppidum *Guinesium*, *Guifnes*, in duas divisum partes, quorum una in paludibus sita, altera in continenti; loci natura munitum & validum. Cepit Rex Henricus II, missò illuc Francisco Lotharingio, *Guifæ* Duce, anno cxcv-lviii. De Danorum quondam in Guinensem terram jure, multa Meyerus in Annalibus Flandriæ, deque eorum Comitatu alia apud alios Historiographos, quæ hujus non sunt loci. Visuntur & alia oppida, *Hartincourt*, *Peuplinge*, *Conquelle*, *Portus Nievelletius*. Continet Comitatus hic sub se Baronatus *Ardresum* & *Courtembronensem*, singulos ab suis dictos oppidis, quorum unum *Ardres* vulgo, alterum *Courtembrone*. Item *Fienmensis* Baronatus. Duobus *Ardresto* milliaribus versus Oceanum occurrit *Calesium*, oppidum natura arteque munitissimum, Galliæ clavis & janua semper habitum, muris primo, ut fertur, cinctum ab Philippo Bononiensi, S. Ludovici Patruo. Arcem habet cum turri valida, quæ ingressum ex mari in portum prohibet. Captum fuit ab Eduardo V Anglorum Rege, pridie nonas Augusti, undecimo mense post horrendam pugnam, quam con-

tra Philippum VI, Francorum Regem, ad Cressiacum anno cccccxlvii pugnatum, multis depingit Paulus Æmilii lib. ix. Possessum ab Anglis annos cccxi, (nam frustra obsederat anno cccccxxxi Philippus Bonus Burgundus, Flandris ipsum deferentibus) & tanquam Gallia clavem in oculis, ut loqui consueverant Angli, servatum, expugnatum, Guisio Duce, Galli recuperant anno cccclviii, mense Februario. Aequali fere itinere versus Mediterranea *Caleto Bononiaque* distat *Teroana Morinorum*, vulgo *Teroane*: nomen retinens, quamquam ab Carolo V deleta, Episcopali sede Bononiam translata. Flandris, *Terrenmerberch*; *Teruanna* vel *Tarnenna* Antonino, *Teruanna* itinerariae tabulae, *Taruanna* Ptolemæo. Quosdam *Tarubanum* appellare Bovillus adserit. *Terrubanorum* meminit Trithemius in Francorum Historia. *Tervana* quibusdam quasi *Terra-Vana*, ob vilitatem territorii. In notitia Provinciarum, ubi Belgicae secundae Civitates recensentur, nominatur etiam Civitas *Morinorum*, id est, *Ponticum*, *l'Evesché de Teroane*. *Colonia* forte *Morinorum* in antiquo lapide, qui superioribus annis repertus fuit in Gelria, Sicambrorum olim

Principatu, dimidiato ab urbe Neomagiensi miliario. *Ditio* porro *Oyana*, *Terre de Oye*, porrigere se scribitur Duynkerkam usque, Flandriae oppidum. Sunt ibi prae-
ter *Oyam*, alia quaedam oppida sed ignobiliora. Ad Bononiam redeo. Ea omnibus rivulisque humectatur *Ar-*
chia, qui per Arquesse oppidum fanumque Audomari Gravelingam petit. Inde non procul *Scalense* est *Æstuarium*, ad usque Arderam arcem æstuans. Nec desunt æquorei rivuli duo, Marquisianus scilicet & Boloniacus. Est & *Hantia* seu *Hesdin* amnis *Hesdimo* oppido nomen suum communicans. Sequuntur deinceps Pontivorum paludosa fluentia, & *Cauchia* flumen. Horum vero nonnulli amnes pisculenta efficiunt stagna, seu vivaria, à vicinis oppidis denominata: cujusmodi sunt quæ sua lingua vocant *le Vivier d'Hames*, *d'Andre*, *d'Arbres*. Collibus arenariis universus hic tractus secundum littus maris septus est. In interiori vero regione sunt, quos sua lingua vocant *les Monts de S. Ingelvert*, & *les Monts de neuf-*
castel, & *Dannes*. Silvis vero ac lucis omnis ferè conspersa regio, cujus partes *les Bois de Surene*, *Celles* &c. Indigenæ habentur morosi, sibi ipsis plus satis indulgentes.

Gg

S E Q U I T

Flu m. na

Montes.
Silva.
Mores.

Anjou Ducatus habet Comitatus, Baronias, Dominia, ut Graon, quæ necdū inveni, aut distinguere potui. Homagium sive fidem clientelarem illi præstant hi Comitatus IV, Maine, Vendosme, Beaufort, la Val.

Jurisdictio.

Sedes Præsidialis totius Ducatus est Angiers, sub qua sunt particulares sedes juridiciales Angiers, Saumur, Bauge, & Beaufort en Vallée.

Status Ecclesiasticus.

Vnum habet Episcopum Andegavensem, Angiers; Turonensi Archiepiscopo subjectum.

Ducatus Andegavensis.


Regio.

SEQVITVR in nostra methodo Ducatus Andegavensis, la Duché d'Anjou. Hujus Provinciæ populos C. Cæf. Andes, Plinius Andegavos appellat. Incipit ab *Vico Choussay*, finemque accipit inter *Montcontour* & *Herraut*, ubi initium *Piçtaviensis* territorii, quod illi ab Meridie: versus Orientem confinia sunt Turonensium & Vindocinorum: ad Septentrionem Comitatus qui vulgo *Maine* & *la Val*: ad Occidentem denique Britanniam attingit. Regio fertilis & omœna magis quam ampla. Colles ibi vitibus passim consiti, valles silvis saltibusque viridantes, læta præta, ericeta gratissimum pecori pabulum præstantia. Vina hic alba, notæ nobilissimæ, vulgo *Vins d'Anjou*. In summa quicquid huic vitæ usui esse potest, hæc Provincia suppeditat. In nonnullis etiam hujus Provinciæ locis illud genus lapidis cœruleum & fissile effoditur, quo Templorum ubique ædiumque recta contra cœli injurias muniuntur: *Ardoises* vernaculè vocantur. Rex Chilpericus, occiso Comite *Paulo*, Andegavensem urbem obtinuit: suisque eam posteris reliquit, Franciæ Regibus:

Soli fertilis.

Imperium majorem.

quorum Carolus Calvus superiorem quidem provinciæ partem *Torquato* (alii aliter vocant) dedit, reservato sibi supremo in eam jure: inferiorem autem *Eudoni* Parisiorum Comiti, cujus ex fratre *Ruperto* Comite Andegavensi Duceque Celticæ nepos *Hugo Magnus* eam largitus est *Fulconi*, Torquati ex *Ingelgero* filio, nepoti. *Fulconi* ordine successerunt *Fulco* II, *Gotefridus* vulgo dictus *Grisgonella*, *Fulco* III, *Gotefridus* II, *Fulco* IV, *Fulco* V, qui Hierosolymorum Rex fuit, post *Baldvinum* cujus filiam ipse viduus duxerat uxorem: *Gotefridus* denique VI *Barbatus*, cui sociata fuit *Machthildis*, *Henrici* I Angliæ Regis F. Hujus quidem filius *Henricus* Rex fuit Angliæ, ejus nominis II: Andium vero comites *Gotefridus* VI & *Gulielmus*: quos quum paricidiali bello victos terris suis pepulisset frater Rex, filios natu majores in Angliæ Regno, *Gotefridum* autem VIII in Comitatu Andegavensi successores habuit. *Gotefridi* filio *Arturo* Comiti, Britanniaque per matrem *Duci*, bellum movit Patruus *Joannes* Angliæ Rex. Fecerat jam *Arturus* homagium, ut loquuntur, & fidem principatus



capitus sui nomine promiserat Francorum Regi Philippo Augusto: à quo instigatus quum Pictones Regi Patruo ereptū properaret, cum exercitu Ligerim jam transgressus, ab eo ex improviso superveniente captus, Rotomagum est abductus, ibique non multo post occisus. Id non ferendum rata *Arturi* mater, Constantia Conani Britanniae Principis filia & haeres, Regem Ioannem paricidii accusavit, apud Franciae Regem, quem dixi: quumq; vocatus se iuri non sisteret, paricidii damnatus est sententia Parium Franciae, ejusque Provinciae quas in Gallias habebat, Fisco Regis sunt adjudicatae: quam sententiam ipse Rex exequens, Andegavenses sibi deditione subjecit, Regique Francorum *Ludovico* filio nominis ejus VIII reliquit. Huic successit filius *Ludovicus IX*, Sanctus cognominatus, qui Provinciam hanc *Carolo* fratri apennagii jure concessit. Hunc sequutus *Carolus II*, qui Clementiam filiam loçans *Carolo Valesio* Provinciam hanc dotis nomine largitus est. Huic successerunt Franciae Reges, *Philippus Valesius* filius, & ex eo nepos *Ioannes*, qui nobilissimam hanc Regni portionem Ducatus titulo, anno cccccl. decoratam filio *Ludovico* apennagii jure dedit. Hunc sequuti sunt descendente linea *Ludovicus II*, & *Ludovicus III*, quo sine haerede mortuo principatum adiit *Renatus* frater. Hic defunctis liberis, haereditatem dixit sui fratris filium *Carolum* (alii fratrem fuisse volunt) qui haereditatem scripsit *Ludovicum XI* Regem. Et sic coronae Franciae fuit adnexus, eique unitus mansit, nisi quod *Franciscus I* eundem suae matri *Aloisia Sabaudae* in usumfructum tradiderit. Rex *Carolus IX* eum jure apennagii tribuit *Henrico* fratri, qui deinde Poloniae & Franciae Rex. Metropolis Ducatus *Andegavum*, est *Andegavensis* Civitas *Paulo* Dia-

cono; vulgo *Angiers*. *Ptolemeo* dicitur *Iuliomagus Andegarum*, ut legendum monet *Merula*. Sita est in utraque *Meduana*, *Maine*, fluvii ripa, pontemque habet lapideum flumini injectum. Insignis ibi Politia. Episcopali fulget dignitate: Senescallatu etiam & Baillivatu, sedeq; superbiens Praesidiali. Academiam habet celebrē ab *Ludovico II* Andegavensium Duce, anno cccccxcix institutam; evocato, qui jus ibi profiteretur, *Francisco Balduino*. Habet hic Ducatus multa insignia oppida, alia aliis majora. Pauca, ut vernaculē sonāt, dabo: *Saumur* ad Ligerim cum arce; Academiam, quam apud Regem magni viri moluntur, brevi habiturum: *Montreneau*, *Bauge*, *Beaufort*, *Brissac*, *Monstreul-Belay*, *Maleuvreir*, *Ghantoceau*, *Viliers*, *Duretail*, *la Flesche*, *Chasteau-Gontier*, *Segre*. In hac Provincia multa stagna, magnus lacuum numerus, rivuli non pauci, & plus quam quadraginta sunt flumina; sunt & vivaria paludesque, fontes item infiniti. Inter amnes praecipui sunt *Ligeris*, *Loire*: *Vigenna*, *la Vienne*, *Viane* & *Vignane*: *Meduana*, hodie *Mayne*: *Sarra*, vulgo *Sarra* & *Lorius*. Extra urbem Andegavum vetustae monstrantur ruinae quae vulgo *Grohan* dicuntur. Hic quondam Theatrum ab Romanis exstructū fuisse perhibetur. Apparent multae parietinarum murorumq; reliquiae. Effodiuntur & infinita probae notae numismata. Ceterum huic Ducatui praeter alios Comitatus, Baroniae, Dominia quae habet, homagium sive fidem clientelarem praestant hi Comitatus 4: *Mayne*, *Vendosme*, *Beaufort*, *la Val*: de quibus ordine agemus. Comitatus *Cenomanensis*, vulgo *Conté de Maine* primo loco occurrit. Hunc tractum *Ptolemei* tempore *Cenomani* infederunt. Provincia autem *Cenomanorum* inter primas Gallias habitari cepit. Olim ejus limites longius se extendunt,

Lacus.

Flumina.

Vetus & cypida.

Comitatus Cenomanensis.

Soli qua-
litate.Imperium
Majorū.

derunt, quam nunc protenduntur, idque facile colligi potest ex iis quæ Livius, Polybius & Iustinus, de irruptione Cenomanorū in Italiā litteris mandarunt. Territorii una pars fertilis est, alia sterilis, incolisque facilius est venaticas carnes, quā panem & vinum apponere; nō tamen iis omnino carent, aliqua enim huius Provinciae partes tam fertiles sunt, ut eam nec Andegavensis Ditiō, nec Turonia vini bonitate, frugumque fertilitate superent. Solum herbosum pastionique pecudum commodum. Hanc vero Provinciam sub Aquitania comprehensā, aliquando paruisse legimus Ducibus Aquitanis, donec inter Reges Franciæ, Ludovicum IX & Angliæ Henricum III pactum fuit, ut Anglus Aquitania, quam ab Septentrione Carentonus fluvius, ab Meridie Pyrenæi Montes terminarent, contentus, in perpetuum cederet Normannia, Terrisq; Cenomanorum & Andegavensium; eique numerarentur 110 10 aureorum millia. Rex Franciæ Ioannes Andium & Cenomanorum Comitatum Ludovico filio Secundo-genito dedit. Donationis Diploma anni 1100 ccc l x in scrinio Regis adhuc visitur. Ludovico ordine successere Ludovicus II filius, & Ludovicus III nepos. Hi tres titulum Regum Neapolitanorum gesserunt. Ludovico tertio vita defuncto nullis post se relictis liberis, ei successit Renatus frater, quem Regina Neapolitana Ioanna, ejus nominis II, suum heredem in Regno Neapolitano & in Comitatu Provinciæ instituit. Renatus ex Isabella Caroli audacis filia suscepit Ioannem filium, Calabriæ Ducem, cui supervixit Renatus pater. Hic Ioannes ex Maria Caroli Ducis Borboniæ filia, genuit Nicolaum Calabriæ Ducem & Marchionē Pontensem, qui absq; liberis decessit, avo Renato adhuc superstite. Renatus nepori suo Renato ex Iolanta filia, & Friderico

Vadimontano; jura Regni Neapolitani & Comitatus Provinciæ resignare noluisse, sed ea Carolo fratri suo. Cenomanorum Comiti, reliquisse fertur: qui cum etiā paullo post moreretur, Ludovicum undecimum rerum suarum heredem instituit. Caterum tota hæc Regio Oppida. superioribus annis in duas quasi abiit partes. Civitas *Cenomanensis*, ditioni addita est Regis Franciæ; Urbes autem *Menia*, *Maine* cum Marchionatu nunc in Ducatus decus erecto, Guisæ gentis agnoscit dominium. Oppidum primarium ad Sartram fluvium, vulgo *le Mans*. Ab initio sedes Baillivatus; post Henricum II Præsidialis est facta: ad quam variorum oppidorum appellationes devolvuntur. *Ducatus*, olim Comitatus, *Vindocinensis*, *Duché de Vendôme*, initium capit à Baugenciaco, limite inter duas Belsias; quæ cognominantur *Soloma* & *Vindocina*, fines longè latèq; extendens ad Santonas usque, ut quidam volunt. Dicitur ab *Vindocino* oppido, vulgo *Vendôme*. Ptol. fortè *Οὐίνδιον* (sic enim legendum) est Aulerciorum Cenomanorū, in Gallia Lugdunensi urbs. Nihil hic adfirmamus. Nā *Οὐίνδιον* illud, certius fortean est oppidū quod hodie *le Mans*; quæ Magni Scalligeri sententia. *Vindocini* Comites originem ducunt ex Imperium ma, c. 100. Borboniorum stemmate. Primum Comitem legimus *Ludovicum Borbonium*, Ioannis Marci Clermontiq; Comitæ F. Successerunt huic recta linea filius *Ioannes*, *Franciscus* nepos, & *Carolus* pronepos, quem primum *Vindocini* Ducem creavit *Franciscus I* Galliarum Rex. Filium *Carolus* habuit *Antonium*, *Vindocini* Ducem, Franciæ Patrem, & per Ioannam Albretam conjugem, Navaræ Regem, quo natus *Henricus Borbonius*, Galliæ ejus nominis IV, Navaræque Monarcha potentissimus, Bearnii Princeps, Dux *Vindocini*, &c. Sunt & *Beaufort* & *la Val*.

Ducatus
Vindoci-
nensis.

Regio.

BITURICVM vel *Bituricensis Ducatus*, *Duché de Berry*, qui in nostra methodo sequitur, ab Septentrione Soloniam inferioris Belsiæ partē, à qua Caris fluentis disternitur; ad Ortum Hurepenses, Nivernenses, & Borbonios respicit, constituente hic limitem rivulo, cui nomen *la Faye*: qua Meridies est, Lemovices habitant, ubi *Croure* fluit; qua Occidens Pictones & Turones à quibus fluviolo, qui *Clery* vulgo, separatur. Segerum est fertilissima, vini rerumque aliarum ad vitam cultumque, necessarium. In primis pecore abundat, quod ab incolis per universā distrahitur Galliam. Domicilium hic olim *Biturigibus*, quos *Cubos* scribunt cognominatos Strabo, Ptolemæus, alii. *Bituriges* enim Galliæ populi, duplices erant, cognomētis distincti, *Bituriges Cubi*, quorum Metropolis *Avaricum*, primæ Aquitaniæ; *Bituriges Vibisci* aut *Vivisci*, queis primaria urbs *Burdigala*, secundæ Aquitaniæ. Vtraque Civitas libera sub Romanis, teste Plinio, *Civitas Bituricum* vel *Berotigorum* Notitiæ Provinciarum, in Aquitania prima vel Sexta Vinnensi. De Gentis appellatione multa Ioannes Calamæus qui *Biturigum* Historiam sex libris complexus est.

Imperium
majorū.

Principatum apud Francos Hugone Capeto tenente, *Biturigibus* præerat nomine regio Gotsfridus. Ab eo originem traxisse perhibetur *Harpinus* is, qui ab Rege Henrico I. emit *Comitatum Biturigum*. Hic non multo post accingens se ad expeditionem Palestine cum aliis Principibus, eundem Corone uniendum vendidit *Philippo* I. Aliquot post annis apennagiū iure *Comitatum* in *Ducatus* dignitatem tunc evectum obtinuit à patre *Ioanne Valesio* Francorum Rege *Ioannes Valesius*: quo sine prole mascula mortuo, Ducatus ad

Regnum rediit. Adsignatus est postea *Ioanni* Caroli VI, qui numerosa prole gravatus erat, filio. Hic, quum ~~amix~~ obiisset, successorem reliquit *Carolus* fratrem, qui Rex Francorum inauguratus, sponsalibus, quæ inter Henricum Angliæ Regem & Catharinam ipsius Germanā contracta jam ante fuerant, insuper habitis, quum ei major Regni pars ab Anglis esset erepta, per ludibrium *Biturigum* Rex fuit appellatus. Patri Carolo subrogatus est *Carolus* VII, Ludovici XI Francorum Regis frater. Post eum *Margareta*, Regis Francisci soror, nupta primò Carolo Alenconio Duci, deinde Henrico Albretano Navarræ Regi, *Ducatum Biturigum* ab fratre in usum-fructum accepisse scribitur. *Margareta* denique, ejusdem Francisci Regis filia, *Bituriges* accepisse traditur ab fratre Henrico II, quum nuberet *Emanueli* Philiberto Allobrogum Principi. Primariam ejus urbem Cæsar, Antoninus & alii *Avaricum* vocant, quæ nunc vernaculè *Bourges*. *Bituriga* Ammiano & aliis. Dicitur & *Biturica*, *Biturica*, *Bituriga* Vrbs, & *Biturica* civitas. *Avaricum* quidam dictum volunt ab *Eura* flumine, quo alluitur. Locata est in agro perquam amæno; qui non modo frumentorum omnium & leguminum, verum etiam vinorum præstantissimorum, pecorum, volucrum, & quorumcunque fructuū est feracissimus. Quatuor beata est rivulis, qui vulgo *Anfron*, & *Aurette* ab una; *Ture* & *Molon* ab altera fluentes parte. Quis condiderit, ut pleraque alia oppida, incertum est. Veteris paulo sequior, quam hodiernæ, urbis fuit situs. Ad paludes scilicet vergebat, cujus etiam nunc cum admiratione videntur muri, propemodum integri, solidissima materia, ut passim veterum Romanorum opera, constructi: initium capiunt



capiunt ab turri, quam *magnam* vocant, pergentes per medium D. Stephani Templum, plateam D. Ioannis Campestris, portamq; Gordianam usque ad Novam, cui olim ab S. Andrea nomen; inde per plateam Amphitheatri, vulgo *des Arenes*, se ad portam Turonensem extendunt; hinc autem, porrecto ambitu versus portam D. Pauli, paulatim turrim, quam dixi, repetunt. Postea prolatis variè pomœriis ita fuit hæc Urbs amplificata ab Carolo Magno & aliis; ut jã nunc cum maximis & munitissimis Galliæ Civitatibus contendat; formam habens oblongam, amplissimã & spaciosissimam. Munita est octoginta editis crassisque *turribus*. Inter eas principem tuetur locum quam antea *Magnam* dixi appellatam, vernaculè *la grosse Tour*, ab insolita crassitudine, minoribus undique turribus muroque, & fossis profundissimis, Philippo II Augusto Galliarum Rege circa annum c10 cxc curante, cincta: forma est rotunda, magnæ altitudinis. Aliam omnino similem fuisse ajunt, sed dirutam; à binis turribus *Bituribus* nomen inditum fabulantes. Et laudat antiqui Grammatici carmen Calamæus:

Turribus à binis, inde vocor Bituris.

Hæc talia patior aliis persuasa magis, quam mihi. Septemdecim hic sunt *Ecclesie* quas *Collegiatae* vulgo vocant: Septemdecim *Parochie*. Hæc urbs *Archiepiscopali* fulget *Sede*: sua floret *Academia*, cui nulla per totam Galliam par; doctissimorum virorum genitrix & emporium. Viget in ea maximè jurisprudentia, quam ibi

professi sunt Professores excellentissimi. Est autè *Avirici* summum totius Ducatus tribunál, cui præsidet Monarcha Biturigum, qui vulgo *le Bailly de Berry*. Ad hunc devolvuntur omnes appellationes cum à Prætor urbano, tum ab omnibus finitimorum aliorumque Territorii Bituricësis locorum Magistratibus. Habet autè Præfectus Bituricësis sub se Metropolim ipsam *Avaricum* & v Diœceses, *Issoudun*, *Dun le Roy*, *Vierzon*, *Mehun*, *Concreffault*. Metropoli adcententur, Comitatus, *Sancerre* & *S. Aignan*, Baronia *Montfaucon*: Castellania ferè xl. *Sancerram* quidam arbitrantur dictam ab *Cerere*, quæ ibi culta perhibetur: tanquã *Sacrum* vel *Sacellũ Cereris*. Doctiores latinè scribentes hujusmodi Etymologiã averfati *Xantodorum* vocant. Comitatus gaudet titulo, qui anno c10 xv permutatus cum *Bellovacensi*. Arcissimã sustinuit Sancerre obsidionè anno c10 10 lxxiii: famè passa tam sævam, ut post devoratos avidè canes, feles, equos, glires, mures, talpas, post consumta cornua, corium, pergamenas & similia, ne excrementis quidem carnibusque humanis fuerit parcitum. Parent ipsi Castellaniæ *Sancerres*, *Beaufeu*, *Chapelle d'Anguillon*, *le Châtel de Boncard*, *lalonges*, *Tarenay*, *Verdigny*, *Menesme*, *Charentomay*, *Brie* & aliæ. *S. Aignan* nomen habet ab *S. Aniano* Episcopo. Baronia *Montfaucon* latinè sonans *Monte Falconis*, completitur Dominia *Baugy* & *Gion*, item *la Fane*, *Lyrron*, *Cony*, *Villabon*, *Scury*, *Marçilly*, *Marnay*, *Farges*, *Avor*, *Saligny*, *Percigny*, *Cru*, *Lassax*, *Boisbofon*, *Nuiffement*, *Villiers*, *Compoy*. Castellaniæ denique nominantur

minantur *Ays d'Anguillon, Suryen Vaux, S. Soulange, S. Palais, la Salle du Roy, Bueil, Quantilly, Pomorigny, Francheville, la Chapelle, Nancay, Drye, Levreux, Beaulieu, Bre cy, Beugy, S. Fleurant, Neufvi sur Baranion, Morthonnier. Marmaignes, Maubranche, S. Vrsin, Tillay, Brilliers, Vatan, S. Satur, Lury, Estrechies, Maulpas, Ville-neufve, S. Crapaix, Asilly, Iussy le Chauldrier, la Corne, les Chai zes, Vauvilles, les Cloyes, Bonge.* Hæc de Metropoli latissima que ejus Iurisdictione: reliquæ Diœceses sunt *Yssouldun Regia Civitas & Baillivatus, qui sub se habet Baronias Chasteauroux, Gracay, Ceracay, S. Severe. Lynieres, cui adnexa est Castellania Rizey. Argenton, in qua Ravennes Senescallatus & Servignet Præfectura.* Castellaniæ vero numerantur *Bourssat, Chateau Meillant, Mareul, Nefi S. Sepulchre, Kully, Puuldy, Massy, Cahors, Perouse, Chastellet, Masseuvre, Augurande, S. Chartier, le Palletau, Bommieres, Moche, Fully, Voullon, la Ferté, Nohant, Ville Dieu, Chastre & Charroux. Dunum Regium, Dun le Roy, cui sub sunt Castellaniæ præter alias Pra dict Callaut, Baronia: Chasteau-neuf, ad Carim, S. Julian. Vierzon, Civitas Regia & Diœcesis sub se habens Dominia Champre, Motte d'Aisy, Saragosse, Brivay, Mery. Mehun jus dicit Castellaniis Love & Foici. Concressault sive Concoussault sub se habet Vailly, Argeny, Clemon, Beaufeu.* Fluminibus hæc regio partim rigatur, partim alluitur: *Ligeri, Souldra, Aurrona, Cherre, Theone, Indro, Creusa,* ac nonnullis aliisignobilioribus

rivulis. Montes hic nulli celebres. Silvis hinc inde conspergitur regio, quarum præcipuæ sunt *Silva Roberti, & Lacenna Silva.* Ad Opera publica & privata venio. Avarici præter triginta quatuor Ecclesias de quibus supra dixi, sunt Cœnobia quatuor *Ordinum Mendicantium:* duæ *Virorum Abbatia,* una *S. Sulpicii* potens & dives extramuranea: altera intra urbem *D. Ambrosii* valde etiam dotata: tres *Mulierum.* Exstructum ibi non ita pridem fuit à pio Magistratu *Ptochodochium,* pauperibus aliisque adfluctis alendis consecratum. Inter splendida *Aedificia,* quorum magnus semper hic fuit numerus, primum agmen ducit *Domus Iacobi Cordi,* qui vixit tempore Caroli VII, superba & sumptuosa. Sunt & *Aedes Almanorum,* qui quondam regiae gazæ præfuerunt, antequam Nundinæ quæ ibi maximo peregrinorum concursu celebrari solitæ, Lugdunum transferrentur. Infinita monstrantur hic cum intra tum extra muros veterum ædificiorum elaborati operis & materię præstantis rudera: multa & quotidie eruuntur; præsertim ex fossa arenarum, uti vocant; ubi quondam *Amphitheatrum.* *Archiepiscopus Bituricensis, de Bourges,* hos habet suffraganeos Episcopos: *Claremontensem, Clermonti: Rutenensem, Rodes: Lemoricensem, Lymoges: Menatensem, Mende: Albigensem, Alby; Cadurcensem, Cahors: Castrensem, Castres: Tutelensem, Tulles: S. Flori, S. Flour: Aniciensis, le Puy,* est exemptas.

Silva:

Opera publica.

Flumina.

Hh

PICTONIVM

Regio.

PICTONIVM vel *Pictavia*, quæ sequitur, vulgo *Poictou*, spectat versus Meridiem Engolismenses & Sanctones; ad Occidentem habet Oceanum: qua Septentrio est, Britannos respicit & Andegavenses; reliqua Turones, Bituricenses, & Lemovices claudunt. Regio est frugum, pecorisque, lanæ, linique feracissima, vino frumentoq; dives: avium ferarumque magnam habens copiam: quo fit ut venationes aucupiaq; hic sint frequentia. Regni titulo decorata legitur hæc Provincia ab Gothis; quos hinc, ut tota Aquitania, exegit Francorum Rex Clodovæus. Imperator Ludovicus Pius Aquitaniæ Regnum filio *Pipino* dedit; cuius filios *Pipinum* & *Carolum* quum Carolus Calvus, ipsorū Patruus, Aquitania dejectos monasteriis inclusisset, ipse Principatum invasit, donoque consanguineo suo *Arnulpho* dedit; sed, abrogato Regni titulo, Ducatus honore insignitum. Arnulpho successerunt ordine *Guilielmus Bonus*; *Eblo* I, & II, *Guilielmus* II & III, *Guido*; *Guilielmus* IV, & V: hujus unica filia & hæres *Eleonora* collocata fuit *Ludovico* VII, Francorū Regi: à quo propter adulterii & prodicionis suspicionem repudiatam duxit *Henricus Normannia* Dux, qui defuncto Stephano Angliæ Regi successit. *Henricum* tam in Angliæ Regno, quam in dotalibus paternisque in Francia ditionibus sequuti sunt ipsius Filii *Richardus* & *Ioannes*. Quum autem *Arthurus* filius *Godefridi* (qui Regis *Ioannis* major natu fuerat) præferendum se *Ioanni* diceret, persuasus ab Francorum Rege *Philippo Augusto*, ut *Pictones* Patruo *Ioanni* eriperet, rem viribus adgressus, ab *Ioanne* qui ex improvviso supervenerat, suis copiis, captus est,

*Rotomagum*que raptus temeritatis suæ pœnas dedit. Eam ob causam *Ioannes* Rex ab *Constantia Arthuri* matre apud *Philippum* Regem paricidii accusatus, damnatus fuit: ejusque bona *Philippo*, tanquam feudorum domino, sunt adjudicata, cum alia, tum *Pictavia*: quâ mox Successor ipsius *Ludovicus* VIII *Alphonso* filio concessit: quo improli defuncto, in potestatem Regis *Philippi* III venit, penesque ipsius posteros mansit, donec, regnante *Philippo* *Valesio*; ab *Eduardo* III Anglorū Rege fuerit recuperata, retentaque plenius cum tota Aquitania per sancitam inter eundem & *Ioannem* Francorum Regem pacem. Factum mox ex Aquitaniæ Ducatu Principatum Rex *Eduardus* filio concessit: qui quum Aquitanis gravissimum imperasset tributum; magnam partem amisit, defectione ab iis facta ad *Carolum* V Francorum Regem: cuius Nepos *Carolus* VII Anglos tota Aquitania, anno *MDCCCLIII* exturbavit, filioque Regi *Ludovico* XI reliquit. Hic eam fratri largitus est *Carolo*: quo mortuo, rursus Rex *Ludovicus* receptam ad Regem *Carolus* VIII filium transmisit: à quo tempore *Aquitania*, cuius non ignobilis portio *Pictavium*, deinceps in potestate permansit Regum Franciæ. Veteres incolæ fuerunt *Pictones*, Cæsari, Straboni, & Plinio: *Pectonies* Ptolemæo, *Pictavi* Ammiano Marcellino. *Pictonicam* Regionem appellat Aufonius: Civitatem *Pictavorum* vel *Pectavorum* Notitia Provinciarum in Aquitania II, vel VII Viennensi, hodie le Pays de *Poictou*. *Pictonibus* populos *Agesinates* jungam cum Plinio. Horum verisimile est memoriam adhuc superesse in *Pago Aigounois*, haud procul Fano S. Maxentii, quod oppidū ad Severū fluvium,



fluvium. Toto errant cœlo, qui *Aginnates* cum *Agessinibus* confundunt; quum inter utrosque minimum iter quinque dierum sit interjectum. De varii generis Principatibus, qui Pictonio concenserī soliti, quę habeo ascribam, si prius de Metropoli & regia ejus Civitate nonnihil dixerō. Ea est *Pictavia*. Sic Latini nunc vocant,

Pictavia, quā *Αὐγαστοπύ* Ptolemæo, *Augustoritum* Antonino. *Pictaviam Urbem* appellat Gregorius Turonensis. Urbs antenissimio sita est loco, clivoso tamen; nisi quod una parte, quam *Trancheam* patrio vocabulo dicunt, in planiciem abeat: omnium Galliæ urbium post Lutetiam amplissima. Eam Clanius maxima parte ambit. Academia hic studio juris civilis celebris, cui alter post Parisiensem locus solet tribui. Instituit Carolus VII Francorum Rex, anno cccccxxi. De qua Scaliger in urbibus;

Si studium est anima: veniunt à corpore vires;

Galliaque à meritis poscit utrumque sibi.

Hæc studiis, alia belli exercentur amore:

Pictavium est animus, cetera corpus erunt.

Antiquitatem ejus testantur Theatrum, Palatium Galieni, & Fornices aquæductuum qui etiam hodie *les ducts* vocantur; Romanorum in hoc loco imperii certissima monimenta. Sunt qui Agathyrſis atque Gelonis, filiorum Herculis successoribus (qui Picti à Poëtis vocantur) ejus foundationem attribuunt. Hi etenim q̄b concitatas seditiones domesticas patria pulsi, in Angliam devenerunt, inde numero & multitudine aucti, novis querendis sedibus, in Galliam trajecere, ubi à suo nomine Pictones populos, hanc quoque Civitatem

condidisse feruntur. Aliter alii scribunt, cum ex Pomponio Mela, & Plinio constet, ante etiam multo, quam hi ex Anglia venerint, Pictonium extitisse memoriam. Claram reddit hanc Urbem Episcopalis sedes, cui maxima laude præfuit D. Hilarius, doctrina ac pietate singulari Antistes, qui Arrianæ factioni invictum se antagonistam opposuit, ac præclaros illos & nunquam intermorituros de S. Trinitate libros xii, magno tum ingenio, tum eloquentia conscripsit.

Curia Pictaviensis regitur manu Præsidis & duorum *Oppida*, Vicariorum, quorum unus civiles, alter criminales cognoscit causas. Ad hanc multorum hujus Provinciæ oppidorum tribunalia pertinent: ut præter Pictaviam ipsam, de qua dixi, sunt *Niort* cum arce: hic amplissimi Pictonium mercatus ter anno: *Fontenay le Comté*, arce item præditum: mœnia hujus oppidi præterfluit rivulus *Vendæus* (*Vendée*) qui subinde adeo excrescit ut totum Fontenai territorium vicinaque loca inundet: *Lusignan*, ubi castrum antiquum, quod vulgo *Melusine*, &c. *Montmorillon*, *Chastelheraud*, *la Basse Marché*, *Dorat*, *S. Maxent*, & alia fortean: quibus additum *Sivray* erectum in Senefcallatus dignitatem, arce potens. Est autem, ut eam nunc partem adgrediar, sub Pictonio Principatus titulo ornata (præter *Talmonem*, *Talmont*: sic dictum quasi *Talon du Monde*, *Calcanus mundi*, ut quidam volunt) *Rupes super Ioanniam*, *Roche sur-Ion*, Familiæ Regalis Borboniæ. Noverunt avinostri *Ludovicum Borbonium*, Ioannis Vendomiæ Comititis *F. Rupis ad Ioannam* Principem, Comitem Mompenseriū ejusque filium *Carolus*. Ducatus dignitate claret *Castellum Herald*, *Chastelherault*, ad Vingennam. Vicecomitatus

mitatus sunt *Tovars* ad *Tovium* fluvium, *Brosse*, *Bridieres*, *Roche-Chovart*. Baronatus Dominiique honore insignita sunt oppida non pauca, quæ turbato, ut in oculis veniunt & mentem, ordine ponam: *Mainlers*, ubi piscatio salmonum, alosarum, quæ clupeæ aliis, balænarum & asellorum præcipuè, qui arefacti ventoque & frigore indurati in varias regiones solent exportari: *Partenay*, *S. Maxent*, *Melle*, *Chizay*, *Chauvigny*, *Lussac*, *Bressuyre*, *Charrou*, *Chasteneraye*, *S. Mesmin*, *S. Gillis*, *Chasteaumur*, *les Sables d'Aulonne*, *S. Hermine*, *Montaigu*, oppidum cum arce, salinis nobile: *Mirebeau*, *la Motte*, *S. Beraye*, *Vouvant*, *S. Hilaire*, *Mortemer*, *Luzac*, *S. Savin*, *l'Isle Jourdain*, *S. Benoist du Sault*, *Bourg-neuff*, *Meroil*, *Mervant*, *Brige*, *Vouyer*, *Villefagnaux*, & alia. Fuisse & in Pictonibus *Limorum* colligitur ex Antonini itinere quod *Burdigala* ducitur *Augustodunum*: *Limorum* *Ptolemæo*, in *Tabula Itinera* scribitur *Lomounum*. Illud magni viri putant idem esse transnominatio quadam, cum *Augustorito*, *Poitiers*. Nihil audemus hic affirmare. *Limoni* mentio in *Commentarij A. Hirrii* ter: ubi tamen quidam libri *Lemovicum* contra fidem & auctoritatem manuscriptorum codicum præferunt. Fuvij quibus irrigatur sunt *Clanvius*, *Vigenna*, nunc *Vienne*, *Vendeus*, & alii, qui piscium magnam subministrant copiam. Silentio non est hic prætereundum *Amphitheatrum* apud Pictones *Pago Doveo* adjacens, manu quidem & arte humana factum, sed ita, ut videri possit à natura: totum enim excisum, & excavatum est in monte, sine externa ulla materiatione calcis, lapidis, ligni. Montis ipsius & *Amphitheatri* plenissima est delineatio, ex fide *Levini Kerfmaker*

ri, *Consulis* quondam *Zirikzæi*, *Zelandiæ*que primis hujus belli motibus *Gubernatoris*, apud *Justum Lipsium* libello de *Amphitheatris*, quæ extra *Romam* cap. vi: qui *Pagum Doveum* addit aliquid amplius olim fuisse, cum ex eo non pagani operis argumento, tum ex viæ antiquæ publicæque reliquiis, quæ ex pago eodem pertinuit ad *Pontem Casarianum*, vulgo *Pont du Sey*, cujus viæ pars adhuc variis locis conspicitur, pars autem maxima corrupta est, lapidibus in ædificia variè absumtis aut avectis. Medio circiter ab urbe *Pictavia* milliari, itinere quod *Avaricum* *Biturigum* ducit, in via regia ingens spectatur saxum, forma quadratum, quinque lapidibus fulcitum, unde vulgo *la Pierre Levée*. De eo distinctione hoc extat:

*Hic Lapis ingentem superat gravitate Colossum
Ponderis, & grandi sydera mole petit.*

Status Ecclesiasticus habet *Episcopatus* tres, qui sunt *Tolosano Archiepiscopo*: *Pictaviensem Poitiers*, in quo sunt *Abbatia* 27: *Lucionensem*, *Lucon*, sive *Lusson*, in quo sunt *Abbatia* decem: *Mallacensem* sive *Maliacensem*, *Maillezay*, in quo sunt *Abbatia* 4. Ad mores venio. Agricola non nihil habent peculiaris linguæ: quibus qui parum fidit, sapere perhibent. *Hominum* genus, quod, feras prohibitum, lites venatur: contentiosum, & in simpulo fluctus excitare gnarum. Urbani dissimilis planè genii & ingenii, faciles, benefici, liberales, candidi, fucos & imposturas detestantes, eruditionis & eruditorum, qui hic non pauci, amantes. Nobilitas provida, strenua, audentior.

Hh 3

PICTA-

Flumina.

Cypraputlica.

Mores.

Regio.

PICTAVIÆ succedit in mea methodo *Lotaringæ Ducatus*. *Lotaringia*, ut quidem Latine scribentes vocant, dicta ab *Lotario*, Ludovici Imperatoris, Francorumque Regis vel filio, vel nepore. Parum refert. Ludovico sanè Pio quatuor fuerunt filii: qui moto paricidiali in Parentem bello, eoque apud Sueffones in Monasterium detruso, omnes ejus principatus inter se diviserunt: constitutaque Tetrarchia, proceribus Imperii intervenientibus, res eo deducta est, ut *Lotarius* primogenitus Imperii titulo, cum Italia, Narbonensi Gallia, iisque ditionibus, quæ mox *Lotaringia* appellatione innotuerunt, fueretur: Ludovicus Germaniam; Carolus Franciam ab Mosa ad Oceanum: Pipinus denique, vel ex eo filius cognominis, Aquitaniam possideret. Lotario filius fuit, præter Ludovicum in Imperio sucessorem, *Lotarius* *Lotaringæ* Rex. Quæ igitur initio *Lottar-rijck*, vel *Lot-reych* Germanis, id est *Lotarii Regnum*, latina, eaque depravatiore terminatione postea *Lotaringia* cœpit audire: *Lorraine* incolis, reliquisque Francis, quasi *Lot-regne*, conciliis literis. Memoriam præbent rerum Francicarum Scriptores, *Lotaringia* quondam ampliores fuisse limites, *Austrasiam*que olim nuncupatam vel *Austriam*, *Oost-reych*, (quum ex adverso esset *Westrasia*, vel *Westria*, *West-reych*: corruptè etiam *Neustria*, occidentale Regnum) divisam in superiorem & inferiorem: contentamque inter Rhenum, Scaldim, Mosamque flumina; inferiorem hodie varia nomina obtinere, diversisque subesse Principibus: superiorem quæ & *Mosellania* & *Tullingia* cognominabatur, exceptis aliquot ejus portionibus, sub unius nunc esse imperio, & quotam totius partem antiquo nomine florere: adeo

ut *Lotaringia* hodie conjaceant ad Orientem quidem *Alsatia*, & quæ specialiore notione *Westrasia*: ab Meridie verò *Burgundia*: qua Occidens est *Campaniam* habeat, qua Septentrio, *Arduenna Silva* terminetur: (occurrentibus mox *Leuceburgiis*, *Trevirensibus*, aliisque populis ibi conregionalibus) quæ olim *Lotaringia* partes fuerunt nobilissimæ. *Lotaringia* hæc nostra licet altissimis innexa montibus silvisque densissimis, externa tamen opis non indignetur, per se ferax frumenti & vini. Metalla generat varii generis, argentum, æs, ferrum, stannum, plumbum: nec gemmæ desunt, quarum ad *Vogesi* radices lucrosa est piscatio. Reperiuntur & lapides, quos ab cœruleo colore *Lazulos* nominant incolæ, magnum inde lucrum facientes. Est & materia, qua specula & vitrinæ fabricantur: qualis in reliquis Europæ Provinciis non invenitur. Nascentur insuper hic miræ magnitudinis chalcodoniæ, ita ut ex fructis permagni calices consiciantur. Animalia producit varia: imprimis equos generosissimos, Neapolitanis Turcicisque subinde non impares. Decorata fuit olim *Lotaringia* Regni titulo, uti patet ex Francicorum Scriptorum monumentis. Reges pauci admodum, & vix duo tresve, memorantur. Statim enim Carolus Calvus, post patruelis Lotarii excessum, ipsius ditiones invasit, suisque adjecit Principatibus. Non multo post ad Ducatus dignitatem est redacta. Primi Duces sparsi per Historias & variorum Scripta. Henrico quarto imperante *Lotaringiam* tenuit *Gottfridus*, is qui postea, ducatu *Bullioneo* vendito, memorabili in terram sanctam cum *Balduino* & *Eustathio* fratribus expeditione victricia arma per *Asiam* *Syriam*que in urbem *Hierosolimam* intulit, ac Rex *Hierosolymæ*

Situs.

Soli fertilitas.

Animalium varietas. Imperium majorum.



folymæ creatus fuit. Huic successit *Balduinus*, *Balduino Eustathius*. Postea tradidit *Henricus quintus Cæsar* ducatum *Guilielmo Comiti Lovaniensi*, à quo Lotaringici procreati principes *Theodoricus*, *Theobaldus*, *Fridericus*, & reliqui, usque ad *Carolus ultimus*, à quo devolutus est Ducatus ad *Fridericum Comitem Vadimontium*, authorem stirpis Ducum, qui nunc Lotaringiam tenent. Eam *Mercator* duabus tabulis luculenter exhibet, quarum altera partem septentrionalem, altera meridi-
 nalem depingit. Habitarunt olim Lotaringiam, quæ nobis præ manibus, *Mediomatrices* & *Leuci*. *Mediomatrices* Cæsari lib. IV, Tacito, Plinio, Straboni & Ptolemæo: *Mediomatrici* etiam Cæsari lib. VII. quorum Metropolis *Divodurum*, hodie *Metz* appellatur: *Civitas Mediomatricum*, hoc est *Metis*, Notitiæ Provinciarum sub Belgica I: *l'Evêsché de Metz, le Pays de Mezin*. *Leuci* Cæs. lib. I, Lucano lib. I, & Plinio *Liberos* cognominati: *Leuci* etiam Ptolemæo, qui Metropolim ipsorum facit *Tullum*. Sic in notitia Provinciarum sub Belgica I, *Civitas Leucorum*, hoc est *Tullum*, *l'Evêsché de Toul*: *Tullum* item *Leucor*. novit Antonini Itinerarium. Sunt etiam qui *Tulingos* Cæsaris ad Lotaringiam referunt. Metropolis Lotaringia est *Nancejum*, vulgo *Nancy*: oppidum non amplum, sed situ pulcro commodoque, loco plano, forma quadrata, magnifico Lotaringicorum Ducum palatio nobile. *Nanceji* mænia lambit *Murta*, qui tribus inde milliari-
 bus paullo supra arcem Candeï Mosellam intrat. Putant Petrus Divæus aliquē *Nancejum* hodie esse, quod *Nasum* Ptolemæo, *Nasum* Antonino in Itinere, quod *Durocortoro* ducit *Divodurum*. Sed si quis penitus itineris istius rationem consideret: facile deprehendit Antonini *Nasum* incidere non posse in locum

illum, ubi hodie *Nancejum*: adeo ut *Nasum* illud sit, non quod nunc *Nancejum* dicimus, sed pagus XII inde milliari-
 bus distans non procul ab Mosâ in Barroducana provincia, qui vulgo *Nas* dictus, unde *Nasensis*, in lapide ibi effosso. Certe *Nasum* illud amplissimam aliquando urbem fuisse, satis patet ex ruderibus: quod etiam testatur apud Ortelium *Clemens Trelæus Mosellanus*. *Nancejum* dignitate sequitur *Fanum S. Nicolai*, vulgo *S. Nicolas*, duobus inde distans versus Orientem milliari-
 bus ad Murtam fluvium, loco plano & fertili. Hic locus advenarum frequentia in eam exerevit amplitudinem, ut jam non pagum, sed urbem, ac quidem totius Lotaringiæ cultissimam, quis posset dicere, si muro clauderetur: ea est ædificiorum venustate, apta viarum dispositione, incolarum multitudine, ut nihil requiri queat: sed ob mercaturam præcipuè, & omnis generis opificia commendatur: mercatores habens perquam opulentos, vicinis suis ditiores. Alia minorum gentium oppida, ne lectori tædium pariam, prætereo. Vno distat milliari *Nancejo Fruart*: tribus *Ormes*: paullo amplius *Bayon* & *Luneville*: quatuor *le Pont à Mouson* & *Gerbeviller*: quinque *Charmes*: sex *Chastenoy*, *Morbanges* & *Vaucoleur*, paullo plus *Maxen sous Bresse*: septem *Dompaire*, *Deneuvre*, *Hodon Chateau*: octo *Ramberville*, *Raon*, *Bellemont*, *Neuff-Chateau*, *Mugstat*, *Marchain-Ville*: novem *Espinal*, *Bruyeres*, *Darney*: decem *Ormont*, *VV alderfing*, *Beaurams*: tredecim *Vaigny*: quatuordecim *l'Esfraye*. Comitatus titulo & dignitate clarè, quæ vernaculè *Vaudemont*, quinque *Nancejo* milliari-
 bus. *Chaligny* ad dextram Mosellæ, leuca semi *Nancejo*. *Amance* septem milliari-
 bus ab *Mediomatricum* urbe versus Meridiem: *Almentia* latinè scribentibus: scrinium olim & antiqua Lotaringiæ cancellaria,

cellaria, testantibus Archivis ab Rosiero prolatis. *Richecourt* haud procul lacu, qui vulgo *la Garde lac*, unde amnis profluit, qui inter Fanum S. Nicolai & oppidum *Rosieres* Murtæ miscetur. *Remiremont* ad sinistram Mosellæ, insulam ibi facientis, in Lotaringiæ meridionalissimis: *Rumaricum Castellum* habet hic Aimoinus Monachus: *Ardomarici* corruptè legitur apud Reginonem, pro *Ad Romarici*, divisim: *Rimelsberg* Germanicè nominatur Spigelio ad Bartholini Austriad. Spectantur haud procul inde Valles, quæ vulgo *l'Estraye & Vagny*. *La Mothe* ad amnè situm est, qui mox in Mosam se exonerat. Vi-
situr ibi territorium, cui nomen *le Sanctoy*. Sunt & Comitatus quidem Imperii Salmenfis, *Kirchinganus* & *Blanckenbergius*. *Blanckenberg*, Gallis *Blanc-mont*, oppidum est non magnum, sed pulcrum & amœnum. Spectatur ibi castrum vetus, spaciosum & magnificum, cui Palatium Novum Ducis, venusta structura insignis, est cõjunctum. Incolæ agriculturæ dant operam. *Nomeni* Baronatus est ad dextram Sellæ fluvii, tribus miliaribus ab urbe Mediomatricum, Meridiem versus. Dominia sunt *Marsal* ad Sellæ sinistram, haud procul lacu Lindero, in quo Insula cum oppido *Techensul*. *Remere-ville* tribus Nancejo miliaribus. S. *Bellemont*, totidem Mortâ. *Rambert-Ville* ad dextram Mortanæ, haud procul fonte, ubi Silva Mortanensis. *Rosieres* ad Murtam, prope Fanum D. Nicolai, duobus Nancejo miliaribus. *Homburg* grandiore leuca ab oppido *Sarbruk*, ad amnem, qui mox Saravo concurrit. *Mariemont* ab montè, cui oppidum impositum; uno ab Lindero lacu milliari, Meridiem versus. *Sandacourt* medio fere itinere inter Vaudimontem & Mortam, in agro, qui vulgo *Sanctoy*. Mediomatricum urbem, quæ cum Tullo aliisque Imperialis olim erat, in suam potestatem rede-

git Galliarum Monarcha, Henricus II. Ea nunc dicitur vulgo *Metz*, & posterioris ævi Scriptoribus *Metz*, Gregorio autem Turonensi & aliis *Vrbs Metensis*: *Divodurum Mediomatricum* antiquis fuit appellatum. Itineraria Tabula: *Divo Durimedio Matriarum*: lege, *Divoduro Mediomatricorum*. simpliciter *Divodurum Ptol.* & *Divodorum Tacito* lib. iv & Antonino. Variorum nugas de recentis nominis ratione non lubet adscribere. Sedes olim fuit Regni Lotaringiæ. De eaeleganter Petrus Divæus in Itinerario. *Metensis Vrbs in ampla sita est planicie, quam Mosella in variis divisus alveos irrigat, & pars quidem ejus muros ad levam lambit, pars & eosdem subit, ut Civium usibus inserviat, atque sic divisim fluit ad inferiorem usque eorum ambitum, ubi recepto Sella, altero Flumine, qui dextram urbis partem adluit, in unum denuo alveum colligitur. Sed situ imprimis ipsius urbis delectabatur; quum enim Agrum latè circumjacentem planum habeat, ejus tamen area paulum prominet, ut in eo Veterum rationem in condendis urbibus agnoscas. Ad summum siquidem templum multis gradibus ascenditur, juxta quod Forum rerum venalium altiore totius area partem occupat, & ab eo undique versus muros paulatim descenditur, prærupto tantum in una parte clivo, ubi Viæ duas lapidibus stratas sic dispositas vides, ut alter per alterius domorum culmina excurrat. Cives Mediomatrics nominantur in Inscriptione, quæ extat Moguntia ad S. Albanum. Quæ Toul vernaculè, Tullum olim: Tullon Leucorum oppidum Ptol. Tullum Antonino: Tullum Itinerariæ Tabulæ. Quæ denique Verdun, latinis vocatur hodie *Viridunum* & *Verdunum*: *Verodunum* Antonino dicitur. *Civitas Verdunensium* in Notitia Provinciarum: *l'Evesché de Verdun*. Leguntur autem tres urbes, quas commemoravi, Comitatus etiam titulo & dignitate insignes.*

Lotaringiæ Ducatus pars Meridionalis.

Lacus.

NUNC ordo & methodus nostra postulat, ut Lotaringiæ suos amnes clariores demus, paucula de lacubus præmittentes. Stagna habet piscosa & lacus. Inter quos memoratur ille, cujus ambitus est quatuordecim milliarius, in quo carpiones insolite magnitudinis, trium videlicet pedum: saporis vero adeo grati, ut aliarum regionum carpiones suauitate multò superent. Exhujus lacus piscatione tertio quoque anno Dux Lotaringiæ sedecim percipit Francorum millia. Fluminibus irrigatur celeberrimis *Mosa, Mosella, Saravo, Voloia, Moriana, Murta, Sella, Hidia, & aliis.* De *Mosa* ad Inferiorem Germaniam. Reliqui ad hunc Ducatum propriè pertinent: *Mosella* quidem & *Saravus* potiore parte; cæteri ferè integri. Oritur *Mosella* in monte Vogeso, haud procul Araris fontibus, paullo supra vicum, qui vulgo *Bussan*: lapsusque ab Vulturno ad Caurum, perlustratis oppidis, quæ vernaculè *Estraie, Remiremont, Espinal, Charmes, Baton*, flexoque ab Oriente in Occidentem cursu, rectà petit *Tullum*, urbem Episcopalem, unde in Orientem resurgens, *Fruardum* usque versus Aquilonem tendit: visisque Mediomaticis, Trevirensibus aliisque populis, ad *Confluentiam*, cui ab re nomen, *Rheno* confluit. Germanis *Mosel*: Gallis *Moselle*. *Obringos* putatur ab *Rhenano*, & aliis *Ptolemæo* dici lib. 11 cap. 19. *Ioannes* tamen *Heroldus* *Obringon* apud *Ptolemæum* non fluvium esse notat, sed designari tractum eum ad *Rhenum*, qui nunc temporis *Ober Rhingam* appellatur: *Clemenseriam* *Trelæus* *Mosellanus* testatur ut scribit *Abrahamus Ortelius*, quendam ad *Mosel-*

Flumina.

lam tractum *Obrinci* nomen hæcenus retinere. *Mosellam* singulari doctoque Carmine celebrat *Ausonius Eidyll. 111* ab aquæ limpiditudine, navigandique facilitate: villis atrisque, quibus utraque ripa decoratur: piscibus *Capitone, Salari, Redone, Vmbra, Barbo, Salmonæ, Mustella, Perca, Tinca, Alburnio, Alausa, Gobio & Siluro*, quibus abundat; fluminibus denique in ipsum decurrentibus *Pronea, Nemesa, Sura, Gelbi, Erubro, Lesura, Drahona, Salmona, Saravo, Alisontia.* *Mosellam & Ararim*, facta inter utrumque fossa, connectere, Imperatore *Domitio Nerone*, adgressus est *L. Vetus*; ut copiæ ex Italia per mare, dein *Rhodano & Arare* subvectæ per eam fossam, mox fluvio *Mosella* in *Rhenum*, exin in Oceanum decurrerent: sublatisque itinerum difficultatibus, navigabilia inter se Occidentis Septentrionisque littora fierent, uti scribit *Cornelius Tacitus* lib. XIII. De hoc *Ausonius*:

Te fontes vivique lacus, te carula noscent,
Flumina: te veteres pagorum gloria, luci:
Te *Druna*, te sparsis incerta *Druentia* ripis,
Alpinique colent Fluvii, duplicemque per urbem
Qui meat, & dextra *Rhodanus* dat nomina ripæ:
Te stagnis ego cœruleis, magnumque sonoris
Annibus, æquorea te commendabo *Garumna*.

Saravus, haud procul *Salmen* sibus ortus, fluviorum omnium qui in *Mosellam* exeunt est maximus: navigiorum patiens, & aliorum annium, quos in se recipit: clarus lustratis urbibus oppidisque, quæ vulgo *Sar-Burg*,



Sar-Burg, Feneſtrange, Sar-VVerden, Sar-Alben, Guemund, Sar-Pruck, VValderſing, & aliis: tandem ad mœnia Auguſtæ Treverorum Moſellam convenit, non longe à *Kontherbruk*. Meminit ejus Auſonius in Moſella. Nomen hodie retinet. *Sar* enim accolis audit. *Sarra* etiam veteribus dictus, docente Inſcriptione quæ Trevero tranſlata ex oppido ad eum fluvium ſito, quod hoc tempore vocatur *Sar-Pruck*, hoc eſt *Sarra Pons*.

CÆS. RO. EXER. IMP. P.P.
S.C. AU. TREVE. INGR.
ESSUM. H. CASTRA. SARRÆ
FLU. PRO. MIL. CUSTODIA
BIENN. POTITVS. EST

Voloja fluvius eſt margaritiferus, qui ad vicum *Charmeni* Moſellam ingreditur. *Mortana* ad pagum cognominem Murte miſcetur. *Murta* vel *Meurta*, multis in ſe receptis amnibus, Moſellam loco plano inter prata paullatim accedit, & longo tractu, æquali quaſi curſu, comitatur, relicta inter utrumq; ad alveum exigua admodum terra, donec tandem paullum ſupra Condeſj arcem, quæ à dextris in rupe eſt pago ſibi cognomini impendens, factò cū Moſellæ alveo angulo acutiſſimo, ejus & aquis miſcetur. Jungit ſe eidem ad Mediomatricum urbem *Sella*, initium quaſi capiens ex Lindero lacu, qui ſale dives & piſcatura. Duplex denique *Nida* (Orientalior enim *Germanicus*, Occidentalior *Gallicus* dicitur) factò ad pagum Northenium concurſu, duobus infra *Boſſonis-Villam* (Abbatia nomen eſt) milliariſibus in Saravum exoneratur. Eſt in valle Deodatenſi fons, ad

complures morbos ſanandos naturæ beneficio efficax. Sunt & Salinæ in quibus ſal ſubtiliſſimum, guſtu ſuaviſſimum, ac Scythica nive candidius generatur, & quibus quotannis Dux Lotaringie centum percipit millia Francorum. Altiffimi hanc Provinciâ ambiunt montes, qui omnis generis metallorum abundantia Pyrenæos montes longè ſuperant: inprimis autem Argenti fodinæ, ſupra quam dici poſſit fecundæ ſunt, ex qua quidem Argenti ubertate haud parvus Ducatui fructus accedit. Gignit & Vogefus Mons in valle Leberia Argentû purum, ſed non ita multum. Sylvas habet præterea Lotaringia frequentes easque denſiſſimas, quarum aliquot nomina lingua vernacula adponemus, quæ ſunt *VVarped-vvaldt, de Benoît, le bois de Mortaigne, Boſeyne, Bois de Mordon, le Ban-bois, le Bois de la Voyge, de Heyde*, & aliæ. Inter opera publica, apud Pagum *S. Nicolai* duobus milliariſibus Nancejo diſtantem, ad Murtam fluvium templum eſt non magnæ antiquitatis, ſed vaſtæ molis, editæque ſtructuræ, luſinoſum omnino. Columnæ, quæ totum ſtaſtigium ſuſtinent tantæ ſunt, cum gracilitatis, tum altitudinis, ut tanto oneri ferendo vix pares judicentur. Turres habet duas, in quarum una Caroli Lotaringici Cardinalis, qui idem Metenſis erat Epicoſopus, cuique hæc parebat Eccleſia ſub Prioratus, ut loquuntur, titulo, in ſummo culmine Symbolum, obeliſcus ſcilicet cum hedera circumplicata, & Inſcriptione *TE STANTE VIREBO*. Aquæ Pagum *VVaſſerbillich* ubi Sura fluvius Moſellæ confunditur, eſt alius *Igel* vulgo nuncupatus, ubi in loco eminenti ſpectatur nobiliſſimum illud venerandæ antiquitatis monumentum, quo nec cis Alpes inſignius aliud exſtare exiſtimatur, quodque ipſis

Opera publica.

Italici

Italis possit ostentari: moles est lapidea, ex quadrata basi pedum xxi sensum assurgens ad pedum circiter $lxxiv$ altitudinem, tota ab omni parte variis imaginibus semiplanis insculpta: in fastigio Aquilæ restat fragmentum, globo insidentis, cui expansæ alæ, & ante petus velum fuisse apparet. Est Nanceii Ædes D. Georgii, in qua monumentum visebatur Caroli Audacis, Burgundiæ Ducis, ab Helvetiis & Lotaringis nonis Januarii anno $cio\ cccclxxvii$ acie cæsi, cujus reliquias, Caroli V Imperatoris, ipsius Pronepotis jussu, anno $cio\ ccl$ mense Octobri inde Leuceburgum solenniter trātulit Boisotus, Ordinis aurei velleris Præco, Brugas hinc mox, Mariæ Hungariæ Reginæ mandatu, transportandas. Sunt in eadem D. Georgii Æde aliquot Lotaringicorum Ducum tumuli, qui Inscriptionibus carent: ut & in aliis templis. Posteriorum Ducum pars potior ad D. Francisci Ædem sita est. Spectare ibi est superbum Renati, qui victoria potitus est contra Carolum Burgundiæ Ducem, monumentum. Conditi jacent ibidem Dux Antonius, ejusque filius Franciscus, Carolique Ducis uxor Claudia Valesia, Henrici II Galliarum Regis filia. Armamentarium habet Nancejum, machinis bellicis omnis generis instructissimum. Templum est in urbe Metensi D. Stephano sacrum & alia, de quibus Divæus. Templum D. Stephani nomen tenet, qui civitatis est Patronus, pulcherrimum vero opus, si quod aliud toto hoc itinere vidimus, & sua mole spectabile: quodque raro accidit, omni ex parte consummatum. Dicebatur in eo fuisse Crucifixi ligneam imaginem, totam laminis aureis superinductam. Vidimus Labrum Porphyriticum rubei coloris magnæ capacitatis, pedes x longitudinis excedens, in quo lustrales aquas adservant. Sunt & alia in hac eadem urbe sumptuosa templa, & multa

erant in ejus suburbiis, inter quæ D. Arnulphi Basilica, Imp. Ludovici Pii Augusti, Caroli filii & filiarum aliquot Pipini Regis sepultura celebris. Omnia hæc absunxit belli rabies, ita ut suburbiis ne vestigium quidem nunc supersit, neque ultra muros quidquam præter campestria videas. Haud procul Metis, prope pagum Jovy, in Mofella antiqui aquæductus sunt vestigia. De iis sic Divæus in Itinerario: In hoc Itinere Pagus est Jovy vulgo dictus inter montium radices & Mofellam, ubi quantacumque est inter montes utrosque, qui ripas ambiunt, distantia, Aquæ-ductum antiquitus fuisse, indicant ejusdem, quæ adhuc exstant, reliquia. Arcuum adhuc restant multi, suntque ex albo lapide, in laterum formam dissecto: & nonnulli quoque ejusdem operis in adversa ripa cernuntur. Incolæ adferebant in eodem loco fontem hodieque esse, quamvis hos arcus (solita incitiam) Ponti inservisse putantes, & ab hoc Pago in montis ipsius jugo minores alios Arcus fuisse dicebant, qui versus urbem Metensem, quæ uno hinc distat miliari, excurrisse viderentur. Altitudo juxta ripam pedum est circiter lx : unde conjicere est, quanta totius operis moles fuerit, quantaque altitudo Arcuum, qui in ipso erant Fluminis alveo, quorum hodie nihil superest. Referebant iidem incolæ, superiorem Arcuum partem planam omnino esse cemento rubei coloris inductam, & in ejus medio Domunculam non ita multis ab hinc annis adhuc fuisse, ab utraque parte patentem, quam nos partem tecti fuisse, quæ tubum tegeret, suspicabamur. Mediomatricum urbem, quæ olim Imperialis erat, Henricum II Galliarum Regem in suam potestatem redegisse, supra diximus. Præsides urbis Senatui missus ab Rege Magistratus. Tribunal autem Mediomatrici urbis tres habet Episcopatus sub Metropoli Trevirensi, Metensem, Tullensem, Viridunensem, sic ab locis nuncupatos, in quibus suæ singulis sedes.

Regio.

HÆc pro methodi ratione de Lotaringia sint
saris; succedit Burgundiæ Ducatus sive inferior Burgundia. *Burgundia* nomen à *Burgundionibus*; qui Germaniæ populi, ex Vandalorum orti sanguine, dictique à *Burgis*, id est, præfidiariorum castris, ab Almannis (in horum enim agris violenter in Capellario, ubi hodie Palatini Comititis Ditio, consederant) exturbati, sub Theodosio Arcadii filio, juniore, expulsi latè Sequanis Eduisque, hanc veteris Galliæ partem cum Nuichonibus (quorum Tacitus meminit) occuparunt. Petrus Sancto-Julianus *Burgundia* Etymon ab loco quodam deducit, vulgo *Burg-ogne* in agro Langrensi. Olim *Regnum*, circa annum cixxxxiv, bipartitum in *Ducatum* & *Comitatum* abiit: quorum ille, versus Occidentem, *Burgundia Inferior* & *Regia*; hic ad Orientem, *Superior* & *Imperatoria*. De *Ducatu* hac descriptione mihi agitur: de *Comitatu* descriptione proxima dicitur. *Ducatum* cingunt, qua Oriens est, Rhodano interfluente, Sabaudia & Burgundiæ Comitatus; qua Meridies, Lugdunense Territorium; ad Occasum latissimi Nevernesium Borboniorumque occurrunt agri; ad septentrionem Campania se offert. Hujus ager planus & soli fertilitate nulli cedens; hic enim cerat cum Cerere Bacchus. *Richardus* Comes Augustodunensis vir strenuus, & in re bellica exercitissimus, totius Burgundiæ cis Ararim Dux institutus fuit à Francorum Rege Odone; qui præfuit Ducatui Burgundiæ annis xxxii. Hic Burgundiam *Rudolfo* filio reliquit, qui in Regem Francorum fuit electus, ac successorem habuit in Ducatu, *Hugonem Nigrum* fratrem. Huic *Odo* fra-

Burgundia Ducatus.

Situs.

Soli fertilitas.
Imperium
majorum.

ter aut filius (utriusque enim sententiæ autores reperio) successit. Quem sequutus *Henricus* frater. Quo sine liberis defuncto: *Robertus* Francorum Rex, Ducatum Burgundiæ ex testamento, ut ajunt, *Henrici* adeptus est. Huic successit filius *Robertus*, *Roberto Hugo* ex *Henrico* filio nepos. Hunc sequutus est *Otho*, hunc *Hugo III*. *Hugonem III Odo* filius. Quem ordine sequuti sunt *Odo III*, *Hugo IV*, *Robertus III*, *Hugo V*, *Eudo*, *Philippus*. Quem sine liberis defunctum sequutus est *Ioannes* Francorum Rex, cui successit filius *Philippus* cognomento *Audax* à patre Ducatu Burgundiæ donatus. Patri *Philippo* successit *Ioannes* cognomento Intrepidus, atque huic *Philippus Bonus* seu *Mitis* filius. Atque hic *Carolus* ob plurima bella quæ gessit, *Bellatoris* cognomine sortitus. Post cujus obitum hanc omnem ditionem occupavit *Ludovicus XI*. Metropolis Ducatus *Divio*, *Divionum* Gre-
gorio Turonensi, Gallis *Dijon*. *Divionis* conditor habetur vulgo, nobis potius restaurator, pomætiique productor, *Aurelianus* Imperator. Nomen ab *Divis*, quibus plurimis ibi fuit cultus, impositum putatur. Hac urbe nihil in Burgundia pulcrius. Sita est in planitie amœnissima, duobus fluminibus *Suzione* & *Oscara* (*Suson* & *l'Ouche* vernacule) utrimque muros adluentibus: ille quidem periculosissimis exundationibus urbem infestare consuevit; hic pisculentus admodum alveo fluit quietiore, rerum multarum usum subministrare solitus. Muri ad justam propugnandi magnitudinem in altum sunteducti: turribus propugnaculisque nuper exstructis muniti. Justitiæ ibi est tribunal & parlamenti sedes: unde veluti ex sinu, patriæ jura petuntur. Qui in *Majorem*
hujus

Urbes.



hujus oppidi legitur, non tam honorem quam onus suscipere, vel invitatus & renitens, cogitur, jusque-jurandum præstare in templo D. Virginis, præeunte verba Procuratore Regio, se Regi fidèlem futurum, defensurumque suæ Civitatis Jura, Libertates & Privilegia, adversus quoscumque, Regem etiam, quoties flagitat necessitas. In vicinis urbi montibus optima crescunt vina. Episcopales porro urbes sunt *Augustodunum* & *Caballinum*: sua utrumque suspiciendum antiquitate. Priori nomen *Augustoduni* natum ab Augusto (Octaviano, an quo alio, non valde laborandum: nam qui ab *Auge* Apollinis conjuge derivant, fabulas narrant) qui dirutum bello, quod Cæsar contra Gallias gessit, restauravit. Hodie *Austum* dicitur. Urbs quondam amplissima, sed multum de pristina gloria amisit. Visuntur hic etiamnum magnæ Theatri ruinæ, itemque Aquæductuum, Columnarum, Pyramidum: effodiuntur etiam cotidie numismata antiqua, aliaque antiquæ suppellectilis monimenta. Est & hodie templis publicisque structuris conspicua. Ad sita est radicibus montium, qui vulgo *les Monts de Cinis*, ad fluvium Arrousum. Hæc de *Augustoduno*: sequitur *Caballinum* vel *Caballionum Eduorum*: vulgo *Challon sur Saone*. Quis condiderit, non constat. Sita est hæc Urbs ad dextram Araris ripam: agri uberrimi, cœlique saluberrimi. Eximie felix, convhendisque secundo Arari mercimoniis idonea; unde ab Cæsare commeatui parando, exercituique qui sæpe in plures distractus erat partes, distribuendo deleta. Hæc *Guntchramni* aliquando regia fuit. Eam Lotarius Ludovici Pii Augusti F. postea incendio totam absumpsit, ut ne vestigium quidem civitatis appareret. Sed ob

loci oportunitatem postea iterum caput extulit, estque hoc tempore mercimoniis opulenta. Hæc de metropoli, urbibusque Episcopalibus: sequuntur nonnulla Ducatus hujus minorum gentium oppida. Inter *Caballinum* & *Matisconem*, medio fere itinere oppidum est, quod vulgo *Tornus*, *Tinurtium* Spartiano & Antonino. Solo situm est fertilissimo; ab Arari undique cinctum. Colles in agro suburbicario vini generosissimi feraces. Ab utraque etiam urbe Matisconensi & Caballionensi itineris spatium prope æquali distat *Cusellum*, Regiæ ditionis oppidum, ut Paradinus censet, *Secusianorum*, *Secusiumque* Ammiano dictum. Situm ad radices Juræ Montis, multis licet hodie ruinis deformatum, miram præ se ferens antiquitatem. Ab Oriente montes habet celsos, amnesque perennes, qui limpidas & potu suaves edunt aquas, unde fons saluberrimus ex topheo & vasta rupe in oppidum longè porrigitur per ligneos tubos. Ab Occasu plancies se in sinum laxissimum pandit. Tertia fere leuca ab urbe Caballionensi versus Septentrionem est *Belna*, vulgo *Beaulne*, ad amnem, ad colis *Bour-soize* dictum. Sunt qui volunt *Bibractem* esse Cæsar's & Strabonis. Aliis alia mens est. Situm est hoc oppidum loco uliginoso, & qui, ut scribit Paradinus, nullo pæne negotio, nulloque ab hostibus discrimine, posset lacum urbi ad primum lapidem offundere, quo hostes ab se submoveat. Urbs tota valido mœnium sepimento circumdata propugnacula habet, quibus omnium Tormentorum vim queat excipere. Belnenfis ager pinguis est, & optimæ notæ. Vires habet toto Terrarum Orbe nominatissimas, & vino non vulgari nobilissimas. In eodem agro, visitur *Cistertium* ab Cisternis, Odonis Ducis opus stupendum

pendum in vastissimo nemore exstructum. Ejus Cœnobiarcham agnoscunt supra mille octoginta virorum Cœnobia, ac totidem prope velatarum ejusdem instituti, quod hinc *Cisteriense* dicunt. *Semurium*, vernaculè *Semur*, situm est in mediterraneo Territorii, quod vulgo *Auxois*, oppidum non inelegans. Inter Divionem & Belnam itinere medio *Nuithonium* est, vulgo *Nuys*. Oppidum hoc semper gladiatorum opificio fuit celeberrimum. Quod oppidum hodie *Avalon*, apud Antoninū *Aballon*, ubi *Legio* xvi dicitur. Quod *Sanlieu* vernaculè, *Sidolucum* est Antonino, *Legionem* illi xviii tribuenti. Quod *Flavigni*, sesquileuca *Semurio* versus Orientem, *Flavia Eduorum* censetur olim dictum. Sunt & alia *Burgundia* oppida burgique, quæ delineandis, brevitati studens, supersedeo: ut sunt *Ausone*, Arcem habens, clavis Ducatus orientior, Arari mœnia lambente, *Noiers*, *Ravieres*, *Leigne*, *Mombard*, *Chastillon*, *S. Seigne*, *Seloigne*, *Crevant*, *Viteau*, *Verdun*, *Arnay*, *Seure*, *Tonnerre*, *Tronodorum* Antonino. *Burgundia* Ducatui concenseri solentaliæ tres urbes Episcopales *Nevers*, *Ausserre*, *Mascon*. Prima dignitate gaudet & honore Ducatus, cujus ditio (*Duché de Nivernois*) latè patens tribus navigabilibus fluviis irrigatur, *Icauna*, *Elavere*, *Ligeri*. Numerantur ibi xiiii oppida clausa, quorum *Nivernium* est Metropolis, Jurisdictionem exercens in xxx, ut vocant, Castellanas; *Noviodunum* Cæsari: oppidum est omni ex parte mœnibus cinctum firmissimis, turribusque amplissimis, & fossis profundissimis probe munitum. Inter præcipua Ducatus *Nivernensis* oppida sunt *Dezisa*, *Decisa* Antonino & *Decetia*: *Clamecium*,

Douzyum, *Mulinium*, *Angilbertsum*, *Corbignium*, *Fanum* *D. Leonardi*, *Luyzium*, *Premecy* & alia. *Ausserre* sequitur: *Antisiodorum* Antonino, *Legionem* hic locanti xxii. *Antisiodorum* Ammiano, *l'Evêché d'Auxerre*. Territorium hujus urbis, vulgo *le Pays d'Auxerrois*, vino cognomine est nobilitatum. Urbs quæ hodie *Mascon*, Cæsari dicitur *Matiscona*: *Matisco*, Itinerariæ Tabulæ; *Matisconense* *Castrum*, Notitiæ Provinciarum Galliæ, & Antonino, qui *Legionem* ibi ponit x; *Mastico* in veteri quodam Diplomate, ut notat *Philippus Bugnonius*, qui hujus Urbis historiam concinnavit. *Machaon Villa* videtur dici Paulo Diacono in Longobardicis. *Matissana* est Gregorio Turonensi, & aliis; *Caballino*, si situm quis cultumque & artes respiciat, simillima. Porrecta jacet ad Ararim, qui ponte insigni stratus, recto longoque ad Orientem tractu, reliquis lateribus in arcus speciem se formantibus. In hac *Burgundia* ejusque confinibus hi Comitatus: *Dijon*, *Austun*, *Tonnerre*, *Chalon sur Saone*, *Mascon*, *S. Martin*, *Nevers*, *Langres*, *Ausserre*, *S. Langou*, *Charolois*, *Chagny* forte *Chagni*; *Monliet* forte *Montit*, *Auxone*, *Rogemont*, *Mussy*, *Brestemont*, *Sees*, *Momby*, *Senegnon*, *Gilly*, *Valenion*, *Tirecourt*, *Chevigni*, *Aimeville*, *Espirey* forte *Epiryen*, *Tarvant*, *Brasay* forte *Brasse*, *Roche fort*, *Aincourt* live *Agin-court*, *Viteau*. Quibus adduntur etiam *Arley*, *Ragny*, *Chaligny*, *Mommartin*, *Laugey*, *Beauchamp*, *Couches*. Episcopatus *Augustodunensis* live *Heduensis*, *Austun*, & *Matisconensis* *Mascon*, & *Cabilonensis* *Chalon*, & *Lingonensis* *Langres*, subsunt Archiepiscopo *Lugdunensi*. Flumina habet hic Ducatus *Suzionem*, *Oscarum*, *Ararim*, *Icaunam*, *Ligerim*, *Elavere* & alia.

Statu
Ecclesiæ
sive

Regio.

SEQVITVR *Burgundiæ Comitatus*, sive *Burgundia Superior*, Francis *Franche Conté*, id est, *Liber Comitatus*. Provincia namque planè sub suo est Comitatus; ab omnibus, utajunt, tributis & exacti-
 bus libera. Feudum est Imperii, sub protectione *Bernensium Helvetiorum*. Conregionales illi sunt ad *Septentrionem Lotaringia Superiorq; Germania*; ad *Occidentem Burgundiæ Ducatus*; qua *Oriense* est, occurrunt *Helvetii*; qua *Meridies*, *Allobroges & Segusiani*. Longitudo *x c.* Latitudo *l x* est *milliarium*. Regio admodum fertilis, rebus omnibus ad victum necessariis instructa; agerque sementi faciendæ, arboribus ferendis, vinetis vini laudatissimi sustollendis, pecori alendo, commodissimus. Summa est ubique tritici, filiginis, hordei, avenæ, fabarum, milii, aliorumque leguminum fertilitas. Arborum haud minor fecunditas. Ager passim, præsertim qua *umbilicus* est & *Regionis medirullium*, colles habet præstantissimorum, primæque nobilitatis vinorum feraces. Apud *Arbosianos & Vadanos* vala vinaria sunt adeo magna, ut domos altitudine videantur æquare. Prope *Regiam Veterum Burgundiæ Regum*, quæ accolis hodie *Chambrette au Roy*, ex terra gypsum, materiam calci similem, effodiunt. Eruitur ibidem & in *Dolano Agro* in *Magnatum sepulturas Marmor candidi coloris*, quod *Alabastrites Græcis* appellatur; & aliud nigerrimum, maculis purpureis variatum. Varii etiam generis videre est ibi animalia magnamque jumentorum & pecudum copiam. *Gravelenses* equos gradarios, canesque ejusdem tractus ferocissimos probant omnes. De antiquis hujus *Burgundiæ Comitibus*, Stirpis etiam *Imperatoria Franciæq;* multi multa memoriæ produnt. Nuperi fuere, *Comitis &*

Soli fertilitas.

Animalium varietas.

Imperium majus.

Palatini Burgundici simul cum Ducatus titulos primus gestavit *Eudo*, cui successit *Philippus ex Philippo filio nepos*; quo sine liberis defuncto, *Rex Francorū Ioannes* Ducatū *Burgundiæ filio Philippo* qui *Audax* cognominatus fuit dedit; sed *Margareta* *Philippo*, nepoti ex *sorore Ioanna* succedens, *Comitatum adepta* est *Burgundiæ*, huic successit *Ludovicus Malanus* filius, huic *Margareta Malana* filia, hanc *Philippus Burgundiæ Dux* cognomento *Audax* uxorem duxit. Huic ordine successere *Ioannes* filius cognomento *Intrepidus*, *Philippus Bonus*, *Carolus Bellicosus*, *Maria* nupta *Maximiliano Austriaco*, *Philippus Austriacus*, *Carolus V Imperator*, &c. *Philippus Hispaniarum Rex*, *Philippus Hispaniarum Monarcha*. Comitatus iste in tres *Dioeceses & Præfecturas*, quæ *Baillivatus* vulgo, *Iuri* facilius dicundo divisus est: *Superiorem*, *Inferiorem*, *Dolanam*. Primæ sedes est *Vesulii*, secundæ *Polichuni*, tertiæ *Dola*. *Dola* autem, arce potens, totius Comitatus est *Metropolis*, reliquarumque Urbium celeberrima: ad *Dubim* sita fluvium, qui in duo hic brachia scinditur. Putant quidam *Ptolemæo* esse *Διδάτιον* lib. ii. cap. ix, *Sequanorum Urbem*. Nihil ibi earum rerum, quæ ad civitatis splendorem faciunt, desideratur. Forū hic elegantissimū & spatiosum; forma quadrata, longitudine tamen latitudinem nonnihil superante. In parte Occidentali *Prætorium* est, cum *Carceribus*. *Præmarium Templum*, quod pulcherrimum & admirandi operis, *Deiparæ Virgini* est sacratum. Sunt & multæ *aliæ*, inter quas *Vesontio* vulgo *Besancon* urbs *Imperialis*, olim dicta *Chrysopolis*: sita est commodo fertilique territorio. *Dubis* fluvius magna ex parte ipsam interfecat, ejusque potiorem partem concludit, reliquam partem ad portam qua *Dolam* itur, fluvius non alluit.

Nozerethum



Nozerethum, Noferoy, quod olim à nucibus dictum Nucillum, sed Ludovicus Caballionensis ab expeditione Hierosolymitana reuersus, muris cinxit, ac *Nozerethum* dici voluit. Hic Comes arcem habet, quæ quia plumbo intacta est, dicitur plumbea. *Saline*, amplissima Civitas, toto terrarum Orbe celebris; ab falsis denominata Fontibus, Saleque inde igne densari solito; qui candore præstans in finitimas regiones exportatus maximum huius Comitatus est vectigal. Reliquarum Civitatum descriptiones brevitatis gratia omittimus. Lacus habet hæc *Burgundia* ingentes & mirabiles: inter eos non postremi loci, cui ab *Voraginibus* nomen: mirum Naturæ ludentis opus. Super enim aqua fitilimus, qui adeo durefcit, ut continens videatur: super quo tamen equites curritque securè non ambulant, sed soli pedires. Is cælo pluvioso & nebuloso non emergit, nisi serenitas sit futura. Tunc per foramina brevi tempore auctus totam Columbanam planiciem rigat. Inter Nozerethum porro & Ripariam alius est Lacus in Bonvalli, lupis, parcis & aliis piscibus abundans, qui seprimo quoque anno in aliquot hebdomadas suffugiens & delitescens, iterum emergit. Quæ res in miraculum exit, fidemque vincit. Tractus huius Comitatus Australior lacubus scatet: videre ibi est qui ver naculè *Malereux* major minorque; *Narley*, profunditatis vix credendæ: *Vernoy*, duo *Chamblici*, *Frageay*, *Ronchault* & alii. Flumina scindunt eam beantque plurimum non pauca: *Dubis*, *Lougnonius*, *Danus*, *Lupus*. *Dubis* totus ad hunc Comitatum pertinet; *Ægis* Ptolemæo, *Alduabis* Cæsari, si proba sit conjectura Fulvii Ursini: in aliis Codicibus *Alduas* *dubis* & *Alduadalis* vitiosè legitur. Vulgo *Doux*. Oritur ex monte Jura paullo supra pagum amœnissimum, quique instar oppidi, Motam. Du-

bis porro cæpto ab Meridie in Septentrionem cursu; per Pontium Lacum lapsus, nonnullis anfractibus prætergressus Pontarlum, Mortuam & Vasmum, Fanum petit S. Hippolyti; unde in Occidentè flexus ad *Pagum Chastelot* versus Africum tendens, Vefuntionemque permeans, & factà ad Dolam insulâ post multas ambages receptosque fluvios prope Viridunum Arari commiscetur. Totus etiam Burgundiæ Superioris est *Lougnonius*, vulgo *Lougnon*. Danum evomit ex sinuoso recessu mons arduus Syrodo, grandi & celeberrimo pago incumbens. Sunt & *Lupus* vel *Lupa*, vulgo *Love*, *Araris* & alia. Quod ad Statum huius Liberi Comitatus Politicum, quoties Comititia Provincialia sunt agenda, tres Status conveniunt, convocante eos nomine Comititis Principe Arausiorum, Nozerethi & Arlæi Dynasta. Sunt autem Nobiles, Ecclesiastici, Vrbes. Superioris Diocesis Comites sunt, *Montbelliard*, *Roche* & *Varax*, *Monttrivel*, *Thalamey* & *Vaulgrenans*, *Vergey*, *Rey*, *Listenois*. Abbates, *Croissant*, *Charité*, *Bitaine*, *Corneul*, *Tulley*, *Clarfont*, *Luxeul*, *Bellevaux*, *Grace-Dieu*, *Charleu*, *Trium Regum*. Priores: *Vaucluse*, *Lantenans*, *Cusance*, *Marteret*, *Iussy*, *Port sus Saosne*, *Montreul ad Sagonam*, S. *Marcelli*. Canonici: *Calemoftier*, & alii aliis locis. Vrbes; *Gray*, *Vesoul*, *Montboifon*, *Iussy*, *Palma*, *Port sus Saosne*, *Cromary*, *Mont-Iustin*, *Faulcogney*. Domini: *Montmorot* & S. *Loup*, S. *Martin*, *Tauleus*, *Villeneuve*, *Rupt*, *Montgevelle*, *Chastillon* & *Belvoye*, *Constandey*, *Monbaillon*, *Vellefion*, *Dicy*, *Vgny* & *Chemilly*, d' *Oizelet*: *Cicon*, *Trafves*, *Rainconnières*, *Costebrune*, *Sombornom*, *Valle-fault*, *Bermont*, d' *Avilley*, *Mugnay*, *Vereur*, *Touraise*, *Citey*, *Provanchieres*, *Grand-mont*, *Velle Chevrelous*, *Voysey*, *Dampierre*, *Frotey*, *Breutal*, *Matey*, *Noironde*, *Tromarey*, *Millesay*, *Mailleroncourt*, *Myon*, *Benmenge*, *Vellerot le boz*, *Clerc*, *Beroucourt*, *Mortaillotte*, d' *Amondans*

&c de

Ratio
admini-
strandi.

Flumina.

& de Fraïſne , Chavirey , Montot , Mons, S. Legier , Cuvry , Montreul , Sorans & Lambry : & alii permulti. Inferioris Comites ſunt Ruffey , & S. Aulbin : Baro , Chevreaux : Abbates , S. Eugendi , Beaume , Balerne , Mont S. Marie , Mont-Benoïſt , Beyllen , Rauſieres : Priores , Mainnaul , Vaulcuſe , Bonlieu , Mente , Lonſleſaulnier , Arbois , Mote, Syrodi , Vallis ſupra Polichnium , Mortau. Canonici , S. Mauritiu , S. Anatolii , S. Michaëlis , Salinis omnes : Arboſienſes , Polichnienſis , Nozerethenſes , & aliarum urbium locorumque alii. Vrbes : Salina , Arbois , Poligny , Pontarlien , Nozeret , Caſtrum Caroli , Monmoroti , Orgelot. Domini : Coulongnia & Andeleſt , Courlaou & le Pin , S. Amour , Argent , Laubeſpin , Poupet , S. Sorlin , Darnam & Tramelay , Boſſia , Creſſia , Fitigny , Chamberia , Montena , Vecles , Roſait , Marigna , Beaufort , Naſey , l'Aigle , Courboſon , Vertamboz , Largilla , Moiron , l'Eſtoille , Chaſnet , Areſche , Coges , Bar & Iouſſeaul , d' Augea , Muyre , Charvin , Charlin , Chaumes , Breterieres , Fontenay , Cogna , Chaulx , Montuet , Vadans Villette , les Arbois , Aigle pierre , Chaſtelvillain , S. Julian , Deſcrilles , Verges , Chay , Champaigne , Beaulchemin , Villeneuve lèz Orgelet , Chaſtres , Præſectus Arcis de Ioulx , ſive Iura Montis , Vincelle , Viſmeaulx & alii multi. Dolanæ Diœceſis : Dominus de Givrey : Longepierre & Rahon , Cleriaux. Abbates , Billon , S. Vincentii , S. Pauli Biſantii , d' Acey . Priores : Loye , Laval , Damparis , Ioube , Monterot , Mote ſupra altam Petram , Faye , Moſtier in Secuſia . Canonici : Dolani , Biſuntinenſes , & alii aliis locis. Vrbes : Dola , Quingegum , Ornans , Loya , Rocheford , Vercella . Domini : Vauldrey , Raimmes , Rye , Monfort , Mont-Richard , Fertans , Maillor , Ber-

mont , Cleron , Verchamps , Doſſans , Port , Châteſeau , Roillault , d' Abbans & Marchault , Reculet , Chantrans , Mont-gros-pain , Mutigney , Chaſſey , Pareſſey , Choïſey , S. Ilhe , Faye , Parrel , Chemin , Rabus , Champdivers & Raſſonieres , Rainche-court , Painre , Montrambart , Salans , Gouſſans , Chavirey , Ancier & alii. Nobilitas hujus Comitatus , ut hinc videmus , valde eſt frequens . Quatuor autem ſunt familiæ , quæ à Burgundiæ Regibus & Principibus originem trahere , vel cuius adſinitatem contraxiſſe commemorantur : De Vienne , cui Nobilitatis epitheton tribuitur : De Vergy , cui Strenua titulus datur ; De Chalon , quæ Opulenta Divitiſque nomen obtinet ; Arauſiorumque principatus titulum . De Neuſ-Chaſtel , quæ Feudis eſt inſignis . Cæterum appellationes omnes ex tribus Diœceſibus , ſive Baillivatibus Dolam ad ſupremum Comitatus hujus Parlamentum , referuntur . Et ad Statum Eccleſiaſticum quod attinet , Archiepiſcopus Biſuntinus , cui ſubſunt tres Epiſcopi , Baſilienſis in Germania , in Helvetia Lauſannenſis , & Bellicenſis in Sabaudia , Eccleſiaſtica adminiſtrationis eſt caput , princepsq; Imperii . Membra hic ſunt Imperii & quinti Circuli , Archiepiſc. Biſuntinus , & urbs Beſançon , Civitas Imperialis libera , olim maximum maximæ Sequanorum Provinciæ oppidum , & ejus Præſidis fixa ſedes . Decimus Imperii Circulus dicitur Burgundicus , quod à domo Burgundica ſit inſtitutus : complectitur præcipuos Belgii principes , qui ſunt Dux Burgundiæ , H. Bergen & VVaelhem , Comes Egmond & Iſelſteyn , Comes Horne , Comes Naſſau in Breda , Comes Bergen .

Nomen.

Situs.

Vrbs Lugdunum.

L VGDVNENSIVM Civitati, ut in notitia Provinciarum dicitur, l' Archeveſché de Lyon, le Pays & Senefſchaucée de Lyonnois, limites ſcribuntur ad Septentrionem Breſſia; ad Orientem Sabaudia: qua Meridiem ſpectat, Delphinatus eſt cum Languedokia; qua Occidentem, Forenſes jacent & Arverni. Sua hic olim habuerunt Domicilia *Seguſiani* Plinio, Σεγυſιανοὶ Ptol. Σαιγυſιανοὶ Strab. Secuſiani, vel, ut alii ſcribunt, Sebuſiani Caſ. Hodie le Pays & Senefſchaucée de Lyonnois. Caput hujus Tractus ad confluentem cum Rhodano, *Lugdunum* eſt. Sic ampliffimam, ornatiffimā, florentiffimam urbem nominant Tacitus, Plinius, Antonius; & quis Latinorum Scriptorum non? Ἀγγδορον Straboni, Ptol. aliſque Græcis: Ἀγγδορα Stephano. Vetus nomen hodie, ſed contractius, ſervat. Ludunt enim, qui in vulgata appellatione *Lyon*, *Leonem Gallicum* quæruunt. Nomen derivant quidam ab *Lugere*, quod illi proprium fuit poſt fatale incendium; de quo poſt: nonnulli ab *Lucere*, quod in monte, tanquam ſpecula, longè latè que luceret: alii ab *Lugdo* Celtarum Rege. Maccis & bucconibus ſua linquenda. Verus Itinerarium à Burdigala Hieroſolymas uſque, quod Pithæo debemus, in fine *Lugdunum Deſideratum Montem* interpretatur, idiomate proculdubio veterum Gallorum: cujus penitiora ſcrutati, ſunt qui deducunt ab voce *Luck*, quæ hodieque Gallis Belgis, Germaniæque inferioris populis pro *Fortuna* in uſu, ut *Lugdunum* fuerit, *Fortuna* quaſi dicatus *Mons*. Ericus Monachus lib. iv de vita S. Germani in *Lugduno* diſticionem *Lucht*, quæ Gallorum Belgarum lingua *Lucem* ſonat, agnoſcere videtur:


Lugduno celebrant Gallorum famine nomen

Impoſitum quondam, quod ſit Mons Lucidus.

Dunum ſanè antiquis Gallis *Montem* eſſe, conſtat. *Montis Lugdunenſis* etiam meminit Petrus Arvernus Cluniacenſis Abbas lib. iv Epist. ii: At poſtquam de *Vivarenſium colle ad Lugdunenſem Montem* divina Diſpoſitio te tranſtulit. Sic Seneca in Ludo Claudii:

Vidi duobus imminens ſtuviaſ jugum.

Montem hunc ad colis craſſiorem cauſſari aërem innuit apud Sidonium lib. i. Epist. iix Candianus: *Nebulas ergo mihi meorum Lugdunenſium exprobas, & diem quæris nobis matutina caligine obſtructum vix meridiano ſervore reſerari; & tu iſta hæc mihi Ceſenatis furni potius, quam Oppidi Verna deblateras?* Sic etiam apud Strabonem. Ἀγγδορον ἐκπιπνέον ὑπὸ λόφῳ. Quis urbis conditor, incertum. Amplificavit & ex monte, qui primo habitatus, in planiora loca pomœrium produxit L. Munatius Plancus; *Colonia* in eam Auguſti principatu ducta; anno urbis 1000 xi. *Coloniam* nominant Tacitus lib. i. Hiftoriar. & Plinius lib. iv cap. xlix Natur. Hiftor. In vetere quadam Inſcriptione legitur COL. AVG. LVG. Ab eo tempore ſemper cum primis Galliarum urbibus cenſeri ſolita, dignaque habita, quæ cum vicinis immunitate gauderet. Nam *Seguſianos Liberos* vocat Plinius lib. iv cap. xlix, & *Lugdunenſes Gallos cum Viennenſibus Iuribus Italici* facit Paullus IC. lib. l. Digefſtor. Tit. xv. cap. ult. Digna item, ex qua totius Galliæ itinera ab Agrippa diſtinguerentur, cui jus monetæ cudendæ tribueretur; in qua Gallorum omnium tributa & veſtigialia colligerentur. Digna denique, ubi *Templum* ad confluentes



res Ararim & Rhodanum ab omnibus Galliarum Civitatibus in honorem Augusti cum formidanda illa ineptis Scriptoribus *Ara* exstrueretur. De Templo sanè Strabo lib. iv. *Τότε ἱερὸν τὸ ἀναδελφεὸν ὑπὸ πάντων κοινῇ τῶν Γαλατῶν καὶ σακερτῶ Σεβασῶ, πρὸ ταύτης ἰδρὺ πόλεως, ἐπὶ τῇ συμβολῇ τῶν ποταμῶν.* Ex hujus Templi ruinis, inquit Paradinus de Antiquo Burgundiarum Statu, concreta est illa summi Templi structura: qua Ioannis Burgundiae quondam Regis Opus dicitur, ut ex antiquis marmorum ruderibus saxorumque Inscriptionibus conjicere licet. *Ara* variis Scriptoribus nota. Augusto dedicatam, Iulo Antonio Africano & Q. Fabio Maximo Coss. anno ab V. C. 1000 XLIV, memoriae prodit Suetonius in Claudio cap. II. Sic ad ea tempora Epitome Livii lib. cxxxvii. *Ara* *Cæsari ad confluentem Araris & Rhodani dedicata.* Ad eam vivente adhuc Augusto, ut scribit Dio sub finem lib. LIV. ludi celebrabantur; addens eos sua quoque ætate permansisse. Caligulam certamen ibi quoque instituisse Græcæ Latinæque facundiae, scribit idem Suetonius in ejus vita cap. xx. *Quo certamine, inquit pergens, ferunt Victoribus præmia victos contulisse, eorundem & laudes componere coactos; eos autem, qui maxime displicuissent, Scripta sua spongia linguave delere jussos, nisi ferulis objugari, aut flumine proximo mergi maluissent.* Respicit eò Juvenalis:

*Palleat ut nudis presit qui calcibus anquem:
Aut Lugdunensem Rhetor dicturus ad Aram.*

De hac Ara Strabo meminit, ejusque Sacerdotem edit Inscriptio, quæ in ipsa urbe ad murum Templi vetustissimi Divi Petri:

IOVI. O. M.
Q. ADGINNIUS. URBICI
FIL. MARTINUS. SEQ
SACERDOS. ROMÆ. ET AUG
AD. ARAM. AD CONFLVENTES
ARARIS. ET. RHODANI
FLAMEN. II. VIR. IN CIVITATE
SEQUANORUM.

Quid jam dicam de reliquis, quas ibi & nunc est legere, *Inscriptionibus?* Superat omnes tabula ærea, quæ Claudii Imperatoris orationem continet super civitate Gallicis danda. Legitur cum apud alios, tum accuratissimè descripta apud Justum Lipsium, & in Commentario ad xi Annalium Taciti, & in Auctario, Thesauro Inscriptionum Martini Smetii adposito. Priscam ejus magnificentiam testantur passim Templorum, Arcuum triumphalium,

phalium, Aquaductum, & alia Antiquitatis monumenta. Fori Veneris memoriam seruari ajunt in *Forviere*. Ab ea urbe nobilissima Galliae pars in quinque distincta quodam est *Lugdunenses* I, II, III, IV, V; uti in notitia Provinciarum Galliae est videre. Igne fatali miserandum in modum suo tempore exustam conqueritur, clademque inde acceptam deplorat epistola ad Lucilium xci Seneca. Accidit centesimo anno ab Colonia deducta, eodem Seneca observante. Solatium isti calamitati adhibitum à Nerone, septimo post incendium anno. Legendus Tacitus lib. xvi Annal. Quum ejus mœnibus se continuisset Albinus exercitus, ab Imperatore Severo obfessa, brevi post capta, direpta, iterumque incensa fuit: uti refert Herodian. lib. iii. *Lugdunum* Philippus Pulcher Francorum Rex pontificis jussu ditioni suae adjecit, scribente in Annalibus Papirio Massonio. Vrbs hæc hodie amœno commodoque sita loco; naturâ ferè inexpugnabilis; ab una parte duobus munita collibus iisque fructiferis, ab altera totidem beata fluviis, Arari, Rhodanoque; Templorum, Ædificiorumque, cum publicorum, tum privatorum magnificentia superbiens; opibus & mercatura supra modum florens:

ut celeberrimum facile sit hodie totius Galliae Emporium, Regniq; cor & clavis instar, qua aditus recluduntur in Italiam, Germaniam, aliasq; Provincias: cōfluentibus eò ad publicas nundinas solenniter, & ex condito quasi, quater singulis annis undique variarum gentium Mercatoribus. Regnante Carolo ix, quum tota arderet bellis civilibus Gallia, arcem futuris motibus averruncandis, invita satis, accepit. Sedes est cum Archiepiscopalis, cujus Præsules Belleforestius recenset cxi, quiq; Primates se gerunt cleri Gallicani; tum Præsidialis & antiquus Seneschallatus, cui subsunt *Territoria Lugdunense, Forense, Matisconense & Bellojolezium*; quæ postea nonnihil mutata. *Ecclesiam Lugdunensem* Bernardus Abbas Clarevallensis hoc celebrat elogio: *Inter Ecclesias Galliae constat profecto Lugdunensem antevire, sicut dignitate sedis, sic honestis studiis & laudabilibus institutis. Vbi enim æque viguit disciplina Censura: Morum gravitas: Maturitas consiliorum? Auctoritatis pondus: Antiquitatis insigne? Presertim in Officiis Ecclesiasticis haud facile umquam visa est repentinis novitatibus acquiescere, nec se aliquando juvenili passu est decolorari levitate.* Atque hæc de Tractu Lugdunensi dicta sufficient: ad Helvetiam transeo.

Regimen.

Regio.

L VGDUNENSI Tractui succedit apud Mercato-
rem ea regio quam Romani *Helvetiam* voca-
rent. Eam aut magnam ejus partem hodie vo-
cant *Suiciam* aut *Suitiam*, à *Vitis* Saxoniz popu-
lis, quos ob violatam sæpius fidem, sedibus suis ejectos
Carolus Magnus in Alpes conjecit, quemadmodum &
Nordalbingorum aliquot millia in Flandriam ac Bra-
bantiam transtulit. Vel à Suecis qui tempore Sigeberti
Regis è Suecia in Helvetiam commigarunt, sive inun-
dationibus aquarum, sive numerofo incolarum cœtu
sedibus suis exclusi: vel denique à *Suitio* pago: vulgo
Svyitscher Land. Dicitur & *Confœderatorum terra*, verna-
culè *Eydgnosschaft*, à fœdere quo inter se Helvetii juncti
sunt: hi Eutropio aliquando *Quadi* dicti fuere. *Helvetia*
porro inter montem Iuram, lacum Lemanum, Italiam
& Rhenum sita est; habetque ad Ortum Solis Tirolen-
sem Comitatum, ad Austrum Alpes Cottias, Lombar-
diam, Mediolanensem Ducatum & tractum Pedemon-
tanum: ad Occasum Sabaudiam & Burgundiam: ad
Septentrionem Rhenum. Patent autem Helvetiorum
fines in longitudinem cxxi millia passuum, ut ait Cæsar
lib. i de bello Gall. quod & hodie verum est. At in lati-
tudinem tantum lxxx: quam Cæsar aliquanto majore
facit. Regio omnis salubri fruitur aëre: ac licet cellis
præruptisque montibus aspera sit, ita tamen mitescere
cœpit incolarū indefesso labore, industriâ ac culturâ, ut
nullâ parte sterilis sit: quin ad vitam sustentandam pro-
ducatur non solum necessaria, sed & ea quæ deliciis ac lu-
xui inserviunt. Frumentum abunde profert, quanquam
plerisque in locis, nisi gleba exusta fuerit, sementem fru-
stra projeceris: verum huic incommodo agricolarum
labor ac industria occurrit. Vinum multa loca adeo
generosum gignunt, ut Rhenense longè superet, & sa-

Soli ferti-
litas.

pore & virtute. Huc accedunt pinguissima prata, in qui-
bus tum greges, tum armenta magno numero pascun-
tur, ex quibus incolæ magnum percipiunt emolumen-
tum. Ferarum etiam magnam multitudinem alit passim
Regio, ut sunt ursi, cervi, damæ, capreoli, ibices, lyn-
ces, apri, & aliæ, unde incolis frequens venatio; nec de-
sunt aves, quarum captura hic admodum felix. Helve-
tia anarcha est, & libera, neque ulli principi subjecta,
ex quo partim civilibus discordiis, partim inclementio-
ribus & injustioribus imperiis illorum qui pro Impera-
toribus ea loca administrarunt Helvetii incitati, quibus
accessit *Ußers* Nobilitatis, fœdere inito jugum excu-
sere, atque in libertatem sese asseruere. Initium confœ-
derationis fecerunt, Vri, Silvani, Suitenses, in horum
oppido. Exemplo invitata paullo post urbes reliquæ,
cum irritare eas ac laceßere potentes vicini non desi-
nerent, idem fecerunt & inita cum prioribus atque in-
ter se societate, eaque arctissimis fœderum legibus de-
vinctâ, potentiam confecerunt vicinis facile parem,
quæ victoriis & sociorum accessione adaucta, tandem
etiam formidabilis iisdem evasit. Ager Helveticus in
quatuor partes finditur quas ipsi *Gorv* vocant, voce Ger-
manica, quæ Regionem vel Pagum significat: sunt quæ
hæ: *Zurichgorv*, *Vvislsburggorv*, *Argorv* & *Turgorv*.
Respublica verò Helvetiæ tribus constat partibus. Pri-
ma pars sunt 13 *Pagi*, quos Itali *Cantones*, Ort Germani
vocant. Hi soli hoc juris habent præ aliis fœderatis,
quod de omnibus ad communem Remp. Helvetio-
rum pertinentibus in publicis Conventibus delibe-
rant, & suffragia ferunt, omniumque totius civitatis
commodorum & incommodorum participes sunt:
præfecturas quas simul acquisierint, pari jure admini-
strant, & reliquæ prædæ publicæ ex æquo participes
sunt.

Antima-
lium va-
rietat.Forma
Regimi-
nis.



sunt. Videlicet *Tigurum*, & accessit fœderi trium Pagorum anno Dom. ccccccl. *Berna* fœderi Helvetico juncta est anno cccccclv. *Lucerna* anno cccccxxii perpetuo fœdere tribus primis Pagis juncta est. *Vria, Vren: Suitia, Svytz: Vnder-VValden*: hæ primæ inter se fœdus constituerunt anno ccccclix. *Tugium, Zug* anno cccccclii sex Pagis accessit. *Glarona* simul cum *Tugio* idem fœdus iniit. *Basilea* anno cccclxi se decem Pagis fœdere junxit. *Friburgum, Salodorum* simul anno cccccxxxi in numerum Pagorum communi consensu receptæ sunt, & sic Civitas Helvetica x Pagis constitit. *Schaffhausen* anno cccclxi in numerum Pagorum recepta, cum xi pepigit. *Abbatiscella* anno cccclxi in numerum Pagorum recepta est. Hujus Pagi ager in 12 partes sive ordines divisus est, quas ibi *Roden* vocant, quarum sex conjunctæ Pago, interiores dicuntur: reliquæ exteriores. deliguntur autem è singulis partibus Senatores æquali numero xii qui toti regioni consulant, & fiunt in universum ccliv Senatores. Secunda pars sunt fœderati, *Abbas* & oppidum *S. Galli* fœdere junctum iv Pagis Helvetiorum anno cccccclv. Et post anno cccccclv cum vi Pagis Tiguro, Berna, Lucerna, Suitia, Tugio & Glarona in perpetuū. *Rhetorum Populus, Graubundter* cum vii veteribus Pagis æternum fœdus pepigit anno cccccxcvii. *Curienses* vero, quorum societas *Domus Dei* vocatur, anno cccccxix. Tertia societas quæ *decē Iudiciorum* vocatur cum Helvetiis non pepigit, sed quia ii prioribus æterno fœdere coheret, etiam Helvetiis amicitiam & societatem fidam præstat. *Sedunum* cum *Valesia* tota fœdus æternum iniit cum Bernatibus, anno cccccclxxv. Et post cum Religionis controversia orta esset, Hadrianus Episcopus Sedunensis, & septem Decumæ Valesianorū

fœdus fecere, anno cccclxxxii, Friburgi cum vii Pagis Helvetiæ Lucerna, Uria, Suitia, Undervvaldia, Tugio, Friburgo, Salodoro ex integro Romanæ Ecclesiæ adherentibus. *Rotvveil* primo fœdus iniit cum Helvetiis, anno cccccclxiii in annos xv, quod aliquoties renovatum, anno demum cccclxix perpetuo sancitum est. *Mulhusen* anno cccccclxix Helvetiis fœdere juncta est. *Bienna Biel* Bernatibus se fœdere junxit annis 1303, 1306, 1352, ac 1367 arctissimè. *Geneva* jus Civitatis cum Bernatibus pepigit, idque arctius firmavit, anno cccclxxxvi, nondum tamen communi Pagorum Civitati inserta est. Tertia sunt Præfecturæ armis, aut spontanea deditioe conquestæ: *Turgea, Turgoyv* anno cccccclx in potestatem Helvetiorum redacta, cui vii vetustiores Pagi imperant. *Aquensis, Baden* subjugata anno cccccxv, cui iix primi Pagi imperant. *Rhegusti* anno cccccxci conquesta à Pagis vii primis, & xiii regitur. *Sarunetum, Sarungans*, anno cccccxcxi à Georgio Comite Werdenbergensi vii primis Pagis venditum, à quibus & regitur. *Libera Provincia* captæ anno cccccxv, vii veterum Pagorum Imperium agnoscunt. *Lugano, Lucarno, Mendresium, Vallis Madia*: hæ iv Præfecturæ ex dono Maximiliani Sfortiæ Ducis Mediolanensis, anno cccclxiii in Helvetiorum potestatem pervenire: his omnes Pagi præfunt, excepta Abbatiscella. *Biltionum, Bellizona*: hujus Imperium iii primis Pagis confirmatum est, anno cccclxiii. *Valesia* quæ etiam hac Tabula continetur, complectitur tres populos, & tria fœdera. Duo priores sunt *Viberi* & *Seduni*, qui uno nomine *Liberi Valesii Superiores* dicuntur, & in vii Conventus quos *Decumas* vel *Desenas* vocant, divisi sunt.

Veragri

Veragri, qui & *Valesiani* Inferiores, Superiorum Imperio parent. Omnium tamen Princeps est *Episcopus Sedunensis*, qui summam, tam in Ecclesiasticis, quam in Civilibus rebus Authoritatem obtinet & Comes atque Præfectus *Valesiæ* nominatur. Comitatum hic invenio *VVerdenberg* & *Baronatum Sax.* Helvetiorum Respublicæ ex Optimatum & Populi imperio mixta est. Etenim ex his populis quibus tota Civitas constat, quidam merè Democratico imperio utuntur, ubi totius plebis consilio fere omnia aguntur, veluti in his Pagis qui nulla habent oppida, uti sunt *Vranii*, *Surtii*, *Vndervvaldi*, *Glaronenses* & *Abbatiscellani*: & par ratio est *Tuginorum*, quamvis hi oppidum habeant: alii ab Optimatibus reguntur, ut omnes urbes *Helvetiæ* *Tigurum*, *Berna*, *Lucerna*, &c. sed cum potestas summa penes Populum sit à quo Magistratus eliguntur, mixtæ sunt hæ respublicæ, & aliæ magis Aristocraticæ, aliæ plus Populares sunt. Lacuum amplissimorum nusquam major numerus quam in hac Provincia, inter quos *Lucerinus*, *der Lucernersee*: *Tigurinus*, *Zurichersee*: *Rivarius*, *VValensee*: *Neuburgensis*, *Neuvenburgersee*: & omnium maximus *Acronius*, *der Bodensee*, quem *Solinus* & *Plinius* *Brigantium*, *Ammianus* *Mercellinus* *Brigantium* vocat, à *Brigantio* vetustissimo oppidulo. Longitudo ejus est *xxiv* millium passuum, latitudo minimum *xii*. *Ammiani* verba, quia luculentam Topographiam *Lacus* & *Rheni* cataraetarum continent, adscripsimus. Inter montium celsorum fractus impulsu immensi *Rhenus* extenditur, qui penes *Alepon-tios* in deciduas cataractas inclinatione pernici ut *Nilus* funditur, torrens ab ortu protinus primigenio, copiis aquarum propriis irruit, cursu simplici: Iamque adjutus nivibus liquatis & solutis alta divortia riparum abradens Lacum invadit rotundum & vastum, quem *Brigantium* accola *Rhetus* appellat, horror *Squalentium* sil-

varum inaccessum efficit, nisi qua vera in *Alamania* virtus & sobria vita composuit locum *Barbaris*, & natura locorum, & cæli inclementia refragante. Hanc ergo paludem spumosis sternendo verticibus amnis irrumpens & undarum quietem permeans, mediam velut funali libramento intersecat, & tanquam elementum perpetua discordia separatum nec aucto nec imminuto agmine quod intulit, vocabulo & viribus absolvitur integris. Quodque est impendio mirum, nec stagnum aquarum rapido cursu movetur, nec limosa sub colluvie tardatur properans flumen, & confusum misceri non potest corpus: quod nisi ita agi ipse doceret aspectus, nulla vi credebatur posse discerni. Verum hoc esse negat *Joachimus Vadianus* αὐτῶν πηγῶν, locorum istorum incola, *Commentariis* in *Melam*. Flumina vero *Helvetiam* rigantia sunt *Rhenus*, *Rhodanus*, *Adua*, *Ticinus*, *Limagus*, *Byrsa*, *Langarus*, *Sara*, *Taurus* vulgo *Dur*, *Aenus*, *Arola*, aliaque permulta. Montes hic enumerare vix opus est, cum notiores sint per Orbem *Rhetici* montes quam ut quicquam eorum nomina desideret. Verum ne hic quoque defuisse videar, prodam saltem aliquot. Summæ *Alpes* nunc *Gothardi Mons* dicitur, hunc sequuntur *Peninæ Alpes*; apud *Salassos* *Cottia Alpes* & *Silvius* mons sunt. Dein *Montes S. Bernardi* major & minor. *Graie Alpes* *Lepontiorum* sunt: *Adulas Mons* Germanis *der Vogel*, *Misaucaus* attingit. *Julia alpes* ac *Permurna* mons in *Engadinorum* ora sunt. Hinc *Valarius* & *Brantius* montes, apud *Vendones*: *Rhetico*, mons in *Rhucantiis* est. *Inrassus* mons, *Lemano* imminet *Lacui*. *Abnoba* montes in *Tulingorum* finibus sunt. Atque hæc sunt hujus tractus famosissima jura. Sed de *Alpibus* fusius in *Italia*. *Silvæ* sunt innumeræ, singulæ *Hercyniæ* portiones sunt, cujus hic caput est, quamvis varia sibi hinc inde adsciscat nomina, utpote *Silva Brigantina*, *Rhynvvaldr*, *Bonvvaldr*, ac nonnulla alia.

Flumina.

Montes.



DE Helvetia generatim dixi, sequuntur Partes. Has Mercator tribus Tabulis sequentibus graphicè delineatis exhibet. In prima, Provinciæ duæ, eæ quæ vernaculè *Zurichgovv* & *Basiliensis*; in secunda *Vvislispurgergovv*; & in tertia *Argovv* proponitur, quarum descriptiones unà cum Lacus Lemani Chorographia, ordine dabo. Ad priorem Provinciam quæ prima Tabula depingitur quod attinet, ea *Zurichgovv* vernaculè, *Tigurinus pagus* Cæsari dicitur. Solum hujus tractus & potissimū per circuitum *Tiguri* civitatis primariæ est valde fœcundum, feraxque vini & frumenti plurimi. Vinum tamen plerumque est subacerbum, nec potest ob vicinas Alpes ad perfectam pervenire maturitatem. Maturescit autem vinum, seu potius mitescit à sua austeritate post aliquot annos in penu conservatum. Vrbs hujus Provinciæ primaria latinis *Tigurum*, proximis aliquot sæculis *Thuregum*, dicta, vernaculè *Zurich*. Vetustissima est urbs, sita loco amœno ad exitum Lacus magni qui hic desinit, excluditque amnem *Lindmagum* vulgo *Limmat* dictum, quem haud procul à Glaronâ recipit, & dividit urbem in duas civitates, majorem & minorem, quæ tamen tribus conjungitur amœnis pontibus, in quibus frequentes civium fiunt deambulationes. Forum habet frumentarium amplissimum, in quo ingens frumenti vis hebdomadatim divenditur. Incredibilem piscium copiam Lacus *Tigurinus* huic Vrbi suppeditat. Forum annonæ illic locuples est, lacus subvectioni idoneus. Etsi autem *Tigurum* quinto demum loco Helvetico fœderi accesserit, nihilo tamen minus propter Urbis celebritatem & potentiam princeps locus omnium consensu illi datus est, quem hodie quoque aucto fœdere retinet in Comi-

tiis, Legationibus, aliisque publicis actionibus. Viros illustres & claros multos habuit: *Comradum Pellicanum* linguæ Hebrææ, Chaldeæ & Thalmudicæ peritissimū: *Theodorum Bibliandrum*: *Comradum Gesnerum* Polyhistora illum *Θαυμασιώτατον* ac multos alios egregios viros. *Tigurinus* pagus habet extra urbem Præfecturas *Majores* & *Minores*. *Majores* sunt ix: *Kyburg* Comitatus: *Groeningensis* Præfectura: *Audelsingen*: *Grisensee*: *Eglisovv*: libera Provincia: *Regensterg*: *Vadisvillana*, *VVadischnvyl*: *Lauffa* ad catartas Rheni, *Lauffen*. *Minores* xxii. *Vitodurum*, *VVinterbur* & *Steina* oppida *Tigurinis* parent, proprios tamen Magistratus habent, sed *Tigurinorum* edictis tenentur & in bello illis militant, propriis tamē signis utentes. Ad censetur huic Provinciæ *Tugium* pagus, *Tugium*, vulgo *Zug*, oppidum, ejusdemque nominis Regio, versus Septentrionem, Suitiam vicinitate attingens in pede pascui, & vitibus consiti Montis: lacui piscoso adjacet, cui à Civitate nomen *Lacus Tuginus*, qui Meridiem versus ad *Artense* oppidum extenditur. *Agrium* compascuum, vini frumentique feracem habet. Ejus cultores *Tugini*, Straboni verò lib. vii *Toggeni* dicuntur, qui cum *Tigurinis* & *Cimbris* inito fœdere, Romanis se opposuere. Consulendi *Plutarchus* in vita *Marii*, & *Eutropius* lib. v. Paruit *Tugiū* aliquando nobilibus, postea in *Austriorum* potestatem pervenit: hi, bello Helvetico, perpetuo præsidia illic aluere, quæ *Suiros* & *Tigurinos* infestabant. Itaque anno mccccli *Tigurini* cum quatuor aliis pagis expeditionem adversus *Tugiū* susceperunt. Præsidarii, munitionibus oppidi diffidentes, ante adventum *Helvetiorum* id deseruere: Cives tamen, qui fidem *Austrio* servare vellent, obsidionem per dies xv sustinuerunt. Tandē deditionem fecere,

Regio.

Soli fertili-
tas.Vrbs Ti-
gurum.Tugium
Pagus.
Situs.Soli ferti-
litas.Imperio
majorum.



fecere, & Helvetiis sacramentum dixerunt, hac conditione: si intra præfinitum tempus Dux Austrius eos, exercitu adducto, obsidione liberaret, ab Helvetico sacramento liberi, in ejus obedientiam redire possent. Cum autem vidissent sibi nullam in Austrio spem esse, Helvetico foederi se junxerunt. *Tugium* Pagus 11 habet partes, & in illis Conventus 14, ex quolibet autem Conventu 19 eliguntur Senatores qui regioni consulant. Oppidum ipsum duorum Conventuum loco censetur. Ager vicinus tres Conventus habet, *Montanum*, *Vallem Egeriam*, sive *Aquas Regias*, *Baram parochiam*. Imperant autem *Tugini* Oppidani per Præfectos in Vrbe commorantes his locis: *Cham* oppido, *Andree* vico, *Hunelbergo*, *VVachevilla*, *Sreinhusen* pagō, *S.VVolfsgango*. Hæc de priore hujus Tabulæ Provincia, sequitur altera, nimirum *Basiliensis*, ab inclyta urbe Basilea sic dicta. Dicitur & *Sungovia*, quod nomen à Sequanis deductum esse haud obscura est conjectura, quam etiam *Rhenanus* approbat, rerum Germanicarum libro tertio. Agrum habet vini optimi, frumentique feracissimum: ut etiam vicinis annonæ caritate prelis, succurrere valeant ipsius Incolæ. Sunt & pecorum pascua lætissima. Hanc Regionem olim, Scudo teste, *Raurici*, Ptolemæo; Cæsari *Rauraci* infederunt, quos refert, Helvetiorum exemplo, omnia sua oppida vicosque, & quicquid ædificiorum habebant, exuisse. *Basilea* inclyta urbs hodie Regionis Caput. Hanc nonnulli *Basileam* dictam à Basilisco hic reperto, quorum opinio absurda est, volunt. Alii à *Basilena* Iuliani Imperatoris matre. *Rhenanus* à trajectu, quem lingua Romanensis, hoc est Gallica *Passum* vocat, ut sit dicta *Basilea*, quasi *Pasilea*. Et addit; trajectum hoc loco fuisse verisimile esse, etiam dumstante Augusta, quod hic propter vallem per quam tor-

rens à *Byrsa* ductus fuit, ripa sit humilior, & ob multas causas ad transitum aptissima, apud Augustam autem abrupta. Hanc tamen conjecturam *Münsterus* rejicit, autoritate Marcellini, qui Civitatem illam Græca voce βασιλειαν, id est, *Regnum*, vocat, quasi *Regnopolim* seu *Regiam* Civitatem. Alluitur hæc urbs *Rhenno*, qui eam pæne mediam dividit, nisi quod ponte unitur. Habet Vrbs ipsa commoditatem magnam à *Rhenno*, quia ad eam plures sunt navigationes magnisque potest adiri oneribus. Passa est ante annos ducentos multos & graves terræ motus. Sed rursus est instaurata, & anno MCCCCLX à Pio Pontifice Academia ornata, quæ omnibus ab eodem donata privilegiis, jurbus & immunitatibus, quibus fruuntur Academiae *Bononiensis*, *Coloniensis*, *Heidelbergensis*, *Erdfordiensis*, *Lipensis* & *Viennensis*. Præfecturas habet *Basilea* quæ sunt; *Farensperg* arx; *Rinsfeld* in edito monte sita; *VValtenburg* oppidum: *Homburgum*: *Munchenstein*: *Ramstein*, *Toggius* Comitatus ubi *Togvryl* opinor est, subest *Abbat* S. Galli, cum *Toggiani* cives sint *Suitiorum* & *Glaronensium*: *Rapperſvyl* Comitatus: *Straesberg* Comitatus opinor, ubi *Straesberg* corruptè scriptum existimo: *Kilchberg* Baronatus. Reliqua *Tugini* Pagi & *Tigurini* habes in Tabula Argovv. *Abbatia* Imperii in hac Tabula, quæ neque in Suevico Circulo, neque in Germania Vniuersali monstrantur, sunt *Reichenovv*, *Schaffhusen*, *Kreutzlinge*, *Pfeffers*, *Pfefficon* opinor. Fluminibus hæc regio rivulisque rigatur pluribus, quos omnes tandè *Rhenus* recipit. Inter hos *Rhenus*, *Byrsa* & *VViesla*. *Byrsa* ex Iura monte per multas convalles *Basileam* usque devolvitur, plurima secum deferens ligna & lignorum rates. *VViesla* vero flu. ab opposita parte à *Nigra Silva* segregatur, adferunturque per eum plurimæ trabes ædificiis

Provincia
Basiliensis.

Soli ferrilini.

Vrbs
Basilea.

Pluviosa.

ædificiis aptæ, ac deinde in minori Basilea multis inser-
vit officinis. Nam serrantur ejus officio molâ versatili
arbores in asseres, commolitur frumentum, acuuntur
fabrilia instrumenta, ducuntur in bractæas ferreæ mas-
sæ, multisque aliis conducit usibus, præter id quod ha-
bet nobiles pisces, præsertim trutas. Et quamquam
minor est opposito fluvio Byrsâ, est tamē eo piscosior,
pluribusque inservit officinis, etiam si Byrsa non modi-
ca quoque exhibeat ministeria molitoribus, & charta-
riis, qui aliquot insignes habent officinas juxta hunc
fluvium aut potius juxta rivulum ab eo segregatum &
ad Mœnia usque majoris Basileæ facto alveo deductū.
Sunt & hic *Tolderus*, *Largus*, aliique fluvii. Sed de his fa-
tis. Restat ut de administratione Reipublicæ harū Pro-
vinciarum pauca subijciamus. Ex Tribubus omnes
qui publicis consiliis interfunt, pari numero è singulis
deliguntur, tam Tiguri quam Basileæ. Sunt autem præ-
cipuæ autoritatis duo publica Consilia in hisce urbi-
bus: Majus quando plures nomine totius plebis conve-
niunt, & id plerumque tantum in gravioribus negotiis,
& quæ ad totam Rempublicam pertinent convocatur:
Minus quod quotidie Rempublicam administrat, &
civium controversias cognoscit. Ac Tiguri majus Con-
siliū est ccc hominum, Basileæ cccxliv. Minus consi-
liū Tiguri l hominibus constat, Basileæ lxiv. Etenim
è singulis Tribubus duodeni in majus Consiliū assu-
muntur, nisi quod Tiguri è Nobilium societate xlix

deliguntur. In minus Consiliū Tiguri singulæ Tribus
dant ternos homines, quaternos Basileæ: his accedunt
duo Consules in singulis urbibus publici Consilii ca-
pita; Basileæ præterea totidem Tribuni, quos una cum
Consulibus Capita nominant: præterea Tiguri Nobi-
lium societas senos in minus Consiliū mittit, cum aliæ
Tribus tantum ternos dent, & adhuc sex alii liberis suf-
fragiis cooptantur, ex quibuscumque Tribubus magi-
stratui visum fuerit. Minus Consiliū dividitur in ve-
tus & novum: veterem Senatū eos nominant, qui per
medium annum munere suo defuncti sunt: hi etsi quo-
que convocantur cū Senatus habetur, non tamen sem-
per vocantur, & sunt quædam quæ novus Senatus tan-
tum transigit. Basileæ etiam Majus Consiliū simili
modo dividitur, atque è duodecim viris Tribuum sex
novo & totidem veteri Senatui accensentur. Convenit
autem Minus Consiliū plerumque ter, nonnumquam
etiam quater singulis septimanis. Vtrique Senatui præ-
est Consul, quem *Bürgermeister*, hoc est Civium Magi-
strum vernacule nominare solent: hunc Majus Consi-
liū eligit. Consulibus potestate proximi sunt Tri-
buni, hos Tigurini *Oberstemeister*, Basilienses *Zuristi-
meister* vocant; horum tres sunt Tiguri, duo tantum Ba-
sileæ, qui una cum duobus Consulibus quatuor urbis
Capita nominantur. Sed hæc sufficient. Plura qui peter,
Iosam Simlerum adeat copiose ac docte de his differen-
tem, ex quo hæc desumpsimus.

M m

SEQUITUR

Regio.

SEQVITVR apud authorem *Pagus Aventicus*: vulgo *Vvislispurgergovv*. Nomen habet ab oppido *Vvislispurg*, quod olim tempore Julii Cæsaris Helvetiorum caput erat, & *Aventicum* dicebatur. Regio comprehensa est intra Sabaudie limites, etiam si pateat Bernatibus & Friburgensibus, sicut & terra ex opposito & ultra Lacū Bielensem, sive Neoburgensem sita. Satis ferax est vini & frumenti. Cæterum in hac Tabula totus fere *Bernatum pagus* continetur, & *Friburgi*. Prioris urbs primaria *Berna*. Hæc si annos numeres non admodū vetus est, si situm & cultum, si mores & civilitatem, si leges & instituta, si potentiam ac virtutem respicias, nulli urbium cedit. De cujus constructione sic legimus. *Berchtoldus* Zeringiæ Dux IV hujus nominis, construxit suo tempore duo Friburga, id est libera Castella, unum scilicet in Brisgoia, & alterum in Uchtlandia. Et quo sui subditi, firmiorem & tutiorem in Uchtlandia haberent mansionem, deliberavit aliam exstruere Civitatem juxta arcem suam, quæ *Nideck* appellabatur, in Peninsula quæ *Saccus* vocabatur, quam tunc silva quercina occupabat. Quodā autē tempore quum idem Berchtoldus venationi intenderet, dicebat suis: Civitatem quam in hoc oportuno loco condere deliberavimus, nominari volumus vocabulo bestie, quæ nobis primum occurrerit captaque fuerit. Ceperunt autē ursum, quem Germani *Bern* vocant. Cumque eo loco, ut diximus, plurimæ crescerent quercus, quo Civitas erat condenda, omnes fere arbores illæ pro domorū structura infumtæ fuere. Vnde & operarii vulgo dicebant quū rescarent arbores: *Holtz laß dich hauvven gern: die Statt muß heysßen Bern*: i. Arbores finire ut secemini libenter: Quo-

Vrbs.

niam Civitas ista vocabitur Bern. Est autem hujus Civitatis situs veluti in peninsula, quam facit *Arola* fluvius navigabilis. Nam ad Meridiem Urbis fluit amnis ille in demisso loco ab Occasu in Ortum, ac tunc reflexus petit Occasum ad jactum bombarde, quanta scilicet est longitudo Civitatis, sicque amnis est Civitati loco fossæ aquâ inundantis, nisi quod ab Occasu ad jactum balistæ fundus Civitatis cohæret continenti, qui isthmus si perforderetur haberet Berna formam insule. Est autem à Meridie & à Septentrione valde profundus prospectus in subjectâ decurrentē aquam; ab Ortulenis est ascensus in summitatē Civitatis. Adjacens solū omnium rerū est ferax, præterquam vini, quod haud procul Bernates ex sua terra petunt optimum. Crescit etiam ab uno latere civitatis vinum, sed neque celebre neque multum. Cæterū Berchtoldus IV hujus urbis conditor obiit, antequam civitati colophonē imponeret, ejus operis consummationē relinquēs filio Berchtoldo V, & ultimo Duci Zeringensi. Hic ex uxore filia Comitis de Kyburg duos filios genuit, quos Nobiles regionis veneno extingui curaverunt, ob id potissimū quod arbitrabatur Berchtoldū odio & emulatione edificium Civitatis consummasse, quo eos sub jugo servitutis continere posset. Præfecturas Berna sub se habet tam Germanicas, quā Gallicas, inter quas *Lausannā* civitas Episcopalis. Situm habet mirabilem; occupat enim duos oppositos colles & intermediam vallē. Cathedralis ecclesia & Canonicorū ædes tenent collem septentrionalem, & ex opposito colle meridiano patet descensus magnus ad lacum usque. Forensis verò locus est in convalle. A morte Caroli ducis Burgundie, redempta à Principibus Sabaudie Lausanna,

fanna. Cives Laufannenses interim singulari familiaritate fuerunt juncti Bernatibus, usque ad annum MDXXXVI, quo Laufanna cum omni circumjacente Regione ad dominium Bernatium pervenit. At cives fruuntur interim omnibus suis privilegiis & juribus. Reliquæ sunt, *Germanice* quidem XXXI, quarum IV Suburbanæ, quibus totidem Urbis signiferi præfunt, & sub eorum signis, singulæ Præfecturæ in bellum profisciscuntur. *Hælia Vallis*, *Hæli*: *Vndersee* oppidum *Vnderseuven*: *Simmia Vallis superior*: *Simmia Vallis inferior*: *Frutigen*, *Sana*, *Aelen*, *Thun*, *Louppen*: *Signovv*, *Drachfelyvald*, *Emme Fluvii Vallis*, *Brandis*, *Sicomisvald*, *Burgdorff*, *Biereneck*, *Landshuor*, *Arberg*, *Nidovv*, *Erlach*, *Bippium*, *Vv* *Angen*, *Arv* *Angen*, *Arburg*: *Bibersteyn*: *Schenckenberg*: *Lentzburg*. Item III libera oppida in Pago Verbigeno Bernensium Imperium agnoscunt: *Zoffingen*, *Aravv* & *Bruck*. Item Cœnobiorum Præfecturæ IX, quarum VI Civilem quoque Jurisdictionem habent. *Gallice* IX, quæ sunt, *Arventicum* *VV* *istisburg*, *Minnidunum* *Mouilden*, *Tverdon*, *Morges*, *Novidunum* *Nyon*, *Oron*, *Zilia* cum *Vibisco* seu *Vivy*: item tres Cœnobiorum Præfecturæ. Ad alteram hujus Tabulæ partem transeo, in qua *Friburgi* Præfecturæ etiam Bernatibus communes à Mercatore recensentur: quæ sunt *Morten*, *Schvvartzenburg*, *Granson*, *Chalan* sive *Seherlin*. his Bernates & Friburgenses alternatim per quinquennium Præfectos constituunt, sic ut Præfecto ex una urbe constituto, provocationes ad alteram fiant, & ab eadem rationes Præfecti examinentur. *Friburgum* oppidum apud Nicitones situm in Vchtlandia ad Sanam fluvium, à Berchtoldo IV Zeringensium Duce paucis ante Bernam annis conditum. Regnante siquidem Lothario anno Domini MC

xxvii *Guilelmus* Vchtlandiæ Comes mortuus est, ut Naclerus scribit, quo tempore ab Imperatore Lothario Vchtlandia Conrado Zeringensi Principi committitur. Quo mortuo anno MCLII, successit ei filius ejus Dux *Berchtoldus* Zeringensis ejus nominis IV. Is utriusque *Friburgi*, *Brisgoja* & *Vchtlandiæ* fundamenta posuit, ut supra quoque diximus, anno post Christum natum MCLII, non sine privilegiorum amplissimorum donatione. Quemadmodum & subsequentes ex ordine Imperatores, utrumq; oppidum non minore favore prosequuti sunt, quam si Imperii membra essent. Anno deinde Domini MCCXIIX *Berchtoldo* V Zeringensium Duce è vivis sublato, *Friburgum* Vchtlandiæ privilegiis omnibus illæsis ad *Comites Kiburgenses* devenit. Anno vero Christi MCC LX *Eberhardus Comes Habsburgensis* istius Urbis habenas tenuit. Is anno Salutis MCC LXX Regi Rudolpho ab *Habsburg* peringenti pecunia suam in hanc Urbem jus vendidit. Hinc *Æneas Sylvius*, *Friburgum* nobilem Austriæ domum nuncupat. Incolæ tandem earum mutationum pertæsi, non sine maxima pecuniarum vi, libertatem ab Austriæ domo redemerunt. Itaque hoc tempore Helvetici juris est. Ejuscemodi in *Friburgensi* muro epitaphium invenitur:

*Dum bis sexcentis ter senis jungitur annus,
In Friburg moritur, Berchtoldus Dux Alemannus.*

Oppidum ipsum mirabilem situm obtinet, partim enim monti præcipitibus petris suffulto impositum est, partim jacet in valle acclivis montibus clausa, circumfluitque montem in imo per desidentem civitatē amnis *Sana* mediocris magnitudinis. Prætorium situm est in præcipiti rupe; ubi olim *Arx* fuit, à qua temporum successu

successu crevit Civitas ipsa, supra & infra. Oppositi montes sustentant mœnia, tamen in Orientali Monte nullæ fere domus, præter munitiones existant. Quocumque pergis in Civitate, est tibi, vel ascendendum vel descendendum. Ager ejus profert omnia necessaria præter vinum, quo non nisi importato utitur. Et hæc de hujus Tractus Civitatibus: nunc nonnulla de administratione Reipublicæ harum urbium addamus. Genus Reipublicæ est in his, quale in iis urbibus Helvetiæ, quæ non sunt distributæ in certas tribus ex quibus Magistratus pari numero deliguntur. In his autem urbibus summum Magistratum & caput publici consilii vocant *ein Schultheßen*. Vox hæc Germanica in Longobardorum legibus usurpatur, & *Schuldhais* scribitur: videtur autem etymon vocis esse à debito, id enim *Schuld*, & jubendo, quod videlicet *Schuldhais* debitoribus imperet ut creditoribus suis satisfaciant. Ille in hisce urbibus summam auctoritatem & potentiam obtinet. Consilia hic publica etiam duo sunt, Majus & Minus.

Ratio
bernardi.

Majus consilium Bernæ sicut & Tiguri nomen habet ducentorum, quamvis plures sint ducentis. Minus vero consilium Bernæ est hominum xxvi. Senatus eligendi ratio hæc Bernæ servatur: Quatuor urbis signiferi ex omni Civium numero viros xvi expertæ fidei & virtutis sibi adjungunt: atque hi xx viri una cum Consule majorem Senatum deligunt: ac postea etiam minorem. Consules quorum præcipua dignitas est, ab utroque Consilio communibus suffragiis eliguntur. Friburgi item majus Consilium cc hominum, minus xxiv. Administrantur autem à minore Senatu res urbanæ, ac provocationes subditorum audiuntur, præterquam ex Præfecturis Sabaudicis postremo bello captis. Quæ autem ad totam Rempub. pertinent, maximeque sunt momenti, ad ducentos seu majus Consilium referuntur. Consul qui utrique Consilio præsidet, ab universo populo deligitur. Comites in hac parte, *Nuenburg*, *Nudovv*, *Arberg*; & *Balm* Baronatus.

Mm 3

IN

Lacus Lemani.

Regiones.

Cæli temperies.

Sæli fertilitas.

IN hac Tabula prima fronte *Lacus Lemani* in confiniis Ducatus Sabaudia, Comitatus Burgundia, Dominatus Helvetia & Episcopatus Valentia conspicitur. Circa Lacum verò nomina Regionum, Præfecturarum, Baronatuum, Ditionum, Itinerum, Fluviorum, Montium, Urbium, Pagorum, Castellorum & Castrorum leguntur. Sabaudiam incolunt Populi Cisalpini lingua Gallica non imperiti, quolim *Allobroges* teste Julio Cæsare Commentariorum initio, ab *Allobroge* Galliarum Rege qui florebat anno Mundi circiter 2433, ac postea *Bagaude*, teste præstantissimo Antistite Faucherio, & tandem *Sabaudi* nuncupati sunt, Gallicè *Savoyiens*, Sabaudicè *Savoyards*. Illam Regionem ab anno Domini 1126. Comites, & ab anno Domini 1420. Duces hæctenus rexerunt. Eadem Regio fertur à Legione latronum primum diuque culta. Verùm hodie tuta sunt ibi & secura tempore pacis itinera. De Cæli temperie conqueruntur Incolæ dicentes ut plurimum, ô quam frigus viget! vel, quam æstus ingens est! Et tamen ferè nunquam congelatur Lacus nec Rhodanus. Æstus verò non solet ibi esse tam ingens quam in Delphinatu, nec frigus tam vehemens quam in Inferiori Germania, ubi flumina congelari solent. Solum est aratione facile & fertile. Abundant enim uvis, tritico, pisces, rapis, caulibus, fæolis, melonibus, porris, cæpis, fabis & lentibus: nec non hordeo, scæno & avena, atque aliis frugibus. Fructus vulgares hi sunt, nuces, poma, pyra varia, cerasa dulcia & acida, mora nigra & alba, castanea & amygdalæ: rariores sunt ficus. Jucunda quoque adest va-

rietas tum cælestium, tum aquatiliū, tum terrestrium animalium. Uvandalæ Helvetici Laufannam & vicina loca colentes subditi sunt Illustriss. Dominorum Bernensium ditioni, quorum nomine Præfecti per quinquennium magna cum auctoritate clavem & clavum Rerum publicarum tenent. Secundum vetusta Chronica, anno Mundi 2790. Laufannæ fundamentajecit Arpentinus Hercules Centenarius, à quo derivatum est antiquum ejus nomen *Carpentres*, quod mutatum est cum transferretur in montem Civitatis circa tempora Martini Episcopi Laufannenſis, anno Domini 593. Urbs *Neviduni*, olim *Benevis* vulgo dicta, ante adventum Julii Cæsaris desolata & diruta, Imperatoris Flavii Vespasiani tempore restaurata fuit à quodam ejus Centenario nomine Nyon. *Coffonex* anno Domini 442 structum est. *Albona* vero anno Domini 456 & sequentibus condita. *Geneva*, civitas equestris, libera & Imperialis, in qua cuditur moneta alba & nigra satis nota & probata, primum vocata est *Genevra*, ut nonnulli existimant, quoniam juniperi loco in colle sita est, quem situm ei dedit *Lemanus* (pater Alemannorum seu Germanorum) Priami nepos, Paris filius, anno mundi 2994. Postea vocata est *Aurelia* ab Aureliano Imperatore, quoniam Restaurator fuit ejusdem civitatis, quæ Heliogabali temporibus funditus combusta fuerat. A Julio Cæsare seu à Latinis vocata est *Geneva*, & à Poëtis, metri causa *Gebenna*, nec non à Notariis. A Germanis *Genf*. A Gallis *Geneve*, cujus anagramma peraprum est *Vengée*. Etenim multoties ab hostium injuriis & proditorum astutiis cœlitus

Animalium varietas.

urbes.



litus vindicata est, ac præsertim 12 seu 22 Decembris 1602. *Castellum Morgiarum*, anno Domini 1135 ab Imp. Clotario constructum est. *Aquianum*, vulgo *Evian*, à Petro Sabaudie Comitis Amedæi fratre & Vicario conditum est anno 1237. Lacus ille Genevensis ex parte Helvetiæ in longitudinem xvi, ex parte vero Sabaudie xii, & in latitudinem iv milliarius sese extendit. *Portus*. Portus habet frequentes ad minimum 16. Ex portu Morgienfi & Rotulensi, vulgo *Rolle*, vinum optimum; ex Portu vero Promontorii, vulgo *Pormenton*, & Neronis, vulgo *Nerny*, magna copia ligni & carbonis Genevam advehitur. *Flumina*. *Rhodanus* Lemani interfluens ab origine sua usque ad introitum Lacus non est patiens navium, neque à ponte Helvetico suburbii Genevensis usque ad proximum oppidum nomine Sessel, quod 7 milliariibus ab urbe distat. Idem fluvius certo loco 5 milliariibus ab urbe distante in barathrum subterraneum labitur. *Montes*. *Iurassus* mons tantæ est longitudinis, ut ejus incolæ à Germanis olim *Longimani* dicti sint. Nam ex ejus extremis cacuminibus conspiciuntur templa Genevæ & Basileæ, quatuor aut quinque dierum itinere ab invicem distantia. In eo spectatur cum admiratione *Petræ pertusa*, quam Sebastianus Munsterus in sua Cosmographia describit: item *Castellum Puella*, seu *Virginis*, à Julio Cæsare conditum: item *S. Claudii oppidum*, quod à Claudis è longinquo nomine religionis invisitur: item Fons Niveus æstivo tempore: item Puteus naturalis instar theatri latus, instar templi mediocris altus, & instar antri obscurus, perpetua nive & glacie ac fortè crystallo plenus. Non procul à lacu Lemano ex parte Sabaudie conspiciuntur montes media æstate nive cooperti. Est quidam mons uno milliari ab urbe Genevâ distans, quem nonnulli non sine horrore con-

scendunt per gradus arte plus quam humana è rupè scissos, strictos, & fere innumeros. Sunt qui supremo gradui pedem adponentes, identidem à conspectu horrendi præcipitii regressi sunt. Est alius mons non procul ab Aquilæ oppido versus Valesiam, de cujus stupendo casu & effectu legatur Historia in Historiis memorabilibus nostri temporis capite Terræ motuum, nuper Gallicè in lucem editis, Lutetiæ Parisiorum. *Mons S. Sergii* fertilissimus est: inter cæteros Chablasi sunt, inter quos alter etiâ fertilis. Cæteri nihil nisi ligna seu arbutula ferunt cum pascuis vaccarum, quæ in planitie montium æstivo tempore saginantur, & lacuberè reddunt. Cæterum quis enumeret casus & res memorabiles in iis tempore belligestas? Quantum & quam formidabile præcipitium montis Mustruacensis, in quod singulis annis multi equi onusti ac nonnulli Mercatores præcipientes ruunt? De rupibus instar dentium aut ensium acutis acutiori stilo est scribendum aut silendum. De radicibus Aquianensium montium notum est eas ignotas esse, propter altitudinem lacus, è cujus imo originem trahunt. Silvarum maxima pars pauperibus & divitibus castaneas suppeditat, porcis & suis glandes, igni ligna vili precio, agricolis curricula & aratoribus arata. In his locis nullæ aut paucæ adiculae Sanctorum reliquiis venerabiles, propter exulatam Idololatriam. Super sunt quidem templa sumtu & artificio magnifica, in primis Lausannense marmore nigrescens interius, nec non Genevense per antiquum albo ferro refulgens, semel atque iterum fulmine ictum, ita ut crux plumbea combusta sit & turris alta demissa; quæ ante Caroli Magni adventum exstabat. Adde templum Viviacense inter vineas extra urbis mœnia locatum, & Morgienfe nuper adornatum. Sed ibi simulacra

Silva.

Op rapu-
blica.

Profana, lacra deleta sunt. Non deest Geneva *Orphanotrophium* nec *Nosocomium*: sed utrumque includitur *Xenodochio*; in quo habitat Catechista & Pædagogus in consolatione ægorum & precibus vigilans, quod etiam proprium Medicum & Pharmacopolam habet. Curia municipalis Genevensis in qua quotidie viginti quinque prudentes & pii Senatores Reipublicæ causa conveniunt, in qua etiam membrana scripta cum codicibus asservantur, noctu à Civibus ipsis custoditur. Ex una parte Portæ collocata est Sedes Judicii, vulgo *Tribunal*, magnifica. Ex altera parte Portæ prostat monumentum notatu dignissimum de tempore, occasione & mediis renovati status. Armamentarium egregiè instructum prope curiam ostenditur. In eadem Civitate multa sunt propugnacula eminentia & bombardis munita. Arces multæ sunt & fuerunt in hac Regione, quarum una *S. Catharina* dicta, in qua reposita erant instrumenta bellica ad obsidionem Geneva parata & illuc adducta an. 1590. Capta est à Rege Henrico quarto ejusque jussu diruta, anno Domini 1601. Altera quæ opòrtunè in oppositum ab ipsis Genevensibus erecta erat, pacis & partitionis causa in chaos redacta est. Tertia vulgo *Ripaille* dicta, auxilio Gallicarum cohortium in potestatem Genevensium venit anno 1589 & desolata est, ut & quarta, quæ erat Versovii quum ab iisdem Genevensibus capta est. Nonnullæ ibi sunt turres affabre & ingeniose erectæ, inter quas una dicitur *Turris Magistræ*, quæ Genevam ex parte Lacus & Sabaudia defendit: alia

dicitur *Turris Insula*, vel *Casaris*, quæ in alta Insula sita est ad defensionem Pontis olim ad Helvetios pertinentis, & ut fertur ab eodem Imperatore constructa est. Statuta & Leges Reipublicæ Collegiique Genevensis leguntur in libro impresso. Magnus est in his locis nobilium familiarum numerus. Quod attinet viros ingenio & artium scientiarumve professione celebres, non pauci sunt qui suis scriptis Theologicis & Philosophicis claruere: Petrus Viretus Verbigenensis, Guilielmus Farellus, Ioannes Calvinus, Antonius Sadeel, Petrus Cevalerius, Nicolaus Colladonus, Cornelius Bertramus, Alberius, Alizetus, Sequierius, Bucanus, qui omnes superiori seculo Geneva, Lausannæ, Morgii & Albonæ Pastorum atq; Professorum munera diligentissimè diuq; obierunt, quibus succedere in scribendo clari Theodorus Beza Vefelius, Simon Goulartius Silvanectinus, Antonius Fajus, Ioannes Iacomotus Pastores, Iacobus Lectius Senator, Ioanes Deodatus Genevensis, linguæ & Theologiæ sacræ Professor, Isaacus Casaubonus Regius linguæ Græcæ Professor, & Gasparus Laurentius ejusdem linguæ Professor. Cæterum Bibliotheca publica Geneva multis eximiis manuscriptis ornata est. Lausannensis vero Patrum & aliorum præstantiss. Theologorum opusculis instructa est. Quod vulgus attinet, à barbarie videtur alienum: etenim magno amore & honore advenas colit & excipit: peregrinatas ponderosas, cappones pingues, caseos bonos, aurea fila & setam inter cæteras merces mittit.

*Celebres
74.*

Bibliotheca.

Mercurio.

Nn

ARGO-

ARGOVIA, vulgo *Argov*, pars fuit Regni *Transjurensis*, quod quidquid à Jura monte, ad Alpes usque excurrerat, (cui quondam Helvetii, Rauraci & Allobrogum pars, hodie vero Sabaudia Ducatus, ac Uchtlandia, Brisgovia, Suntgovia, Cremerlandia, & Tigurinensis Præfectura sive Helvetiorum hodiernorum pagi tenent) comprehēdebat. Hac autem tabula *Lucerna*, *Vren*, *Svritz*, *Vndervvald*, *Glarona* pagi pro maxima sui parte continentur. *Lucerna* Helvetiorum urbs quam Meyerus *Lacocernam* nominat, sita est ad fluvium *Rusam* qua is effluit ex Lacu amplo, & per quem ad tres pagos navigatur, ad pedem altissimi montis, quem *Fractum* & *Pilati Montem* vulgo nuncupant. Lacus urbi commodus est, quod hac iter sit in Italiam per Alpes Lepontias, quem *Montem S. Gothardi* hodie nominant; hinc merces ad Alpes subvehuntur, indeque in Italiam clitellariis jumentis, & vicissim Italice merces per Lacum & *Rusam* fluvium in Rhenum ac porro in Oceanum descendunt. Habent autem Lucernates, majorem ferè commoditatem ex Lacu, quam ex adjacente solo, tametsi eximia quoque habeant prata, & pabula pecotibus nutriendis idonea. Urbs est satis amena & elegans, dignitate ac opibus permultis, commune Emporium Suintensium, *Vranorum* & *Transilvanorum*. Origo urbis incerta est: utriusque ad flumen extitisse castella singula traditur (hodie sunt Civium ædes) quæ ab Alemannis extructa, creduntur. Nomen accepisse videtur à *Lucerna* quæ forte illicin usum navigantium noctu ponebatur, atque huic rei credibile est, inservivisse turrim illam vetustam, quæ ad superiorem pontem hodie ab aquis nomen habet, qualis & Tiguri cernitur à fluctibus *VV*el-

lenberga dicta: *Pharos* antiqui turres hujus generis appellarunt. Tradunt Annales domestici Lucernates *Carolo Magno* adversus Saracenos militasse, & ab eo cum privilegiis quædam consequutos, tum Cornuum usum, quibus adhuc classicum tempore belli canunt. Penes Canonicorum Collegium maxima hic quondam potestas fuit. Quod in potestatem deinde Abbatis *Murbacensis* ex donatione *Pipini Regis* pervenit. Tum *Albertus Austrius Imperator*, *Lucernam* à *Murbacensi* Abbate emit. Sed non ita multo post, *Lucernates* sub *Austriorum Imperio*, gravibus oneribus pressi, pacis & libertatis amore anno *mcccxxiii* fœderi nomen subscripsere. Præfecturæ *Lucernatum* quæ à *Mercatore* recensentur, duæ sunt, in quibus Præfecti ibidem loci habitant, *VVikensis*, *VViken*, opinor: & *Sempach*. Sed Præfectus hujus nullum jus in oppidum habet, tantum Lacui & piscationi præest. Reliquas administrant Senatores in urbe manentes, quæ sunt: *VVillisovv*, *Entlibuchia Vallis*, *Rotenburg*, forte *Rott*, aut locus aliquis illi proximus: *Habsburg*: *Berona* cum vicino agro *Chelamt*, id est *Michaelis Præfectura*, dicto; *Merischvanden*, *VVaggis*; *Ebicon*; *Horba*; *Krientz*; item 11 urbes *Sursejum* & *Sempachium* in clientela sunt *Lucernatum*: habent tamen proprium consilium, quod causas tam civiles, quam criminales judicat: sed princeps Consilii *Sursci Schulthes* dictus, jusjurandum dat *Lucernatibus*; *Sempachii* verò à *Senatu Lucernate* deligitur, attamen ex civium *Sempachianorum* numero. Sequuntur *Pagi*, *Vriorum*, *Vraniorum* sive *Vrania*. Hujus incolas tempore *Julii Cæsaris*, appellarunt *Romani Tauriscos*, & nomen *Vri* quo hodie nuncupantur, putatur originem duxisse ab *Vranis*, quos veteres *Tauriscos*

Imperium
majorum.Lucerna
nbs.Vriorum
pagus.



Tauriscos nominaverunt, sicut & in hunc usque diem *Sie-
bentalenses* tauros vocant *Vros* more veterum Germano-
rum. Deinde & Regio ista habet nigrum tauri caput,
in campo croceo, quo pro insignibus utitur. *Vriorum*
Pagus in x partes, sive communitates dividitur, quas
ipsi vocant *Gnossminen*, quasi dicas participationes,
quod soli ex his electi Senatores omnium munerum
participes sint, & ad annuos conventus vocentur. *Suiti-
orum*, sive *Suitia*. *Suitia* sive *Suicia*, oppidum universæ
Helvetiæ nomē communicat. nam ab iis primum ædi-
ficatum est, qui novis quærendis sedibus ex Sueciæ re-
gno huc profugerant. Ex tribus pagis est unus, qui con-
tra Nobilium insolentiam fœdere conjuncti fuerunt;
robustos, belloque potentes homines edit, qui fre-
quenter hostibus incusserunt terrorē. Ex iis rebus, quæ
terra compascua ex se fundit, fere omnes vitam susten-
tant. Ab hoc oppido sive pago, exteri Helvetios *Suitze-
ros* vocant, vel quod primo pro libertate in ipsorum a-
gro pugnatum sit: vel quia diutissimè cum Eremitanis
contenderunt, & primi omnium ex pagis tribus Au-
striorum irruptioni expositi fuerunt, & inter tres pagos
maxima eorum fuit potentia, nomine eorum, ut cele-
briori, reliqui etiam pagi sunt comprehensi, & ab his
deinde nomen, ad omnes fœderatos dimanavit: vel
denique quod initium federationis fecerint Uri, Sil-
vani, Suitenses, in horum oppido. *Suitiorum* Regio di-
visa est in partes vi, quas *Quartas* vocant, veteris divi-
sionis nomen, in recentiori & senaria retinentes. Et *In-
ferioris Silvaniæ* quæ vulgo dicitur *Vndervvaldia*. Hic li-
beræ conditionis pagus, mutuo societatis fœdere *Suiti-
æ* & *Uranæ* junctus, anno Domini mccc xv. Natu-
rali Alpium vallo circumseptus, pascua habet amœna
pecoribus alendis perquam idonea, unde magnas opes

Silvaniæ incolæ percipiunt. Cæterum Uri, Suitenses,
Silvani seu *Undervvaldenses*, etsi monasticarum fami-
liarum Abbatibus certis pactionibus subditi erant, ta-
men sua quadam libertate gaudentes Præfectos acci-
piebant ab Imperio, quos *Voigtos* appellant, fortasse
Græco nomine, prorsus ut olim Præfecturæ Romano-
rum. Horum idem munus erat, quod in his terris *Burg-
graviorum*. Penes illos enim summa judiciorum publi-
corum, & vitæ necisque potestas erat. Formam guber-
nationis reliquam mansisse ex antiqua Romanorum
Monarchia conjicio, in qua Præfecturæ suis non vive-
bant legibus, neque ex suorum numero creabant Ma-
gistratus, sed hos à Senatu aut Monarchis accipiebant.
Cæterum *Vndervvaldia* Pagus in 2 Conventus distribu-
tus est, per *Silvam Kernvvald*, *Superiorem* videlicet & *in-
feriorem*, tota Regione *Underwaldiæ* nomine nihilo-
minus comprehensa. Superest *Glarona* vulgo *Glaris*,
Helvetici fœderis vallis, ac Regio juxta Limagum flu-
vium non admodum ampla, longitudine 111 milliario-
rum Germanicorum, nomen habens à præcipuo to-
tius regionis vico, cincta tribus partibus altissimis
Alpibus; à Meridie & Oriente *Rhetos*, ab Occasu
Urios & Suitios attingit, à Septentrione castra *Rhe-
tica* dictam regionem, qua Limagus vallem egreditur.
Hujus regionis jurisdictio, una cum quibusdam
proventibus, fuit tempore S. Fridolini per Comitem
quendam donata monasterio Seckingenfi, tempore
scilicet Clodovei primi Francorum Christiani Regis,
nempe anno Domini 10, qui primus Francorum Rex
fuit, qui in *Rhetia*, *Alemannia*, & *Helvetia* imperavit.
Consecuta est hæc terra posteris temporibus suam li-
bertatem, & propriam jurisditionem, adjunxitque se
fœderi Helvetico, anno Domini mccc lxi. Vivunt in-
colæ

*Suitiorum
pagus.*

Glarona.

*Imperium
maurum.*

*Vnder-
vvaldia
pagus.*

colæ lacte, caseo, butyro, & carnibus. Ibi inter angustias montium nulli, aut pauci feruntur agri, raræ plantantur vites. Hortos pomiferos habent, & prata lætifima. Vinum & frumentum aliunde invehuntur. Pisces Lacus subministrant, aves carnesque ferinas Montes silvosi suppeditant. Patriam hanc Henricus Glareanus & Ægidius Yscudus, doctissimi Viri, ortu nobilitarunt. His accensentur *Hamburg Comitatus*, *Humberg Baronatus* & *Ringenberg*. Est autem *Glarona* in xv partes distributa, quas vocant *Taggyran*. Imperat *Werdenbergen Comitatus*, quem emerunt anno 1517. Cum Suiis alternatim Præfectos mittunt *Vzenacum*, *Vifnac*, & in *Castra Rhetica Wesom*. Sed hæc hætenus, nunc generalia quædam de hac Helvetiæ partē subjungamus, inter quæ *Lacus* primum sese offerunt, inter quos miraculi causa memorandus *Lacus Pilati* cognomine, qui in Monte, quem *Fractum* vocant, haud procul *Lucerna*, pæne in summo montis jugo paludinoso solitarioque situs, silvis undique circumdatur, ne scilicet à quoquam irritetur. Ferunt enim, quæ in eum de industria injiciuntur maximas ciere tempestates, omniaque undis opplere, qui sæpe tentarunt & experti: quæ vero casu incidunt nihil adferre periculi. Locus est visu horrendus; aqua suo alveo inclusa, nec exitum habet, nec flumen in se recipit aliquod, nec nivibus nec pluviis agetur. Vento etiam minimè agitur, quin semper sibi similis nigras suas ruetur undas, nec fas est peregrinis eum adire locum, ne temere quid

Lacus.

Flumina. injiciant, unde vicina periclitetur regio. Inter flumi-

na vero quibus hæc Helvetiæ portio irrigatur, sunt *Limagus*; hic apud *Glaronenses* oritur, ac in media ipsorum regione *Serniphium* alterum ex altera valle delapsum amnem accipit. Deinde infra *Vrmas* (duorum vicorum nomen est) supra *Latèricium Pontem* (ita vocant) ex *Lacu Vesenio* acceptâ aquâ, *Murcham* (qui fuit olim Helvetiorum in *Rhetos* finis, & Helvetii ita terminum vocant) ac *Castra Rhetorum* (& huic loco etiam nomen manet *Gastra*) determinat. Hinc *Lacus Tigurinum* ingressus, ad ostia ejus *Tigurum* amplissimam Helvetiorum urbem dividit: mox *Aquas*, memorabilem in Helvetiis locum propter calidas illic aquas, *Græci Thermas* vocant, delabitur. Deinde haud ita longè *Ursæ* ac *Arolæ* miscetur. *Vrfa* sanè, quem fluvium transpositis duabus prioribus literis vulgo *Rusam* vocant, in summis Alpibus, quibus hodie *S. Gothardi* nomen est, oritur, ac recta ad Septentrionem labitur, quum contra *Ticinum* ex eodem jugo per *Lepontios* in Meridiem, *Vrsulam* sive *Vrsellam* primum vallem *Rheticâ*, deinde *Vriam* *Tauriscorum*, gentis *Gallicæ* reliquias, venit, ubi lacui miscetur, qui *Vros*, *Suitios*, *Silvanos* ac *Lucerinos*, quatuor *Silvæ* Civitates (nam ita appellant hodie) alluit. Porro deinde *Tuginis* amnis susceptis *Bremgarten* ac *Melligen* (oppida sunt ditionis *Helveticæ*) lapsus infra *Brugas Arolæ* commiscetur. Ad Confluentem autem tria Helvetiorum flumina *Limagus*, *Vrfa* & *Arola* in *Rhenum* exonerantur. Sed de Helvetia, ejusque partibus quæ dicta sunt hætenus sufficiant, ad Inferiorem Germaniam transeamus.

EAm Galliarum partem quam obtinet Hispaniarū Rex descripturus, idē quem in Francorum Regno constitui, ordo sequendus mihi erit. Primum ergo ea quæ de Inferioris Belgii politico statu mihi in studioforum gratiam communicavit vir clarissimus D. Dominicus à Burmania accipe, postea Provincias Dominiaque enumerabo & describam.

Politia Belgii sub Burgundionibus.

OMNIS Gallia secundum Iulium Cæsarem divisa est in Belgicam, Celticam & Aquitanicam. Belgicæ mediam forte partem Hispaniarum Rex aliquot jam possidet sæculis: alteram, Picardiam scilicet, Campaniam, Normandiam (quamquam hæc duæ postremæ non in totum sub Belgio continentur) & reliquam Belgii partem possident Dux Lotaringæ, Iulie, Clivie, Archiepiscopus Trevirensis, Moguntinensis, Colonienfis, Episcopus Leodiensis & alii. Produxit hæc Belgica, teste Iulio Cæsare, illustriores semper ac fortiores milites quam reliqua Gallia, ita ut non modo illius tempore, verum etiam nostro sæculo omnem belli molem sustinuerit.

Continet autem circiter 320 urbes munitas, & circiter 230 oppida privilegiata, pagos vero plus minus 12000.

Et quamquam tota hæc Belgica propter diversas Imperiales & Regales dignitates, Electoratus, Archie-

piscopatus, Episcopatus, coronationem tam Imperatoriæ Majestatis Aquiligrani, quā Regni Franciæ Sueffione mire inclarescat, illa tamen pars quæ Regi Catholico semper parvit longè nobilissima est: tum propter ortum ac natalē quamplurium Monarcharum, Regū, Principum, Ducum; tum etiam propter frequentes in ea & opulentissimas urbes, infinita oppida, & innumerales pagos, adeoque inhabitatorum admirandam frequentiam, eorum divitias, civilitatem, ac animi fortitudinem. Quibus etiam Carolum V Imperatorem motum fuisse ferunt, ut in deliberationem multoties traxerit, in Regnum eas Provincias esse erigendas: verum propter privilegiorum, morum, atque legum in singulis Provinciis diversitatem, tum continuorum bellorum difficultates, quibus opprimebatur, ab instituto revocatum fuisse.

Hæc pars in circuitu habet fere 340 milliaria Flandrica, Italica 1000. Continet urbes clausas 208 & circiter 150 oppida, urbibus propter splendorem & privilegia hæud inferiora: pagos vero plus minus 6300 majores: minores autem infinitum numerum fere, sicut & diversa Dominia ac Principatus merum aut mixtum imperium habentia.

De Præside aut Gubernatore totius Belgii.

Eadem in hoc Belgio est administrandæ Reip. ac justitiæ ratio, quæ in Regno Galliæ, eadem Magistratuum nomina, eademque auctoritas Provinciis omnibus. Vnus à rege Catholico semper est generalis cum summa

summa auctoritate Præfectus, qui & Burgundiæ quoque Comitatu præest: neque enim præ multitudinem Regnorum ac Provinciarum ipsius eam, sicut Burgundiæ Duces solent, administrare valet. Quapropter tempore Maximiliani Cæsaris ejusque filii Philippi, summæ rerum præfuit ad tempus Georgius Saxonix Dux. Caroli V Imperatoris tempore primum Margareta Austria, Imperatoris mater tera; qua defuncta soror dictæ Cæsareæ Majestatis Maria Vngariæ Regina ab anno 1531 ad 1555, quo Imperatoria Majestas totum Belgium filio Philippo renunciavit, qui successive easdē Provincias demandavit suo nomine regendas a Emanueli Philiberto Sabaudix Duci Consobрино, puta ex duabus sororibus Regis Lusitanix utroque nato, qui à Rege Ducatui suo Sabaudix restitutus Præfecturæ renunciavit, itaque in ejus locum surrogata est Regis soror Margareta Parmæ ac Placentiæ Ducis uxor, cui præter alia cōsuetu assignata fuere in singulos annos 36 millia coronatorum. Hic Præfectus licet summam adeoque plenissimam haberet per totum Belgium auctoritatem, cuncta tamen majora munera ac officia, ut sunt, Præsidiatus, Cancellariatus Statuum, & omnes leges, decreta & negotia sub Regis nomine distribuuntur, atque emanant. Scire autem hic oportet, antequam de singulis consiliis seorsim quid dicamus, olim duo illa consilia Statuum & Privatum unum tantum apud Principē fuisse, quod Privatum nuncupabatur: verum excrecentibus negotiis in duo diversa id partiri necesse fuit.

De Consilio Statuum.

Consilium Statuum, ut vocant, quod apud Guber-

natorem residet, incerto constat Consiliariorum numero, pro arbitrio enim Principis & negotiorum necessitate plures vel pauciores adhibentur. Constat verò ex diversis Provinciarum Belgii Præfectis, nonnullisque doctoribus, qui propter doctrinam, integritatem, ac virtutes subinde adhibentur. Huic ordini unus præest judex seu præses consilii. Cum hoc consilio deliberat Belgii summus Præses super rebus Principis & publicis, puta de bello & pace, deq; generali totius patriæ regimine. Eodem in deliberationem veniunt, quæ ab omni parte adferuntur. Item sœdera cum Principibus ac vicinis, an dimittendi vel retinendi sint belli Duces. Item de propugnaculis, munitionibus, provisionibus armorum, qui demandandi & recipiendi legati, cunctaq; huc referuntur ex consiliis magis ardua negotia: deniq; ut summatim dicamus, quicquid conservationem ac protectionem totius patriæ intus & foris concernit, in hoc consilio deliberatur. Solent & extraordinariis & magis arduis negotiis adhiberi quoque omnes Ordinis aurei velleris, & ex aliis gubernatoribus Provinciarum, officariisque Regiis nonnulli.

De Consilio Privato.

Consilium quod vocant Privatum seu Secretum similiter apud Gubernatorem residet. Constat ordinariè 10 vel 12 Consiliariis, iisque Doctoribus aut Licentiatis à Rege vel ejus Locū tenente electis. Hoc cum divisum sit propter multitudinē negotiorum à præcedente consilio Statuum, sibi reservavit quicquid ad justitiam, jus, & poliriam pertinet, & inspectionem aliorum consiliorum. Hujus itaq; est concedere privilegia, consensum, gratiam,

gratiam, veniam, remissiones. Item condere leges, ordinationes, statuta, edictaque, unde & Magistri supplicationum vocantur. Hujus item consilii est cognoscere de limitibus, ac confinibus Provinciarum, deque partibus principalibus domini, superioritatis & auctoritatis Principis, Dominorum & aliorum aulicorum immatriculorum. Denique consilium hoc robur est ac conservator iustitiæ, cæterarumque rerum omnium inspector, quanquam subinde magis ardua consilio Statuum communicet, ac vice versa illud quæ politiam ac Justitiam aliquo modo concernunt cum hoc conferat ac communicet. Habet & hoc Consilium suum Præsidem.

De Consilio Finantiarum.

In eadem curia residet & aliud Consiliū, quod vulgo Finantiarum vocant. Huic communiter præfecti semper fuere tria ex prudentioribus dominis patriæ capita, unus Thesaurarius, unus Receptor generalis & tres Commissarii docti ac prudentes, cū duobus Grefsiariis aliisque officiariis. Hoc Consilium curam habet bonorum patrimonialium & reddituum Principis, subsidiorum ordinariorum & extraordinariorum, Cameræ rationalis, Receptorum aliorumque Officiorum Regias pecunias tractantium. In eodem sunt taxationes, rationes assignantur solvendi quidquid concernit pacem vel bellum, fortificationes, munitiones, provisiones, adeoque omnes expensas, tam ordinarias quam extraordinarias pro conservatione Status patriæ. Hoc item bona Principis elocat, facit moderationes ac restrictiones contentas ejus ordinationibus. Breviter totam agit curam Regii Thesauri universi.

De Consilio Camera Rationalis.

Est alius Bruxellæ Magistratus Regius, qui est tanquam membrum Consilii Finantiarum, appellaturque Camera rationalis, cui præest unus Præses & septem Magistri rationum, quatuor scilicet ordinarii & tres extraordinarii, cum nonnullis aliis officiariis. Reddunt huic rationē administrationis pecuniarū regis omnes Thesaurarii & Receptores Brabantiae & adhærentis ditionis, item agri Lutzenburgici, recipiuntque omnes hic suas quitantias. Præter hanc vero Cameram sunt adhuc in Belgio tres aliæ Cameræ rationales, in Flandria scilicet, Hollandia & Geldria, quæ omnes summarie rationem reddere coguntur Finantiarum Consilio tanquam omnium inspectori. Atque hæc sunt Consilia & Magistratus vel Officiarii, qui perpetuo generalem Belgii Præfectum comitantur vel apud eum resident.

De Consiliis Provincialibus.

Est & aliud in hoc Belgio Consilium in singulis fere Provinciis, quod Parlamentum Regium vulgo nominant, quale est Mechliniæ, in Brabantia vero Cancellariam vocant. Præfunt huic communiter secundum diversa loca vel 12 vel 16 vel 18 Consiliarii Doctores & Licentiati, unusque Præses seu Cancellarius tanquam Iudex. Adstunt pariter Advocatus & Procurator Fisci, Grefsiarii, Secretarii, alique Officiarii, omnes à Locum-tenente Regio electi, & à Rege stipendiati. Hic Magistratus summa pollet auctoritate, cunctarū civilium & criminalium causarum, & omnium in hisce Provincialibus Dominiisque Regis controversiarū cognitionem habens. Habet & activā & passivam cognitionē fundamentorum, confinium ac differentiarū,

quæ

quæ à prælaturis eorumq; jurisdictionibus procedunt, exceptis bonis mortuis, vulgo *amortisfez*, eorum enim cognitio ad curiam Ecclesiasticam pertinet. Similiter observari facit privilegia, exemptiones, officia, beneficia, ac provisiones à Principe concessa, salvis nihilominus semper jurisdictionibus & privilegiis locorum particularibus. Huc vocantur in jus non solum omnes regii Officarii, & ministri provinciales, sed & Rex ipse, pro quo respondent ejus Procurator & Advocatus, minimeque summa ejus autoritas, aut dignitas cuiquam præjudicio ac damno est. Quinimo accidit jam pridè in Geldria regnante Rege Philippo, ut cum Majestas ipsius in causa quadam gravissima contra Dominum de Anholt succumberet, nullusque Officiariorum sententiam executioni mandare auderet, Rex ipse eam realiter executus sit. Ad hoc tribunal cunctæ devolvuntur appellationes inferiorum cujusque Provinciæ judiciorum, neque hoc ulla e contra appellationem admittit, sed duntaxat Syndicatum, quem Revisionem vulgo vocant. Rarius vero fit ut nõ revisionem petens, & maximarum expensarum, eo scilicet nomine faciendarum, & ipsius causæ jacturam patiatur. Sed nec per revisionem hanc sententiæ prioris executio differtur. Iudicatur in omnibus hisce summis Curis secundum jus commune, salvis tamen legibus municipalibus & singulorum locorum constitutionibus, quæ plurimæ quidè sunt, decretisque Principum vulgo Mandamentis, quæ quatenus privilegia non lèdant, cæteris legibus omnibus præferuntur. Veruntamen antequam hæc publicantur, in deliberationem & cognitionem prædicti Consilii trahuntur, suntque eatenus in jure fundata, quatenus cum legibus scriptis conveniunt.

Præter jam dicta deputat etiam Regis nomine Præses certos singulis annis legatos per singulas fere Provincias, qui revisorum funguntur officio, ut scilicet rationes proventuum seu reddituum aliaq; patriam concernentia revideant animadvertantque, & specialiter in Brabantia, ubi Rex singularè habet in loca sacra auctoritatem. Quapropter mandat etiam ut animadvertant in rationes Ecclesiarum, Monasteriorum & Xenodochiorum, & si indebitè administratum quid deprehendatur, relatione facta ad Curiam, severè corrigitur & reparatur, adeo, licet singulæ Regiones & Civitates suis etiam legibus & privilegiis vivant & gaudeant, summa tamen administrationis iustitiæ ratio à Rege dimanat, atque in eum redundat, fitque ab omnibus Officiariis suæ Majestati fidelitatis juramentum.

Militia Belgica.

Tempore pacis Rex non nisi paucis utitur in solis confinibus Regni præsidariis militibus, ea autem loca sunt numero 26 maximi quidè momenti propugnacula. Alia deinde equestris militia ab omni antiquitate observata à Carolo V anno 1547 prudenter restituta & reparata est, quam ordinarias Bendas seu Legiones vulgo vocant, trium millium electorum Equitum, qui distributi in 14 Bendas præcipuis Provinciarum dominis committuntur, atque hi suos habent Locum-tenentes, aliosque Officiarios. Vnus est generalis Quæstor militiæ, qui Regis nomine hisce legionibus ordinariis solvit, is fuit *Art Molikeman*.

Præterea nullam fere habet Rex pacis tempore classem maritimam instructam, sed quia omnes regni Portus navibus diversis abundant, necessitatis tempore omnes eas naves, vel quot & quas ex iis libet, sibi jubet:

fuisque eas sumtibus ad bellum adornat, soluto navium domino quod æquum est. Atque in hunc finem toti rei maritimæ unum præfecit summum belli totiusque classis Ducem, quem *Admiralium* vulgo vocant. Is fuit Comes Hornensis, hic omnis prædæ belli tempore, omnium confiscationum, omnis denique generalis mercaturæ, quæ cum licentia Regis ex hostili solo ad nos deferretur, suam habet partem. Hanc vero Regis licentiam Admiralius sua manu approbare & confirmare debet, antequam indemnitate sibi promittere Mercatores queant. Est & alius maximæ quidem dignitatis Præfectus tormentorum bellicorum, & quicquid id genus armorum concernit, quæ quidem arma ordinariè Mechliniæ asservari solent, atque horum cura Domino de Glajon Aurei velleris Equiti demandata fuit.

De Dominiis seu bonis patrimonialibus Principis.

Venationes, aucupia & piscationes per hæc terras pro distinctione iurisdictionum sunt Principis, Civitatum priorumq; Dominiorum, excepta Brabantia, ubi quinque tantum silvæ Principi ab omni venatione & aucupio liberæ sunt; per reliquam totam Provinciam unicuique cum canibus & avibus, non retibus, libera est venatio, aucupium & piscatio. Princeps in singulis fere provinciis suos venationi Præfectos habet, & nominatim per Brabantiam, magnæ dignitatis officium est, cui præesse solet Marchio Bergensis, eoque nomine vulgo Magnus Brabantiæ Venator appellari solet.

Præcipuæ quoque earum regionum Silvæ ad Regis usum non modo venandi, sed & lignandi spectant, estq; non minima suorum reddituum pars. Reliqui redditus in civitatibus, villis, castellis, terris, molendinis, aliisque ab

omni antiquitate Principibus patriæ attributis constituent, quæ vulgo *Domaines*, latine *Dominia*, vel proprius bona *patrimonialia* vocantur: sed & vestigalia quædam mercantiarum tam mari quam terra inter eos redditus connumerantur, similiter & redditus quosdam in præcipuas civitates Rex habet, puta in Antverpiam, ubi præter partem suam omnium confiscationum, habet & monetæ, carcerum & piscationum locationem, aliæque nonnulla quæ Regium dominium, ut vocant, mire adaugent.

Modus convocandi Status.

Princeps petiturus quid, vel novum tributum, novæve leges impositurus, convocare solet, certo assignato die & loco, qui communiter Bruxellis esse solet, tum propter Regiam Curiam, tum quod Brabantini extra ditionem suam nihil deliberent, omnes totius Belgii Ordines; qui sic debite interpellati haud gravate comparent, vel saltem secundo sub multa aliqua pecuniaria appellati legitimo numero plures vel pauciores, prout citati sunt, pro causa necessitatis conveniunt. Sunt autem qui communiter Bruxellis comparere solent hi: Brabantini, Flandri, Artesii, Hannonienses, Valentii, Ryssel, Douay & Orchies, Hollandi, Trajectenses, Zelandi, Namurcei, Tornaci & Tournesi, & Mechlinienses. Reliquarum Provinciarum Ordines ut sunt Geldri, Frisii, Luxemburgii, quia remotiores sũt a suis Gubernatoribus (nisi gravissimæ sint deliberationes) non vocantur, & cũ iis transigunt. Ceterũ Ordinum generalium tres sunt status: 1 Ecclesiasticus, 2 Nobilitas, 3 præcipuæ Civitates. Horum statuum membra, personæ ac deputati ii qui semper ad id electi fuerunt comparent, vel suos deputat: Le-gatos.

gatos. Verum non omnium regionum idem est in hac parte usus & consuetudo. Exempli gratia: Brabantini, Hannonienses, Artesii, Namurcenſes, & Zelandi diversis Commissariis re expediunt, puta Ecclesiastici Abbatem; Nobilitas Ducem, Marchionem, Principem, Baronem, & Nobiles; Civitates vero Consules, vulgo Burghmagistros, & duos vel tres Scabinos, unumque civitatis Pensionariū, plures vel pauciores pro facti exigentia delegant. Flandri per unum solum Legatum vel Commissarium vulgo, ratione quatuor Membrorū comparant, quæ quidem iv Membra omnes tres supradictos Status repræsentant, quanquā & hi separatim suos delegare queant, qui inspectionem in factum Legati 4. Membrorum habeant, ne quid præjudicii illis pariat. Verū communiter quod quatuor ea Membra statuunt id ratum firimumque habetur. Hollandi duorum tantū Statuū nomine, Nobilitatis scilicet & Civitatum Legatos deputant, iique totā Provinciam repræsentant. Hoc modo coacto Consilio in præsentia præfecti Regii Præses, vel quis Statuū Consiliarius Principis seu Regis nomine, petitionem ejusdem perpulchro huic Ordini humanissimè exponit. Illi post consuetas deliberationes singuli pro se in scriptis res dependunt, quo equidem responso si Regi non sit satisfactū, multis conatur rationibus Ordines ad suam petitionem permovere, nec enim illud hic tyrannicum locum ullo modo habet, *Sic volo, sic jubeo*: quin et si ad unū penè omnes Ordines Regis voto consensissent, sola tamen Antverpia hunc consensum infringere & annullare poterit, si quidem Ordines omnes ea lege & conditione cōsentire semper censentur, si eam omnes Status, atque singula eorum Membra comprobant, & in suam portionem consentiant.

Quocirca omnino necesse est non modo omnes Ordines seu Status generaliter consensisse, sed & omnium statuum singula quoque Membra consensum suum unanimiter dedisse. Vnde plerūque fit, ut non attentis quibusvis Regis demonstrationibus, justisque rationibus, nihil pæne unquam Regi propter votorum diversitatem concedatur, quo quidem casu Rex pro eo tempore patienter acquiescit, & in commodius tempus differt. Attamen rarius est, ut non moderatus Princeps à subditis discretis ac placidis voti sui tandē compos fiat. Si quam pecuniam Principi promiserint, neque eam commodè in parato habere queant, aliam ineunt inter se, cum consensu tamen Principis, conquirendi rationem, decimam, vel vectigal quoddam rebus communibus ad tempus imponendo, vel alio quodā modo modo pro ratione loci, temporis & occasionis, quæ juxta modum, taxam & proportionem consuetam suo tempore dependitur. Ecclesiastici suam portionem separatim solvunt. Nobilitas & Civitates propter affinitatem commerciorum & utilitatis inter se simul solvunt; Brabantini quidem ut primi, propter antiquitatē & dignitatem Ducalem, suam dependunt partem in florenis 20 stuferorum. Flandri propter opulentiam suam in florenis 24 stuferorum, & sic reliquæ quoque Provinciæ juxta consuetas taxas, quæ non faciliè immutantur vel transcenduntur.

Quod Pontificum jus in hæc ditiones attinet, non majus illud est quā in Regno Franciæ: cunctæ enim nominationes & ordinationes Prælaturarum, Episcopatum, &c. ad Principem pertinent, Pontifex solā habet confirmationē & expeditionem, nec ullum cujuscunque status laicum vel secularē propter quodvis delictum,

vel causam extra patriam evocare potest. Quare si quid ejusmodi prætendat, Legatum expressum expediat, de facto vel jure cogniturum, necesse est. Nullum præterea conferre beneficium potest, nec gratiam vel bullam expedire, quæ sortiatur effectum: nisi exequendi Potestas, ex Principis placito quod vulgo nuncupant, supplicanti concedatur. Quantum ad decimas, eæ fere per totam ditionem solvuntur, sed diversis modis: alibi enim so-

lis Ecclesiasticis; alibi vero partim his partim Locis Dominis, alii undecimam tantum partem dependunt, alii minus, secundum diversarum Provinciarum & Locorum consuetudines & privilegia: extatque prudens Caroli V Imperatoris Decretum, ne liceret in posterum ullis Ecclesiasticis personis, vel Locis Sacris ullam rem immobilem absque Principis licentia coëmere,

I N D E X.

T A B V L A R V M B E L G I I I N F E R I O R I S.

I Belgium universale.	II Flandria.	III Brabantia.
IV Hollandia.	V Zelandia.	VI Geldria & Trans-Isalania.
VII Artesia.	IX Hannonia & Namurcū.	IX Lutzenburgicus Ducatus & Trevirensis Provincia.
X Frisia.	XI Trajectum.	XII Groninga.

Belgium sive Germania Inferior.

Regio.

REGNUM Gallia, qua potui fide, hæcenus perlustravi: *Germania Inferior* nunc adenda est, quam ut patriam mihi longè charissimā, adibo perquam libens. Ut autè ab ipso nomine ordiar: Partem Europæ, quæ hoc tempore *Germania Inferior*, *Belgium* dictā Cæsari nonnulli volunt, in quo scribit se tres legiones collocasse. Hircius quatuor. Marlianus tamen & Glareanus pro urbe, non pro Regione accipiunt. Vnā urbem capacē esse quatuor Legionum fortasse vix crederet Vegetius. Ipse etiam Cæsar sub Belgio plures Civitates comprehendi, lib. v docet; ubi dicit Britanniaë maritimā partem ab iis incolis, qui prædæ ac belli inferendi causā ex Belgio transferant, qui omnes fere iis nominibus Civitatum appellantur, quibus orti

Civitatibus eo pervenerunt. Non tamen sub Belgio totam Belgicam intelligit. A Belgio enim (eodem libro) Nervios, Morinos & Efluos, Belgicæ populos, distinguit. Partem Belgicæ itaque secundum Ortelium videtur vocare Belgium, eam fortean, quæ versus Septentriones est, quæ Hollandiam, Zelandiam, Flandriā, Geldriam & Cliviam complectitur. Alii Belgicam, quam tertiam Galliæ partem constituit Cæsar, nuncupant. Quam vocem nonnulli ab urbe hujus Regionis celeberrima, nonnulli à Belgio quodam Belgarum Duce, alii aliunde derivant. Hadrianus Iunius Belgarum appellationē ad Nationis ferociam referendā autumat, ut sint *Belgæ* quasi *Velgæ*, hoc est atroces & violenti: nisi mavis, inquit, *Belgæ* mutatione secundæ vocalis in primam, dici velut

Belgæ,

Balgas, à dimicandi pugnandique ardore ac studio : est enim *Balgen*, conferere manus, ac configere. Regio tamen quæ nobis præ manibus, est tantum mididia circiter ipsius Belgicæ pars. *Germania Inferior* nuncupatur hodie. *Germania* quidem quod lingua, moribus, legibus, & vitæ institutis parum ab Alemannis & reliquis Germanis discrepet. *Inferior* vero quod mari propior sit reliqua *Germania*, & superioris *Germaniæ* respectu campos agrosque situ humiliores habeat. Vulgo *Nederlant*, Gallis *le País Bas*. Appellatur quoque per universam fere Europam *Flandria* synecdochicè, vel propter illius Regionis potentiam & splendorem præ reliquis partibus : vel propter primam & celeberrimam illi commercia, & nundinas Brugenses vetustissimas, notissimaque Emporia: vel denique quod Galliæ, Angliæ, Hispaniæ & Italiæ finibus propior, nota magis & divulgata sit. Atque hæc de nominibus, sequitur situs sive quantitas. *Germania Inferioris*, *Belgii* vel *Belgiæ* (nam voces has promiscuè usurpabo) termini, ab Aquilone Oceanus : à Meridie Lotaringia, Campania & Picardia; ab ortu Rhenus & Mosæ fluvii; ab occasu Mare. Vicinos autem habet hos principes, Comitem Frisiæ Orientalis, Episcopum Monasteriensem, Ducem Cliviæ, Archiepiscopum Coloniensem & Trevirensensem, Regem Galliæ. Is igitur est situs : sequitur jam nunc qualitas; cujus causa plurimum clima. Subest *Germania inferior* medio septimi, totique octavo climati: inter gradus longitudinis quidem *xxi* cum semisse, & *xxx*; latitudinis autem inter *xl* *lxx* cum semisse & *lxx* cum semisse. Maxima dies æstatis ad medium climatis hor. est *xvi* & ad initium noni hor. *xvi* cum tribus quartis. Continet vero omnes parallelos, qui sunt inter *xvi* &

Situs.

xxi. Aër in Belgio humidior est, sed tamen qui incolarum sanitati conducit. Æstates jucundæ, peramænæ, & temperato calore tolerabiles: non fervent æstu, non abundant muscarum culicumque examinibus, non tonitru quatuntur. Terræ motus verò rarissimi. Hyemes longæ, ventosæ, spirante Aquilone vel Euro subitum excitatur & arctum gelu: Austro verò & Zephyro tepescit aër, frigusque in pluvias convertitur. Ager multis locis sabulosus: qualis est magna pars Flandriæ Teutoniciæ; & Brabantia fere omnis: frumenti tamen aliarumque frugum mediocriter fertilis, ac nonnullis locis fertilissima, ut Zelandia, Flandria Gallica, Hannonia, Artesia, Geldria. Ac frumento, hordeo, siligine, lino, cannabi abundat. Fructus etiam omnis generis profert magna copia, mala, pira, pruna, cerasa, mora, mala persica & armeniaca, nuces avellanas, mespila, ac nonnullis locis castaneas. Rubia item tinctorum hic abundè colligitur, & per omnes Europæ oras cum magno lucro distrahitur. Fodinæ metallicæ magni momenti nullæ. Quod ad arbores aliaque id genus, jucundum præbent ad spectum densæ, bene ordinatæ & fructibus onustæ arbores; nec non materiam ædificiis & igni præbentes, omnis generis altissimæ & miræ crassitie, quæ hic magno numero, reperiuntur, Lauri & cupressi rariores. Tiliarum vero copia maxima, vulgo *Linden*; forma & foliis ulmis simillimæ sunt, sed proceriores ac citius proveniunt. Nam *xvi* aut *xix* annorum spatium viri mediæ crassitudinem adæquant. Harum quoque in ædificando mediocris est usus: fiunt præterea ex iis carbones, pulveri nitrato saligneis aptiores. Inter corticem & lignum reperitur lantago quædam instar cannabis, unde funes & vincula confici solent. Ejus

Aëris
temperies.Soli ferti
litas.

tamen folia quamvis tenera, animalia multa respuunt, ut Virgilius libro Georg. secundohoc carmine indicat: *Nec Tilia laevis, nec torno rasile Buxum.* Et Ovid. *Nec Tilia molles, nec Fagus & innuba Quercus.* Habet & magna copia taxum, arborem venenatam. Hæc materiem conficiendis arcubus præstantissimam suppeditat. Ex ejus succo venenum conficitur, quo se exanimasse Cattivulcum Eburonum Regem memoriæ prodit Cæsar. Est & aliud arboris genus, quod alibi fortean non reperitur, (Incolæ numero plurali *Abeelen* nuncupât) quæ species populi albæ videtur. Magna ejus in Brabantia copia succre- scit, ejusque ad res varias usus, inprimis Bruxellæ. Soli præterea bonitatem in alendis armentis extollere Belgis licet. Boves, equi, oves, pecora armenta que nusquam terrarum felicius nascuntur, aut aluntur. Equi inprimis grandes, robusti, bello apti. Boves optimi, præsertim in Hollandia & Frisia, quibus unus bos pondere sæpissime mille ducentas libras excedit. Ludovicus Guicciardinus homo Italus, cui nostra Belgica ob accuratissimam verissimamque descriptionem plurimum debet, refert Comiti Hoochstraten si Mechliniæ bovem dono datum, cujus pondus fuerit bis mille quingentarum viginti octo librarum: quem is propterea depingendum in Palatio suo curavit. Laxos capacesque uberum vac- carum sinus, lactisq; copiam quid ego commemorem? Constat namque aliquibus Hollandiæ partibus eas æ- stivis diebus, quatuor & quadraginta lactis heminas in mulctralia refundere. Multa hic ne prolixior sim, præ- reo. Ad venationes extimulant, cum alia, tum damæ, cervi, capræ, capreoli, apri, meles sive tassi, lepores, cuni- ouli, quibus abundant. Ad aucupia autem invitant cum aves aliæ, tum ardæ, accipitres, vultures, perdices, phasiani, turtures, coturnices, turdi, ciconiæ, anates,

*Animam
lium va-
rietat.*

anferes & scolopaces, quas *Rusticulas* Plinius, *Rusticas* *Perdices* Martialis vocat, vulgus *Sneppas*. Nemesianus eas ita describit:

--- Præda est facilis & amœna Scolopax,
Corpore non Paphiis avibus majore videbis.
Illa sub aggeribus primis, qua proluit humor,
Pascitur, exiguis sectans obsonia vermes:
At non illa oculis, quibus est obtusior, eisi
Sint nimium grandes, sed acutis naribus instat
Impresso in terram rostri mucrone, sequaces
Vermiculos trahit, atque gula dat præmia vili.

Non desunt etiam gallinæ Africanæ & communes ma-
gna copia. Sed de his satis, ad alia pergamus. Quomo-
do Belgicæ provinciæ conjunctæ sint, inque unum cor-
pus coaluerint, quomodo item ad Carolum V & filium
ejus Philippum devolutæ sint, operæpretium est co-
gnoscere. *Ludovicus Malanus* Comes & Dominus Flan-
driæ, Niverniæ, Rastellæ, Salinarum, Antverpiæ & Me-
chliniæ, post matris vero obitum Comes Burgundiæ &
Artesiæ, uxorem duxit Margaretam, filiam Ioannis Du-
cis Brabantæ, quo conjugio ipse Dux Brabantæ, Lim-
burgi & Lotaringiæ factus est. Ex hac unicum filium
genuit *Margaretam*, ditionum paternarum heredem: quæ
anno cccccxix Gandavi nupsit *Philippo Valesio* Duci
Burgundiæ, cui ob virtutem singularem cognomētum
fuit *Audacis*. Vixit is annos rxx: obiit Hallæ juxta Bruxel-
lam anno Christi ccccciv. Liberos reliquit Ioannem,
Antonium, Philippum Valesios: Catharinam, Ma-
riam, & Margaretam. Hi omnes conjugio res patrias
auxerunt. Catharina Leopoldo Duci Austriæ nupsit:
Maria Amedæo, Duci Sabaudia: Margareta Comiti
Hollandiæ & Hannoniæ. *Antonius Valesius* à patre con-
stitutus Dux Brabantæ, Lotaringiæ & Limburgi, uxorem

*Imperium
majorum.*

rein duxit Elizabetham Ducissam Lutzenburgi, ex qua filios suscepit Ioannem, maritum Iacobæ Comitissæ Hollandiæ, & Philippum, ambos Brabantia Ducis. Antonius cum fratre natu minimo Philippo Valesio perierit in bello Gallico ad Teroanam anno cccccxv. Filii Antonii sine liberis postea extincti patrum *Ioannem Valesium* heredem reliquerunt. *Ioannes* igitur *Valesius* qui *Inrepidus* dictus est, quum esset è fratribus natu maximus, anno cccccv patri successit, auctusque fratrum Nepotumque obitu multis & amplis ditionibus, miserè & præter fas trucidatus est anno cccccxix à Carolo Delphino propter Ducem Aurelianensem, cum quo capitales inimicitias & quidem apertas quandiu vixit, susceperat. Liberos reliquit Philippum, Margaretam, Isabellam & Catharinam. *Philippus* cognomēto *Bonus* vel *Pius* xxiii ætatis anno patri suo successit in Ducatu Burgundiæ, Comitatu Flandriæ, Burgundiæ, Artesiæ, Marchionatu Imperii, Salinarum & Mechliniæ. Hic Atrebatum cum Carolo VII & cum Duce Aurelianensi pacem contraxit, eumque è carcere in quo annos jam xxv ab Anglis detentus fuerat, liberavit, soluto insuper pretio redemptionis, & sorore Maria ipsi in uxorem data. Hic obitu Theodorici Comitissæ Namurcensis factus est ejus Comitatus hæres : obitu Philippi, auctus est Ducatibus Brabantia, Lotaringia & Limburgi : obitu Iacobæ, Comitatus Hannoniæ, Hollandiæ, Zelandiæ, & Frisiæ. Ducatus quoque Lutzenburgicus ei accessit ab Elizabetha, Antonii patris sui vidua. Ita factum est, ut unius Philippi Boni imperio subiectæ fuerint amplissima & opulentissima provinciæ Burgundiæ utriusque, Brabantia, Limburgi, Lutzenburgi, Flandriæ, Artesiæ, Hannoniæ, Hollandiæ, Zelandiæ, Namurci, Frisiæ, Mechliniæ & Marchionatus Imperii. Vxorem is ha-

buit Isabellam Portugallia Regis filiam : vixit annos lxxii, obiit anno cccccclxvii uno filio tot Provincia- rum hærede relicto *Carolo Audace*, qui non tantum patrium Imperium servavit, verum etiam auxit, adjuncta Geldria, Zutphania & Ducatu Iuliacensi. Atque hic est Carolus ille *Caroli V* Abavus, nati anno m d ex Ioanna Ferdinandi Regis Arragoni filia, Philippi Austriaci uxore: qui Philippus filius fuit Maximiliani Austriaci, ex matre Maria filia Caroli Audacis. Sub his Provinciæ, quæ antea plures dominos habuerant, conjunctæ, in unum quasi corpus coaluerunt, atq; hodiè communi Belgicæ vel inferioris Germaniæ nomine censentur. Bello autè jam olim nobiles Belgæ. Cæsar i commentariorum, de bello Gallico, libro, omnium Gallorum eos vocat fortissimos. Sic enim scribit: *Gallorum omnium fortissimi sunt Belgæ: propterea quod à cultu atq; humanitate Provincie longissime absunt, minimeque ad eos sæpe mercatores commeant, atque ea quæ ad effeminandos animos pertinent, important; proximique sunt Germanis qui trans Rhenum incolunt, quibuscum continenter bellum gerunt. Qua de causa Helvetii quoque reliquos Gallos virtute præcedunt, quod ferè quotidianis præliis cum Germanis contendunt, cum aut suis finibus eos prohibent, aut ipsi in eorum finibus bellum gerunt.* Horum quantum robur quantumque libertatis defendendæ studium fuerit, ex eo cognosci potest, quod Romanorum Imperium summa vi avertere etiam C. Cæsar tempore annixi sint. Itaque contra ipsum copias distributim conscripserunt: Bellovaci lxxm armatorum; Suesiones l m, Nervii (quorum adeo fuit indomita feritas, ut nunquā in id temporis mercatores passi sint ad se vina aut res alias venales deferre) etiā l m, Atrebatæ & Ambiani xm; Mosani xxv m, Menapii ix m, Calerī xm, Velocasses & Veromandui æquē xm, Aduaticī xix millia: Condrusi, Eburones, Camani xl millia. Ut summa fuerit

fuerit cccxxii millium armorum lectissimorum teste Orosio: vel ut Cæsar ipse prodidit cccclxix. Bello ergo jam olim nobiles, ut ex Cæsare didicimus. Idem Cæsar ii Commen. solos esse ait qui patrum memoria omni Gallia vexata Teutones Cimbrosque intra fines suos ingredi prohibuissent: eaque re factum, uti rerum istarum memoria magnam sibi auctoritatem, magnosque spiritus in remilitari fumerent. Experti id etiam nostro sæculo tot peregrini exercitus, qui tanquam tirones cum veteranis congressi, in civibus, rusticis, nautis, ferociam, & vim veteranorum deprehenderunt. Belgii xvii sunt Provinciæ, quas Carolus V Imperator omnes possedit: in quibus sunt Ducatus iv: *Brabantia, Limburgi*, qui cum Comitatu *Dalem*, & *Dominis Valckenburg* ac *Rodele Duc*, *Brabantia* annexus est, & à justitia & cancellaria *Brabantia* dependet: *Lutzenburgi* & *Geldria*. Comitatus vii *Flandria: Artesia, Hammonia, Hollandia, Zelandia, Namurci* & *Zutphania*: *Marchionatus Sacri Imperii*, qui iv civitates principales habuit, *Nivellam, Lovanium, Bruxellam* & *Metropolim Antverpiam*, nunc *Brabantia* pars est: *Dominia v, Frisia Occidentalis, Mechlinia, Vltrajecti, Trans-Isalania* & *Groninga*. Urbes habet Belgium plurimas, easque munitissimas, quarum numerum, ut & oppidorum & pagorum apud Mercatorem habes. Inter urbes autem maximè excellunt, *Lovanium, Bruxella, Antverpia, Silva Ducis, Gandavum, Brugæ, Hipra, Mechlinia, Cameracum, Atrebatum, Tornacum, Mons, Valencena, Insula, Dordrechtum, Harlemum, Amstelodamum, Lugdunum Batavorum, Namurcum, Necmagum, Trajectum*, & alia. Lacuum, stagnorum & paludum maximus in Belgio numerus, quæ præter pisces quos magno numero suppeditant, Regiones istas

Urbi-
nomina.

Lacus.

adversus hostium impetus muniunt. Flumina in hac Regione perpauca oriuntur, sed alibi orta maxima non pauca scindunt eam beanteque plurimum. Præcipua sunt, *Rhenus, Mosæ, Scaldis, Amisîs*: minora *Mosella, Lijsa, Aa, Sambra, Dela* & alia permulta. De Rheno & Amisî dicemus in Germania. De Mosella diximus in Lotaringia, reliqua hic describamus. *Mosæ* profluit ex monte *Vogeso*, qui est in finibus *Lingonum*: haud longè ab *Aratis Marronæque* fontibus: & in Septentrionem procurrens *S. Theobaldi Fanum (S. Tibaut)* radit, ubi navigabilis esse incipit: inde *Virdunum* perlabitur: ab eo in *Cœciam* vergens, *Mosonem* & *Maferiacum* pergit. Inde ad Septentrionem se convertens *Carolomontem*, *Boviniacum*, *Dinantum* & *Namurcum* lustrat: ibique *Sabi* auctus & tumidus ad ventum Græcum se flectit, atque *Hoyum* contemplatus, & *Leodium*, *Trajectum* perlapsus ac *Stochemum Ruremundam* & *Venlojum* præterlegit: ubi ad Occidentem conversus *Cuickam*, *Ravesteinum* & *Megenam* adluens, post apud *Hervverdum* pagum recepta *Rheni* traditaque vicissim sui parte, cum *Vahali* commiscetur: & continuo servatis nominibus suis iterum disjunguntur, & separatim *Lovensteinum* labitur: ubi insulam *Bornelianam* includunt, ac rursus confluentes junguntur, & pristino amisso *Merovæ* nomen accipiunt: atque ita *Worecomium* & *Gorcomium* præterlapsi, maximo sinu *Dordrechtum* perveniunt, ibique facta *Insula Iselmonda*, *Mosæ* proprium nomen recipit, idemque retinens *Roterodamum* & *Vlaeringam* præterlapsus nobili ostio circa *Brielam Oceanum* tam violenter ingreditur, ut longo spatio cursum retinens aquam suam dulcem conservet, idque maximo cum fructu. Præter alios enim pisces viam aperit accipenscribus,

Flumina.

feribus, qui in mari dulcem hanc aquam, quam maximè expetunt, inveniunt, ejusque ductum donec in flumen perveniant sequentes, facillimè capiuntur. Quod aliis fluviis innumeris non cōtingit, quod placidè mare ingredientiēs & cursum suum non servantes, aquam suam salſam efficiant, quales sunt Sequana, Iberus, Tameſis, aliiq; permulti quamvis maximi. Contra Eridanus, Tiberis, Rhodanus, Garumna, aliiq; fluvii rapacius longiusq; Mare ingredientiēs, idem efficiunt quod Moſa, alliciunt nempe & adducunt accipēſeres, ſed non tanta copia. Præterea Moſæ, aut ut alii viri docti malunt, propter utriusq; fluvii affinitatem, Rheni accipēſeres, meliores, guſtui ac palato gratiores & majores vidētur, quam maris Mediterranei. Colore ſunt argenteo, & lucidiore, & mira magnitudine. Inveniuntur enim qui 400 librarum pondus excedāt. Memoria prædit Guicciardinus, ſe vidiffē accipēſerem in foro Antverpienſi 420 librarum, eundemq; longitudine XII pedes Antverpienſes exceſſiſſe: & alio die mane ibidem LXX ſimul vidiffē, quorum minimus v pedum longitudinem ſuperabat. Piſcis hic in Hollādia, Zelandia & Friſia menſe Aprili primum conſpicitur, & tres menſes continuos, vel diutius quoque invenitur: quo tempore magnus ejus capitur numerus. Atque inde in regiones alias, inprimis in Angliam mitti ſolet: ſale etiam conditur, idq; magna copia, quo pacto facile à putredine conſervatur. Et præter id quoque tempus, toto ſere anno, minores quidem, ſed delicatiſſimi capiuntur. Ex hoc mari Moſæ oſtium quoque ſubeunt, dulcis aquæ illecebra, qua mirè pingueſcunt, ſalmones, trutæ, & toto hic ſere reperiuntur anno: item lampetræ, aloſæ, mugiles, congrei & alii optimi quique

piſces, quos hic brevitatis gratia omittimus. Id autem non caret admiratione, quod viles ſerè ſint iſti piſces, ſi in mari capiantur: optimi vero & pingues ubi dulces ingreſſi ſunt aquas. Fluvius hic præterea, ſponte & natura ſua producit præter alios piſces, trutas genuinas, & lampetras alias majores quidem excellentes, alias vero minores & delicatas. Scaldis Ptolemæo *Tahuda*, Belgis *Schelt*, Gallis *Eſcault*, oritur in Veromanduis, prope Abbatiam, ut vocant, *Divi Martini*, quo inter *Caſtellerum* (*Caſteller*) & *Bellivorum* (*Beau-revior*) duo Gallorū propugnacula, placidus incedens, Cameracum perlabitur. Hinc Hannoniam regionem petens, Valencenā urbem nobilem ſuis aquis ditat: hinc navigiis vehēdis ſe commodum præbens, ac Hania recepto, Condatū præterfluit: ac deinde flumine Scarpa auctus S. Amandum luſtrat: ab eo in Septentrionem vergens Tornacum, Aldenardam, & Gandavum urbem celeberrimam perlabitur, ubi flumina duo Liſam & Liviam, aliasq; aquas recipit. Sinuoſis inde flexibus multiſq; Mæandris Tēneremundam pergit: ibique Tēnera amne recepto; ad dextram fluens, Rupelmundam petit: ibiq; Rupelam, ac paullo poſt Delam ſuſcipit, unde auctus & tumidus, mox Antverpiæ mœnia adluit: emporioque huic portum inſignem, & tutam navium ſtationē efficit: deinde paullo longiūs progreſſus bipartito curſu Brabantia ac Flandriam à Zelandia diſcriminat: ſiquidem ſiniſtrā in Auſtrum contortus ac deſlexus, Flandriæ oras ac littora perſequitur, alioque nomine inſignitus *de Hont* à latratu ac fremitu vocatur, quo per Zuytbevelandiam ac Walachriam in Oceanum occidentalem pariter aditus, ac rurfus in has oras acceſſus: dextrā verò relictis Brabantia ſinibus continuato curſu, ſervatoq; veteri

alveo per Scaldia Insulæ littora violento vastoque gurgite in Oceanum devolvitur. Cæterum flumen hoc æstium Oceani reciprocantis sentit Gandavum usque, ab ostio Milliaribus (hisce tamen adnumeratis ejus anfractibus) plus quam xxx. Subeuntque flumen hoc Accipenseræ, Salmones, Trutæ, Lampetræ ingentes, Rhombi, Congri, Alofæ, Cuculi, Mugiles, Cammari, Soleæ, Locustæ admirabiles, Sardæ, aliique permulti pisces delicatissimi qui ex mari adverso amne in Scaldim penetrant, ibique pascuntur & ova pariunt, quod ejus aqua ipsis ad id aptissima sit. Atque hinc duobus aut tribus mensibus, inter ver & æstatem præter majores pisces, tantus numerus pisciculorum minorum, vix natorum, capitur, ut incredibilis inde hominum multitudo victitet. Flumen hoc quoque plurimi Canes marini, & Tursiones ingrediuntur; quæ duo genera piscium ex eorum numero sunt, quæ non ova, sed membris propriis fœtus jam formatos & perfectos pariunt. Canes marini suos terra gignunt, & suis uberibus, dum ad mediocrem magnitudinē pervenerunt, lactant. Præterea fluvijs hic ex se nullo maris adminiculo, varia toto anno piscium producit genera, quorum hæc sunt præcipua: Lucii, Barbi, Tincæ, Cyprini nobilissimi & commune pondus excedentes, ut xx sæpe librarum reperiantur, Gobiones, & alii pisces permulti majores & minores. Anguillæ variæ, varia cammarorum genera, & in fluminis ostio Ostrea nonnulla, quæ tamen eo ex mari subeunt. Itaque fluvijs hic subsidio maris, piscium multitudine & varietate nulli, non modo Gallia, sed nec totius Europæ flumini cedit. *Aa* prope Teroanam oritur, & in Cæciam vergens, Fanum S. Audomari perlabitur, ac Grevelingam delatus (prope quam

anno cto dclx inter Burgundos & Gallos celebris illa pugna commissa est) in Britannicum mare se exonerat. *Lisa* vulgo *de Leye*, in Artesia oritur, in Pago Lisburgo (*Lisbourg*.) qui hinc nomen obrinet, prope Teroanam: & Ariam, Armenteriam, Wervicum & Meninas (*Mee-nen*) contemplatus, inde Corracum medium secans, Gandavi cum aquis Scaldis commiscetur: Piscibus plurimis iisque optimis abundans. *Sambra* vulgo *Sambre*, *Sabris* Cæsari; in Hannonia prope Pagum Novionem (*Novion*) nascitur, & in ventum Hellepontium conversus, lustratis oppidis, quæ vulgo *Landrecy Sasse-ne*, *Barlaymont*, *Mabeuge*, *Merne* & *Cassele*, tandem Namurcum perlapsus in Mosam se exonerat, pisces delicatos subministrans. *Dela* in Brabantia, prope Pagum Tilam oritur, & versus Septentrionem tendens Waveram petit: deinde Lovanium permeat tribus inde milliariibus distitum; & cursum istum tria circiter milliaria servans, postea in Occidentem flexus, multis Brachijs Mechliniam perlabitur, ac tandem quatuor milliariibus à Rupelmonda, admodum auctus in Scaldim desinit. *Sena* (*la Seine*) nomen, ut videtur, obtinuit à Senonibus Britannia populis, cum in hæce Regiones ad vexandam Galliam venissent. Nascitur prope oppidum *Soigni* in Hannonia: & ad ventum Hellepontium vergens, Hallam petit: & Bruxellam perlapsus Vilvordam permeat: inde ad Cæciam flexus, dextrâ Mechliniam relinquit, ac paullo ulterius progressus in Delam se effundit. *Diza* apud Leodinienses prope oppidulum *Per* oritur: & in Septentrionem conversus Eindovam interluit: inde pristinum cursum servans Silvam Ducis petit, infra quam in Mosam evolvitur. *Demera* prope Tungros in Leodiensi quoque Diœcesi scaturit, & in

& in Occidentem versus Bilsenum, inde Hassileum (*Hasselt*) & Diestum interluit, unde Sichenum & Arschotum præterlapsus, in Delam effunditur. *Netha* prope Pagum *Rheti* originem habet, & ad ventum Africum conversus oppidum *Herentals* perfluit, unde cursu suo servato, ad Dominium Grobendonkianum defertur, receptoque fluviolo *Aade* Liram transit, Dufflenum & Walemum adluit, & paullo post Dele miscetur. *Rueur*, vel *Rhoer*, forte *Adrana* Tacito, ut scribit Ritheimerus, prope Pagum *Bulinge*, in agro Iuliacenſi, oritur, & Cęciam sequens Duram & Iuliacum perlabitur, & tandem Ruremundę, cui nomen indit, in Mosam delabitur. Sunt & alia minorum gentium flumina, quibus delineandis, brevitati studens, superſedeo. Quę cū torrentibus & rivis, quos etiam, ne lectori tedium pariam, prætereo, præterquā quod incredibilem piscium copiam subministrant, regionesque ipsas ornant & muniunt, magni quoque momenti sunt in comœatu & mercibus transportandis. Rustici præterea horum fluminum adminiculo multas aquas inter se connectentes, magna industria fossas aliquot milliarium, easque navigiorum patientes ducunt: ita ut vix ulla Civitas aut locus inveniat, qui navigia, & quidem magna, non admittat. Vivis tamen aquę fontibus ut plurimum Regio hæc caret, exceptis locis montosis. Monstratis autem, quę per inferiorem Germaniam sunt, fluminibus: sequitur ut aliquid etiam de Oceano dicamus: cum & propter affinitatem aliasque causas non tantum membrum, sed & Provincię ipsius caput sit. Magnam igitur immo vastam & superbam Oceani dico esse faciem: & si intumescat & commoveatur formidabilem. Nam tanta sæpe vi, tantoque furore commovetur ac tempestatibus horrescit agiturque, ut spatiosos campos & totas aliquando regiones abluat ac

Mare.

mergat: in primis autem circa Zelandię oras, magnas sepe irruptiones fecit. Incolarum autem industria, illi ageres & chelas opponentium, tandem periculum fere omne est amotum: nisi forte Cauri cum summo maris æstu & aquis vivis collisio fiat. Ventri qui Mare præ ceteris turbant, ideoque regioni maximè noxii, sunt Caurus, Zephyrus, & Libs. Novilunio quoque & plenilunio, præter duo Equinoctia quibus maximè (Cornelio Tacito teste) intumescit Oceanus, acerrimè vexatur. Quoties enim cum Sole congregitur Luna, atque innovari incipit, aut in orbem circumducta plene conspicitur, maximos excitari æstus, fluctusque attolli in immensum, ac maximas cieri tempestatas cernimus. Effectus æstus alios novimus & experimur commodos, alios incómodos. Illos quidem quod aquas purget, ne stantes & quietæ (docet hoc experientia) æstu & putrefactione corumpantur: quod item promoveat navigantes: nam ut inquit Veget. lib. iv. de re militari cap. XLII, hæc reciprocantis meatus ambiguitas cursum navium secunda adjuvat, retardat adversa. Hos autem, inundationum & perruptionū violentiam: nam tanta sæpe vi terris immittitur Oceanus, ut etiam vasta flumina retroagat, inundans ablusque spaciosos campos, ut supra quoque attigimus. Scribit hoc Pomponius Mela; clamantque tot multorum seculorum calamitates. Sed hæc hæctenus: cum autem indicaverimus quantum nonnullis hujus Provincię Regionibus detrimentum adferat Oceanus, ubi commoveri cœpit, etiam aliquid dicendum est de commodis, quibus dum tranquillus manet, universam Provinciam adſcit, quibus si carendum ipsi esset (tot & tanta sunt) vix dimidiam incolarum partem alere posset. Atque hinc fit ut Provincia hæc totius ferè Europę sit quasi portus & forum, ita ut ibi infinita mercatorum

Commotares mare.

& negotiatorum sit multitudo & veluti chaos quoddam tam incolarum, quam extraneorum. Emolumentum, præter hæc, Oceanus, dignum certè sua magnitudine regioni adfert, quod, ut quisvis per se videt, in copiosa alecum, pisciumq; omnis generis captura, fidem omnem superante consistit, qui non tantum potentiorum voluptatibus, sed etiam tenuiorum hominum sustentationi inserviunt: nec solummodo victum, sed & opes incolæ inde sibi parant. Quod enim ipsis superest, magnæ parti Galliæ, Hispaniæ, Germaniæ, Angliæ, aliisque regionibus sufficit: imo in ipsam usque Italiam plurimi ab ipsis pisces muriâ conditi mittuntur, in primis salmones & aleces. Cum autem hæc negotiatio piscium muriâ conditorum maximi momenti sit, tres eorum species præcipuas recensebo, nempe alecem, asellum majorem & salmonem. Primum de alecibus quarum proventus præcipuus, agemus. Aleces in nullo reperiantur fluvio, vel mari Mediterraneo, Hispanico, aut alio (nisi fallor,) sed in hoc solum Oceano Septentrionali: earum magnitudo, forma & bonitas neminem la- ret. Hæc postquam ex Arctici maris latebris discedentes, id quod præcipitante jam vere solet fieri, velut côm- utatis natalibus in æstiva cõtendunt, tanta interdû multitudi- ne, ut oppositis retibus susti nequeat impetus, quin illa rapiantur ac liquidi Equoris faciem offuscent: (quæ causa est cur tam copiosa sit illarum in retia infusarum captura:) tum verò classes variæ, inter quas Hollandica, Zelandica, Frisica, Gallica, Britànica & Scotica, quasi ex conducto ad evitandas simultates & contèriones partitæ inter se certas ac definitas stationes sub Britan- nia, Scotiæ ora & Orcadibus, singulæ pro viribus isti pi- scium generi insidiantur navigiis rotundis, alvo pandâ,

obtusâ prorâ, quas *Busas* nuncupant. Hi pisces vivi, quo- ad ejus fieri potest (nam simul cum deserto salo vitam quoque protinus expirant) per jugulatorem eundem & evisceratorem, cui præ cæteris omnibus liberalissima merces datur, aperto prius jugulo exenterâtur, dein per salitorem conjunguntur, festinatis operis, inde conduntur salsamentariis cadis, *orcas* Latini dicunt; postea venditi, per Alecarios Cupariosq; de integro stipantur, inaniq; turbâ quæ lactibus aut ovis caret, numero submotâ, nova muria obruuntur; postremo per delectos juratosque arbitros bonitatis fides exploratur, sigilloque addito obstringitur, non ab simili religione à vetere, quia Dianæ Sacerdos *Lemniæ rubricam* probatæ notæ sigillo impres- so insigniebat, uti Galeni testimonio constat. Atque istud quidem primum genus alecum est, conditaneum seu muriaticum nominandum cum Plauto. Alterum est quod leviter salitum in fumario fumo duratur, ubi auri vel æris potius colorem ducit, unde *Soretum* nuncupant, quod subruffus ad atrum accedens color ea lingua *Sorus* vocitur. Ista alecum piscatio quantum operæ pretiû, quantam reipub. in primis Hollandicæ & Zelandicæ utilitatem præster, quo ore efferam ignoro, quando nō unius, sed plurium civitarum salus inde pendere videatur: inde plebs urbana pariter & rustica victû quærunt, æs alienum dissolvunt, familias sustentant, opes quales- cunque conquirunt, aut partas tumentur. Alterum præ- cipui piscis genus, quod condiri solet, Latinis vocatur *asellus major*, ad differentiam minoris, vulgo *cabeljan*. Hic certè piscis inter minimos habendus non est: & reperitur aliquando lx librarum, atque optimus est. Mul- tis anni temporibus, sed potissimum tempore quadra- gesimæ locis huic mari proximis, inprimis in mari Frisio

capi-

Montes.

Silva &
Nemora.

capitur, magnaue ejus copia sale condiri solet, magnum emolumentū regiōi quotannis adferens. Tertium genus piscium præcipuum, quos sale conspergi dixeram, latinis vocatur *salmo*: optimus quoque tam recens quam conditaneus. Piscem hunc Hollandia & Zelandia proferunt, omnibus fere mensibus, sed maxime Aprili, Majo & Junio: cujus tanta sale conditur copia, ut collectum in caput scænus annuū 200000 coronat. excedere credatur. Sed de his satis, ad reliqua pergamus. Planum & æquum est Belgii solum: pauci in eo reperiuntur colles, montes pauciores, præterquam in Lutzenburgo, Namurco, & nonnullis Hannoniæ locis, ubi densiores sunt, & apud Leodienſes quoque plurimi. Nemoribus silvisque, quantum voluptati aut venationi satis est, aut regionis decor exigit, sparsim ornatur. *Arduenna Silva* tempore Iulii Cæsaris, ut ipse scripto mandavit, totius Galliæ maxima erat, & ingenti magnitudine per medios fines Trevirorum à flumine Rheno ad Nervios, nunc *Tornacenses*, & Rhemorum pertinens, millibus passuum amplius quingentis in longitudinem patebat. Et hoc quoque tempore nulla totius Galliæ silva cum ea adæquari potest: sed cum hodie sit bene culta regio, multum ipsam de pristina magnitudine amisisse videmus: ita ut pars quoque superstes sæpius interrumpatur, & mutato nomine ab agricolis colatur. Pars autem ejus maxima & minus interrupta, est à Theonis-Villa prope Leodium usque, quod spatium ad xxx milliaria se in longitudinem extendit. In medio sita est urbs *S. Huberti*, quæ Gemma Frisio teste, Longitudinis continet grad. 26. & min. 40. Latitudinis vero grad. 50 & min. 4. Arbores habet hæc Silva omnis generis amœnas, altitudinis ingentis & latitudi-

nis, quæ eam non minus fructuosam quam jucundam efficiunt. *Arduenna* Straboni, Adcolis *Ardenne*, Rhenano *Luittichervvald*, quod sonat *Leodienſium Nemus*, dicitur. *Mormavia*, *Mormau*, Hannoniæ silva amplissima, initium sumit prope Quercetum, *Queſnoy*, & ad Meridiem se longius in Veromanduos extendit: ac multa in se continet oppida, pagos & alia loca fontibus & aquis perennibus amœnissima. Carbonum hic magna conficitur copia: unde eam nonnulli partem Silvæ Carbonariæ esse arbitrati sunt: alii tamen Silvam Carbonariam magis in Orientem Solem spectasse afferunt, inter Mosam & Sabin, & amœnam Archiæ Silvam ex ejus esse reliquiis, in qua Pagus cognominis egregia arce munitus continetur, ibique domicilium Dominorum Berlaymontiorum esse solet. Amœnissima *S. Amandi Silva*, in Hannonia quoque sita est: dicitur etiam *Sylvæ Raymensis*, ob earum affinitatem. Initium capit in finibus Flandriæ Gallicæ prope Pagum *S. Amandi*, unde nomen habet, & ad Orientem Valencenas usque excurrit, magna latitudine & spissitudine. *Silva Raymensis* est Domini *d'Emery*, qui propterea magnus est Hannoniæ Venator: Hæc enim dignitas hujus Silvæ propria est. *Silva Faignensis*, *le bois de Faigné*, in Hannonia prope Avennas initium habet, *Mafieres* usque pertingens, spatio xvi milliarium, & antiquitus major erat. Videtur adhuc retinere nomē, quamvis corruptum à Faunis & Satyris, qui forte hinc à poetis, cornua & pedes caprinos habere fingebantur, quod hujus silvæ primi incolæ tam essent feri & immanes, ut non multū à brutis differrent. *Soniensis* Silva duobus aut tribus telicibus Bruxella distat, in Meridiem Brennam usque, Alleudam & Brennæ Castellū excurrit, spatio lxx milliariū. Magna est cetera & nō contem-

temnenda Silva, ita ut in circuitu amplius septem passuum millia pateat: & tot in ea sunt Urbes, Pagi, Abbatia & Monasteria, ut miraculum videatur: ideoque non pauci aetate Nobiles & Cives honestiores cum tota familia se eò recreationis gratia conferunt ibique ad septimanas tres aut quatuor remanent. *Saventerloo*, *Lovanio*, *Bruxella* & *Vilvordia* includitur. Silva amœnissima est, nomenque accipit à *Saventria* pago illi adjacente. *Grootenhout* itidem *Brabantia* Silva est, nō multum supra *Turnholtum* sita, in qua nascitur fluvius *Ada*, qui postea in *Flumen Netham* se exonerat. Silva est magna, in qua *Regina Maria*, ad quam *Turnholtum* pertinebat, multum venari solebat. *Marlaigne* *Namurci* silva prope *Namurcum* urbem initium sumens: & ingenti latitudine ad ventum *Africum* porrecta, *Philippopolin* versus: prope *Mosam* usque se extendit. *Niepa* *Flandria* silva primaria, non procul ab *Artesia* finibus, duobus à *Flumine Lisa*, *Castello Morinorum* & *Baliolo* distat milliaribus, quamvis diversis sui partibus: amœna est, ampla, & antiquissima Silva, arcem & opere & natura continens munitissimam. Nomen itidem in *Flandria* sita est, ac prope *Hipram* maxima in *Septentrionem* latitudine se extendens multos Pagos, & *Abbatias* nonnullas complectitur. *Poodsbergia*, silva inter *Flandriam* & *Hannoniam* non procul à *Gerardimontio* & *Lessina*, magna est, & ob rotunditatem jucunda. *Guilielmi* Silva in *Artesia* posita est, prope *Rentiacum*, ubi pugna Imperator cum *Gallia* Rege commisit, anno CIO DCLIV. *Engelervvallia*, *Geldria* prope *Arnhemum* Silva, amœna, in ventum *Hellespontium* vergit. *Septem-Silva* sunt VII ingentes & *Trans-Italanis* finitimæ Silvæ, quæ uni ex quatuor *Frisia* partibus nomen dederunt, quæ

hodiè dicitur *Sevenvolden*, quasi dicas *Septem Silva*: quarum singulæ multum spatii continent, & pagos plurimos ad spectui jucundissimos. Sed hæc hæcenus de *Silvis*. Ad *Opera publica* venio. Innumera in hisce regionibus magnifica Templi, plurimæ *Abbatia*, innumera *Cænobia* & *Monasteria*, plurima *Xenodochia*, *Nosocomia*, *Prochodochia* & *Orphanotrophia*. Certè in una urbe *Antverpia* duo & quadraginta ejusmodi loca numerantur: inter ea augustissimum, *Templum Cathedrale D. Virginis* capacissimum, cum turri excelsa cccc xx pedum, ex candido marmore, ex qua prospectus in urbem opulentissimam, in fluvium navibus tectum, in vicinam regionem pagis urbibusque abundantem, amœnissimus patet. Quid reliqua templa, monasteria, & ejusmodi loca describam, quæ hic & in aliis urbibus & pagis magno numero conspiciuntur? Quid Ducum Comitumque & Illustrium Procerum sumtuosa Palatia? Quid reliqua tum publica tum privata *Ædificia*? ea si commemorare pergam, tempus me citius & locus quam materia deficiat. Quare de his filere melius quam parum dicere. Status harum *Ditionum Politicus*, ut de eo etiam nonnihil dicamus tam generatim quam speciatim, fere triplex est. Primus est *Ecclesiasticus*, in quo præcipui sunt *Abbates*. Secundus *Nobilitatis*, ut sunt *Duces*, *Comites*, *Margravii*, *Principes*, *Barones* & magni *Domini*. Tertius *Civitatum*, quæ *primariæ* cujusque *Ditionis* *Civitates* repræsentant. Hi *Status* à Principe convocantur, quoties de rebus ad Principem, aut ad Principatum, aut ad conservationem & utilitatem *ditionum* pertinentibus deliberandum est. Status verò *Ecclesiasticus* ita se habet: Quatuor sunt in hac *Inferiore Germania* *Episcopatus*: *Cameracensis*, *For-*
nacensis,

Opera publica.

Ratio gubernandi.



Schola.

nacensis, Atrebatensis: hi tres subsunt Archiepiscopo Rhenensi: & *Vitrayectinus* qui Archiepiscopo Colonienfi subest. Ad Academiās pergo: quas hic quinque, *Lovaniensem, Duacensem, Lugdunensem, Franekeranam & Groeningensem* numero. *Lovanienfis* frequentia Collegiorum, Studioforum, Doctorum celeberrima. Collegia potissima sunt *Lilium, Castrense, Porci & Falconis*, quibus Philosophia traditur. Est & trilingue *Buslidianum*, in quo Græca, Latina, Hebraica docentur. Universitas ista flagitatione Nobilium Brabantinorum primum constituta est ornataque privilegiis à Ioanne IV Brabantiae Duce, anno MCCCXXVI Pontifice Martino V. Reliquæ nostra memoria erectæ sunt. Ex eis tanquam ex Equis Trojanis innumeri viri docti prodierunt, & quotidie prodeunt. Viros enim doctos & omnium facultatum, & scientiarum peritissimos Belgiū habet: & ut olim, sic & hodie celeberrimos producit. Quos omnes uno ductu enumerare, nimis longum foret. Bibliothecæ hic, variis locis varię, optimis rarissimisque refertæ libris. Inter quas Lugdunensis non postremi loci. Incolæ sunt formosi, quieti, parū cholericī, parum ambitiosi, parum superbi: non admodum Veneri dediti, civiles, aperti, comes, blandi, ad omnia prompti, falsi & interdum dicaces: laboriosi, industrij, fideles, grati in bene meritos, artū omnium scientiarumque capaces, libertatis & privilegiorum avitorum præfractē etiam ad mortem usque studiosi. Id etiam in genere dici potest verē & cum laude, Belgas esse frugi, & attentos æconomos, patresque familias: qui formicæ exemplum sequuti condunt sub hyemem, quæ illius anni partis iniuria negatura videtur, cōemptis piscibus carnibusque, quæ vel muria domant, vel fumo durant. Vix etenim est honestior ulla domus, quæ pro ratione capitum familiæ (ut quæq; est

Bibliotheca.

Mores.

vel numerosa vel exigua) non inactet in autumno bovem integrum, aut dimidiarium saltem, præter porcum, quorū carnes bonam anni partem esui futuras, dū ver sinum plenum effundat, ita ut dixi, condiunt. Complures tamen plus æquo avari, aurique avidi sunt. Mulieres formosę, gestu decenti, & comes. Solent enim more regionis à prima ætate familiariter cū quovis conversari: ideoq; & in agendo & loquendo aut alia re promptissima: nec verò libertas hæc seu licentia honestatem ipsarum minuit. Nec tantummodo peragant solæ civitatem, sed etiam exiguo comitatu in vicina oppida comeant, sine ulla vel levissima criminis suspitione. Sunt admodum continentēs & ad quidvis agendum adpositæ. Nec solum rei familiaris studiosissimæ sunt, (de quā viri parum solliciti) sed etiam mercaturā exercent: imo & negotiis reliquis ad viros spectantibus os & manus adhibere solent: idque tantā dexteritate & diligentia, ut multis ejus provinciarum locis, vel ut in Hollandia & Zelandia, viri rem omnem eis committant. Atque hac vivendi ratione mulierum dominandi aviditati adjuncta, ipsæ plerumque nimis imperiosæ, imo molestæ & superbæ redduntur. Moris est tam apud Principes, quam inferioris sortis homines, ut etiam apud nationes reliquas Cisalpinas, primogenitis parentum, licet adhuc viventium, & ætate vigentium indere nomina. Et nobiles cujusque sint qualitatē aut fortis, Dynastarum more, plus semper filiæ natu maximæ tribuent, quam reliquis minoribus, licet parem omnes dotem habeant: ita ut reliquas alicui sæpe despondeant, cui illam denegarent, ipsam meliori conditioni aut marito reservantes. Atque hoc nomine laudandi, quod facile (ut & eostempore Julii Cæsaris, & ante, fecisse comperio) cum exteris matrimonia contrahant,

si id

si id occasio postulet, nec patrie soli adstringuntur. Quæ sanè res utilissima & commodissima est: hæ enim affinitates & ipsis & Reipub. non parum conducunt. Indecens autem est, imo absurdum videtur, adolescentes vetulas, senes contra puellas ducere: itè ignobilem nobili, herum ancillæ, dominam famulo matrimonio jungi.

Opificia.

Inprimis verò Belgæ dediti sunt artibus mechanicis, nō sordidis quidem & servilibus, sed nobilioribus: panni contexendi, lanificia & telas tractandi, aulæa tapetiaq; conficiendi: quæ non tantum propriis regionis usibus inserviunt: sed etiam ulterius in Galliam, Hispaniam, Germaniam, reliquamq; Europam, atque adeo in Asiam & Africam deportentur. In Picturis nulla æquè natio excellit: nulla in Musicis: nulla in variarū linguarum cognitione acquirenda. Oleo colores miscere primus docuit *Ioannes Eickius* Belgæ. Vix est quisquā in Flandria, Brabantia, Zelandia, qui non & vernacula, hoc est Germaniæ Inferioris lingua loqui possit, & Gallica. Nautæ, Mercatores, & Viri litterati, etiam Italicam, Hispanicam, Latinam, Græcam pleriq; norunt: sunt etiam qui Hebraicam, Chaldaicam, Arabicam. Rei etiam navalis Belgæ peritissimi sunt. Ad victum venio. Vfus est apud Belgas tritici, secalis, avenæ, farris & hordei. Legumina, præter fabas & pisæ, non sunt magni momenti: vicia quoq; parum habent, panici & milii nihil. Ventri enim vehementiores ea sternunt & deturbant. Sobriè ac frugaliter vulgus familiam educare solet. Porus ferè est cervisia, quæ conficitur decoquiturq; ex ea quæ *maltam* vocamus: inde adjicitur postea triticeum far mola fractum, cum lupo salicario. Atque hic potus bonus & sanus iis est, qui se ei adsuæfacere possunt. Multum quoq; bibunt lactis. Opulentiores vino utuntur.

Vitus.

Pane vulgo vescuntur secalitio. Solent etiam veluti festis præcipuis, inprimis nomine ipsorum indigetatis, item Bacchanalibus, convivia instruere, parentes, consanguineos, & amicos invitare, & cum eis pollucibiliter commessari: naturâ enim amant oblectationes, epulas & convivia: Potentiores verò splendide & magnificè epulantur, seque verè magnanimos ostendunt. Nitidas & absterfas conservant domos, ab omni supellectile, & quidem commodissima, instructas, ita ut merito in iis nihil desiderari possit. Et certè pulchrum & gratū habet adspèctum ista bene ordinata, munda & copiosa suppellex: qua in re fortassis (imo sine dubio) omnes totius Mundi nationes faciliè superant. Hoc autem habent Belgæ vitii, ut potu se nimio ingurgitent, quo maxime delectantur: ita ut sæpe nec interdiu nec noctu bibendi finem facientes, præter incommoda reliqua, maximo corpus & ingenium adficiant incommodo: idq; sine dubio illis immaturæ sæpe mortis adfert causam, juxta illud Prop. *Vino forma perit, vino corrumpitur ætas*. Et ipsi id quoq; norunt, fatentur, & seipsos reprehendunt. sed quid agas? vincit mala cōsuetudo. Quamvis aliquo modo possint excusari. Cum enim humidus & melancholicus ferè semper sitaër: nulla forte re alia melancholiæ isti odiosa, & sanitati infestissima mederi possent: quod Horatius indicasse videtur, inquit: *Vino pellite curas*. Istud tamè Terentii nobile quoq; dictum servarent: *Ne quid nimis*. Quod quidem ab omnibus, honestioris existimationis & conditionis viris fieri jam cæpit. Incolæ scito commodog; sunt vestitu, & pulchrè formato. Magnam deniq; & copiosam exercent Mercaturâ, cujus quæcumq; etiâ ea sit, peritissimi sunt. Atq; ipsa Belgica, maxima parte, mercatura & artibus nititur.

Merci-
monia.

Regio.
Unde di-
cta.

FLANDRIÆ nomen quamvis non magnæ anti-
quitatis nulla tamen ejus certa ratio reddi po-
test. Sunt, qui ab urbe ejus nominis appellatio-
nem deducant, sita ubi nunc Ardenburgū; sunt
qui à Flandberto filio Blesindæ, quæ soror fuit Clodio-
nis, Regis Galliæ. Vixit autem Flandbertus anno Chri-
sti cccc xlv. Sunt qui à Lyderici primi Comitis spon-
sa *Flandrina* nomen regioni datum arbitrantur. Sunt qui
à statu & fluctibus, quorum magna ob vicini Oceani
impetum vis huic terræ incumbit. Adeo ut etiam anno
mccc cxi in agrorum censu venditioneque caveretur,
ut si intra annos x mare in ea loca exæstualet, cassus irri-
tulusque esset contractus. Ego rem in medio relinquo. E-
jus hodierni limites sunt, ad Austrum Artesia cum Han-
nonia, & parte Picardiæ, ad Ortum Hannonia & Bran-
bantia, ad Septentrionē Oceanus, cum Honta sive O-
stio Scaldis, quod Flandriam à Zelandia disternat, ad
Occasum Oceanus Britannicus sive mare Germanicū.
Longitudo patet itinere tridui, à Scaldi scilicet contra
Antverpiam, usque ad Novum Fossatum mill. pass. xxx.
Latitudo est mil. pass. xx. Aër Regionis totius est tem-
peratissimus: Ager fertilis, potissimum qua Oceano &
Galliæ est vicinus. Pascua læta, cujus rei argumentū est,
quod pulli equini ex vicinis regionibus in Flandriam
quotannis delati ab equisonibus, soleant pabuli boni-
tate, aëris suavitare, ex strigosis & macilentis reddi ge-
nerosiores. Alit item varia animalia domestica, saporis
delicati & exquisiti, nec non ferarum copiam pæne in-
credibilem. Nec desunt aves cum aliæ: tum Phasiani,
Perdices, Pavones, Ardeæ, Ciconiæ. Regionis incolæ ita
olim bello additi fuere, ut quieti pacatæ vix unquam
viverent: ac Syriæ etiam, Terramq; Sanctâ, ac Hieroso-
lymam, eorū arma pervaderent. Vrbes in Flandria mu-

Situs.

Aëris
temperies.

Soli ferri-
litat.

Animæ-
lium va-
rietat.

ro ac fossa cinctæ sunt xxx. *Gandavum*, *Brugæ*, *Ypra*, *Insula*, *Urbium nomina.*
Duacum, *Tornacum*, *Cortracum*, *Aldenarda*, *Alostum*, *Hulsta*,
Teneramunda, *Birfletum*, *Neoportum*, *Slusa*, *Dunkerka*, *Grave-
linga*, *Burburgum*, *Dammum*, *Dixmuda*, *Furna*, *Ardenburgum*,
Ninova, *Bergæ*, *Gerardimontium*, *Castellum*, *Donza*, *Orchia-
mum*, *Lanoyum*, *Axella* & *Ostenda*. Præter has sunt etiam
municipia patentia quæ urbibus neque nobilitate, ne-
que privilegiorum dignitate, neque structuræ magnifi-
centia, neque frequentia municipum cedunt: *Bella*, *Po-
peringa*, *Hondscota*, *Eecloa*, *Gistella*, *Middelburgum*, & alia vi-
ginti. Pagi in universum mcliv: ut non immerito tri-
viali proverbio dicatur, Flandriam omnes totius Chri-
stiani Orbis Comitatus superare, & Hispani quum in
hanc Provinciam cum Philippo Rege venirent, judica-
verint totā Flandriam continuam urbem esse. Hodie u-
niversa in tres partes dividitur, Teutonicā, Gallicam &
Imperialē. Primaria urbs est *Gandavum* conditum à C.
Julio Cæsare, quū in Morinis ageret: vernaculè dicitur
Gendt, Italis *Guanto*, Gallis *Gand*. Situm est quarto à mari
lapide. Quatuor fluminib⁹ amœnissimè irrigatur, *Scal-
dim* enim ex Hannonia, *Lisam* ex Artesia, *Liviā* ex portu
Slufano, *Moeram* ex quatuor Officiis quas *Ambactas* vo-
cant, accipit. Decem milliariibus distat Antverpiā, toti-
dem Bruxellā, Mechliniā, Middelburgō. Ambitus intra
muros est 45640 pedū Romanorum: hoc est Italicorū
milliarium septem. Insulas habet xxvi. Pontes majores
xcirc. Molas aquarias iv. Trufatiles infinitas: centum
quæ vento aguntur. Ecclesias in universum lv. Abba-
tias v. Cives hujus civitatis frequentia, nobilitate, opi-
bus, animis sunt eximii. Hęc *Carolus V* Imperatorē Or-
bi dedit. Hęc litteris *Iudocum Badium*, *Ioannem Cornarium*,
Levinum Brechtum, & alterum *Levinum Torrentium*, *Bal-
duinum Ronsaum*, *Vtenhovium*, aliosque protulit. Opificio-
rum



rum genera in hac urbe l. i. Textorum præterea ordines xxvii instituti primum à Comite Balduino, filio Arnoldi Magni 10000. l. xv. *Brugæ* (*Brugge*) vel à pontiũ frequentia nomen habent, vel à ponte *Brugstock* juxta Oldenburgum & Ardenburgum, è quarum urbium ruinis ante annos 10000, prima arx Brugenſis exstructa eſt; ſita eſt tertio milliari à mari, loco plano. Ambitus intra muros eſt 26600 pedum Romanorum, hoc eſt Italicorum mill. quatuor cum dimidio. Vrbs eſt non Flandrię tantum, ſed etiam totius Belgię amœniſſima: templa habet l. x, quorum præcipuum & auguſtiſſimum eſt S. Donatiani, olim ſacrum B. Virgini, exstructum à Liderico primo Flandrię Comite, anno 10000. Opificiorum genera exercentur l. x. *Ypra* à rivulo *Ypra* præterlabente dicta, vulgo *Yperen*, anno cmlx condita eſt. Hujus urbis fundus dicitur eſſe plumbeus, idque propter magnam plumbeorũ tuborum vim, quibus aqua variè per Civitatem univerſam distribuitur. Atque hæc quidem ſunt urbes primarię. Portus ſequuntur: *Sluſa* à Cataracta nomen habet, quæ Flandris vocatur *Sluys*: urbs eſt maritima: Portum habet capaciſſimum, quo quingentę naves commodiſſimè recipi poſſunt. Ex adverſo eſt Inſula *Cadſant*, Georgii Caſlandri patriæ. *Ooſtenda* ad Oceanum ſita, obſidione Archiducis Alberti graviſſimã, quã ad annos tres & aliquot meſes fortiſſimè ſuſtinuit, ac innumeris pæne utrinq; cæſis, nobilis. *Neoportus* (*Nieuport*) tertio ab Oſtenda milliari, urbs eſt maritima, patria *Iodoci Clichtovei*, cui proxima eſt Abbatia *S. Bernhards*, in qua Bibliotheca olim totius Belgiĩ inſtructiſſima & celeberrima. *Dunkerke* exstructa an. cmlxvi à Balduino Arnoldi F. Flandrię Comite, portum habet brevem admodum & mari vicino infeſtum. Vrbs

jurisdictio pertinet ad Regem Navarrę. Reliquas urbes Flandrię Teutonicę prætereo. In Flandria vero Gallica eſt *Inſula* à veteri poſitione ita dicta; erat enim ſtagnis & paludibus cinctæ: urbs frequentia civium, opibus, legibus ornatiffima, & quidem poſt Antverpiam & Amſtelodamum potentiſſima. *Duacum* (*Douay*) ad Scarpam fl. ubi olim *Catuaces*, patria eſt *Roberti Gaguini*. Academiam habet paucis abhinc annis à Philippo II Hiſpaniarum Rege ibi conſtitutam. *Orchianum* (*Orchies*) etiam in hoc tractu eſt, & *Lannoyum* celebre dominis & cive *Franciſco Raphelengio*: præterea *Eſpinoyũ*, *Armentiers* & *Tornacum*, *Tournay*. In Imperiali Flandria eſt *Aloſtum*, Civitas ampla & munita ad Teneram fl. Comitatus titulo inſignis. Pagos ſub ſe habet c. lxx, Principatus ii, Steenhufenſem & Gaverenſem, Baronatus complures. Territorium etiã *Waſiæ*, cujus quatuor ſunt oppida: *Hulſta*, *Axela*, *Bochoute* & *Aſſenede*. *Rupelmonda* ad *Rupelam* fl. arx eſt, hoc loco minimè omittenda, vel propter *Gerardi* noſtri *Mercatoris* illuſtriſſimi Mathematici & Coſmographi, ac noſtri ſeculi *Ptolemæi*, memoriam. Flumina ſunt *Scaldis*, *Liſa*, *Tenera*, *Livia*, *Ypra*, *Aa*, *Scarpa*, *Rupela* & alia. Montes per pauci: ſed *Silvę* plurimę cęque valde utiles, inter quas *Niepenſis* & *Nommensis* principes. Status vero Politicus Flandrię, tribus conſtat membris: Primum, *Prelati Eccleſiaſtici*, qui ſunt, *Ordinis S. Benediicti Abbatibus* vii: *S. Peter* & *S. Baefs* Gandavi. *S. VVinnock* in Bergę. *S. Andries*, *S. Peter* Aldenardę. *Ename*, *Marchienne*. *Ordinis S. Bernardi Abbates* v: *ten Dunen*, *Boudeſloo*, *Doeſt*, *Clammerez*, *Marchienne*: & *Prioratus* in *VVaerſcho*. *Ordinis Præmonſtratenſis Abbates* iii: *S. Nicolaes* in *Vuerne*, *Drongene*, *S. Cornelis* in *Nienove*. *Canonicorũ Regulariũ Abbates* vi: *Eechoute*, *Soetendale*, *VVaerneſton*, *Sunnebeke*, *Ciſoing*, *Falenpyn*. Ejuſdem *Ordinis*

Flumina.

Montes.
Silvæ.

Ræſo gubernandi.

Ordinis vi *Præpositura*, S. Marten in Iperen, *VVormesele*, *VVatene*, Loo, *Eversam*, *Petendale*. Secundum membrum, *Nobilitas*, in qua *Vicecomitatus* v. *Gendr*, *Yperen*, *Vuerne*, *Bergen*, *Haerlebeke*. *Principatus* III: *Steenhuse*, *Gavere*, *Esphinoy*. *Barones* IV, II in Comitatu, *Cysoing* & *Heyne*: II in Dominio, *Pamele* in *Oudenarde* & *Boelare*. *Tribuni militares*, *Banderheeren*, in Comitatu Teutonico Dominus de *Nevele*, de *Dixmude*, D. de *Beveren*, de *Praet* prope *Brugas*: *Haeskercke*, *VVatene*, *Heverghem*, *VVæstene*, *Cæcten*, *Ingelmunster*, *Pouke*, *Gruithuse*, *Male*, *Maldegem*, *Ooftcāp*, *VVinendale*, *Colscamp*, *Ghistele*, *Sevecote*, *Rousselare*, *VVæstene*, *Hondscote*, *Cassel*, *Nortvrie*, *Haeskercke*, *Halevvijn*. In Comitatu Gallicano, *Castellanus de Lille*, D. de *VVaurin*, D. de *Comene*. In Dominio *Flandriæ* D. de *Rode*, D. de *Gavere*, *Sotteghem*, *Gontero*, *Scorisse*, *Poitz*, *Liekercke*, *Lumbeke*, *Rotselar* in *Meerbeke*. *VVerdergraet* in *Neyghem*, *Steenhuse*. Tertium membrum sunt præcipuæ *Civitates*. In *Flandria* Teutonica IV præcipuæ *Civitates* hoc membrum repræsentant, *Gandavum*, cuius sortem sequitur, in Comitatu *Burggraviatus Gandensis* & *Castellania Cortracensis* ac *Oudenarde* & *Biervliet*. In Dominio quædam sunt *Feuda Imperii*, ut IV *Ambachten*, dat *Land van VVaes*, & *Graeffchap van Aelfst*, ac alia libera dominia, ut *Bornhem*, *Dendermonde*, *Geerdsberge*. *Brugæ*, cuius sortem sequuntur in censu & armis, quæ sunt post IV officia usque ad *Nieupoort*, totus videlicet *Franconatus* (s. *Vrie*) oppida ejus clausa & non clausa. *Ypra*, ad quam referuntur in censu & armis, *Yperen-Ambacht*, *Bellen-Ambacht* & *Cassel-Ambacht*: *Franconatus Campestris* (het platte *Vrie*),

cuius sortem sequuntur in censu & armis *Vuern-Ambacht*, *Bergen-Ambacht* & *Broucborg-Ambacht*. In *Gallicana* III civitates principales, *Lille* (*Ryssel*), *Douay*, *Orchies*. *Tornacense* Dominium & Status *Flandriæ* adnexus, per se constat tribus membris: *Ecclesiastico*, *Nobilitate* & VI *supremis Iustitiis*. Vnum vero habet *Flandria* episcopum *Tornacensem*, archiepiscopo *Remensi* subiectum, in v tamen diœceses episcopales divisa est. *Trajeçensis* sub sunt IV officia, *Hulst*, *Axele*, *Assenede*, *Bochoute*. *Tornacensi* sub sunt *Gandavum*, *Contracum*, *Aldenarda*, cum illarum *Castellaniis*: *VVaes* territorium, *Brugæ*, *Franconatus* & *Insula* cum sua *Castellania*. *Atrebatensis* comprehendit *Duacum* & *Orchianum*. *Cameracensi* subest *Dominium Flandriæ* ultra *Scaldis* versus *Meridiem*. *Tarranensis* habet *Castellania* *Ypræ*, *Cassel*, *Vuerne*, *Bergen*, *Broucborg*, *Belle*. In *Flandria* Teutonica sunt XIV principales curiæ *Comiti* feudales, *Viesburg*, *Gandavi*, *Burgus*, *Brugis*, *Sala* *Ypræ*, *Castellum Contraci*, *Curia* in *Harlebeke*, in *Tielt*, *Domus* in *Deinse*, *Curia* in *Peteghem* dicta *Beaulieu*, & domui *Deinse* subiecta, *Tribunal Aldenarde*, *Burgus* in *Vuerne*, *Curia* in *Bergen*, in *Broucborg*, in *Cassel* & in *Belle*. In *Flandria* *Gallicana* sunt III *Curia* *Comiti* feudales, *Sala* in *Lille*, *Castellum* in *Douay*, *Curia* in *Orchies*. In *Flandriæ* Dominio sunt IV *Curia* *Comiti* feudales, *Tribunal* in *Aelfst*, *Domus* in *Dendermonde*, *Prætorium* *VVæstæ* apud S. *Nicolaum*, & *Castrum* *Beveren*. Ex omnibus *Curia* & *iurisdictionibus* dictis appellatur ad consiliū principis provinciale, quod est *Gandavi*, inde ad *Parlamentum* quod est *Mechliniæ*. Sed de his satis: ad *Brabantiam* transeo.

Regio.

BRABANTIA maxima parte Aduaticorum, Ambivavorum & Tungrorum regionem completur: cæterum quonam tempore Regio hæc Brabantia nomen acta sit, planè incertum est: aliis à *Brenno* Gallo deducuntibus, aliis ab urbe quadam ejusdem nominis, cujus neque in terris neq; in historiis vestigium ullum: aliis à *Bratuspandio* oppido Bellovacorum, cujus meminit Cæs. lib. 2. Alii novum Ducem cōminiscuntur *Salvium Brabonem* Arcadē, qui cum Cæsare in Belgicam profectus est, cujus uxor Suana Cæsaris Neptis. Sunt etiam qui à *Gotsfrido* Barbaro Comite Lovanienſi Brabantiam, postea Brabantiam dictam suspicantur: nomen sanè nuperum est: quod ut certo cōstat, ita origo ejus non cōstat. Longitudo Brabantia à *Gemblours* ad D. Gertrudis usq; sacrum Montem est milliariū circiter xxii. Latitudo ab *Helmontio Bergas* usq; xx. Ambitus lxxx. Habet à Septentrione Mosam fluvium, quo Geldria & Hollandia separantur. A Meridie Hannoniā, Comitatum Namurci & Episcopatum Leodiēsem, qui etiam ad Ortum fines ejus tangit: ab Occasu est Scaldis cum Comitatu Aloftensi. Regio gaudet aëre salubri, planitie fertili, frugum inprimis feracissima, tametsi Campania sive Campinia de *Kempen*, ob arenas sit sterilior. Quæ tamen pars non omnino infructuosa existit. Vrbes hujus Ducatus sunt xxvi. *Lovanium* (*Loven*) antiquissima est, & prima Grudiorum sedes, in qua Dux publico Sacramento se obstringit: Comitatus quodam titulo insignita. Vrbs est amœna prolatis aliquoties pomœriis extensa; ejus ambitus intra muros est quatuor mill. pass. Fluvio irrigatur *Dela*. *Bruxella* (*Brussel*) urbs

Situs.

Aëris
temperies.
Soli ferti-
litas.

Vrbes.

splendida est & magnifica, duplici muro munita, sita solo fertili, rerumq; omnium abundanti. Mirum, tam numerosæ civitati, advenis quam plurimis, Ducis aula, & peregrinis principibus cum universo satellitio illic agētibus, omnia semper benigne & copiose potuisse suppeditari. *Antverpiam* vulgo *Antvverpen* vocant, Galli *Anvers*, Itali *Anversa*, Germani *Antorff*. Petrus Appianus putat eandem esse cum Ptolemæi & Cæsaris *Aruacuto*. Nomē *Antverpia* creditur esse à projecta manu. Nam Gigas quidam Druo qui hæc loca ante C. Cæsaris adventum infedit, prætereuntibus si dimidium suarum mercium non solvissent, manum dexteram præscindebat, eamque in profluentem abjiciebat: argumento sunt ipsius urbis insignia, & ossa quædam immania quæ in Curia hodieque adservantur ipsius Druonis, quem alii Antigonum vocatum dicunt. Sed hæc fabulosa. Illud vero similis; nomen datum ab indigenis ab aggestu terræ ad Scaldim; hoc enim Belgis est *Antvverpen*: nam aggeribus oppositis flumen pariter angustius reddiderunt & profundiorum ejus alveum. Sita est ad flumen qua id profundissimum, grad. long. xxv min. 42. lat. 11 min. 18. Distat à mari iv. mil. pass. *Mechlinia* totidem; *Lovanio* octo: *Gandavo* x, *Brugis* xv, *Bruxella* iix: *Londino* lx: *Colonia Agrippina* xxix: *Francofurto* lx. Ter muro cincta fuit. Primum arctiore ambitu, anno m c c i: postea ampliore, anno m c c c xiv, qui annus fame, ut sequens pestilentia notabilis fuit. Denique ad Septentrionem extensa pomœria anno m d x l i i. Ambitus est extrinsecus quatuor millium pass. octingentorū & duodecim. Fossæ intra Urbem ex fluvio derivatæ aptæq; maximis plurimisque



rimisque navibus recipiendis sunt octo. Mercimonia omnem fere aestimationem superare solent. *Guicciardinus* eam inivitationem, ut demonstrarit singulis annis commercia excedere duodecim miliones coronatorum: cuius calculus rebus Antverpianis florentibus non modo non superavit, sed ne æquavit quidem justam aestimationem. Proinde meritò cecinit *Julius Scaliger*:

Oppida quot spectant oculo me torva sinistro,

Tot nos invidia pallida tela petunt.

Lugdunum omnigenum est, operosa Lutetia, Roma

Ingens, res Venetum vasta, Tolosa potens.

Omnimoda merces, artes priscaeque noraeque,

Quorum insunt aliis singula, cuncta mihi.

Duo & quadraginta loca pietati dicata, cum templa & monasteria, tum nosocomia videt Antverpia. Inter quæ cathedrale & primarium templum *DIVÆ MARIE VIRGINI* dicatum. Est hoc amplissimum & sumptuosissimum opus, spectabili etiam turri illustre, quæ tota è lapide secto & adfabre elaborato, quadringentis & viginti pedibus Antverpiensibus, id est ulnis Florëtinis ducentis alta, ita ut perjucundum reddat aspectû: præterquàm enim quod ex ea conspicias totam quàm latè pater pulcherrimam urbem, & circumjectos illi non minus amœnos quam pagis, hortis, & villis frequentes agros, detegis etiam clarè primarias quasdam atq; longinquas urbes, Mechliniam, Bruxellam, Lovanium, Gandavum, præterea fluminis latè diffusam oram, adeoque & ipsum mare, & Zelandicas etiam Insulas. Sunt in hac turri octo & sexaginta, partim prægrandes, partim minores campanæ, quarum pleræque musicalium

instrumentorum ritu, canorum quemdam ac quatuor vel quinque vocum edunt concentum: harum maximæ, quæ insoliti & mirandi est ponderis, nomen inditum est à *Carolo V* Imperatore, quæ non nisi ob causas extraordinarias pullatur. Curant vero Sacra eo in Templo quatuor & viginti Canonici, quibus præest *Decanus*, cum *Episcopo* qui primùm institutus est an. 1567. Guratur sanè hoc Templum religiosè inprimis & splendide, suntque luculenti ejus proventus, & magna Sacerdotum immunitas. *Bustoducum* seu *Silvâ Ducis*, vernaculè *'s Hertogen-Bosch*, *Gallis Bolduc*, nomen habet à *Silvis*. Vrbs est ampla, amœna, firmiter munita, sita ad rivulum *Disam*, altero lapide à *Mosa*, duodecimo ab Antverpia. Atque hæ sunt quatuor urbes primariæ, quarum tres primæ cum *Nivella* Marchionatum constituunt sacri Imperii. *Mechlinia* à quibusdam Brabantia adnumeratur, revera tamen ab ea distincta est; urbs alias pulcherrima & nitida: Archiepiscopatu insignita, & sede ampli Consilii ad quod ultima est in Belgica provocatio. Vrbes præterea in Brabantia sunt *Trajectum ad Mosam*, vulgo *Maestricht*, *Breda*, *Berga ad Somam*, *Lira*, *Vilvorde*, *Gemblacum*, (*Gemblours*.) *Toudoigne*, *Hannut*, *Landen*, *Halen*, *Leeuvven*, *Sichenen*, *Herentals*, *Eindoven*, *Helmont*, *Grave*. Sunt & municipia complura, nondùm muris cincta, *Oostenrijc*, *Oorschot*, *Turnhout*, *Duffel*, *VVaelem*, *Merchtem*, *Asche*, *Vueren*, *Duisburch*, *Hulpen*, *VVavre*, *Breine*, *Genape*, *Gheele*, *Arendonc*, *Dormal* & *Iscia*. Sunt & pagi insuper *DCC*. Referuntur etiam ad Brabantiam Dominatus *Ravestein*, Ducatus *Limburgensis*, cum Dominatu *Dalem* & *Valckenburg*. Lacus, stagna, & flumina non parum adfe-

Lacus.
Flumina.

Silva. adferunt commodi Brabantia. Horum autem principes *Mosa & Scaldis*. Sunt & alia minora. Silvis quoque abundat regio, quarum præcipuæ sunt quinque, *Somenfis, Saventerloo, Grootenhout & Meerdaal*. Opera publica tam sacra quam prophana hic sunt plurima. Inter ea Templum Lovaniense præcipuum est, D. Petro sacrum, magnificum valde & sumptuosum. Bruxellæ templa sumptu excellunt, egregia & debita suppellestili ornata. Ædes quoque sacras habet Antverpia plurimas, inter quas Ædes B. Virginis amplissima. Alia hic & in aliis locis quæ pæne innumera sunt, prætereo: atque etiam Opera prophana plurima: Palatia, nobilium domos, Arces Castella & ejusmodi. Cæterum status Politicus Brabantia tria habet membra: Ecclesiasticos, qui sunt Abbates, *Afflighemensis, Grimbergenfis, Tongerlo, Grunendalensis, S. Gertrudis Lovanii, S. Bernardi, Vileer, Dieleghem, Parkensis* prope Lovanium; Prior magnus Ordinis *S. Augustini* in Leevve, *Gemblacensis (Gemblours.)* Nobiles, qui sunt, Abbas *Gemblacensis* Comes, *Dux Arschotenfis, Marchio Bergensis* ad Somam rivulum. Barones, *Diestensis, Bredanus, Boxtelensis, Gaesbeekensis, VVesemael, Petersem, Pervveys, Hoochstratensis* nunc Comes, *Renes. Domini, Aschenfis, Merchtenfis, Vuerne, Gheel, Lummen, Thurnout, Oostervuic, S. Oedenroy, VValem, Duffel*. Civitates iv principales, *Lovanium, Bruxellæ, Antverpia, Buscoducum*, de quibus supra. Statum ejus Ecclesiasticum quod attinet:

partim paret *Leodienfis Episcopo*, partim *Cameracensis*: *Leodienfis* curiam & magistratum Ecclesiasticum habet *Lovanii. Cameracensis, Bruxellæ*. Academiam habet *Lovanium* celeberrimam: de qua in generali Belgii descriptione uberius. Brabanti hilares, festivi, in scenicis comicisq; moribus immodici, teste *Lemnio*. Præter Brabantiam continentur hac tabula *Ducatus Iuliacensis & Clivensis*. Horum ergo Statum Politicum ex Mercatore adjiciamus. Status Politicus *Iuliacensis* constat similiter 111 membris quæ sunt Ecclesiastici, videlicet Abbates, & Collegia Canonicorum ac Monasteriorum: Nobilitas: Civitates. Præfecturæ ditionis 24. *Caster, Brugge, Born, Boisseler, Eufskirchen, Munstereyffel, Moniou, Eschryviler, Grevembroich, VVassenberg, Geilenkirchen, Hensbergh, Durem, Thonberg, Berchem, Heimbach, VVilhemstein, Gladbach, Millen, Rangenrayd, Norvenich, Nuenar* Comitatus, *Iuliacum, Nideken*. *Clivensis* similiter tres Ordines continet, Ecclesiasticum, Nobilitatem & Civitates. Satrapa autem sive præfectus Provincialis Cliviæ has sub se habet Civitates 8. *Cliviam* Metropolim, *Calcariam, Sonsbeke* ubi residet, *Santen, Buric, Vdem, Griet, Griethusen*. Præfecturæ vero hic sunt 14, *Cranenburg, Duffel, Gennep, Goch, Orsoy, Huesfen*, juxta *Arnhem, Lymers, Emmeric, Hetter, Aspel, Ringenburg, Bisselic, Dinflaken* Præfectura, in qua sunt v. Civitates, *Dinflaken, VVesel, Duysburg, Schermbeke, Holte*. Dominium *Raesteyn* adnexum est Curia Cliviæ.

Regio.

HOLLANDIÆ nomen à Silvarum Saltuumque frequentia quidam deducunt; lignum enim & silvam promiscuè *Holt* & *Hout* vocamus, ut *Hollant* sonet regionem silvestrē: omnia enim arbustis olim inhorruisse refertaque prædicant toto quaquà patet Hollandiæ tractu. Alii à cavitare dictam putant, quasi *Hol-landt*. Est enim universa fere regio palustris, ac pedum pulsū vacillans. Alii à scæno *Hollandiam* quasi *Hoylandiam* nominatam arbitrantur. At eruditissimus Iunius aliam sententiam indicat, Hollandiam Gothicæ Danicæve gentis coloniâ esse, ut & Zelandiâ, Danosque & Normannos desertis in Codano sinu Insulis Olandiæ Zelandiæque in hæc loca migrasse, & à sua patria Hollandiam, Zelandiamq; cognominasse, planè, ut de Heleno Priamide refert Maro, qui in Epiro oppidulū Trojam cum arce Pergamo exstruxit, addita & imagine Scææ portæ & rivulo Xanthi Trojani amnis nomine: & ut in Indiis novam Hispaniam, novam Franciam Europæi effecerunt. Eam à plaga mundi occidua Britannicum mare, à Septentrione Cimbricum ambit & littora pulsat, ab Ortu Solis fretum amplū Frisiam procul aperit, ad Euronotum Trans-Isalam & Velavia, ad Austrū Trajectina ditio obtenduntur. Ambitus ejus ad LX miliaria extenditur: latitudo per exigua est, quandoquidē medietullo ejus creditur viatori patere aditus ad extremos ipsius fines in latum trium horarum spatio: vel etiā hinc ad Oceanum, illinc ad maris sinum, est, ubi latitudo non æquat milliaria. Habet regio ista agros frugiferos, ac luxurioso & opimo frumento supra modum scabentes, sed qui tantillo in spatio & in regione, qua vix

S. H.

S. f. fert.
l. 1. as.

populosiorem invenias, ad suppeditandam tantę multitudini alimoniam sint impares. Sed pascuorum ubertas summa est: qua boum alit armenta infinita: vaccas quoque corporum vastitate, lactis copia, eximias. Constat sanè, aliquibus Hollandiæ partib; boves æstivis diebus quatuor & quadraginta lactis heminas in mulctralia singulas refundere. Ioannes etiam Benningus consiliarius Curiae Hollandicæ, referente Guicciardino, certa observatione & minime fallente calculo ostendit, tantū Assendelphi & quatuor vicinis pagis lactis uno anno è vaccis colligi, quantum è Germaniæ superiore Rhensis vini devehatur Dordrechtum. Ex hac lactis optimi copia butyrum conficiunt, non barbararum modo gētium, ut Plinius vult, sed Regum etiam & principum cibum laudatissimum. Conficiunt etiam caseos Parmensibus aut Placentinis nihilo inferiores. Primæ tribuuntur Tessalico & Gravesandico, secundæ Edamensi, quem in primis vetustas commendat. Equos etiam generosos profert. In collibus arenariis cuniculorum innumeram multitudinem habet: cervorum etiam, damarum & leporum frequentiam: inque Hagienfi nemore capreolorum greges, avium quoque capturam quæstuosam, in primis anatum, anserum, & autumnalibus mensibus scolopacum, quas Plinius rusticulas, Martialis rusticas perdices, nostri *Sneppas* vocant. Habet & cespitem fossitium, qui ex intimis haustus terræ penetratilibus, ipsisque adeo ex aquiseductus, ventoque & sole exsiccatus, ad focos adhibetur. Hollandia olim suos reges habuit, quorum meminit Suetonius in Caligula cap. 44. Verum anno Christi MCCCLXIII à Carolo Calvo Francorum

Animalium vastitas.

Impertinentia majorum.

Rege



Rege in Comitatum redacta est, eiq; præfectus est *Theodorus* è Regio stemmate ortus. Patri *Theodoro* successit *Theodorus* filius, huic *Arnoldus*, Arnoldo *Theodoricus*, atque huic alii ex ordine, quorum seriem apud Munsterum & alios habes. Bellica olim gloria clari admodum fuerunt. Hoc enim præsidio cum fide conjuncto in fraternitatem Imperii Romani accepti sunt Batavi. Hac Duce benevolentiam sibi apud principes constabilerunt, & stabilem sui fiduciam plerisque illorum Tyrannis impresserunt. Per hanc vulgo formidabiles, invictæ virtutis opinionem acquisiverunt. Per hanc deniq; vera laudis imagine conspicui esse ambierunt. Urbium nunc nobis est proponenda descriptio: sunt autem *Dordrechtum*, *Harlemû*, *Delphi*, *Lugdunum*, *Amstelodamû*, *Gouda*, *Roterdamû*, *Gorcomium*, *VVorda*, *Naerdenû*, *Muda*, *VVespum*, *Edamum*, *Monachodamû*, *Purmurenda*, *Alcmaria*, *Enchuyssa*, *Horna*, &c. *Dordrechtum* urbs totius Hollandiæ primatia est. Facies ejus oblonga exit ad modum triremis: ipsa opulenta & copiosa, imo eorum omnium quæ in annonæ rei quæ alimentariæ usum venire atque expediri possunt, locuples quoddam penu est. Ius habet sistendi & retrahendi ad se merces exoticas, quæcumque secundo amne importantur, ut nimirum eo loco stabulentur, ac conquiescant, donec venditæ sint: & inde rursum non aliis quam popularibus navigiis alio devehantur. Hoc privilegium à *Stabulo* vocant *Stapulam*. *Harlemum* amplitudine urbis, ædificiorum cultu, situs amœnitate nobile est. Templum habet totius Hollandiæ pulcherrimum, firmissimis innixum columnis, foro imminens. Urbem *Sparnus* interlabitur. Exstructa creditur à *Frifis*, circiter annum 151. Huic urbi inventæ typographicæ artis gloria debetur. Est & altera hujus urbis gloria; capti novo consilio *Pelusi*, quam *Damiatam* vo-

cant, cujus rei symbolum habet nolas binas ex ære Corinthio quæ à re *Damiatæ* appellantur. *Delphi* sequuntur non Apollinis tripodè, sed Cereris & Bromii munere insignes. Coquitur enim in hac urbe cerevisia post Britannicam optima. Nomen habet à fossâ, quam Batavi *Delf* vocant, ductâ à *Mosa* ad urbem usque. Anno 1100-xxxvi, v Non. Maii, ignis nato ex favillis forte incendio, lucuosam ac funestam urbis faciem reddidit, absumta deformataque pleraque urbis parte: ex quo incendio postea pulchrior emicuit. *Leida*, *Ptol. Lugdunum Batavorum*, urbs est sita ad medium Rheni ostium *Plin.* & *Ptol.* nominatum. Sustinuit anno 1100Lxxiv gravem obsidionem, sed pulsus hostibus divina ope & aquarum stagnantium vi liberata est. *Amstelodamum* nobilissimum hodie totius Orbis emporium ab Amne *Amfela* nomen habet, ut notavit doctus ille poëta *Nicolaus Camius*, civis Amsterodamensis, hisce versibus:

Hac illa est Batava non ultima gloria gentis,

Amnis cui nomen, cui cataracta dedit.

Dicta prius DAMVM, rarisque habitata colonis

Cum contenta casis rustica vita fuit.

Hinc AMSTERDAMVM jam facta celebrior, atque

Fortuna crevit tempore nomen item.

Urbs bene nota prope, atque procul distantibus oris,

Dotibus innumerus sufficiens bonis.

Dives agri, dives pretiose vestis & auri,

Vt pleno cornu copia larga beët.

Quod TAGVS atq; HÆMVS vehit & Pætolus, in unum

Verè huc congestum dixeris esse locum.

Paucis initio piscatorum tuguriis habitatum, jurisdictionis fuit Minorum Amsteliorum. Hanc urbem postea *Giselbertus Amsteli* ante annos ducentos octoginta plus minus, communiri propugnaculis, portis ac turribus

Majorum
viri.

Urbes.

turribus fecit: quibus per invidiam vicinorum conflagratis, muro cingi cœpit anno ciro ccccxci. Ex eo perpetuo aucta & Hollandici juris fuit. Nunc verò non Hollandiæ solum, sed omnium vicinarum regionum ad Sarmatas usque & Gothos & Cimbros est apotheca. In hac urbe stabulantur non solum Itali, Hispani, Lusitani, Britanni, Scoti, Galli, Sarmatæ, Cimbri, Sueci, Norvægi, Livones, Germani: sed etiam Indi Americani, Orientales, Mauri, aliq; ex omnibus pene Orbis plagis. *Gouda* à Cimbrica voce *Govy* nomen habet, quæ & fossam & aggerem fossæ oppositum denotat. Sita ad Iselem, urbs copiosa & rebus omnibus affluens. *Roterdamum*, nomen habet à *Rotta* fluvio, urbs hodie splendida & mercaturæ celebris, sita ad Mosam fluvium tertio à Mari milliari. Natus hic est, immortale Batavorum suorum decus, magnus ille *Desiderius Erasmus*, eruditione scriptisq; notissimus. Sunt & Municipia quædam, inter quæ primaria est *Haga* Comitatus, in quo & sanctiori Principis Ordinumq; Consilio locus est, & forum litibus solvendis dicatum. Quod ad Statû hujus Comitatus Politicû, cum tres Ordines constituunt, quorum Primus sunt Equites aurati (*Ridderheren* vocant) eorum præcipui sunt Comites *Egmond*; *Ligne* cujus sunt Dominia, *VVassenaar*, *Valckenborch* & Vicecomitatus *Leidensis* Civitatis. Invenio & hos Comitatus in Hollandia, *Maelstant*, *Texel*, *Goylant*, *Kenne-merlant*, *Steenberge*. Domini & Barones, *Brederode* cujus est & Dominium *Vianen*, Baronatus de *Lijsselt*. Invenio & inter Baronatus in Chronico Hollandiæ numerari hæc dominia, *Lecke*, *Sevenbergen*, *Voorn*, *Iffelstein*, *Stryen*,

Teylingen, *Putten*, *Harlem*, *Leerdam*, *Asperen*, *Archel*, *Altena*, *Botterfloet*. Secundus ordo est Dominorum, quorum qui nomine Statuum in *Haga* Comitatus comparere solent, sunt hi præcipuè, *Poelgeest*, *Polanen*, *Lochorst*, *Assen-*
delft, *VVarmont*, *Sparryoude*, *Matenes*, *Schooten*, *Noortvvijk*, *Verdoes*, seu *Does*, *Mynne van Anstfel*, *Spangen*, *Alckemede*, *Benthuyfen*, *Kenelhorch*, *Raaphorst*, *Svvieten*, *Heemskercke*, *Ru-*
ven, *Duyn* & *Sprangen*. Sunt præterea & hæc in Hollandia Dominia *Hoesden*, *Outhoesden*, *Papendrecht*, *VVijngarden*, *Ghissenborch*, *Amejde*, *VVoerden*, *VVaterlant*, *Schagen*, *Purme-*
rende, *Goude*, *Naeldvvijc*, *Ryfvijc*, *Schoonhoven*, *VVateringen*, *Soetermeer*, *Heemstede*, *Heichtvvoude*, *Mervven*, *Hæstrecht*, *Dalen*, *Spijck*, *Hardichsvelt*, *Bardvvijck*, *VVijc*. Tertius Or-

STATUS POLITICUS.

do sunt vi magnæ Civitates, quæ nomine omnium Hagam convocantur, quæ sunt *Dordrechtum*; hæc habet Præto-

rem & Magistratum, cui cives parent, & Baillivum cui exterius territorium, tam in civilibus, quam in criminalibus. *Harlemum*, Præto-

rem & Magistratum domi habet: ruri Baillivum, qui in civilibus & criminalibus præfunt. *Delphi*, Præto-

rem & Magistratum pro civibus, Baillivum pro rusticis habent, in civilibus & criminalibus jurisdictionem habentes. *Lugdunum*, hic Prætor &

Magistratus intus, foris Baillivus præfunt, qui in civilibus & criminalibus jurisdictionem habent. *Amsteloda-*

mum, intus Præto-

rem & Magistratum, ruri Baillivum habet qui civilia & criminalia judicant. *Gouda*, Præto-

rem & Magistratum habet pro civibus & incolis, Bailli-

vum quoque & arcis præfectum.

Regio.

ZELANDIA nihil aliud sonat quam terram ac solum maritimum, à terra ac mari conflatum nomen. Mari enim undiq; cingitur. Hanc veteribus non fuisse incognitam ex Tacito colligit Lemnius, non hoc quo nunc innotescit nomine, sed ex usu ac vulgata alloquendi consuetudine ac compellatione, nempe *Maet*, qua populares & indigenæ inter se sunt usi. *Mattiacorum* enim illos nomine designat, cum inquit, *Est in eodem obsequio Mattiacorum gens Batavis similis, nisi quod ipso terra sua solo ac caelo acrius animantur.* Zelandiæ nomen accepit à Danis & Nortmannis, qui ex illa Insula Cimbrica quæ in Dania Zelandiæ nomine inscripta est, profecti ad novas terras quærendas, quum gravi indigenarum multitudine laborarent, Britannię ac Gallię oras invaserunt, ac Walachriam vicinasque insulas à patrio solo Zelandiam vocaverunt. Harum insularū situs est inter Mosæ & Scaldis fluminum ostia: à Septentrione Hollandiam, ab Oriente Brabantia, versus Meridiē Flandriam vicinas habent regiones, ab Occidente mare Germanicum respiciunt. Aëris clementiā destituitur Zelandia, qui in nonnullis partibus paullo asperior est, & quā vicinarum gentium minus salubris, præfertim æstate ob paludum & stagnorum graves halitus, & quod regio arboribus minus consista. Hoc tamen habet commodi, quod contagioni ac pestiferis morbis minus sit obnoxius ac serius inficiatur: at infectus immaniter in hominum corpora grassatur, nec faciliē quiescit. Magna verò hic soli ubertas, pingues ac glutinosæ glebæ, feraces, ac fecundi agri tritico quo nūquā gentium candidius aut magis ponderosū, aliisque frugibus: coriandro item & rubiā vulgo *meede crappe* nominatā, adornandis pannis, ne color deflorescat, eumque intimè cōcipiant necessariā: ut insignes atq; inimmen-

sum fastigiatas lauros perpolitīs maturitate baccis onustas; ut efficaces & salubres herbas, cum medendis morbis, tum esui accommodas fileam. Vberima etiam hic saginando pecori pascua, non solum intra exporctos aggeres ac ambitus, sed etiam extra littora, in ipsa Oceani crepidine, in quibus oberrant pecudū aliquot myriades, maximo negotiatorum emolumento, quæstusq; uberrimo, non solum supra vulgarē magnitudinem, sed saporis etiam delicati atq; exquisiti, soli ac graminū beneficio, quod saluberrimū iis pabulū suppeditat, adeo ut exteri quoq; summopere iis delectentur. Anno autē Domini 1000 LXXI imperante Carolo Calvo apud Batavos illisque affines Zelandos, principatus primū constitui cœpit, ac Comitatus nomine designari, primusq; Comitatus nomine inauguratus *Theodoricus* filius Sigisberti Principis Aquitaniæ, qui annos octo & triginta in eo dominatu versatus, successorē *Theodoricū* secundum herilem filium constituit, à quo ad nostra usque tempora hæc Regia potestas longa heroum serie ad Hispaniarū regem Philippum devoluta Comitatus nomine censeatur. Insulæ Zelandicæ numero septem sunt, tres ultra Scaldis ostia, Bataviam & Orientē versus, quæ propterea dicuntur Orientales, *Scaldia*, *Duvelandia*, & *Tolē*: quatuor cis Scaldim, Occidentem versus, *VValachria*, *Zuytbevelandia*, *Nortbevelandia*, & *VVolferdijc*. Omnium ultra Scaldim insularū maxima & prima est *Scaldia*, indigenę vocant *Landt van Schouven*, cuius ambitus nunc est septem mill. olim tamen maior fuit, ac tantū exiguo freto distincta à *Nortbevelandia*. Vrbes in ea primariæ sunt *Zirizaa* & *Brouwershavja*. *Zirizaa* omnium Zelandicarum urbium creditur esse antiquissima, circa annum 1000 XLIX exstructa à quodam Siringue: nobilis diu fuit mercatu omnium rerum, propter celebrē portum, frequentiamque


Animalium varietas.

Imperium majus.

Situs.

Aëris qualitas.

Soli fertilitas.



tiamque advenarum: sed obstrueto arenis portu multū de antiqua gloria remisit: spes est tamē, eam novo portu effosso paulatim vetus nomē recuperaturam. In hac urbe natus est vixitque *Levinus Lemmus* doctrina & arte medica clarus. *Brouwer* *shaviam* piscatores incolunt, & qui mari victitant. Secunda insula *Scaldia* est *DVVELANDIA*, à Columbarum frequentia sic denominata, paterq; ejus circuitus mill. pass. quatuor. In hac tantum pagi sunt & vici, urbs nulla, anno *cio* *ioxxx* Oceani fluctibus obruta fuit, cum magna mortalium jactura, sed aggeribus confirmatis exclusoq; mari, haud multo post facile illud damnum compensatum est. Tertia insula est *Tolen*, *Brabantia* contermina, exiguo tantum freto discretā, in qua consistit *Toletum* à vectigali & portorii (*Belgis Tollen*) ita appellatum, vetustum oppidulum: à quo non procul abest *Martinianus agger*, vulgo *S. Martens Dijk*, locus amēnus atque arboribus undique constitutus, in quibus maxima alitum, præsertim *Ardearum* copia nidificat. Cis *Scaldis* ad Occidentem (indigenæ vocant *Beyveser Schelt*) primaria insula est *VValachria*, vel ab ejus cultore denominata, aut à *Wallis* vel *Gallis*. Insula hæc ab Ortū *Brabantia* obversa est, à Meridie *Flandriæ*, ab Aquilone *Bataviæ*, ab Occasu equinoctiali *Britanniæ*. Hæc totius *Zelandiæ* caput, situ, opibus, incolarum frequentia, urbiū & pagorum splendore, mercimoniis eminentissima, decē in ambitu millia complēctitur. Urbes in ea sunt *Middelburgum*, *Veria*, *Flißinga*, *Arnemuda*. Pagi complures. *Middelburgum* à situ nomen habet, est enim burgus in meditullio insulæ. Urbs est ampla publicis privatisque ædificiis, pontibus, turribus, propugnaculis ad usum & cultum egregiè exornata: omniumque *Zelandicarum* urbium primaria, atque emporium Negotiatorum frequentatione cele-

berrimum. Huic ortum suū debet *Paulus* à *Middelburg* *Mathematicorum* ævi sui Princeps: *Nicolaus* quoque *Eyarhardi* Curie *Hollandicę* primum, postea etiā *Mechliniensis* Præfēs, quo in munere obiit anno *cio* *ioxxxii*. Filios is habuit ob singularem eruditionem hoc loco commemorandos, *Petrum Everhardi* doctorem *Theologiæ*, *Everhardum Nicolai* Præsidem Curie *Friscæ*, postea etiā *Mechliniehfs*, *Nicolaum Nicolai* *Grudium*, *Adrianum Nicolai* *Marium* & *Ioannem Secundum* Poëtā. *Veria* sive *Campoveria* nomē habet à trajectu, qui *Zelandis* dicitur *Veer*. Muro cincta primum est anno *cio* *ccclvii*. Ex eo cæpit etiam esse *Scoticarum* mercium Emporium. *Flißinga* nomen & signum habet *lagenæ*, *Belgiseen Flißsche* nominatæ. Urbs est novitiola, sed potens & mari imperans: ac strenuis piscatoribus, atque exercitatis naucleris, quos *Pilotas* vocant, referta. *Arnemuda* *Middelburgensium* est municipium, & statio navium olim tutissima, sed hodie obstrueto arenis portu plane lapsa. Post *Walachriam* secunda est *Zuidbevelandia*, quā alii à tremoribus & concussionibus nomen habere existimāt, nos à *Bavaris*, quorum etiam insignia in ejus Insulæ scutis spectantur. Hæc spatiosissimo amœnissimoque versus *Flandriæ* ac *Brabantia* oras tractu exporrigitur, tametsi paucis abhinc annis maximam jacturam passa, dimidio jam sit angustior. Ab hac avulsa est civitas non ignobilis *Romerwalia*, quam nullis excultam agris, nullis exornatam pomæriis *Oceanus* undiq; alluit, ita ut unica falis negotiatione subsistat. In hac urbe *Comites Zelandiæ* solenne juramentum præstant: quod quum ex more etiam *Philippus Hispaniarum* Rex esset factururus anno *cio* *ioxliix*, *Nicolaus de Constate*, cujus ædibus Princeps excipiendus erat, hos versus ostio suo adscribi jussit:

Vidimus

Vidimus adſueto privatum lumine Solem:

Pallida turbato vidimus aſtra die.

Vidimus undantis horrendos æquoris æſtus

Nos miſeros Belgas quum obruit Oceanus.

Vidimus aſt poſtquam te Gloria noſtra, Philippe,

Cæſarea proles, Semideſumque decus:

Cuncta reſutamus tranſacti triſtia ſæcli,

Quod præſens noſtrum teſtificatur opus.

Sit licet exiguum ſit pro ratione voluntas,

Nil facit ad noſtrum parva carina fretum.

In occidentali verò Inſulæ parte ſita eſt *Goeſa* civitas, ad oſtium unum Scaldis quod *Schenge* vocant. Vrbs non tam ampla quam amœna & divitiis pollens, quum unica nunc ſit in ea Inſula. Cives habet morum humanitate perpolitos, Senatum prudentem. Tertia Inſula Zelandiæ cis Scaldim ad Occaſum ſpectans, eſt *Nortbevelandia*, in qua quondam urbs *Cortgeene*, pagi permulti: tota hæc cataclyſmo anni 1654 periiit: nunc tamen paullatim reſtituitur. Quarta inſula eſt *Volferdyck*, quaſi dicas agger *Wolfardi*: exigua admodum, utpote in qua duo duntaxat pagi ſunt. Decem igitur ſunt *Zelandiæ* urbes, pagi plures: centum ſcilicet atque amplius. Incolæ ſunt ingenioſi, ſagaces, providi: Staturâ mediâ. Referunt tamen Annales, à Wilhelmo Bono Hollandiæ Comite ad nuptiarum ſolennia Caroli Pulchri Franciæ Regis, adductam fuiſſe inuſitatâ corporis molæ feminam, natione Zelandam, præ qua proceri etiam

virī puſiones videbantur: tanto enim erat virium robore, ut bina dolia cereviſiâ reſerta ambabus utrinque manibus portaret, quæ ſingula quadringenta pondo Italica appendebant, trabemque cui attollendæ impares octo viri fuerant, quò vellet, transferret. Navigandi artis ſunt peritiſſimi. Salem atrum & fordidum qui ex occidentalibus regionibus adfertur, ſingulari artificio excoquunt, magnis atque amplis lebetibus, redduntque ita purum & candidum, ut cum nive etiam certare poſſit. Rudi Hiſpanico vel Armorico adfundunt aquam marinam, decoquunt, colliguntque pro centum ſalis Hiſpanici, centum quadraginta quinque libras puriores. Hunc Salem per Galliam, Angliam, Daniam & reliquam Europam divendunt. Ex re præterea frumentaria, leſtiſſimoque tritico, atque ex rubia, falſamentis, pecorumque & inprimis ovium copia, magnos quæſtus faciunt. In re familiari ac domeſtica omni elegentia nitidi ſunt & expoliti: in rem attentī, in mercatura induſtriū, in pauperes beneficii ac liberales. Status Politicus Zelandiæ ſolebat conſtare tribus membris. Vno Præſato, qui totius Ecclēſiaſtici Ordinis locum ſupplebat, eratque Abbas *S. Nicolai* Ordinis Præmonſtratenſis Middelburgi. Vno Nobili pro toto Ordine, *Marchione Verenſi*. Et Civitatum communitate, quarum præcipuæ cæque à nobis ſupra memoratæ: *Middelburgum, Zirizea, Veria, Flisſinga, Tola, Martinianus agger, Romerſvvalia & Goeſa*. Sed de Zelandia hæc pro loco anguſtia ſufficiant.

Op ſicia.

Mercimonia.

Mores.

Gelriæ Ducatus, complectens Zutphania Comitatum
& Overyffel Dominium.

Regia
St. ns.

GELRIA à Gelre arce, quam Wicardus à Ponte una cum fratre Lupoldo ædificasse fertur, nomen retinuisse dicitur: quamvis complures à Gelduba oppido cuius meminit Tacitus appellatam credant. Aliam etiam nominis rationem referunt alii. Hæc à Septentrione Frisiam & Sinum Germanici Maris, vulgo *Zwyderzee* habet: ab Ortu Cliviæ Ducatum, à Meridie Iuliacū attingit: Brabantia & Hollandia eam ab Occidente respiciunt. Aër regionis salutaris & purus: ager fertilissimus & ad quamvis culturā aptus, frumenti in primis ferax: pascuis item fecundus, unde pecorum ingentes alit greges: quin & ex remotissima Dania eo pascendi saginandique gratia, numerosi greges aguntur: lætissima namq; ac amplissima, præsertim circa Rheni, Vahalis & Mosæ deflexus prata habentur. Initio recta gubernataq; Gelria est à Præfectis: inde à Principibus. Martini enim Austrasiæ Præfecti ex Lamberto nepos *Leopoldus*, sive ut alii memorant *Guidus*, his locis præfuit. Post Caroli Magni tempora *Domini de Ponte* eam rexerunt, sub titulo Præfecturæ. *Otto* inde *Nassovius* Princeps ejus dictus est anno MLXXIX, si *Lazio* est fides. Sequuti sunt *Gerardus*, *Henricus*, *Otto*, *Reinaldus*, cujus tanta fuit apud Imperatorem gratia, ut comitiis Francosurtenfibus anno MCCCLXXXIX die XIV Aprilis

Aeris
temperies.
Soli fer-
tilitas.
Animalium
varietas.

Imperium
majorum.

Gelriæ Dux à Ludovico Cæsare Augusto fuerit renunciatus. *Eduardus* Reinaldum fratrem post varia prælia cepit, victumque in carcere detinuit totos annos decem: successit *Gulielmus*, huic frater *Reinaldus*, *Reinaldo* *Gulielmus Arculanus*. Hic sine liberis Gorichemi periit. Ejus soror Ioanni Egmondano nupsit: ac tandem post varias rerū mutationes eo res delapsa est, ut an. MCCCLXXII Carolus filius Adolphi è Gallia ab Ordinibus Gelriæ revocatus hæredem instituerit Gulielmum Ioannis Cliviæ Ducis filium, quietiam cum maxima Caroli quinti Imperatoris offensione rebus Gelricis aliquandiu præfuit, donec anno MDXLIII maxima Iuliacenses parte exutus Imperatori supplex factus est in castris ad Venloam: hac tamen lege, ut totius Gelriæ possessione cederet, & subditis jusjurandum remitteret: Cæsar autem territorium Iuliacense ipsi redderet, duobus tantum oppidis exceptis Hensbergo & Sittarto. Atq; hoc pacto Gelri initio liberi, postea sub Principibus vivere: servata tamen legum ordinumque suorum auctoritate. Hodie iidem Optimatum solum agnoscunt imperium, ac pro libertate sua contra Hispani impotentiam fortiter pugnant. Ducatus hic urbes complectitur duas & viginti, quarū præcipuæ *Noviomagum*, *Ruremunda*, *Zutphania* & *Arenacum*, quod nunc vocant *Arnhemum*. *Noviomagum*

Vrbes.

magum vel *Neomagum* (*Nymegen*) urbs est antiqua, sita ad sinistram *Vahalis* ripæ, cuius eo loco profundissimus est alveus: videtur *Batonis* quondam regia fuisse, certè *Batenburgum* arcem vicinam habet, & intra urbem *Hessi Montè*, à filio (ut opinio est) *Batonis Hesso* cognominatum. Vrbs verò ipsa situ atque opere permunita est, prædives, rerumque omnium affluens: quæ *Clivensem* ditionem propinquam respicit, in arduum collem asurgit, cum vetustissima arce, *Iuliano*, ut vulgo creditur, opere; à qua parte nemorosis montibus & frequentibus fontium scatebris amœna regionis facies se aperit: diversa urbis ora in paludis depressior fidit, reliquû solum tumulo fermè perpetuo acclive est. *Ruremunda* ad ostium *Ruræ* amnis, quæ se in *Mosam* exonerat, urbs est amœna, dives, potens, in veteribus *Menapiorum* sedibus. *Zutphania* ad dextram *Isalæ* ripam Comitatus titulo insignis est; de qua postea. *Arenacum*, *Tacito*, quod posterius mutarunt in *Arnheimum*, ceu aquilæ domiciliû: urbs est *Gelriæ* primaria & Consilii Senatorii sedes, copiosa, elegans & omnibus modis munitissima: ad *Rheni* Ostium dextrum sita. Sunt & minores urbes, *Hatterem*, *Elburgum*, *Hardervicum*, *VVaginga* quæ *Vada Taciti*, *Tiela*, *Bomelum*, *Bronchorstum*, *Doësburgum*, *Doetecomium*, & aliæ complures. *Gelria* tribus celeberrimis fluviiis, *Rheno* nempe, *Mosâ* & *Vahali* irrigatur. Præter hæc & alia quædam ignobiliora flumina eandem perluunt, ejusmodi sunt *VVorm*, *Roer*, *Svalm*, *Isala* vetus, *Berckel*, *Niers*, *Regge*, *Aa* & *Vidrus*. Ad Septentrionem respicit Sinum *Maris* quem hodie *Zuyder-zee*, velut australe fretum, quod in Meridiem vergat, nuncupamus, ubi sicut *Hollandia* patente gremio accommodat se commercio

Flumina.

Mare.

Orbis. Terra plana ac humilis, montes rarissimi sunt, iidemque silvis saltibusque confiti. Quod ad Statum hujus Ducatus Politicum, istria habet membra, quæ sunt *Baroniæ*, *Nobiles* & *Vrbes*. *Baroniæ* sunt *Velavia*, (*de Veluwe*), *Batavia* (*de Betuwe*), *Bommelervveert*, *Tielervveert*, *Zutphania* Comitatus sub quo sunt *Bronchorst* Comitatus, & *'sHerenbergensis*. *Superior Gelria* in qua sunt *Ruremunda* & *Gelder*. *Nobiles* sunt *Comites Bronchorst* & *'sHerenberg*. *Domini Batenborch*, *Groesbeek*, *Montfort*, *VVel*, *VVachtendonck*, *Grol*, *Anholt*, *Keppel*, *Bredesfort*. *Buren*, Comitatus sui juris est in *Gelria*. Civitates *IV* primariæ: *Neomagum* Vicè-Comitatus & Feudum Imperii, Civitas libera, Metropolis totius Ducatus *Gelriæ*, quæ habet sub se *Bataviam* (*de Betuwe*) *Superiorè* & *Inferiorem*, *Bommelervveert*, *Tielervveert* & *Maesvvael*, territorium inter *Vahalim* & *Mosâ*. *Ruremunda* *Superioris Gelriæ* caput, quæ habet sub se *Venlo*, *Gelder*, *Vagadie*, *Strale*, *VVachtendonck*, *Erckelens*, *Montfort*, *Echt*, *Nieuftat*, *Kessel*, *Midler*, *Griekenbeke*. *Zutphania* cui subsunt *Doufsburgum*, & c. *Arnheimum*, sub qua sunt *VVagheninghe*, *Hatterem*, *Hardervijk*, *Elborch*, & tota *Velavia*. *Arnheimi* Sedes Consilii Senatorii & Præsidis totius *Gelriæ*, ad quos referuntur judicia *IV* dictarum Civitatum, sine ulteriore appellatione, ad has quoq; eorum oppidorum & locorum quæ ipsis subesse dictum est. Status Ecclesiasticus ejusmodi. *Gelria* Episcopis *IV* subiecta erat. *Neomagum* cum suo territorio suberat Episcopo *Colonienfi*, *Ruremunda* cum suis *Leodiensi*, *Zutphania* cum suis *Monasteriensi*, *Arnheimum* cum suis *Trajectensi*. Incolæ bellicosi ac armis mirum in modum addicti erant, paullo ante nostra tēpora: hodie humanitatis studia majore industria sectatur.

Status Politicus

Mores.

Mercat-
monia.

tur. Mercaturæ quoque negotiationique insunt, magna ex parte; reliqui mechanicis partim artibus addicti, partim agriculturæ ob soli benignitatem inhiantes, uberrimos fructus consequuntur. Complectitur hic Ducatus, præter alios Comitatus & Baronias Comitatum Zutphanix. Hæc nomen à ratione soli, si Goropio Becano credendum, accepit, à paludibus nempe, quas *Venen* vulgo vocant. Hujus Regionis incolæ ut vicini provorum indolem ac genium referunt, fortes sunt belloque ut plurimum apti. Gelriam quippe, & Zutphanix potissimum Comitatum, *Sicambri* multorum sententia, quondam obtinuerunt, quibus præcipua feritas, & bellandi præ cæteris Germanis itudium inerat, unde perpetuis incursionibus Gallias infestabant. Qua de causa, pacato jam Orbe terrarum, aliquandiu portas Jani claudere non poterat Octavianus Augustus, quod intellexisset Sicambros adhuc Galliis infestos esse. *Ortho* autem *Nassovius* Gelriæ Dux præter filium Gerardum qui ipsi in Ducatu Gelriæ successit, ex Sophia Zutphanix Comitissæ filia *Gerlacum* genuit, quem in Zutphanix Comitatu successorem habuit. Quo improle è vivis sublato, Zutphanix Comitatus Gelris adscriptus fuit, à quibus postea nunquam descivit. Urbem habet cognominem quam *Vispetum* civitatem esse autumat Junius, frequentem, copiosam & aquis munitam, ad dexteram Isalæ fluvii ripam. Eam Berckel amnis perfluit & ibidem Isalæ miscetur. Comitatus porro Zutphanico assignatæ sunt urbes & præfecturæ ordine sequentes, *Doufburgum*, *Doetecomium*, *Lochemiū*, *Grolla*, *Bredeyorda*, *Bronck-*

Majorum
viri.Imperium
majorum.

Urbes.

horst, hæc quidem urbes, Præfecturæ autem eæ, quæ nomen ab his ipsis urbibus sortiuntur. Atque his rursum præ est summus unus Præfectus, quem lingua vernacula Zutphanici Comitatus *Dressartum* appellant. Huic quoque parti adscribitur urbs *'sHerenbergensis*, & ipsa Comitatus nomine insignis.

Restat nunc ut pauca de *Transisalanis* subjungamus, ob situm Isalæ sic dicta. Hæc à Septentrione Frisiam Occidentalem: ad Meridiem Gelriam respicit: qua Oriens, est Westphalia: qua Occidens, Sinum amplissimum (hodie *Zuyder-zee*) & fluvium Isalam habet. Regio plana est achumilis: ager feracissimus, frumenti imprimis: pascuis item fœcundus. Transisalanis Provincia multis seculis Ultrajectensibus Episcopis subdita fuit, donec anno MDXXIX hortatu Henrici Palatini Episcopi Ultrajectensis sese Carolo V ejusque successoribus submisit. In hac Provincia urbes mœnibus cinctæ octo sunt, videlicet *Daventria*, *Campi*, *Syvolla*, *Steenwijckum*, *Vollenhova*, *Hassela*, *Oetmarsia* & *Oldefeela*. *Daventria* (*Deventer*) omnium copia circumfluens, opulenta & beata ac validè munita: ad dexteram Isalæ ripam sita. Reliquas prætereo. Habet præter Isalam *Vidrum*, aliq; minora flumina. Præterea amœna & utilia nemora quamvis exigua & sine nomine. Status Politicus Transisalanix in duobus Ordinibus consistit, qui sunt Officiarii principis cum nobilitate, in qua sunt *Ahnelo*, *Ghoer*, &c. idque per tres ditionis partes, *Isselland*, *Tyrent* & *Drent*. Summus Magistratus & Parlamentum est in *Vollenhova*, unde appellare non licet.

Trans-
isalanis.
Situs.Soli ferti-
litas.
Imperium
majorum.

Urbes.

Flumina.

Status
Politici.

Sf 3

ARTE-

Fig. 10.

ARTESIA maximam partem complectitur eorum, qui Cæsari *Atrebat*es, ab urbe primaria, quam ipse vocat *Atrebatum*, Marius tamen Nigger hic constituit *Ambianos*. Ptolemæus etiam *Atrebatium* inter *Sequanam* & *Phrudium* qui nunc dicitur *la Somme*, collocat: nomen autem recens *Artesia* à voce *Arras*, qua nunc Metropolis nuncupatur, quasi *Aratesia* per syncopen extrita syllaba formatum, vulgo *Artois*. Termini hodie sunt, à Septentrione *Flandria*, à qua discreta est fluvio *Lisa* & nova Fossa: ad Austrū & Occasum *Picardia*, ad Orientem *Flandria Gallica* & ager *Cammeracensis*. Aër suavis & serenus, regio fertilis, inprimis tritici, cujus copiam non suis tantum abundè suggerit, sed vicinis quoque *Flandris*, *Brabantis*, aliisque. Antverpiensium & Mechliniensium hoc unicum horreum est. Vino caret, ignavâ potius incolarū sordidiâ, quàm vel Cæli vel Soli injuria. Ditio hæc olim *Flandrorum*: totam enim *Balduino Arduennati* dotis loco dedit *Carolus Calvus*, quum is *Iuditham* uxorem duceret. Postea *Philippus Alfatus* quum neptem suam *Isabelam* locaret *Philippo Ludovici VII Galliarum Regis* filio dotem ei dedit *Flandriam Occiduam*, hoc est tractū eum, qui est à nova Fossa, usque in *Picardiam*. Eum *Philippus* anno *mcxcv* fecit *Comitatensem*, deditque filio suo *Ludovico*, qui primus *Artesie Comes* fuit, postea *Galliarum Rex*, & pater *Ludovici Sancti*. Anno vero *mcccxcxi* *Ludovicus Malanus* Comes *Flandriæ* post matris obitum factus est Comes *Artesie*: atque ita rursū uterq; Comitatus conjunctus fuit. Obitu autem *Caroli Audacis Burgundiæ Ducis Ludovici XI Galliarum Rex* iterum *Artesia* potius est, quæ post eum pacto & fœdere *Caroli VIII Galliarum Regis* & *Maximiliani Imperatoris* cessit

Situ.

Aeris
temperies.
Soli ferti-
litas.Imperium
majorem.

Philippo Austriaco Maximiliani F. patri Caroli V anno mcccxcxi. Urbes præcipuas habet *Atrebatum*, *Fanum S. Audomari*, *Bethuniam*, *Ariam* & *Bapalman*; cæteræ minores sunt. *Atrebatum*, vulgo *Arras*, *Atrecht*, ad *Scarpam* fluvium situm est, ingens, propugnaculis fossisque munitissimum: speciem refert duarum urbium, quarum alteram vocant *la Cité*, estque juris Episcopalis: alteram *la Ville*, estque juris Principalis. Minor illa est, sed æterna, habetque templum cathedrale elegantissimum, sacrum *B. Virgini*. Hic magna religione, & egregio cum peregrinorum lapidum apparatu, certum manna adservatur, quod *D. Hieronymus* ætate sua, ad hanc regionem pluissè, suis in Epistolis, refert. Hæc major, ædificiorum platearumq; capacitate & fori amplitudine vehementer laudata. Domus omnes fornicibus subterraneis capacissimis sustentantur, adversus obsidionis vim excavatis. Habet præterea Bibliothecam manscriptorum librorum omnis generis, sed potissimū Theologici. Patria hæc fuit *Fr. Balduini*, Iurisperiti celeberrimi, cujus *Parisiis* monumentū in æde *Maturini* est tale: *CVIACI, BALDUINUS HIC IACET. HOC TECVM PUTA ET VALE. MORTUIS NOBIS JURISPRUDENTIAM GRAVIS CORRIPIET SOPOR. Franc. Bald. Jurisc. ob. anno at. LIV. XI. Novemb. à partu Virginis MDLXIII. Papirius Massonus Balduini auditor P.* In eadem civitate natus clarissimus *CAROLUS CLUSIUS* eruditionis omnis atque elegantiae decus, qui post regiones plurimas peragratas in *Baravico Athenæo* fenex leniter conquiescit, manumque extremam imponit dignis immortalitate operibus. Urbs sic satis frequentata, quorum alii mercatores, alii opifices. Horum sunt multa Collegia quorum maxima pars lanariæ studet.



det. *Fanum Sancti Audomari*, prius vocatum fuit *Sithiu*, teste Meyero, postea à S. Audomaro *S. Omer*. Audomarus iste Morinorum dicitur fuisse Episcopus circa annū DCLXX, & eo loco Cænobium exstruxisse ad fluvium *Aa*. Vrbs nitore & frequentia civium eximia. Quibusdam *Irius Portus* censetur, ut in descriptione *Bononia* diximus. Tertio inde lapide ad flumen *Lisam* fuit antiquissima Morinorum Metropolis *Teroana*, de qua eadē descriptione. *Bethunia* nobile quoque in Atrebatibus oppidum, annonæ frumentariæ horreum, magnæ olim celebritatis in Atrebatibus, sive Flandris Occiduis, Dominatus antequam in Atrebatium nomen Comitatumque una cum aliis concederet. Mercimoniis, rei frumentariæ negotiatione, aliarumque rerum, quæ vitæ humanæ usui sunt & exportari solent, varietate, est prore nata florentissima. *Aria* ad *Lisam* sita est, qui eā mediam fecat: distat *Teroana* 11 milliariibus: oppidum nobile & munitum. Arcem habet antiquissimam, & ædificia satis commoda. Est & *Hesdinum* nobile Gallo objectum vallum ac propugnaculum, quod prostrato à Cæsarianis ejusdem nominis oppido, occasione belli inter potentissimos Europæos principes excitatum. Situm habet commodissimum ad ripam fluminis *Canchia*, uno milliario propius Galliam, distans quatuor milliariibus *Monstrolio* & quinque à *S. Paulo*. Rigatur & altero fluvio, vulgo *Blâgis* à loco in quo oritur. Ita ut propter loci commoditatem, munimentum habeatur validissimum, & propter translationem juris & omnium privilegiorum, quibus olim gaudebat *Hesdinum* vetus, brevi tempore habitatoribus repletum fuerit. Juxta *Fanum Audomari* lacus est piscosus, in quo aliquot insulæ natantes, quæ funiculo arboribus alligato, aut contis

quo libeat impelluntur attrahunturque: quales in *Lydia Calaminas* *Plinius* recenset. Et ne quis nugas putet, aut exiguas aliquot terræ particulas: scire debet, etiam boves in iis pasci aliaque pecora posse. Sub hisce insulis, brumali tempore, & æstivo, maxima latet piscium copia, dum gelu devitant & calorem. Fluvii sunt præcipui *Lisa*, *Scarpa*, *Aa*, *Canchia* & *Authia*: præter alios rivos etiam navigabiles. Estque non procul *Teroana* ingens canalis, quem fossam novam indigetant: eum alii putant humana industria effossum tempore *Balduini Comitis*, sive adversus hostium excursions, sive ad confinia *Flandriæ*. Artesiæque distinguenda: alii Sinum esse existimant maris interclusi. Certè *Morinos* Oceano vicinos fuisse agnovit etiam *Virgilius*, quum eos *hominum extremo* dixit. Atqui nunc *Teroana* octo millibus pass. à mari discreta: præterea ex fundo Fossæ novæ sæpe numero educuntur partes anchorarum, aliaque ferramenta nautica, certissima argumenta vicini olim & adluentis Oceani. Silvis etiam non omnino destituitur, præcipuè Meridiem & Occidentem versus. Status autem *Politici* in *Artesia* tres sunt Ordines: Ecclesiastici, Nobiles & Civitates præcipuæ. 1 membrum sunt Ecclesiastici, in quibus sunt Episcopi II, *Atrebatensis* & *Audomarensis* (*S. Omer*). Præpositi II, *Bethuniensis* & *Arienensis*. Abbates xx, quorum hæc Monasteria: Ordinis *S. Benedicti* VII, *Atrebatense*, *Aquicinctense* *Auscin*, *Audomarensense*, *Blangiacense* *Blangis*, *Montense*, *Hamenense* *Flames*, *Alsiacense*. Ordinis *S. Augustini* VIII, *Auriacense*, *Mons S. Eligii* (*S. Eloy*), *Choquense* *Choques*, *Henninense* *Hennin*, *Lietard*, *de Rasselville Villa*, *Mareolense* (*Mareul*), *Aquicurtense* in *Eaucourt*. Ordinis *Cisterciensis*, *Cervicampense* (*Cherchamp*), *Clarimarensense* (*Clommere*). Ordinis *Præmonstratensis*, *Dammartinese*

Flumina.

Status politici.

nense (Damartin,) Santandream, Augatianum. Collegia Canonorum x, Atrebatense, Audomarense, Bethuniense, Arienſe, Heſdinenſe, Lenſienſe, Sanpaulitanum, Lillerienſe, Falckobergenſe, Dourienſe. ii membrum ſunt Nobiles. in quibus principes unus d' Eſpinoy: Marchio unus Rentinenſis, Comites vii, S. Pol, Falquenberch, Harlienſis, Buſquetenſis, Henninenſis, Arquenſis, Blangiacenſis. Sed hi duo poſtremi pridem in dotem Monasteriorum. S. Bertini & Blangis ceſſerunt, nec in Conventum Ordinum accerſuntur. Caſtellani præcipui iv, Atrebatenſis, Audomarenſis, Bapalmenſis, Lenſienſis. Equeſtres Familia ordine alphabetico ſunt hæ: Auſi, Averdom, Aubigny, Aix, Annequin, Anuezin, Aneroult, Avion, Allennes, Anuin, Bailleul, Beaufort, Beaumez, Beaurains, Beaufart, Bellone, Berles, Billy, Boſſes, Boiſleux, Bonnières, Boncourt, Boubers, Bours, Brias, Buiſi, Caumont, Conroy, Contes, Coupigny, Croiſſilles, Cunchi, Divion, Douvrin, Enne, Erin, Eſquetdes, Eſtree, Foſſeux, Frevin, Fleſchin, Gomiecourt, Govy, Greboval, Geuleſin, Habarcq, Hachicourt, Hamelaincourt, Helfault, Houchin, Houdin, la Vieſville, la Planque, Lignereul, Licques, Longaſtre, Malanoy, Maiſnil, Mammeze, Marles, Mes en Couture, Mingoval, Moiry, Nondoncelles, Neuſville, Nojelle, Noircarmes, Ococh, Olham, Oignies, Orefmiaux, Planques, Plouick, Pronville, Querecques, Ranſchicourt, Ranſart, Reſcourt, Rebecque, Regnaulville, Rely, Rolan-

court, Rumenghien, Sains, S. Aldegonde, S. Venant, Sombrein, Souaſtre, Tieuloje, Tramerie, Vaultx, Villers, Vrolant, VVancourt, VVarluzelle, VVaurans, VVilleryal. iii membrum Civitates præcipuæ: Regiæ vii, Atrebatum, Fanum S. Audomari, Bethuma, Aria, Heſdinum, Lens, Bapalma: privatorum Dominorum, S. Pol, Perne, Lillers: item Pagi urbium prærogativa utentes, qui etiam ad Conventus Ordinum evocantur, xxix, Arques, Aubigny, Avesnes, Auſſi, Beaurains, Blangy en Ternois, Buſquoy, Carvin, Caumont, Choques, Dovrier, Franquenbergh, Freſſin, Fleurbay, Frevenc, Frages, Gorgue, Hemmin Lietard, Huchin, Hoſſlain, Labroie, Liſbourg, Oiſy, Pas, Richebourg, Tornehem, Ventie, Vitry. Conſilium provinciale eſt Atrebatum, unde appellationes ad Parlamentum Mechlinienſe deferuntur. Ceterum Atrebatenſis Episcopus in ſpiritualibus toti Comitatu præeſt, & Archiepiſcopo Rhemenſi ſubeſt.

Continet hæc Tabula etiam Picardiam veram & Ducatum Cameracenſem (Cambreſi) dictum, qui eſt Principatus Imperii, & ab Episcopo qui Cameraci reſidet in temporalibus ſimul & ſpiritualibus regitur. In ſpiritualibus tamen Archiepiſcopo Rhemenſi ſubeſt, & in temporalibus ſub protectione eſt Regis Hiſpaniarum. Atque hæc de Arteſia ſufficiant: ad Hannoniam pergamus.

Regio.

HANNONIA Nerviorum olim sedes, quorum caput hodie dicitur Tornacum, quod Ptol. *Βαγανον* vocat. Sæpius hæc Regio mutavit nomen: initio dicta est *Pannonia*, Lessabæo teste, à Panis cultu: postea *Saltus Carbonarius*, inde *Inferior Picardia*: postremum Hannonia, ab Hania fluvio qui mediam regionem secat, vernaculè *Hainault* vel *Henegouv*, ab eodem fluvio, Gallis *Haine*, sive *Hene* dicto, & antiqua voce Germanica *Gouv*, quæ regionem vel pagum significat. Habet à Septentrione Brabantiam, & Flandriam: ab Austro Campaniam & Picardiam, ab Ortu Namurcenses & Leodienses, cum dicta Brabantia: ab Occasu Flandriam cum Artesia. Longa est universa Regio viginti milliaribus: lata XVI. Aër temperatus, suavis & serenus: solum fertile, ac cæterarum frugum, sed præcipuè frumenti præstantissimi ubertas maxima. Abundat pratis, pascuis, pomariis, aliisque ad vitæ usum rebus necessariis. Habet metalla ferri optimi, & plumbi; præterea lapicidas variorum marmorum, atque etiam duri silicis, quem Ovidius iadicem, & *Lithanthracon*, *Houilles* vernaculè Leodienses vocant. Ignem flammamque concipiunt soventque, ut carbones: nec alius eorum usus quam focus exstruendis, lignis aliquot adjectis. Conflantur hic quoque vitreæ illæ laminæ pellucidæ, quibus omnem cœli injuriam, ex templis & ædibus propellimus, hæque præ aliis quæ alibi locorum sunt, palmam præstantia ferunt. Omne item vitæ eorum vasorum genus, & supellex hic conficitur. Provincia hæc frequenter Dominos mutavit; actandem à stirpe

Situs.

Calitemperies.
Soli fertillitas.Imperium
majorem.

Montensium ad Flandriæ Comites, inde ad Batavicam, deinde ad Bavaricam, ex hac in Burgundicâ, postremo ad Austriacam familiam devoluta est. Urbes in Hannonia fossa valloque munitæ sunt XXIV, inter quas primariæ *Montes* & *Valencena*. *Montes*, *Mons* vulgo, urbs ad Trullam fluviolum, navium tamen capacem, sita, amplitudine & vallatis mœnibus inclita est. Fontes in ea vivi permulti: opes amplæ ex mercimoniis, opificiis & agricultura. *Valencena*, vel *Valencena*, seu, ut quidam volunt, *Valentiniana* (*Valenciennes*) ab ejus nominis Imperatore, ut autor est Sigebertus Gemblacensis, ad Scaldim sita est, planitie peramœna, eoque tuta ab hoste. In ea est Armentarium ad belli usum instructissimum. Tempa duo: unum sacrum B. Virgini, structura antiqua, cujus columnæ, ex marmore & lapide porphyretico: alterum S. Iohanni recentius, opus Pipini, patris Caroli Magni. Cœnobio plura: unum præcæteris nobile Franciscanorum, quo Comites Hannoniæ & Domini Valencenæ seorsim sepeliuntur. Curia amplissima cum horologio celeberrimo, opus Guilielmi Boni Comitis Hannoniæ, Hollandiæ & Zelandiæ. Sunt præterea *Condatum* (*Conde*) ad dexteram Scaldis ripam duobus milliaribus Valencena distans, oppidū elegans: *Landresum* (*Landres*) ad Sambrâ, celebre obsidione Caroli V anno MDXLIII, qui tamen eo per vim potitus non est: *Avesna* (*Avesnes*), urbs & munimentum Gallorū finibus oppositum; ad fl. Hepram: *Chimacum* (*Chimai*) urbs ad fluviū *Blancam* in media Silva: id nuperis bellis sæpiusculè incensum, dirutū; tamen ad extremum ita restitutum, ut multo elegantius renatū videri



videri possit. Palatium habet cum horto & Labyrinthi singularis artificii: *Halla* Brabantiae finibus contermina: *Bouchain* municipium est situm ad ripam Scaldis fl. inter Cameracum & Valencenas, exstructum à Pepino in memoriam nobilis victoriae quam hoc loco reulit ab exercitu Theodorici Gothorum Regis: *Quercetum* (*Quesnoy*) oppidulum est, tertio lapide à Valécena, mercimoniis nobilitatum: *Belus Mons* (*Beaumont*) oppidulum perelegans, à re nomen habet. *Philippopolis* (*Philippe-Ville*) à Rege Philippo, *Maria-Burgum* à Regina Hungariae Maria nomina habent: loca munitissima ad Gallos reprimendos condita. *Barvacum* (Gallice *Barvais*) quod nonnulli *Baganium* vel *Bagacum* Ptol. esse arbitrantur: nonnulli illud *Belgium* Caesari in Commentariis dictum volunt: sed refelluntur ab iis, qui in Bellovacis seu Picardiae quodam loco firmioribus argumentis eandem collocant. Sunt & *Maubeuge*, *Bins*, *Reux*, *Soigny*, *Braine le Conte*, *Engien*, *Lefme*, *Cheyre*, *Ar*, *S. Guillein* & *Leuze*. Pagi sunt praeterea CCIXL, quorum plerique omnes pulcri, ameni, opulenti. Regio lacubus, stagnis, fontibus, ac fluminibus, undique irrigua; fluminibus, *Scaldi*, *Sambra*, *Tenera*, *Hania*, & aliis. Silvas habet & nemora admodum jucunda; praecipua verò sunt *Mormau*, & *S. Amandi*. Porro Respublica Valécena tantà prudentiâ constituta, & tam bonis legibus ornata est, ut Noribergenses ad ejus exemplum celeberrimam suam Rempublicam voluerint componere, missis ad hanc rem aliquot viris prudentibus; quod & Romanos fecisse accepimus in Rep. Atheniensi. Proinde non est mirum si ex tam praecleara Politia orti fuerint cives per universum Orbem virtute celebres, inter quos primas ferunt, Henricus VII Imperator, Dux Lutzenburgicus:

Maria filia unica & Haeres Caroli Audacis, avia Caroli V. Joannes Froisardus, Historicus nobilissimus, qui etiam hoc ipsum initio sui operis testatus est.

Status Politicus Hannoniae V constat membris, quae sunt, i Pares XII, videlicet *Longueville*, *Lens*, *Filly*, *Chievre*, *Avesne*, *Chimay*, *Levreux*, *Barbançon*, *Baudour*, *Rebaux*, *VValecourt*. ii Praelati Ecclesiastici nimirum Abbates & Comes i, S. VVauldrut. Abbates XXVI. S. *Guislain*, *Marchemes*, *Cambron*, *Hasnon*, *Marville*, *Ancin*, *Haultmot*, *Liesse*, *S. Denys*, *Vicogne*, *Feullien*, *Cresspin*, *Bonne Esperance*, *S. Jean*, *S. Aldegonde*, *Geilenghien*, *Spinleu*, *Ath*, *Fontenelle*, *Beaumont*, *Depain*, *Quesnoy*, *VVatiebraîne*, *Lolive*, *Billiay*, *Lecture*: & Collegia Canonicorum. iii Nobiles, in quo sunt Principatus unus, *Chimay*; Comitatus x, *Lalain*, *Beaumont*, *Ostervant*, cujus Civitas primaria est *Bouchain*, *Barbançon*, *Avesne*, *Barlaymont*, *Bessu*, *Montigny*, *Reux*, *Terrache*. Baroniae XXII, *Enghien*, *Leuze*, *Havre*, *Ligne*, *Anjoing*, *Vuerchin*, *Fontaine*, *Hayaide*, *Kimrain*, *Barlaymont*, *Ville*, *Gomegnie*, *S. Aldegonde*, *Senzele*, *Condet*, *Haurdain*, *Eelleule*, *Fagneille*, *Bousie*, *Roesin*, *Frasne*, *Harchies*. Marefcallus unus, Senescallus unus, Venerator Magnus unus, Camerarius perpetuus unus. iv Officia ordinaria (Castellaniae opinior) *Valenchene* &c. v. Civitatum Communitas.

Restat NAMURCI COMITATUS. Hic situs est inter Brabantiam, Hannoniam & Leodienfem Diocetis: exiguus territorio & montoso, sed per ameno. Aëre salubrem & temperatum. Solum ferax rerum quibus ad sustentationem sui vita humana indiget. Habet & ferri, plumbique fodinas, & latomias, in quibus varii generis saxa excinduntur, atque imprimis marmora subnigra, & quae jaspidem referunt. Neque ita pridem coeperunt

Lacus.

Flumina.
Silva.Stratus
montis.Namurci
Comita-
tus.Calitem-
peries.
Solifertu-
litas.

Sum. etiam
274. et 1000.

7. 623.

cœperunt effodi saxa illa ad ignem idonea (*Lithantracas* nominare possumus) de quibus diximus in præcedenti descriptione. Porro ditio ista omnis initio Dominum habuit titulo Marchionis: postea Dominum sæpius mutavit. Marchio fuit *Philippus*, frater Balduini Comitis Flandriæ anno MCC. Comes fuit *Theodorus*: cujus obitu tota ditio cessit *Philippo Bono Burgundiæ Duci*, quem admodum in Germaniæ inferioris descriptione à nobis explicatum est. Vrbes in hoc Comitatu muro cinctæ sunt quatuor, *Namurcum*, *Bovina*, *Carlomontium* & *Valencourtium*. Pagi CXXCII. *Namurcum* (*Namur*) urbs est primaria, cujus nomen unde dictum sit, ignoratur: alii putant à *Nano* Deo Gentili, qui quum antea oracula fundere solitus esset, sub adventum Christi Servatoris obmutuit. Ergo à *Nano* muto *Namurcum*: alii à Novo Muro illic Romanorum opera exstructo. Urbs sita est inter duos Montes, in læva Mosæ ripa, qua Sambram recipit. Distat IIX mill. Lovanio, X Leodio & totidè Bruxellis. Dives est, & splendida publicis privatq; ædificiis, arce etiam instructissima bene munita. Quarto milliari à Namurco sunt *Bovina* (*Bouvines*) oppidum exiguum, quod bellorum injuriis jam aliquoties vastatum, postremum verò ab Henrico II Galliarum Rege anno CIO IO LIV magna parte destructum est. Id ex eo tempore civium industria restitui & restaurari cepit, *Carlomontium* (*Charlemont*) exstructum est à Carolo V anno CIO LO LV ad-

versus Gallos, qui tunc Marienburgo potiebantur. *Valencourtium* oppidum minime aspernandum, Namurco VII milliari intervallo distans. Flumina habet hæc regio piscosa, inter quæ primas obtinent *Mosa* & *Sambræ*: Fontes vivos & largos. Silvas non tantum ad delectationem, verum etiam ad venationem aptissimas, feris feratissimas. Multa sunt in hoc Comitatu Tempia, & Cænobia splendida Namurcensium Comitum sumptibus olim constructa, & opimis honorata redditibus. Tertio Milliari à Namurco dives est pagus *Audennes*, in quo vetustissimum Monasterium Canonicarum nobilium sceminarum exstructum institutumque à Begga filia Pepini veteris, à qua primum creduntur dictæ vestales *Baggine*. Status Politicus Comitatus Namurcensis tribus constat membris, quæ sunt Ecclesiasticus Ordo, Nobilitas, Civitates præcipuæ. In Ecclesiastico Ordine sunt Abbates *Floras*, *Granpre*, *Anden*, *Boness*, *VVassore*, *Hastieis*. Nobilitas *Done* Vicecomitatus, &c. Civitates præcipuæ *Namur*, *Bovina*, *Charlemont*, *Valencourt*, sive *VValencourt*. In urbe Namurcensi sedes est Consilii Regii, à quo appellatio est ad Curiam Mechliniensem. Est & Sedes Episcopi, cujus Templum Cathedrale sacrum est S. Albino. Cives armis adfueri sunt, Gallicus iis sermo, sed corruptus. Mercatores pauci & opifices: Nobilium magna turba: sed qui nothi sint Illustrium Principum, vel e nothis oriundi.

Flumina.

Silva.

Opera publica.

Status Politicus.

Regio;

DVCATVS *Lutzenburgicus* nomen habet à primaria totius regionis Civitate : hæc (ut nonnulli opinantur) à fluvio *Elza*, *Alisontia* forte Antonini. Ab *Elza* fit *Elzen-burch*; inde *Lutzenburch*. Petrus Divæus aliam de *Lutzenburgo* sententiam notat his verbis : *Leucorum* gentem (inquit) juxta *Treviros*, *Mediomatres*, ac *Lingonas* habitasse indubitatum est: Oppida eorum *Tullus* ac *Nasum*, *Ptolemæo* celebrata nomen servant, *Toul* & *Nancy*; vernaculè crediderim appellatos die *Lutzen*, & latè imperasse, ut ab iis *Lutzenburgii* celebris oppidi nomen ortum sit, quasi der *Lutzenburch*. Hæc ille. Terminant hunc Ducatum ad Septentrionè *Leodienfes* & *Namurcenses*; ad Ortum *Mosella* cum *Episcopatu Trevirensi*, ad Occasum *Mosa* cum *Silva Arduenna*. Ambitus totius regionis est *lxx* miliarium. Regio hæc licet montosa & saluosa, bona tamen, benignaq; ac fertilis est. Dividitur in duas partes, quarum altera *Famenna*, altera *Arduenna* dicitur. *Famenna* fertilior est fegetis & vini. *Arduenna* asperior, sed quæ asperitatē venationum bonitate & ferarum optimi generis mirifica abundantia compenset. Metalla ferri sunt nō procul à *Manderscheid*, in dominiis *Keyla*, *Cronenberch* & *Sleida*, ad vallem cui nomen est *Helenthal* : Conflantur hoc loco ab istis *Cyclopibus* incudes, fornaces ferreæ, pyreteria, quæ per totam Germaniâ ingenti lucro diffrahuntur. Titulum duntaxat Comitatus initio habuit, atque adeo *Henricus Septimus* Imp. Comes fuit *Lutzenburgicus*, non *Dux*. Postea in Ducatum dignitatē, qua hodie adhuc utitur, evecta fuit. Hoc alii *Wenceslao* Romanorum Regi, alii *Carolo* quarto tribuunt, *Conradus* autem *Vercetius* *Henrico VII* adscribit primo ex ea familia Romanorum Imperatori.

Situs.

Soli fertilitas.

Imperium majorum.

Primum hujus Comitè *Sigisfridum* fuisse, in schedis manu exaratis se reperisse scribit *Ortelius*: eumque filium fuisse *Tacuini Ducis Mosellani*. Fuit olim *Lutzenburgum* *Trevirorum* portio. Urbes habet viginti, vallo & fossâ munitas, quarum nomina hæc sunt: *Lutzenburgum*, *Arlunum*, *Rodemachera*, *Theonis villa*, *Gravemacherum*, *Coningsmacherum*, *Dierichum*, *Virtonium*, *Echternachum*, *Vian* *da*, *Bastonnacum*, *Mommedium*, *Novum Castrum*, *Danwillerium*, *Marvilla*, *Roccha*, *Durbis*, *S. Viti urbs*, *Marza* & *Salma*. Sunt & urbes aliquot quarum mœnia solo æquata: sunt & arces urbium pænè æmulæ, *S. Ioannis* & *Manderscheid*, quibus titulus est Comitatus. Urbs primaria *Lutzenburgum*, aliis *Lucemburgum*, & *Leuceburgum*, *Ptolemæo* *Augusta Romandiorum*. *Guiciardinus* dictum vult quasi *Lucisburgum*, hoc est, arx Solis : quemadmodum pleraque alia hujus tractus loca à Gentilibus Diis denominata videri possunt: *Arlun* ab ara *Lunæ*, *Ivoi* à *Iove*, *Marche* à *Marte* : sed an hæc vera origo sit, alius esto arbiter. Urbs sita est loco peramœno, parte altera montoso, altera plano. Hanc *Elza* fluvius interluit, partem Urbis superiorem & montanam, ab inferiori & plana dirimens. Edificia in ea domusque utrunque splendida; verum belli injuriis variè afflictæ: ac Templum sacrum *Nicolao* : Cœnobium *Francisco*, in quo sepultus *Ioannes Lutzenburgicus* Rex *Bohemiæ*, filius *Henrici VII* Imperatoris & Pater *Caroli IV*. Urbs hæc etsi Martis frequenter deformata furoribus, cui nihil cum Musis otio & tranquillitate gaudentibus cōmune, illustres tamen eruditione viros edidit. Atque inter multos *Nicolaum Navium* hominem usque adeo doctrina & rerum prudentia magnum, ut *Curiæ* judicialis apud *Lutzen-*

Urbes.



Lutzenburgum Præses, non ante munus quam vitam, filium autem reliquerit sibi cognominem, qui paternas æquans virtutes tantum apud Carolum V Cæsare gratia valuit, ut in toto Imperio Cancellarii vicarius ab eo constitutus, id muneris cum vita finierit. *Arlunum* vernaculè *Arlon*, situm est in montis vertice, oppidum satis elegans. Lunam Deam hic olim gentilitio more cultā, & inde nomen habere putatur. Hic multa antiquitatis monumenta eruta quæ Comes Petrus Ernestus hinc ad eedes suas amplissimas, quas habet in pomærio urbis Lutzenburgensis, transferri curavit. Patria hæc fuit Bartholomæi Latomi, viri egregiè docti. Fluminibus regio omnis rigatur plurimis. Eorum primum nobilissimumque est *Mosella*, de quo in Lotharingia diximus. Reliqua sunt *Chier*, *Mosa*, *Bemoy*, *Houl*, *Lech*, *Alsatus*, *Atardus*, *Sourrus*, *Prumeus*, *Minæus*, *Ghomeus*, *Orto*, *Albis*, ac innumeri pene rivuli. Montibus regio undique attollitur, Silvisque innectitur densissimis. Ex omnes Arduennæ totius Gallię Sylvæ maximæ, rami sunt. Status Politicus, ut in cæteris, iii habet membra, quæ sunt, i Ecclesiasticus Ordo. ii Nobiles, in quo Comitatus *Viandens*, *la Roche en Ardenne*, *Salme*, *Durby*, *Marche*, *S. Vit*, *S. Iansberg*: Barones complures, & Dominia multa. iii Membra Civitates principales, *Lutzenburgum*, *Arlunum*, *Theonis Villa*, alias *Dietenhove*, *Rodemachera*. Curia totius Provinciæ in urbe Lutzenburgi jus dicit, sermone vel Gallico vel Germanico, pro locorum ratione quibus jus dicitur. Germanicè enim loquuntur Lutzenburgi, *Arluni*, *Rodemachere*, *Theonville*; Gallicè vero *Ivoys Mommedy*, *Marveil* & *Danvilliers*; atq; ob hanc causā necesse est & Iudices & Advocati & alii curiæ ministri utramque linguam calleant. Ab hac autem Curia provocatur *Mechliniam*, ubi quæ

scripta sunt Germanicè bona fide Gallicè redduntur.

Hic Ducatus sub se habet Marchionatus duos, Comitatus Septem, multos Baronatus. Dominia quamplurima, Nobiles educit innumerabiles, ut vix ulla Provincia tot proferat. Hi omnes vivunt aulicè & magnificè, sunt candidi, virtuosì, constantes, Principi suo fideles. Exercitium eorū, arma & venatio. Inter se honestè & comiter vivunt, alter alterum in castello degentem familiariter invisit, mutui amicitiae officiis certantes. Matrimonia jungunt inter suæ fortis vicinos, & in eorū tractationibus majorè dignitatē & virtutis quam dotis rationem habent. Si quis præter decorum quid admittat, ita famam amittit, ut Nobilium consortio privetur, omnibus muneribus publicis indignus censeatur, & in Iudiciis aut juramenti fides ei nulla habeatur. Si qua inter ipsos oriatur controversia, delectis arbitris committitur, qui negotium componunt, nec multum Advocatorum aut Procuratorum operâ utuntur. Vix tamen plus nimio indulgent, & de rigore eorū admodum conqueruntur coloni; habentur enim tanquam servi, adeo ut si rusticus aliquis de liberorū elocatione cogitet, nihil tamen inconsulto Domino vel absq; ejus autoritate possit efficere, quod alienum est à Belgica libertate. *Arlunum*, de quo antea mentio facta est, in vertice montis situm, quatuor à Lutzenburgo milliarium spatio distat, sex autem à Mommedy. Oppidū fuit olim satis lautum, sed variis bellorū injuriis deformatum. *Rodemachera* Lutzenburgo trium milliarium spatio abest: oppidum etsi non magnum, satis tamen elegans, & arce valida munitum. *Theodonis-Villa*, vernaculè *Dietenhove*, loco admodum opportuno sita, ad sinistram amnis *Mosellæ* ripā, Lutzenburgo abest quatuor milliaribus.

Nobilium
mores.

Flumina.

Montes.
Sylvæ.
Retro gubernandi.

aribus, ponte elegantis structuræ superbit, oppidum est amœnum, firmum, ac validè aduersus omnem hostilem impetum munitum. *Regino* author est iuxta hanc urbem *Carolus Magnus* venationi plurimum incumbere solitum. *Gravemakerum*, & *Konincksmakerum* modica sunt ad Mosellam oppidula, milliariis tantum itinere inter se, pari verò v milliarium intervallo Lutzenburgo abjuncta. *Dieterichum* rivulo *Sure* imminet v. milliariibus distans Lutzenburgo. *Viretonum* & *Echternacum* oppidula modica, diversis oris æquali v milliarium spatio dissident Lutzenburgo. *Vianda* rivulo adjacet, vii lapide Lutzenburgo abest, fulget Comitatus titulo, subestque principi *Auraico*. *Bastonaum* saltui *Arduennensi* imminet, iiii. lapide *Novo-Castro* dissidet, vii Lutzenburgo. Oppidulū ita egregium ut vulgo audiat *Paris en Ardenne*. Famam hanc dedit mercatus annuus animalium & frumentorum, quo omnes circumjacentes merces suas adferunt in usum & commodum maximum loci. Inter hanc urbem & *Arlunium* & *Divi Huberti Fanum* sunt aliquot pagi in silva media, in quibus nescio quâ ratione, invaluit Hispanicus ritus apud fœminas, quæ cum maritorum funera efferuntur, multum lachrymantes & ejulantes vociferantur & alta voce per plateas exclamāt, quin & capillos evellunt, totamq; faciem unguibus fœdum in modum laniant ac defôrman, insanientium ac furentium gestu, qui profecto mos Ethnicissimum magis quam Christianissimum sapit ac redolet. *Momedium* situm opportunè in alto mōte cujus radices alluit flumē *Chirso*. ix milliariibus distat Lutzenburgo, quatuor *Danvillerio*, munitum lautumq; oppidulum. *Novum-Castrum* in *Arduenna*, abest *Ivoso* v milliariibus, ix Lutzenburgo, olim non pœnitendum oppidulum, jam injuria tempo-

rum collapsum. *Danvillerium* abest xii lapide *Lutzenburgo* & iv *Verduuno*, in *Lotharingia*. *Marrilla* distincta est in duas partes, altera subest Duci *Lutzenburgico*, altera vero *Lotharingiæ*, ideoque dicitur *Villa communis*; *Chirso* adjacet, xii milliari *Lutzenburgo* distat. *Roche en Ardenne* Rupes *Arduennensis*, & *Durbium* duodecimo milliari distant *Lutzenburgo*, locus uterque amœnus, tituloque Comitatus insignitus. *Fanum Sancti Viti*, amœnissimum quamvis exiguum oppidulum, duodecimo milliari abest à metropoli, & spectat ad Principem *Auraicum*. *Salma* opulenta & populosa civitas, titulo Comitatus gaudens. *Marcha* oppidum mire antiquum, nec usqueaque pœnitendum, abest *Lutzenburgo* xiv milliariibus. De *Castellis* & famosissimis pagis *Provinciæ* hujus non agemus brevitatē gratia, tantum perstringemus tres urbes muris carentes. Occurrit primo *Ivofium* xii milliari *Lutzenburgo* distans, quarto à *Mommedi*, olim bonum admodum oppidum ac validum, tandem exercitu Regis *Francorum Henrici secundi* cinctum, anno *MDLII*, & captum, postea tamen Regi *Philippo Secundo* *Hispaniæ* restitutum pace facta, sed mœnibus ac muris spoliatum ut *Terroana*, addita lege ne iis in posterum clauderetur. *Chinium* duodecimo milliari *Lutzenburgo* abest; hodie muris caret, paulatim tamen instauratur. Splendet (licet *Archiducibus* pareat) titulo Comitatus, & per amplam in oppida quædam pagosque habet jurisdictionem, nec *Ducatu* *Lutzenburgensi* subest, sed ei conjungitur singulari atq; distincta jurisdictione polens. xii à *Lutzenburgo* lapide flumini *Chirso* imminet *la Ferté* olim amœna urbs, hodieq; mediocriter viget, quamvis mœnibus careat, & arx magna ex parte diruta jaceat. Sed de his hæcenus. Ad *Frisiam* transeamus.

FRISIAM à Phrygia genitali patria dictam, sunt qui scribunt; alii à gelu extremo, quo ditio rigeat, nomen derivant. Abbas Spanheimus auctoritate Hunibaldi, teterimi historice veritatis corruptoris, à Friso Clodionis criniti Francorū Regis filio nomen accepisse fabulatur, quasi non multis ante sæculis Plin. ac Tacitus illo nomine eos noverint. Hadrianus Iunius ad libertatem, cuius studio semper flagrarunt, nominis fontes referēdos existimat. *Frifū* autem gens antiquissima Germanorum, Romanis ob bellicas virtutes nota, nomen nunquam mutavit. Hi Tacito duplices, majores scilicet & minores. *Majoribus*, inquit, *minoribusque Frifis vocabulum est ex modo virium. utraque nationes usque ad Oceanum Rheno prætexuntur, ambiuntque immensos lacus & Romanis clasibus navigatos.* Majores Tacito sunt *Oostfrifū* propriè dicti, non ii qui hodie illud sibi nomen usurpant Embdani, hi enim sunt Chauci minores; sed ii in quibus numerantur Stavera, Sneca, Francicum, Harlinga oppida & Leovardia. Similiter *VVestfrifū* qui in extrema Hollandiæ ora *Northollandi* appellantur, suntque continui Caninefatibus ex descriptione Pliniana: hæ namque duæ Frisiorum nationes usque ad Oceanum Rheno prætexuntur. Hodie vero dividitur Frisia Amisi fluvio in Occidentalem & Orientalem. *Frifia Occidentalis* sive *VVestfrifia* à positu Orbis, sic hodie nuncupata quam hic ob oculos ponimus, Frisicæ nomen quasi proprium sibi antiquissimo jure vindicat, semperque præstantior fuit habita. Eam à plaga mundi Occidua, & Septentrione Oceanus ambit & littora pulsar: à Meridie Sinu amplissimo, vulgo *Zuyderzee*, Transalanaque Provincia terminatur: ab ortu

Solis Amisi fluvio prætexitur qui eam à Bufactoris Westphalisque discriminat. Aër utcunque salubris est, nisi quantum paludum exhalatione inficitur, quam & id labis ventorum beneficio expurgatur. Estque hac tempestate Frisia Occidentalis regio longè maxima parte palustris, solo depressiore ac demerso plerisque locis, non in novum modo sed in adultum quoque ver: atque ob hanc aquarum multitudinem, frumenti parum ferax. Inundationes enim annuæ, quæ præterquam quod maturè accedant, tardè etiam recedunt, sementem aut extinguere, aut per agros omnes dissipant. Sunt tamen hic uberrima saginando pecori ubique pascua, quorum bonitate cum aliis certare & verticem attollere Frifis licet, unde præcipui redditus ac proventus existunt: siquidem è caseis & butyro, quæ exportantur in externa loca, in singulos annos quantum emolumentum ad incolas redeat, dictu vix credibile videatur, præter ea quæ in quotidianum alimentum cedunt. Tot illa boum armentis abundat, tam læta vaccarum parens ac nutrix est. Equos etiam generosos, & præstantes producit. Silvas verò etiam si alicubi habeat, haud suppetit tamen tanta lignorum copia, quæ Martialis Flaccique votis responsura, perennem & larga manu exstructum focum onerare possit. Verum provida rerum parens natura alia via Frifis, ut Hollandis, affatim prospexit, quo inopiam lignorum levarent, & quidem melius quam nonnullis inter Scythas populis, qui lignorum egentes, ossibus ignes alere scribuntur; nimirum fossitio cespitæ, qui è terræ fodinis erutus, sole excoctus, ventoque arefactus, igni alimentum obvium, minimèque con-

*Gali terre-
peries.
Soli qua-
litas.*

*Frifia Oc-
cidenta-
lis.
Situs.*

temper-

remnendum præbet, estque tuendo igni fomes, quam Promethea illa ferula, paratior. Hujus tam copiosa materia & luxuries in lucem profertur, ut non tantum incolis abunde sufficiat, sed & vicinis regionibus iis subvenire queant. Materię hujus cespitię plura sunt genera, quę colore, levitate & pondere materię, adhęc cineris, quo se obruit, bonitate & candore, differunt atque examinantur. Primum genus vile est, rarium, inane, fungosum, valde leve, color illi impluviatus, qui rubiginem parietum ę pluvię defluxu natam mentitur: quod genus deterrimum est, neque usui civium expetitur; servit fere cortinis cervisiariorum inflammationis & concoquendis: quod accensum vultus ę vivido colore plumbeos, cadaverosos, larvisque assimilēs homines facit, terramque exhalat mephitim: quo odore non raro etiam animi defectus (uti pręsentius in bituminosis carbonibus fit) conciliatur, quem sal inspersus tollit. Alterum densius est, furvum, segmentis virgultorum intermeantibus & palustribus cannis intercisum, gravitate mediocri, promiscui usus. Tertium ponderosum, laterum coctilium duritiem quandam imitans, quod cęteris natatu fluitantibus solum subsidit aquę immersum, tardeque ignem concipit, sed conceptum diutissime continet, cinereum colore, sabulosoque solo effossum. Est & quod ę saluginosa terra conformatur in glebas, Zelandię domesticum, *Dariam* vulgus vocat. Pręter hęc est quod verriculis ę fundo aquę extractum pingui luto constat, quę materia in locos quosdam quadratos, ubi aqua prius redundans disfluxerit, affunditur & complanatur, postea arefacta in metas rariore aggeratur, ut vento perflata solique penetrabiliores ad usum durentur. Habent & inopes rusticorum familię inter cis-rhenanos Frisios pe-

culiare cespitem genus in tessellas, prius dictorum more conformatum, fimo bibulo constans, interspersis straminis, arundinum, fœni quiscuiliis, ad solem æstivum excoctis: sed cujus fumus infesta acrimonia sic urit oculos, ut lippitudinem facile conciliet. Frisia hęc olim Regio Diademate claruit, ad Caroli Magni usque tempora: a cujus obitu variis agitata fuit molestiis, tametsi & ante quoque ejusdem tempora durissimum Danorum & Norvegianorum senserit imperium. Tãdem verò sub Carolo V Cæsare, principe verè pacifico, halcyonios dies est adepta. Vrbes hujus Frisię sunt numero XII. *Leovardia*, *Leeuwarden*, totius Frisię est Caput, urbs opulenta, & uti privatis civium domiciliis decente ornata, ita aquarum ambitu, foveis & pręvalida arce, contra hostiles insultus egregiè munita. Curiam habet Iudicalem, & Frisię Cancellariam, a cujus tribunali nulla ulterius permittitur appellatio. Huic vicinum est *Zuichemum*, patria Viglii. *Doccumum* duobus inde milliariis distat, agrum habet fertilem, pascua læta. Abest a Sinu Maris uno milliari: paruit olim Geldris. *Sneca* in Comitatu Westergoyensi tribus a Leovardia milliariis loco humili & aquoso sita est, quo fit ut segetem ager non ferat, pascuis sit lætissimus. Vrbs tota recens, vix ante ducentos annos donata jure civitatis: progressu tamen temporis in tantum crevit, ut nulli nunc totius Frisię urbi concedat. Bonorum ingeniorum alumna diu fuit: in hac natus est & educatus Ioachim Hopperus, non patrię tantum civitatis, sed Frisię etiam totius, atque adeo Belgicę dum vixit, lumen & ornamentum. In eadem orti Petrus a Fritema I. C. Albertus Hero Philosophus & Theologus aliique complures. *Stavria*, *Staveren*, in littore maris Australis porrecta jacet: ager finitimus planus est, fossis multis

*Imperium
majoris.*

Vrbes.

& palu-

& paludibus intercisus. Hodie nihil magnificum habet civitas, præter arcem validam portui Maris imminentem, cujus fundamenta jacta sunt à Georgio Schenck Frisiæ Gubernatore, nomine Caroli V anno 1520, ut Burgundi eo opportunè possent militem & comitatum bello necessarium ex vicinis Hollandiæ Civitatibus transnittere. Plinius incolas videtur *Sturios* appellare lib. iv cap. xv. *Harlinga* ad fauces Maris Australis sita, unico milliari à Franico, agrum habet fertilem, arcemq; contra hostium imperus bene munitam, portumque loci situ opportunum: nam venientibus ex Septentrionali Frisia & Germania Orientali primam commodamq; stationem offert: quocirca plurimi eò confluerunt, loci commoditate illecti, exque varia ista confluge hominum Civitas vehementer aucta est. *Franicum* à Francis denominationem sortitum, patria est Ioannis Vlprii trium linguarum peritissimi. Gymnasium publicum habet. Sunt præterea *Damma*, *Bolswardum*, *IJsta*, *Sloten*, *VVorchum*, *Hindeloopen*. Insulæ Frisiorum plures sunt; præcipua verò est *Schellingana*, nobilis canum marinorum venatione, qui in littore apicantes, saltu incondito rusticorum variè vestitorum longius protrahuntur, protracti dum mare repetūt, capiuntur dispositis in eam rem retibus. *VVestfrisia* solet adcenferi *Groeninga*, Frisis finitima, quæ sola cum suo territorio quod vocant *Ommelanden*, Provinciam constituit. Patria hæc fuit Rodolphi Agricolæ viri suo seculo doctissimi. Eidem civitati originem acceptam referunt *Wesselus* sive *Basilus* & *Reinerus Predinius Theologi* & Phi-

losophi celebres. Frisiæ solum lacubus ac paludibus frequentibus abundat (ut supra diximus) ac fluminibus rigatur *Laubaco* (qui aliis *Lavica* & *Labola*. hodie *Lauvvers*) & *Amisi*. Habet & à Meridie Sinum longè amplissimū, quem hodie *Zuyder-Zee*, velut Australe fretum, quod in Meridiem vergat, nuncupamus. Status verò Politicus Frisiæ tres habet partes principales, quæ sunt: *Oestergouv* Comitatus, cujus Metropolis *Leoardia*; & dividitur in *Grieteneyen*, id est Præfecturas has: *Levvaraderadeel*, in qua *Leoardia*; *Tietzercksteradeel*, in qua *Tietzarck*; *Ydarderadeel*, in qua *Ydaert*; *Rauvverderahem*, in qua *Rauvvert*; *Fervverderadeel*, in qua *Fervvert*; *Dongeradeel*, in qua *VVetzens*; *Dantummedeel*, in qua *Dantum*; *VVolt*: *Acht Kerspelen*, in qua *Suyrhusum*; *Colmerlandt*, in qua *Collum*; *Vesterlant*, in qua *Beet*; *Smalingerland*, in qua fuit *Smalingerlee* Abbatia Ordinis *S. Benedicti*. *VVestergouv* Comitatus, in quo sunt *Grieteneyen*, *VVonseradeel*, in qua *VVitmarssum*; *Franickeradeel*, in qua *Franicker*; *Banadeel*, in qua *Mimersgæ*; *Meynaldummadeel*, in qua *Meynaldum*; *Baerderadeel*, in qua *Baerd*; *Hemmareradeel*, in qua *Hennaert*; *VVeynbritzeradeel*, in qua *Gravve*; *Gheesterlandt*, in qua *VVickel*. *Sevenvolden* Comitatus, in quo sunt *Grieteneyen*, *Donyverval*, in qua *Donigæ*; *Lemister Viisgæ*, in qua *Lemmer*; *Aenghevaert*, in qua *Cathrybandt*; *Schortorland*, in qua *Nye* & *Olde Schotten*; *VVittingerdeel*, in qua *Olde-horn*; *Hasscher Viisgæ*, in qua *Hasscherhorn*. Tota autem Frisia Occidentalis cum *Groeningensibus* Episcopo *Trajectensi* solebat subesse.

Locus.
Flumina.


Mare.

Status
Politicus.

Imperium
Majorum.

VERVS Batavia propriis Regibus administrata fuit, at regia stirpe deficiente, divisa est in partes. Accolæ Isalæ fluminis, Episcopi Vltrajectinenses, Comites Hollandiæ, Duces Gelriæ portionē suam sibi asciverūt. Ea pars quę destinata fuit Episcopo Vltrajectinensi, dicta fuit Episcopatus. Archiepiscopus primus institutus fuit hic D. Willibrordus Saxo-Britannus qui ad has oras accesserat circiter annū d. x. xc. in Frisiam missus ut Ratbodū cum subditis ad Christianam fidem invitaret. at cum is piis conatibus pertinaciter resisteret, rediit Vltrajectum, ubi incolas Christiana Religione imbuir, Templumque restituit conditum à Dagoberto Rege Francorum. Inde Romā profectus, Archiepiscopus Vltrajectinus creatur à Papa Sergio; & Vltrajectum reverſus Templum condi jussit in honorem D. Martini Archiepiscopi Turohensis, & in eadē urbe Archiepiscopalem sedem fixit sibi & posteris. Huic in Præſulatu succēssit *Divus Bonifacius*, qui Docconi in Frisia cum duobus & quinquaginta sociis martyrium subiit. Attamen ob gravissimam Normanorum persecutionem, sedes Archiepiscopalis Coloniam Agrippinam translata fuit, sed mox instaurata est à Rege Pipino & filio ejus Carolo Magno, qui non veterem tantum Episcopatus dignitatem civitati restituit, sed Episcopo insuper quo se tueri posset adversus hostes, temporariam ditionem & potentiam concessit, ita latē diffusam ut veterem illam Bataviam pæne totam includeret. Constat profecto & Transisalanam regionem & Groningam subiectas fuisse huic Episcopatu, usq; in annum 1527, cum *Henricus Bavarus* gravissima injuria affectus se in fidem traderet Caroli Quinti Imperatoris, & ut Ecclesiasticū statū reciperet, omne imperium tēporale in eum transtulit; qua de re cum certiorē

fecisset Margaretam, Belgii per id tempus Gubernatricē, convenit ut Comes Hoogstratanus Trajectum veniret xv Novembris. quo Episcopus Vltrajectensis ultro se abdicās cessit Carolo Quinto Imperatori, ut Duci Brabantiæ & Hollandiæ Comiti, nec non posteris ejus legitimis, temporalem omnem ditionem & statum Vltrajectinum ac terrę Transisalanę: quo factō, absolvit Præſul subditos à juramento illo fidelitatis quod paulo ante sibi præstiterant, ea tamē lege, ut eodē omnino jure ac sacramento profiterentur fore se Imperatoris & legitimorum ejus hæredum futurorū Brabantiæ Ducum & Hollandiæ Comitū fidos clientes, reservata sibi & successoribus sola jurisdictione & censu Ecclesiastico, cū magnifico illo Palatio. Subsecuta est postmodum Unio inter urbes & terras ditionis Vltrajectinæ cū omnibus mēbris & appendicibus suis, ex una, & Hollandiæ Comitatum, ex altera partibus, qua cautum, ut ditio Vltrajectina tā arctē cum ipsa Hollandia esset conjuncta, ut deinceps ab uno eodemq; Gubernatore utraque regeretur, utque Ordines utriusque Provinciæ simul convocarentur, & penes Præfectum esset Magistratus urbanos omnium utriusque Provinciæ civitatum annuatim renovare. Item qui apud Hollandos exilio essent multati, ab Vltrajectinis in fidem publicam non reciperentur. Denique ut Investituræ quas vocāt feudorum hisce in posterum verbis cōciperentur: *Tenenda* (videlicet Feuda) à Comitatu Hollandiæ & Dominio Vltrajectino. At anno MDLXXX cum defunctus esset Episcopus Fridericus Tautēburgius, DD. Ordines asciverunt sibi Regimen urbis Vltrajectin. exinde Vltrajectenses ut confœderati cum reliquis Ordinibus Unitarum Provinciarum non agnoscunt alium Dominum quam Dominos Ordines Generales. His ita explicatis



Situs.

Fertilitas.

Urbes.

Vltrajectum.

explicatis ad ipsam urbem accedamus. Cingitur hæc ditio à Septentrione, Occasu & Meridie pene omni ex parte Hollandiæ Comitatus finibus: ab Ortu terminatur Ducatu Gelriæ. Solum ejus bonū est & fertile, quod ut editum magis & siccum est, ita etiam multò quam Hollandicum excultius, & ad segetē opportunius. Numerantur hic quinque urbes muris cinctæ, videlicet, *Vltrajectum*, *Batavodurum*, *Rhena*, *Amersfordia* & *Montfortium*. *Vltrajectum* Metropolis Provinciæ nomen sortitur, teste Hadriano Junio, à designatione quadam qua utebantur Romani in exercitiis Rheno adjacentibus: eo enim loco quo hodie urbs sita, erat Legio trigesima quinta, quod verbis hisce abbreviatis significabatur. V. TRIG. LEG. STAT. id est, Quintæ tricesimæ legionis Statio: at imperiti linguæ Latinæ, conjunctim disjungenda legentes pronunciabant *Vtriestat*, mediæ enim literæ LEG. excelsæ erant & negligebantur. Hoc vocabulū *Vtriestat* postea deflexum est in *Vtrecht*. Ne hoc mirum videatur, cum & urbs *Cantstat* in Suevia, ducatur à notatione hac veteri, LEG. ANT. STAT. id est, Legionis Antonianæ Statio. Iudicatur & Antoninæ vocabulo alias eam clausisse, ab Antonino Senatore Romano quirelicitatē, ob Neronis tyrannidem, Romæ, & in oras istas delatus, urbem inibi hanc condiderit. Hinc *Vviltios* vastasse excitata ibi amplissima quadā arce, quam de suo nomine *Vviltenburgum* dixerunt; eam arcem vi & manu armata expugnavit *Clotarii* filius *Dagobertus*, & validius multo quam antea communitam *Trajectum* vocavit, quod multis ibi commeantium transitus, & portorii dependendis telonium. Quod hisce verficulis in Templo Divi Martini extantibus docetur:

*Circumquaque fluens Hollandia gurgite Rheni
Cingitur, Oceani fluminibusque maris.
In qua cum muris urbs Antonina novellis
Tempore Neronis adificata fuit,
Hanc devastavit fera flammâ gens, & ibidem
Castrum Vviltorum conditur inde novum.
Turribus excelsis quod adhuc plebs Abroditorum
Funditus evertens diruit usque solum.
Hinc Trajectense castrum cum mœnibus altis
Conditur à Francis Christicolis: sed idem
Vulgus Danorum confregit humo tenus, omnes
Cum Clero cives insimul ense necans.
Denique Baldricus Præsul nova mœnia struxit,
Que modo subsistunt auxiliante Deo.
Sic Holländensi terra veraciter omni
Trajectum constat urbs capitalis adhuc.*

Hic Episcopus Baldericus à quo cinctam muro urbem hoc carmen memorat, cognomēto dicebatur *Clivensis*, qui à Carolo Calvo Francorum Rege eodemque Imperatore, ob reparatam Ecclesiam Cathedralem, & bene administratū Episcopatum, summa jurisdictione & dominio in urbes Daventriam & Tielam adjunctis omnibus ditionibus & territoriis donatus est. Antonianam olim dictā hanc urbē liquet non tantum ex istis versibus supra relatis, sed & variorum scriptorum testimoniis, & numerorum lapidumque antiquorum, ac monumentorū olim repertorum inscriptionibus. Dubitatur tamen num istud nomen ab Antonio illo Senatore Romano sit derivatum: quidam enim asserunt ita fuisse appellatam à Marco Antonio Cæsaris tum in Gallia Legato, qui postea cum Octaviano Augusto & Marco Lepido regimen totius Reipublicæ Romanæ sibi addi-

vit: alii

vit: alii deniq; nomen sumpsisse contendunt ab Imperatore Marco Antonino Pio, qui collapsam restituerit. Ultrajectum situm est ad veterem alveum Rheni, quod flumen priusquam in *Leccam* olim prorupisset, illac præterfluebat, atq; hinc porro ad Oceanum properabat; unde & hodie accolæ aquas conquistatas per varias fossas in urbem corrivant, ac Woerdam inde & Leydam, ea qua Rhenus tunc via perducunt. Illud vero notatu dignum, eo loco positam hanc urbem unde unius diei itinere pedibus pervenire queas ad quodcumq; libuerit è quinquaginta ut minimum oppidis, nostrum hoc undique circumstantibus, nec majori quam diximus spatio (quod & tabula Geographica satis ostenderit) illo abjunctis, & iis quidem omnibus ante bellicos hosce tumultus spectantibus ad ditionem Regis Philippi, cui cum id coram monstraretur, non parva inde fuit oborta jucunditas. Additur & illud, posse aliquem manè Ultrajecto egressum ad quodvis è sex & viginti prædictis oppidis etiam lento gradu inambulantè accedere, genioque ibidem indulgere, & vesperi domi rursus ad cœnam adesse. Est hæc urbs magna, amœna, potens, ædificiis publicis & privatis superbiens, pulcherrimam & munitissimam habens arcem à *Carolo Quinto Imperatore* exstructam, & vernacula voce *Vredenburg* dicta. Templum ejus magnifica & præsertim illa quinque primaria, totidem perantiquis reverendisq; Canoniorum Collegiis olim spectanda: Divi scilicet Martini, Sanctissimi Salvatoris, quod & Divi Bonifacii dicebatur, Divi Petri, Divi Ioannis, & Divæ Mariæ. Sed præcellit reliqua omnia templum sumptuosissima illa & splendidissima ædes Divi Martini, Episcopali sede conspicua. Dirui iussit hoc Templum & in augustam hanc formam restitui

Ultrajectensium Præsul Adelboldus, eo quod prius angustum videretur; restitutum anno vigesimo tertio supra millesimum, consecrarunt duodecim Præsules præsentem Imperatore Henrico primo; unde hi versus:

Tempore Francorum Dagoberti Regis in isto

Præsenti fundo conditur ecce decens

Primitus Ecclesia Sancti Thomæ, prope Castrum

Trajectum, quam gens Frisica fregit atrox.

Sed prior Antistes Dominus Clemens ob honorem

Sancti Martini post renovavit eam,

Desidis Hildrici sub tempore Regis: at illam

Præsul Adelboldus fregit, ab inde novam

Ecclesiam fundans, Henrici tempore primi

Cæsaris electi, quem duodena cohors

Pontificum pariter benedixit: denique Præsul

Henricus cepit hanc renovare suam

Ecclesiam, Regis Gulielmi tempore, qui tum

Hollandensis erat inclutus ecce Comes.

Templum istud Divæ Mariæ pulcherrimum sanè & artificiosum, conditum à Frederico Ahenobarbo Imperatore, idque luendæ in partem multæ ipsi à Pontifice Maximo, ob excidium urbis splendidissimæ Mediolani, & omnium ibi delubrorum irrogatæ. Miraculo fuit cum jacerentur hujus templi fundamenta, inventam fuisse voraginem quandam, cui cum nihil omnino posset superstrui, & in fundum iret quicquid injiceretur, bubulæ pelles ingestæ sunt: quo facto solidatus tandem est fundus & superstructa ex hac ædes, in cujus memoriam extant apud Ultrajectinos hi versus.

Accipe posteritas quod post tua secula narres,

Taurinis cutibus fundo solidata columna est.


Xx

G R O N I N.

Imperii
Majoris

GRONINGA sive à viridantibus pratis quibus circumdatur, amœnissimo urbis spectaculo, sive undecumque nomē sortita est, cum civibus & opibus potens diu libertatem, patriis legibus tutata esset, nunc Ultrajectino Episcopo, nunc Hollandiæ Comiti honorarium patrociniū specie pendens, ad extremum exortis *Schieringorum* & *Vetcooperorum* in ea factionibus, quæ certa Rerum-publicarum petitis est, *Maximilianus* Cæsar, ut contagionem averteret, Groninganam Rempubicam & Transamasanam Frisiā Alberto Saxonum Duci tanquā Imperii Vicario, cujus Iurisdictioni illæ Provinciæ sub sunt, jure hæreditario addixit. Sed cum Frisii Cæsaris mandatis parere recusarent, postremo Albertus nobilitate conciliata imperium in eos arripuit, ejusque ope acre bellum cum adversæ partis sociis, hoc est, cum *Vetcooperis*, quibus se Groningani conjunxerant, per Foxum legatum gessit, bellique is exitus fuit, ut Groningani *Vestergoe* & *Oostergoe* ac *Septē Silvarum* possessione cederēt, & quotannis triginta millium aureorum florenorum tributum penderent. Cæteræ civitates, quarum Leovvardia caput erat, conditionibus primo subscripsere, sed mox pœnitentia ductæ desciverunt, donec Saxo manu armata provinciā ingressus eos rursus imperata facere coegit. Groningani paraveriti, Ultrajectini Episcopi interventu inducias pepigerunt. Tertijs desciscentibus Frisius, iterum renovata bella usque ad excessum Alberti, qui Henricum juris paterni hæredem reliquit. Eo mortuo, cum sibi omni metu vacui viderentur, ex præteritorum successu animos sumunt, & Dammonam, quam Ezardus Cisamasanæ Frisiæ princeps Saxonis nomine tenebat, obsident:

quos ut ab incepto revocaret, Hugo Leifnici Comes ad Groningam castra ponit. Temeritatis suæ sero pertaxi obsessi ad Ultrajectini intercessionem confugiunt, ejusque precibus impetrant quadriennales inducias: quibus exeuntibus, cum Cæsareis mandatis stare nollent, Ezardus & Vito Draefcedorpius, Henrici, qui in Misniā concesserat, legati duobus structis propugnaculis, urbē arcte cingunt. Groningani obstinata obsidione, quam tota hieme pertulerant, fracti, cum à Transisalanis civitatibus auxilia promissa non comparerent, colloquium poscunt cum Saxonibus, transacturi, nisi casus intervenisset qui contrariam viam quam ab initio putabāt, eos insistere coegit. Nam cum sub id Draefcedorpius quosdam captivos, quod pretium pro libertate solvere recusarent, naribus ignominiose truncatis Groningam remississet, cōcivium injuriā adeo exacerbatī sunt oppidanī, ut omni cum Saxone conditione rejecta cum Ezardo clam sollicitato egerint ut ipse sibi urbis patrociniū sumeret, ea lege ut eam sub Saxonum jugum mitti nunquam pateretur. Conditione accepta Ezardus Groningam cum suprema potestate ingressus est anno millesimo quingentesimo sexto, oppidanis in fidem adactis, & arcem arbitrio suo in urbe extruxit. Tulit id indigne admodum Georgius Saxo Henrici frater, & Erici Brunsvici viribus subnixus, in Frisiā Cisamasanam prope descendit, injuriam ab Ezardo illatam ulturus, latèq; regionem ejus vastavit. Is vero ut suis subveniret, continuo Groningam relinquit: & cum Imperij decreto citatus ac mox proscrip-tus Dammonam amississet, impar adversus tot potentes hostes patrociniū susceptum ad extremum omnino deseruit, & Groninganos sua sibi habere



habere jussit. deserti illi mittit ad Saxonē delegatōs deditiōnē offerētēs, modo arx ab Ezardo imposita destrueretur. Has ut ab hominibus superbis profectas cōditiones & jã defectionē meditantibus, cum Georgius accipere recusaret, & sine exceptione deditiōnē fieri vellet, delegati re infecta abeūtes ei prędixerūt fore ut nec ipse nec ullus suorum juris quicquam in Frisios unquam habiturus esset, statimq; ubi domũ reverterunt, de alterius principis patrocinio sibi conciliando consultant. Is fuit Carolus Egmondanus Geltrię dux, qui ut se adversus Burgundorum potentiam tueretur, partes Francorum Regis semper sequutus fuerat, & tunc per Guillelmum Ovenium & Wernerum Spiegelium urbis possessionem adeptus, destructa arce oppidanos in fidem coronę Francicę impulit. inde varium & anceps inter Georgium Saxonem & Carolum diu bellũ fuit, donec laborum & sumptuum pertæsus Saxo jus omne suum Carolo Hispanorum Principi ducentis aureorum millibus acceptis concessit, & in Misni am ad sua se contulit. Ab eo tempore Carolo cum Austriis res fuit, Floro IJelsteinio rem pro Austriis, Ezardo Cifamafanz Frisicę Comite pro Carolo rem gerente. Tandem Groningani cum viginti totis annis Carolo paruisent, triginta millium florenorum vectigali pēsitato, belli nullum finem videntes, crescente jam Caroli Cęsarıs in dies potentia, cessere; & deserto Geldrię ducis infirmo patrocinio Margaritę Caroli Cęsarıs materterę quę Belgio pręerat, opē implorant, quę misso Georgio Schenckio Tautenburgensi cives in verba Cęsarıs nepotis adigit VI. Idus Junii, anno MDLXXXVI. Ita Groninga in Austriorũ potestatē venit, tot factionibus jactata, totiesq; mutato diverforum principum dominatu. Postea anno

millesimo quingentesimo nonagesimo quarto, mense Julio, Illustrissimus Princeps Mauritius Groningã arctã obsidione cinctam ad deditiōnem compulit, & Vnitærum Provinciarum Imperio ac Societati subdidit. Hujus Domini Metropolis Groninga urbs est antiqua, circiter trecentis septuaginta octo annis ante Christum natum condita à quodam Trojano *Grunnio*, ut auctor est *Munsterus*. Intus lacubus & paludibus abundat, partim natura insitis, partim arte eo perductis. Civitas ampla est multisque magnificis ædificiis instructa, quę ab opulenti & ditissimis civibus incoluntur. Sita est ad grad. xxviii. minut. xxiv longitudinis, latitudinis vero grad. 53. min. xiii. à Leovvardia sex leucarum intervallo diremta. Primarium ejus Templum sacrum est Divo Martino, & Episcopo Monasteriensi subditum. in eo monstratur elegans Organon elaboratum ipsa manu *Rodolphi Agricolę* civis Groningensis. Iussu & auctoritate Illustrissimorum DD. Ordinum erectum hie est Athenæum anno millesimo sexcentesimo decimo quarto, quod indies incrementum accipit. Civitas frequens & potens, imperium ejus intus forisque luculentum. Ab Ortu & Occasu ager est longelateq; porrectus, tum fertilis quoque, & non parvo pagorum numero infessus. A Septentrione, confœderatio urbi & societas cum toto eo tractu qui longis latisque spatiis usque ad ipsum mare procurrit, pagis & vicis densis ac fertilissimis pascuis mirum in modum luxurians. Is tractus vulgo audit de *Omme-landen*, & suos etiam habet Nobiles, qui secundum Groningensis Domini membrum componunt. Primum enim censetur ipsa Civitas cum suo Magistratu. Gaudet amplissimis privilegiis & immunitatibus sibi à Principe cōcessis, ita ut tã de civilibus quam criminalibus

nalibus causis, juxta leges municipales cognoscant & decidat sine ulteriori provocatione. Duarum à Groninga leucarum itinere distat *Dammum*, urbecula olim satis lauta: verum anno M.D. XXXVI, cum tuentibus eam Geldris expugnata fuisset à Cæsarianis, muris & mœnibus spoliata, pacto insuper ne in posterum posset instaurari vel quomodocumq; muniri, inde in tenuem sane ac miserandam conditionem est redacta. Multa etiã pertulit hisce bellis civilibus. Leuca supra *Dammum* ad ipsum litus, situs est perinsignis pagus *Delfzila*, paritrium leucarum spatio à Groninga simul & *Embda* semotus, ubi & propugnaculum, sepius instauratum & dirutum, hodie tamen exstat adhuc. Hisce bellis civilibus minime immunis fuit à furoribus Martiis. Inter urbem & agrum Groningensem (quam *Ommelandiam* vocant complectiturq; omne solum quod intra *Amisum* & *Laverium* fluvios continetur) jam olim gravissima fuerant dissidia, armis etiã & sanguine exercita & vindicata. Postquam vero Groninga in Ordinum Confœderationem concessit, arbitrio Ordinum Generalium litis decisio fuit commissã. Ab iis delegati Iudices ultimo Januarii anno 1597 apertis januis Hagæ Comitum sententiam pronunciarunt, cujus hæc fere erant capita. Abolito quod XVIII Februarii anno 1595 ad tẽpus factum fuerat decreto, urbs & ager Groningensis pro una provincia sive dominio porro haberentur. Quę in Principis ærarium inferri solita nec non communia tributa, communibus suffragiis administrarentur. Bona Ecclesiastica communibus etiã votis ad pios usus erogaretur. Ad res publicas tractandas pari numero utrimque idonei homines eligerentur. Munerum & officio-

rum publicorum collatio quæ olim penes Principem fuit, penes utrumque à Statibus delegatos esset. Iustitiæ Tribunal sive Iudices ac Prætores (exceptis quatuor Capitaneis quorum electio solis civibus reservatur) ab iisdem pari jure constituerentur, & subinde unicuiq; supremi magistratus nomine, antiquo more diceretur. Nulli privato dicasterio Statutum Generaliũ auctoritatem vel nomẽ usurpare liceret. Municipalibus sive hominibus ex agro libera essent cum omnibus commercia, domi tamen nata, ut butyrum, caseos, equos, boves, frumenta & talia non prius alio exportarent quam in urbe venum proposuissent, exceptis quę ad singulorum usus domesticos necessaria sunt. De *Stapela* (quam vocant) jure, si qua controversia inciderit nec inter partes decidi possit, Ordinum Generalium arbitrio permitteretur. Cerevisiam hominibus in agro ad domesticos tantum usus coquere liceret; at non nisi Groninga allatam, ad mensuram vendere. Idem parium cum municipalibus suffragiorum jus haberent, quibus hærentibus (donec melius quid constitutum fuerit) Gubernatoris eique utrimq; adjunctorum judicio lis determinaretur. Statuum conventus vel de communi sententia vel Gubernatoris, aut aliorum ad id ordine delegatorum monitu locis opportunis indiceretur. Sublatis novationum studiis antiquo omnes jure uterentur. Municipalium petitio de pecuniario ad vetera debita exsolvendo & necessarios sumptus sustinendos subsidio, ad Ordinum Generalium, ut de eo quod videbitur, auditis & exactis rationibus, statuant, referretur. Sed de his satis. Ad Germaniam Superiorem transeamus.

IN GERMANICAS TABVLAS

Vtilis & prænoscenda

I N S T R V C T I O .

Q Vandoquidem Imperium Romanum penes Germanos est & politice admodum in sua membra divisum, operæ precium existimavi ejus dispositionem & ordinem, qualis in scripto; quod Matriculam imperii vocant, extat, hodieque in usu est, oculis subicere; deinde in tabulis sua quæque Imperii membra commonstrare, quo ubi terrarum quæque sedem habeant studiosus Politicæ lector facile reperire possit. Duo autem ejus Matriculæ exemplaria sum nactus, unum scriptum, alterum Venetiis Italica lingua excusum; utrumque plus satis depravatam: & multo aliam hujus Matriculæ formam nunc in Imperio extare intelligo. proinde nemo quæso mihi vitio vertat, nemo offendatur oro, si quæ Imperio hic adscripta inveniât, quæ illius non sunt, aut si quæ sunt omiſſa; non


enim mea est intentio de omnibus singulisque Imperii membris definite dicere, neque id mihi ex corruptis admodum exemplaribus fuit possibile, præcipuè cum sciam multa quæ olim Imperii fuerunt, post in privatum Principum jus cessisse, sive permutatione, sive oppignoratione, sive donatione ob insignia erga Imperium merita, sive redemptione, sive aliis de causis; neque vero ista quæ Politicorum sunt non Geographorum, studia prosequi meum est, sed ex qualicunque Matriculæ exemplari hoc tantum quæro, ut elegantissimam Imperii dispositionem, & per Germaniam distributionem ostendam, quoque studia Geographiæ & Politicæ administrationis quomodo se mutuo illustrare possint, declararem. Est ergo talis Imperii constitutio & ordo,

Imperator caput est Imperii.

Et tria sub se habet membra, quorum Comitii de omnibus Imperii negotiis consulitur & concluditur, videlicet Electores septem, qui sub Gregorio X anno Domini circiter c10cclxxiii primum instituti & à Carolo quarto Imperatore confirmati sunt, ut ostendit Onu-

phrius in Comitii Imperatoriis, & Ioannes Aventinus lib. 5. historiæ Bavaricæ. His solis competit Imperatoris electio. Secundum membrum sunt Principes Ecclesiastici & sæculares. Tertium Civitates liberae.

Primum



Primum igitur Membrum Imperii sunt VII Electores.

Archiepiscopus Moguntinus Imperii Romani Archicancellarius per Germaniam.

Archiepiscopus Treverensis, Imperii Rom. Archican. per Galliam & Regnum Arelatense.

Archiep. Colonienfis Imperii Rom. Archicancellarius per Italiam.

Rex Bohemæ, Imperii Romani Archipincerna.

Comes Palatinus Rheni, Imperii Romani Archidapifer.

Dux Saxonæ Imperii Rom. Archimarschalcus.

Marchio Brandenburgensis Imperii Romani Archicamerarius.

Secundum membrum est Principum Virorum, & Nobilium.

Nomina locorum vulgaria ponam, ut sunt in Tabulis, & numeros apponam Circulorum in quibus postea repetuntur, quo facilius in Tabulis inveniri queant.

<i>Archiepiscopi.</i>	Halberstat in 9. opinor Circulo.	Vtricht	7
Magdeburg	9 Ferden	7 Camin	8
Saltzburg	2 Munster	7 Swerin	9
Befançon	5 Ofenbrug	7 Geneve	5
Bremen	9 Passaw	2 Camerick	7
<i>Episcopi.</i>	Frisingen	2 Verdun	5
Bamberg	1 Kempten	1 Lofan	5
VVurtzburg	1 Gurck alias Goritz	3 Metz	5
VVorms	5 Seckaw, Segovia	3 Toul	5
Spier	5 Havandt	5 Luyck	7
Straesburg	5 Basel	5 Trent	3
Eichstatt	1 Sitten five VVallis	5 Brixen	3
Pr. Aufspurg	4 Regensburg	2 Merfpurg	8
Coftnitz	4 Meyffen	8 Labach	3
Hildesheim	9 Naumburg	8 Vienna	5
Paderborn	7 Minden	7 Brandenburg	8
Chur	4 Lubeck	8. 9 Ratzenburg	9
		Schleffvick	9
		Havelburg	2

Havelburg.

Seculares Principes & Nobiles.

Dux Bavariz

Archidux Austriæ

Dux Burgundiæ

Dux Saxoniz

Palatinus Bavariz

Dux Iuliz, Cliviz, Bergæ

Marchio Brandenburg

Dux Brunsvick

Dux Lunenburg

D. Pomeran

D. Mekelenburg

D. Lavvenburg

D. Holstein

D. Lotringen

Landgr. Hessen

D. Wirtenberg

D. Zvveibrug

D. & Co. Spanheim

Marchio Baden

Landr. Luchtenberg

Princ. Anhalt.

Com. Hennenberg

Burggr. Meissen

Gallici Principes.

D. Meiss, alias Massa

D. Savoye

D. Chalon. forte Calim in circulo.

Ecclesiastici.

Pr. ar Abbas Fuld.

Pr. Ab. Hiersfeldt

Pr. Ab. Kemten.

8 Ab. Reichenavv

2 Pr. Präpos. Wiffenburg.

2 Pr. Ab. S. Galli

3 Pr. Ab. Saltfeldt

10 Pr. Präpos. Elvvangen

8 Teutsch ordens Maister

2 Iohans ordens Maister

7 Ab. W aingarten

8.1 Ab. Salmanfvveiler

9 Ab. Kreutzlingen

9 Pr. Ab. Murpach

8 Ab. Walkenriedt

9 Ab. Schuttern

9 Ab. Weifföovv, five Minderavv

9 Ab. S. Blasi

5 Ab. Maulprun

5 Pr. Ab. Corbey

4 Ab. Schüssenriedt

5 Ab. Rittershausen

5 Ab Stein am Rhyn

4.5.7 Pr. Ab. Schafhausen

2 Ab. Kempeseck

8 Ab. Waldsachsen

1 Ab. Finsideln

Ab. Rokenburg

Ab. Ochsenhausen

Präpos. Seltz

5 Ab. S. Gilgen Norinbergæ

5 Ab. Nuenburch

Ab. S. Maximini juxta Trier

Ab. Heveldshausen

5 Ab. S. Iohan zu Curtel

5 Ab. Gengenbach

4 Ab. Koningsbrun

4 Ab. Rodt, alias Roden

5 Ab. Markthal

4 Ab. Rockenhausen

8 Ab. S. Peter im Schvartzvvald

Präpos. Odenheim

3 Pr. Ab. Stablo

5 Ab. Disidiense

4 Ab. Berkenhausen

4 Ab. Elchingen

4 Ab. Hentzlingen

5 Ab. Vrffenis

8 Ab. Blanckenburg

4 Ab. Yffni

4 Ab. Pfeffers

4 Ab S. Iohan im Thurtal

4 Ab. Petershausen Constantiz

7 Ab. Pruium

4 Präpos. Camberg

8 Ab. Reishaim

4 Ab S. Heimeran Ratisbona

4 Präpos. Berchtolfgaden

2 Ab S. Gregorii Munster

2 Ab. Muncherode

4 Ab. S. Cornelis Munster

4 Ab. Werden

4 Ab. Aursperg

6 Ab. Yrse

1 Ab. Brun

Ab. Echternaken

6 Ab. Hervorden

Abbatissa.

Quedelnburch

4 Effen

4

2

4

4

4

5

7

4

4

4

4

5

1

2

2

2

5

4

7

7

4

4

4

7

7

4

4

4

1

7

7

8

7

4

Alc

G E R M A N I A.

Alt Munster to Regensburg	2	H. Rapoltzkirchen	5	Co. Wirnenberg	333
Pr. Ober Munster to Regensburg	2	B. Stauffen	2.4	Co. Solms	7
Kauffingen	5	H. Hohen Rechperg	5	B. Vinnenberg aut Vanenberg	5
Lindavv	4	H. Berletzick		forte	7
Pr. Gernrode	8	H. Hohen Konigsperg		Co. Arnberg	7
Buchavv	4	H. Hohenfeldt & Tipoltzkirch		Comites Rhenenses	5
Rotenmunster	4	C. Sultz	4	H. Falkenstein	4
Hippach	4	Co. Hogen Zollern	4	H. Kunseck	4
Gutenzel	4	H. Braides		H. Kunseckerberg	4
Beundt	4	B. Sonnenberg	4	Co. Horn	10
Coblentz	6	Com. Castel	1	Co. Seyn	7
Baley { Elfas	4	Co. Vertheim	1	Co. Vintzlingen	
Osterich	3	Co. Rheineck	1	Ko. Reyen	
In der Etsch.	3	Co. Hohenloe	1	Co. Bitsch	5
Comites, Barones & Domini.		H. Reichelsperg	1	Com. Salm	5
		H. Limburg	1	Co. Veldentz	5
Com. Helfenstein	4	Co. Erpach	1	Co. Dengen	4
Co. Kirchberg	4	Co. Leiningen	5	Co. Rappin	8
H. Tuffen	4	Co. Falckstein	5	Co. Hardech	3
Co. VVisenstaig	4	Co. Hanaw	5	Co. Hohenstain	8
Co. Lauffen	4	Co. Luchtenberg	5	Co. Wolbenstain	3
C. Montfort	4	Co. Nassavv, Breda, & Dillenberg	8	Co. Schaumburg & Giengen	7.3
Co. Furstenberg	4	10.7.		Co. Dierenburg & in Someraw	7
Co. Zimmeren	4	Co. VVisbaden & Iltzstain	5	Co. Mansfelt	8
B. Gundelfingen	4	Co. Sarbrucken	5	Co. Stolberg	8
H. Stutgart	4	Co. VValdtpurg	4	Co. Buchlingen	8
H. Iustingen	4	Co. Nassaw in VVeilpurg		Co. Barbey & Mullingen	8
H. Schenflingen	4	Co. Beilstein	6	Co. Gleichen	8
Marckgr. Eberstein	4	Co. Koningstein & Epstein	5	Co. Schwartzenburg	1.8
B. Geroltzeck	4	Co. Eifenberg superius	5	Co. Suenberg, Schonberg opinor	8
B. Ober Hevven	4	Co. Eifenberg inferius	6	Co. Iude H. im Ruech	
Co. Otingen	4	Co. Merfen		H. Geravv	
B. Rapoltstain	5	Co. Budinghen		Y y	Co.

Co. Ples	5	Co. VVitgenstein	H. Haber, alias Havere	5
Co. Plawen	8	Co. Spiegelberg	H. VVildenfels, aut VViderfels forte	8
Co. Weda & Ringelberg	7	Co. Biversdorf	B. Tautenberg	8
H. Reichenstein		H. Ridberg	7 Co. Tübingen	4
Co. Olnbrug		Co. Teckelnborg	7 Co. Blackenberg sive Blammont	5
Co. Læbenstain	4	H. Linge	Co. Kirchingen, Krehanges	5
Co. Regenstein		Co. Dortmund	7 H. Senfter	3
Co. Westfrieslandt		Co. VVinsdorff	H. Roggendorff	3
Co. Oostfriesland	7	Co. Ortenberg	2 H. Alendorff	
Co. Van der Lippe	7	Co. Rippershoden	H. Kunigfuckerberg	
Co. Oldenburg	7	Co. Hagen	2 H. Morfpurg & Befort	5
Co. Delmenhorst	9	Co. Hoonfels	2 H. Brandenstain & Ransf.	
Co. Hoya	7	Co. Leiseneck	8 H. VVolfstain	
Co. VVestenburg	5	Ba. Bergen	10 H. Permont	
H. Muntzenburg	5	C. Degenberg	2 H. Fronsbeck	
Co. Lemgow		B. Obersultzberg	2 H. Flackenstain	
Co. VValdeck	5	H. Somiriss	H. VVitten	
H. Lofenstein		Co. Manderscheid	7 Ritt. Fridberg	
Co. Diepholt	7	Co. Reiferscheidt	6 Ritt. Gleichausen.	
Co. Stainfort	7	Co. Egmont & Yffelstein	10	
Co. Bentheim	7	H. Bergen & VVaelhem	10	
Co. Brunchorst	7			

In hoc secundo Membro quædam numeris carent, quia postea in circulis non repetuntur. Pr. Principes, Ghefurstete prelaten signat, D. Duces, Co. Comites, H. Herrschafften Dominia, B. Barones.

Tertium Membrum Imperii est Civitatum liberarum.

	<i>Rheinische Banck.</i>				
Coln		Worms	5	Hagenaw	5
Aken		6.8 Spier	5	Weissenberg	5
		7 Turckheim	5	Straesbrug	5
					Obern

G E R M A N I A.

Ober Ebenhaim	5	Cosler	9	Eslingen	355
Rosshaim	5	Gottingen	9	Reutlingen	4
Schlettstat	5	Brakel	7	VVeyl	4
Colmar	5	Wartburg	7	Pfullendorff	4
Altach	5	Lemgow	7	Kauffbeurum	4
Basel	5	Duysburg	7	Northaufen	4
Kaisersberg	5	Dantzick	8	Vberlingen	4
Mulhausen im Suntgovv	5	Elbinghen.		VVangen	4
S. Gregoris Munster	5	<i>Schvvabische Banck.</i>		Yfui	4
Metz	5	Regensburg	2	Lewkirch	4
Toul	5	Nurnberg	1	Memmingen	4
Verdun	5	Rottenburg an der Tauber	1	Kempten	4
Landavv	5	Weissenburgim Nortgaw puto	2	Buchorn	4
Kaufmans Sarbruck	5	Donawerd	4	Ravensburg	4
Befancon	5	Winshaim	1	Bibrach	4
Camerick	7	Schweinfurt	1	Lindaw	4
Francfort	5	VVimpfen	4	Coftnitz	4
Fridberg in Wedderavv	5	Hailbrun	4	Rotweil	4
Gelnhausen	6	Hal in Schvvaben	4	Offenburgk	4
Wetzlar	5	Norlingen	4	Gengenbach	4
Aleu	4	Dinckelspuel	4	Zel in Hamersbach	4
Lubeck	9	Vlm	4	Schaffhausen	4
Hamborg	9	Augsburg	4	S. Gal	4
Dortmund	7	Gengen	4	Buchavv am Federsee.	4
Mulhausen in Düringen	9	Bopfingen	4		
Northaufen	9	Gemunt in Schvvaben	4		

Præter hanc trium Membrorum ordinationem, ad vitanda schismata in Imperio, ad mutuam Principum Germaniæ defensionem ac pacem communem servandam, divise sunt Provinciæ Imperii in ditiones aliquot, quas Circulos appellant, inque iis instituta sunt particularia Imperii consilia, Circulorum videlicet. Primum sex anno MDXVIII Augustæ, deinde x anno MDLXXXII Norimbergæ. Eligit autem quisque Circulus sibi ex suo corpore Præfectum sæcularem, qui sit Princeps, Comes, Baro, aut ex præcipua Nobilitate, cui ex eodem corpore IV Consiliarii, viri sæculares, honesti & prudentes adiunguntur. Numerabo & distinguam hic Circulos, verum in Tabulis eorum Principes & Membra describam.

Pr mus Circulus est Franconiæ & in Tabula Franconiæ declarabitur.

Secundus est Baviaræ & in ejusdem Tabula explicabitur.

Tertius est Austriæ & in Austriaca Tabula describetur.

Quartus Sueviæ, in Tabula Wirtemberg.

Quintus est Circulus Rheni, qui in Alsatia inferioris Tabula exponetur.

Sextus 1 v Electorum Rheni, in Palatinatus Tabula.

Septimus Germaniæ inferioris sive Westphalicus, Tabula Westphaliæ prima.

Octavus Saxoniam superioris, in ejusdem Tabula.

Nonus Saxoniam inferioris, in ejusdem Tabula.

Decimus Burgundiæ, in Burgundiæ superioris Tabula.

Camera Imperialis.

Præter hæc Circulorum Consilia, ad causas rariores, quæ per Imperium accidunt, jure decidendas, instituta est Spiræ Camera Imperialis, cui præest Iudex Princeps, aut ut minimum Comes, vel Baro, isque sæcularis, si ad hoc munus idoneus reperiri possit. Assessores huic & conjudices ab Imperatoria Majestate duo ex Comitibus aut Baronibus, duo ex Iurisperitis, duo item ratione terrarum, quas hæreditariè in Imperio possident, aut ab Imperio habent, ex equestri ordine Nobiles, hoc est, sex in universum dati sunt. Ab Electoribus item singulis unus, & ab unoquoque circulo duo superadditi sunt, quorum dimidia pars ex Iurisperitis, dimidia altera ex Equestri ordine sunt electæ.

C A T A L O G V S T A B V L A R V M G E R M A N I Æ.

- I Germania universalis.
- II Frisia Occidentalis.
- III Emdensis Comit.
- IV Westphaliæ Tabula 1.
- V Westphaliæ tabula 2.
- VI VWestphaliæ tabula 3.
- VII Comitatus Meursensis &c.
- VIII Leodiensis Diocesis.
- IX VValdeck.
- X Palatinatus Rheni.
- XI VWirtemberg.
- XII Alsatia inferior.
- XIII Alsatia superior.
- XIV Saxonia inferior.
- XV Brunswick.

- XVI Hassia.
- XVII Thuringia.
- XVIII Franconia.
- XIX Bavaria.
- XX Palatinatus Baviaræ cujus extrema ad Septentrionem. vide in tabula Franconiæ.
- XXI Saxonia superior.
- XXII Brandenburg.
- XXIII Bohemia.
- XXIV Moravia.
- XXV Austria.
- XXVI Saltzburg.
- XXVII Polonia.
- XXVIII Hungaria.

Nomen
unde?

Sic se habet & universim & speciatim *Germania Inferior*: jam nunc flumine Rheno transito, *Germania* vulgo *Superior*, Ptol. *Magna*, se offert, Europæ latissima regio, Romanique Imperii decus. Hanc qua ferè illam methodo percurram : generalia priore loco indicaturus, inde specialia. Vt autem à nomine ipso ordiar: *Germania* sive *Germanorum* nomen varii variè derivant. Hic namque *Germanos* quasi *Gaarmannen*, i. prorsus viros, ob martium ac virile virtutis robur : ille à certa obstinataque fide quam sibi mutuo integram præstabant, æternum nomen invenisse existimat: neque perperam divinasse creditus est, qui ab honorata militia nominis etymon deducere voluit, quasi *Geert-man*, contracta vocis mole, *German*, dictus populus fuerit. Alius purè puteque Latina voce, veluti genuinos & gnefios dictos censet, quod prisce integritatis & rusticane simplicitatis nulla fere gens plus retinuerit : cujus somnii auctorem in aures populi influere, & ad gratiam loqui voluisse apparet: quamvis simili errore involutus cum Livio Geographus Strabo summo jure inditum illi genti à Romano populo illud nominis putat, quod pene legitimi ac germani fratres Celtarum essent, sive mores & vivendi ritum, sive proceritatem corporum & rutilam cæsariem spectare quis velit. Ioannes Goropius Becanus, à cogendo militem & ad se colligendo non absurda ratione deducit à *Geren*, quod est cogere. Cujus opinioni adjumento esse & adminiculi vicem præbere videtur Tacitus, qui in commentario de moribus Germanorum proficitur, *Germania vocabulum recens esse, & nuper auditum, quoniam qui primi Rhenum transgressi* (ut ejus verbis dicam) *Gallos expulerant, nunc Tungri,*

nunc Germani vocati fuerint; ita nationis nomen, non gentis evalluisse paulatim, ut omnes primum à victore ob metum, mox à se-ipsis invento nomine Germani vocarentur. Neque defunt qui Germanos convenas & collectitium populum interpretantur, à *Geren* quod congregare significat. Sunt & qui bellicosos & præliorum amantes innui autumant à *Gerra*, sive *Guerra*, cujus vocis notior est significatio, quam ut hic apponi debeat. Vir in gente Saxonum doctissimus à Carmanis Asiæ populus, Lucano etiam memoratis, vocabuli auspiciam deducit, uti à Sacis Saxonum: alibi Hebræo etymo illos dedicat, ut sint quasi *Gerimani*, quod lingua illa significat advenas, inopes & egenos. Vtcrius etiam proventus plenius velis, & quadam studii in patrium nomen voluptate delibutus Peucerus Germanos, quasi *Hermenner* hoc est militares viros dictos existimat. Eruditissimus Iunius hujus nominis originem ad famosum illud aquarum diluvium, quo totus interiit Orbis, revocat: quando Noachus in ternos liberos Orbem Terrarum partitus est, quo tempore Iapheto (ut de Schemo & Chamo nihil dicam) in sortem cessit Europa. Huic natum esse masculam prolem, nomine Gomerum, constat ex Moyse: ex hoc triplex propago exstitit, *Aschcenaz*, *Rephat* & *Thogarma*. Ex his *Thogarma* Germanorum progenitorem fuisse contendit: quamvis *Aschcenazim* communis Rabbiorum opinio teneat Germanos esse. In *Thogarma* enim sive per secundam vocalem *The-germa*, manifestè elucet origo nominis Germanorū, rejecta Tau adjectitia, & secunda vocali sumpta pro prima, ac si quis nostrate lingua per articulum the, efferat *the germans*, id est Germani: & respondet voci etymon aptissimū & genti quod,

quod est *gera* sive *geram*, quod os significat & metapho-
rice robur, quod ossa sit gens tota, & solidarum virium
firmamento ac robore prædita. *Alemanniam* etiam vo-
cant hanc Europæ partem nonnulli, ejusque incolæ Ale-
mannos, quo nomine subinclinati Imperii tempora vo-
cari cœperunt. Berosus ab Hercule Alemanno nomen
accepisse fabulatur, quem hisce populis præfuisse scribit.
Alii à Manno Deo patrio Tuiscônis F. *Alemanniam* ap-
pellatâ volunt. Asinius Quadratus inclytæ fidei Histo-
ricus, Alemannos velut collectitiam gentem, aut con-
venarum colluviam qui longe lateque patentem regi-
onem inundant, nuncupatos scripto prodidit; qui pa-
rum exacte peregrinæ vocis vim perspexisse creditur,
propiusque ad verum collimaturus fuisse, si universos
bellatores, & à virtute viros ejus nominis ambitu con-
tineri censuisset. Qui à Lemanno derivant Aleman-
niam, nescio quo jure Germaniam velint appellatam à
lacu qui est extra eorum limites in Sabaudia: nisi forte
quis Acronium lacum putet esse Lemannum, cujus in
utraque ripa Alemannos habitasse auctor est Ammi-
nus l. xv. Et quamvis utramque hanc, Germanorum in-
quam & Alemannorum gentem nonnulli confundant:
tamen observatum est, distinctas eas fuisse. Spartianus
in vita Marii: *Omnis Alemannia, omnisque Germania, cum*
cæteris quæ adjacent gentibus. Flavius Vopiscus in vita Probi:
Testes sunt Franci, in viis fratrum paludibus, testes Germani & Ale-
manni, longe à Rheni semoti littoribus. Aliorum testimonia,
ne prolixior sim, prætereo. *Teutoni*am etiam à nonnul-
lis appellatam invenimus, à Teuthone quodam eorum
Duce. Alii *Teutonias* qui vernacule *Teutsche*, Italice *Tedeschi*,
& à quibus Teutonici vocantur, & regio *Teutschland*,
nomen habere à Thuistone, quem alii vocant Tuisco-

nem, creduntque filium fuisse Noachi. Hujus meminit
Tacitus: *Celebrant carminibus antiquis (quod unum apud illos*
memoria & Annalium genus est) Thuistonem Deum terra edi-
tum, & filium Mannum, originem gentis, conditoresque. Eos
Strabo collocat in Norico, quidam opinantur fuisse
contra Coloniam Agrippinam, locumque eum idcirco
Teutsch denominatum. Incolis ipsis nuncupatur hodie
Teutschland, exteris *Alemagna*. Sclavones *Nimiecha*: Græ-
ci *Elamags* hodie vocant, & Turci *Alaman*. Sed de Ger-
mania etymo ejusque variis appellationibus satis copio-
se: nunc ad situm sive quantitatem venio. Porro in li-
mitibus Germaniæ assignandis nõ consentiunt inter se
omnes. Antiquissimi Germaniam definivere Rheno,
Danubio, Oceano, Tanai & Ponto Euxino. Poste-
riores quos inter Strabo, Ptolemæus, Mela, Plinius,
ac plerique Scriptores Græci & Latini, Rheno claudunt
& Vistula: Tacitus non tam Vistula quam mutuo metu
aut montibus Germanos scribit à Sarmatis Dacisque se-
parari. Hodie ad censentur Germaniæ omnes regio-
nes, quarum incolæ lingua vel dialecto utantur Ger-
manica. Itaque extra Ptolemæi fines, utraque Danu-
bium continet Rhetiam, Vindeliciam, superiorem Pan-
noniam, partemque Illyrici, ad Tridentina usque clau-
stra. Ultra Rhenum quoque occupaverunt Germani Ro-
manorum Colonias & Præsidia, Constantiam, Augu-
stam Rauracorum, Argentinam, Nemetes, Vangiones,
Moguntiacum, Confluentiam, Bonnam, Coloniam A-
grippinam, aliaque loca ad Mare usque. Nam ut testa-
tur Ambrosius II Hexame. Rhenus olim Romani Im-
perii limes fuit: inque ejus ripa Gallica Præfides Ro-
manorum perpetuo Germanos oppugnabant, partim
ut eorum excursiones prohiberent, partim ut in eos i-



psi infestis excurrerent, partim etiam ut deficientes ad se Germanos in ea loca reciperent. Atque hæc causa est, cur in altera Rheni ripa multæ admodum & pervetustæ civitates constitutæ sint, in altera vero nullæ: quod etiam in Danubii ripa observari debet. Helvetii quoque Germanis hodie adnumerantur: & Pruteni ultra Vistulam: ut hodiernus limes Ptolemaico multis modis amplior sit. Nam ab Occasu Rhenum transgressus, usque ad Picardiam & Burgundiam, Galliæ partes, extenditur: à Meridie, ultra Danubium ad Alpes usque: ab Ortu, ultra Vistulam Prussos continet: Septentrionalis limes est Oceanus. Suntque Germanicæ Ditionis præcipuæ & primariæ partes, quæ sub hoc titulo cum minoribus subjectis aut conjunctis describuntur: Regna, Bohemia, Electoratus: ac Poloniæ Regnum, etsi alterius quam Germanicæ sit linguæ, nec in Imperii matricula comprehenditur, tamen quia intra veteris Germaniæ limitem Vistulam fluvium est situm, Germaniæ tabulis apponemus. Hungariæ Regnum, quod extra veteris Germaniæ limites situm est, quia multos insignes Imperatores dedit, & pluribus sub Imperio sitis regionibus dominatur, Germaniæ quoque adjungemus. Ducatus: *Saxonia Superior Electoratus, Austria Archiducatus est. Ducatus Holstein, Mecklenburg, Pomeran, Lunenburg, Lauvvenburg, Brunswick, Meissen, Schleßen, Moravia, Cleve, Berge, Franconia, sive Francia Orientalis, Bavaria, VVirtenburg; Suevia Comitatus: Palatinatus Rheni Electoratus, Palatinatus Bavariæ; Landgraviatus, Hessen, Düringen, Superioris & Inferioris Alsatia. Marckgraviatus Brandenburg Electoratus, Baden. Comitatus, Embden, Oldenburg, Bentheim, Lip, Diepholt, Huy, Mansfeldt, Anholt, Stolberg, Twol. Livonia* quia Ger-

manis subest, inter Germanicæ Provincias recensetur, sed quia latius intra Sarmatias recedit, inter illas describitur. Situ exposito in medium prodit qualitas: cujus causa plurimum in climate, situque cœlesti. Subest Germania Sexto, Septimo, Octavo climatibus, inter Gradus, Latitudinis quidem XLVII & LV: Longitudinis autem inter XXIV & XLVI. Maximus dies Æstatis in Australi Parallelo horarum est quindecim cum dimidia: In Boreali horarum septendecim cum quadrante. Licet autem Cornelius Tacitus Germaniam asperam cælo scribat, atque apud Germanos perpetuas esse hyemes memoriæ prodat Seneca: cælo tamen satis clementi gaudet ac temperato, frigidiore quidem, sed ad sanitatem & robur conferente. Solum hordeo, tritico, siligine, farre, milio, avena, ac omni frumentorum ac leguminum atque obsoniorum genere sæcundum: campi uberes, prata læta. Optanda est ubique ubertas soli, ac frumenti magna copia. Germania dives quoque variis in locis, preciosissimis Argenti, Æris, Ferri, Plumbi, aliorumque metallorum thesauris: atque alibi etiam Auri: metallorum fertilitate nullis cedit terris. Sunt & Salis præstantissimi nobiles fodinæ plurimæ. Veteri quoque Germaniæ à Plinio tribuuntur lapides, Cadmia, Callais, Crystallus, Onyx, Topazius, Adamas & Ceraunius; herbæ, Corrua & Britannica. Mille hic jam hortorum ac villarum deliciæ; nulla viridaria pomariave magna pomorum ubertate scatentia desiderantur. Quid vina commemorabo, optimi saporis odorisque? Passim quidem admodum generosa leguntur, aliis tamen & aliis locis præstantiora. Varii præterea generis videre hic est animalia, magnamque pecudum & ferarum-

Anima-
lium va-
rietat.

rum copiam, quibus recensendis omnibus ne tempus teram, abstinco. Scribit C. Julius Cæsar multa in Sylva Hercynia genera Ferarum nasci, quæ reliquis in locis visa non sint: ex quibus quæ maxime, inquit, differant ab cæteris & memoria prodenda videantur, hæc sunt: Est bos cervi figura, cuius à media fronte inter aures unum cornu existit excelsius, magisque directum his quæ nobis nota sunt cornibus, ab ejus summo sicut pluma ramique late diffunduntur; est femina marisque natura eadem forma, magnitudoque cornuum. Sunt item quæ appellantur alces. Harum est consimilis capris figura, & varietas pellium, sed magnitudine paullo antecedunt, mutilæque sunt cornibus, & crura sine nodis articulisque habent, neque quietis causa procumbunt, neque siquo afflictæ casu conciderunt, erigere sese aut sublevare possunt. His sunt arbores pro cubilibus, ad eas se applicant, atque ita paulum modo reclinatæ quietem capiunt: quarum ex vestigiis quum est animadversum à venatoribus, quo se recipere consueverint, omnes eo loco aut à radicibus subruunt, aut abscindunt arbores, tantum ut summa species earum stantium relinquatur: huc cum se consuetudine reclinaverint, infirmas arbores pondere affligunt, & una ipse concidunt. Tertium est genus eorum qui uri appellantur; hi sunt magnitudine paullo infra elephantos: specie & colore & figura tauri. Magna vis est eorum, & magna velocitas: neque Homini neque Fera quam conspexerunt, parcut: hos studio se fovens captos interficiunt. Hæc ille. Ad Imperium Majorum venio: SACRA ROMANI IMPERII SEDES, quæ in Occidentè Orientemque divisa variis multarum gentium excursionibus labefacta, diffidiis lacerata, mole sua ruinam minitabatur, relicta Italia, non alia potius regione, quam Germania, præsidium, robur, salutem quæsit, electo in Imperatorem Carolo Magno Francorum Rege, quem Ingelheimii (pagus est secundo

Imperium
Majorum.

milliari à Moguntiaci) natum ferunt, atque ibidem nobile exstruxisse Palatium, cujus rudera adhuc viscda sunt. Mansit Imperium in stirpe Carolina annos cætum, & quod excurrit: quæ deficiente translatus est ad Conradum Franconia Ducem: quem Henricus Auceps sequutus est: hunc Ottones tres: quorum ultimus quum intelligeret Romanos Crescentio Consule rursus adfectare Imperii titulum, coactio exercitu Romam cepit, impetravitque à Gregorio Pontifice, ut jus eligendi Romanum Imperatorem perpetuo apud Germanos permaneret. Impetravit autem hæc lege, ut electus primò vocaretur Cæsar & Rex Romanorum: postea vero accepta à Pontifice corona haberet titulum Imperatoris Augusti. Electores constituti sunt septem: è quibus Archiepiscopi tres; Quatuor Principes quos vocant seculares: ab his post excessum Ottonis primus lectus est in Imperatorem Henricus cognomento Sanctus. Eandem electionis formulam postea Imperator Carolus IV in Bullam auream, quæ hodie exstat, redegit. Insequentibus temporibus varia officia in Germania constituta sunt, ad augendum Imperii decus, de quibus Mercator Germanorum fortitudinem Tacitus qui sub Vespasiano Præses Belgarum fuit, brevi ornat elogio: Nemo bellum Germanis (inquit) intulit impune. Expertæ id quondam tres sub Augusto Legiones superatæ. Experti Carbo, Cassius, Scaurus, Aurelius, Servilius Cæpio, Manlius, magni Imperatores, quos modo casos, modo fugatos vidit Germania. Ac Rhythmi veteres noti sunt:

Welcher im Krieg wil unglück han/

Der sang es mit den Teurschen an.

Fortes vocat Iosephus, Martiales Dionysius, Bellaces

Zz

Arri-

Major
virtutis

*Fluvium
nomina.*

Flumina.

Arrianus. Germano nihil animosius, nihil ad incursum acris, nihil armorum cupidius est, teste Seneca de ira. Est porro hodie Germania regio, adeo amœna, adeo pulcherrimis nitidissimisque urbibus, castris ac pagis exornata & exulta, ut non Italiæ, non Galliæ, non Hispaniæ ipsa cederet. Civitates libere in ea numerantur xxxi v: inter quas Colonia Agrippina, VVirttembergæ, Lubekæ, Luneburgum, Francofurtum, Brema, Lipsiæ, Spira, Argentina, Friburgum, Augusta Vindelicorum, Tubingæ, Heidelbergæ, Ratisbonæ, Vienna, Praga, Buda &c. de quibus suis locis. Tot etiam ac tantis Germania (ut de lacubus & paludibus, quibus eâ abundare frequentibus testantur Veteres, nihil dicam) irrigatur Fluminibus: ut etiam hac parte facile cum optimis regionibus certare possit. Hujus Fluviorum crebritatis causâ indicat Seneca lib. Natur. Quæstion. III. At contra, ait, constat Germaniam Galliamque, & proximè ab his Italiam abundare rivis, & fluminibus; quia Cælo humido utuntur, & ne æstate quidem imbribus carent. Fluvii autem Germaniæ celebriores sunt Danubius, Rhenus, Amasis, Mœnus, Neccarus, Albis, Suevus, Visurgis, Vistula. Danubius Ptolemæo & cæteris: Ister quoque Plinio & Straboni dicitur. hic horum nominum mutationem ponit ad ejus cataraclas: ille ubi primum Illyrium alluit; Ptolemæus ad Axipolim urbem: Appianus ad Savi fluminis cum eo confluentiam; ita ut superior pars Danubius; inferior verò Ister vocetur. Stephano Μαῖνός quondam dictus fuit: item Danubius, & Danusis: Addubanus nominatus apud Festum, nisi locus depravatus sit. Antiqua Numif-

mata Daunivius legunt: Dene & Donavv hodie appellatur, ab undarum sono & strepitu, ut habet Althamerus. Hunc secundum Nilum amnium maximum qui in Mediterraneum pelagus fluunt, Sallustius scripsit, ac Fluviorum maximus. Arriano lib. i de rebus gestis Alexandri dicitur. Oritur in silva Hercynia, in pago Don Eschingen ex terræ visceribus magna scaturigine ebulliens. Veteres vocant montem, unde prodit, Abnodam, quantum itinere unius horæ, ut scribit Munsterus oculatus testis, nullus mons ad scaturiginem ejus pertingit: sed effunditur copioso aquarum meatu & nunquam deficiente, ex colliculo quodam cujus eminentia vix habet xv aut xvi cubitos, id quod se diligenter lustrasse addit. Hujus fontem Tiberius visendum sibi existimavit. Herodotus è Pyrenæis jugis oriri credidit, cujus fidem Aristoteles sequutus est in Meteorologicis. Pyrenæos istos Maginus ponit in Germania ut errorem excuset gravissimorum Scriptorum. Fonte suo prolapsus, divagatur iu palustria, mox in alveum receptus & subinde allabentibus rivis auctior, multas gentes, Suevos, Panonias, Dacos, Bulgaros adit, donec sexaginta amnibus receptis, medio numero navigabilibus in Mare Euxinū evolvitur, Ostiis ut Dionysius, Strabo, Herodotus prodiderunt, v: ut Plinius vi; ut Ammianus & Solinus vii: tanto impetu & undarum copia, ut xl millium passuum longitudine, intra amaras Maris undas, dulcem exhibeat haustum quærentibus. Et constat ab ultimis nostris finibus Maris, agminatim pariendi gratia petere Pisces, (Ammiani

(Ammiani verba sunt) *ut aquarum suavitare salubrius factum educant, nec intercipientur.* Super hunc fluvium Trajanus Nerva Pontem miri operis in Mœsia construxit, quem denuo Adrianus demolitus est, Dionē Cassio referente. De Danubio Georgius Fabritius in quodam itineralio suo sic:

--- Ister,
*Qui centum populos & magnas alluit urbes,
 Euxinum irrumpt bis terno flumine Pontum.*

Nam in Mare tandem pleraque Flumina celebriora omnium terrarum deferuntur, quod etiam Ovid. l. iix Metamorph. hoc versu prodidit:

In quo desinimus, sacri in quo currimus amnes.

Rhenum secundo loco nominavi, ab Cæsare aliisq; nobilitatum: hodie *Rheyn*. Hic è Lepontiis, ut Cæsar, ex Adula monte summæ Alpium brachio quodâ, vulgo *Etzel* dicto, sicut Strabo & Ptolemæus voluerunt, è Rhetia, ut Claudianus, oritur. *Rhenus* autem initio ex Alpibus (ut sentiunt Strabo & Ptol.) sumpto, ab Orientali quidem earum parte ubi Adulæ monti conjunguntur, populique Lepontii habitant, duobus nascitur fontibus, unius, ut minimum, diei itinere, propter montium juga distantibus. Altero magis Occiduo magisque Septentrionali, qui *anterior Rhenus* vulgo: altero magis Orientali magisque Australi, qui *Rhenus posterior* adcolis dicitur. Hi tædem confluunt, & efficitur è duobus fontibus tædem unus *Rhenus*, qui prope à capite duos efficit lacus, *Acronium* sive *Constantiensium* à Constàtia ad eum sita, de quo in Helvetiæ descriptione: alterum *Venetum* hodie *Cellensem*, à Cella oppidulo, omnis generis piscibus abundante. Hinc conversus ad Occasum oppidum

Rheynfelden alluit, eundemq; tractum Basileam usq; sequitur: ibi verò profusus ad Septentrionem convertitur, donec Argëtoratum attigerit: inde multas regiones interluens, urbibus multis lustratis, amnibus ubique magnis & exiguis receptis, *Spiram*, *Vormatiam*, & *Moguntiam*, altus admodum & tumidus pervenit. Hinc ad Occasum conversus *Bingium* alluit. Inde ad Cæciam vergens, tergo *Confluentia*, *Bonna* & *Colonia* relictis, demum circa initium agri Baravi (qui locus nunc Clivici juris est, & *Lobeco* verusta arce & telonio nobilitatur) scindit se bifido cursu in diversâ labens: quam divisionem eleganter Mamertinus *Divortium*, Frontinus *Divergium* amnis nominant, ille à divertendo, hic à vergendo in diversum. Apud Lobecum igitur bipartito cursum suum dividit, ita ut pars altera *Rheni* nomine appellata *Arenacum* recta petat urbem Geltriæ primariâ. Inde non multum sinuosus mæandris flexuosis *Vadam*, ab eo se flecit *Rhenam*, *Rimmes* Tacito nominatam: hinc *Batavodurum* decurrit. Inde *Rhenus* mutato nomine *Lecca* dici incipit, quodam rivulus elicitur potius cognomen tunc dicendus: at nunc revera è rivo flumen factus. *Culenburchum* & *Vianam* præterlapsus, lustrataque *Schoonhovio*, in Merovan amnem, priusquam Mosæ nomen induat, se effundit. Pars *Rheni* altera ad lævam se flecit, & *Neomagus* urbem antiquâ prætexit, urbisq; mœnia areamque navalem radit, *Vahal* jam nomine clarus: longoinde agmine *Tielam* pergit: istinc anfractuoso meatu *Bomelium* ad lævâ relinquit, deinde non procul *Worricomio* Mosam accipit, mox apud *Goricomium*, Lingæ amnis incredibili lenitate segnis incremento auctus, *Merovæ* nomen accipit, à *Merovæ* ortu arce: quam ubi

Zz 2

præterierit,

præterierit, Durdrechtum nobilissimam ex urbe insulâ prælabitur: demum receptis Leeca & Isala Rhēni brachiis, Iselmondamp præterfluens, sub Roterodamo Mosâ appellari incipit: ubi recedentibus latius terris, vasto jam ore Sciedamum & Vlaeringam ad dextrum latus relinquit: deinde Gervlietum oppidum & Briela à leya præterlabitur, ibiq; mox Oceano miscetur. *Amasius* Prol. *Amasius* Strab. *Amisia* Tacito, *Amisus* Plinio & Pomponio, hodie *Eems*. Hic paullum infra Paderbornam Westphaliæ urbem caput fontesve suos ducit, atque ad Cæciam conversus, Varendorpium, Grevam, Rhenam, Lingham perlabitur: inde Meppenium & Nebuissum pergit: hinc in Septentrionalem Oceanum exiens apud Embdam Chaucorum minorum Emporium, nomen illi suum mutuatur, *Eems* dictus. Quartum locum tenet *Menus* Plinio, *Manis* Pomponio, *Menus* Ammiano: hodie *Meyn*. Hunc Regino Historicus, & ejus temporis Scriptores *Mogonum* vocant. Fortean Iulia flumen est apud Velleium Paterculum. Nisi pro Iulia *Lupia* apud hunc legendum, ut viri docti quidam suspicantur. Oritur ex monte qui *der Fichtelbergh* dicitur, & Bambergam, Herbiopolim, Werthemiam, & Frâcofordiam, quæ inde ad Mœnum dicitur, præterlapsus, juxta Moguntiacum Rheno miscetur, Germanosq; inferiores à superioribus cis Rhenum dispescit. Ejus litteræ Græco computo efficiunt ccc lxxv, totidem quot sunt in anno dies. Quintum in locum venit *Neccarus*, unde vina Neccarina optima & laudatissima, antiquis *Nicer*, teste Rhenano: fontes habet duarum pænè horarū intervallo distantes à Danubio, lapsusq; per agrum *Wirttembergicum* Rheno recipitur supra *Heidelbergâ*. *Albis* sequitur amplissimum Germaniæ flumen, quod Sue-

vos à Cheruscis (ira enim legendum censet apud Vrbium Sequestrum Iunius pro Cerveciis) dividit: Velleius Semnonum atque Hermundurorū fines præterfluere testatur. Tacitus in Hermunduris Albin oriri flumen inclytum scribit, at Conradus Celtes ex Hercynio inter Bohemos. Multas urbes claras præterlapsus tandem inter Chaucos minores & Cimbroso Oceano insinuat. Hic est cujus in crepidine mulieris species humana amplior, Drusum compellās, pergere ulterius vetuit, Dione & Tranquillo referentibus. Barbari seculi Scriptores Latini *Albiam* vocant: Germanis *Elbe* dicitur. Bohemis verò apud quos originem sumit, *Labe*. Nomen habere à numero indicat Fabritius in suis Rerum Misnicarum libris, fontium nempe xi, ut Bohemi, sive, ut Saxones dicunt, tot annium influentium. Oritur enim, ut idem tradit, in tractu Hercyniæ silvæ, qui à Gigantibus nomen habet, vulgo *Risenberg*, ex xi (quorum singula nomina adjicit) fontibus: qui tandem conflati, Albim fluvium conficiunt: *Elve* & *Elbe* Germanis xi significante. *Suevus* septimo loco est, quem alii *Viadrum* nominant, qui corrupta deflexaque voce *Odera* dicitur, quod ex Oderbergo monte cognomine fontes trahat ad Marcomanniam sive Moraviam: qui multorum annium accessione auctus Francofordiam Gymnasio celebrem præterlabitur; tandem postquam hinc Stetinum Sidenorum sedem, maritimum Emporium, illinc Caminū urbem Episcopalem prætexuit, ibi lacu ingenti effecto in Germanicum Oceanum eluctatur. Nam qui *Spream de Spree*, (qui inter nobiliores quoque amnes habetur, & Brandenburgum inclytam Marchionum sedem prætermans, apud Haveloburgum in Albin decurrit) Suevum esse autumant, erroris comperti sunt, quorum è numero

è numero est Bilibaldus, qui in Oceanum abire Spream juxta Sundam maritimam urbem scribit. *Visurgis* sequitur, vulgo de *Vveser*, Variana clade nobilis, ut Paterculus ait, Dionisius *origen* lib. 55. Hunc Ovid. *Iturgum* videtur appellasse eo versu, *Decolor infesta testis Iturgis aqua: Visurgis* Ptol. *Bisurgis* Straboni, *Visuris* in Adami Historia Ecclesiastica, *Vesatis* Sidonio. Hic ex Hassia venit, & juxta Mindensem, Werdensensem, Gottingensem ac Bremensem Civitates præterlapsus, *Vesera* nomine notior in Oceanum defertur. Vltimum *Vistula* dedit locum, sive *Istule*, quem etiam Bilibaldus *Vandalum* nominat. Hic Germaniæ terminus, quod ultra eum Sarmatiam Europæam Ptolemæus collocet: Jornandes Scythiam, qui Sarmaticis jugis decurrens, Cracoviam Polonici Regni Metropolim, alluit, auctuque fluminum vastus in trina se fundit Ostia: hinc Gedanum (ea vox Heneto idiomate præsidium Danis objectum signat) nobilissimum emporium Dantisci nomine notius: inde Elbingam Prutenici Borussorum Reguli Academiam: tertio Locstetū oppidum præterfluit, sicque trifido agmine in Venedicum sinum effunditur. Sunt & alii complures nobiles fluvii, qui vel in Mare vel in grandiore aliquem fluvium deferuntur, quos ne prolixior sim, prætereo. Ad mare quod à Germania Germanicum dicitur, transeo. Cum enim Germaniam universam hac descriptione exhibeamus, de Mari quoque ejus littora alluente nonnulla subjicienda videntur. Cæterum cum de Mari universum fusiussalibi, & proximè in generali Belgicæ descriptione egerimus: pauca de æstu Maris, quæ loci angustia prohiberi ibi addere non potuimus, præfati: nonnulla Germanici Maris propria enumerabimus. Oceani æstus excitare Lunam, causamque reciprocandi illi præbere, nunc constat inter omnes. Quæmodum verò Luna varias in

motu vices sustinet, ita etiam dissimilibus vicibus agitantur æstus. Nam Lunam sequentes bis inter duos ejus exortus adfluunt, bis refluunt, vicienis-quaternis semper horis: hoc est, Maria singulis diebus naturalibus bis inundant, bis recedunt: intumescencia, adscendente Luna supra Horizontem ortivum: relabencia vero, ipsa ab Meridiano fastigio in Occasum vergente: iterum exurgencia, recedente subter ima cœli Luna, partemque meridiano contrariam accedente: hinc subsidencia, donec iterum exoritur. Vtrem Luna non semper eodem tempore neque loco oritur: sed assidue aliunde, quam pridie, prodit: sic nec æstus statis horis recurrunt, sed illo tantum tempore, quo ipsa iter facit per cœli cardines. Hoc etiam notandum, Lunam aliter Maria movere, quum plena: aliter, quum dimidiata. Major enim vis lumini copioso, quam debili & velut extincto. Notamostatibus Plenilunii tempore vox, *Sprinckyloedt*, quasi æstus altius solito exsiliens. Non minus verè, quam eleganter Agellius lib. xiv, Oceanum quasi Lunæ comitem, cum ea simul & senescere, & adolescere solere, scribit. Configurationes quoque nonnullius hic momenti. Luna enim, si Venerem, dicis gratia, in idoneo aspectu respiciat, & humidas percurrat mansiones, accessum Maris præter solitum augeat: sin Martem & siccas permeet, minuit. Observanda & hic adscensio Signorum. Luna enim si fuerit in Signis rectarum Adscensionum, longiore tempore producit æstus: quam si in obliquarum. Hoc namque animadversum viris magnis, nunquam accessus recessibus pares esse temporis duratione: nisi quum Luna in Signis Æquinoctialibus sine latitudine. Neque hoc silentio prætereundum, alias aquarum partes magis vi luminis & radiorum corporis Lunariorum adfici, quam alias: vel ob rectitudinem radiorum, vel

vim quandam aliam occultiore. Quin & alia efficacia radios suos in aquas demittit Luna, si Septentrionalis, alia, si Meridionalis, hic enim accessus auger in littoribus Meridianis, ibi in Septentrionalibus. Cæterum æstus marini aliis aliisque locis manifestiores, obscurioresq; aut pænè nulli sunt. Nam ut de nostro hoc Germanico Mari non nihil dicamus, certum est æstus in eo vix ullos percipi, intra sinum Balthicum & locis circumvilcinis, nisi quantum ventis concitatum nunc in hanc nunc in illam partem undabundum rapitur. Circa Belgium autem æstus intensiores sunt, præsertim Coro flante, quando altius intumescit: neque usquam latius dominatur Mare, multum fluminum huc atque illuc ferens, nec littore tenus accrescit aut resorbetur, sed influit penitus atque ambit. Cumque Hispanicus Atlanticusque Oceanus profunditatis pænè sit imperforabilis, ita ut demissa bolis ad ccc aut cccc orgyas necdum fundum pertingat, Germanicis tamen plerisque locis lx tantum cubitis depressus esse compertus est, aut vix usquam centum cubitorum altitudinem excedere, præterquam Norvegicis littoribus nonnullis, ita in immensum abruptis profundisque, ut impervestigabilis censetur profunditatis. Insuper & hoc memorandum, quod, quum reliqua Maria pænè omnia aquis constent amarissimis ac falsissimis, hoc nostrum Mare tam intensam falsedinem secum non ferat, idque ob divitem maximorum fluminum è Sarmaticis montibus influxum, quodque Soliis locis imbecillior videatur, quàm ut id quod limpidius leviusq; est aquæ substantiæ, elevare queat, quam causam nonnulli adferunt præcipuam falsedinis Maris. Quæ si sufficeret satisque esset idonea, Amalchium quoque & Chronium mare falsedinis expers foret, cujus contrarium cōtingit. Quare liquefactæ nives potius, dictiq; fluvii è

Sarmaticis montibus profluentes, id Mare dulcius limpidumq; reddunt. Vnde illud quoq; emergit, cur facilis reliqua Maria onerarias naves pōderibus maximis onustas sustineant, quam id de quo agimus. Solent quippe falsa Maria plus oneris ferre ob aquæ crassiorem substantiam, tenuitas siquidem levissimis pōderibus pervia est. Natatio quoque in hoc Mari facilior, quam in cæteris. Nauseam tamen navigantibus contingere solitum, vomitumque excitat majorem, ob vehementiores motus, quibus modò ad æthera usq; attolli, modò in imum usque infernum deprimi videtur. Varias hoc Mare pro locorum varietate sortitur appellationes. Dicitur enim *Oceanus Germanicus* à vicina quam alluit Germania, & à Gallico Britannicoque qui Occidentalis est in Orientem Sarmatiam usque porrigitur. Dicitur & *Mare Septentrionale*, *Arcticum*, *Cineticum*, *Balthicum*, *Codanum*, *Suecicum*, *Vandalicum*, *Scythicum*, *Sarmaticum* &c. Atq; hæc de Mari pro hujus loci angustia paucis sint dicta. Non desunt *Montes* Germaniæ montes, inter quos nominatissimi sunt, *Rolbergus*, *Mons Isidis*, *Melibocus*, *Pinifer*, *Hessus*, *Ostbergus*, *Senus*, *Suevus*, *Pavonis*, *Rheticus*, *Sprulius*, *Vocetius*, *Vosagus*. Sunt & *Silva* plurimæ, longè autem maxima *Hercynia*. *Silva Hercynia* optimi & maximi quique autores cum Latini, tum Græci meminere, Pomponius Mela qui eadem fere cū Cæsare disserit, Strabo lib. vii aliquantum diversa, Plin. item multis in locis. Ejus cum sint haud dubie lata cornua, & varii tractus, ipsa tamen intra Germaniam, quod ad Occasum & Meridiem attinet, continetur. Ideoque Arduennam silvam ut illius partem neutiquam adnumeraverim, inquit Glareanus, quod quidam nostra ætate temerè fecere. Cæsar lib. vi Com. de bel. Gal. scribit lx dierum spacio extendi; secundum latitudinem autem novem dierum iter expedito patere. Adsciscit sibi hac nostra

stra ætate varia nomina : alicubi enim *Nigra Silva* à Pinuū immensa vi, *der Syvartz VVald* : alicubi *Ottonis* à venerationibus Imperatoris Ottonis in illa silvæ parte frequentibus : à populis etiam, quos adit, nomina mutatur, unde *Thuringica* & *Bohemica* dicitur. Apud solos autem Cheruscos hæcenus constanter retinet nomen suū vetus, veteribus Græcis atq; Latinis Scriptoribus celebratum *Hercyniæ Silvæ*, *der Hartz VVald*, à refina, *Hartz* enim vocant refinam & Galli & Germani. Meminit hujus Silvæ etiam Pandolphus Collenurius Pifauriensis in descriptione Germaniæ, his verbis : *Silva Hercynia ad Dacos & Getas diversa sibi nomina sumens defertur, donec ad extremos Tartaros perveniat, ubi obscura silvæ nomen accipit, ignotiq; sinibus, itinerebusque impervia, & ob Ferarum immanitatem, & monstrosos Faunorum terrores penitus inaccessa*. Sed de his factis, ad alia pergo. Sequuntur Opera publica & privata : inter quæ, ut infinita prætereant, templum Argentoratense celeberrimum elegantissima structura, præcella turri conspicuum nequaquam silentio prætereundum. Inter totius enim universi miracula, non merito octavum obtinet locum. Cœptum est autem augustissimū hoc templum jactis fundamentis ædificari anno Christi cxxv. Anno autem Domini cxcclxxvii sub Episcopo Conrado à Liechtenberg. Erkuinus à Steinbach Architectus turrim exstruere cœpit, opus nobile & ingēs, cujus simile nec in Germania, neque in Italia aut Gallia reperitur : quæ xxvi annis fere usq; ad fastigium consummata. Hæc ab ipsis fundamentis usq; ad supremum culmen quadris & pulchrè figuratis lapidibus est erecta. Vbique aëri & vento est pervia, paterque ascensus ejus quatuor cochleis. Vbi vero crassities ejus in fastigium incipit aëminari, ibi octo consurgunt cochleæ. Sum premus nodus, qui inferius vix modū magnitudinem

habere videtur, tantus est, ut capacitas ejus recipiat quinque aut sex homines. Longitudo ejus habet pedes Geometricos 10 LXXIV. Est & horologium artificiosissimum atq; in primis admirandum. Et ad statum Ecclesiasticum Germaniæ quod attinet, Archiepiscopus atque VII per Germanicum Imperium numerantur, quorum provinciæ, excepta Livonia, sub hoc titulo describuntur. Sunt autem *Moguntinus Mentz*, cui XII sub sunt suffraganei, *Curia Chur*, *Constantia Costnitz*, *Argentina Strasburg*, *Spira*, *VVormacia*, *Herbipolis VVurtzburg*, *Augusta Aufburg*, *Ayflott*, *Hildeshaim*, *Paderborn*, *Halberslatt*, *Ferden*. *Coloniensis Colen*, v habet suffraganeos, qui sunt, *Monasteriensis* olim *Mimigardevordensis*, *Trajectensis* *Vtrecht*, *Leodiensis* olim *Tungresis*, *Mindensis* *Minden*, *Osnabrugensis* *Osenbrug*. *Trevirensis Trier*, cui III suffragantur, qui sunt *Metensis Metz*, *Tullensis Toul* in Lotharingia, & *Verdunensis*. *Magdeburgensis Meydurg*, primas Germaniæ, cui sub sunt IV, *Morsenburgensis Morsburg*, *Naumburgensis Naumburg*, sive *Ciczensis*, aut *Mamillensis*, *Brandenburgensis* & *Havelburgensis*. *Salisburgensis Saltzburg*, IX habet sub se Episcopos, qui sunt, *Tridentinus Trent*, *Brixienfis*, *Pataviensis Passavv*, *Frisingensis*, *Viennensis Vienna*, *Sekoviensis Seckavv*, *Gurcensis Gurcx*, *Laventiniensis Lavenmund*, *Chiemenfis Chiems*. *Bremensis*, cui VI sunt suffraganei, *Lubecensis*, *Suerinensis*, *Lebusinensis Lebus*, *Schlesvicensis*, *Ratzenburgensis*, *Hamburgensis* olim Archiepiscopus. *Rigenfis Riga*, habet IV sub se, qui sunt, *Revaliensis Revel*, *Curienfis*, *Oesfeliensis Oesel*, *Derptensis*. Liberi & exempti Episcopi sunt *Misnenfis*, *Babenbergenfis Bamberg* & *Ratisponensis*. Academiæ Merc. numerat *Basiliensem*, *Coloniensem*, *Dillingensem*, *Moguntinensem*, *Marpurgensem*, *Lipsiensem*, *Ingolstadiensem*, *Heidelbergensem*, *Gripswaldensem*, *Eriburgensem* *Eriburg Brisgojæ*, *Francofurtensem* ad Oderam, *Erphordensem*, *Pragensem*, *Rostochiensem*, *Coningsbergensem*.

Opera publica.

Stratus Eccl.
lefasti-
cns.

Schale.

Studiis
celebres
viri.

Mores.

sem, Treverensem, Tubingensem, Viennensem, Breslaviensem, VVirttembergensem & Herbipolensem : ex quibus tanquam ex multis equis Trojanis innumeri viri eruditissimi exierunt. Testantur id permulti, omnium artium genere instructissimi, testantur linguarum Græcæ, Latinæ, Hebraicæ peritissimi, hic disertī Oratores, hic acuti disputatores, hic absoluti Arithmetici, hic Astronomi exactissimi inveniuntur: Geometras vero nulla Europæ vel Orbis Regio magis consummatos dabit. Taceo medicinæ accuratam cognitionem, atque alia id genus. Nunc ad Mores venio. Germanis in universum ab auctoribus corporum moles & firmitas tribuitur: truces & cærulei oculi, rutilæ comæ, magna corpora, & tantum ad impetum valida, à Tacito: immanes vocat Hegesippus & Plinius; truces & feroces Sidonius; superbos Pausanias & Cassiodorus; immites Appianus; Barbari, perfidi & simulatores dicuntur à Cæsare: in summa feritate versutissimi, natiq̃ue mendacio, à Paterculo. Sincerius qui inter hos vixit Tacitus, dicit milites hujus atrocissimos & lætam bello gentem, sed minimè astutam nec callidam, aperientem secreta pectoris, atq; detectam omnium mentem, & fidei commissæ patientiorem. Item Julianus Imp. in Misopogone dicit se experientia didicisse gentem esse quæ adulari nesciat, sed libere ac simpliciter cum omnibus vivere. Natura temperatos & placidos moribus hos esse docet, ex regionis quam incolunt qualitate, Ptol. II. Quadrip. Quod ad Religionem attinet, qua mentes hominum velut illigantur tenenturq; præsumpto numinis metu, Germani *Sacrificiis*, ut scribit Cæsar, *non student; Deorum numero eos solos ducunt quos cernunt & quorum opibus aperte jvantur*:

Solem & Vulcanum & Lunam. Postea tamèn, ut patet ex Tacito qui vixit sub Imp. Nerva, alios sibi quoq; Deos adscivere: ut Mercurium, Herculem, Martem, Isidem & matrem Deorum: itèm Alcim quendam. Idem Tacitus addit, hic quoque Velledam & Auriniam loco numinis fuisse. Tanfanæ templi apud hos quoque meminit dictus Tacitus, qui & Suevos Terram Matrem colere ait, quam *Aertham* (ut legit Lipsius) vocant, ut hæcenus, *Aerde*. At his nulla simulachra, Sacras quasdam mulieres, quas fatidicas Tacitus, vates vocant Agathias & Polyænus, eos etiam habuisse, docet Plutarchus, & ex eo Clemens Alexandrinus: quæ ex fluviorum sonitu, vorticibus, ac circumvolutionibus futura prædicebant. Ælianus eos etiam per aves, viscera, signa & omnia, futura prædicere, annoravit. Maximè vero Mercurium sive Teutatem coluerunt, ab humanis non abstinendo hostiis, teste Tacito. In pace nullus communis erat Magistratus, tempore autem belli qui ei præessent deligebantur. Omnis vita in studiis rei militaris: neque latrocinia ullam habere infamiam apud Cæsarem legimus. Et ut placet Senecæ, armorû illis una cura: his innascuntur, his innutrientur. Si patria, teste Tacito, longa pace torpeat, eas nationes ultro petunt, quæ bellum aliquod gerunt. Conducunt matres, pignora & uxores, quæ pugnantibus hortamina & cibos gestat: nec plagas exfugere pavent. Prælium cantu, sono armorum, tripudiisque incipiunt. Scurum in eo reliquisse, præcipuum flagitium: ita ut multi ex bello superstitēs, infamiam laqueo finierint. Hos fluvios tranare, ajunt Dion & Herodotus: levitas enim armorum & proceritas corporum, eos teste Tacito atrollit. Eos mortis contemptores,

ptores, persuasione futuri in vitā redivit, apud Appian. legimus. Severa his matrimonia, singulis uxoribus cōtenti sunt: exceptis admodum paucis, qui non libidine, sed ob nobilitatem plurimis nuptiis ambiuntur. Paucissima adulteria: quorum pœna præsens hæc: accisis crinibus nudatam coram propinquis expellit domo maritus, ac per omnem vicum verberare agit. Sic Tacitus. Sua quemque mater uberibus alit, neque ancillis & nutricibus delegantur. *Hospites violare* (inquit Cæsar) *fas non putant: qui quaque de causa ad eos venerunt, ab injuria prohibent sanctosque habent: iis omnium domus patent victusque communicatur. Nemo apud Germanos, inquit Tacitus, vitia rideret, nec corrumpere & corrumpi, seculum vocatur. Plusque ibi boni mores valent, quam alibi bona leges. Major pars victus eorum, Cæsare memorante, in lacte & caseo & carne consistit.* Non alia pulte quam ex avena vivere, Plinius testis est: in egestate crudis contentos, Appianus. Crudis etiam carnibus vesci, addit Mela. In prandio, auctore Athenæo, adferunt carnem membratim assam & superbibunt lac vinumque merum. Cibi simplices, recens fera, agrestia poma, aut lac concretum. Potus humor ex hordeo aut frumento est, Tacito. Neque ulla gens in hospitibus aut convictibus effusius indulget. Quemcumque mortalium arcere recto, nefas habetur. Sed, ut nemo sine vitio nascitur, diemque noctemque continuare potando, nulli probum. Quod ad vestitum, Tegumen, in-

quit Tacitus, *omnibus sagum, fibula, aut si desit, spina confertum*, qua refixa refibulatave difflebar de humeris sagum. Idem Germanos non fluitante veste, sed stricta artusque singulos prope exprimente & quasi corpori assuta, dicit fuisse usos, qualem & Francis dat Sidonius oculus testis. Idem Fœminis habitus qui & Viris. Tunicae erant illis striatae, rusticis etiamnum apud nos alibi usitatae: ferarumque pelles in honore & usu fuere. Quondam etiam Germani corpore quidem robustissimi, animo vero rudes & ad artes inepti fuere. Nunc vero omnis generis opificia studiosè & cum laude exercent: & (ut vulgares omittam) spectat æris fundendi cudentique peritiam, spectat metallorum tractandorum scientiam & similes artes. Hæc primum machinas tormentaque ahenea invenit, prima Typographiam nostro Orbi dedit: prima horologiorum confectionem demonstravit: denique ita Germania omnium artium asylum facta est, ut nullam elegantiorum scientiam admiserit aut artem, quam non exornarit, auxerit, poliverit, multas vero ipsa invenerit. Larga etiam manu confinalibus suis aliisque remotioribus populis subministrat vina præstantissima, aurum, argentum, cuprum, stannum, plumbum, argentum vivum, vitriolum, alumen, colores pictorum varios, lamellas, frumentum, cunctaque fabrilia ex ferro & cupro, aliasque merces.

Opificia.

Mercimonia.

HACTENUS in genere Germaniam descripsi : postulat methodus ut speciatim & per partes eam perambulem. Primo loco se offerunt in hac Tabula Comitatus duo, Membra Imperii i Circulo VII Westphalico, Embdanus & Oldenburgensis. Comitatus Embdanus appellationem ab Vrbe primaria habet: nunc etiam *Frisia Orientalis* dicitur: non aliam, ut videtur, ob causam, quam quod Frisiis contermina. Non enim locum hunc *Frisii* olim, sed *Chauci* tenuere, quos duplices commemorant Plinius & Ptolemæus, Majores & Minores. Majores sunt qui Bremensem Episcopatum incolunt: Minores sunt Embdani & Oldenburgenses. Siquidem inter Amisim & Visurgim etiam Ptolemæus sedes illis constituit. cujus verba sunt: *Cauchi* Minores ad *Visurgim* amnem extenduntur, at *Majores Cauchi* ad *Albin* usq;. *Chaucos* ita describit Plinius lib. xvi cap. i. Sunt vero & in Septentrione vise nobis gentes *Chaucorum*, qui majores minoresque appellantur. Vasto ibi meatu, bis dierum noctiumq; singularum intervallis effusus in immensum agitur Oceanus, æternam operiens rerum Naturæ controversiam, dubiumque, terre sit, an in parte maris. Illic misera gens tumulos obtinet altos, aut tribunalia structa manibus, ad experimenta altissimi æstus, casis ita impositis, navigantibus similes quum intendant aque circumdata, naufragis verò, quum recesserint, fugientesque cum mari pisces circa tuguria venantur. Non pecudem his habere, non lacte ali, ut finitimis, ne cum feris quidem dimicare contingit: omni procul abacto frutice. Vltra & palustri junco fumes nectunt, ad pratexenda piscibus retia, captumq; manibus lutum ventis magis quam Sole siccantes, terra cibos, & rigentia Septentrione viscera sua urant. Potus iis non nisi ex imbre servato scrobibus in vestibulo domus. Hæc olim *Chaucorum* facies. Ea nunc quan-

tum ab illa mutata est? Hodie enim, quænam terra uberior præbet mortalibus alimenta? non incolis modo, sed vicinis, aliisque exteris? At olim quam informis, quâ tristis cultu, ad spectuque, quam misera incolarum habitatio? Non frumenti, non aliarum frugum mentionem facit Plinius: jam ubi major ubertas? Frugiferarum arborum olim impatiens; nunc omne fere genus arborum producit. Non pecudem habebant, non lacte alebantur; ubi major jam copia, & quis potior cibus? Agrû siquidem planum, & pascuis sæcundum, Naturæ beneficio obtinent, cujus quidem quam glutinosæ & pingues sint glebæ, quam læta pascua, quam numerosi armentorum & pecudum greges, vix verbis explicari potest. Docet id exquisiti, delicatique saporis Butyri & Casei ad miraculum usque copia, quæ uberrimo incolarum questu & emolumento maximo ad varias regiones & per universam Germaniam deferretur: quin etiam non obscure id comprobant pingues & supra vulgarem magnitudinem boves, quorum aliquot myriades in pascuis passim oberrare videntur, qui soli graminumque beneficio adeò impinguescunt, ut exteræ etiam nationes iis potissimum delectentur. Postremo si cum feris non dimicant: hodie aliter docet crebra Nobilium venatio. Est ergo solum hujus tractus hodie adeo dives, ut regionû vicinarum ope indigere minimè videatur; imo multis usque adeo abundat, ut equis; bovis, pecore, carnibus porcinis, lana, butyro, caseo, hordeo, avena, frumento, fabis & pisces, item sale, ut eorum quotannis magnam copiam larga manu Confinalibus suis aliisque remotioribus Populis communice. Porro *Fredericus* Imperator ejus nominis III anno

Perito &
sua di-
cta.

Soli ferti-
litus.

Animalium va-
rietas.



Imperium
maiorum.

Urbes.

anno cccccxlv cum variis præfecturis hæc Provincia regeretur, Comitatus titulo auxit, totamque *Vdalricho* cuidam attribuit. Inde ad nostrum hoc usque ævum continuo Comites suos habet. Vrbes in hoc Comitatu mœnibus clausæ duæ sunt *Embda* & *Aurichum*. *Embda* sive *Emdena*, vulgo *Emden*, urbs hujus regionis primaria & emporium celeberrimum ad *Amisis* fluminis ostiū, portus opportunitate nobile, cujus alveus ita profundus est, ut navigia maxima passis velis admittat: propterea amplitudine opū, ædificiis publicis privatique, & civium multitudine omnibus non Germaniæ modò, verum etiam Europæ angulis innotuit. Inter ornamenta præcipua sunt Comitis aedes sumptuosæ, templum magnificum & domus Prætoria. Mira hic omnium rerum & exuberans copia videtur, non earum modo, quibus satis necessitatis fieri, sed quibus voluptatis studium concitari queat. Præstat hoc civibus, tam portus & importationis commoditas, quam nativa Frisiæ (de qua supra diximus) ubertas. Vrbs à fluvio *Ems* nomen habet, quem Tacitus *Amisiam* vocat. Hic ille est fluvijs ad quem *Drusiana* fossa egressæ legiones Romanæ, latæq; Oceano, secunda navigatione pervectæ sunt, ut refert Tacitus in Annalium. *Aurichum* urbs altera, nobilium jucundissimus recessus ob silvas & nemora, in quibus aucupio vel venatione liberaliter sese exercent. Cives potentes habet mercaturæ vel opificio alicui deditos. Arces & villæ in hoc Comitatu infinitæ sunt. Pagorum tantus numerus est, ut alter alterum interdum contingat. Horum magna pars, sive ædificiorum splendorem sive platearum amplitudinem, sive incolarum frequentiam spectes, cum quibusdam Germaniæ urbibus potest contendere. Neq; vero in iis omnes rustici & agricolæ

sunt & mercatores, & artificum varia genera; nobiles etiam sparsim interjecti. Sunt & hic duo alii Comitatus, qui *Embdano* Comiti subiecti sunt, *Esenfis* & *Ieverensis* à primariis eorum oppidis sic dicti. *Ieverensis* ditior trās *Iadam* ad Occasum sita est, continetq; pagos octodecim: ei Septentrionem versus qua se *Visurgis* in Mare exonerat, prætexuntur duæ Insulæ, *VVangeroga* & *Spike-roga*, desertæ magna ex parte. *Esenfis* Comitatus ad littus Oceani contiguus est *Ieveria*: ab occasu *Berumenfi* & *Auricensi* tractui: à Borea mari terminatur. Ejus Dominus *Hajo ab Huseke* anno cccccxc quum petulantius vicinos infestaret, navesque *Bremenium* in *Visurgi* interdum spoliaret, mariaque vicina piratis, terras prædonibus & grassatoribus suis impleteret, tandem post leviores cum *Bremenibus* pugnas quibus inferior fuit, quum *Esenam* confugisset, captus à *Bremenibus* *Edoni Wimmeke* Capitaneo *Ieverensi* traditus est. Qui cū fune cannabino diu tortum strangulatumq; tandē frustillarim dissecavit, eo quod sororem, quam in matrimonium duxerat, nulla iusta de causa repudiasset. Est quoq; in hac tabula Comitatus *Delmenhorst*. Et Dominia *Ezes*, *Norden*, *Aurick*, *Iever*, *Vredeburg*, *Ovelgunne*, *Rheyde*. Flumina hic *Amisis*, *Visurgis*, *Iada* & alia. Incolæ hujus regionis Germanica utuntur lingua: sed ad secretiora propria quadam & vernacula quam advenæ non intelligunt. Omnis generis opificia studiosè exercent, aut ætros colunt: aut mercaturam faciūt. Vestitus honestus: etiam rusticorū: ita ut ex vestitu eos pro oppidanis quis duceret, fœmineus sexus habitu multum ab aliis differente gaudet. Totam capitis comam in unum circum componunt, eumque multis argenteis deauratisque sphaerulis vel nodulis ornatum in tergum dependere sinunt.

Flumina.

Opificia,
Vestitus.

finunt. Caput ipsum in æstate reticulo ex rubri coloris serico contexto, argentoque deornato redimunt. Hyme autem capitium ex panno viridi induunt, quo totum caput adeo cooperiunt, ut oculos tantum adspiciendos præbeant: *Hatte* vocant hoc genus vestimenti. Palla sive vestis exterior, quæ à capite ad talos usq; plurimis minutisque plicis striata est, argenteis deauratisque laminis tam frequentibus undecunque rigescit, ut exuta, etiam erecta consistat. Hæc constat ex rubro, interdum etiam ex viridis coloris panno.

Comitatus Oldenburgensis.

Regio
inde
dita.

HÆc de Comitatu Embdano: succedit Oldenburgensis. Comitatus Oldenburgensi impositum nomen ab urbe primaria Oldenburgo. Hunc tractum olim Chauci minores incoluerunt sicut & Comitatum Embdanum, ut supra diximus. Comitum autem Oldenburgensium ditio quæ etiam hæc Tabula ob oculos ponit, ab Ortu ad Visurgis ripam, Provincias Stegingiam, (è regione Bremæ arci Delmenhorstæ subiectâ) Stadlandiâ in quinq; Butidiam in septem parochias tributam, & huic subiectam Ieveriam, Frisiæ partem, xxiii parochiis insignem complectitur: ad Occasum Amerlâgiam ad Amisiam fluvium porrectâ, in medio Morinos habet. Ad Boream Frisia & Oceano: ad Meridiem diœcesis Monasteriensis terminatur. Albertus Crantzius in sua Metropoli lib. 3. cap. 15 scribit hunc Comitatum esse ex omnium vetustissimis. *Vide* indum enim Saxoniam Ducem (qui vixit Caroli Magni tempore) inter hujus Comites nominat. lib. 11 cap. xxx. Irenicus tradit, urbem Oldenburgum, à Carolo instauratam, Ecclesiamque illic in honorem S. Ioannis Baptistæ dedicatam consecratamque ab Adalgargo Episcopo. In eo autem ipsum er-

Imperium
maj. ornam.

Vrb.

rare puto cum Ortelio, quod hanc civitatē inter Wandalias numerat, iuxtaque mare eam describat. Hæc namq; alia est ab illa in Wagria nempe, Holfatię regione. Hanc Wandali *Stargard*, Dani *Brannefiam*, quiq; pro suæ linguæ proprietate vocavere, ut idē Crantzius asserit. Laurentius Michaëlis putat *Ambrones* (quos quondam cum Cimbris in Italiam profectos, & à C. Mario cecos, tradit Plutarchus) hinc originem habuisse, eorumque nomen adhuc existare apud Gentem quam *Amerlander* appellant. Idem de Alanis Saxonibus sentit quos ad stagnum Alanum, in hoc tractu, & ab utraque parte fluminis Alanix usq; ad arcem Oriam habitasse credit, hodieque *Lengener* id est *Alanos*, & *Averlenger* quasi *Vltralanos* vocari. Arx *Delmenhorst* ad rivum *Delme* anno c130 cXLVII exstructa, cum LXV annos in Episcopi Monasteriensis potestate fuisset, ab Antonio Comite Oldenburgensi, die Palmarum, anno c1310 XLVII, tacita militum manu, summo mane superato aggerē expugnata & occupata est, & Præfectus arcis Hermanus ab Oer in custodia servatus. De Comitibus hujus regionis quædam habet Andreas Hoppenrodus, in suo stemmatum libro. Sed optimè de ea David Chytræus in sua Saxonica historia. Libet autem de Chaucorum moribus pauca coronidis loco addere. Gravissimus Scriptor Tacitus ita de his scribit: *Populus inter Germanos nobilissimus, quiq; magnitudinem suam malit justitia tueri. Sine cupiditate, sine impotentia, quieti, secretique, nulla provocant bella, nullis raptibus aut latrociniis populantur. Idque præcipuum virtutis argumentum est, quod superiores agant, non per injurias adsequantur. Prompta tamen omnibus arma, & si res poscat, exercitus plurium virorum equorumque: & quiescentibus eadem fama.*

Mores
Chaucorum.

Regio &
unde di-
cta.

WESTPHALIA, quæ in methodo nostra sequitur, unde nomē acceperit, opiniones variat. Nonnulli eā à Vesta Dea sic dictam arbitrantur, quasi *Vestaliā*: quod ea hic olim fuerit culta. *VVestphalos* ergo quasi Vestalios dictos esse volunt. Malunt tamen alii à vento Occidentali sic dictos credere: qui enim inquirunt ultra Visurgim fluvium Orientalem plagam occupant, *Oostvali Saxonēs* cognominantur, ab *Oost* vento Orientali, & *Valen*, quod lingua Saxonica pullum equinum significat, quē in militaribus signis habuerūt. Ætas id nominis abolevit in Orientalibus, & generalis illa Saxoniae appellatio permansit. Sic Westphali, qui cis Visurgim versus Occasum habitant, ab *VVest* Occiduo vento, nuncupantur. Alii denique à campo id est *Veldt* potius quam *Valen VVestphalos* dictos arbitrantur. Ea hodiē ab Ortū habet Visurgim, ad Meridiē Hassiē montes, quos Ptolemæus Obnobios vocat: ad Occidentem Rhenus est, ad Septentrionem Frisiam, Hollandiā, Trajectensem ac Trāsalanum tractum respicit. Aër est durus quidem frigidusque, at salubris. Regio satis est frugifera, sed earum rerum, quæ magis alendis gregibus quam hominibus conducunt. Arborum fructus generat varios, ut sunt poma & nuces, item glandes quibus saginantur porci. Fertiliior est circa Sulatum & Hamonam: fertilissima ad Paderbornā & Lippiam. Ad Amisim verò quibusdam locis deserta. Compascua est Monasteriēsis Diocesis, item is tractus qui alicubi Visurgim fluvium respicit. Nemorosa est per totam Surlandiam, & Bergenfem Comitatum: metallis non caret in ditione Colonienfi & comitatu Marchico: salinarum etiam fecunditate

Situs.

Celi
qualitas.
Soli ferti-
litas.

alibi regio commendatur. Animalium domesticorum numerosissimos alit greges, & potissimum porcorū quibus abundat, qui Principum mensis ob pernas delicatiores expetuntur. Ferarū quoque in filvis affatim habet. Westphalos *Carolus Magnus* cognomine primus devicit & Christiana Religione imbui iussit. Episcopatus instituit, Monasteriensem, Osnabrugensem, Paderbornensem & Mindensem. Quis verò post Carolum Magnum rerum status per Westphaliā, quis rerū summæ præfuerit, an tota Pontificibus paruerit, nō reperitur in Annalibus. Equidem in Orientali Saxoniam erant seculares Domini, qui rerum tenebant gubernacula: primo quidem Reges de stirpe Caroli Magni, sub quibus tamen Ducēs Saxoniae de genere Wiedekindi paullatim magis atq; magis increverunt usq; ad Henricum primū Regem Romanorum, à quo tres per ordinem *Ottomēs*, deinde etiā Marchiones Saxonie nati ex Henrico Duce Bavariæ fratre primi Ottonis. Westphalia verò quæ est Occidua Saxoniam, quos habuerit Principes seculares illa tempestate rem cum Episcopis administrantes, omnino non legimus. Sequēti tamen ætate *Henricus Dux Leo*, & ante eum Avus illius *Luderus* Dux Saxonie inde Imperator, Westphaliā tenuisse leguntur. Nam ab eodem Henrico cum destitueretur per sententiam Imperatoris Friderici I, Ducatus Westphaliæ titulum sibi Archiepiscopus Colonienfis vendicabat, tenentq; eundem Duces Saxonie Inferioris de genere Comitū de Anholt. Tenet & jam dictus Episcopus bonam partem ejus Regionis, maximè Angriam; cui nunc VVestphali parent, suisque Nobilibus, quorum fere mancipia sunt, ac jugum durissimum sufferunt. Sedes hic olim habue-
runt

Animalium
vires.

Imperatorem
maiorum.



runť suas *Teutoni*, *Busacteri*, *Chamavi*, *Angrivarii*, *Longobardi*, *Dulgumnii*, *Angili*, *Chauci* & *Cherusci*. *Teutoni* Melæ & alii, *Ptolemæo* *Teutones*: hi ab littore *Balthico* ubi sedes eorum antiquissimas *Ptolemæus* collocat cum *Cimbris* in *Galliam* profecti, *Teutoburgo*, quod *Tacitus* in *Vestphalia* collocat, nomen dedisse existimantur. *Busacteri* *Majores* & *Minores* *Ptolemæo*, *Tacito* *Bructeri*. Hos habitasse *Monasterium* scribit *Willichius*. *Chamavi* *Tacito*: *Ptolemæo* *Camani* ut censet *Villanovanus*. Ab his nomen oppidi *Chamen* in *Comitatu* *Marchiæ* reliquum esse putat *David Chytræus*. *Angrivarii* versus *Orientem* ad *Visurgim* federunt: ubi nunc *Hervordia* & *Comitatus* *Lippienſis*, *Ravenspurſ*, *Diephold* & *Diœceſis* *Mindenſis* ſita eſt. *Longobardi* ſeu potius *Langobardi*, collocantur à *Ptolemæo* in hujus *Provinciæ* finibus, in quorum extrema ora *Bardewicum* fuit: ſic & *Dulgumnii* *Ptol.* *Dulgibini* *Tacito*, à quibus oppidum *Dulmen* in *Diœceſi* *Monasterienſi*: item *Angili*, quos circa annum *ccc cxi* *v*, in *Britanniam* trajeciſſe, & *Angliæ* nomen dediſſe, tum ex aliis *Hiſtoriis*, tum ex *Diyo Beda* *Scriptore* *Anglo* coſtat: *Chaucos* verò, qui *Cauchi* *Ptolemæo*, *Cauci* *Suetonio*, *Lampridio* & *Straboni*, *Chauci* *Dioni*, *Chayci* *Claudiano*, *Tacitus* à *Friſiis* incipientes, ubi nunc *Bremenſis* *Diœceſis* ad *Visurgim* & *Albim* uſque pertingit, occupare, & omnium quas expoſuit gentium lateribus, donec in *Cartos* uſque ſinuenter, obtendi ſcribit. Ad horum latus *Cheruſcos* ſtatuit idem *Tacitus*: ex quo ditionis eorum ſitus facile innotescit: ſiquidem *Dion Hiſtoricus* eos ultra *Visurgim* habitasse teſtatur, quod

ex *Tacito* etiam manifestum ſit. Continetur autem hac tabula prima *Westphaliæ*, *Comitatus Oldenburgensis*, *Hoya*, *Diepholt*, vicinaque dominia. Cæterum *vii* *Circulus Imperii Westphalicus* ſive *Germaniæ Inferioris* *iii* *Ordinibus* conſtat: quorum *i* *Eccleſiaſticus*: *ii* *Principum*: *iii* *Civitatum liberarum*. In primo ſunt *Episcopi Paderbornensis*, *Leodiensis*, *Vltrajectinus*, *Monasterienſis*, *Cammeracenſis*, *Osnabrugensis*, *Ferdensis*, *Mindenſis*. Abbates *VVerdensis*, *Stablonensis*, *S. Cornelis Munſter*, *Echternakenſis*, *Corbei*, *Hervordenſis*: & *Abbatissa* *i* *Essensis*. In *ii* ſunt *Principes*, *Comites*, & *Domini*: *Dux Cliviæ* & *Comes Marchiæ*, *Dux Iulix* & *Bergen*: *Marchio Badenſis*: *Comes Friſiæ Orientalis* ſive *Embdanus*: *Comes Sein*: *Comes Dillenburg*: *Comes Vernenberg*: *Com. Manderscheid*: *Com. VVeida* & *Ringelberg*: *Comes Meursenſis*: *D. Brunchorſt*: *Comites Steinford*, *Benthem*, *Dortmund*, *Oldenburg*: *D. Ridburg*: *Comites Hoya*, *Diepholt*, *Schaumburg*: *Domini Spiegelberg*, & *Vanenberg*: *Comites Arenberg*, *de Lip*, & *Dominus in Sommerhauſen*. In *iii* qui eſt *Civitatum liberarũ* ſunt *Colonia*, *Aquisgranum*, *VVeſalia inferior* (under *VVeſel*), *Marcodurum* (*Durẽ*), *Cameraçũ*, *Tremonia* (*Dortmund*), *Suſatum*, *Duyſburgum*, *Hervordia*, *Brakel*, *VVartburg*, *Lemgovv*, *VVerden*. Sed hæc hæctenus: flagitat ordo, ut nunc urbes & oppida *Westphaliæ* explicemus. Sed cum de *Diœceſi Bremenſi* hic nobis quoque dicendum ſit quæ etiam ipſius *Tabulæ* titulo continetur, intermiſſa parumper *Westphaliæ* deſcriptione, quam ſequentibus *Tabulis* reſumemus, pauca de hac hoc loco ſubjungamus.

Bremenſis

Regio &
inde di-
sta.

Bremensis Episcopatus vulgo *Stift Bremen*, cui ab Vrbe nomen est, trianguli isoscelis figura, cuius latera fere æqualia sunt *Visurgis* & *Albis* Fluvii, in extremo anguli apice ad peninsulam, cui à novo opere seu turri ad securitatem navigantium ibi exstructa, nomē dederunt, coeūtes: Basis vero est linea ab *Esta* flu. per fines ditionis *Luneb.* & *Verdenis*, paullo infra *Alleræ* in *Visurgim* se exonerantis ostium, deducta. *Esta* enim fluvius limes est Regionis *Bremensis* & *Hamburgensis*, quam à reliquo Ducatu *Luneburgensi* *Sevena* fluvius exiguis primū, & tamen tribus ostiis in *Albim* influens, determinat. Huius ditionis non eadem ubiq; qualitas, non idem solo genius. Duæ enim oræ *Dioecesis* *Bremensis* extremæ ad *Albis* & *Visurgis* aggeres, admodū opimæ & frugum ac fructuum feraces sunt. Medius verò tractus inter *Stadam* & *Bremam* quem *Mercatores* usitatè transeunt, horridus & incultus sterilibus arenis, paludibus, & ericis confitus videtur. Itaq; pallio extenso *Dioecesis* in *Bremensem* vulgo comparant, cuius duæ anteriores oræ, à capite seu *Albis* & *Visurgis* cōfluente, ad utriusque fluminis ripas ascendendo fructuosissimis agris & pascuis velut holoserico prætextæ: reliqua latitudo levidensi filo aut cannabi contexta sit. Domicilium hic olim fuit *Chaucis Majoribus*, qui à *Visurgi* *Albim* usque ad *Hamburgum* sedes tenuerunt. Metropolis *Brema*, *Phabiranum* *Ptol.* *Pl.* *Appiano*, *Peucero* & *Irenico*, vulgo *Bremen*. Vrbs *Hanseatici* fœderis ad *Visurgim* flu. elegans, opere, arte & natura munita; plateis vicisq; insignis, civibus plena, mercatorum commerciis dives. Forum habet amplū, in quo hebdomadatim rerum victui necessariarum frequentes sunt nundinæ. Vnum fori la-

Solisqua-
litas.

Urbes.

tus *Metropolitana Ecclesia* respicit; alterum *Senatoria* domus condecorat, fundamentum habens preciosum acgratum, cellam nimirum vinariam ac publicam, in qua sub *Præfæcti* gubernatione, *Senatus* vinum, tolerabili precio, & decenti elegantique æconomica ratione propinat. Quæ communis est multarum *Wandalicarum* & *VVestphalicarum* urbium consuetudo, ut ad publica ferenda onera, vini popina penes *Senatum* maneat. *Brema* ignobilis primum vicus fuit, crescente verò *Religione Christiana* vires & incrementa sumere cœpit, quæ *Episcopis* suis potissimum debet, à quibus *Metropolitica* dignitate illustrata, *Ecclesia Aquilonarium* omnium matrice condecorata & murorum ambitu cincta fuit. *Episcoporum* seriem in *Ecclesiastica Historia* *M. Adami* vide. Est & *Stada* sive *Stadium* *Archiepiscopatus Bremensis* *Civitas* ad *Zuingam* fluvium in *Meridionali Albis* ripa, omnium *Saxoniarum* urbium antiquissima. Est etiam *Buxtehuda* opidum. *Fluminibus* lætatur hæc regio *Visurge*, *Albi*, *Esta*, quæ piscibus abundat, anguillis, murenis, salmonibus, quos *Bremenses* ita sale condire & fumo durare norunt, ut magno cum lucro civium ubique cari, grati & preciosi sint. *Bremenses* naturâ bellicosi, industrii & aliquantulum ad seditionem propensi. *Literarum* studia, artesque liberales tum primum amant & promoveant, quando earum venustate apud externos poliuntur: minus alioqui in studia & studiosos propensi, mercaturam libentius exercent. Ex amplissima negotiatione, & remotissima navigatione opes sibi acquirunt, unde cives pene omnes vel mercatores, vel opifices & multi navium architecti peritissimi sunt.

Flumina.

Mores.

Vrbes.

IN nostra VVestphalia descriptione sequuntur urbes, inter quas offert se primum *Monasterium* totius VVestphaliae Metropolis, *Mediolanum* Ptolemæo, ut cæset *Pyrchaimerus*, vulgo *Munster*. Vrbs est omnium celeberrima & munitissima. In hac floruerunt litteræ & puritas Romanae linguæ ante annos lx. Episcopatu appellacionem urbs Monasteriensis præbet, & ab insigni Monasterio ibi fundato nomen appellacionemque sortita est. Videndus Munsterus lib. iii Cosmographiæ. Hic magna rectorum (quos Anabaptistas nominant) orta est factio, anno c10 10 xxxiii & sequente, undique illius sectæ hominibus eo tanquam ad acropolim confluentibus: tantumque eorum crevit cõjuratio, ut nulla humana auctoritate potuerit comprimi, lecto etiam capite seditionis *Ioanne* quodam *Bukholdo* opificio sartore, genere plebeio, ad omnia parato, ingenio, audacia, facundia, fraudibus supra reliquos omnes præcellente. Hic se regem non est veritus prædicare. Episcopus igitur vi sibi debellandos hostes rarus, opibus Archiepiscopi Colonienfis, & Ducis Clivienfis ad iutus, post xiv obsidionis mensem urbe sua positus est. Regem forcipibus candentibus laceratum, ferreaque cavæ inclusum, è turri suspendi iussit. *Susatium* (*Soest*) urbs VVestphaliæ post Monasterium opulentissima amplissimaque, decem populosis distincta Parœciis. Primæva fundacione castrum seu præfecturam fuisse perhibent, quæ in tantam paullatim urbem creverit. Indeque Susati appellacionem natam, quod ob loci situsque opportunitatem, ædificiorum aliquid ad castrum ipsum semper accesserit, ut à quotidiano incremento, *Susatium* quasi *ein Zusatz*, sit cognominatum. Complures pagos vicinos sibi subditos occupat, olim

præfecturas minores, quos populari nunc lingua *die Burden* indigitant. Vrbs hæc nunc sub Cliviorum Iulacensium ac Montensium Ducis clientela est, quam ante fuisset Archiepiscopo Colonienfi subiecta. *VVesalia inferior* vulgo *VVesel*, urbs clara opibus, dignitate ædificiis & mercatura. Ad alterius superioris differentiam quæ in sinistro Rheni latere sita est, VVesalia est dicta inferior. Ex præterfluente Lippia fluvio commoditates haud pœnitendas percipit, qui sinistrum ejus latus adluens, statim Rheno confociatur. Est VVesaliæ memorabilis misericordiæ ara à Clarissimi viri ac D. D. Henrici Oliserii, cognomento Baers, D. Cancellarii Clivienfis & c. parentibus consecrata & posita: Geronotocomium nimirum, ubi senio & ætate confectis viris vitæ necessaria liberalissimè suppeditantur: ejus annuos proventus filius, paternæ pietatis memor, adauxit. De Oldenburgo supra diximus. *Osnabrugum* sive *Osenbrugum* insignis Civitas, à Comitibus de Engern erecta, auctore Hermanno. Alii à Julio Cæsare hanc urbem inceptam esse perhibent, ut Annales Saxonum. Ferunt hanc à pellibus bovinis dictam, quibus urbs hæc fuerat circumdata. Situ amœnam obtinet vallè amni-que Hafa irrigatur, pinguem in ea coquunt cerevisiam, *Buse* vocatam. Carolus Magnus Saxonibus triginta trium annorum bello edomit, VVidekindi etiam arce, huic urbi vicina, expugnata, eaque imposito præsidio firmata, decem in Saxonia Episcopatus instituit, quorum præcipuum Osnabrugensem esse voluit. Summè etenim hanc urbem præ cæteris coluit, cui privilegium novæ Scholæ concessit in qua Græcæ & Latine litteræ à viris doctis traderentur: ut scribunt Munsterus, Hamelmannus, & Argentinenfium Chronica. *Minda*, vulgo *Minden*

den



den urbs amœnissima & munitissima est, ex navigio Vifurgis, ejusque alluvione, amœnitatem, pisces & alia commoda sentiens: coquit bonam cerevisiam, vicinis multis gratam, variisque abundat mercaturis. De hujus primis initiis ita scribit Munsterus: Cū *VVidekindus*, primarius Saxoniae Dux, ad fidem Christi pervenisset, permisit Carolo Imperatori arcem suam ad fluvium *Weseram*, ut in ea firmaret Episcopo locum; capax enim amborum fuit, ita ut Episcopo diceret, Mea atque tua erit communi jure arx ista, ut inde Saxonum lingua *Myndyn* diceretur. Sed temporum successu ex y factum est e, vocaturque civitas ipsa hodie *Mynden*. *Arnspersum* vulgo *Arnspere*, Metropolis Comitatus ejusdem nominis. Situm est ad Ruram fluvium, arcem in editiore monte adjunctam habet, gratum & commodum Episcoporum Colonienfium domicilium, ut quæ jucunda simul & utilia venationis exercitia, piscium item copiam ex præterlabente Rura præbeat. *VVarburgum* non inelegans Westphaliae oppidum situ inæquali, Dimulæ aquis instructum, Comitatus olim titulo, uti Hamelmannus perhibet, illustre, qui idem hoc oppidū à præstanti commendat cerevisia, gratissimo iis potu, qui cum parvo crumenæ dispendio, genio indulgere cupiunt. *Tremonia*, *Dortmund*, in meditullio Comitatus Tremonienfis. Hic Sacri Imperii Comitatus atque etiam urbs, earum ditionum albo recensentur quæ sine intermedio Romanorum Imperatorem agnoscunt Dominum. Urbs quondam à Trotmannis Suevorum populis *Trotmannia*, posteris temporibus *Tremonia*, vulgari autem dialecto, *Dortmundt* appellata est. Annales veterumque quæ exstant monumenta declarant eo loci, ubi postea urbs Tremonienfis exstructa est, duos olim Pagos

veterem scilicet & novum exstitisse, qui Imperium castris Trotmannorum intermediis sequerentur. Sub id vero tempus, quando Carolus Magnus hæc omnes Saxonicas provincias subegisset, Ius municipii accipere, paullatimque in oppidum coalescere cœpisse. Is enim perspecta soli ubertate sitisque non vulgari præstantia, colonias huc deduxit, sedemque hic sibi Aulaeque Regiæ domicilium firmavit. Ex qua vetustatis memoria in agro suburbano fertilissimo equidem loco posita latifundia (quorum possessio per Comites olim in Senatū translata est) *Conings-Hofs Landt*, & cortes seu villæ istæ amplissimæ per vicinos agros ditionesque circumjectæ *Reichshofen* nuncupantur, quæ census suos frumentorum annuos ad Aulā ibi Regiam conferre tenebantur. Sunt & *Dusseldorpium* & *Hervordia*. Et minorum gentium *VVidenbrugge* & *Coesvelt*. Suntque in hac tabula Comitatus, *Lemgovv*, *Benthem*, *Lingen*, *Tecklenborch*, *Diepholt*, *Schouvenberg*, *Ravensberg*, in quo sunt v Præfecturæ, *Sporenberg*, *Ravensberg*, *Vlothem*, *Lymberg*, *Lippe*. Episcopatus, *Monasteriensis*, in quo sunt Præfecturæ, *VValbeck*, *Sassenburg*, *Stromberg*: Burggraviatus, *VVerne*, *Bocholt*, *Ahus*, *Horstmar*, *Bevegern*, *Rheine*, *Meppen*, *Nienhuys* destr. *Cloppenburg*, *VVilhusen*, *Vescht*: & comitatus ii, *Steenvordt*, *Gemen*: & *Erfmarschalck Northkercken*. *Osnabrugensis*, *Mindensis*, *Paderbornensis*. Sed de his satis, ad reliqua pergamus. Westphalia stagnis, paludibus, ac fluminibus multis irrigua: flumina sunt *Vifurgis*, *Amisf*, *Glaa*, *Neth*, *Hafia*, *Honta*, *Sala*, *Lippia*, *Stovera*, *Aa*, *Vidrus*: ad Amisum pertinent *Devvera*, *Dexta*, *Glaa*, *Berckel*, quorum fontes plerique hic reperiuntur. Sunt & montes in Westphalia collesque plurimi, utpote *Baenberg* & alii. Nec desunt silvæ, inter quas: *dat Hensterholt*, & *de Avert & Holtmarck*,

Opera p-
bl. ca.

marckt, Teutoburgensis saltus, ad Lippia ortum. Ad opera publica venio. Carolus Magnus multas Ecclesias in Westphalia erexit. Primam vero Osnabrugi Episcopalem Ecclesiam in honorem Divi Petri, Crispini ac Crispiniani condidit. Est Susati templum celeberrimū miræ magnitudinis, cum maximæ altitudinis turri, S. Patroclo sacrum, quem tutelarem divum agnoscit hæc eivitas. Reliqua cum templa, tum Monasteria, Nosocomia Xenodochiaque quæ Monasterii, & in aliis urbibus conspiciuntur, prætereo. Carolum Magnum VWestphalos ad Christianam religionem vi compulisse, supra diximus. Cæterum cum sæpius subactos, rebelando tamen refractarios, datam semper fidem violare animadverteret; visum est illi ex re fore si diritate supplicii explorumque terrore castigaret illorum proterviam. Itaque iudices arcanos constituit, quibus jus ac potestatem animadvertendi in perjuros, aut temerariæ fidei reos, aut facinoris compertos, inauditos atque indefensos, delegavit. Ea severitas & truculentia Westphalorum gentem in fide atq; officio continuit, cum sæpius in silvis magnates & non mediocribus fortunis viros suspensos perfractis laqueo cervicibus vitam finisse cernerent, nulla accusatione præmissa. Scribit Aneas Pius ad suam usq; ætatem continuatum fuisse illud iudicium, secretosque ritus observari, quibus criminosos judicant, & reos damnationis suæ inficos, ubicunque reperti fuerint, supplicio affici: eosque Scabinos appellari, qui huic iudicio cum potestate præsunt, testatur. Sed hæc hæc tenus. Westphalum se esse

Ratio gw
bernandi.

profiteretur Joannes Levvenclavius nobilissimus vir, doctrina multa atque linguæ utriusque Latinæ atque Græcæ cognitione, converso à se toto Xenophonte, omnibus Nazianzeni operibus, Historicis aliquot præterea Græcis, & aliis Græcorum libris felicissimè reddendis & interpretandis celeberrimus. Gentem habet hæc regio venustam, elegantis & proceræ staturæ, fortemque robustamque corpore & audacem mente. Militiam habet copiosam, promptamque ad arma, & mox paratam. Ingeniosi etiam perhibentur incolæ, ac proverbio dici solet, Westphalos plures astutos, subdolos, versipellesque, quam stultos gigni. Adulteriorum ac spurcietici omnis severa olim censura hicerat. Cibus panis niger & caseus: carnes quoque tam bovillæ, quam suillæ, & quidem plurimæ, cæque plerumque fumo duratæ: inprimis pernæ quas etiam crudas edere incolis non insuave est. Potus cerevisia: opulentiores vino utuntur ex Rheno advecto, licet magno ematur precio. Cum verò ager plerisque locis minus gratus sit cultori, fit ut artibus mechanicis ac mercatura se dedant incolæ. Mercetibus sunt lapides staturariæ, ac ædificiis extruendis aptissimi, molares etiam ac cores: inprimis verò pernæ delicatissimæ vel principum mensis expetitæ. De hac regione hi versus Rhythmici vulgo circumferuntur:

Me. es.

Vi. es. u.

Opificia.

Merc-
monia.*Hospitium vile,**Cranck broot, dun bier, langhe mile,**Sunt in VWestphalia:**Qui non vult credere, loop da.*

Regio.

TERTIA & postrema VVestphaliæ tabula, sicuti titulus ipse præ se fert, tres partes graphice delineatas exhibet, *Ducatum Bergensem, Comitatum Marchia & Diocesis Coloniensem*. Eas, eo quo proposita sunt ordine, percurramus. Offert se primo loco *Ducatus Montensis* sive *Bergensis*, qui à Bergo ripensi oppido nomen habens, incipit apud inferiorem VVesaliam, ascenditque juxta Rhenum magno spatio. De hujus autem Ducatus initio sic scribit Munsterus: Tempore *Henrici Aucupis* Rom. Regis, nempe anno cccxxiv fuisse duo fratres, qui ob exhibitum ministerium honorati fuerunt à rege Henrico, qui designavit eis in Westphalia certam quandam regionem, in qua senior, nempe *Adolphus*, construxit Castellum quoddam prope Comitatum Arnsperg, nominavitque illud *Volfeshegh*: & temporum successu non parum cultiorem reddidit terram illam per circuitum, oppidis & vicis eam ornans. Alter quoque frater, *Eberhardus* nomine, construxit & ipse castellum, appellavitque illud *Aldenburg*. Crescentibus autem fratribus illis in potentia & opibus, creavit Rex *Adolphum* in Comitem, & ditionem erexit in Comitatum, qui dictus fuit Comitatus de *Altena*. *Eberhardi* quoque terram sublimavit in Comitatum *Bergensem*. Paulo post *Eberhardus* factus *Monachus*, tradidit fratri suo ditionem suam, & constructo Monasterio juxta fluvium *Dune* factus est Abbas in eo. Ab *Adolpho* & posteris ejus descenderunt Comites isti: *Engelbertus, Adolphus, Engelsprechtus, Adolphus*. Is vero *Adolphus* cum nullam reliquisset prolem, cessit Comitatus *Bergensis* filio Sororis suæ, nempe *Gerardo* Comiti *Iuliacensi*. Post eum præfuit utrique ditioni

Imperium
majorum.

filii ejus *VVilhelmus*, & post *Wilhelmum Gerardus*, post *Gerardum* filius ejus *VVilhelmus*: atque huic successit filius ejus vocatus quoque *VVilhelmus*, Dux primus *Iuliacensis*, *Bergensis* & Dux *Gelriæ*. Successit autem ei in his Ducatibus frater ejus *Rainoldus* qui mortuus est anno Christi cccccxxiii: mansitque post hæc tempora ditio *Montensis* apud Ducatum *Iuliacensem*. Sunt qui ajunt Comitatum *Montensem* erectum eo tempore quando *Henricus superbus* fuit depositus à *Friderico I*. Anno tamen Christi cccccxxvi fecit *Carolus IV* ex comitatu *Marchionatum*, & filius ejus *VVentzeslaus* sublimavit ad Ducatum. Hæc ille. Est hic imperiale, sub *Montensis* Ducis tutela oppidum *Essendia*, in quo *Alfridus IV* *Hildesheimensis* Præsul Collegiarum ut vocant virginum *Vestalium* ex paternis facultatibus fundavit Cœnobium, ut sub *Abbatissæ* educatione LII Virgines alerentur, & xx similiter Canonici sub ejus loci Decano, Canonici viverent vitam. Asyli privilegio *Abbatia* gaudet, & locus in ea maximè *die Borch* nuncupatus. Villæ aliquot vicinæ, ejus subsunt dominio. Ecclesia ibi perelegans in qua Tabula exhibetur visenda *Brünii* illius *Agrippinatis* opus. Ager frumenti & tritici præstantissimi ferax, unde candidus *Essendia* panis in pretio est. Oppidani negotiationem etiam remoram, alii artem textoriam, fabrillem complures exercent. Non alium facile reperias locum, ubi plura conficiantur sclopeti. Fontibus abundat & atro carbonario lapide quem territorium vicinum suppeditat, potissimū verò qua *Steltium* est, ad *Ruram* amnem oppidum. Est & *Dusseldorpium* à *Duselo* amne cognominatum. Atque

Comitatus
Marchie
Imperium
maiorum.

Oppida.

que Præfecturæ xx, *Blanckenborch, Levvenberch, Huickesvragen, Bornfeldt, Salingen, Lantzbergh, Dusseldorp, Steinbach, Byenbach, Meysenlo, Mednam, VVindek, Sybergh, Nuvvenborgh, Portz, Lustorff, Monnheim, Angermundt, Erferfeldt, Borc.* Sequitur Comitatus Marchia, vulgo *Marc.* Hunc & Ducatum Bergensem Vbi olim infedisse videntur, de quibus infra plura. Cæterum Comites Altena, eo titulo contenti fuerunt, usque ad Adolphum Comitis Friderici Altena & montis silium, qui cum *March* sibi parafset, se Comitem de *Marck* vel *Marchia* inscripsit, gestitque insignia circiter annum cicoliii tempore *Wichmanni* Comitis *Clivia*. Est autem *Marchia* Comitatus in *Westphalia* amplissimus à *Lippia* amnis ripa versus Occasum multis insignibus oppidis, *Hamone, VVma, Susato, Tremonia, VVerdena* & aliis florens. De *Susato* & *Tremonia* supra egimus. *VVerdena* in *Westphalia* aditu, ad *Ruræ* amnem in ditione *Marcken*si oppidum, occasione *Cænobii*, à *S. Lutgero* ibidem instituti, initium habet, à *Guilielmo* de *Hardenberg* xlii *Cænobiarcha* anno cico cccxvii excitatum, & ab *Engelberto* Comite *Marcken*si civitatis privilegiis quibus etiamnum gaudet, donatum. Oppidani rem pecuariam, unde & plurimum victitant, exercent. Agros habent lætos & compactuos, montes præaltos & silvosos, in quibus incredibiles porcorum greges oberrare quandoque videas, & rivulos gratissimo murmure ex montibus susurrantes. Quin & ex præterlabente *Rura*, commoditates haud mediocres percipiunt, unde piscibus, & sapidis pinguibusque abundant anguillis. Sunt autem in hoc Comitatu præfecturæ xiv. *Iserenloe, Huerde, Altena, Bockum, Syvartenberg, VVetter, Ham, Syverten, Lunen, Hunna, Nussat, Blanckenstein, Raede, VVerden, Camen.* Comprehen-

duntur etiam hac tabula Comitatus *VValdeck, Nassau* & *Dillenburg, Seyen, Siegen, Limburg, Altena* in comitatu *Marchia*, *Aernsberg*, qui subest Episcopo *Colonien*si, *Kuningsteyn, Hanau, Isenberg.* Restat in hac tabula *Diecefs Colonien*sis, vulgo *Strift Colln*, cui ab urbe primaria nomen. Hanc olim coluerunt *Vvii*: quorum sedes primum fuisse videntur trans *Rhenum* ditione *Marchia* & *Bergens*i *Clivien*sis principis propria: sed à *M. Agrippa* in citiorem ripam traductos ad victoris arbitrium ex *Strabone* constat. Horum ditio à confluentibus incipiebat, acetiamnum incipit. Dicuntur & *Agrippinenses* *Tacito* *Histor.* v. Verisimile sit nominis *Vviorum* vestigium servari in pago *Colonie* obiecto (inquit *Iunius*) quem *Tuirsch* vulgus nominat, olim fortasse *te Vvisch*, & contractè *Tubisch*, atque inde *Tuirsch*, ubi nobile exstat & vetustum *Cænobium*, olim prædianam munimentum à *Fl. Constantino* constructum, & *Divitense* nuncupatum. Neque veri dissimile videtur, nobilem illam primi ordinis sacerdotio aram, à *Tacito* non semel memoratam, eo loco exstitisse, apud quam *Segimundus* (qui perperam *Straboni* *Semiguntus* vocatur) *Segeste* *Sicambriorum* principis filius sacerdos creatus fuerat, quem postea in defectione *Germaniarum*, *Duce Arminio* ad rebelles profugum, vittas abruptisse *Tacitus* scribit. *Metropolis* est *Agrippina Colonia* *Tac. COL. CLAUD. AVG. Agrippinensium* in antiqua inscriptione, quæ exstat in *Al-di Orthographia*: & *Col. Agrippina Vvior* in nummo *Claudii*: *Col. Agrippina Vvior. Legio* xix in nummo *Vitellii*: *Agrippinensis Legio* est apud *Ptolemæum*: & *Agrippinensis Colonia* apud *Suetonium* & *Plinium*. Hodie *Colln* incolis: *Coloigne* *Gallis*. *Coloniā* dictam quidam fabulantur à *Colono Trojano*: alii, quod *Romanorum* fuerit

Diecefs
Colonien

Vvies.

Colo-

Colonia, dictam volunt : Cornelius Tacitus de ea re scribit in hunc modum: *Agrippina quo vim suam sociis quog, nationibus ostentaret : in oppidum Vbiorum, in quo genita erat, veteranos coloniamque deduci imperat, cui nomen inditum ex vocabulo ipsius. Ac forte acciderat, ut eam gentem Rheno transgressam avus ejus Agrippa in fidem acciperet. Ergo utrumque nomen Agrippina & Colonia huic urbi ab Agrippina muliere datum est, atque ex eo tempore Colonia Agrippina, cives vero Agrippinenses dici cœperunt. Romanorum deinde viribus lentim contritis ac debilitatis, Galli, Childerico Rege ductore, anno Domini ccccxii iis omnibus profligatis & pulsis Coloniam vi occuparunt, eamque ad Ottonis I tempora suis habenis moderati sunt. At verò anno cccxlix Otto Imperator Aug. Coloniam armorum strepitu Francis ereptam, Romano Imperio reddidit. A quo tempore in hodiernum usque diem, libera Imperialis Civitas existit. Urbs ad sinistram Rheni ripam sita, ambitu magna, forma primum quadrata, nunc semilunari, visu pulchra, splendore & elegantia excellens, templis celebris, ædium pulcherrimarum frequentia nitidissime culta, plateis, vicisque insignis, hortis pomariisque hilaris, in cenibus turribusque valida, duplici fossa cincta, civibus plena, mercatorum cōmerciis dives, mechanicis artibus nobilis, Academia & studiis liberalibus illustris, atque opulentia sua plerisque Germaniæ civitatibus anteponenda. *Novesium*, aliis *Novesium*, *Nuesum* Prolemæo: Marliano *Nusia*, vulgo *Nuys*, insigne Diœcesios Colonienfis oppidum, iv milliariibus ab Agrippinenfi Colonia distans. Tacitus Legno-*

rum gentem Vbiis proximam constituit & in ea *Novesium*. Hæc urbs à primordio securdis Rheni fluctibus irrigata, sinistrum situ latus illustravit, donec forma minus propitia, alveum Rheni immutans, urbemque non longo spacio adspiciens, brachium ejus usibus reliquerit. Sunt præterea in hac Diœcesi oppida & civitates aliquot egregiæ, utpote *Andernacum*, cujus nomen Ammianus, qui sub Juliano Cæsare militavit, vocatque *Antemacum*, habet autem situm amœnum juxta Rhenum & inter montes. *Bonna* sita in planicie amœna, ubi montes Rhenenses quia Bingio descendunt Rhenumque includunt in planiciem evanescent. *Soncina*, non ignobile oppidum, & *Brula* vicus. In Episcopatu Colonienfi præfecturæ decem *Arnsberg*, *Fredelborch*, *Bylstein* prope Brilen ad ortum Medebach, *Fredelhardeschirchen*, *Hovestatt*, *VVerle*, *Nehem*, *Balue*. Dominia *VVildenborch*, *Hornberg*, *Hachenberg*, *Hardenberg*. Colonia porro urbis Politia florentem Reipublicæ Romanæ gubernationem adprimè refert. Etenim si Consulum, Proconsulum, Censorum, Tribunorum, Vigilū, Quæstorum, Annonæ præfectorum dignitatem consideres, si rectum & inflexibilem Justitiæ baculum, Fascium loco, uti vulgo existimatur, receptum: si Tribuum Ordines: si civilem Senatorum auctoritatem observes, quasi effigiem & vivum quoddam simulachrum Romanæ urbis hanc Agrippinensem videbis Rempublicam: ut non immerito, nativo quodam jure, Romanorum dicatur Colonia. Sed hæc hæctenus, ad alia transeamus.



Retio gu-
bernandi.

IN hac Tabula quæ Comitatum *Muerensem* una cum Regionibus, urbibus & fluminibus, quæ potissimum hunc Comitatum ambiunt, graphicè delineatum exhibet, eas duntaxat regiones describemus, quas alibi non descripsimus: videlicet, primum *Comitatum ipsum Muerensem*, deinde *Ducatum Clivensem*, ultimo loco *Iuliacensem*. *Comitatus Muerensis* sive de Meurs, vulgo *Grasschaft Muers*, ab oppido cognomini nomen appellationemque accepit. Ad ortum Ducatum respicit *Bergensem* & *Comitatum Markensem*: ad Occid. *Gelriam*: qua Meridies est *Diœcesin Coloniensem* & *Ducatum Iuliacensem*: qua Septentrio *Clivensem*.

Comita.
Mueren-
sis.
situs.

Oppidum. Ager utcumq; fertilis frumenti, ac pascui latus. *Oppidū* hujus Comitatus est *Muers*, quod regioni nomen suum communicat, è Regione *Duisburgi*, haud procul *Rheni* sinistra ripa situm. Et hæc de Comitatu *Muerensi*, ad

Ducatus
Clivensis.

Ducatum Clivensem venio. *Ducatus Clivensis* appellationem traxisse creditur à *Clivis*: exstatque ejus nominis oppidum de quo infra, ad *Rheni* ripam in tribus clivosis collibus exstructum. Terminatur ab Ortu Ducatu *Bergensi*, Comitatu *Marckix* ac *Westphalia*, à Septentrione Comitatu *Zurphaniensi*, *Transsalsano* tractu, ac *Batavia*: ab Occidente *Gelria* & *Leodiciensi* tractu: à Meridie *Colonienſi* & *Aquisgranensi* ditionibus. Regio ipsa bono & salubri aëre gaudet: agro fertili frumenti, lætis pascuis. Varii generis videre hic est animalia: atq; alibi teras varias, apros, meles, vulpes, lepores, cuniculos, cervos, feles, & equos silvestres: palumbium aliarumq; avium frequens aucupium, inprimis perdicum, turdorum, & coturnicum: anates innumerabiles, om-

Aeris
inopes.

Animalia
varia.
tas.

nium denique rerum quæ ad vitam pertinent largam copiam. Ferunt autem *Ælium Gracilem* quum opibus & potentia floreret in *Gallia Belgica*, donatum à *Pipino* & *Carolo Martello* ea parte *Bataviæ*, quæ nunc *Clivia* dicitur. Successere ordine *Theodoricus*, *Reinwaldus*, *Rudolphus*, *Ioannes*, *Robertus*, *Balduinus*, alique usque ad *Ioannem* qui ab *Ælio* fuit *xxvii*. In hoc defuit familia. Cooptatus tamen ab Imperatore & provincialibus in jus familiæ *Adolphus* qui in *Constantiensi* cōsilio à *Sigismundo* Imperatore *Dux Cliviæ* dictus est. Habet autē Ducatus iste in ora *Gallica* oppida ista: *Xantum*, *Santen*, oppidum in sinistra *Rheni* ripa, olim *Trajana Colonia* *Pighio*, *Vetera Pyramio*, & plerisque aliis: vetustatis ac antiquitatis multum præ se fert, quod testatur *Tophus lapis Duynſteen* dictus, ingenti ibidem copia ex antiquis ruinis collectus. *Burichum*, *Burich*, oppidulum è regione *Vesaliæ* situm, felici agro & lætis pascuis gaudet. *Clivia*, *Cleve* provinciæ caput est, oppidum celebre & vetustate summa, nō procul à *Rheni* ripa, & ab ejus divortio, ubi expandere suos ramos, & *Batavos* in insulam incipit redigere: cujus amplitudo magna fuit quondam, sicut ex ruderibus in agro vicino passim apparentibus colligitur. Nomen ei *Clivia* quod in tribus clivosis collibus pendulum versus *Rhenum* panditur. Discrepat unius duntaxat vocalis mutatione lingua popularis qua *Cleve* nunc oppidum ut & *clivus* omnis appellatur. Imminet *Rheni* in eminentissimo trium collium: quadrata turris præalta lataque, cum arce longè conspicua; quam tradunt à *Caio Julio Cæsare* bello *Gallico* contructam esse, velut propugnaculum ejus ad ripam vicinitatis

Soli ferti-
litas.
Imperium
majorum.

Oppida.



tis ad versus Germanos, quod ipsum in atrio Palatii majore principum jussu adnotatum legitur his verbis. ANNO AB. VRBE. DCXCIIIX. C. JULIVS. DICTATOR. HIS. PARTIBVS. SVBACTIS. ARCEM. CLIVENSEM. EVNDAVIT. Nunc illustrissimi Juliaceus, Clivensis & Mōtenensis in clyta sede, collegio Ecclesiastico, & amabili incolarū humanitate memorabile est. Situ per oportuno excellit; inde enim vicina pabulosa in loca, librata planicie, lara virentiq; gramine recta, quam longissimè pater propectus; potissimum vero è turri altitudine conspicua, quæ à cygno versatili ventorū indice nomen habet. *Calcaria* oppidū in insula Rhēni & Belgica Batavia à comitibus Clivēnsibus primitus ex ædificari cœpta, ut præsidium esset ac tutum refugium ab incurSIONIBUS COLONIENSIVM ac GELRENSIVM vicinorum, quibus cum ipsis frequentia bella gerebatur. Nomē ab antiquissimo castro *Calcar*, à quo trans insulam hanc ad ulteriorem Rhēni ripam erat tractus. Lanificio & coctione cerevisiæ quæ istinc ad finitima loca transferebatur, potens ac dives facta, haud mediocriter crevit. Supra *Calcariam* loco quem vocant hodie *auf den Baern*, creditur Cæsar Germanicus Rhenum ponte junxisse, quum à veteribus castris in *Marfos* tenderet, quos nunc vocamus *Tyrentanos* mutato nomine, tamen si oppidulū *Otmarsen* veteris appellationis seruet vestigia. *Griet* sinistram Rhēni ripam tuetur; hanc ex eadē parte sequitur *Griethusum* in principio agri Batavorum juxta Lobecum vetustam arcem, quam cursus extremitatem seu angulum dici volunt, *Loop* enim cursum nobis sonat, & *Eck* angulū significat. ibidem Rhenus scindit se bifido cursu in diversa labens. In Ripa Germaniæ sunt *Vesalia* de qua in descriptione V *Vesphaliæ*, *Duisburgum*, sive *Teutoburgum*, veteris Ger-

maniæ oppidum ad ripam olim fluminis Rhēni inter Ruram & Angram amnes situm. Clarum semper fuisse, cum maxima ædificia, tum historiarum etiam monumenta declarant. Ob nundinas etiam celebres negotiationesque Mercatoribus frequentatum fuisse, indicant rerum Flandricarum scriptores. *Embrica* incolarum & ædium frequentia, & schola, quam optimè instituta concinnum; vulgo *Emmerick*, *Asiburgium* Taciti Scholiastis. Id autem non vacare errore Nevvenarius docet. Atque hæc de Clivia: restat paucis explicandis *Juliaceus Ducatus* vulgo *Juliers* seu *Gulick*. Nomen ab oppido *Juliaco*. Situs est inter flu. Rhenum & Mosam, idem pæne qui Cliviar, nisi quod hæc Septentrionalior, illè Meridionalior sit. Conregionales enim alioqui eosdem habent. Regionis aer bonus & salubris. Ager utcumq; fertilis frumenti omnis generis, quod ponderosum valde est. Profert quoque *Isatim* herbam Tinctorum, vulgo *VVaid*, quæ accolis magnum quæstum reddit: estque pascuis letus, vinum verò haud gignit. Sunt hic per multa domestica animalia, & in primis equi optimi. Principes Juliaceses ab Eustathio Goteфриdi Bilionei fratre ortum ducere existimantur. Cæterum Juliaceus conditio Comitatus olim fuit, & anno cccccxix à Ludovico Imperatore in Marchionatum erectus fuit, ac deinde xxx post annis à Carolo IV in Comitatus Merensibus fuit erectus in Ducatum, id quod Cuspin. sub titulo hujus Imperatoris ostendit. Primus autem Marchio qui & postea Dux, *Guilielmus IV*. Hujus filius *Guilielmus* patri successit in Ducatibus Juliaceus & Gelrensis. Hic quum improlis obiisset, successorem reliquit *Raynoldum* fratrem. Eoq; mortuo sine hærede relicta ejus uxor *Afini* suo *Adolpho Bergen* nupsit, qui factus est Dux Juliaceus

Ducatus
Juliaceus
fiss.
Sims.

Aeris
temperies
soli ferri-
litas.

Animalia
varia
et cetera.

Imperatorem
majorem.

centis

eenſis & Bergenſis. His ſine liberis mortuis, factus eſt *Gulielmus* Dux Iuliacenſis atque Bergenſis, genuitque filium nomine *Gerardum*, in paterna ditione ſucceſſorem. *Gerardo* natus filius *Gulielmus*, qui unicam filiam ſuam tradidit uxorem *Ducis Clivenſis* unico filio *Ioannis* ſicque tres Ducatus, Bergenſis, Iuliacenſis, & *Clivenſis* in unam redacti ſunt ditionem. Genuit autem iſte *Ioannes* filium *Gulielmum*, qui quartum Ducatum, nempe *Gelrenſem*, junxit tribus Ducatibus, *Clivenſi*, *Iuliacenſi* & *Bergenſi*, ſed excitato bello Anno *MDXLIII* victus à *Carolo V*, ſua ditione ſpoliatus fuit, ac deinde rursus ea certis conditionibus donatus, præter *Gelriam* tamen, ducta uxore filia *Ferdinandi Rom. Regis*. Primaria ejus urbs quæ & Ducatui nomen dedit, eſt *Iuliacum* vulgo *Galich*, cujuſetiam in *Itinerario* meminit *Antoninus*. Situm eſt ad *Ruram* fluvium. Oppida præter *Iuliacum* ſunt *Marcodurum*, vulgo *Duren*, civitas ex eo tempore illuſtrior & notior facta, quo graviſſimam *Caroli V*. obſidionem pertulit. *Monasterium Eyphalee* oppidum amœnum inter montium convallēſhaud procul ab *Ervatis* fluvii fontibus; *Euskirchia*, *Berchemum*, *Castrum*, vulgo *Caster*, à magnifico caſtro quo munitum eſt, *Grevenbroeck*, *Sladbach*, *Dalen*, *Vaſſenberch* oppidula ſunt. Arces frequentiſſimas habet, quæ Nobilibus & Equeſtribus familiis nomen dederunt, *Palant*, *Meroden*, *Renſſenſenberg*, *Neffelroden*, *Wachtendonk*. Eſt etiam *Baronatus Wickradienſis* arcem habens munitiſſimam, *Quadorum ſedem*. In hoc ipſo tractu ſita eſt urbs *Aquenenſis*, *Aquiſgranum* recentioribus, *Vetèra* *Ptolemæo*, in qua *Legio xxx Vlpia*: ſed apud *Antoninum* eſt *xx*, & *Legio xxx Vlpia* aliis huic loco vicinis. *Lhuithprandus* *Grani Palatinum* vocat: *Rhegino* *Thermas Gram* & *Aguas*

Urbes &
oppida.

Palatium. Sæpius etiam *Aqua* ſimpliciter ab illius ſæculi ſcriptoribus nuncupatur: vulgo *Aken*, Germanis *Ach*. Gallis *Aix*, dicitur. Urbs eſt nobiliſſima; ære fruitur ſaluberrimo, agroque gaudet pulcherrimo, quamquam quod ad ædificia ſtructuræſque attinet, nequaquam veteri famæ, nobilitati, ſplendorique reſpondeat. *Balnea* thermasque tam intra urbis mœnia, quam extra, è terra erumpentibus aquis naturâ calidis habet, multisque ac variis morbis apprimè utiles. Eſtque hæc urbs ſede *Caroli Magni* qui hic obiit & ſepultus eſt celebrata. Fluvios habet hæc regiones præter *Rhenum* *Ruram*, ſive *Roram*, qui ad *Vbiorum* oppidulum, *Rocroort*, quod finem *Roræ* ſonat, *Rheno* miſcetur, ubi videre eſt duorum fluminum concurrentium evidentiffimum diſcrimen, quorum hoc viride, illud ſubalbum apparet. Et quidem uſque adeo tortuoſus eſt *Rora*, tantis- que ambagibus fertur, ut propemodum ipſe *Mæander* videri poſſit: tam autem violentus eſt, & vehementi curſu fertur, ut quandoque per arva viam rumpat, adeo ut brevi temporis ſpacio duo vel tria jugera alluvione hinc adimat, illuc adiciat; vel contra: paullo poſt ſolum quodcumque inundat, calculis implet, atque corrumpit: *Nerſam* item, *Lupiam*, *Angram*, *Duſelium*, *Erſſat*, *Niſſi*, *Vornium* & alias. Nec *Silvæ* deſunt, inter quas illa quam *Tacitus* *Sal-* *Silva*
tum Teutoburgensem vocat, *Quisburgo* vicina, quod cingit pluſquam medium, quibuſdam in locis vix quatuor, aut quinque balistarum jactibus diſtans, vaſtiſſima eſt & ampliſſima; in qua innumera feræ conſpiciuntur. Rivulos habet plurimos, & limpidiſſimos: montes ſunt excelli, arboribus præaltis circum- quaque veſtiti. Sed de his hæcenus.

Regio
unde di-
cta.

LEODIENSI *Dioecesi* nomen ab Vrbe primaria *Leodio*, huic verò à cæsa Legionè Romana in ea valle, ubi nunc *Leodium*, nomen inditum constanter adfirmat *Hubertus Thomas Leodius*: ipsi quoque indigenæ vocant *Liege*, quasi *Legionem* dicerent. Alii existimant nomen habere à rivulo quodam ignobili *Legia*, qui tertio ab Vrbe milliari ortus, intra Urbem Mosæ commiscetur; vulgo *l'Evesché de Liege*. Adjacet illi ad Boream & Occidentem Brabantia; ad Ortum partim Mosæ, partim Ducatus Limburgensis: ad Austrum comitatus Namurcensis. Longitudo ejus milliarium Leodiens. xxxi: Latitudo xv. Aëre gaudet purgato, temperato & salubri: agro amœno, fertili, omnibus rebus affluente, inprimis versus Boream, qua Brantiæ contermina: ibi frumenti & omnis generis fructuum admodum ferax est, nonnullis in locis etiam vini. Versus Meridiem verò, qua Lutzenburgum & Galliam attingit, paullo sterilior, montibusque asperior: & Nemoribus (Arduennæ enim salus totius Galliæ, auctore Cæsare, maximi, hic passim cernuntur reliquæ) horridior. Hæc facies soli exterior: intus autem & in visceribus, habet ferri & plumbi, atque etiam auri optimi fodinas, sed auri parciore. Sunt etiam in montibus lapicidinæ, ex quibus in Magnatum sepulturas marmor candidi coloris, quod *Alabastrites* Græcis appellatur, & varii coloris eruitur. Sunt & saxa grandia, fossilia, ad ignem idonea, quæ summo labore, & non nisi cum grandi vitæ discrimine ex altis montibus, atque etiam sub ipso Mosæ alveo magnis cavernis excavato petuntur, atque in Provincias nostras navibus deferuntur, pretio in singulos annos excedente summam centies mille ducatorum.

Cali-
qualitas.
Soli ferti-
litat.

Situs.

Hunc lapidem vulgo vocant carbonem Leodiensem, *Charbon de Liege*: is ubi semel ignem concipit, paulatim accenditur, oleo restinguitur, aqua vires concipit: calor ei vehementissimus: quo fit ut Leodienfes tria sibi præ aliis gentibus arrogant: Panem pane meliorem: Ferrum ferro durius: Ignem igne calidior. Vsum hujus saxi repertum primum asserunt Anno c10 c xc iix, a quodam peregrino, qui fabro cuidam ferrario eum monstravit. Omni præterea pecorum genere abundat regio: nec desunt silvæ, opimas quæ præbent venationes, jucundaque aucupia. Hanc regionem ad fidem Christianam conversam tradunt à S. Materno Patavino, primo Tungrensium Episcopo circa annum Domini centesimum primum. Episcopalis enim sedes quæ nunc Leodii est, tunc Tungriserat, mansitque usque ad annum ccc cxc iix, quo tempore (quum Hunni Duce Attila in Germaniam irrupissent, & Civitatem istam una cum aliis oppidis vastassent) à S. Servatio Trajectum ad Mosam translata fuit: mansitque ibidem usque ad tempora D. Huberti Episcopi, qui anno septingentesimo decimo tertio eam Leodium transtulit, ubi etiam nunc visitur. Porro à D. Huberto primo Episcopo Leodiensi usque ad nostra tempora Lxxi Præsules à Guicciardino numerantur: apud quem plura de his lege. Neque solum hic præsul Episcopus est, verum etiam Princeps Imperii, Dux Bovillionensis, Marchio Francimontii, & Comes Lotensis & Hasbania. Vereres hujus Episcopatus incolæ fuerunt *Eburones, Tungri, Centrones, & Ceresi*. Occupat jam magnam Lotharingæ antiquæ partem. continet namque sub nomine Leodiensis Dioecesis, *Ducatum Bovillionensem: Marchiæatum Francimontii: Comitatus*

Animalium
varietas.



Vites.

tum *Hasbania*, aut (*Haspengauw*) *Lotensem*: multasque Baronas, ut vocant. Numeranturque in hoc Tractu, præter Trajectum, cujus media pars Duci Brabantiae pareat, xxiv Urbes muris munitæ & c10 1000 pagi templis turrigeris ornati, multæque Abbatiae & Domina. Urbium nomina hæc sunt: *Leodium*, *Bolionium*, *Francimontium*, *Loots*, *Borchvorn*, *Tungri*, *Hojum*, *Hasselt*, *Dinantum*, *Masacum*, *Stochum*, *Bilsenum*, *S. Trudonis*, *Visetum*, *Tunium*, *Varem*, *Beringum*, *Herck*, *Bree*, *Pera*, *Hamontium*, *Sincium*, *Fessa* & *Covinum*, ut eas numerat & nominat Guicciardinus. Harum omnium Metropolis est *Leodium*, nonnullis *Augusta Eburonum*, incolis *Liege*; Teutones *Luyck* & *Lutich* vocant. Urbs antiqua, cujus prima auspicia in Ambiorigem magnanimum Eburonum regem Hubertus Thomas Leodius refert, quo ducem indigenæ per insidias obruerunt Cottam & Sabinum, interfectâ Legione unâ Romanorum, cum v cohortibus, quemadmodum id C. Cæsar lib. v. Commentariorum suorum de bello Gallico prolixè refert. Alii urbem arbitrantur esse novitiam, conditam à D. Huberto Aquitano; cujus sententiæ error manifestissimè ex monumentorum quorundam & structurarum antiquitate convincitur. Præter *Mosam* & *Legiam* influunt Urbem alia aliquot Flumina, *Vtes*, *Veses*, *Ambluarus*, ex Silva Arduenna orti. Sunt & fontes illimæ & pellucidi tam frequentes, ut multæ privatorum domus binos aut ternos habeant. Urbs ipsa laxa est, montesque & valles aliquot complectitur; ambitus ejus est iv Italicorum milliarium. Ædificia ampla, ac præ cæteris superbum est & magnificum Episcopi Palatium, exstructum à Cardinali Erardo Leodiensi. Publicis verò Templorum structuris, sive numerum Ecclesiarum spectes, sive elegantiam, splendorem, divitias, omnes supe-

rat non modo Galliae, sed etiam Germaniae utriusque civitates. Octo in ea sunt Tempia Collegiata, in quibus divites admodum Canonici: splendidissimum vero est Templum D. Lamberti, qui tutelæ præest civitatis. Templum hoc Cathedrale est: cujus Episcopus totius ditionis & Diœceos Princeps, Canonici Consilarii; sed ad Canonicatum nemo admittitur, qui non sit aut nobili prognatus stemmate, aut aliqui Doctor vel Licentiat; licetque Canonico (nisi in sacerdotum numerum fuerit cooptatus) resignare beneficium, uxorem ducere, aliud quodvis munus suscipere. In hoc Templo multa admodum sunt vasa magni pretii, multa ornamenta aurea argenteaque: inter alia, statua est D. Georgii ex puro auro, quam Carolus Burgundiæ Dux consecravit. Sunt & quatuor Abbatiae perquam opulentæ, & Bibliothecis instructissimis exornatæ. Parœciæ intra urbem sunt xxxix cum Ecclesiis totidem. Atque ex his apparet, non immerito à Petrarcha olim scriptum, *Vidi Leodium, insignem Clero locum*. Episcopus jus habet titulumque Principis: tanta tamen libertate & tot privilegiis concessis Civitati, ut pene libera videri possit. Habet enim suos Consules, Scabinos, Magistratum. Studia hic olim magno in honore fuere, adeo ut observatum sit, uno eodemque tempore Leodii ix Regum filios, xxiv Ducum, xxix Comitum litteris artibusque humanioribus operam navasse; præter Baronum & aliorum illustrium virorum liberos, qui plerique omnes Canonici erant Templi D. Lamberti. *Bolionium*, *Bovillon*, Castellum est quarto *Ivoys* milliari, decimosexto à *Leodio* in montis vertice mirabili artificio exstructum: sedes Ducum Buillonensium. Ab hac nomen habuit *Gottfredus* Dux Lotharingæ, qui anno c10xvi in Concilio generali

generali celebrato Claremontii in Arvernia, una cum fratribus Eustatio & Balduino sacram militiam suscepit adversus infideles, pro recuperanda Terra Sancta. Quo tempore illustris ac verè generosus Heros, ut esset ad militiam illam expeditior, Sperto Episcopo Leodienfi Ducatum illum vendidit, majore gloriâ vendentis quam eementis. Hujus virtute anno c1010 capta sunt à Christianis Hierosolyma. Ei cum ab exercitu ob præclara merita regnum Hierosolymitanum cum corona offerretur, negavit (en Principis Christiani pectus) se auream coronam aut regium titulum eo loco suscepturum, in quo Servator humani generis coronam spiccam tulisset. *Francimontium* olim oppidum fuit muro clausum, nunc muris disjectis patet: in eo Cardinalis Erardus, quem antea retuli, munimentum exstruxit. Abest Leodio iv milliariibus, estque titulo Marchionatus insignitum. *Tumi* (pagus hic est Francimontio proximus) metalla sunt plumbi optima, & in montibus vicinis lapicidinæ marmoreæ. *Tungri* tribus mill. absunt à Trajecto Mosæ, (*Maastricht*) totidem à Leodio: Civitas eorum *Tangeren* hodie appellatur, sita ad fluxum *Iecher*, nomen habet à Tungris Germaniæ populis, qui relicta patria primi Rhenû trajecerunt, & has sibi delegerunt sedes. Vrbs est omnium Brabantia Civitatum antiquissima. Ab hac urbe usque Lutetiam Parisiorum iter est mill. ital. cc; quod totum iter lapide constratum fuit, exstantibus etiam nunc ejus viæ reliquiis manifestissimis. Argumentum summx antiquitatis est Templum Hercules intra urbem, cujus statua ante portam etiâ hodie conspici potest. *Hojum Hoy*, habet appellationem à rivulo impetuossissimo qui hoc lo-

co in Mosam præceps fuit, distat Leodio v mill. Quarto milliari à Leodio ad Denerum oppidulum est *Bilsen*, & extra illud pagus *Munsterhilsen*. Tertio milliaria à Tungris urbs est *S. Trudonis*, vulgo *Saint Truden*, *Centronum*, ut quidam arbitrantur, sedes, quorum frequens apud Iulium Cæsarem mentio. Vno milliari à Leodio pagus est *Ebure*, quæ Eburonum caput fuisse creditur. Trajecti partem, ut & hoc obiter addam, huic Diocesi accessisse ex donatione Pori, cujusdam Lovanienfis Comitis, scribit Placentius. Reliqua oppida brevitati studens omitto. Fluminibus undique rigatur hæc regio, quorum maxima pars Mosæ miscuntur: suntque *Legia*, sive *Legio*, *Vtes*, *Veses*, *Ambluarus*, *Ieckel*, *Hoy*, *Vesera*, *VI*, *Voer*, *Vrt*, reliqui per Demeram ad Scaldin deferuntur: uti sunt *Ratbeck*, *Stimmer*, *Herek*, *Hesp*, amnes limpidissimi, qui piscium fluviatilium genus omne abunde subministrant. Fons hic fuit de quo litigant inter se viri docti. Alii contendunt esse adhuc intra urbem: alii (quibus adsentitur accuratissimus Scriptor & qui hujus rei fidem singulari cura experiri voluit Lud. Guicciardinus) extra eam, scilicet milliari Limburgo, v mill. à Leodio, viii à Tungris, juxta *Spa* vicum, in nemore quodam amœno & jucundo, parte Silvæ Arduennæ. Hujus fontis mirabilis efficacia in morbis desperatissimis, Phthisi, Hydrope, Febribus atq; aliis. Montibus etiam Regio hinc inde attollitur, in quibus divites Fodinæ, de quibus supra. Silvis etiam passim umbrosa: Arduennæ portiones sunt Silvæ Iulio Cæsari celebratissimæ. Ejus Portiuncula Comitatus Namurcensi vicina *Salvus Marignianus* dicitur. Atque hæc haftenus de Diocesi Leodienfi: nunc ad reliqua pergamus.

Ddd

Qui

W A L D E C K

C O M I T A T V S.

Qui hanc Tabulam primus descripsit & edidit, Iodocus Moers à Corbach, duos Nobilium Ordines sub Comite Waldeccio enumerat, unum liberum intra Comitatum commorantem, alterum tam extra, quam intra Comitatum Feudo Comiti adstrictum. Hos ergo Ordines cum nihil præterea habeam, hic adnumerabo, & quæ illorum domus Tabulæ insunt, indicabo.

Stemmata Nobilium liberorum intra Comitatum sunt Uirmundt, Meissenburg, Gogreben, Zertzen, Volmerichausen, Dalvig, Eppe, Rodehausen, Reen, Sconstat, Hertzinghausen, Tyvist, Hanxtleden, Greifmar, Roman, Dorfelt.

Stemmata Feudatariorum tam extra quam intra Comitatum: U Vitstein, Reiteel, Spiegel, Calenberg, U Vestfal, Canstein, Malspurg, Lebenstein, Mengersen, Mescheden, Beinenburg, Papenheim, U Uulfft, Volkenbergh, Urf.



Regio 5
unde di-
cta.

Situs.

Soli ferti-
litas.Animali-
um va-
rietates.
Imperium
maiorum.

AD Mercatorem redeo, apud quem sequitur *WValdeccia* vel *WValdenſis Comitatus*, vulgo *De Graſchafft WValdeck*. Nomen habet ab urbe *Waldeckia*: eſtque Haſſia non minima pars. Coniacet illi ad Orientem quidem Haſſia: ad Septentrionem Episcopatus Paderbornenſis: Occidentior pars Diœceſim reſpicit Colonienſem. Longitudo & Latitudo Comitatus eſt vi milliarium. Solum, fertili campo, apricis collibus, irriguiſ amnibus felix: frumentum proſert magna copia & vinum: metalla gignit varij generis, Aurum, Argentum, *Æs*, Ferrum, Plumbum, Argentum vivum, Alumen, & Salem. Circa *WILDUNGAM* enim urbem, arcemque *Eiſenbur-* gum pleraque hæc eſt Terræ viſceribus ratâ felicitate effodiuntur. Sunt & Saxa grandia, foſſilia, (qualia in Episcopatu Leodiienſi) adignem idonea: Germanis *Steinkolen*, hiſ ignem focumque tamquam carbonibus ſovent. Varii generis producit Animalia, magnamque in ſilvis ferarum copiam, quæ ad venationes frequen-tes incolæ exſtimulant. Originem autem Comitum *Waldeccenſium*, à *WVidichindo* Comite in *Snalenberg*, quem *Carolus Magnus* Eccleſiæ Paderbornenſis, à ſe primum fundatæ, Advocatum, id eſt, (ſi vera eſt *Advocati* interpretatio, quam *Iac. Meyerus* aliique afferunt) Civitatis Principem conſtituit, arceſſunt. Quod; juſ ex poſteris quidam *WVidechindus* Comes *Waldeccenſis*, cum *Friderico Barbaroſſa* in *Aſiam* proſecturus, acceptis ccc argenti marcis, collegio remiſiſſe ſcribitur. Nec vero continua ſuperiorum Comitum familiæ ſeries adnotata, quod ſciam, exſtat. Itaque ab *Henrico Ferreo*, qui *Corbachiam* antea liberam, Imperio Comitum primum ſubjecit, ſeries ad noſtra tempora deducta adſcribitur. *Henricus Ferreus* Arcis *Laudojæ* con-

ditor, *Corbachiam* anno c10 ccc LXvi die xi Martii oppreſſam, ſibi parere coegit. *Henricus Fredericum Ducem Brunſwicenſem* electum Imp. ad *Friflariam* interfecit anno c10 cccc, uxor *Elizabethe Bergenſis*. *Henricus* cœpit anno c10 cccc xſexennale bellum cum *Pattibergiis*, ſinivix c10 cccc xviii. Patrocinio *Ludovici Haſſiæ Principis* ſe primus ſubjecit anno c10 cccc xxviii. *WVolradus* Comes à *Waldeck*, ab Epifcopo *Moguntino* *Friflariæ* & aliis quæ in *Haſſia* tener oppidis præfectus c10 cccc xxxiii. *Philippus II Philippi I* filius, uxor *Anna* filia *Ioannis II Ducis Clivenſis*. *WVolradus II Pius*, doctus & humanus: Præſes colloqui *Ratiſbonenſis* anno c10 10 lvi, mortuus c10 10 lxxviii. *Ioſias* natus anno c10 10 lliii, mortuus c10 10 lxxviii. *Chriſtianus & WVolradus*, Comitibus *Ioſiæ* filii. Ad dignitatem autem Officii Imperialis quod atinet, inter v Servos ſeu Milites Imperii, Comitatus hic primus numeratur: Sunt enim *WValdec*, *Hirten*, *Fulchen*, *Arnſperg*. Urbis primaria *WValdeccia*, vulgo *WValdec*, quæ regioni nomen dedit, arce prædita, quam *Edera* fluvius alluit. Sunt & *Aſſinchaufa*, *Dudinchaufa* oppida: *Landavia* urbs cum adjuncta arce: *Mengerbuſa* urbs quoque cum arce, Comitum hodie ſedes, duobus à *Waldeccia* milliaribus diſtat: *Rodenum* urbs & arx, in cujus territorio venationes ſunt frequen-tes. *WVetterburgum* arx, locus adſpectu & poſitu peramœnus, inter *Twiſtam* videlicet & *Ahram* fluvios ſita: *WWildunga* urbs quæ novo & veteri nomine ac loco diſtincta eſt: juxta quam *Fodinæ Metallicæ*: ex quibus magna vis *Auri*, *Æris* & *Ferri* quotidie eruitur. Sunt & hic fontes acidi ad quos variarum regionum ægri ante annos aliquot ſolebant confluere. Coquitur hic etiam optima cereviſia, qua præſtantiori non habet hæc regio. *Frienhagen* *Carolini* judicij ſedes:

Urbs.

Saxenhuſen

Saxenhufen, Saxenberga, Furstenberga oppida: *Eisenburgum* arx, cuius ager ut *Wildunga*, aurum & ferrum suppeditat: quo lithanthraces quoque effodiuntur: *Eilhusia* arx situ spectabilis, ab urbe amne dividitur: *Corbachia* urbs munita: auri fodinarum ad eam, ante trecentos annos mentionem fecit Albertus Magnus, & quidem de auro ibi effosso, cū igne probatur ac purum redditur, minus quam de Bohemico, ullove alio consumi adfirmat. Nec vero hodie venæ illæ prorsus exhaustæ sunt: nam haud procul *Corbachia* ex arena sæpiuscula lota aurum abstergitur. *Neuburga* arx & oppidum: *Ither* arx & *VVerba* Monasterium. Regio hæc fluminibus irrigatur variis (inter quæ agmen primum merito ducit *Edera*, qui Tagi Hispaniæ, Hebri Thraciæ, Pactoli Asiæ æmulus, aureas quoque vehit arenas, tum & piscibus siquis alius refer-

Flumina.

tissimus, mediam fere Provinciâ Waldeccensem secat: ex Nassaviæ montibus per Comitatum Wirgenstein ad Francobergam adlabens, & arcem Waldeccensem præcipiti rupe conspicuam, in ima valle altissimis undique montibus septam, abluens. Frislarium Hassiæ oppidum præterlapsus recepto Svalina in Fuldam supra Calfellam, atque inde in Visurgim se exonerat. Sequuntur *Dimila, Tyvsta, Vrba, Abra, & Ither* amnes. Nec montes defunt, inter quos qui vernaculè dicuntur *Grunbeckerberg, VVinterberg, den Astenberg* cum aliis qui in Tabula mercatoris cernuntur. Sunt & Silvæ in hoc tractu frequentes *Aldevvaldt, VVeterholt, Geppenhage, Plat*: alias prætereo, quæ passim per hunc Comitatum hic ibi sparsæ. Atque hæc de Waldeccensi Comitatu hæcenus, ad Latinatum Rheni transeamus.

Montes,

Silva.

Regio

VV

ALDECCIA succedit in mea methodo Palatinatus Rheni, vulgo die Pfaltz. Hanc nobilem Germaniæ partem nonnulli à Palatio Rheni nomen accepisse; alii

à Caroli Magni institutione; alii à Palatio Trevirensi sic nominatam volunt. Beatus Rhenanus conatur probare ex Ammiano Marcellino, Palatinatus ditionem & nomen à Palas Regione descendisse. Scribit enim Ammianus in hunc modum : *Constitutum est prope Moguntiacum, cohortes transgressæ sunt Rhenum; in regione Capellatiana, quæ à Palas nomen habet, castra sunt posita.* Et alibi : *Quum ventum esset ad regionem, cui Capellatii vel Palas nomen est, ubi terminales lapides, Romanorum & Burgundionum confinia distinguebāt, castra sunt posita.* His subijcit Rhenanus: Hic advertere licet principem Palatinum non à Palatio Cæsaris, vel ædificiolo illo quod in Rheno ostenditur, nomenclaturam suam possidere, sed vetustissimam à Regione esse natam appellationem. Hæcille. Sed cum plures, aliorumque locorum Comites Palatini, in historiis recensentur, hodieque etiamnum sint, hanc de etymo Palatini sententiam plerique rejiciunt. Huc accedit quod ante cccc annos, neque castra, neque oppida in hac regione, ubi hodie habitant, habuerunt: sed intra hos annos quicquid locorum juxta Rhenum habent, velerunt, vel armis adquisiverunt. Plerisque magis adlubescit, si à Palatio Comes Palatinus dicatur, qui dignitatis & claritatis ordo velut senatorius jam olim sub Imperatoribus esse cœpit. Hinc qui in Comitatu Palatii præsto essent principi, Palatini vocabantur. Habet hæc Regio ab Occidente Zveibruckensem Ducatum: qua Oriens est occurrit Franconia & Wirtember-

Situs.

gensis Ducatus: qua Septentrio, partim Mœno flumine partim extrema Silva quam Ottonicam vocant, terminatur: Alsatiam attingit à Meridie. Tractus hic universus amœnitate, fertilitate, & ubere omnium rerum copia vix ulli Germaniæ parti cedit. Montes plerique vitiferi sunt, vinumque præstantissimum proferunt, aliis remotioribus locis expetitur: iidem ad Boream castaneis referti. In agris copiosa frumenti seges, tritici, filiginis, hordei. Nec desunt pomaria, & horti omnium felicitum arborum genere confiti, qui passim in hac regione plurimi videntur, magna pomorum ubertate scabentes. Inter Wormaciam, Heydelbergam, Neostadiū, Crucenacum, Oppenheimum generosissimæ sunt vires: in primis Pfettershemii, cujus bonitas cum Setiis, Falernis, Cæcubis certare possit. Silvæ etiam & montes referri sunt feris, potissimum cervis. Quin & incolæ plurimos in silvis nutriendi hircos, hædos, & capras, eò quod hæc animalia potius silvestribus delectantur saltibus, quam pratis. A carpendo enim capræ dicuntur, ideoque in lege locationis fundi excipi solent, ne colonus capram in fundo pascat. Prope Heydelbergam est magna copia ardearum, ibique in nemore nidificant. Est autem avis aquatilis, quippe quæ vivit ex aqua, & tamen horret pluvias aliasque tempestates, quas in sublime volans evitare conatur, juxta illud Virgilii : *atque altam supra volat ardea nubem.* Vocatur etiam ob id ardea, quod ardua suo volatu petat. Ponnidum suum in altissimis arboribus, oditque natura Accipitrem fringillarium seu nifum, sicut vicissim accipiter exitium illius continuo quærit. Decertantes autem in sublimi aere, uterque id unum conatur, ut alterum

Soli feruntur.

Animalium varietas.



Imperium
majorem.

alterum ascendendo superet. Si accipiter altiore obtinuerit locum, impetu quodam obruit hostem atque extinguit. Sed ad rem. Fuerunt ab initio Palatini Palatiorum præfecti, præsertim in Curiis Imperatorum, quos Franci olim *Majores-domus* vel *Palatii* vocaverunt. Quando autem ditio Palatinatus Rheni fuerit instituta, & ubi locorum Palatini Rheni ante quadringentos & quingentos annos se continuerint, non licuit mihi investigare, variæ enim hic hominum conjecturæ. Sunt qui ajunt primos Palatinos simplices fuisse nobiles, usque ad tempora Ottonis III, quando principes Electores fuerunt constituti: tunc enim illis major dignitas fuit constituta. Primus Palatinus Elector fuit *Henricus*, qui cum ceteris Electoribus anno cxiij Imperatorem constituit D. Henricum. At ubi suam habuerit Curiam, cui præfederit regioni, quos audientes habuerit populos ipse & aliquot ejus successores, à nullo inveni scriptum, inquit Munsterus, nec principes ipsi qui hodie præsidet Palatinatus id sciunt, nisi quod quidam, sed sine certo testimonio, putant principes Palatinos olim Wormaciæ confedisæ, & magnam in ea urbe habuisse jurisdictionem. Hoc constat, Conradum Ducem Franconiarum anno cxcxlii suam sedem Wormaciæ habuisse: de principe Palatino nihil tale invenitur. Sedes hic olim *Inturgorum*, *Nemetum* etiam & *Vangionum*, ut nonnulli opinantur. *Inturgi* Germaniæ populi: hos Peucerus in Palatinatu constituit circa Heydelbergam, quæ regio etiam *Capellatium* & *Pallas* vocata fuit, ut supra ex Marcellino retuli. *Nemetes*, Ptolemæo & aliis, Germaniæ ad Rhenum populi, finitimi Metensibus, Argentinensibus, Wormaciensibus; *Spier* hodie urbs Episcopi-

palis in Germaniâ B. Rhenano. *Augusta Nemetum* hæc Aethico. *Vangiones* Ptol. itidem Germaniæ populi ad Rhenum: *Wormser Bisthumb* B. Rhenano & Lichtenavio. Sed contra affirmat Pirchaymetus, *Vangiones* esse *Spiren-ses*, *Nemetes* vero *Wormacienses*. Rationem addit Irenicus, nempe quod Ptolemæus, qui in descriptione Rheni solitus sit à Meridie in Septentrionem decurrere, primum meminit Vangionum, deinde Nemetum. Sig. Gemblacensis tamen, qui ante annos scripsit circiter quingentos, Wormatium Vangionum urbem vocat. Wormatium urbem olim vocatam *Vangionum* speculam, ex antiqua ibidem inscriptione, colligit quoque Ioannes Heroldus. *Vaingen* interpretatur Lazius. Urbes memorantur xlviii, quarum caput *Heidelberga* principis Palatini sedes. Nomen habet vel à gētibus, hæ enim Germanis dicuntur *Heyden*: vel à Myrto, quem iidem vocant *Heydelbeer*, atque ob hanc causam eruditissimus Melissus eam urbem appellat *Myrtiletum*. *Durlacum*, cujus meminit Abbas Vrspergēsis, Pyramio est; quod alii *Durlach*, & rectius Ioannes Heroldus vocat *Capellatium*. alii tamē *Capellatium* est ipse Palatinatus, ut modo diximus. Munstero tractus est quater Francofordia Heydelbergam, *Bergstras* dictus. Sunt etiam qui Ptolemæicam *Budorin* hic sitam fuisse putet, sed hi præter inanem conjecturam nihil adferunt. Budorin enim statuit Ptolemæus, latitud. grad. li, cum Heydelberga habeat latitudinem graduum duntaxat xlix, min. xxxv; vulgo *Heydelberg*. Sunt alii qui contendunt legendum & scribendum *Edelberg*, quod sonat nobilem montem: alii vero *Eidelberg*, quod meros montes significat. Sita est ad Nicrum sive Neccarum fluvium, in faucibus montium
selebris

Celebris fuit jam inde ab annò cīōccclvi insigni Litterarum & Sapientiæ Gymnasio, quod iis temporibus constitutum est à *Ruperto* seniore Principe Palatino, qui etiam ad ejus curam Marfilium quendam Ultrajectinum Parisiis vocavit. Ex eo semper inclyta fuit Doctorum & Studioforum frequentia. Inter Doctores celebrēs fuere Rodolphus Agricola, Ioannes Dalburgius, Ioannes Virdungus, Gulielmus Xilander, Thomas Erastus, Zacharius Vrsinus, atque alii plurimi. Porro universus Palatinatus in quatuor Præposituras tributus est, quas illi *Ampten* vocant, Heydelbergensem, Alzæensem, Neostadiensem, & Mosbachensem, ab urbibus Heydelberga, Alzea, Neostadio & Mosbaco nuncupatas. Sunt præterea *Bretta*, oppidum mediocriter ad Salzam fluvium, patria Philippi Melanchthonis, summi liberalium Artium Magistri: *Ladeburgum*, à Castris Latinis Peucero dictum, pignori datum est Duci Ruperto seniori pro media ejus parte annò cīōcccxxi. Altera medietas obvenit Episcopo Wormaciensi. Eidem Principi vendidit Sifridus à Stralenberg annò cīōcccxvii oppidum *Schrieffen* & castrum Stralenberg. Et annò cīōcccxlvi oppidum *Wernheim* per arbitros est memorato Principi adjudicatum, quod antea Episcopus Moguntinus possederat. Sunt item, *Cauda*, *Gelhusen*, *Sintzon*, *Luden* ad Tuberum flu. *Oppenheim*, *Cæsarea Lutra*, *Ingelheimum*, *Lovrensteinum*: in Brucinia *Bruxella*, & alia, quæ in Tabula obvia sunt, ut & arces & pagi. Flumina præcipua sunt *Rhenus* & *Neccarus*. Hic medium Palatinatum fecat irrigatque, ac prope Ladeburgum Rheno immergitur, Veteribus *Nicer* dictus: Piscium & in primis mullorum, quos vulgo *Barbones* vocant, sæcundus, si quis alius am-

nis. Descendunt quoque per hunc fluvium continuæ lignorum rates, ex Ottonica silva, quæ ex Neccaro in Rhenum deferuntur. Ignobiliores sunt *Tuberus*, *Luthernus*, *Iaxtus* alique. Regio universim tum montuosa, tum campestris: montes habet insignes in quibus præstantissima vina decoquuntur. Nec desunt silvæ opimas venationes præbentes. Inter silvas ea est quæ dicitur *Ottonica* sive *Ottonis*: estque pars Hercyniæ silvæ. Latitudo ejus extenditur à Neccaro usque ad Mœnum, & longitudo à montana via vulgo *Bergstras*, usque ad Tuberum flu. Sed hæc hæcætenus. Multa in Palatinatu Templâ, multa etiam fuere Monasteria: inter quæ *Laurissense* vulgo *Lorsch*, per Carolum Magnum, aut ut alii putant per Pipinum constructum: de cujus Bibliotheca sic Munsterus: Non est locus in Germania, ubi vetustior quam in hoc Monasterio Bibliotheca fuerit. Vidi ibi exemplar unum quod manu Virgilii scriptum titulus præmonebat. Inventus est tibi quoque ultimus liber Ammiani Marcellini, qui & jam publicatus est, scriptus majusculis tantum literis. Ioannes Dalburgius Episcopus Wormaciensis, Vir Doctissimus, transtulit inde ad Bibliothecam Ladenburgensem meliores quosque codices. Ceterum sextus Circulus Imperii est quatuor Electorum, qui sunt: Comes Palatinus Rheni: Archiepiscopi *Ments*, *Trier*, & *Coln*. Civitates liberæ sunt *Mentz*, *Coln*, *Trier*, *Gelenhausen*. Principes & Domini: Palatinus cum suo Territorio: Com. *Nassau*: & *Beilstein*: D. *Reifferscheidt*, & *Rheineck*: *Teutsch Ordens Herrn in Coblentz*: Abb. *S. Maximini* proximè *Trier*: Præpositus *Seltz*: D. *Nider Eisenburg*. Sed hæc hæcætenus; ad Ducatum Wirtembergensem transeo.

Montes
Silva.

Opera
publica.
Biblio-
theca.

Flumina.

Ecc

DVCATVS

Regio &
unde di-
ctā.

Situs.

Cali qua-
litas.
Soli ferti-
litas.

DVCATVS *Virtembergensis*, vulgo *Virtember-*
gerlant, nomen habet à *Wirtembergā* Arce
veteri in ejus fere mediotallo sita, in edito col-
le, haud procul ab *Eslingensi* urbe Imperiali:
alii aliunde derivant. Cæterum *Regio Virtembergensis* in
prima fere Superioris Germaniæ parte, tractum Suevię
feliciter occupat, ad *Nicri* potissimum ripam sita. Con-
regionales illi ad *Ortū* Suevi, *Vindelici* & *Norici*: ad
Occasum Comitum ad *Rhenū* *Palatini*, Principis *Ele-*
ctoris, & *Marchionis Badensis* limites: inde *Nigræ Silvæ*
juga complectitur: qua *Meridies* est montes *Arbonę*
pariter ac *Suevicæ Alpes*, (ita vocant montes ejus re-
gionis editiores incolę) prominent. Versus autem *Se-*
ptentrionem *Francos* habet vicinos, & non ita procul
Ottonis Silvā. Aer hujus regionis saluberrimus est: æ-
state cōmodus, hyeme temperatus: regio ipsa fertilissi-
ma, ita ut cum optima Germaniæ parte certare queat,
ac prima etiam obtinere. *Frumenti*, *leguminum*, *vini*,
fructuum admodū ferax. *Vniversæ* tamen *Regionis* nō
eadem ubiq; *qualitas*, non idem *solo genius*. Ea nam-
que pars qua *Neccarus* oritur, quęq; confinis *Hercynię*,
tum quæ *Suevicis*, inter *Danubium* & *Nicrum* sitis, *Al-*
pibus est contermina, subaspera quidem vitibus inimi-
ca, pecorum cultui satis idonea. *Ager* in *Alpibus* lapi-
dosus, at *frugum* abunde ferax: item per *nigræ Silvæ*
cacumina, rubro colore tellus arenosa, quæ *frumento*
tamen satis abundat. *Vbi* vero *Neccarus* in campestria
diffunditur, tota felix, tota beata est: undique *Bacchi*
colles, herbida prata, fertiles agri, copiosus ubique
vini, *frumenti*, *pomorumque* proventus. *Argenti* quo-
que fodinas hic *Ducatus* habet, haud procul à *Vilt-*
bergo, ac dicitur *Puelachium* oppidum totum eris fodi-

nis superstructum. Producit & *ferrum* & *æs*. Repe-
riuntur etiam lapides elegantibus ac variis coloribus,
ut plurimum tamen cæruleo distincti. Ut videatur etiā
Naturā molita esse hoc loco *Gemmas* producere. Varii
generis animalium passim vis magna: ac per saltuosa
Nemora ferę innumere conspiciuntur. *Ducatus* titu-
lū adepta est hæc regio anno *MDCCCXCV*, *Imp. Ma-*
ximiliano conventū *Vormacię* celebraute. Hic enim
Eberhardum Comitem *Virtembergensem* ad dignita-
tem *Ducalem* evexit. *Eberhardus* *Dux II* amplius bien-
nium non mansit in *Ducatu*, sed corrasis vasīs suis au-
reis & argenteis primum fugit *Vlmam*, ac deinde ad
Principem Palatinum, mortuusque est apud exteros si-
ne liberis. Tunc creavit *Imp. Maximilianus Vtricum* *E-*
berhardi nepotem. Hic an. *MDCCXIX*. ditione pulsus
& ejectus fuit, à *Suevici* fœderis sociis, cum *Reutlin-*
gam oppidum *Imperii* fœdere ipsis junctum nuper ce-
pisset. Patri *Vlrico* successit *Christophorus*: *Christopho-*
ro Ludovicus filius. *Ludovicus* denique *Fredericum*
Georgii Comitum *Montis Pelicardi* filium successorem
habuit. Sedes hic habuerunt olim suas *Inuergi*, *Tschu-*
do, *Rhenano Virthungi*. Item *Tectosages*. *Ducatus* iste ve-
luti circularem habet situm, complectiturque *Civitates*
& oppida plurima. *Præstantiores Civitates* sunt *Tubinga*
& *Stuttgartia*. *Tubinga*, vulgo *Tubingen*, ad *Neccarum* si-
ta, urbs admodum elegans, *Cereri* & *Liberi* donis
abundans, quæ & copioso, & generoso proventu, tam
incolis, quam vicinis *Suevis* communicat, utramque
Neccari ripam, lapideo ponte conjungit. *Arce*, *vinif-*
ero colle, *Canonicorum Collegio*, & rei *literariæ* or-
namento, *Academia*, *Studiisque liberalibus* illustris.
In ea, præter *Joannem Stofferum* & alios, annis supe-
rioribus

Anima-
lium va-
rietates.
Imperium
majorum.

Urbes.



rioribus cum celebritate maxima nominis medicinam docuit *Leonhardus Fuchsius* primus Medicinæ hac nostra ætate repurgator. In eadem Academia proficitur cum celebritate nominis, etiam inter Barbaras gentes, studia eloquætiæ & linguarum clarissimus ac doctissimus vir *Martinus Crusius*. Eam instituit *Eberhardus Comes Wirtembergensis* quem supra ad dignitatem Ducalem à Maximiliano evectum fuisse diximus, anno circ. cccclxxvii. Mansionem Augustam Caracallæ in Germania ad Tubingam fuisse, *Ioannes Heroldus*, libello de Germaniæ primæ antiquitatibus ex fragmento elogi ipsius, quod ibidem incisum videtur, demonstrat. Id *Petrus Appianus* lib. de sacrosanctæ vetustatis inscriptionibus ita exhibet.

MAX. IN
AVG. EM. GER. MAX.
DAC. MAX. ARM.
MAX. TRIE. P.
COS. ET.

Verum *Heroldus* hanc inscriptionem integram legit, quemadmodum eidem Imperatori Romæ posita fuit. *Imp. Caes. Divi. L. Sept. Sever. Pert. Aug. Parth. Tarab. Adiab. F. M. Aurel. Antonin. Aug. Sarmat. Max. Ger. Max. Tac. Max. Armen. Max. Britan. Max. Arab. Max. Aleman. Max. Parth. Max. P. E. Pont. Max. Trib. Pote vi. Cos. Procos. Perpet. Leg. VIII. Ant. Aug. P. E. Ejus. Num. Devot. Prin. Opt. Fortis.*

Stutgardia, Metropolis & sedes est Ducis haud procul à Neccaro sita. Ab hac Civitate Comitatus *Stutgardicus* nomen desumit: à *Wandalis* exstructa est, postea vero restaurata à *Marchione Ioanne I Electore Brandenburgensi*, & *Ottone III*. Anno autem circ. cc xc

Albertus IV Marchio Brandenburgicus, Princeps *Anhaltinus*, filius *Otonis IV*, filia suæ *Beatrix* dotis loco dedit, quæ *Heprico Leoni V Vandalis* nupsit. Vrbis hæc agro undiq; beatissimo cincta. Vix verbis exprimi potest, quanta vini copia per circuitum hujus oppidi in singulos annos producat. Ornavit locum istum *Ioannes Capnion* vulgo *Reuchlinus* dictus, vir insignis, iurisperitus, trilinguis, & qui primus in Orbe Christiano sacram *Hebræorum* docuit linguam. Est & *Reutlinga*, ad *Neccarum* sita in Ducatu *Wirtembergensi*, anno circ. cxxl à *Friderico II*. Imperatore facta Civitas: alii dicunt anno circ. ccc lxxxii. Civitas hæc famosa est ob molas papyraceas. Reliqua oppida æmœna satis, ac pleraque arcibus & castris munitissimis ornata, utpote *Vracum* ad *Amerum fl.* *Nirtingum*, *Kirchena*, *Heilbronna*, *Laufena*, *Pinigkheim*, *Asperga* arx, *Greininga*, *Marbachum*, *Cannstadium*, *Vvaiblinga*, *Schorendorffum*, *Geppinga*, *Fiesen Aludatum* olim, *Heidenheimum*, *Vvilpergium* patria diligentissimi *Cosmographi Danielis Cellarii*, ad *Nagoltam* fluvium, *Herrenbergum*, *Rotenbergum*, *Hechingum* ludæorum asylum, *Balingum* ac complura alia, quorum nomina ac situm hæc Tabula insipienti dabit. Ducatus autem iste Circuli Imperialis Suevici præcipua pars est, quam quia solam inter cæteras exactius describam à *Georgio Gardnero*, & *Davide Seltzlin* habemus, hic Circulum Suevicum totum in suum ordinem distributum proponam. Quartus Circulus Imperii Suevici tres Ordines complectitur, quorum I Ecclesiasticus: II Principum: III Civitates liberæ. In primo sunt Episcopi, *Chur*, *Constantia*, *Ausburg*. Abbates, *Kempten*, *Rheichenovv*, *S. Galin Helvetia*, *Salmansvveiler*, *Vveigarten*, *Vveissenovv*, *S. Blasii*, *S. Peter*, *Maulbron*, *Schaffhausen*, *Stain am Rhein*, *Kreutzlingen*,

Ordo Politicus.

gen, *Petershausen*, adjacet *Constantiæ* & *Rheno* ad partē Borealē, *Einsiedeln*, *Pfeffers*, *Pfefficon*, *Opinor*, *S. Ioan in Thurthal*, *Schussenriedt*, *Sockenburg*, *Ochsenhausen*, *Kuningsbron*, *Marchial*, *Elchingen*, *Ysne*, *Munchrod*, *Aursperg*, *Yrsee*, *Gengenbach*, *Schuttern*, *Difidisen*. *Abbatissæ*, *Lindavv*, *Rottenmunster*, *Buchavv*, *Guttenzell*, *Beund*, *Heppach*, *Teutsch Ordens-Maister in Elsas*, vnd *Burgund*. In II ordine quiescit principum, *Dux VVirtembergensis*, *Marchio Badensis*. *Comites*, *Helfenstein*, *VViesenstag*, *Oringen*, *Lauffen*, *Montfort*, *Furstenberg*, *Marchio Eberstein*. *Comites Tollern*, *Bultz*, *Læbenstein*, *Tubingen*, *Kirchberg*, *Tengen* alias *Dongen*, *B. Gundelfingen*. *Dominia Stuttgart*, *Tussen*, *Bar. VValdeburg*, *D. Sonneberg*, *Valckenstein*, *Kunseck*, *Kunseckerperg*. *Bar. Geroltzek*, *Ober-Helvyen*. In III ordine, *Augsburg*, *Kauffbeurn*, *Vlm*, *Mēmingen*, *Kempten*, *Bibrach*, *Leukirch*, *Ysne*, *VVangen*, *Lindovv*, *Ravenspurg*, *Buchorn*, *Vberlingen*, *Costentz*, *Pfullendorff*, *S. Gal*, *Schafhausen*, *Reutlingen*, *Efingen*, *Gmind*, *VVeil*, *Heilbron*, *VVimpfn*, *Hal in Schvvaben*, *Dinckelspuel*, *Bopfingen*, *Gengen-Alen*, *Nordlingen*, *Donavverd*, *Buchavv*, *Offenburg*, *Gengen-*

bach, *Zel im Hamersbach*, *Rottrveil*. Ad *Ducatum* redeo. Passim Regio hæc amœnis lacubus, atque amnibus admodum piscosis irrigatur, inter quos facile primas tenet *Brentius* amnis, qui nunquam, etiam gelidissima hyeme congelatur. *Nicer* amnis mediam oram percurrit, multisque fluminibus receptis, quorum præcipua sunt, *Nagolta*, *Entius*, *Remisus*, *Kocherus*, *Iagusta*, *Filtzius*, in *Rhenum* properans: *Brentius* vero *Danubio* miscetur. Hujus *Ducatus* montes sunt *Alpes*, qui ab albedine sic dicti creduntur: albis enim silicibus ac lapillis longè conspiciuntur, ac sæpius nova sibi vocabula inveniunt, utpote: *Schera*, *Albuchus*, *Hanecampus*, *Hertfeldius*. *Hercynia* atque *Martiana* silva regionem pluribus locis interrumpunt, ac suis nominibus discernuntur, ut *Albuchius Lucus*, *Stubenthal Silva*, *Nigra Silva* vulgo *der Schvvartzwalt*, *Odenwalt Silva*, &c. Per univ-
Lucus.
Flumina.
Montes.
Silva.
Volgæ mē-
tes.

Regio.

ALSATIA, vulgo *Elſaſz*, quam alii quaſi *Edelſaſz*, id eſt nobilem & præclaram ſeſſionem: alii ab Illa fl. *a* in *i* mutato, quaſi ſeſſionem ad Illam fl. dictam autumant: unde & quidam regionē *Melſaſz* & non *Alſaſz*, appellatam aſſerunt: regio nobiliſſima eſt, cui ob inſignem felicitatem nulla alia in toto illo Rhēni tractu comparari poteſt. Ad Orientem Helvetiam à qua Rheno diſterminatur: ab Occaſu Lotharingiam, Vogeſo monte limitem inter Lotharingiam & Germaniam conſtituente, reſpicit: qua Meridies eſt Helvetiæ parte & Burgundia: qua Septentrio Wirtembergēſi Ducatu terminatur. Longitudo milliariū Germanicorum ix: à Rheno ad montes latitudo trium mill. Germ. niſi quod apud Haganoam ſit planities amplior, montibus ſcilicet magis ac magis à Rhēni alveo recedentibus. Tanta autem huius regionis fertilitas, tamque læta rerum omnium, & inprimis vini & frumenti copia in hoc tam anguſto terræ tractu ſingulis annis provenit: ut non modo ad ſuppeditandam incolis (quorum ingens eſt numerus) alimoniam ſit par: ſed tantum ſuper eſt, ut conſinales quique, aliiſque Germaniæ populi, imo & remotiores eorum abundantia fruantur. Quare non immerito *Cellapennaria* & *Nutrix Germaniæ*, à Jacobo Wimphelingo in Epitome rerum Germanicarum dicitur. Nobiliſſima enim vina huius Regionis continuo curribus, aliquando etiam navigiis vehuntur in Helvetiam, Sueviam, Bavariam, Lotharingiam, & inferiorem Germaniam, etiam aliquando in Angliam. In Sungoja magna creſcit vis frumenti: imo per totam Alſatiæ planiciem uſque ad Argentinam ſumma eſt ubique frumenti uber-

Soli fertiliſſima.

tas, unde Lotharingiæ montes inhabitantes Burgundi, & bona pars Helvetiæ cibantur. Montes habet præſtiſſimorum, primæque nobilitatis vinorum feraces, & in plano non ſolum frumentum, ſed etiam arborum fructus proveniunt. Habet quoque Alſatia in montibus caſtanearum, habet montes argenti, æris, plumbi fodinis turgentes, præſertim in valle *Leberthal*. Habet præterea in montibus & vallibus nobiliſſima paſcua, id quod teſtantur optimi & pinguiſſimi caſei, qui in *Munſterthal* conſiciuntur. Tot illa boum armentis abundat, tam læta vaccarum parens ac nutritrix eſt. Alit & alibi equos ſilveſtres permultos, lynces item, uſos, martes, omnis generis cervos, aliasque feras innumera- biles. *Alſatia* olim ſub dominio Regum Franciæ fuit, ac pars Regni Auſtraſiæ. Antea vero 10 fere annis ſub Romanorum poteſtate fuiſſe legitur. Primum autem Ducatus fuit Alſatia & ab Hilderico Francorum Rege *Ericoni* affini eo titulo collata, anno 1021. LXXXIV, cum antea præfecturæ nomine ei fuiſſet ſubjecta. *Ericoni* ſucceſſit filius ejus *Adelprechtus*: hic ſagittæ ictu mortuus reliquit duos filios *Linfridum* & *Eberhardum*, qui præſuerunt Alſatiæ. Poſtea fuit familia eorum repulſa ab Alſatia per Carolum Martellum Palatinum & Curiam Magiſtrum in Regno Franciæ. Tempore autem Ottonis I Comites Kyburgenſes, qui de ſanguine ejuſdem Imperatoris erant, potiti ſunt rerum in Alſatia. Sunt qui volunt eos factos Landgravios Alſatiæ, alii verò dicunt ab Ottone III Alſatiam primum in Landgraviatus duos erectam, pervenitque tandem Landgraviatus ſuperior, qui continet oppidū *Einſheim* & circumjacentia quæque loca, ad Comites Habsburgenſes.

Anima-
lim vae-
ricas.Imperium
majorum

Alter

*Urbes &
Oppida.*

Altet à Comitibus Ottingensibus ad quos Henrico Landgravio inferioris Alsatiae improbi defuncto devolutus erat, Episcopo Argentinenſi divenditus, etiamnum ei subest. Hæc autem tam parva Regio adeo humanis usibus est dedicata, ut in ea reperiuntur XLVI civitates & oppidula, omnia muris cincta, & arces in montibus & plano sitæ: villarum vero & vicorum non est numerus. Cæterum Alsatia duplex est, inferior quæ hæc præſenti, & superior, quæ proxima tabula depingitur: utramque *Triboci* possederunt. *Inferioris Alsatia* urbs primaria, *Argentina* recentioribus: *Argentoratum* Marcellino & Sexto Aurelio: *Argentoratum* Ptolemæo *Legionem VIIII* *Sebasten* hic collocanti, *Strasburgum* etiam nominat Regino, qui ante annos 10 & amplius scripsit. Rob. Constantinus hanc eandem esse putat cum ea quam Aurel. Victor, & Diaconus ex Marcellino, *Argentariam* appellant, & xxx Alemannorum c10 à Gratiano Imperat. ibidem cæsa tradit. Vulgo *Strasburg*, à platearum numero & capacitate, dicitur. Urbs sita in agro fertilissimo, habetque miram copiam vini & frumenti. Scribit etiam Munsterus inveniri in hac urbe aliquot centenos hortulanos, qui annuatim magnum faciunt quæstum ex rapis, cepis, raphanis, napis, brassicis, vulgo caulibus, papavere, aliisque id genus, quæ hic felicissimè proveniunt. Urbem hanc Rheni brachium & tria alia flumina intrant, & aquis per plateas canalibus distributis similitudinem Venetiæ in urbe exhibent. Hodie Republica, Schola, ac celebri Ecclesiæ incluta. Occidentem versus *Taberna* Antonino celebratæ sunt: Simlerus *Zabern* vocat: *Zabrena* Frodoardus nominat; tres *Taberna* Ammiani Ortelio videntur. De his Aufonius: *Rigulaeque perenni fonte Tabernas.*

Fuerunt autem *Taberna* munimentum Romanorum ad prohibendas Alemannorum in Galliam incursiones, ubi hodie Episcopi Argentoratensis est domicilium & Curia. Hoc munimentum ab Alemannis dirutum, Ammianus scribit Julianum Cæsarem restituisse. Abundat locus iste vino, frumento, omnibusque rebus usui humano necessariis. Haud procul Tabernis oppidum quoddam est & juxta illud Monasterium, *Maurismunster*: est & aliud Monasterium parum distans à Brocomago, *Stephani Campus*, *Steffans felde* & corruptè *Stechfelde*, dictum. Hinc Septentrionem versus *Hagenoa* conspicitur, urbs à Friderico Barbarossa anno c10 c1xiv muro clausa, ante vicus burgum adjunctum habens, in quo principes terræ commorabantur venationibus vacantes. Solum habet circum mœnia arenosum, sed sterilitatem illam compensat ager fertilis paullo longius à civitate dissitus. Ulterius descendenti *VVeissenburgum* sese offert, vulgo *VVeissenburg*, quasi album castrum, inſigne & clarum oppidum, ad Vogesi montis radices; situ amœnum, collibus undique humilibus clausum, nemoribus & variis arborum generibus ad Occidentem felix: tellus cœli benignitate frugifera: oppidum ab omni parte, natura atque humana firmatum industria. Lutra amni, cujus fontes in ipsis montibus paullo altius VII mill. pass. ab oppido surgunt, penetratis jam montibus per medium interluitur: qui ubi sub oppidi mœnibus elabitur, stricto alveo duobus millibus pass. præcipiti cursu in Rhenum uno ostio se exonerat. Loci tanta est vetustas, ut etiam apud nullos rerum scriptores ejus origo reperiatur. Est & *Hasla* oppidum ad Bruschum fluvium: id Francorum Rex Dagobertus (cujus filia Rathilpæ cæcæ & surdæ Florentius Scotus suis præci-

bus

bus sanitatem obtinuerat) Florentio dono dedit, cum agris circumjacentibus, quo loci Florentius Monasterium exstruxit. Flumina hanc regionem irrigant beantque plurimum præter Rhenum & alios multos amnes: *Kintzhus*, qui secum magnam adfert vim trabium ædificiis aptarum: *Ille*, *Brusschus*, *Sorn*, *Mater*, *Lauter*. Præcipuus vero Alsatia fluvius est *Ille*, qui totam fere percurrit Alsatiam, primam scaturiginem habens in *Sungovia* supra oppidum *Altkirch*, fluensque juxta oppida *Mulnhausen*, *Einsheim*, *Colmar*, *Selestadium* & *Benfelden*, sine ambagibus rectâ petit *Argentina*, ubi *Rhenum* ingreditur, receptis tamen antea omnibus rivulis ex *Vogeso* monte emissis; salmonum aliorumque piscium, ut *Rhenus* admodum fecundus. Regio partim montosa, partim plana est; silvisque ac nemoribus passim decoratur, inter quæ castaneis, amygdalis nubilisque habet referta. Vulgus regionem incolens & terram colens, miserum est. Nam per singulos annos ablignit bona sua, nec quicquam in futurum servat, unde fit ut tempore belli, aut quando frigore aut pruina terra nascencia devastantur aut pereunt, magna premantur penuria. Juvantur tamen pauperes ex publicis granariis. Non habet regio hæc indigenas multos, sed major pars sunt advenæ, puta *Suevi*, *Bavari*, *Burgundi*, *Sabaudi* & *Lotharingi*, qui ubi semel regionem ingressi fuerint, non facile hinc emigrant. *Suevi*

potissimum ibi commorantur. Porro quintus circulus Imperii, est *Rheni*. Constat tribus Ordinibus, qui sunt i Ecclesiasticis: i Principum: i civitatum liberarum. In i sunt Episcopi, *Vorms*, *Spier*, *Straesburg*, *Basel*, *Besançon*, in Comitatu *Burgundia*; *Vallis* Provincia, in qua *Sitten* Metropolis, *Geneva*, *Lofanna*, *Metz*, *Toul*, *Verdun*. Abbates, *Hiersfeld*, *Morbach*, *S. Gregoris Munster*. In i sunt Principes, Comites & Domini seculares, Duces *Lotharingia*, *Sabaudia* (*Savoje*,) Dux & Comes *Spanheim*, *Marchio Baden*, Dux *Zyvebruck*, Comes *Veldentz*, *Landgr. Hessen*, Princeps de *Calim*, Comes *Nassavv* in *Sarbruck*, Comites *Rheni*, *Do. Rapoltzkirchen*, juxta *Rapoltzstein*, Comites *Bitsch*, *Salm*, *Hanavv* & *Lichtenberg*, *Leiningen*, *Falckenstein*, *Do. Morzburg* & *Befort*, *Rapoltzstein*, *Hoben Rechperg*, *Blankenberg*, *Blammont* in *Lotharingia*; Comites *Vveissbaden*, & *Itzstein*, *Kunigstein*, *Do. van Eppenstein*: Comites *Isenburg* in Alsatia superiore, *Solms*, *Nassavv* in *Weilburg*, *Semvigen*, *Havare*, *D. Muntzenburg*; Comites *Vvestenburg*, *Vvitgenstein*, *Vvaldeck*, *Pless*. i i libera- rum civitatum, quæ sunt, *Mulnhausen* in *Sundtgovv* superioris Alsatia, *Basel*, *Colmar*, *Kaisersperg*, *Turckheim*, *S. Gregoris Munster*, *Ober Ebenheim*, *Straesburg*, *Rosenheim*, *Schletstat*, *Hagenayv*, *Vveissenburg*, *Landauv*, *Spier*, *Vvorms*, *Francfort*, *Fridberg* in *Wederavv*, *VWetzlar*, *Metz*, *Toul*, *Verdun*, *Kaufmans Sarbruck*, *Besano*, *Castrum Fridberg*, *Gleichausen Castrum*.

Regio.

Oppida.

HAc Tabula *Alsatia superior* cum *Sungovia & Brisgoja* delineatur. *Alsatia superior* vulgo *Ober-Elsasz* primo loco occurrit, metropolis ejus *Einsheimum*. Sedes supremi Senatus, quo, ab inferioribus *Sungoja*, *Brisgoja*, & quatuor oppidorum ad Rhenum supra *Basileam*, Archiducibus *Austriæ* parentium, tribunalibus, appellatur. In ditionem *Alberti Comitis Habsburgensis Regis Rudolphi* patrem, anno *1100* pervenit. *Rubeacum*, vel *Rusacum*, vulgo *Rusach*, antiquissimum *Alsatia* oppidum est, à Romanis conditum. Nomen ei inditum ferūt à fluvio, ab aqua ex alvei colore rubra apparere *Rothbach* olim dicto, (nunc *Ombach* incolis) qui in valle non procul à *Sultzmath* ortus, ac rubro alveo per agros & vineas lapsus, ad multos usus in urbem excipitur. Oppidum hoc magnificis primum ædificiis ac duplici suburbio exstructum, Romanæ nobilitatis diu fuit hospitium, ob soli fertilitatem omniumque rerum humanis usibus necessariorum copiam: qui optimis legibus inprimis contra fures ornarunt, quas tam severe executioni mandarunt, ut inde ad nostram usque ætatem, per Germaniam tritum sit proverbium: *Der alt galghen zu Rusach, hat gut eichenholtz*: i. *Rubeaquensē* vetus patibulum ex firmo ligno quercino factum est. *Colmaria* ex veteris *Argentuarie* ruinis exstructa, civitas Imperialis & elegans, optimo loco sita, planicie fertili, à montibus itinere unius horæ distans, in *Alsatia* mediotullo est, alluiturque multis adcurrentium amnium rivulis, præsertim his, *Loucho*, *Duro*, *Fechto*, *Illo*, aliisque minus celebribus, quorum quidam per prædia *Colmariensium* fluunt, fecundioresque reddunt terræ fundum. *Selestadium* cinctum est muris & *Colmaria* anno Christi *1100*, aut circa il-

lud tempus, sub *Friderico II.* Antea vero, nempe circa annum *1100* sub *Henrico IV. Hildegardis* Ducissa *Sueviæ* construxit in isto loco templum juxta figuram & formam templi *Hierosolymitani*, quod paullo post filius ejus *Otto Episcopus Argentinenſis* dedicavit *D. Virgini Fidei*, tradiditque monachis inhabitandum. Qui brevi adeo opibus pollere cœperunt, ut *Monasterium* cresceret in *Præposituram*, unde præficiendorum Magistratuum jus aliquandiu fuit apud *Præpositum D. Fidei*. Videndus *Beatus Rhenanus*, cujus naturale solum fuit *Selestadium*. Firmissimum loco situm est *Selestadium*, habens ab uno latere, nempe versus *Rhenum* paludes impermeabiles: ab opposito vero latere, ad Occidentem scilicet usque ad *Lotharingæ* montes, habet solum feracissimum. Vinum & castanæ in montibus colliguntur, maxima vero frumenti vis planicie metitur. *Gebvveiler* oppidum in montium faucibus situm, anno *1100* initium habuisse putatur. Abundat vitibus & paret *Abbatem Murbacensē*, quicquid loci plurimum degit. Est & aliud oppidū *Vvatvveiler* nomine extra fauces juxta montes situm, quod dictum *Abbatem* agnoscit Dominum. In *Alsatia superiore* Comitatus hi recensentur à *Mercatore*: *Horburgensis*, ditio peramœna *Comitis Wirtembergensis*, cui subest *Reichenvveiler* oppidum, ubi præstantissima colliguntur vina: *Comitatus de Egisheim*, hujus tamen *Comitis* successio jam diu interrupta est: & de *Sultz*. *Dominia*, *Bolvveiler*, *Landſberg*, *Hohen*, *Hatſiat*, *Hobenack*, *Rapoltſtain*, cui parent *Rapoltzvyl*, *Gemer*, *Cellenberg* oppidum & castrum. Et civitates Imperiales circuli quinti: *Munſter* in valle *Gregoriana* (*Gregoris Munſter*), *Durckheim*, *Colmaria*, *Multhausen* vino generoso nobile, & *Keiſerſberg*.

SYNGO-



Sungovia.
Situs.

Sel-fer-tilitas.

Oppida.

SVNGOVIA vel *Sunggoja* vulgo *Sungovv*, ad Septentrionem adhærens Alsatia: ab Ortū Rhenum, ab Occasu Gallia extrematē attingit: ad Meridiem Helvetia contermina est. Habet multis in locis vineas, & ubique frumenti copiam, quod circumquaque in omnes vicinas vehitur regiones, scilicet in Helvetiam, Nigram Silvam, Lotharingiam: atque interdum in remotiores regiones. Complectitur *Sungoja Comitatum Pfortensem*, cuius ultimus Comes *Vricus* mortuus est Basileæ anno Christi cxxxiv, relictis duabus filiabus, quarum alteram Joannam nomine, duxit in uxorem Albertus Austriae Dux, deditque Vrsulæ Joannæ uxoris sorori, in hæreditatis portionem, octo Marcarum Argentimillia. Dominia, *Besfort*, *Morsburg*. Ad Comitatum pertinent hæc loca *Altkirch*, *Dattenriet*, *Besfort*, *Rosensfels*, *Maszmunster*, *Thamm*, *Senheim*: quæ hodie ab Austriae principibus, in præfecturas distributa sunt. In *Besfort* est collegiata Ecclesia, quam Comites Pfortenses cum *Veldpacho* Monasterio virginum (ubi tredecim Comites, & toridem Comitissæ conditæ sunt) fundarunt. In *Maszmunster* insigne est Monasterium virginum Vestalium, atque aliquot Canonicorum: putant fundatum à Masone Alemannorum Duce, à quo vallis illa est appellata *Vallis Masonis*, quæ alioquin *VVast* appellatur. *Thammum* elegans est oppidum, ad censeturque Comitatus Pfortensi. Imminet oppido arx montana, *Engelburg* appellata, ei adjacet mons *Rang* dictus, in quo nobilissimum crescit vinum *Rangvvein* appellatum, Basiliensibus notissimum. Prolabitur ibi ex montium faucibus fluvius *Thurus*, Sungoviam ab Alsatia distermi-

nans. *Morsmunster* Monasterium in Comitatu Pfortensi fundarunt Comites Pfortenses. *Fanum Amarini* & arx *Friberga*, uno milliari à Thanno distans, Abbati *Murbacensi* parer: non procul inde *Mosella* fluvius oritur. *Mulnhausen* est quoque in Sungovia, civitas Imperialis, cujus Advocatus sive defensor (sicut & oppidorum *Colmaria* & *Keiserspergi*) Episcopus Argentinenfis anno cxcclxi fuit, sed paulo post Rudolphus Comes *Habsburgensis*, cum *Colmariam* civibus quibusdam consentientibus occupasset, & oppidum *Mulnhausen* obtinuit, arcemque quæ in eo erat (omnibus qui inerant captis) auxilio civium diruit. Electo autem Rudolpho in Romanorum regem, redierunt eadem oppida ad Imperium. Oppidanorum studium consistit potissimum in vini & frumenti cultura: estque vinum hujus loci satis celebre. *Otmarsen* oppidum Monasterium habet virginum, quod tempore Henrici IV constructi curavit Comes *Habsburgensis* nomine Rudolphus. Hujus frater *VVernherus* Argentinenfis Episcopus, qui Constantinopoli in quadam insula vitæ cum morte commutavit. Adhæret *Sungojæ* ad Occasum *Comitatus Montis Beligardi*. Habet egregium oppidum *Montisbeligardium*, arcem Regiam ostentans. Habet & hic Comitatus alia multa oppida & castra: ut sunt *Grans* oppidum & castrum. *Klarvvang*, oppidum & castrum, *Passervangum* oppidum cum arce, quæ omnia Ducum sunt *Wirtembergensium*: utunturque incolæ lingua *Burgundica*. Comitatus *Montis Beligardi* propinquum est oppidum *Bruntraut*, ubi Episcopus Basiliensis in arce Regia habitat. Atque hæc de Sungovia sufficiant.

RESTAT

Regio &
unde di-
ctā.
Situs.

Soli ferti-
litas.

RESTAT in hac Tabula *Brisgoja* paucis explicāda. *Brisgovia*, sive *Brisgoja* vulgo *Brisgovv*, quod sonat lingua Germanica pagum laudabilem. Et sanē Regio ista ob suam eximiam feracitatem, hoc nomine digna est, quum non inferior sit fertilitate ipsa Alsatia, quam modo perscripsimus. Si tamen veteres revolvamus Scriptores, facile inveniemus hanc regionem hoc nomen adeptam, à Metropoli Brisaco, de qua mox dicemus. Pater *Brisgoja* in longitudinem milliaria x. & in latitudinem ii. Initium enim trahit à Mortna w, & excurrit secundum adscensum Rheni ferè Basileam usque. Regio uberis agri, qui faciendæ sementi, & vinetis vini laudatissimi sustollendis commodissimus. Estque hic frumenti & vini, omniumque rerum, quæ sunt ad hominum vitam degendam necessaria, magna fertilitas & copia. Jus hujus regionis Archiduces Austriæ & Badensium Marchiones inter se partiti sunt. Metropolis olim *Brisgojæ* *Brisacum*, unde regionis nomen, meminit Antoninus in Itinerario *Montis Brisaci*, quum aliqui nullas Transrhenanas commemorerent urbes, sed tantum provinciales circa Rhenum sitas: unde quidam arguunt alveum Rheni hic mutatum, qui ab altera quondam parte præterlapsus fuerit oppidum, quum illud adhuc in Gallicaripa staret. Luitprandus Ticinensis qui sub Ottone I. vixit, Montem *Brisacum* Alsatiæ tribuit, & insulam Rheni fuisse docet. Sitū hoc oppidum in monte rotundo instar Castri, habetq; hodie Rhenum ad Occidentem. Est satis elegans, munitū & frequens, sed temporū successū superavit ipsum Friburgum magnificentia & divitiis. oppidū recens natum & quod ob mineras metallicas subito crevit & ad sum-

um adscendit gradum. In Brisaco est arx quædam vetusta, sed quæ diu in ruinis jacuit, resuscitataque sunt tandem ejus ædificia. Habet turrim robustam & valde munitam, quam Bertholdus Ziringensis III exstruxit: id quod sequentes probant versus in lapidibus ejus sculpti:

Hanc Dux Bertholdus portam struxisse notatur,

A quo per fraudem Burgundia gens populatur.

Habet hæc Civitas duntaxat unum fontem cui superædificata turris magna, in qua pedibus agitur rota grandis, quæ extrahit aquā ex multa profunditate terre, civesque solvunt censum annuum pro hausta aqua. Nam undique magnus est descensus ad Rhenum & ad subiectam planiciem, ubi aqua in superficie terræ facile quidem haberi, sed difficulter in sublimem motem perferri potest. Medio milliari infra Friburgum situm est in monte excelsio castrum quoddam dirutum, nomine *Zeringhen*, à quo Duces *Zeringheneses* olim titulum suum habuerunt. *Friburgum* præclarum *Brisgojæ* oppidum, imo & metropolis hodie, à Duce Bertholdo IV filio Conradi I *Von Zeringen* sub Henrico V Imperatore exstructa, cum antea pagus esset. Urbis situ amœnissimo inter montes excellens. Multis variis & magnificis ædibus, Templis, Monasteriis ornata. Academia ibi erecta est anno c10 cccc lxx, ubi etiam circa illud tempus docuit Vdalricus Zasius celebris Iurisconsultus. Habuit olim ditissimam argenti venam, unius milliariis intervallo ab urbe distitam. Sunt vero in *Brisgoja* *Zering* olim Ducatus, *Friburg* Comitatus, *Hochberg* Marchionatus, & Dominia *Badenweiler*, *Staufen*, *Burcken*.

Regio &
unde di-
ctæ.

SAXONIA à Saxonibus populis nomen accepit. Horum, ut aliarum gentium, originem & etymon non solum Monachi eruditæ antiquitatis ignari, verum etiam recentiores limatuli iudicii homines commentitiis fabellis involverunt. Alii à Saxone Negnonis F. & Vandali fratre, alii à saxea natura, alii à Macedonici exercitus reliquiis, alii à cultellis, unde rythmus est apud Engelhu fium:

*Quippe brevis gladius apud illos Saxa vocatur,
Vnde sibi Saxo nomen traxisse putatur.*

Cranzius autè à Cartis Germaniæ, & eruditus ille Capnio à Phrygiis deducit. Ex his quisque quod placeat, sequatur. Hujusmodi enim opinionum commenta convellere non est animus. Amplectar tamen illam Germanorum eruditissimorum, qui Saxones à Sacis præstantissimo Asiæ populo ortos, & sic dictos quasi *Sacafones*, i. *Sacarum* filii, & à Scythia, sive Sarmatia Asiatica, cum Getis, Suevis, Dacis, & aliis paullatim se in Europam effudisse arbitrantur. Nec ratione caret hæc eorum opinio, quæ Saxones ex Asia deducit, in qua ortum & multiplicatum genus humanum. Nam præterquam quod Strabo scribit, *Sacas* illos, ut antea Cimmericos, longinquas invasiones fecisse, & Armeniæ partem de suo nomine *Sacacenam* dixisse: etiam Sallones, Suevos, Massagetas, Dahos, in illa Scythiæ parte collocat Ptol. & observat Cifnerus, has gentes eandem prope in Europa conservasse vicinatem, quæ ipsis olim inter se in Asia fuerat. Porro Saxoniam etsi totius Germaniæ amplissima regio, hodie tamen non tam late patet, atque olim. Antiqua enim Saxonia inter Albim & Rhenum fluvios, Mare Germanicum & Eydoram amnem

usque ad Hassiam & Thuringiæ confinia extendebatur, eratque ejus centrum *Brunsvicum*: itaque Westphalia, Marchia vetus, Misnia, Lusatia, Mansfeldia, aliæque regiones complures Saxonie nomine vocabantur. Hodie non ita naturalibus limitibus, uti sunt flumina & montes, sed secundum Principum Dominia aut Imperia terminatur. Aër regionis durus, purus, ac saluberrimus, nisi qua paludibus nimium humectatur. Estque Saxonie rerum omnium, præterquam vini, ferax. Abundat hordeo & tritico, ex quibus non solum panem candidissimum conficiunt, sed etiam cerevisiam. Metalla generat varii generis, præsertim in monte Meliboco qui à Cattis ad Saxones protenditur. Eruitur etiam ex eodem monte lapis niger, fissilis, qui picis ærisque plurimum continet, in quo etiam aperte fulget auri & cupri color. Hunc ingenti copia erutum exurunt, destillante interea metallo ignis viliquefacto. In hoc lapide manifesta apparent lineamenta diversorum animalium, eorum inprimis quæ vicinus alit lacus, anguillarum, carpionum, ranarum: interdum etiam gallorum gallinaceorum, & quod fidem pæne exsuperat, Pontificis barbari triplici corona ornati. Habet & Gossaria præter æris, auri, argenti que fodinas, ditissimos salis fontes, quibus & Halla & Luneburgum abundant. Quin & marmoris copiam alibi montana exhibent. Apud Gossariam Otto I. argenti dicitur invenisse fodinas, quarum magni fuerunt reditus. Abutentibus autem iis civibus offensus Deus permisit puteum corrui, quo amplius mille homines oppressi. Ex quo tempore neque argentum neque aurum repertum eo loco, sed plumbum nigrum.

*Cali
qualitas.
Soli ferti-
litas.*

Fit autem



Fit autem primo atramentum futorium, quod vulgo *Vitriolum* vocant, deinde ex eo excoquitur aliquid plumbi & argenti. Perhibent autem metallum Gossariæ sic natum. Quidam homo nobilis equum cui nomen erat Ramelus in monte ramo arboris adligavit. Is ungulis, quibus ferreae solae inductæ, terram quatens ac verrens, reconditam plumbi nigri venam integumentis nudavit, non aliter ac Pegasus alatus, ut Poeta fingunt, ungula saxum feriens, fontem aperuit. Ut autem fons iste ex eo nominatur Hippocrene, ita montem hunc Saxones Ramelum vocarunt, qui hodie maxime floret, atque admirabilem plumbi copiam suppeditat. Reperitur & plumbaginis quæ Græcis *μοδιβδαμα*, vulgo *Lootærde*, & Pyritarum, *Viersteenen*, tanta copia, ex quibus plumbum nigrum excoquitur, ut mons quidam totus pene ex his constare videatur. Ejus urbs primaria *Halla*, etymologia Græca, sive ut Goropius non Græca sed Cimbrica derivatione à Salis proventu nominata: quemadmodum & *Halla Suevica*, aliæque urbes cognomines. Et in Armenia Halis fluvius, Græca voce salus, ut Straboni placet. Ita *Halla* ad Salam non ignobile Saxoniarum flumen, à Salis proventu nomen habere putamus. Cujusquidam salis fontes, admodum fructuosi & salutare primum inventi sunt ante Christi natalem à VVendis, quos Hermunduros vocamus, quorum ubertas ubi vicinis gentibus innotuisset, haud secus, quam aureis fodinis, magnis conatibus, iis infidati fuerunt. Nunc *Halla* administratoris Magdeburgici Marchionis Brandeburgensis sedes. Ad Inferiorem Saxoniam referuntur *Ducatus Lauvrenburgensis*, *Lunenburgensis*, *Brunsvicensis*, ac præterea etiam *Ducatus Meckelenburgicus*. In Ducatu Lüneburgensi est Lüneburgum, civitas celeberrima, sic dicta, vel

Urbes.

ab Idolo Lunæ, quod monti Calcis nomine insignito quondam impositum fuit: vel à fluviolo præterlabente, nunc *Elmena*; *die Almenovv* quasi *Elven Ovv* ab undecim rivulis in eum fluentibus dicto, olim *Luno* vel *Lunovv* vocato ab Jside, ut fabulantur, illa iter faciente ad Ganbrivium agnatum. Urbs est munitissima, cincta fossis & vallis, forma ejus fere quadrata. Salis fonte ditissimo beata. Hæc enim præcipua civium negotiatio est, quam terræ marique in longinquas exportant regiones. Majorem tamen ejus partem Hamburgenses mercatores cœmunt ac magnum quæstum inde faciunt. Templi Augustanæ confessioni addicta sex habet: quibus additum Noso comium. Tota communio distributa est Romano more in cives, cum patritios, rum plebeios, & inquilinos. Viget in ea ac floret optima politiæ ratio, Studia litterarum, Iustitia, Pax & concordia inter Clerum & Gubernatores Reipublicæ, quorum summa potestas est penes patritios. Reliqua oppida, ne sim prolixior, prætereo: quoniam etiam aliquid de *Ducatu Mecklenburgensi*, quem Tabulæ titulus representat, dicendum est.

Ducatus Megapolensis, vulgo *Meckelburg*, olim pars fuit Provinciarum atque Dominii Regum Vandalia: mari adjacentis Baltico; nunc est ex præcipuis Germaniæ Ducatibus, & Imperii membrum. Conjacent illi, quæ Oriens Pomerania: qua Occidens fl. de Elve vulgo dictus: ad Meridiem habet Marcam antiquam: ad Septentrionem Mare Balticum. Regio fertilissima est, frumento, pomis, ligno, piscibus abundans. Varii generis videre est ibi animalia, magnamque jumentorum, pecudum & ferarum copiam. Cæterum *Aristobertus* Regio stemmate prognatus & in aula Caroli Magni aliquandiu versatus, impetravit Imperatricis

*Ducatus
Megapo-
lensis,
Sini.*

*Solifertim
litae.*

*Animalia
limo
varietas.*

Imperium
majorum.

ratricis sororem in uxorē, ex qua fustulit *Billungum*, hominem clementem & potentem, cui paruerunt *Sarmatæ* & *Wandali* à *Vistula* usque ad *Visurgim*, & ab *Odera* usque ad *Holsatiam*. Hic Regiam suam habuit in *Meckelburgo*. Duo vero filii ejus *Mizilaus* & *Mistevus* à *Parris* pietate degenerantes, cœperunt *Christianos* persequi. Sed de his atque aliis Principibus *Megapolensibus* legatur *Munsterus*. Primi hujus regionis habitatores apud authores appellantur *Heruli* *Obostrita*, & generali vocabulo *Wandali*. Est Regio beneculta civitatibus, oppidis, arcibus & villis. In hoc Ducatu *Suerinum* urbs verus condita ante *Lubecam*, *Rostochium*, *Sundium*, *Wismariam*. Figura ejus est quadrata, constatque adeo quatuor ferè urbibus, quarum singulæ proprias appellationes sortitæ sunt: Prima est *Suerinum*, secunda *Neapolis*, tertia à *Carecto*, quarta à palude nomen habet. Vicus *Fichtela* qui ad lacum *Suerinensem* jacet, tantum 5000 pass. distat à *Mari Balthico*: quæ vicinitas effecit, ut de fossa ex lacu in *Mare Balthicum* ducenda aliquando actitatum sit irrito labore, ut in *Isthmo Peloponnesiaco* accidit. *Rostochium* vulgo *Rostock*, olim *Lacinium*, & corruptè *Rhodopolis* & *Laciburgum*, urbs maritima & *Megapolitana*: primum arx fuit, postea à *Godscalc* *Vdonis* filio in civitatem versa: deinde à *Primisslao* *II Nicolotti* filio aucta. *Academia* nunc liberalium artium floret, quam impetrarunt Principes *Meckelburgenses* *Ioannes* & *Albertus*, una cum civibus *Meckelburgensibus*, anno c10 ccccxv. Aer hic salubris. Rerum ad victum spectantium exiguo pretio magna copia. *Wismaria*, cujus originem nonnul-

li à *Wismaro* Rege *Vandalorum*, tempore *Constantini Magni* florente repetunt: alii *Coloniam Gothorum* ex *Visbua* *Gothlandiæ* metropoli eò deductam affirmant. Sed paullo antè annum c10 c c xl ex ruinis vetustæ & amplæ vrbs *Mecklenburg*, quæ toti ditioni nomen dedit, à *Gunzelino* *Comite Suerinensi* sub *Ioanne Theologo D. Megapolitano* conditam seu amplificatam fuisse, *Crantzii* monumenta & *Reip. privilegia* omnia post annum m c c l data ostendunt. Brevi autem incrementa miranda ex commerciis aliarum gentium *Civitas* sumpsit; Portum maris commodissimum in toto hoc littore *Balthico* habens, oneratas naves quantumvis capaces recipientem, & sine ullis anchoris tutas præstantem: unde nomen urbi, non tam à sapienti *Præsidente*, quam certitudine *marini Portus* inditum verisimile est. Minoribus oppidis copiam rerum ad vitam tuendam necessariarum sapissimè communicantibus, ac inde recipientibus velut corona undequaque cincta est. Porro *Nonus Imperii Circulus*, *Nider Saxen* dictus, tribus Ordinibus constat, quorum I *Ecclesiasticus*, II *Principes & Domini Seculares*, III *Civitates liberae*. In I sunt *Archiepiscopi*, *Bremensis* & *Magdeburgensis*: *Episcopi* *Hildesheimensis*, *Lubecensis*, *Suerinensis*, *Ratzenburgensis* & *Schlesvicensis*. II continet *Principes & Dominos Seculares*: suntque *Rex Daniæ* propter ditiones ad Imperium pertinentes: *Duces* *Lavrenburgensis*, *Brunsvicensis*, *Luneburgensis*, *Mecklenburgicus*, *Holstein*: *Comites* *Rossuin*, & *Delmenhorst*. In III sunt *Civitates liberae* *Lubeca*, *Hamburgum*, *Mulhausen* in *Duringen*, & *Northausen*, *Goslaria*, & *Gottinga*.

Ordo
Præ
latus.

Ggg

DVCATVS

Regio &
unde di-
cta.

DVCATVS *Brunsvicensis* ab urbe primaria Brunsvico nomen sibi sumpsit. Vrbs autem ipsa à Brunone Ludolphi Ducis Saxonie filio nomen appellationemque sortita est. Is enim quem inchoaverat vico nomen reliquit, qui ab illo dictus est *Brunonis* vicus seu potius sinus, qui lingua Saxonica vocatur *VVyc*, nunc *Brunsvicum* sive *Brunsvreich* dicitur. Est autem *Brunsvicensis* ditio amplissima à Magdeburgensis & Halberstadiensis Diocesis finibus, & ab Hercynia silva, ad Albim usque pertingens. Circa annum autem Christi 1100 ccccxxx Imperator Fridericus Dominium Brunsvicensem provexit in Ducatum, & *Ottonem* Brunsvici Dominum & Lüneburgi Ducem creavit, Henrici Leonis successorem, qui generale Saxonie habuit Dominium. Fridericus II *Ottonem* Leonis Nepotem fecit Ducem Brunsvicensem & Lüneburgensem, attributis ei armis, quæ avus ejus extulerat Angliam, duobus fulvis Leonibus pro ditione Brunsvicensi & alium cærulei coloris Leonem, adjectis in clypeo maculis de terra Lüneburgensi, quæ erant olim Hermannio Duci & posteris ejus, cum titulo Ducatus Saxonie. De reliquis Ducibus videndus Munsterus lib. III Cosmographiæ. *Brunsvicum* hodie non tantum hujus Ducatus, sed & totius Saxonie Metropolis, quondam à Conditore *Brnopolis*. Ptol. *Tubisurgium* ex Francisci Irenici sententia: urbs ambitu magna, forma quadrata, ædium pulcherrimarum frequentia nitidissime culta: civibus plena, mœnibus ac fossato duplici profundissimo, & aliquot in locis triplici, ac quolibet aquis stagnante, munita: vallo etiam inter fossata crassissimo ducto per circuitum, variis arborum confito generibus valida: quinque foris, quinque prætoris, & totidem Magistratibus excellens. Condita est à duobus Fra-

tribus Brunone ac Theodoro, aliis Theomaro dicto, Ludolphi Ducis Saxonie filiiis, anno 1000 cccclxi, ut eorum Historicus Hermannus testatur. Hanc urbem Onacra amnis perlabitur, qui in Hartonica Silva ortus, duas in partes civitatem scindit, omnem immunditiam secum trahens, ac variis undique pontibus coopertus, Visurgi tandem conjungitur. Non habet civitas aquam potabilem, sed fere bibunt cerevisiam: vini usus carior, ac rarior. Vrbs hæc parvis orta initiis multas per tempora accessiones habuit, ut per vices amplificata, nunc in eas excreverit vires atque opes, ut facile Principibus suis titulum indiderit, qui inde Duces Brunsvicenses vocantur. Libet hoc loco, ea quæ Curie hujus urbis præfixa leguntur, ob frequentissimas hujus contentiosi seculi lites forenses, paucis subjungere. In controversiis causarum, capitales inimicitie oriuntur: fit amissio expensarum: corpus quotidie defatigatur, labor animi exercetur: multa inhonesta crimina deinde consequuntur: bona & utilia opera postponuntur: & qui sæpe credunt obtinere, frequenter succumbunt: & si obtinent, computatis laboribus & expensis, nihil acquirunt. Inter ceteras hujus Ducatus civitates haud postrema quoque est *Goslaria* civitas Imperialis. Hanc urbem Henricus I. pater magni Ottonis urbium amator in formam civitatis erexit. Anno 1101 Imperator Henricus III ingentibus regni florens opibus, urbem istam mirifice ornavit, quam de parvo molendino, ut ajunt, vel de tugurio venatoris duo priores Henrici, & iste nunc III in tam magnam sicut hodie cerni potest urbem bono provexere auspicio, in qua Regale Palatium hic Imp. magnifice extruxit, & in Omnipotenti Deo congregationes instituit. *Helmstadium* oppidum medio inter Brunsvicum & Magdeburgum itinere est: id Gulielmus Dux Brunsvicensis à Werdensi

Imperium
hinc, ortum.

Urbes.



denſi Abbate, cui parere cives inſolentiores reſuſcibant, certa pecuniæ ſumma Abbati numerata redemptum, in ſuam poteſtatem redegit. Munire id oppidum Carolus, Caroli Magni F. adverſus Sorabos & Viſſos bella gerens cœperat, idque S. Ludgero primo Epifcopo Monaſterienſi tradiderat, ut in populis à Carolo ſubjugatis prædicanti tutus receptus eſſet. *Halberſtadium* urbs Epifcopalis, Oltemia fl. perſiſcit. In hujus urbis medio extollitur tumulus ac collis: iſ duorum ſtadium habet longitudinem, ac in ſummo vertice latam amplamque planiciem, in cujus extremis angulis, bina ædificata Tempſa ſunt. In medio latè patet forum ſplendidiffimis Canonicorum ædibus undique cinctum: illa autem quæ in monte ſita ſunt civitas ſeu urbs dicuntur, quæ ad montis pedem, ſuburbia vocantur. Eſt circa hanc Civitatem ager optimus, ferax tritici, matureſcentibus frugibus culmorum altitudinem e quo inſidentem hominem ferunt excedere. *Quedelimburga* urbs antiqua & primorum in Saxonia Principum decus, haud ita procul Magdeburgo diſtans, ab Imperatore Henrico Aucupe condita. *Hannovera* oppidum ad ripam Leine fl. è regione vetuſta arcis Comitum à Lauwenrod, jam Henrici Leonis ætate, circa annum Chriſti 1100 c. lvi cui (quod tranſl. ſitum eſſet aulici Hannover nomen dederunt) arcis ſubjectum fuit. Floret hoc tempore inter cæteras Saxoniæ urbes. Aggeribus enim, muris & foſſis firmiter munita, & civium bonorum ac fortium virorum frequentia & ædificiis ſtipata eſt. *Hildesheimium*, ſive *Hildeſum*, *Aſcalingium* Pt. Irenico: civitas antiqua: fuit antea duplex, poſtea utraque conjuncta, facta eſt unica. Templum ſummum inſigne habet, turrisque ipſa tectum habet aureum. Civitas amœna, patria Ludolphi Colonienſis Mathe-

matici peritiſſimi, qui nunc Lugduni agit in Batavis. Sedes eſt Epifcopalis: Irenicus iſtius loci Epifcopos recenſet, quod & Crantzii in ſua Metropoli, & paullo accuratius Antonius Monchiacini lib. 11 de primis Chriſtianæ Religionis initiis, præſtat. Fuit autem Epifcopatus Hildesheimenſis primum in Saxoniis fundatus ac inſtitutus à Carolo Magno Galliarum Rege, ac Imperatore potentiffimo. *Northauſen* Civitas Imperialis. Continentur etiam hac Tabula Ducatus *Grubenhagen*, qui eſt Membrum Imperii, & principatus (*Furſtendom*) *Anhalt*: item *Mansfeldia* Comitatus veteris Saxoniæ, ad amnem Salam antiquiſſimus, quum *Mansfeldia* *Comitatus* *Hegeus* qui tempore Arturi Britannicæ Regis floruit, anno 1041, Comes Mansfeldicus fuiſſe perhibeatur: nomen ei à Manno Thuifconis filio, ut Aſcaniæ vicinæ ab Aſcenis. Primariæ urbes ſunt *Mansfeldia*, ad Wiperum fl. *Eiſlebia* & *VVypra*. *Eiſlebia* Metropolis eſt, inter Salam & Wiperum: nomen creditur habere ab Iſide, quam Tacitus oras Suevicas poſt obitum mariti peragraſſe teſtis eſt. Juxta eam ſunt metalla in montibus Melibocis. Loca iſta *Tubantes* coluiſſe exiſtimantur. Hi tamen *Tivvendi* Pyramio: Friſiſ contermini. *Benthem* Comitatus huic vicinus antiquum nomen referre credit Verrutius; hos *Tubinger* exiſtimat Lazius Migrationum lib. viii. Comitatus iſte ſub ſe habet Comitatus iv. *Wippram*, *Arnſtein*, *VVerin*, & *Quernſurt*. Item Co. *Barby*, *Stolberg*, *Hohenſtein*, *Regenſtein*, *Fleſſe*, omnes Imperii. Continentur etiam Eccleſiaſtici Principatus hi: *Meydburg* Archiepiſcopatus & primatus Germaniæ Imperii: & Epifcopatus *Hildesheim*, *Halberſtat*, ambo Imperii: ſubſunt Moguntino. Item *Quedelburg*, & *Gernrode*, *ſtiſten*; ſunt Imp. in viii. Circulo.

Reſtat

Post

Regio.

POST Ducatum Brunsvicensem pandit nostra methodus *Hassiam*. Hæc unde nomē habeat ambigitur. Sunt qui à monte *Heso*: at is nusquam in *Hassia*, neque etiam alibi reperitur, nisi is forte sit qui *Noviomagi* exstat, quod quidem à re non usque adeo alienum videtur. Referunt enim nonnulli *Batonem* quendam Regis *Cattorum* filium, (qui *Noviomagum* auxerit, restaurarit, ac mœnibus cinxerit) *Hesum* filium habuisse, qui favore ac amore patrii soli ei loco suum nomen communicarit. Vnde etiamnum *Hesum* mons dicitur. Alii sic nominatam volunt à *Cattis* qui hanc regionem incoluisse commemorantur, mutatis literis, unde adhuc est loci nomen *Catzen-Elnbogen*, gentis illius conestans vetustatem. Beatus *Rhenanus* rerum *Ger.* lib. 1. autor est, *Hessos* ex superiore Germania advenas pulsos *Cattis* hæc loca occupasse, deq; suo nomine appellavisse. Habet hæc *Regio* *Turingiam* ab *Oriete*, à *Meridie* *Franconiam*; *Westphalam* ab *Occidete* respicit: à *Septentrione* vero *Ducem Brunsvicensem*, *Episcopum Mindensem*, aliosque principes vicinos habet. Aër *Regionis* salubris est. *Regio* ipsa frumenti, leguminum, fructuumq; feracissima. Vinum autem non fert, nisi quæ *Rhenum* attingit. Sunt etiam uberrima saginando pecori pascua, in quibus numerosi armentorum pecudumque greges conspiciuntur. Alit & ferarum & inprimis cervorum in silvis magnam copiam, ad frequentes venationes nobilitatem invitantium. Metalla etiam alibi generat, æs & nigrum plumbum. Salis quidem non fodinas, sed fontes habet. Hanc regionem quondam Comitatus, nunc vero *Landgraviatus* titulo decoratam olim *Cattos* inhabitasse (et si *Crantzius* re-

Situs.

Caliqualitas.

Soli ferilitas.

Animalium varietas.

clamet, qui ex *Cattis* *Saxones* facit) omnibus fere nostri seculi *Scriptoribus* persuasum est: *Chatta* *Ptol.* dicuntur. Hi postea in *Insulam Batavorum* transgressi, (autore *Tacito*) ubi hodie horum nominum vestigia supersunt in duobus vicis, cognominatis ad *Mare* & ad *Rhenum*. De horum *Etymo* ita scribit doctissimus *Junius*: *Cattis* quos nostra & prior ætas *Hessos* vocavit commune cum *felibus cattis* que nomen sumpsisse videntur, à ferocitate qua in hostem insultabant. Cui enim ignota ferocia & impetus animalis istius, domesticus licet, in appetendo illius jugulum, qui angustiam adserendo illud premar, vel à dolosis insidiis quibus assilire in hostes soliti fuerint, uti *tergis murium* assultant *seles*. Ejusmodi namque genus fuisse gentis *Cattorum* bellicosa & ferocis videtur. Referri huc potest usitatum apud *Huesdenos* vocabulum *Hessi* pro *catto* seu *sele*: qui si quando domesticum animans muribus inimicum significare volunt, *Hessum* nominant. Possunt & prestantes virtute viri hoc *Cattorum* nomine designati fuisse olim à veteribus, quod tales etiam lingua *Batava* *Cattos* vocitet; certe virtutem, & gentis excellentiam non aliunde discas melius, quam à *Tacito*, qui genti illi plus decoris & discipline totius militaris attribuit, quam ceteris *Germanis* &c. Itaque aptissimo nomine populi ingenium expressum fuit sive ferociam & impetuosos assultus, sive prestantiam spectes. Hactenus ille. Fuit autem olim *Hassia* tantum Comitatus subiectus *Dominio Turingiæ*, id quod probat liber *Torneamentorum*, in quo legitur, quod anno *Christi* *cio* *xlvi* *Ludovicus* *Co.* *Hassia* fuerit *Hallis* in *ludo militari* ibi celebrato; sed factus deinde *Landgr.* ascendit *filia matrem*. Accessit tandem & *Catzen-Elnbogen*, idque per *filiam ultimi Comitjs*, quam duxit *Henricus Landgravius*. *Genealogiam* *Landgraviorum Hassiæ* apud *Munsterum* habes. Sunt porro in *Hassia* præter alia minorum



vires.

minorum gentium oppida, urbes duæ præcipuæ, *Marpurgum* & *Cassula*. *Marpurgum* *Amasia* Ptolemæo, qui eandem *Amisiam* vocat lib. viii. Geogr. ut cenſet Franciscus Iren. & Appianus, vulgo *Marpurg*: Haſſiæ metropolis. Hanc alii à Marte quaſi *Martispurgum*: alii à Marco miſero Francorum principe ſic nominatam volunt. Civitatem hanc olim villam fuiſſe hiſtoriæ produnt. Eam Lona fluviuſ inſignis præterfluit. Vrbs eſt ſede principis, Schola illuſtri, cõdita anno Chriſti ciroxxxvi à Ludovico Epifcopo Monaſterienſi, nobilis. Ioanne Oldendorpio, clariffimo omnium inter Jureconſultos Germania, Ioanne item Draconite, & Andrea Hiperio Theologis celeberrimis clara. *Cassula*, præcipuarû Haſſiæ civitatum altera, dicta quaſi caſtellum, Ptolemæo *Stereontium* eſſe creditur: olim tantum arcem hic exſtiſſe perhibent. Civitas *Fulda*, *Ana* & *Trusula* fluminibus irrigua, aquis autem inſtructa, agrum fœcundum atque compaſcum habet, & arva nutriendis pecoribus apta. Vnde in vellerum lanæque venditione, civium potiſſimum negotiatio conſiſtit. Haud procul Marpurgoeſt *Franckenberga*, vel *Francoburgum*, oppidum perelegans, ſitu amænò & antiquitate commendatum, ad fluviuſ *Ederam* ſitum: nomen deſumpſit à Francis, qui ibi caſtra metati ſunt contra Saxones. Anno Chriſti 10xx primùm exſtrui cœptum à rege Theodorico; poſtea an. 10ccciv à Carolo Magno auctum. Sunt & alia: *Eſchvvega* colli impoſita: læta agri fœcunditate gaudens oppidû, *Werra* fluviû aquis irrigatur: cujus oportuno uſu *Iſatis* herba, *Glaſtum* Plinio, & ex eadem confeſta tinctura, quam Thuringicum ſolum frequenti fœnore ſuppeditat, primo ſupra hoc oppidum lapide cimbiſ impoſita, Min-

dam uſque, inde Viſurgi aquis, quæ *Werram* abſorbêt, *Bremam*, & per totam Oſtlandiam deſertur. De primo *Eſchvvega* initio nihil, quod ſciam, hiſtoriarum monimentis comprehenſum reperitur, eò quod Hungaricis bellis atq; incendiis, tertium depaſta, deſormataque fuerit. *Francoburgicum* tamen Chronicum, dum Carolum M. circa annum 10ccxcvi Epifcopatus varios inſtituiſſe, Monaſteria & Eccleſias, multis in oppidis, fundaſſe commemorat, meminit & *Cauffingæ* nõ procul à *Cassela*, & *Eſchovvega*, ab eodem tum temporis excitatæ. Præclara etiam extant Henrici Imperatoris II erga hoc oppidum merita, qui idipſum Hungaricis inſurſionibus devaſtatum atque collapſum, reſtituit, novis ædificiis auxit, & locupletavit. Graviffimis rurfus calamitatib. adſiſctum fuit, anno c10ccc1xxvii eo bello quod inter Adolphum Moguntinum Archipræſulem, & Haſſiæ Landgravium acre deſeviit, quando etiam ad Haſſiæ gubernationem pervenit. *Friſlaria* inſigne quoque ac præſtans Haſſiæ oppidum, vulgo *Fritzlar*, latinè doctrina pacis, utputa ubi veræ & perpetuæ pacis doctrina S. Bonifacii auſpiciis toti Haſſiæ, Thuringiæ, Fraſconia, & Friſiæ innotuit: Egræ fluviû propinquitate, & ſitu admodum amœno, ſicuti univerſa paſſim Haſſia, præcellit: muris circumcinctum turrigeris, ſitû inæqualem, ſicuti & regio ipſa, hinc inde montofa, obtinet: agro tamen lauro, frumenti, leguminum & fructuum feraciſſimo, etiam vini, cujus tamen fertilitate non eſt hæc regio admodum præſtans. Et quamvis in ipſa Haſſia, Friſlaria ſe conſpiciendam præbeat, ad Moguntinum tamẽ Archiepiſcopum pertinet, unde variis Fortunæ & Bellonæ caſibus frequenter expoſita, maxi-

mas

mas ab Hassiæ Ducibus calamitates frequenter pertulit, quemadmodum & à Saxonibus expugnata & cæda exustione deformata fuit. Reliqua hujus Landgraviatus oppida quæ multa sunt, prætereo. Hæstorum autem regionem partim perluunt, partim adluunt fluvii varii, quorum præcipui, *Rhenus* quidem latus inter Meridiem & Occidentem : *Visurgis*, i. *Vveſera*, cujus fons *Vveira*, è Turingico nemore profluit : *Lupia*, qui in Westphaliâ transit : & *Adrana* Tacito, eum *Adernam* vocant Historiæ, hodie *Aederam* dici existimat *Althamerus* : *Rhoer* forte, ut scribit *Ritheimerus* ; *Eder* ex eo facit *Junius* in suo nomenclatore, additque *Cattorum* fluvium esse, & in amnem *Adam* exire. In sua *Batavia* autem scribite eum in *Fuldâ* evolvi : & hoc ex *Tabulis* verum esse constat. Minores sunt *Lanus* seu *Lona* in Comitatu *Witgenstein* fluvius (an dem *Horberg* oritur) olim *Widekindi* Anglorum Principis castrum præterfluens ; *Lasphe* ejusdem Comitatus oppidum adluit : *Fulda* &c. Montibus *Regio* undique obsita ; eorum autem nominatissimi, *Meliboci* & *Abnobii* montes. Reliqui variis insigniuntur nominibus, uti *Kesselpergus* & *Geyne* montes, &c. Silvæ sunt plurimæ, *Hercyniæ* portiones. Sed de Hassiâ quæ dicta sunt hæcenus, sufficiant. Nefas sit autem non adscribere coronidis quasi loco quæ *Ælius Eobanus Hessus* in carmine gratulatorio victoriæ ad *Philippum Landgravium*, paucis de hujus regionis genio & situ, incolarumque moribus tradidit.

Flumina.

Montes.

Silvæ.

Qualis Hyperboreum prospectans Thraca Booten
Gradivi domus ad Rhodopen, Hemumque nivalem
Circumfusa jacet, gelidis assueta pruinis,
Gignit in arma viros duratos frigore, quique
Aut Hebrum Nestumque bibunt, aut Strymonis undas :
Talis & ipsa situ, talis regione locorum
Et fluvii, silvisque frequens, & montibus altis
Hassia : naturæ similes creat alma locorum
Ceu natos in bella viros, quibus omnis in armis
Vita placet : non ulla juvat sine Marte, nec ullam
Esse putant vitam, quæ non assueverit armis.
Quod si tranquille vertantur ad ocia pacis,
Odia nulla terunt sine magno vana labore,
Aut duro patrios exercent vomere colles,
Aequatoque solo campos rimantur aratris,
(Namque & planities segetum fecunda patentes
Explicat innumeras, & plena messe colonos
Ditat, & ipsa sibi satis est) aut ardua silvæ
Lustra petunt, canibusque seras sectantur odoris.
Venatu genus assuetum, genus acre virorum :
Aut leges aut jura ferunt, aut oppida condunt
Fortia, non solum bello munimina : verum
Quæ deceant in pace etiam, oblectentque quietos.
Quid sacros memorem fontes ? quid amœna vireta,
Quid valles ipsis certantes frugiferacis
Vallibus Aemonia ? dulces quid ubique recessus,
Musarum loca, confessu loca digna Dearum ?
O patriæ gelidi fontes ! ô flumina nota !
O vales ! ô amra meis gratissima Musis !

H h h

HAS-

*Nobilitas & status hujus ditionis mihi necdum innotuerunt, tantum inveni Comitatum Gleichen,
& ut existimo Kranichfeldt. Item unum Episcopatum Mersburg.*

Regio.

HASSIAM sequitur Thuringia, vulgo Düringen, sita inter duos fluvios Salam & Werram: quorum hunc ad Occasum, illum ad Ortum habet: ad Septentrionem Hercyniam Silvam (quam Hartz vocant:) & Turingensem, ut vocatur, Saltum, vulgo Düringervaldt, à Meridie. Longitudo regionis latitudini par, XII milliarium. Regio omnis generis frugum & leguminum feracissima, & inprimis frumento præ omnibus aliis Germaniæ partibus fecunda: adeo ut Georgius Agricola eam *Summen Germaniæ* appellare non vereretur. Magnus hic Isatidis herbæ, quam Plinius *Glastum*, hodie *Guadum* & *Pastillum*, vulgo *VVeedt* & *Pastel* nominant, & cæruleū efficit colorem, proventus, quæ hinc cum magno incolarum emolumento ad alias regiones transfertur. Vnde quidam Poëta insignis:

Herba Thuringorum celeberrima crescit in agris,

Hanc Isatim Grecus sermo vocare solet.

Ponderis hæc magni est, & multo venditur are:

Hæc etenim tingi lana parata solet.

De qua Plinius lib. XXII cap. I. *Simile plantagini Glastum in Gallia vocatur: quo Britannorum conjuges nurusque toto corpore oblitæ, quibusdam in sacris nudæ incedunt, Aethiopum colorem imitantes. Obsoniorum quoque ac fructuum vix quicquam desiderat, si vinum demas, quod aliunde importatur. Reperiuntur & auri argentique fodinæ,*

& salinæ divites. Olim Regnum fuit, hodie Landgraviatus titulo decoratur. Thuringia & Hassia sub Regibus Francorum conjunctæ usque ad Carolum Magnum & Henrici Aucupis tempora manserunt annos cccxvi. Tandem *Carolus Crassus* Imperator Ducem Thuringiæ præfecit *Ludovicum*: ejus nepos *Burchardus* improlis ab Hungaris cæsus est. Quare *Henricus Auceps* Imper. Thuringiam occupavit, cujus successoribus Saxoniæ Principibus in hodiernum usque diem subiecta est. Etsi enim post *Guilielmum Ottonis I* Imper. filium, qui Archiepiscopus Moguntinus, Thuringiam permisso patris tenuit, successores ipsius, Archiepiscopi Moguntini, merum imperium in urbem Erfordiam, quod adhuc retinent, & totam Thuringiam sibi aliquantisper vendicarunt, quorum Vice-Dominus sub *Conrado Salico* Imp. *Ludovicus Barbarus* aliquando fuit: tamen postea *Barbati* Landgraviorum titulo Thuringiam ad hæreses transmiserunt: donec ad *Misniæ* Marchionem ex *Widechindi* Saxonis posteritate ortum, *Henricum* illustrem *Theodorici* filium & *Hermani* Thuringiæ Landgravi ex filia *Iuditha* nepotem, circa annum Christi ccccxi pervenit: cui successit filius *Albertus* degener, eique filii *Fredericus Admorsus* & *Theodoricus*, qui à patruo *Theodorico* *Misniæ* Marchione hæreses constituti sunt. Hunc tractum *Sorabos* olim inhabitasse ferunt. Horum meminit *Eginhartus* & *Aimoinius*. Horum reliquias hodie vocat *Peucerus* *Sor-*



Vrbes &
Oppida.

bec & Servestein inter Albim & Salam flumina. Reynerus Reynekius, in suo de Misnorum origine libro, hos *Tyringetas* quasi *Tyringotas* putat, indeque ejusurbem Gotham nomen sortitam fuisse non dubitat. In hac regione quamlibet exigua, ut se accepisse ab Hugone Brinckhorstio Anglo urbis Erfordiensis cive scribit Ortelius, sunt XII Comitatus, & totidem Abbatiae, (quas *Gesfurstete Abteyen* vocant) CXLIV civitates, & totidem oppidula, vulgo *Merckstrecken*: his mille pagi, & CI. arces. *Erfurdia* sive *Erfordia*, prisca *Erpfesurdia*, *Erfesfurt*, Turingiae urbs primaria, nomen à primo conditore *Erst* nomine sumpsisse putatur: hic enim, cum molitor esset, molendinum suum ad Geram fluvium fixit, atque civitati huic initium dedit, circa initium Imperii Arcadii & Honorii: postea à Clodoveo Francorum Rege anno Christi CCCXXXVIII vehementer aucta ornataque: anno verò CIO LXVI muris cincta tanta amplitudine, ut Germaniae totius maxima censeatur, ac *nicht eine Statt*, rusticis Turingis, *sondern ein gantzes Land*, dicatur. Hanc perluit Gera fluvius, atque à fordibus purgat. Episcopalis olim erat, Bonifacio Germanorum Apostolo conditore: ea dignitas deinde Moguntiacum translata dicitur. Scholam habet litterarum studiis florentem, quam Bonifacius IX Papa privilegiis ornavit, anno CIOCCXCII. Hujus urbis ager nulli fertilitate secundus, pascuis abundat, & herbae Isatidis feracissimus est. Vrbs ab Henrico IV multis est labefactata incommodis, ob importunam decimarum exactiorem, à qua Erfurdia immunis semper ac libera fuit. Itaque exorto Saxonico bello avitam libertatem ferro armisque defendere, quam insolito decimarum iugo cervices submittere maluit, idque tanto animorum ardore, ut &

vita & fortunis Augusti, extremum immineret periculum. Hæc eadem, ceu quodam fortunæ excelsis inimicæ ludibrio, afflictæ incendiis variis. Neque est aliqua urbs insignis in Germaniæ, quæ per fatalem ac adventitium ignem toties deformata fuerit. Ultimo incendio, anno CIOCCCLXXII gravissimum sensit damnum, præsertim in Basilicis Virginis Mariæ & Severi, ut penultima urbis pars incendio perierit. Terribile fuit incendium illud immisso igne per conducticios incendiarios, quorum erat primarius Dominicanus quidam. Duæ Ecclesiæ Collegiatae, quas vocant, cum ponte & insigni urbis parte conflagravit. Anno Domini CIO CXX gravissima seditio inter Senatum & cives Erfordienfes exorta fuit propter insolitas quotannis impostas à Senatu plebeiis contribuciones. Nam communis unum in locum conveniens, scire voluit quantis debitis urbs foret obligata, quantum vè ære alieno gravata. Senatus tumultum & populi furorem animadvertens, blandis illum & mollibus sedare verbis studuit, dicens, tempore opportuno, de omnibus & singulis tam acceptis quam expensis, rationem se redditurum. Quibus verbis cives placati ad tempus quieverunt. Die autem constituto adveniente, rursus conveniunt, & hortantur Senatum ut rationem reddat. Tum unus cæteris insolentior, verbis asperis invadit eos qui à civibus ad Senatum erant missi, quod non parum cives irritavit. Cumque res diutius traheretur, videntes cives se nihil proficere, Senatum abdicarunt, novumque instituerunt. Quid multa? Hinc gravissima seditio, contentio atque adeo bellum est exortum. Hanc verò seditionem Episcopus Herbipolensis & Cæsar Maximilianus sedare, ac partes per cõcordiam componere sunt conati. VVei-

maria

maria pulchrum oppidum, quondam peculiari Comitatu nomen, jam vero inclytam Saxoniae Ducibus sedem & domicilium præbet, qui magnificum in eo palatium habent, ex quadratis & formatis ad lineam faxis nitide ædificatum, & pomarium omni arborum genere summa industria constitum, quod Ilma fluvio irrigatur, qui in Salam tandem se recipit. *Iena* civitas à Iano dicta secundum nonnullos: verum is in Germania coli non solebat. Probabilius itaque Stigelius canit:

*Hinc placet Hebræo nobis hanc nomine dici,
Vt vetus à Iajin nomen Iëna tenet.*

*Cur ita crediderim, nisi mentem vocula fallit,
Certa hujus ratio nominis esse potest.*

*Quippe vocat Iajin Solymæ pius incola terra,
Hoc quod nos Latio dicimus ore merum.*

*Quæ caput in mediis urbs fertilis erigit uvis,
Hanc quisquam à vino nomen habere neget?*

Hæc ille. Nobilis est publico Gymnasio erecto anno CIO ICLIX. *Gotha* à Gothis nomen habet. Atque hinc Turingos à Gothis Rithaimerus in sua Orbis descriptione originem traxisse scribit, eo quod Gothi in hac regione gentis suæ vocabulo Gotham urbem condiderint, circa annum ut Lobsteinio placet CIO XXXII. Admirandæ fortitudinis castrum habuit *Grimmenstein*, quod nunc solo æquatum jacet. Ejus rei causa fuit: *Güthelmus Grunbachius*, stirpe magis, quam virtute nobilis, ob varia & enormia flagitia, quibus Principes in ordinem redigere, Cæsarem ex Imperii fastigio deturbare, novamque Imperii formam moliebat, cum à Ferdinando Imp. Augusto, tum à Maximiliano Imp. ejus fi-

lio, reus declaratus & cognitus, cum omnibus conjunctionis sociis condemnatur, proscribitur: atque illustrissimo Principi Electori Saxoniae, sententiæ promulgatæ executio, ab Imperatore ac cæteris Imperii Ordinibus, uno consensu demandatur. Quam ipse proscriptione, fiducia sui receptus, & Protectoris Ioannis Friderici II Saxoniae Ducis, contemnit. Qui cum post multas Principum admonitiones à pertinaci seditiosorum defensione non abstineret, Illustriss. Saxoniae Dux Princeps Elector Augustus extrema necessitate coactus, urbem obsidione aggreditur, ac deditione capit. Tum Grunbachius, cumque eo quatuor ex conjuratis, ob violatæ Cæsareæ Majestatis crimen justo supplicio adficiuntur, castrum funditus diruitur, Dux Ioannes Fridericus captivus Viennam abducitur. Fluminibus irrigatur regio Flumina. compluribus: inter quæ *Sala*, vel *Salsza*, *VVerra*, *Vnstrut*, *Ilma*, *Gera*, *Or*, *Apfelster*, *Helbe*, *Cling*. Montes etiam minerarum fecundos inesse testatur Her. auri, argentiq; venis divites, qui haud procul Braitenbornio ac Schwartzzenburgo reperiuntur. Silvis etiam hinc inde Silva. conspersa est regio: Hercyniæ portiones sunt: ac Thuringica Silva latè nota, vulgo *Thuringer-Wald*, *Bacenis Cæsari*, Germaniæ Silva Cheruscos à Suevis dirimens: *Hainich*: *Hainsette*, *Finne* cum aliis nonnullis, quæ varii generis ferarum venationes præbent. Sunt in hac regione multa templa, & monasteria, inter alia templum Erfordiæ B. Mariæ Virginis, à Bonifacio Moguntinensi Episcopo constructum. Hoc templum habet campanam magnitudine in tota Germania celebrem. Populus atrox, durus, minaxque in hostem, corpora viris procera, robusta, & decora.

Flumina.

Montes.

Silva.

Opera publica.

Vulgi mores.

Hhh 3

Sic

Regio &
unde di-
cta.

Sic se habet Germaniæ Superioris Regio Thuringia; sequitur jam nunc explicanda *Franconia* sive *Francia Orientalis*. Ea à Francis nomen appellationemq; sortita est. Hujus nominis originem quidam ad Francum, quem alii Francionem nominant, fabulosum atque e mentitum Hectoris filium, gentis auctorem referunt: cujus nominis Etymon lepide Petrus Ronfardus Poëta Gallus appellatum à veteribus Astyanacta Francum quasi Hastigerum scribit. Alii, inter quos Gaguinus & Aeneas Pius, id nominis beneficio Valentiniani Imp. impositum Francorum genti commenti sunt, sive quod feroces & nobiles Attica lingua Franci dicerentur (quod ubinam lectum usquam sit apud idoneum & classicum scriptorem, nescire melibet fateor) sive à tributi remissione & libertate accepta. Quâquam posteriori rationi citius subscribere velim, si minutius exigendum sit vocis Etymon, ut Franci dicantur, quasi *Fri on cy*. nimirum à censu (quod *cy* sonat) & vectigalibus immunes: alioqui videri possunt appellati veluti *fry ansi* *Fransi*: vocabulum autem *Ansi*, Gothici idiomatis proprium, denotat eos qui ceteros mortales fortuna & opibus antecellunt, Heroum & Semideorum conditioni proximi, velut humanę fortis terminos egressi: unde corrupta vox vernacula *Ansos* & additione aspiratæ *Hansos* nominat Procere communi fortuna majores. Sed ad rem. Franci postquam opes eorum convaluissent, & servitii jugique tæderet Romani, ac domitus cupiditas animos faceret, nomen sibi ipsi à libertate creaverunt, antiquata communi illa Germanorum appellatione. *Franconia* autem Sueviæ & Baviaræ à Meridie vicina est: ab Occasu Rheno con-

tigua: ab Ortus Bohemiæ: qua Septentrio est Hassos & Thuringos vicinos habet. Aër Regionis purus ac saluberrimus. Regio ipsa præterquam ea pars quæ Norica hodie vocatur atque fluminibus vicinior est, arenosa nimium non est, ut Aeneas Silvius scriptum reliquit, nec nimium etiam lapidosa. Fertilis omnis est; hordeum, triticum & omne frumentum & legumen satum multo cum sænore reddit. Rapa cœpæque nullibi fere locorum majora & laudatiora reperiuntur. Ac multis in locis colles vitibus consiti vinum gignunt, quod ob sui præstantiam ad gentes remotissimas transportatur. Glycyrrhizæ radicis Babenbergensis ager tantam subministrat copiam, ut currus ea onusti per universam Germaniam devehantur. Est etiam undecumque terra cultissimis pomariis & pratis amœna: animalium domesticorum, ferarumque dives. Feræ in nemoribus à Principibus foventur, habentque plurima stabula, in quibus hiemis tempore pabulum & interdum sal accipiunt, seque à cœli inclementia tutantur. Eas capere, aut saltem persequi, privatorum nemini concessum. *Francos* ab origine Germanos & peculiari isto vocabulo antiquitus appellatos fuisse, constat cum ex aliis, tum ex Procopio Cæsariensi, rerum quas litterarum monumentis consignavit oculato Scriptore. Francorum primus Princeps fuit *Genebaldus*, qui xxx annos eis præfuit. Præfuisse post eum scribuntur *Marcomirus*, *Dagobertus*, *Ludovicus I.*, *Marcomirus II.*, *Vvaramundus* aliis *Pharamundus*, qui vocatus ad regnum Franciæ fratri *Marcomiro* reliquit Ducatum: *Prunnesser*, *Genebaldus II.*, *Suno*, *Luitemarus*, *Hugbaldus*, *Helmericus*, *Gotefridus*, *Genebaldus III.*, *Ludov.* II.

Cali
qualitas.
Sals ferti-
litas.

Animalium va-
rietates.

Imperium
majorum.

Sinu.

Hunc



Vites.

Hunc sequuti sunt *Erebertus*, *Ludovicus IV Gozpertus II*, *Herayus* Dux ultimus. Qui sine hærede mortuus, *Vitunino* Francorum Regi, qui & *Pipinus* dicitur, Ducatum ex commisso reliquit, quem deinceps filius ejus *Carolus Magnus* & primus B. Burchardo primo insulato Episcopo Wirceburgensi ejusque successoribus & Ecclesiæ proprium donavit, anno 1000. Ducatus nomine & dignitate etiamnum gaudet, quem titulum Episcopus Herbipolensis sibi vindicat. Neque tamen illi omnis Franconia subiecta est. Marchioni enim Brandenburgico parent *Kitzinga*, & *Bristadium*, Episcopo Babembergenfi *Graglingiacum*. Herbipolitano vero *Chronacum*, *Forcheimium*, *Staphelsteinium*, *Hochstadium*. *Moguntino* *Koningspergam*, *Oxenfordia*, *Carlostadium*, *Hasfordia*, cum *Bischofsheimo*, *Alderburgo*, *Mildeburgo* & aliis quibusdam oppidis. *Colburgum* Saxoniae Duci subiectum est. *Wirceburgum* quod *Conradus Celta* vocat *Erebipolim*, *Ligurinus* non malus auctor *Herbipolim*, *Spanhemius Marcopolim*, *Ptolemæus Artaunum*, indigenæ *Wirtzburg* à dulci musto, quod Herbipolensis ager suppeditat, Franconiae Orientalis caput atque metropolis est. Urbis est luculenta, in qua Bonifacius Archiep. Moguntinus anno Christi 1000 crexit Episcopatum. In plano sita est, collibus undique amœnisque hortis & pratis cincta; præterea fossis, vallis, mœnibus, turribus, & propugnaculis, benè munita; civibus plena, ædium pulcherrimarum frequentia nitidissime culta. Ad Occasum Mœnus præterfluit, ad vecturam accommodatus. Ripas utrimque jungit pons lapideus, fortissimis innixus pilis. Ultra Mœnum in vicino monte arx est, quam variae civium & rustico- rum oppugnationes inexpugnabilem esse, ostende-

runt. Ad pedem montis monasterium est à Burchardo opibus Cuniberti Franciæ Regis exstructum in honorem B. Magni Confessoris. Cæterum non fuerit alienum planè ab instituto præsentis, cognoscere formulam exsequiarum & inaugurationis Episcoporum ac Ducum Wirceburgensium. Post excessum prioris, designatus Episcopus civitatem cum ingenti & exquisito equitatu ingreditur. Admissus descendit de equo, & deposito augustiore ornatu per quatuor Comites officiales in Domum Salvatoris deducitur, nudato capite, pedibus nudis, vili veste tectus, & solo funiculo cinctus. Officiales sunt, Domini ab *Hennenberg*, *Castel*, *Wertheim*, & *Reineck*. Decanus ei cum Clero obviam procedens, rogat, quid petat? Ille demissè respondet, se indignum præsto esse munia ad quæ electus sit, subire, & suo officio exfide defungi. Tum Decanus, Ego vero, inquit, nomine totius capituli, domum Salvatoris Mundi, eique annexum Ducatum, tuæ fidei committo, in nomine Patris, filii & Sp. S. Mox Clerum in ædem Salvatoris digressum ipse sequitur, indurusque ex more Pontificalem trabeam, Missæ primum, postea convivio in arce interest. Defuncti vero Episcopi cadaver exenteratum in sacello arcis primum deponitur, corde interea exempto inque vas vitreum concluso. Postridie ex arce in Monasterium S. Iacobi desertur dextera pedum, laeva gladium tenens; tertio die inde in ædem Salvatoris itur: hic cantus, præces, vota: postea cum pedo & gladio sepelitur. Civitates reliquæ *Bamberga*, *Ptol. Granionarium*, *Petro Appiano* *Γεγειον δ' ελεον* in græco codice: primū vocata fuit *Babemberg*, hoc est *Mons Baba*, à Baba Ottonis Ducis Saxonis filia, atque uxore Alberti Comitis Babembergenfis. Alii civitatem hanc vocant *Bayonis Mon-*

tem,

tem, Pfayvenberg: civitas est valde amœna ad fluvium Regnitz sita. Habet montes & colles & plurimos hortos, fundumq; fecundissimum, ubi pepones, & glycyrrhiza crescunt maxima copia, ut supra quoque retulimus. Pepones habentur ibi atque Nurenberge quo deferuntur in delitiis. Sedes est episcopalis, & cum aliis sæclicis ingenii alumnis gaudet, tum Ioachimo Camerario in omni doctrinarum genere celeberrimo. Testantur id opera ab ipso edita, quæ summa cum admiratione leguntur. *Francofortum* vel *Francofordia ad Mœnum* vulgo *Frankfurt am Mayn*, ad differentiam alterius ad Oderram sitæ. *Helenopolim* olim dictam scribit Munsterus, sed quando & à quibus non addit. Henrico Stephano in Encomio quod ei urbi scripsit Nundinalis Musarum Academia, *Francofordenses Athenæ*, Musarum Nundinæ Mercuriales, & totius Orbis Emporiorum compendium, dicitur. Urbs hæc in duas partes à Mœno perfluente distinguitur, quæ ponte lapideo conjunguntur: Civitas hoc tempore est Imperialis, binis per totum Orbem nundinis celebris. Hic Romanos Reges eligi ab Electoribus mos est, ibidemq; si Imperii binos competitorum esse contingat, uterque collecto exercitu de Imperio dimicant. *Moguntia* vulgo *Mentz*, aliis *Moguntiacum*. Ptolem. *Neomagus* lib. 2. c. 8. tab. 3 appellat, ut nonnulli volunt. Nomen habet Moguntia à Mœno fluvio, quem alii Moganū, alii Mogum vocant. Civitas est episcopalis & metropolitana. Agrum habet, ab utraq; Rheni ripa fecundum & præstantissimo vino luxuriatam. Ampla est, bene munita, & spissa, tum populosa ea parte, quam Rhenus adluit: ex alio verò latere rarum

habitorem habet: immensa est longitudine, latitudine angustior. Aedes amplissimæ sunt, Romanorum more: basilica & collegiata templa magnifica, cum arce episcopali. Academia hic erecta est à Theodorico Episcopo. Huic Civitati, licet falso, adscribi solet artis Typographicæ inventio. Præfuli suo proprio Archiepiscopo & Electori, nec non S. Imperii Cancellario parcat. *Mons Regius* vulgo *Conigsberg*, patria Ioannis de Monte Regio summi Mathematici, cujus extant subtilissima commentaria in Almagestum Ptolemæi. *Schweinfordia* ad Mœnum sita in medio prope Franconia. *Kützinger*, *Fridberga* urbs Imperii, & aliæ. Cæterum primus circulus Imperii est Franconia, in quo hi ad consilium convocantur. I. Ecclesiastici, Episcopi *Bambergensis*, *Herbipolensis*, (*VVirzburg*) Dux Franconia; *Eichstett: der Teutsch Ordens Maister*: Præpositus *Camberg*, Abbas *S. Gilgen*: *Nuringæ*. II. Principes seculares, *Marchio Brandenburgensis*, *Burgraf von Nurenberg*: *Comites Hemenbergensis*, *Castel*; *VVertheim*, *Rheineck*, *Hohenloe*: DD. *Reichelsberg*, *Limpurg*, & *Comites Horpach & Schvartzenburg*. III. Civitates liberae, *Norunberg*, *Rottenburg*, *VVinsheim*, *Schvveinfurt*. Flumina piscosissima undique regionem hanc perlunt beantq; plurimum, quorum præcipua sunt *Mænus*, *Sala*, octo ignobilioribus comitata, *Simma*, *Radiantia*, *Aestus*, *Tübera*, ac nonnulla alia. Silva habet *Speshart*, *Ortonis Sylvam* ac alias etiam *Herciniæ* portiones, quæ eam editissimis jugis per circuitum obfirmant, veluti nativo muro ambit. Gens ipsa viribus armisque potens, nobilitate polens, ingeniosa, laborum patiens. Vinetis colendis uterque sexus incumbit, nec cuiquam otioso esse cõceditur.

Ordo politicus.

Flumina.

Silva.

Vulgi: mures.

Regio.

BAVARIA nuncadeunda est, ab Avaribus Hun-
 norum reliquiis, qui Noricis pulsus in ea terra
 consedere, littera adjecta, dicta. Dicitur & *Bo-*
varia à Bojis Cisalpinæ Galliæ populis, qui hoc
 loco aliquando sedes habuisse leguntur: vulgo *Beyeren*.
 Habet ab Oriente Austriam: ab Occasu Sueviam: qua
 Meridies est Alpes adjacent illi Rheticæ: qua Septen-
 trio Franconia. Longitudo milliarium Ger. xxix. Lati-
 tudo xxv. Aër ut plurimum salubris, ac regio amœna est:
 in universum satis ferax, non equè tamen vini ac frumēti,
 quamvis & vinum gignat nonnullis locis, sed agre-
 stius. Generosius vinū importatur ex Alsatia, Franconia
 & Austria. Magna copia frumenti invenitur circa Ra-
 tisponam & Landshutum. Abundat insuper sale, arbo-
 rum fructibus, ferro, pecore, volucribus, feris, omnibus
 denique ad victum, cultum & usum vitæ spectantibus.
 Sues glandibus silvestribusq; pomis tanta copia nutrit,
 ut veluti Hungaria boves, ita hæc sues plurimis Europe
 regionibus suppeditet. Præter ursos item, apros, & cæ-
 teras ejusmodi feras, centenarios cervorum alit greges,
 quos absque consensu principis venari crimen est. An-
 no cxcixlxi, xxii die Augusti, cervus in Bavaria captus
 scribitur, tantâ corporis vastitate & mole, ut libras ccc-
 xxv exhibuerit. Sedes hic quondam habuerunt *Narisci*,
Vindelici & *Norici*. *Nariscos* qui hodie *Nortgovv* Aventino,
 vel *Narcau* Melanchthoni, à cæteris Danubius dividit.
Vindelici ex antiquorum descriptione inter Rhetos &
 Noricos siti sunt. *Rhatia* duplex est, una latior, quæ Vin-


Calitem-
peries.
Dehfer-
tilitas.Anima-
lium var-
ietas.

delicos Noricosque & Rhetos propriè dictos comple-
 ctitur, altera strietior. Vindelicos à Rhetis determinat
 Lycus, si Ptol. est fides. Sin Strabonem sequimur, Rhe-
 nus & lacus Brigantinus, quem nos in Helvetiæ descri-
 ptione monstravimus. Eosdem à Germanis separat Da-
 nubius, ab Italia Alpes. Originem nominis Vindelico-
 rum rectè observavit ex Ricardo Marcus Velferus:

*Respicit & latè fluvios, Vindamque, Lycumque,
 Misescentes undas, & nomina littoris, unde
 Antiquam gentem, populumque urbemque vocarunt
 Vindelicam.* —

Vindelicorum quænam gentes urbesq; fuerint, ex Plin.
 & Ptol. cognosci potest. Ad hos vincendos missi sunt
 ab Augusto Tiberius Claudius Nero, & Nero Clau-
 dius Drusus, ambo Imperatoris privigni, qui copias
 Barbarorum exiguis præliis dispersas ac dissipatas ag-
 gressi, facile vicerunt, inque suam potestatem redege-
 runt. Vide Paterculum lib. ii: Dionem lib. lvi, & Ho-
 rat. lib. iv Odar. *Norici* initium capiunt à flumine Oeno:
 vergunt ad Orientem & Austrum, ad Hungariam &
 Italiam usque. Horum magna in bello vis fuit, utpote
 qui bello adsuæti limitaneos Romanos semper oppu-
 gnarent. Indicio est *Ensis Noricus* Horatio celebratus.
 Etiam inscriptio quæ cis Danubium inventa ita habet:
 DIS MANIBUS ET MEMORIÆ LEGIONUM. ET ME-
 MORIÆ MISSERRIMORUM, VINDELICIS PRÆFE-
 CTIS MOENIANIS ET VICTORI ET AVRELIO FI-
 LIIS VINDELICIS SURINUS INFELIX PATER F.C.

Bava-



Imperium
regnum

Bavaria olim à proprio Rege ad Arnulphi Imperatoris
ulque tempora administrata fuit: cum ut Parthi Arfacé,
Ægyptii Ptolemæum, ipsa *Cacannum* nominavit. Deinde
Duces habuit, quos etiamnum tenet. *Bavaria* dividitur
in *Superiorem* & *Inferiorem*. *Superior* subdita est Alpibus,
Austroque. Hæc crebris impedita est paludibus, flumi-
nibus rapidis, silvis ad spectu horridis. Pecuariis, pecori-
busque pascendis magis idonea. *Inferior* fertilior est, cre-
brius frequentiusque habitatur, & propter Danubium,
Isaram & Lavarum amnes, vitium ferax. Atque ita divi-
ditur *Bavaria* Physicè. Dividitur etiam Politicè, juxta
Principum ditiones in Comitatum *Bavarie* & *Palatinatum*.
Comitatus hac Tabula, sequenti *Palatinatus* describi-
tur. Vrbes superioris *Bavarie* sunt, *Monachium* aliis *Mo-
nacum*, vulgo *Manchen*, ad ripam Isaræ fl. situm, exstru-
ctum ab Henrico *Bavarie* Duce, anno c c i o l x x i i sub
Orthone I Imp. Vrbs est omnium pene Germanicarum
civitatum amœnissima: inter fluvios Oenum & Lycum,
inter urbes *Wassenburgum*, *Augustam* & *Frisingâ*, in-
ter lacus pisciferos, interque silvas jucundissimas sita.
Meridiem versus respicit montes Tyrolenses, Orientem
versus hortos suburbanos, rivulis ex amne deductis dis-
tinctos: inter quos Ducis hortus, cura, amplitudine,
herbarum florumque copia & ordine topiario illustris
est: in hoc præter artificiosissimum fontem & pergulam
æstivam picturis statuisque exornatam, hoc est memora-
bile, quod sub crepusculum vespertinum magnus cer-
vorum grex sub ipsas fere fenestras quotidie accedit. In
urbe templa, turres, bibliotheca, curia, forum, opifi-
cium & mercatorum frequentia, aliaque permulta, non
ad usum tantum sed etiam ad ornatum & spectantium
stuporē videre licet. *Ingolstadium* vulgo *Ingolstatt*, ad Da-

Vrbes.

nubium jacet, antiquis dictum *Ingelstatt* sive *Angelosta-
dium*, ab Angelis Suevis qui civitatem hanc cum aliis
ceperunt. Initio pagus fuit, sed à Ludovico Bavaro Im-
peratore jus civitatis obtinuit. Academia in ea cōstituta
omnium artium & sapientiæ anno c r o c c c x x, eamque
multis postea privilegiis & opibus ornarunt auxerunt-
que Ludovicus Dux *Bavarie* & Pius II Pontifex. *Frisinga*
olim *Frixinum* Rhenano & Munstero testibus, condita
putatur eo tempore quando Romani per præfectos &
Provinciarum præsides tenebant & administrabant eā
Bavarie regionem, quæ à ripa Danubii excurrit ad Al-
pes. Mosacus amnis eam præterlabitur. Sunt præterea
oppida xxxii. In *Inferiore* sunt *Ratisbona* vulgo *Regenspur-*
g, sita ad Danubium: nomē sumpsisse putatur à pluvia &
arce, à Claudio Tiberio Nerone Imperatore III exstru-
cta tempore passionis Christi, atque ab ipso *Tiberina* vel
Augusta Tiberii vocata. Hujus memoriā in antiquo la-
pide exstare Onuphrius scribit. Goltzius adducit num-
mum *Tiberii*, cum hujus hac inscriptio, COL. AVG.
TIB. Hanc *Regensburgum* putat *Simlerus* *Reginum* *Anto-
nini* esse, & in lib. *Notitiarum Castra Regia* dici. Alia mul-
ta sed à Barbaris indita nomina sunt apud *Althamerum*
ut *Reginoburgum*, *Rhetobonna*, *Rhetopolis*, *Hyaspolis*, *Imbri-
polis*, *Reginopolis*, *Tetrapolis*, *Quadrata* & *Germanisheim*. Nomen
Ratisbona à navigatione deductū videtur. Olim metro-
polis fuit *Bavarie*: sedes Regum & Ducum ejusdem
regionis. Pontem habet lapideum anno c r o c x v ab Hen-
rico Imperatore super Danubium exstructum xi forni-
cibus sustentatum, pass. cccc & lxx latitudinis. *Patavium*
sive *Patavia* vulgo Latinorum, vernaculè *Passavy*: *Batavas*
libri *Notitiarum* putat *Vellerus*: *Bojodurum* *Ptolemæi*: Vin-
deliciæ civitas *Aventino*, *Pyramio* & *Lazio*: urbs ampla,
elegans

elegans atque clarissima in infima inferioris Bavariæ parte ad Austriæ initium, in utriusq; nimirum Provinciæ confinio, inter Danubii & Oeni confluentes, peninsulæ instar, loco commodissimo pariter, amœnissimoque sita. Episcopali, cui parer sede, & amplissima, quætuosissimaque omnis generis commerciorum negotiatione admodum celebris. Tam præstanti siquidem ad negotiationem situ ob fluviorum, locique opportunitatem excellit, ut quemadmodum ob rapidissimorum fluminum concursum, Lugdunum in Galliis, Gandavum in Flandria quætuosa negotiatione floret: ita hoc Germaniæ tractu, eodem nomine præcæteris urbibus commendetur Patavia. *Landshutum*, vulgo *Landshut*, urbs celeberrima, & primariæ dignitatis: ad fl. *Isaram* sita, qui urbem hanc præterlabitur, magno incolarum commodo & ornamento. Hæc Irenicus ex quinta Ptol. Europæ tabula *Inutrium* statuere videtur, cui tamen situs non optimè convenit. Ac proinde melius Ptolem. *Inutrium* Aventinus verè linceus Germaniæ, potissimum vero Boariæ suæ perlustrator, *Mittenvaldt* Bavariæ pagum cis Alpes constituit. Condita est anno c10 ccviii à Ludovico Bavariæ Duce: agro beata, fertili frugum, animalium, vini, omnisque generis fructuum. Urbs ipsa ædificiis admodum venustis & elegantibus nitet: inter quæ principem merito locum obtinet summum urbis templum, quod artificiosa structura, & vivo ex lapide visendæ imo stupendæ altitudinis turri conspicuum est. Magnificum etiam illustri. Alberti Ducis in inferiore urbis parte cernitur Palatium, *Novum* vulgo ædificium nuncupatum. Fluvii Baviariam scindunt beantque plurimum non pauci.

Danubius, totius Europæ maximus, Græcis pariter atque Latinis Scriptoribus celebratus: *Lavarus*, & *Isara* amnis, ut amœnus, ita pisculentus & rapidus: *Illicerus*, *Oennus*, *Lycus*, *Alemannus*, vel *Alimula*, *Nabus*, *Regus*, *Ambra*, *Zoyfa*, *Vilsus*, *VVolsada*, *Gyssea*, alique pene innumeri. Præter hæc flumina complures etiam ac spatiosos habet lacus, singulis, singula sibi piscium genera, & tanquam privatas formas custodientibus: cujusmodi sunt *Ammersee*, *Asee*, *Wirmsee*, *Rorsee*. Montibus cum hinc inde sit in nexa altissimis, nomina singulorum hic recensere vix datur, præcipui tamen sunt *Pennina Alpes* & *Caravancas* mons. Silvis pæne infinitis ita spargitur, ut una videri queat, uti revera est: *Hercyniæ* enim omnes hæc portiones sunt, ac totum propemodum eam olim hunc tractum contexisse, vix dubium est. Verum diversa hæc ejusdem silvæ portiones sortitæ sunt nomina, cujusmodi sunt: *Heynerdoch*, *Schvyartzvvald*, *Greinvvaldt*, *Zellervvaldt*, &c. Populus agri & pecoris magis quam belli cultor, neque mercaturæ multum deditus, tantum Baccho & liberis operam dat: raro natale solum relinquit. Porro ii Circulus Imperii Bavaricus tribus Ordinibus constat. In i sunt Episcopi: Archiepiscopus *Saltzburgensis*, Episc. *Passaviensis*, Episc. *Freisingensis*, Ep. *Ratisbonensis*. Abbates: Prepositus *Berchtoldsgaden*, Ab. *Kempesseeck*, Ab. *VValdsachsen*, Ab. *Roden*, Rot opinor, Ab. *Keishaim*, Ab. *S. Haymer* in *Ratisbona*. Abbatissæ, *Alt Munster*, & *Ober Munster* *Ratisbonæ*. In ii sunt Dux *Bavaria*, Com. *Palatinus Bavaria*, *Langd. Luchtenberg*: Com. *Hage*, Com. *Ortenburg*, B. in *Staussen*, forte *Thuna Stauff*, aut *Stuauffnegk*, D. *Rimfels*, forte *Rhinfelden*, B. *Degenberg*, *Obersultzperg*, In iii sunt *Freistet*, *Regensperg*.

Regio &
pene di-
cta.

BAVARIA præter divisiones paullo ante à nobis commemoratas in *Cis-Danubianam* & *trans-Danubianam* dividitur. *Bavaria Trans-Danubiana* Narischorum ora est, de quibus supra. Hodie *Nortgovia* dicitur, vulgo *Nortgovv*, atque hæc eadem *Palatinatus superior* est. Ea jam nunc, postquam de Bavaria universim, ac de ea quæ Comitatus nomine censetur hæctenus verba fecimus, explicanda occurrit. *Nortgovia* autè nomen, ut ab etymo ordiamur, à Septentrionali plaga aut terra nomen habet. *Nort* enim idiomate Germanico Septentrionem, *Govv* terram & agrum significat. Dicitur etiam hæc regio *Palatinatus superior*, ad differentiam ejus qui ad Rhenum est *Palatinatus*, qui inferior appellatur. Hæc *Bavaria* olim *Noricum* dicta fuit, quam Ptolemæus *Æno* flumine, Danubii parte quæ est ab *Æno* ad montem Cetium, monte Cetio, Pannoniæ parte & monte Carranca definiri. Sed postquàm Boji exactis Romanis in partem Vindeliæ, quæ inter *Ænum* & *Lycum* jacet, immigrarunt, evenit ut is etiam tractus, tum Norici, tum Bojariæ sive Bavariæ nomen acciperet. Quo sensu (ut suis ad Otelium literis M. Velferus monuit) eam *Diaconus III* Longobard. describit, his verbis: *Noricum* siquidem Provincia quam Bojoariorum populus habitat, habet ab Oriente Pannoniam, ab Occidente Suaviam, à Meridie Italiam, ab Aquilonis verò parte Danubii fluenta. Noricorum duas Provincias numerat *Sex. Ruffus*, item *lib. Notit. Noricum Mediterraneum & Ripense*. Ceterum *Bavaria* hæc à Septentrione Voirlandiam vicinam habet; ab ortu, Bohemia; qua Meridies Danubio fluvio à reliqua Bavaria dispescitur; qua Occidens, *Hænecampo*, *Sueviæ* parte, ac *Franconiæ* terminatur. Aër

Situs.

hujus regionis utcumq; gratus ac salubris est: terra autem satis dura & aspera, licet quibuscumque locis satis profert frumentum: ac pascua reperiuntur saginando pecori apta. Juxta Kelheimium Danubii ripa vitifera est, vinum tamen ignobile & austerrum, ut vulgo dici solet acetum in illis motibus nasci. Gignit & alibi metalla varii generis, in primis ferrum magna copia, unde *Nortgovielles* annuatim magnam vim pecuniæ colligunt. Optimum itè cæruleum colorem quem vulgo *Lazurum* vocant. Noricum porro nunc Bavariæ *Palatinatus*, Regni titulo olim decoratus fuit, ac proprios Reges habuit, reliqua Bavaria à Romanis in Provinciam redacta, usque ad annum Domini 10. Vnde *Julius Cæsar* meminit, *Ariovistum* Germanorum Regem uxorem habuisse sororem Regis Noricorum. Quos tamen Norici posterioribus temporibus habuerunt principes, non constat, quousque facti sunt Christiani. Anno vero 1051 opera *Theodoni II* in unum regnum redacta est Bavaria, qui Romanos è Bavaria expulit maxima strage edita: inde in tres Ducatus tributa per tres illius filios, *Theodonem III* qui *Ratisbonæ*, *Ottone* qui *Ottingiæ*, *Theobaldum* qui *Tyrolis* confedit. Reliquos enumerare nimis longum foret. Ut tandem hoc caput finiam, *Ludovicus Imperator Dux Bavariæ* anno Christi 1106 hujusmodi divisionem instituit, ut tota Bavaria Norici Palatinis principibus cederet, præter urbes aliquot Imperiales: & quæcumq; jam olim ad Imperium pertinerant. Metropolis hujus Bavariæ *Nuremberga* vulgo *Nurenberg*, ad amnem Pegnitium, qui urbem interluit; situ ameno excellens, ambitu magna, visu pulchra, templis celebris, ædiumq; pulcherrimarum frequentia nitidissime culta, plateis vicisque insignis, mœnibus

Imperium
majorum.

Urbes.

mœnibus turribusque valida, propugnaculis tuta, civibus plena, mercatorum commercii dives, & in primis mechanicis artibus nobilis, ac toto orbe celeberrima. Sita est non modò in Germaniæ, ut scribit Bilibaldus Pirckhaymerus, sed etiam Europæ umbilico. Ab Hierosolymis, quæ in medio Mundi constituta ex graduum longitudinibus & latitudinibus cognoscitur, distat Nurenberga 10 milliariibus Germanicis. Civitas licet perverusta non sit, tamen castrum ejus in edito colle situm, quod olim *Castrum Noricum* fuit appellatum, est antiquum: constructum enim à Claudio Tiberio Imperatore, unde etiam Neronis castrum dictum fuit. Olim subiecta fuit Alberto Duci Fræconiæ, post ejus mortem Imp. accessit sub Ludovico III Imperatore; ex eo augeri cœpit & coli. Sub Carolo IV mœnibus cinctæ est: iterumque anno 1100 xxxiix. Hodie civitas hæc totius Germaniæ ferè maxima & amplissima est, ita ut cxxiix contiñeat plateas, xi pontes lapideos, qui duas urbis partes conjungunt. Fluvius per civitatem transiens lxxix rotas hydromylarum vertit. Numerantur etiam in hac urbe putei aquarum cxvi, fontes xii extrinsecis aquam evomentes, sex magnæ portæ, ac balnea communia xiiii. De hac Fabricius:

*Qua non Germanis est ulla celebrior oris,
Seu leges spectes, & sancti jura Senatus,
Et sic unanimi viventes fœdere cives,
Sive tot artifices claros, æquandaque prisci
Ingenia, & varios juvenumque senumque labores.*

Anno 1100 lxxv Noribergenses Altorfii Academiam constituerunt, ad quam linguarum, artiũ, Philosophiæ & facultatum Professores magnis stipendiis evocarunt.

Ejus rei memoriam servat epigraphe Altorfina, *Juventuti, Religionis Christianæ Doctrina & Græcæ, optimis denique artibus ac disciplinis informanda, Georgio Volkamfro, Philippo Geudero, Hieronymo Baumgartnero, Litteratorum Præfectis, & Balthazaro Baumgartnero oppidi Præfecto, Senatus Noribergensis Scholam hanc nobilem & Patriam aperiri & solemniter introduci voluit* III. Kal. Jul. *Qui dies Petro & Paulo Apostolis Sacer est. Anno à nato Christo Salvatore M.D.LXXV.* Tractus iste præter metropolim plurima habet oppida, monasteria & villas, potissimum *Ambergam*, anno Christi trecentesimo supra millesimum muro cinctam, *Auerbach*, *Sultzbach*, *Castel* monasterium, (ubi olim Principes Nortgovix suam habuerunt curiam) *Eger*, *Beierut*, *Eistet*, *Napurg*, *Neurvenstadr*, *Ruvvenkelm*, *Kemmat*, *Krusen*, *Grevvenverdt*, *Gaymm* castellum à ploratu dictum: nam istic Danubius, periculosa & horrenda, & quæ citra lamenta vix pervehi possunt loca, at tamen navigantibus transeunda (Germanicè *die Strudel* ab aquarum stridore atque impetu vocant) transit: *Eschenback*, *Vveiden*, *Pernauv*, *Pleistein*, *Herspruck*, *Rurbach*, *Neumarkt*, *Tursentur*, *Elbogen*, *Cham*, *Schonsee*, *Kunspurg*, *Stauff* & alia nonnulla, quæ quidem pro majori parte sunt principum Palatinorum. Includit quoque hæc regio Nortgovienfis unum ex quatuor Landtgraviatibus, qui olim ab Imperatoribus fuerunt instituti, nèpe *Luchtenbergensem* Imperii in Circulo secundo, accepitque denominationem illam ab arce *Luchtenberg*, etiam si principes Domini illius curiam suam teneant in oppido *Pfreimbdt*, & quandoque in *Grunsfelden*. Non crevit iste Landtgraviatus in tantam potentiam ut ceteri tres, qui temporum successu multum aucti sunt ditioe & poten-

Flumina.

potentiam maximè autem Hassiæ Landgraviatus, ut scribit Munsterus. Regionem hanc irrigant heantque plurimum *Egra, Nabus, Vilfus, Regus, Pegnitius, Schvyrtzsch, Altimulus, Lautra* fluvii; ac præter hos nonnulli alii. De Rednitio, Regnitio five Rego referunt historici commemoranti Carolo Magno apud Ratibonam persuasum fuisse, fore ut ex Rheno in Danubium navigari possit, si inter Radiantiam (hic est Regnitius) & Altimulum fluvios fossa duceretur, quæ navigiorum capax esset: quod horum fluviorum alter Danubio, alter Rheno misceretur. Confestim Rex ad locum opportunum accelerat, ac magna hominum multitudine coacta, totum Autumni tempus in hoc consumpsit. Ducta est itaque fossa inter prædictos fluvios duum millium passuum longitudine, trecentorum pedum latitudine. Sed res successu caruit; nam propter juges pluvias & terram naturæ palustrem, opus stare non potuit; quantum enim interdiu egestum fuerat, tantum nocturno humo relabente subsidebat. Apud Weisburgense oppidum extant etiamnum vestigia vani laboris. Silentio non est hic prætereundum, omnes fere Narisicorum seu Nortgoviorum fluvios fabricis ferri, & reliquorum metallorum onustos & impeditos esse, utpote quorum fluentia agunt & impellunt tam ingentes folles, quam immensos malleos, fabris ferrum tantum suppositis incudibus admoventibus. Mons *Pimiser* vulgo *Fichtelbergk* in ambitu complectens circiter vi milliaria est in hac regione: ex eo quatuor insignes præfluunt fluvii, *Mænus, Nabus, Sala, & Egra*; ii in crucis modum

Mons Pimiser.

divaticati, 4. mundi cardines petunt. Mons iste varia gignit metalli genera, producit & optimum cæruleum colorem, quem vulgo *Lazurum* dicunt. Invenitur quoque in summitate montis stannum, & multæ foveæ ex quibus olim metalla fuerunt eruta. Silvæ *Hercyniæ* portionibus hæc ora etiam undique conspersa est: ex his sunt *VVeissenburvvalt, Behemervvalt* cum aliis, quæ in tabula representantur. Porro susceptâ fide orthodoxâ in Bavaria, simul leges & vivendi instituta genti fuere præscripta, nempe de Ecclesiæ libertate, de incendiariis Ecclesiarum, de confugientibus ad Ecclesiam, de Clericorum percussoribus, de decimis, de seditiosorum pœna, item leges castrenses, de Libertis, de Nuptiis, de causis Mulierum, de Furtis, de Legibus Agrariis, de commendatis & commodatis, de Hæreditatibus, de Emptionibus & Venditionibus &c. Illis legibus Bavari ante aliquot sæcula paruere, nonnullisq; adhuc. Non possum autem quin aliquot hoc in loco ex his adscribam Bavarorum leges. *Iudex ut iuste judicet librum penes se Legis habeat, ex eo causa omnis componatur. Neque personam neque munera respectet iudex, sed de compositione, dum rectè judicari partem nonam accipiat. Sin perperam, duplo, quicquid lata sententia abstulerit, exsolvat: insuper solidis XL mulctetur. Qui rem aliquam vendiderit precio accepto, emptionem aut charta aut testibus ratam faciat; duo, tres, vel plures testes, adhibeantur. Venditio nisi voluntaria & libera, firma non sit. Plura addere superfedeo, ne quis hanc descriptionem me onerare legibus velle existimet, quæ à Ioanne Boëmo Aubano fusè describuntur.*

Silvæ.

Leges.

Kkk

Ad

Regio.


AD *Saxoniam superiorem* pervenimus, octavum Circulum Imperii, Saxonia enim dividitur in *Superiorem & Inferiorem*. Superior hinc quam hæc Tabula exhibet, nobis describenda. De Inferiore ad Tabulam xiv Germanix egimus. Quæ ibi de Saxonia diximus, hic repetere nolumus, ne Lectori tædium pariant. *Saxonia Superior*, vulgo *Ober Saxen*, quæ titulo Ducatus ornatur, cuiusq; Dux est unus ex illis principibus qui Imperatorum electionibus præsent. Ab ortu antiquam Marchiam: ab Occidente Hassiam respicit: qua Meridies est, Turingia & Misnia jacent: qua Septentrio, Ducatus Brunsvicensis. Primariam habet urbem *Wittenbergam* ad Albim sitam. Hæc à Widechindo Iestructa est: alii adscribunt Widechindo filio ejus, atque à Widechindo vel patre vel filio Wittenbergam dictam putant. Gymnasium habet ætatum à Duce Friderico, anno cxcviii. Quam Academiam alter Fridericus ita ornavit ut ex frigida, teste Erasmo, celebris evaderet. Petrus Mosellanus, Fridericus, inquit, Wittenbergam suam, omnigenarum artium, maxime trium linguarum Professoribus sic instituit, sic adornavit, ut optimè constituti Gymnasii exemplar hinc petere possis. In quo Henningus & Oldendorpius Jurisconsulti, scriptis apud Germanos celebres floruerunt. Memorabile est, quod de purgatione per ferrum candens in hac civitate accidisse Albertus Crantzius in sua *Wandalia* commemorat lib. viii cap. xxx. Incendium ædium fur-

Situs.

Urbs
Witten-
berga.

tim procuratum imponebatur in hoc oppido innocentibus: ille sanctè jurans ejus se culpæ non esse affinem, purgationem afferebat vulgarem de ignito ferro, quam juribus interdictam, aut ignoravere, aut contempnere, qui judicio præerant Laici. Ferrum ergo ignitum ille deportat itinere non parvo: tum manibus excutens, nihil læsionis præferebat. Evanuit ferrum ex oculis mirantium omnium. Annus pene totus intercesserat, cum alius jam silicibus viam straturus in oppido publicam, in arena loci manum vertit, & invento ferro adhuc ignescente dextram adurit. Mirati qui adstiterunt rem perferunt loci Præfecto. Illi mox incidit suspicio, illum esse hominem criminis reum, quod innoxio imponebatur: mox jubet ad quæstionem abripi, confitetur crimen, & ultimo supplicio, fractis rota cruribus, interimitur: ita divino judicio est proditus noxius. Extat etiam historia de candentis ferri purgatione, quam Genildis Henrici iii conjux subiit: quæ cum ab æmulo quodam adulterii accusaretur, judicio candentis ferri se purgavit. Non absimile purgationis genus eos usurpasse apud Georgium Cedrenum invenio, quos virgines corrupisse, aut quæ corruptæ essent, erat suspicio. Nonnulli etiam in hac Superiore Saxonia *Torgam* locant, quam alii in Misnia ponunt. Cum Saxonia tanquam parte ejus explicantur Misnia & Lusatia, de quibus, cum præfens Tabula eas quoque delineet, pauca atexamus.

MISNIA



Regio.

MISNIA *Meysen*, superioris Saxonie Regio inter Salam & Albim posita, à Mesi lacu; ad quem olim fortasse ejus incolæ habitarunt, aut à Misna urbe, nomen accepit. cui opinioni

Situs.

Rithaimerus in sua Orbis descriptione libentius accedit. Verum recenter hoc nomen regioni inditum est, cum *Hermundurorum* hic olim sedes fuisse colligere liceat ex Tacito: nam in *Hermunduris* Albim nasci memorat. Terminatur ad Septentrionem Marchia Brandenburgensi & superiori Saxonia: ad Orientem Solem utraque Lusatia ac Silesia: qua Meridies est, Bohemie Regnum ac Sudetos montes respicit: qua Occidens,

Celi qualitas.

Turingiam vicinam habet. Aer olim vix ferendus fuisse dicitur ob montium silvarumq; humidæ exhalationes, nunc verò silvis excisis cessant nebulæ, unde aere hodie salubriori fruitur. Regio omni frugum genere fecunda est, ut toti ferè circumjacenti regioni ad abundantiam sufficiat. Summa est ubique non modo frumenti fertilitas: verum etiam vini, mellis, pecorisque copia: præterquam in Valle Ioachimica, ubi gleba durior & minus fertilis est. Sed quod superficiæ ejus denegatur, id ejus viscera abunde compensant: argenti enim sunt ibi divites admodum fodinæ. Metalla insuper varii generis in montibus passim generat, argentum, æs, stannum, ferrum, plumbum: atq; alibi etiam aurum. Tempore Ottonis Magni, Regio hæc una cum Turingorum & superioris Saxonie terris, appellata fuit Marchia Saxonie, antequam videlicet Ducatus superioris Saxonie erigeretur. Deinde successu temporum fuerunt hæc terre & regiones in plura Dominia divise, ac postea rursus

Imperium majorum.

sub unam denominationem atq; dominationem redactæ: quemadmodum contigit anno *cxcccxi*, quando princeps Landgraviatus Turingensis sine prole mortuus, per mulierem ditionem suam transmisit ad Dominos Misnenses, qui ab eo tempore utrumque adepti titulum, & Marchiones Misnie & Landgravius Turingie dicti sunt. Anno quoq; Domini *cxcccxxiii* deficiente virili successione principis Electoris Saxonie, Sigismundus Imp. tradidit Ducatum Saxonie Principibus Misnie, quem & in hunc usque possident diem, & ab illo tempore triplicem sibi usurpaverunt titulum, ut scribit Munsterus. Vrbes Misnie multæ: primaria est *Misena* ^{Vrbes.} ad lævam Albis ripam, exstructa ab Ottone I. Proxima *Dresdena* situ valde jucundo, & contra hostium incursiones probè munito. Hic armamentariū est ducis Saxonie, est & aula ejus magnificè exstructa, & pons è saxo admirandi operis. *Lipsia* emporium celebre, ad Pleissenam amnem sita reliquas omnes Misnie urbes opulentia & splendore antecellit: hic nobile est litterarum & sapientiæ Gymnasium, quod rebus Pragæ conturbatis eo translatus est, anno *cxcccvi*. In eodem tractu sunt *Ilenburgum*, *Antiqua cella*, *Lauterbergum*, & alia oppida. Fluminibus rigatur hæc regio *Albi*, *Sala*, ^{Flumina.} *Mulda*, & aliis: ac silvis quoque undiquaque conspersa, *Gabretæ* ac aliis plerisque *Herceynie* portionibus. ^{Silve.} *Holstiæ* incolæ robusti, fortesque, ac commendanda corporis forma ac proportionem jucundi, hilares, amici, modesti, pacis amantes, nulla in parte Germanorum innatam feritatem ac immanitatem referentes.

Flumina.

Silve.

Vulgi mores.

Regio.

LVSATIA quoque Saxoniae tribuitur, Rithay-
mero teste: inter Albim, Oderam, & Bohemiam
montes interjecta. Ipsum autem Lusatorum
nomen affine est voci *Elyfiorum* vel *Lygiorum*,
quorum sedes in illa vicinia fuisse certum est, inquit
Joachimus Cureus. Regio hæc frumenti, rerumque ex
terra nascentium feracissima. Fuit aliquando conjuncta
cum Misnia: tandem Bohemi, qui regnum suum undi-
que conabantur extendere, eam ad sese traxerunt. *Lusa-*
tia duplex est, *Inferior* & *Superior*. In hac sunt *Sprenborg*,
Prybus & *Corbus*: in illa *Gorlitz*, *Zitavv*. *Gorlitzium* vulgo
Gorlitz urbs primaria ac nobilissima in superiore *Lusa-*
tia: ædificiorum nitore atque frequentia clara, muro-
rum fossarumque ambitu, situ montoso, & fluminis
propinquitate firma, ex quo molitores, cerevisiarii, tin-
ctores, aliiq; cives, infinitas commoditates percipiunt.
Ejus transitus ponte ligneo, tecto percommode clauso,
oportune conjungitur. Præ ceteris autem tam publicis,
quam privatis ædificiis, magno sumptu perfectis, Ec-
clesia S. Petro dicata, & Curia, præclara turri conspicua.
Urbs ipsa prima fundacione constructa anno 1100, ex
ejus Annales perhibent. Funesto vero deinde incendio
anno millesimo trecentesimo primo immitis Vulcani
severitate consumpta, ut ne unica quidem domus re-
manferit. Verum ea suis è cineribus, veluti Phœnix, cui
bustum suum vita est, post eam ruinam anno fere octa-
vo, speciosior nitidiorque exstitit. Bohemiarum regno sub-
dita est, sicut & *Lusatia*. Quonam autem pacto ad Bo-
hemiam Coronam pervenerit, Ioannes Dubravius lib.

xxi de rebus Bohemicis refert. *Nissa* fluvius *Lusatiam* ri-
gat, eamque beat plurimum. Sed hæc de *Lusatia* hæc te-
nus. Nunc ut ad *Saxoniam* redeamus, paucula de ea sub-
jungamus. Nobilissimi *Saxoniam* irrigant fluvii *Albis*, *Saxonia*
Sala, *Visurgis*; item *Lusimicus*, *Multania*, *Misa*, *Sala*, *Fulda*,
Leyna, *Allenis*, *Odera*, *Ola*, *Nisa*, & alii. Silvas complures
complectitur, *Lunenburgerheid*, *Spondavverheid*, *Rottena-*
vverheid, *Galberheid*, *Pomerisheid*, *Hercynia* portiones
&c. *Saxoniam* olim quatuor in genere habuit differentias, *Leges*.
Nobilium, Liberiorum, Libertorum atque Servorum.
Et id legibus cautum erat, ne ulla pars suæ fortis oblita,
terminos in copulandis conjugiiis transgrederetur: sed
Nobilis Nobilem, & Liber Liberam duceret uxorem.
Libertus conjungeretur Libertæ, & Servus Ancillæ.
Quicumque verò contra faceret, cum vitæ suæ damno
id lueret. Legibus ad malefactorum vindictam optimis
utebatur. Octavus porro circulus Imperii *Ober-Saxen*, *Ordo pol-*
iii Ordinibus constat, quorum i Episcopi *Misnensis*, *s. cul.*
Mersburgensis, *Naumburgensis*, *Brandenburgensis*, *Havelbur-*
gensis, *Lubecensis*, *Camminensis*. Abbates *Salveldt*, *Rottershausen*,
Falkenrietzen. Abbatissæ, *Quedelnborg*, *Genrode*. ii Principes
& Domini seculares, Dux *Saxonie* Elector: Marchio *Brä-*
denburgicus Elector, Marchiones *Brandenburgici*, *Duces*
Pomeraniae: Principes *Anhalt*: Comites *Schwarzzenburg*:
Com. *Mansfelt*: Cō. *Srolberg*: Com. *Hohenstein*: Com. *Buch-*
lingen: Com. *Rappin*: Com. *Mullingen*: Com. *Gleiche*: Com.
Leisneck: Com. *Vvidersfelt*: D. *Bernavv*: B. *de Tautenberg*: Cō.
Regenstein, *Russe de Plavv*, D. *de Gratz*, D. *de Schonberg*. Ter-
tius Civitates liberæ, *Daniscum*, *Elbingen*.

Regio &
unde di-
cta.

MARCHIONATUS Brandenburgicus qui hac Tabula repræsentatur, olim à Vandalis habitatus fuit, quorum sedes ab Albi flumine Orientem versus porrigebantur, per ditiones quas nunc Mechelburgici, Brandenburgici, Pomerani, Bohemi, Poloni incolunt. Nomen habet à Metropoli quam quidam initio Brenneburgum vocatam adserunt: quo etiam respexit Georgius Sabinus in suo Historicorico:

Italiam quando digressus ab urbe petebam,

A Duce qua Brenno condita nomen habet.

Situs.

Oppugnavit eos diu Carolus Magnus, expugnavit Henricus Auceps per brumam, castris in glacie firmatis, qui etiam urbi præsidium imposuit, cum colonia Saxonum. Protenditur autem hic Marchionatus in longitudinem ad LX miliaria Germanica. Ad Occasum clauditur Saxoniæ, Misniæ & Megapolensium regionum, limitibus: qua Septentrio est, Sterinius, Pomeranos, & Cassubios respicit; Poloniam & Silesiam versus orientem Solem contingit: Bohemiam, Lusatiam, & Moraviam habet à Meridie. Ager admodum fertilis est, in primis frumenti: nec desunt vineta, è quibus vinum abunde colligunt. Corallium insuper, ætitem, schistum, aliasque non ignobiliores gemmas producit hæc regio. Porro Brandenburgicus Marchio Elector etiam est Imperii, & inter opulentissimos potentissimosque Germaniæ Principes numeratur: quippe qui præter Marchiam utramque etiam in Lusatiæ Comitatu & in Silesia urbes multas possideat. Principum istorum successio varia fuit: nam deficiente Marchionum stirpe, Ludovicus Bavarus anno 1309 principatum dedit filio suo Ludovico: Bavari an-


Soli ferti-
lior.

Imperium
gratum.

no 1309 vendiderunt eum Carolo Imperatori Regi Bohemiæ: à filio Caroli Ioanne devolutus est Marchionatus ad Moraviæ Principes, Iudocum & Procopium: Iudocus ære alieno pressus cum oppignoravit Guilielmo Marchioni Misniæ: tandem in Concilio Constantiensi anno 1355 Sigismundus Rex Friderico Burgravio Noribergensi dono dedit. Hodie ei præest summa prudentiæ, clementiæ & liberalitatis laude clarus Ioannes Georgius. Dividitur autem tota hæc Marchia in tres partes, in Veterem scilicet, Mediam & Novam. Incipit Marchia Vetus à solitudine quam Lunebergensem cognominant, & ad Albim fluvium usque protenditur. Confinia item habet cum Magdeburgensi, Halberstaden si Diocesis, & Megapoli. Hujus incolæ olim fuere Senones, Suevi, nec non alicubi Angrivarii cum Teutonibus. In hoc tractu sunt septem non parvi nominis urbes, hæc nempe, Tangeramonda ad Albim, quo Angra vel Tonagra aquam suam evomit, sita; quondam Caroli IV Imperatoris sedes. Stendalium, quæ hujus Marchiæ civitas primaria. Soltyvedelum in duas civitates veterem & novam divisum: Gardelen cum arce Eischnippe dicta. Item Osterburgum, VVerbum, Senobusum, à Senonibus populis forte sic nominatum. Minus celebra sunt Arnburgum cum arce ad Albim situm. Bisemarchum, Bostera, Bucka, non procul ab Albi exædificata, Kalba, & Meslinga quam quoque Letzolingam appellant. Ac præterea hic numerantur ceteri non ignobiles pagi. Media Marchia ab altera Albi parte initium sumit, & extenditur ad Oderam & Suerum (vulgo Spre) fluvios. A Suevis olim habitata fuit. Hujus Marchiæ metropolis est Brandenburgum, de quo modo dicere cœpinus; urbs satis celebris, ad Havelam fluvium

Divisa.

Urbes.



fluvium sita, aliis à Brenno Duce Gallorum nominata, ut supra quoque diximus, & exstructa putatur: alii à Brandone Francorum Principe Marcomiri filio conditam putant: qui circa annum Christi ext. hanc Regionem subegit. Fuit hic olim Pantheon Vandalorum, quorum Dii fuerunt tum alii, tum etiam *Zornebock* & *Svanderwitz*, quomodo id narratur in Chronicis Mersburgicis. Est verò hodie hic totius regionis tribunal. Multa sunt huic urbi privilegia, & immunitates, ab Imperatoribus, Regibus, & Principibus olim ei concessa: ejus indicio est statua pedestris in novæ urbis parte posita, strictum gladium dextra tenens, quam *Rolandum* eivæ vocant. Brandenburgum sequitur *Rathenavium* ad Havelam: *Spondavium* cum propugnaculo ad Suevum fluvium exstructo: deinde *Colonia* & *Berlinum*, duo oppida à Suevo fluvio separata. Hic hodie Principis aula. Est & urbs primaria *Francofurtum*, cujus situs longè est jucundissimus ad Viadrum, quem Oderam vocant, piscium copiâ abundantem: hic ad ortum est: cætera urbis cingunt amœnissimi colles & vineta lectissima, à quibus vinum colligunt, quod in Pomeraniam, Daniam, Borussia, & vicina loca secundo amne devehunt. Exstructa est urbs primum anno *MDCLIII* à Gedino ab Hertzberg, auspiciis & jussu Ioannis I Marchionis Brandenburgici. Emporium est celebre, ternis nundinis singulis annis frequens. Gymnasium etiam habet artium, linguarum, & facultatum præcipuarum, exstructum anno *MDLVI* à Ioachimo Marchione multifque exornatum stipendiis. In quo jam inde ab initio in omni artium & disciplinarum atque linguarum genere præstantissimi Doctores fuerunt, quorum aliqui à Sebastiano Munstero recensentur. Alia præterea oppida

sunt *Breitza*, *Fida* cognomen habens: item *Belitza*, *Bernavium*, *Cellinum*, *Mittenvalldum*, *Monachobergum*, *Bisenthalum*, *Blumoberga*, *Boizavium*, cum arce Templariorum quondam statione: *Fryenvalldum* & *Oderobergum*. Hic Marchio *Albertus* ejus nominis II arcem in medio fluminis exstruxit, quam præternavigantes portoriumolvere coguntur. *Frisachum*, *Geresvalldum*, *Grimmitzum*, *Gruneheyda*, *Grunevalldum*, & *Koppenicum*, quatuor Principis vivaria cum adjunctis arcibus. *Lichenum* oppidulum, *Parstainum* cum arce: *Mulrosa* oppidulum & pagus: *Bernavichum*, *Zossa* oppidulum cum arce: *VVruzanum*, *Selovvium* oppidulum, multique pagi ac vici. *Nova Marchia* à media disjungitur Odera fluvio, eo tractu quo *Warta* fluvius prope *Costrinum* aquas suas in illud exonerat. Primi nominis urbs in hac *Marchia Costrinum* est, à Marchione *Ioanne* Ioachimi primi filio restaurata, ac maximis impensis munita, atq; in principis sedè delecta. Aliæ sunt *Lansbergum* ad *Wartam*, *Regiomons*, *Bernvalldum* & *Bernsteinum* oppidulum cum arce, *Bernavicum* & *Berlinicum* aut *Novum Berlinum* oppidum: deinde *Amsvalldum* urbs, *Thamum* oppidulum, *Soldinum* quondam hujus primaria urbs: *Furstenfeldum* oppidulum. *Bramburgum*, *Driesenum*, *Falckeburgum* urbs cum arce, in Pomeranorum confinibus sita: *Kartavv*, *Lepena* urbs aulæ, *Morinum*, *Schiffelbenum*, *Osemundum*, *Sconsflies*, *VVoldenbergum*, *Zeden*, *Zandocum*. Alii totam hanc Principis Electoris ditionem in VII aut IX Provincias dividunt, quæ sunt *Alte Marck*, sive *Vetus Marchia*, *Middel Marck*, sive *Media*, *Neu Marck*, sive *Nova*; *Vber Marck*, *Pregnitz*, *Crossen*, Ducatus: *Sterneberg* & *Corbus* Dominia: item pars *Lusatia*. Sunt & minores in his Provinciis Comitatus, ut *Rapin* & *Vierraden*, & *Kustrin* Marchionatus. Habitat in

bet in universum *Marchia Brandenburgica* cum iis regionibus quas ejus juris esse diximus LV insignes urbes, LXIV oppida, XVI oppidula, quæ *Marckflecken* vulgo vocant, XXXVIII arces, five nobilium ædes, X vivaria, XVII cœnobia. Fluminibus irrigatur *Odera* siue *Viadro*, *Suevo*, *Albi*, *Havela*, *VVarta*, & aliis. Prope *Frankfurtensē* *Carthusianorum* cœnobium rivulus est, ex colle vitifero emanans, in quem quicquid inciderit, in lapidem indurescere compertum est. Atque hæc de *Marchionatu Brandenburgico*: restat ut de *Pomerania* quæ titulo ipsius tabulæ continetur, pauca subjungamus.

Regio. *Pomerania* primis cultoribus lingua *Wandalica* *Pamortzi* appellata, nunc Ducatus est, adjacens mari *Balthico*, extenditurque longo tractu ab *Holsatiæ* finibus ad fines *Borussiæ*. Regio est ubique fertilis; prata habet & pascua læta gramine. Frumento, butyro, melle, cera, canabi, lino, rebusque aliis istiusmodi abundat usque adeo, ut etiam ex eorum exportatione incolæ magnas sibi opes parent. Colligunt etiam maris accolæ fucinum, sed minore copia quam *Borussii*. Varii generis videre est ibi animalia domestica; atque in silvis ferarum armenta variè discurrentia. Proprios hæc Regio semper

Situs.

Soli fertiles.

Animalium & victus.

Imperium majorum.

Dominos & indigenas habuit, nunquam victos, nun-

quam suo solo & ditionibus pulsos. Civitates hic multæ sunt & nobiles. *Stetinum* præcipua est, ad *Viadrum* amnem: olim piscatorum vicus oblongus ad fluminis ripam, sed post susceptum Christianissimum, & destructam *Winetam*, translatò illuc emporio amplificari cœpit, estque adeo nunc totius *Pomeraniæ* metropolis. *Gripsvvaldum* oppidum literarum artiumque humaniorum cultu celebre: *Gymnasium* extructum est anno MDCLVI. *Tulinum* oppidum olim totius pene *Europæ* amplissimum, emporium *Vandalorum* fuit. *Stralsundia* oppidum splendidum in littore *Maris Balthici*, olim proprium Ducem habens. *VVineta* omnium quoddam maritimarum urbium opulentissima, destructa à *Conrado Danorum Rege*. Sunt & aliæ urbes: *Neugardia*, *Lemburga*, *Stargardia*, *Bergradum*, *Camenez*, *Publina*, *Grisenburga*: & ad littus *Colberga*, *Caminum*, *Collinum*, *Sunda*, *Pucka*, *Revecol*, *Lovensburg*, & *Hechel*. Atque hæc de *Pomerania* pro hujus loci angustia paucis sunt dicta. Continetur etiam hac Tabula *Meckelnburg* siue *Megopolensis* Ducatus. Suntque in eadem Tabula Ecclesiastici, *Magdeburgensis* Archiepiscopus & primas *Germaniæ*: cui sub sunt in *Marka Brandenburgensi*, *Brandenburg* Episc. & *Havelburg* in *Meckelnburg*: *Sverrimensis*, Episc. sub *Bremenensi*: in *Pomerania*, *Camin* Episcopus.

Regio &
unde di-
cta.


BOHEMIA, *Boemia*, vel *Bojemia*, ut nonnullis placet, à silva Hercynia nomen traxit. Nam Germanis *Baum*, Belgis *Boom*, arborem sonat: Græcis *Bamia*, & incolæ Ptolem. *Bami*, Strab. lib. vii *Kolduli* vocantur. Alii à *Bois* id est ligno dicti videntur. Ptol. lib. xi cap. xi in Germaniæ descriptione sub Silva Hercynia ponit *Bamos* gentem magnam usq; ad Danubium; Strab. dicitur *Bubienium*: sicut enim legunt Rhenanus, Aventinus & alii: in Græcis tamen excusis exemplaribus *Βυίασμον* habetur; sed hanclectionem Rhenanus depravatâ cêset: & in vetustis libris *Βυίασμον* legi adnotavit Casaubonus. Tacitus *Bojemum* vocat. Ejus fines ab ortu Solis ad Marcomannos & Quados: ab Occasu ad Noricos protenduntur. Meridionalem ejus plagam Pannonia superior, nunc Austria dicta, occupat, sicut Saxonia & Misnia Septentrionalem. Univerſam Hercynia Silva perpetuo ambitu cingit, clauditq; undique ad Amphitheatri faciem. Vnde æqua ei ferè longitudo atque latitudo, atque utraq; paullo amplius ducentis mill. pass. extenditur. Aere, quod perpetuis Aquilonis flatibus exposita sit regio, durior ac frigidior, nec tamen insalubri fruitur. Ipsum verò solum adeo frugum hordei, ac tritici ferax & copiosum est, ut & has vicinis quoq; regionibus largè suppeditet. Vina tamen parcius exhibet & quæ ibi nata sunt, austera & paullo acidiora. Crocum è contrario, succo, odore, colore optimum mittit. Aromaticarum rerum Pharmaceuticæ inservientium ditissima regio est: olei tamen quemadmodû reliqua Germania, sterilis. Jam illa rara, ac profusus beata telluris dos, quod ex venis ejus tanta ubertate argentum adfluit, ut vix alia metalla intra venas Ter-

ra abdat. Primariæ fodinæ sunt in agris *Cromelavy*, *Budevveisz*, & *Kuttenberg*. Aurum tamen quibusdam locis effoditur, cujus frustra decem pondo Regi aliquando allata memorantur. In oppido *Beraun*, etiam Ferri fodinæ sunt. Nec desunt alibi stannum, plumbum, æs. Ostentatque præterea carbunculum, calaim, amethystû, ex cotibus suis metallicis abruptum. Ferarum etiam ingentem alit copiam, ob silvarum frequentiam, quæ vulpium, urforum, cervorum, ac urorum seu bubalorum (quos *Lomi* ipsi sua lingua vocitant) assiduam venationem præbent. De hac autem fera *Lomi* perhibent, quod in venatione vesicam (quam largam infra mandibulam in collo pensilem habet) aqua calidissima dum canes insequentes fugit, impleat, eosque hac, dum potestas datur, inspergat; qua quicquid tactum fuerit, adurit, non secus ac si ferventi aquæ fuisset immersum, ut & pilos & cutem absumat. Regimen hujus Regionis primo sub Duce. Primus Dux fuit *Zeclus* qui è Croatia emigrans Bohemica gentis fundavit primordia. Huic successisse dicuntur *Crocus*, *Labussa* filia cum marito *Primislao*, *Nimislaus*, *Mnata* nepos, *Vrslaus* filius *Mnatae*, *Necla*, *Noctericus*, *Borsinows*. Sub hoc Christianissimum suscepit Bohemia anno nongentesimo à partu Virginis, tempore Arnulphi Imperatoris. Anno vero Domini millesimo octuagesimo sexto Bohemia in Regnum evecta est: & in Concilio Moguntino *Vratislavus I* Rex ab Henrico IV Cæsare creatus, & *Gilbertus* Trevirorum Episcopus Pragæ missus, qui coram populo Regem inungeret, regalibusque insignibus convestiret. Vxor quoque *Syratana* in Reginam coronata. Sed ab eo ad *Vratislavum IV* rursus in Ducatum relabatur. Verum hic ob operam Imp. Frederico sedulo navatam

Imperium
majorem.

in expe-

Sims.

Cæli tem-
peries.Soli qua-
litas.



Urbes.

in expeditione Mediolanensi ab eo Bohemiæ Rex, & Imperii socius salutatus: eique destinata in clypeo insignia, Leo ruber cauda bifurcata in campo candido. Ex iis postea aliquot Imperatores facti: rapta videlicet à Bisetislao II Imp. Othonis filiâ Iurhâ, atque cognatione contractâ. Est inter VII Electores, Bohemiæ Rex. Vrbes habet *Bohemia* alias Regi subjectas, alias proceribus & nobilibus. Primaria urbs est *Praga* à Primislao III Bohemiæ Duce & Libussa ejus uxore muro & fossis cinctâ. Arcem in monte habet *Visegradum*, sive *Herschin*. Didivitur autem tota urbs in tres civitates, *Superiorem*, *Novam*, & *Parvam*. Muldavia fl. antiquam Pragam à nova, in qua arx est & Templi Cathedrale S. Viti, discludit: pons connectit. Pons iste lapideus est, habetque XXIV arcus, opus Vladislai Regis. Carolus IV Imp. & Rex Bohemiæ urbem mirificè auxit ornavitque. Ad arcem acclivi admodum colle itur. In Templo arcis monimentum est singulari artificio ex alabaistro exstructum, quo Principes aliquot & Imperatores sepulti sunt. Christophorus Pyramius *Casurgim* Ptol. vult. Aventinus vero *Marobudum* & *Bubienum* Strab. Anno CI CCC LXX erecta ibi est Academia à Rege Carolo, quæ duravit usque ad annum CI CCC CVIII. Deinde propter factionem quandam ea Lipsiam translata est. Minimè vero omittendum nobis de *Praga* Elogium Julii Cæsaris Scaligeri:

Septa met allifero circum quæ monte superbis

Hercymæ medio Martia Praga sinu,

Linque aliis populis tantæ munimina sedis

Quinequeant armis jura tenere loci.

Namque tuum est non praesidio turgere locorum:

Sed loca praesidiis fidere posse tuis.

Egra urbs in primo aditu Bohemiæ sita, à fl. *Egra* cui ad-

iacet, nomen adepta putatur, olim Imperio Romano, hoc vero tempore Bohemiæ regno subjecta. Tota ornatissima, tota pulcherrima est. Intus pulchris ædificiis, civili urbanoque populo, magnificis & eximia virtute præstantibus viris illustris. Foris verò, amoenissimis ac fecundissimis hortis & agris, variisque pomorum ac fructuum generibus, atque pisces flumine luxurians. Claret hodie civitas hæc ob medonem (portionem ex melle) qui nulla paratur quam in hac civitate excellentior. Inter oppida præterea Bohemiæ insigniora numerantur *Marcomanniam* versus quæ hodie *Moravia*, *Mutha*, *Chrudima*, *Hadrecium Regine*, *Pardubitium*, *Litomiesium*. Inde à limite Noricorum, *Glatavia*, *Dornazlicium*, *Misa*, *Tacovia* eminent. Ab eo vero latere, quod ad Austriam spectat, locum primum obtinet *Budvicium*, *Cramloviam*, *Treboniam*, *Hadrecium Henrici*: sicut à *Misna*, *Pons*, *Cadana*, *Chomutavia*, *Austio*. Nam Sileisus, *Huacemirium*, *Glacium*, *Curia* & quædam alia oppida contermina. Introrsus vero celebrantur *Cuthna*, *Colonia*, *Pelsina*, *Verrona*, *Zatecium*, *Launa*, *Slana*, *Lytomericum*, *Taborium*. Flumina præcipua sunt *Albis*, quem ipsi *Labe* dicunt. hic ad urbem *Aust* è montibus erumpit: salmonum in primis fecundus. *Multavia*, qui Ptolemæi *Cassurgis* esse creditur, Germanis *Molea*, ad colis *Vltava*. *Egra*, *Sassava*, *Gisera*, *Misa*, aliaque, quorum nonnulla auri etiam ramenta ferunt, ciceris magnitudine, quæ nulla purgatione ulteriore indigent: sunt etiam quæ conchas habeant, è quibus uniones capiuntur. *Sudeta* montes Bohemiam cingunt, partim longè introrsus pertinent, ac Regionem ipsam ferè interfecant, partim extra eam etiam Meridiem versus & Occidentem excurrunt. *Mon Pini-* fer à Pinuum in eo crescentium abundantia dictus (hic in

Flumina.

Montes.

Silva.

Statu-
policus.

in Nariseorum ora situs est) oriens in montanis Marchionatus Brandenburgensis, inter Franconiam, Voithlandiam ac Bohemiam intra spatium duum ferme milium pass. quatuor inclytos amnes non sine admiratione & naturæ majestate effundit, in quatuor Mundi cardines, Mœnum videlicet Francicum, Salam Turingicum, Nabum Bavaricum, Egramq; Bohemicum. Idemque mons auri, argenti, argenti vivi, ferri, sulphurisq; mineris fœtus. Gemmarum etiam fodinas exhibet. Silvis regio tota tanquam nativo muro circumdatur, cujus pars ea quæ inter Occidentem & Septentrionem porrigitur, *Gabreta* silva Strab. dicitur, *Gabruta* Ptol. Portio verò quæ à Meridie ad Danubium usque pertingit *Luna Silva* Ptol. vocatur, hodie *Passavica Silva*, *der Passaverrvaldt*: versus Occidentem, qua Moraviæ contigua est, *der Scheib* dicitur. Regnum *Bohemiæ* à Carolo, qui anno ccccclxi factus est Rex & Imperator, divisum fuit in xii Regiones, quibus singulis annuatim præsunt Capitanei, Baro unus, & alter ex ordine Equestri, qui primum lites minores cognoscunt inter subditos diversorum Dominiorum. Secundo, si qui emergant latrones, licet iis convocare vicinam sibi quæque subiectam nobilitatem ad grassatores comprehendendos. Tertio, bello fortuito incumbente, quilibet ad suum se recipit præfectum. Invenio in hoc Regno nominari Burgraviatum *Carlstein*, ubi Regni Corona asservatur. Comitatus *Lobkovits*, *Hassenstain*, *Litzkavv*, *Camethavv*, *Passau*, *Mel-*

nic, *Rosenberg*, *Hadretz*. Domina, *Hassenburg*, *Leip*, *Perlsain*, *Dobitschavv*, *VValsstain*, *Roschatec*, *Dachavv*, *Totnick*, *VVarthenberg*, *Schellenberg*, *Kost*, *Schmirits*, *Lissavv*, *Kunervvaldt*, *Dessavv*, *Schonpeck*, *Slavva*, *Grossen Bora*, *Liebenstain*, *Ioppendorff*, *Gradetz*, *Colouvat*, quorum quædam fortasse sunt Comit. Barones, *Trachenberg*, *Millusch*. Praga sede Archiepiscopi ornata est à Carolo Rege Bohemiæ & Imperatore, illique additus suffraganeus Episcopus *Litomislensis*. Ad mores venio: de quibus Ioannes Dubravius sic scribit: Tum morum, tum ipsius habitus, quem corpore Bojemi præ se ferunt, leo animal generosissimum (cujus sideri Bojemi subiacent) quali quandam imaginem exprimere videtur, si vel celsam Bojemorum proceritatem, vel latum & validum pectus, vel rigidam fulvisque comis vestitam cervicem, si deinde vocis sonum arduum, si oculos micantes, si robur & fiduciam virium intueri volueris. Solet item leo contemptu in alia animantia, & nonnullo fastu turgere, ægreque examari præsertim si per ferociam cum aggrediare. Nec ab hac parte Bojemus degenerat: sed contemptum libenter erga alios verbo factoque ostentat suum, ipsamque adeo arrogantiam incessu, gestu, pompa prodit. Est & feroculus cum fastidiosè tractatur: insuper ausis perinde ut leo promptus, atq; in his exsequendis firmus & validus: interim tamen ambitiosus & gloriosus. Rursusque uti leo cibi avidus: atque in eo condiendo instruendoque immodicè effusus.

Regio.

BOHEMIAE versus Occidentem Moravia, vulgo *Marnhern*, contigua est. Nomen habet à fluvio Morava qui eam regionem perfluit. Veteres Marcomanniam dixere, quia fines Germaniæ, qua Danubio in Pannoniam pergitur, terminabat. Quippe Germanis *Mark*, limes dicitur, atque inde qui eam coluere Marcomanni, i. limitum finiumque adcolæ dicti sunt: ut sentit Dubravius. De his autem Arrianus: earum gentium, inquit, postremi sunt *Quadi* ac *Marcomanni*, deinde *Iazyges* Sarmatarum gens, post *Getae*; deinde *Sarmatarum* magna pars. Quod autem Moravia antiqua *Marcomannorum* sedes fuerit, vel hinc liquido constat, quod juxta Hanam fluvium sæpius ab agricolis inter arandum inventa fuerint numismata veterum Rom. Imperatorum, inter cæteros M. Antonini, quem plurimæ testantur historiæ gentem hanc debellasse. Moneta autem erat, ex hoste spoliū, cum hac inscriptione: DE MARCOMANNIS. Sunt etiam qui ex vocabuli etymo conjiciant, deinceps *Marcomannos* eam Germaniæ Provinciam occupasse, quæ vulgo *die Mark* appellatur, seu *Marchia Brandenburgensis* ultra Albim, versus Oceanum. cultores enim ejus *die Marcker* id est Marcomanni, quasi *Marcmemer* dicuntur. Non desunt qui ab equis nomen adeptos *Marcomannos* tradant, sicut *Marschalcum* equitum Præfectum, *Marstallerum* equorum stabuli Magistrum appellamus: siquidem *Marrha* & *Merrhen* lingua Germanica equum & equam significat, unde *Merrhenlandt* interpretantur equarum Regionem. Probabilior tamen prior est ratio. *Moraviam* ut nunc se habet, tribus è partibus jugæ montium, aut sil-

Sima

væ, saltusque, aut fluvii limitant, ab Oriente ab Hungaris, ab Occidente à Bohemis, ac Septentrione à Sileis. Nam à Meridie Austriam versus plana est, & alicubi *Thaysa* flumine, alibi rivo quodam ignobili ab ea dirimitur. Aer Regionis mollior, atque ob id corruptioni magis obnoxius dicitur. Regio est ut populosa, ita frumenti, vini, rerumque omnium ad hominum necessitatem facientium feracissima. Croci insuper maximam copiam suppeditat. Regionis positio quatenus interius patet, campestris, campique sunt molli & pingui solo, ideoque faciendæ sementi commodissimi, sicut colles vinetis sustollendis, propter terram vineis magis quam in Bohemia amicam, itaq; & bonitate & ubertate vini antecellit. Culta vero tota, cultoribusque adeo referta est, ut nullum gregibus armentorum, quæ nisi in solitudinibus pasci nequeunt, locum reliquerit. *Sudeta* mōtes juxta Iglam urbem fodinis etiam sæti habentur. Atque hoc jam mirabitur aliquis, ut est profecto admiratione dignum, inveniri in Moravia thus & myrrham, non ex arbore defudante, ut alibi, lectam, sed è solo terræ erutam, uno tantum in loco, cui *Gradiſco* nomen. in quo ad hunc diem thus non solum quod masculum vocant, à similitudine testium, sed quod alia præterea virorū mulierumque membra ostentat, effoditur. Nuper autem *Venceslaus* veterum Procerum familia, eorū qui à *Quer-* cu cognominantur, clarus, dum in agro suo Sterenbergensi fundamenta aggeri piscinario molitur, corpus hominis integrum invenit, quod nihil nisi myrrha erat. Regni titulo olim decorata legitur hæc provincia, habuitque olim suos Reges, qui Imperium tenuerunt in omnem

Cali
qualitas.
Sole ferri-
litæ.

Montes

Imperium
majorem.



omnem gentem Bohemorum & Polonorum, fuitque Regnum latissimum ac potentissimum. Circa annum Christi cccro *Zuantocopus* ditione tenebat Moraviam, Bohemiam, Silesiam, Poloniamque, quarum Duces illi parebant. Ipse autem animis sublati de magnitudine ditionis, Imp. Rom. tributa solvere, quæ aliquandiu solvisset Ludovico Germaniæ Regi, pernegabat. Petitur ergo magno bello, sed ipse quoque magnis reluctatur viribus, tandemque æquis viribus discessum est. Sedebant tum Hungari gens nova, ad repagula, quæ illis Moravorum Rex objectasset, necerat ulla transcendendi facultas. Imperator qui in animum induxerat, non nisi victor redire à Moravis, undecumque circumspexit auxilia: aperuit transitum Hungaris, immisitque hostem Christianis populis, qui infinitis postea malis Provincias afflixerunt. Sic tum opera illorum usus Imperator supprimit Moravorum Regem, & multis profundatis atque captis in fugam eum vertit. Ille elapsus, in profundum solus se recepit saltum, & projecto Regio apparatu, ad solitarium quendam se contulit, cujus usus contubernio, usque ad finem vitæ eremiticam vitam vixit, & moriturus quis esset aperuit, & in Christi pace quievit. Tunc Bohemia, Polonia, & Silesia suum quæque Provincia Ducem constituit, tributum tamen superioritatis agnitione vel modica pendentes. Eisdem fere temporibus, imperante Græcis Michaelē, venit Cirillus Doctor & Apostolus omnium Sclavorum una cum Merodio, & posuerunt fundamentum Christianæ fidei in Moravia, erexeruntque Episcopalem Ecclesiam in oppido Viëlagradensi. Vnde vocari à Romano Pontifice & correpti, cur sacra celebrarent lingua Sclavonica, responderunt, quia scriptum est: *Omnis Spi-*

ritus laudet Dominum. Nunc autem *Moravia* multo inferiori fortuna quam olim contenta, suis deinceps Ducibus, postmodum Marchionibus paruit, hodie distracta: ejus tamen potior pars, ac pæne tota Bohemiæ Regibus, reliqua pars aliis Primoribus ac Baronibus subest. Gentis caput ac Marchionis sedes est *Brunna*, Germanicè *Brim*, Bohemicè *Brno*: est & *Olmuzium*, *Olomontium* aliis, sedes Episcopalis, *Vologradensis* prius dicta. Urbibus præter has plurimis, domibus, mœnibus, turribus, & id genus ædificiis clarissimis abundat: cujusmodi sunt *Zvvoyma*, *Radisch*, *Iglavia*, *Nova Civitas*, *Niclasberg Mons Nicolai*, *V Veiskirchen*, *Cremser*, *Boferlitz*: olim Marchionum sedes, & complures aliæ, quæ in Tabulis conspiciuntur. Amnium in Moravia princeps *Morava*, seu *Maravaha*, *Flumina*. *Ciabus* Ptolemæo: vulgo *die Marche*, habetur, qui *Olmuzium* principem civitatem circumfluit, & ab illa in Pannoniam defluens, in Danubium tandem se suis & adventitiis aquis auctus exonerat. Hic regioni nomen dicitur indidisse, seu, quod potius crediderim, à Regione sumxisse sibi nomen. Præter hunc præcipui sunt *Thesya*, vel *Deins*, *Tharsa* *Dubravio*, nonnullis etiam *Thysia*. Hic *Zvvoynam*, obitu Sigismundi Cæsaris memorabilem, præterfluit & limitem *Maravaniæ* atque *Austriæ* statuit. *Igla*, à quo *Iglavia* urbs nomen sortita est, dirimit *Maravanos* à Bohemis, ac *Maravianam* quoque ingreditur. Cæterum *Odera* fluvius haud procul *Olmuzio* ortus, suo nomine usque in Oceanum delabitur. Sunt qui illum à Ptolemæo *Viadrum* vocari autumant. *Oderam* vocant ab Aucupibus vocabulo mutuato, qui speculas avibus speculandis caprandisque constitutas, *Odrî* appellant; hodieque hujusmodi speculæ in Moravia ad fontem *Oderæ* ab Aucupibus constituuntur. Neque

Hama

Hama silentio prætereundus, quamvis tenuibus interdum aquis fluens, attamen eos agros rigans, quibus non alii in Moravia frumenti fertiliores, ita ut frumentarii coloni à largo frumenti velut ubere, jure suo illos lumen Moraviæ appellent; in illis præterea sæpius quam in aliis numismata M. Antonini, Commodique & aliorum nonnullorum Cæsarum, tam aurea quam argentea exferuntur. Quæ sanè fidem bellorum cum Marco mannis olim in Moravia gestorum manifestam faciunt. Sunt & *Nigra* vulgo *Suarta*, & *Suittavv*, qui Brunnam civitatem, dignitate proximam Olomuzio, præterlabuntur. Pisces varios & quidem magna copia hi fluvii subministrant. Regio hæc quam Bohemia minus

montosa, nec tamen prorsus plana. Ponit hoc loco Prolemæus *Orcynium Nemus*, ac *Gabretam Silvam*. Silva Incolarum (qui feroces rapinarumque avidi) sermo mixtus est. Bohemicus tamen prævalet; nam Germanica lingua in urbibus tantum inter optimates in usu est; de cætero, ritibus moribusque perinde morati ut Bohemi, inquit Dubravius. In hujus regionis pagis varii habitant Anabaptistæ omnium bonorum communione professi. In Moravia ponit Mercator Comitatus *Huckenvvaldt*, *Schonberg*. Dominia, *Lomnicz*, *Dubrantz*, *Gemmicz*, *VValfstain*, *Pietnix*, *Neuhauß*, *Teleßch*, *Bozkovvitz*, *Trebitßch*, *Dirnovvitz*, *Ragetz*. Morav.



Regio
unde de-
bit.

Sic se habet Moravia : sequitur explicanda jam nunc in nostra methodo *Austria* olim *Pannonia superior* dicta. *Austriæ* nomen, *Wolfgang*o *Lazio* teste, recense est : ab *Austri* venti flatu, qui ista in regione frequens est : vel à voce *Oostreich*, quod nomen veteres *Franci* regnorum suorum limiti orientali posuerunt, ut *VVestreich* occidentali. Atqui *Francorum Oostreich* ad *Rhenum* situm fuit, dictumque postea *Austrasia*, quo nomine amisso, videntur *Pannonii* illud sibi tribuisse, ut auctor est idem *Lazius* lib. 1. cap. 2. *Comment. Gent. Aust.* Sunt autem *Austriaci* *Francorum* & *Saxonum* soboles, qui hunc sibi tractum frustra reluctantibus *Hungaris* ferro pepererunt. *Austria* habet ad ortum *Hungariam* : ad Meridiem *Syrtiæ* montes, qui ab *Alpibus* perpetui in *Hungariam* & ulteriores regiones protenduntur : ad Occasum *Bavariam* : & ad Septentrionem *Tejum* fluvium & *Moraviam*. Aere fruitur leni ac amœno, salubrique ob *Euri* viciniam quo perflatur. Ager omnis generis frugum feracissimus, & qui minimo impendio colitur. Vili etiam & strigolo equo agricola in eo tractu qui *Campus Transdanubianus* sive *Marchianus* dicitur terram arat. *Marga*, citra quam agri in *Bavaria* infœcundi, & macri sunt, quid sit, *Austriaci* incognitum est. Vinum omnis regio fert nobilissimum : meracius *Germanico*, dilutius *Hispanico* : idque *Moravis*, *Bohemis*, *Silesiis*, vicinisque *Bavaris* præbet. *Crocum* insuper generosissimum gignit. *Zinziber* etiam producit juxta *Hamburgum*, ad radicem *Cæcii* montis. *Argento* abundat, non item *auro* : sale partim domi natum, partim importatum habet. Rexerunt *Austriam* aliquandiu *Comites Babenbergenses*, quorum primus *Lupoldus* *Marchio Austriacus* ab *Otto-*

Situs.

Calitem-
peries.
Soli qua-
litas.

Imperium
majorum.

ne II Imp. dictus est. Postea *Henricus*, Dux ex *Marchione* factus à *Friderico* Imperatore. Qua stirpe deficiente, *Rudolphus Habsburgensis* qui in *Cæsarem* electus fuerat, anno *1100* eam sui juris fecit, Ducatumque voluit appellari. *Fridericus II* in Regnum etiam evexit. Hujus regionis insignia olim erant quinque alaudæ aureæ, in cælestino clypeo pictæ : sed *Lupoldus* *Marchio* hoc nomine *V*, à rei eventu ab Imperio concessa nova usurpavit insignia, rubro & albo coloribus distincta, quod ita totus suffusus sanguine in expugnatione *Prolemaidos* fuisset, cingulo tenus duntaxat (quod album corpus intersecabat) à cruore immunis. Dividitur porro in *Superiorem* & *Inferiorem*, quarum hæc ultra, illa cis *Danubium* sita est. Habet præterea quoque *Styriæ* Ducatum, inter *Danubium*, *Muer* & *Mietz* fluvios extensum, cuius incolæ partim *Germanico*, partim *Slavonico* idiomate utuntur, strumisque pendulis deformes sunt. Habet & Ducatum *Carinthiæ* inter *Muer* & *Dravum* fluvium situm ; item *Carniam* Meridiem versus. *Prima-ria Austriae urbs* est *Vienna* ante *Christi* *Servatoris* *Nativitatem* culta à *Sarmatis* & *Windis*, quibus successerunt *Boji*, *Senones*, aliique, quos *Tiberius Nero* in provinciae formam redegit. *Vindebona* dicitur in *Itineratio Antonini*, *Prol. Iulio bonam* vocat, uterque ad eam locat x Legionem Germanicam, quam eo loco confidisse multa admodum monumenta perantiqua, tum intra urbem, tum extra eam testantur. Legioni huic à signo nomen alaudæ fuit : unde etiam videntur prima orta esse *Austriacorum* *Marchionum* insignia, alaudæ quinque. Dicta etiam est *Fabiana*. *Otto Frisingensis* lib. 1. *Histor. Frid. cap. 32.* Dux tunc demum terga hosti dare compellitur, & periculis belli exemptus, in vicinum oppidum *Viennis*, quod olim à

Roma-



Romanis inhabitatum Fabiana dicebatur, declinavit. Similiter legas in historia Severini Episcopi Viennensis. Atque ad hanc appellationem maxime accedit vulgata & trita apud adcolas appellatio *Biana*. Idem *Lazius Vendum* à Strabone appellari ait. *Pannoniam Vrbem* eam vocat *Jordanes*: vernaculè *VVien*, *VVydme* Sclayonicè. Hanc urbem Turcas *Betz* vocare ex D. Carolo Rimio quondam apud *Zelimum* Turcarum Imperatorem oratore se habere scribit *Ortelius*. *VVetsch* vocat *Leunclavius*: item *Beetz*. Vrbs clarissima, ad Danubium fluvium sita, Imperatoria sede nobilis; in expugnabili murorum ambitu, præaltis fossis, aggere & vallo cingitur. Mœnia deinde spissa & sublimia, frequentes tures, & propugnacula ad bellum oportuna habet: ut *Vienna* sit munitissimum adversus Turcarum furem propugnaculum & munimentum. Suburbia maxima sunt & ambitiosa. Aedes civium amplæ, area & picturis ornata, structura solida & firma, altæ domorum facies, magnificæque visuntur. Tempia Sanctis dicata, & ampla & splendida secto lapide constructa, perlucida sunt, & columnarum ordinibus admiranda. Cella vinariæ adeo profundæ sunt & spatiosæ, ut sub terra non minus, quam supra terram ædificiorum esse feratur. Platearum solum strarum lapide duro, ut neq; plaustrorum rotis facile conteratur. Annonæ & potissimum vini incredibilis copia, ita ut ducentos & mille equos xl. dierum vindemia exerceat. Christianam religionem admisit anno cccclxvi Doctore Severino, quietiam ibi Basilicas exstruxit. Historia hujus urbis peti potest à *Lazio* & *Ottone Frisingensi*. Urbem *Fridericus II* ornavit, auxitque, ut & sequentes fere omnes Austriæ Duces. Nobilissimum in ea Gymnasium artium scientiarumq; constitutum est à

Friderico Imperatore: renovatum postea ab *Alberto* Archiduce, anno ciccclxvi. Id postea seditionibus collapsum subversumque est. *Viennæ* clari fuere *Wolfgangus* *Lazius* Medicus & Historicus *Ferdinandi* Imperatoris: *Julius* *Alexandrinus*, *Matthias* *Farinator*. Fuit & Theologiæ Professor in Academia Viennensi *Ioannes* *Hafelbach*, qui adeo diffusè solebat explicare, quæ auditoribus proposita enarrabat, ut viginti unum annos legens in *Esaia* Propheta, ad finem primi capitis non pervenerit. Claram urbem fecit obsidio Turcarum anno ciccxxxix fortiter à civibus tolerata, in qua Turcarum lxxx millia periisse memorantur. Est & in Austria superiore *Gmunda*, oppidum quidem non ita magnum, quod tamen venustate & elegantia commendatur, situm ad lacum qui inde appellationem trahens *Gmundanus* Lacus dicitur, ex quo Austriæ flumen *Dravus* oritur. *Gmundæ* magna & lucrosa est negotiatio salis, quod præstans & acre ex vicinis montibus effoditur, & *Gmundam* allatum, vasculis (quæ patria lingua *Kivelin* indigitant) impositum per *Dravum* in Danubium transportatur, unde *Viennæ*, in aliis Austriæ, Hungariæ, Stiriæ, Carinthiæ, vicinisque civitatibus magno commodo & lucro *Gmundanorum* distrahitur. Vrbes præterea & antiquæ & nobiles multæ in Austria sunt, maxime tamen insignes *Lintzium*, *Strya*, *VVadenhoffum*, *Melicum*, castellum antiquitus *Claudionum*: *Cremisum*, Cetro castellum, hodie *Zeisselmaur*: *Santohippolitus*, *Neuburgum* duplex, alterum à cœnobio, à frumento alterum dictum: *Petronella* nunc vicus, magnæ olim urbis, id quod rudera & ruinæ indicant, vestigium: nova civitas, *Pruck*, ad ripam *Leythæ* fl. sita: *Hamburga*. Sunt & alia oppida plurima, quæ brevitatibus studio prætereò.

Lacus

Lacus & Flumina. Lacus complures habet, cujusmodi sunt *S. Wolfgangi, Vssere, Vrsée, Fillesee, Eynslersee*. Ac fluminibus irrigatur permultis: horum *Danubius* primus est, olim regionis terminus, nunc eam mediam secans. Reliqua sunt *Arthofinus, Genus, seu Onasus, Trausus, Erlaphus*, qui ad Cellam templo virginis *Marris* celebrem, ex lacu amœnissimo oritur: *Traisus, Ypsus, Melicus, Marchia, Tejus*, qui *Moraviam* ab *Austria* dispescit, *Cambus*, vario piscium genere nobilis, *Leytha*: & in quo scitissimi saporis cancri *Suegadii*, & aliâ. Montibus multis attollitur, quorum præcipui sunt *Cacius Mons*, vulgo *Calenberg*; à *Danubio* ad *Dravum* fluv. extenditur: ejus portiones sunt, *Schneberg, Semering, Kemperg, Hertperg, Deubspurg, Heustperg, Plaitz*: *Cognamus* hodie *der Haimburgerberg*, à *Danubio* ad *Arabonem* trahitur. *Silvis* hinc inde conspersa est regio, quæ *Hercyniæ* quoque portiones sunt ac *Lunæ silvæ*: dicunturque hodie *der Freystetter vnd Konigviservvaldt*. Ad alia pergamus. In urbe *Vienna* duodecim quotidie Magistratus jura dant & leges dicunt: quorum quatuor sunt Ecclesiastici, *Pataviensis Episcopi Officialis, Viennensis Episcopi Officialis, Capitulum Cathedralis Ecclesiæ, & Universtitatis Rector*. Sunt itê quatuor urbani, & quatuor extra urbem: ex quibus præcipui sunt, quem vocant *Regimentum*, unde omnes

Inferioris Austriæ jura petunt, & quem *Fiscum* sive *Cameram* appellant, quo omnes rationes earundem provinciarû referuntur. Reliqui his subjeti sunt, & à quibus ad superiores provocatio libellorû fit, *Senatus Provinciae cum suis Marefchalcis, Ordinatus Provinciae, Senatus urbanus cum suo Consule, Prætorium urbanum, Telonarii Judicium, & mercatorum Prætorium, quod Handgraviatum vocant*, de quibus fuscè in sua *Vienna* differit *Wolfgangus Lazius Viennensis*. Tertius autem circulus Imperii, est *Austriacus*, in quo 11 sunt Ordines. In 1 sunt Ecclesiastici, *Episcopi Tridentinus (Trent,) Brixienfis (Brixen,) Goricensis, Segoviensis, Labachienfis, Viennensis, Teutsch Ordens Meister, Ordens Meister in Eyschtal*. In 11 Principes seculares, *Archidux Austria, Com. Shaumberg, Baro VVolkenstein, D. Senfter, D. Roggendorff, Com. Hardeck*. Et præter principes Imperii invenio in *Austria* nominari Comitatus *Thurn, Crentz, Ortenburg, Perneck, Garb, Freyherrn, Landskron, VVanberg, Hohen, Ostervvitz, Neuberg, Guetenbag, Teuffenbach, Maithofen, Avversperg, Dorneck, Saravy, Hartenstein, Schvvartzenavv, Turnstain, VVachauthall, Hoffkirchen, Eytzing*. Dominia item, *Aichelberg, Caltenprun, Massenperg, Stubenberg, Heggenberg, Stakrenberg, Liechtenstain, Puchaim, Luetkurt, Porges, Schoukirchen, Schiffenberg, Alsenperg, Hornstein, Seibersdorff*.

Ordo politicus.

Mmm 3

SALISBUR-

Regio.

Sole ferti-
litas.Imperium
majus.Vrbs
Saltzbur-
gum.

SALISBURGENSIS Episcopatus ab urbe metropoli-
tana Saltzburgo nomen habet. Franciscus Ireni-
cus ex quinque Episcopatibus Bavariæ hunc pri-
mum vocat. Hujus territorium omnis generis
metallorum dives est, auri, argenti, æris & ferri. Repe-
ritur hic quoque vitriolum, sulphur, alumen & antimo-
nium. Sunt quoque marmoris lapicidinæ. Plana loca
etiam consitionibus, agris, frumentoque apta. In mon-
tibus frequentia quoque aucupia, ac ferarum venatio-
nes. Salisburgenses Presules nominat Munsterus LVIII;
ultimum *Ernestum* Comitem Palatinum Rheni, Bava-
riæ Ducem, Alberti & Kunegundis Friderici Impera-
toris filiiæ prolem. Porro sedes ista sub *Arnone* x Ecclesie
hujus Antistite Archiepiscopatus titulo insignita est à
Leone III, habetque sub se suffraganeos Episcopos, *Tri-
dentinum, Fataviensem, Viennensem, Gorcensem, Brixensem,
Frisingensem, Seccorivensem, Laventiniensem, & Chyemensem.*
Metropolis est *Salzburgum*, vel *Salzburgum*, vulgo *Saltz-
burg*, quod nomen à Saltzach fluvio accepisse creditur:
quantum alii à sale quod in ejus vicinia effoditur,
Saltzburg dici autumant. *Iuvantia* vel *Iuvavia*, vel *Iuva-
rium* olim dictum fuit à juvando, Germanicè *Helffen-
berg*, quod castrum ibi exstruxerit Julius Cæsar, juva-
men seu subsidium ac refugium legionibus suis contra
Germanos quos debellaturus erat. Traduntur namque
Romani cæcidisse Cernanorū 3400000, ac 1500000
in captivitatem duxisse. Alii nomen *Iuvavia* à Iuvavio
cognomini & adjacente fluvio obtinuisse credunt. Di-
citur & *Iave* se castrum in lib. Noric. ut Pighius docet in
Hercule Prodicio. Aventinus adserit ex veteribus di-
plomatistis ostendi *Padicum* Ptolem. esse, pagumque ibi-
dem adhuc nomen servare. Franciscus verò Irenicus

scribit Gamanodurum, aut Badacum Ptolemæi esse; cui
& Volaterranus adstipulatur. *Iuvavia* meminit Antoni-
ni Itinerarium. Sed *Helffenberg* vocabulum vetustius esse
Iuvavia putat Gaspar Bruschius: atque ex eo *Iuvavia* fa-
ctum, quod idem significat. Pighius scribit, in hujus ur-
bis templo se legisse hos versiculos:

*Tunc Hadriana vetus, que post Iuvavia dicta,
Presidialis erat Noricis, & Episcopo digna
Rudberti sedes, qui fidem contulit illis
Christi, quam retinet, Saltzburgum sero vocata.*

Rupertus enim vel Rudpertus Episcopus Worma-
ciensis ex Regia Francorum stirpe ortus, cum post Re-
gis Childeberti obitum à sede sua pulsus esset, circa
annum salutis 1011, ad Theodonem Ducem Bava-
riæ Ratisbonam venit, eum instruxit, & baptiza-
vit, ejusque nutu Noricum peragrans multos con-
vertit & Christo dicavit. Incidens autem in ruinas de-
solatas veteris Iuvaviæ locum Episcopatui idoneum,
Basilicam ibi in honorem S. Petri construxit, mo-
nasterium ordinis S. Benedicti adjecit; rexitque ibi
Episcopalem Ecclesiam annis XLV, mortuus anno 1033.
Vrbs hæc in mediis Alpibus situm habet: de-
centi murorum ambitu, turribus & propugnaculis,
tam publicis quam privatis ædificiis cultissima; Regia
quondam sedes ac domicilium, quando & superbissima
ex marmore Fanorum structura præ cæteris caput ex-
tulit urbibus. Maxima fluminis situsq; oportunitas hoc
præstitit. Nunc etiam Archiepiscopali dignitate inclare-
scit, qui primæva quidem institutione Laureaci, tum
Patavii, rerum vicissitudine huc translatus fuit. Habet
hæc urbs paludes, planiciem, colles & montes. Paludes
præbent pascua, montes aucupia & venationes non-
nullas.



nullas. In hac urbe sepulchrum visitur Theophrasti Medici celeberrimi in Nosocomio apud S. Sebastianum, cum tali Epicedio: *Condiitur hic Philippus Theophrastus insignis Medicinæ Doctor, qui dira illa vulnera, lepram, podagram, hydropisim, aliæque insanabilia corporis contagia mirifica arte sustulit, ac bona sua in pauperes distribuenda collocandaque ordinavit. Anno M.D.LI. die 24. Septemb. vitam cum morte commu-*

Flumina.

tavit. Fluminibus ac rivulis innumeris propemodum rigatur hæc regio, qui ex montibus scaturiunt. *Anassus* fluvius in Septentrionem defluit, quem *Altzius*, *Saltzius*, *Mathicius*, suis aquis augent. *Traunus* ibidem ex lacubus oritur. Hinc etiam *Mur* & *Dravus* nobilis amnis oriuntur, quem posteriore Plinius nominat lib. III. cap. xxv. eumque ex Noricis fluere tradit. Reliqui ignobiliores rivuli in hos quos modo nominavi effunduntur. Dico omnis montosa, jugisque montium, quæ adcolæ *Taurin* vocant, aspera. Hinc ista sunt, *Radstatterthaurin*, *Felbergthaurin*, *Kornthaurin*, *Casteinertthaurin*, multique alii adeo alti, ut, qui media æstate eos conscendunt, quum ad verticem perventum est, frigore infestentur: nullus curribus locus, angustæ calles, adeoque interdum præcipientes, ut vix jumento clirellario etiam adueto iter sit, grandia vero pericula scandentes maneat, quum aut subito exorti venti in præcipitia homines abtrepant, aut immensi convolutarum nivium globi silvas, saxa, jumenta, atque etiam domos vicinas sæpe obterant. Ex his montibus amnes frequentes defluunt, de quibus supra meminimus. Montes etiam præter supradictos *Tauros* habet in Meridiem versus. Alpes quos *Albin* ipsi vocant: variis quoque cognomentis adscitis, ut *Villacher Albin*, *Schvvanberger Albin*, &c. Item *Creutzbergum* montem, *Lettschbergum*, & in Oevina valle metalliferos,

Montes.

de quibus sic cecinit Conradus Celtes lib. Amorum II Ode vi.

*Qui mihi de celsis nuper fuit Alpibus actus,
Oenus ubi atque Arthesis murmura rauca facit,
Argenti eterno scaturit qua vena metallo,
Et ditat totam patriam Alemannicam.
Hic balant liquido puro & de fonte Salinæ
Ditantes Bavaros, Austriacosque Duces.
Hic turba est tetra nigraque similis morti,
Qui solvunt vastis ignibus æra suis.
Haud credas nostris decocta metalla per ignem,
Sed Phlegethontæis mundificata vadis.*

Silvis quoque hic Episcopus non destituitur; *Hardionem* enim *Henhardum* & *Vveyhardum* silvas ad Septentrionem positas habet. Verum de Episcopatu *Salisburgensi* hæc jam dicta sufficient; reliquum est ut de *Carinthiæ Ducatu* quem hujus *Tabulæ* titulus etiam præse fert nonnulla dicamus.

Silvæ

Carinthiæ Ducatus.

Carinthia vel *Carnithia* (quod *Rithaimero* auctore rectius scribitur) à *Carnis* populis nomen suum obtinuisse videtur, qui vetusti ejus loci incolæ sunt, utpote quorum & *Plinius* & reliqui in hoc loco meminerunt Geographi. Vtrum vero à *Carnunto*, veteri oppido, ejus crebra apud auctores mentio est, nomen hi suum traxerint, an vero ipsi à se urbem denominarint, dubium fecit rei vetustas. Est is locus in *Ripensi Pannonia*, septem fere *Vienna* milliariibus distans, ubi non obscura celeberrimæ olim urbis indicia, monumenta ac rudera, etiam nunc extant. ei nunc *D. Petronellæ* nomen est.

Regi.

Dicun-

Soli fer-
tilitas.

Dicuntur vero & *Carnioli*, Germanicè *Karnten*, *Krain*, *Karst*. Habet autem hæc Regio ab Ortū & Septentrione Styriam, ab Occasu & Meridie Alpes & Forum Julii contingit. Hujus pars est *Carniola*. Multæ in hac Regione valles colleſque tritici feraces. Solinus c. xxx. ait, Agrum Noricum frigidum & parcius fructuoſum, qua vero ſubducitur à jugis Alpium admodum lætum. Metropolis Regionis eſt *Santo-Vitus*, urbs minimè negligenda ad Lanam fluvium. Forum habet ſatis ſpatioſum, ac perennis aquæ fontem limpidiſſimum. Sunt præterea *Villacum* oppidum, domibus in fronte coloribus hiſtoriſque magnificè depictis, ſpectatoribus gratum. Situm eſt in planicie altiffimis rupibus ſeptum ad Dravum flu. ponte lapideo ejus oras connectens. *Clagenfurtum* urbs bene munita, *Claudia* antiquitus Lazio teſte vocata. Sunt qui ſcribunt ejus urbis cives furibus a deo eſſe inexorabiles, ut leviffima etiam furti ſuſpicionem notatus, inauditus ad crucem abripiatur: poſt ejus diei quo ſupplicium de eo ſumptum eſt, tertium de mortuo judicant: quem ſi in fontem cognoverint, honorificè ſepeliunt: ſi jure eum damnatum compererint, pendere ſiunt. Sed hanc fabellam commentitiam vocat Richaymerus. *Friſachum*, magnam referens vetuſtatem: *Wolſpergum* Lavando flu. adjacens: *Santo Leonardus* &c. Multi in hac Regione lacus ſunt: *Mulſterſee*, *Oſtacherſee*, *Werdſee*, *Lavantiſee*, *Indenburgerſee*, *Veif-Flumina*. ſec. Inter omnes præcipuus *Dravus*, qui per Styriam ac

Lacus.

Flumina.

Pannoniam in Danubium fertur. Haud inferior *Savo*, *Glana*, *Schleinicza*, *Lavanda*, quos omnes Dravus abſorbet. *Mura* quoque eidem Dravo miſcetur. Plerique autem dictorum flu. huic Regioni fontes ſuos debent, ac in eadem oſtia ſua habent. Montibus undique in-ne-xa eſt regio. Excella enim Alpium capita, ut Strabo ſcribit, continua hætenus extenduntur, & unius montis faciem exhibent, remiſſa inde & inclinata, plures in partes & plures in vèrtices attolluntur. Tauri portiones jugaque crediderim, unde ab incolis ſiſ nominibus diſtincta. Ab Occidente *Gaſtein Taurum*, *Villacher Taurum*, *Raſtatter Taurum*, *Karnen Taurum* vocantur. Nonnulli vero vèrtices Alpium nomina ſervant, ut ſunt *Modringalbn*, *Serbiſalbn*, *Sanalbn*, &c. Ex Dravo flu. *Dietzpergus* imminet, & ſuper hunc mons Argentatus eſt, adcolarum lingua *Silber Berg*: *Raſpergus mons* Muræ ac Iſaræ fontes habet, altero in Meridiem, altero in Ortum fluente. Inter hos vero Tauri Alpiumque editiſſimos colles, ſilvæ lucique ſparguntur, *Hercyniæ Silvæ* portiones, uti ſunt *Hirſchpuhl*, *Priervalt*, *Adelvvalt*, *Eremus* vulgo in *der Einod*, ſilvæ. Mineris prædictæ Alpes, ferri, argenti, auri turgent. Quantum ad Eccleſiaſticam juridiſctionem attinet, ea inter Episcopum Saltzburgenſem, & Patriarcham Aquilegienſem partita eſt, inquit Paracellus. Riturum apud hos inſolitum ac minimè vulgarem inaugurandi Principes accuratiſſimè in ſua Europa deſcribit Pius II; & Munſterus lib. III Cosmographiæ.

Montes.

Silva.

Nnn

Polo-

Regio &
unde di-
ctæ.

Cali tem-
peries.
Soli qua-
ritas.

Animæ-
lium va-
rietates.

Imperium
majorem.

vrbes.

POLONIA à planitie terræ (quam ipsi etiamnum *Pole* vocant) nomen habet. Vasta admodum regio est: ad Septentrionem Borussia & Pomeraniam respicit, ad Orientem Solem Massoviam & Lithuaniam; qua Meridies est Russia & Hungaria montibus clauditur: qua Occidens, Lusatia, Silesia & Moravia. Lōgitudo cccc.lxxx, latitudo ccc milliarium. Regionis aer purus, sed frigidus rigensque ac severæ hyemes. Regio omnis plana, fertilis hordei, frumenti, leguminum. Abundat fructibus, cera, melle, butyro. Habet & falis maximam copiam, qui ex terra eruitur. Habet & æris fodinas in montium jugis, Tatri ab incolis dictis: nec non sulphuris. Abundat insuper armentis, adeo ut Saxonia multæque gentes Germanicæ Polonicis bubus victitent. Varii generis videre est ibi animalia, magnamque pecudum & ferarum copiam. Habet uros, bisontes, tauros & equos silvestres, onagros quoque & ejusmodi. Nec defunt aves variæ magna copia, ad aucupia invitantes. Regni titulum & majestatem accepit Polonia anno cxi regnante *Boleslao Chabri*, qui ab Ottone III Romano Imperatore regium diadema accepit. Post annos vero lxxvii sub *Boleslao Audaci*, qui crudeliter Stanislauum Cracoviæ Episcopum trucidavit, regio diademate à Pontifice Romano privata est. Iterum recuperatum est avitum jus, electo in Regem *Primislaō* II Duce majoris Poloniae & Pomeraniae, anno cixccxcv. Dividitur hæc Regio in Poloniam Majorem & Minorem. Major est magis Septentrionalis, eamque mediam interfecat Varta fl. Minor est australis, eamque Vistula pererrat. In Majore Polonia civitates principales istæ. *Posnania* ad *Vartam* & *Prosnam* fluvios, inter colles

condita, muro duplici, ædes habet lateritias amplas & multas: suburbia vasta ad Vartæ ulteriorem ripam, stagno ingenti paludibusque circumdata: nundinas etiam binas quotannis admodum celebres, & Episcopus sedem. Habet sub se oppida ista, *Koscien* inter lutosas paludes viii milliarium intervallo. *Meidzyrzecze*, cujus domus omnes lignæ, estque finitima Silesiæ & Pomeraniæ. *Ostresovv* in planicie inter silvas sita; *VVschovv*, *Sremck*, *Prenez*, & *Rogozno*. *Calisia* civitas est muro circumdata, inter paludes, quam *Proсна* fl. præterlabitur. Arcem mutatam hoc loco fuisse, ruinæ testantur. Sub hac sunt, *Gnesna*, *Pyzdry*, *VVartha*, *Noklo*, *Land*, *Konin*, *Slupeza*, & *Kolo*. *Gnesna* muro circumdata est, in planicie, inter lacus collesque. Hæc prima omnium civitas à *Lecho* condita est: in hac Princeps Poloniae *Boleslaus Chabri* ab Ottone III Romanorum Imp. Regium Diadema accepit, quo ad hoc usque tempus Reges Poloniae utuntur. *Siradia* civitas lignea muro septa est in planicie. Sub hac sunt *Vielunia*, *Sadeck*, *Petricovia*, *Rospzra*, & *Spicimiria*. *Petricovia* palustri loco sita, lutosæ est. *Lancisia* civitas est haud inamœna, muro fossaq; clausa, in planicie. Sub ea sunt *Orlovja*, *Piatec*, *Bresnia*, *Kornazevv*, *Biechovv*, & alia nonnulla oppida. *Cuiavia* sive *Vladislavia* urbs ampla est; habet sub se *Bisgostiam* ad Budam fl. navigabilem, quo merces ex Polonia in Vistulam deferuntur. *Brestia* sub se habet *Radziejovv*, *Crusphiciam* & *Covvalovv*. *Crusphicia* post *Gnesnam* omnium Polonicarum urbium prima est, lignea, cum arcæ lateritia, ad locum *Goplo*, ex quo lacu mures olim prodierunt, qui *Pompilium* principem Poloniae in ea arce iusta numinis ira vindictam deposcere devorarunt. *Rava* civitas lignea est ad fl. Ravam: habet sub se oppida



oppida *Sochaczoviam*, *Gostinin*, & *Gambin*. *Ploozko* amœna civitas in colle ad *Vistulam*, sedes est Episcopalis: sub hac sunt *Bielsko*, *Raczayaz*, *Sieperoz*, *Srensko*, *Mlavva*, *Plonsko*, & *Radzanovv*. *Dobrinia* in scopulo ad *Vistulam* sita est, in ea arx fuit quam Crucigeri demoliti sunt. Sub hac *Slonsk*, *Ripin* & *Gorzno*. In Polonia vero minore urbes principales hæ sunt, *Cracovia*, *Sandomiria*, & *Lublinum*. *Cracovia* in planicie ad *Vistulam* extructa est (eam *Petrus Appianus* putat esse *Ptol. Carrodunum*) muro duplici, valloque firmissimo. Arcem habet in scopulo eminenti, quem *Vanel* dicunt. In hac urbe Regum Poloniae sedes est, & sepultura. Gymnasium quoque celebre studiis Philosophiæ & artium. Carent autem *Cracovienses* Advocato supremo, sed *Rex* ipse præturam *Cracoviensem* obit. *Castellanus* quoque *Cracoviensis* *Palatino* in Senatus confessu prior digniorque est, cum in cæteris Regni provinciis *Palatinus* *Castellano* præferatur. *Cracoviæ* tres civitates contiguæ sunt, *Clepardia*, *Stradomia*, & *Casimiria*. Habet sub se Ducatus duos, *Zatocensem* & *Osumociensem*. Oppida ei subsunt hæc, *Biecz*, *Vvonicz*, *Sandecz*, *Lelovv*, *Kzayaz*, & *Proszovice*. *Sandomiria* civitas principalis illius districtus, muro circumdata, in colle ad *Vistulam* sita est: abest *Cracovia* *xxii* mill. Arcem habet antiqui operis & ut tunc bella erant, satis munitam. Sub ea sunt *Cechiny* in loco plano fodinis lazuri clara, in quibus etiam argentum reperitur, *Korczin*, *Vvislicia*, *Pilzno*, *Opozno*, *Radomia*, *Polonieck*, *Zamichost*, *Zarnovv*, & *Malogost*. *Lublinum* civitas præcipua illius districtus, ultra *Vistulam* est, muro, fossa, stagnis, arce munita. In hac quotannis triplices sunt nundinæ, ad quas conveniunt *Turcæ*, *Armeni*, *Græci*, *Germani*, *Moschovites*, *Lithuani*, alique. Arcem fl. adluit *Bystrzana*.

Sub ea sunt *Vrzendovv*, *Lulovv*, *Parcovv* & *Casimiria*. Porro Poloniae regio stagna habet permulta & lacus, in quibus omne piscium genus. Nobilissimis etiam fluminibus rigatur, quorum primum est *Vandalus* sive *Vistula*, Germanis *die VVeißel*. Sequuntur *Chronus*, nunc *Pregel*, *Nyennien*, *Ruhon*, *Viadrus*, *Varta*, *Tyras* nunc *Nyester*, *Hypanis*, hodie *Bugh*, *Borysthenes*, nunc *Nyeper*: præter hæc minorum gentium multa. Montes fere nulli sunt, præterquam qua in Meridiem vergit, ac ab *Hungaria* *Sarmaticis* *Carpathiisque* montibus quos *Tauri* incolæ vocant dirimitur. Silvis panè omnis regio obducitur, quæ *Hercyniæ* portiones sunt. Sed de his hætenus. Status autem politicus Regni Poloniae, ii habet membra. i *Ecclesiastici*. In quibus sunt Archiepiscopi ii *Gnesna* & *Leopoli*, Episcopi *Cracovia*, *Ploozko*, *Chelme*, *Vladislavia*, *Pomesania*, *Varmia*, *Culma* & *Sambienfis*, *Posnania*, *Premislia*, *Cavenez*, *Vilna*, *Medenicque*, *Luceoria*. In *Livonia* *Riga*, *Dirpte*, *Abfel*, *Revalie*. ii *Nobiles*. In quibus sunt *Castellani* *Cracoviæ*: *Palatini*, *Cracovia*, *Posnania*, *Sandomiria*, *Kalischi*, *Siradia*, *Lancise*, *Brazeste*, *Inovvradislavia*, *Rusie*, *Podolia*, *Lublin*, *Belze*, *Plocensis*, *Mozavia*, *Rava*. Item in *Lithuania* *Vilna*, *Trochi*, *Poletcho*, *Novogrod*, *Vitellie*. Item in *Prussia*, *Culma*, *Mariembourg*, *Pomerania*. *Castellani* *Posnania*, *Sandomiria*, *Kalische*, *Vomice*, *Gnesna*, *Siradia*, *Lancise*, *Brazeste*, *Inovvradislavia*, *Leopolis*, *Cameneicia*, *Lublin*, *Belze*, *Plocensis*, *Geine*, *Ravensis*, *Sandecia*, *Miedzaris*, *Vitellie*, *Biece*, *Rogostia*, *Radom*, *Zavvichost*, *Landensis*, *Sreme*, *Zarnovve*, *Mologost*, *Vielune*, *Premislia*, *Haine*, *Sanoë*, *Chelme*, *Dobrine*, *Polanecie*, *Premetenensis*, *Crisyviniensis*, *Czecovia*, *Nakle*, *Rospine*, *Byechovia*, *Bydgostia*, *Brezeczine*, *Cruinicie*, *Osvicimensis*, *Camenez*, *Spicimirie*, *Inovv-lodensis*, *Revalia*, *Zavoloc*, *Sochazonia*, *Vasovia*, *Gostine*, *Visne*, *Raciez*, *Sieprecentis*, *Vvisogrod*, *Riprin*, *Zabrochzenensis*, *Circhanovia*,

Lacus.
Flumina.

Montes.

Silva.

Ratis
de mandis.

chanovia, Livenfis. In Lithuania *Vilna, Trochi.* In Prussia *Culma, Elbingen.* Pomeraniæ Capitanei, cujus officii per multi sunt in toto Poloniæ Regno. Mareſcalli 11, *Regni & Curia Regia.* Status eccleſiaſticus conſtat his Archiepiſcopis & Episcopis, qui dicti ſunt. Viri plerique nobiliores, excellenti ingenio præditi ſunt, multiſq; & longinquis peregrinationibus prudentiam ſibi & multarum linguarum peritiā compararunt. Impavidi ſunt, & cum hoſte etiam robuſtiſſimo pugnam non detreſcant; læſi à Magnatibus, injuriā omni conſanguineorum, clientum, amicorum, & familiarium conſecderata manu ultum eunt, neque ante ceſſant, quam vel vindicarint, vel occubuerint. Poſtremum non tam liberales ſunt quam proſuſi: quod vitium augent frequentibus comeſſationibus, & immodicis largitionibus, tum etiam ingenti clientum ſervorumque quos alunt, veſtiunt & ornant, numero.

S I L E S I A.

Regio.

Situs.

Cal. temperies.

Soli fertilitas.

ET hæc de Poloniæ Regno: reſtat paucis explicanda *Sileſia.* Nomen illi ab amne cognomini, ut tradit Conradus Celtes. Alii aliunde derivant. Terminatur à Septentrione & Ortu Polonia: à Meridie Moravia & Hercynia Silva, ab Occidente Luſatiae & Bohemiæ parte. Longitudo eſt cc mill. paſſ. latitudo lxxx. Aer quamvis paulo frigidior, utcunque tamen mitis & clemens. Ager quod crebris torrentibus acrivulis irrigetur fertilis admodum eſt, acres naſcentes ex terra, magna ubertate in plerique locis fundit, & alicubi venas

auri, argenti, plumbi, & ferri gignit: res etiam ad veſtium non modo ſuarum, ſed multarum etiam gentium conſciendum largiſſimè ſuppeditat. Vrbes hic cultæ & legibus artiumque humanarum ſtudiis exornatæ. Metropolis ejus eſt *Vraſlavia, Budorchi* ut quidam volunt Ptol. vulgo *Breſlavy.* Dugloſſius ſcribit, eam exſtructam à Mieſſao Duce Poloniæ, paullo ante annū Chriſti milleſimum. Inde poſt annos xl. ornata eſſe Episcopatu à Caſimiro Rege Poloniæ; his incrementis tantum aucta eſt, ut ejus civitatis antiſtiſtes *Aurei Episcopi* ob divitias & rerum omnium copiam dicerentur. Anno cccccxli. tota in favillas abiit. Sed ſub Carolo III Imperatore ex lateritia facta eſt aurea. Memorabile eſt quod de turri Templi S. Elizabethæ reſtatur ſequens inſcriptio. **MIRABILIS IN ALTIS DOMINUS.** Situs loci, ædificiorum ſplendor, turrium, templorum, pontium ſtrutura, platearum diſpoſitio, urbem vehementer commendant. *Niſſa* Episcopalis eſt civitas. Sunt præterea in hoc tractu Duc. xv. *Lignicenſis, Bregenſis, Teſchimenſis, Monſterbergenſis, Olſvicenſis, & Becuſtadienſis:* tres veteres familie, videlicet *Lignicenſis, Teſchimenſis, & Monſterbergenſis* adhuc obtinent. *Tropavienſis, Opolienſis, Niſſenſis, Vraſlaviensſis,* ſive *Breſlavy, Svråbnienſis, Hurenſis, Glagovienſis, Ratiſboneſis, & Saganenſis.* Sed hos poſtremos Reges Bohemiæ, extinctis veteribus dominis adepti ſunt. Baronum 111 familie, videlicet à *Trachenberg, Vertenberg, & Pleſſenſis.* Supremum Regis tribunal in Sileſia eſt *Vraſlavia;* ubi & ſedes eſt Episcopalis, quemadmodum & *Niſſæ. Viadrus* per hanc regionem labitur, in quem undique plures amnes & rivi confluunt, *Elſa, Ola, Bobruſ, Baruſius* & alii.

Urbes.

Flumina.

Regio.

HUNGARIA, vulgo *Hongerem* (quam nomen ab Hunnis vel Hungaris populis ex Scythia profectis, qui eam incolunt, habere constat) Pannonias & trans Danubium Iazygum & Dacorum Regionem fere omnem occupat. Ad Meridiem est Savus amnis, quo à Croatia & Servia disjungitur, quæ sunt in parte Illyrici Adriatico pelago obversa. A Septentrione sunt Polonia & Russia, Carpatomonte disclusa. Ad occidentem Solem Austria, superioris quondam Pannoniæ caput, cum Moravia & Stryria; ab Oriente Mysia quam Rhetianam nunc appellant. Regio omnibus Cæli benignitate & clementia, ac loci amenitate, situsque pulchritudine, suo jure anteferenda. Ager rerum omnium copia ac fertilitate felix, gemmas, aurum, argentum, colores, sal fodiens abunde largitur. Pabuli, frumenti, leguminum ac fructuum nusquam abundantia major, vinum gignit generosissimum tractus Danubianus, à Quinque-Ecclesiensi agro Taurunum seu Belgradum usque. Oleo tamen rara aut nulla est: ea dempta omnibus propemodum naturæ dotibus hoc regnum ornatum videtur. Animalia producit varia, quorum tanta hic copia, in primis ovium, boum, ut in exteras regiones tot & tanta armenta mittat, ut pene incredibile videatur, præsertim in Italiam & Germaniam. Feris quoque mirificè abundat, leporibus, damis, capreolis, cervis, apris, lupis, ursis, & hujusmodi; avibus item, præsertim turdis, perdicibus, & phasianis. Coluerunt Regionem hanc primùm *Pæones*, sive *Pannonæ*: postea *Gothi*, qui ab *Hunnis* expulsi sunt: *Hunni* à *Longobardis*, qui etiam totos XLII annos

Situs.

Cæli qualitas.

Solis fertilitas.

Animalium varietas.

hic confedere. Successerunt iterum *Hunni* Duce *Attila*: quo obito, Carolus magnus eam sui juris fecit. Anno autem cccio sub *Arnulpho Imperatore*: è Scythia profecti *Hungari* loca ista occupaverunt, Paganismum colentes ad usque *Regis Stephani* quem *Sanctum* vocant, inaugurationem. Ab eo deinceps ad nostra tempora Hungaria Christianam religionem professæ est. Continet autem Hungaria totam *Iazygum Metastarum* regionem, quam *Ptolemæus* Danubio, *Tibisco* & montibus *Sarmaticis* circumscribit. Horum reliquias adhuc exstare constat, & vulgo contracta voce *Iaz* vocari. Incolunt verò sedes à *Plinio* descriptas & linguæ idioma habent Hungarico dissimillimum. Regum Hungariæ primus fuit post constitutam religionem Christianam *Stephanus* cognomento *Sanctus*, sequuti sunt *Petrus* ejus nepos, *Andreas* consanguineus, *Bela*, *Salomon*, *Geysa*, *Ladislaus*, *Almus*, *Stephanus II*, *Bela cæcus*, *Geysa II*, *Stephanus III*, *Bela III*, *Emericus*, *Ladislaus II*, aliiq; longo ordine, ad usq; *Rudolphi II* Regis & Germanorum Cæsaris tempora, qui jam tricesimum secundum annum illi regno præest. Rex verò Hungariæ Regnum suum administrat 11 Magistratuū auxilio, qui sunt: Sublimior; qui in tres Magistratus dividitur. Quorum 1 Gubernans Regnum Regis nomine; in quo sunt, *Palatinus Regni*, qui proximus à Rege est, & Regis ipsius, sicubi accusatur, *Judex ordinarius* existit, quem *Regnicolæ* communi voto eligunt, nec hæreditarium est officium. *Judex Curie*, qui est unus ex *Judicibus Regni ordinariis*. *Cancellarius* perpetuus, qui est metropolitanus *Strigonien-*sis, qui & *Primas Regni* & *Summus Secretarius* nominatur,

Imperium majorum.

Ratiogubernandi.



tur, ac prerogativam habet electum Regem inungendi, & Sigillo majore privilegia munit. Arbitrio Regis assumptus, qui ceteras literas minores & potissimum mandata regia, & in causarum distinctione datas munit, decretisque Regis subscribit. *Magister Curiae*, Regis Comitatum sequi cogitur, & ejusdem intimus Consiliarius habetur. *Tavernicorum Regalium Magister*, auri fodinarum salinarumque, & breviter earum civitatum, pagorumque ac castrorum causas distinguit, quaecumque ad fiscum regium pertinent. II *Judicia* tractans, in quo officarii, tres majoris autoritatis, *Vice Palatinus Regni*, *Index personalis praesentiae*, qui & Regiae Majestatis in judiciis locum tenet, & judicibus praest: *Vice-Index Curiae*. Minores qui ministeria magis judiciorum quam Magistratum exercent: *Protonotarii* duo *Judicis personalis praesentiae*. *Protonotarius Vice-palatinus*, *Protonotarius Vice-Judicis Curiae*. Hi omnes Magistri appellantur, habentque in laboris consortium adjunctos hos sequentes: *Secretarium Archiepiscopi Strigoniensis*, qui *Fiscalis* dicitur, duodecim *Assessores*, *Notarios* aliquot *juratos*. III *Ministrans Regi*, *Thesaurarius Regis*, *Magistri Cubiculorum Regalium*, *Agilorum*, *Dapisfororum*, *Pincernarum*, *Ianitorum*, & alia minora officia. Atque hi sublimiores. Minor qui est in singulis locis juridicis. Porro quia regnum amplissimum est, constituta sunt per Provincias judicia particularia, quos Comitatus Hungari dicunt: suntque hi supra Danubium ad Occidentem Tibisci fl. *Posoniensis*, *Nitriensis*, *Cepusensis*, *Gervinariensis*, *Posthiensis*, *Semliniensis*, *Comariensis*, *Leptoniensis*, *Novigradiensis*, *Abavariensis*, *Bathiensis*, *Vngensis*, *Traachimensis*, *Barsiensis*, *Hontensis*, *Borsodienensis*, *Bodroghtensis*, *Peregriensis*, *Turoezenensis*, *Omuzolis*, *Tornensis*, *Herveciensis*, *Zolnocensis*, *Moramaru-*

senfis. Supra Danubium ad Orientem Tibisci, *Vgoghienfis*, *Bihorienfis*, *Zatmariensis*, *Oradiensis*, *Zabolciensis*, *Temestensis*. Inter Danubium & Dravum flu. *Musunensis*, *Zaladiensis*, *Tolnensis*, *Rhab. sive Iauriensis*, *Vesprimiensis*, *Strigoniensis*, *Soponiensis*, *Albenfis*, *Sinigienfis*, *Castriferrensis*, *Pelisiensis*, *VVaraniensis*. Inter Dravum & Savum fl. *Valkonensis*, *Risienfis*, *Syrimienfis*, *VVarasdiensis*, *Posegienfis*, *Zagrabiensis*. Administratio Ecclesiastica penes duos est Archiepiscopos, qui sunt *Gran vel Strigoniensis*. Legatus Apostolicus & primas Regni habet sub se *Agriensem*, *Vaciensem*, *Nitriensem*, *Quinque Ecclesiensem*, *Vesprimiensem*, qui Cancellarius est Regine, quam etiam coronat, & *Iauriensem* vulgo *Rab*. Episcopus *Colosensis*, sive *Colotz*: sub quo sunt *Sagabriensis*, *Transilvaniensis*, *Voceadrensis*, *Vsemburgensis*, *Suinienfis*, *Cenadiensis*, sive *Chonad*, *Bosniensis*. Dividitur vero Hungaria universa in citeriorem & ulteriorem: Citerior Hungaria omnem illum tractum complectitur qui citra Danubium est: Vltior illum, qui ultra Danubium, Vrbes. quam quidem mediam Tibiscus secat. Metropolis & Regni caput *Buda*, sic denominata, uti plerique existimant, à *Buda* Conditore fratre Artislæ Regis, vel ut alii scribunt, à *Budinis* Scythiæ populis, quorum Herod. meminit. Appiano, Irenico & Althamero *Curta* *Protomæi*. Aliis *Aquincum* *Ptol.* & *Antonini*, cui *Legio II adjutrix* est. Hujus si urbis situm inspicias, ex parte montosa, & validis est propugnaculis firma, ut nec quicquam munitius, nec amœnitas in tota ferme Hungaria inveniri possit. Publicis privatisque ædificiis ornatissimis præceteris in ea Regione urbibus clarissima; agrum habet variorum fructuum ubertate luxuriatam. An. c. 1010 xxvi die xx Augusti à Turcarum Imperatore Solimanno Christianis erepta est. Reliquæ sunt *Posonium* vulgo *Prezborgh*,

Prezborg, urbs nobilissima. Hic *Leyta* flu. Pannoniam Superiorem ab Inferiore dividens, cum Istro miscetur. Urbs vetus & elegans, quæ ut situ, ita aere quo fruitor lato & amœno salubrique, multas Pannoniæ urbes longè antecellit. Montes habet vineis amœnissimis confitos, qui & magnam lignorum copiam præbent. Ad suburbium in præcelso montis vertice arcem validam habet. *Belgradum* ad confluentes Savi & Danubii, vulgo etiam dicitur *Alba Græca*, antiquioribus *Taurinum*, Germanis *Griechs VVeissenburgh*: caprum est à Turca Solimanno, anno c1010xx, quum antea Christiani Orbis adversus immanem hostem præsidium aliquamdiu fuisset; nunc hæc Turcarum Imperatoris sedes est. Ulterius secundo Danubio descendentibus occurrit *Singidunum*, caprum à Turca anno mccccxxxix. Medio inter duas istas urbes spatio, campus est nobili *Hunniade* victoria adversus Mahometum Turcarum Imperatorem celebratus: Campum vocant *Maxons*. Prælium commissum est anno c10ccclvi. Adverso flumine ascendentem multa loca excipiunt funestis Christianorum cladibus tristitia. *Valpo* urbs capta anno c1010xliii. *Quinque Ecclesie* ad Dravum anno c1010xliii. *Zigetha* anno c1010xvi. *Buda* de qua supra. *Strigonium* ad Danubium, vulgo *Gran* dicitur, Archiepiscopalis quondam sedes, & jam in manibus Turcarum. *Alba Regalis*, *Stulrveyssenburg* Regum corona & sepultura celebris, capta est anno c1010xliii. In eodem pene tractu est *Stridon* B. Hieronymi patria. Est & *Komora* urbs munitissima in insula ejusdem nominis, frustra aliquoties à Turcis pe-

tita. *Iaurinum*, vulgo *Raab* ad Danubium sita ferè inexpugnabilis. Reliqua oppida silentio prætereo. Sunt & in Hungaria lacus celebres ac nobiles, quorum præcipuus est *Balaton*, qui Germanis *Platze* dicitur, xl milliaria Italica secundum latitudinem habens & Hungarica viii. Flumina sunt nobilissima *Danubius*, *Savus*, *Dravus* & *Tibiscus*: horum tres priores communes sunt nonnullis aliis regionibus, sed *Tibiscum* totum sola Hungaria sibi vendicat. Hic quidem in Maramusia sub altissimis Carpati jugis nascitur, omnesque Hungariæ fluvios, proventu piscium superat: omnibus enim temporibus iis mirifice abundat, in primis sturionibus, lucis, quorum hepar sesqui-ulnam longitudine interdum superat: cypris & siluribus. Alii etiam omnes præter hos sunt, qui optimorum piscium copia adfluunt, nimirum fundulis, trutis, salmonibus, percis, murenis, barbis & aliis pluribus, qui amnes plerique feraces auri sunt. Montes & silvæ præcipuæ, ultra Danubium ab Austria & Moravia incipiendo recensentur à Lazio *Tarchzal*, Græcis *Carpatus* quondam à fructu minerarum appellatus; propagatur per Comitatus, Turocensem, Arnensem, Liproviensem, Cappusensem, Gewineriensem ac Sariensem, cujus nomina Germanorum locorum incolæ aliis atque aliis nominibus indigetant, den *Vatter*, den *Munch*, den *VWurgarten*, den *Schneberg*. Secundus est *Matran* vinetis prope Agriam confitus. Tertius omnium amplissimus *Erdel*. Sunt & multi alii, quos brevitatis studio hoc loco omitimus, hisce Germaniam concludentes.

Lacus

Flumina

Montes,
Silva.

Catalogus tabularum Italiæ.

- I. Lombardiæ pars Alpestris cum Valefia.
- II. Tirolis, & Marchia Tarvisana.
- III. Pedemontium, Montis Ferrati Marchionatus, & Genuensium Ducatus.
- IV. Romandiola, cum Parmensi & Mantuæ Ducatibus.
- V. Brixienfis Comitatus, cum Ducatu Mediolanensi.
- VI. Veronæ, Vicentiæ, & Pataviæ ditiones.
- VII. Forum Julium, Istria, Carniola.
- VIII. Thufcia.

- IX. Marchia Anconitana, cum Spolêtino Ducatu.
- X. Latium, vel Campagna di Roma.
- XI. Abruzzo, Aprutium, & terra di Lavora, seu Cápania.
- XII. Vtraque Apulia, seu Puglia Piana, & terra di Barri.
Terra d'Otranto, Calabria, Magna Græcia, Lucania. Regnum Neapolitanum utrasque fere præcedentes tabulas facit.
- XIII. Corfica, & Sardinia.
- XIV. Sicilia.

Quia paucissimi Comitatus & Dominia mihi per Italiam & Græciam innouerunt, & eorum pleraque nomina ac loca in Tabulis assignari nequeunt ob Tabularum quæ exstant imperfectionem, ideo paucis exceptis hoc labore superfedebam. Quilibet studiosus quoscunque invenerit annotare facile poterit. Pulcherrima esset in Politicis speculatio si omnium Regnorum nobilitas, & officia singulorum, locaque Dominiorum nota essent. Quisque in sua hoc præstans patriâ laudem merebitur.

ITALIAM ingredior: Regionem Diis sacram, Plinio totius Europæ beatissimam, optimamque, omnium prope Terrarum Alumnâ, rerum Dominam, Principem Gentium, mundi Reginam. Varias habuit olim appellationes. Dionys. Halicarn. l. i. R. A. regionem hanc nobilissimam indigenas vocasse scribit *Saturniam*: Græcos vero *Hesperiam*, *Aufoniam*, *Oenotriam*: Herculis denique tempore dici cœpisse *Italiam*. *Saturnia* dicta fuit à Saturno rege. Verùm hæc appellatio non ad totam Italiam: sed tantum ad ejus partem, quæ & *Latium*, pertinuisse videtur. *Hesperia*, vel ab Hespero Atlantem fratrem fugiente, ut vult Hyginus: vel ut Macrobio placet, ab Hespero stella quæ Latinis est Vesperugo: quod ad Occasum spectet: *Aufonia* ab Aufone. *Oenotriam* dixere à vini bonitate, aut ab *Oenotro* Sabinorum rege. *Italiæ* nomen acceptum ab *Italo*, quem *Oenotria* regem facit Aristot. Festus vero lib. 9. *Italiam dictam, quod magnos Italos, hoc est Boves habeat, ait; vitulos enim*

Italos esse dictos. Timæus fabulatur appellari ab *Italo Bove*, uno ex armento Geryonis, qui abactus ab Hercule Siculi Freri angustius tranaverat, Tyrrihena lingua *Italum Taurum* dicente. *Vitalia* quoq; quondam dicta, si fides Hellenico, apud eundem Dionysium Halic. lib. Antiq. Rom. Alias veteres Italiæ appellationes, quod non tam toti, quam partibus conveniant, omittimus. *Peninsulam* faciunt *Italiam* Strab. & Ptol. quam natura mari supero, infero & Ionio munivit lateribus tribus: quarto autem vallavit Alpibus. Nam Occasum Caurumque versus adfusa sunt Italiæ Alpes, quæ suis apud veteres cognominibus distinctæ fuerunt, Maritimæ, Cortiæ, Grajæ, Rheticæque: ad Arsiam usq; fl. Septentrionem respiciens, Pœninas habet Juliaque: succedente mox, qua Aquilo est, mari Adriatico, ab intimo recessu usque ad Sinum Ionium, qui ad Orientem Vulturumque illi obversus. Qua denique longe lateque spectat Austrum, Africum Zephyrumque, ab mari pulsat



fitur Mediterraneo, quod ad eas oras Tyrrenum audit & Ligusticum: faciente etiam partem Australem Hadriatico, quatorum connectuntur partes, Forum Julii & Histria. Longitudo est ab Augusta. Prætoriam ad Brutium usque Promontorium vel Leucopetram 1000 plus minus miliarium: latitudo maxima, 475, media, 130, minima, 72. Circuitus Italiæ secundum Castaldum 2550: qui exactius sunt metiti, signant 2250: qui exactissimè, non multo minus 2260. Italiam Eustathius hederæ: quercus adsimilant folio Plinius, Solinus & alii, ut proceritate multo sit amplior, quam latitudine, in lævum se flectens cacumine, & Amazonicæ figura desinens palmæ. Recentiores convenientissimè humano cruri comparant: cujuscumque vel antichemion mari obiacet infero: fura, supero: pes universim Ionio abluitur Pelago: calcaneus Epirum spectat: vola vel concavitas sinum facit Tarentinum: carnosiores partes Promontoria statuunt Zephyrium, Carcinum & Brutium: digiti in Siciliam sunt conversi: genu in Promontorio est Populonio: coxendix & femoris superiora latè contingunt Alpes. De nominibus & quantitate dixi: succedit explicanda qualitas, cujus causa potior solet esse situs cœlestis. Hujus si quis hodie diligentissimam ineat rationem: secundum longitudinem Occidentalissimum Meridianum circuehenderet incidere in gradum 29, Orientalissimum in 43, secundum latitudinem complecti gradus 8: Australissimum enim parallelum distare ab Æquatore grad. 38, & Borealissimum 46: sicque occupare discet Italiam quintum & sextum Climata, omnesque Parallelos, qui sunt inter xi & xvi. In quo Terræ tractu contingit varietas dici artificialis unius horæ. Major enim dies æstatis in parallelo Australi horarum est 14, cum tribus quintis: in Boreali vero horarum 15 cum quintis totidem. Cœlesti autem situ sic se habente, accedetibus etiam Apenninis montibus, qui per mediam Italiæ porrecti longitudinem, ab utroque latere, præcipue quo meridianos excipit

calores, campos collesque relinquunt frugiferos: non magnopere mirandum est, tam moderatam omnium anni partium in Italia esse tempestatem, tantamque rerum omnium fertilitatem: quæ tamen aliis locis major. Ager valde est temperatus, benignus, copiosus, ad segetes aliæque omnia proferenda supra modum ad commodum, magnique suis cultoribus quæstus, sumtus autem exigui. *Rossellanus* ager in Vmbria juxta lacum Velinum tantæ fertilitatis fuisse scribitur, ut auctore Varrone, Cæsar Vopiscus, quum causam apud Censores ageret, *Campos Rosæ* dixerit *Italia sinum* esse, in quibus perticas pridie relictas gramen uno nocte operiret. *Ad victum optima fert*, inquit Varro, Italiæ dotes persequens. *Ager Campanus, frumentum: Falernus, vinum: Casinas, oleum: Tusculanus, ficum: mel, Tarentinus, piscem, Tiberis.* Italiam porro peculiarem omnium arborum parentem videri posse, testatur Plin. Vulgatas non commemorabo. Earum quæ vulgo *Aurantia, Citria* vel *Medica, Cydonia*, aliæque id genus, incredibilis hic copia. Tota ora, ut ea nobis sit exemplo, quæ in Liguria ad D. Remi, atque etiam ulterius, ad Genuam pertinet, tot tamque nobilibus arboribus, itemque palmis summæ proceritatis, unde fructus admodum generosi odoriferique percipiuntur, ornata est, ut cum ad spectum, tum odoratu sit per jucunda: hortis passim occurrentibus, ad recreandas tristes, afflictasque hominum mentes amœnissimis. Idem de mille aliis dici potest locis. Vivere in Italia *Piperis* arborem docet idem Plinius. Oleis maximè scatet terra Hydruntina, in qua tanta copia, ut cui *Olearum* his in locis ingentia nemora non sunt visa, incredibile plane videri posset. Ager Barianus in Apulia Peucetia *oleum, vinum, frumentum, amygdalam, gossypium*, aliosque fructus ubertate quadam & abundantia fundit incredibili. Vnus Vallis Oneliæ ager in Liguria tanto gaudet olei proventu, ut quandoque duodeviginti, nonnunquam vicena millia reddat urnarum, quas incolæ *Barilas* vocant. Nec *Manna* negavit Italiæ natura. Prope

Altomon-

Altomontium in Brutiis manna colligitur, noctu rorans: præcipue quum imbres diurnos liquidum purumque cælum noctis excipit. Legitur ex frondibus & arborum quarundam truncis. Eodem beata munere Magna Græcia, quo loco Thuriarum nobis visuntur vestigia. *Vitium* principatum in rātum proprium & peculiarem Italiæ notat idem Plin. *ut vel hoc uno omnia gentium vixisse quamquam odorifera, possit videri bona: quamquam ubique pubescentium odori nulla suavitatis præfertur.* Testantur generosissima, quæ passim nascuntur, *vina* ab antiquis authoribus decantata. *Italia vina* ad quatuor classes idem refert Plin. Omnibus aliis præfert *Setinum*, ab *Setia* Latii oppido dictum. Secundum locum tribuit *Falerno*. Ad tertium veniunt *Vina Albana, Surrentina, Masica, Statoniensia, Calena, Fundana, Veliterna, Privernata, Signina.* Quartum obtinent, *Pratutia*, atque *Anconæ nascentia, & quæ à Palma una sorte enata Palmesia* appellantur. Sed de his alii: ego ad reliquas Italiæ dotes pergo: strictim eas indicaturus. *Herbarum* omnis generis est fertilissima. Quid vero de *metallis, lapidibus*, aliisque muneribus dicam? *Metallorum fertilitate* ait Plin. *nullis cedit Terris.* In Foro Iulio Hydra fl. est, & haud procul inde *Argentivivi fodina.* Magna *aluminis* copia ante aliquot annos reperta est apud Etruscos in Territorio *Massæ.* In Campania *Felice* cuniculi sunt, ex quibus effoditur *sulphur.* Ab *Volaterris* amnem *Cæcinam* versus, millia III, colles aliquot visuntur, ubi officinæ *salarie.* Apud Bruios etiam *salis fodinae* sunt, in intima montis viscera excavatæ, unde *salem* effodiunt. Taceo *Latomias* ubi *lapides* varii cæduntur. Taceo *marmora, alabastrum, crystallum, lapides pretiosos* varios. Taceo *coccum, lazurium, vitriolum*, aliaque subterranea. Ac ne recensendis variorum generum *animalibus* tempus teram, magnam *boum* (qui vetere lingua Græca *Itali* dicebantur) copiam in Italia fuisse, *Bucetæ*que in ea terra gigni pascique solita compluria, docent A. Gellius lib. XI. Noct. Atticar. cap. I, Timæus in Historiis, & M. Terentius Varro in Antiq. *Lucana*

armenta maxima & validissima olim ibidem fuisse, testatur Lucilius:

*Quem neque Lucanis oriundi montibus Tauri
Ducere pro telo validis cervicibus possent.*

Nutrit Italia præter alias aves, aquilas, vulturesque, carnivoras & rapaces volucres, historiis Romanorum veterum etiam nobilitatas. Infinita hic, ne prolixior sim, præteriens, ad Imperium majorum venio. Gubernationis & Imperii, sub quo vetustissimi fuerunt *Italiae Terra* habitatores; non magna sunt apud antiquos Scriptores documenta, neque notæ admodum indubitatae. Multa quidem eaque speciosa Annii Viterbiensis comminiscitur de *Copero*, primo in Regionem hæc advena, de *Chamo, Iano, Sabatio, Saga, Crano, Auruno, Malore, Tage, Ofiride, Hercule Tusco, Alteo, Ratum, Italo, Morgere, Roma, Romanesso, Iasio*, & aliis: sed horum apud probatos Historicos nullum est vestigium. Variores autem, cum Græcorum, tum Latinorum, præcipue Dionysii Halicarnassæi, Pompeii Trogi, Solini Polyhistoris, & aliorum monumentis diligenter perlustratis, discimus multis ante conditam urbem ætatibus, varia in Italia populorum, cum primis Siculorum, Aboriginum, Ligurum, Vmbrorum, Etruscorum viguisse Imperia: quæ cum ævo senescente vel in Romanorum ditionem, vel ad nihilum redacta, certis gradibus.

Initio *Roma* gubernata est à Regibus annos CCXLIV, teste Dionysio & Livio, quos in Romana historia sequi rectissimū est. Apud ipsos etiam rerum gestarum series legenda est: & considerandum, crevisse potentiam foris militari labore & disciplina: domi verò modestia & iustitia gubernationis, & ordinum ac onerum distinctione. Postea propter tyrannidem & libidines pulsam esse familiam regiam, sicut sæpissime causæ mutationum in Imperiis libidines fuerunt. Regum nomina hæc sunt, *Romulus*, qui regnavit annos XXXVIII: *Numa*, qui XLIII: *Tullus Hostilius*, qui XXXII, *Ancus Marcius*, qui

annos xxiv, *Tarquinius Priscus*, qui annos xxxvii, *Servius Tullius*, qui xlv, *Tarquinius Superbus*, qui xxv. Hic expulsi sunt Regno propter filii scelus, qui *Lucretiam* per vim compresserat. Pulsus autem Regibus partaque libertate, annua imperia facta, ac bini Consules creati sunt. Horum primus *L. Iunius Brutus*, cui successus est *Sp. Lucretius Tricipitinus*, atque huic *M. Horatius Pulvillus*. Mansit autem Italia in Consulum libera Republica: inque Principum Romanorum, eadem oppressa, potestate, usque ad *Imp. Caesarem Fl. Momyllum Augustulum*: quem quum abdicare iussisset *Odoacer Herulus* Gothorum Rex, nobilissimam Regionem in suam redegit potestatem, casusque, *Theodorico*, ipsiusque Successoribus possidendam reliquit. Fastos Consulum Romanorum, & Imperatorum, adponere non est necesse, quum in omnium manibus sint. Quæ autem fuerit forma primæ gubernationis regię, quæ incrementa, quæ Legum & Magistratum mutationes, quæta fuerit Romanorum virtus, quæ bella, quam varii motus domestici, donec Roma Monarchiam Orbis Terrarum adepta est: ac deinde quomodo luxu, bellis civilibus, & fatali Orbis mutatione rursus amiserit & virtutem & Imperium, ex integris historiis cognoscendum est. Ad reliqua pergo. Vrbes habet Italia egregias, florentes, opulentas: oppida clara, famosa, civibus aucta: pagos magnos, ædificiisque nobilium & prætioris superbientes. Sed non abs re fuerit audire de celeberrimis Italiæ urbibus iudicium Thomæ Edwardi Angli.

*Sancta est Sanctorum pretioso sanguine Roma.
Cingitur urbs Venetum pelago ditissima nummis.
Inclita Parthenope gignit Comitesque Ducesque.
Est Mediolanum iucundum, nobile, magnum.
Excellit studiis fecunda Bononia cunctis.
Splendida solertes nutrit Florentia cives.
Genua habet portum mercesque domosque superbas,
Exhaurit loculos Ferraria ferrea plenos.*

*Verona humane dat singula commoda vite.
Extollit Paduam Iritis studium & Medicinæ.
Illustrat Patria Senas facundia lingua.
Maxima pars hominum clamat miseram esse Cremonam.
Mantua gaudet aquis, ortu decorata Maronis.
Vina Vtini varias generosa vebuntur ad urbes.
Brixia dives opum parçe succurrit egenis.
Italicos versus præfert Papia Latiniis.
Libera Luca tremis ducibus vicina duobus.
Fleat Pisæ amissum dum contemplantur honorem.
Commendant Parmam lac, caseus atque butyrum.
Non caret hospitibus perpulcra Placentia caris.
Taurinum exornant virtus, pietasque fidesque.
Militibus validis studiosa Perusia claret.
Vercellæ lucro non delectantur iniquo.
Mordicus urbs Mutinæ ranas tenet esse salubres.
Contemnunt omnes Anconæ mœnia Turcas.
Litibus imponit finem Macerata supremum.
Emporiæ in portis consistit gloria clausis.
Vrbs Livii celebris nimis est proclivis ad arma.
Bergomum ab inculta dictum est ignobile lingua.
Omnibus exponit gladios Aretium acutos.
Viterbî conventus opem fert sanctus egenis.
Civibus humanis decorata est Asta fidelis.
Fructibus, anseribus, pomario Ariminum abundat.
Fanum formosas mulieres fertur habere.
Odit mundanas syncera Novaria fraudes.
Clara per antiqua defecit fama Ravennæ.
Anglia habet paucos comites: Vincenia multos.
Omnes commendant ficus grossosque Pisauri.
Castaneis, oleo, tritico Pistorium abundat.
Rustica frugales nutrit Dertona colonos.
Pospōnit Rhegium cornuta animalia porcis.*

Dulcia

*Dulcia feliciem cingunt Vineta Cefenam:
 Tarvisum exbilarant nitido cum flumine fontes.
 Imola divisa est, vocet hac diviso multis.
 Vrbinum statuit ducibus clamare, Valet.
 Nota est fictilibus figlina Faventia vasis.
 Spoletum clamat, Peregrini, intrate, manete.
 Laus pingues Pompeia boves producit ovesque.
 Narnia promittens epulum dabit ova, vel uvas.
 Assisium sancti Francisci corpore gaudet.
 Hospitibus Comum pisces cum carnibus offert.
 Querit opes fragiles studiis Savona relictis.*

Lacus habet Italia plurimos, quorum nominatissimi: In Etruria *Trasumenus*, *Aprilis*, *Marinus*, *Vadimonis*, *Ciminus*, *Vulsiniensis*, *Sabatus*, *Palus Bientina*, & *Ciana*. In Latio *Hofstia Lacus*, *Albanus*, *Aque Salvia*, *Lacus Nemorensis*, *Inturna Lacus*, *Regillus*, *Fucinus*, *Pontina Palus*, *Fundanus Lacus*, *Tiburtinus*, *Cacubus*, *Simbruina Stagna*. In Piceno *Nursinus*. In Umbria *Velinus*, *Floridus*, *Cutiensis*. In Campania *Lucrinus* & *Avernus*, *Linterna Palus*, *Stativa*, *Pompeia*. In Salentinis, & *Apulia Lacus Andurianus*, *Lesinensis*. In Flaminia *Septem Maria*, *Padusa Palus*. In Langbardia *Trans-Padana Verbanus*, *Ortanus*, *Larius*, *Luganus*, *Gaviratus*, *Monatius*, *Trinatus*, *Chivensis*, *Puscianus*, *Sevinus*, *Benacus*, *Idrinus*, *Peninus*. In Venetia *Visigolus*. In Istria *Costiacus*. Plurimiseriam passim irrigatur fluvii, inter quos *Padus*, *Athesis*, *Rubico*, *Tiberis*, *Arnus*, *Mincius*, *Ticinus*, *Ollius* & *Abdua*. Primum locum dedimus fluvio nobilissimo, qui omnes Europæ fluvios, ut Strabo adserit, docetque experientia, præter Istrum magnitudine superat, *Pado*. Sic Latinis Scriptoribus Livio, Virgilio, aliis dicitur: qui Italis hodie *Po*, *Padus* dictus, notante apud Plinium Metrodoro Scepio, quod circa fontem arbor multa sit picea, quæ *Pades Gallicæ*. *H' Idav* olim Græcis Poëtisque, sic dictus ut vult Servius ab Solis filio Phaëthonte, qui antequam per temeritatem in hunc fluvium

esset præcipatus, *Eridanus* fertur appellatus. *Bodincus*, teste Plinio Liguridus vocabatur, quod fundo carcat. *Βόδρυς* & *Polyb. lib. III. Padi* pater mons Vesus, antiquis omnibus *Vesulus*, ut docet Plin. In finibus Ligurum Gabienorum fonte profluuit, ut idem Plin. notat, *Vifendo*: non qui proprio sic nomine, ut Leander putat, dictus, sed qui visu dignus & mirabilis, ut apud Marcianum Capellam. Ex Fonte suo nulli amnium claritate inferior profluens, per angustas confragosasque rupes & arctas scopulis montis convalles præcipitat: tantaque vi prorumpit, ut summam habeat admirationem. In saxa hinc delabens, fragore strepituque maximo resonat. Mox in planiciem effusus aquæ copia, quæ versandæ molæ frumentariæ sufficit, temere lateque, non nullo certo alveo discurrit, spacio trium fere milliar. usque ad Païsanam, ubi quasi cuniculis ita absorbetur, ut exigua planè supra terram vestigia relinquat. Post alterum verò milliar. rursus exoritur ad Paracolum, unde pergens aquilas, torrentes, amnesque, ab Alpibus & Apenninis montibus varios colligit, quibus tandem mirum in modum auctus altusque mediam Langbardiam & Romanulæ partem permeans, in Hadriaticum se exonerat mare septem ostiis prægrandibus. Quia longius vomit, septem maria efficere dictus, inquit Plin. apud quem lib. III. cap. XVI, vide de cursu plura, ut & apud Polybium lib. II, Strab. lib. V, Pomponium Melam lib. III, Solinum in Polyhist. cap. VII, Leandrum Albertum, aliosque novitios. Fluviorum rex *Eridanus*, Virgilio IX *Æneidos*. *Non minor hic Nilo*, canit lib. II Lucanus. cui paullo post ibidem, *Non minor hic Istro*. *Padum* maritimarum commearum Italicis subsidiis *fidelem* vocat *Invectorem* Ambrosius. Appianus *Intimum Maris Hadriatici sinum*. Sequitur *Athesis* Virgilio & aliis: *Atbigis* Straboni, qui Italis hodie *l'Adice* vel *l'Adese*: Germanis *Etsch*. Tradit Plinius *Athesim* ex Tridentinis Alpibus profluere. Initio perquam exilis lapsu vim magnam aquarum colligit,

ligit, accedentibus passim multis amnibus, subter Bolfanum ad Meridiem versus rapido se cursu fleſcit: dein ab Tridentolenius nonnihil per planiciem evolvitur: ac mox iterum emensis campis inter montium angustias tanta cum violentia ſavir, ut omnibus, qua fluit, locis infestè minari videatur: eaque vehementia per Veronam præcipitat, infra quam in duo flumina deducitur, uno, quo paludes petit, altero, quo in mare pertingit ad Fossiones, haud ignobilem portum. Plura apud Leandrum. Ab fonte Veronam usque ratibus navigabilis non est ob rapiditatem: trabibus autem navigatur. Nam ingentes larices abietesque cum asseribus maximis, aliaque prægrandia ligna compacta Tridentinis ex montibus eo deferunt. Verona porro usque ad Fossiones optimè navigatur. Torellus in historia Veronenſi *Athefin Atrianum* vult Ptol. esse. Quibusdam idem etiam cum *Athesi* putatur esse *Adrias*, qui apud Stephanum & alios. Tertium locum tenet *Rubicon*, *Ῥοῦβικων* Ptolemæo aliisque Scriptoribus Græcis: *Ῥοῦβικων* Straboni: nunc *Pisatellus*. Flumen est illud, quo antiquitus post translatos ab Æſi amne terminos, Italia finiebatur, auctore Plinio. Quartum in locum venit *Tiberis* limes inter Etruriam & Latium. Nescio an fluminum quid eo in historiis Romanorum celebratius. Varia leguntur ejus nomina: quorum alia profani, ut sic loquar, genii, alia sacri. Prioris classis sunt *Ianus*, *Albula*, *Rumon*, *Tiberis*: posterioris *Serra*. *Ianus* antiquissimis temporibus appellatum fuisse, tradit Athenæus, ab *Iano*. *Albulam* fuisse dictum, patet ex Varrone, & aliis. Ab albo colore derivant Paulus Diaconus, & Servius. *Rumon* à ruminando dictus fuit, ut idem docet. Omnibus his insuper habitis nobilissimum nomen induit hic flu. *Tiberis*, cujus varia produntur Etyma. Ab *Tibri* Aborigenum Rege trahunt quidam apud Servium ad vii. Æneid., Tuscorū Festus & Servius: ab *Tiberino Silvio*, Albanorum Principe, deducunt Livius, Ovidius, Festus Pompèius, & Eusebius. Varro *Deheberim* hunc

fluvium ab nonnullis nominatum tradit ab *Dehebri* Vejentum Regulo. *Serram* in sacris nuncupatum memorat Servius ad eundem Æneid. librum ab secundo. Hæc de nominibus: in quorum quarto illud notandum, aliquod observatum fuisse discrimen in prolatione vocum *Tiberis*, *Tibris* & *Tiberini*. *Tiberis* enim communi sermone dicebatur, *Tibris*, poetice: *Tiberinus* in sacris, notante Servio, quod tamen non ubique verum. *Tevere* vulgo. *Tiberis* autem caput in Apenninis jugis tollit, ex media propemodum ejus longitudine, finibus Aretinorum, eadem ferme parte, ubi fons Arni supra Aretium. Tenuis admodum initio est & modici rivuli instar, lapsusque aliquamdiu paulum etiam incrementi adsumit, quod præter exiguos fonticulos aquæ grandes accedant nullæ: ubi fluminibus augeri incipit, paullatim crescens, navigabilis efficitur, non procul Tipherno, sed in tribus & naviculis tantum usque Romam, procurrens: non procul Tipherno, Perusia, Otriculo, Etruriam ab Umbris Sabinisque dirimit: dein circa Romam P.M. fere xlii. Vejentes ab Crustuminis, & Fidenatibus, item Latium ab Varicano separat: Romam tam grandis delatus, ut transiri nisi pontibus aut navigio nequeat, scribente Halicarnassæo. Pergit inde ad ostia sua, ubi in mare Tyrrhenum evolvitur. Cursum delineant Plinius libro tertio capite quarto, & Servius ad vii. Æneidos. Videndi & Florus libro primo Histor. Rom. capite quarto, & Varro lib. iv. de L.L. De piscibus Tiberinis Romanis peculiarem scripsit libellum Paulus Iovius. Amnes vel fluvios xlii. in Tiberim influere, docet Plin. lib. iii. cap. iv. *Arnus* succedit, Livio, Plinio & aliis memoratus, *Arnus* Straboni & Ptolemæo: *Arno* vernaculè. Nascitur, ut Strabo perhibet, ex Apennini latere dextro: modicis initiis principio inter rupes horridas præcipitesque convalles in Occasum tendit: deinde collectis fontibus, torrentibus, amnibusque plurimis tumidior, magna cum mole Florentinum ingreditur agrum: Florentiaque & Pisa divisus, mul-

tis ad-

tis ad auctus fluviis, mare petit. *Mincius* Virgilio, Straboni, Plinio & aliis, qui *Mencio* vel *Menzio* hodie Italis. Lacum hic ingressus Benacum præcipua claritate, circumdata insigni stagno Mantua, XII inde lapide in Padum evolvitur. *Ticinus*, Livio, Plinio, Silio, Polybio, Straboni, Plutarcho, Ptolemæo, Stephano; *Ticenus* Tabulæ Itinerariæ: qui hodie *Tisino*. Oritur ex monte Sumano, qui nunc D. Gothardi nuncupatur; unde & in diversum tamen, eunt Rhenus, Rhodanus, Athesis & alii. Ex illo monte per Lepontios in Austrum inter præcipientes rupes ad Belinzonam oppidum munitissimum fertur, inde copiosius accessione plurimorum amnium ac torrentium in Verbanum evolvitur lacum, quem supermeat, ut Plin. auctor est: ac tandem redditus per planiciem præcipua claritate Padum influit, quamquam non illa, quam ex lacu trahit, abundantia, quum derivationibus & fossis in irrigua passim exhauriatur. Tam est aquis perlucidis: ut quidvis etiam minimum imo in fundo clarè demonstret. Aurum quoque & argentum ex ejus atena percipitur. Piscium nobilitate est inclytus, nominatim laudatissimo thymallo. *Ollius* Plinio, qui vernaculè *Ogliò*. Cernuntur in hoc fluvio juxta Palatiolum magno numero excipuli seu loculi conscripti fabricatique viminibus, in quo annuo certo tempore, deferentibus aquis, anguillæ cadunt, quæ mirabili numero extractæ saliantur. Ortum ejus investigare operosum. Opinio recepta est, duos modicos rivos ex lacu Frigidulpho, qui inter Alpes est, profluere: unum ad dextram nomen Frigidulphi retinere, Ollioque tandem jungi: alterum ad lævam in alium amnem præcipitari, eumque ab adcolis *Ollii* principium constitui. Alii alia adferunt. In Isem lacum influit, ubi Pisonium oppidum: effusus in planiciem passim derivationibus exhauritur: quibus irrigua Brixiani & Cremonensis agri sic adaquantur, ut ex jejunis atque calculosis opima benignaque fiant. Aquarum *Ollii* perpetua claritas, nec ulla unquam tempore deficiens,

Brixianum agrum ab Cremonensi & Bergomate hac parte se jungit. Recipit alios supra xxxvii amnes. *Abdua* vel *Addua* (variente scriptura, posterioꝝ prior præfero) Plinio Tacitoque nominatur, qui a *Δ'δ'ας* Polyb. & Strab. *Adda* vulgo. Cenomanos dividit ad Insuſubris. Pater illi mons Baulius. Notat inconsideratius Strab. nasci ex Adula monte. Redditus è lacu Lario, cujus aquas supermeat, per planiciem in Padum tendit, deferens secum cum aliis, ut *Pisclavonem*, *Meyram*, *Liram*, *Tartenem*, *Lecium orcum*, *Brembum*, *Serimortum*, tum *Serium*; qui in montibus supra Bergomum ortus perque Serianam fluens, hybernis mensibus cuniculis quibusdam se condit, rursusque juxta Cremam copiose exoricens, tandem in *Adduam* inlabitur; æstate tamen liqueſcentibus ardore Solis montium nivibus adeo solet augeri & abundare, ut non solum meatus subterraneos impleat, sed etiam supra terram fluat perpetuo. Reliqua flumina quæ plurima sunt brevitatibus studio silentio prætereo. Succedunt *Maria*, *Sinus*, *Portus*. *Mare superum*, *inferum*, *Ionium* tribus Italianis cingunt lateribus. Vnde de Italia Plinius: tot *Maria*, portus, gremiumque Terrarum commerci patens undique, & tanquam ad juvandos mortales ipsa avide in mare procurrens. Sinus habet plurimos, inter quos *Rappallinus*, *Erycis*, *Amulclanum mare*, *Sinus Bajanus*, *Pestanus*, *Hipponates*, *Scylleticus*, *Tarentinus*, *Vrtas*, *Tergestinus*, *Largus*, & *Planaticus*. Post Sinus nominavit *Portus*. Italiam plerisque in locis importuosam esse, scribit Strab. lib. vi, & quos habet portus, magnos esse atque admirabiles, horum illud adversus exterorum incursiones usus esse, hoc ad invadendos vicissim externos, & expeditam mercaturæ copiam conducere. *Portus* autem *Olivunla*, *Anaonis*, *Avisonis*, *Herulis Meneci*, *Maurici*, *Albingaumi*, *Vadorum Sabatorum*, *Savona*, *Genue*, *Delphini*, *Erycis*, *Luna*, *Pisanus*, *Vadorum*, *Populonii*, *Falesie*, *Stabrorum*, *Telamonis*, *Herulis Gravisca*, *Augusti*, *Antias*, *Cajete*, *Julius*, *Bajanus*, *Vilinus*, *Meturus*, *Orestis*, *Castra Hannibalis*, *Tarentinus*, *Brundisinus*, *Garna*, *Agasus*, *Anconitanus*, *Ariminensis*,

Ravennas, *Peretolus*, *Livenza*, *Pola*, multique alii. Portuum enarrationi succedit *Montium*. Inter eos principem obtinent locum *Alpes*, quas Galliae quis, an Germaniae, vel Italiae adscribat parum refert: sunt certe montes, qui Italiam hodie ab Gallia Germaniaeque, prokursu suo, tamquam nativo muro separant. Nomen *Alpibus* datum censet Festus ab candore, Sabini enim *Alpum* dixere, inquit, quod postea Latini *Album*. Isidorus *Alpium* nomen vult esse Gallicum: & Gallorum lingua *Alpes* montes *Altos* vocari. Agnoscit hodie nomen *Alpium* Idioma Germanicum: cui tamen non id quod notat Isidorus significat. *Alp* enim & *Alper* Germanis montes vocantur passui, in quibus scænum non secatur, inque hibernos usus colligitur, sed in quos boves aliaque armenta pascendi tantum gratia mittuntur. *Albia* & *Alpionia* olim hos montes dictos fuisse scribit Strabo. Stephano etiam *Alpia* & *Alpii* dicuntur. *Olbia* sunt Phavorino, *Salpii* Lycophroni. *Alpis* singulari numero est apud Ovid. III de Arte amandi, Lucanum, alios. *Alpius* apud Dionysium Afrum. Multa etiam *Alpium* nomina in Veterum monumentis occurrunt, quæ indicant multas quoque *Alpium* partes fuisse, per quas itinera paterunt. Ea sunt *Alpes Maritima*, quæ & *Ligustica*, *Cottia*, *Graja*, *Penina*, *Alpes Summa*, *Lepontia*, *Rhetica*, *Iulia* & *Carnica*. Hæc de *Alpibus*, quæ Italiam secundum latitudinem ab Gallia Germaniaeque separant. Sequitur *Apenninus*, qui inter superum mare & inferum excurrens perpetuo ductu eandem secundum longitudinem secat in duo latera. Sic dictus putatur, quod radices habeat sub *Penino* Hannibalis transitu, ejusque juga contingat. Nonnulli *Apenninus*, quasi à *Pennis*, quum Hannibale duce in Italiam irrumperent, patefactus. quidam ab *Api* prisco Duce, qui totam Italiam devicit, derivant. *Apennina* Ptol. & aliis, *Apenninum* Steph. *Apenninus Mons*, inquit Plinius, *Italia amplissimus perpetuis jugis ab Alpibus tendens ad Siculum Fretum*. Multos alios habet Italia montes, vel qui minores Apennini sunt portiones

& quædam quasi membra, vel quos idem, tanquam fœcundus multorum genitor, ex se hinc inde protendit, vel denique, quos haud procul ab se locatos, radicibus eos suis contingens majestate quadam & superiore conjacentibus fastigio despicit. Eos ego, ne prolixior sim, hoc loco prætereo. Montes porro de quibus proxime dixi, & valles campique, suis superbiunt *Silvis*, *Lucis*, *Nemoribus*, quorum non pauca apud priscos etiam nominibus leguntur celebrata. In Etruria qui hodie *Salvus*, vernaculè *Bosco di Monte Fiacone*, *Volsinio*, quod vulgo *Bolsena*, Viterbium euntibus occurrit. *Valsiniensium Lucum* ab antiquis appellatum tradit Leander. In Cimino Etruriæ monte quondam, calcari paucis ob horrorem solita, fuit silva, de qua sic Livius: *Silva erat Ciminia, magis tum invia atque horrenda, quam nuper fuere Germanici Salvus, nulli ad eam diem, ne mercatori quidem, adita. Eam intrare haud fere quisquam præter Ducem ipsum audebat*. In Latio apud Capenates *Lucus* fuit *Feronia*, quem canit Silius:

Dives ubi ante omnes colitur Feronia Luco,

Et sacer humectat fluvialia rura Capenas.

Juxta Numicum amnem *lucus* erat *Jovi Indigeti* sacer, teste Plin. *Diane Aetolica lucus* Livio est ad Agninum Compitum. *Neviam silvam* extra urbem ad quartum milliarium fuisse notat Festus. *Camænarum lucum* extra portam Capenam scribit Livius. Quod huic *Algidum nemus*, hodie *Selva del Aglio* dicitur. *Albuneam silvam* in altissimis Tiburtinis montibus habet Servius, aliamque in Laurentinorum agris, cognominem. *Angitia nemus*, propinquum Albæ Marforum fuisse, significat Virg. *Lurinal lucus*, Territorii Romani, est apud Ciceronem. *Furinarum lucum* habet D. Victor in XIII Regione Trans-Tiberina. *Furiarum lucus* Plutarcho vocatur. *Vacuna nemora* agnoscit juxta montem Fiscellum in Vmbria Plin. Gaudent & suis Campani, cum primis *Luco sacro* & *Gallinaria silva*. *Sacer lucus* Livio, hodie *Hami*. *Gallinariam silvam* nominant Cic. ad Pætum scribens

nenses, præstantes: *Veneti*, prudentes: *Lucani*, temerarii: *Pisani*, inconstantes: *Placentini*, providi: *Florentini*, lenti: *Veronenses*, fideles: *Ferrarienses*, cauti: *Genueses*, ignari: *Lucenses*, utiles: *Volsii*, maligni: *Brutii*, stupidi: *Mutinienses*, acuti: *Perusini*, celeres: *Senenses*, tardi: *Patavini*, ambigui. Litterarum cultores Itali, quantum in ipso est, tumentur, foveant, alunt, ornant: iisque omnia bonorum Mæcenatum exhibent officia. Hinc tot per Italiam *Academia*, *Romana*, *Mediolanensis*, *Bononiensis*, *Patavina*, *Papiensis*, *Neapolitana*, *Perusina*, *Salernitana*, *Pisana*, *Ferrariensis*, *Senensis*, *Florentina*, *Venetæ*, *Bergomensis*, *Mutiniensis*, *Taurinensis*: nam *Parmensis*, *Placentina*, *Anconitana*, & *Maceratensis* magna ex parte interierunt. Inde item tantâ doctorem, summaque eruditione, variis artibus & disciplinis, præstantium virorum copia, stupendum fuit ab iis omne ævum. Eos uno ductu enumerare si conarer, maximum mihi quidem conciliarem laborem, lectoris verò tædium. *Itali* porro comitate, facilitate, facietis colloquiis alios antecellunt populos. Fœlici fœcundoque nati ingenio, supra modum prompti sunt in excogitando; & docilitate, percipiendis cum litterarum studiis, tum variis artibus, præstant incredibili: honoris ab omni ævo & gloriæ sitientissimi, laudisque præter alios appetentes. Cum læcte voluptatem imbibentes, propensi sunt in molliem: in Venerem soluti, Vindictæ vehementer sunt cupidi: eamque vita ipsa jucundiorē censentes, Testamentis suis mandare soliti posteris. Mulieres porro variarum civitatum, depingit scite membrana quædam supra citata, quæ inter alia habet: *Senenses*, pulchræ; *Florentina*, delicatæ: *Perusina*, elegantes: *Capetana*, formosæ: *Consentina*, obstinata: *Beneventana*, rusticæ: *Bononienses*, arrogantiusculæ: *Mutinienses*, benignæ: *Cesenes*, rapaces: *Genueses*, salaces: *Cremenses*, fallaces: *Placentina*, difficiles: *Lucenses*, castæ: *Pistorienses*, faciles: *Romana*, graves: *Capuana*, superbæ: *Neapolitana*, sollicitæ: *Brundisina*, inertes: *Ferrari-*

ses, avidæ: *Ravennates*, humanæ: *Urbinate*, adfables: *Vincentina*, constantes: *Parmenses*, avaræ: *Papienses*, lucrificæ: *Mediolanenses*, urbanæ: *Pedemontana*, procaces: *Venetæ*, petulantes: *Veronenses*, gratiosæ: *Brixiana*, diligentes: *Formiana*, speciosæ: *Laudenses*, supersticiosæ: *Cremoneses*, sumtuosæ: *Tarvisiana*, zelotypæ: *Bergomates*, astutæ: *Aretina*, tenaces: *Puteolana*, bellæ. Itali verò quomdam multis magnisque superstitionibus ad stuporem usque leguntur fuisse dediti. Hodie Sacrorum ceremonias ex Romanæ Ecclesiæ præscripto atque institutione religiosissime observant omnes: nisi quod in australiore Italia pauci Græcorum sequantur ritus, & ipsi quidem Græci generis. Quam autem quomdam bellicosi fuerint Itali militiaeque dediti, loquitur subactus ab iis Orbis Terrarum: canente ad gloriam hanc classicum Romano. Quales in re militari plerique sint *Itali*, quæque ad expeditiones feliciter suscipiendas conficiundasque singuli conferant, quibus denique hi quam illi magis valeant præstentque, membrana, quam dixi, ita docet: in re bellica *Perusini*, strenui: *Calabri*, præcipientes: *Spoletani*, callidi: *Senenses*, felices: *Bononienses*, efferti: *Neapolitani*, animosi: *Tarentini*, hosti instantes: *Pratenenses*, sacrilegi: *Collenses*, libidinosi: *Piceni*, rapaces: *Aemiliani*, inconsulti: *Placentini*, crudeles: , truces: *Mediolanenses*, intrepidi: *Romani*, fortes: *Vincentini*, vindictæ cupidi: *Pistorienses*, sanguinei: *Papienses*, firmi. Ad rem bellicam conferunt *Veneti*, pecunias: *Mediolanenses*, galeas: *Placentini*, carros: *Cremoneses*, tentoria: *Papienses*, lanceas: *Pistorienses*, pugiones: *Bononienses*, arundines: *Florentini*: , *Romani*, perseverantiam: *Ferrarienses*, tormenta: *Neapolitani*, equos: *Parmenses*, clypeos: *Tarvisani*, enses: *Viterbienses*, calcaria: *Laudenses*, commeatum: *Neapolitani*, industriam: *Mediolanenses*, tolerantiam: *Genueses*, perfidiam. Præstant *Mantuanum* equitatu: *Pistorienses* excipiendo ictus clypeis: *Brixianenses*, exstruendis vallibus: *Genueses*, classe: *Lucenses*, obfiden-

disur-

dis urbibus: *Cremonenses*, fruendis ordinibus: *Veneti*, adparanda classe: *Patavini*, moderandis equis: *Bergomates*, locandis infidiis. Constanti contenti sunt hodie *Itali* matrimonio: repudium non permittentes; ex urbe Roma, ad malos jam inclinate mores, Sp. Carvillii ductu quasi profectum. Regum nobiliumque primogeniti, instituto vetere, Principatus obtinent: in privata fortuna virilis stirpis liberi ex æquo sunt heredes, modo legitimo nati toro. Quod ad victum, sobrii sunt & frugalis vitæ: non operosi in adornandis fruendisq; mensis: nisi quum necessitas flagitat. *Vestitus* non omnibus est unus: sæpè enim pro tempore variatur, cum qualitate, tum forma & ritu. *Venetis* vestitus est laxitate insigni & prolixitate, & in his urbibus municipali sumtuosior. Matronæ ibi ante paucos annos ulnas, brachia, pectus, humeros nudabant: nunc omnia contegunt, laxioribus utentes manicis, & in Hispanicum degenerantes. Secundum *Venetos* civilis & nitidus *Florentiæ*, reliquæque *Tusciæ*. *Mediolanensibus* torique *Aemiliæ*, *Liguriæ*que floridior, sed paullo contractior. Romæ aulicus prolixitate colorumque varietate cunctos alios antecellit: *Romanus* ipse multo frugalior: cui tamen suus non deest nitor, præsertim in feminis, quæ Tuscum nuper adfectabant. *Neapolis* magis nitido utitur, quam sumtuoso. Cetera Italia simplicius vestitur. In tota *Gallia Cis-Alpina* feminæ Principes in Hispanico videri gaudent habitu: viri in Gallico malunt conspici. Sed de privationibus civitatum in Italia moribus: de selectiore quorundam cibo & vestitu: deque earumdem erga hostes & hospites adfectu, loquitur exemplum membranæ, de

qua ante dixi, ubi hæc: *Florentini*, parci: *Lucenses*, elegantes: *Mantuani*, viles: *Anconitani*, sordidi: *Senenses*, magnifici: *Mediolanenses*, copiosi: *Novocomenses*, luxuriosi: *Vicentini*, abundantes: *Cremonenses*, exquisiti: *Neapolitani*, splendidi: *Genueses*, modici: *Patavini*, mediocres: *Aretini*, tenues: *Veneti*, obsonantur parvo: *Papienses*, agrestes: *Bononienses*, lautii: *Astenses*, opipari: *Perusini*, delicati. Delectantur *Florentini* caseolis: *Lucenses*, pyris: *Mantuani*, phaseolo: *Ariminenses*, anseribus: *Tarvisani*, ranis: *Cremonenses*, farcimine: *Neapolitani*, caulibus: *Genueses*, lactucis: *Patavini*, pisciculis: *Piceni*, porcis: *Perusini*, piscibus: *Papienses*, cæpis & allio. In vestitu *Mediolanenses*, splendidi: *Genueses*, elegantes: *Mantuani*, pueriles: *Neapolitani*, sumtuosi: *Veneti*, magnifici: *Florentini*, ridiculi. In persequendis injuriis *Lucenses*, mites: *Mediolanenses*, faciles: *Perusini*, dissimulantes: *Fulginates*, accensii: *Mutinenses*, placabiles: *Senenses*, magnanimi: *Neapolitani*, benigni: *Ferrarienses*, pertinaces: *Veneti*, subdoli: *Cremonenses*, aperti: *Piceni*, maligni: *Romani*, iniqui. Erga hospites *Calabri* inofficiosi: *Lucenses*, fideles: *Senenses*, amabiles: *Veneti*, blandi: *Patavini*, duri: *Mediolanenses*, incauti: *Ferrarienses*, asperi: *Mantuani*, deglabratores: *Placentini*, severi: *Piceni*, infensi: *Neapolitani*, benigni: *Florentini*, profusi: *Astenses*, benevoli: *Spoletani*, agrestes: *Veronenses*, studiosi: *Papienses*, prudentiores: *Genueses*, inhospitalis: *Parmenses*, inconstantes: *Mutinenses*, prolixi: *Novocomenses*, inhumani. *Mercuraturam* denique *Itali* summa exercent in dulturia. Quales autem singuli sint in mercatura, sequitur in eadem membrana. *Florentini* videlicet, callidi: *Genueses*, tolerantes: *Mediolanenses*, aperti: *Lucenses*, fideles: *Veneti*, splendidi:, cauti.

Regio &
penit. di-
cta.

HACTENVS in genere Italiam descripsimus: nunc ad specialio rem singularum partium delineationem nos accingamus. Italiam aliter diuiferunt. Augustus, teste Plinio, in xxi eam diuisit regiones: Strabo in viii partitur: in plures alii. Quibus omiffis diuifionem ac methodum nobis à Mercatore propofitam fequemur. Occurrit in ea primo loco Tabula prima *Lombardiæ*, in qua Alpeftris & occidua ejus pars cum Valefia defcribitur. *Lombardia* hodie euphoniæ gratia dicitur pro *Langbardia*, fic appellata ab *Langbardis*, ex Germania huc Iuftiniani Principatu profectis: qui ad utramque Padi ripam multos annos fuas cum Imperio habuerunt fedes. Hæc *Cisalpina Gallia* olim dicta fuit. *Gallia* quidẽ ab *Gallis*, *Bojis*, *Senonibus*, *Insubribus*, *Cenomanis*, aliisque, à quibus quidquid Alpium radicibus Rubiconisque fluentis intercipitur, pulfis veteribus colonis occupatum, fuit habitatum. *Cis-Alpina* vero dicta quod præcis Italis, Romanisque Scriptoribus, de ea differentibus cis effet Alpes, quum alia trans Alpes habitaretur. *Cis-Alpina* hæc, qua Septentrionaliffima montibusque adharec propius, *Sub-Alpina* cognominatur Plinio. *Citerior* etiam appellatur Gallia Sall. Cæfar ob caufam modo indicatam *Veterem* quoque *Galliam* nominat. Aufonius *Italiam Gallicam*, *ἡ Γαλικὴ* Appianus in Hannibalicis: *Mediterraneam Italiam* vocat notitia Provinciarum: non quod Mediterraneo adpofita mari, fed quod in locis Mediterraneis: cineta, qua Septentrio, Occidens, Meridiesque funt, Alpibus & Apennino tumefcente: qua Oriens eft, mari Hadriatico. Polybius & Plinius toti huic tractui Gallico formam tri-

Sina.

buunt triangularem: cujus apicem faciunt Alpes & Apenninus montes: basin Sinus Hadriaticus. *Florentiffimum Italiæ* latus appellat Tacitus. Vbique arboriferam hanc regionem, pecori pascendo aptam, & multis irrigari fluuiis, testis eft Plutarchus in Camillo. Pereleganter autem de ea Sigonius: *campi adeo culti & uberes intercedunt (de Pado loquitur) ut fatis constet haud temerè alios reperiri aut natura feraciores, aut rebus necessariis ad hominum vitam instructiores.* Addit deinde idem Sigonius antiquos ejus Principes fuiffe *Ligures* & *Etrufcos*: mox *Gallos*: postremo *Romanos*, his *Gothos* successiffe: Gothis iterum *Romanos*: Romanis *Langbardos*. Videndus & Sabellicus lib. Hiftor. Venetæ i. Decadè iiii. Gallia autem *Cis-Alpina* verfus Occafum duplex eft Straboni, Plinio, aliis, vel *Cis-Padana*, vulgo *Lombardia di qua dal Po*, vel *Trans-Padana della dal Po*, illa quod cis, hæc, quod trans Padum. Hic verò *Lombardiæ Alpeftris* pars Occidentalis nobis defcribitur, quæ magnam partem *Lombardiæ Trans-Padana* complectitur. Eft autem regio hæc licet valde montofa, atque alibi filvis innexa, naturæ luculentiffimis dotibus variè locupletata: valles enim & campeftria loca folum fecundum fatis habent, critici, aliarumque frugum, item vini abundantia beatum. Colles etiã præstantiffimorum vinorum feraces. Sunt & in filvis & montibus ferarum venationes frequentes. Vrbes hic multæ funt, ac oppida plurima: *Mediolanum*, *Crema*, *Bergomum*, *Comum*, *Clayenna*, *Luganum* &c. quæ in Tabula confpiciuntur. Superat verò reliquas Italiæ partes multitudine magnitudineque lacuum hæc regio: inter quos *Verbanus* Plin. & Strab. qui hodie, quod reliquus in hoc tractu fit major, *Lago majore*, Italis: Germanis autem

Soli ferti-
lit m.Imperium
majorum.

Verbei.

Lacus.

Lang-

Lang-see. Longitudinem ejus ponit Str. stadiorum ccc. Latitudinem maximam stadiorum xxx. Altitudo plerisque locis tam est vasta, ut fundo videatur carere. Pisces generat optimos, cum primis truttas permagnas, lucios insignes: chalcides vel aquones; phoxinos vel veronos, percas aurei coloris, & alios. *Larius Lacus* Virgilio & aliis, *Comacenus* ab urbe adjacente Paulo Diacono & Antonio; hodie *Lago di Como* Italis; Germanis *Chumersee*. *Benaco* major est, *Verbano* æqualis ferè. Longitudinem Strabo stadiorum scribit ccc, latitudinem xxx: novitii patulo aliter metiuntur. Excurrit ab Septentrione in Meridiem, prior tamen in Orientem. Conspiciendos se præbent inter Verbanum & Larium, lacus quidã minorum gentium, *Luganus Lacus*, *Gaviratus*, *Monatus*, aliique. Irrigant etiam hanc regionem fluvii *Ticinus*, *Adava*, *Serius*, *Tosa*, *Bremba*, atq; alii plurimi. Montes etiam varii: inter quos *Lucumonis Mons*, vulgo *Luckmannier*, *Mons Gothardi*, *Alpes Lepontia majores*, quibus ab Lario lacu per Clavennam Curiam Rhetorum itur: *Alpes Rhetica*, aliique multi. Sed hæc hæc tenus; reliquum nunc est, ut de *Valesia* altera hujus Tabulæ parte agamus.

V A L E S I A.

Regio.

Valesia nomen, quam *V Vallis* aut *V Vallisser Landt* vulgo dicunt, unde ortum sit minimè reperi, nisi Munsteri ea de re sententia cuiquam placeat. verisimilis certe est. Arbitratur autem vocabulum illud natum esse à Latina voce Vallis, aut ab arce Sedunensis civitatis *Valeria*. *Valesia* conregionales ad Boream Bernates & Lucernates Helvetii: ad Meridiem Cottia Alpes & Lepontia: ad Ortum summæ Alpes & Rhetia alia: ad

Situs.

Occidentem Grajae Alpes & Lemanus lacus. Ejus longitudo ab Occasa in Ortum itinere quinque dierum protenditur: latitudo verò valde est angusta, nisi quod prope Octodurum & Sedunum paullo spatiosior est. Hæc licet altissimis montibus & præacutis petris undique innixa, qui pro magna parte altitudine fere unius Germanici milliarii elevantur in cælum, multique ex iis perpetuo aut glacie irresolubili aut nive obducuntur: nulla tamen re sustentationi hominum necessaria caret: per se ferax frumenti & vini, atque omnis generis fructuum. Habet triticum & filigineum, habet hordeum, avenam, fabas, pisca, lentes & milium. Vinum incipit crescere in Diœcesi Brigeni in montibus, continuaturque ejus plantatio per descensum Rhodani, donec venias ad S. Mauricium. Apud Sedunum rubrum albo præstantius est, tamque atrum & densum, ut eo scribi possit. Juxta Octodurum, album bonitate superat rubrum. Vixque in Germania locum reperias ubi nobilius quam Seduni crescat vinum, atque inde in vicinas vehitur Regiones. Hic & in *Siders* crescit crocus in magna abundantia. Sunt tibi mala punica, sunt amygdala & ficus. Per totam quoque regionem invenias omnis generis poma, pira, nuces, pruna, cerasa, castaneas, mora, persica, avellanas, corna. Suppeditant præterea montes hujus regionis multas nobiles herbas & radices medicas, quibus insignes sunt & peculiares vires, gentianam, antrinam, squillam &c. Minerarum etiam feracissima est regio: ac crystallus pura & impura in *Gumis* juxta Rhodani originem erunt. *Varia* quoque producit animalia, vaccas, boves, equos, asinos, mulos, oves, porcos, capras, cuniculos: anseres item, anates, gallinas, pavones, columbas. Abundat etiam apibus,

Soli ferri-
litae.Anima-
tim v. a.
resas.

apibus, unde illis non exiguum emolumentum. Habent præterea montes animalia quædam nobis penitus incognita, ut sunt ægocerotæ seu capricorni, meles, ibices, mures alpini, lepores nostris dissimiles, phasian, galli silvestres, gallinæ petrosæ, aviculæ quas *Parnisas* vocant, perdices, bonosæ, fulicæ, vultures, palumbi, ardæ, ficedulæ, mergi, coturnices, turdi. Abundant quoque ursi, lupi, lyncibus, vulpibus, martibus, falconibus. Carent autem cervis, capreis, apris, scorpionibus & conchyliatis ranis. Tanta autem ferinæ in hac regione abundantia, ut bubulæ instar, & nonnunquam viliori precio in macello veneat. Episcopus porro Sedunensis Princeps est & Dominus totius Valesiæ, in rebus secularibus & Spiritualibus, deditque Carolus Magnus circa annum Christi mcccv hunc Comitatum & Præfecturam *S. Theodolo Episcopo* Sedunensi, atque omnibus successoribus ejus. Confirmarunt quoque multi alii Imperatores hanc donationem & roboraverunt usque in hodiernum diem. *Valesia in Superiorem & Inferiorem* dividitur. Superiori idiomate Germanico utitur, incipitque à Furca monte, excurritque ad marcæ regionis usque quæ est sub Seduno, juxta amnem Morsum, completurque septem Decimas seu Dioceses, quas illi *Zehnden* vocant, nempe *Sedunum, Syder, Leuck, Raren, Visp, Brig, & Gombs*. In Inferiore *Valesia* lingua Sabaudica in usu est: ab amne Morso initium sumit, extenditurque ad pontem *S. Mauricii* usque, cujus incolæ olim *Veragri* dicti sunt. Habet autem inferior *Valesia* sex Communitates, quas illi vocant *Vexilla* seu *Banneras*, nempe

Condes, Ardon, Sallien, Martinacht, Intremont, & S. Mauritium. Metropolis Valesiæ *Sedunum*, Germanice *Sitten*, & Gallice *Sium*, pro patriæ more elegans civitas: crescit in dies splendor ædificiorum. Adjacet monti, qui in media planicie, inter altissimos montes vallem cludentes, sensim versus ortum confurgit: bifurcaturque in duo petrosæ fastigia seu eminentes colles. Subest autem Tarentasiæ Archiepiscopatu Sabaudia, Sedunum Episcopatus Valesiæ, & Augusta similiter. Præter Sedunum nullam muris cinctam civitatem habent Valesii, quamquam *S. Mauritius*, sive *Aganum* pro oppido haberi posset. Sunt hic præterea *Martinacht* sive *Octodurum*; *Gratetsch* & *Vetus Sider* arces, *Sider, Leuc, Raronia, Vespia, Brig, Naters, Moril* oppida. Montes qui Valesiam ambiunt, habent hodie alia, quam olim nomina. Mons ex quo Rhodanus oritur, olim *Subecus*, *Coatus*, ac *Vrsellus*, vocatus fuit, hodie *Furca* nuncupatur. Huic vicinus est *Gothardi mons*. Juxta Brigam est *Sempronius mons*, hodie *Simplberg*. Huic vicini sunt *Sasf* & *Matter*, montes. Ex altera parte Rhodani sunt *Loetsch* & *Gemmi*, montes. In valle *Poenina*, *Arolla* mons glacialis est. E regione *Sider* versus Septentrionem est *Silvius mons*, is jam *Austalberg* vocatur, & ex utraque parte *S. Bernhardi mons*. Silva Hercynia huc etiam spargit ramos suos diversis insignitos nominibus, alibi enim *Milebach* silva, juxta Arnen nimirum, juxta Perigrad *Perfim vvaldr* vocatur, atque alibi aliter. Populus in Valesia est hodie erga externos valde humanus & affabilis, totusque beneficus. Inter se vero paullo rigidiores, quàm amicos & vicinos deceat.

Imperium
majus.

Urbes &
Oppida.

Montes.

Silva.

Mors.

Regio &
unde di-
cta.

SECUNDA Lombardiæ Tabula Tirolensem Comitatum & Marcam Tarvisinam complectitur. *Tirolensis Comitatus* nomen habet ab oppido *Tirolo*, quod antiquitus splendidum fuisse videtur. Iacet inter *Athesin* & *Oenum* flumina, interque *Alpium* juga: ad Septentriones *Bavaria* clauditur, ad Austrum *Lombardia*: ad Ortum *Marca Tarvisina*, Foroque *Iulii*: ad Occasum *Helvetia*. *Rheticæ* quondam pars fuit. Regio hæc licet *Alpibus* inclusa & extensa per ipsa juga *Rhetica*; fructuum tamen, rerumque ad vitam necessarium, nec non auri, argenti, metallorumque omnis generis optimorum copia, dives & locuplès. E montium visceribus ingentes hauriuntur metallorum thesauri: cacumina vastis silvis ferarumque multitudine plena: colles acclivi, frugibus ac vineis: valles fontium ac fluminum aquis irriguæ, armentis & pecoribus refertæ sunt. Itaque Comitatus iste, non solum Ducatui, verum etiam Regno æquiparari potest. Adjunctus fuit Domui Austriacæ anno cccccx ad *Rodolpho* Alberti filio Austriæ Duce. Vrbs primaria *Oenipons* vulgo *Innsbruck*, ad dextram *Oeni* ripam, sedes Principis; Parlamenti regionum Austriacarum sedes. Sunt præterea *Maranum* oppidulum ad ipsum Castrum Tirolense regium; *Bolzani* emporium: *Halla* factitio sale nobilis ad *Oenum*: *Brixia* ad *Isacum* fluvium, qua se Rientius in *Isacum* exonerat, urbs Episcopalis. Est & *Tridentum* ad *Athesin*, urbs verus, quam in decima Regione Italiæ inter mediterraneas collocant *Plin.* & *Strab.* Conditam volunt à Gallis: & ita *Trogus* prodidit. Nomen habe-

Imperium
majerum.


Vrbes.

re creditur à *Neptuni* tridente. Nam ut *Randenenses* *Saturnum*, ita *Tridentinos* constat coluisse *Neptunum*: cujus effigies cum fuscina adhuc exstat in templo *B. Viglii*, eo latere quod forum respicit. Urbem muro cinxit *Theodoricus Ostrothorum Rex*, usque ad structuram lapide quadrato. Idem castellum *Verrucæ Tridento* imminens in altera ripa pari opere munivit. Postea ejectis ex Italia *Ostrogothis*, tenuerunt eam *Langardi* titulo Ducatus. Victo autem *Langbardorum Rege Desiderio* à *Carolo Magno*, rursus facta est juris Imperii, auctaque ab Imperatore accessione *Ripæ* oppidi ad *Benacum*, cum vallibus quibusdam & villis. Post hunc *Carolus Saxo*, universum Comitatum *Tridentinum*, una cum valle venusta, & *Bolzamo* oppido Ecclesiæ dono dedit. Additus defensor & protector Comes *Tirolensis*. Ex eo itaque jurisdictionem utramque exercet *Episcopus*. Sermo civibus partim *Germanicus*, partim *Italicus*: & quod in limitaneis civitatibus rarum est, tam purè utramque linguam sonant, ut neq; in media *Germania*, neque in media *Italia* vix quisquam purius. In hac urbe celebratum est Concilium illud famosum, anno cccccxvi, sub *Paulo III.* Fluminibus Regio rigatur duobus præcipuè, *Oeno* & *Athesi*: reliqui rivuli potius quàm iusti fluvii dicendi sunt. Montium hic numerus non est, qui omnes uno nomine *Rhetica Iuga*, seu *Rhetica Alpes* vocantur, quamvis propriis deinceps nominibus distinguantur. Sylvarum quoq; hic magnus numerus est: uti *Grinvald*, *Hofgarten*, *In der Aich*, *Mitrinald Forest*, *vnser Frayven Holz*, &c.

Flumina.

Montes.

Silva.



Terio &
unde &
sta.

Situs.

Calitem-
peries.Soli qua-
le as.

Urbes.

Venetia.

DIXI de Comitatu Tirolensi: restat nunc de
Marca Tarvisina agamus. Nomen accepit à
Tarvisina urbe, quæ sedem & domicilium da-
 bat Marchionibus Langbardici nominis, qui
 huic tractui cum imperio præerant. *Tarvisinum* appel-
 lant Cassiodorus & alii. Dicitur à *Venetia* à *Venetis* po-
 pulis. Hodie vernaculè *Marka Trevigiana*. Quod ad fi-
 nes, scribit Leander ab Occidente *Venetiam* claudere
 Mincium, Benacum & Sarcam fl., à Septentrione mon-
 tes Tarvisanos, Italiæ Germaniæque discrimen, ab O-
 riente Timavi ostium, partemque Hadriatici maris:
 ab Meridie, ostium Athesis, paludesque Melarianas ac
 Brigantinas: hos autem *Venetia Vetus* terminos esse,
 non *Marka Tarvisina*, quæ multo erat angustior, suam-
 que habebat longitudinem inter Mincium Alsamque
 fluvios: trans Alsam enim Foro-Julensem agrum adne-
 cti; præterea *Markam Tarvisinam*, quæ nunc vocatur,
 nonnulla continere loca Cenomanorum &c. Regio
 pernobilis est & lauta; cælum salubre, jucundum & tem-
 peratum. Campos habet amœnos, ac frumenti cetera-
 rumque frugum, item omnigeni fructus ac vini maxi-
 mè fertiles. Adest metallorum ubertas, nec pecudum
 greges desunt; tantis denique & tam multis munificæ
 naturæ dotibus adfatim ornata est & locupletata, ut
 inter principes Italiæ Regiones optimo jure censerì
 possit. Habitarunt hic olim *Euganei* quibus nomen, si
 Etymon ex Græcia petendum, ab genere nobili claris-
 que natalibus. *Euganeos* his sedibus profligarunt, ut Li-
 vius notat lib. 1, *Veneti*, à quibus tota regio *Venetia* dicta.
 Urbes *Tarvisinae* *Marchiæ* sunt *Veronia*, *Vicentia*, *Patavium*,
Venetia, *Tarvisum*. De quibus prioribus *Verona*, *Vicentia*,
Patavio, in propria quam obrinent Tabula, dicemus.
Venetia, (vulgo *Vinegia*) multitudinis numero nomina-

ta: urbs, modicæ complexæ insulas circiter 1x, sita est
 in intimo Sinus Hadriatici recessu, mediis in stagnis,
 quæ æstu singulis senis horis irrigua: adfuso, quo O-
 riens est, pelago, quod tamen, ne sua violentia vel ira sit
 noxium, præjectis aliis quibusdam insulis, tanquam ag-
 geribus cohibetur. Licet non muris, non propugnaculis,
 non turribus ullis sit munita, loci tamen natura est
 tutissima. Quamplurimis dividitur canalibus. Vicis pene
 omnibus sui sunt rivi, conjungentibus ipsos ponti-
 bus ex lapide lignove circiter ccccl. Inter canales prin-
 cipis loci est qui vulgo *Canal grande*, longitudinis trium
 milliarium, qui urbem totam in duas quasi dirimit
 partes: circa medium, pontem gestans visendum. Ita
 commoditas passim urbem vel pedibus percurrendi,
 vel cymbis, quarum numerus octo dicitur milliium, vul-
 gus *Gondelas* vocat. Ambitus urbis viii circiter milliari-
 um. Imperii magnitudine, populi frequentia, opum
 splendore, mercium varietate, inlustris: ingeniis excel-
 lentibus virisque eruditissimis beata: bonis legibus lau-
 dabilibusque institutis ornata. Frumento, quod ex di-
 versis Orbis partibus advehitur, vinis multiplicis ge-
 neris, inter quæ generosum illud, quod vulgo *Malyati-
 cum* vocant, aliisque rebus humanæ vitæ necessariis, ita
 adfluit, ut rectè *Paradisus deliciarum* appelletur. Regio-
 nis ibi seu Parochiæ LXIV. Edificia cum publica rum
 privata ibidem magnifica, splendida, sumptuosè orna-
 ta. Inter templa preciosissimum illud quod *D. Marco
 Evangelista* dicatum, auro multis locis ornatum. Et ut
 reliqua omittam: intra urbem Armamentarium est
 (vulgo *Arsenale*) cujus circuitus duorum circiter mil-
 liarium. In hoc è ligno, ferro, ære, lino, canabi, omne
 nautici apparatus genus, anchoræ, tormenta, catenæ,
 spiræ, rudentes, vela quotidie conficiuntur: hic insignia
 à Tur-

à Turca, piratis, hostibus capta ostentantur, manubiæque illæ opimæ anno 1101. XXI ad Naupactum ablata. Ostenduntur Prætoriæ quinquereemes, & navis Bucen-taurus, qua vectus quotannis ad maris introitum, ubi castella æstuarii, Princeps, Senatu, Primoribusque ur-bis comitatus, ceremoniis ab Episcopo peractis, mare sibi desponder, injecto ad perpetuandum Dominium aureo annulo. Est & Gymnasium publicum, cum Bessa-riionis Cardinalis Niceni Bibliotheca, quam ipse mo-riens Reip. Venetæ legavit. Civium frequentia *Venetis* planè stupenda. Numerus trecentorum circiter millium censetur. Triplicis illi sunt generis: *Patrii*, quos pènes Imperii & Reip. administratio: *Cives*, qui Scriba-rum & aliorum honorum munera gerunt: *Artifices*, qui mechanicas exercent artes. Præter hos, *Mercatores* innu-meri & advenæ, qui vario cultu ex omnibus Mundi partibus eo negotiationis gratia confluere soliti: Tur-cæ, Æthiopes, Slavi, Arabes, Syri, Cretenses, Cyprii, Macedones, Germani, Vngari, Hispani, Galli, alii. Prima *Venetæ Reipublicæ* administratio fuisse fertur *Consula-ri*: altera *Tribunitia*, per annos 221: postea anno 1000. sub Ducis cæpit esse Imperio. *Dux Doge* vulgo, Reip. caput, *Senatus* est Princeps, eique nihil injussu *Senatus* nec pace agere, nec bello quidquam licet. Ipse *Senatum* consulit. *Senatus* Auctor decernit: decreta tamen Ducis nomine promulgantur. *Duci* de publico certa pendun-tur stipendia: eoque defuncto, statim in locum defun-

cti ex Senatorum numero alius per suffragia sufficitur. *Senatus*, vulgo *Gran Consiglio*, basis est totius status: ejus membra nobiles omnes, xxv annis majores: quibus mira in dicendo libertas, summa in consulendo integri-tas, eximius recti verique cultus, studium conservandæ libertatis augendique Imperii incredibile, insignis in adversis constantia. Præter Ducem Senatumque alii multi sunt *Magistratus*, quos hic brevitatibus studio præ-tereo. Hæc urbs omnium urbium clarissima censetur & florentissima. Mundi Theatrum, commune totius Or-bis Emporium, victrix dominatrixque tot tantorumq; hostium: Hadriatici regina maris, Italici nominis glo-ria decusque. Quamvis multa bella gesserit, variamque fortunam mille annorum spatio sit experta, in externi tamen hostis potestatem nunquam devenit. Reliquas civitates & minorum gentium oppida silentio præ-tereo. Fluvii insigniores hujus tractus *Plavis*, *Piave* vulgo, *Brenta*, *Bachilio* & omnium maximus *Athesis*. Montes sunt hoc tractu Patavino, qui nec ad Apenninum, nec ad Alpes pertinent, qua conditione nullus alius ager est totius Italiæ. Horum unus est *Gemula*, alter *Venda*, & *Colles Euganei*, Poëtis celebratissimi. Mercator hæc habet: Patriarchæ *Aquilegensis* subjiciuntur Episcopatus, *Man-ua*, *Cuman*, *Tridentinensis*, *Verona*, *Maravenfis*, *Paduanensis*, *Vincenstinensis*, *Trevisinensis*, *Cenerensis*, *Ceneda* forte, *Feltre*, *Bellun*. Atque hæc de Tirolensi Comitatu & Tarvisina Marca breviter dicta nobis sint.

Flumina.
Montes.

Ratio-
bernandi.

Regio.

Signis.

Soli fer-
tilitas.Imperii in
usg. orum.Urbes &
oppida.

TERTIA *Lombardia* Tabula sequitur, in qua *Pedemontium*, *Montis Ferrati Marchionatus*, cum *Ducatu Genuesium* delineantur. Occurrit primo loco *Pedemontium*: sic dictum quod ad *pedem sit montium*, ad radices inquam Alpium, quæ Galliam Sabaudiamque ab Italia dividunt. Vulgo *Piemont*. Fines ab Oriente Padus: ab Meridie Ligurum Alpes: qua Occidens est, Alpes Gallia: qua Septentrio, Duria Riparia. Regio est amœnis fructiferisque collibus plena, frumentum, fructus, vina producentibus nobilissima. Ferri prope Turinum, marmorumque ad Paisanum, fodinis non carens. Habitatunt olim *Turini*, Polyb. Liv. Plutarcho noti: item Straboni, Ptol. Plin. in nona Italia regione eos noranti, Ligurumque stirpis facienti. Inde *Ducatus Taurinus*, appellari cœpit hic tractus sub *Langhardis*, qui in Provincia formam redacto ducem præposuerant. Iis deletis, primum in *Italia Regum* venit potestatem: post principum diverforum: præcipuè *Sabaudia*, *Franciaque* ditioni fuit subiectus: vastatus supra modum bello quod gestum inter Carolum V. Imperatorem, & Franciscum Galliarum Regem. Caput Regionis est antiqua civitas *Taurinum*; *Augusta Taurinorum* Tacito, Plin. Ptol. *Taurini* hæc urbs ab ipsi populis, apud Antoninum, non uno loco. Vulgo *Turino*. Dictum vult Stephanus Grammaticus ab *Tauro*, Massiliensium, quorum fertur colonia, insigni. Iacet ad ostium in Pado Duria, forma quadrata, portis patens quatuor, splendidis ornata ædificiis, nobilitate civium clara, rerum omnium copia abundans. Summum templum Johanni Baptista est sacrum: præter hoc alia sunt xx aut circiter. Palatium ibi Ducis visendum; Academia

celebris, in qua Erasmus Roterodamus S. Theologiae Doctor est creatus. Prima hæc Italiae urbium officinam habuit librariam. Episcopatus gaudet dignitate. Ad collem *Rivoli* est oppidum frequens: ulterius *Aviliana*: juxta Padum est *Carignano*. Alius inter Rivolos & Avilianam splendidum visitur Cœnobium *D. Antonii Raresini*: & nonnullo inde intervallo ad *D. Ambrosium*. Succedit mox *Susa*, quam plerique Sabaudia ad censent. Ad Padum sexto ab Sangoni ostiis lapide oppidum jacet, quod vernaculè *Pinarolo*, opulentum, cum Cœnobio sumtuoso: supra pandunt se *Petrosa*: læva fontis Sangoni *Pagellato* & *Briacasse*, dextra *Monte Bobio*. Haud procul Pelice amne, Padi incola, *Pancalerum* est & *Villa Francæ*, ubi ponte Padi ripæ junguntur. Sequuntur ad Padi fontem *Revello* & *Paisana*; ulterius *Critio*; moxque *Mambrino*, ubi vallis Padi initium. Incolæ vocant *Valle di Lucerna*, ab castello, quod ibi, cognominii.

Montis-Ferrati Marchionatus.

Succedit jam nunc peramœna & fœcunda Regio Regio.
Mons-Ferratus explicandus, sic dictus uti censet Leander, quasi *Mons Ferax*, ab modicorum collium, quos habet, fertilitate: vel à *Ferro*, similitudine quadam, quod uti ferrum cetera metalla vi ac duritie vincit, ita ille finitimos ubertate cum aliorum fructuum, eorumque nobilitate & suavitate, tum vero vini longè superet. Describit *Montem-Ferratum* Merula lib. vi Antiq. Vice-com. hoc modo; *Mons est perpetuis expansus jugis, Soli ferax, totus amœnus & fructifer, omniumque rerum ad vitam* Soli ferax
litas.
utilium

utilium fertilis, & colonis admodum frequens. Incipit diurno fere itinere ab Alpibus, planicieque separatur, quæ inter hos Colles & Alpes intercedit. Nihil hic incultum quidquam propter summam soli bonitatem oportunitatemque. *Lavam* Tanarus, dextram Padus adluit, nec ullius alveum Regio egreditur. Quanto magis autem ab annibus abscedunt colles, tanto majores amcenioresque campi inter eos panduntur, quos haud malè Mesopotamiam queas dicere, quippe quod annibus utrimque sint inclusi. *Montis-Ferrati* Marchionatum tenuit primum Palæologa stirps usque ad annum cxcxxxv: quo, defuncto San-Georgio Palæologorum ultimo, Carolus V Imp. Mantua Ducem legitimum *Montis-Ferrati* hæredem declaravit. Erectus fuit Marchionatus in Ducatum anno cxcclxxv ab Maximiliano Imp. primusq; *Montis-Ferrati* Dux dictus est *Guilielmus III*, Mantuæ Princeps. In hoc autem terræ tractu tres insignes habet urbes Mantuæ Dux, quæ sunt *Casalis D. Evassii*, civitatis jus adepta ab Sixto IV anno cccccclxxiv; Episcopatus fulgēs dignitate; sedes Marchionum *Montis-ferrati*. Duplex ibi arx: vetus, Marchionum quondam domicilium, & nova, quam extruxit Vincentius Gonzaga, Mantuæ *Montis-que Ferrati* Dux, quæ vulgo *la Cittadella*. *Alba*, Plinio *Pompeia* cognominata, cui inde *Albenſes Pompeiani* nominantur. Amplitudine superat Casalem D. Evassii, clementia cœli inferior. Marchionum *Montis-Ferrati* prius nunc Ducum Mantuæ subiacet Imperio. Ager omnium fecundissimus, qui *Languilla* vulgo. Tertia est quæ vulgo dicitur *Acqui*, *Aque Satyellorum* Plin. lib. 3 cap. 5 in Liguribus ponenti. *Aque simpliciter* Antonino: ab *Aquis* proculdubio & fontibus, qui hic sunt, calidis & medicatis: sunt enim in hac civitate thermæ publicæ cum mensis lapideis & gradibus. Præter jam dictas urbes sunt; *Basimiana*, Va-

lentia, S. Salvatore, Mon-calvo, Alexandria, Nicæa, Palea cognominata, Asta, Pollentia, Ceva, atque alia multa.

Genuenſium Ducatus.

Genuenſium Ducatus, vel Ora Genuenſis, olim dicta *Regio* fuit *Liguria*, non tamen tota, sed quæ *Transalpina* fuit cognominata. *Liguria* unde nomen, varie disceptatur. Quidam inter quos Paulus Diaconus, ab *legendis Leguminibus* tradunt: alii ab *Ligone*, uno ex fabulosis Iapeti Ducibus: suppositiiti ab Annio Viterbiensi Berosus, Caro, Fabius Pictor & Semprocius ab *Ligure Phaerhontis* Egyptii filio: nunc vulgo *Riviera de Genoa* vocatur, ab *Genna* clarissimi nominis urbe. Hodie fines ipsi ab Occa-
Sinus su Alpes, Galliam Narbonensem ab Italia dividendes, ab Ortu Etruria, Macra interfluente, qua Merides est, cognomine pulsatur Mari, qua Septetrio, Apennino clauditur. Hæc olim, ut scribit Strionnino, sterilis fuit, nihilque memoratu dignum habuit, nisi quod intus maxime arbores & vastæ, quæ navibus fabricandis idoneæ erant, producebantur, nunc vero vini, olei, ac variorum fructuum proventu beata. *Ager Dianus* oleo adeo adfluit, ut quandoque octodecim, nonnunquam viginti millia urnarum reddat, quas vulgo *Barilas* vocant. *Ora Genuenſis* hodie duplex, Occidentalis & Orientalis, quæ vulgo ab metropoli, quæ in medio utriusque, *Riviera di Genova*, di Ponente, & di Levante. Vrbs primaria *Genua* Liv. & aliis, *Genoa* Steph. *Ianua* dicitur Luitprando Ticinensi, & ejus ætatis Scriptoribus; hodie *Genoa* & *Genova*. Quod ad situm, fronte Meridiem Cirnumque spectat Insulam, amplissimè circa littus consurgens, dorso Septentrioni obverso, leniter in planiciè, velut ad quiescendum

Imperium
majorum.

Urbes.

Soli ferti-
litæ.

Urbes.

cendum descendens, montium innixa radicibus, quorum à tergo contra fauorum Septentrionum adflatum vallo munitur, non tota montosa, nec vicissim tota plana, sed mixta specie. Circuitu palmos colligere tricena quina millia, supra nongentos quinquaginta quinque, Nebianus Episcopus tradit. Palmus haud multo minor antiquorum est pede. Hinc mensura totius urbis si palmos septenos passui demus, milliariorum erit quinque, sin senos, sex, demptis quadraginta quinque palmis; nec moles, nec portus in hanc dimensionem venit. Insignem portum habet ad Austrum & Africum patentem, ingenti mole ad securam stationem præmunitum. Caterum de Genua poltissimi & rotundi exstant Scaligeri versus.

*Ditis opes Asia, & claros Orientis honores,
Quantaque ab Euxino runditur ora salo,
Pisanas acies, Thufce decora incluta Pubis
Et traxi ad Ligures Gallica signa manus.
Subiectis domitas tenui cervicibus Alpes,
Et tremuit nostras Africa terra trabes.
Afflictus toties Venetus, quæ fugerat olim,
In patriis movit tela petitis aquis.
Frustra Galle cupis: frustra es frustrator Ibere,
Frustra sava ferox Insulæ arma capis,
Vincio ego, cum vincor, par est victoria damno,
Sumque eadem domina servaque facta mea.*

Metropoli visa, reliquarum urbium nonnullas & oppida indicabo. Haud procul Varo *Nicaea* est Ptol. *Nicaea* Antonino, *Nizza* hodie. Vrbs maritima, quondam ab Massiliensibus condita, dorso Alpibus innitens, partim in iuga, partim in planiciem porrecta. Nunc est munitissima, firmam habens arcem in colle, ditionis

Sabaudia Principis. Supra portum Herculis Monæci ad alterum lapidem editis in montibus *Torbia* jacet, vel *Turbias*. Sunt & *D. Remi* oppidum, *s. Remo*, peramæno & fertili agro, qui citris, palmis, medicis, limonibus, aliisque fructiferis arboribus mirum in modum ornatus. *Castellum Tabia* ambitu exiguo, sed nomine celeberrimum, ob generositatem vinorum Apianorum. *Albingaunum*, urbs antiqua, situ plano, quingentis à mari passibus, gravioris coeli, alioqui opulenta rebusque necessariis adfluens. *Finarium* item, *Naulum*. *Savona* urbs antiquissima, ædificiis ornata magnificis, cuius ambitus est *cxv* passuum. Atque hæc sunt in ora Genuensi occidentali. In orientali sunt: *Claverium*, *Sestri de Levante*, & alia. Flumina hic sunt *Varus*, qui litem statuit inter Provinciam & Liguriam: hanc Italia, illam Gallia Regionem. Recipit hic, qua occidentalis ejus ripa & gallica, fluvios, qui vulgo Gallorum audiunt *Carrem*; *Lavaire*, *Esteron*: qua orientalis & Italiam spectans, *la Lince* & *la Vesubie*. Sequuntur inde per Liguria littora *Paulon*, hodie *Pulion*: *Rutuba*, hodie *Rotta*. Sunt item *Merula*, *Porzevera*, *Ferisano*, *Lavagna*, *Maera*, *Magra* hodie. De Administratione autem Ecclesiastica apud Merc. in hac Tabula hæc leguntur: Archiepiscopus *Taurinensis*, cui sub sunt *Casalenfis*, *Salutiarum*, *Montis Regalis*, *Novariensis*, *Lodensis*, *Vercellensis*, *Ipporegionensis*, *Actensis*, *Aquensis*, *Albensis*, *Terdonensis*, *Saonensis*, *Albingaunensis*, *Vintimeliensis*, *Placentinus*, *Papiensis*, *Mediolanensis* Archiepisc. subiecti. Archiepisc. *Ianuenis* sub sunt *Bobienis*, *Aprumacensis*, vel *Brumacensis*, *Motenensis* vel *Maranenensis*, *Acoiensis* vel *Amprumiacensis*, *Nubienis* in Corsica sive *Nebienis*, *Naulensis*, *Albingaunensis*, *Arbenga* credo, inter suffraganeos Mediolanensis Archiepisc. recensitus.

Flumina.

Statua
Ecclesiasticus.

Romandiola.

QVARTA & postrema Lôbardia Tabula *Romandiola*, Ducatum *Parmensem*, & *Mantua* repræsentat. Primoloco occurrit *Romandiola* vel *Romanula*, sic dicta hodie, Caroli Magni Imperatoris & Romani Pontificis beneficio atque auspiciis. *Romanula* limites ex communi sententia ad Septentrionem quidem Paludes Veronenses & Patavinæ, usque ad Fornaces, ostium Padi ultimum, una cum parte Maris Hadriatici: ad Orientem Isaurus, una cum Piceno; ad Meridiem Apenninus, cum Etruria. In occidentali variatur. Quidam ultra Vatrinum flumen cis Forum Cornelii non procedunt: transfiliunt nonnulli Scultennam, nunc Panarium, in eo plerique sistunt. Hos sequemur, Longitudinem ejus c x miliar. aut circiter, posituri inter Foliam & Panarium: Latitudinem xcvii miliar. vel paulo minus, inter Apenninum, & quarum memini, Paludes. Quod ad Regionis qualitatem, agros habere optimos scribit Leander, omniumque frugum, tam quæ ad vitam necessariæ, quam quæ ad humanas voluptates oportunæ, & delitias, fertiles. Campi hic latissimi, fructiferis arboribus omne genus confiti: colles peramæni, vitibus, olea, ficu nitentes. Silvæ munificæ, herbidaque prata cum dumis venationi apta, salubres passim aquæ. salinæ cum circa litus, tum intus frequentes. Metallorum fodinæ, innumeræque præterea Naturæ dotes exi-

miæ, quæ nisi longissima narratione, commemorari haud possent. Vrbes sunt in hac Regione aliquot celebres & complura oppida. Primariæ sunt *Ariminum* Ptol. & aliis, hodie *Rimini* incolis, *Rumelen* Germanis. Nomen illi ab amne, quo adluitur. Alii aliunde trahunt. Rerum omnium copiâ supra modum abundat. Portus olim amplus, splendidus satique capax, hodie modicis navigiis tantum est aptus, arenis oppletus. *Cervia* urbs maritima olim *Phycoles* dicta. *Cerviani* majori ex parte salarii sunt artifices, tanto quæstu, ut Pontifex annuatim inde habeat lx millia coronatorum. *Cesena*, *Cæsena* Ptol. *Cesena* Strab. hodie plerisque *Cesena*, aliis *Cesnadigo*, tertiis denique *Cesna*. Hodie civitas est admodum frequens, annis superioribus à Bernardino Rubrio Parmensi, qua occidentem septentrionemque spectat, aucta. Arx urbi ex colle, qua Aufer est, valida immunet, à Frederico II. Imp. condita. *Sarsina* urbs antiqua ad Apennini radices, Plauti Patria, nomen hodie retinet. *Ravenna*, *Ῥαβέννα* Strab. cui & *Ῥαβέννα*, *Ῥαβέννα* Ptol. Antiquam civitatem testantur omnes. De situ multa Str. lib. v. Vrbs Archiepiscopalis. Subsunt huic Archiepiscopo *Adriensis*, *Comacensis*, *Cervienis*, *Forolivienis*, *Forompiliensis*, *Vellimenis*, Fille forte, *Cesenatensis*, *Sarenienis* vel *Sarsinatensis*, *Faventinus*, *Imolensis*, *Mutinenis*, *Bononiensis*, *Rheginensis*, *Parmensis*, & *Barcinensis*. Pascua ad Vr-
bem



bem optima; ex quibus magna lactis, butyri, caseique copia. *Forum-Livii*, hodie *Forli*. Vrbs natura & situ, rerumque omnium ubertate præstans inter duos amnes Roncum & Montonum sita; aere fruens optimo. *Forum Corneli* vulgo *Imola*. Sita est ad Santernum amnem, agro frumentario, vini, olei, aliarumque frugum ferace. *Bononia* nobilis & antiqua civitas, *Bologna* vulgo: Apenini radicibus adposita, ad amnem Rhenum, Aposi torrente mediam urbem interluente: tota Orienti exposita: qua Austro est, montes imminet vitiferi, qua reliquæ partes, agri patent longè latèque omnis generis frugum feraces. Cælum illi non admodum salubre. Circuitus VII milliarium: olim multo minor. Portas habet XII. Potens est nobilitate, ædibus magnifica, porticibus frequens. Academiam instituit Theodosius Imperator, anno ccccxxiii. Nunc *Ferrariam* videamus: cui unde nomen datum valde variatur. Veritati maxime consentaneum, *Ferrariam* nuncupatam ab *Ferrario*, quæ trans Padum erat, colonis huc ex Theodosii Imperatoris decreto translatis anno ccccxxiii: quo tempore vicus fuit absque muris, ab Smaragdo Exarcho circa annum dxcv fossa mœnibusque septus: paullatimque ita auctus, ut tandem in nobilissimam civitatem commutatus fuerit, vetere Præfulatu ab Vitaliano P.M. huc circa annum dclviii traducto, aliisque xii pagis finitimis illi subiectis ab Constante II Imp. qui multa ipsi largitus est privilegia. Hodie *Ferrara* audit. Adsidet ripæ Padî amnis, quo qua Ortum Austrumque respicit, adluitur. Cælum ipsi crassius, ob situm palustrem. Plateas habet rectas, longas, amplas, quarum plerasque Leonellus Marchio coëctis stravit lateribus. Ædificiis cum publicis,

licet non magnis, tum privatis supra modum est ornata. Maximum est urbis Fanum, arx illi duplex, una ad flu. altera è regione S. Georgii, Ducis sedes: utraque satis munita. Populo frequens, rebus ad vitam necessariis abundat. Non inamœna inter primas Italiæ urbes merito censenda: caput sedesque Ducatus Atestinæ familiæ, nobilitatis & antiquitatis stupendæ. Academiam hic instituit Fridericus II. Imperator in Bononienstem contumeliam. Planiciem habet circa se maximam sed sterilem. Reliquas Romandiolæ urbes, & minorum gentium oppida prætereo.

Ducatus Parmensis.

DVcatus *Parmensis* à civitate Parma nomen habet. Regio & unde dicta. Ager amœnus est, & frugum vitiumque optima. Soli fertilitas. Imperiû majoris. rum fertilis, aquis medicatis pascuisque lætissimis felix: cujus & velleræ summam merentur commendationem. Civitas unde Ducatus iste nomen accepit *Parma* ab *Thuseis*, ut multæ his locis aliæ, condita, à Boiis inde possessa, lapsu temporis Romanos habuit dominos: qui anno dclxx, quo tempore Mutinam, eo coloniam, ut Livius tradit lib. xxix, duxerunt. Calamitatem ab L. Antonio inlatam deplorat M. Tul. Philip. ultima. Conlapsa, auctoritate Romani nominis libera cum aliis cœpit esse: sequuta nunc Cæsares, nunc Pontif. Rom. Bononienfibus semper amica & conjuncta. Gravem passa est totum biennium obsidionem ab Friderico II. Imp. circa annum ctoceclviii, quod partium esset Pontificiarum. Eo inde profligato, varios habuit Regulos, *Corregios*, *Scaligeros*, *Arestinos*, *Vicomites*, *Galeatios*,

tios, Sfortias, Gallos denique, quibuscum sæpè de urbis dominatu certavit *Pontifex Romanus*, qui ope & auxilio Caroli V. Imperatoris, Gallis tota Italia pulsus rerû solus deinceps in urbe potitus est. Hodie suos habet *Duces*, quorû primus à P. M. institutus est *Petrus Aloysius Farnesius* Pauli III. P. M. filius, quo crudeliter intra biennium cæso, subrogatus est *Octavius* filius, eique defuncto *Alexander Belgicæ* Gubernator: cui mortuo successit ante aliquot annos filius. Ceterum *Parma*, Strab. Ptol. in *Æmylia* via, quinque ab Apennino p. M. Nomen illi ab amne *Parma*: ex aliorum mente, quod *Parman*, hoc est, breve scutum referat. *Ædificiis* est splendida, plateis ornata rectis largisque; rebus ad vitam necessariis adfluens: Incolarum nobilitate, civiumque frequentia celebris, situ est admodum plano: cœlo summè salubri: adeo ut *Plinius* *Parmenses* tradat, tres quidem annos cxx, duos vero cxxx vixisse. Eam neque hyems, neque æstas adfligit. Castrum habet munitissimum: Principum & infustrium familiarum palatia non pauca. In foro satis amplo, fons pulcherrimus: & templum ad imitationem S. P. Q. Romani exstructum: campana tribus imposita columnis: turris persimilis Bononiensi. Separatur ab suis suburbiis fluvio cognomine. Episcopatus floret titulo. Incolæ venusti, nobiles, martii, animosi, genio ingenioque præstantes. *Ducem* cum *Parma* habet vetusta & nobilis civitas *Placentia*; Ptol. aliisque *Πλακεντία*, vulgo *Piacenza*. Iuxta Padum, à quo distat circiter M. P. jacet, loco peramceno; agrorum bonitate, civiumque claritate superbiens. Muri novi sunt: Propugnacula ampla, munitiones insignes. Episcopatus gaudet titu-

lo. *Gymnasium* habet omnium disciplinarum. Urbis ager vini, olei, frumenti, omnisque generis fructuum fertilissimus, propter copiam aquarum: multos habens fontes, fluvios, rivulos, pascuis irrigandis facientes.

Mantua Ducatus.

Ducatus *Mantua* nomen habet ab urbe *Mantua*. *Hu-* Regio.
Imperii
majoru. jus Imperium primum fuit penes *Tuscos*, urbis auctores: hinc penes *Gallos Cenomanos*: post quos *Romani* rerum ibi sunt potiti. Maximam sub Triumviratu cladem tulit. Quum enim *Cremona* victoribus diripienda esset concessa, propter vicinitatem magnam agri sui partem amisit. Hinc *Virgilius*: *Mantua va misera nimium vicina Cremona*. Successerunt Romanis *Gothi, & Langbar-* di: quibus profligatis, urbs ad *Imperatorum* potestatem est retracta. Ea rursus labante, in libertatem se cum multis aliis vindicavit, quam obtinuit, donec ab *Othone I. Imp. Theodobaldo* Comiti Canossano donaretur. Subrogatus illi *Bonifacius* filius; eique sine mascula prole defuncto *Beatrix* conjux, cum *Mathilde* filia, quæ Mantuam summo opere ampliavit. Urbis *Mantua*, Strab. & Ptol. hodie *Mantua*. Initium urbis ponunt varii variè. Quid sit, antiquissima ipsi est origo. Posita est in medio Paludum, quas *Mincius*, ex lacu *Benaco* egressus, creat, nec nisi pontibus, qui eximii admodum, aditur: hinc ob naturam loci munitissimi Italia concensenda. Ampla est, & magnificè publicis privatisque ædificiis ornata, testisque plateis decora.

bem optima; ex quibus magna lactis, butyri, caseique copia. *Forum-Livii*, hodie *Forlì*. Urbs natura & situ, rerumque omnium ubertate præstans inter duos amnes Roncum & Montonum sita; ære fruens optimo. *Forum Corneli* vulgo *Imola*. Sita est ad Sanernum amnem, agro frumentario, vini, olei, aliarumque frugum ferace. *Bononia* nobilis & antiqua civitas, *Bologna* vulgo: Apeninini radicibus adposita, ad amnem Rhenum, Apofitorrente mediam urbem interluente: tota Orienti expofita: qua Auster est, montes imminet vitiferi, qua reliquæ partes, agri patent longè latèque omnis generis frugum feraces. Cælum illi non admodum falubre. Circuitus **VII** miliarium: olim multo minor. Portas habet **XII**. Potens est nobilitate, ædibus magnifica, porticibus frequens. Academiam instituit Theodofius Imperator, anno **ccccxxiii**. Nunc *Ferrariam* videamus: cui unde nomen datum valde variatur. Veritati maxime consentaneum, *Ferrariam* nuncupatam ab *Ferraria*, quæ trans Padum erat, colonis huc ex Theodofii Imperatoris decreto translatis anno **ccccxiii**: quo tempore vicus fuit absque muris, ab Smaragdo Exarcho circa annum **dxv** fossa mœnibusque septus: paullatimque ita auctus, ut tandem in nobilissimam civitatem commutatus fuerit, vetere Præfultu ab Vitaliano P.M. huc circa annum **dxlviii** traducto, aliisque **xii** pagis finitimis illi subiectis ab Constante **II** Imp. qui multa ipsi largitus est privilegia. Hodie *Ferrara* audit. Adsidet ripe Padi amnis, quo qua Ortum Austrumque respicit, adluitur. Cælum ipsi crassius, ob situm palustrem. Plateas habet rectas, longas, amplas, quarum plerasque Leonellus Marchio coctis stravit lateribus. Ædificiis cum publicis,

licet non magnis, tum privatis supra modum est ornata. Maximum est urbis Fanum, arx illi duplex, una ad flu. altera è regione S. Georgii, Ducis sedes: utraque satis munita. Populo frequens, rebus ad vitam necessariis abundat. Non inamœna inter primas Italiæ urbes merito censenda: caput sedesque Ducatus Atestinæ familiæ, nobilitatis & antiquitatis stupendæ. Academiam hic instituit Fridericus **II**. Imperator in Bononienfium contumeliam. Planiciem habet circa se maximam sed sterilem. Reliquas Romandiolæ urbes, & minorum gentium oppida prætereo.

Ducatus Parmensis.

Ducatus *Parmensis* à civitate Parma nomen habet. Regio & unde dicta. Ager amœnus est, & frugum vitiumque optimarum fertilis, aquis medicatis pascuisque lætissimis felix: cuius & vellera summam merentur commendationem. Soli fertilitas. Imperiū majorū. Civitas unde Ducatus iste nomen accepit *Parma* ab *Thuscis*, ut multæ his locis aliæ, condita, à Boiis inde possessa, lapsu temporis Romanos habuit dominos: qui anno **dxlxx**, quo tempore Mutinam, eo coloniam, ut Livius tradit lib. **xxix**, duxerunt. Calamitatem ab L. Antonio inlatam deplorat M. Tul. Philip. ultima. Conlapsa, auctoritate Romani nominis libera cum aliis cepit esse: sequuta nunc Cæsares, nunc Pontif. Rom. Bononienfibus semper amica & conjuncta. Gravem passa est totum biennium obsidionem ab Friderico **II**. Imp. circa annum **cxccxlviii**, quod partium esset Pontificiarum. Eo inde profligato, varios habuit Regulos, *Corregios*, *Scaligeros*, *Atestinos*, *Vicecomites*, *Galeatios*,

tios, Sfortias, Gallos denique, quibuscum sæpè de urbis dominatu certavit *Pontifex Romanus*, qui ope & auxilio Caroli V. Imperatoris, Gallis tota Italia pulsus rerū solus deinceps in urbe potitus est. Hodie suos habet *Duces*, quorū primus à P. M. institutus est *Petrus Aloysius Farnesius* Pauli III. P. M. filius, quo crudeliter intra biennium cæso, subrogatus est *Octavius* filius, eique defuncto *Alexander* Belgicæ Gubernator: cui mortuo successit ante aliquot annos filius. Ceterum *Parma*, Strab. Ptol. in Æmylia via, quinque ab Apennino p. m. Nomen illi ab anne *Parma*: ex aliorum mente, quod *Parmani*, hoc est, breve scutum referat. Ædificiis est splendida, plateis ornata rectis largisque; rebus ad vitam necessariis adfluens: Incolarum nobilitate, civiumque frequentia celebris, situ est admodum plano: cælo summè salubri: adeo ut *Plinius Parmenses* tradat, tres quidem annos cxx, duos vero cxxx vixisse. Eam neque hyems, neque æstas adssigit. Castrum habet munitissimum: Principum & inlustrium familiarum palatia non pauca. In foro satis amplo, fons pulcherrimus: & templum ad imitationem S. P. Q. Romani exstructum: campana tribus imposita columnis: turris persemilis Bononiensi. Separatur ab suis suburbiiis fluvio cognomine. Episcopatus floret titulo. Incolæ venusti, nobiles, martii, animosi, genio ingenioque præstantes. *Ducem* cum *Parma* habet vetusta & nobilis civitas *Placentia*; Ptol. aliisque Πλακεντία, vulgo *Piacenza*. Iuxta Padum, à quo distat circiter M. p. jacet, loco perameno; agrorum bonitate, civiumque claritate superbiens. Muri novi sunt: Propugnacula ampla, munitiones insignes. Episcopatus gaudet titu-

lo. Gymnasium habet omnium disciplinarum. Urbis ager vini, olei, frumenti, omnique generis fructuum fertilissimus, propter copiam aquarum: multos habens fontes, fluvios, rivulos, pascuis irrigandis facientes.

Mantua Ducatus.

Ducatus *Mantua* nomen habet ab urbe *Mantua*. Huius Imperium primum fuit penes *Tuscos*, urbis auctores: hinc penes *Gallos Cenomanos*: post quos Romanorum ibi sunt potiti. Maximam sub Triumviratu cladem tulit. Quum enim *Cremona* victoribus diripienda esset concessa, propter vicinitatem magnam agri sui partem amisit. Hinc *Virgilius*: *Mantua va misere nimium vicina Cremona*. Successerunt Romanis *Gothi*, & *Langbar-di*: quibus profligatis, urbs ad Imperatorum potestatem est retracta. Ea rursus labante, in libertatem se cum multis aliis vindicavit, quam obtinuit, donec ab *Othone I. I. Imp. Theodobaldo* Comiti Canossano donaretur. Subrogatus illi *Bonifacius* filius; eique sine mascula prole defuncto *Beatrix* conjux, cum *Mathilde* filia, quæ Mantuam summopere ampliavit. Urbs *Mantua*, Strab. & Ptol. hodie *Mantua*. Initium urbis ponunt varii varîe. Quidquid sit, antiquissima ipsi est origo. Posita est in medio Paludum, quas *Mincius*, ex lacu *Benaco* egressus, creat, nec nisi pontibus, qui eximii admodum, aditur: hinc ob naturam loci munitissimis Italiæ concensenda. Ampla est, & magnificè publicis privatique ædificiis ornata, testisque plateis decora.

Regio.
Imperia
majoru.

Brixienſis Comitatus.

HACTENUS Lombardiam perlustravimus: ſequuntur nunc *Brixienſis Comitatus & Mediolanenſis Ducatus* explicandi. Nomen priori à civitate nobili *Brixia*. Partem ejus tractus occupat quem olim *Cenomani* tenuere: patetque *Territorium Brixienſe* in longitudinem mill. c à Limone Benaci lacus vico, ad *Verceanum oppidum*. Latitudo eſt mill. l. à *Moſo* uſq; ad *Dialengem*: ſitusque eſt inter Benacum, Sebinumque lacus. Ager uberrimus tritici, reliquorumque frumenti generum; item vini, oleique fertilis, neque carens ferri æriſque fecunditate. Habet & aurum, argentum, alumen, marmor porphyreticum, & aliud ex atro & viridi variegatum, quod *Serpentium* vocant, Ophiten Plin. alioſque lapides precio nobiles: *Marthaſtam* etiam, quem *Pyritem* vocarunt veteres: abundatque omnibus quæ ad vitæ neceſſitatem cultumque expetuntur. *Brixia* fidem *Populi Rom.* perpetuo coluiſſe legitur: præſertim bello Punico poſt cladem ad Trebiam amnem ab Hannibale inlatam. *Colonia* deducta eſt cum reliquis *Transpadanis* ab Cn. Pompeio Strabone, anno 106 Lxv, & poſtea cum aliis ab C. Cæſare Dictatore Civitatis jure donata. Deinceps in *Imperatorum* fuit poteſtate quandiu ſalva ſtetit ſua Romano nomini majeſtas. Poſt ab Radagiſo Gothorum rege incendio vaſtata, anno ccccxi: hinc ab Attila Hunnorum Principe ſubverſa, ſed reſecta anno cccclii imperante Martiano: mox ab *Langhardis* poſſeſſa uſque ad captum ab Carolo Mag. Deſiderium: quo exſtiſcto, ſucceſſit *Francorum Imperiū*. Inde ab Othone Saxone Cæſare libera Imperii Romani civitas eſt fa-

cta, an. c10cxxxvi: mox ab Henrico v i directa, muris nudata, ſuiſque ſpoliata privilegiis, ab *Scaligeris*, Neronæ Ducibus, opera Guelforum eſt capta. Hiſ ſucceſſerunt *Vice-comites*, Mediolani Principes: à quibus ſæpè vexata ad *Venetos* defecit: quibus ab *Gallis* ruſum adempta, paulo poſt iis eſt reſtituta. *Brexia* Strab. & Ptol. hodie *Brefcia*. De hujus urbis origine varia traduntur, ſed parum explorata. Aliis certiora forte apud Livium, quem multi ſequuntur. Notat ab *Cenomanis* conditam: cum Elitovio & Beloveſo ducibus ex Galliis, per Taurinos & Alpes Iulias in Italiam tranſgreſſis. Hinc *Cenomanorum* genti tribuitur etiam à Plin. & Ptolemæo, quin & Livius lib. xxxii *Brixiam Cenomanorum* ſignat caput. Civitas eſt per vetuſta, dives, populofa, ampla, validis munita muris, arce ſuperbiens in ex pugnabili, pulchra ædificiis cum publicis tum privatis. Etiam annis perlabitur *Garcia* quem aliqui *Melan* vocant. Caſtrum habet munitiſſimum è vertice urbem deſpiciens: & egregio firmatum à Venetis præſidio: templa magnifica: monaſteria ſtupenda: hoſpitale pulchrum. In Palatio Capitanei hæc leguntur:

Hic locus odit, amat, punit, conſervat, honorat:
Nequitiam, pacem, crimina, jura, probos.

Templum & Epifcopi palatium, quin tota civitas, ejuſque territorium, omnia inquam, paſſim leſtiſſimis marmorum inſcriptionibus, ſtatuis, ſtatuarum titulis & elo- giis, variorumque epitaphiis ſunt plena. Incolæ locupletes, lauti, nobiles, ſolertis ingenii. Opibus hodie
ſi oret:



floret : *Vrbis Veneta Sponsa* cognominari solita. Fidem Christiana suscepisse traditur ab *D. Apollinari* Ravennatū præfule. Episcopatus habet titulum. De ea sic Scaliger:

*Quæ pingues scatebras specula despectat ab alta,
Postulat Imperii Brixia magna vices,
Cælum hilarum, frons læta urbi, gens nescia fraudis,
Atque modum ignorat divitis uber agri.
Si regeret patrias animis concordibus oras,
Tunc poterat dominis ipsa jubere suis.*

Est in hoc Territorio etiam *Quintianum* oppidum, viginti mill. pass. à Brixia Meridiem versus situm, prope Ollium amnem. Item *Reggiate, Bottesino, Vtele, Novalara* cum multis aliis. *Lacus* habet *Benacum*, sic dictum ab opido quod hic olim, cujusque hodie cernuntur vestigia. Hic *Lydius* Catullo, ab *Lydis*, i. Tyrrhenis, quos fama est quondam vicinos illi agros coluisse : *Lago di Garda* Italianè : *Gard-see* Germanicè ab arce orientaliore ripæ adfita. Hic *Lacus*, ut scribit ad Cardinalem Polum *Alexius Vgonius*, optimis piscibus aliis præstat, amoenissimis collibus circumseptus : undique fontes scatent ; hac illac nemora, prata virentia, vineæ, olivæ, abietes, lauri, cedri : oppida præterea rebus omnibus necessariis referta in modum coronæ illū ambiunt : ita ut nihil omnino illi desit ex hisce rebus, quæ loca campestria visu quidem pulcherrima & usu grata atque jucunda efficere possunt &c. Est & alius *Sebinus* aut *Sevinus*, nunc *Lago d'Iseo* ab *Iseo* castro quod in ejus ripa. Hic exceptum ad Septentrionem *Ollium*, rursus ad Austrum evomit. Est denique inter *Sebinum* & *Benacum* *Lacus Idrinus*, vulgo *Lago d'Idro*, vel *Idro Lago*. Nomen illi ab *Idro* castello. Alii ab *Hydra* dictum censent, quam *Hercules* hic perhibetur peremisse, piscibus abundat. Exonerant se in *Idrinum* per varios

amnes minores, qui vernaculè *Lago Cap*, *Lago Runcone*, &c. alii. *Mella* vel *Mela* hoc Territorium medium quodammodo secant. *Mellæ* nomen retinet in hunc usque diem. Non percurrit tamen ipsam, uti videre est, urbem, sed haud procul inde ipsius agrum. *Fluviolus* qui urbem perlabitur hodie *Garza* vocatur.

Ducatus Mediolanensis.

Ducatus *Mediolanensis* suo ambitu ccc milliaria complectitur. Incredibilis agro est fertilitas, copiaque rerum omnium stupenda. Tractum vero hunc *M. Marcello* & *Cn. Scipione Coss.* cum plerisque urbibus *Transpadanis* in Romanorum ditionem concessisse, formamque provinciæ accepisse, auctores sunt *Livius*, *Florus*, *Polybius*. In eadem urbe Imperatores aliquot posteriores confedisse loci oportunitate ductos, constat, *Nervam*, *Trajanum*, *Hadrianum*, *Maximinianum*, *Philippum*, *Constantium*, *Constantinum*, *Iovinianum*, *Valentem*, *Valentinianum*, *Theodosium*. *Trajanus* certè regiam hic ædificavit, quæ hodieque nomen servat *Palatii*. Debilitata autem *Cæsarum* potentia, variorum hæc urbs Barbarorum impetu convulsa est & labefactata : *Gothorum*, *Hunorum*, *Langbardorum* : quibus, *Caroli magni* auspiciis, Italiâ exactis, fidei se commisit *Francorum Regum*, inde *Germanorum Cæsarum*, quorum plerique ferream coronam, Imperii solemnia, accipere ibi, in vetusta celebrique *D. Ambrosii* æde, consueverunt, uti singulorum exemplis probat *Leander*. Tandem sub *Friderico I & II Cæsaribus*, quibus perpetuo rebellavit, novos sortita est Dominos, *Galeatios Vicecomites*, qui deinde, anno *1300* *civ*, *Duces* à *Wenceslao* Imperatore nominati. His deficienti-

Urbs
Mediolani
p. 56-77.

cientibus *Sfortia Ducum* insignia sunt adepti, consentientibus civium suffragiis, & accedente Romani Imperii auctoritate: quod Galeatii nunquam obtinere poterant. Horum stirpe majorum nostrorum ævo extinctâ, successit Carolus V. Imp. qui principatum ad Reges Hispania successores transtulit. Urbs primaria Latinis Scriptoribus omnibus *Mediolanum*, *Mediolanium* Polyb. Strab. Ptol. cui & *Mediolana*. Italis hodie *Milano*: Germanis *Meylandt*. *Mediolanum* ab Gallis Infubribus conditum: auctores sunt Livius, Trogus, alii. qui Belloveso Duce, in Italiam profecti, pulsus Tusci, fundamenta isthuc urbis locarunt: anno, ut quidam computant, ante Christum natum cccxxxix: ut alii, cccclxxx. Quid sit, antiquissima est. Nomen illi natum, iudicio V. cl. Isaaci Casauboni ad lib. iv. Strab., ab Santonium in Galliis urbe *Mediolanio*. Quidam vocem ajunt esse Germanicæ originis, quasi *Mey-landt* ab agro vernante, qualis *Majo* mense solet esse, vel *Midlandt*, quod medium esset & velut umblicus, uti etiam Iovius indicat, Infubriæ Ticino amno clausæ: vel denique *Maegde-landt* sive *Meydel-landt*, *Virginis Regio* vel *Terra*, ab Minerva, cujus ibi templum fuit, quod olim S. Salvatori, post D. Virginii, hodie D. Teclæ sacrum. Situs *Mediolano* inter Ticinum Abduamque, haud procul Alpibus, per opportunum: natura cœli solique temperatus. Inter maximas Europæ censetur urbes, mercatura opibusque florens: splendore superbit ædificiorum, templorum magnitudine, prætoriorum amplitudine, pulchritudine vicorum: mœnibus, propugnaculis, armamentariis supra modum instructa, spatium complectens immensum. Suburbia habet longa lataque, quorum nonnulla cum magnis civitatibus committi possent, altis fossis, non se-

cus ac urbs ipsa, undique cincta. Post Ædem sacram, quam *Domum* vocant, magnifice specioseque ad forum exstructam, D. Laurentii Fanum est ingens in ruinis templi Herculis excitatum. Exstant etiam nū sedecim striatæ columnæ peraltæ, magnificentissimi operis vestigia. Arcem ibi videre est, omnium ferè, quæ in hoc terrarū orbe, munitissimā, cui *Porta Iovia* nomē, inexpugnabilem, quaque in Europa nihil celebrius. Xenodochium ibi vel Nosocomium suburbanum, via Bergomati, jugerum aliquot spatio amplissimum, ab Sfortiis inchoatum, nondum absolutum. Est & Curia vetus ubi exiguum D. Gothardi Fanum, nobilibus aliquot Vicecomitum sepulchris decoratum. Multæ sunt in urbe præfati ævi inscriptiones, aliaque veterum monimenta. Aca- demiam habet antiquissimam, ubi etiam Virgilius literis operam dedisse creditur. Ad Prædicatores tam insignem esse Bibliothecā scribit Leander, ut celeberrimis Italix non cedat. Artificum diversa ibidem genera tanta frequentia, ut vulgato proverbio dicatur, *Che chi volesse rassettare Italia, si rum a Milano*, *Mediolanum* scilicet describendo, *Italiam instrui posse*, nimirum quorumvis artificum copia. Dicitur Hispaniæ Rex ex hoc Statu proventum habere octoginta aureorū millia. Administratio causarum civilium & criminalium pendet ab Senato *Mediolanensi*: in quo xvi sunt Doctores, & nonnulli Prælati Patrii que *Mediolanenses*. Archiepiscopus *Mediolanum* floret dignitate, cujus Archiepiscopus hos habet suffraganeos, *Bergomensem*, *Brixiensem*, *Cremonensem*, *Laudensem*, *Novariensem*, *Vercellensem*, *Ipporegiensem*, *Vigiliensem*, *Astensem*, *Aquensem*, *Albensem*, *Terdenensem*, *Savonensem*, *Albingaunensem*, *Vintimeliensem*, *Placentinum*, *Papiensem* & *Ferririmensem* exemptos.

Ratio
gubernan-

SSf


Hac

HAc Tabula Ditiones trium urbium primaria-
rum *Marke Tarvisina* delineantur, *Verone*, *Vi-*
centie, & *Patavii*. Occurrit primo loco *Verone*
ditio sive territorium. Ejus longitudo, quæ à
Bruchelio oppido sumitur Rivam usque in ultimo Be-
naci recessu positam, LXV est milliarium: latitudo ab
Turris Confinium Rivoltellam usque XI. Ager ex par-
te lapidosus, ac propterea incultus, ex parte optimus
est. Tritico, oleo, vino, pecoribus, vellerum item
pretiosorum cæterarumque frugum copia abundans:
nobilissimas item habens lapicidinas. Leçtissimos
etiam medicinalium herbarum thesauros, præcipuè in
monte Baldo, quibus legendis undique eo confluit *Æ-*
sculapii proles. Urbem Veronam condidisse ferunt
Tusci, apud alios *Galli Cenomani*: quibus ejectis, in fide
diu fuit & potestate *Romanorum*: quorum auspiciis *colo-*
niam eo duxit Cn. Pompeius Strabo, Magni pater. Ab
Attila, Hunnorum Rege, post vastata, variis inde sub-
dita fuit tyrannis, quorum agmen duxerunt facile *Go-*
thorum Reges: hos expulerunt *Langbarði*; *Langbardos* Ca-
rolo Magno duce *Franci*: post quos *Berengarii* ab Or-
thone I. Imp. Italia ejectis sui juris facta quietem ali-
quandiu habuit sub auctoritate fideque *Romani Imperii*.
Per vim adeptus *Actiolinus Romaninus* Præfecturam in
Dominatum convertit, exacto *Azone Atestino*, quem S.
P. Q. Veronensis Prætozem designarat. Eo defuncto
circa annum *CI CCC LIX* communibus civium suffragiis
Scaligeri magistratum gesserunt cum titulo Vicariorum
& Principum annos propemodum *CXXVIII*: quibus ex-

turbatis partim, partim veneno necatis, suæ ditionis se-
cerunt *Galeatii*, inde *Carrarienses*. Hos exterminarunt
Veneti; in quorum etiamnum potestate cōstanter & tran-
quillè perseverat. Urbis *Verona* & *Οὐρεῶνα* Ptol. nomen
hodie retinet. Germani *Dietrichs Bern*. Aerem habet
tenuem. Non absimilis Helvetiorum Basileæ: natura,
situ, pulchritudine ædificiorum est nobilis: æquo solo
recumbens: ad Meridiem, Ortum, Occasumque con-
versa brumalem: tellure ad Septentrionem leniter ad-
surgente, jugisque theatrali formam exprimen-
tibus. Atheismæ non tam dividitur, quam munitur
& circumquaque cingitur. Mille antiquitatum vestigia
veterem testantur urbis magnificentiam & divitiis.
Vias habet rectas & amplas, cōstili stratas lapide. Tem-
pla circiter *XXXV*, quorum præcipua, pervetusta *Ædes*
Cathedralis, & *D. Anastasii*; *Monasteria* *X*. In summo
clivo duæ sunt arces nobilissimæ, *D. Petri*, & *S. Felicis*.
Item *Castellum Vetus*, & quæ vulgo *Citadella*. Amphithe-
atrum ibi visitur omnium maximum, & quo nul-
lum fere integrius, media urbe adsurgens. Civitas hæc
Episcopatus gaudet dignitate. Incolæ magnifici, splen-
didi, jucundo adspectu, ingenii summi, maximeque ad
litteras idonei. Illud hoc loco non omittendum, quod
cum Veneti hanc urbem munirent, in ipsis fossis antra
excavata è topheo inventa sint; cumque in monte fode-
retur, echini saxei spectati sint, itemque conchæ,
ostrea, avium rostra, stellæque pisces, omnia in lapidem
versa.

VICENTIÆ

Regio.
Situus.Soli qua-
litas.Impa-
rium
majorum.Vrbis Ve-
rona.



Regio.
Soli ferti-
lima.

Imperium
majerum.

Vrbs.

VICENTIAE Ditio sequitur, cuius ager ut amœnissimus, ita vini, frugum, aliarumque rerum fertilissimus, præcipue mororum, quorum frondibus bombyces aluntur. Haud procul urbe duæ nobiles lapicidinae, in monte, qui *Cornelius* Latinis, vulgo *Covelo*. Sunt & marmorum in Valdano vico. Vrbs ab *Tuscis*, vel, ut scribit Trogus, ab *Gallis* condita, sequenti ævo in fide diu stetit *populi Romani*, usque ad *Attila* tempora, à quo vastata, post in *Gothorum*, inde in *Langbardorum*, postremo in *Italia Regum* fuit potestate. Iis pulsus, libertate sua sub auctoritate *Imperii Romani* est usa, usque ad *Frederici II* Imp. principatum, à quo direpta cremataq; varios habuit Dominos, *Carrarienses* Patavinos, *Scaligeros* Veronenses, *Galeatios* Mediolanenses: *Venetos*. Tandem *Maximiliani Imperatoris* armis infestata, ejusq; fidei subiecta, *Venetis* ad extremum est redita. Vrbs ipsa Trogus, Pomponius, Tacitus, aliisque dicitur *Vicentia*. *Vicetia* Plin. & Antonino: *Bisetia* & *Bitetia* Æliano, *Ovinevra* Ptolemæo, vulgo *Vicenza*. Sita juxta radices collis, duobus amnibus, qui navigabiles, Rerone & Bachilione inæqualiter divisa. Non usque adeo elegans & magna, sed populosa, rerumque omnium copia abundans. Quatuor ibi notatu digna, Palatium Prætoris magnificum, Pons unius arcus; Saxum solidum aræ majoris in Ecclesia D. Laurentii, stupendæ longitudo, Theatrum deniq; vulgo l' *Academia*. Cænobium ibidem D. Coronæ, ubi pulcherrima Bibliotheca. Incolæ ingeniis sunt vividi, ad litteras, militiam, mercaturam promptissimi, faciendæ rei perpetuo sudantes: splendide

vivunt, honeste vestiuntur. Episcopatus gaudet dignitate. Porro in *Vicentinorum* ditio oppida sunt *Marostica* celebre & divitiis affluens oppidum. *Brendulum* divitiis, nobilitate ac frequentia nobile. *Lenicum* cum opibus & multitudine, ac nobilitate, tum amplitudine, multis Italiæ civitatibus par. Est & sexto supra Vicentiam lapide, Austrum versus, pagus & castellum *Cusfodia*, quod ibi quondam noxii homines custodiri consueverint in vastis Latomiis, ad cædendos ædificiis faciendis lapides.

Oppida.

Patavii Ditio.

SVperest *Ager Patavinus* nobis in hac Tabula describendus. Hic apud Bernardinum Scardeonium describitur his terminis: *A meridie Athesis fluvius procurrit, à Septentrione Muso amnis parvus dilabitur, ab Oriente æstuarium Venetiarum, ab Occidente vero colles sunt Euganei & Ager Vincentinus*. Patet omnis hic circuitus CLXXX P.M. in quo sexcentæ & quadraginta septem villæ seu pagi. Dicere solitus scribitur ab Cœlio Rhodigino Constantinus Palæologus, nisi sciret à sanctissimis viris affirmari, in Oriente Paradisum esse, arbitrari se non alibi eum reperiri posse, quam in persuavi *Patavina amenitate*. Ager frumenti, variorum fructuum, vini etiam generosissimi ferax, unde Martialis, *Pictaque pampineis Euganea arva jugis*. Venationibus insuper, aucupii & piscationibus frequens. Mirabilem rerum omnium copiam incolæ triviali celebrant proverbio, *Bologna la grassa, Padova la passa*. Vrbs perpetuo amica sociaque

Sitas.

Soli ferti-
litas.

que populi Romani, uti patet ex Livii libro 41, & Marci Tullii Philippicis. Colonia deducta multo meliore fuit conditione, quam aliarum coloniarum: nam Patavinis jus etiam suffragiorum datum legitur, tanquam civibus Romanis. Capta direptaque cum aliis ab Attila Hunnorum Rege, annisque centum post à Langbardis, qui & igne cremarunt: cum Caroli Magni Principatu, partim sub Regibus cepit esse Italia, Francisque Caesaribus, partim sub Berengariis: sui tandem juris quodammodo facta imperatōe Othone I. Prætozem ex suis creavit & populi præfectum. Duravit hæc Reipubl. forma usque ad Fridericum II, cujus jussu auspiciisque urbem occupavit Aſſioliſinus Romaninus: post quem Dominos habuit Carrarienses, Scaligeros, Galeatios, & circa annum ab Christo nato ccccciv Venetos, quibus adhuc paret, tanquam pia mater, præsenio virium non satis compos, piæ filia (nam Patavinorum colonia, Venetia) non tam imperio, quam ministerio regenda. Patavium civitas antiquissima, flos & decus urbium, quascumque tellus Itala continet, Παταύιον Pt. hodie Padua. Ptoletiam alio loco Batobium nominatur. Nomen natum quidam putant à Padi vel Paludum vicinitate: sicque dictum quasi Padavium: nonnulli à petendo, quod avem Antenor, urbis conditor, telo petiverit; incertis conjecturis. Condidisse memoratur Antenor Troja profugus. Sita est urbs loco fertili & plano: placidissima cœli fruens temperie, summa soli bonitate, Euganeorum montium amœnitate, Alpium marisque vicinitate beatissima. Perfluit eam Brenta amnis. Ambitus duplex hodie, olim triplex: exterior sex millia ducentosque passus conti-

net, cum vi portis magnificis: interior tria millia passuum, altissimus, superne deambulacrum habens perpetuum. Magnifica porro, splendida, rebus omnibus, quæ ad vitam necessariam, adfluens; silice strata: fossis, vallisque & propugnaculis undique bene tuta: ædificia habet sacra, profana, publica, privataque magnifica & sumtuosa. Monasteria virorum sunt xxiii, & xlix virginum Collegia. Palatium ibi Henrici Imp. opus, in quo Ius dicitur, tota Italia nominatissimum, nulli sfulum columnis, plumbo tectum. Curia in super publici consilii, cum porticu, columnis marmoreis suffulta, saxo constructa, plumbeis item laminis intecta. Fora maxima sunt v: pontes xxxiix, ex lapide, fornicati, supra Brentam. Porticus amplissimæ, aræ spaciosissimæ, nosocomia iii, xenodochia totidem. Est & orphanotrophium. Domorum quatuor millia hodie suo ambitu complectitur. Incolæ summis præditi sunt ingeniis, ad arma, litteras, omniumque virtutum studia prompti. Nobilitarunt Patavium ortu suo Titus Liv., Cn. Valerius Flaccus, L. Aruntius Stella, & innumerabiles alii. Academiam habet Patavium nobilem, quæ natales suos debet Carolo Magno Imperatori, vel, ut aliis placet, Friderico II, adolescentiam Urbano iv P., maturitatem illustrissimæ Venetorum Reipublicæ. Videre ibidem est Bibliothecas varias, Græcis Latinisque libris abunde instructas, unam apud S. Ioannem in Viridario, alteram apud S. Iustinam, tertiam apud S. Antonium. Adeo vero fluminibus irrigatur hæc Regio, ut maximo incolarum commodo & utilitate, nullus agrestis vicus ultra v pass. millia à flumine distet.

Regio &
unde di-
cta.

Situs.

Ealis tem-
peries.Soli ferti-
litas.Imperium
majorum.

Vrbes.

SEQVNTVR apud Merc. Forum Iulii, & Istria cum aliis regionibus. Nomen primæ Regioni vel ab *Foro Iulio*, urbe primaria, vel ut alii volunt, ab *Iulio Cesare*, qui aliquot Legiones hac adversus Germanos duxerit. Italis hodie *Friuli*; Germanis *Friaul*: Venetis aliisque *Patria* nuncupatur. *Aquilejensem* etiam appellatam fuisse patet ex Historiis. Fines huic Regioni ab Ortū Istria: ab Aquilone, montes lapidei; qua Occasus, Alpes Vindelicæ Noricæque, qua Auster, Sinus Hadriaticus. Beant regionem cælum temperatum, aer salubris, campilati, irrigui, fructuumque omnigenorum fertiles, prata nitidissima, pascua pecoribus gratissima, item vites vinagenerantes generosissima, silvæ quocumque tam materia cædenda, quam venationibus munificæ, montes metallorum, marmorumque variorum, nec non preciosorum lapidum feraces. Inhabitarunt primum hanc regionem *Euganei*, inde successu temporis *Veneti*, mox *Galli*, postea sub *populi Romani* fuit imperio, cuius maiestate inclinante in *Langbardorum* venit potestatem. Iis successerunt *Imperatores*, his *Berengarii*, quibus excisis in ditionem rediit *Imperii Romani*. Donavit bonam ejus portionem *Aquilejensi Ecclesie* *Otho* Imp. reliquamque cum Istria *Conradus*. Fecerunt tandem sui juris *Veneti*, circa annum cccccxx, qui hodieque ibi dominantur, licet pleraque *Comitibus Dominisque* sub sit peculiaribus. Metropolis hujus regionis *Vrinum*, vulgo *Vdene*, Germanis *Vveyden*. *Leander* arbitratu antiquum esse opidum, ejusque mentionem fieri apud *Plinium*. *Niger* credit *Ptol.* aliorumque *Forum Iulium* esse; non bene. Quidquid statuendum sit de prima origine, urbs

est ampla & magnifica, rebus omnibus necessariis adfluens. Ambitus ejus milliarius est quinque. Veneti hodie *Remp.* regunt missis eo præsidibus, quos *Locumtenentes* vocant. Civium in ea numerus est xvi millium. Sunt & aliæ urbes, *Aquileja*, *Aquilegia* vulgo, *Aglar* Germanis. Sita ad Natifonem fl. Vrbs olim fuit ampla, copiosa, mœnibus firmissima, templis, magnifico theatro, aliisque operibus publicis & privatis supra modum ornata. Hodie infrequens est colonis, & ad solitudinem propemodum perducta; quæ quondam summo fuit splendore, summaque amplitudine. Fidem sequuta legitur constantissime *Imperii Romani* usque ad *Attila* Hunnorum Regis tempora, à quo totum obfessa triennium magna annonæ inopia laborans, tandem capta est & vastata, obtruncatis xxx fere septem hominum, qui in eo degebant, millibus, reliquis *Gradus* insulam fuga elapsis. Post ab *Narsete* restituta, in *Langbardorum* aliquandiu fuit potestate, usque ad *Caroli Mag.* in Italiam adventum; ex quo *Italia Regibus*, deinde *Imperatoribus* paruit. Post sub ditione *Patriarcharum* esse cœpit, ab iis ad *Venetos* venit, sub quibus jam nunc pace alta & tranquillitate fruitur. Cæterum *Patriarchatu* *Aquilejensi* sub sunt *Episcopatus* hi, *Concordia*, *Pola*, *Parentium*, *Triestinis* vel *Tergestinis*, *Comacensis* vel *Petenensis*, *Iustinopolitanus*, *Madrientis*, *Civitatis Novæ*, vel *Emoenensis*. Reliquos quære *Tabula secunda Lombardiæ*. *Graden* vero *Castellanensis* vel *Venetiarum* *Episcop.* *Ter-cellanensis*, *Equilensis* vel *Eusulanus*, *Caprulensis*, *Clodiensis*, *Civitatis Novæ*. *Goritia*, *judicio* *Leandri*, *Iulium Carnicum* *Antonino* & *Ptol.* Alii de *Iulio Carnico* aliter statuerunt.

Amataus



Amasæuslib.de Venet.finib. *Goritiā* notat ubi quondam *Noreja*. *Noritiam* Candidus. *Goritia* suos habet Principes, qui Ducibus Austriae parēt. Oppidum est opibus & nobilitate clarum. *Portus Gruarius*. Plin. *Portus Romatinus*, *Spilimbergum*, natura loci opereque munitissimum. *Maranum* frequentia divitiisque clarum. *Mons Falconis* nobile divesque oppidum. Est & *Palma* Civitas & Arx rotunda à Venetis exstructa anno 1503, cuius fundamentis substrati sunt nummi, cum hac inscriptione, parte unâ, *Pascale Ciconia Duce Venetorum, an Dom. 1503*. parte alterâ, *Fori Iulii, Italia, Christianae fidei propugnaculum*. Reliqua minorum gentium oppida prætereo. Flumina ad hanc regionem pertinent, *Romantinum, Tilaventum, Sontius, Frigidus, Natiso, Alsa, Turrus*, alia. Indigenæ ad humanitatis artes, mercaturam, aliaque honesta studia aptissimi.

Istria.

Foro Iulii succedit *Istria*, Latinis Græcisque Scriptoribus satis nota, nomen hodie servans, Germanis *Hister-reich*, quasi *Istria Regnum*, dicta. *Iapydiam* quondam fuisse nuncupatam indicat non obscure Pl. *Peninsula* formam refert pleraque, inter duos sinus, *Tergestinum* & *Carnarium*; Mari cincta *Hadriatico*, ab Septentrione Alpibus munita *Carnicis* & *Noricis*; ab occasu anteaquam in Mare excurrere incipiat, *Formionem* habes amnem; *Arsum* vero fl. ab *Ortu*. Latitudo XI. P. M. Ambitus, cxxii, ab *Formione*, quem dixi, ad *Fanaticum* usque promontorium, vel intimum *Carnarii* sinus angulum extensâ. Tota regio asperior est, collibus tamen

potius, quam montibus ornata, qui vini, olei, aliorumque fructuum feraces, frumenti ceterorumque leguminum infœcundiores, exceptis agris *Pisino* & *Humagio*. Mons ibi est, qui *Major* vulgo, benignus herbarum simplicium, quas avidè extranei quæsitum huc properant Medici, genitor. *Salem Istria* abundè præbet. *Saxifodina* ibi non inutiles. In *Roviniensi* agro marmor ceditur, quod *Istricum* dicitur, maximi per *Italiam* precii. Porro *Istria* ex parte *Venetorum* est, ex parte *Austriacorum*. Specialiora videamus. Per oram incedenti occurrit statim *Iustinopolis*, urbs *Cheronesi* primaria. Sic doctis vocatur, quæ vulgo *Cabo d'Istria*. Nomen prius ab *Iustino* Imp. posteriore deinceps nomine cœpit dici, quod *Foro Iulio* egressis in capite adituq; Regionis occurrat. Parvam occupat insulam, quæ pass. longa mille, latitudine modica: trino teli jactu divisa ab continenti, cui jungitur pontibus, qui versatiles. Arcem habet in medio, quatuor munitam turribus. In *Venetorum* hodie est ditio. Succedit in ora quinto ferè lapide castellum *Insula*: continenti ponte lapideo nexum. Sequitur mox *Vranum*, *Italis Castellatium*, & postea *Castillierium*. vulgo *Castelier*. Quingentis hinc passibus ad D. *Simonem* devenitur: inde millia v *Piranum* abest; totidem hinc *Salvorum*: pari propemodum intervallo *Vinacum*. Ab *Vinaco* millia duo numerantur ad D. *Peregrinum*: hinc ad D. *Ioannem della Corne* pass. mille: totidemque dein ad *S. Laurentium* vulgo *di Daila*: mox ad alterum lapidem ipsa *Daila*, & ad tertium *Civitas Nova*, olim *Aemonia*. Post *Quietum* fl. tria mill. sunt ad *Portum Cerverium*. Visitur quarto inde lapide *Parentium* civitas, hodie *Parento*. Sequitur mox oppidū *Orser*, Latinis *Urserium*. Superato

Soli qualitas.

Urbes.

Regio.

Situs.

perato Lemo, *Rovinium*: tum mox quæ vulgo *le Colonne*, *Portesol*, *Mutazzo*: indeque promontorium *Cisani*. *Muratio Phasani* tria sunt millia, hinc ad *Vallem Bandoniam* duo, totidemque ad *Marcodainum*: tria inde ad *Portum Pola*: Conspiciendam deinde se præbet in alto difficilique monte urbs Episcopalis *Pola* priscum nomen retinens. In solo plano sita, Tergeste millibus circiter c. abest: Anconâ, tractu maris Hadriatici, mill. cxxx. *Istria* fluvii sunt: *Risanus*, *Draconia*, *Quietus*, *Lemus*, *Arfia*. Silvæ etiam sunt, tum aliis usibus, tum ad naves exstruendas materiam affatim subministrantes. Incolæ re sunt tenuiore, Venetis omnem negotiationem ad se trahentibus. De *Vindorum Marchia* infra dicendum erit, eoque de ea scribere hic supersedebo. De *Karstia* & *Cilia Comitatu* vix habeo quod scribam: pauca de *Carniola* subijciam.

Carniola.

Regio.

Carniola à *Carnis* populis, quemadmodum & *Carinthia* nomen obtinuit. De his *Volaterranus* Geographiæ lib. 11: Supra *Istros Carni* sunt, lata regio, à *Foro-Julien*sibus incipiens, atque ad montana pertinens. Regio ipsa *Carniolæ* montosa licet & alpestris, quemadmodum & reliquæ hujus tractus provinciae: vini tamen, olei, fructuum ac frumenti hinc inde copiam proferit. *Carniolam* autem duplicem statuunt: *Siccam* scilicet, quæ aquarum indiga est: alteram irriguam, in qua *Savus* fl. ortum habet, & *Nauportus* qui *Labacus* hodie dicitur, & alii plures flu. *Ducatus* titulo ornata est. Vrbs primaria *Labacum*, ejusdem cum fl. nominis. Nonnulli *Goritiâ* in *Carniola* collocant, quam nos supra in *Foro*

Scl. fertilitas.

Vrbes.

Julii recensuimus. In *lava Sontii* ripa sursum propugnacula reperiuntur bina, quondam à Venetis ad tutelam fl. condita, ne *Turcarum* excursionibus hac, uti prius, pareret via. Reliquæ, quæ hic recensentur, in *Foro-Julio* à nobis commemoratæ sunt. Porro in hac regione lacus est, qui singulis annis messem, piscationem & venationem præbet. Adcolæ *Zircknitzerssee* nominant ab oppido *Zircknitz*, quod in ejus ora situm. Sed libet ejus descriptionem paulò accuratius ex *Georgio Wernero* hic describere. Clauditur is circumquaque montibus: patet ad sesquimilliarium, minus laxâ latitudine. Ex montibus circumpositis rivi quidam ignobiles procurruni suo quisque alveolo: ab orientali quidem plaga tres, ab australi v. Singuli quo longius fluunt, hoc minus scatent aquis, terra nimirum ipsos combibente, donec postremo absorbeantur scrobibus faxeis, ita natis, ut humano opere excisæ videri possint. Itaque quacumque pateat locus, diffunduntur aquæ, & lacum efficiunt. Hæ aquæ non minus ferè celeriter recedunt, quam accefferunt, sed non per scrobes illas tantum, sed universa penè terra eas non aliter recipiente, quam si per cribrum diffunderentur. Quod cum fieri sentiunt adcolæ, continuo grandioribus ejus meatibus, quoad fieri potest, obstructis, agminatim advolant ad piscationem, quæ non modo jucunda, sed etiam perfructuosa est. Nam hi pisces sale conditi magna copia ad vicinos exportantur. Porro siccato lacu fit messis, qua parte solum confutum, & idem rursus conseritur, antequam inundet. Graminis ita est ferax, ut post vigesimum diem secari soleat. Quis hic ludentis naturæ miracula non suspiciat? Sed de his hætenus, ad reliqua pergamus.

Ttt

SEQUI-

Regio.

Sicilis.

Solifert.
litas.Imperium
maiorum.

SEQVITVR *Tuscia*, antiquis Scriptoribus tribus præcipuè nominibus celebrata: *Tyrrhenia*, *Etruria*, *Tuscia*: ex his tribus postremum sanè hodieque retinet. *Toscana* namque vulgo audit. Fines ejus sunt ad Meridiem mare Inferum, sive Tyrrhenum; ad Septentrionem mons Apenninus, ubi Umbria & Gallia Togata pars: ad Occasum Liguria, à qua Macra fl. determinatur: ad Ortum Tiberis. Terra ipsa quæ mari propior, planior est, oraque spectatu jucundissimæ; intus montosior: universim pulcra, nobilis, nullique Italiae regioni sua beatitudine postponenda. Latos latosque aperit campos, rerum omnium fertiles; amœnissimas valles, montes, collesque, prædiis, hortis, arboribus, præcipuè malis medicis citreisque confitis, nitentes. Vinetis abundat vina producentibus generosissima. Veteres incolæ universim dicti quondam *Tyrrheni*, *Etrusci*, *Tusci*. Cum *Tusci* jam inde ab Romuli tempore populus Romanus bellum gerere cœpit, perpetuoque temporum tractu gessit, adeo ut, rebus ad periculosissimum statum adductis, sæpe Dictatore contra ipsos fuerit opus. Anno Urbis ccccxxiv Vulsinienfibus & Vulcientibus florentissimis *Etruscorum* populis victis per Ti. Coruncanium Cos. Romano Imperio sunt adjecti, atque ea parte Imperium ad Arnun usque est propagatum. Neque post id tempus justum cum *Tusci* bellum fuisse gestum memoratur. Ita subjugari constanter in fide populi Romani manserunt. Inclinantibus Romanorum rebus, varias sunt calamitates passi ab *Gothis*, *Langbardis*, *Hungaris*, aliis. Eo tandem ventum est, ut

Etruria nunc, majorem partem, *Magno Etruria* pateat *Duci*, sub cujus Imperio nobilissima sunt *Florentia*, *Pisa*, *præes*, *Sena*, *Pratum*, *Pistorium*, *Volaterra*, *Mons Politianus*, *Aretium*, *Cortana*, *Pescia*, *Pienta*, *Mons Alcinus*, *Liburnum*, *Plumbinum*, aliaque quam plurima oppida. Ad *Summum Pontificem* pertinet *Patrimonium* quod vocant *S. Petri*. Id ab amne *Pescia* & à *S. Quirico* capit initium, & ad *Caparanum* usque *Castrum* in novo Latio non procul ab *Liri* fl. producit. Ditionis *Hispaniarum Regis* sunt *Pontremulum* juxta *Macra* fl. fontem, quod olim *Ducum* fuit *Mediolanensium*, deinde *Portus Hercules*, *Orbetellum*, *Mons Argentarius*, & *Plumbini Arx*, *Carfeniana* seu *Grasfiniana Vallis*, sub Apennino ultra citraque *Serviam* amnem posita, in qua castellum novum est *Gransfinianum*, cum plurimis aliis castellis vicisque, sub potestate *Ducis Ferrariensis*. *Sarzana* apud *Macram* fl. ad *Genuenses* spectat. *Massa* & *Carraria* particularium sunt *Marchionum*, qui earum titulis decorantur: alia quoque sunt oppida, Romanis quibusdam proceribus subiecta, inter quæ *Bracianum Vrsinis* Ducatus titulum præstat. In *Tuscia* porro hæ sunt urbes maximè præ cæteris memorabiles: *Pisa* urbs stupendæ vetustatis, *Pisæ* Trogo & aliis. Incolæ singulari valent memoria: quod urbs crassiore fruatur aere. Jacet inter amnes *Auserem* & *Arnum*, ut *Strabo* *Plinius*que notant. Hodie *Arnus* per eam fluit, tribus ornatus pontibus. Vetustatem ejus & nobilitatem celebrat *Dionysius Halic. lib. i.* Connumerari solitam primis XII *Etruriæ* urbibus tradunt alii. *Pisæ* Magnus *Etruriæ* Dux sæpe moratur, & in ea domicilium



micilium habent Equites D. Stephani, ab magno Duce instituti. Primarium templum quod *Domum* vocant, ambitum habens *xxl* passuum, columnisque subnixū *lxx*, & splendidas Præfulis ædes ex spoliis ædificavit *Pisani*, quæ devictis ad Panormū Saracenis retulerunt. Ager suburbicarius fegetibus est per commodus: adeoque fertilis, ut *Etruriam* ferè totam pascat, & exteris etiam annonam non neget. Vina ibi notæ non admodum probæ: pepones optimi. *Luca*: *Tusci delitium*, *Tusci laus inclyta Cæli*, inquit de ea Iul. Scaliger. *Luca* Latinis Græcisque scriptoribus notissima: Strab. & Ptol. *Luca*. Nomen retinet, litteris omnibus. Vrbs, templis & ædificiis splendida populoque frequens, jacet in planicie, collibus undique circumdata; mœnibus est firmissima, quadrato strata silice, spacio parvo, sed civibus aucta & nogociationum plena. Incolæ lauti sunt, prudentes, ingeniosi: quique libertatem diu sapientissimè conservarunt integram, licet finitimorum bellis haud raro petiti. *Pistorum* hodie *Pistoja*, mœnibus cincta aucta que plurimum legitur ab Desiderio Langbardorum rege: iisdem post nudata, fossis impletis & undique complanatis, omnique agro inter Florentinos & Lucenses diviso. Tandem Florentini totam suæ subjecerunt ditioni. *Florentia*, Etruriæ caput & Metropolis. Hodie vulgo *Fiorenza*, vel *Firenza*. *Florentia* nomen id habere putatur vel ab *Flora*, cui ob felicitatem florentemque fortunam similis: vel ob *florida* excellentiaque incolarum ingenia, vel denique quod ab Roma deducta esset omnium urbium florentissima. Ambitum habens sexmillium, supra nonaginta millia continens incolarum; æquali loco jacet ad Arnum, quo interfecatur,

quatuor eximiis conjuncta pontibus, silice quadrato strata, latis ornata plateis: collibus cincta est Theatri instar ab Oriente & Septentrione amœnissimis, quique undique fructiferis vestiti arboribus: qua Occidens est pulchram habet planiciem: cæli regione inter Aretium & Pisam media mistaque, quarum urbium prior acutissima fert ingenia, altera homines memoria valentes singulari. Munit eam contra vim externam hostiumque incursiones brachiis aliquot suis Apenninus. Splendore & elegantia summâ est, ut voce incertoque vulgi sermone feratur, *Fiorenza la bella, totiusque flos Italiae*. Multa hic cum sacra tum prophana publica ædificia, quæ brevitatis studio prætereo. Incolæ acuti, graves, facundi, bonarum artium studiosi. Pecuniæ sunt studiosiores, cujus conquirendæ desiderio in ultimis etiam terris negotiantur. Mulieres formâ pudicitiaque præstantes, earumque, ut & virorum, vestitus supra modum egregius & decorus. *Volaterra*, *Ὀὐλατέρραι* Ptol. *Aque Volaterræ* Itinerariæ Tabulæ, difficili asperoque jugo est imposita. Mœnia quadratis constant lapidibus, longitudinis senum ferè pedum, qui eleganter & adfabrè absque bitumine compositi. Quinis in urbem portis aditus datur, pro singulis fons eximius aquas ejaculatur purissimas. Antiquitatē ejus arguunt muri, quibus adhuc cingitur, sepulchra, epitaphia litteris Etruscis posita, veterrimæ ex marmore statuae, lapides elaborati, qui indies hic eruuntur, & alia. *Sena* Ptol. *Sena Julia* Itinerariæ Tabulæ, vulgo *Siena*, Româ distans *xxccc* stadiis edito sita est loco, cis Arbiā, flexu sinuoso propter montis dorsum, lateribus angustior & proclivior, tria habens quasi cornua, quorum quod Meridiem spectat, latius

latius est iis, quæ ad Ortum sunt & Occasum. Cælo utitur benigno & salubri, nisi quod subinde noxiis infestetur ventis: aere temperatissimo. *Italia* *delicias* multi vocant poëtæ. Strata est *Sena* latere coctili, plateis recta & longa, alta turribus. Frequentia nitet nobilium ædificiorum. Cives cum suavissimis, tum elegantissimis sunt moribus, maximaque humanitate erga externos etiam præditi, quæstui dediti & civilis vitæ muneribus. *Perusia* Prol. *Perusium* Eutropio & Itinerariæ Tabulæ. Hodie *Perugia* *Ital.* Colli infidet Apennini, natura loci permunita. Ædificia habet cum publica, tum privata, valde nobilia, ampla, excelsa. *Viterbium* jacet specioso spaciofoque loco, jugis Cyminiis à tergo imminentibus; lapide quadrato ædificata, turribus plena. Inter opera publica fons est insignis, & maxima cum admiratione copiosus. Urbicarius illi ager bonus & fertilis: vino abundans & frugibus. Lacus in Etruria visuntur non pauci. *Trasumenus* Livio aliisque, *Trasimenus* Silio, hodie ab urbe vicina *Lago de Perugia*. Aprilis Lacus Antonino, hodie *Fangosa Palude*. *Marinus*, qui & *Salsus*, *Lago d' Orbitello* vernaculè. Lacus *Vadimonis*, *Cyminius*, *Volsiniensis*. *Sabatius*, *Palus Bientina*, *Ciana*. Fluviiis scatet piscium optimorum fecundissimis, qui sunt *Laventia*, *Frigidus*, *Anser*, *Arpus*, *Cecinna*, *Cornia*, *Alma*, *Brunus*, *Vmbro*, *Osa*, *Albengia*, *Floris*, *Martha*, *Minio*, *Eris*, *Vacina*, *Sanguinaria*, *Aron*, & alii nonnulli. Habet & saluberrima balnea, no-

bilissimas thermas, aliasque aquas mirabili præditas virtute. Montes hic sese offerunt cum alii, tum *Cyminus* Livio Vibioque notus, nec non Virgilio. *Soractis* *Montes*. Plin. *Monte de S. Silvestro* hodie. *Fesulanus* *Montes* habet etiam in Etruria Orosius, *Cortoneses* etiam ibidem sunt ad Septentrionem *Trasumeni* lacus. *Silvæ*, *Volsiniensium* *Silvæ*. *Lucus*, *Silva Cyminia*, *Mæsia*. Academiæ habet *Pisis*, *Senæ*, *Academia*. *Perusia*. Bibliothecas item varias, *Pisæ* apud Dominicanos, *Luce* apud Franciscanos: in urbe Florentina vi, *Senæ* i & *Perusiæ*. Etruscos porro gentem *Italiæ*, opulentissimam armis, juribus, pecunia esse ajunt Livius & Diodorus. Ceremoniis maxime semper addictos fuisse, constat ex antiquis Scriptoribus, ut qui sacrificia, divinationes, auguriaque primi Itolorum invenerint, eaque Romanis tradiderint, Tullio de divinatione, aliisque notantibus. Episcopatus *Tusciæ* hi commemorantur à *Mercatore*, *Nepefinus*, *Castellanensis*, *Montis Falconis*, *Viterbiensis*, *Suanensis*, *Soano* opinor, *Castellanus*, *Vulteranus*, *Senensis* Archiepiscopus. *Fesulanus*, *Zarzanensis*, *Sutri*, *Ortanensis*, *Cornetanensis*, *Tuscanensis*, *Clusinus*, *Aretinas*, *Pientinensis*, *Pontito* forte, *Pistoriensis*, *Binenis*, *Corthonenis*, *Civitatis*, *Balneorigensis*, *Vrbetanus*, *Castrensis*, *Perusinus*, *Grossetanus*, *Lucanus*, *Florentinus*, Archiepiscopus. *Lunensis*: *Pisæ* Archiepiscopus. cui subsunt *Messanensis*, *Civitatis* & reliqui Episcopatus in *Corfica*.

Statu Ecclesiasticus.

Regio &
unde di-
citur.

Situs.

Soli ferti-
litas.Imperium
majorum.

Urbes.

MARCHIA vel *Marka Anconitana* ab Langbardis nomen accepit, ab *Ancone* emporio celeberrimo, quod sedem & domicilium dabat Marchionibus universæ regionis dominis & moderatoribus. *Picenum* nominatur Livio, & aliis. Conregionales Picentibus sunt ad Meridiem quidem Sabini, Vilmbrici, Vmbri cum Apennino monte: ad Occidentem Galli Cisalpini cū Isauro fluvio: qua Septentrio est, sinus illos pulsata Adriaticus: in Orientali limite statuendo variatur. Plinius Aeternum ponit amnem & Anconem: Ptol. Matrinum flu. cum Ancone. Novitii, in quibus princeps Leander, Truentum signat finitorem inter hos & Præturianos. Ager Picenus (ut cum Livio loquar) rerum omnino fertilis: fructibus tamen lignariis, quam frumentariis, præstantior. Nobilissimum vinum ad Sirolum oppidum colligitur, quod Plinius *Anconitani Vini* celebrat nomine. Regio majore ex parte sub ditione summi est Pontificis: cujus ea sunt; *Ancona, Recanatum, Fanum D. Mariæ Laureti, Camerinum, Fanum Fortunæ, Tolentinum, Firmum, Maserata*, & alia quædam oppida: *Eugubium, Caglium, Forum Sempronii, S. Leo, Senogallia, Vrbini*, aliaque nonnulla sub aliorum sunt Principatu. Urbis ejus primaria *Ancona, Ancon* Ptol. hodie nomen retinet, quod impositum urbi ab ora ibi flexu, cubiti formam efficiente. Opposita Promontorio Cúmero, mari suoque portu clauditur à Septentrione: portis porro, propugnaculis murisque undique munitissima, Pontificum præsertim Romanorum industria. Portum inprimis habet, qui natura arteque validus: aditu peropportunus: multarum navium capax: ab Trajano Cæsare exstructus. Propugnaculis urbs sex super-

bit, quæ omnia suis tormentis bene instructa. Continua Græcorum, Illyricorum, Pannonum, imo totius Europæ mercatura præsignis, viis longissimis, sed angustis, frequens habitatur. Ager suburbicarius, rerum omnium & vini est fertilis. Sunt præterea *Firmum*, hodie *Firmo*. *Firmianus* fuit *Cælius Lantantius*. Urbs vetus est *Ricinetum, Reccanoto*, vel *Recumati*, vel *Ricanati* Italici hodie; emporium est celeberrimum, venientibus eo bis ad Nundinas, statis anni temporibus, ex tota Europa Asiaque pleraque Mercatoribus. Stupenda *Helvia Ricina* vestigia passim in itinere per agros monstrantur, inter alia lateritium Amphitheatrum ingens in ripa fluminis *Potentia*, aliaque magnorum ædificiorum rudera. *Auximum* antiqua & Episcopalis civitas, vulgo *Ofino*, *Oximum* Livio. Summam loci antiquitatem testantur passim plurima nuper reperta hic epitaphia & elogia. *Fabrianum*, Latine scribentibus *Faberiana*: oppidum quatuor nobilissimis Italiæ castellis ob ædificiorum splendorem connumerari solitum: opificum tabernis frequens, quæ ita distributæ sunt, ut vici singuli proprias habeant uno in loco, fabri suas, calceolarii suas, chartarii suas. *Senogallia* urbs Episcopalis. *Senam* prius appellatam fuisse patet ex Polybio & aliis. Deinde *Senogallia* cepit audire. Hodie *Sinigaglia* vel *Sinegalia*: oppidum cælum habet grave: parvum est, & ab Occasu Misa fl. adluitur: muro validum lateritio, valde crasso, vallo ite & propugnaculis. Penuria laborat propter maris vicinitatem aquarum dulcium, importatis uti coacta. *Fanum* oppidum Episcopale non magnum, in monte situm, vulgo *Fano, Fanum Fortunæ* Tacito & Ptolemæo. *Fani*, quod ibi Fortunæ sumtuosissimum olim dedicatum, adhuc magna



magna monstrantur vestigia. Visitur ibidem arcus ex marmore, sumtuoso nobilique opere factus, altus cubitos xxx, latus xx. Fastigio, quod mirabili arte elaboratum concidit, insculptum legitur Constantino Imperatori elogium, quod apud alios. Adluitur ab Argilla fl. *Forum Sempronii*, nunc *Fossumbrunum*, *Fossumbruno* oppidum Episcopale. vestigia ibi antiquitatis quamplurima: præter aquæ ductus, vias silicatas, columnas & alia, marmora multa cernuntur disiecta cum antiquis inscriptionibus, quæ ab aliis collecta. *Pisaurum*, urbs Episcopalis, hodie *Pesaro*. Emporium Italiæ celebre, mercimoniis dives, amplum, splendidum, pulchris ædificiis ornatum. *Vrbium* alto situm monte & inæquali loco inter eosdem amnes; urbs est lautissima, splendideque satis ædificata, bono & fœcundo agro. Illustrat eam præcipuè Bibliotheca, libris optimis & multis referta. In Piceno ad latus montis Victoris lacus invenitur famâ nobilitatus: *Nursinum* dicunt. In eo Cacodemones innatare vulgus imperitum dicitur: quoniam aquæ perpetuis motibus salire, & vicissim subsidere cernuntur, equidem non sine ingenti illorum admiratione, qui causam ignorant. Flumina eam rigant *Truentus*, *Tronto* vulgo, *Casellanus*, *Asonus*, *Letus* mortuus, *Tenna*, *Chientis*, *Flasira*, *Letus* vivus, *Asinus*, *Potentia*, *Muson*, *Efinus*, *Misa*, *Sontinus*, *Cefanus*, *Metaurus*, *Cantianus*, *Boasus*, *Argila*. Inter montes verò, præter *Furcas*, *Pescas*, *Auximus* est ab *Auximo* urbe, & *Corvus*, unde cum *Albula* & *Truento* multi fluunt amnes per Marrucinos, Prægutianos, Marfos. Ceterum *Apenninus mons* hoc loco, ubi huic regioni imminet, editissimis jugis seipsum superat. Episcopatus hic sunt, *Asculanensis*, *Firmianus*, *Camerinensis*,

Auximanensis, *Humanas*, *Anconitanus*, *Efinensis*, vel *Exinas*, *Senogalliensis*, *Fanenensis*, *Pisaurensis*, *Forosemproniensis*, *Calliensis*, *Vrbinas*, seu *S. Leonis*, *Maceratensis*, *Racanatensis*.

Spoletinus Ducatus.

Spoletinus Ducatus, vulgo *Ducato di Spoleto*, ab urbe *Spoleto* nomen habet, quæ olim Regia fuit Ducum Langbardorum. Olim *Vmbria*. Latissimos *Vmbriæ* fines olim habitos non obscure colligitur ex Strabone, qui montem illi Apenninum & Hadriaticum mare pro limitibus adsignat. Longitudinem à Ravenna Otriculum vel ad Tiberim, per viam Flaminiam alii demonstrarunt, quo spatio circiter stadia continentur, vel miliaria cxxvii & semis. Regio nunc altis asperisque quasi horret montibus, nunc collibus vestitur, qui vini, olei, ficuum, aliorumque fructuum mirum quam fertiles, nunc denique amœnissimas pandit planicies, nihil non frugum abundè ferentes. Urbes *Ducatus Spoletini* sunt *Eugubium* ad Apennini radices positum, aditum præstante amœnâ pulcrâque planicie. Sunt qui volunt esse, quod *Inginium* Silio: *Iguvium* Cicer. *Ἰσχυιον* Ptol. Oppidum pervetus, multis antiquitatem suam testans hodieque vestigiis. Frequens hodie: incolis industria summa lanariam negotiationē tractantibus. Ager campestris partim, partim collinus. Frumenti undique ferax. *Nuceria*, lateri item Apennini adhærens: *Nucerium* Tabulæ itinerariæ, *Nocera* vulgo. *Fulignum*, *Fuligno* vernaculè, sexaginta supra centum stadiis Perusia distans. *Fulgimia* Silio Italico. *Tinna* dividitur flumine parvo & inglorio.

Lacus.

Flumina.

Montes.

Regio.

Situs.

Soli quas
litas.

Urbes.

glorio. In foro Palatia sunt tria : in uno habitant VII *Viri Fulginales*, ad quos primum civiles deferuntur controverſiæ, Magiſtratu fungentes bimeſtri : in altero *Prætor*, qui gravioreſ cauſas dijudicat, cujuſ munuſ ſex durat meſeſ : in tertio *Gubernator*, cui ſumma poteſtas Pontificiſ nomine tribuitur. *Aſiſum* ab *Aſi* monte proximo dictum, *Aſiſum* Ptol. *Aſiſum* Str. *Aſeſi* vulgo & *Siſi*; *Episcopatus* dignitate claret. Patria eſt *D. Franciſci*, familia Minorum conditor, templo ibi honeſtatuſ ſuntuoſiſſimo. Eſt hic *Bibliotheca* inſtruſtiſſima. *Mons Falco* oppidum amœniſ in collibuſ, novum quidem, ſed incoluſ frequenſ, quo *B. Clara*, *Eremitarum* ordinis virgo, fertur orta. *Spoletum*, à quo *Ducatuſ Spoletini* nomen *Vmbriæ* tributum, vulgo *Spoletto*, *Spoletium* Str. & Pt. Situm eſt inæqualiter, partim in plano, partim in colle, cui & arx inſidet muniſſima, ex vetuſto quondam amphitheatro, quod hic erat, facta. Vrbeſ hodie ſplendida eſt, & omnium rerum affluit copiâ. Videre ibidem licet præter alia magni ævi ædificia & antiquitateſ reſiduâſ, *Theatri* fundamenta, vetuſtiſſimum extra urbem *Concordiæ Fanum*, formaſ ibidem ſublimeſ ac ſolidâſ aqueductuſ, ex *Apennini* coſliſ partim exciſaſ, partim opere lateritiſ ex ima valle fornicibuſ in altum ſubductiſ. *Cereturum* novi nominis oppidum, ſed frequenſ, à quo *Ceretanu* vocantur erroneſ, qui nunc per univerſam *Italiâ* diſcurrenteſ ſanctitateſ religioniſque prætextu variuſ artibuſ emungere ſtipem conſueverunt. *Pons Caſtella-*

nus, *Ponte Caſtello*, ab *Ceretanu*ſ conditum. Eo ortuſ *Ioanneſ Pontanuſ*, vir magni nominis & omni doctrinarum genere præſtantiſſimuſ. *Comiſſa* novi nominis oppidum, mentoſo ſitu, frequenſ admodum. *Interamna* Str. *Interamna* Antonino, *Interamnium* *Itinerariæ* Tabulæ : vulgò *Terni* vel *Terani*. Rebuſ omnibuſ ad vitam neceſſariuſ abundat, incoluſ frequenſ. Agro inſigniſ ab fl. eſt fertilitaſ. Vinum notæ optimæ. *Vernaccia*. *Tuder* vetuſta civitaſ in colle amœno ſita, ficubuſ, oleiſ, vitibuſ, aliſque fructiferiſ arboribuſ ornato. Lacuſ habet *Floridum*, *Velinum*, *Cutilienſem*. Monteſ autem præter *Ingiſium*, cujuſ meminit *Strabo*, *Eugubinum*, *Floridum* & alioſ, ſunt, qui *Cornicli* Halic. Latinuſ forte *Corniculi* : videtur *Zonaraſ Carnitaſ* vocare. *Crustumeni* Monteſ ibidem, ex quibuſ *Allia* fl. præalto alveo deſluit. *Ficelluſ* juguſ illud *Apennini* *Plinio* dicitur, unde duobuſ erumpit fontibuſ *Nar* fl. hodie *Monte Ficello*. Sequitur inde parſ *Apennini*, quæ *Mons Viſtor*; ubi *Apenninuſ* ſupra *Caſtellum Arquatam* altuſſimâſ cacuminiſ efferitur, ut adeo ſeipſum celſitudine videatur ſuperare, id eſt, ut adhærentia circumquaque juga cetera, quamquam editiſſima, longè vincat, ideoque ex re nomen huic culmini datum *Mons Viſtor*. Incolæ reliquiſ *Italiæ* populis ſunt bellicoſioreſ. *Ariminenſiſ* *Episcopatuſ* ſubeſt *Ravennateſi* *Archiepiſcopatu*. *Episcopatuſ* in *Ducatu Spoletino*, ſunt, *Aſiſinaſ*, *Fulginaſ*, *Nucerinuſ*, *Eugubinuſ*, *Spoletinuſ*, *Tudertinuſ*, *Amelienſiſ*, *Narnienſiſ*, *Interamnienſiſ*.

Lacus,
Montes.



Regio &
unde di-
cta.

Situs.

Solis fer-
tilitas.

Urbes.

Offeret se nunc percurrendum *Latium*, Italiae Regio: quæ nullis non auctoribus celebrata. *Latium* dictum putatur ab Saturno, qui patria profugus in his locis latuisse fertur. Varioni placet *Latii* nomen huic Regioni datum, quod inter Alpium & Apennini sublimes præcipitesque rupes, mare, Tiberim atque Lirim, tanquam abscondatur & lateat. Aliis *Latium* ab Latino nominatur Rege. Nonnullis ab *Latitudine* derivatur, quod nulla Italiae Regio latius se inter montes & mare adpiciendam præbeat. Hodie *Territorium Romanum* vel *Campagna di Roma* vocant. Fines Latii plerisque statuuntur ad Septentrionem Apenninus mons & Anio fluvius: ad Ortum Liris: qua Meridies est, mare Tyrrhenum, qua Occasus, Tiberinum flumen: ambientibus illud populis, Tuscis, Sabinis, Marfis, Samnitibus, Prægutianis & Campanis. Fertilis & abundans est regio: præterquam aliquibus in locis propter Ortam: quibus cum aspera saxosaque habet multa, tum Paludes, & ex Paludibus Aërem vitiosum atque gravem. Primi incolere *Siculi*, *Aborigenes*, *Pelasgi*, *Arcades*, *Aurunci*, *Volsi*, *Osci*, *Ausones*, & alii. Hæc de Latino universim paucis: flagitit Methodi ratio, speciatim ut perlustrum, orsus ab Urbe, quæ Orbis quondam compendium. Ea prima, in antiquo Latio, Tiberim ex Etruria transgresso se cum incredibili hodieque majestate offert. Hæc nomen suum semel obtentum retinet. Sita est loco non admodum fertili, Austro objecta: cœli gravioris & intemperantioris. Ambitus, qui quondam Romæ fuisse scribitur tredecim millium passuum, hodie multo minor esse deprehenditur. *Turres* in

murorum ambitu circiter cccxl: olim dccxli. *Regiones*, ut olim, sic hodie, sed mutatis nominibus, sunt xiv. *Aqua* nunc *Tiberis* & *Almo* fluvii: occurrunt etiam variis locis reliquæ fontium ex veteribus ductibus. Fora conspiciuntur varia. Colles mœnibus includuntur vii. Ab his Roma *Septicollis* quibusdam, *Septimontium* Varroni, *Septemgemina* Statio. Sunt præterea in urbe templa ccc atque amplius. *Cryptæ subterranea*, quæ quondam, Imperatoribus in christianos sævientibus, ipsorum fuerunt latebræ & sepulcra, quatuor. *Cremetaria*, quæ partim olim fuerunt, partim nunc sunt, numerantur xxviii. *Xenodochia* publica omnium nationum v, singularum quarundam singula: præter *Academiam* sunt xx *Seminaria* & *Collegia omnium nationum* ab Gregorio III P. instituta. *Bibliotheca* publicæ multæ, tres in Vaticano, una selectorum librorum clausa, altera minus secreta, tertia quæ diebus profectis per duas horas omnibus patet. Sunt & aliæ etiam in Templis: B.M. in Ara cœli: S.M. de populo, S.M. supra Minervam: S. Aug. & alibi. *Horti* pontificis & Cardinalium, *Basilica* & *Palatia*, per universam urbem variè dispersa sunt. *Aqueductus*, *Therma*, *Arcus Triumphales*, *Amphitheatra*, *Theatra*, *Circi*, *Porticus*, *Columnæ*, *Obelisci*, *Colossi*, *Pyramides*, *Naumachia*, *Septizonia*, *Equi*, *Statuæ* in publico & privatim spectandæ, aliæque plura, quorum numerum descriptionemque accuratiorem non fert instituti operis ratio. Hæc hodie qui viderit, comparaveritque cum vetere Roma, merito dixerit,

Qui miseranda videt veteris vestigia Roma,

Ille potest merito dicere, Roma fuit.

Hæc de Roma pro loci angustia sufficiant, qua versus Meri-



Meridionaliora egresso sese offert *Ostia* Latinis, ut & Græcis. Gravioris est cœli & pestilentis aeris. Ager pèpones fert copiosè. Ostiis relictis, reliqua Latii oppida præcipua quæ mari ferè adfident, pervagabor. *Neptunum* agro fertilior situm est: cives aucupio & piscationi vacant, hodie pertinet ad *Columnenses*. *Astura* Plinio quidem flumen cum insula cognomine: Tabulæ vero Itinerariæ oppidum, quod forte fuit vel ad flumen in continente, vel in insula. Locus hic memorabilis cum indignissima M. Tullii Ciceronis Antonium fugientis cæde: tum Corradini fato Henrici F. Friderici II Imper. N. quem Carolus Eculismensis securi percussit. *Taracina* vel *Tarracina*, *Taracina* Straboni: *Tarracina* Ptol. *Tarracine* Steph. *Tarracina* apud Antoninum. Volscorum lingua *Anxur* vocabatur. Oppidum est exiguum, sed frequens & honestum. Mari ex quadrato filice absque cæmento facti. Ager ejus fecundissimus est & amœnissimus, vitibus, aurantiis, citris, limonibus, aliisque id genus arboribus abundans. *Cajeta* *Cajatta* Strab. Hodie *Gajetta*. Vrbs est munita cum primis, arcem habens invictissimam, cum turri altissima, summo in monte, quem superioribus annis, Gallis profligatis, muro cinxit Ferdinandus, Aragonum & Neapolitanorum Monarcha. *Sinus* ad urbem *Cajetanus* audit, apud Strabonem. Portum ibi fuisse celeberrimum, amplissimè ab Antonino Pio resectum, refert Spartianus. Hodie nullus est. Mediterranea Latii loca perlustranti offerunt se *Velitra* Straboni, *Belitra* Steph. vulgo *Belitre*, vel ut alii scribunt, *Bellerri*, oppidum vetustissimum Volscorum, amplum & populo satis frequens, Episcopus fulgens dignitate.

Venustissimi situs, jucundissimi prospectus. Mœnibus undique cinctum. *Alba* Latinis, *Alba* item Græcis. *Longam* cognominant veteres Scriptores, ab situ. Hodie *Savello*, si Leandro fides, si aliis, *Gandolffi*, vel *S. Gandolffo*. Conditor ejus *Ascanius* *Æneæ* filius, xxx post ædificatum Lavinium anno. Hodie planè desolata jacet. Nunc Septentrionaliora Latii per viam Valeriam Tiburtinamque peragremus. Hic primo se offert loco *Tibur* Ptol. *Tibura* Strab. *Tivola* hodie. Vrbs ad Anienem fl. Roma distans cl. stadiis, Procopio. Cœlo est temperatissimo, locoque ob aquarum fontiumque copiam saluberimo. Episcopatus titulo est nobile. *Maruvium* ad Fucinum Lacum, Marforum olim caput, exiguis nunc se prodit vestigiis: quæ *Marvo* vulgo nominant. *Alba* Latinis, ut & St. *Albam* hanc, quod in penetralibus regionis sita, & permunita undique esset, tradit Strabo Romanos iis, qui custodiendi erant, tanquam carcerem assignare consuevisse. Ruinis nunc tota fere collapsa jacet. *Præneste*, *Prænestsus* Strab. *Prænestum* Ptol. hodie *Pilastrina*. Situs ejus in declivi monte ad Vencstrim fl. olim longè fuit & amœnissimus & jucundissimus, ideoque florente re Romana frequenter Imperatores Augusti huc animi gratia secessisse leguntur. Arx summo monti in quo condita, imposita est. Episcopatus hodie gaudet dignitate. *Tusculum* multis olim nominibus insigne, quod haud procul ab *Frascati* abfuisse censent ex rudibus, quæ hodieque visuntur, viri docti. Plura sunt hujus nobilissimæ partis Italiæ oppida, quæ brevitate studio omittimus. Sunt & Latio Lacus. *Hostia Lacum* habet Obsequens: *Stagno* vulgo vocatur. Inter Marinum & Albam

Lacus. & *Albam longam Lacus* est *Albannus*, cujus meminit Livius Lib. v. Hodie *Lago di Castel Gangolfo*. Sunt & *Lacus* vel *Stagnum Nemorense*, hodie *Lago di Nemo*: *Inturna Lacus*, *Regillus*, hodie de *S. Prassode*: *Fucinus*, hodie *Lago di Marfos*. *Pontina* vel *Pomptina Palus* etiam in Latio describitur a Plinio, nunc *Aufente Palude*. *Fundanus Lacus*, *Tiburtinus*, *Flumina.* *Cacubus* & *Simbruina Stagna*. *Flumina Tiberis*, quem in generali descriptione delineavimus, & varia fl. quæ cum eo, nominibus amissis, mare petunt. Riqua Latii, ut antiquitus appellabantur, *Numicius*, *Loracina*, *Stura*, *Nymphæus*, *Vfens*. Montes præter septem Urbis Romæ Colles, de quibus supra, *Albanus* est, scriptoribus omnibus Græcis Latinisque celebratissimus. *Mons Cacubus* in Sinum Cajetanum usque porrectus, ab vini, quod fert, generositate nominatissimus. *Vestinus* item, *Algidus*, *Aventinus*, *Lepinus*, *Catillus*. *Ceraunios* etiam Montes Latii habet *Halicar*. *Silva* sunt *Silva* sive *Lucus Feronia*, *Lucus Iovi Indigeti sacer*, *Diana AEolice Lucus*, *Silva Neria*, *Camænarum Lucus*, *Algidum Nemus*, *Albana Silva*: *Angitia Nemus*, & *Furina Lucus*. Populi hujus regionis ad hæc usque tempora præterquam in civitatibus, plerumque rudes, moribusque agrestibus, animis audaces confidentesque: viribus corporis non minus quam olim præstantes. Ecclesiastica ex Provinciali Romani Pontificis apud *Mercatorem* sic habent. *Roma* caput omnium Ecclesiarum dicta; in qua residens Papa sub se habet intra ur-

bem v Ecclesias Patriarchales dictas, quæ sunt Ecclesia *S. Ioannis Lateranensis*, *S. Petri* Monasterium, *S. Pauli* intra muros urbis, *S. Maria Major*, & Monasterium *S. Laurentii*. His Ecclesiis assignati Episcopi VIIII primum dicti Archipresb. Primus & summus Papa, reliqui sub eo. *Ostiensis*, qui Patriarcha Campaniæ, & Papam consecrat; huic junctus est qui sequitur *Velletrensis*, sive *Valerianensis*, *Portuensis* sive *S. Rufina & Secunde*, *Sabinensis*, *Tusculanensis*, *Prænestinensis*, *Albanensis*. Iisdem Ecclesiis assignati Presbyteri Cardinales XXVII, videlicet *Titulo S. Crucis* in Ierusalem, *Tit. SS. Ioannis & Pauli*; *Tit. S. Stephani* in Celio monte: *Tit. S. Susanna*. *Tit. S. Petri* ad Vincula. *Tit. S. Prisca*: *Tit. S. Syriaci* in Thermis: *Tit. S. Marcelli*: *Tit. S. Balbina*: *Tit. S. Grisogoni*, *SS. Marcellini & Petri*; *S. Anastasia*: *S. Clementis*, *S. Potentianæ*: *S. Martini* in montibus: *S. Prædix*: *S. Marci*: *S. Laurentii* in Lucina: *S. Mariæ* in Transiberina: *SS. IV Coronatorum*, *S. Sabina*: *SS. Nerei & Archilei*: *S. Sixti*: *S. Eusebii*: *S. Vitalis*. Basilicæ XII Apostolorum: *S. Laurentii* in Damasi: *S. Cecilia*. Iisdem adjuncti Diaconi Cardinales XVIII. Extra urbem in Campania maritima Episcopi, *Agnaninus*, *Alatrinensis*, *Fundanus*, *Tiburtinus*, *Sagninus*, *Terracinenfis*, *Verulanus*, *Ferentinus*, *Soranus*, *Aquinus*. Habet etiam sub se Papa per alias Orbis ditiones IV Patriarchales Ecclesias, quibus ibi constitutæ Ecclesiæ sub sunt: *Constantinopolitanam*, *Alexandrinam*, *Antiochensem*, & *Hierosolymitanam*.

Regio &
unde di-
sta.

HAC Tabula duæ regiones in Regno Neapolitano peragrandæ succedunt, *Aprutium* & *Terra Laboratoris*. Priorem *Aprutium*, *Abruzzo* vernaculè hodie vocant Itali. Fines ejus constitui solent ab Ortu *Apuli* *Dayni* cum amne *Phiterno*, ab Occasu *Sabini* & *Picentes* cum *Truento* fl. qua Septentrio est, vel *Hadriaticum*, qua Meridies, *Picentini*, *Campani*, *Marfi*, *Æquicoli*, secundum *Apenninum* montem ultra citraque ex parte habitantes. Regio summa gaudet cæli salubritate & incredibili incolarum frequentia, amœna est & commoda versus mare, sed montibus aspera in *Mediterraneis*. Præter alia crocum abundè mittit, nutritque animalia innumera. Hodie hujus tractus caput *Aquila*. Condidisse eam perhibent *Langbardos*, *Carolus* inde *Martellus* vel ut aliis placet, *Fridericus* I Imp. mœnibus cinxisse, munitisque colonis civium jure, & civitati *Aquila* nomine assignato ab signo *Cæsareo*, vel potius ab fausto *Aquila* nomine. Ea autem brevi maximis incrementis ita auxit, ut civitatum reliquarum principatum in hac regione facile nunc obtineat. Sunt præterea *Guastrum Amonum*, vernaculè *Guastrò di Amone*, *Plinio* *Mela*que *Histonium*, *Isternum* Pt. sine aspiratione. *Lancianum* celebre emporium, quo quotannis mensibus *Majo* & *Augusto* Italia, *Illyrici*, *Siciliæ*, *Græciæ*, *Asiæ* & reliquarum mundi partium negotiatores ad frequentissimum conveniunt mercatum. *Σελμὸν* *Sulmo* Pt. & *Σέρμων* Str. Hodie *Sulmona* est teste *Leandro*. aliquibus malè *Sermona* dicitur. Urbs est pulchritudine loci, frequentia populi, aquarum abundantia, in primis nobilis. *Ovidii* patria. *Chieti*, vel civitas *Cheto* vulgo, urbs *Archiepiscopalis*. *Asculum* antiquissima

Soli fer-
tilissimæ;

Urbes.

civitas, *Asculum* *Antonino*. *Plin.* nobilissimam *Piceni* *Coloniā* appellat. facit plano patuloque campo, munitissimo in loco, mœnibus firmis. Ab una parte mons sublimis in quo sita est arx, ab altera *Truentus* ripis præaltis munit. *Beneventum* auspiciatius mutato nomine, quum initio appellaretur *Maleventum*, ab *Malo Vento*, quem injuriosum & horribilem sæpè patitur; *Beneventi* vulgo; situ urbs est admodum oportuno, & amœno, summa agrorum bonitate præstans. *Sora* vicina est *Liri* amni, populo haud infrequens, tituloque *Ducatus* ornata. *Aquinum* Pt. nobilitavit hanc patriam suam *Thomas* magnus *Philosophus Aquinas* hinc cognominatus. Nomen retinens collapsa penè jacet, vestigia præferens pristinae amplitudinis: Comitatus habens titulum. Reliqua describere oppida chartæ angustia prohibeo. Flumina hic *Phinternus*, quo *Samnium* ab *Apulia* dividitur, *Fortore* vulgo. Ejus in *Tiferno* monte fons est, haud procul à *Boviano*. Exonerat se in *Mare Hadriaticum* juxta *Lesinensem* Lacum. *Trintus* quod *Portuosum* notat *Plin.* *Afinella*, *Sentus*, *Sangrus*. Sunt item *Morus*, *Feltrimus*, *Pescara*, *Aternus*, *Rasentus*, *Orta*, *Liberata*, *Salinus*, *Flumba*, *Vomanus*, *Turdinus* & alia. Montes porro in *Samnitibus* adeo sunt excelsi, ut etiam ipsos *Apenninos* superent. Inter eos *Mons Virginis*, ob *D. Mariæ* Templum nominatissimus. *Majella* amplitudinis vastissimæ adscensu difficillimus, rupibus asperrimus. Cacumen perpetua nive tegitur, multa herbida habet prata, plurimos effundit *Fluvios*, *Silvis* superbit immensis, *Ferarum* copia scatentibus, præcipuè *urforum*, rupibus etiam abruptis horret plurimis. Sunt & *Iuga Apennini*, quæ *Montes Tremuli* vocantur.

Flumina.

Montes.

Terra



Regio.

Situs.

Soli qua-
litas.Imperii
majoris.

Vrbes.

TERRA *Laboris*, *Terra di Lavoro*, Regio hæc audit hodie. Eadicta olim *Campania*. Fines ejus, ut videre est apud Strab. Ptol. & alios, ad Occasum Liris, Latium ad alteram relinquens oram, ad Septentrionem, Samnitium montes; qua Ortus est, Silarus fluvius, Lucaniam hinc dirimens, parsque agri Samnitium quos dixi; qua Meridies, mare Tyrrhenum sive Inferum. Verè *Campus* est *Campania* in quem Natura luxurians effudisse videtur largissimo sinu quidquid uspiam est deliciarum, amoenitatum, gaudiorum & oblectationum. Paradisus verè Italiae. Tam incredibilis ibi rerum est fertilitas. Principatum habuerunt olim in hac regione varii populi, de quibus Strabo lib. v. & Plin. lib. III. cap. v, *Opici*, cognomine *Aufones*, *Osci*, *Cumani*, *Tusci*, *Samnites*, qui postremum à Pop. Rom. debellati sunt. Hæc in genere paucis de Campania, jam nunc specialior me vocat ejus descriptio, & primum Urbium. Caput Campaniæ Regni que Neapolitani Metropolis *Neapolis* in numismatibus dicitur. Nomen hodie retinet, *Neapoli* vulgo audiens. Spatium amplectitur magnum inter mare colliumque amoenissimorum radices ædificata magnificè: muris firmissimis: propugnaculis, turribus, castellisque, præsertim jussu Caroli V. cujus jam nunc paret nepoti, ut sit quasi inexpugnabilis, munita. Fossas habet LXXX pedes profundas, portas octo, fora ampla. Fontes publici, ex quibus aqua limpidissima nunc lanceæ altitudine, nunc duorum capitum crassitudine, nunc per centum fistulas prosilit, sunt innumeri. Forma est oblonga, seque in modum dimidiatæ lunæ incurvans. Circuitus olim III, nunc, prola-

to pomerio, v milliarium. Aere gaudet permolli & placido, hiemem vix sentit. Aedes hæc urbs cum Divorum tum hominum habet ornatissimas, arces invictissimas. Academiam etiam ab Friderico II Imp. institutam; ad quam studioforum ex toto regno magnus fit concursus. Sunt & Bibliothecæ aliquot, in quibus primi loci D. Dominici. Ager suburbicarius, vicinique colles amenissimifunt & jucundissimi, frumenti, vini, variorum fructuum, herbarum, florum, rerumque omnium, ad hominum animaliumque necessitatem, voluptatem, delicias facientium feracissimi. Multa de hac urbe brevitati studens prætereo. Sunt & aliæ, *Capua Vetus* & *Nova*. *Vetus* nulli non Latinorum scriptorum nota. splendor ejus, amplitudo & magnificentia ab omnibus summopere passim celebratur. Visuntur hodie ejus altero ab *Nova Capua* lapide peringentes ruine; juxta Templum D. Mariæ Gratiarum. *Nova Capua* ex *Antiqua* dirutæ ruinis cœpit excitari, feliciterque crescere, quam conspiciere jam nunc est aditam sinistræ Vulturini ripe, duodecimo ab mari lapide, in planicie, satis magnificam, commodè habitatam, sed infrequentius: stratum silicibus, plateas habentem rectas, altaque ædificia. Adluit eam ab Ortu & Septentrione Vulturinus, indeque in Occasum reflectitur. Pons est supra amnem ex lapide insignis. *Teanum* cognomento *Sidicinum*. Desertum hodie *Theano* vernaculè dicitur: Episcopatus nihilominus titulo nobile. *Calvi* oppidum Episcopatus dignitate superbiens: *Cales* Virg. *Cuma* St. & Pt. aliisq; Græcis. Nunc hic omnia ferè conciderunt, oppletaque jacent ruinis, ut tamen undique amplissimorum operum vestigia satis agnoscantur.

Sunt

Lacus.

Sunt etiam *Aversa*, *Caserta*, *Nola*, *Summa*, *Puteoli*, atque alia minorum gentium oppida. Inter lacus paludesque Campaniæ loci principes sunt *Lucrinus* & *Avernus*. Tribuuntur & Campaniæ *Linteria Palus*, *Popeja* & *Statina*.

Flumina.

Paludes. Flumina sunt *Liris*, qui fuscipit dextra quidem *Fibernum*, *Cosam*, *Alabrum*, *Trerum*, & alios. Sinistra vero *Casinum*, *Melfam*, & *Omnem*. Liri succedit *Vulturnus*. Hic amnes torrentesque multos colligit: inter ceteros, dextra quidem *Cusum*, *Correctum*: sinistra *Freddum*, *Pratellum*, *Sabbatum*, *Isclerum*, & alios. Glanis item *Linternus*, *Sebetus*, *Sarnus*, *Furor*, *Ebolis*, *Silarus*. Montes huc pertinent *Gaurus*, *Maficus*, *Falernus*, alii, ut *Vesuvius*, *Pausilypus*, *Misenum*, *Culina*, *Mons Christi*, *Taburnus*, *Tifata*, *Planus*, *Astrunus*, & *Trifolius*. In Regno autem Neapolitano hi sunt principatus & Dominia. Principatus x, *Ascoli*, *Bisignano*, *Evoli*, *Melfi*, *Melfetta*, *Monchercole*, *Squillaci*, *Sligliano*, *Sulmona*, *Venosa*. Ducatus xxiii, *Andri*, *Amalphi*, *Ariano*, *Asu*, *Bojano*, *Castrovillari*, *Gravina*, *Martina*, *Montalto*, *Monteliano*, *Nardo*, *Nocera*, *Popoli*, *Rocca di Mondragone*, *S. Petro in Galatina*, *Seminara*, *Sessa*, *Somma*, *Sora*, *Tagliacozzo*, *Termoli*, *Terra nova*, *Trajetto*: Marchionatus xxx. Co. de Statu lvi: Domini xv: Barones titulati ccciii. Archiepiscopatus & Suffraganei in hac tabula ex Provinciali Romano sunt. In

Montes.

Ratio ge-
bernandi.

Aprucina & *Marficana* Provincia Episcopatus hi, *Aquilensis*, *Forcanensis*, *Marficani*, *Valvensis* seu *Sulmonensis*: *Theatinus*, *Adriensis*, *Pennensis*, *Aprutinus* seu *Teranus*. Archiepiscopus *Beneventanus*: hujus Suffraganei *Telesinensis*, *Agathæ*, *Alphenensis* vel *Alepharenensis*, *Mons Marani*, *Mariano* opinor, *Avellinensis*, *Vicaniensis*, *Arianensis*, *Bojanensis* vel *Rojanensis*, *Asculanensis*, *Nucerinus*, *Tertibulensis*, *Traconensis*, *Vulturanaensis*, *Alarimensis*, *Ferentinensis*, vel *Florentinensis*, *Civita-tensis*, *Termelensis*, *Lesinensis*, *Frequentinensis*, *Triventinensis*, *Biminenensis*, forte *Bomia*, *Vadiensis*, vel *Gadiensis*, *Mulanensis*, *S. Maria*. Archiep. *Neapolitanus*, cui subsunt *Aversanus* exemptus, *Nolanus*, *Puteolanus*, *Cumanensis*, *Acerranus*, *Isulanus*. Archiep. *Capuanus*, cui parent *Theanensis*, *Calvensis*, *Calmenensis*, *Suessanus*, *Venafranus*, *Aquitanaensis* vel *Aquinate-nensis*, *Ifernensis*, *Casertanensis*, *Cajaciensis* exemptus. Archiep. *Amalfitanus*; ei subsunt *Capricanensis*, *Scalensis* vel *Camensis*, *Minorensis*, *Siteranensis*. Arch. *Salernitanus*, sub quo *Aquensis*, *Palicastrensis*, *Nusautanensis* vel *Nuscanensis*, *Sarnensis*, *A-cervensis* vel *Acernensis*, *Maricensis*, *Ravellenensis* exemptus. Archiep. *Surrentinus*, cui subsunt *Lobrensis*, *Serpensis*, *A-quensis* vel *Equensis*, alias *Vicensis* vel *Vicani*, *Castellimaris* vel *Stabienensis*. Atque hæc de hac Regni Neapolitani parte sufficient, ad alteram transeo.

Regio.

SEQVITVR nunc altera Regni Neapolitani pars perluſtranda, in qua primo loco ſe offert Regio, quæ Italis hodie *Puglia Piana*, ab latiffimis campis & majore, quam in Peucetiis, agrorum æquore. Hæc etiam *Apulia Daunia* quondam dicta fuit. Fines illi ab Oriente Apulia Peucetia intercurrente Aufido : à Meridie Apenninus, cum Hirpinis & Samnitibus : ab Occidente Frentani, Caracenisque, nunc Aprutii, cum Phiterno : à Septentrione Hadriaticum vel Ioniū Mare. Agri hic fertiles ſupra modum, tritici aliorumq; frumenti generum. Vrbes hic ſunt & oppida, *Mandonia*, urbs lauta populoque frequens ; in rupe ſigus marini, quem Gargani Montis flexus efficit, ſita, invictam ad litus habet arcem. *Luceria* oppidum Episcopale : *Nuceria* Ptol. & Suet. Rudera, quæ hodieque paſſim eo loco, priſcam docent urbis amplitudinem. *Troja* civitas opulentiſſima, ſæcundi agri : Comitatus titulo clara. *Aſculum* urbs, titulo Ducatus inclyta : *Aſculum* Appiano Alexandrino, *Aſculo* vulgo, cognomine *Sattriano*. Sunt & *Salpe*, *Arpi* Plinio commemorati, aliquando *Argos Hippium* dictum, mox *Agyrippa* : & urbes duæ, quæ in pro-
 Flumina. verbii ludicrum abiire, *Apina* & *Trica*, &c. Flumina ſunt *Aufidus*, hodie l' *Ofanto*. *Candilaris* item & *Cervaria*.

Terra di Barri.

Sic ſe habet Apulia Daunia : ſequitur explicanda jam nunc quæ cognominari ſolet *Peucetia* : nunc vernacula Italarum lingua *Terra Bariana*, *Terra di Barri*, ab urbe *Barrio* primaria. Regio hæc ſtupendâ agrorum uberrate, ad-

mirandâque nobiliſſimorum fruſtuum copiâ cum reliqua fere Italia committi poteſt. Sunt tamen ibi, ne quid ſit omni ex parte beatum, loca quædam, quæ plu-
 viis, aquisq; laborant. Civitas primaria eſt *Barium*, *Barion* Plin. ante *Iapyx* addenti, *Barri* vulgo. Vrbs antiqua, ea pulcritudine populique frequentia, ut Regionis uni-
 Vrbes. verſæ teneat principatum, eiq; nomen ab ſe *Terra Bariana* largiatur. Sunt præterea *Monopolis* urbs nova Marchionatus titulo celebris, non quidem magna ſed pulchra, ſplendida, ædificiorumque magnificentia nobilis. Ager olei feraciſſimus. *Polinianum*, *Polignano*, civitas Episcopalis, edita licet præruptaque & ſaxoſa in rupe ſita, lauta tamen & populo frequens. *Mola* frequens quidem ædificiis, ſed colonis agreſtibus. Condidit arcem ibi ſuperioribus annis Marchio Polinianus ad orâ tutelam. *Juvenatium*, *Giuvénazzo*, urbs Episcopalis : agro fertili. *Marſette*, vel ut aliis ſcribitur, *Morſitta*, vel *Melfatta*, principatus hodie titulo floret. *Vigilia* vulgo *Bifegli* ad litus præcellis in rupibus oppidum Episcopale. *Tranum* civitas Archiepiscopalis, vulgo *Trani*. Ab ædificiis eſt pulcherrima : ſed hodie majore ex parte deſerta. Silvæ olearum & amygdalorum ab hujus oppidi agro Tarentum uſque pertinent. *Barulum*, *Barleta* vulgo. Inter quatuor Italiæ caſtella numeratur *Oſtunum* populo frequens, parvo in colle ſitum. *Cilium*, *Cilio*, *Cilia* Ptol. *Venuſia*, *Venuſium* Horatio, cujus patria : *Venoſa* hodie. Sunt item *Caniſium*, *Acherontia*, *Biletum* & alia oppida.

Poſt

Terra
d' Cirrto.
Nominat.
Situs.

Post *Apulias* explicanda succedit *Salentinorum Regio*, quæ & *Iapygia*, *Massapiaque*, itē *Calabria*. Nunc Italis ab *Hydrunte*, *Terra Hydruntina*, vulgo *Terra d' Otranto*. Habet hæc Regio ab Meridie *Tarentum* & mare usque *Promontorium Salentinum*, ab Oriente idem *Promontorium* cum *Mari Ionio*: quod etiam & *Hadriatico*, qua *Septentrio* est, adluitur ab *Hydrunte Brundisium* usque: qua Occidentem respicit, *Apulia* illi adjacet *Peucetia*, cum *Magnæ Græciæ* portione. Totā hæc Regio saluberrimo gaudet aere, cœloque ludo & sincero, præterquā in ora, quæ ab lacu *Hydruntino Brundisium* usque: ubi plerisque in locis juxta mare sunt paludes. Regio fertilis & opima; caput Regionis, cui nomen à se præbuit, *Hydruntum*, Ἰδρυντὸς *Strab. Ptol. & aliis. Hydrus* *Melæ*. Hodie *Otranto*. Urbes est vetustissima, cœlo potitur clementissimo. Præter portum satis capacem, Aquilone flante non satis tutum, arcem habet in saxo, quo mari imminet, tutissimam: opus *Alfonsi II.* Ager illi amœnus & fertilis. Reliquæ sunt: *Gallipolis*, hodie *Callipolis*: aliis *Callipoli*, tamquam Urbis pulchra. Munitissimum habet naturæ situm: scopulo enim insidet seu insulæ modicæ, quæ mari undique cingitur. Continenti ponte adhærens, faxis sulco ingentibus. *Castrum* civitas mercatoribus frequens olei coemendi. *Brundisium & Brundisium, Breundesium* *Ptol. Brentesium* *Steph. Barnedis* *Benjamino, Brindisi* hodie. Aerem habet clementissimum. Portus olim illi inclitus ex quo Romanis tutissimus quondam fuit in Græciam transitus. Nunc repletus est: adeo ut vix triremibus per eum currere liceat. Arx urbi munitissima. *Oria* civitas in colle *Tarentum* spectans. Spectat eam arx in colle valida. *Aletium* *Ptol.* hodie *Leze & Leccie* vulgo. Sa-

Calitem-
poris.
Soli ferti-
litas.

Urbes.

lentinorum hodie primaria *Concilio* totius *Apulie* Regio, Foroque perpetuo: procerum totius hujus tractus domicilium, multorumque Nobilium sedes. *Vxentum*, hodie *Vento, Venti, Ogento*, variante scriptura: nunc perexigua est.

Calabria, ab *Calabris*, quos *Magnæ Græciæ* partem *Salentinis* adhærentem ad *Ionium* Æquor circa *Iapygium* *Promontorium* tenuisse, ex *Ptolemæo* est manifestum, nomen habet. Regio Italiæ in extremis ejus finibus instar linguæ porrecta inter utrumque fretum inferum superumque interjacet. Fert ubertate quadam felicitateque stupenda quidquid vitæ ex voto transigendæ, delictisque fruendis necessarium: triticum, hordeum aliaque frumenti genera: vinum varium, oleum, saccharum, manna, mel, ceram, sal nativum factitiumque, ficus, poma medica, & citria, limones aliosque fructus nobilissimos: item aurum, argentum, lanam, gossypium, crocum, sericum, linum, & quid non? *Calabria* duplex, *Inferior*, quæ *Brutiorum* olim Sedes, hodie propriè *Calabria Inferior*: & *Superior*, quæ olim *Magna Græcia Inferioris* fines ab Occasu *Laus* itemque *Lucani*: à Meridie mare *Tyrrenum* & *Siculum*: qua Oriens est, parte maris *Hadriatici*; qua *Septentrio*, *Magna Græcia* & amne *Crathi* clauditur. Caput & metropolis ejus ut olim, ita & hodie *Consentia*, *Strab. Ptol.* Græcisque ceteris: *Consenza* hodie. Sita circa declivitatem pæne *Apennini*, colles amplectens septem, quibus maxima urbis ædificiorum pars imposita. Civitates reliquæ: *Manthia*, *Fredus*, *Belmontium*, *Sanctæ Euphemie*, *Fanum Rhegium*, *Tropia*, *Castrum Villare*, *Altomonti*, *Turranum*, *Rugianum*, *Marturanum*, *Nicastrum*, *Briaticum*, *Hippo*, quæ etiam *Vibo Valentia* dicta fuit. *Superioris* quæ olim

Calabria.

Situs.

Soli ferti-
litas.

Magna

Magna Græcia, fines ad Solis exortum Æquor Adriaticum; ad Meridiem Flumē Alex & Brutii: qua Occasus, est Crathis Amnis cum Apennino & Lucanis: qua Septentrio, Sinus Tarentinus, cum Apulis Peucetis. Hic antiquissima nobilissimaque urbs est *Tarentum*, *Tarantum* Appiano Alexandrino: *Taras* Strab. & Ptol. *Taranto* hodie, Calabriae quondam & Apuliae, totiusque Lucaniae caput, L. Floro. Sirusejus notatur in intimo recessu Sinus, qui ab ipsa urbe dicitur *Tarentinus*.

Lucania
Basilica-
ra, &
unde dicta

Super est in hac Tabula *Lucania*, hodie *Basilicata* dicta: unde, incertum. Fines hodie ab Occidente Silarus amnis Campaniae limes: ab Meridie, Mare Tyrrhenum: ab Oriente, Laus cum Brutiis Magnaeque Græciae: ab Septentrione Peucetii in Apulis, cum Hirpinorum portione. Montosam & asperam esse totam indicat Livius. Hodie fortean, quam olim, incolis est frequentior: quamquam adhuc magna multis locis solitudo, propter vias difficiles, horridosque nemorum saltus latrociniis infesta. Oppida hic ad Mare *Pestum*, *Pæsti* meminit Virg. lib. 4. Georg. *Biferique Rosaria Pæsti*. Ad que m locum Servius *Pæstum* Calabriae facit civitatem, ubi bis quotannis rosæ generantur. *Acropolis* oppidum ab Silario ostio m. 12: aere gaudet præstantissimo. Originis esse Græcæ, ut hoc tractu pleraque, ipsum indicat no-

Situs.
Soli quæ-
litas.

Urbes ex
Oppida.

men. *Pisciotta*, *Buxentum*, Plin. Melæ. & Ptol. *Palicostrium* nobilis urbs, Ducatus titulo insignis. In Mediterraneis *Padula* oppidum, Marchionatus inclytum dignitate. *Capacia* urbs, olim frequens admodum & opulenta. Reliqua omitto. Porro in altera Regni Neapolitani parte Archiep. sunt: Arch. *Regiensis*; huic subsunt *Lucrensis*, *Cotroneensis*, *Cassanenensis*, *Cathacenensis*, *Neocastrensis*, *Giracenensis*, *Trope- tensis*, *Vibonensis*, *Squillacensis*. Arch. *Consentinus*, sub quo est *Maturanenensis*, Arch. *Rossanenensis* non habet suffraganeos. *Bisignanenensis* est exemptus. Arch. *S. Severinae*, sub quo sunt *Ebriacenensis*, *Strangulensis*, *Geneocastrensis*, *Gerentinensis*, *S. Leonis*. Arch. *Laracatinus*, sub quo *Mutulensis*, *Castellanensis*. Arch. *Brundisinus*, cui subest *Astrimenensis*. Arch. *Hiduntinus*, cui *Castrensis*, *Gallipilitanus*, *Liciensis*, *Vgentinenensis*, *Lucensis*, *Nertonenensis* exemptus est. Arch. *Barenensis*, cui subsunt *Betontinenensis*, *Calphajanus*, *Iuvenacensis*, *Rubentinenensis*, *Salpensis*, *Caurienensis*, *Baterensis*, *Cöversanus*, *Minervienensis*, *Polignircensis*, *Cathericensis*, *Lavellinenensis*. Arch. *Tranensis*, cui subsunt *Vigilienensis*, *Andrenensis*, *Penensis*. Arch. *Sipontinus*, cui subsunt *Vescanenensis* exemptus; *Trojanenensis* exemptus: *Melphienensis*, *Monopolitanensis* & *Rapolenensis* exempti. Arch. *Cannosanensis*, sub quo *Auranensis*, *Sarranenensis*, *Montis viridis*, *Laquedonenensis*, *S. Angeli de Lombardis*, *Bisacienensis*. Arch. *Acheronti*, cui subsunt *Potentienensis*, *Tricarinenensis*, *Venusienensis*, *Gravienensis*, *Angolenensis*.

X x x iij

CORSICA

Regio
unde di-
cta.

Situs.

Soli fri-
gitur.

CORSICA à *Corso* ejus terræ Domino dicta: a-
lij à qualitate cacuminis montis alicujus di-
ctam volunt. Græci hanc *Κύρρον* appellaverunt, à
Cyrno Herculis Filio: *Therapne* ab Ovidio no-
minata est, ut scribit Villanovanus. Ab Occidente &
Septentrione respicit Mare Ligusticum: ab Ortū Tyr-
renum; à Meridie Sardiniam. Longitudo mill. cxx non
excedit: licet Strabo mill. clx, Plinius elponat: lati-
tudinem hic lx mill. facit: ille lxx, quod verum esse ex
dimensione per circinum constat. Ambitus secun-
dum Plinium. mill. cccxx: secundum alios cccv & cccix:
secundū Maginū cccxv, quod se per dimensionē exactam
reperisse scribit. Insula est ab omni parte aditu diffi-
cilis, cum præruptis undique collibus comprehensa sit.
Intrius similiter magna ex parte montosa, ideoque
frumenti neque leguminum adeo fertilis est: quæ nisi
paucis quibusdam locis crescunt, ubi se aperit, atque
fluminibus & aquis irrigatur, ac feracissima redditur.
Ea pars quæ respicit Erruriam est mediocriter plana,
habetque ibi fecundum solum, & producit nobiles ac
dulces fructus. Vina insulæ, præstantissima, primæ-
que nobilitatis, & à Romanis semper expetita, *Corsica*
à loco dicuntur. Mellis & resinæ hic magna ubertas:
olei item & ficuum. Cæterum mella Corsicana a-
mara esse notavit Servius in iv Georgicōn. Fitque id
ob taxi copiam, e qua apes mella legunt. Venenata eti-
am credidit Ovidius. Solus hic ager lapidem gignit
catochiten, quem Democritus Abderites etiam in
certamina contra magos adhibuit. Rhennius de Corsi-
ca: *Hanc solam perhibent Catochiten gignere Terram: Corpori-
bus lapis hic ceu glutine tactus adheret.* Similia tradunt Plinius
lib. xxxvii cap. x: & Solinus cap. ix. sed Plinius de rei fi-
de ambigit. Alumē quoque hic reperitur: & ferri fodinæ

sunt apud fl. *Bivincum* in comitatu Nebienfi. Sunt & Sa-
linæ vulgo dictæ *della Roja*, non longè à portu S. Floren-
tiii: & prope *Niolum* sunt valles profundissimæ perpe-
tuis nivibus scatentes, sub quibus ajunt crystallum
copiosè latere. Nascitur etiam in ea magna copia bu-
xus teste Plinio & Diodoro, nec non taxus arbor ve-
nenata. Animalia producit varia; equos in primis fe-
roces, & canes venaticos spectatæ magnitudinis. *Mus-*
mo quoque animal, Plinio auctore, hic est, arietis genus. *Animali-
um varie-
tas.* *Masoli* hodie vocant, animal præterquam in hac
insula & Sardinia nusquam apparens in tota Europa.
Habet corium & pilos instar cervi, & cornua instar a-
rietis, non longa sed retro circum aures reflexa, præci-
puæ duritiæ, ut si altitudine l. pedum præcipiterur inter
saxa, ac capiti incumbat, non lædatur: magnitudinem
retinet cervi mediocris, solisque herbis vescitur, cur-
su præditum velocissimo, carnesque habens gustu sa-
pidas. Ovibus insuper & bobus referta est. Insula omnis
jam olim malignè culta, primum à *Phocensibus*, tum à *Li-
guribus*, post etiam à *Romanis*, qui duas colonias eò de-
duxerunt, *Marianam* & *Aleriam*, quæ adhuc exstant. Cæ-
tera *Barbari* tenuere; proinde cum Romani in eos irru-
erunt, magnum servorum gregem captum Romam ab-
duxerunt, exiguo fructu, quod tam nequam servies-
sent, tamque bruti, ut quamvis vili emerentur, tamen
dominos semper emptionis pæniteret. *Romanis* succe-
dere *Saraceni*: his *Genuenses*: tum *Pisani*: hodie
verò iterum ad *Genuenses* jus rediit. Nunc indu-
as partes eam distinguunt: plagam quæ Orientem
solem respicit, latus interius; partem huic obversam,
latus exterius vocant. Pars quæ Italiæ propior est, *Cis-
montana*; & quæ versus Sardiniam excurrit, *Ultramontana*
dicitur. Urbes Plinius xxxiii fuisse in ea testatur; quod
etiam

*Imperium
Majorum.*



etiam ex eo notavit Martianus Capella: ex Strabone tamen non tam civitates quam castella fuisse videntur. Hodie oppidum est *Bastia*, in quo summus Gubernator praesidium habet. Est & *Nebium* civitas cum Comitatu. Eam Pto. *Cersunum* videtur appellasse. Fluminibus rigatur *Gelone*, *Tavignano*, *Sagona*, *Bavono*, *Tegiamo* & nonnullis aliis. Silvis, nemoribusque, quæ resinam exhibent, montes hinc inde vestiuntur. Montes verò præcipui sunt *Ilia Orba* dicti: item *Cheparreno mons*, *mons Tenda*, *mons Gualango*, *mons Ruffus*. In mari autem inter Corsicam & Sardiniam corallium legitur. Portus habet binos hæc insula satis amplios, maximarum navium capaces, in sinu qui vocatur *S. Florentii*. Est & *S. Bonifacii Portus*, Ptol. *Portus Syracusanus* dictus. Hodierni Corsicæ incolæ etiamnum, uti olim, habentur homines pauperrimi, furtis & latrociniiis dediti: ac à literis prorsus alieni. Episcopi in Corsica Archiepiscopi Pisani Suffraganei, *Ajacensis*, *Alariensis*, *Sagonensis*, *Civitatensis*. Et Episcopus Archiepiscopo Iannensi subiectus *Nubienfis* vel *Nebienfis*.

Sardinia.

Regio una
de dicta.

SARDINIA à *Sardo* Herculis filio nomen habet. Timæus *Sandaliotin* appellavit ab effigie solæ: *Mirfilus* & *Chrysippus Ichauja* à similitudine vestigii. Eodem respexit Manilius cum inquit, *Sardiniam in Libyco signant vestigia plantæ. Sardegena* hodie

audit. Eam ab *Ortu Solis* mare *Tyrrenum*, à *Meridie* *Africum*: ab *Ocasu Sardoum* ambit & littora pulsat; à *Septentrione* mare quod ipsam & Corsicam interluit. Aer *Insulæ*, inclemens est, propterea Q. F. monet M. Cicerone ut valetudinem curet, memor quod quum optimè valeret, tamen in Sardinia esset: & in Epistolis Tigellium quendam Sardoum hominem esse ait patria sua pestilentiozem. Abundat tota Insula frugibus, tritico, vino, argenti fodinis, pecore, armento, & cunctis ad vitæ usum necessariis. Equorum tanta copia, ut non pauci agrestes sint, dominis carentes, nostris minores, generosi tamen, robusti ac agilis. Venationem habet uberem: multique rustici ex sola vivunt venatione. Abundat enim regio apris, cervis, damis, & alio quodam animali quod *Muslonem* vocant, quod modò in Corsica descripsimus. Nullum gignit Sardinia lupum, aut aliud huiusmodi nocens animal. Carer etiam serpentibus. Silius: *Serpentum tellus pura, ac viduata veneno, Sed tristis celo, ac multa vitata palude*. Sed quod aliis terris serpens est, id *Soligunda* Sardois agris. Animal perexiguum, simileque araneis formâ. Lucanus *Salpiga* vocat, Plin. *Solisfugam*, quod diem fugiat. In metallis argentariis plurima est: est enim solum istud argenti dives. Occultim reperat, & per imprudentiam superferentibus pestem facit. Accedit etiam huic incommodo Herba *Sardonias* quam Pausanias in Phocæicis selino, hoc est apio similem esse dicit: Latini *Ranunculum* & *Strumeam* vocant. Hæc si edulio assumpta fuerit, ora hominum & rictus contrahit, & quasi ridentes perimit. Strabo ex ea scribit Hispanos venenum conficere, quod urgente vi majore haustum, citra dolorem perimat: inde proverbium natum,

Situs.

Cali
qualitas.

Soli ferti-
litas.

Animali-
um varietas.

Vrbes.

tū, *Sardonius rufus*. Vrbs Sardoæ primaria est *Calaris*, vulgo *Cagler*. Sita est in monte iuxta mare, Africam respiciens, portumque habet amplissimum. Vrbs multis ornata est privilegiis. Consules creat, qui potestatem habent fontes puniendi citra auctoritatem Regis: præterea novas leges condendi, cum populi tamen consensu. In hac urbe B. *Augustini reliquæ* tam diu quieverunt, donec ab Heliprando Langbardorum Rege Papiam translatae sunt. In ea *Sardinia Prorex* ferè semper moratur, unà cum Baronibus, Comitibus & multis divitibus. Mela & Plinius *Sulchitanam* urbem hic commemorant. Hodie etiam sunt civitates, *Oristagnum* civitas Metropolitana, sita in loco plano & parum distans à Mari. Fuit olim regio illa Arborea appellata, nunc autem Marchionatus Oristagni dicitur. In hac olim Turrita fuit Romanorum colonia. *Sassaris* civitas solum amœnum habens & pulcherrimis irriguum fontibus, multis bonisque frugibus abundans. Parum tamen munita est. *Algher* civitas nova, exigua, populo tamen frequens & munitissima, domibus & ædificiis pulcris ornata: cujus Incolæ ferè omnes Taronenses. Habet Sardinia & alias civitates, & oppida, quorum mentionem hic non facimus, brevitati studentes. Flumina habet multa & amœna, sed non profunda, quæ ætatis tempore vado transiri possunt. Multi sunt in Sardinia Magistratus. Omnium supremus est *Prorex*, qui omnem ferè Re-

Flumina.

Ratio gubernandi.

gis tenet auctoritatem: & solus Hispanus hunc Magistratum gerere potest secundum antiquas constitutiones. Habet à Rege assignatum *Adfessorem* Iuris V. Doctorem quem *Regentem* ibi appellant. Habet præterea & alios *Consiliarios*, quorum consilio omnia ferè disponit, appellaturque ejus Tribunal, *Regia audientia*. Olim hunc Magistratum juxta privilegium Regni nullus poterat gerere nisi per triennium: deinde alius succedebat in locum ejus. Nunc autem in eo munere multis temporibus quis persistit, ut Regi placet. Ad mores & genium Sardorum quod attinet: corpore sunt robusti & laboribus adfueti, præter paucos luxui deditos. Litterarum studio parum sunt intenti, venationi autem deditissimi. Multi pecuariam exercent rem, agresti cibo & aqua contenti. Qui in oppidis & villis habitant, pacifice inter se vivunt in diem, & vilissimo vestiuntur panno. Et quod mirandum est nullum habent artificem in tam ampla insula, qui enses, pugiones & alia fabricet arma, sed hæc ex Hispania & Italia petunt. Apud Mercatorem hi leguntur Episcopi: Archiep. *Calaritanensis*, cui hi subfunt, *Sculcitani* vel *Sulciensis*, *Doliensis*, *Suellensis*. Archiep. *Turitanus*, cui subfunt hi: *Sorrensis*, *Plonatenis*, *Ampuriensis*, *Gisacensis*, vel *Girardenis*, *Castrensis*, *Orbanensis* vel *Othricensis*, *Bosanensis*, *Bossa* forte. Archiep. *Alborensis*, cui subfunt *Vssellensis*, *S. Iusta*, *Terra alba*, *Civitatensis* & *Gastellinenis* exempti.

Senatores

Vulgi
Mores.

Vitus.

Vestitus.

Yyy

SICILIA

Regio.
Nomina
& unde
dicta.

SICILIA ante omnes Mediterranei maris Insulas claritate eminens, Thucydidi *Sicania* à *Sicano*, qui, ut Solinus & Capella scribunt, cum Iberica manu in eam terram ante bella Trojana devenit. *Trinacria* pluribus, ac præsertim Poetis, ob tria Promontoria. A specie etiam *Triquetra*: tribus enim Promontoriis in diversa procurrens, Græcæ literæ imaginem quæ Delta dicitur, efficit. Tria illa Promontoria autem sunt *Pelor*, *Pachynus*, & *Lilybæum*. *Sicilia* Græcis: Cæterum ut quidam arbitrantur,

Trinacria quondam

Mutavere situm: rupit confinia Nereus:

Italia pars una fuit, sed pontus & æstus

Victor, & abscessos interluit æquore monteis.

Situs.

Atque hinc *Rhegium* in Italia dictum quod illic *Siculum* latus ab Italia divulsum. A Septentrione Mari Tyrrheni seu Infero pulsatur; ab Ortu Hadriatico vel Supero & Ionio; ad Austrum Africo Mari, & ad Occidentem Sardoo. Thucydides lib. 6 scribit ambitum Siciliæ non multo minorem esse octo dierum itinere: tantaque cum sit, tamen tantum xx stadiorum intervallo dirimi à terra continenti. Insula porro hæc salubritate cœli, soli fertilitate, frugum omnium copia rebusque aliis, quibus indiget mortalium usus, maximè præstat. Subjacet enim quarto Clima, quod cœli clementia sex aliis antecellit. Quo fit, ut quidquid Siciliæ gignit, sive soli, sive hominis ingenio, ut Solinus ait, proximum sit iis quæ optima judicantur. Marcus Cato eam Cellam Penuariâ Reip. Nutricemque Plebis Romanæ appellavit: Horreum pop. Romani Strabo. In agro Sunensi, in quo raptam Proserpinam veteres sinxerunt, loco quem dixe-

Cœli temperies.
Soli fertilitas.

runt *Umbilicum Siciliæ*; tanta est frumenti ubertas, ut ex uno tritici modio centum colligantur; quem agrum idcirco vocant *Campe dallo cento salme*. Huic tamen non cedit ager Leontinus, de quo videndus Cicero; Verina. Quid vina commemorabo optimi saporis odorisque? Vina in Sicilia laudatissima premi, Plinius (qui in recensendis vinis quibusque optimis diligentissimus ac prope curiosus fuit) peculiariter prædicat. *Balincium* enim vinum (quod mulsi saporem habet) in Sicilia ponit. Vocant autem *Mulsum* vinum melle affectum, unde conjicitur *Balincium* vinum illud esse quod *muscatellum* exactæ dulcedinis vocant. Vvas namque, quarum apes sunt avidæ, à quibus & *apianæ* dicebantur, eas & muscæ quoque, ut inquit Columella, insectantur, à quibus *muscatellæ* vulgo nunc dicuntur, ex quibus vinum dulcissimum, & eximie suavitatis exprimitur, quod *muscatellum* dicitur: licet plerique à musci odore, quo plurimum redolet, id ei nomen impositum existiment. Hac ætate vinis Siculis jure optimo præstantia debetur, quod cum Italis non impari certamine contendant, tum quod palato æquè arrideant, tum quod ætatem optime ferant. Oleum item Sicilia ubertate quadam, & abundantia fundit; saccharum, crocum, mel, sal, omnis ferme generis fructus nobilissimos, & sericum præstantissimum. Est præter hæc Sicilia metallis etiam dives: aurum namque habet, argentum ac ferrum, & alumen. Lapides quoque preciosos gignit, smaragdum, achatem, beryllum, porphyritem, jaspidem. Boum, pecorum, cæterorumque animalium armentis gregibusque densissimis præstat. Damarum etiam aprorumque venatione, ac perdicum ac attaginum

Animalium varietas.

48

49

Septentrio 50

51

52

SICILIAE Regnum

MARE TYRRENO



MARE AFRICO

48

49

Meridies 50

51

52

Mithras Italica

6 12 18 24

540
 attaginum (quas *Francolinæ* vulgo appellant) aucupio insignis est. Falcones sacri & peregrini, volatiliū hostes, aliunde advolantes, hic etiam capiuntur. Regionē hanc primi tenuere *Lastrygones* immanes, tum *Sicani* Hispanorum coloni; accessere *Trojanorum* & *Cretensium* populi. Postea *Græci* eam appetivere, inde *Romani*, & quidem post divisum Orientis & Occidentis Imperium Constantinopolitanis paruit per annos pene cc. Sub *Iustiniano* autem Imperatore insulam *Gothi* invadere, qui post annos xvii à *Belisario* expulsi sunt. Postea occupare eam *Saraceni* sub Michaelē Balbo, qui cccc annos ea potiti sunt. Hi *Normannis* cessere. Successere *Langobardi*, *Suevi*, *Germani*: sed his à Clemente iv exactis, *Galli* rerum potiti per annos xvi ad vesp̄as usque Siculas, quæ incidere in annum cxcclxxxii. Ex eo paruit *Aragonensibus*, usque ad *Ferdinandum Regem*, quo extincto *Hispaniarum* Reges Aragoniæ & Siciliæ imperium possidere. Plinius in hac urbes lxxii numeravit. Hodie sunt civitates & oppida clxxiii, Magino teste. Regni Metropolis est *Panormus* Ptol. & aliis, *Palermum*, *Palermo* hodie. Vrbs est vetustissima, Phœnicum colonia, uti ostendunt Epitaphia aliqua litteris Chaldaicis conscripta. Existimatur temporibus Abrahami exstructa. Sita est loco amœno & fertilissimo. Ad Septentrionem spectat, Pelagoque adluitur Tyrrheno, muris septa altissimis, quod opus est Friderici Regis: secundum mare arx est, quæ nostra tempestate amplificata, quod *Castrum ad Mare* nominant. Tres item antiquæ civitatis portæ, & veteres muri multis cum turribus lapide quadrato constructi, etiamnum manent. Templum est *Panormi* D. Petro sacrum, à Rogerio Siciliæ Rege condi-

tum, quod sua pulchritudine & rerum preciosarum apparatu, cæteris, quæ in Italia nunc usquam exstant, seu veteribus, seu novis merito præferri constat, quo nomine ab omnibus, qui *Panormum* aut inhabitant, aut invisunt, viris, non imperitis modo, sed ingenio etiam doctrinaque præstâtibus, summa cum admiratione ac voluptate frequentatur. Major etiam totius vrbs Ecclesiæ reticulata est structura, quadrato ac diversis in exteriori facie imaginibus figurisque inciso ac perpolitato lapide à Gualtherio hujus nominis I I Archiepiscopo anno cxcclxxxv fundata, ubi Regum Reginarumque Siciliæ ac Ducum quoque corpora sunt recondita. Est & Gymnasium publicum & Xenodochium. Longum foret reliqua hujus vrbs ornamenta & præclara ædificia commemorare. Reliquæ civitates sunt, *Syracusa*, urbs quondam maxima, quam ita Orator describit Actione iv in Verrem. *Vrbem Syracusas maximam esse Græcarum urbium pulcherrimamque omnium, sæpè audistis. Est, Iudices, ita ut dicitur: nam & situ est cum munito, tum ex omni aditu vel terra vel mari, præclaro ad adsp̄ctum, & portus habet prop̄ in ædificatione adsp̄ctuque urbi inclusos. Qui quum diversos inter se aditus habeant, in exitu conjunguntur & conflunt. Eorum conjunctione pars oppidi quæ appellatur insula, mari disjuncta angusto, ponte rursus adjungitur & continetur. Ea tanta est urbs, ut ex quatuor urbibus maximis constare dicatur, quarum una est ea quam dixi insula: quæ duobus portibus cincta, in utriusque portus ostium aditumque projecta est: in qua est domus, quæ regis Hieronis fuit, quæ Prætores uti solent. In ea sunt ædes sacre complures: sed duæ, quæ longè cæteris antecellunt, Diane una, & altera, quæ fuit ante istius (Verris) adventum ornatissima, Minerva. In hac insula extrema est fons aquæ dulcis, cui nomen Arethusa*

Imberis
 majoris.

Vrbes.

Arcthusa est, incredibili magnitudine, plenissimus piscium: qui fluctu totus operiretur, nisi munitione ac mole lapidum à mari disjunctus esset. Altera autem est urbs *Syracusis* cui nomen *Acra-*
dina est, in qua forum maximum, pulcherrima porticus, ornatissimum prytaneum, amplissima curia, templumque egregium *Iovis Olympii*, ceteræque urbis partes una lata via perpetua multisque transversis divisa, privatis edificiis continentur. Tertia est urbs, quæ quod in ea parte *Fortunæ* sanum antiquum fuit, *Tyche* nominata est, in qua & gymnasium amplissimum est, & complures ades sacre, coliturque ea pars, & habitatur frequentissime. Quarta autem est urbs, quæ quia postrema edificata est, *Neapolis* nominatur, ad quæ theatrum est maximum, præterea duo templa egregia, *Cereris* unum, alterum *Liberi*, signumque *Apollinis*, qui *Tennites* vocatur, pulcherrimum & maximum. Hodie tam amplæ urbis decora omnia periere: ruinae exstant & oppidi partes. *Messana* urbs freto incumbens, cujus incolæ primum *Messanenses*, postea *Mamertini* dicti sunt, noti *Punicis* & *Atticis* bellis, ex *Herodoto* & *Thucydide*. *Catina*, quæ etiam *Catana*, patria *Charondæ* Legislatoris, *Gymnasio* hodie celebris. *Taurominium* urbs à *Zancleis* condita, hodie *Taormina*. *Leontium* patria *Gorgiæ Sophistæ*. *Agrigentum* pervetusta civitas, quam olim *Carthaginenses* everterunt, & *Megalus* atque *Feriscus* rursum instaurarunt. Sunt etiam *Augusta*, antea *Megara*: *Castrogianum*, olim *Ennea*: *Drepanum*, *Mon-*

reale, *Heraclæa* & aliæ urbes complures. Fluminibus rigatur plurimis, in quibus, ut & in lacubus, mugilum, alosarum, anguillarum, tincarum & troctarum non spernenda captura. In Mari vero thynnorum non modo ad *Pachynum*, sed ad *Panormum* etiam & *Drepanum*, ac omnem eam, quam *Mare Tyrrhenum* adluit, oram, larga captura. Capiuntur & in freto *Messanensi* xiphi. Siculum mare omni denique piscium genere benignissimum est, & mullorum copia, quos Græci *trichias*, barbatos autem *Sophron*. & *Cic*. vocant, & murænarum ac horycinorum, qui teste *Athenæo* lib. vii secundum obtinent locum, insigne. Fretum autem *Siculum* angustum, anceps, atrox, sævum, *Scyllæ* *Char-ybdis*que nominibus infame. Montes præcipui sunt *Ætna* & *Eryx*. *Ætna*, Cælestis Columna cognominatur *Pindaro*, *Tiphœum* eum vocat *Silius Italicus*. Hodie *Monte Gibello* aut *Mongibello* nominant. Assiduus ignibus flagrat. Describitur à *Virg.* lib. 3 *Æneidos*, *Plinio* lib. 3 c. 8, *Mela* lib. 2. c. 7, *Solino*, aliis. *Eryx* maxime memoratus ob delubrum *Veneris*, ab *Ænea* quod scribitur conditum. In *Sicilia* Archiepiscopi: *Panormitanus*, cui subiecti Episcopi *Agrigentinus*, *Masarenensis*, *Milevitanus* sive *Maltenensis*. Montis Regalis Archiep. cui subsunt *Syracusanus*, & *Cothanensis*. *Messanensis* Archiep. cui subsunt *Cephaludensis*, *Pacensis*, *Lipariensis*, *Marci* & *Militensis*, nunc *Milaza*.

Regio &
unde di-
fit.

S T I R I A M vulgo *Stiermarck*, à Tauro dictam esse vix dubium est, cui opinioni subscribit etiā *Ægidius Tschudus*: ubi refert ex *Plinio*, *Catonē Lepontios* & *Salassos* *Tauricæ* gentis asseverare: (inquit enim:) Fuerunt autem *Taurisci* isti Galli, quorum natio in antiquissimis Gallorum præliis sedem collocavit ultra Alpes, de quibus *Polybius* lib. 11. de Bello Gallico sic scribit: In Alpibus ab utroque latere montosa habitant ad eam partem quæ versus *Rhodanum* & *Septentrionem* spectat, Galli qui *Transalpini* appellantur: ad eam vero quæ campis imminet *Taurisci*, *Agones* & alia pleraque Barbarorum genera, à quibus *Transalpini* non genere, sed differentia loci differunt, ideo *Transalpini* dicti, quod trans montes colant, &c. Isti *Taurisci* postea emigrantes, alia quæsierunt loca, occupaveruntque regionem quæ modo Comitatus *Goerts* appellatur, ac deinde profecti sunt in *Stiriam*, nomen suum illi terræ relinquentes. Significat enim *Taurus* Germanis *Stier*. Fuderunt se quoque in *Austriam*, & *Hungariam*, de quare hic non est locus differendi. Hæc ille. *Stiriam* vero *Valeriam* olim dictam fuisse affirmant nonnulli, sicque appellatam fuisse in honorem *Valerie* *Diocletiani* filię, quemadmodum *Marcellinus* memorię prodidit, & *Aurelius Victor* de Cæsaribus. *Volaterranus* vero *Iapidiam* dictam putat: sic enim scribit l. 8. *Geograph.* Proxima huic *Iapidia*, quam *Stiriam* nunc vocant, licet *Pius Pontifex* eam *Valeriam* putat: ego vero ex descriptione *Rufi*, *Valeriam* potius *Croatiam* dixerim, inter *Danubium* & *Dravum*. Hactenus ille. Si prior opinio vera est *Quados* aliquādo hæc loca tenuisse, ex

eo patet, quod *Sextus Rufus* scribit, sub *Iulio Marcomanos* & *Quados* de locis *Valeriæ* quæ sunt inter *Danubium* & *Dravum* fluvium pulsos esse. Est vero & hæc regio *Norici mediterranei* pars, quemadmodum & *Carinthia*, & *Illyrici* provinciis adnumerāda. *Germaniæ* quoque posterius accessit. *Córegionales* *Stiriis* sunt ad *Ortum* quidē *Hungari*, ad *Meridiem* *Carniola* *Carniaque*: ad *Occidentem* *Carinthia*: qua *Septentrio* est, *Austria*. Terra undiq; montibus obsita præterquam qua orientem respicit *Solem*, ubi spaciola est planities. De ejus fertilitate parum polliceri ausim. Regio quidē universa mineris turget, verūm Principum incuria parcius foditur. *Argētarias* fodinas habet in Alpibus quas *Schvvenberger Alpen* ipsi nuncupant. *Ferrarias* juxta *Anisum* fluvium. *Salis* quoq; ingens hic copia coquitur, quam in alias regiones exportant, ac lucrum ingens recipiunt. *Marchionatus* olim *Pannoniæ* primæ erat, unde *Stiria* *Marchia* dicta fuit. *Marca* autem limitem sonat: per limitaneum itaque *Comitem* administrabatur, uti *Lazius* ostendit. Deinceps *Ducatus* titulum adeptus per *Fredericum Barbarossam*, *Austriacis* *Ducibus* accessit, quibus etiam nunc paret. Ultimus *Marchio* dictus fuit *Ottocarus*, cujus filiam duxit uxorem *Lupoldus* *Dux Austriæ*, qui consensu *Imperatoris* factus est *Dux Stirię*. Deinde *successione* illa rursus extincta, miserunt *Provinciales* quidam in *Bavariam*, alii in *Hungariam*: cujus regni moderator misit filium suum: sed cum ille viveret juxta mores suos, intolerabilisque esset *Stiriis*, exactus fuit, & vocatus *Ottocarus* filius regis *Bohemię*, qui usurpaverat *Ducatum Austriæ*, obtinueratque anno

Situs.

Soli quæ-
litæ.

Imperiũ
majorũ.

Christi



Christi cxcclxix Carinthiam, sed diu conservare non potuit. Nam cum eo arrogantia proventus esset, ut contempta Imperii Majestate de clientelaribus Bohemiae beneficiis Cæsari Rudolpho Habsburgio Sacramentum dicere nollet: hic ad Augustam Vindelicorum, Germaniæ Principum conventum indicit, citaturque gravissimis sub pœnis *Ottocarus*, ut se sistat, ac de injustè occupatis Imperii Provinciis neglectaq; ejus Majestaterationem reddat. Ridet citationem *Ottocarus*: neminemque ad Comititia qui pro se respondeat, mittit. Interim Legati ab Austriæ Ordinibus missi Augustam ad Cæsarem Principumque conventum perveniunt, & apud Cæsarem Principesque gravissime de injuria crudelitæque Ottocari conquesti docent, eum iniqui tituli jure Austriæ se insinuasse: Margaritam legitimam uxorem, Austriæ Hæredem superinducta pellice repudiassè, ac tandem veneno sustulissè: Agnetem Badensem filiamque ejus Elizabetham cum fratre Henrico, legitima Austriæ hæreditate spoliassè: Optimatesque complures in vrbe Vienna crudeliter trucidassè, ac sæpissime in innocentem populum sævisse: Austriam, Stiriam, Carniolam ac Vindorum Marchiã Imperii beneficia, cum Bela Hungariæ Rege clam esse partitum, ac ut exteræ nationis auxilio Austriam retinere, populumque duro jugo premere posset, ab Imperio ac Cæsare defecissè &c. Decernitur communi Principum sententia, Legatos ad Bohemum mittendos. Sed cum ii indigni in Cæsarem Imperiique principes probra pro responso tulissent, omnium consensu decreto bello, ad id justa auxilia Cæsari promissa. Is maximis coactis co-

piis in Austriam contendit. Prodit contra Ottocarus non minoribus adductis copiis, sed de prælii eventu, Cæsaris prudentiam ac vim veritus, dubitans, intercessionem duorum hinc inde Antistitum, pacem cum eo facit restituta Austria, dictoq; de Bohemia ceterisq; ejus provinciis Cæsari sacramento: in genua dum hæc fiunt ante Cæsarem subsedit, inspectante exercitu. Qua de re ut indigna, ab uxore hominibusque turbulentis reprehensus, violata pace, cum ingenti exercitu, Austriam invadit. Exit contra Cæsar Rodolphus, Germanorum copiis, Hungarorumque auxiliis stipatus, ac haud procul Oppido Marcheeco cum Ottocaro cõgressus, eum superat occiditque, deinde infesto exercitu Bohemiam invadens, ferro ac igne adolescentem *VVenceslaum*, defuncti Ottocari filium, petere pacem coegit, legesque pro sua Imperiique dignitate dat. Filium vero suum Albertum natu maximum Austriæ præficit: ac paullo post è communi Principum Imperii sententia Ducem Austriæ & Stiriæ eum renunciat. *Stiria* distinguitur in *Superiorem*, ubi Muræ fluvii divertigium, & *Inferiorem* juxta Dravi & Muræ confluentes, qua Pannoniæ secundæ seu Hungariæ proxima est, unde is locus *am Hunge-rischen* dicitur. Vrbes Styriæ sunt famatæ *Brugæ* ad Muram, ac ibidem *Grazium*, *Viana*, *Voytspurg* vulgo, ad Kaynacham fl. *VVolspergum* ad Lavandam fluvium. *Marchpurgum* Metropolitana ad Dravi sinistram ripam, atque ex eadem parte *Petovia* seu *Colonia Petovia*, ubi Legionæ Romanæ fixerunt sedem. Trans flumen *VVarasium*, *Castra Variana* vocant, *Rackelspurgum* Muræ fl. sinistræ ripæ adjacet, ubi Savaria regio initium habet. In hac

Urbes.

Flumina.

Montes.

hac etiam *Cilia* est ad Savi ripam, urbs, uti apparet ex vestigiis, antiqua. Nam Inscriptiones in ea plures nominum Rom. apparent. Oppidani à Sulla cōditam dicunt, vocarique *Sullacem*, nulla tamen auctoritate quam sciā, inquit Volaterranus. Nam forte ea fuerit, aut ex ejus ruinis, quam Ptolemæus non longe ab hac ponit, *Celiam* appellatam. In Ducatu Stiriaë plures sunt Comitatus, inter quos *VVarasdin*, ad Dravum fl., & *Lebnau*, ad Muram fluvium. Fluvii rigatur *Stiria*, *Dravo*, *Lavanda*, *Sackan*, *Sulmo*, *Raynacho*, *Mura*, *Martza*, *Arrabone*, *Veystritza*, *Lausnitio*, ac infinitis propemodum torrentibus ac rivulis qui omnes tandem Danubio miscuntur. Montium hic numerus non est, quare singulorum nomina adscribere vix licet. omnes pene generali nomine *Norice Alpes* dicuntur. Vnde Alpium adhuc præ se ferunt nomina, cujusmodi sunt *Rauch Alben*, *Subalben*, *Savv Alben*, *Schvvanberger Alben*. In confiniis Austriaë, Carinthiaë & Stiriaë *Taurus* mons est. Muræ fluvio *Gefacus* mons imminet, nunc vulgo *Der Scheckel* vocatur, & *Sattli*, *Manseperg*, *VVemsperg*. Iuxta Salzim fluvium dicitur *Ina Savvrussel*, hoc est *osporcinum*, *Deiselfteig*, i. *Diaboli precipitium*. Infra Muram dicitur in *Gaistal*, *Stainperg* & *Kainacher Alben*: Paulo inferius sunt, *Kreitzpergus*, & *Hertzpergus*

montes: & versus Ortum *Radel* & *Plaitzperg*. Ultra Dravum versus Meriditem *Claudius Mons*, nunc *Dracimperg* dicitur. Refert Vadianus, quod superioribus annis Vienna Austriaë constans fama increbuerit, ardere in Stiria cœpisse montem, quo pellectus Maximilianus Cæsar Augustus, nunciis ad inquirendum missis ita esse ut ferebatur compererit, quod miraculi loco hic recensere libuit. Hæc verò accidisse verisimile est circa annum Christi 1510xxx, quo tempore Vadianus hæc videtur scripsisse. Prædicti vero montes passim, sparsimque silvis vestiuntur. *Stirii* agrestes vulgo populi sunt & strumosi, adeo quidem ingenti struma nonnulli, ut ipsis loquelam impediat: & mulier lactans illam post tergum perinde atque saccum rejiciat (si fama vera est) ne infanti impedimento sit. Memoria prodit Ortelius se Frisachii dum an. 1510xlviii Vienna Venetias proficisceretur, non sine admiratione hominem contemplatum, cui mentum ab auribus incipiens, humeros latitudine fere æquabat, & ad pectus usque propendebat. Strumæ causam aquæ aërique, quibus vescuntur incolæ, tribuunt. Stiriani cultu & sermone Germani sunt, præter Dravi adcolas, qui Illyrica utuntur lingua.

Mores.

Z z z

INTER

SCLAVONIA.

Regio &
unde di-
cta.

Nomina.

Situs.

Aeris
qualitas.

INTER Regiones quæ hac Tabula nobis repræsentantur, primum locum sibi vendicat *Sclavonia*. Hæc à gente Sclavonica nomen habet, quæ olim ad Mæotidem paludem habitavit. Dicta quoque fuit *Illyricum* Plin. ab *Illyrico* Cadmi, vel ut alii sentiunt, Polyphemi filio. *Illyris* Ptol. *Illyria* Steph. Eam alii aliter definiunt. Ptolemæus ab Istria ad Macedoniæ usque confinia secundum maris littora producit; mediterranea ejus ad Pannonos & Mœsiam superiorem expandit. Multo ampliorem eam describit Pomponius Mela, & Dionysius Alexandrinus: totam enim maris Adriatici oram, à Tergesto ad Ceraunios usque montes, Illyriis adscribit, eosque ultra Danubium fluvium habitare docet: Danubium namque inter ejus flumina Mela numerat. Alii etiamnum latius hujus fines extendunt. Plinius vero inter Arsam & Titium fluvios constringit. Plerique in ea describenda Ptolemæum sequuntur. Secundum quem continet Illyris quæ Macedoniam spectat, Dalmatiam, & Liburniam quam *Croatiam* nunc Latius vocat: alii Croatiam: Pinetus Comitatum Iaderæ, hoc est, *Contado di Zara* indigitat. Longitudo ab Arsa ad Drinum usque est mill. Italicorum cccclxxx. Aere fruitur locis nonnullis puro ac salubri, quibusdam minus grato, qua paludes ac exhalationes

fœdæ eum inficiunt. Regio omnis, teste Strabone, aprica est & amœna: optimos habet & firmos maris portus, solum fertile, etiam vitiferum, nisi quæ saxis & rupibus ^{*Soli ferti-*} horret, aut ad Pannonias, ubi frigida est & nivalis. Florus de Illyriis scribit primo bello Punico, Illyrios populationibus non contentos, licentiæ scetus addidisse, legatos Pop. Romani jure agentes, non gladio, sed ut victimas securi percussisse: præfectos navium igne combussisse, idque, quod indignius foret, muliere imperante, quam ille *Teutam* vocatam scribit. Rursum bello Macedonico Illyrii à Perse Rege conducti Romanum militem à tergo cœperant distringere, sed deleta ab Anicio Prætoris Scorda, quod caput gentis erat, statim sequuta deditio est. Plinius oram Illyridis mille amplius insulis frequentari scribit, quum contra Italiæ ora huic obversa impetuosa sit. Illyridis urbes potiores & oppida sunt *Senia* urbs, vulgo *Segna*, in planicie sita ad mare, quod à Borea vento horridis tempestatibus obnoxium. *Iadera* colonia, Liburnorum metropolis, hodie præcipua ac munitissima. *Zara*, vulgo *Sebenicum* oppidum, Ptol. *Sicum* dictum. Situm est in Sinu Sardonico, in conspectu irrumpentis freti ad montis radicem, ubi est arx. Fertiles habet agros, sed male nunc habitat ob Turcarum vexationes. *Spalatum* & *Salena* Ptolemæo & Straboni celebrata. *Salona* etiam, Dalmatarum navale, quod quidem nunc parum colitur, ob Turcarum viciniam. *Tragurium* hodie *Tran*, à continenti parvo euripo separatum.



Flumina.

ratum. *Epidaurus* urbs antiqua, ad cujus ruinas *Ragusium* vulgo *Ragusi*, Turcis *Pobrovicha*, urbs exigua cum arce munitissima: hic nobile est emporium mercium Turcicarum, respublica legibus æquissimis constituta, cives opulenti. Duobus præcipuis adluitur tota Regio fluviis, *Savo* & *Dravo*, qui in Danubium corruunt. Ultra montes plurimi minores amnes erumpunt in Sinum Hadriaticum, ut sunt *Edanius*, *Ticius*, *Naron*, *Rhizon*, & *Drinus*. Illyrici seu Sclavonici populifere omnes ligneis habitant ædificiis, culmo contextis, præter paucas littorales urbes, in quibus humanius degunt. Et hæc de Illyrico sive Sclavonia universim. Sclavonia autem quam hic nostra exhibet tabula, Illyrici illius tantum pars est, nisi forte dicamus eam Plinii esse. Continet *VVindorum Marchiam* & *Zagabriensem Comitatum*, uti ex pinace videre est.

Croatia.

Regio.

Situs.

Urbes.

CR O A T I A Illyrici, quod initio descripsimus, pars versus Hungariam, Rufo & Volaterrano *Valeria*: *Liburnia* aliis. Istria ad Sinum Fanaticum adhæret versus Ortum, inter Kulpam & Savum flumina, & superiorem Mœsiam sita. Hujus Metropolis nunc *Bigihon* esse dicitur: aliquando *Fumium* erat. Urbes præterea plurimas habet, utpote *Zeng*, *VVackar*, *Turnavv*, *Modrisch*. Cæterum Regio paucis abhinc annis propter Turcarum in hanc invasiones mirum in modum innotuit. Cum jam fœdus quod cum Christianis erat Turca rupisset, hanc regionem ut sibi vehementer commodam ad invadendum cæteras regiones, Italiam & Germani-

am, suis Regnis & Provinciis adnectere ardebat. Sub initium itaque ætatis anni 1510 Turcarum Imperator per Bassas & Duces suos in Croatiam exercitum duci jubet. Consternatis vehementer per totam regionem adventante hoc exercitu militibus, *Hrastovitzam* munimentum fortissimum, per proditionem, Bassa ex Bosnia capit. Neque hoc furiosi militis placata rabies est, quin *VVijhitz*, civitatem munitissimam, vallis aggeribusque undique circumductam, obsideat. militem omnem, qui eam tuebatur, cum pro vita sustentanda, & reliquo defendendo, nihil, neque spes superesset, gloriose se dantem, præter fidem datam, Turca enecat. Hanc deditionem mille aliæ calamitates sequutæ sunt, quas silentio transeo. Porro anno sequenti qui erat millesimus quingentesimus nonagesimus tertius, cum à se tot partas victorias, tot captas arces & munimenta Turca gloriaretur, habendi *Sisseghum* civitatem munitissimam vehemens eum cupido invadit: atque exercitu coacto, obsidione hanc civitatem cingit. Verum Germani animadvertentes quantum mali hinc & detrimenti, si à Turcis caperetur, non solum Germaniæ, verum etiam toti Europæ accederet, collectis undique copiis, ac trajecto Savo fluvio, pro civitate liberanda, cum inimico configere statuunt. Turci Equites qui numero erant 8000, aut ut alii volunt 10000, ut impedirent Christianorum adventum, per pontem quem ante exstruxerant, ad alteram Savi ripam properant, exercitum suum locant, pugnamque cum Christianis ineunt: instant durius ac animosius Christiani, quorum impetum non ferentes Turcæ ad pontem fugiunt, verum eum jam paulo ante occupaverant. Carolo stadientes milites

milites. Turcæ nusquam refugio reperto, præcluso ponte ad reliquum exercitum aditu, omnes ferè cæduntur, reliqui in Savo & Kulpa fluminibus salutem quærentes submerguntur. Pars reliqua Exercitus Turcici, cum à suis infelicissime pugnatum videret, turpiter fugit; ac tandem nostri auxiliante Deo 22. Iunii anno 1593 civitatem arctissima obsidione liberant.

Bosnia.

Regio &
unde di-
cta.

Urbes.

L I B V R N I A orientalem plagam *Bosniam* hodie dicunt à *Besbis* inferioris Mœsiæ populis, qui inde à Bulgaris ejecti in hanc superiorem Mœsiam migrarunt, ac mutato e in o lit. pro *Besbis* *Bosbi* & *Bosni* dicuntur: atque inde *Bosna* & *Bosnia*. Quales munitiones in multis aliis propriis nominibus sæpe factas videmus, ut olim *Melita* & hodie *Multa*, *Longones* & *Lingones*, *Scandia* & *Schondia*, &c. *Bosniæ* urbs est *Laitza* in edito monte sita, quam duo amnes circumfluunt, præruptisque rupibus & vadis obfirmant. Ad radices montis & ad ambitum urbis amnes illi confluent, admixtique una in Savum feruntur. Bosnensis regni hæc ante tempora nostra Caput erat, cum inexpugnabili arce, a hostibus inaccessibili. Habet regio & alias quasdam insignes civitates, præsertim *Schvronicam* & *VVarbosayne*, quam ajunt hodie esse Metropolim, sed nullo cingitur muro. *Milliatzka* fluvius dirimit eam in duas partes, &c.

Dalmatia.

R E S T A T ut Dalmatia, cujus etiam partem hæc Tabula delineat, pauca subjungamus. Ea à *Delminio* civitate gentis Metropoli nomen habere putatur. Fuit olim Dalmatia potentissima regio, atque ipsi Dalmatæ olim potentes armis & opibus, situ etiam confidentiores fuerunt. Agebant plerumque sub silvis, inde in latrocinia promptissimi. Urbes sunt, *Salanum*; hic supersunt aliquæ reliquæ Diocletiani, qui hoc loco, uti patria sua, afficiebatur. *Raguzium*, de quo supra. *Castell-novo* ad ostium sinus Rizonici ab antiquis vocatæ. *Catarum* optimum habens portum. Atque haud procul à limitibus hujus Regionis sita est ad mare *Civitas Apollonia*, juxta quam est petra quæ flammam ignis evomit, & infra eam ebulliunt aquæ calidæ, & bitumen, præsertim quando petra ardet. Ecclesiastica porro administratio ad hanc Tabulam pertinens ex Provinciali Romano apud Mercatorem talis: Archiepisc. *Iadra*, quam nunc *Zaram* dici putant. Cui subsunt *Anzara*, *Vegla*, *Arbe*. Archiep. *Spalato*, sub quo *Tragurium*, *Tenienfis* *Tina*, *Sardona*, *Temnenfis*, *Nenenfis*, *Nonenfis*, *Almisa*, *Sibinicensis*, *Farenfis*. Archiep. *Ragusinus*. vide in Tabula Græciæ & Macedoniæ. sub quo *Stagnensis*, *Rossonensis*, *Risina* opinor; *Tribunienfis* *Trebina*, *Cataro*, *Bacenfis*, *Rosensis*, *Bidanensis*, *Budoa*. Archiepisc. *Antibarenfis* in Tab. Macedoniæ, sub quo sunt *Dulcinium*, *Suacinenfis*, *Drinastensis*, *Polaštrenfis*, *Scodrenfis*, *Sardensis*, *Surtanensis* vel *Acittarenfis*, *Arbenfis*.

Z z z 3

VALACHIA

Valachia

VALACHIA à *Flaccis* Quiritum gente appellatorem habet. Romani enim Getis superatis & deletis, *Flacci* cujusdam ductu eo coloniam deduxere, unde primum *Flaccia*, deinde corrupta voce *Valachia* dicta. Hæc etiam Transalpini nominis originem ex re sortita est. Alpibus enim & montibus continuis, & his quidem altissimis, ab Hungaria & ejus potissima Transilvania parte, nemo-rosiusque passim amœnisque intervenientibus silvis dividitur & terminatur. Habet autem ab Ortus piscosum lacum, quem Hierasus amnis, incolis *Pruth*, efficit: ad Meridiem vergit terminata Danubio, atque item ab Occasu Transilvanię fines attingens, ad oppidum Severinum, ubi Trajani pontis admirabiles pilę xxxiv visuntur. Ad septentrionem autem finitur *Hoima*, ignobili flumine, & directis terrestribus terminis ad Istrum, curvata admodum regionis fronte contra *Paucem Insulam* antiquis scriptoribus notam, quam hodie *Barillanam* dicunt. *Valachia* autem, licet altissimis sit innexa montibus, nihil tamen ei deesse comperitur, quod usui humano necessarium videri possit. Adhæc dives auri, argenti, ferrique ac salis fodinis. Nec vineę desunt: nec varii generis animalia: inprimis equos alit insignes, asturcones optimos, aliosque magna copia. Hic *Ternovizza* oppidum Vaivodę sedes est. Alia oppida sunt *Braila* & *Trescortum*, non longe à quo effoditur bituminis species, ex quo sicut ex cera optimę candelę conficiuntur. Reliqua hujus regionis per pagos & villas habitantur: flumina sunt *Hierasus*, incolis *Pruth*, *Hoimę*, *Danubius*, alia.

Situs.

Soli fertilitas.

Animalium varietas.

Oppida.

Flumina.

Servia.

SERVIA, *Mœsia Superior* Lazio, regio inter Bosniam & Bulgariam. Hanc antiquam *Triballorum* regionem esse multi putant. Ethique quidem populi huc ex septentrione, debilitatis Imperii Rom. Gręci que viribus, commigrarunt. *Dardanos* *Serviam* & *Rasiam* habitasse, scribunt *Cuspinianus* & *Volaterranus*. Regia *Servię* urbs fuit *Sinderovia*, quam alii *Spenderoben*, & alii *Simandriam*, vel *Semendriam*, Turcę *Semender*, Hungari *Zendrevv* vocant, quę quidem non procul à Belgrado ad Danubii ripas jacet, & capta fuit ab Amurathe Turcarum Imp. anno cccccxxxvii, & in Sangiacatum redacta sub Budensi *Beglerbego*. Nobilia quoque oppida sunt *Vidina*, quod Turcis *Kiratorum* appellatur, ad montem Argentarum situm, redactum in Sangiacatum *Temisvarensi Beglerbego* subiectum. *Novogradum* in finibus *Servię*, quod quidam perperam novum montem appellant. Arcem habet inexpugnabilem. *Mons Niger*, ubi sunt argenti fodinę admodum nobiles. Sunt & *Samandria*; *Prisdena* patria *Iustini* Imp. *Stonibrigadum*, & *Belgradum* antea *Taurinum* dictum.

Vires.

Bulgaria & unde dicta.

Situs & Soli qualitas.

BULGARIA quasi *Volgaria* dicitur, quia nimirum hujusmodi populi profecti à Volga circa annum Domini cclxvi hanc regionem occuparunt. Hanc quidam esse veterum *Męsiam inferiorem* putant. Iacet inter *Serviam*, *Romaniam* ac *Danubiũ*. Regio magna ex parte montibus aspera, & juxta dorsum *Hęmi* montis producta, modo versus *Danubium*, modo versus *Romaniam*: unde media ipsa regio asperior est: decliviora loca silvis





Vrbes.

ca filvis obsita sunt & solitudinibus occupata. Metropolis hic *Sophia*, quam Ptolemæi *Tibiscum* oppidum Niger putat. Hic sedem habet Beglerbegus Græciæ, qui Turcis dicitur *Rumeli Beglerbeg*, habetque Sangiacatus sub se i & xx. Sunt & *Serrajum* civitas Bulgariæ insignis. *Nicopolis*; hæc à Sangiacis regitur. Prope hanc civitatem vestigia supersunt pontis admirabilis maximeque stupendi, quem construxit supra Danubium Trajanus Imperator, dum contra Getas pugnaret.

Romania
Regio &
unde di-
cta.

Situs.

Cæli &
Soli qua-
litas.

Vrbes.

Bulgariæ *Romania* proxima est, sic dicta ab urbe præcipua Constantinopoli, quæ *Roma Nova* etiam dicebatur. Olim *Thracia* appellata fuit, vel à *Thrace* Martis filio, vel à *Thraca* Nympha, vel potius à feritate, seu temeritate. Separatur à Macedonia Strymone fl. ad septentrionem est Hæmus, cætera Mare adluit. Regio nec cælo lata, nec solo: & nisi qua Mari propior est, infœcunda, frigida, eorumque quæ feruntur, maligne admodum patiens. Versus mare vero frugibus, frumento & leguminibus fœcunda. Raro usquam pomiferam arborem, vitem frequentius tolerat: sed nec ejus quidem fructus maturat ac mitigat, nisi ubi frigora objectu frondium cultores arcuere. Vrbes habet *Abderam* Democriti patriam: *Nicopolim*, *Philippopolim*, *Hadrianopolim*, *Trajanopolim*, *Selymbriam*, *Perinthum*, aliasque complures. Metropolis est *Byzantium*, conditum à *Paufania*; nunc *Constantinopolim* vocant à Constantino, qui ibi sedem Imperii esse voluit. Turcis dicitur *Stampolda*, quasi ampla civitas. Sita est ad Euripum, habetque ex adverso *Peram*, quam vocant *Galatam* in cornu Byzantino, veterem *Genuensium* coloniam. Multa admodum in urbe sunt vetustatis monimenta, partim il-

lic primum posita, partim *Roma* illuc allata. Præcipua hæc sunt. Templum *Sophiæ*, opus Iustiniani Imp. Palatium Constantini, Columna serpentina, & altera quæ historiata nominatur. Templum S. *Lucæ Navale*, Castrum novum, *Colossus*, *Gynæceum*, *Hippodromus*, *Obelisci*. Flumina eam duo adluunt, *Cydrus*, vulgo nunc *Machlevam*, & *Bardyses*, *Chartaricon*. Ambitus urbis est xliii mill. pass. Incolarum numerus 1000 mill. excedit. Regio vero paucos amnes habet, verum celeberrimos, *Hebrum*, *Melanem*, *Tearum*, *Arsum*, *Bathyniam*, *Nestam*. Montes attollit, *Hæmum*, *Rhodopen*, *Orbelum*, *Pangæum* & *Messapum*. Parent nunc ista regna Turcarum Imperatori, qui sedem Imperialem habet Constantinopoli, & præcipuum ibi palatium. De cujus potentia & regnorum administratione breviter dicam. Ducenti circiter sunt, quibus Turca mandavit singulis quadrienniis per Græciam, V *Valachiam*, *Bosniam*, & *Anatoliam*, reliquasque ditiones suas colligere Christianorum pueros masculos ex singulis familiis, tanquam decimas sibi debitas, quos Constantinopolim, *Peram* & *Adrianopolim* adducunt, & civibus educandos tradunt, ac minus elegantes in *Bursia* & *Caramania* agricolis commendant. Hi omnes *Azamoglam* aut *Iamoglam* vocantur, id est, innocentes & simplices infantes, nihilque scientes, & cum ad vii annum pervenerint, elegantiores & dociliores in *Saray*, hoc est, palatium præcipuum Imp. Constantinopoli collocantur usque ad quingentos, ibique in litteris & armis instituuntur, donec xx annum compleverint. Ex his eliguntur præter aulæ ministros & officiales *Ianizari* pedites, quos ad xii millia in sui perpetuam custodiam habet Imp. Ex *Ianizaris* spectabiliores electi *Spachoglani* ad 3000, dexteram Principis claudunt, singuli iv aut v equis servientes,

servientes. Exiisdē *Silichtar* ad 3000 similiter iv aut v equis servientes sinistrum Principis latus tuentur. Post hos ii ordines *Spachoglan* & *Silichtar* equitant *Vlofagi* 5000, ad dexteram Imperatoris, & 5000 ad sinistram, qui omnes ex Ianizaris, aut ex abjuratis Christianis, qui fideliter *Beglerbejo* aut *Bassæ* servierunt, eliguntur. Post hos ultimi sequuntur equites *Charipici*, id est pauperes, qui ex omnibus Provinciis Turcici Imperii & diversis nationibus, Christianis, Persis, Mauris, Syris, Arabibus, Barbaris & Tartaris sponte ad Imperatoris servitium stipendii causa conflunt, ex quibus 2000 selectiores Imp. serviunt. Item ante Imperatorem 200 *Mutaferacha* lanceam gestantes equitant, qui ex servis ob facinus aliquod egregium sunt manumissi, & in nobiles aulae electi. Item (post hos opinor) xxx *Chausiler*, hoc est, Caduceatores ante Principem equitant, qui accursum populi prohibent, & viam Principi aperiunt, supplicationes quoque ipsi tradendas recipiunt. Post hos proximè pedites *Solachi*, qui arcum inauratum cum sagittis portantes 200 Imperatorem præcedunt, 200 sequuntur, & ex utroq; latere xxx comitantur. Iuxta hos proximè & quum Principis incedunt sine tibialibus & calceis 100 *Pejoler*, id est Cursores, quos huc illuc in pace ac bello mittat. Hæc perpetua est Imperatoris custodia: tempore belli verò habet etiam *Asaples*, qui sunt pedites extraordinarii, & *Caripoglan*, qui sunt equites extraordinarii. Per ditiones autem & Provincias suas in illarum defensionem alia habet præsidia. In limitaneis ditionum Christianorum sunt supra 10000 Ianitzarorum, intra provincias autem Turcicas 6000 Ianitzaro-

rum sparsim commorantur, nulli *Beglerbejo* aut *Bassæ* subiecti, sed immediatè Imperatori, & liberi ab omni contributione. Est item per Provincias alia juventus dispersa ad 10000, ex qua suppleri possint, qui in limitaneis provincialibus ordinibus defecerint. Reliquæ omnes copiarum militares præter dictas subsunt *Beglerbejis*, qui sunt Rectores provinciarum, quales habet vii: Græciæ, Anatoliæ, Caramaniæ, Amasiæ & Cappadociæ, Anacidulæ, Mesopotamiæ, Ægypti, de quibus suo loco. Habet etiam Imp. iii aut iv ad summum Consiliarios, quos vocant *Visirbachtas*, aut simpliciter *Bassas*. Theo. Sanduginus lib. de Morib. Turc. colligit annuos redditus Turcæ esse vasa auri LXVIII & LVIII millia ducatorum. Vas autem auri continet millia ducatorum centum. Ecclesiastica administratio ex Provinciali Romano ejusmodi: Archiep. Constantinopolitanus hos habet Suffraganeos, *Colubriensem* nunc forte *Chiorlich*, *Naturensensem*, *Spigacensem*, *Dorkensem*, *Pavadensem*, forte nunc *Pandia* & *Chalcedonensem*. Arch. *Heraclia*: huic subsunt *Rodesco*, *Peristadensis*, *Gillipolis*, *Darnensis* forte *Dardanello*, *Curlotensis*, *Archadopolis*, forte nunc *Arco*, *Missenensis*. Arch. *Patracensis*, cui subsunt *Lampsacenus* & *Dinensis de Sellana*. Archiep. *Squisicensis*, *Sequino* forte: huic subsunt *Trojanus*, *Andrumanus*, *Iacorensis*, *Decandimonia*, *Lupadiensis*, *Epigoniensis*, *Libariensis*. Arch. *Verisiensis*, cui subsunt, *Rosfianensis*, *Aprensis*, *Ripsalensis*, *Cypsela* opinor. Archiep. *Madricensis*, *Mariza* opinor. Arch. *Andrinopolitanus*. Arch. *Trajanopolis*: cui subest *Aviësis*. Arch. *Malziacensis*, sub quo *Maronia*. Arch. *Mesipolis*, cui subest *Xanociensis*. Arch. *Philippensis*, cui subsunt *Christopolis*, *Dragonensis*, *Chrisopolitanus*.

Statue Ecclesiasticus.

Regio.

Nomina.

Situs.

GRÆCIA sequitur Europæ nobilissima regio, totiusque eruditonis fons & mater. Incolis *Hellas* dicebatur. Qui verò hodie eam habitant *Romechi*, Turci *Haromeli* nominant. *Rumelia* est Leunclavio: Septuaginta interpretibus *Phobel*, & *Iavan*. *Graciam* autem non semper omnes iisdem terminis circumscribunt. Propriè ab Isthmo Thessaliâ usque extenditur, & ab Epiro amne Acheloo dispescitur: Ortum versus habet Mare *Ægæum*: atque hæc propriè est *Hellas*. Hoc est quod Plinius aliquoties innuit: *Ab Isthmi, inquit, angustius Hellas incipit*. Et rursum: *Angusta cervice Peloponnesum contingit Hellas*. Interdum etiam Peloponnesus & Thessalia Græciæ notione comprehenduntur. Ita L. *Æmilius Paulus* quum circumiret Græciam, per Thessaliam Delphos petiit, inde Lebediam, tum Chalcidem, postea Aulidem, inde Athenas, altero die Corinthum, tum Sicyonem, Argos, Epidaurum, Lacedæmonem, Megalopolim, Olympiam: Ita peragrata Græcia rediit Amphipolim. *Homerus* solos *Phthiotas* vocat *Hellenas*. *Herodotus* inter *Hellenas* & *Pelasgos* discrimen facit. Hodie vero Græciam vocamus tractum omnem qui ad Occidentem Ionio mari adluitur, ad Meridiem Libyco: ad Ortum *Ægæo*: ad Septentrionem verò montibus à Thracia, Mysia, Dalmatiâque separatur. Regio hæc præstabat olim reliquis Europæ cœli temperie, ac benignitate, frugum omnium fertilitate, armentorumque omnis generis copia. Hæc illa est regio, quæ fama, quæ gloria, quæ doctrina, quæ plurimis artibus, quæ etiâ imperio & bellica laude diu

Cœli temperies.
Soli fertilitas.


floruit. Libera primùm, sed dū imperium in socios affectat, serva. Itaque eam primùm *Cyrus*, postea *Xerxes*, aliique *Persarum* Reges vexaverunt. Subjecere eam sibi inde *Macedones*: tum *Perseo* devicto *Romani*: quorum Imperio diviso cessit tota *Constantinopolitanis*, donec *Gothi*, *Bulgari*, *Saraceni* eam deprædati sunt, & *Turca* postremum in miseram servitutem omnem redegit, exceptis quibusdam Insulis quæ *Veneto* parent, *Corcyrâ* scilicet, *Cephaloniâ*, *Zacyntho*, *Cretâ*, aliisque minoribus. Superbivit olim Græcia multis urbibus florentissimis: *Athenis*, *Lacedæmone*, *Delphis*, *Argis*, *Mycenis*, *Corintho*, aliisque plurimis, quarum pleræque, ut caduca & fluxa est mortaliū rerum conditio atque interitui obnoxia, prostratæ & dirutæ jacent. Flumina hic & fama & natura ingentia xxxii numero: ea sunt *Strymon*, *Chabrius*, *Echedorus*, *Axius*, *Erigon*, *Lydius*, *Aliacmō*, *Pharybus*, *Peneus*, *Sperchius*, *Panyassus*, *Apsus*, *Lous*, *Celidnus*, *Thyamus*, *Acheron*, *Arachthus*, *Achelous*, *Evenus*, *Ilissus*, *Asopus*, *Ismenus*, *Cephisus*, *Boagrius*, *Asopus* alter, *Sus*, *Peneus*, *Alphejus*, *Selas*, *Panyssus*, *Eurotas*, *Inachus*. *Maria*, *Ionium*: nomen habet ab *Ionîa*, quam regiunculam in ultimis Italiæ oris facit *Solinus*: vel ab *Ionio* Illyriorum Rege: vel ab *Ionibus*, ut censet *Archidamus*, in trajectu maris ibi submersis. *Croniū* & *Rheæ Sinus* antea dicebatur, ut antiqui Scriptores testantur: *Creticum* ab *Creta*: hodie *Mar di Candia*. *Carpathium*: ab insula *Capartha*, quæ ad Orientale *Cretæ* Promontorium. *Ægæum* dictum, ut *Festus* & alii scribunt, ab *Ægæo* *Thesei* patre qui in id se præcipitasse perhibetur: ut *Pherecydes*, ab *Neptuno*, qui & *Ægeus*. Aliorum

Imperium
majorum

Vrbes.

Flumina.

Maria.



Aliorum opiniones prætereo. Nominatur etiam *Aegon* Valerio Flacco & *Ægeon*, *Mare Græcum* Thucydidi, Europæis hodie *Archipelago* voce Græca: Turcis *Mare album*. Romani totū hoc mare duobus nominibus olim appellabant, teste Plinio, *Macedonium* quidquid ejus Macedoniam & Thraciam attingebat: *Graciense* quidquid Græciā. *Myrtoum*, *Ægæi* pars, *Myrtoum pelagus* Ptolemæo circa Cariam, Asiæ minoris regionem: Castaldo *Mar di Mandria*: Straboni vero, Plin. & aliis inter Peloponnesum & Atticam. Nomen illi à Myrto Mercurii filio, quem in id deturbatum ab Oenomaο volunt Solinus & Isidorus; vel, ut veriùs sentit Plinius, ab exigua Insula, nō procul à Carysto Eubœæ oppido sita. *Icarium* ab Icarī nota fabula plerisque: Andrætē Tenedio ab una Cycladum, quæ & *Macris* & *Icarus*. hodie *Mar di Nicaria*, Castaldo scribente. Et alia. *Montes* etiam plurimi: *Bertiscus*, *Athos*, *Olympus*, *Ossa*, *Pelion*, *Citarius*, *Othris*, *Oeta*, *Pindus*, *Acroceranui*, *Stimphe*, *Calidromus*, *Corax*, *Par-nassus*, *Helicon*, *Citharon*, *Himettus*, *Stimphalus*, *Pholoe*, *Cronius*, *Zarex*, *Minthe*, *Taygetus*, & alii. In Græcia, nempe Athenis, mercatus olim fuit bonarum Artiū & Disciplinarū celeberrimus. Quare à Diodoro Siculo Communis Schola generis humani dicitur. Cicero lib. iv. Epistolarum ad familiares, *Nobilissimum Orbis Terrarum Gymnasium* cognominat. Eò Romani aliæque nationes Philosophiæ Græcæque linguæ gratiā se conferebant. Cicero Græcis passim attribuit, multarum artium disciplinam, sermonis leporem, ingeniorum acumen, uber-

tatem dicendi, à quibus Philosophiam, reliquas item artes & scientias Romani hauserunt. Et Flaccus canit, *Grajis ingenium, Grajis dedit ore rotundo Musa loqui*. Viri hic clarilitteris & doctrinā fuerunt *Musaus* Poëta, *Solon*, *Socrates* Philosophorum omnium præceptor, *Xenophon*, *Plato*, *Isocrates*, *Demosthenes*, *Thucydides*, & innumerabiles alii. Quod ad veterum Græcorum religionem, regnavit apud eos Idololatria. Deorum Dearumque numerus fuit infinitus. Augustinus de civitate Dei lib. iii. ex Varronis sententia affirmat, simul tam apud Romanos, quam Græcos extitisse 3000 Deorum, quorum ccc Ioves erant. Vnicuique suus Lar, suum Numen domesticum. Vnicuique affectui, commodo, periculo, suus tutelaris Deus: unicuique Deo suæ ceremoniæ, suæ preces, sui Sacerdotes, sua sacrificia & libationes. *Vulgus* Græcorum hodie antiquitatis nihil retinet. Nam promissam plerumque gestat comam, anterioremque capitis fronti imminentem partem tondere solet: duplicatoque & crasso pileo utitur. Omnes universim pauca supellectile, uti Turcæ, contenti sunt: nec plumeis lectis incumbunt, sed culcitrās sive centones lana, aut tomento suffultos substernere solent. Odiosum omnes censent vinum aqua diluere, & etiam nunc poculis se invitant: sed mulieres eorum symposiis non intersunt, neque accumbunt in accubationibus epularibus. Vetus etiam mortuos deplorādī consuetudo apud Ethnicos perdurat in Græcia. Religione Græci Christiani à Romanis dissident, gaudentque titulo Ecclesiarum

*Ingenio
celebres
& lonan-
rum Ar-
tium Viri.*

*Vulgus
mores.*

Montes.

Schola.

rum Orientalium. Patriarchæ ipsis quatuor, *Constantinopolitanus*, *Alexandrinus*, *Hierosolymitanus*, & *Antiochenus*. Hi à Metropolitanis creantur, ut à Cardinalibus Papæ, sed ii perpetua sanctimonia vitæ celeberrimi, modestia in illis mirifica. Annuus singulorum redditus cccc aureorum ab Ecclesiis quibus præsumt emendicatus. Nihil Ecclesiasticis hæreditarium. Vxorem, sed unam tantum ducunt, Sacramenta duo duntaxat agnoscunt Baptismum & sacram Cœnam. Sub utraque specie communicant, pane & vino: purgatorum ignem execrantur: sculptilia detestantur: rasuram verticis non admittunt. Ceterum Græci qui opulentiores sunt, & qui auctoritatis titulo delectantur, vestibus utuntur consuetudini ipsius Principis convenientibus. Qui Venetis subsunt, Venetorum vestiuntur more: qui sub Turca sunt, Turcicis similes vestes gestant. Rector Græciæ vocatur *Vromeli Beglerbey*, id est Rom. Principum Rex: præst enim omnibus regionibus, quas in Europa habet Turca, quæ novæ Romæ Constantinopoli subiectæ fuerunt. Hic sub se habet xl *Sangiagler* sive *Sangiacos*, qui sunt Capitanei copiarum equestrium ex Spachoglanibus electi, & in principalibus civitatibus provinciarum commorantur ad continendum eos in officio & pace, ipsisque

Vestitus.

cl. *Sobasci Cimmeriota*, aut plures, qui sunt quasi vicarii per minora oppida distributi. Sub his autem Sangiacis xxx m. *Spachi* sunt, quorum quilibet tribus aut quatuor equis meret. Et sunt hi *Spachi* per *Flamboler*, hoc est, vexilla distributi, quæ cc, ccc, cccc, aut 10 Equites continent. Inter Sangiacos potentiores sunt Rector *Modena*, qui præest toti *Moreæ*, qui ad mandatum *Beglerbeji* mille equites adducit, quos suo stipendio sibi devinctos habet. Item Gubernator *Bosna* habens 10000 equites, & *Thessalonica* habens 10 equites, quorum centum perpetuo penes se servat, reliquos monitus Turcæ in subsidium mittit. Sunt præterea sub hoc *Beglerbeyo* Sangiacis subiecti xx m. equitum, qui *Tymariota* vocantur, quod ex *Tymar*, hoc est ærario Imperatoris stipendia habeant. Et item lx millia *Akengi* sive *Acconti*, id est, fales sive periclitatores, qui liberi & exempti à contributionibus absque ullo stipendio equites serviunt, victum præstantibus civitatibus per quas transeunt. Sunt etiam multi feudatarii *Mosselin* dicti, qui aliquando ad lx millia equitum & magnum peditum numerum colliguntur. Longum foret omnia accuratè referre: neque id nostri hoc tempore instituti est, quare ad specialiora Græciæ pergo.

Aaaa 3

GRÆCIAM

GRÆCIAM alii aliter diviserunt. Quibus omis-
sis, Mercatorem nostrum sequemur, qui tribus
Pinacibus ejus partes graphicè nobis & ele-
ganter delineat. In hac autem Tabula tres
Græciæ Provincias proponit, *Macedoniam*, *Epirum*, & *A-
chajam*: proxima *Morem*: tertia & postrema *Candiam*.
Primo loco occurrit *Macedonia*, amplissima regio à *Ma-
cedone* rege Osiris filio, alii dicunt Iovis & Thyæ, nomen
fortita: vel ut Solino placet, à Deucalionis nepote. *E-
mathia* ante dicebatur, Plin. & Trogo testibus. *Paoniam*
primo vocatam scribit Livius, deinde *Aemoniam*. *Edonia*
item & *Pieria* Solino. *Boeotiam* quondam dictam scribit
Trogus. Ejus partem *Macetiam* dictam scribunt Steph.
& Hesychius; & inde totam regionem nomen accepisse,
refert Eustathius in Dionysium. *Cethim* item in li-
bris Machab. ubi legimus Alexandrum egressum esse
ex terra *Cethim*. In medio duorum marium Ionii ab Oc-
casu, & Ægæi ab Oriente describitur: ab Aquilone Dal-
matiae partem & Mœsiam superiorem: à Meridie Epi-
rum & Achajam attingit. Regio circumquaque fertilis:
montibus maximis circumvallata: cujus ora juxta Io-
nium Mare plana, ac nemorosa est: nam nota ea pars *Al-
bania* nunc dicta, quæ satis ampla, fertilis & amœna est.
Auri præterea & argenti metallis satis dives est, atque
in ea olim incognitum quoddam auri genus, teste Ari-
stotele, inventum est: Asphaltum quoque isthic ex ve-
nis terræ eruitur. Gignit & Macedonia lapidem, quem
Paantiden vocant. Hunc eundem & concipere & parere,
& parturientibus opitulari fama prodiga est, ut Solinus
scribit. *Hæc est Macedonia* (inquit Plin.) *terrarum*
imperio potita quondam: hæc Asiam, Armeniam, Iberiam, Al-

Regio &
unde di-
cta.

Sinus.

Soli qua-
litas.

Imperium
maj. vtrum.

baniam, *Cappadociam*, *Syriam*, *Aegyptum*, *Taurum*, *Caucasum*
transgressa: hæc in *Bactris*, *Medis*, *Persis* dominata, toto Oriente
posse: hæc etiam *India* victrix, per vestigia *Liberi Patris* at-
que *Herculis* vagata: hæc eadem est *Macedonia*, cujus uno die
Paulus Aemilius Imperator noster LXXII urbes direptas vendi-
dit. Tantam differentiam sortis præstiterere duo homines. *Ma-
cedonia* regiones plures in se complectitur, inter quas
Thessalia quæ nunc *Comenolitari* Castaldo, præstantissi-
ma est. Vrbes *Macedoniæ* olim multæ & nobiles. Ho-
die præcipuæ sunt *Thessalonica*, nunc etiam ut olim fre-
quenter à variis gentibus Christianis habitata, & *Iu-
dæis*, quos ibi LXXX Synagogas habere referunt. Sedes
hodie *Sangiacy Macedonici*. Hic ad jussu Beglerbeji,
quoties Turca expeditionem aliquam parat, 10. equites
benè armatos habet, quorum c perpetuo penes se ser-
vat in defensionem limitis sui. Huic vicina, *Siderocapsa*
metallis auri celebris. *Pella*, ubi gazæ regiæ custodie-
bantur, & equæ regiæ ad fœturam alebantur numero
supra 3000. Plin. & Strab. prodentibus. *Stagira* Ari-
stotelis patria. *Apollonia*, in qua Augustus Cæsar Græ-
cas literas didicit. *Dyrrachium*, quod ante dicebatur *E-
pidauros* è regione *Brundusii*: *Aulon*, *Croja*, *Cavalla*.
Flumina *Macedoniæ* sunt post *Strimōnem* in finibus
Thraciæ. *Axius*, *Erigonus*, *Aliacmon* & *Peleus*. Montes ha-
bet *Pelion*, *Ossan*, *Pindum*, *Nymphæum*, *Athos*. *Athos* in-
gens est, asper, aditu perdifficilis, umbras etiam in Lem-
num usque insulam projicit: consitus est vite, olea, lau-
ro, myrtho, pomis: nunc à Calojeris incolitur tantâ re-
ligione, ut etiam Turcæ eo solo abstineant, sæpè etiam
Monachos ornent muneribus & eleemosynis.

Vrbes.

Flumina.

Montes.

Epirus,



Regio & nunc dicitur.

Situs.

Solis fertilitas.

Animalium varietas.

Imperium maiorum.

Vires.

Epirus, Græciæ Regio Ptol. & cæteris. *Chaoniam* olim dictam scribit Martianus Capella: *Oriciam* & *Dodoniam* ex Dionysio & Thrasibulo Grabelius. Hodie *Albaniam* vocari, scribunt Leander & Erythræus. *Lartia* Richerius & *Aeneas* Silvius: *Iannam* nuncupari Castaldus ait. Terminatur hæc regio ab Ortu Acheloo fl. à Meridie Hadriatico mari abluitur: ab Occidente Ionio pulsatur Mari usque ad Celydnum amnem seu Pepylychnum; qua Septentrio est, habet Macedoniam. Regio multis in locis nemorosa & sterilis, ad oram verò maritimam satis fertilis. Scribit Plin. mala orbiculata, ex figura orbis in rotunditatem circumacti dicta, in Epiro primum provenisse, atque inde Græcis *Epirotica* vocata. Animalia producit magna, excepto asino, inprimis boves & canes magnitudine egregia, atque etiam oves. Equos generosos Epiri commendat Vir. I. Georg.

*India mittit ebur, molles sua thura Sabæ,
At Chalybes nudi ferrum, virosque Pontus
Castorea, Eliadum palmas Epirus equarum.*

Hanc regionem auctore Trogo *Molossi* primum tenuerunt. Trojanis verò temporibus rexit *Vlysses*. Post quem ad *Æacidæ* res pervenit, sub quibus longè propagatum imperium. Deinde locus is ad *Romanos*, postremo ad *Constantinopolitanos* pervenit Imp. & eorum concessione ad *Despotas*, familiam quandam magni Epiri. Sed hanc Turca *Amurathes* expulsis Christianis Principibus ante xl annos sibi subjugavit. Urbes hic sunt *Dodone* oraculo Iovis Dodonæi celebris. *Nicopolis*, ab Augusto in memoriam victoriæ, cum navali prælio superavit Marcum Antonium & Cleopatram Reginam, condita. Civitas

olim fuit egregia & incolis frequentissima: nunc *Prevesa* dicitur. *Ambracia*, nunc *Laria* à fl. cognomine. Fuit hæc Pyrrhi Epirotici regia, patria Cleombroti Ambraclotæ, qui referente Cicerone, lecto Platonis libro de animæ immortalitate, pertæsus miseriarum vitæ, è loco edito se præcipitem dedit. *Actium*, quam etiam Acarnaniæ clarissimam urbem ponit Gerbelius. Hæc Augusti fuit colonia, nunc *Capo Figulo* in recentibus tabulis. *Buthrotum* Strab. & Virg. *Coloniæ* vocat Plin. *Butrinto* hodie Sophianus. Et *Leucas*, ubi Apollinis defubrum & saltus, quo crediti sunt amatores ab amoris æstu liberari, & ex quo prima, omnium, auctore Strabone, Sappho Poëtria defiliisse fertur, uti Ovidius etiam in Epistola Sapphus meminit. Amnes Epiri sunt, *Acheron* Ptol. *Acheros* Livio. *Achelous* Strab. Sophiano *Aspri*, Nigro *Catochi*, Kyriaco Anconitano *Geromlea*. Montes, *Ceraunii* seu *Acroceranunii* altitudine famosi, nautis formidabiles. Nam quotiescumque nubeculæ inde elewantur, tempestates in eis maximæ exoriuntur. *Stymphe*, ex quo *Arachus* fl. profluit, teste Strab. Incolæ, Bellonio referente, turmatim sua regione æstate egrediuntur, ob soli sterilitatem, atque alio profecti sunt, nempe in Macedoniam, Romaniam, & Natoliam, ubi operam Turcis locant lucri gratiâ, veluti ad segetes metendas, & frumentum expurgandum, qui postea messe perfectâ domum Autumni tempore redeunt cum uxoribus & liberis vitam tractaturi. Sunt autem Christiani, & peculiarem habent linguam à Græca diversam: religionem tamen Græcam colunt, & quoniam Græciæ vicini sunt, Græcum etiam idioma callent.

Flumina.

Montes.

Vulgi motes.

Restat

Restat in Tabula *Achaja*, Græciæ regio. Hanc Ptol. *Helladem* quoque nominat. *Meram Graciam* vocat Plin. Cæcilius in epistolis. Terminatur à Septentrione Thessaliâ juxta amnem Sperchium, Sinum Maliacum, & Oetam Montem, ab Occasu Acheloo amne, ultra quem mox Epiri tractus incipit: qua Oriens est, non nihil in Septentrionem reflectendo, Egæo Pelago, & Myrtoo pulsatur usque ad *Sunium* Promontorium, nunc *Capo delle Colonne*: qua Meridies, Peloponnesum habet objectam Isthmo conjunctam. Regiones apud Scriptores hic ix reperio, quæ sunt: *Doris* regio juxta Parnassum. *Ætolia* ad Evenum fl. Hæc ad Arcetum plana & fertilis, ad Austrum aspera ac sterilis. Multas vetustissimas habuit urbes, inter quas præstantissima fuit *Calydon*, quæ hodie cum reliquis in ruinis jacet. Hanc regionem *Evenus* liquidissimus amnis perfluit, qui in mare devolvitur. *Locrorum* & *Opuntiorum* regio, aspera erat, quorum *Amphissa* urbs maxima & nobilissima. In hac etiam *Naupactus*, quam alii in Aetolia locant. *Phocis* juxta Parnassum montem. Urbsejus *Delphi*, ubi templum Apollinis sumptuosissimum & oraculum. *Bæotia*, inter montes sita agro potitur humido & paludoso, sed pingui & frugibus fecundo: Urbes, *Asra* ad Heliconis radices, Hesiodi patria. *Orchomenus*, Tiresiæ oraculo clara. *Theba*, quæ neque Athenis cedebant olim claritate, Plinio prodente. Multorum illustrium viro-
rum patria. Nunc verò prostrata & dirutæ jacent. *Chæroneæ*, patria Plutarchi. *Platææ* memorabili victoria Græcorum Duce Pausania adversus Mardonium nobilis. *Tanagra* urbs superstitiosissima. *Aulis*, ubi Græci ad Trojam profecturi congregati fuere. *Attica*, terra ste-

rilis ac silvosa. Urbs primaria *Athens*, Pomponio clariores quam ut indicari egeant. Euripidi apud Athenæum Græciæ Græcia, seu Græciæ compendium. Valde prædicat illam urbem Cic. oratione pro L. Flacco lib. ii de Legibus, & in Dialogo de partitione. Fuerunt & *Marathon* celebri Militiadis victoriâ notissimâ. Et *Eleusis* clara sacris Cereris quæ *Eleusinia* dicta fuere. *Megar*, à Steph. aspera vocatur. Hujus urbs *Megara* quæ ipsi regioni nomen dedit juxta Isthmum posita. Fluvii Achajæ celebriores sunt: *Ismenus*, Thebas urbem adluens Bæotiæ fl. *Cnopus* quoque Straboni *Asopus*, Homero herbidus cognominatus. *Evenus* ante *Lycormas* Apollodoro & Strab. testibus. Fluvius est Aetoliæ. Montes celebres: *Parnassus*, Lucano lib. v. *Mons Phœbo Bromioque sacer*: in ipso totius Orbis medio Claudiano & Lucretio situs. *Helicon* Plinio Musis natale. *Hymettus* melle, marmore, & omnicæ, quod ad medicinam utile est, clarus. *Citharon*, à cithara dictus Laëtantio, quod illic frequenter hoc organum personaret. Et alii Poëtarum versibus decantati. Episcopatus porro in hac Tabula juxta provinciale Romanum sunt, Archiepiscopus *Philippensis*, cujus suffraganei *Christopolitanus*, *Dragonensis*, *Chrysopolitanus*. Archiep. *Sereffanus* nullum habens Suffraganeum. Arch. *Thessalonicensis*, sub quo *Citrensis*, *Veriensis*. Archiep. *Laricensis*, sub quo *Dinutrien*, *Almuren*, *Armiro* credo: *Cardicensis*, *Sidonien*, *Dinucen*. Archiep. *Neopaten*, sub quo *Lariaten*. Archiep. *Thebanensis*, *Iorocemensis*, *Castoriensis*. Archiep. *Atheniensis*, sub quo *Thermopylensis*, *Davaliensis*, *Salonen*, *Nigropon* tensis, *Molgarensis*, *Megara* opinor, *Roonensis*, *Eginnensis*. Archiep. *Corcyrensis* & *Duracensis*.

Bbbb

Hæc

Regio.

HÆc de præcipuis Græciæ Regionibus quæ sunt in continenti: *Morea* & *Candia* succedunt explicandæ. Prior *Peloponnesus* Ptolemæo, Straboni, Steph. Procopio cæterisque, Peninsula est, hodie *Morea* à *Maurorum* fortasse incursionibus. Olim Apollodoro & Plinio testibus *Apia* & *Pelasgia* vocata fuit. *Argos*, & postea *Argos Achaicum* nuncupatum, tradit Strabo; & *Achajam* Orosius I cap. II. Item Apuleius vi Asini. *Pelopia* etiam Eustathio: & *Inachia* Stephano. *Aegialia* vocatur quoque in Eusebii Chronico. *Peloponneso* nomen est à *Pelope* homine Barbaro, qui ex Asia profectus hic regnavit. *Pelopis* enim insulam sonat, cum insula non sit, sed peninsula, platani folio, ut scribit Mela, simillima, pari pænè longitudine & latitudine. Ejus perimetrum est quatuor m. stadiorum, quibus Artemidorus addit cccc. Isthmo adhæret continenti, cujus latitudo est stadiorum xl. Angustias istas perfodere multi irritò ausu tentaverunt, quos inter Demetrius, C. Cæsar, Caligula, Nero & alii: quo instituto frustratis, murum ducere placuit, quem *Hexamilium* vocaverunt. Eum Amurathes Turca dejecit, Veneti restituerunt anno ccccccliii spacio xv dierum; sed Turcæ iterum eundem postea solo æquarunt. In hoc Isthmo Neptuni olim templum fuit, ad quod *Ludi Isthmici* celebrati. Cæterum *Peloponnesum* ad Ortum respicit mare Creticum: ad Occasum Ionium sive Hadriaticum: ad Septentrionem Corinthiacum habet Sinum, & Saronicum, inter quos Isthmus clauditur: ad Meridiem habet mare Mediterraneum. Peninsula porro hæc caput & arx totius Græciæ est, &, ut ait Plinius, haud ul-

Situs.

li terræ nobilitate postferenda. Ea siquidem rebus omnibus, quæ vel ad victum uberiores vel ad elegantiores vitæ cultum spectant, sua fecunditate, affluentiaque insignis est. Colles enim & planicies frugiferas habet, ac sinibus & portubus refertissima est, quos Promontoria multa efficiunt. Peloponnesum incolere *E-*
lii, Messenii, Achivi, Sicyonii, Corinthiaci, Lacones, Argivi, &
Arcades. Fuitque hæc Græciæ pars toto Orbe quondam maximè celebrata propter *Mycenarum, Argivorum, Lacedæmoniorum, Sicyoniorum, Eliensium, Arcadum, Pyliorum & Messeniorum* Respublicas, & imperium, ex quibus multi claruerunt Principes, ut *Agamemnon, Menelaus, Ajax, & alii.* Ac loci ipsius, tum situs, tum majestas Imperium quondam totius Græciæ penè obtinuit. At hodie tota *Peloponnesus Turcarum* dominio subiecta est, quemadmodum & reliqua Græcia: licet fuerit ab aliquot *Regulis* Græciæ quos *Despotas* vocant, & à *Venetis* annis superioribus gnaviter defensa. Præest autem nunc Turcæ Imperatoris nomine toti *Moreæ Sangiacus*, inter cæteros potentissimus, qui *Modoni* moratur, & ad mādātum *Beglerbegi* totius Græciæ mille equites adducit, quos suo stipendio alit. Vocatur hic *Sangiacus* à Barbaris *Morabegi*: cujus annuus in hac Provincia reditus est 1000 mill. asprorum, hoc est xiv mill. aureorum. Universam autem hanc regionem in octo Provincias fuisse divisam ex Ptol. & aliis auctoribus constat, quæ sunt *Corinthia, Argia, Laconia, Messenia, Elis, Achaja, Sicyonia & Arcadia.* *Corinthia* in Isthmo sita est: nomen ei à primaria urbe, quæ primùm *Ephyre* dicta fuit. Eam Cicero merito *Græcia Lumen* vocat. Vtriusque portum habuit, quorum

Imperium
Majorum.

Urbes.



quorum alter Asiam, alter Italiam spectabat; qua oportunitate loci urbs subito crevit: juvit eam etiam Isthmicorum ludorum celebratio. *Acrocorinthus* in monte erat IIII stadiorum ac dimidiati altitudine, sub ea erat *Corinthus* ambitu XL stadiorum. In vertice montis ædes erat Veneri sacra: cui vicinus fons *Pirene*, quem fama finxit à Pegafo illic ungulæ ictu excussum. Everfa est urbs à L. Mummiò, quod in ea legati pop. Romani excepti essent indignius, post annos nongentos quinquaginta duos quam ab Alete Hippotis filio erat condita; ut est apud Paterculum. *Argia* sequitur: hodie *Romania* Ortelio. Urbes hujus tractus *Mycene* regia Agamemnonis, unde Ovid. *Agamemnonia* dictæ, celebres à templo Iunonis vetustissimo & religiosissimo, unde Argiva Iuno. Eam Cyclopes muro scribuntur cinxisse. Non procul inde fuit *Lerna* palus, ubi Hercules Hydram Lernaëam, seu potius latrones ad ea loca latrocinantes, sustulit, vicit & dissipavit. *Argos*, urbs exstructa, ut aliqui perhibent ab Argo. *Nauplia*, hodie *Neapolis* Romanicæ urbs munitissima. *Epidaurus* in Saronici Sinus recessu, Aesculapii Templo celebris: *Amicla*. *Argiam* sequitur *Laconia* sive *Laconum* regio. Hujus Metropolis *Sparta*, quæ etiam alio nomine vocatur *Lacedæmon*, hodie *Misithra*: urbs olim magna & potens. Fuit hæc non muris, sed civium virtute septa; non hinc operum magnificentia, sed disciplina institutisque Lycurgi Pomponio memorabilis, & quæ cum Athenarum urbe deinde de imperio dimicavit, quemadmodum Thucydides id libris VIIII exposuit. *Leuctra* nota è Plutarcho à filiarum Scedasi tristi & tragica historia. *Epidaurus* quæ hodie *Mal-*

vasia. *Messenia* à Taygeto monte & fluvio Pamiso ad Alpheum usque porrigitur. Primaria ejus urbs *Messene* ad mare sita, hodie *Mattagia* dicitur, *Aristomenis* Messenii præstantissimi viri patria, qui referente Pausania, hirsutum cor mortuus habuisse, deprehensus fuit. Sunt & *Methone* nunc *Modon*, insignis quondam & nunc Sanguiaci Turcici sedes. *Corone* nunc *Coron*. *Pylus* patria & sedes Nestoris Homerici trisecli illius & dulciloqui. Et *Cyparissi* hodie *Arcadia*. *Elis*, inter Messeniam, Achajam & Arcadium sita est. Urbes, *Elis*, per quam mediam Penæus & Alpheus fluebant, memorata Iovis delubro, ludorum claritate fastos Græcorum complexa. *Olympia* celebris à ludis Græcorum solemnibus, quæ *Olympia* dicta fuere, & templo Iovis Olympii sumtuosissimo, quod hominum frequentia potentissimorumque Regum donariis adeo crevit, ut in tota fere Græcia nullum fuerit magnificentius, nullum clarius opibus, cum etiam Iove ipso nihil ibi putaretur sanctius, nihilque augustius. *Cypselus* Corinthiorum tyrannus, Iovem totum aureum Olympiæ consecravit. Deinde *Phidias* Atheniensis simulachrum ejus Dei, ex ebore & auro stupenda & insolita magnitudine crexit, utpote pedum LX. In quo opere illud ab aliis artificibus repressum, quod simulacri ad templum nulla esset proportio. Cum enim in eburneo throno sederet Iupiter, capiteque templi fastigium contingeret, necesse erat, si quando sedendo defatigatus eburneus ille Deus surgere vellet, ut Templi culmen una cum tecto deiceretur. Et *Pisa*, *Achaja* ab Ptol. *propria* cognominata, ab Araxo Promontorio usque ad Sicyonios extenditur, quorum terminus communis

munis est fl. Sus; ad Austrum est mons Stympbalus, ad Septentrionem Sinus Corinthiacus. Vrbes: Dyme, quæ nunc *Chiarenza*, unde Promont. Araxeum vocant *Capo di Chiarenza*: Olemus: Patra urbs insignis olim, nunc *Patras* dicitur: *Aegium* urbs recentioribus temporibus *Vostiza* vel *Bostizan* dicta, & à Turcis excisa. *Aegira* urbs quondam primaria in colle aspero atque difficili posita, quæ nunc diruta jacet & *Xilocastro* dicitur. Et in Crisæo Sinu *Helice*, *Bura*, *Pellene*. *Sicyonia* inter Achajam & Afopum sita: primaria ejus urbs *Sicyon*, omnium Græcarum urbium vetustissima, & tempore Abrahamæ condita, templis, aris, statuis, simulacris plenissima. Fuit & *Phlius*, quæ forte ea est quam hodie vocant *Vasilicon*. Superest *Arcadia* regio Peloponnesi mediterranea, undique à mari remota. Hujus urbs *Megalopolis*, patria Polybii gravissimi ac sapientissimi Scriptoris. Hodie *Leontari* dicitur. *Stympbalus*, unde *Stymphalis* palus, & aves *Stympthalides*. *Lilea*, *Mantineia*, *Psophis*. Civitates autem totius Peloponnesi nobilissimas, quasi compendio complexus est Ovid. lib. vi Metamorph.

Finitimi Procere coeunt, urbesque propinquæ

Oravere suos ire ad solatia reges:

Argosque & Sparte, Pelopeiadesque Mycena,

Et nondum torvæ Calydon invisæ Diana,

Orchomenosque ferax, & nobilis ære Corinthus,

Messeneque ferox, Patraque humilesque Cleona,

Et Melea Pylos, nec adhuc Pittheia Træzen,

Quæque urbes aliæ bimari clauduntur ab Isthmo.

Amnes celebriores sunt: *Afopus*, nunc *Arbon* Theveto; *Penejus*, nunc Nigro & Theveto *Igliaco*: *Alpheus*, qui ad colis *Rophea* dicitur, ut *Sophiano* placet, & secundum Nigrum *Orphea*: *Italis* verò nautis *Carbon*: atque huic fluvio cxi. omnes inlabuntur: & albas maculas ac impetiginem sanat. *Pamisus*, *Stromio* nunc Nigro: sed *Pirna* in Tabulis Castaldi & Mercatoris, totius Peloponnesi fl. maximus. Hujus aquæ puerorum & infantium morbis mederi dicuntur. *Eurotas*, hodie *Basilopotamo* *Sophiano* & aliis, sed *Iris* Nigro: cujus ripæ lauro abundant: & *Inachus*, qui *Planizza* hodie est *Sophiano* & aliis. Reliquos prætereo. Mōtes sūt *Stympbalus* mōs *Arcadiæ* altissimus, qui *Dominico* Nigro *Poglici* dicitur. *Pholos*, *Xiria* Nigro. *Cillenius*, *Melæ*, *Cillene*, *Strab.* totius *Arcadiæ* altissimus. *Manalus*, *Manalius* *Melæ*, *Cronium* *Ptol.* *Grevenos*, Nigro *Zarex*, *Gemistus* *Zaraca* vocat. *Minthe* *Ptol.* & *Strab.* *Olozo* vocatur Nigro. *Eran* videtur apud *Pausaniam* dici, ab *Evoe* *Bacchantium* voce: quod hoc loco *Bacchus*, & quæ eum sequebantur mulieres, sic exclamasse credantur. *Taygetus* *Plinio*, *Pausaniæ*, *Vibio* & *Steph.* *Peloponnesi* mons in *Laconia*, *Eurotæ* flumini vicinus. In hujus summitate existentibus, prospectus patet per omnem *Peninsulam*, ut nulla celebris visum effugiat civitas. Hic mons varias feras nutrit, consecratus *Baccho*, *Apollini*, *Dianæ*, *Cereri*. In *Morea* *Episcopi* juxta *Provinciale Romanum* hi: *Archiep.* *Corinthiensis*, sub quo *Argivensis*. *Arch.* *Patracensis*, sub quo *Coloniensis*, *Mothonensis*, *Coronensis*, *Amyclensis*, *Androvillensis*.

Regio.

Situs.

Soli ferti-
litat.Animali-
um va-
rietates.

TAndem ad postremam Europæ tabulam per-
venimus, in qua nobis *Candia* cū aliquot exi-
guis circa Græciam Insulis à Mercatore de-
pingitur. *Creta* Ptol. Maris Mediterranei In-
sula. Hodie *Candia* vulgo dicitur. Eam à Septentrio-
ne *Ægæi* fluctus verberant, ab Austro Libyci & *Aegy-*
ptii, ad Occasum est Mare Hadriaticum, ad Ortum
Carpathium. Forma oblonga est: ad Orientem Pro-
montorium Samonium excurrit: ad Occasum *Criu Me-*
topum contra Cyrenen: In Septentrionem verò tertium
prominet quod Strab. lib. x. vocat Cimarum, nunc *Capo*
Chefin dicitur. Longitudo est cclxx m. p. Latitudo l. Am-
bitus 101xxxix. Regio omnis aspera est & montibus
ubique horrens, sed fertilissima frumētī, & pascua. Mi-
ra soli indulgentia, arborarii provētus abundantes. *Pli-*
nus quoque auctor est, quidquid in Creta nascitur, in-
finitio pretio ceteris ejusdem generis antestare. Profert
vites, oleas, mala punica, ficus, mala aurea, citrea.
Malvaticum vinum in hac sola Insula premitur, atque
ex ea Venetias & in reliquas Orbis partes defertur. Hoc
vinum antiqui *Pramnium* vocarunt, auctore Bellonio.
At Volatertanus putat hodie Arvisia, Malvisia dici, ad-
jectione unius litteræ: additque id genus vitium ex Ar-
visio Chii Insulæ promontorio (unde Arvisia vina
olim) in Cretam esse delatum. Profert item mel, ce-
ram, caseum, coccum, ladanum copiosè, dictamon soli
Cretæ peculiarem. Insula omnis lupum, vulpem
serpentem, aut omnino animal noxium præter pha-
langium, natura non habet. Eam ob causam magna
cum securitate animalium greges noctu in arvis pasci

finunt, præsertim ovium & arietum, qui *Striphoceri* ab
illis appellatur: Varia autem producit animalia. Hoc
etiam de Creta auctores prodiderunt, Noctuum non
habere, eamque mori quando invehitur. Rexere Insu-
lam primum *Iupiter*, tum *Rhadamanthus*, post *Minos* & *Græ-*
ci. Romanorum potestatis facta est à Metello, qui ex re
Creticus dictus est. *Constantinopolitani* eam postea tene-
re: *Balduinus* Comes Flandriæ & Imp. Constantinopo-
leos dedit *Marchioni Montis-Ferrati*, à quo vendita est
Venetis anno cxcxcv immansi auri pretio: itaque ad-
huc illorum imperium agnoscit. Olim centum urbi-
bus claram fuisse præci Scriptores tradunt. earum cir-
citer xl *Plinii* ætas novit. Urbium notissima *Gnosfos*, *Mi-*
nois aliquando regia, à qua *Gnosius* arcus, tela *Gnosia*
dicuntur. Sequitur *Cortyna*, unde tela *Cortynia*, vestis
Cortynia. *Claudianus* de raptu *Proserpinæ* lib. ii. *Ovi-*
dus:

Crispatur gemino vestis Cortyni a cinctu. Tum Phæstos.
Proxima Gnosfiacojæ quondam Phæstia regno Progeniuit tellus.
Et *Cydon*, unde arcus *Cydonius*, cornu *Cydonium*. Et
Dictynna, *Manethusa*, *Lycastos*, *Lyctos*, *Holopixos*, aliaq;.
Hodie vero, Bellonio auctore, tres tantum alicujus nomi-
nis habet urbes, quæ sunt *Candia*, olim *Matium*, urbs to-
tius insulæ prima, à qua universa insula appellationem
desumpsit. Amplitudine secunda post *Candiam*, *Ca-*
nea, olim *Gidon*. Tertia est *Rhetimo*, quam veteres *Rhe-*
thimnam dixerunt. Paulò incommodiorem habet hæc
portum, at *Canea* & *Candia* commodissimos habent.
Flumina per universam insulam nulla sunt quæ navem
ferant. Sunt tamen multi & magni rivi, in quibus spon-
te sua

Imperium
majorum.

Urbes.

Flumina



te sua colocasia proveniunt. In littore Septentrionali sunt, *Melipotamus*, *Scafinus*, *Cladilis*, *Epicidamnus*, *Gisso*, *Divotro*: versus occidentem est *Nopuliar*: versus Meridiem *Limens*. Piscem habet Creta in littoribus admodum frequentem Muli Barbatum magnitudine, aliis regionibus valde rarum, qui *Scarus* dicitur, cuius veteres auctores sæpè meminerunt, & apud Romanos olim in deliciis fuit, primarium inter pisces locum facile obtinens. Mōtes ejus nobiliores sunt tres, *Ida*, qui *Psiloriti* adcolis vocatur: *Leuci* qui Plinio *Cadissi*, nunc vocantur *de Madarra*: & *Dicta*, qui *Sethia*. Adeo celsi sunt, ut nix tota hieme eos operiat, tametsi cupressi hinc inde inter saxa convallium nascantur. Mons *Ida* omnium est eminentissimus. Stirpibus rarioribus herbisque variis abundat, quæ à *Bellonia* lib. i. cap. vii. enumerantur. *Labyrinthū* in Creta *Dædali* opus multi memorant: ejus, quem admodum & *Italici*, nulla vestigia fuisse suo ævo testis est Plin. lib. xxxvi cap. xiii. Mirandus propterea incolarum stupor, qui etiam hodie ad radicem montis *Idæ* pro vetere novum fictitiumque *Labyrinthum* ostentant: sed non est mirum *Cretensem* *Cretissare*. Incolæ vel cœli solique largâ benignitate, vel suo pte vitio fuerunt ad mala propensissimi. Mendaces olim, fraudulenti, rapaces, avari, & vinosi fuerunt, ut auctores perhibent, laboris impatientes, nullasque artes exquisitè discentes: sed ut plurimum comestationibus & potationibus dediti. Hodie verò naturæ impulsu, ut auctor est *Bellonius*, & ab ipsa pueritia *Scythico* arcu sese exercere solent, veterem sequentes consuetudinem. Namque tradunt eos olim *Dianæ* fuisse dicatos: propterea e-

tiam ipsos *Turcas* arcus jaculatione superant: quinetiâ dextri, agiles & strenui nunc in pugnis marinis sunt, sicut olim. Primi enim *Cretenses* navibus & sagittis valuisse scribuntur, quod ita capiendum puto, ut hi *Græcorum* primi hæc studia sectati sint. Nam ut est apud *Philosophum* cap. viii lib. ii *Polit. Videtur hæc insula ad principatum Græcia nata, ac præ ceteris omnibus præclare sita. Imminet enim universo mari: cui Græci circumfusi sunt. Atque hæc quidem parte exiguo abest intervallo à Peloponneso: illa, ab Asia loco qui est circa Triopium, & à Rhodo. Quocirca imperium maris obtinuit Minos, atque Insularum alias subegit, alias quum diu fuissent deserta, colit fecit. Episcopatus in ea fuisse juxta provinciale Romanum. Arch. Cretensis, nunc Candianus, cui hi subsunt Suffraganei: Kirokensis, Archadiensis, Gerapetrensis, Sicinensis, nunc Sitia opinor, Milopotamiensis, Ariensis, Calamoniensis, Epicalamose forte, Agiensis, Rissaniensis. Arch. Atridensis, sub quo sunt Casensis, Scopulensis, Napronensis, Margaricensis. Arch. Soltamiensis hos habet Suffraganeos, Helenensem, Sudensem, Monovasiensem, Taurisensem, Mavrachitanensem. Arch. Vospreniensis, huic sunt Suffraganei Tepheliensis, Matrebenfis, Gersonensis. Atque hæc de Candia: restant paucis explicandæ aliquot circa Græciam insulæ.*

Corfu vulgo, *Corcyra* Ptol. insula olim nobilis, bello & navibus inprimis potens. Distat ab Epiro duobus mill. ubi fretum est arctissimum: ubi vero latissimum xx. Passus xcvi in longitudinem patet, teste Plinio. Cœli hic mira clementia: qua fit ut nemora ipsa ex citris, medicis, atque id genus arboribus constent. Solum fertile, abundans, vitibus, oleis, pomis, omnisque gene-

Status
Ecclesiasticus.

Corfu.

Situs.

reis

Montes.

Opera publica.

Mores.

tis arboribus fructiferis: mellis etiam ingens hic copia colligitur. Segetes verò minus lætas habet propter austrinos ventos, quibus exsiccatae arescunt antequam ad maturitatem perveniant. Hodie *Venetis* paret, à quibus strenuè adversus Turcarum rabiem defensa est. Urbem habet cognominem. Incolæ Græci sunt.

Zante. *Zacynthus*, vulgò *Zante*. Hanc inter Cephaleniam & Achajam ponit Plin. Ipsa in circuitu colligit xxxvi mill. Ager insulæ frumentum profert magna copia: inprimis verò uvas passas, vinum & oleum, ex quorum annuo proventu, incolæ colligunt c. millia aureorum. *Graci* sunt, & *Venetis* parent. Habet ejusdem nominis oppidum cum arce in monte situm, mari imminens, silvis obfitum, æris salubritate, pascuorum vicinorū ubertate, agrique fertilitate valde commendabile. *Mons ipse Elatos* dictus, nobilis est.

Milo insula, ea *Melos* prisco ævo dicebatur, in Cretico est mari. Ambitus lxxx milliaria amplectitur. Feracissimos habet agros frumenti & olei, sed viribus parum accommodos. In hac etiam argentifodina & *Sardonius Lapis* reperitur.

Nisira. *Naxos*, nunc *Nisira* Sophiano, & aliis. Hæc lxxx mill. in ambitu pater. Inter frugiferas insulas hæc etiam numeratur. Vini admodum fœcunda est: in eaque marmoris genus reperitur quod *Ophites* Græcis & Plin. maculosum, serpentum maculis non absimile. Smirillis etiam lapis, Smiris Plinio, hic reperitur. Venam quoque auri hic esse, sed defidiâ & ignaviâ incolarum non in-

veniri, sunt qui credunt. Vespæ genus in ea, cujus punctio homini mortem adferre dicitur: vespertilionumq; magna copia. *Joanni Quirino* nobili Veneto hæc quondam paruit. Postea sub quodam Duce *Iacobo Crispo* fuit, quem *Selimus* Turcarum Imperator hinc expulit. Habitat itaque hodie à Turcis & Iudæis.

Santorini vel *Santorino*, *Therosia*, Maris Ægæi insula, juxta Atticam, Straboni & Ptol. formam nunc Lunæ corniculatæ habet, licet prius aliam haberet, antequam combureretur, & à mari in duas partes scinderetur, inter quas scopuli aliquot interjacent. Est etiam nūm satis fertilis, & portubus commoda. Incolæ piscationibus ferè victum quærunt. Hæc etiam subjugata à Turcis est.

Scarpato, olim *Carpathus*, aut ut Homero placet *Crapathus* dicta. Carpathium hinc Mare. Situs ejus inter Cretâ & Rhodum, medio ferè itinere. Ambitus ejus lx aut ut alii volūt lxx mill. pass. Ardua & montibus passim aspera; ac in ea marmoris Lapidina reperitur. Olim quatuor urbibus prædita erat, & ob id *Tetrapolis* nuncupabatur, ut habet in Homerum Eustathius. Habet multos portus, sed non admodum capaces, & malè fidos. Incolæ Græcè loquuntur, & Græcorum religionem amplectuntur. Venetorum tamen dominio subsunt.

Sed de Europa quæ dicta sunt hactenus, sufficiant. Reliquas igitur Orbis partes, & primum Africam, cui in nostra distributione post Europam princeps tribuitur locus, quod felix faustumque sit, ingrediamur.

C c c c

In Africa,

B A R B A R I A.

Regio &
unde di-
ctâ.


Situs.

Soli qua-
litas.

IN Africa, quam nos secundam cum Ptolemæo Orbis partem fecimus, primo se offert loco *Barbaria* nobilissima Africæ regio. Ea nomen accepit vel à murmure inconcinno incolarum, Arabibus dicto *Barbar*, eo quod Numidarum sermo Arabibus talis videatur: vel à frequentibus desertis, *Bar* enim eorum lingua desertum sonat. Ab Ægypto ad Fretum usque Gaditanum pertinet, complectiturque Mauritaniâ utramque, Tingitanam videlicet & Cæsariensem, Africam proprie dictam, Cyrenaicam, Marmaricam, cum Libya exteriore. Statuunt illi recentiores Africæ Scriptores ab ortu Solis Marmaricæ (quæ hodie *Barcha* dicitur) deserta ad montis usque Atlantis partem hodie *Mejes* vocatam, quæ pars à Strabone forte sub nomine *Aspis* describitur: huncque montem Atlantem (secundum ejus ab Oriente in Occidentem ad Mare usque, quod ab eo Atlanticum nuncupatur, longitudinem) à Meridionali plaga habet: ab Occidente ipsum Mare Atlanticum: Septentrionale verò latus Mare Mediterraneum lambit. Aër & cœli qualitas hujus Regionis varia. Vere cælum mite, clemens, ferenum; Aestate æstus vehementissimi, in primis Junio & Julio mensibus; Autumno calor remissior: Hyeme frigus vehementius, potissimum circa Decembrē & Ianuarium, sed matutino dumtaxat tempore, adeo ut nemo ob frigus ad ignem

accedere cogatur. Autumni finis, totaque Hyems, bonaque Veris pars, impetuosus plena ventis, Quin & grandinibus, fulguribus, & tonitruis horridis interdum vexatur: neque deest aliquibus in locis nix copiosa. Ager dactylorum, malorumque punicorum feracissimus: sed frumenti non adeo fertilis: unde ejus incolæ magna ex parte panem conficiunt hordeaceum. Fructus alios profert magnâ copiâ, cerasa, ficus, poma, pira, pruna, mala persica, armenica, cydonia, olivas, & similes. Abundat oleo, melle, saccharo. Multijugis item armentorum, pecudum, atque ferarum generibus. Aliter enim hæc Regio dracones, elephantes, capreas, bubalos, & similia animalia: item leones, ac pardales: habet & mustelas, felibus pares ac similes, excepta rictus eminentia: simiarum quoque maximam multitudinem. Coluerunt hanc Regionem primùm *Phœnicum* coloni, alique qui ex Asia aut Ægypto eò devenerunt: postea paruit *Romanis*, tum *Græcis Imperatoribus*, deinde *Vandalis*, *Saracenis*, *Arabibus*: nunc partim *Turcæ* subest, partim proprio *Serissæ*: *Hispaniarum* quoque *Rex* arces quasdam in ea possidet. Regna omnino quatuor sunt: *Marocci*, *Fessæ*, *Telesinum*, *Tunetanum*, quibus nonnulli *Barcæ* addunt. De duobus prioribus *Marocci* & *Fessæ* sequentibus Tabulis agetur, de reliquis hic agamus. *Telesinum* Regnum quod vocant *Trenisen*, est *Mauritania Cæsariensis*. Longitudo ejus ab Occasu

Animalium va-
rietates.Imperium
majorum.



casu in ortū est cccclxxx milliarium. Latitudo arcta mill. xxv, à desertis videlicet Numidiæ usque ad Mare Mediterraneum. Hujus regionis maxima pars inculta est, arida atque aspera, eaque præsertim parte, qua Meridiem spectat. Maritimi autē agri aliquanto fertiliores atque fecundiores sunt. Raræ in hac parte urbes, raræque castella. Metropolis est *Teleusina*, quondam ampla, nunc magna ex parte collapsa. In eodem tractu est *Algiræ*, urbs magna & probè munita. Hæc à *Teleusino Rege* primū defecit, ac *Bugia Regi* tributū solvit: postea hoc deserto *Ferdinandum Regem Hispaniæ* admisit. Deniq; capta à Barbarossa Imperio Ottomanico adjecta est. Celebris est Naufragio Caroli V. tristi Christianorum captivitate, & piraticis excursionibus Turcarum. Hodie ita præfidiis firmata est, ut humana ope vix possit expugnari. Hanc Castaldus *Salden* Ptolemæi fuisse opinatur, sed Ortelius cum nostro Mercatore putat *Salden* Ptol. nūc esse *Tadelis*: Iovius cēset esse *Iuliā Cesaream*, & alii *Cirtam*. Sunt quoque urbs *Mersalcabir*, *Messagran*, *Mustaganin*, & aliæ. Duos habet hoc Regnum maris portus nobilissimos atque frequentissimos, alterum *Horami* seu *Orania*, cum arce munitissima, alterum *Marsæ Eltabiri*, ad quos solet confluere maxima Mercatorum frequentia, præsertim ex Italia, qui ambo ab Hispaniarum Rege ante aliquot annos occupati fuere, non sine illius Regni maximo detrimento. Regnum *Tunetanum* continet totam Africam minorem & magnam Numidiæ partem. Nam à *Majori fl.* quem *Andum* Ptol. esse putat *Maginus*, usque ad *Meſſratæ* regionis amnem extenditur.

Urbes.

Portus.

Ægyptus.

AEGYPTVS antiqua & nobilis regio primū à *Regia*. *Misraim* filio Chus, nepote Cham, abnepote Noachi culta est: quare à *Chamo Chemia* in sacris Osiridis vocata fuisse videtur, pro *Chamia*, ut ab alio *Misraim*, quā appellationem etiamnum servat apud Arabas qui vocant *Mesre*. Turcis dicitur *Elquibet* vel *Elchebit*. Termini sunt ab Occidente ultra Nilum deserta *Barcæ*, *Libyæ* & *Numidiæ*, cum regno *Nubiæ*. Ab Austro agro *Bugienſi* & *Nilo* concluditur, quo loco Nilus ab Occasu in Ortum nonnihil fertur. Plinius eam, finit Syene urbe, quæ nunc *Asna* dicitur. Ab Ortū sunt deserta *Arabia*, quæ inter Ægyptum & Mare Rubrum sita sunt. Ab Aquilone clauditur Mari Mediterraneo, quod ea parte vocatur *Pelagus Ægyptiacum*, Raro pluit in Ægypto, imo ut Plato tradit, nunquam visum est pluere in Ægypto, sed aër perpetuam habet serenitatem, atque ob id fortassis olim dicta fuit *Aëria*. Terra mirè fertilis & hominum aliorumque animalium perfecunda generatrix. Nilus efficit, qui per medium ejus labens, & singulis annis terræ superficiem inundans, humectans, & adducto limo impingans, fecundam, mirèque fertilem eam reddit. De hujus soli felicitate multa passim extant scriptorum elogia. Justinus solum ita fecundum asserit, ut alimentorum nulla terra feracior sit in usus hominum. Summa in Ægypto est ubique tritici, siliginis, hordei, avenæ, fabarum, aliorumque leguminum, vini etiam optimi fertilitas. Nec desunt pascua latissima, oleo tamē,

Nomina.

Situs.

Cultorum peries.

Soli fertilitas.

men, ut plurimum, caret, raraq; ligna isthmic nascuntur. *Animalium varietas.* Præter bestias sævas ac nocuas, quibus hæc terra abundat, animalia domestica mira copia alit, bubalos, boves, camelos, equos, asinos, arietes & capras, quæ quidem omnia in magnam excrescunt molem, teste Bello-
Imperium maiorum. nio, ob æris temperiem, pabuli abundantiam, ac stir-
 pium à Nilo irrigatarum bonum alimentum : inter reliqua verò arietes pingues admodum, & crassi sunt, atque amplam & densam, atque ad terram usque propendentem caudam habent, & palearia insuper è collo dependentia, ut in bobus, nigraque lana vestiuntur. Ceterum universa olim Ægyptus floruit sub variis Regibus diverforum nominum usq; ad *Ptolemæos* : nam *Pharaones* admodum pauci fuere. *Ptolemæi* longo tempore regnarunt, usque ad Romanorum imperium, quo præfacto res Ægyptia pervenit ad *Agarenos* Arabiæ felices, quorum Princeps *Sultanus* fuit dictus, & alii sequentes quoque vocati sunt *Sultani*, Mahumetani omnes : regnarunt multis annis donec à Turcis expugnati fuerunt. Possidet jam totam Ægyptum *Solymanus* Turca, relicto ibi Præfecto, qui *Baxa* Ægypti dicitur. Divisa fuit ab Alexandro Macedone in Nomos sive oppidorum præfecturas, quales Herodotus ponit *xviii*. Strabo unum amplius. *Ptolemæus* *xlvi*. *Plinius* *l*. qui & addit quosdam nomina permutasse, ut proinde non sit putandum tot Ægypti olim Præfecturas fuisse, quot apud Historicos nomina possunt colligi, quum ejusdem Præfecturæ plura nomina esse potuerint. *Leo Africanus* auctor est à Mahumetanis in tres provincias divisam esse. *Sahid*, quæ est superior sive *Thebais*, à finibus

Bugiæ ad Cairum usque : *Errisiam*, quæ est pars occidentalis à Cairo ad Rosettum : & *Maremmam*, quæ est pars orientalis. Vrbes Ægypti sub Amaside creduntur fuisse *xx* mille. *Diodorus* tria millia suo ævo super-
vrbes. fuisse testis est. Celeberrimæ fuerunt *Syene*, *Thebe*, quæ & *Diospolis*, *Tentyra*, *Heliopolis*, *Memphis*, *Babylon*, *Alexandria*, *Pelusium*. *Syene* nunc *Asna* dicitur. *Thebe* condita à *Busiride* rege ambitu *cxl* stadiorum, ut refert *Herodotus*, centum portis, aliisque ædificiis publicis privatisque insignis, quæ jam olim esse desiit. *Tentyra* ab insula *Nili* nomen habet : incolæ *Tentyritæ*, qui naturæ genio crocodilis adversi sunt : qua de re apud *Strabonem* & *Plinium* videre est. *Heliopolis*, olim Sacerdotum habitatio, *Straboni* hominum *Astronomiæ* & *Philosophiæ* deditorum mansio. *Memphis* olim *Arsinoe*, regia urbs, ubi *Nilus* primam accipit divisionem & *delta* formam facit : hanc hodie vocant *Cairum* vel *Alcair*. Vrbs est triangulari forma exstructa, ambitu plus quam octo miliarium. Incolunt eam *Turcæ*, *Ægyptii*, *Arabes*, *Hebræi*, aliique. *Babylon* paulo supra *Cairum* ponitur à *Bellonio*, conspiciunturque adhuc splendorum ædificiorum ruinæ. Hic nunc est *Christianorum* pagus. *Alexandria* nobilis olim & splendida urbs ab *Alexandro Magno* in extremitate maris *Mediterranei* loco sita, pulcherrimo condita : *Turcæ* *Scanderiam* vocant. *Pelusium* hodie vocant *Damiatam*, urbs est potens, opulenta, commodo portu & navium frequentia celebris, ad *Nili* ostium *Pelusiacum*. Regio hæc fluvio *Nili* totius Orbis nobilissimo secatur, irrigatur, ac sæcundissima redditur. *Flumen.*

Regio &
unde di-
cta.

Soli ferti-
litas.

Animali-
um varie-
tas.

Urbes.

PARS illa *Barbarie*, quæ olim *Mauritania Tingitana* dicta, hodie in regna comprehendit, *Marocci* videlicet & *Fesse*, de quibus nunc ordine dicendum est. *Marocci* regnum nomen accepit ab urbe primaria *Marocco*. Iacet inter Atlantem montem & Oceanum Atlanticum, formæ pænè triangularis. Amœnissima est regio, abundatq; frugibus & leguminibus omnis generis, oleo, melle, saccharo, fructibus omnigenis; dactylis, uvis, ficibus, pomis, ac piris variis. Armentis item ac gregibus: multæ etiam reperiuntur capræ, quarum pelles *Marochini* dicuntur, villi utilissimi sunt ad pannos contexendos, quos *Camelottos* vulgo vocant. Rerum denique omnium, quæ ad victum conveniunt, quæ naribus ad blandiuntur, quæ oculos pascunt, regio feracissima est. Ejus Provinciæ sunt, *Hea*, quæ ab Oriente clauditur fluvio *Esfivalo*, à Meridie Atlantente, ad Occasum & Septentrionem Oceano, estq; regio aspera, montosa, nemorosa, dives & incolis frequens. Frumentum hic copiosè non colligitur, sicut hordeum, milium & panicum. Fructuum autem magna est inopia, ignava potius incolarum socordia, quam vel cœli vel soli injuria. Mellis verò magna copia, quo majori ex parte vescuntur, ceram tamen abjiciunt, usum ejus ignorantes. Civitates paucæ hic sunt, sed pagi, vici, & castra munitissima maximo numero reperiuntur. *Susa* quæ ad Septentrionem Atlantem habet & oppidum *Hea*, ad Ortum fluvium *Sus*, regio fertilis, amœna, dives. Abundat frumento, hordeo, ac leguminibus, ac quibusdam

in locis saccharum satis copiosè profert, licet incolæ illud neque coquere, neque parare probè sciant: fructus etiam alicubi proveniunt, ficus, uvæ, mala perfica, & dactyli: oleo caret, quod tamen aliunde advectum huc defertur. Auri metalla sunt in monte *Ilalemo*. Præcipuum hujus Regionis oppidum *Tarodantum*, Mauris *Taurent*, satis amplum, ab antiquis Africanis conditum. Domorum numerat circiter tria millia. Incolæ moribus sunt civilioribus. Hic Angli & Galli Mercatores degunt, & ferrum, stannum, plumbum, saccharo commutant. Sunt & *Messa*, sub quo nomine tria minorum gentium oppida continentur, unius miliaris intervallo alia ab aliis dissidentia, à veteribus Africanis ad littus Oceani condita. *Telient* civitas exstructa olim ab Africanis in pulcra planicie, cujus unum latum lambit fluvius *Sus*. Divisa in tres partes spatio plus minus unius miliaris distantes, quæ conjunctæ figuram triangularem constituunt: *Tedsi* civitas magna, fundata olim ab Africanis, sita in agro fertilissimo: & *Tagavost* omnium hujus regionis maxima. *Marocci* territorium formam refert triangularem: ejus fines ab occasu mons *Netisa*, ab Ortum mons *Hadimeus*: qua Septentrio est, in eum usque locum extenditur, ubi notissimi fluvii *Tensist* & *Asifinnal* conjunguntur. Est autem (Leone referente) regio hæc cultissima, armentis, pecoribus & feris abundans. Perpetua pænè planicies, Lombardiæ non admodum dissimilis; montes si quos habet, frigidissimi atq; sterilissimi sunt, adeo ut nihil præter hordeum producant.



Urbes.

In hac urbs est *Maroccum*, quod *Bocanum Hemerum* Ptol. fuisse quidam suspicantur. Hæc inter maximas totius Orbis terrarum urbes adnumerari solet. Est enim inaudita magnitudinis: ita ut sub Principe suo *Hali Iosephi* filio domus numeraretur plus quam centies mille. Portas in ambitu habebat viginti quatuor: sed hæc ampla quondam & celebris urbs, nunc ita frequentibus Arabum excursionib⁹ attrita est, ut vix tertia urbis portio incolas habeat. Sunt & in hoc territorio urbanae aliarum minorum gentium. Oppida: *Elgiumuha*, oppidum exiguum, in planicie, prope fluvium *Sessera*, ab Africanis conditum; *Tenezza* civitas munita, olim exstructa ab Africanis in latere illius partis Atlantis, quæ dicitur *Ghedmina*; *Delgiumuha* civitas nova in monte altissimo sita, arx valida; *Imizmizi* urbs ampla scopulo insidens; *Tesrast* exiguum oppidum in ripa fluvii *Afsfelmel* positum: *Agmet*: & *Hanimmei*. *Guzzula* ad Septentrionem Atlanti adhæret, ad Ortum Hæc jungitur. Mittit hæc Regio hordeum magna copia, & pecudes innumeras, habetque æris & ferri fodinas. Oppida hic & arces vallo carent: pagi frequentes, ampli, divites: regio omnis incolis referta. *Duccala* regio, ab Occasu à *Tensisto* fluvio initium capit, terminatur à Septentrione Oceano, à Meridie fl. *Habel* clauditur, atque ab Occidente fluvio *Hammirabith*. Paucae in hac civitates muris cinctæ. Inter quas *Azasi* civitas in littore Oceani sita. Condiderunt eam Africanis: *Conte* à Gothis, & *Tit* ab Africanis condita: *Elmedina* quasi totius hujus regionis caput: *Centopozzi* oppidum exiguum: *Subeit*, *Temaracost*, *Terga*, *Bulativan*, *Azamur*, & *Meramer*. *Hascora* regio ad Septen-

trionem *Duccala* confinis est, ad Occasum terminatur *Tensisto* fluv., & ad Ortum fluvio *Quadelhabit* à regione Tedeletes discluditur. Multa ad hanc regionem pertinent oppida opulentissima, populo satis numerosa, ut *Alemdin* civitas in valle quadam, quæ quatuor altis montibus cincta est, exstructa: quam nobiles, mercatores & artifices habitant: *Tagodast* in cacumine montis sita, quatuor aliis circumdata: *Elgiumuha* in monte altissimo condita, inter duos alios non minoris altitudinis: & *Bzo* civitas antiqua in monte admodum sublimi posita viginti circiter milliaria *Elgiumuha* distans, versus Occasum. *Tedles* regio non adeo ampla est, ab Occasu terminatur fluminibus *Servi* & *Ommirabih*, ad Meridiem Atlanti contigua est, ad Septentrionem verò terminatur, ubi fluv. *Servi* in fluvium *Omirabih* prolabitur, unde regio ipsa triangulari forma clauditur. Sunt in ea nonnulla oppida: præcipuum est *Tesza*, ab Africanis conditum, populo satis frequens. Sunt & *Esza*, *Githiteb*, & alia. Præcipua flumina hujus regni sunt *Tensist* Flumina. & *Omirabih*, qui ex Atlante monte erunt pentes in Oceanum se exonerant. Sed *Tensist* oritur in Marocci territorio, ac plurimis augetur fluv. inter quos magni sunt *Sifselmel* & *Niffis*. *Omirabih* verò scaturit inter altissimos montes, quæ *Tedles* provincia *Fessano* Regno contermina est. In littore maris alibi magna electri copia invenitur, quæ inde à Lusitanis atque aliis exteris exportatur in alias regiones, quod quidem electrum vilissimo pretio coëmunt. Multi hic montes, inter quos *Nisipha*, *Semede*, *Sensana* &c. Quorum plerique frigidissimi atque sterilissimi sunt, adeo ut nihil præter hordeum producat. In hoc

Montes.

Opera pu-
blica.

hoc Regno neque templorum, neque collegiorum, neque hospitiorum copiam desiderabis. In urbe Marocco multa sunt templa, inter quæ nullum artificiosius, neque magnificentius, quam quod in medio urbis à dicto *Hali* exstructum exstat. Est & aliud ab hujus successore *Abdul Miomem* exstructum, & ab hujus nepote *Monfor* ampliatum, multisque columnis ex Hispania convectoris opulenter redditum. Cisternam sub hoc templo confecit, ejus magnitudinis, cujus totum est templum: rectum templo addidit plumbeum: singulisque angulis addidit canales, qui pluviam aquam in cisternam subjectam mittant. Turris ex lapide durissimo, quale Romanum Vespasiani est Amphitheatrum, altitudine Turrim Bononiensem in Italia superat. Gradus quibus ascenditur habent singuli novem palmos latitudinis: exterius verò muri latus decem. Septem habet hæc turris mansiones. Huic superstructa alia turricula, quæ instar acus adfurgit. Hæc tres alteram alteri superpositas habet mansiones, sitque ab una ad aliam lignea scala adscensus. Siquis è summa turri despiciat; huic homines quamvis stature procerioris, non aliter ac pueri unius anni apparent. Habet & hæc turricula in summa parte ferrum quoddam Luna ornatum aurea, tres item

sphæras aureas, sic ferro insertas, ut maxima inferiorem, minima superiorem partem occupet. Est & arx quædam munitissima in hac urbe, quæ si amplitudinem, si muros, si turres, si portas ex Tiburtino marmore exstructas videris, civitatem jure censeas. Templum habet altissima turri ornatissimum, in cujus fastigio Luna, atque sub hac tres inæqualis magnitudinis sphæræ aureæ, quæ omnes cxxx mille aureos pendent. In hac urbe intra muros vineæ, palmæ, horti spatiosi, agrique frumentis fecundissimi. Nam extra muros terram colere, frequens Arabum vetat incurio. Incolæ hujus regni alibi civiliores, alibi rudiores, & civilitatis plus satis ignari. Pane fere vescuntur hordeaceo, non fermentato, nec in furnis excocto, interdum vero cibum sibi ex farina hordeacea lacte & oleo vel butyro parant. Apud multos nullus mensarum & mapparum usus. Vestiuntur fere pannis ex lana in straguli modum confectis; caput verò panniculo quodam ornant, remanente tamen superiore parte nuda; pileum non nisi senes, aut docti viri gestant; subuculas non habent, lecti vice culcitra villosa utuntur, cui se involvunt. Barbam radere solent antequam matrimonium contrahant, sed matrimonio juncti promissam gestant.

Mores.
Virtus.

Vestitus.

Dddd

FESSA-

Regio.
Situs.

Soli fer-
tilitas.

Animam
virescentia
vires.

FESSANVM vel *Fesse* regnum sequitur, quod *Am-
pelusia* olim à vitium copia nonnullis dictum :
Fessanum nunc ab urbe ejusdem nominis. Hoc
regnum ditissimum & potentissimum, ab Oc-
casu habet mare Atlanticum, à Septentrione Fretum
Herculeum, ab Ortum Mulviam flumen, ab Austro re-
gnum Marocci. Est autem hic alibi optima aeris tem-
peries, alibi aliquanto asperior. Ac regio ipsa etsi non-
nullis in locis prorsus aspera est, frigidissimis montibus
plena, ac in ea aliquot sint solitudines ac deserti : ipsa
tamen universe considerata, quamvis altera sui parte
magis, altera minus, felicissima & fertilissima est. Ager e-
nim tam frugibus atq; fructibus abundat, ut nulli cede-
re videatur : passim vites, oleæ optimè proveniunt. Fi-
cium & amygdalarum magnâ habet copiam, magnam
etiam gossypii affluentiam. Reperitur hic etiam planta
quædam *Maus* dicta, fructum ferens valde dulcem ac
esui gratissimum, magnitudinis mali cirrei, Mahumerici
Rabini hunc esse fructum ajunt, qui parentibus no-
stris Adamo & Evæ interdictus fuit, cujusque foliis pu-
denda texerunt : folia enim habet longa & lata : harum
hic magna copia. Abundat armentis, pecoribus, equis,
camelis, capreolorum atque leporum magna copia.
Fesse Regiones sunt septem, *Temesna*, *Territorium Fesse*, *Af-
gara*, *Elhabata*, *Errisa*, *Garetum* & *Elchausum*, sive *Chauz*.
Temesna regio incipit à flu. *Omirabih* versus Occidentem,
& protenditur ad Ortum versus *Buragragum* fluvium :
à Meridie terminatur monte Atlante, & à Septentrio-
ne Oceano. Fuit semper hæc Regio totius Africae caput,
in qua olim numerabantur oppida plus minus xl : ca-

stella vero ccc. Sed ob bella quæ ibi magnopere sævie-
runt, civitates omnes & oppida deleta sunt, totaq; Pro-
vincia vastata ; sed tandem denuo reviviscere cœpit
postremis hisce temporibus, atq; oppida prope cc con-
tinet. Inter ea *Rabato* civitas magna ad littus Oceani cõ-
dita. Hæc muris & structura Marocco persimilis, sed
magnitudine ambitus valde dissimilis. Sunt & *Thagia*,
Salla & alia. *Fesse* Territorium à fluvio *Buragrago*, versus
Ortum protenditur usque ad fluvium *Inavem* ; à Sep-
tentrione fluvio *Suba*, à Meridie Atlantis radicibus
clauditur. Ager tam frugibus, fructibus atque armentis
abundat, ut optimis comparari possit. Vbique vites, o-
leæ & fruges optimè proveniunt. Numerantur nonnul-
la oppida in agro Fessano : sed ipsa urbs *Fessa* primaria.
Hanc putat *Niger Tamusigam* Ptolemæi, sed errat : ac
potius *Volobium* esse ejusdem Ptolemæi cum *Peucero*
& aliis credo. Sita est in regni hujus medietullo. Conditâ
ferunt circa annum Domini septingentesimum octua-
gesimum sextum. Hanc Metropolim totius Mauritaniæ
dicunt : & vulgo, teste *Marmolio*, aulam totius Occi-
dientis cognominant. Nomen habere ab auro, sunt qui
opinentur, quod cum prima ejus fundamenta jaceren-
tur, eo loco inventus fuerit auri cumulus, quod *Arabib*.
Fes appellatur. Alii fluvium *Fez*, qui mediam interluit,
urbi nomen dedisse autumant. Hic in urbem collapsus
per infinitas fere partes, per quosdam aquæductus sese
spargit, ac per singulas fere domos, per templa, per col-
legia, per hospitia, & *Xenodochia* sese diffundit. De-
inde per foricas percurrrens, totius civitatis sordes se-
cum trahit, atque foras in fluvium inducit. Atque hæc
dici-

Vrbes.

Fes.



dicitur *Fessa* vetus. Est enim & alia urbs quæ *Fessa* nova dicitur, duplici cincta muro altissimo ac munitissimo. *Afgara* regio à Septentrione Oceano abluitur, ab Occasu ad fluvium usque *Buragragum* protenditur: Orientale latus claudunt montes *Gumara*, *Zaronii*, & radices montis *Zalaga*: à Meridie vero fluv. *Bunaza* terminatur. Regio plana est, optima aëris temperie gaudens. Equis & pecore adeo abundat, ut non modo *Fessæ* his abunde provideat, sed etiam omnibus *Gumara* montibus. Nemora hic rara: capreolorum tamen atque leporum magna copia. Fuerunt hic olim oppida & arces quamplurimæ, sed bellorū injuriā major pars delata est. Oppida præcipua sunt *Larissa*, & *Casar Elcibir*, hoc est, regum palatium. *Habet*, seu *Elabat*, regio clauditur à Septentrione mari Mediterraneo, ab Occasu *Algara* paludibus, à Meridie *Suarga* fluvio, ab Ortū verò montibus *Herculeo* Freto vicinis. Regio hæc fecundissima, ac frugum omnium affluentia beata est, licet olim multò celebrior ac felicior fuerit, propter civitates antiquissimas, tum à Romanis, tum à Gothis conditas. In ea præstantiores urbes sunt *Arzilla* seu *Azella*, ampla satis, atque à Freto *Herculeo* circiter lxx. mill. distans. *Tingis* seu *Tanger* ampla & antiqua ad Oceanū littus posita, & à Freto *Herculeo* xxx mill. distans. *Septa* seu *Seuta* maxima civitas ad fauces *Herculei* Freti, olim totius *Mauritanie* metropolis, ac *Hispanie* æmula: quæ quidem tres civitates sub Regno *Portugaliæ* sunt. *Errisa* regio incipit non procul ab *Herculeo* Freto, & ad fl. usque *Nocor*, seu *Hoccore* ad Ortum protenditur: ad Septentrionem prima sui parte, ut testatur *Leo*, terminatur *Mediterra-*

neo mari, vergitque Meridiem versus ad eos usque montes, qui *Fessæ* Territorium spectant. Regio hæc prorsus aspera, montibus frigidissimis plena, in quibus arbores altissimæ ac rectissimæ, frumentum non producit: vinearum autem, ficuum, olivarum atque amygdalarum magnam habet copiam. Armenta hic rara: caprarum verò, asinorum atque simiarum in hisce montibus magnus reperitur numerus. Oppida hic rarissima, pagi frequentissimi. *Gareti* regio initium sumit ab Occasu, à *Medulo* flumine, & ad fluvium *Mulviam* ad Ortum terminatur, à Meridie montes ipsam à desertis *Numidiæ* separant, à Septentrione ad mare *Mediterraneum* protenditur. Ager hujus regionis fragosus, incultus atque aridus, *Numidiæ* deserto non admodum natura dissimilis: ipsa autem regio incolis nuda fere est, postquam duas hujus præcipuas urbes *Medelam* & *Chesalam* *Hispani* occuparunt. *Chauz* ultima *Fessani* regni regio continet tertiam ipsius fere partem; namque in longitudinem cxc. mill. patet, nempe à fl. *Zha* ad Ortum, ad fl. *Gurguigara* ad Occasum, in latitudinem verò mill. clxx. Nam omnis ea *Atlantis* pars quæ *Mauritaniam* spectat, teste *Leone*, hujus Regionis latitudinem præbet: completitur & bonam planicie & montium partem qui *Libyæ* sunt contermini. Præcipua loca hujus tractus sunt *Dubdu* oppidū antiquum, & *Teza*, maxima, nobilis, & opulentissima urbs, quæ civium frequentia, & opulentia tertium in tota regione sibi locum vendicat. Regnum hoc multis irrigatur fluviiis, quorum aliquot navigabiles: præcipui sunt *Subu* & *Luccus*. *Subu* veteribus *Subur* dictus, originē ducit ex maximo fonte in horrida silva *Seligi* montis

Provin-

Flumina.

Provinciae Chauz, atque multos recipiens fluvios per longum tractum discurrit, & lato simul ac profundo ostio in Oceanum labitur. In ejus ostio sita civitas *Haraidos*, cujus portus ingressu difficillimus. Montes hic multi, inter quos *Zarhon*, mons, qui à planitie *Esaïs* incipiens, pater in longitudinem circiter triginta miliaria Occidentem versus & in latitudinem decem: eminus silvâ magnâ & desertâ refert, cujus arbores omnes sūt olivæ. *Zalaga*, item *Selelgo*, *Azgan*, *Centopozzi* & multi alii, quos brevitatis studio omittimus. In urbe Fez multa pulchra sunt & ampla ædificia, publica privataque Templâ, collegia, xenodochia. Templâ sunt 1000, in quibus magnifica & splendida. Summum templum quod vocant *Carauvea* ambitum habet sesquimilliaris. Portas amplas atque altas unam & triginta. In hoc templo sin-

Montes.

Opera publica

gulis noctibus scro lucernæ accenduntur: Reditus templi in singulos dies feruntur esse ducentorum aureorū. Collegia in quibus studiosi artibus, medicinæ, legibus, operam dant, permulta sunt. Vnum præ ceteris nobile, in quod exstruendum rex *Habu Henon* quadringenta octoginta aureorum millia effudisse dicitur.

PENNON DE VELES.

Et hæc de *Marocci* & *Fesse* regnis: restat paucis explicandum *Pennon de Veles*, quod antiquissimum est oppidum in littore Maris Mediterranei constructum, ab Hispanis *Velles de Gumenera*, sive etiam *Pennon de Veles*, nūcupatum. Inter duos visendæ altitudinis montes situm est. Alii ab Africanis, alii à Gothis ædificatum scribunt; sed de hoc Oppido in Theatro Urbium plura.



Regio.

ABISSINORVM Regnū *Æthiopia*, quæ sub *Aegypto*, Ptol. dicitur. Ejus Princeps Mauris *Asiela bassi* lingua *Æthiopica* *Ioannes Belul*, quod est altus, seu pretiosus, non Presbyter, ut quorundam fert opinio, dicitur. Hic se Davidis ortū stemmate gloriatur: utitur autem plerumq; istiusmodi inscriptione. N. N. *Supremus meorum Regnorum, à Deo unice dilectus, Columna fidei, ortus ex stirpe Iuda, Filius David, Filius Salomonis, Filius Columnæ Sionis, Filius ex semine Iacob, Filius manus Mariæ, Filius Nahu secundum carnem, Filius Sanctorum Petri & Pauli secundum gratiam, Imperator Superioris & Minoris Æthiopiæ, & amplissimorum Regnorum, Iurisdictionum & Terrarū, Rex Noë, Cassares, Fatiger, Angola, Baru, Balignaze, Adeæ, Vangua, Goyamæ ubi Nili fontes, &c.* Hic inter maximos nostræ ætatis Monarchas procul dubio censendus, ut qui inter utrumque Tropicum à Mari Rubro ad Æthiopicum fere Oceanum pertingat. Et ut aliquanto accuratius ejus Imperii terminos describamus: à Septentrione habet Ægyptum (quæ subest Turcis) vicinam: ab Ortū ad Mare Rubrum & Sinum Barbaricum ex parte pertinet: à Meridie Lunæ Montibus à Natura vallatur: ab Occasu verò regno Congi, Nigro amne, Nubiæ Regno & Nilo flumine terminatur. Quibus terminis veterum Æthiopiā sub Ægypto cognominatā, Troglodyticā, & Cinnamomiferā regionem, & Libyæ Interioris partem videtur comprehendere. Regio ipsa

Situs.

in universum (ut ex recentioribus qui eam lustrarunt, constat) fertilissima. Aestas ibi gemina est in anno, & ferme perpetua, ut uno tempore in aliis agris fiat semētis, in aliis vero messis. Alicubi singulis mensibus novæ fruges, legumina præsertim feruntur. Triticum quidem regio parçè producit: hordeum verò, milium, sesamū, ciceres, fabas, aliaque legumina copiosissimè profert: quorum nonnulla nobis ignota sunt. Hebeno, Persico & Siliquastro abundat. Aromata piperis, cinnamomi & Gingiberis hic leguntur. Saccharum etiam in arundinibus copiosè producit, sed ipsū coquere & expurgare non norunt. Vites istic multæ sunt, vini tamen hic nullus usus, præterquam in aula Regis & magni Patriarchæ. Mala medica, citrea & limones magna copia hic spontè proveniunt: mellis item immensa vis. Nam apes etiā in ipsis hominum habitationibus nutriuntur: unde ceræ tantam conficiunt copiam, quæ toti regioni ad candelas conficiendas sufficiat absque sevi usu. Linum habet etiam hæc Regio, sed incolæ artē ex ipso telas conficiendi nesciunt, atque magna ex parte pannos suos ex gossypio sibi parant, cujus hic magnus est proventus. Metalla habent auri, argenti, æris, sed ea non expurgant, artē ignorantes. Habet insuper hæc regio omnis fere generis animalia & aves: uti sunt elephantes, leones, tigres, pardales, lynces, rhinocerotes, meles, simiæ & cervi, (quod contra veterum opinionem, qui

Soli feris-
litæ.Anima-
lium va-
rietat.

negant

Imperium
majorem

negant Africam alere hoc animal) boves, oves, capræ, asini, cameli, equi: sæpissime etiam hic à locustis mirum in modum infestantur. Olim à reginis duntaxat gubernata hæc regio fuit. Vnde in historia veteris Testamenti legimus venisse ad Salomonem regem, austri reginam de Saba, audiendi causa admirandam ejus sapientiam, circiter annum mundi 2954. Nomen reginæ huic fuit *Maqueda*. Credunt Æthiopiarum reges, ex Davidis stirpe & Salomonis familia sese procreatos esse. Idcirco se filios Davidis & Salomonis, atque adeo Sanctorum Patriarcharum appellare solent, quod ex eorum semine orti sunt. Nam ex Salomone filium suscepisse *Maquedam* illam fingunt, quem *Meilech* nominarunt. Postea *David* fuit dictus. Iste secundum eorum commentum, cum annum ætatis vigesimum attigisset, ad Salomonem patrem & præceptorem à matre remissus, ut doctrina & sapientia utili ac salutari ab eo imbueretur. Quod simul atque assecutus fuit *Meilech* seu *David*, permisso Salomonis, Sacerdotes & comites nobiles multos de singulis duodecim tribubus sibi adjunxit, & in regnum Æthiopiarum reversus gubernationem ejus suscepit. Ac una etiam legem Domini circumcisionemque eodem importavit. Hæc primordia fuere religionis Judaicæ in Æthiopia, & ajunt in hodiernum usque diem ad aulica ministeria & canonicatus nullos admitti, nisi de stirpibus ex Iudæa adductis oriundos. Ab his igitur propagata est doctrina de Deo in Æthiopia, & radices egit, ut ad omnes ætates cōsequētes permanerit. Nam & libros Propheticos retinuerunt Æthiopes, & Hierosolymam adorandi causa verum

Deum patefactum in regno Israelis profecti sūt. Quod ex historia Eunuchi Candacis Reginæ, quæ *Judith* proprio nomine dicta est, profecti, intelligi potest. Is enim circa annū à morte & resurrectione Iesu Christi x, Hierosolymam cxxl. milliarium itinere accessit. Cumque ibi officium & cultum Deo debitum tribuisset, & jam domum rediret, in curru sedēs Prophetam Eſaiam legit. Itaque ad eum divino mandato missus fuit Philippus Christi discipulus. Et cum processissent ambo ad urbem Bethzur, tribus milliaribus ab Hierosolymis: ibi in radice montis fontem conspexit Eunuchus, cujus Aquis à Philippo baptizatus est. Reversus verò in Æthiopiam Eunuchus baptizavit reginam, & magnam familiæ regis & populi partem. Ex quo Christiani cæperunt esse Æthiopes, fidemque Christianam omni sequenti tempore professi sūt. In toto hoc imperio urbes paucæ: ac vicatim habitatur. Præcipua regna ad superiorem Æthiopiam pertinentia, quæ ut plurimum Abissinorum Imperatori subjacent, sunt hæc sequentia. *Regnum Barnages*: hoc, fluvio Abāthi & mari Rubro clauditur. Vrbs primaria est *Beroe* seu *Barnæ* Ptolemæo *Colone* dicta, ut Sannuto placet: hîc regis vicarius degit: qui Abissinorum regi cl. equos quotannis pro tributo pendit, cum serico aliisque mercibus, Bassæ verò Turcico mille uncias auri. *Tigremaon* Marabo fluvio proximū & mari rubro, quotannis pendit suo Imperatori cc. equos ex Arabia advectos. Subest huic regno Regnum *Tigrai*, in quo est urbs *Caxumo* seu *Cassumo*, sedes olim (ut in eorum analibus est) *Reginæ Sabe*: ac post etiam *Candaces* reginæ. *Angote* regnum numo caret, utuntur pro eo salis & ferri globulis.

Flumina.

globulis. *Amara* nomen habet à monte, in quo Imperatoris filii firmo & vigili præsidio servantur, ut defuncto Imperatore hæres educatur. *Fluvii* in hoc regno duo memorabiles per Æthiopiam labentes, *Abanhi*, qui *Astapus* Ptol., & *Tacasi*, qui Ptol. *Astaboras*, in quem complures alii amnes confluunt. Fons *Abanhi* est *Barcena Lacus* amplissimus sub Æquinoctiali jacens, in quo plures Insulæ. Hic lacus est *Coloe Palus* Ptolemæi. Incolæ Christianam religionem profitentur, eorumque fidei articuli præcipui sunt hi. Credunt in unum *Deum* creatorem cæli ac terræ, in tres Personas distinctum. *Deum Patrem*, *Deum Filium* ex Patre ab æterno genitum: qui pro nobis carnem assumpsit, mortuus est, & resurrexit; *Deum Spiritum Sanctum* ex Patre & Filio procedentem. Hæc summa est totius religionis. Vetus Testamentum cum novo sic conjungunt, ut ritus nonnullos Iudaicos & Christianos sequantur. Infantes omnes, masculos pariter & femellas, octavo ætatis die circumcidunt. Nullam tamen salutem circumcisioni adscribunt, quam in sola fide in Iesum Christum collocant. Sed ad quadragesimum diem masculos, ad octogesimum verò femellas, nisi aliqua ægritudo festinationem desideret, baptizant. Singulis annis Baptismum renovant, tam in adultis, quam in infantibus, proferentes hæc

Incolarum
mores.

verba. *Ego te baptizo in nomine Patris, Filii & Spiritus Sancti.* Hunc morem à majoribus acceptum sanctè observant, non ut primum Baptismum extenuent, aut infirmant, sed ut à peccatis absolutionem singulis annis consequantur. Administrationem Cænæ Domini sub utraque specie observant, tam Laici, quam Clerici. Confirmationem & extremam unctionem neque pro Sacramento habent, neque usurpare solent. Sabbathum æque ac diem Dominicum ab opere immune habent, veteri Christianorum more. Legis usum illum maximum esse putant, ut peccata nobis ostendat: servari verò à nullo mortalium posse, excepto Iesu Christo, qui eam pro nobis implevit, credunt. Sanctos quidem amant & venerantur, sed non invocant. Mariam Christi matrem magno honore afficiunt, non tamen adorant, neque opem ejus implorant. Conjugium clericis & presbyteris non minus quam politicis permissum est. Omnem fornicationem & libidinem puniunt. Habent Patriarcham ecclesiis præsentem, virum perspectæ probitatis, gravem, bonæ doctrinæ & provectæ ætatis: cujus munus est Ecclesiasticos Status in unione conservare, ecclesiasticam disciplinam tueri, ac rebelles excommunicare. Episcoporum, aliorumque ecclesiasticorum electio, penes solum regem manet.

E e e e

GUINEA.

G V I N E A.

Regio.

GVINÆ Regnum eo tractu est, quo *Gangines* Æthiopes, de quibus apud Orosium & Æthi- cum, teste Ortelio. Incolis *Ghinui* dicitur. Re- gio Nigritarum est. *Nigrita* dicuntur adcolæ fluminis Nigri, qui mediam regionem præterfluit, Nili instar agros vicinos fœcundans. Crescit hic, ut & Nilus, mense Junio, totos dies XL, quibus per regionem vici- nam navigare licet. Ita limo obducta tellus miro pro- ventu rerum luxuriat. Circa flumen planities amplæ, nulli montes aut colles. Silvæ frequentes, quibus ele- phanti pascuntur. Crebri lacus, qui ex Nigri inunda- tione dicuntur remansisse. Aër saluberrimus, adeo ut morbo Hispanico laborantes, si in eam regionem pro- ficiscantur certo convalescant. Sermo Nigritis varius, pro cœlo & solo. Religio varia: sunt in Mediterra- neis Christiani, Mahumetistæ, Gentiles. Maritimi verò omnes Idola colunt. Reges Nigritarum sunt tres: *Tom- buti*, *Borni*, & *Gaoga*. *Gualata* etiam proprium regem ha- bent. Color omnibus nigerrimus. Cæterum *Guinea* re- gnum inter *Gualatam*, *Tembutum*, & *Melli* situm est, à Ni- gro flumine ad Oceanum usque Æthiopicum. Aer *Gui- nea* nostris corporibus noxius est, tum ob cœli intem- periem, tum propter pluvias, quæ putredinem pariunt & vermes. Est autem hordeo, oryza, gossypio, auro, ebore, ovibus item & gallinis abundans. Est & aro- matis quoddam genus, sapore piperi conforme, Lusi- tanis *Melegneta* dictum. Aliud item duplo efficacius pi-

Situs.

Culitem-
peries.Soli ferri-
litas.

pere Calicutiano, vocaturq; dictis Lusitanis *Pimienta del Rabo*, quod tamen vendere non licet, ne vulgare piper prorsus sordeat & vilescat. Fructus alios præter dacty- los nullos habet, sed eos ex Numidia aut Gualata inco- læ petunt. Quadrupedum, inprimis elephantorum & simiarum, aviumque ingentem habent copiam, præ- fertim vero pavonum & psittacorum cinericiorum. Habent & minutas quasdam aves, quæ ex arborum ra- mis pendulum sibi ipsæ nidum singulari arte constru- unt. Arcem, oppidum, urbem, non habent. Pagum unū duntaxat amplissimum, quem Principes, Sacerdotes, Doctores, Mercatores incolunt: cæteri sparsim degunt. Circa *Caput Lupi Gonzalvi* incolæ Solem, Lunam, Ter- ram adorant: hanc sputo inquinare magnum apud ip- sos piaculum. Cutem ipsi conscindunt potius quam scarificant, & postea unguento quodam colorato tin- gunt: bello ipsis, nobis stupendo spectaculo. Salutant Principem in genua prolapsi, manibus complofis: aliis inclamant *Fuio, Fuio, Fuio*. Inter prandendum potu ab- stinent, pransi bibunt vel aquam vel vinum è palma. Palma hæc non ea quæ dactylos seu carvotas fert, sed ab hac arbor diversa, quovis anni tempore succum e- mittens. Arboris truncum sauciant, lachrymam inde manantem vase aliquo exceptam ad ebrietatem usque hauriunt: quippe cum liquor is sit vino quovis etiam generoso meracior. Color ei subcinericius. *Nignolum* vocant. Nec major est proventus arboris, quam binæ ternæve mensuræ intra diem naturalem. Fert ea arbor fructum

Anima-
lium
varietas.

Mores.

Vitus.



Vestitus.

fructum olivæ triplici virtute præpollentē: oleum videlicet, ut odoris violacei, ita saporis olivæ: id si dapibus adhibitū fuerit, eas uti crocus tingit, aut eo amplius. Viri juxta & feminæ nudo capite incedunt: quibusdam tegmen est ex corticibus arborum aut nuce indica confectum. Sunt qui superius labrum fauciarum habent, perq; illud foramen & per nares eboris frusta adigunt, hoc ipso ut opinantur, valde formosi. Alii ex interstitio narium, aut è labris ebur gestant, & conchas: quidam etiam pertuso inferiore labro linguam tanquam per os alterum exsertant. Vestimenta contexunt ex arborum libris, hisque decorē scilicet verenda tegunt: ex iisdem storeis non ad usum, sed ad ornatum nexas gerunt simiarum & cercophithecorum pelles, cum nola. Oculum alterum rubro colore tingunt, alterum cæruleo. Feminæ ditiores ingentes annulos ex ferro, ære rubro, aut stanno cruribus nectunt. Postremum in stupida & putida barbarie mirificè sibi placent. Horum numi aurei sunt nulla inscriptione insigniti: utuntur etiam numis ferreis in rebus vilioribus emendis.

Insula S. Thomæ.

Regio.

Situs.

Aeris
qualitas.

Insula *S. Thomæ* sequitur nunc explicanda: inventa à Lusitanis die festo B. Thomæ, à quo etiam inditum loco nomen. Sub ipso Æquatore sita est forma pæne rotunda. Ejus diameter est lx milliarium. Hæc cum degeretur tota consista erat proceris arboribus, quarum rami sursum crescebant. Pestem nescit: aer calidus, & salubris: pauci tamen Christiani hic ad quinquagesimum ætatis annum pertingunt: ita ut prodigiosum fo-

ret inter illos canā barbā aliquem videre. Indigenæ verò facile ad centesimum annum vivunt. Dies noctibus semper æquales. Mensibus Martio & Septembri crebræ & densæ pluvie decidunt, quibus solum humectatur, cæteris mensibus rore copioso recreantur fruges. Solum ipsum insulæ tenax, lærum, colore subruffo. Frumentum, vites, aut arborem duriuscula ossa habentem non patitur: fert autem melones, cucumeres, cucurbitas, ficus, gingiberis & sacchari inprimis ingentem copiam, adeo ut quotannis xl naves saccharo onustæ solitæ fuerint ex hac insula alio exportari, proque saccharo suo vinum, caseum, frumentum, coria, aliaque ad vitam necessaria importari. Sed desuit proventus iste ex quo tempore vermiculi quidam arundinum radices perfodere cœperunt, adeo ut nunc vix vi naves saccharo illic nato possint quotannis onerari. Liberaliter etiam milium, oryzam, hordeum præbet. Lactucas item, brassicas, rapas, betam, petroselinum, herbas hortenses magna luxurie profert. Præter has radicem quæ apud Indos crescit in insula Hispaniæ, quæ illic *Batata* dicitur. Nigri hujus insulæ dicunt *Ignamam*, ac plantant tanquam herbam eximiam eorumque vitæ necessariam. Cortex exterior nigri coloris est, interior albus forma oblonga, instar majoris rapæ, atque in radice plures ramos habet. Castaneas gustu representat: melior tamen & delicatior. Vulgo sub cineribus aut prunis cocta, aliquando etiam cruda comeditur. Incolæ Hispani huc aliquot olivas, persicos, amygdalos, aliasque arbores transtulerunt: quæ plantatæ pulcherrimæ quidem aspectu fuere: sed nunquam ullos tulerunt fructus. Est in hac insula cancrorum mirificum genus,

Soli ferti-
litæ.

Anni Boni Insula.

Animali- um varie- tas. genus, quod in terra talparum instar degit, thalassii coloris : solum subvertens : hoc omnia longè latèque infestat, arrodit, absumentque. Reperitur etiam in hac insula avium ingens numerus, perdices, sturni, merula, passeris virides modulantes, & psittaci. *Vrbs Pa- rossa.* Urbem in ea Lusitani condiderunt *Pavosam*, ad flumen, in qua tota familia creduntur habitare, præter Episcopum aliosque ordinis ecclesiastici homines. Portum optimum amnemque saluberrimum habet. Ad piscationes incitant in mari omnis generis pisces. Inprimis verò res miranda est infinitum numerum balenarum conspiciere, quæ in hoc, & in reliquis Africæ littoribus reperiuntur. *Mons.* In media insula mons est valde nemorosus, qui perpetuo nubibus tegitur adeo densis, ut ex silvis aquæ manent rigandis sacchari arundinibus sufficientes: quoque Sol est sublimior, eo magis cælum est circa montem illum nebulosum. Incolæ partim albi sunt, partim nigri. Mirum quod narrant, nigros admodum pulcibus, pediculis & cimicibus infestari : albos neque pediculos, neque pulices, neque cimices in lectis habere.

Insula Principis.

Vnde di- sta. **H**Aud procul inde, citra Aequinoctialem tamen gradibus pænè tribus, *Insula est Principis.* Hæc ex eo nomen traxit, quod *Principi* Portugalix hujus insulæ reditus esset assignatus. Satis culta est, & proventus sacchari celebrata. Crescit & in ea palma, cujus supra mentionem fecimus, ex qua succum eliciunt quo sitim levant.

Unde di- sta. **A**Nni boni vel de *Annobon* insula, sic dicta, quod sub novi anni auspicio detecta fuerit. Ea ultra Aequinoctialem Austrum versus pari intervallo sita est. Inhabitata est : sed ad ejus littora optimæ piscationes fiunt : atque his locis pisces volantes interdum apparent. Crocodilorum etiam hic ac venenosorum animalium incredibilis copia. Atque hæc de *Guinea* & hisce insulis, deque *Africa* hætenus dicta, sufficiant. Libet autem adscribere coronidis quasi loco, quod Aeneas Gazæus Græcus Scriptor retulit in Theophrasto suo, sive libro de animarum immortalitate, & resurrectione mortuorum, martyres ac sacerdotes magnæ Libyæ, evulsa à Tyranno & excisa ipsorum lingua, nihilominus clarè locutos fuisse, ac annunciasse animo hilari ac magno Dei magnalia, quod obstupefactum se vidisse & audivisse commemorat. Qui porro, quam ego attuli, plura petat, consulat moneo ex veteribus Salustium in bello Jugurthino : Hannonis Africæ circumnavigationem apud Arrianum : & Iamboli, apud Diodorum Siculum : item Melpomenen Herodoti. Ex recentioribus Aloysium Cadamustum, Vascum de Gama, Franciscum Alvares, qui Aethiopiæ perlustravit : Ioannem Leonem qui omnium accuratissime eam descripsit, & Ludovicum Marmolium, item Livium Sanutum, & alios. De Nilo fluvio totius Orbis terrarum maximo, extant litteræ Ioannis Baptistæ Rhamusi, & Hieronymi Fracastorii. Nos ad tertiam Orbis partem Asiam per-
gimus.

Eeee iij

IN Asia

Nemina.

IN Asia, ad quam nunc pervenimus, Imperium Turcicum primo loco occurrit. Turcarum meminit Mela libro primo: eosdem agnoscit Plinius lib. VI, cap. VII. neque est dubium quin ab his & nominis & gentis originem traxerint illi, qui longè latèque hodie imperitant, ignavia & dissensionibus nostris magni. Postellus putat eos Hebræis *Togarma* nominari: sic etiam Benjamin Tudelensis. Hi se ipsos *Musulmannos* vocant, hoc est circumcisos, vel ut alii interpretatur, rectè credentes. Turcæ verò appellari nolunt, ac nomen hoc contumeliosum apud ipsos habetur, cum lingua Hebræa exules significet, vel secundum alios, vastatores. Cæterum *Othomanne* seu *Osinanide* familiæ Imperiū, quod sanè amplissimum est, ac potentissimum, per multas Provincias, ac regiones Europæ, Africæ & Asiæ complectitur. In Europa extenditur juxta oram maritimam Hadriatici Sinus à finibus Epidauri nunc *Ragusi*, & totum *Ægæum* mare ambiens, simulque Propontidem, ac non minimam Ponti Euxini partem, ad Theodosiam urbem in Taurica Chersoneso sitam, quam nunc *Casfam* vocant, terminatur: quod spacium octo millia miliar. continet. In Mediterraneis verò protenditur à Iavarino oppido Hungariæ, incolis *Rab*, ad Constantinopolim usque in finibus Europæ sitam. In Africa habet Turca universam oram maritimam ab oppido *Bellis de Gomer*a usque ad Sinum Arabicum, seu mare Rubrum, exceptis paucis locis Hispaniarum Regi subiectis. In Asia etiam quam latissimè sese extendit. Regio ut plurimum frumenti, tritici, hordei, avenæ, siliginis, fabarum, milii aliorumque leguminum fertilis. Abundat

oryza, lino, gossypio. Vineta quoque habet. Fert etiam magna copia pepones, melones, cucumeres, nuces, poma, pira, mala punica, aurantia, castaneas, ficus, cerasa, aliosque fructus: sed non in omni regno. Sunt enim loca, ut passim in Cappadocia & Armenia minori, ubi nihil horum (propter intensissimum frigus) nascitur. Venas item habet auri, argenti, ferri, æris & aluminis. Varii generis alit animalia, magnamque camelorum, mulorum & pecudum copiam. Equi Turcici, canesque ferocissimi in primis probantur. Turcarum porro Imperio tale legitur fuisse initium. Primus illorum Imperator *Othomannus* Tartarus fuit, miles magni Cham, homo audax, corporis viribus præ cæteris eximius. Hic prætextu injuriarum quarundam secedens à Tartaris, cœpit in Cappadocia montes atque aditus insidere. Habebat initio apud se equites XL: accessere tum prædæ spæ, tum scelerum suorum conscientia permoti multi alii: quorum opera, quod antea clam instituerat, palam adgredi cœpit, occupavitque Cappadociam, Pontum, Bithyniam, Pamphiliam, & Ciliciam regiones opulentissimas. Hæc gesta sunt circa annum Domini ciroccc. Huic successit filius *Orchanes*. Hic à patre acceptum Imperium iisdem artibus, sed majore opum vi & divitiarum copiâ servavit auxitque: usus in primis oportunitate Christianorum inter se animis dissentientium: quo factum est, ut *Myssiam*, *Lycaoniam*, *Phrygiam*, *Cariam* viribus suis domuerit, *Nicaam* obsederit ceperitque: regnum suum ad Hellepontum usque protenderit. Contendebant eo tempore inter se Palæologi cum Catacuzeno. Ratus autem quod res

Imperium
majorum.

Situs.

Soli ferti-
bitur.

erat,



erat, fore ut si huic faveret in Europam accerseretur, trajecit, & viam posteris stravit Europam divexandi. Sub finem vitæ infelicitè cum Tartaris decertans occubuit, postquam regnasset annos unum & triginta. Huic successit filius *Amurathes*, egregius simulandi & dissimulandi artifex, robore animi, laborum tolerantia, disciplina rei militaris majoribus haud inferior. Hic contentiones illas, de quibus dictum est, inter Græcos dissimulando fovit: quibus bello fessis & exhaustis, Genuensium navibus conductitiis usus (hominum perfidiam & avaritiam vide) ex Asia in Thraciam superato Hellesponto trajecit. Anno ccccclxiii, *Callipolim* in Chersoneso sitam occupavit, quam magna statim Thraciæ pars sequuta est. Postea devicit *Myssiam*, *Bessos*, *Triballos*. Denique quum expugnata *Adrianopoli* Servia Bulgariaeque inhiaret, à Servio Lazari *Servia* Despotæ olim cliente quem in prælio ceperat, pugione confossus, periiit. Liberos reliquit *Solimannum* & *Bajazetem*. *Bajazetes* fratre interempto rerum potitus, Thraciam omnem vincere instituit. Vir erat ingenio acri, & maximarum rerum cupido: in rebusque capeffendis audax, in administrandis solers, in laboribus perferendis indefessus, in occasionibus prospiciendis cautus & sagax, in exequendis constans. Igitur Thraciam omni superatam, animum ad Constantinopolim adjecerat, sed primum Thessaliam, Macedoniam, Phocidem, Atticam occupare visum est. *Myssios* quoque (qui hodie Servii) *Illyricos* (qui Bosnenses) & *Triballorum* (qui Bulgari dicuntur) partem reliquam Principe Bulgariae interfecto subegit. Iamque Constantinopolim totos annos octo obsederat, quum Hungarorum Gallorumque (quos Imperator eo no-

mine in Italiam profectus accersiverat, adventantium copias reformidans) relicta obsidione, ad Nicopolim iis occurrit: congressus victor evasit caesis captisque magna ex parte Gallorum ducibus. Quo rerum successu elatus *Bajazetes* rursus Constantinopolim contendit, eamque biennii obsidione fatigavit: jamque actum erat de obsessis, nisi *Tamerlanes* magnus Tartarorum Cham igni & ferro Asiam totam depopulari, urbes vastare, prædas agere instituisset, cujus ille subito terrore evocatus, in Galatiæ & Bithyniæ finibus aciem instruxit. Pugnatum est acriter in multam noctem. At *Bajazetes* impar viribus superatur, & captus aureisque compedibus vinculus in cavea per Asiam traductus est. Tandem dimissus in Asia inglorius paulo post diem obiit, postquam regnasset annos xiii, menses vi. Filios reliquit *Calapynum*, *Moysem*, *Mahumetum* & *Mustapham*. *Calapinus* subito extinctus est: filius ejus *Orchanes* à *Moyse* patruo interemptus, ipse etiam *Moyse* à fratre *Mahumeto*. Hic *Valachiam* *Macedoniam*que omnem devicit, signaque Turcica ad Ionium usque pelagus promovit: regiam constituit *Adrianopoli*: & postquam imperasset annos xvii, è vita excessit, anno Domini cto ccccxii. Hinc *Amurathes* secundus Imperium adeptus est. Hic Genuensium ope in Thraciam delatus patrum suum *Mustapham* cui Græci magis favebant, bello vicit. *Thessalonicam* urbem antiquam, & tum temporis amplitudine, amœnitate, opibus, situque illustrem, quæ tunc à Venetis tenebatur, evertit: *Cyprum*, *Epirum*, *Aetoliā* subegit. Quumque intelligeret, rebus suis stabiliendis, Christianorum verò debilitandis magnopere sibi *Georgii* Despotæ Servia domini amicitiam prodesse posse, eam modis

dis omnibus ambiit, ducta insuper ejus filia in vxorem. Hac & suis viribus fretus, Belgradum oppugnare aggre-
ditur. Periere in obsidione VII Turcarum millia. Successit huic *Mahumetus* secundus. Hic fratris nece
tyrannide stabilita, *Constantinopolim* expugnavit a^{no} c^{ro}-
cccclviii, penultima die Maji. Biennio post Belgradum
se contulit, sed multis ibi suorum interemptis, ipse fau-
cius discedere coactus est. Postea *Bulgariam* occupavit,
Dalmatiam & *Croatiam* cum *Rascia* omni. *Trapezuntem*
etiam expugnavit & *Mytilenē* cum aliis quibusdam Ma-
ris *Ægæi* insulis. *Eubæam* cepit, & *Theodosiam* nunc *Ca-*
pham urbem *Genuensium* devicit. Præfuit Imperio an-
nos xxxii. *Bajazethes* II bellum cum Venetis gessit: eis-
que *Naupactum*, *Methonam*, *Dyrrachium*que abtulit, *Dal-*
*matiam*que omnem depopulatus, veneno interiit. Hujus
filius *Selymus* Imperium invasit. Hic *Alcairo* munitissi-
ma *Ægypti* urbe expugnata, Sultanoque caeso, *Alex-*
andriam totamque *Ægyptum* suo subjecit imperio: *Da-*
mascum cepit. *Solymanus* unicus *Selymi* filius, patri
fuffectus est. *Belgradum* cepit, propugnaculum, non *Hun-*
gariæ solum, sed totius etiam *Orbis Christiani*. Idem
Rhodum devicit, *Strigonium* & *Budam*, aliasque urbes ex-
pugnavit. *Viennam Austriæ* obsedit. tandemque ad
Zygethum periiit anno Imperii sui XLVII. Sequutus est
Selymus secundus, qui inducias *Maximiliano* fecit anno-
rum VIII. *Cyprum* Venetis ademit. *Tunetum* & *Gole-*
tam occupavit, obiitque anno c^{ro} lxxv. Huic *Amura-*
thes succcessit. & huic *Mahumethes* III, qui parricidio in-

teremptis fratribus XVIII Imperium auspicatus est, & ^{urbes.}
adhuc pœnis reservatur. In his ditionibus quatuor ha-
bet urbes opulentissimas, *Constantinopolim*, *Alcairam*,
Alepum, *Taurisum*. *Constantinopolis* quondam *Bizantium*,
de qua in *Thracia* diximus. *Alepum* maxima *Syriæ* urbs,
emporium celeberrimum, & quasi centrum, quo mer-
cimonia *Asiæ* undique confluunt. *Taurisum* vel *Tauris*,
amplissima quondam Imperii *Persarum* civitas, quibus
nostro ævo erepta est. *Alcairam* vel *Cairum* inter omnes
Africæ civitates principatum obtinet. Non enim alia
ulla est, quam non longo intervallo post se relinquat.
Maxima *Turcis* cura exstruendi spatiosas *Meschitas* si-
ve templa, & *Carbarsara* sive *Xenodochia*, adhæc bal-
nea, aquæ ductus, pontes, vias, aliaque publici operis, ^{Opera}
quæ sanè omnia spectabilia sunt apud *Turcas*, & præ-
clara. *D. Sophiæ* Templum in urbe *Constantinopoli*
pulcherrimâ est omnium structurâ, quæ adhuc perman-
et, scribente *Bellonio*: longeque superat *Romani Pan-*
theonis structarum. Regium *Turcæ* Palatium ac mul-
ta vetusta monimenta, ne prolixior sim, prætere-
o. *Ottomannorum* Regimen est prorsus *Despoticum*. *Turcarum*
enim Imperator adeo absolutè dominus omnium re-
rum intra fines sui domini contentarum est, ut incolæ,
se ipsius mancipia, non subditos nuncupent: nec quis-
quam sui ipsius, multoque minus domus quam inhabi-
tat, aut agri quem colit, dominus est: exceptis aliquibus
familiis in urbe *Constantinopoli*, quibus præmii loco,
& privilegio, id concessum à *Mahumete* II fuit.

Ffff

PROVINCIA



Regio.

PROVINCIA hæc Syriæ longè celeberrima, olim *Terra Chanaan* dicta fuit, à *Chanaā* filio Chā, qui communis discessionis necessitate pulsus eam tenuit: *Terra* item *Promissa* sive *Promissionis*, quod Patribus Abrahæ, Isaac & Iacob à Deo promissa esset. Hæc ipsa veteribus incolis ex ea pulsus, atque Israelitis in eorum locū substitutis, *Israel* & *Iudæa* capit appellari. Ptolemæus & alii *Palaestinam* nuncupant, à *Palaestinis* populis magni nominis qui in Sacris literis *Philistim* vocantur: Christiani *Terram Sanctam*. Regio hæc in umbilico Orbis constituta, inter Mare Mediterraneum & Arabiam, qua ex parte montibus fere continuis natura ultra Iordanem fluvium vallatur: atque ab Aegypto incipiens, ut vult Herodotus, vel ut alii, à Sirbonis lacu, usque ad Phœniciam porrigitur. Ab Oriente autem Syriam & Arabiam: à Meridie desertum Pharan & Aegyptum: ab Occidente mare Magnum seu Mediterraneum: à Septentrione vero Libanum montem, fines habet. Ejus longitudo ad Septentrionem à civitate Dan ad radicem montis Libani sita (quæ postea Cæsarea Philippi & Paneas dicta est) versus Meridiem porrigitur, & usque ad Bearsebach civitatem in Tribu Simeonis contra desertum magnum sita, plus minus LXVII conficit milliaria, singula unius horæ itinere commensuranda. Latitudo verò, quæ ab Occidente à Mari magno in Orientem ad Iordanem usque sumenda, quibusdam locis XVI, quibusdam XVIII milliaria complectitur. Inter omnes verò regiones quæ sub cœlo sunt, ob aeris salu-

Aeris
qualitas.

britatē cœlique temperiem inprimis commendatur, in qua nec rigor est nimius hyemis, neque æstatis ardor. Inprimis autem ob soli ubertatem, frugum omnis generis abundantiam, atque aliarum omnium rerum copiam, quæ res tum ad hominum vitam sunt necessaria, tum etiam earum quæ hominibus solent esse in delictis, apud scriptores tam sacros quam prophanos maximis est celebrata laudibus. Moses de hac ita Israelitis est vaticinatus, Deutero. VIII. *Ecce Dominus Deus tuus introducit te in regionem bonam & amplam, cujus aquæ, torrentes, & fontes abyssi exeunt ex planiciebus & montibus: terram Tritico & Hordeo abundantem; Vitibus, Ficubus, Malis Punicis, Palmis: terram Oleo & Melle affluentem, in qua pane tuo absque penuria vescaris: terram cui pro lapidibus est Ferrum, & cuius ex Montibus Æs effodias: terram lacte & melle manantem, terram quam Deus tuus procurat, cui divinitus prosperitas est collata, ut fertilitate omnes alias terras superet, ac Paradisi Dei sit adsimilis. Longum foret reliquorum, Iosephi, Plinii, encomia quibus miram hujus terræ commendant fertilitatem commemorare. Videndus de his oculatus testis Brocardus. Ex his verò quæ ad vitæ delicias vel Medicinæ usum faciunt, præcipue commendatur *Balsanum*, huic olim Orbis parti generosissimum à Deo concessum, quo nunc caret: *Aromata*, *Mastiche*, ac duo Nucum genera, alterum *Amygdala* latinis dictum, alterum vero quod optimum in ea regione est, Græcis & Latinis *Pistacea* dictum. In Montibus etiam ferrum atque Æris metalla effodiuntur. Aquis dulcibus & amœnis piscis*

Soli fortis
litas.



Imperium
Romanum.

cuis abundat: pecoribus, armentisque frequens. Lactis copia, & bonitate nulli concedens. Aprorum item, capreolorum, leporum, perdicum, coturnicum, ac aliorum ejusmodi animalium & avium optima hic venatio. Lupi, cervi, leones, ursi & cameli innumeri inveniuntur. Terra autem *Chanaan* regna regesque habebat triginta & unum, præter Sydonios & Palæstinos maritimos, cum ab Israelitis occupata atque obtenta fuit, maxima antiquorum cultorum parte vel interfecta vel depulsa. Ipsi verò *Israelitæ* sub *Ducibus* fuerunt annis circiter quadringentis & quinquaginta usque ad *Samuelem Prophetam*. Quorum non fuit successio ex certa stirpe, aut electio certi Senatus, sed velut *Aristocratiæ* Seniorum in singulis Tribubus. Post mutata fuit forma hæc gubernationis à Deo instituta in regnum, populo id flagitante, ac multos annos duravit hæc politia. Successu tamen temporis multas calamitates passi sunt *Israelitæ*, donec tandem omnino regno sunt exuri. Varias enim mutationes expertam hanc gentem, multisque bellorum tempestatibus agitatam fuisse, vel gentis ingenio Imperium nec suum nec alienum ferente, vel peccatis eorum divinam iram provocantibus, vel exteris regionem felicissimam appetentibus, sacræ & prophanæ Historiæ nobis testantur. Victi aliquoties, aliquoties in duram servitutem exportati, nec secundis nec adversis rebus idonei fuere. Experti jugum & dominationem modo vicinorum, modo remotissimorum populorum, *Ægyptiorum*, *Chalæeorum*, *Mædorum*, *Perfarum*, *Macedonum*, *Romanorum*: nec destiterunt unquam seditiosis consiliis seque suamque Rempublicam omnem perfundare, donec ipsum *Filium Dei*, humani generis Serva-

torem, nefariis manibus (quo nullum scelus altius eniti potuit) cruci affixerunt. Ex eo sequitur longa serie novus malorum ordo. *Titus Vespasianus* *Iudæa* devicta, *Hierosolymis* captis, multis *Iudæorum* millibus in captivitate abductis, pluribus occisis, fame, peste, igni, gladio, templum & quicquid sacri & prophani erat, vastavit, diruitque, anno à Christo nato *LXXIII*: quod ipse in terris agens futurum ante prædixerat. Urbem restituit *Ælius Adrianus*: mutata nonnihil loci regione. Ac Templum vetus *Salomonis* dissipatum dirutumque jacuit usque ad annum *CCCLXIII*, quo *Iulianus Apostata* *Iudæis* illius instaurandi copiam fecit: qui tamen miraculo territi à cæptis destiterunt. Anno *DCXV* *Chosroes Persarum Rex* urbem cepit, & in ea nonaginta millia hominum trucidavit: sed ab *Heraclio* superatus & captus pœnas dedit. Anno *DCXXXVI* *Haunmar Saracenorum Princeps* *Iudæam* omnem sibi subjecit, mansitque totos quadringentos quinquaginta annos sub *Saracenorum* potestate. Anno autem *CCXCVII* quum *Cōcilio Claremontano* decreta esset sub *Urbano II* sacra profectio recuperandæ Terræ Sanctæ gratia, *Gotofredus Bulioneus* coactis *Christianorum* copiis amplissimis, (dicuntur enim *CCC* fuisse pedum millia, *C* millia equitum) *Saracenos* expulit. Anno *CCCLXXXV*, *Saladinus Persarum Rex* *Saracenos* restituit. Haud multo tamen post rursus invasere *Christiani*. Iterumque *Saraceni* anno *CCCCXVII*, donec post varias mutationes *Turcæ* eam omnem occupaverunt anno *CCCLXXVII*. Complectitur hæc *Idumæam*, *Iudæam*, *Samariam*, & *Galileam*. *Idumæa* initium trahit à *Cassio monte*, vel secundum alios à *Sirbonis lacu*, & versus Ortum ducitur usque ad *Iudæam*. In ea sunt hæ civitates, *Maresa*, *Rhinocorura*,

Idumæa

Iudæa. *Rhinocorura, Raphia, Anthedon, Ascalon, Asotus, & Gaza.* *Iudæa* Palestinæ pars longè celeberrima, sita inter mare Mediterraneum & lacum Asphaltiten, atque inter Samariam & Idumæam. Nomen ei potissima Tribus *Iuda* indidit, in qua urbes & oppida plurima fuerunt, sed omnium clarissima *Hierusalem* Iudææ Metropolis toto Orbe celeberrima. Tempore Ptolemæi *Aelia Capitolia* dicebatur, hodieque à barbaris incolis *Cox* seu *Godz*, aut *Chutz* dicitur. Præter Hierosolymam in Iudæa sunt etiam alia oppida, ac loca celebria, ut *Iericho*, *Ioppe* quæ nunc *Iassa*: *Turris Stratonis* postea nuncupata *Cæsarea*, *Betlehem*, *Chebron*, sive *Hebron* prius *Arbe* & *Mambre* & *Cariatharbe*, hoc est civitas quatuor virorum. Et trans Iordanem *Macherus* oppidum & castrum munitissimum. Hic etiam fuere *Sodoma* & *Gomorrah*, quæ ob flagitia & scelera funditus subversa sunt. Sequitur *Samaria* media inter Iudæam & Gallilæam sita. Nomen ei à Metropoli cognomine, quam *Amri* Rex Israel condidit. nunc *Sebaste* dicitur. Oppida hic sunt *Sichem*, postea *Neapolis*, *Capernaum*, *Bethsaida*, *Chorazin*. *Gallilæa* sita est inter montem Libanum & Samariam. Hæc in superiorem & inferiorem dividitur. Superior, aliter *Gallilæa gentium* dicta, Tyro contermina. Inferior sita ad mare Tiberiadis vel *Genezareth*. Vrbes in hac sunt *Naim*, *Cana*, *Nazareth* & *Gadara*. Cæterum tota regio inter duo maria & Iordanem flumen sita, lacus non paucos habet, eosque qui navigabiles sunt, & optimis abundant piscibus. Fluvius vero *Iordanis* qui Hebræis *Iarden*, hanc regionem quam longa est secat. Hic, ut scribit Hieronymus, ex duobus fontibus haud procul à se distitis *Ior* sci-

licet & *Dan* bicornis erumpit. alterum cornu *Ior*, alterum *Dan* vocant adcolæ; conjuncti efficiunt *Iordan* vel *Iordanem*. Montes præcipuos habet *Hermion* ad Orientem, & *Tabor* ad Occidentem, eosque maximos & editissimos, quorum alii vel brachia, vel partes, vel ramenta sunt. *Ebal* enim, *Bethoron* & *Mispa* sive *Masspha* & *Bethel* ad *Hermion*: *Gelboe*, *Gerizim*, *Sarona*, & postremus ac mari proximus *Carmel* ad *Tabor* referuntur. Sunt & isti, *Mons Sion*, *Moriah*, *Olivarum*, *Calvaria* & alii. Silvis etiam, lucis & nemoribus superbit. Multa etiam hic & potissimum Hierosolymis præclara ædificia. Ex iis vero operibus quæ præcipua antiquis & recentioribus temporibus in urbe fuisse commemorantur, primum fuit *Mons Dominus*, & *Iebusæorum* arx, ad quam jam dirutam arca Domini à Davide rege asportata fuit, in eoque loco mansit, quoad Templum à Salomone constructum consecratumque fuit, cujus loci vestigia nunc exstant, ubi & Christus Pascha cœnasse perhibetur. Ibitem Davidis regumque Iudæ monumenta visuntur. Fuit etiam *Domus David*, quæ hæcenus *Turris David* nomine appellata conservatur. *Mello* etiam reliquæ sunt certis ruinis ad montis *Moriah* extrema conspicuæ. Inprimis autem memorandum Templum Salomonis celeberrimum, quod spatio septem annorum centum & quinquaginta millium hominum continua opera absolvit. De cuius magnificentia in lib. 1. Regum, cap. 6 & 7, & Chron. lib. 2. cap. 3 & 4. abunde legere est. De legibus & institutis brevitati studentes nihil adjiciemus, lectores ad libros *Mosis*, *Exodum*, *Leviticum*, *Numeros*, & *Deuteronomium* remittentes.

Regio &
unde di-
ctâ.

Situs.

ASIA cui nomen à Magna *Asia* contigit, & ad ejus differentiam *Minor* cognominata est, hoc loco describenda: sic eam Romani quum Provinciam facerent, à continentis nomine vocavere. Hodie Turcis *Natolia* aut *Anatolia* nominatur, quasi plagam Orientalem dicas, à Græca voce *Anatole*, quæ Orientem significat, ut Petrus Bellonius in peregrinationum suarum doctissimis observationibus docet. Hanc etiam subinde à recentioribus *Turciam Majorem* nuncupari videmus. *Turciam novam* à nostris, à Barbaris vero *Rom* dici tradit Marius Niger: eam partem nempe quæ versus Septentrionem Bithyniam, Galatiâ & Cappadociam complectitur. Australem autem tractum, in quo Lycia, Cilicia & Pamphylia sunt, *Cottomaniidiam* nuncupari. Terminj ejus sunt, ab Oriente Euphrates fluvius, à Meridie mare Mediterraneum; ab Occasu Mare respicit *Ægæum*, seu Archipelagum Græciæ: à Septentrione Ponto Euxino seu Mari majori abluitur. Complectitur itaque totam illam Chersonesum, quæ inter Euxinum & Cilicium, Pamphylumque pelagus protensa est. Ejus latitudo ex traditione Plinii ex circiter mill, pass., ab Istico scilicet sinu nunc *Golfo de Laiazzo*, & à Manicis portis usque ad Trapezuntem quæ est in ora Ponti; in quo quidem cum Herodoto consentit, qui ait Isthmum Asiæ minoris esse iter quinque dierum expedito viatori. Terra cui nulla clementia cæli, bonitate felicitateve soli præponenda. Quod Ci-

cero testatur his verbis: *Ceterarum Provinciarum vectigalia, Quirites, tanta sunt, ut iis ad ipsas Provincias tutandas vix contenti esse possimus: Asia vero tam opima est & fertilis, ut & ubertate agrorum, & varietate fructuum, & magnitudine passionis, & multitudine earum rerum quæ exportentur, facile omnibus terris antecellat.* Fuit ergo olim frugiferis campis, copiosis pascuis, auriferisque amnibus abundè dives. Præterea quicquid ad bene beatæque vivendum desiderari potest, habet, aliena non cupit, suis satis contenta. Vinetorum & olearum fertilitate nulli postponenda. Hoc tamen unum in ea malum. Nusquam in orbe toto tam assidui terræ motus & tam crebræ urbium everfiones; quemadmodum Tiberio Cæsare imperante civitates in Asia xii una nocte concidisse, author est Plinius lib. ii. In hac *Asia* regna olim fuere maxima *Trojanorum, Cræsi, Mithridatis, Antiochi, Paphlagonum, Galatarum, Cappadocum*, aliorumque. Fuit autem primùm à Cyro Persarum Rege occupata, deinde à Macedonibus, & ab Alexandri Ducibus una cum Syria, Egypto ac Babylonia mirè fuit divisâ, post à Romanis spoliata, ac postremo à Turcis vastata, miseræque perdita, & ad maximam tenuitatem redacta, ut nihil nunc memoratu dignum fere habeat: totaque Imperatoris Turcici tyrannidi subest. Nulla hic datur nobilitas ex antiquitate sanguinis, aut stemmatis, sed omnes æquales sunt, & à Turcarum Imperatore mancipiorum loco tenentur, qui hic suos *Beglerbeios & Sangiacos* habet in diversis Regionibus

Imperium
majus.



Urbes.

gionibus & Provinciis. Habet autem *Natolia* Regiones istas. *Pontum*, *Bithyniam*, *Asiam* propriè dictam, *Lyciam*, *Galatiam*, *Pamphyliam*, *Cappadociam*, *Ciliciam* & *Armeniam minorem*. *Pontus* & *Bithynia* olim *Sagari* amne interfluente distinctæ, post in unam Provinciam redactæ sunt, quæ hodie *Bursia* vel *Besangial* vocatur. Hoc *Mithridatis* quondam regnum fuit. Urbes celebriores erant, *Chalcedon*, *Nicomedia*, *Cerasus*, *Prusa*, ad montem *Olympum*, ante capram *Constantinopolim* Imperiorum *Turcicorum* sedes. *Nicaea* & *Heraclea* *Ponti*. *Asia* propriè dicta nunc vocatur *Sabrum* vel *Sacrum*: ab Ortu *Galatia*, à Septentrione *Ponto* & *Bithynia* terminatur: cætera *Mari* adluuntur. Habet in se *Phrygiam*, *Lydiam*, utramque *Myssiam*, *Cariam*, *Aeolidem*, *Ioniam*, & *Doridem*. *Phrygia* duplex est, *Major* & *Minor*. *Major* Orientem spectat. in ea urbes paucae, plures vici. in ea est *Midaïum* urbs juxta *Sangarium*, à *Mida*, cujus regia hic fuit, nomen sortita. Est & *Apamea* urbium *Phrygiæ* maxima, non procul à *Mæandro*. *Docymeum* oppidum & *Synnada* urbs. Est & *Pesinus*. In *Minore Phrygia* sive *Troade* fuere *Ilium* & *Troja*, decantatissimis *Homeri* & *Virgilii* versibus nota. *Pergamus*, quam ex arce in amplissimam urbem *Attalus* Rex novis constructionibus auctam mutavit: patria *Apollodori* *Rhetoris*, & *Galenii*. Inter *Trojæ* ruinas etiam nunc *marmorea* sepulchra, murorum fundamenta, turrium rudera, colossos portarum fragmenta exstare, testis est omnino exceptione major *Bellonius*. Est in eodem tractu *Sigeum* promontorium & oppidum, in quo *Achivorum* statio & *Achillis* tumulus. *Lydia* quæ & *Mæonia* urbem habet *Sardeis*, *Cræsi* regiam. *Myssia* ad *Hellespontum* *Troadi* contermina fuit. In hac *Lampsacus* urbs *Patorum* colo-

nia, & *Abydus* *Milesiorum*. *Caria* inter *Ioniam* & *Lydiam* sita est. Hujus metropolis olim *Miletus*, quam nunc *Malaxo* dici purant falso: nam hæc veterum est *Mylassa*, quam *Plinius* vocat urbem liberam lib. v. cap. xxi. Est & hodie *Magnesia* juxta *Mæandrum*. In littore fuere *Ioniam* prope *Chium* insulam, in qua celebris illa quondam urbs *Ephesus*. *Aeolis* inter hanc & *Lesbum*, cujus urbes littorales *Myrina*, *Cuma*, nunc *Castri*, & *Phocæa*, nunc *Fogli Vecchia* dicta. *Doris* ad mare *Carpathium* in *Chersoneso*, cujus urbs primaria fuit *Halicarnassus*, patria *Herodoti* & *Dionysii* *Historicorum*, & regia *Mausoli*. *Galatia*, quæ & *Gallogracia*, nomen habet à *Gallis*, qui *Græcis* mixti olim loca ea coluere, quæ ad *Pontum Euxinum*, inter *Pontum* & *Cappadociam*. Urbes in ea *Ancyra* nunc *Anguri*: celebris pannis undulatis, qui ex caprarum villis eo loco texuntur: *Sinope* *Mithridatis* patria: *Amisus* nunc *Simiso* dicta. In hac Regione est *Paphlagonia*, hodie *Roni* dicta. *Cappadocia*, quæ nunc *Amasia*, à *Galatia* ad *Antitaurum* protenditur: ad Meridiem *Cilicia* est: ad Septentrionem *Pontus Euxinus*. Longitudo est amplius trecentorum millium passuum. Hic in campis *Themiscyris* *Amazonum* quondam florentissima regna fuere: quas *Titianus*, quemadmodum testatur *Isidorus*, venustè & eleganter vocavit *unimammas*. Civitates autem & urbes sunt *Trapezus*, *Themiscyra*, *Amasia*, *Strabonis* patria, *Iconium*, & *Maza*. *Lycia* *Cariæ* proxima est. Urbes præcipuas habet, *Pataram* & *Telmessus*. *Pamphylia* sequitur solo fluvio *Catara* & à *Lycia* divisa. In ea urbes fuere, *Sida*, *Attalia*, & *Aspendum*. Hæc cum *Cilicia* hodie uno nomine dicitur *Caramania*. *Ciliciæ* Metropolis hodie est *Hama*, veteribus *Tarsus* dicta, *D. Pauli* patria,

patria, vetus litterarum sedes ad amnem Cydnum. Strabo ejus urbis Gymnasium valde laudat. Est & oppidū Adena & ad Taurum montem *Heraclea*. Armenia minor ad Euphratem usque protenditur, ad Occasum verò terminatur Cappadocia. *Flumina* sunt *Iris*, qui nunc *Casalmach*, *Halis*, *Ottomangiuch*, *Parthenius*, *Dolap*, *Sangaris*, *Sangri*, qui se omnes in Euxinum exonerant. In Propontim fluunt, *Afcanius*, *Rhindacus*, *Aesopus*, & *Granicus*: in Hellespontum *Simois* & *Scamander*, qui & *Xanthus*. In *Ægæum*, *Caicus*, *Hermus*, *Caistrus*, *Meandrus*, Prusæo auctore sexcentas flexuras faciens. In Mediterraneum postea *Calbis*, *Xanthus*, *Limyrus*, *Cataractes*, alique. *Maria* verò *Pontus Euxinus*, mare *Ægeum*, & *Pamphylum*, *Propontis*, *Hellespontus*, *Icarium*, *Myrtoum*, & *Rhodiense pelagus*. *Commoditates*. Horum magna oportunitate utuntur, cum propter navigationem qua omnia necessaria advehuntur, & mercaturam: tum propter piscationem, quæ illis perutilis est. *Montes*. Montes habet celebriores *Horminium* in Ponto, & *Myrium* qui & *Olympus*. Montes *Synnadicos* lapicidinis nobilissimis celebratos, *Idam* vetere Divarum certamine & iudicio Paridis memoratum in Phrygia, *Tmolus* auriferus in Lydia: *Argeum* in Cappadocia, *Amanum*, nunc Monte Negro in Cilicia, in quo celsæ crescunt *Cedri*, *Juniperus* major, & mons *Sabina*, qui etiam variis abundat plantis. Sunt & *Dindyma*, & mons *Chimera* ignivomus perinde ut *Æthna*, cujus flamma teste Plinio affusa aqua exci-

tatur, fœno autem extinguitur. Tauri montis jugum est, cujus hoc loco initium sumunt colles, in ejus cacumine leones habitant, in medio autem propter læta pascua capræ, & in radicibus serpentes. Vnde poëta monstrum fingunt flammam evomens, capite & pectore leonino, caprino ventre, & cauda draconis, ad quod tollendum missus erat Bellerophon. Sunt & alii, ut *Antitaurus*, *Scordiscus*, quos brevitatis gratia omittimus. Ad opera publica venio. In Ionia fuit olim in urbe Epheso *Templum Dianæ* toto Orbe tum celeberrimum tum magnificentissimum, inter septem Orbis miracula numeratum. Multa etiam hic *Xenodochia* sive *Nosocomia*, illis *Carbachara* appellata. Nulla verò in iis Provinciis quæ Turcæ Imperio subsunt diversoria, aut loca quæ iter facientes excipiant, sunt, nisi publica illa ædificia: quæ diversis rationibus exstructa fuere, inter quas hæc maximè usitata. Satrapæ Turcici qui opulenti evaserunt, pium aliquod opus dum adhuc in vivis sunt facere volentes, tales structuras zelo quodam fieri curant: nam neminem sanguine junctum norunt, cui beneficium aliquot præstare velint. Talibus ergo structuris summum aliquod bonum se facere existimantes publicæ utilitatis gratia, multa egregia opera restituunt, veluti elegantem aliquem pontem, vel amplum *Xenodochium* *Carbachara* dictum, cui magnificum aliquod templum adjunctum sit, & huic proximum balneum.

Opera publicæ.

Regio.

Sinus.

Cali
qualitas.Soli ferti-
litas.Imperium
majorum.

CYPRVS inter majores maris Mediterranei insulas locum sibi jure vendicat, dicta vel à *Cypro* Cynicæ filia, vel ab arbore *Cypro* huic insulæ peculiari. In medio Issici sinus inter Ciliciam ac Syriam jacet: ad Ortum est mare Syriacum & Sinus Issicus, quem vulgo *Golfo de Lajazzo* vocant: ad Occasum mare Pamphylum: ad Meridiem Ægyptium pelagus: ad Septentrionem spectat asperam Ciliciam, quæ nunc *Turcomannia*, vel secundum alios *Caramania* dicitur. Habet in circuitu quadringenta & viginti septem millia passuum, in longitudine verò ducenta, teste Bordonio. Ingrato quidem ac insalubri ut plurimum aere fruitur, ob stagna retrum vaporem exhalantia. Insula tamen omnis mirè fertilis est. Fert enim ubertate quadam stupenda, quidquid vitæ ex voto transigendæ, deliciisque fruendis necessarium: triticum, hordeum aliaque frumenti genera: vinum præstantissimum quod cum Cretico gratia certare potest: oleum, saccharum, mel, sal nativum ac fossile, poma medica & citria, limones, da&tylos, aliosque fructus nobilissimos. Aurum item, gossypium, lanam, crocum, coriandrum, sericum, & quid non? Smaragdo etiam, crystallo, ferro & alumine nobilis est: ære in primis, quod ibi primum inventum creditur, tanta copia, ut Cyprus ærofa ex eo dicta fuerit. Ex pilis quoque caprarum, pannus conficitur cui *Zambelotto* nostra ætas nomen dedit. Diodorus Siculus lib. xvi scribit huic Insulæ novem Reges præfuisse, qui tamen omnes Regi Persarum audientes erant. Habuit & Tyrannos Græcos. Olim quindecim urbibus claram fuisse le-

gimus, quæ nunc majori ex parte interiit. Harum clarissimæ fuere, *Paphos*, nunc *Bapho*: *Palepaphos*, quo primum ex mari Venerem egressam affirmabant accolæ: *Salamis*, hæc in amœnissimo sinu Orientalis littoris posita fuit, habuitque trajectum ex Syria commodissimum. Ea postea dicta est *Constantia*, habuitque Episcopum Epiphanium. Fuere & *Amathus* & *Ceraunia*. Hodie celeberrimæ sunt, *Nicosia* & *Famagusta*. Ex Olympo autem monte duo insignes exeunt amnes, *Lycus* & *Lapethus*: prior in Austrum, posterior in Septentrionem decurrit. Quanquam alii torrentes potius dici debere existimant, quam flumina: quia interdum exsiccantur: quo tempore incolæ summa laborant aquarum penuria. Plures sunt in hac insula montes, sed omnium altissimus est *Olympus*, quem *Trohodon* vocant, arboribus omnis generis vestitus, & undique exstructis monasteriis insignis, in quibus habitant *Calojeri*. Ambitus ejus LIV mill. complectitur.

Stalimene.

LEmnos insula Maris Ægæi, hodie *Stalimene* Turcis & Italis: inter Thraciæ Chersonesum, & Athon. Macedonia montem, Thraciæ opponitur. Ambitus ejus ad centum millia passuum (ut Bordonius refert) extenditur. Qua Orientalem plagam aspicit, arida est, & frugibus minus idonea: inter Meridiem & Occasum vero agri admodum fecundi, qui triticum, legumina, pisa, fabas, vinum, linum, cannabim &c. proferunt.



ferunt. Terra quæ olim *Lemnia*, hodie *Sigillata*, nunc uti olim hic non sine superstitionis apparatu effoditur, idque singulis annis, vi Augusti: alio tempore minimè. Sub capitis enim pœna cautum, ne quis clam vel palam eò ad fodiendum accedat. Locum ubi effoditur *Montem Vulcani* appellant. Insula equis gilvi coloris abundat: qui gradarii omnes, nulli succussatores. Nec serpentes desunt. Vrbes hic olim *Myrina* & *Ephestias*. Hæc hodie prorsus deserta est, & *Cochino* appellatur. Illa parvi nominis, oppidum hodie in Peninsula, angusto Isthmo Insulæ juncta, positum: hoc *Lemno* nostra ætate dicitur.

Chios.

Insula. **C**Hios Insula nomen habet, vel à nive, vel à Nympha *Chione*. Dicta antea fuit *Aetolia*, ut Ephorus tradidit. Sitæ inter Samum & Lesbum, è regione Erythræarum. Ambitus ejus centum atq; amplius mill. pass. *Situs.* Chios vino optima, ut libras ibi vi aliquando racemi pendant, Straboni. Habet & ficus gratissimi saporis, & marmor varium quod Romæ in deliciis fuit. *Soli qualitas.* Sola inter reliquas mastichen generat. Olim verò frugum adeo ferax atque abundans fuit, ut horreum populi Romani dici meruerit. Perdicibus etiam abundat maximo numero cicuribus, in agros ad pastum excurrentibus, redeuntibus, & passim per plateas palantibus. *Vrbes & oppida.* Oppida hic sunt xxxvi. Primaria est urbs *Chia*, portum habens & stationem peropportunam. Tota montibus adsurgit. Promontoria habet *Posidium*, *Phaneum*, *Arvisum*, à quo vina *Arvisia*, quæ nunc *Malvasia*. Ex hac orti *Ion* Tragicus, *Theopompus* Historicus, & *Theocritus* Sophista. *Homerum*

quoque nonnulli hic natum credidere. Cicero pro Archia: *Homerum Colophonii civem esse dicunt suum, Chium suum vendicant, Salaminii repetunt, Smyrnaei vero suum esse confirmant. Itaque etiam delubrum ejus in oppido dedicaverunt. Permulti alii præterea pugnant inter se atque contendunt.*

Mitylene.

LEsbus seu *Mitylena*, *Metelino* hodie ab urbe primaria: Phrygiæ objacet, & ab ejus continenti vii. mill. cum dimidio distat. *Insula.* Circuitus ejus traditur aliis clxviii milliarum. Aliis vero duntaxat cxxx. Hæc aeris salubritate, agrorum ubertate, & fructuum bonitate gaudet. *Colitæmperies.* Optimum hic frumentum nascitur. Vinum profert optimum, quod quidem Constantinopoli ceteris præfertur, atque magna ex parte heluosum est. Marmor hic etiam habetur, quod tamen Pario marmore lividius est, & achates gemma reperitur. *Soli fertilitas.* Validos & robustos alit equos, licet humiles. In ea quinq; olim oppida, *Antyssa*, *Pyrrha*, *Eressos*, *Cirava*, & *Mitylene*, nunc *Metelino*, totius Insulæ primaria. Arcem habet & agrum amœnum ac fertilem. Olim insignis fuit, ac splendidis incolis, & ædificiis ornata, nunc majori ex parte collapsa est. *Oppida.* Duos habet hæc insula portus satis commodos.

Negroponte.

EUbœa nunc *Nigropontus*, vel *Negroponte*, ad Meridiem promontorium *Gereſto*, & *Caphareum*: ad Septentrionem, *Cærneum* extrudit: & nusquam lata; duum millium spatium habet ubi arctissima est: ceterum

terum lōga, totique Bæotix opposita, angusto freto distat à littore. Olim Bæotia continua fuit. Ambitus ecc. lxxv. mill. patet. Insula tritico, leguminibus, vino, oleo, atque arboribus, inprimis quæ navib. fabricandis idoneæ, mirè abundat. Metropolis fuit *Chalcis* nunc *Negroponte* de insulæ nomine. In planicie sita est, ubi mare in angustias arctatur. Clara hæc morte Aristotelis ibi mœrore exstincti, cum causas Euripi sive Maris reciprocantis septies die ac septies nocte non posset reperire. Tamen si Suidas non mœrore animi, sed veneno ipsum exstinctum prodat; Laertius morbo. Sunt præterea urbs *Eretria* patria *Simonidis* Poëtæ Lyrici: *Caristus* Stephano *Chironia* & *Aegæa*, nunc *Caristo*, marmore olim nobilis: *Helica*, *Pyrrha*, *Nesos*, *Oechalia*. Scribit Strabo, duos in hac Insula amnes esse, *Cerum* & *Neleum*, diversarum naturarum. Nam si animalia ex uno potent, albefcit pilus eorum, alterius autem aqua pota, pellem eorum nigram reddit. Est & Euripus quem Livius *Euboicum Sinum* vocat, rapidum mare, & alterno cursu septies die ac septies nocte fluctibus invicem versis adeo immodicè fluens, ut ventos etiam, ac plenis velis navigia frustretur. Mons item *Caphareus*, Græcorum ex Illo redeuntium clade nobilis, ob interfectum ad Trojam Palamedem, Euripidi Nauplii insulæ Eubææ Regis filium.

Cerigo:

CYthera Pto., olim *Porphyris* Plin. & *Porphyrysa* Eustathio dicta à marmoris Porphyretici copia, quos montes abundant: hodie *Cerigo*. Prima Maris Ægæi insula ad Occasum è regione Sinus Laconici. Distat à littore Peloponnesi v. mill. & in circuitu patet lx. Oppi-

dum habet ejusdem nominis, ac multos portus, sed parum tutos, atque circa ipsam insulam sparsi sunt complures scopuli.

Rhodus.

SVpere est in hac tabula Insula *Rhodus*. Hæc teste Plinio ante dicta fuit *Ophiussa*, *Asteria*, *Aethraea*, *Trinacria*, *Corymbia*, *Artabiria*, *Macaria*. Abest ab Asiæ continenti xx mill. pass. Ampla est mill. cxi. Cælo temperatissimo ac clementissimo fruitur: ac Soli sacra fuit, quod nullo non die Sol eam clarus aspiceret. Ager fecundissimus, pascui inprimis mira bonitas. Fructiferis etiam arboribus affluit, quarum multæ perpetuo sunt virentes. Vnicam nunc habet urbem munitissimam cognominem. Sita hæc in Orientali Insulæ parte, partim in acclivi colle, partim juxta maris littus. Portum habet nobilissimum, ac tutissimum; & duplici mûro, altissimi turribus xiii, arcibus v atque aliis propugnaculis munita exornataque admodum est. Celebris quoque olim ab Academia, una cum Massiliensi, Atheniensi, Alexandrina, & Tarsensi celeberrima: & Colosso Solis æneo, qui fuit septuaginta cubitorum altitudinis. Post lvi annum terræ motu prostratus, jacens quoque miraculo fuit. Pollicem ejus vix justæ staturæ vir amplecti poterat. Digni majores erant quam pleræque statux. Vasti specus hiabāt defractis membris. Duodecim annis Colossus effectus est, ccc talentis: intus magnæ molis saxa disposita fuere, quorū pondere opus stabiliretur. Sultanus ccrx camelos ære hujus statuæ oneravit.

Soli ferè
litæ.

Vrbes.

Gggg iij

Persicum

Regio.

Situs.

Caeli qua-
litas.

Persicum sive Sophorum Imperium, uti olim celebre, sic etiam hodie maxime clarum est. Ejus incolæ Persæ. Vocantur & *Ayami* vel *Azamii* ab *Azamîæ* regno, quæ quondam Assyria secundum nonnullos: *Persiani* à Perside. *Cheselbas* à pileo rubro quem impositum capiti gestant. *Sophiani* à *Sophi* Principe. Situm autem est Persicum regnum inter Turcicum imperium, Tartaros Zagathæos, Cambajæ regnum, & inter Hyrcanum seu Caspium mare, ac Sinum Persicum. Habet igitur ab Ortū Indos, & regnum Cambajæ, a quo montibus ac desertis separatur: à Septentrione sunt Tartari, juxta *Abianum* sive *Oxum* fluvium: partem reliquam claudit mare *Caspium*. Ab Occasu sunt Turcæ juxta *Tigridem* & Lacum *Giocho*: ad Austrum Sinu Persico adluitur, & mari Indico. Quod sane terræ spatium amplissimum est; completitur enim plus minus gradus xxxix ab Ortū ad Occasum. A Meridie vero ad Austrum xx occupat. De temperie aeris Persidis regionis sic scribit *Q. Curtius lib. v. Regio non alia tota Asia salubrior habetur: temperatum cœlum, hinc perpetuum jugum opacum & umbrosum, quod æstus levat: illinc mare adjunctum, quod modico tepore terras fovet.* Regionis autem hujus universæ non eadem passim est qualitas, non idem solum genius. Qua Sinum Persicum spectat, ob fluvios ipsam irrigantes, atque etiam versus mare Caspium, cum ob fluviorum oportunitatem, tum ob aeris clementiam, auramque frigidiorē, tota felix, tota beata, & hinc omne genus frugum, animaliumque non beni-

gna solum mater, sed & nutritrix sollicita. Abundat tritico, hordeo, milio, ac similibus. Metallis quoque adfluit & lapillis. Vini item & fructuum ubertas magna Paulo Veneto teste. Cætera fervoribus & siccitatibus exhausta deseruntur. *Persarum* porrò gēs obscura prius, initium nominis ac famæ accepit à rege *Cyro*, qui ademptum *Medis Lydisque* Imperium, primus in *Persidem* intulit, ac amplissimum & florentissimum ex minimo & tenuissimo, Asia subacta, & universo Oriente in potestatem redacto, reliquit. Successit patri *Cambyses*, qui Ægyptum Imperio adjecit, à quo deinde ad *Darium* usque, qui ab Alexandro Macedone victus vitam pariter cum regno amisit, res Persicæ in suo statu manserunt. Regnatum est annos cccxxx, quod *Q. Curtius* lib. quarto justissimo & ne minimum quidem fallente calculo tradidit, cui etiam adsentitur *B. Hieronymus* ad ix Caput *Danielis*. Hodie etiam Persicum Imperium quod penes *Sophos* est, inter potentissima totius Orientis Imperia numeratur. Id quamquam oppressum aliquandiu modo à *Saracenis* fuit, modo à Tartaris, tamen rursus emicuit sub *Ismaële* rege. Regiones autem Imperio Persico subiectæ hæ sunt. *Media, Assyria, Susiana, Mesopotamia, Persis, Parthia, Hyrcania, Margiana, Bactriana, Paropamisus, Aria, Drangiana, Gedrosia, & Carmania.* Media hodie *Servan* dicitur, inter Persiam & Mare Hyrcanum sita, ad Ortum Hyrcaniam habet & Parthiam, ad Occasum Armeniam majorem & Assyriam. Dividitur in Majorem sive Australem, & *Atropatiam* Septentrionalem.

Sic ferti-
litas.Imperium
majorem.



Vrbes.

lem. Hæc frigidior est, & idcirco minus culta. Vrbs præcipua est *Smachia*, sunt præterea *Derbent*, *Eres*, *Sechi*, & *Giavot*. Illa cultior est: urbem habet *Taurim* positam ad *Orontis* radices, distantem à Mari *Caspio* octo dierum itinere. Ambitus ejus pene xvi mill. pass. completur, quo spacio cc civium millia continere creduntur. Hæc sunt veterum *Ecbatana*, ubi Persarum reges æstate commorabantur. Eodem tractu terræ sunt *Turcoman*, *Saru*, *Sustan*, *Nasirvam*, *Ardevil*, *Marant*. *Asiria* quæ hodie *Arzerum*, ad Ortum habet Mediam: ad Occasum Mesopotamiam: Armenia illi septentrionalis est, *Susiana* australis. Provincias olim habuit *Arrapachitem*, *Adiabenam*, & *Sittacenam*: urbem *Niniven* ad *Tigrim*, cujus ambitus lx mill. pass. complectebatur. *Susiana* hodie *Chus* vel *Cusistan* appellatur: nomen habet à *Sufis*, urbe primaria, cujus ambitus xv. mill. pass. quæ sic dicta à floribus, ut notat *Athenæus*: *susum* enim Persis liliū. Mesopotamia, quæ in sacris *Padam* *Aram*, hodie dicitur *Diarbecha*, sita est inter *Euphratem* & *Tigrim*, unde & nomen, quasi *Interamna*. Regio est pro situ & tempore varia: partem flumina impingunt: pars arida est & sterilis, herbis arboribusque destituta. Vrbes præcipuæ sunt *Orsa*, cujus ambitus vii. mill. pass. & hac ipsa multo major *Caramil*: Metropolis Mesopotamiæ, quam *Selimus* Turcarum Imperator *Sophis* eripuit. *Merdim* sedes Patriarchæ *Chaldæorū*: & *Mosus* Patriarchæ *Nestorianorū*, cujus auctoritas ad *Indos* usque & *Catajum* extenditur. In *Perside* quam nunc *Farsi* vocant vel *Farsisum*, urbs est primaria *Siras*, quæ olim dicta fuit *Persopolis*, regia quondam Magnorum sedes. *Plinius* vocat *Persici*

regni caput, & regiam totius *Orientis* *Curtius*. *Hyrkania* hodie *Grigiam* dicitur, vel *Corcam*, vel *Dargument*, proxima *Mari Caspio*, quod propterea etiam *Hyrcanum* appellatur. Vrbes habet *Hyrkanam*, quæ *Scythis* est *Carizath*, *Bestam*, & *Masandram*. *Margiana* quæ nunc *Iselbas* nominatur, ad *Septentrionem* *Oxo* fluvio terminatur. Vrbs præcipua est *Iodion*, quæ priscis *Antiochia* fuit. *Bactriana* hodie *Batter* vel *Charassaa* est *Tartaria* *Zagathæ* pars. Vrbes sunt *Bactra*, quæ nunc *Bochara* & *Istigia*. *Paropamisus* *Bactrianæ* pars est ad montem *Paropamissum*. Hodie regio vocatur *Candabar* vel *Amblestam*. Primaria urbs est *Candabar* emporium celeberrimum. *Aria* quæ a metropoli sua *Eri* omnis vocatur, ambitum xiii mill. pass. habet. *Carmania*, *Circam*, vel *Chermain* ad *Mare Indicum* protenditur, usque ad *Gedrosiam*, urbibus & portubus frequentibus. Metropolis est *Chirmain*. Sunt & in *Carmaniâ* regna, *Macram*, *Eracam*, *Guadel* & *Patan*. *Gessia* nonnullis creditur esse *Guzarate* falso, quum *Guzarate* sit ipsum regnum *Cambajæ*. *Babylonia* inter *Sinum Persicum*, & *Mesopotamiâ* sita, dextra lævaque claudite *Susiana* & *Arabia* deserta: nomen habet à *Babylone* urbe primaria. Adhæret ei *Chaldæa*. In *Chaldæa* *Vr* fuit, *Iosepho* *Vra*, unde *Dei* monitu *Abrahamus* in *Haran* *Mesopotamiæ* migravit. Multos habet hoc regnum fluvios, *Canac*, *Araxem* & *Cirum*, qui *Mediæ* partem septentrionaliore abluunt: in *Assyria* *Tigrim*, in *Susiana* *Eneleum*: in *Mesopotamia* *Euphratem*: in *Margiana* *Oxum*, *Arium*, & *Margim*: in *Bactriana* *Ochum* navigabilem & alios: in *Aria* *Arium*, *Tonclatum*, *Arapenem*: & alios. Nec desunt *Mentes*, inter quos *Orentes* in *Media*, *Mons Coro-*

Flumina.

Montes.

Silva. nus in Hyrcania. *Taurus* item qui Persiam mediam secat, variis pro populorum adjacentium situ nominibus insignis. *Sylvas* etiam habet multas, inprimis Parthia, quæ nemorosa valde est; ac septentrionalis Hyrcaniæ pars, quæ silvas habet immensas, quercu, pinu, & abiete refertas, atque immanibus feris plenas, tigribus, pàtheris & pardis. Aria etiam silvis ac montibus obsessa est, ut & Persis tota. Ad opera publica quod attinet, multa in hoc regno superba & magnifica fuere, & potissimum in Babylonia. Inprimis verò occurrit pons ille magnificentissimus in urbe Babylone à Semiramide Regina super Euphratem constructus, de quo vide Munsterum lib. v. Idem hortum pensilem à Semiramide constructum describit, eodem libro. In Susiana in urbe Susa arx fuit, *Medorum Regis domus*, quam, ut est apud Cassiodorum, *Memnon arte prodiga illigatis auro lapidibus fabricavit*: hanc inter fabricarum septem terris attributa miracula idem numerat. Sed de his satis, ad mores venio.

Mores. Reges creabant ex una familia. Qui Regi non parebat, capite & brachiis amputatis inssepultus abiciebatur. Vxores ducebant singuli multas, alebantque sobolis propagandæ gratia, pellicesque plurimas. De rebus maximis non nisi inter pocula consultabant, eam demum consultationem firmiorem rati quam quæ à sobriis sit inita. Noti inter se & æquales osculo se in occursum excipiebant. Qui humilioris erant fortunæ, venientem adorabant. Solo sepeliebant corpora, cera oblinentes. Ridere coram Rege aut spueri, nefas ducebant & flagitium. De mortuis sepeliendis alii contrarium scribunt, nempe Persas corpora defunctorum extra civitates ad certum campestre locum extulisse, ibique nuda expo-

fuisse à canibus & avibus devoranda. Noluisset insuper ut ossa mortuorum sepelirentur, aut includerentur. Cumque corpus aliquod non illico absumeretur ab avibus aut feris, judicabant malum esse signum, superstitione credentes hominem illum malæ & impuræ fuisse mentis, atque ob id dignum inferno, & proximi ejus plangebant ipsum ceu hominem, qui post hanc vitam nullam haberet spem felicitatis. Sin citius devoraretur à bestiis, beatum eum judicabant. Hodie mores Persarum multò sunt molliores, quam vel Turcarum, vel Tartarorum, vel Saracenorum. Natura liberales sunt & civilitatis amantes: & literas & artes colunt, inprimis vero Astrologiam, Medicinam ac Poësin. Apud hos fratres, ac parentes humanissime tractantur: & nobilitas sanguinis in pretio est: in quo à Turcis differunt, qui nullum sanguinis aut stemmatum discrimen norunt. Præterea advenas benigne accipiunt ac tractant: sed tamen zelotypiæ morbo vehementer laborant. Vnde uxores in advenarum conspectum venire non sinunt, licet alioquin illas venerentur, contra Turcarum morem, qui uxores mancipiorum loco habent. Mulieres autem Persicæ formosæ admodum sunt. Artes Mechanicæ & inprimis sericorum pannorum textura apud eos nunc viget, qui per universam Syriam ac alias Orientis regiones distrahuntur. Fructibus rebeinthi olim, glandibus, piris agrestibus vescabantur: quotidianus cibus post cursum, cæterasque corporis agitationes panis durissimus, aqua potus. Fervent apud eos mercimonia uniorum, margaritarum, aromatum & inprimis serici, cujus hic incredibilis copia.

*Opificia.**Vitæ.**Mercimonia.*

Hhhh

TAR-

Regio.

Situs.

Cali qualitas.

Soli fertilitas.

Animalium varietas.

TARTARIA, seu ut existimat Ioannes Leunclavius, *Tataria*, regnum amplissimum est: præter enim Europæ partem, etiam Sarmatiam omnem Asiaticam complectitur, cum Scythia & Serica, quam nunc vocant *Cathajo*. Nomen habet à fluvio *Tartaro*, qui eam partem irrigat, quæ à nostris *Magog*, ab accolis *Mongul* dicitur. Sita ad Septentrionem, ab Ortu potentissimum illud Chinæ regnum habet, à Meridie Indiam, Gangem fl. & Oxum, ab Occidente mare Caspium & Poloniam, inde Moscoviæ cōtermina est, & à Septentrione mari Glaciali, ubi prorsus ignota est & inhabitata putatur & inculta. Aër hic & cælum intemperatum & mirificum, tonitrua & fulgura in æstate adeo horrenda, ut præ timore homines intereant: jam calor magnus est, mox frigus, & densissimæ nives cadunt. Ventorum frequenter tam validi flatus, ut equitantes detineant, & ad terram homines dejiciant, arbores radicitus evertant, multaq; damna inferant. In hyeme ibi nunquam pluit, in æstate frequenter, sed adeo parce, ut vix terra madefiat. Regio tamen tritici, oryzæ ac similibum frugum ferax esse dicitur: ac ferico, zingibere, cinnamomo, pipere, caryophyllis, rhabarbaro & saccharo abundare: musco item, pice, & alicubi etiam auro & argento. Hic paucis in locis vinum colligitur, & tota Provincia Catajæ vinum non profert. Sunt & saxa nigra fossilia ad ignem idonea, quæ ex montibus eruuntur: iis ob lignorum penuriam ad ignem struendum utuntur. Est præterea hic passim boû, capreatum, hircorum & porcorum magna copia, & inprimis equorum ac jumentorum multitudo pæne incredibilis. In Epistolis Tartaricis legimus *Tartarorum*

Imperatorem alere equarum candidissimarum decem millia, quarum lac bibat. Alere præterea xx venatorum millia, & accipitrarios decies mille. Plena quoque avium, ut phasianorum, gruum & similibum. In ea parte Tartariæ, quam Zavolhenses Tartari tenent, ferunt semen esse, semini melonis simillimum, sed minus & oblongum: ex eo si feratur, plantam succrescere quam *Boranzet*, i. Agnum vocant. Crescit enim agni figura, ad pedum fere ternum altitudinem, quem pedibus, ungulis, auribus, toto capite, præterquam cornibus representat. Pro cornibus pilos gerit singulares, cornu specie. Obducitur corio tenuissimo, cujus detracti usus ad capitum tegmina incolis. Ferunt, internam pulpam cammari carnes referre: cæterum è vulnere quoque sanguinem manare. Dulcore esse admirabili. Radicem humo exsertam, surrigere ad umbilicum usque. Illud etiam miraculi fovet magnitudinem: quamdiu vicinis obsidetur herbulis, tamdiu vivere, quasi agnum in læto pabulo: absumentis illis tabescere atque interire: idque non solum vel casu, vel tractu temporis, sed etiam experiundi gratia subtractis atque ablatis evenire. Illud etiam auget admirationem: appeti eam à lupis ceterisque animalibus rapacibus. In civitate Quelinfu reperiuntur gallinæ, quæ loco pennarum pilos habent instar felium nigri scilicet coloris, sed ova edunt optima. Primum ex Tartarorum gente Imperatorem, qui regnum acquisivit, & legibus constituit atque iudiciis, nominant *Changium Canem* vel *Chamum*. (Hic Paullo Veneto *Cinchis* dicitur.) Ejus ætas incidit in annum Christi millesimum ducentimum secundum. Ferus ante hunc gentis cultus, sine moribus, sine lege, sine civili

con-

Imperium
majorum.



consuetudine, obscuro inter Scythas nominis, finitimis vestigialis de re pecuaria, quam exercebat. Ab hoc Chāgio ceterorum principum origo est. Propagavit hic imperium incredibili celeritate, à Synarum regione & Oceano usque ad Caspium mare. Hujus filius fuit *Icucham*, qui genuit *Zaincham* tertium imperatorem, qui ab aliis *Bathi* nominatur. Hic devastavit Russiam, Poloniam, Silesiam, Moraviam & Hungariam. Quartus ex *Bathi* genitus fuit *Temir Cutlu*, qui est *Tamberlanus*, in Historiis ob summam tyrannidem notus, qui totam Asiam vastavit, ac usque ad Ægyptum penetravit. Hic imperatorem Turcarum *Bajazetum* vicit & captum aureis compedibus vinctum in cavea per Asiam traduxit. Quintus imperator ex *Temir Cutlu* progenitus fuit *Temir Gzar*, qui adversus Cruciferos Prussiae fortiter pugnans ferro occubuisse dicitur. Sextus imp. ex *Temir Gzar* genitus fuit *Macmetzar*. Hujus filius *Ametzar* VII imper. Hic genuit *Sziachmet* VIII imperatorem. Dividitur autem Tartaria in plures partes, *Minorem*, quæ Europam spectat, & inter Borysthenem & Tanaim conclusa, cōpletitur Tauricam Chersonesum, quam obtinent Præcopenſes. De hac in Europa diximus. *Tartariam desertam*, in qua multæ hordæ: *Zagatar*, quæ Scythia est intra Imaum: *Catajo*, cum regno *Tangut*, quæ antiquorum est Scythia extra Imaum, & Serica regio: ac denique *Antiquam Tartariam*, Ptolemæo incognitam. Metropolis regni est *Cambalu* ad ripam fl. *Polisangi*, cujus spatium est xxiv mill. Italicorum. Portæ sunt xii. extra quas totidem suburbia. Emporium istud gemmarum, auri, argentum, serici est opulentissimum. Ferunt singulis diebus mille

currus serico onustos ex China huc advehi, præter alias merces. Sunt præterea urbes multæ insignes: *Samarcauda* à *Tamberlane* condita: *Caïndo*, urbs mercatu celebris, in extrema Tartaria, & aliæ multæ, quas brevitas studio prætereo. Lacus in Tartaria plurimi, quos longum ^{Lacus} esset enumerare, aliquot tamen insigniores recensēbimus. In Provincia *Caniclu* lacus est in quo tanta margaritarum copia, ut pretium earum omnino vilesceret, si unicuique quantum liberet asportare permitteretur. Quare sub capitis pœna cautum est, ne quis in hoc lacu piscari margaritas absque permisso Magni Chami audeat. Scatet etiam idem lacus piscibus. Est & alius in Provincia *Caraim* valde piscosus, centum in ambitu complectens milliaria, & alii. Fluminibus rigatur non ^{Flumina} paucis, inter quæ fluvius magnus *Pulisachnis* nomine. Hic in Oceanum sese exonerat, perque cum naves multæ plurimis mercibus onustæ ascendant. *Caromoram*, qui ob nimiam latitudinem & altitudinem nullum habet pontem: evolvitur verò in Oceanum. *Quiantu*, habens latitudinem dimidii milliariis, estque admodum profundus & piscosus. *Quiam*, quo major (Paullo Veneto scribente) in Orbe non putatur. Nam latitudo ejus quibusdam locis x milliarii, aliis viii, & in quibusdam vi. Longitudo vero ejus patet itinere centum dierum. Reliqua prætereo: ad structuras & opéra publica transiens. Hic occurrunt multa singularia, cum ^{Opera publica} primis maximum ac pulcherrimum Palatium ex marmore constans, & auro exornatum: à Chamo *Cublai* in civitate *Ciandu* conditum. Est & aliud in civitate *Cambalu*, miro artificio exstructum: ambitus ejus quatuor

tuor circiter milliarium:quadratura qualibet milliare unum complectente. Est murus valde spissus, decem passibus in altum confurgens. Superficies extrinseca colore albo & rubeo nitet. In singulis quatuor muri angulis Palatium pulchrum & magnum, arcis loco conditum est. Sic in medio cuius libet quatuor murorum, Palatium egregium exstructum est: eaque in universum viii sunt. In his servantur arma, instrumenta tormenta & machinæ: arcus, sagittæ, pharetræ, calcaria, frena, lanceæ, clavæ, nervi, & reliqua in bello necessaria, singulaque armorum genera in singulis posita sunt Palatiis. In spatio verò medio interiori est Regium Palatium, scilicet in quo rex commoratur. Caret tabulatis: pavementum verò exteriori fundo præeminet decem palmis. Tectum altum est valde, picturâ exornatum. Parietes attriorum & conclavium auro & argento fulgent. Vbique picturæ pulcherrimæ & bellicarum rerum Historiæ sese ingrediētium oculis offerunt, vivis coloribus & rutilanti auro coruscantes. Habet magnus Cham duodecim barones aulicos, qui triginta quatuor præfecti sunt Provinciis: horum officium est, ut singulis Provinciis duos præfician rectores, ac regis exercitibus in locis ubi morantur, res necessarias provideant: & quicquid decernunt, regi indicant, qui sua auctoritate id confirmat, quod illi statuerint. Malefactores hoc modo apud Tartaros puniuntur. Siquis furatus fuit rem vilem, & vita privati non commeruit, caditur fuste septies: accipiens septemdecim plagas, aut viginti septem, aut XLVII pro magnitudine peccati: idque usque ad centum, addendo semper decem. Nonnulli tamen nonnunquam ex his

percussionibus moriuntur. Quod si quis furatus fuit equum vel rem aliam, ob quam mortem meruit, gladio in viscera merso occiditur. Quod si vitâ redimere voluerit, noncuplum reddit. In adulterio deprehensi tam vir quam mulier, lege ipsa occiduntur. In Hordas Tartari dividuntur, quæ vox illis cætum conventumque plurium significat. Sed ut varias longè latèque distantes provincias incolunt, ita neque in moribus aut vitæ genere omnes conveniunt. Homines staturâ quadratâ, latâ facie & obesâ, oculis cõtortis & concavis, solâ barbâ horridi, cætera rasi: corpore valido, animo audaci: inedia & laboris patientissimi: equitantes, si fames sitisque illos vexaverit, equis quibus insident venas solent incidere, eorumque sanguinem bibere. Natio profana est & barbara, jus ipsis in armis, lex in robore & viribus. Domos multi non habent sed pro his plaustra. Et quoniam incertis vagantur sedibus, Stellarum, imprimis vero poli Arctici adspectu cursum suum dirigere solent. Vno in loco non diu commorantur, rati gravem esse infelicitatem diu in eodem loco hærare. Pecuniæ usum nō habent, itaque res pro rebus commutant. Ismaelitas se esse dicunt, idque etiam præ se ferunt. Mahumeti legem admiserunt anno cccccxvi. Vescuntur Tartari cibis grossioribus, præsertim carnibus, iisque crudis aut semicoctis, lacte, caseo. A suilla abstinēt. Bibunt lac equarum, quod ita præparare norunt, ut videatur esse vinum album, non admodum insipidus potus. Victus immundissimi sunt, utpote qui mensas mapis non operiant, mantilibus non utantur, quū manus non lavent, non corpus, non vestimenta. Bibunt etiam aquam, lac & cerevisiam ex milio coctam.

Hhhc iij CHINÆ

Ratiogubernandi.

Leges & Instituta.

Moro.

Vitus.

Regio.

Situs.

Celsitem-
pori. s.Soli ferti-
litas.

CHINÆ Regnum amplissimum ac potentissimū. Incolæ *Tame*, & seipsos *Tangis* vocant. Ptolemæus vel hos, quod idem Ortelio placet, quem pleriq; sequuntur, vel vicinos Catajenses, quod magis probat Mercator, vocat *Sinas*. Sita est autem regio omnis ad Oceanū Eoum, & ab Ortū Solis terrarum extrema putatur. Finis ejus ab Oriente Mare Eoum, Cauchinchina Provincia à Meridie; qua Occidens est, Brachmannæ: qua Septentrio, sunt Tartari, gens bellicosissima, à quibus, montibus & muro longissimo discluditur. In universum autem cinctus ille sive ambitus muri montiumque ad 10 milliaria protenditur. Historici Chineses murum hunc ante annos ducentos à quodam rege Tzintzoo nomine exstructum memoriæ prodiderunt, postquam hujus regionis incolas à Tartarorum tyrannide, quam xciii annos perpessi fuerant, magna prudentia liberasset. Regio cœli & soli temperie, nec non hominum industria, omnium rerum ferax. Habet enim homines minime desidiosos, sed labori assuetos: quibus nihil indignius videtur, quam vitam in otio transigere. Hinc fit ut nullus totius tractus angulus non aliquid producat. Loca arentia prutico & hordeo conferunt. Humida, plana, aut palustria, oryza, cujus quater uno anno satio est. Colles montesque pinetis abundant, quibus interferunt panicum vel legumina. Nullus itaque locus, nullus ager infrugifer: & ubique horti, rosæ, & varium genus florum frugumque. Lini etiam frequentes sunt

segetes, & arbuta moro confita, ad nutriendos bombyces. Auri præterea, argenti, æris, ferri, aliorumque metallorum, gemmarum, unionū, musci, sacchari, rhabbari magna copia: præstantissimum habetur, id quod istinc per Persiam terra ad nos adfertur: mare enim multum virtutis illi adimere putant. Profert & hoc regnum lignum singulariter medicum quod à Chinesibus *Lampalam*, à nostris *Radix Chine* dicitur: estque ejus usus per totam Indiam frequentissimus contra quævis apostémata, paralytim & morbum gallicum. Ejus radix dura est & ponderosa atque albi coloris. Pecorum in montibus & pratis greges infiniti. Silvæ & nemora incolunt apri, vulpes, lepores, caniculi, zebellini, martes: aliaque id genus animalia, quorum pelles in vestimentorum usum expetuntur. Horum jucunda hic utilisque venatio est. Avitii generis mira copia, præsertim aquatilis, cujus tanta multitudo & præcipue anatum, ut in urbe Canton, ex minoribus hujus regni una, decem vel duodecim millia uno die absumentur. Quamvis autem hæc regio animalium ferax sit, arte tamen hanc feracitatem adaugent hoc artificio. Vere duo aut tria millia ovorum fimo condunt, cujus calore suo tempore erumpunt anatum pulli. Idem tempore hyemis faciunt, sed tum ova non fimo condunt, sed sportæ arundinaceæ imponunt, cui ignem seu focum tepidum substruunt, unde aliquot dierum spatio æque prodeunt. Tota hæc regio uni subest regi, tanquam monarchæ, quem *Mundi Domi-*

Animali-
um vari-
tas.

Urbes.

num



nam ac Cœli Filium vocant. Civitates numerantur ducentæ quinquaginta celebriores in universum, & illarum nomina terminantur syllaba *Fu*: quod orbem significat: ut *Cantonfu, Panquinfu*. Oppida, quorum ingens est numerus, in *Cheu*. Pagi innumeri sunt, incolis frequentes, ob continuam agriculturam. Omnes fere urbes ad ripam navigabilis cujusdam fluminis sitæ sunt, largis profundisque fossis & muris munitæ. Inter lacus, qui amœni hic sunt, memoratur ille in *Sancii* Provincia rotundus, ex inundatione anno *MDLVI* factus, in quo submersæ civitates septem præter oppidula & pagos & mortalium ingentem numerum, unico tantum puero in trunco arboris servato. Flumina & Maria pisculenta sunt, & regio hæc quia maritima est, & passim fluviis navigabilibus irrigatur, haud minori populorum frequentia in navibus quam ædibus habitatur. Inter opera & structuras egregias occurrunt *Portæ* urbium magnifice ad miraculum usque exstructæ. *Plateæ* quasi ad libellam factæ, nusquam à recta linea declinantes, tantæ amplitudinis, ut iter præbeant decem quindecimve una equitantibus: hæque passim interstinguuntur arcubus triumphalibus, qui urbes supra modum ornant. Lusitani quidam referunt se vidisse in urbe Fuchco turrim quadraginta innitentem columnis ex folido marmore, quarum altitudo erat quadraginta palmorum (mensura Architectonica) latitudoque duodecim. Hoc opus esse tantæ magnitudinis, tam exquisitæ elegantiae, tam insignis splendoris atq; ingentis sumptus, ut omnes totius Europæ superbas & magnificas structuras longè post se relinquere existiment. Sumptuosissima habent

Lacus &
Flumina.

Operaph.
blica.

tam in urbibus quam in agris Tempia. Rex Chinæ habet sub se Governatorem quasi proregem: quem ipsi *Tutan* nominât, Hic causarum totius regni disceptor & Iudex. In iustitia administranda huic magna severitas. Latrones & homicidæ perpetuis carceribus custodiuntur donec flagris, fame, vel frigore vitam finiant. Quamvis enim ultimo supplicio (quod ferè flagellatione constat) condemnentur, sententiæ tamen executio adeo tarda, ut maxima horum condemnatorum pars in vinculis moriatur. Hinc tantis captivorum ubique in civitatibus numerus: ut in una urbe Canton sæpè quindecim millia excedat. Furta (quo nullum crimen his partibus odiosius) flagri verberibus crudelissimis puniuntur. Flagellationis hic modus est: Hominem pronum collocant, manibus à tergo religatis: huic, flagro ex arundine aut calamo facto, suras crurum percutiunt, cujus ictus adeo vehemens, ut primo verbere sanguis eliciatur, secūdus ictus adeo maleficū excruciat, ut in pedes cōsistere nequeat. Singula crura singuli carnifices flagellant, tanta vehementia ut plurimi ex quinquagesimo aut sexagesimo ictu vitam finiât, omnes enim nervi disrumpuntur. Lusitani narrant singulis annis eo mortis genere supra duo hominum millia interire. Flagrum hoc latitudinis est quinq; digitorum, crassitudine unius, quod continuo aquâ tingunt, ut flexibilis sit, & majori impetu cædat. Licitum viris plures ducere uxores, quarum unam domi retinent, cæteras variis in locis disponūt. Adulteros extremo afficiunt supplicio. In urbibus nullum lupanar, omne meretriciū genus in suburbia relegatur. Nuptialia festa celebrât tempore novilunii.

Ratio
gubernandi.

Advers.

vilunii, & fere Martiomenſe, qui dies illis primus eſt in-
euntis anni. Hæcque feſta peragunt uti apud nos, ſplē-
dide & magno apparatu. Per multos dies cōtinuos cō-
vivia celebrantur; organis muſicis ludisque hiſtrioni-
cis adhibitis. Sunt autem Chinenſes plerique facie lata,
barbara, naſo ſimō, oculis parvis: eſi quidam inter
eos ſint forma ſatis decora. Color omnibus ut Europæis;
ſubſcuſus autem iis qui circa Canton habitant. Rariſſi-
mè vel nunquam patrio excedunt ſolo, neque facile pe-
regrinum admittunt, inprimis ad interiora regionis; ni-
ſi fide publica à rege fuerit donatus. In comeſſationibus
& compotationibus adeo ſtrenuos ſeſe exhibent, ut ip-
ſis Germanis aut Belgis ne minimum quidem cedant.
Quod ad religionem hujus gentis attinet, credunt om-
nes res creatas, omniaque inferiora, atque horum gu-
bernationem pendere à ſupernis, atque cælo: quem
maximum omnium Deorum credunt, eumque primo
alphabeti charactere exprimunt. Solem, Lunam, &
Stellas adorant, etiam Cacodæmonem, (quem ea for-
ma qua nos Europæi depingunt) ne mala ipſis inferat,
ut ipſi dicunt. In Mechanica omnis generis conficien-
da ſupellectile adeo dextri & nitidi Chinenſes, ut opus
à natura creatum, non manufactum videatur. Ars Ty-
pographica & Tormentorum bellicorum uſus hic a-
deo vetus eſt, ut inventorem neſciant. Luſitani multa
de ſagacitate horum hominum ſcribunt, & hoc (quod

inprimis ſtuporem moveat) quod curribus utantur ve-
liferis, quos ſic dirigere ſciunt, ut iis quocunque velint
breviſſimo temporis ſpatio terra ferantur. Figulina illa
opera pellucida, niveque candidiora, quæ apud nos in
pretio ſunt, & *Porcellana* dicuntur, nequaquam hoc loco
ſilentio prætereunda. Ea apud hos ſiunt hoc modo.
Cochleas quaſdam marinas ovorum teſtis miſcent, ali-
aque quædam addentes, ſubigunt & maſſam conficiunt.
Hanc ſub terra condunt, ibique eam macerari ad octua-
geſimum vel centeſimum uſque annum ſiunt, hæredi-
busque ſuis pretioſi theſauri loco relinquunt. Ipſique
ea utuntur quam avi atavique poſuere. Obſervantque
ex veteri inſtituto, ut qui veterem tollit, recentem ejus
loco recodat. Mercimonia hic maximè vigent aroma-
tum, inprimis ſerici. Ex Malacca enim, Bengala & aliis
locis piper, crocus, nuces odoratæ vulgò muſcatæ, ca-
ſia & id genus aromata in Chinam non exiguo quæſtu
advehuntur. Sed ſerica telæ hic præcipuum mercimo-
nium eſt. Ioannes enim Barrius in ſuis Decadibus A-
ſiaticis ſcribit, ad urbem Nimpo quam alii Liampo nū-
cupant, obſervaffe quosdam ex Luſitanis, trium menſi-
um ſpatio navigio evectas 166000 ſerici libras. Muſ-
cum quoque hinc ad varias Orbis partes devehi, aſſe-
rit Antonius Pigiaſetta: Rhabarbarum & uniones An-
dreas Corſalis.

*Mercimo-
nia.*

F. Geo.

IN D I A Asia maxima & nobilissima regio, ab Indo fluvio nomen habet. Hanc Ptolemæus in duas dividit, in *Indiam* nempe *Intra* & *Extra Gangem* cognominatam. Hæc *Hevila*, vel ut alii scribunt *Havilath* aut *Evilath* in Sacris litteris dici putatur. Illa *Seria*: incolis vero *Macyn* aut *Magin* vocitatur apud Marium legimus: alii *Mangi* & *Chinam* vocant, qui Mercatorem sequuntur. Priorem *Indostan* ab incolis vocari auctor est Ioannes Barrius. Hæc terrarum amplissima est. Pomponius tantum spatium littoris occupare scribit quantum per LX dies noctesque velificantibus cursus est. Clauditur autem secundum Strabonem ac Plinium, Occidentem versus, Indo fluvio, qui Persiam ab India determinat: ad Septentrionem sunt Tauri juga: ab Ortu Oceano Orientali, à Meridie Indico cingitur. Regio lenibus auris & inprimis Favonio saluberrima est: quamvis cœlum habeat inæquale ob ejus vastam magnitudinem: alicubi enim calida est, nimirum Æquatorem versus: alicubi vero temperata satis ac potius frigida, versus Boream. Terra verò ipsa universim situ, cœlique clementia, bonitate ac fertilitate longè ceteras Orbis partes antecellit. Alia hic rerum facies, alii syderum ortus atque obitus: binæ messes in anno, binæ æstates, media inter eas hyeme, Et esiarum flatu calores temperante. Ager quamvis ut plurimum frumento careat, legumina tamen & fruges varias copiosè profert, & inprimis hordeum, ac oryzam. Fructus præterea arboreos multos

Situs.

Cœli temperies.

Soli fertilitas.

producit, piper, thus, myrrham, caryophylla, zingiber: & in partibus maximè australibus cinnamomum, calamum aromaticum, nardum, aliaque aromata, quemadmodum Arabia & Æthiopia. Est & in arundinibus mel. Multa insuper medicamenta habet, multas arborum radices, tum salutes tum noxias. Quid verò de metallis, lapidibus, aliisque mineralibus dicam? Nascitur enim in ea ingens auri & argenti vis: non parum quoque æris, ferri & orichalci, auctore Diodoro: sed Plinius neque æs, neque plumbum habere tradit, gemmisque suis ac margaritis hoc permutare, quas mare littoribus infundit. Beryllis siquidem, chrysoprasis, adamantibus, carbunculis, lychnitis, margaritis, unionibus, abundat. Serici hic tanta copia, ut reliquo Orbi sufficiat. Animalia hic quam in reliquis Orbis partibus majora, boves, cameli, leones, canes, elephantum. Elephantum incredibilis est frequentia. Dracones in desertis immanes, æquant fere elephantem corporis mole, & cum his perpetuò decertant. Canes tam feroces, ut etiam cum leonibus committi possint. Serpentes innumeri, quibus etiam tostis incolæ vescuntur: ut & formicarum quodam genere, quod cum pipere edunt, similiter ut nos caneros. Simiæ hic reperiuntur albæ, & chamæleon, quem solo ære nutriti credidit antiquitas. Aves præterea variarum specierum, & invisæ cæteris nationibus, præter gallinarum, phasianorum & perdicum ingentem multitudinem: nec non & psittacorum

Animalium varietas.



Imperium
majerum.

Urbes.

Lacus.

Flumina.

corum varii coloris. De Indorum imperio Plinius ita scribit: *Indi prope Gentium soli nunquam emigrare sinibus suis. Colliguntur à Libero Patre ad Alexandrum Magnum reges eorum CLIII annis VICIO CCCC II; adjiciunt & menses tres.* Scribit etiam Strabo de Indis, ad eos nullum præter *Liberum Partem, Herculem & Alexandrum* cum victoria profectum esse, quamvis à *Cyro & Semiramide* tentatos. Sed his relictis ad urbestranseamus. Alexandri Magni comites in eo tractu Indiæ quem subegerant, vici oppidorum fuisse scribunt, nullum Cominus, unde hujus regionis vastitatem & ingentem amplitudinem facile agnoscas. Urbs primaria est *Calechur* totius Orientis emporium celeberrimū. Sunt & aliæ, *Campaja, Decan, Batticalla, Canonor*, aliæque plurimæ. Non desunt lacus aliquot vasti. In Historia Alexandri mentio fit lacus, vel Stagni vetusta abundantique silva coronati, mille passus patentis, ubi exercitus ejus siti pene cōfectus est. Omnium verò maximus est lacus *Chiamay*, cujus circuitus cccc milliarium, distatque à mari 100 milliariis. Hinc complures fluvii præcipui originem trahunt: post eum *Cincuibai*, atque alii. Amnium hic mira vastitas. Proditur Alexandrum Magnum nullo die minus quam stadia 100 navigasse in *Indo*, nec potuisse ante menses quinque enavigare, adjectis paucis diebus, & tamē minorē Gange esse constat. Oritur hic in Caucasii jugo quod vocatur *Paropamisus*, hodie *Naugocrot*, & longo cursu nongentorum milliariū in Oceanū Australem sive Indicum duobus ostiis erūpit. Vnde viginti recipit amnes, sed clarissimos *Hydaspem*, quatuor alios adferentem, & *Cantabram* tres. *Gangem* alii incertis fontibus ut Nilum, rigantemque vicinæ eodem modo: alii in Scythicis montibus nasci

dixerunt, influereque in eum xix amnes: alii cum magno fragore ipsius statim fontis erumpere, dejectūque per scopulosa & abrupta, ubi primum molles planities contingit, in quodam lacu hospitari, inde lenem fluere: ubi minimum, viii mil. pass. latitudine, ubi modicum, stadiorum: altitudine nusquam minore pass. xx. Hunc in sacris *Phison* vocari notatum est: Eum hodie Geographi quærun. Sunt qui opinentur eum esse qui in sinum Bengalæ influit, fortasse ob nominis vicinitatem, adcolæ enim vocant *Guenguam*. Sed Mercator noster haud adspernandis ductus rationibus *Gangem* dicit esse eum qui dicitur *Rio de Cantan*. Post hosce amnes numerantur *Mandona, Chaberis, Ava, Campumo, Menam, Menon*, & alii plurimi. Megasthenes prodidit sexaginta amnes Indiæ numerari, quorum permulti æstate crescunt instar Nili, quæ potissima est fertilitatis hujus regionis causa. Nutrire dicitur Ganges, sicut Nilus, crocodilos, item delphines, anguillas quoque ad tricenos pedes longas, Plinio teste. Est verò potissima Indiæ & nobilissima pars Oceano Meridionali seu Indico obversa, juxta litus, seu oram maritimam: quæ etsi plurimum portuosa sit, attamen plerisque in locis innumeris insulis, scopulis ac brevibus cincta est, unde navigatio laboriosissima & periculosissima redditur. *Indica maria*, ait Solinus, *balenas habent ultra spatia quatuor jugerum. Sunt & quos physteras nuncupant, qui enormes ultra molem ingentium columnarum, super antennas se navium extollunt, haustosque fistulis fluctus ita eructant, ut nimbofa alluvie plerumque deprimant alveos navigantium.* Plurimi hic montes, magnusque labor sit eos enumerare, quorum magna pars arboribus & iis quæ virent spoliata est. Iunguntur inter se *Imaus, Emodus, Pa-*
ropa-

Montes.

Silva. *ropamifus*, Caucaſi partes. Indorum nemora, ut ſcribit Sol. in tam proceram ſublimantur excelsitatem, ut transacti ne ſagittis quidem poſſint. Pomaria ficus habent, quarum caudices in orbem ſpacio ſexaginta paſſuum extuberantur. Ramorum umbra ambiru bina ſtadia conſumunt. Foliorum latitudo forma Amazonica pelta comparatur. Pomum eximia ſuauitatis. Quae paluſtria ſunt, arundinem creant ita craſſam, ut fiſis internodiis, lembi vice veſtietur navigantes. Hebenum arborem India ſola habet, & in praeſumptis petris arbores quaedam thus exſudant. *Ratio gurbernandi.* Habet & aliam arborem ferentem nuces Indicas. In vii ordines olim diſiſa uniuerſa gens fuit. i erat Philoſophorum: ii Agricolarum: iii Paſtorum: iv Artificum: v Militum: vi locum Ephori tenent. Hi quaecunq; in India fiunt inſpicientes regi referunt. Septimum vero cōficiunt, qui publicis conſiliis praefunt, numero pauciſſimi, nobilitate prudentiaque maximè inſignes. Ex his enim ad regum conſilia, tum ad rempublicam gerendam, tum ad res dubias iudicandas aſciſcuntur: Duces inſuper ex his deliguntur & Principes. Ad leges porro & inſtituta quod attinet, legibus utuntur plerique non ſcriptis: quidam etiam ſcriptis; in quibus ſicuti & in contractibus maxima ſimplicitas: quod vel ex eo argui poſteſt, quod non multum ſunt litigioſi: nam nec commiſſi nec depoſiti iuris ſunt habent, nec teſtibus indigent, nec ſigillis, ſed ſimpliciter credunt. *Leges & Inſtituta.* Qui falſus te-

ſtis deprehenditur, extremis decurtatur digitorum articulis. Qui membro aliquo quempiam orbaverit, non modo talionis poenam ſubit, ſed etiam manu trunca-
Mores. tur. Quod ſiquis artifice manu oculumve ademerit, capitale eſt. Nobilitas generis ac ſanguinis apud hos ſumopere obſervatur, idq; ex veteri inſtituto. Literas plerique eorum ignorant, ſed memoriter omnia adminiſtrant. Sacrorum cura eſt penes *Gymnoſophiſtas* qui *Brachmanni* dicuntur: hi etiam *Aſtrologiam*, *Philophiam*, *Medicinam* ſectantur. Sunt praeter hos etiam *Abduti*, qui ad tempus aliquod abſtinent, & hoc ipſo poſtea putant ſibi ad omnia flagitia com meatum factum eſſe. Indis omnibus promiſſa caſaries eſt, cultus praecipuus cum gemmis, habitus diſcrepantiſſimus. Lino alii veſtiuntur aut lana: alii ferarum aviumq; pellibus, pars nudi agunt, pars tantum obſcena velati. Niger vulgo corporis color, in materno utero tales fiunt ſeminis diſpoſitione, quales ipſi ſunt qui genuere. Statura procera ac valida. Multas nuptas habent, quas à parentibus accipiunt, pari boum emptas, alias obedientiae cauſa, alias prolis ac voluptatis, ac niſi caſtas eſſe cogant, fornicari licet. Artifices apud Indos magno in pretio: hi enim non ſolum immunes ſunt à tributo, ſed frumentum inſuper è regia accipiunt. *Mercimonia* hic multis in locis maxima vigent, aromatum inprimis, lapillorum, goſſypii ac ſerici.

Moluccæ. **S**EQVUNTUR in nostra methodo *Moluccæ Insulæ* cum aliis: aromatum & inprimis caryophyllorū ingenti copia toto Orbe celebres. Hoc vero nomine præcipue comprehenduntur quinque insulæ, *Ternatæ* vel *Tarante*, *Tidor* vel *Theodori*, *Motir* quæ & *Muthil*, *Machian* vel *Mare*, & *Bachian* seu *Bachianum*. Iacent sub *Æquatore*, inter *Cilebes* & *Gilolo* insulas. Harum maxima vix habet ambitum sex mill. passuum: omnes intra spatium xxv. milliarium concluduntur. Aer hic valde insalubris, multiq; mercatores lucrum pluris quàm vitam facientes, his locis moriuntur. Ager est aridus, spongiosus, quique imbres è cælo decedentes confestim absorbet, antequam in mare delabantur. Profert varia aromata, nuces myristicas, mastichen, lignum aloes, sandalum, cinnamomum, zingiber, piper, & caryophylla tanta copia, idque sine ulla cultura, ut mirum sit. Quæ quotidiano esui inserviunt, raro hic & parçè proveniunt, sed ea commutatione suarum mercium abunde parant. Sunt etiam in Moluccis tam vastæ arundines, ut ex iis dolia conficiant incolæ. Caryophylli arbor in rupibus provenit, quarto anno quâ cœpit crescere, profert fructum. Arbor foliorum forma & crassitie lauro est similis. Flores umbellæ instar prodeunt, simillimi floribus mali aurei. Fructus flore collapso paullatim protuberant in formam clavi, unde etiam illis apud nostrates nomen. Initio rubri, mox Sole tosti nigrescunt: quo autem duriores fiant & virtutem insitam diutius servant, aqua salsa consperguntur. Arbores verò ita inter se den-

Sinus.

Aeris qualitas.
Soli fertilitas.

fantur vel soli felicitate, vel seminis, aut stolonum fecunditate, ut plerumque lucos faciant. Hos inter se partiantur indigenæ, fructusque abdunt, ut mercatoribus divendant. In his insulis avis interdum decidit *Manucodiata* dicta, maxima pica non minor, nec major semipede. Caput ei non rotundum, sed pressum est, quale hircundinis, cauda longissima, bifurcata, pedes nulli: itaque perpetuo volat, auram ruminat. Pluma in capitis parte superiore adeo minuta, ut pilo propior visum pene fallat. Ei viriditas, quæ in feris anaribus, sed ita vegeta, ut smaragdi splendorem imiteretur. In parte inferiore sub gula etiamnum & minutior & brevior, verum flava, ac nitore citrii. Ad stomachum vergens dilutior & dilucidior. A capite collum in supera parte densissima pluma tegitur, fulgore fuliginoso, quæ ad caudam sese demittens paullulum grandescit, ac de coloris illius intensione paullatim aliquid remittit. Par sub alvo magnitudo, color haud absimilis. Alarum protensarū prolixitas sesquipedalis. Pennarum color infernè buxeus, superne cæcidus, levissimâ fuligine semitinctus. Pinnulæ pennarum non cohærent, sed dissite aerem transmittunt. Hanc si cadat, è cælo aut ex paradiso Mahumetano mitti superstitione credunt. Hanc etiam adeo sancte religioseque habent, ut se ea reges tutos in bello existiment, etiam si suo more in prima acie collocati fuerint. Inter has insulas præcipue sunt *Tidor* & *Ternatæ*, quarum posterior duos habet portus comodissimos. Indigenæ harum insularum caphræ, hoc est, gentiles sunt. Solem & Lunam



Morici.

& Lunam deos colunt: Soli diei, Lunæ verò noctis imperium adscribunt, illum marem, hanc feminam dicunt, atque hos cæterarum stellarum parentes vocant, quas omnes Deos esse, minutos tamen arbitrantur, Solem orientem certis carminibus saluant potius quam adorant, item Lunam noctu fulgentem, à quibus liberos, fœcundam pecoris fœturam, terræ uberes frutices, aliaque id genus deponunt. Cæterum pietatem ac justitiam colunt, & præcipuè pacem atque otium amant: bellum vero maxime detestantur. Moluccæ repertæ sunt Caroli V auspiciis: quam rem quia in primis memorabilis, libet paullo altius repetere. Quum inter Lusitanos versus Orientem, Castellanos in Occidentem, pomeria suorum Principum promovere pro virili adnitentes dissidium esset ortum: ne alteri alteris essent impedimento, novus ille Orbis, auctoritate Alexandri VI Pontificis & aliorum, in duas partes est distributus: scriptis legibus & conditionibus, ut quidquid instituta ab Atlantici maris insulis, quæ Hesperides solent dici, navigatione Orientem versus reperiretur, Lusitanorum esset: quidquid ad Occidentem, Castellanis cederet. sic horum beneficio pernotuit America: illorum Orientis pleraque, ita lucris studio lapsu temporis excurrentium, ut dicerentur etiam perrumpere in adjudicatam Castellanis portionem: quæ controversia decidi non potuit, nisi Ferdinando Magellano quasi iudice. Hic enim Lusitanus, odio in Emanuele suum Principem, ob non bene pensatam, quam illi navarat & effecerat, operam exstimulatus, docens Moluccas ex facta distributione pertinere ad Castellanos, anno millesimo quingentesimo decimo nono, auspiciis Caroli Quinti ad

quærendum dimissus alia via insulas, quas dixi, ita navigationem suam temperavit, ut ex Hispania in Australiora cœli spacia ad gradum latitudinis LII delatus, & inde conversa ad occidentem Solem classe, per inferius hemisphærium immenso cœli marisque tractu superato, sub orientem Solem ad Moluccas insulas, quas quærebat, tandem naves ejus pervenerint: ac inde per superum hemisphærium, prætervecti ejus socii littora Asiæ & Africæ in Hispaniam redierunt, per navigato semel (ausu admirando & à nullo mortalium tentato) toto terrarum Orbe. Ipse autem Magellanus ante repertas Moluccas prælio contra Barbaros occubuit: & post investigatas Moluccas à sociis superstites ejus navigationis, cæteris navibus dispersis, captis & detentis, una tantum navis superstes, & incolumis in Hispaniam rediit aromatibus onusta: margaritis etiam; quæ in insulis nonnullis grandes admodum reperiuntur, aliæ magnitudine ovorum turturum, gallinarum etiam & anserum. Digniores profectò nautæ, qui æternâ memoriâ celebrentur, quam qui cum Iasone Thessalo Argonautarum principe ad Colchidem navigarunt Argonautæ. Navis etiam ipsa, quæ una sospes & salva domum rediit post exantlata tot pericula, multo dignior, quæ inter sydera collocetur, quam vetus illa Argo. Hęc namque ex Græcia duntaxat per Pontum vecta est. Magellanica vero ex Hispania Austrum versus indeque per inferius Hemisphærium in Orientem penetrans, rursum in Occidentem in Hispaniam per superius hemisphærium, emenso semel, quod dictum est, universo terrarum Orbe, remeavit. Sed hæc hæc tenus: ad alia pergamus.

Gilolo insula.

GILOLO vel *Gilolum* quæ & *Batochina*, ex insulis, quas vulgo nuncupant *del Moro*, una est. Cœlum hic inclemens, & aer calidus. Ager abundat oryza, ac medulla cujusdam arboris, quæ *Sagu* dicitur, ex qua panem conficiunt: è qua etiam arbore succum eliciunt, quo loco vini utuntur. Gallinas silvestres magna copia producit à nostris valde differentes: & vicinum Mare magnam alit testudinum vim, quarum caro ejusdem ferè saporis est cum carne vervecina. Incolæ barbari ac crudeles, qui ut olim, carnibus humanis vescuntur. *Celebes* insula ab Occasu Moluccarum jacet, cum nonnullis aliis, quæ sub eodem nomine comprehenduntur. *Ambon* vicinis aliquot insulis nomen dat. Peridromus ejus 10 milliarius. asperrima autem est ac sterilis. Hujus incolæ sunt anthropophagi, ac piratæ. *Bandan* parvæ insulæ numero circiter VII, à Meridie Sindarum insularum ac Moluccarum sitæ sunt, gradu circiter VII latitudinis australis: alii eas ultra gradus IV cum triente ponunt. Harum nomina sunt: *Bandan* major cæteris, ac iisdem nomen communicans, *Mira*, *Rosolargium*, *Ay*, *Rom*, *Neira*, & *Gunua*pe omnium minima, quæ continuo ardet, atque ob id deserta est. Hæ insulæ nuces myristicas & mastichen ex eadem arbore subministrant. Myristica arbor procera & patula est, nostræ quercui perquam similis. Nuci operimentum triplex. Primum crassius adversus injurias aëris, venti & imbrium. Alterum membranæ instar reticulato munimento, quod tertium aliud putamen ligneum ambit: membranula illa est muscatæ flos, qui ab Hispanis *Ma-*

*Celebes insula.**Ambon insula.**Bandan insula.*

cis dicitur, nobile ac salubre aroma. *Zingiber* quod in hifce omnibus insulis provenit, duplex est, spontaneum & sativum: hoc illo melius est: herba crocum refert: radix odorata est & mordax instar piperis, & quidem pipere ipso calidior. *Cinnamomum*, quod Herodotus in avium nidis, & præsertim phœnicis reperiri tradidit, cortex est fruticis, sumillimi malo punico. Hujus cortex ad calorem Solis dehiscens, à ligno avellitur, & paululum ad Solem detortus fit cinnamomum, & à canalium figura vulgo *Canella* vocatur. Insula *Timor* sita est gradu x latitudinis australis. Hæc sandalum flavum & album magna copia subministrat, quod ab insulanis ferro, securibus, gladiis & cultris redimitur. *Borneo* insula Mercatori ea est, quæ à Ptolemæo Insula *Bona Fortuna* dicitur. Iacet inter Cambajam & Celebes, proximamque sibi habet Calamianes: parte australi subest Æquinoctiali circulo, reliqua Boream versus extenduntur. Est autem omnium illius Oceani maxima, crediturque ex quorundam relatu trium habere mensium circumnavigationem: ex aliorum verò ambitu bis 10 & 12 milliarius. Hæc rebus omnibus ad vitam victumque necessariis abundat, camphoram, agaricum, adamantem, equos pusillos producit. Multi per omnem insulam & præclari portus sunt, amplæ urbes. *Cabura*, *Tajaopura*, *Tamoaratas*, *Malano*, & omnium præcipua *Borneo*: in qua incolarum millia viginti quinque. Sita est in palude aquæ marinæ, ad instar Venetiarum. Regem habet Mahumetanum, cum quo nefas nisi per interpretem loqui.

Borneo insula.

Kkkk

INSV-

Regio.

INSULA hæc Marco Paulo *Zipangri* dicitur, olim *Ghryse* Magino, Mercatori *Aurea Chersonesus*: eam vulgo *Iaponiam* & *Iapan* vocant. Præcipue tres Insulæ sunt, Petro Massejo teste, circumfusus aliis minoribus interfluo euripo disjunctæ. Prima & maxima *Iapan* dicta, in satrapias aut regna tria & quinquaginta dividitur: quorum potentissima sunt, *Meaci* & *Amaguncii*. Secunda dicitur *Ximo*, habetque regna novem in quibus præcipua sunt *Bungi* & *Figen*. Tertia est *Xicoum*, quæ iv renga continet. Totius terræ longitudo ferme in ducentas, uti ferunt, leucas procurrit. Huic nequaquam respondet latitudo: decem tantum alicubi patet: summum xxx, non amplius. De ambitu nihil dum certi proditum est. Iacet ab Æquatore in Arctum à trigésimo gradu ad trigésimum ferè octavum. Ab Oriente obversa est novæ Hispaniæ. A Septentrione Scythas vel Tartaros, & alios ignotæ feritatis populos, ab Occidente spectat Chineses. A Meridie, vasto Mari interfuso, inexploratas habet terras. Salubris hic cœli temperies: frigori & nivibus regio valde obnoxia, neque admodum ferax. Mense Septembri oryzam, nonnullam etiam in locis Majo triticum metunt: neque ex eo panem ut nos conficiunt, sed genus quoddam offæ, seu polentæ. E terræ visceribus incolæ varia effodiunt metalla: & exteras longeque distitas nationes ea merce pelliciunt. Estque hæc insula in tantum auri ferax, ut Marcus Paullus Venetus testetur suo tempore Palatium regium aureis laminis tectum fuisse, hæud aliter quam apud nos magnæ domus plumbo vel cupro operiun-

Celi qualitas.

Soli fertilitas.

tur. Arbores vel ad amœnitatem, vel ad fructum ferunt hæud absimiles nostris. Plurima verò variis locis exurgit cedrus, tantæ proceritatis & crassitudinis, ut inde fabri Basilicarum columnas, & cujusslibet quamvis capacis onerariæ malos efficiant. Ex animantium genere, oves, porcum, gallinam, anserem, fædasque alias domi hæud quaquam alunt Iaponii. Campos & prata, boum equorumque militarium armenta: saltus atque dumeta, lupi, cuniculi, aprici, cervi pererrant. E volatilibus phasianii, anates amnicæ, palumbes, turtures, coturnices, ac sylvestres gallinæ cernuntur. *Iaponium* omne nomen uni quondam parebat imperatori, cui titulus *Vo*, seu *Dair*: quod is diuturnâ pace in deliciis atque socordiam resolutus, Præfæctis ac Satrapis ac præcipue *Cubis* (sic enim duo primarii vocabantur, quorum alter deinde extinxit alterum) contemptui cœpit esse. Summus verò & potentissimus Iaponiorum habetur ille quisquis Meacum & Meaco finitima nobilissima regna (quem tractum communi nomine *Tensam* nuncupant) armis atque arcibus occupavit. Ea loca ante aliquot annos obtinebat *Nobununga* tyrannus. Hujus in folio à conjuratis interempti, liberis ejusdem aut pulsus, aut occisus, per factionem ac vim præcipuus è Ducum numero *Faxiba* successit. Nunc autem *Taicofama* sive *Taico* monarcha est Iaponiæ. *Iaponiæ* urbs primaria *Meacum*, civitas maxima, cujus ambitus unum & viginti milliaria patuit, sed nunc bellis intestinis insularum tertia parte imminuta est. In hac summus magistratus Iaponiæ moratur, tribus viris constans. Sunt præterea

Animantium vicus.

Imperium majorem.

Urbium nomina.



præterea *Ossacaja* civitas illustris, potens, libera, omnium, ut quidam autumant, totius Orientis opulentissima. Magna hic mercatorum undique concurrentium frequentia est, quorum qui mediocres facultates habent minimum possident xxx aureorum millia, qui majores, incredibilem summam. *Bungum* sui tractus urbs præcipua, situ opportuno. In hac Christianorum magnus est numerus. *Coja* civitas *Bonsio* cuidam sacra, quem *Combodasi* vocant. Principes omnes in hac urbe sepeliuntur: aut si alibi, saltem huc dentem unum mittunt sepeliendum: tanta hujus loci veneratio. *Fiongo* urbs decem & octo leucis Meaco distans. Hæc Nobunangæ tempore majorem in partem devastata fuit. Eamq; anno c10 10 xevi terræmotus sic convulsit, ut non minima ejus pars ad terram allisa sit: & paullo post etiam maxima pars, ut dicunt, igne conflagrarit. *Amangasaki* urbs non contemnenda leucis quinque disjuncta à mari, Sacai opposita. Habet etiam *Vosuin*, *Funajum*, *Tosam*, urbes nobilissimas, & alias quas brevitatis studio prætereo. Portus marini hic multi, inter quos *Ochinofamannus*, in quo ferè magnus navium numerus stat. Editi præruptique montes, cum alii passim, tum in præcipua nobilitate visuntur: quorum alter, incertè appellationis, adsidue flammæ evomit, inque ejus cacumine, certis hominibus, postquam voti causa diu se maceraverint, splendida circumfusus nube sese Caco dæmon ostendit: alter *Figenojama* nomine spectatæ altitudinis est, adeo ut etiam ipsas nubes leucarum aliquot intervallo superet. Magnifica exstruunt templa & facerdotum utriusque sexus sumtuosa cœnobîa: superba etiam & visenda palatia. Palatii regii ex Paulo Vene-

to supra mentionem fecimus, cujus tectum aureis laminis fuit opertum. Superficies quoque superior aula-rum & conclavium aureis laminis ferebatur tecta. Nec minus hodie sunt in hujusmodi operibus sumtuosi & magnifici. *Taico* sive *Taicosama* quem nunc hic monarcham esse diximus, opere visendo & stupendo moles excitavit. Hic exstrui curavit aulam mille *Tatamis* (storæ elegantissimæ genus est) opertam cum suis fimbriis damascenis, holosericis, aureis: qualibet autem harum storæum octo palmos longa, iv lata est. Hæc è ligno maximi pretii ædificata est, tantoque auro intus nitet, ut pænè incredibile videatur. Ante hanc aulam in planicie pulcherrima, jussit erigi theatrum ad agendas comœdias, utrimque verò nonnullo intervallo divulsas turres binas trium quatuorve contignationum. Multa hic prætereo brevitati studens. Ligneis plerique ob crebros terræmotus, quidam tamen ab imo lapideis untur ædibus, elegantia & arte visendis. Meaci III. *Viri* (qui totius regni primores summum Magistratum constituunt) degunt, penes quos summa est rerum constituendarum potestas. Primus, qui *Zazo* dicitur, Pontificis instar, præest sacris. Secundus *Voo* dignitatibus & honoribus. Tertijs *Cubacama* paci & bello. In v autem ordines divisa gens est. Quorum primus eorum qui cū imperio sunt, rerumque potiuntur. hosce communi omnes nomine *Tonos* nuncupant, quamquam inter ipsos *Tonos* alii dein existant dignitatis gradus, uti apud nos regum, ducum, marchionum & comitum. Alter ordo eorum est, qui gentis illius procurant sacra, capite ac mento prorsus abrafo. cælibem hi profitentur vitam. Variæ ac multæ numerantur eorum sectæ: nec desunt

Privata.

Ratiogu-
bernandi.

Portus.

Montes.

Opera pu-
blica.

defunt qui ad Rhodiorum Equitum speciem bellicas una cum religione res tractent. Sed communi omnes appellatione *Bonzi* appellantur. Tertius civium & reliquæ nobilitatis est. Sequuntur inſtitores ac ſellularii: & variarum opifices rerum egregia formæ ſolertia. Poſtremus eſt agricolarum locus. Sontibus quolibet nomine, haud leviora quam exilii, aut proſcriptionis, aut capitis ſupplicia conſtituta ſunt. Gladio ferme trucidantur improvidi: quibuſdam tamen locis comprehenſos latrones, certoque ad ignominiam vehiculi genere per civium ora tranſvectos, extra urbem cruci affigi moſ eſt. In Dei cultu, quod potiſſimum Juſtitiae munus eſt, miſerandum in modum errant. Magiſtris religionis utuntur iis quos dixi *Bonziis*. Inter numina ſuppliciter adoranda, ſunt *Amida & Xoca*. Sed habent & alia, à quibus futura vitæ bona expetantur, quos *Photo* quos vocant. Alios etiam veluti minorum gentium Deos adorant, bonæ valetudinis, liberorum, pecuniæ, & eorum quæ ad corpus pertinent, largitores: hoſce *Camis* appellant. Multa hic variis locis Gymnaſia, quas Academiaſ dicimus. *Bonziorum* Schola eſt in oppido *Banoum*, in qua ſolemni ritu gradus tituluſque, conſertur à præſectis ſtudiorum. Eſt & inter alia *Seminarium Ieſuitarum* in quo Iapones linguam Luſitanicam, Europæi Iaponicam diſcunt. Ipſi Iapones etiam typis ad impreſſionem utuntur. In univerſum autem, acuta, ſagax, ac bene à natura informata gens eſt: iudicio, docilitate, memoria. Paupertas dedecori aut probro eſt nulli. Maledicta, furta, impiam temerè jurandi conſuetudinem, alæ

genus omne execrantur. Procerâ ſtaturâ, ſi cui contingit, & decoro corporis habitu glorianſur. Lenta plerique vivacitas: firmæ vires: in ſexageſimum uſque annum militaris ætas extenditur. Barbam alunt modicam: in capillo variuſ eſt moſ: voſſellâ depilant, pueri ſinciput, plebei ac ruſtici dimidium caput. Viri nobiles totum ferme, paucis ad occipitium relictis capillis, quos attrigiffe quempiam, contumeliæ loco vel maximæ ducitur. Storeis, culcitra in modum tumentibus, nitidisque pavimenta conſternunt: In iis & ſomnum, ſubjecto cervicibus lapide vel tegillo, & cibum capiunt, genibus nixi, cruribus inſidentes. Munditiarum apud eos, haud minor quam apud Chinenſes, cura: paxillulis item ipſi duobus inter edendum ita ſcienter utuntur, ut neque excidat quicquâ, nec digitos extergere opus ſit. Cœnatione ingrediuntur diſcalceati, ne cataſtromata calcando coinquant. Tenuiores, ad mare præſertim, victitant herbis, oryza, piſce: divites ornant ſplendide atque apparatus convivium: in ſingula fercula, ſine linteis aut mappis mutatur ſua cuique convivæ menſa eſt cedro pinuve, palmæ ferè altitudine. Cibi conſecti in pyramidem exſtruuntur auro conſperſi, cupreſſinis ramulis ad gratiam prominentibus. Nonnunquam etiam roſtro pedibusque inauratis aves integræ nobilibus patinis inferuntur. Vigent hic Luſitanorum commercia. Inveniuntur enim margaritæ magna copia, rotundæ ac craſſæ, rubei coloris, item alii lapides pretioſi, qui una cum auro Inſulam ditiffimam reddunt.

Kkkk iij

ZEILAN,

Vittus.

Mercimonia.

Schola.

Mores.

Insula.

ZEILAN, vel Ceilon insula Arabibus dicitur *Tenarizim* & *Ternasser* terra deliciarum: & Indis *Hibernarum*. Hæc Ptol. *Taprobana*, Barrio & Corsalo testibus: quod idem constanter affirmat Varterius, in suo de Ophyra regione opusculo. Quorum sententiæ lubens accedit Ortelius in suo Thesauro Geographico. Mercator vero noster censet *Nanigerim* (*Panigeneris* habent Græci Ptolemæi codices) esse: cui alii potius fidem habendam arbitrantur: ego rem in medio relinquo. *Zeilan* vero insula præstantissima jacet non longè à Comorino Promontorio, x gradibus ab Equatore. Ambitus ejus ccxl leucarum, vel ut alii dicunt ccc aut rccc milliarius: longitudo leucarum lxxviii, seu milliarius ccxl vel ccl. Latitudo autem leucarum xlv, aut milliarius cxi. Hæc licet sub zona torrida, subque candenti sydere sita, cælo tamen ita temperato, aëre tam salubri fruitur, ut omnes Indiæ provincias hac parte excedat, nonnullique isthic Paradisum terrestrem fuisse olim arbitrentur. Mira cœli clementia incredibilisque temperies, hieme æstateque nunquam sævientibus. Ager fertilis perpetuò viret. Flores varii leguntur. Adeo ut cum Poëta de hac insula canere liceat:

Situs.

Cœli temperies.

Soli fertilitas.

Hic ver purpureum, varios hic flumina circum

Fundit humus flores

Arbores perpetuo floribus aut fructibus onustæ sunt: ut sunt mala Assyria incredibili suavitate, mala medica, citria optima, aurantia, limones, aliique fructus nobilissimi. Fert & palmam & aromata, cinna-

momum, cardamomum, Caryophyllum, piper, aliaque. Cæterum incolis cibum, potum, navigia, unica palma subministrat. Fructum vocant *Coquen*, librum *Cayro*. Ex arborum truncis naves compinguntur, è foliis vela, ex cortice funes, cujus tenuioribus partibus pro filo utuntur ad vela consuenda, trabesque colligandas, sine ullo clavo ferreo: ita exstructam navem onerant fructibus ejusdem arboris. *Oryza* tamen parçè hic provenit, quæ ex regno Malabar & Caromandel copiosè eo defertur. Auri, argenti, cæterorumque metallorum fodinas habet, quas tamen reges non permittunt exhauriri, eas velut thesaurorum loco in ostentationem servantes. Nonnullis causa videtur, ne quis illis bellum inferat, cupidine auri. Ferrum quoque, linum & sulphur producit: eboris item ingentem vim. *Animalium varietas.* Sunt & gemmæ hujus insulæ plurimæ. rubini, hyacinthi, sapphiri, chrysolithi, & quos vulgo vocant *Ochridi gatta*. Ferarum omne genus, cervorum, hinnulorum, aprorum, leporum, cuniculorum, & similibus magna copia. Elephantorum vero nusquam major frequentia & bonitas. Hos venales habent miro modo. Ad mensuram enim admetiuntur, ut pannos, aulæa, telam, pretio in singulos palmos definito; ita cum magnitudine crescit æstimatio. Sunt verò hi elephantii totius Indiæ orientalis nobilissimi, atque à ceteris, ut verissimè probatum esse memorat Hugo Linscotanus, ejusdem generis animantibus ex aliis locis privata veneratione adorantur. Sed quoniam in elephantorum mentionem incidimus: non abs re visum de hoc animalium

mali pauca subicere. Elephantem vocant Arabes *Fil*, ac dentem ejus *Cenafil*, *Æthiopes Itembo*. Animal disciplinæ capax est, & natura mite & tractabile. Incessu tardum videtur, cum tamen ne vel expeditus quispiam cursu ejus incessum adæquare queat. Repertos subinde elephantos aliquos ferunt, qui noctu cum suspiriis & lachrymis iniquā suam sortem deplorare videbantur. Vivunt annos ducentos. Magni illi dentes non nisi ex elephantis maribus sunt: femellæ enim breviusculos habent. Animale est mirè zelotypum, atque adeo præ nimia zelotypia in furorem subinde tantum rapitur, ut & pastum & somnum fastidiat. Memorabilem historiam refert de elephante Christophorus Acoſta, quam hoc loco Iusti Lipsii V. C. verbis inferemus. Elephanti cuidam in urbe *Cochin* ad horam cibus non erat oblatus. Queritur & barrit. Magister excusat, & vas æneum ejus cibarium ostendit persuens, causam hanc moræ esse, non posse se in pertusum vas cibum indere. Iubet igitur, si esse velit, ad fabrum ararium ferat reconcinnandum. Ille parat. Promisside aufert, fabro offert. Faber sive per negligentiam, sive ludos belluam faciens, infideliter reparat atque obstipat. Elephas refert. Herus vitium videt, & indignatur. Inclamat illum absentem, hunc presentem; denique redire jubet cum illo ipso vase. Facit, & fabro querulus impingit. Ille homo suavis iterum imponere conatur, & admoto malleo claudere rimam simulat; non claudit. Nec tamen imponit: Nam ille catus lebetem resumptum ad flumen defert, immergit, & aqua implet, periculi faciendi causa. Videt effluere. Plenus itaque irarum ad fabrum recurrit, intonat magna voce. Confluunt

vicini, & inter eos vicarius Regis. Faber blandis verbis demulcet belluam: vas denique sumit, & refingit probe atque ex fide. Sed ille ne tum quidem fidens, iterum ad flumen & ad haustum: dum contineri aquam videt, vertit se ad adjacentes, & ostendit, velut testes eos advocans in hoc factum: ita demum abit domum. Hæc libuit hoc loco interserere, ut lectionis fastidium atque satietas non nihil levaretur. Avium præterea omnis generis, pavonum, gallinarum, columbarum &c. ingens copia. Vnus hic rex olim imperabat: is postea dolo sublatuſ fuit, diviso inter multos Principes imperio. Suntque nunc reges insulani novem. Horum potentissimus est *Colmuchi*, cui ceteri tributum pendunt annuum: hi sunt reges *Ianaſapitan*, *Triquinamale*, *Batecolon*, *Villaſſem*, *Tananaca*, *Laula*, *Galle* & *Cande*. Refert Ioannes Hugo Linscotanus in suo itineralio cap. xiv. chirurgū quemdam præcipuum è regibus è medio sustulisse, sibi que imperium adscripsisse, pulsus insigni tyrannide cæteris. Hunc chirurgum regni potentem *Raju* appellari, prudentia & ingenio pollere, reique bellicæ haud rudem esse: verum nemini fidentem. Cingales huic, eodem referente, infesti sunt tantamque tyrannidem oderunt, pressi interim metu ad obedientiæ ministeria. Idem hostis Lusitanorum acerbissimus, eo anno qui discessum dicti Hugonis præcesserat ex India, arcem *Columbo* obsidione cinxerat, sed irritu conatu, auxilio à Lusitanis allato. In hac insula viii sunt urbes, quarum prima est *Colmuchi*. Hic complures naves cinnamomo, elephantibus ac gemmis variis onerantur. In hac Portugallenses

Portus.

Montes.

tugallenses arcem habent rege permittente à se exstructam. Portus est amplus & tutus. Habet præterea sex portus præcipuos, præter alios minus celebres. Insula valde montosa est: visiturque mons sublimis altissimo situ inter totius Indiæ cacumina; incolis *Pico de Adam* dicitur; credunt enim Indi firmiter isthic Paradisum fuisse, & Adamum ibidem à Deo creatum, dicuntq; etiam num hodie extare primi parentis pedum impressa vestigia, longitudine duos palmos excedentia. Scribit ex relatu cujusdā mercatoris Mahumetani Ludovicus Romanus Patritius in fastigio hujus montis specum esse quendam, quo se recipiebant ejus regionis omnes incolæ in primi Parentis sanctissimi memoriam: memorare enim incolæ Adamum post lapsum illic fletu & continentia, pœnitundine ductum, culpam redemisse. Refert idem auctor esse alium montem vastissimæ longitudinis, ad cujus radices pyropi reperiuntur, qui vulgo rubini dicuntur. Cinnamomum hic nascitur præstantissimum tanta copia, ut silvas ac nemora hac arbore refertas habeāt. Incolæ maritimi mahumetani magna ex parte sunt: mediterranei Gentiles: (*Cingalas* vocant) color illis albus, statura procera: abdomen prominens; ventrem enim curant. Imbelles sunt, exigui spiritus, & ad bellum inepti. Tormētis, scribit idem Ludovicus, non utuntur bellicis, nec ferro: sed eorum arma arundines sunt: ob id perraro in prælio occumbunt. Sunt autem ingeniosissimi, & ex auro,

argento, ferro, ebore, opera faciunt politissima. Bombardarum live scloporum fistulas insigni arte nunc formant, velut artificii manu exasciatas. Narrat sapius jam nobis memoratus Linscotanus Archiepiscopo crucis imaginem oblatam, quam artifex Zeilanus ex ebore confecerat, longitudine unius ulnæ, tanto artificio, ut capilli, barba, & ipsa facies viventis hominis gestum mentirentur, optima staturæ mensura: in Europa nihil tale. Quare ab Archiepiscopo arcæ inclusa ad Hispaniæ regem missa fuit, digna æstimatione inter preciosissima tanti regis *Cimelia*. In Histriionum artibus excellenti iisdem maximè, multasque venustates corpore ac ludis exercent, totam Indiam percurrentes, magna spectantium admiratione. Victus eorum ex lacte, butyro, caseo, ac oryza est: potum ex palmarum succo colligunt. Vestis infra umbilicum è serico aut gossypio. Superiora enim non regunt, nisi quod caput panno subtili contegunt. Aures auro ac gemmis ornant, zonas gerūt aureas gemmis ornatas. Ipsa insula commerciis valde ob portuum frequentiam ac rerum affluentiam opportuna est.

Victus.

Vestitus.

Atque hæc de insula *Ceylon* deque tertia Orbis parte *Asia* sufficient; ad quartam & postremam Orbis Terrarum partem longè maximam *Americam*, quam Isthmus nobilissimus & Septentrionalem facit & Meridionalem, pergitur.

L III

HISPANIA

Regio.

Situs.

Caeli tem-
peries.Soli ferti-
litas.

HISPANIA Nova Americæ Provinciam amplissimam, cæteris cultior, amœnior ac populis frequentior. Hæc magnis terrarum spatiis dissecta, à Tavasco, sive Grialvi flum. Occidentem versus excurrens, ad S. Michaëlis & Culiacanas usque terras extenditur. Septentrio finitur Granata Nova, aliisque regionibus Novi Mexicani regni nomine nunc signatis. Australe littus Pacifici Maris undis abluitur. Inter Æquinoctialem & Cancræ Tropicum panem concluditur, ideoque dierum noctiumque exigua hic discrimina, & perpetuum panem ver. Mensibus Iunio, Iulio, Augusto atque Septembri assiduæ pluviae, leniumque ventorum ab utroque mari commodissimi flatus, diurnos, æstivosque calores, disjiciunt ac temperant; quæ vera est ratio cur istic sub Tropico æstivo commodè habitetur, contra veterum Philosophorum opinionem. Aërem ergo habet temperatum, quamvis sub torrida jaceat zona. Abundat regio ipsa mineris opulentissimis auri, argenti, ferri & æris: mittit cassiam fistulam & fructus quosdam, quos incolæ Cacao nominant, amygdalorum instar, ex quibus potum valde ab eis expetitur conficiunt. Gossypio ac omnibus insuper frugibus fructibusque, quos in Europa habemus, affluit: tritico, hordeo, omne genus leguminibus, oleribus, lactucis, brassicis, raphanis, capis, porro, petroselino, rapis, pastinacis, malis insularis, beta, spinachio, pisiss, fabis, lenticulis & similibus. Sunt & mala aurea, limones, mala citria, persica, armeniaca, magna copia. Crescunt hic etiam poma & pira, sed tantum mediocriter, pruna rara, ficus magna abundantia.

Malorum cotton eorum mirificus provectus. Mala granata satis multa: cerasa hætenus non admodum feliciter provenere. Vineæ insuper sunt ferentes uvas, sed ex iis vinum non conficitur: oleæ, saccharum, mora. Habet præterea multas alias fruges & fructus nobis incognitos: inprimis granum *Maiz* dictum, ciceri non absumile, magna copia, ex quo panem conficiunt. Varia item profert animalia, ut sunt oves, vaccæ, capræ, porci, equi, asini, canes, feles, aliaque animalia similia: istiusmodi enim omnia in India Occidentali reperiuntur. Item leones, tigres, ursi, apri, vulpes, aliaque fera & silvestria animalia: item cervi, lepores, cuniculi. Præter hæc sunt & quæ appellant *Sainos*, animalia instar exigui porci, quæ umbilicum in spina dorsi habent: eunt turmatim per silvas: & alia plurima, quæ brevitatis studio prætereo. Avium non minor est varietas, ut sunt, anseres, anates, coturnices, gallinæ quæ nostras longè superant, & aliæ. Occupata primum fuit ab *Hispanis* hæc regio anno 1519, Duce *Ferdinando Cortesio*, cum maxima tamen suorum & incolarum strage, cui remunerationis causâ dono concessa fuit *Tecoanteper* regio novæ Hispaniæ à Carolo V. Imp. Regnatum fuerat in urbe Mexicana omnino sub Regibus novem per annos cxxx, post 10cix annos quam à *Chichimeicis* Mexicana terra primum occupata fuit. Horum ultimus fuit *Motezuma*, qui in quadam seditione fuit interfectus, & cum eo Mexicanorum regum familia intercedit. Incoliter porrò hæc pars ab Hispanis, qui multas in ea habent colonias, nempe *Compostellam*, *Colimam*, *Purificationem*, *Guadalajaram*, *Mechoacam*, *Cacatulam*, *Mexico*, & alias.

Animalia
um varietas.Imperium
majorum.



Vrbes.

& alias. Sunt porro in hac Nova Hispania insignes nonnullæ regiones, nempe nova *Galitia*, *Mechuacan*, *Mexica*, & *Guastecan*. Nova *Galitia* ab incolis prius *Xalisco* vocabatur: quam primus detexit & acquisivit *Nunus Gufmannus*, qui in ea urbes aliquot fundavit: nempe *Compostellam*, ubi sedes Episcopalis & Consilium regium: *Spiritus S.*, *Conceptionis*, *Michaëlis* & *Gaudalajaram* celeberrimam actotius regni caput. Pertinet ad Novam *Galitiam* regio illa quæ *Culiacana* dicitur ab urbe hujus nominis. Iacet autem inter fl. *Piasila*, & fl. *S. Sebastiani*, qui antequam in mare se exoneret, à terra absorbetur. Metropolis urbs est *Culiacan*, ubi Hispani fundarunt coloniam domus *Michaëlis*. *Mechuacan* regio ambitum habet xl leucarum, & ex opulentioribus ac fertilioribus est hujus Novæ Hispaniæ regnis: nam in ea *Maiz* ter maturescit singulis annis, & alii etiam fructus. Regio hæc duas continet urbes principales ab Hispanis cultas, in quibus vigent mercimonia, nempe *Pascuar* & *Valadolid*, quæ est Episcopalis sedes, præter alias minus celebres. *Mexicana* regio cæteris non tantum Novæ Hispaniæ præstat, sed universæ etiam Americæ. Nomen sumpsit ab urbe *Mexico*, quæ *Temistitan* quoque nuncupatur. Metropolis est Provincia *Mexicana*. Hæc sita erat in peramplæ paludis medio, antequam à Cortesio occuparetur, qui eam ad ejusdem lacus ripam transtulit, estque nunc optimè fabricata, ambitum occupans sex milliar. Ital. cujus unam partem Hispani inhabitant, reliquam vero indigenæ. *Mexico* tantundem sonat atque fons & scaturigo, à primis fundatoribus sic appellata, ob scaturigines fontium varias quæ hæc urbem circumdant. Hæc urbs præcipua erat ac nobilif-

lima totius Indiæ, imo totius Orbis maxima, quam *Ferdinandus Cortesius* expugnavit anno cdxlxxi. Hæc cum totius imperii Mexicani caput esset, ædium capiebat lxx millia. Regis quidem & nobilium aedes erant amplæ, commode & affabrè exstructæ, vulgi verò humiles & viliores. Resident in hac urbe Archiepiscopus, & prorex, ac tribunal supremum Novæ Hispaniæ. Est etiam in ea imprimendi ars & cudendi pecuniæ. In lacubus porro Mexicanis & circa eorū ripas jacent l oppida, quorum quodvis continet plus minus xci domorum. Post *Tescura* urbs ad ripam ejusdem lacus, quæ amplitudine sua *Mexicum* ipsum adæquat. Est etiam in hac Provincia *Angelorum civitas*, quæ prius *Vacipalam*, id est terra serpentum, vocabatur, quæ lanificio celebris in primis est, cujus ager vallibus & planiciebus distinctus est, in quibus innumera armenta & greges aluntur, & magna fegetum ac fructum copia colligitur. *Guastecan* regio Novæ Hispaniæ ad *Mare del Nort* posita est. Duas hic colonias Hispani habent, nempe *Panuco* & *D. Jacobi à Vallibus*. Postremo in Nova Hispania est *Tlascalan* urbs, quæ post *Mexicum* secundum tenet locum, estque valde populosa & opulenta & agro sæcundo. Reipublica more gubernatur, sub possessione tamen Hispaniarum regis. Sunt in Nova Hispania lacus multi, magna ex parte ita salsi, ut salex iis conficiatur. Præcipuus is est, qui *Chapalicum Mare* ob immensitatem vocatur. Est & urbis Mexicanæ lacus. Sunt & in ea fluvii quamplurimi piscibus abundantes, quorum aliqui etiam auriferi sūt. Inveniuntur etiam in iis crocodili, quorum carnibus vescuntur incolæ. Est autem regio montibus & rupibus asper-

Lacus.

Flumina.

Montes.

Silva. asperrimis referta. In provincia Mexicana mons est flammivomus, qui *Popocampeche* incolis vocatur. Est & mons in regione *Guastecan*, in quo 11 reperiuntur fontes, alter scilicet picis nigrae, alter vero picis rubrae ferventis. Est praeterea haec Provincia silvis nemoribusque plena: ac universa arbores magna copia profert, maxime è quibus lintres unico ex trunco excavant & formant. Habet & cedros tantae magnitudinis & crassitudinis, ut ex iis traves quadrangulae centum & viginti pedes longae, 11 vero latae conficiantur, tanta quidem copia, ut motes cedris ut apud nos quercubus aut pinis confitos dicas. *Opera publica.* Opera publica me vocant. Fuerunt in hisce Indiae partibus plurima & quidem superba & magnifica templa idolis consecrata, ac Diaboli cultui destinata, quae Hispani olim voce *Cu* appellarunt. Inprimis fuit in urbe Mexico celeberrimum templum *Vitzilipuztli*, ambitum amplissimum habens, atque aream intus pulcherrimam. Inprimis vero res admiratione digna, cura quam Mexicani gerebant in educandis liberis, certo scientes nihil esse in tota rerum universitate, quod plus adjumenti ad rectam rerum tum privatarum tum publicarum constitutionem adfert, quam pueritiae disciplina. Sunt Indi rerum mechanicarum egregii artifices, praesertim in contexendis variis avium plumis & ferarum pellibus admiranda varietate: qui & laborum tam sunt patientes, ut sapissime integro die

cibum non sumant, quo speciosius concinnent & appetent vel unicam plumam, eandem omni ex parte contemplantes, tum ad Solem, tum in umbra, ut percipiant, magisne recta an inversa conveniat, erectis an deflexis crinibus. Itaque ex plumis animal quodcunque, aut florem aut herbam tanta dexteritate mentiuntur, ut videantur ad vivum expressisse. Aurifabrorum prima & praecipua est conditio, & praeteris artificiosa: adeo quidem ut res quasvis ad vivum exprimant: valentque plurimum fusionis artificio, adeo ut vel herbas quasvis tum res minutissimas fusione fingant, tam exquisitè, ut à naturalibus differre non dicas. Sola Mexicana civitas omnem politiam & vivendi rationem totius novae Hispaniae patefacit. Quae cum esset totius Imperii metropolis, diversae eo confluebant ejusdem regionis gentes, negotiandi gratia. Itaque singulae nationes sua loca probe ordinata obtinebant ac servabant, in quibus singulis diebus quinque fora observarent, omnibus rebus venalibus optimè instructa. Itaque singulae opificii & mercaturae genera, definitum sibi locum, ac stationem certam habebant, quem nec ulli praecipuare licebat, quae certè non exigua est politicae species. Neque commodius aut urbs, aut domus quapiam potest gubernari, teste Xenophonte in Oeconomicis, quam rebus singulis praefinita certaue loca statuendo, quod ab Indis observabatur.

Mercimonia.

VIRGINIA.

Insula.

Soli ferti-
litas.

SEQVNTVR in nostra methodo *Virginia & Florida*. *Virginia* quæ primo loco occurrit, nomen à *Viguino* regulo, secundum nonnullos, seu, ut mavult ille qui *Francisci Draci* expeditionis anno **CIO IO LXXXIV** ad occidentales Indias *Diarium* aut *Commentarium* edidit, ab *Elizabetha Angliæ regina* nomen tulit. Incolis *Vvingandacoa* dicitur. Fert autem ubertate quadam felicitateque miranda, quidquid vitæ ex voto transigendæ, deliciisque fruendis necessarium: vinum, oleum, fabas incolis *Okindgere*, pisa, quæ illis *VVickanzevrr*: pepones & melones, ipsis *Macocquer*: herbas varias: castaneas, nuces juglandes, fraga, aliofque fructus nobilissimos: item alumen, picem aridam & liquidam, terebinthinam, ferrum, cuprum, sericum, linum, cannabim, gemmas, aliaque plurima. Verum ante alia frumentum (*Pagatorvrr* indigenæ vocant & Indi occidentales *Mair*) incredibili fecunditate luxuriat: quod eo certe vehementius demirari licet, quod levissimam tenuissimamque agriculturæ curam ac rationem exerceant. Agros enim leviter expurgatos, & lolis evulsis sarritos, cum aratrum vomeremque penitus ignorent, non tanto inductis sulcis subruendi, glebas occandi, deinde post jacta semina cylindro æquandi labore fatigant incolæ, quantum nostri ad fruges ferendas requirunt, sed lignea pala modicè vulneratam humum leviter invertunt, scrobibusque ef-

fossis grana pastino ligneo, sicut apud nos fabæ solent, depangunt, quæ terra demum superfusa condita in summam luxuriam prorumpunt. Animalia in nonnullis locis producit varia; ursos, leones, lupos, cuniculos, & quæ incolæ vocant *Saquenickot*, *Maquovroc*, & *Squirrels*: Aves præterea cum alias, tum gallos & gallinas indicas, columbas, perdices, grues, cygnos, anseres, psittacos, falcones, & accipitres. Oppida hic exigua, decem aut duodecim ædium capacia: defixis humi palis, angusto aditu in orbem ædificant, templo, principis procerumque mansionibus, & area, seu forororum vernalium, domibusque incolarum, circumquaque in circuitu distinctis affabreque collocatis. Civitates circa litus sunt hæ: *Pyshokonnok*, mulierum civitas, *Chipanum*, *VVeopomiok*, *Muscamunge*, & *Mattaquen*, *Ooanoke* Anglis dicta cæca civitas, *Pemeoke*, *Shycoake*, civitas ampla, *Chovvanaoke*, *Sequotam*, & alia. Flumina quibus rigatur sunt *Occam*, *Cipo*, *Nomopano*, *Neus*, & alia. Quatuor mensibus anni, **Februario**, **Martio**, **Aprili** & **Majo**, copiosa hic acipenserum captura; atque etiam iisdem mensibus alecum. Sunt & troctæ saporis jucundissimi, optimi nutrimenti: rajæ, mugiles, passerres, ac multa alia genera piscium. Silvas etiam habet & nemora frequentia, cuniculis, leporibus, atque avibus referta. Silvæ non sunt quales in *Bohemia*, *Moscovia* aut *Hyrcania*, nudæ gignentium & steriles: sed cellissimis atque optimis quæ in toto Orbe reperiantur, cedris

Animalium
varietas.

Oppida.

Flumina.

Silva.

Mores.

confitæ pinis, cypressis, lentiscis, aut arboribus quæ mastichen generant, ac multis aliis arboribus odoriferis. Incolæ mediocri statura, æqui bonique tenaces, iustitiam exercent, animæ immortalitatem sentiunt, sed saltationibus assiduïs, intempestivisquæ computationibus ad instar aliorum Americanorum, intemperanter indulgent; à carnibus tamen humanis abstinēt. Assiduïs venationibus feras insectantur. Arma sunt arcus & sagittæ. Credunt multos esse Deos, quos nuncupant *Mantoac*, sed variorum generum & graduum, atque unicum duntaxat præcipuum ac magnum Deum, qui fuit ante omnia secula. Qui, ut affirmant, cum Mundum condere decrevisset, primum alios Deos ordinis præcipui condidit, quibus tamquam adiutoribus & instrumentis, tum in creatione, tum in gubernatione Mundi uteretur: tum Solē, Lunam, & Stellās, tanquam minorum gentium Deos, atque instrumenta alterius ordinis magis præcipui. Primum (ajunt) aquæ creatæ sunt, ex quibus opera Deorum, omnis creaturarum varietas, visibilium atque invisibilium, exstitit. Ad genus humanum quod attinet, mulierem primum conditam esse ajunt, quæ opera & adminiculo cujusdam Deorum, concepit ac liberos peperit: atque in hunc modum genus humanum ortum esse asserunt. Sed de moribus & natura indigenarum, & de aliis Virginis commoditatibus aut mirabilibus plura ex descriptione Ioannis Wyts, & relatione Thomæ Harioti Rallegi domestici, per Theodorum Brium singulari libro descripta, & æneis formis incisa circumferuntur.

Florida.

FLORIDA (ut obiter etymone ejus exquiram) appellat^{Regio.} ionem habet, quod ipsa Dominica Palmarum recepta sit, quam Hispani suo idiomate *Pascua de Flores* vocant. Inditum ei hoc nomen à Ioanne Pontio Legionensi. Alii, inter quos Thevetus, alio referunt nominis originem, nempe quod tota viridis floridaque sit, stratis etiam undis herbis viridantibus: sed penes authorem sit hujus rationis fides, cum nusquam ab aliis consonantia tradantur. Ab incolis *Iaquasa* dicebatur. Circumscribitur hæc Provincia latissimis finibus, ab Orru Bahamam & Leucayas insulas habet, in Occidente Mexicanæ Provincie terminos attingit, à Meridie Cubam & Jucatanas terras respicit, excurrē in modum Isthmi ad centum passuum millia, quaque angustissima est, triginta milliarium latitudinem occupat. In Septentrione supra Floridam sunt Canada, Virginia, Avanares, & nova Fræcia. Regio satis amœna est, & omnium fructuum fertilis. Magna incolis annonæ cura: Maizium Martio & Junio ferūt, tertio dehinc mense maturum colligunt, ac in publica horrea recondunt, mox singulis pro cujusque necessitate & dignitate distribuunt. Aliis præterea & quidem variis fructibus beata, moris, cerasis, castaneis, uvis, mespilis, prunis, speciosis quidem aspectu, sed insciti saporis. Sunt & radices ipsis *Harle* dictæ ex quibus in annonæ penuria panē conficiunt. Animalia producit varia, cervos, hinnulos, capras, urfos, leopardos, lupos, canes sylvestres, lepores, cuniculos. Nec desunt volatilia, pavo-

Sium.

Soli ferunt
litas.Animalium
varietas.

Imperium
maiorum

pavones, perdices, psittaci, columbæ, palumbi, turtures, merulæ, cornices, atque alia. Sunt & varia genera serpentium, atque animal quoddam leoni Africano haud absimile. Habet denique peregrinum quoddam vulpi persimile, sub ventre loculo quodam ceu sacco munitum, qui & aperitur & clauditur, ut fœtus editos excipiat, cumque iis pericula effugiat. Mansit hæc Provincia postquam à Joanne Pontio detecta esset ad tempus intacta, nemine sibi illam deposcente, propter incolarum ferociam. Procedente deinde tempore, Ferdinandus Sortus, Præfecturam hanc à Carolo Imperatore obtinuit, multisque veteranis militibus scriptis, Floridam adnavigavit, anno trigesimo quarto supra millesimum quingentesimum, sed aurariis nimium investigandis intentus, nulla cura urbis deducendæ condendæq; dum per provinciam vagatur, non inventis quas crediderat auri secturis, mœrore confectus interiit, milites sociiq; passim à Barbaris cæsi & discerpti sunt. Succedentibus temporibus, Galli, tempore Caroli noni, duce Ioanne Rhibaldo, Floridam versus enavigarunt, improspere hac illis cedente navigatione. Alteram æque infaustam navigationem Duce Landoniero suscepit Galli anno cxcixlxi extructâ arce Carolinâ, quæ brevi ab Hispanis occupata fuit. Biennio post Dominicus Gourguesius comparata classe trium navium, cum centum quinquaginta militibus & 80 nautis ultus Gallorû manes, Carolinam arcem recepit, evertit ac solo æquavit. Sed in reditu cum à rege suo hoc factum iniquo animo accipi intelligeret, quievit, neq; ulla amplius Gallorum in Floridam expeditio memoratur, mansitque Hispanis

vacua harum terrarum possessio. Provinciæ celebriores Terræ Floridæ ab Hispanis repertæ, sunt *Panuca* regio, in finibus Hispaniæ novæ sita, cujus incolæ bellicosi admodum, & in bello crudeles, captivos idolis immolant & comedunt. Viri barbas sibi evellunt, ut speciosiores appareant, nares & aures perforatas habent, nec, ante xl ætatis annum matrimonio junguntur. Hinc *Avanares* regio, & *Albardaofia* provincia, quarum incolæ sunt versutissimi, moribusque à reliquis Indiæ populis differunt. Est quoque in Florida *Laguazia* regio, cujus incolæ adeo cursu valent, ut cervos superent & capiant, curruntque diem integrum nec fatigantur. Sunt & aliæ regiones & provinciæ terræ Floridæ, ut *Apalchia*, *Authia*, *Somovia*, & aliæ. Regio in universum plurimis rivis fluminibusque irrigua, eoque humidior: & in montibus *Apalchicis* ingentes rivi oriuntur auri argentique arenas provolventes, quas incolæ ripis per fossas diductis colligunt, & secundo flumine ad maris littora venales deferunt. Inter flumina præcipua sunt *Porto Real* dictum, quod sonat Portum regium. Ostium fluvii tria milliaria complectitur, habetque duo promontoria, quorum alterum Occidentem, alterum Septentrionem spectat: item *Rio seco*, *Fl. Magnus*, aut *Grandis*, *Garumna*, *Charenta*, *Ligeris*, *Axona*, *Sequana*, *Ay*, *Serravahi*, *Majus*, & alia. Regio plana est, ac paucos habet montes, in quibus *Apalchici* præcipui. Circa fluvium Portum regium multæ sunt silvæ quercubus & cedris confitæ, in quibus cervi plurimi ac feræ, etiam multi pavones. Indici reperiiebantur. Incolæ ingenio vafro sunt ac subdolo, ab bellum & vindictam proni.

Flumina.

Montes.

Silva.

Mores.

M m m m

S V C C E -

C V B A.

Regio.

Situs.

Celi qualitas.

Animalium varietas.

SUCCEDUNT nunc insulæ, *Cuba, Hispaniola, Iamaica, S. Ioannis, Margarita*, in nostra methodo explicandæ. *Cuba* insula sic ab incolis dicta, etiam *Fernandina & Ioanna* ab Hispanis vocata: item *Alpha & O*, si Petro Martyri credimus. Ea ad Occidentem mari secernitur à Iucatana, ad Ortum Freto ab Hispaniola, ad Austrum est Iamaica. Ejus longitudo ab Ortu in Occasum extenditur ad ccc milliar. aut potius leucas Hispanicæ xv: & alicubi xx habet in latitudine. Eam mediam secat Tropicus Cancræ. Qui Cubam videre, salicis folio assimilant, eo quod longior quam lata sit. Regio est admodum temperata, quibusdam tamen temporibus frigidior: estque fertilissima auri sed non puri, & optimi æris ditissima. Magnam profert rubiæ tinctorum copiam. Sacchari item ingentem vim: frumenta, fruges ac fructus varios, atque herbas. Gignit insuper cassiam fistulam, zingiber, mastichen, lignum aloes, & cinnamomum. Serpentes, quorum hic ingentium copia, in delitiis fuisse memorantur. Nemora portos & boves maxima abundantia nutriunt. Sex urbibus habitatur, quarum præcipuæ *S. Jacobi & Havana*: illa exstructa à Iacobo Velasco, sedes est Episcopalis: hæc totius insulæ emporium & navale: ad hanc solet clasis regia tamdiu subsistere, donec & anni tempus, & ventri commodam navigationem trajectumque in Hispaniam polliceantur. Nunc in ea triremes aliquot

sunt, quæ oram omnem contra hostes tueantur. Multos habet hæc insula auriferos fl., quorum aquæ dulces & potui aptæ sunt. Dulcia & salsa stagna frequentia, unde hic quoque salis copia. Regio aspera, excelsa & montosa. Montesque affatim auri præbent, secturis generosis. Estque in eadem insula non procul à mari mons, è quo bitumen fluit aptum navibus stipandis. Aliam rem admiratione dignam in hac insula describit Gonzalus Ovetanus: vallem quandam inter duos montes ad duo aut tria milliaria Hispanica deductam, (Campum lapideum veteres, uti in Narbonensi Gallia, hunc vocassent) quæ lapideos globos producit tanto numero, ut quis multas inde naves onerare possit, atque à natura adeo ad sphericam formam rotundos factos, ut nihil circino possit ab artifice fieri rotundius. Ipsa gens naturæ benignitate contenta, neque meum, neque tuum, aut exitialem pecuniam noverat; sed omnia in communi possidebat, sicuti solem & aquam natura ex æquo omnibus largitur: apertis itaque vivebant hortis, & sine legibus suapte naturâ rectum colebant. Nudi ferè incedebant, raro tuniculis quibusdam bombycinis induti. In nuptiis mirum ritum observabant: sponsus enim prima nocte cum sponsa non concumberet, sed si dominus esset, domini vicem ejus supplebant: si mercator, mercatores: si denique rusticus, domini vel mercatores. Ob levissimam causam viri uxores repudiabant. Sed mulieres ob nullam viros dimittere

Flumina.

Montes.

Mores.

mittere poterant : viri admodum libidinosi erant & obscœni. Hispani quidem populi frequentia excultam invenerunt , at nunc pænè à solis habitatur Hispanis, quod indigenæ partim fame , & laboribus, partim lue venerea interierint, ac potissimam incolarum partem in Hispaniam novam, postquam à Cortesio subjugata esset, traduxerint, ut jam vix Indorum ullus, aut ullæ ipsorum reliquiæ supersint.

Hispaniola.

Hanc Insulam incolæ *Haity* & *Quisqueja* quondam vocaverunt , *Cipangi* quoque nomen postea tulit. Hispani à se *Spaniolam* sive *Hispaniolam*, & à *Dominico S. Domingo*, sive *S. Dominici* Insulam : cujus etiam honori urbem exstruxerunt, quæ omnium est præcipua. Hujus insulæ ambitus cxxxv milliarium, seu cccc leucar. Longitudo 10 milliarium, latitudo pro Sinuum & Promontorium ratione varia. Hanc P. Martyr reliquarum omnium insularum genitricem vocat. Medium insulæ ab Æquatore distat gradibus pænè xix. Versus Boream forma oblonga est : panditur enim ab Ortum in Occasum. Aëre fruitur temperato , unde arbores ut plurimum perpetuo virent : estque præ cæteris omnibus amœna & fertilis. Sacchari cannas ajunt hic altiores crassioresque esse, quam usquam alibi. Fertilitatis indicium hoc est, quod triticum satum centuplum reddat. Valentia in Hispania ex unica canna vix septem phialæ implentur : in Hispaniola viginti, sæpe etiam triginta. Gignit præterea hæc regio cassiam fistulam, zingiber, mastichen, lignum aloes, & cinnamomum : salis etiam

uberem proventum habet. Auri & argenti fodinæ sunt divites : est & aliorum fossilium non parva quantitas, præcipuè vero coloris cærulei. Ante Hispanorum adventum tria tantum hic erant quadrupedum genera, nunc importatis aliundè animantibus ita repleta est, ut ex ea pellium & coriorum magna vis quotannis in Hispaniam exportetur. Urbes hujus insulæ multæ sunt : præcipua est *S. Dominici* ad ostium fl. *Ozama*, sede Episcopi & vicarii regii inclyta. Sunt & urbes minores, *S. Joannis*, *Meguma*, *Portus Plata*, *Portus Regius*, *Canana*, *Xaragua*, aliæque. Sunt etiam in hac insula fluvii complures, lacus ac fontes admodum piscosi. Præcipuam tamen & amœnitatem & commoditatem incolis præstant xv ingentia flumina, quæ in ipso insulæ umbilico, delapsa ex altissimorum montium jugis, in diversissimas mundi partes abeunt : *Iuna* ad Orientem, ad Occidentem decurrit *Attibunicus*, *Iacchus* septentrionalibus, *Naibus* meridionalibus aquis miscetur, sic ut quadripartito insula dividatur. Est præterea in *Bainoa* ingens lacus, Indi *Hagueigabon*, nostri mare Caspium vocant; is infinitis undique fluviis auctus, nusquam tamen excurrit aut exoneratur, sed cuniculo absorbetur : haud vanis conjecturis creditur, rupes hæc spongiosas per subterraneos meatus maris aquam recipere, quod ibidem multitudo marinorum piscium inveniatur, & aqua maris falsugine infecta tota muriatica sit. Alii insuper quantumvis minores in hac insula sunt falsi lacus. Ultra supradictos lacus, ingens etiam fluvius in mare falsus decurrit, quantumvis dulcis aquæ infinitis rivulis fontibusque auctus.

Animalium varietas.

Urbium nomina.

Flumina. Lacus.

Iamai-

Regio.

Situs.

Cæli qualitas.

Soli fertilitas.

Insula. I Amaica, quam nunc *S. Jacobi* insulam nuncupant, ad Orientem Hispaniolæ, xxv ab ea leucarum intervallo discreta, xvi gradibus ab Æquinoctiali limite distat. Ad Septentrionem Cubæ vicina est. Qua Meridies, *S. Bernardi* insulas, & Carthagenam respicit. Qua Occidens, Iucatanas Terras seu Fonduram. Ambitus ejus 100 milliarium. Regio grata aëris salubritate & temperie gaudet : atque ita fertilis est, ut soli fecunditate cum quavis alia certare possit. Habet auri metallæ sacchari & gossypii magnum proventum. Nec non animalium diversorum copiam. Frequens olim cultoribus erat, nunc incolis aut ferro, aut mortalitate absumtis, rarius culta, duabus tantum civitatibus habitatur. Quarum primaria *Sevilla* sive *Hispalis*, in qua Ecclesiæ principalis cum abbazia, ubi primatum gessit *Petrus Martyr Anglerius* Mediolanensis, vir in tractandis rebus Indicis diligens. Altera *Oristan*. Fluvii hic multi & lacus piscosi. Gens lege, ritu, moribusque in nullo ab Hispanioliensibus Cubensibusque discrepat, tantum ferociores fuisse memorantur.

Insula S. Ioannis.

Insula. I Nsula *S. Ioannis*, vulgo à Portu divite cognominata, prius *Borichena* vel *Borica* dicta, habet ab Ortu Insulam *S. Crucis*, insulasque exiguas plures : ab Occidente & Borea insulam *S. Dominici* : à Meridie Promontorium *Pariz*, à quo cxxxvi milliar. abest. Insula in longitudine porrigitur ad l. pænè mill. in latum patet xii aut xvii :

maxima latitudo xviii pænè mill. Germanica complectitur. Affluit frugibus, animalibus, ac auro. Dividitur autem hæc insula in duas partes, nempe borealem & australem. Borealis quidem auro abundat plurimo : australis frugum, fructuum, aviumque feracissima. Est nunc in ea urbs præcipua *S. Ioannis* optimo gaudens portu. Fluvii hic sunt aliquot, inter quos *Cairabonus* fluviorum maximus, ad Septentrionem decurrit. Cumque omnes aureis glareis arenisque fluant, Septentrionale tamen latus, uti supra quoque à nobis dictum est, generosioribus fodinis commendatur. Meridiana pars portuosior, frugibusque beator, maizium cæteraque necessaria vitæ producit.

Margarita.

M Argarita insula vel *Margaritarum*, alio nomine *Cubagua* dicitur: x millia in circuitu patet, decem gradibus & dimidio ab Æquinoctiali linea distans : omni sui parte plana, sterilis, nuda arboribus, aquæ expers. Itaque tanta plerumque humoris inopia est quum propter contrarios ventos nihil è Cumana subvehatur, ut sæpenumero cadus vini pari aquæ cado permutetur. Ciniculis, sale & piscibus abundat. Inprimis vero unionum copia nobilis est. Incolæ colore fusco sunt, raro capillitio, & velut imberbes, feri, crudeles. Vescuntur ostreis è quibus margaritæ sumuntur. *Insula.*

Mmm iiij

SEQUITUR.

Regio.

SEQVITVR *America Meridionalis* sive *Peruana*, inter quam & Hispaniam novam terræ spatium ad latitudinem decem & octo milliarium interest. Propter quam regio *Peruana* insula esse desinit: diciturque *Provincia Dariena*, mutato nomine à magno fluvio *Dariene*. Porro *America* omnis *Meridionalis* pyramidalem formam habet: cujus basis prope Isthmum est, Boream versus: vertex sive cuneus sensim extenuatus ad *Magellanicum* fretum versus polum *Antarcticum* desinit in acumen, gradibus pænè LIII distans ab *Aequatore*. Ad Ortum alluitur mari quod vocant *del Nort*: ad Occasum mari *del Sur* sive *Pacifico*. Regionem omnem à Borea in Austrum montes secant. Ambitus est sedecim millium milliar. Partes ejus multæ: sed præcipuæ hæc quinque: *Castella aurea*, *Popajana*, *Peruvia*, *Chile*, & *Brasilia*. *Castella aurea*, *Castiglia del oro*, nomen accepit ab auri maxima quo abundat copia. Iuxta Isthmum sita est, quo pars australis boreali connectitur. Latitudo Isthmi est LXXII. milliar. Est autem hæc terræ pars malè habita, ac parum culta ob inclementiam cœli ac stagnantes aquas. Estque earum rerum quæ ad annonam spectant minimè ferax, tametsi bis terve in anno colligant suum *Maiz*. Urbes duæ sunt, *Nombre de Dios* ad mare *del Nort*, & *Panama* ad mare *del Sur*. Fluvios habet auriferos, & mineralia, unde facilitate propemodum incredibili, auri vis ingens extrahitur.

Popajana
78319.

Popajana regio incipit à parte Septentrionis adur-

bem *Antiochiam*, desinitque ab australi parte ad urbem *Quinto*. Itaque à Septentrione terminatur ad fines *Castellæ aureæ*, à qua separatur in urbe *Antiochia*. A Meridie verò *Peruana* regioni vicina est, indeque disjungitur urbe *Quinto*; ab Ortum distinguitur regno novæ *Granatæ*, *Transandeno*, & *Peruana* regione, quæ inde incipit, Orientem versus. Ex parte Occidentis jungitur mari *Australi*. Regio hæc montibus excelsis, horridis & admirandis prædita est.

Peruvia regio totius novi Orbis nobilissima, tota fere intra *Aequatorem* & *Tropicum Capricorni* clauditur. Nomen accepit à portu & flumine cognomine. Suntque fines ejus à Septentrione nova *Granata*, *Castella aurea* & *Peru* fluvius ac portus: ab Occasu est *Oceanus* seu *Mar del Zur*: à Meridie *Chili* provincia: & ab Ortum montes; occupatque longitudine sua mille & octingentas leucas. Hæc autem dividitur hodie in tres partes juxta regionis situm: in planitiem: in *sierras* seu montes, & in *andes* seu ultramontanam. Planities *Peruviæ* juxta maritimam oram expanditur milliariibus propemodum circò Ital. Ejus latitudo major ad LX accedit. Est autem hæc pars arenosa, solitudinibus frequentibus deformis, ac majori ex parte sterilis. Sunt tamen in ea agri permulti circa fluminum ripas viriditate ac fecunditate læti, fluviorum utili perfusu ac inundatione irrigati, unde gossypium varii coloris, & omne frumenti genus copiosè reddunt. Montana regio longo extenditur tractu: à Septentrione ad Meridiem mille circiter



circiter leucis, & aliquibus in locis minus. Sunt verò hi montes admodum frigori obnoxii, in eisque frequenter nives cadunt; nec arbores ut plurimum proferunt, unde incolæ ignem ex terra quadam ad hoc apta font. *Andes* sunt etiam montes, sed continua serie producti absque vallibus. Hi etiam à Septentrione in Meridiem porriguntur, & inter hos & alteros montes *Col-lao* Provincia clauditur, quæ sane ut plurimum montibus referta est, ac frigori subiecta, sed tamen valde populosa. Montana regio, Lævino Appollonio teste, maritimæ regioni hominum cultu, urbium frequentia, & foli aërisque beatitudine longe præstat, ac peculiari idcirco regum sede, procerumque habitaculo excoli consuevit. Nam *Chamacerasia*, & alia id genus morumetis assueta, lactucas, brassicas, raphanos magna proceritate luxuriantes, & tenuium etiam mensis vulgares, amaracum & similes herbas profert: & reliqua porro omnia, quæ postea Hispanis ferentibus accepit, uberrima referendi benignitate reddit. Verum ante alia frumentum tanta fecunditate luxuriat, ut, si vere proditur, uno ex sativo frumenti sextario, quinquaginta aut centum, ducenti interdum progignantur, quod eo certè vehementius demirari licet, quod levissimam tenuissimamque agriculturæ curam ac rationem exerceant. Auri argentique ditissima inter omnes totius Orbis regiones non immerito Peruvia censetur. Continet autem Peruvia Provincia intra suos limites plurimas urbes ac civitates, quarum præstantiores ac celebriores sunt: *Portus vetus*, *Michaelia*, *Trugillu*, Regium seu *Lima*, *Arequipa*, *Quito*, *Cusco*, *Argyropolis*, & *Potosium*. Quarum quinque priores ab Hispanis primum situs com-

moditate, & mercaturæ oportunitate allectis occupatæ sunt, & ædificiis more Europæo exornatæ. De moribus autem Peruviorum in universum Lævinus Apollonius sic scribit: Univerfi tribus potissimum gêribus distinguuntur, quarum singulæ plures sub se populos nominum rursus varietate differentes continent: hæ gentes dissimilitudine gaudent, & diversis linguis sunt discretæ: frequenter etiam limites excedentes inter se bella gerere, & ferro injurias vindicare discordes solebant, priusquam in unius *Gynacane* ditionem ad Æquatorem usque provincia cessit. Fœminis lanea vestis est ad talos usque propendens: mares indusiolum ad furas usque, & huic superjectum palliolum gestant. Quamquam verò idem fere tota regione corporibus vestimenti sit genus: capitum tamen habitus mirificè variant, cum singuli pro usitato patriæ more fasciolas tornatiles, multi simplices, plurimi versicolores gerât: nec fere sint quiquam, qui eo in capitum ornatu secundum patrium usum ab alteris non vehementer discrepent. Admirabili verò omnes natura indolis simplicitate imbuit, adhuc vetustæ ruditis hæres, qua ridiculas nobiscû negotiationes exercent: vix in exhaustas suas auri atque argenti gazas norunt, arque informibus eorum massis tantum utuntur, quanquam aureorum atque argenteorum emblematum non minore quam nos delectatione capiantur.

Chili regnum ultra Tropicum Capricorni situm est inter Peruviam & Patagonum regionem: quarum hæc Meridiem, illa Boream spectat: ad Occasum habet Mare Pacificum, longo tractu. Nomen habet à frigore: quod interdum his locis tam vehemens est, ut equos cum

Mores.

Vestitus.

Chili.

Sims.

Cæli qualitas. cum fessoribus penitus constringat, & marmoris instar induret. Pluvias, Fulminā, & totius anni mutationem sentit distinctis intervallis, haud aliter atque Europa, nisi quod illic æstas est cum nobis est hiems; mutatis rerum vicibus. Regio omnis partim maritima est, partim montana: quæ pars Mari vicinior est, ea magis calet. Terra natura sua fertilis, omniumque ad vitam necessariorum abundantissima, melle, Verzinoque sive tinctorio ligno abundat. Gignit cum primis piper longum: profert & laudatissimum vinum comportatis eo ex Hispania palmitibus. Auri obrisi hic quoque ingens proventus. Fructus qui ex Hispania allati hic feruntur, facile crescunt.

Vrbs S. Jacobi. Magna hic pecudum & struthionum frequentia. Metropolis est Civitas *S. Jacobi*, colonia Hispanorū, quam

Flumina. illuc nostra memoria duxerunt. Maritima multis fluminibus irrigantur, quæ colliquefactis diurno calore nivibus delapsa summis montium jugis, in Pacificum aut Magellanicum Æquor feruntur: sed plerique ob indomitū frigus noctu concrescunt, interdium vero decurrunt soluto gelu. Montes hujus Regionis cæteris ita præcellunt, ut in universo Indiarum tractu similes non reperiantur.

Montes.

Brasilia. Superest Terra Orientalior *Brasilia*, à Verzino, sive coccinei ligni illic enascentis copia sic dicta. Inter duos fluvios sita est, *Maragnon* & *Della Plata*. Ea sic a Masfejo describitur. *Brasilia* à duobus ab Æquatore gradibus partibusve, ad gradus quinque & quadraginta in Austrum excurrens, trigoni oblongi speciē refert, cuius basis in Æquatorem & Septentriones obversa, ab

Oriente in Occidentē rectā protenditur. Angulus extremus ignotas ad Meredem Regiones attingit. Latus in Orientem spectans, interposito Oceano Hesperiiis Æthiopibus objacet. Alterū Latus a Provincia Peruana determinant juga montium adeo celsa, ut ipsos avium volatus fatigare dicantur, uno dumtaxat, quod adhuc exploratum sit, eoque difficillimo transitu. Regio tota in primis amœna est, cœli admodum jucunda salubrisque temperies: lenium quippe à pelago ventorum commodissimi flatus matutinos vapores ac nebulas tempestivè disjiciunt, solesque purissimos ac nitidissimos reddunt. Terra partim in planitiem soluta, partim in colles clementer assurgens, felix præpinguibz glebis, & riguo solo, semperque vernante; credita femina, multiplici reddit fœnore; & Sacchari præsertim est ferax. Quadrupedia hic plurima sed ferme sylvestria, partim nota nobis, partim ignota: Avesque coloris eximii. Multæ hic Portugallensium Colonix, in quibus complura sunt ab ipsis ad Saccarum excoquendum constructa ædificia, nempe *Pernambicum*, *Caput S. Augustini*, *Portus omnium Sanctorum*, ubi Episcopalis & Præsidis totius Provinciæ Sedes. Scatet ea tota ferme plaga fontibus ac sylvis & amnibus inclytis: è quibus (ut reliquos taceam) is quem *Argenteum* vocant, leucarum quadraginta ostio in Oceanum fertur, adeo violentus, ut inde Natæ dulces hauriant latices, priusquam tellurem ex alto conspiciant. Nullos omnino Brasiliiani colunt Deos. Orientem tamen Solem venerantur, & animarum immortalitatem credunt.

Cæli temperies.

Soli fertilitas.

Animalium varietas.

Insula.

Metis.

Nnnn


Et hæc

Fretum
Magella-
nicum,
unde di-
ctum.

ET hæc de *America Meridionali*: restat paucis explicandum *Fretum Magellanicum*, vulgo *Estrecho de Magellanes*. Nomen ei a *Magellano*, cui huius Freti inventio debetur. Cujus consilium de Insulis Moluccis inveniendis navigatione Occasum versus instituta, alias diximus. Is xxiv Augusti quum primum Maris procellæ mitescere inciperent, solvit ex Sinu D. Iuliani, in quo aliquamdiu hæserat non tam fluctuum, ventorum atque hyemis, quam dissidiorum intestinorum inter Castellanos & Portugallenses tempestatibus exagitatus. Postquam aliquot dies Austrum versus navigasset, ventum est ad Promontorium S. Crucis. Hic una navis ad littus elisa est, salvis tamen vectoribus, armamentis & mercibus. Inde cum observaret littora ab Austro in Orientem paullatim deflectere, spes facta est Freti consequendi. Itaque xxvi Novembris fauces quædam detectæ sunt, quas cum quatuor navibus reliquis ingressus est *Magellanus*. Hic in Sinu quodam operiri placuit, & naves tres præmittere quæ viam tentarent, referrentque siquid visum a se observatumque esset. Harum una quæ fratrem Magellani *Alvarum Meschitam* vehebat, elapsa Oceanum repetiit, & directo in Septentrionem cursu in Æthiopiam, inde in Hispaniam delata, octavo mense post socios desertos, *Alvarum* captivum Imperatori Carolo Castellæ Regi stitit. Altera navis Sinum tantum esse retulit, & quidem vadofum. Tertia adfirmavit esse Fretum, observato fluxu maris & refluxu. Mensis erat November, nox horarum quinque præter propter. Dextralæ vaque in littore soli-

tudo, mortales nulli: nisi quod in parte sinistra conspecta magnaignium copia. Hæc causa fuit, cur & regionem illam vocarent *Terram del Fuego*, & judicarent se ab incolis esse conspectos. *Magellanus* duabus navibus hoc modo amissis, tres reliquas prout ferebat tunc rerum occasio instruxit, & lustratis probè rebus omnibus, secundo & vicesimo die postquam Fretum ingressus fuerat delatus est in aliud mare, quod à tranquillitate vocavit *Mare del Sur*. Ceterum Fretum hoc altissimis undique rupibus cinctum, cxx pass. millia in longitudine occupat: vel secundum alios Lxxvi milliaria: Latitudo non respondet, neque usquam sui similis est, aliquando duo aut tria, nonnumquam decem aut quinque milliaria patet, quaque angustissimum est, unius milliaris spatium concluditur. Ipse Septentrio ex Orientali latere inter utriusque terræ angustias per septuaginta & amplius passuum millia in vectus, australibus undis miscetur, ab Occidente promontoriis illis *desseadis* sive *desyde-ratis* insinuata, Septentrionalibus Aquis occurrunt, magnoque inter se molimine concurrentibus undis, horrendo fragore totum in spumas vertitur Mare. Placidius Austro fluit refluitque, nam Occidentis hæc pars cum incredibilis sit profunditatis, extenuatisque paucissimis littoribus majorem in modum terra sese aperiat, quietum fluitanti Mari accessum præbet. Sed Orientale huius Freti littus, vadis brevibusque infestum, interjacentibus pluribus insulis, frequentibus æstibus agitur & ingentes aquarum motus ciet: littora altissimis arboribus confita. Porro *Magellanus* dum in Australibus hisce partibus

Situr.



Septentrio.

B. Gallego

MAR DEL

Fretum Magellanicum
L'estroit de Magellanes

Entrada de S^t
Sebastian

C. de Pennas

C. de S^t Inos

NORTE

Fretum le Maire
Strait le Maire

Staten Landt
C. del Bartolome

Maugatius
Landt

Ped. Buon
Syas

f. de Goncalo

f. de S^t
Nesaneo

Barnevelds
Eylanden

C. Hoorn

Petrus Kærus Celavit

Meridies.

TIERRA DEL
FUOGO

Lectori Meo.

Descriptionem hunc novam freti
Magellanicum nobis communicavit clarissi-
mus vir Bernardus Ioannis Bren-
tensis qui novem menses in pe-
ragatione huius freti impendit.

Patagonas maiori ex parte sunt
gigante vastae magnitudinis et ad
Summum 10 pedes longi.

f. de Diego
Ramirez

Milliaria Germanica communia

Milliaria Gallica communia

5 10 15 20

MAR
DEL ZUR

NOVUM MARE

AUSTRALE





INDEX TABVLARVM,

Quæ in hoc volumine continentur.

O Rbis Terrarum.	Fol. 3	Daniæ I I. tab. Iutia Septentrionalis.	99
Europa.	7	Daniæ I I I. tab. Holfatia, ducatus.	103
Africa.	11	Daniæ I V. tab. Fionia.	107
Asia.	15	Borussia five Prussia.	111
America.	19	Livonia five Liefland.	115
Polus arcticus.	23	Russia cum Confiniis.	119
Islandia.	27	Moscovia.	123
Anglia, Scotia & Hibernia.	31	Lithuania.	127
Hibernia.	35	Transsylvania.	131
Hiberniæ II. tabula, ubi Vltonia, Comaria & Me-	39	Taurica Cherfonefus.	135
dia.	43	Hispania.	147
Hiberniæ I I I. Momonea & Lagenia.	47	Portugallia & Algarve.	151
Scotia.	51	Gallicia, Legio & Asturias de Oviedo.	154
Scotia Meridionalis.	55	Biscaia, Guipiscoa, Navarra & Asturias de Santil-	
Anglia.	59	lana.	159
Angliæ II. tab. Northu. &c.	63	Castilia Vetus & Nova.	163
Angliæ I I I. tab. Lancast. &c.	67	Andalusia & Granada.	167
Angliæ I I I I. tab. Cornubia &c.	71	Valentia, Murcia, cum Insulis Majorca, Minorca &	
Angliæ V. tab. Eboracum &c.	75	Yvica.	179
Angliæ VI. tab. w arvvicum &c.	79	Aragonia & Catalonia.	183
Angliæ VII. tab. Insulas Anglesey, weight, Carnesey,	83	Gallia.	207
& Iarlay continens.	87	Britannia & Normannia.	211
Norrvugia & Suecia.	95	Aquitannia.	215
Daniæ Regnum.		Provincia.	219
		Picardia.	223
		Francia.	

INDEX TABVLARVM,

Francia.	227	westphaliæ. I. tab.	379
Bolonia & Guines.	231	II. tab.	383
Anjou, Andegavenfis Ducatus.	235	III. tab.	387
Bituricensis Ducatus.	239	Cleve & Muers.	391
Pictaviensis Comitatus.	243	Leodiensis Dioecesis.	395
Lotharingia Septentrionalis.	247	waldeck, Comitatus.	399
Lotharingia Meridionalis.	251	Palatinatus Rheni.	403
Burgundia, Ducatus.	255	Wirtemberg, Ducatus.	407
Burgundia, Comitatus.	259	Alsatia Inferior.	411
Lugdunensis Tractus.	263	Alsatia Superior.	415
Helvetia.	267	Saxonia Inferior & Mechelenburg.	419
Zurichgou.	271	Braunsvijck & Meydburg.	423
wissispurgergovv.	275	Hassia, Landtgraviatus.	427
Lacus Lemannus.	279	Thuringia.	431
Argovv.	285	Franconia, Ducatus.	435
Germania Inferior.	304	Bavaria, Ducatus.	439
Flandria, Comitatus.	309	Palatinatus Bavariæ.	443
Brabantia, Ducatus.	313	Saxonia Superior cum Misnia & Lusatia.	447
Hollandia, Comitatus.	317	Brandeburg & Pomerania.	451
Zelandia.	322	Bohemia.	455
Gelria, Ducatus.	325	Moravia.	459
Artesia, Comitatus.	329	Austria, Archiducatus.	463
Hannonia, Comitatus.	333	Saltzburg & Carinthia.	467
Lutzenburgicus Ducatus.	337	Polonia & Silesia.	471
Frisia Occidentalis.	341	Hungaria.	475
Vltrajectum.	345	Italia.	479
Groninga, Dominium.	349	Lombardia Alpestris cum Valesia.	491
Germania.	356	Tirolensis Comitatus & Marca Tarvisina.	495
Embsen & Oldenborch.	375	Pedemontium cum Genuensium Territorio & Montiferrati	
		Nnnn iij	

autem *Lombardia* appellatur: & *Belgarum* magna pars hodie Germaniæ adscribitur, quæ ex *Cesaris*, & *Ptolemai*, veterumque omnium descriptione ad Galliam pertinebat: Galliam enim *Transalpinam* quam *Plin. Comatam*; *Ptolemeus* *Celtogalliam* vocat, in tres partes dividere, *Celticam*, *Belgicam*, & *Narbonensem*: *Ptolemeus* in quatuor, *Aquitaniam*, *Lugdunensem*, quæ eadem est cum *Cesaris* *Celtica*, *Belgicam* & *Narbonensem*: Definiverunt eam *Pyrenæis* montibus, *Rheno*, *Oceano* & *Alpium* jugis: quum hodie quicquid à *Caletto* Orientem versus spectat, non Gallia sed Germaniæ adenseatur, & *Rheni* utramque ripam *Germani* latè sibi vindicent. Urbes præcipuæ sunt *Lutetia Parisorum*, *Masilia*, *Narbona*, *Lugdunum*, *Pictavium*, *Burdigala*, *Neomagus*, *Iuliomagus*, *Aurelia*, *Rothomagus*, *Rupella*, aliæque plurimæ, de quibus in particularibus descriptionibus fufius. Lacubus non caret Gallia. Inter eos principis loci qui *Latinis* *Lemanus*: plerisque Gallia lacus habitus. De quo cum peculiarem in hoc volumine *Tabulam* habeat, plura hic non addam, eò *Lectorem* remittens. *Quarta* ab oppido *Arverniæ* *Beisso* milliaris parte mons est, inque eo lacus latè se extendens: tam altus, ut fundo existimetur carere. Nulla in eum, quod quidem intuentium oculis patere potest, influit aqua. Si quis quid in eum projiciat, tonitrua dicitur mox auditurus, fulgetra visurus, pluviam & grandinem habiturus. Haud procul inde crypta est, cujus os rotundum, vulgo *Creux de Soulcis*: & abyssus, cujus profunditas explorari nequit: & huic si quis injecto lapide aurem admoveat, murmur percepturus auribus perhibetur ingens & mirabilem strepitum, tonitruo ex remotioribus venienti locis non absolum. *Æstivis* mensibus etsi nihil injiciatur, strepitus tamen in cavitatibus intelligitur. Putantur inesse ven-

ti, inter se quasi belligerantes. *Abiracini* vel *Avitaci*, cui ab avito nomen, locus in *Arvernia* apud *Claromontem*, tam graphica est apud *Sidonium* lib. 11 *Epist.* 11 reique conveniens descriptio, ut hodie primum delineata videatur, quæ dexter, quæ lævus. De *Rubreso Lacu* legendus *Pomponius Mela* lib. 11 cap. quo Gallia *Narbonensis* depingitur. *Plin.* *Rubensem* nominat. *Ἰσπὴν Ναρβωνίτις* *Straboni* & *Stephano*. Latatur etiam Gallia fluminibus, quæ magna, quæ parva, innumeris. Nominat simul fluvios non paucos *Ausonius* *Eidyllio* 111, ubi de *Mosella*.

Non tibi se *Liger* anteferet, non *Axonæ* præceps,
Matrona non, Gallis, Belgisque inter sita fines;
Santonico refluxus non ipse Carantonus æstu
Amnis, & auriferum postponet Gallia Tarnem:
Insanumque ruens per saxa rotantia late
In mare purpureum, domina tamen ante *Mosellæ*
Numine adorato, Tarbellius ibit Aturnus.

Et paulo post:

Te *Druna*, te sparsis incerta *Druentia* ripis,
Alpinique colent fluvii, duplicemque per urbem
Qui meat, & dextra *Rodanus* dat nomina ripæ:
Te stagnis ego caruleis, magnumque sonoris
Annibus, æquorea te commendabo *Garumna*.

Primum

Primum autem inter fluvios agmen ducunt, *Sequana*, *Ligeris*, *Garumna*, *Rodanus*. Qui *Sequana* Latinis, *Σηκῶνα* *Ptolemao*, *Σηκῶν* *Straboni*, *Σηκόων* *Stephano*, *Siban* *Benjamino*, *Seyne* vulgo. Oritur in Burgundiæ Duc. in Alferi regione paullo amplius leuca versus Septentrionem à Burgo, qui S. Sequano facer; duobus rivulis, quos inter pagi jacent *Billy* & *Perriere*. Lustratis sectisque cum aliis, tum *Lutetia Parisiorum*, cui nobilissimam facit *Insulam*, *Rotomagoque*, Mare Britannicum vel *Normanicum* ostio fatis lato irrumpit: Æstuarium ibi satis est navigantibus periculosum: ideoque providè magna; sollicitudine adeundum. Normannis vulgo vocatur *la Bære*. *Sequana* enim mare ingressus repente contra fluviorum cæterorum naturam refluit, horrendo sonitu ascendens ad hastæ longioris altitudinem: unde inexpectata solent hic negligentibus & incuriosis oriri discrimina. Currès *Sequana* fluvios suscipit varios, in quibus nobiliores cæteris, Antiquis etiã noti *Matrona*, vulgo *Marne*, *Esia*, *Oyse* vel *Ayse* vulgo, *Axona*, vulgo *Ayne*, *Aisne* vel *Esne*. *Ligerim* secundo loco nominavi, ab *Cæsare* aliisque nobilitatum: *λίγερ* (vel ut in aliis codicibus melius, *λίγρις*) & *λείρης* *Strab. lib. iv* & *Ptol.* Hodie *Loire* & *Leire*. Caput ejus in pago *Velauno*: Locus vulgo *la Font de leire*. Amplior est reliquis, ut merito *Pater Gallie Fluviorum* audiat: aquæ limpidissimæ. Facto inter varios populos (Celtas ab Aquitanis olim ex *Strabonis* notatione dividebat) procurfu, exonerat se in Oceanum occidentalem, inter *Nannetes* & *Pictones* ostio quatuor fere leucas amplo, pulvillis aliquot infesto: interius ad duas cum semi leucas rupes sunt, quibus à Porcis cognomen. Ingentes & navigiorum patientes excipit Fluvios non paucos: *Elaver* vulgo *Allier*:

Carum nunc *Cher*: *Vigennam*, hodie *Vienne*, *Viane* & *Vignane*: *Meduanam*, hodie *Mayne*: & alios. *Garumna* sequitur, *Cæsari* Gallos ab Aquitanis disjungens: *Straboni* lib. iv *Γαργυνᾶς*, *Ptolemao* *Γάργυνα*: *Garonna* *Frontino*: quod nomen integrum hodieque retinet à capite ad *Blaviam* Castrum, ubi lingua Romana incipit. Nam inde *Geronde* & *Gironde* dicitur. *Gerumnam* etiam vocat *Guilielmus Brito* in sua *Philippeide*. Oritur ex *Pyrenæis* haud procul oppido, quod vulgo *Guadalup*. Hic hodie perlustratis cum aliis, tum *Tolosa* & *Burdigala*, Mari se miscet *Aquitanico*, duarum fere leucarum ostio: quod intrantibus occurrunt scopuli, quibus ab *Afellis* cognomen, septentrionalior *Nautis Belgis* *Noorder-Ezel*, australior *Suyder-Efel*, *Pharum* vel præaltam sustinens turrim, quæ vulgo *la Tour Cordan*. Excipit navigeros fluvios *Tarnim*, *lo Tarn* vulgo: *Gallicè le Tar*: *Egercium*, *Vasconibus* hodie *Gers*: *Oldum*, *Arvernatis* & *Montanis* *Cadurcis* *Ooldt*, vel cum articulo *l'Old*, *l'Oolt*: *Durantium*, hodie *la Dordogne*, & alibi *Dordonne*, & alios. Ultimum *Rodano* dedi locum. Fluvius hic *Scriptoribus* omnibus & *Græcis* quibus *Ρόδανος*, & *Latinis* notissimus. In universum *Gallis* nuncupatur *le Rosne*: sed indigenis *lo Ros*: *Eridanum* nominant *Oppianus* in *Halieuticis* lib. iv, & *Philostratus* in *Vitis Sophistarum*. *Plinius* ab *Roda*, *Rhodiorum* in illo tractu *Colonia* nomen impositum scribit. Oritur haud procul *Danubii*, *Reni*, *Arolæ*, *Ticini* aliorumque fontibus, prope montem, qui vulgo *Briga*. Lacum *Lemannum* apud pagum *Novam-Villam* (*Neuf-Ville*) ingressus, servato fere colore permeat, & ad *Genevensum* oppidum egressus, rapido cursu pergens in mare *Mediterraneum* erumpit, septem ostiis, ut scribit *Apollonius* in *Argonauticis*: quinque, ut *Diodorus* &

Nos 1238.269

10

10

10

10

34